

გენრიკ სენკევიჩი

სენსევიჩი ჯე მანსევიჩი

თარგმანი

გრ. ეიფუშისა



ბუილისი 1897 წ.

სტამბა წიგნების გამომცემელ ქართველთა ამხანაგობისა.

Дозволено цензурою. Тифлисъ, 3 октября 1896 г.

სეხსლითა და მახვილითა

რომანი

გენრად სენკევიჩისა

ნ ა ვ ი ლ ი კ ი რ ვ ე ლ ი

ⓘ

1647 წელიწადი უცნაური წელიწადი იყო. საკვირველნი მოვლენანი ცასა და დედა-მიწაზედ რაღაც დიდს უბედურებას და არა-ჩვეულებრივს ამბავს მოასწავებდა.

მაშინდელნი მემატიანენი იხსენიებენ, რომ გაზაფხულზედ უდაბურს ყრუ მინდვრებში მრავლისაგან-მრავალი კალია გაჩნდა და სულ მოსძოვა ნათესებიო; ასე იყო ყოველთვის თათართა შემოსევის წინადაო. ზაფხულში მზე დაბნელდა და მას შემდეგ მალე კუდიანი ვარსკვლავი გამოჩნდა. ვარშავაში, ზედ ქალაქის თავზედ იხილვებოდა ღრუბლებში ცეცხლის კუბო და ჯვარი; მცხოვრებნი მარხულობდნენ და არიგებდნენ მოწყალებასა; ამბობდნენ, რომ ჭირი ეწვევა ქვეყანას და გასწყვეტავს კაცთა ნათესავსაო. დასასრულ, ისეთი თბილი ზამთარი დადგა, რომლისთანაც მოხუცთაც კი არ ახსოვდათ. სამხრეთს სამოურავოებში წყლები არ გაჰყინა; თოვლი სწრაფად ჰდნებოდა, მდინარენი აღიდდა და მოედვა ნაპირებს. წვიმა ხშირად მოდიოდა. მინდვრები ერთ უშველებელ ქაობად გადაიქცა; მზე ისე იკბინებოდა შუადღისას, რომ—მეტეი სასწაული რაღა იქნებოდა—ბრაცლავის სამოურავოში და ყრუ მინდვრებზედ დეკემბრის ნახევარში ბალახმა მწვანედ დაიწყო ბიბინი. ფუტკრის

გუნდნი ბზუოდნენ საფუტკრეებს ახლო, საქონელი ზმუადა
 ბოსლებში. როცა ამ სახით ბუნება თითქო სრულიად შეიც-
 ვალაო, რუსეთის მკვიდრნი არა-ჩვეულებრივ ამბავთა მოლო-
 დინში იყვნენ და მოუსვენრობით გაიქვირებოდნენ ყრუ მინ-
 დვრებისაკენ. შიში იქადან უფრო იყომოსალოდნელი, ვიდრე
 საიდანმე სხვა მხრიდან.

მინდვრებში კი იმ დროს საიმისო არა მომხდარა-რა, არც
 ომი და ბრძოლა, არც ხელ-ჩართული ჩეხა-ჟოტა, არაფერი
 იმისთანა, რაც ხშირი ამბავი იყო იქ და რაც კარგად იცო-
 დნენ მხოლოდ არწივებმა, ყვავ-ყორნებმა და მინდვრის ნადი-
 რებმა.

ასეთი იყო ეს მინდვრები. კვალი მოსახლობისა და ბინა-
 დრობისა თავებოდა სამხრეთად, ჩაგირინს ცოტა ქვემოდ, დნე-
 პრის მხრით და უმანს ქვემოდ, დნესტრის მახლობლად. ქვემო-
 და და ქვემოდ, ზღვის ყურეებისა და თვით ზღვისკენ გაქიმუ-
 ლი იყომინდორი, დაუსრულებელი, ავალ-გაღუწვდენელი, რო-
 მელსაც, თითქო ბუმბერაზთა მკლავები შემოჰხვევიაო, აქეთ-
 იქიდან ჩაუდოდა ორი მდინარე. დნეპრის შესართავს ახლო,
 დაბლობში, ქარომებს ქვემოდ, ჯერ კიდევ ყაზახთა ცხოვრე-
 ბა სდუღდა, გარნა ავით მინდვრებში არავინ არა სცხოვრობ-
 და და მხოლოდ მდინარის პირას აქა-იქ მოსჩანდა პატარ-პა-
 ტარა „გორები“, თითქო კუნძულებია ზღვაშიო. ეს ადგილ-მა-
 მული სახელით პოლონეთის კუთვნილება იყო. რესპუბლიკა
 ნებას აძლევდა თათრებს ეძოვებინათ იქ თავიანთი საქონელი,
 მაგრამ რადგან ამ უდაბურს ადგილებს თვალ ყურს უკდებდნენ
 ყაზახნი, ამიტომ ამ საძოვარ ადგილებში ხშირად იმართებოდა
 დიდი ომი და ბრძოლაცა.

არავის არ დაუთვლია, არავის არ ახსოვს, რამდენი ომი
 იქმნა იქ გადახდილი, რამდენმა კაცმა გასწირა იქ თავი. მხო-
 ლოდ არწივნი, ქორნი და ყვავ-ყორანნი ჰხედავდნენ ყოველ-
 სავე და ვისაც შემოესმოდა შორიდან ფრთების ბარტყუნნი და
 ყრანტალი, ვინც დაინახავდა ფრინველთა გუნდს, რომელიც
 დასტრიალებდა ერთსა და იმავე ადგილს, იმან უკვე იცოდა,

რომ იქ კაცთა მძოვრი ჰყრია, ან დაუმარხავი ძვლებია მოფანტულიო... მკერდამდე ბალახში ისე ნადირობდნენ კაცებზედ, როგორც მგლებზედ. ნადირობდა ყველა, ვისაც სურვილი ჰქონდა ნადირობისა. ვისაც კანონი სდევნიდა, იმ ყრუ მინდვრებში იმალებოდა; მწყემსი შეიარაღებული იყო და ისე აძოვებდა თავისს საქონელს; რაინდი იქ ეძებდა შემთხვევას თავის გამოჩენისათვის, ავაზაკი დავლას ეძებდა, ყაზახი—თათარსა, თათარი—ყაზახსა. ეს ამოდენა უდაბნო კარიელიც იყო და სავსეც ერთსა და იმავე დროს, ჩუმცა და მგრგვინავიცა, მშვიდობიანიცა და საფრებით სავსეცა; ყრუ იყო და ველური, იმიტომ რომ გარშემო ყრუ და ტრიალი მინდვრები გადაჭიმულიყო, იმიტომ რომ ველური და ბოროტი კაცი ამ მინდვრებს აფარებდა თავს.

ხან-და-ხან იქ დიდი ომი გაიმართებოდა ხოლმე. მაშინ თითქო ზღვის ტალღებიაო, ისე მისცურავდა ამ მინდორში თათრების რაზმები, ყაზახთა მხედრობა, პალონელთა და ვლახელთა ჯარები; დამე ცხენთა ქიხენი ბანს ეუბნებოდა მგელთა ყმუილსა, ხმა სპილენძის საყვირთა სწვდებოდა ოვიდიის ტბასა და ზღვასაც კი. რესპუბლიკის სამზღვრებს იცავდა კამენციდან დნებრამდე სტანიცები და „გორები“. თუ უდაბნო უნდა გაცოცხლებულიყო და მის გზებს მოსდებოდა ბრბო განადირებულ ცხენოსანთა, ამისი შეტყობა იმითი შეიძლებოდა, რომ აუარებელნი გუნდნი ფრინველთა, თათრების რაზმებისაგან დამფრთხალნი, მიფრინავდნენ ჩრდილოეთად. ხოლო თათარი, საიდანაც უნდა დაბრუნებულიყო, შავის ტყიდანა თუ ვლახეთის მხრიდან, მოჰყვებოდა ფრინველთ კვალს და მათთან ერთად შეჩერდებოდა ბრაცლავის სამოურავოში.

ამ ზამთარს კი ფრინველნი რესპუბლიკას არ ეტანებოდნენ ჩვეულებრივის ჟივილ-ხივალით. უდაბნო უფრო დაწყნარებული იყო, ვიდრე სხვა დროსა ყოფილა როდისმე. იმ დროს, როცა ჩვენი მოთხოვნა იწყება, მზე ჩასავალს იყო და თვისის მოწითანო სხივებით აშუქებდა სრულიად უდაბურს მიდამოს. ყრუ მინდორის ჩრდილო სამზღვრებზედ, ომელნიჩკის ნაპირად, თვით

მის შესართავამდე კაცი ერთს ცოცხალს არსებას ვერ დაინახავდა, რაც უნდა შორს-მხედველი ყოფილიყო. გამხმარი ნარეკალა უძრავად იდგა. აგერ მზე ნახევრად დაიმალა ცის დასავალს იქით, ცა ჩამობნელდა და მინდორიც ნელ-ნელა მოიცივასიბნელემ. მარცხენა ნაპირზედ პატარა გორაკი იყო, რომელიც მინდვრის საფლავს უფრო ჰგენდა, ვიდრე სერს და ამ გორაკზედ სჩანდა კვალი ქვითკირის სიმაგრისა; ეს სიმაგრე აეგო ოდესმე თეოდორიკე ბუჩაკის, ხოლო თათრებს დაექციათ. სიმაგრის ნანგრევთაგან ჩრდილი გრძლად იყო გაწოლილი. შორს კრიალი გაჰქონდა ომელნიჩკის წყალს, რომელსაც არემარე ხელთ ეჭირა და სწორედ ამ ადგილას უხვევდა დნებრისაკენ. სინათლე კი თან და თან ჰქრებოდა ცაზედაცა და დედამიწაზედაც. გარშემო შეურყეველი ღუმილი იყო, მხოლოდ ზემოდან ისმოდა ყვირილი წეროებისა, რომლებიც ზღვისაკენ მიჰფრინავდნენ.

უღაბნოში გამეფდა ღამე და დადგა დროც სულთა მოვლინებისა. რაინდნი, რომელნიც ფხიზლობდნენ სტანიცებში, ამბობდნენ, რომ ღამღამობით ყრუ მინდვრებში წამოდგებიან ხოლმე ძვალნი მკვდართა, თუ სიკვდილს მოუსწვრია მათთვის უცბად და ცოდვა ვერ მოუწანებიათო, წამოდგებიან, დააბმენ ფერხულს და ველარც ჯვარი, ველარც ეკლესია ველარ დაუშლის ფერხულის თამაშობასაო. და აი, როცა მზე ჩავიდოდა, სტანიცების მკვიდრნი კრძალვითა და მოწიწებით ლოცულობდნენ მიცვალებულთათვის. ამბობდნენ აგრედვე, რომ მგზავრებს ხშირად მოველინებიან ხოლმე მხედართა აჩრდილნი და ეხვეწებიან, ილოცეთ ჩვენთვის და მოგვიხსენიეთო. ხან-და-ხან მავნენიც შეჰხვდებოდნენ ხოლმე და ყმუილით დაედევნებოდნენ. გამოცდილი ყური ადვილად გაარჩევდა მგლის ყმუილს მავნეს ბლუილისაგან. ათასში ერთხელ უნახავთ აჩრდილნიც მთელის ჯარისა, რომელნიც ისე მოახლოვებიან სტანიცებს, რომ ყარაულებს განგაშის კვრა დაუწყვიათ. ამისთანა ამბავი იმას მოასწავებდა, რომ ომი მალე იქნებაო. თვითუელის აჩრდილის შეხვედრაც კეთილად არა ჰქონდათ დაცდილი, მაგრამ ეს ყო-

ველთვის ასე არ იყო. ხან-და-ხან ცოცხალი კაცი მოეჩვენებოდა ხოლმე მოგზაურს და ისევე ჰქრებოდა, როგორც აჩრდილი; ამიტომ შესაძლოა იყო, რომ ის კაცი სული იყო და არა ხორც-შესხმული.

რაკი შემოღამდა და სიბნელემ მოიცვა ომელნიჩკის არემარე, რაღა გასაკვირველია, რომ დაქცეულ სტანიცის ახლო გამოჩნდა სული ანუ კაცი. ისე ამოცურდა მთვარე დნებრიდან, თითქო შიგ იყო ჩამალულიო. მისი ვერცხლას ფერი სხივები მოეფინა უდაბნოს, გააკაშკაშა ნარ-ეკალას ღეროები და თვალ-გადუწვდენელი სივრცე ტრიალ მინდვრებისა. ამ დროს ქვემოდ, მინდორში ახლა სხვა სანახავი გამოჩნდა. სწრაფად მიშავალი ღრუბლები წამ-და-უწუმ აბნელებდა მთვარეს, სანახავნი ხან ცხადად გამოერკვეოდა, ხან ჩრდილში მიიმალებოდა; ხან სულ გაჰქრებოდა, თითქო ჩრდილმა შთანთქაო. სანახავნი უახლოვდებოდნენ ამაღლებულს ადგილს, რომელზედაც იდგა პირველი მხედარი; ისე უახლოვდებოდნენ, თითქო ეპარებინაო ჩუმად, ფრთხილად, ნელ-ნელა; ყოველ ნაბიჯის გადადგმაზედ ჩერდებოდნენ, თითქო ისვენებენო.

იმათს მოძრაობას რაღაც მუქარა ეტყობოდა, სწორედ ისე, როგორც თვით მინდორს, თვალად ისე დამშვიდებულს. დნებრიდან ათასში ერთხელ ქარი მოგრიალდებოდა და ასტეხდა გულ-საკლავს ზუზუნს ნარ-ეკალას გამხმარ ტოტებ შორის, რომელიც ძირს ეკრავდა და თრთავდა, თითქო შიშითა კანკალებსო. ბოლოს, აჩრდილნი გაჰქრნენ, ნანგრევებში მიიმალ-მოიმალნენ. მთვარის მკრთალს უქუზედ სჩანდა ჩრდილი მხოლოდ ერთის ცხენოსანისა, რომელიც მაღლობზედ იდგა. აი რაღამაც დაიშრიალა და მიიქცია მისი ყურადღება. მიუახლოვდა გორის პირსა და გულ-მოდკინედ დაიწყა ყურება მინდვრისაკენ. ქარი ჩადგა და აღარ აშრიალებდა ნარ-ეკალას ფოთლებს. ჩამოვარდა მყუდროება და ღუმილი.

უცებ მოისმა უსიამოვნო სტვენა, გავარდა თოფები, ფალიების ცეცხლმა გაიელვა ღამის სიბნელეში:— „აღლაჰ, აღლაჰ! იესო! შეგვეწიეთ“!— ისმოდა ძახილი აქეთ-იქიდან. ცხენ-

თა დგრიალი და რკინის ჯახა-ჯუხი ერთმანეთში აირია. აი გაჩნდნენ უცბად სხვა ცხენოსანნი კიდევ, თითქო მიწიდან ამოძვრნენო. კაცს ეგონებოდა, რაღაც გრიგალმა გაღირბინა ამ ჯოჯოხეთს უდაბნოზედაო. აი ისმის კენესა ვილაცებისა... თანდათან სუსტდება ხმა, ძლივს-ლა ისმის გმინვა... ქარი ჩადგა, ბრძოლა გათავდა.

ცხადია, ყრუ მინდვრებში ერთი იმისთანა ამბავი მოხდა, რომელიც ისე ხშირი იყო ხოლმე იქ.

ცხენოსანნი შეგგუფდნენ გორაზედ, ხოლო ცხენებიდან კი არ ჩამოხდნენ და დაშტერებით დაუწყეს რაღასაც ყურება-

— აბა, გაჰკარით ტალ-კვესი და დაანთეთ ცეცხლი!— გაისმა სიბნელეში ვილასიც ძლიერი, ბრძანებინ ხმა.

საჩქაროზედ დააკვესეს ტალკვესი და დაიწყა ცვენა ნაპერწკლებმა, ერთს წუთს შემდეგ გაჩაღდა ცეცხლიცა. ვანც ყრუ მინდვრებში დადიოდა, თან დაჰქონდა მუდამ მცირეოდენი ხმელი ლელი და ფიჩხი.

ცეცხლზედ ქვაბი შემოსდგეს; აღმა გაანათა რამდენიმე კაცი, რომელნიც წახრილიყვნენ და დასცქეროდნენ მიწაზედ უძრავად მდებარე ვილაც კაცს. ეს ხალხი ჯარის-კაცნი იყვნენ; ტანთ ეცვათ წითელი ტანისამოსი სამეფო კარისა და მგლის ტყავის ქუდები ეხურათ. ერთი მათგანი კარგი ჯიშის ცხენზედ იჯდა და, როგორც ეტყობოდა, ჰწინამძღვრობდა დანარჩენთ. ჩამოხდა ცხენიდან, მიუახლოვდა უძრავად მდებარე კაცს და იკითხა:

— ცოცხალია, თუ არა, ვახმისტრო?

— ცოცხალია, ბატონო დესპანო, მაგრამ ხრიალებს, კინალამ არ დაარჩო ქამანდმა.

— ვინ არის, რა კაცია?

— თათარს არა ჰგავს; რიგიანი უნდა იყოს.

— მადლობა ღმერთს, სიკვდილს გადაჩენილა.

დესპანმა ყურადღებით დაჰხედა მიწაზედ განრთხობილსა.

— გეტმანსა ჰგავსო თითქო,—სთქვა მან.

— ცხენიც თითქო თათრული ჰყავს, მგონია ყვენსაც აღარ ჰყავდეს მაგისთანა,—განაგრძო ვახმისტრმა.—ავერა აიქ უჭირავთ.

პარუჩიკმა შეიხედა იქით, საითაც ანიშნეს და სახე გაუბრწყინდა. ორი კაცი ძლივს იმაგრებდა ჩინებულს მერანს, რომელსაც დაჰკეროდა ნესტოები. ცხენი გაკვირვებულის თვალეზით დასცქეროდა თავისს ბატონს.

— ცხენი ხომ ჩვენი იქნება, ბატონო დესპანო?— შეეკითხა თითქო ვახშისტრი.

— მერე, შე ძაღლო, ქრისტიანს კაცს ცხენი უნდა წაართვა და ისე დასტოვო ამ ტრიალს მინდორში?

— ეგ ხომ ჩვენი დავლაა, ალაფ...

ქამანდ-ნაკრავის ძლიერმა ხრიალმა გააწყვეტინა სიტყვა ვახშისტრსა.

— პატარა არაყი ჩაასხით პირში,— ბრძანა დესპანმა,— და შეჰხსენით ქამარი.

— მაშ აქა ვრჩებით ამაღამა?

— აქა ვრჩებით. მოჰხსენით იარაღი ცხენებსა და თიჩხი მიუმატეთ ცეცხლსა.

ჯარის-კაცნი საჩქაროდ შეუდგნენ საქმესა. ზოგმა ცოცხალ-მკვდარს კაცს დაუწყო ხეხა ტანისა, ზოგი ლელისა და კაქაქის მოსატანად წავიდა, ზოგი აქლემისა და დათვის ტყავების შლას შეუდგა.

ბატონმა დესპანმა ყური აღარ უგდო ქამანდ-ნაკრავს კაცს, შემოიხსნა ქამარი და ცეცხლა პირას წამოწვა ნაბაღზედ. დესპანი ჯერ ისევ ყმაწვილი კაცი იყო, პირ-ხმელი, შაფერემანი, ძალიან ლამაზი და ისეთი ცხვირი ჰქონდა, თითქო არწივიაო. თვალეზზედ ეტყობოდა, რომ ძალიან გამბედავი უნდა ყოფილიყო. მხოლოდ სახის საზოგადო მეტყველება აზომიერებდა ცოტაოდნად მის თავ-დაუთკავებელს გულადობას. სქელი უღვაშები და დიდი ხნის მოუპარსავი წვერები ისეთს დარბაისლობის იერსა სდებდა, რომელიც არ შეეფერებოდა მის ახალგაზღობას.

ამასობაში ორი ყმაწვილი მხლებელი ვახშმის მომზადებას შეუდგა. რამდენიმე ნაჭერი ცხვრის ხორცისა უკვე იწვოდა ცეცხლზედ; რამდენიმე გზაში მოკლული საგათი და სხვა ნაწადირევის ხორცი უცდიდა თავისს რიგს. ცეცხლს დაღდადი

გაჰქონდა და საკმაოდ შორს აშუქებდა არე-მარეს. ქამანდ-ნაკრავი ნელ-ნელა გონს მოდიოდა.

ჯერ მიიხედ-მოიხედა გარშემო დასისხლიანებული თვალებითა და დაშტერებით დაუწყო ცქერა ყველას, ვინც გარს ეხვია, და მერე წამოდგომა სცადა. ის ჯარის-კაცი, რომელიც დესპანს ელაპარაკებოდა, შეუჯდა მხრებში და წამოაყენა პატარაზედ; მეორემ შუბ-ნაჯახი მიაწოდა ზედ დასაყრდნობად. სახე ჯერ ისევ გაწითლებული ჰქონდა, ძარღვები სისხლით დატენილი. ბოლოს ყრუდა სთქვა, როგორც იყო, ხრინწიანის ხმით:

— წყალი!

მიუტანეს არაყი და ორიოდე ყლუპი დალია. არაყმა ნამდვილად უშველა, იმიტომ რომ დაღვევის შემდეგ უფრო წმინდა ხმით იკითხა:

— ვის ხელში ვარ ნეტა ახლა?

უფროსი წამოდგა და მიუახლოვდა.

— იმათ ხელში ხარ, ვინც სიკვდილს გადაგარჩინეს.

— მაშ, თქვენ არა მკარით ქამანდი?

— ჩვენი იარაღი ხმალია და არა ქამანდი! თქვენის ექვიანობით შეურაცხყოფას აყენებთ პატიოსან მხედართა. ვილაც თათრულად ჩაცმულს წუწყებს დაეკირეთ. თუ გსურთ, შეგიძლიანთ თქვენის თვალითა ჰნახოთ ისინი: აგერა ჰყრიან ყველანი, ცხვრებივით ყელ-გამოჰკრილნი.

დესპანმა ხელით ანიშნა სერის ძირისაკენ, საცა რამდენიმე გვაძი ეგდო.

— ნება მიბოძეთ, დავისვენო,—სთქვა უცნობმა.

მოუტანეს მოთელილი ნაბდის უნაგირი. არსებაში მოსული კაცი ჩამოჯდა ზედ და მღუმარებდა.

ჯანითა და ღონით სავსე ვაჟკაცი იყო, შუა ტანისა, მხარბეჭიანი, ფრიად შედგმული და ბრგე, საკვირველის სახისა. თავი უშველებელი ჰქონდა, სახე მზისა და ქარისაგან დამწვარდაშუშებული, თვალები შავი და ცოტა ელამი, თითქო თათარიო, ხოლო ტუჩებზედ წმინდა უღვაშები შნოიანად გადაჰფენოდა და აქეთ-იქით, თითქო ფუნჯებიო, ისე დაჰკიდებოდა. სახეზედ გუ-

ლაღობა და სიამაყე ეტყობოდა. ერთსა და იმავე ღროს კიდევ იზიდავდა კაცსა და კიდევ იშორებდა; თავი ისე ღირსეულად და ამაყად ეჭირა, როგორც გეტმანს შეეფერება, თან თათრის ცბიერობა ემჩნეოდა; გულ-კეთილსაცა ჰგვანდა და ნადირ-კაცსაცა.

პატარა ხანს დაისვენა უნაგირზედ, წამოდგა და იმის მაგიერ, რომ მადლობა გადაეხანდა სიკვდილისაგან გადარჩენისათვის, წავიდა მოკლულთა დასათვალიერებლად.

— ტეტია! — წაიბუტბუტა დესპანმა.

ამასობაში უცნობი გულ-მოდგინედ ათვალიერებდა მოკლულთა სახეს, აქნედა თავს ისე, ვითომ ყოველივე გავიგე და ვიციო, მერე გაეშართა დესპანისაკენ და თან ქამარს ეძებდა; ცხადი იყო, დოინჯის შემოყრა უნდოდა და ხელი უნდა გაეშაგრებინა შიგა.

ახალგაზდა დესპანს არ მოეწონა ასეთი გულ-ზვიადობა იმ კაცისა, რომელიც ის-ის იყო სიკვდილს გადაარჩინეს.

— ისე ეგონებოდა ვისმე, — სთქვა მან დაცინვით, — რომ იმ ავაზაკთა შორის თქვენს ნაცნობს ეძებდით, ან არა და ლოცულობდით მათის სულისათვის.

უცნობმა შახი არ გაიტეხა და უპასუხა:

— თქვენი სიტყვა შეცდომაა და არც შეცდომაა: შეცდომა არ არის, იმიტომ რომ ნაცნობებს ვეძებდი; შეცდომა იმიტომ, რომ ავაზაკები უწოდდით. ეგენი არიან მხლებელნი ერთის აზნაურ-მვილისა, ჩემის მეზობლისა.

— კარგი მეგობრობა გქონიათ მაშ იმ თქვენს მეზობელთან. უცნაურმა ღიმილმა გადურბინა უცნობს გალეულს ტუჩებზედ.

— ეგ სიტყვაც შეცდომაა, — წაიტუტუნა დავალებულმა. — მაგრამ მომიტყევეთ, — დაუმატა პატარა ხანს უკან, — რომ უპირველეს ყოვლისა მადლობა არ გადაგიხადეთ შემწეობისათვის, რომელმაც აუცილებელს სიკვდილს გადაგიარჩინა. თქვენმა ვაჟკაცობამ გააუქმა ცუდი ბოლო ჩემის გაუფრთხილებლობისა, რადგან ჩემს მხლებელთ დავშორდი, მაგრამ ჩემი მადლობა, მაინცა და მაინც, შეეწონება იმ სიკეთეს, რომელიც მე თქვენ გამიწიეთ.

უცნობმა ხელი გაუწოდა დესპანსა.

გარნა თავმომწონე დესპანი არა ჩქარობდა და ჯერ ხელი არ გაუწოდა. ფეხი არ დასძრა მან თავის ადგილიდან და მხოლოდ ესა ჰკითხა:

— ჯერ ის მინდა ვუცოდე, კეთილ-შობილთანა მაქვს საქმე თუ არა. თუმცა დარწმუნებული ვარ, რომ კეთილ-შობილთა ბრძანდებით, მაინც უცნობის კაცისაგან მადლობის მიღება არ შემეფერება.

— გატყობთ, რომ რაინდი კაცი ბრძანებულხართ, მართალსა ბრძანებთ. მადლობის თქმა იმითი უნდა დამეწყუო, რომ უნდა მეთქვა, ვინცა ვარ. მე გახლავარ ზინოვი აბდანიკი, აბდანიკისავე ღერბისა, ჯვარ-შემოსილი, კიევის სამოურავოს აზნაურშვილი და პოლკოვნიკი თავადის დომინიკ ზასლავსკის ყაზახთა დროშისა.

— მე იან სქშეტუსკი ვახლავართ, დესპანი თავად ერემიავისნევეცკის ჩაჩქანოსანთა დროშისა.

— სახელოვანი უფროსი გყოლიათ!.. მიიღეთ მაშ ახლა ჩემი მადლობა და ჩემი ხელი.

დესპანმა ახლა კი დაანება თავი ტოკვა-ყოყმანსა. ჩვეულებრივ ჩაჩქანოსანნი სხვა დროშის მხედართ თავგამოდებით ექცეოდნენ, მაგრამ პან სქშეტუსკი ახლა ტრიალ მინდორზედ იყო, ყრუ უდაბნოში, საცა ამისთანა განსხვავებას ყურადღებას ვერ მიაქცევდა. ამას გარდა, მის წინ იდგა პოლკოვნიკი, რასაც ეჭვი არა ჰქონდა, მეტადრე მაშინ, როცა ჯარის-კაცებმა ზოუტანეს ქმარი და ხმალი პან აბდანიკისა და მათთან ერთად მიართვეს მოკლე ძლიის-ტარა კომბალი, ანუ გოგუთი, რომელსაც ჰხმარობენ ჩვეულებრივ ყაზახთა პოლკოვნიკები. ამასთანავე პან აბდანიკს სრულად რიგიანი ტანისამოსი ეცვა, ხოლო წესიერ-მოხდენილი სიტყვა-პასუხი ამტკიცებდა, რომ მარჯვე გონების პატრონი იყო და ქვეყანასაც კარგად იცნობდა.

პან სქშეტუსკიმ ვახშამზედ დაიწვია პან აბდანიკი. იქვე ცუცხლიდან მადის მომგვრელი სუნი მოდიოდა მწვადისა. ახალგაზდა მხლებელმა მოიტანა ცხელ-ცხელი ჩხბრაკული ხორცი

ცხვრისა და საკმაოდ მოზდილი ტიკქორა მოლდავეურის ღვი-
ნით სავსე. თან და თან შეზარხოშდნენ და უფრო გაცხოვე-
ლებული ლაპარაკი შეექნათ.

— მშვიდობით მაინც მივიდე სახლში!—სთქვა სქშეტუს-
კიმ.

— საიდან მობრძანდებით, ნება მიბოძეთ გავიგო?—ჰკით-
ხა აბდანკმა.

— შორიდან მოვდივარ, ყირიმიდან გიახლები.

— ალობად ფული წაიღეთ ვისმე გამოსახსნელად?

— არა, ბატონო პოლკოვნიკო, თვით ყეენტან ვიყავი.

აბდანკი სმენად გადაიქცა.

— ოჰო, ძალიან მძიმე საქმე გქონიათ მონდობილი; მერე
რა საქმე გქონდათ ყეენტან?

— წერილი წავუღე თავად ერემიასი.

— მაშ ელჩად უოფილხართ გაგზავნილი! მერე რასა სწე-
რდა თავადი ყეენტა?

დესპანმა უგულოდ შეჰხედა აბდანკსა.

— ბატონო პოლკოვნიკო! თქვენ შიგ თვალეში ჩასტყე-
როდით ავაზაკებს, რომლებმაც ქამანდი გკრეს,—ეგ თქვენი სა-
ქმე იყო; ხოლო რასა სწერდა თავადი ყეენტა,—ეგ არც თქვე-
ნი საქმეა, არც ჩემი; ეგ იმათი საქმეა.

— უნდა გამოვტყდე,—ააგლო მარჯვედ ბანხედ სიტყვა
აბდანკმა;—აქამდე მიკვირდა, ასეთი ახალგაზდა კაცი როგორ
გაჰგზავნა თავადმა ყეენტანა-მეთქი, მაგრამ თქვენი პასუხის შე-
მდეგ აღარ მიკვირს, იმიტომ რომ ვხედავ ყმაწვილი ხართ ხნი-
თა, ხოლო მოხუცი ჰკუთითა და გამოცდილებითა.

დესპანმა შეიშვნია პირში ქება, გადისეა ულვაშებზედ ხე-
ლი და ჰკითხა:

— ახლა თქვენ მიბრძანეთ, რას აკეთებთ აქ, ომელნიჩკის
არე-მარეს და ან როგორ გაჩნდით მარტოდ-მარტო?

— მარტო არა ვარ: ჩემი მხლებელნი გზაში დაეტოვე და
ახლა კულაკს მივდივარ, პან გროძისკისთან, იქაურ მეციხვანეთა
უფროსთან და თან მიმაქვს წერილები დიდის გეტმანისა.

— მერე რატომ ნავით არ იმგზავრეთ?

— ბრძანება აგრე მქონდა და ბრძანების აუსრულებლობა არ გამომადგება.

— საკვირველია, რომ გეტმანს მაგისტანა ბრძანება მოუცია. წყალ-წყალ რომ გემგზავრათ, ისეთს დღეში არ ჩავარდებოდით, როგორ შიშე ეხლა ხართ, ამ ტრიალ მინდორზე.

— ბატონო დესპანო, მინდორი ეხლა დამშვიდებულია, მარტო დღეს არ გამიცვინია მისი სიავ-კარგე, ხოლო რაც შემემთხვა, ეგ კაცთა ბოროტებისა და მძულვარების საქმეა.

— მერე ვინა გდევნით აგრე?

— ეგ რომ გაიბოთ, შორს წავა. შევდკო მდევნის, ჩემი ბოროტი მეზობელი, რომელმაც გამალატაკა, მომიკლა შვილი და ახლა, აი, როგორცა ჰხედავთ, ჩემი მოკვლაც მოინდომა ღალატით.

— მერე ხმალი არ გარტყიათ წელზედ?

სახე სულ დაეგრიხა აბდანკს მძულვარებით, ხოლო თვალები ცეცხლივით აენთო. თან გარკვევითა და ტკეპნით წარმოსთქვა:

— მარტყია, ღმერთსა ვფიცავ! სხვა იარაღი არც მინდა ჩემის მტრების საწინააღმდეგოდ.

პარუჩიკს რილასიც თქმა უნდოდა, რომ უცბად მოისმა ცხენების თქარა-თქური. მოვარდა ჯარის-კაციც, ყარაულად დაყენებული და მოიტანა ამბავი, რომ ვილაც კაცები მოდიანო.

— ალბად, ჩემი კაცები არიან ეგენი, — სთქვა აბდანკმა, — ტაღმინიდან მოვიდნენ. რაკი ღალატს არ ველოდდი, ამ ალაგისას დავპირდი, იქ დაგიცდით-მეთქი.

მართლაც, ერთს წუთს შემდეგ ცხენოსანთა ბრბო შემოერთყა სერის პირსა. ცეცხლმა გააშუქა თავები ცხენებისა, რომელნიც ხვითქში სცურავდნენ დაღლილობის გამო; ცხენებზედ ისხდნენ მხედარნი, მიეფარებინათ ხელები შუბლზედ და ამ ჩვენს მუსაიფში გართულთ ათვალთიერებდნენ გულ-მოადგინედ.

— ეპეი, ხალხო, ვინა ხართ? — აკითხა აბდანკმა.

— მონანი ღვთისა! — უპასუხა ერთმა მხედართაგანმა სერის ძირობიდან.

— ღიად, ეგ ჩემი ვაჟკაცები არიან, — განუმეორა აბდანკმა დესპანს. — აქ მოდიოთ, აქა!

რამდენიმე ცხენოსანი შეგჯუფდნენ ერთად და მოუახლოვდნენ ცეცხლს.

— ვჩქარობდით, ბატონო, ვჩქარობდით, რაც შეგვეძლო. რა ამბავია შენს თავსა?

— ჩასაფრებული დამხვდა მტერი. მოლალატემ იცოდა ადგილი და აქ მგლოდა თავისის კაცებითა. ეტყობა, დიდ ხანს მიცდიდნენ. ქამანდი მკრეს და შიგ გამაბეს!

— ღმერთო, შენ დაგვიხსენ, ღმერთო დაგვიხსენ! ეს ვილა პოლონელია შენთანა?

მხედარნი გულ-მოსულნი უყურებდნენ პან სქშეტუსკისა და მის რაზმს.

— ესენი კეთილნი მეგობარნი არიან, — უთხრა აბდანკმა. — მადლობა ღმერთსა, ცოცხალი გადავრჩი, აღარა მიშავს-რა. ეხლავ გავუდგეთ ისევ ჩვენს გზას.

— მადლობა ღმერთს! წავიდეთ, ჩვენ შადა ვართ.

ღამე ცივი იყო, თუმცა კი ცას მოეწმინდა და არა ბნელოდა. პან აბდანკის მხლებელნი ცეცხლზედ ითბობდნენ და კრუნჩხულ ხელებს. პან სქშეტუსკის ძალიან უკვირდა, რომ ახლად-მოსულნი ნუსხის ყაზახებს არა ჰგვანდნენ. უფრო ის უკვირდა, რომ ცოტანიც არ იყვნენ. თუ ღიღმა გეტმანმა გაჰგზავნა აბდანკი კუდაკს, ნუსხის კაცებს გაატანდა და არც ასე რიცხვ მრავლადაო; ამას გარდა, რად უბრძანებდა, ჩიგირინიდან მინდორ-მინდორ წადი და არა წყალ-წყალ, ნავითაო? ასე ხომ რამდენს წყალში უნდა გავიდეს, ფონზე უაროს და მგზავრობა დაბრკოლდებო? საქმე თითქო ისე სჩანდა, რომ პან აბდანკს კუდაკში არც კი უნდოდა გაეგლო, პირიქით, უნდოდა ასცილებოდა.

ამასთანავე თვით პან აბდანკის ვინაობამ ძალიან შეაფიქრინა ახალგაზდა დესპანი. უცბად შეატყო, რომ ყაზახნი, რო-

მელნიც მუდამ შინაურულად ექცევიან თავიანთ პოლკოვნიკებს, ამას ისეთს პატივსა სცემდნენ, თითქო ნამდვილი გეტმანიაო. უთუოდ, ძალიან ძლიერი რაინდი ვინმე თუ არისო, მაგრამ ამ უკრაინას კარგად ვიცნობ, დნებრის იქითაცა და აქეთაც და რატომ არა გამიგონია-რა, თუ სადმე მაგისტანა აბდანი არისო. გარეგნობაც როგორღაც არა - ჩვეულებრივი ჰქონდა ამ კაცსა: ისეთი ძალა მოჰბერდა იმისაგან, თითქო სიცხე შოდის ცეცხლისაგანაო; რაღაც შეუმდრკალის ხასიათისა უნდა იყო, ისეთის ხასიათისა, რომლის პატრონიც არაფრის წინაშე არ შესდგებო. ასეთივე ხასიათი ემჩნევა თავად ერემია ვისნევეცკის, მაგრამ რაც შესდგამს დიდის გავლენისა და ხელმწიფების კაცს, ის არ შეეფერება უბრალო რაინდს; ისიც უცნობის გვარისასა.

დიდ ხანს იყო პან სქშეტუსკი ასე ფიქრებში გართული. ხან ეგონა, რომ აბდანი ყოველად ძლიერი მაგნატია, სასჯელს გამოჰქცევია და კანონს ამ ყრუ უღაბნოში ემალეზაო; ხან — ბელადია ავაზაკთა ბრბოსიო... ეს უკანასკნელი ფიქრი კი ჰკუთხედ ახლოს არ იყო. ამ კაცის ტანისამოსიცა და სიტყვა-პასუხიც ისეთი იყო, რომ სხვა რამ უნდა ეფიქრა ადამიანს. ბოლოსა და ბოლოს, დესპანმა მანც ვერა გაარკვია-რა თავის ფიქრებში და გადასწყვიტა მხოლოდ, ყურ-მახვილად უნდა ვიყვე ამ კაცთანაო; აბდანიკმა ამასობაში უბრძანა თავიანთ კაცებს, ცხენი მომიყვანეთო.

— ბატონო დესპანო, — სთქვა აბდანიკმა, — წასვლა სჯობს წარმავლისა, არ დახანება ხანისაო. ნება მიბოძეთ, ერთხელ კიდევ გადავხადოთ მადლობა, რომ სიკვდილს გადამარჩინეთ.

— შე არ ვიცოდი, ვინ გადავარჩინე სიკვდილს, ამიტომ არც მადლობა დამიმსახურებია.

— თქვენი თავდაბლობა თქვენს ვაჟკაცობას შეეფერება. მიიღეთ ჩემგან ეს ბეჭედი.

დესპანმა კოპები შეიკრა, უკან დაიწია პატარაზედ და ისე დაუწყა ყურება, თითქო უნდა გაჰზომოს თავით ფეხებამდეო. აბდანიკი მანც ისე ელაპარაკებოდა, თითქო მამა ემუსაიფება შვილსაო.

— ჰნახეთ ერთი, როგორია. ამ ბექედს სხვა აზრი და ძალა აქვს. ჯერ ისევ ყმაწვილი ვიყავ, რომ ეგ ბექელი შევიძინე. მოსლემინთა ტყვეობაში შემხვდა ერთი მგზავი, რომელიც იერუსალიმიდან მოდიოდა და იმისაგან ვიშოვე. ამ ბექედში ქრისტეს სათლავის მიწაა. ამისთანა საჩუქარზედ უარის თქმა არ შეიძლება, თუმცა დამნაშავეც იყოს მისი გამცემი. თქვენ ჯერ ახალგაზნა ხართ, მხედარი და მეომარი; თუ მოხუცმაც კი არ იცას, რა მოელის თავის ხან-მოკლესიცოცხლემი. საიდან და გეკოდინებათ თქვენ, რომელსაც ესეთის დიდის მანძილის გზა გაქვთ გასავლელი ცხოვრებაში, რა დაბრკოლება და უბედურება შეგზვდებათ? ეს ბექელი დაგინსნით ბოროტისაგან, დაგიფარავთ მაშინ, როცა განკითხვას დღე მოვა, ხოლო მე გეუბნებით, რომ ეგ დღეც შორს არ არის... მოახლოვებულ არს.

ჩამოვარდა მღუმარება; ცხადად ისმოდა ფრუტუნის ცხენებისა, ტაკა-ტაკუცი ცეცხლისა; მორეულ ლელიანებიდან ისმოდა გულ-საკლავი ღმუთილი მგლებისა. უცებ აბდანკმა კიდევ გაიმეორა, თითქო თავისთვის წაილაპარაკაო:

— განკითხვის დღე მოდის უკვე ამ ყრუ უდაბნოზედ, ხოლო როცა დადგება ეგ დღე — გაჭკვირდება ქვეყანა ღვთისა სრულიად.

დესპანმა თითქმის გონება დაუტანებლივ ჩამოართვა ბექელი: ისე გაუკვირდა ლაპარაკი ამ გამოცანა კაცისა. აბდანკი კი სულ მინდვრის წყვილიად გაჰყურებდა.

მერე ნელ-ნელა მოტრიალდა და მოახტა ცხენსა. ყაზახები უკვე სერის პირს უცდიდნენ.

— გავუდგეთ გზას, გავუდგეთ!.. კარგად იყავით, მეგობარო ჩაინდო, — უთხრა მან დესპანსა: — ისეთი დრო მოვიდა ახლა, რომ ძმა ძმას აღარ ენდობა და თქვენ არ იცით, ვინც გადაარჩინეთ ლიკვიდისა, ამიტომ რომ ჩემი გვარი არ გითხარით.

— მაშ აბდანკი არა ხართ?

— ეგ ჩემი ღერბია...

— გვარი?

— ბაღდან ზინოვი ხმელნიცკა.

ბაღდანმა დაიქნია თავი, ჩააქანა ცხენი სერიდან და იმას გაჰყენენ მისნი მხლებელნიცა. მალე ბურუსმა და ლამემ შთან-თქა წასულნი და მხოლოდ ქარს-ლა მოჰქონდა ოღნავ გასაგონად ყაზახთა სიმღერის ხმა:

ჰე, ღმერთო, გადაგვარჩინე
ჩვენ, ტყვენი საწყალობელნი,
მძიმე მონობა-ყმობასა,
თათრის სასჯელსა, პატრისა!
გვადირსე დილის მთიები,
კვალად—შზე ჩვენის ქვეყნისა;
წყნარი წყალი და მდინარე,
ის მხარე მზიარულია,
ღვთის-მიერ ნათელ-ღებული.
ისმინე, ღმერთო, ეს აჯა,
ვედრება საწყალობელთა,
გაპირებულთა, ტყვე-ქმნილთა.

II

ჰან სქშეტუსკი მეორე დღეს მოვიდა დილით ჩიგირინს და ჩამოხდა თავად ერემიას სახლში, რადგან დასვენება იყო საჭირო მის მხლებელთათვის ხანგრძლივის მგზავრობის შემდეგ ყირიმიდან. ამოდენა გზა სულ ხმელეთით გამოიარეს, რადგან დნებრი ისე იყო აღიდებული, ისე ონავრობდა, რომ წყალ-წყალ მოგზაურობა ყოველად შეუძლებელი იყო. თვით სქშეტუსკიმ მცირეს ხანს დაისვენა და შემდეგ წავიდა რესპუბლიკის კომისარად ნამყოფ ჰან ზაცვილიხოვსკისთან. თუმცა ჰან ზაცვილიხოვსკი თავადთან არა მსახურებდა, მაინც მისი მეგობარი და მესაიდუმლე იყო. დესპანს ძლიერ უნდოდა გამოეკითხნა ზაცვილიხოვსკისათვის, ლუბნიდან ხომ არაფერი ამბავი არა მოსულა-რაო. თავად ერემიასაგან მტკიცედ განსაზღვრული ბრძანება არა ჰქონდა-რა: ის უბრძანა მხოლოდ სქშეტუსკის, რომ თუ ყენმა რიგიანი პასუხი მოგცეს, ნულარ აჩქარდები და ნუ დაღლი მეტის-მეტად ხალხსა და ცხენებსაო. თავადი უთვლი-

და ყვენს, დასაჯე ესა და ეს შენი მურზანი, რომელთაც ჩემდა დაუკითხავად შემოუშვეს თავიანთი საქონელი ამიერდნებრის საჩემო მამულებში საძოვრადაო. ესეც კია, რომ ამ მურზებს წინადაც კარგა აყოფინა თვით თავადმა. ყვენმა, ექვი არ იყო, კარგი პასუხი შემოუთვალა: აღუთქვა, აბრილში განსაკუთრებულს ელჩს გაახლებ და ურჩათაც ჯეროვანად დაესჯიო. ახლა, რადგან ყვენს უნდოდა თან გულიც მოეგო ისეთის სახელ-განთქმულის მხედარისა, როგორც იყო თავადი ერემია, სქშეტუსკის გაატანა საჩუქრად ჩინებული ცხენი და რამდენიმე სიასამური. რაკი ასე პირ-ნათლად შეასრულა პან სქშეტუსკიმ მინდობილობა ელჩისა, რაიცა იმის მომასწავებელი იყო, რომ თავადს დიდად ელხობოდა გული იმაზედ, ამიტომ მის მხიარულებას სამზღვარი აღარა ჰქონდა: მადლობა ღმერთსა, ახლა დავისვენებ ჩიგირინშიო. წამოიყვანა ზაცვილიხოვსკი და მივიდა დოპულთან, ვლახელ კაცთან, რომელსაც ჩიგირინში ბაე-გომური და დუქანი ჰქონდა გამართული. თუმცა ჯერ ისევ დილა იყო, დუქანი მაინც ხალხით გავსებულიყო; ბაზრობის დღე იყო და ამას გარდა ჩიგირინში დაესვენებინათ სხვილ-ფეხი საქონელი, რომელსაც მიერეკებოდნენ სახასო ჯარისათვის. აზნაურშვილობა, ჩვეულებისამებრ, ბაზარში მოიყრიდა ხოლმე თავს, ესრედ წოდებულ ძვონეცკის უბანში, დოპულთან. იქ იყვნენ კონეცპოლსკების იჯარადარნიცა, ჩიგირინის მთავრობის წარმომადგენელნიცა, ახლო-მახლო მამულის პატრონებიცა, ბინადარი და დამოუკიდებელი აზნაურშვილობაცა, რამდენიმე ყაზახთა მამასახლისი და წვრილფეხი აზნაურობაცა.

მისხლომოდნენ დიდრონს მუხისსტოლებს და ყველანი ხმა-მალლა ლაპარაკობდნენ სულ ახალ-ახალ ამბავის გამო: ხმელნიცკის გავარდნის თაობაზედ. სქშეტუსკიმ ზაცვილიხოვსკისთან ერთად ცალკე ადგილი დაიჭირა ერთს კუნჭულში და დაუწყყო გამოკითხვა, რა კაცია ეგ ხმელნიცკი, რომ ყველას იმისი სახელი აკერია პირზედაო.

— არ იცნობთ განა? — გაიკვირვა ხანში შესულმა მეომარმა. — ზაპოროჟელის ჯარის მწერალია, სუბოტოვის პატრონი და

—ჩუბჩულოთა სთქვა—ჩემი სვინაა. დიდი ხანია ერთმანეთს ვიცნობთ, ბევრი ომი გადაგვიხდია ერთად. დიდ გულადობას იჩენდა ხოლმე, მეტადრე ცეცხროს ომში ივაჟკაცა. იქნება მაგისტანა მცოდნე სამამაცო ზნეთა და სამხედრო საქმეთა ორი არ იყოს მთელს რესპუბლიკაში. ყველგან და ყველასთან კი არ ვამობ და შენ კი გეტყვი, რომ სწორედ გეტმანის ჭკუაგონება აქვს. არ გაგონილა, რა სახელი აქვს გავარდნილი და რა დიდის ჭკუის პატრონია; ყაზახობა მაგას უფრო უჯერებს და ემორჩილება, ვიდრე თავიანთ უფროსთა და ბელადთა; სხვა-და-სხვა ღირსება არ აკლია, მაგრამ გულ-ზვაგია, დაუყენებელი და, როცა ბრაზი მოუვა, შეიძლება საშიში საქმეც მოიქედოს.

— რა მოხდა მერე, რად ვაიქცა ჩაგირინიდან?.

— ჩხუბი მოუვიდა ნაცვალთან, ჩაპლინსკისთან... მაგრამ ეს ჩხუბი არაფერ შუაშია! დიდი ამბავია, აზნაური-აზნაურს წაეკინკლაოს, ან ერთმა გადიგლოს კისერზედ მეორე, ან მეორემ პირველი! ნაცვალმა გადიბირა მისი საყვარელი და ცოლად შეერთო, მერე ისევ იმან გაიმიჯნურა ის დედა-კაცი; შესაძლებელიც არის, იმიტომ რომ, ცოტა ფეხ-რბილი ქალია. მაგრამ ეს სულ ის არის, მიზეზ-მიზეზ—დოს მარული აკლიაო. ნამდვილად კი სულ სხვა მოსაზრება იფარებოდა. აი როგორ არის საქმე: ჩერკასში სცხოვრობს მოხუცი ყაზახთა პოლკოვნიკი ბარაბაში, ჩვენი მეგობარი კაცი. ამ ბარაბაშსა ჰქონდა ბოძებული სხვა-და-სხვა უპირატესობა და რაღაც წერილები მეჯასა. ამბობდნენ, რომ ვითომ ამ წერილებით აქებდნენ ყაზახებს, წინააღმდეგობა გაუწიეთ თავად-აზნაურობასაო. გარნა ბარაბაში, კაცი დიად კეთილი, გულდახმობილი, ჰმალავდა ამ წერილებსა და არავის არ აჩვენებდა. ახლა ხმელნიცკიმ მოიწვია თურმე ბარაბაში აქ, ჩიგირინს, საქეიფოდ და თავისი ერთგული კაცები გაჰგზავნა იმის სახლში. იმათ დასტყუეს ბარაბაშის ცოლის ის წერილები. ხმელნიცკიმ ჩაიგდო ხელში წერილები, გაჰკრა რიკი და გაიქცა. საუბიქრებელია, რომ იმ წერილების მიზეზით არა ატყდეს-რა ახლა იმისთანა, როგორიც ოსტრანციის ამბავი იყო. ვინ იცის, ბაღდანი საშიში კაცია,

როგორც გითხარი. მერე გაიქცა და არაფინ კი არ იცის, სად გაიქცა, სად გადავარდა.

სქშეტუსკიმ წამოიძახა:

— ერთი უყურეთ იმ მელიას, როგორ მომადლორა! ყაზახთა პოლკოვნიკი ვარ თავად დ. ზასლავსკისაო, წუხელის მინდორში ვნახე, ქამანდი ეკრათ და სიკვდილს გადავარჩინე.

ზაცვილიხოვსკის ისე გაუყვირდა ეს ამბავი, რომ თმაში იტაცა ხელი.

— ნუ მეტყვი, თუ ღმერთი გწამს! შეუძლებელია, რასაც შენ ამბობ.

სჩანს შესაძლებელი ყოფილა, როცა აგრე იყო. დ. ზასლავსკის პოლკოვნიკი ვარო; დიდმა გეტმანმა კუდაკს გამგზავნა პან გროძინსკისთანაო, მაგრამ მე მაინც არ დაეუჯერე იმიტომ რომ მინდორ-მინდორ მოდიოდა და არა წყალ-წყალ.

— ცბიერია, როგორც ულისი! სად შეხვდით?

— ომელნიჩკთან, ღნებრს გამოღმა. ეტყობა, სეჩს*) მიდიოდა.

— მაშ კუდაკს გზა უნდა აუხვიოს. მივხვდი. ხალხი ბევრი ახლდა თანა?

— ორმოცამდე იქნებოდნენ. ისინი გვიან მოვიდნენ. ჩემი კაცები რომ არ შესწრობოდნენ, ნაცვლის მხლებელნი დაარჩობდნენ.

— მოითმინეთ. ძალიან საყურადღებო ამბავია ეგა. თქვენ ამბობთ, ნაცვლის მხლებელნიო.

— დიად, სწორედ.

— მერე ნაცვალს როგორ უნდა სცოდნოდა, სად უნდა ეძებნა ის კაცი, როდესაც აქ ყველას გონება დაებნა, რადგან არაფინ არ იცოდა, სად გადახვეწა?

— ეგ მეც არ ვიცი, იქნება ხმელნიცკიმ იტყუა, ავაზაკნი დაესხნენ თავს და იმან კი სთქვა, ნაცვლის კაცები იყვნენო,

*) სეჩი, ანუ ზაპოროჟის სეჩი ის ადგილი იყო ღნებრის ჰოროშებს ქვემოლ, საცა სტხოვრობდნენ რუსეთის სხვა-და-სხვა მხრიდან თავმოყრილნი მაშინდელ წეს-წყობილების უკმაყოფილო ყაზახნი, მუდამ მოუსვენარნი, შეიარაღებულნი და მზად-მყოფნი ძარცვა-რბევისა და ომ-ბრძოლისათვის, უფრო პოლონელთა და თათარებთან.

რომ ბოლოს თავი გაიმართლოს და იძახოს, ვითომ-და აი რა უსამართლობა მომაცენესო.

— არა მგონია. მაინც კი მეტად ახირებული საქმეა. იცით, რომ ბრძანება გამოვიდა გეტმანისა, შეიპყარით და ხელ-ფეხებზე ბოქოლი მოიყვანეთო?

დესპანმა პასუხის თქმა ველარ მოასწრო, რომ სწორედ ამ დროს შემოვიდა ოთახში დიდის ფართი-ფურთით ერთი აზნაურ-შვილი. ახლად შემოსულმა საშინლად მიაჯახუნა კარები, მიიხედ-მოიხედა გარშემო და შეჰყვირა:

— თავს გიკრავთ, ბატონებო!

იქნებოდა ესე ორმოცის წლისა, დაბალ-დაბალი იყო და გაჯავრებული სახე ჰქონდა. უშველებელი თვალები უცნაურად გადმოჰკარკლოდა. ცოცხალი კაცი იყო, ფიცხი, განრისხებას ჩვეული.

— თავს გიკრავთ, ბატონებო!— განმეორებით და გაჯავრებით შეჰყვირა უფრო ხმა-მაღლა, რაკი ყურადღება არავინ მიაქცია იმის სალამსა.

— ჩვენცა, ჩვენცა!— ამოილო ხმა რამდენმამე.

ახლად შემოსული პან ჩაპლინსკი იყო, ჩიგირინის ნაცვლის თანაშემწე, სანდო კაცი ახალგაზდა მედროშე პან კონეცპოლსკისა.

ჩიგირინში ჩაპლინსკი არავის არ უყვარდა, ავი და შავია, აბეზარია, დავიღარაბის თავია, ჩხუბის გადაკიდება უყვარსო. ისეთი მხარ-ბეჭი ჰქონდა, რომ ადვილად ვერავინ ჰბედავდა იმის ხელის ხლებას.

ჩაპლინსკი პატივსა სცემდა მხოლოდ ერთს ზაცვილიხოვსკის, როგორც ყველა სხვანიცა, რადგან სათნო კაცი იყო, ჰკვიანი და გულადი. დაინახა თუ არა, მივიდა იმასთან, ამაყად დაუკრა თავი სქშეტუსკის და მიუჯდა იმათს სტოლს. თავისი სასმელი თაფლ-ღვინოც წინ დაიდგა.

— ბატონო ნაცვალო, — ჰკითხა ზაცვილიხოვსკიმ, — ხომ არ იცით, რა ამბავია ხმელნიცკის თავს?

— სარჩობელაზედა ჰკილია, ბატონო მედროშე, ჰკილია, ხოლო თუ არა ჰკილია, მაშ მე ჩაპლინსკი არა ვყოფილვარ, თუ არ დაიწყოს კონწიალი.

ისე დაჰკრა მუშტი სტოლსა, რომ თათლ-ღვინო გადაიქცა ფინჯნებიდან.

— ღვინოს ნუ აქცევთ!—სთქვა ჰან სქშეტუსკიმ.

— დაიქერთ კია მერე?—გააწყვეტონა სიტყვა ზაცვილი-ხოვსკიმ სქშეტუსკისა.—არავინ არ იცის, სად გადავარჯა.

— არავინ არ იცის? ვაი არა აქვს ჩაპლინსკის, რომ მე ვიცი. შევდკოს იცნობთ თქვენა, ბატონო მედროშე? აი ის შევდკო მეც მემსახურება და იმასაცა. ის გაუწვევს იუდობას ხმელნიცკისა. თქმაც კი საშინელება! ხმელნიცკის კაცებთანა აქვს პირობა დადებული შევდკოს. ოსტატი კაცია. სულ იცის ყოველივე იმასი ამბავი. იმან იტვირთა, რომ ცოცხალსა თუ მკვდარს აქ მოგიყვანო და წავიდა მინდორში ხმელნიცკიზედ ბევრად ადრე. იცის, სადაც უნდა ჩაუსაფრდეს!... ჰოი, ის ეშმაკის ნაშობი, ის წყეული, ისა!

ჩაპლინსკიმ კვლავ დასთხლიშა მუშტი სტოლსა.

— ნუ აქცევთ-მეთქი ამ ღვინოს? — გაიმეორა გაჯავრებით სქშეტუსკიმ. პირველ დანახვისათანავე არ მოეწონა სქშეტუსკის ნაცვლის თანაშემწე.

ახნაურული გული მოუვიდა ჩაპლინსკის, დააბრიალა თავისი გადმოკარკლული თვალები და მიხვდა, რომ ჩხუბის ატეხა უნდათ უთუოდ ჩემთანაო, მაგრამ, შეჰნიშნა რა სქშეტუსკის, ეს ვიშნევეცკის კაცი უნდა იყოსო, დაიმშვიდა გული. მართალია, მედროშე კონეცპოლსკი და თავადი ერემია იმ დროს ნაჩხუბრები იყვნენ, მაგრამ ლუბნი ისე ახლო იყო ჩიგირინზედ, რომ უპატივეცმულოდ მოპყრობა თავადის კაცისა არ იქნებოდა. თავადს მერე ისეთი კაცები ახლდნენ, რომ თვითეული ორჯელ-სამჯერ იფიქრებდა, ვიდრე ჩხუბს გადიკიდებდა.

— მაშ შევდკომ იკისრა, გავთოკავ ხმელნიცკისაო?—ხელმეორედა ჰკითხა ზაცვალიხოვსკიმ.

— დიად, შევდკომ. და გათოკავს კიდევ, ისე ვაი არა აქვს ჩაპლინსკის.

— მე კი მოგახსენებთ, რომ ვერ გათოკავს: ხმელნიცკი გადურჩა ჩასაფრებულებს და სეჩისკენ გასწია. ეს ამბავი

დღესვე უნდა ვაცნობოთ კიდევ პან კრაკოვსკის. ხმელნიცკის ნუ ეხუმრებით. მოკლედ რომ ვთქვათ, იმას ჭკუაღ მეტი აქვს, ხელიც მძიმე აქვს და უფრო იღბლიანიც არის, ვიდრე თქვენ; თქვენ მეტის-მეტად მალე იცით აპილბილება. ხმელნიცკი არ-ხეინად გაუდგა თავისს გზას, გიმეორებთ, და, თუ ჩემი არა გჯერათ, ამასვე გეტყვით ეს რაინდიცა. წუხელის უნახავს მინდორში ის კაცი საღ-საღამათი.

— ეგ შეუძლებელია, შეუძლებელი!— გაჰკიოდა ჩაპლინსკი და ეწეოდა ხელით თავისს მარტო ზედ კინკრიხოზედ დატოვებულს ქოჩორს.

— საქმე ის არის კიდევ, — დასძინა ზაცვილიხოვსკიმ, — რომ თვით ამ რაინდმა გადაარჩინა ხმელნიცკი სიკვდილსა და გასწყკიტა თქვენი კაცები, მაგრამ ამას აქ ბრალი არა დაედება-რაც უირიმიდან მოდიოდა, გეტმანის ბრძანებისა არა იცოდა-რა, და, ჰნახა რა კაცი, რომელსაც თავს დასხმოდნენ ავაზაკნი, მიეშველა. ამიტომ საჭიროდ მიმაჩნია, წინდაწინვე გაუწყოთ, რომ ხმელნიცკი გადარჩა უფნებელი, თორემ, ვინ იცის, იქნება აღგეს და გეწვიოთ თავისის ზაპოროჟელებითა და ეს კი თქვენთვის მაინცა და მაინც სასიამოვნო არ იქნება. მერე მე ვიცი, ცოტასა დაფობდით და ეკაპუნებოდით ერთმანეთსა! აი ეშმაკმა და ქაჯმა წაიღოს, კარგი კაცი ის არის.

ზაცვილიხოვსკისაც არ მუსწონდა ხმელნიცკი.

ჩაპლინსკი ზეზედ წამოვარდა. ბრაზი მოერია და თიხქმის სულის ველარ იბრუნებდა, სახე უფრო გაულურჯდა, თვალები ხომ ისე ჰქონდა გადმოკარკლული, რომ კაცს ეგონებოდა, ეს-ეს არის ძირს დასცივიაო. მივიდა და სქშეტუშსკის წინ აიხიდა.

— როგორ თუ?!— ისვროდა ჩაპლინსკი მკვეთრ-მკვეთრ სიტყვებსა:— გეტმანის ბრძანებას გადახვედით?... მე გაჩვენ.... მე თქვენ....

პან სქშეტუშსკი ფეხზედაც არ წამოდგა, მხარ-თეძოზედ გაღიზარა, თავს მოკლევ ბოძივით იდაყვ-დაყრდობილი ხელი მისცა და დაცინვითა და ზიზღით ავლებდა თვალს ამღელვარებულ ჩაპლინსკის.

— მე რას გადამკიდებიხართ და აღარ მეშვებით?— შეუტია სქშეტუსკიმ, — თითქო დელალუნტა აჰკვიატებია ძაღლის კუდსაო და აღარ ეშვებაო!

— მე თქვენ ქალაქში წაგათრევთ... გეტმანის ბრძანების წინააღმდეგობას შეგანანიებთ; ყაზახებს მოიშველებ...

ისეთსა ჰყვიროდა ჩაპლინსკი, რომ ყველამ ხმა გაკმინდა. ყველამ იმისკენ მიიხედა. ვაქვათ, ჩაპლინსკი ისეთი კაცი იყო, რომ ჩხუბი და აურზაური აღდგომა იყო იმისთვის, მაგრამ ვინც ვეცკის მეთამარის გადაკიდება კი არასა ჰგვანდა. ამის გამო ყველამ იმას მიაქცია თავისი ყურადღება.

— აღარ გაჩუმდებით ახლა?— სთქვა მოხუცმა მედროშემ. — იმისი მინც შეგრცხვეთ, რომ ეს რაინდი ჩემი სტუმარია.

— ქალაქში წაგათრევთ... მე თქვენ გაყურებინებთ სეირს! — ჰყრიდა დორბლებს ჩაპლინსკი და ისე იყო გაცეცხლებული, რომ ყურადღებას აღარას აქცევდა.

ახლა კი პან სქშეტუსკიც წამოდგა და გამოეჩიმა ცხვირწინ ჩაპლინსკის. ხმალი კი არ ამოიღო, მაგრამ წააელო კი ხელი ქარქაშსა და თითქმის შიგ თვალებში მიაბჯინა ხმლის ვადა ჩაპლინსკის.

— ამასა ჰხედავთ?— ჰკითხა მან გულგრილად.

— არიქათ, მომეხმარეთ, ჩემნო მხლებელნო! — შეჰყვირა ჩაპლინსკიმ და ხელი გაიკრა ხმალსა.

მაგრამ თავისი განზრახვა ვერ შეასრულა. ახალგაზდა დესპანმა წააელო ერთი ხელი საყელოში, ხოლო მეორე — წელ ქვეითა, ჰაერში აიტაცა ჩაპლინსკი, რომელიც უწყალოდ აფართხალებდა ფეხებს, და კარებისაკენ გააქანა.

— ბატონებო, გზა მოგვეციო! — დაიძახა სქშეტუსკიმ, — განი რქოსანსა, თორემ რქებზედ აგაგებთ!

სთქვა ეს სიტყვები, გაიქნია და გადისროლა ჩაპლინსკი. კარი გაიღო და ნაცვლის თანაშემწეს კარში კი გახვდა ბრავგანი.

პან სქშეტუსკი ისევ თავის ალაგას დაჯდა. არხვინად, ზაცვილიხოვსკის გვერდით.

ოთახში პატარა ხანს მდუმარება ჩამოვარდა. ყველა პატივისცემით აღიესო პან სქშეტუსკის მიმართ იმ ღონესა და ძალიანათვის, რომელიც მან გამოიჩინა. ბალოს, თითქო ანიშნა ვინმეო, ყველამ ერთბაშად დაიწყო ხარხარი.

— გაუმარჯოს ვისნევეცკებსაო!—ჰყვიროდნენ ერთნი.

— გულ-შეწუხებული გღია... სულ დასისხლიანებულია!— ამბობდნენ სხვანი, რომელნიც კარებიდან უყურებდნენ ჩაპლინსკის და უნდოდათ შეეტყუათ, ვნახოთ ახლა რაღას იზამსო.— მხლებელნი მოვიდნენ და ზეზე წამოაყენეს.

მხოლოდ რამდენიმე ნაცვლის თანაშემწეს მომხრე იყო გაჩუმებული და, რადგან ვერა ჰბედავდნენ მის გამოსარჩლებას, უკმაყოფილოდ უბღვეროდნენ დესპანსა.

— ნება მიბოძეთ...— მივიდა სქშეტუსკისთან ერთა აზნაურშვილი, რომელსაც ცალ-თვალზედ ბისტი ჰქონდა გადაკრული და შუბლზე აბაზიანის ტოლა მოარჩენილი ჰქრილობა ეტყობოდა.— ნება მიბოძეთ ჩემი პატივისცემა გამოგიცხადოთ. იან ზაგლობა გახლავართ, ვჩელეს გერბისა, რაიცა ყველასთვის ადვილი მისახვედრია, თუნდა მარტო იმ ნაჩერეტით *), რომელიც ავაზაკთა ტყვიამ დამაჩნია, როცა ყმაწვილობის ცოდვებს ვინანიებდი პალესტინაში.

— ეჰ, გასწით იქითა!— სთქვა ზაცვილიხოვსკამ.— თქვენ თერთან ამბობდით როდესღაც, რომ შუბლი რადოქში გამიტეხეს ლუდის ქიქითაო.

— ავაზაკებმა, ტყვიითა, გეფიცებით! რადომში სულ სხვა საქმე იყო.

— პალესტინაშიაც ეპირებოდით მხოლოდ წასვლას და რომ არა ყოფილხართ კი, ეგ ცხადია.

— არა ეყოფილვარ, იმიტომ რომ გალატშივე ღირს-მყვეს მოწამებრივს გვირგვინსა. თუ ვსტყუოდე, ტყვია ჩამესხას პირში, ძალლი ვაყო და არა აზნაურშვილი.

— მაინც სტყუით.

*) გადათარგმნა შეუძლებელია ამ სიტყვათა ზმობისა: Wczele—გერბი ზაგლობისი; Wczele—შუბლში.

— ყურებს დავიჭრი, თუ ვსტყუი... ნება მიბოძეთ, ხელი ჩამოგართვათ, ბატონო დესპანო!

პან ზაგლობას მაგალითს ახლა სხვებმა წაჰბადეს, მოისურვეს გაცნობა პან სქშეტუსკისა და არწმუნებდნენ, რომ დიდი პატივისმცემელნი ვართ თქვენო; ყველას უხაროდა, რომ ჩაპლინსკის ისეთი საქმე დაემართა. საკვირველი და დღესაც კი გაუკვებარი ამბავია: მალად აზნაურშვილობა ჩაგირინს ახლომახლო, ყველა წვრილმანი მიწად-მჟულობელნი, მოიჯარადრენი, ისინიც კი, ვინც კონეცხოლსკებს ემსახურებოდნენ ჯამაგირითა, მუდამ ხმელნიცკის მხარეს იქერდნენ იმისა და ჩაპლინსკის კინკლაობაში. ხმელნიცკის უებრო მეომრის სახელი ჰქონდა გავარდნილი, მისი ღვაწლი ყოველსავე ექვ გაჩეჟე იყო. ყველამ იცოდა, რომ თვით მეფეც კი არ უკადრისობდა იმასთან საქმის დაჭერას და აუასებდა კიდევ იმის რჩევა-თათბირს: თუ გამუდმებული ჩხუბი და დავიდარება აქვთ იმასა და ჩაპლინსკის, ეგ არაფერია, აზნაური აზნაურს მუდამ უკვლიტინებს, ეკაპუნება, ედავიდარაბებოა. მართლაც ასეთი კინკლაობა აზნაურთა შორის ხშირი იყო, მეტადრე სარუსეთო მახრებში. და აი ყველა იმისკენ იყო, ვისაც უფრო მეტი სახელი ჰქონდა მოხვეჭილი... რა იცოდნენ, თუ ამ მომხრეობას საშინელი შედეგი მოჰყვებოდა. უკვე კარგა ხანს შემდეგ აიმძულვარეს ხმელნიცკი და ამ მისის სიძულელით ერთნაირადაც გაიმსჭვალა გული მალად აზნაურშვილობისა და ორისავე სარწმუნოების სამღვდელოებისა.

პან სქშეტუსკის გარს შემოეხვიენენ აზნაურშვილნი ქიქებით ხელში და ჰყვიროდნენ: მიირთვით, ბატონო დესპანო! მიირთვით ჩემთანაცა!—გაუმარჯოს ვისნევეცკებსა! მაგისთანა ახალგაზდა და უკვე პორუჩიკი ხარა თავადისა! სკოცხლობდეს თავადი ერემია, გეტმანთა გეტმანი! ოღონდ ის წინ გაგვიძღვეს და თუნდ ჯანდაბას წავალთ! თუნდა ოსმალსა და თათარს ერთად შევებრძოლებით!—თუნდა სტამბოლს ავიკლებთ!

—გაუმარჯოს ბედნიერსა მეფესა ვლადისლავ IV-ეს!—ყველაზედ ძლიერა ჰყვიროდა პან ზაგლობა, რომელიც მზად იყო მთელი პოლკი დაეთრო და იმაზედ მეტი ეყვირნა.

— ბატონებო!—ისეთსა ღრიალებდა ისა, რომ თანჯრების შუშებს ზრიალი გაჰქონდა, — ბუნებერაზობაში გამოვითხოვე თვით ხონთქარი იმ ძალ-მომრეობისათვის, რომელიც გალატში მომაყენეს..

— ნუ ამბობთ მაგისთანა სისულელეს; ყურები გამოგვიჰყვება მართლა შენმა ტუტუტუტურმა ლაპარაკმა.

— მაშ მე მტკნარი გიჟი ვყოფილვარ?

— თუთიყუშივით კი გაჰკივი-და!

— მზადა ვარ წარვსდგე თუნდა სამსჯავროსა წინაშე.

— კარგია ერთი, გაათავე ეგ ლაპარაკი...

— სამართალსაც მომცემენ და იმასაც მოვახერხებ, რომ პატივი და ღირსება აჰყარონ, ხოლო შემდეგ ატყდება ომი... თქვენი სადღეგრძელო იყოს!

ყველანი იცინოდნენ, იცინოდა პან სქშეტუსკიცა (კოტა არ იყოს, მოეკიდა სასმელი). ის აზნაურშვილი კი მაინც არ ანებებდა თავს ორატორობას, თითქო მართლა თუთიყუშია და თვითვე სტკებება თვისის ხმითაო. საბედნიეროდ იმის მქვერმეტყელება შესწყვიტა ვილაც მეორე აზნაურშვილის შემოსვლამ, რომელიც მიუახლოვდა, ჩამოსწია სახელოსა და უთხრა ღიტყურის კილოთი:

— მეც გამაცანი, პან ზაგლობა, მეც გამაცანი ბ-ნი დესპანი, პან სქშეტუსკი.

— დიდის სიამოვნებით, დიდის სიამოვნებით. ბატონო დესპანო,—პან პოვსინოვა გახლავთ.

— პოლბიპენტა,—გაუსწორა ახლად-შემოსულმა.

— სულ ერთია! ზერვიპლიუდრის გერბისა...

— ზერვიკაპტურისა.—გაუსწორა მანვე.

— სულ ერთია, ძალღ-ნაწლევიდან.

— თავგ-ნაწლევიდან,—გაუსწორა კიდევ მანვე.

— სულ ერთია. არ ვიცი, რომელს უფრო დავამჯობინებდი, თავვისა თუ ძაღლის ნაწლევეებს. მართალი ის არის მხოლოდ, რომ არც ერთსა და არც მეორეში არ ვირჩევდი ცხოვრებას... ცხოვრებაც საძაგლობაა იქა და არც იქიდან გამო-

სვლათ საკადრისი აზნაურშილისათვის. ამ სახით, ბატონო დესპანო, მთელი კვირაა ამ აზნაურის ხარჯითა ვქეიფობ. ამისი ხმალი ისევე მძიმეა, როგორც ქისა, ხოლო ქისა ისევე მძიმეა, როგორც მაგისი ოხუნჯობა.

ყველამ ხარხარი დაიწყა. მარტო ლიტველი იყო სრულიად გულ-დამშვიდებული. ოდნავაც არ სწყენია ეს ხუმრობა, ხელი გაიქნია მხოლოდ, სიამოვნებით გაიღიმა და წაიტუტუნა: — რაც გინდა სთქვი, ყურსაც არ გათხოვებ!

პან სქშეტუსკი ცნობის მოყვარეობით შესცქეროდა ახალს თავისს ნაცნობს, რომელიც მართლა ღირსი იყო ახირებულის ჩერჩეტის სახელწოდებისა. ჯერ ისა, რომ ერთი რაღაც ანმახი იყო და თითქმის ქერსა სწვდებოდა სიმაღლით; მერე ისეთი გამხდარი იყო, რომ ამის გამო უფრო მაღალი სჩანდა. მისი განიერი მხარ-ბეჭი ამტკიცებდა, რომ ძლიერ ღონიერი უნდა ყოფილიყო, თუმცა ძვალისა და ტყავის მეტი არა სჩანდა-რა. ჩაცმით კი საკმაოდ რიგიანად იყო ჩაცმული. ნაცრის-ფერის მაუდის მოკლე ჯუბა ეცვა და წვივებზედ შვეჯური საცვეთები ჰქონდა გაკეთებული, რაიცა მაშინ მოდაში შემოდიოდა. ფართო, ცხენ-ირმის ტყავის ქამარი არ ადგებოდა წელზედ, ძირსა სკურდებოდა თეძოებამდე. ქამარზედ მიმაგრებული ჰქონდა რაინდული ხმალი, რომელიც ისეთი გრძელი იყო, რომ თითქმის თვით მისის სიგრძის ნახევარი იქნებოდა.

მაგრამ ვინც შეუშინდებოდა მის ხმალსა, ისევე მალევე დამშვიდდებოდა, შეჰხნედავდა თუ არა ხმლის პატრონის სახეს. მის გამხდარს სახეს ამშვენებდა წყვილი ძირს დაწეული წარბი და ასეთივე ძირს დაშვებული წყვილი უღვაში. მეტად გულ-კეთილისა და ბავშვივით გულ-უბრყვილო კაცის სახე ჰქონდა. უღვაშები და წარბები რაღაც ნაღვლიანს, დარცხვენის და მასთან სასაცილო მეტყველებას აძლევდა მის სახეს. ისეთს კაცსა ჰგვანდა, რომლის მასხარად ადგება ყველას შეეძლო დაუსჯელად, ხოლო პან სქშეტუსკის მაშინვე მოეწონა გულ-კეთილის სახისა და სწორედ ჯარის კაცის დათმენილობისათვის.

— ბატონო დესპანო, — სთქვა პოდბიპენტამ, — თავად ვის-
ნევეცკისთანა ბრძანდებით?

— დიალ.

ლიტველმა ისე დაიკრიფა ხელები, თითქო სალოცავად
ემზადებო და აღაპყრო თვალი ცად-მიმართ.

— ოჰ, რა მეომარია, რა რაინდია, რა მეთაურია და ბე-
ლადი!

— ღმერთო, შენ მიეც ბლომად რესპუბლიკას მაგისტანები!

— მართალსა ბრძანებთ, მართალსა! არ შეიძლება მის
დროშას ქვეშ ვიმსახურო?

— ძალიან მოხარული იქნება.

ლაპარაკში ჩაერია ახლა პან ზაგლობაც.

— თავადს მაშინ ორი სამზარეულო შამფური ექნება: ერთი
თი თქვენ და მეორე თქვენი ხმალი... არა, უფრო უკეთესს
დანიშნულებას შეგასრულებინებთ: ბრძანებს, რომ თქვენზედ
ჩამოახრჩონ ხოლმე ავაზაკნი, ანა და თქვენით გაზმანონ ხო-
ლმე ფართალი! ფუ, როგორ არა გრცხვენინათ, რომ კაცი
ხართ, კათოლიკე და ისე დაგძელებულხართ, თითქო გველია,
ანუ წარმართთა მშვილდიო!

— შენს ლაპარაკს ყურადღებასაც არ მივაქცევ, — სთქვა
გულდამშვიდებით ლიტველმა.

— მომიტევეთ, მე თქვენს გვარს კარგად ვერ მოგვარი ყუ-
რი, — სთქვა პან სქშეტუსკიმ: — პან ზაგლობა ისე გაწყვეტინებდათ
ლაპარაკს, რომ, ბოდიშს ეიხდი, ვერ გავიგონე კარგად.

— პოდბიპენტა.

— პოვსინოვა.

— ზერვი კაპტური თავგ-ნაწლვეიდან.

— წადით ახლა და ამას ელაპარაკეთ! მაგის ლეინოსა
ვსვამ, მაგრამ სულელობაზედ დავდებ თავს, თუ ეგ ქრისტიან-
ული სახელები იყოს.

— დიდი ხანია, რაც წამოსულხარ ლიტვიდან?

— ორი კვირაა აგერ, რაც ჩიგირინში ვარ. პან ზაცვი-
ლიხოვსკისაგან შევიტყე, რომ ასე გამოივლიდით და იმიტომ

გიცდიდით აქ! მინდოდა თქვენის მთარველობით მეთხოვნა თავადისათვის, მივედე სამსახურში.

— ერთი ეს მითხარით, ძლიერ მინდა ვიცოდე, რად გარტყიათ იმისთანა ხმალი, რომელიც ჯალათის მახვილს უფრო ჰგავს?

— ჯალათისა კი არა, ბატონო დესპანო, ჯვარ-შემოსილთა ხმალია, ომშია ნაშოენი და დიდი-ხანია ჩვენს გეარსა აქვს. ჯერ ისევ ხოინიკას ბრძოლაში სჭეროდა ლიტველის ხელს და აი ახლა მე მაქვს.

— მერე მაგოდენა ხმალს მორევა არ უნდა... ძლიერ მძიმე უნდა იყოს, ორის ხელით თუ...

— ორის ხელითაც შეიძლება და ერთითაცა.

— აბა მაჩვენეთ.

ლიტველმა ამოიღო ხმალი და მისცა, მაგრამ სქშეტუსკის მაშინვე ხელი ძირს ჩამოუვარდა. სად შეიძლება ან მოექნია, ან დაერტყა. სცადა, ორის ხელით დაეჭირა, მაგრამ მაინც მძიმე იყო. დესპანს ცოტა არ იყოს შერცხვა და მიჰმართა სხვებს:

— აბა, ყმაწვილებო, ვინ გამოსახავს ჯვარს?

— ჩვენ ვცადეთ კიდევცა, — სთქვა პასუხად რამდენმამე. — მარტო ბატონი კომისარი ზაცვილიხოვსკი ახერხებს შემოქნევას, მაგრამ ჯვარის გამოსახვა მაგასაც უჭირდება.

— თქვენა? — ჰკითხა პან სქშეტუსკიმ ლიტველსა.

პოლბიპენტამ ისე აიღო ხმალი, თითქო პატარა ჯოხიო და ისე დაუწყო ქნევა, რომ ოთახში ჰაერმა დაიწყო მოძრაობა, თითქო ქარმა დაჰბერაო.

— ჩემი მტერი შეგბმიათ თქვენა! — შესძახა პან სქშეტუსკიმ. — თქვენი მიღება თავადის ჯარში ყოველსავე ეჭვ-გარეშეა.

— ღმერთმა ხომ იცის, რომ დიდი სურვილი მაქვს მეგ სამსახურისა. იქ ჩემი ხმალი ჟანგს აღარ მოიკიდებს.

— და არა გონება-მახვილობა, — დასძინა პან ზაგლობამ, — გონება-მახვილობას მაგრე თავისუფლად ვერა ხმარობთ.

ზაცვილიხოვსკი წამოდგა და დესპანთან ერთად წასვლას ეპირებოდა, რომ ამ დროს ოთახის კარებში გამოჩნდა ქალარა, ძალზედ გათეთრებული მოხუცი.

— ბატონო კომისარო, — სთქვა მან, როცა ზაცვილიხოვსკი დაინახა, — მე განგებ თქვენთან მოველ!

— ეს მოხუცი იყო ბარაბაში, პოლკოვნიკი ჩერკასისა.

— მაშ, ჩემთან წამობრძანდით, სახლში. აქ ისეთი ბოლი სდგას, რომ კაცი ვერასა ჰხედავს.

ორივენი გარედ გავიდნენ. მათ გაჰყვა სქეშეტუსკიცა. ჯერ ზღრუბლს არ გასცილებოდნენ, რომ ბარაბაშმა ჰკითხა:

— ხმელნიცკის ამბავი ხომ არა იცი-რა?

— ვიცი. სეჩს წასულა. აი ამ აფიცერს უნახავს მინდორში.

— მაშ ნავით არ წასულა? მღევარი დავადევნე კულაკს იმის დასაქერად, მაგრამ თუ ეგ ამბავი მართალია, არა გამოვა-რა.

ბარაბაშმა თვალეზედ ხელები დაიფარა და დაიწყო თავის ქნევა.

— ქრისტე ღმერთო, შენ დაგვიხსენ, შენ დაგვიხსენ!

— რა დაგემაართათ?

— იცით, რა წამართვა მოტყუებითა? იცით, რა ამბავი იქნება, ის ქალღლები რომ სეჩში გაამყლავნოს? ქრისტე ღმერთო, შენ დაგვიხსენ! თუ მეფემ ურჯულო თათრებს არ გამოუცხადა ომი, ნაპერწკალი შიგ თოფის წამალში ჩაეარღება....

— თქვენ ჰგონებთ, რომ აჯანყება და ამბოხი მოხდება?

— ვგონებ კი არა, თვალ და თვალა ვხედავ. ხმელნიცკი ნალივიკასა და ლობოდაზედ უარესია.

— მერე, ვინ აპყება იმას?

— ვინა? ზაპოროჟელნი, ნუსხ-სიელნი, მოქალაქენი, ბრბო და აი ესენი!

პან ბარაბაშმა ხელი გაიწოდა ბაზრისაკენ, რომელშიაც ბუზივით ირეოდა ხალხი. ბაზარი მთლად სავსე იყო უზარმაზარის ნაცრის-ფერის ხარებითა, რომლებსაც კარსუნს მიერეკებოდნენ ჯარისათვის. მიერეკებოდნენ მრავალნი მწყემსნი, ესრედ-წოდებულნი ჩოღარნი, რომელთაც მთელი თავისი სიკოცხლე მინდორში გაეტარებინათ, უდაბურსა და ყრუ აღგი-

ლებში, რომელნიც სულ გაველურებულნი იყვნენ და არავითარი სარწმუნოება არა სწამდათ,—religionis nullius, როგორცა სთქვა ლათინურად მოურაემა კისელმა. მათ შორის შეჰნიშნავდით ისეთებსაც, რომელნიც უფრო ავაზაკებსა ჰგვანდნენ, ვიდრე მშვიდობიანს მწყემსებსა; შეჰნიშნავდით პირ-ქუშსა და სახე-მწყურალს ხალხს, საშინელს, აბრანძულ-დაბრანძულსა. უმეტესს ნაწილს კი ცხვრის გამოუქნელი ტყავები ეცვა, რომელთაც ბევრი გარეჯა ჰქონდათ მოქცეულა; ტყავები წინ შეკრულები არ იყო და მზისა და ქარისაგან დამწვარი გული გაღელილი ჰქონდათ ზამთარშიაც კი. ყველანი შეიარაღებულნი იყვნენ, მაგრამ არა ერთნაირად: ზოგს შეილდი ეკიდა ზურგზედ, ზოგს—ძველებური თოფი, ანუ ესრედ-წოდებული ყაზახთა შაშხანა, ზოგს თათრული ხმლები ერტყა წელზედ, ან ცელი ჰქონდა, ან არა და—კომბლები, რომელთაც ბოლოზედ შობშული ჰქონდათ ცხენის ყბა. აქვე ირეოდნენ არა ნაკლებ გაველურებულნი, თუმცა უფრო უკედ შეიარაღებულნი ქვემოურნი, რომელთაც მიჰქონდათ გასასყიდად გამხმარი და გამოსული თევზი, ნანადირევი და გატყავებული ცხვარი; მერე სჩანდნენ მეურმენი, რომელთაც მარილი ელათ ურმებზედ, სკაფუტკრის პატრონები, ფისისა და კუპრის მხდელნი, მერე გლეხკაცნი თავიანთის ურმებითა, ნუსხ-სიების ყაზახები, თათრები ზელგოროდინან (აკკერმანიდან) და, ვინ იცის კიდევ, რა ჯურისა და მილეთის ხალხი არ ირეოდა—რაგვარი მაწანწალანი, უბინაო და უპატრონო, ობოლნი და ოხერ-ტიალნი არ დაფუსფუსებდნენ. ქალაქი სავსე იყო მთვრალისა და ღოთის ხალხითა. ჩიგირინშივე უნდა ყოფილიყვნენ იმ ღამეს ბინითა; მაშასადამე, ახლა იმ ღამეს უნდა ესვათ და ელოთნათ. შიგ ბაზარში რამდენგანმე ენთო ცეცხლი, ზოგან კუპრის ბოჩკებს ეკიდა ცეცხლი. საშინელი ყაყანი და ხმაურობა ისმოდა. იქ თათრულს სიათებს ისროდნენ, აქ საქონელი ბლოდა და ზმუოდა, იქ კიდევ ებნის წყნარი ხმა ისმოდა. ებნის უსინათლო დამკვრელი დაჰმღეროდნენ მაშინდელ საყვარელს ლექსებსა. აქ ახლოს საშინელი ღრიანცელი იდგა და კუპრით მოთხვრილი,

ჩაბრუნებული ყაზახები ტრეპაკასა თამაშობდნენ. ყოველივე ეს ერთად აღებულნი, წარმოადგენდა ერთს უძლეველს ძალას, რომლის შემადგრება რითიმე შეუძლებელი იყო. ზაცვილიხოვსკისათვის საკმაო იყო ერთის თვალის გადავლება, რომ დარწმუნებულიყო, რა მართალს ამბობდა ბარაბაში. დიად, ერთს მცირე ნაპერწკალს შეეძლო აენტო ეს ბრბო ხალხისა, რომელიც მზად იყო ძარცვა-რბევა დაეწყო, დაჩვეული იყო ომსა და ბრძოლას, ამ არა იშვიათს საქმეს უკრაინისათვის. მერე ამ ბრბოს ზურგს უკან ედგა სეჩი, ედგა ზაპოროჟიე, რომელიც მხოლოდ იმ ხანებში იყო ალაგმული, წესიერს მთავრობას დაქვემდებარებული და მაინც მოუთმენლად ჰღრღნიდა თავისს ლაგამს და არ იფიწყებდა წინანდელ უპირატესობათა და სულითა. და გულით სძაგდა კომისარები. ზაპოროჟიე კი აღკაზმულ-დარაზმული იყო. იმას თანაუგრძნობდა დიდ-ძალი გლეხკაცობა, ბევრად უფრო მოუთმენელი, ვიდრე იყო გლეხ-კაცობა რესპუბლიკის სხვა პროვინციებისა. იმ პირველ ჯურის გლეხკაცობას იქვე გვერდით ჰქონდა ჩერტომელიკი, ხოლო ჩერტომელიკში ვის ახსოვდა მთავრობა, იქ ყველა თავ-ნებადა სცხოვრობდა და იყო ერთი ძარცვა და გლეჯა. და ბატონს მედროშესაც, თუმცა რუსინი იყო, მართლ-მადიდებელი, საკმაოდ ხნიერი, კარგად ახსოვდა დრო ნალივიაკასი, ლობოდასი; ამ მედროშემ იქნება უფრო უკეთ იცოდა, ვიდრე სხვამ ვინმემ რუსეთში, რაც იყო უკრაინის ავაზაკობა და ყაჩაღობა; ისიც იცოდა, რა კაცი იყო ხმელნიცკი და კარგად ჰგრძნობდა, რომ იმასთან ათი ნალივიაკა და ლობოდაც ვერ ზოვიდოდა. მედროშე მიხვედრილი იყო, რა შედეგიც მოჰყვებოდა ხმელნიცკის გაქცევას სეჩში, მეტადრე მეფის წერილებითა, რომლის შესახებაც ბარაბაშმა სთქვა, რომ იმ წერილებში ბევრი რამ აქეთ დაპირებული ყაზახებსა, ბევრი რამ სწერია ისეთი, რაც ძლიერ წააქეზებს იმათ თავად-აზნაურობის საწინააღმდეგოდაო.

— ბატონო პოლკოვნიკო ჩერკასისა, — უთხრა მან ბარაბაშსა, — თქვენ უნდა წახვიდეთ სეჩსა, გააუქმოთ გავლენა ხმელნიცკისა და დაამშვიდოთ იქაურობა!

— ბატონო მედროზე, — უპასუხა ბარაბაშმა, — მხოლოდ იმას გეტყვით, რომ მოვიდა თუ არა ამბავი, ხმელნიცკი გაიქცა და თან წაიღო ქალაღღებო, ჩერკასელის ხალხის ნახევარი წუხელისვე იმას გაჰყვა უკანა. ჩემის სამსახურის დრო წავიდა — ჩემთვის ეხლა საფლავი-ღაა საჭირო და არა კვერთხი.

ბარაბაში კარგი მეომარი იყო, მაგრამ მოხუცებას გაეტეხა უკვე და გავლენაც აღარა ჰქონდა-რა.

ჩვენი მეგობარნი შეუმჩნეველად მიუახლოვდნენ ზაცვილი-ხოვსკის სახლსა. მოხუცი მედროზე ნელ-ნელა გონს მოვიდა და ბრძანა სასმელი თაფლი მოეტანათ.

— ეგ სულ არაფერია, — დაიწყო მან ლაპარაკი, — თუ, როგორც ამბობენ, ომი მოგვიხდა თათრებთანა. ომი კი, მგონია, მოგვიხდება. თუმცა რესპულიკას ომის დაწყება არ უნდა, ხოლო სეიმებმა საკმაოდ გაუფუქეს სისხლი მეფესა, მაინც იქნება ეცადოს მეფე და თავისი გაიტანოს. მაშინ, რაც აქ საომარი ძალაა, ეს აუარებელი ცეცხლი და ნავთი შეიძლება სულ ოსმალოსკენ მიიმართოს. ყოველ შემთხვევაში, დროს მაინც მოვიგებთ. მე თვითონ წავალ პან კრაკოვსკისთან, ავუხსნი საქმის გარემოებას და ვთხოვ, რაც შეიძლება, ახლო მოსწიოს ჩვენკენ ჯარები. არ ვიცი, მოვახერხებ ამ საქმეს თუ არა, რადგან პან კრაკოვსკი, თუმცა სამხედრო საქმეებში გამოცდილია და ჰკვანნი, ძალიან გულ-დაჯერებულია და სხვის აზრს ყურადღებას არ აქცევს. თქვენ, როგორც პოლკოვნიკს, შიშში გყავდეთ ყაზახები, ხოლო თქვენ, როგორც დესპანმა, მიხვიდეთ თუ არა ლუბანში, გააფრთხილეთ თავადი და მოახსენეთ, რომ თვისი ყურადღება მიაქციოს სეჩსა. ვიმეორებ: ჯერ კიდევ დრო გვაქვს. სეჩში ეხლა ცოტაა ხალხი; აქეთ-იქით არიან წასულნი სათევზაოდ, სანადიროდ, უკრაინის დაბა-სოფლად. ვიდრე ერთად შეიკრიბებოდნენ, ბევრი კოკა წყალი ჩაივლის დნებრში. დასასრულს, თავადის სახელი ჯერ კიდევ ძლიერ საშიშია და, თუ გაიგეს, რომ თავადი ჩერტომელიკს მიჰმართავს, იქნება დამშვიდდნენ და ველარა გაჰბედონ-რა.

— ჩივირინიდან თუნდა ორის დღის შემდეგ წავალ, — სთქვა დესპანმა.

— ძალიან კარგი. ორი-სამი დღე არაფერია. თქვენ, როგორც პოლკოვნიკმა, გაპგზაინეთ შიკრიკ-ფორინდანი და შეუთვალეთ ყოველივე სამეფო მედროშეს, თავადს დომინიკს. მაგრამ თქვენ, როგორცა ვხედავ, გძინავთ?

მართლაც, ბარაბაშმა გადიჯვარედინა ხელები მუცელზე და ჩაიძინა, შემდეგ ხვრინვაც ამოუშვა. მოხუცს პოლკოვნიკს, როცა თავისს საყვარელს საქმეში არ იყო, არ შეექცეოდა ან საქმელსა ან ღვინოს, სულ ეძინა.

— ერთი შეპხედეთ,—სთქვა ჩუმად ზაცვილიხოვსკიმ:—აი ამისთანა მოხუცებულის კაცის შემწეობით უნდათ ვარშავის ქუჩის-კოლოფებს შიშში ჰყვანდეთ ყაზახები. ღმერთმა მშვიდობა მისცეთ. ასე უჯერებდნენ თვით ხმელნიცკისაც. დიდს კანცლერს რალაც მოლაპარაკებაც კი ჰქონდა გამართული იმასთანა... ახლა აჩვენებს ის სეირსა.

დესპანმა ამოიოხრა ნიშნად თანაგრძნობისა. ბარაბაშმა უფრო ძლიერ ამოუშვა ხვრინვა და წაიბუტბუტა ძილში:

— ქრისტე ღმერთო, შენ დაგვიფარე, შენ დაგვიხსენ!

— როდის ფიქრობთ ჩიგირინიდან წასვლას?

— ორს დღეს უნდა ჩაპლინსკის მოვუცადო. იქნება დამაყოფილება მოითხოვოს.

— არ მოითხოვს. უფრო თავისს მხლებლებს მოგისევდათ, თავადის ნიშნები რომ არა გქონიყოთ, ხოლო თავადთან ჩხუბი ძნელი საქმეა, მაგას კონეცპოლსკის კაციც კი ვერ გაპხედავს.

— შევატყობინებ, რომ გელი-მეთქი და მერე წავალ ორ სამ დღეს უკან. ჩასაფრებისა არ მეშინიან, ხმალი ხომ ტყვილად არ მარტყია წელზედ; თან ცოტაოდენი კაცებიცა მყავს.

დესპანი გამოეთხოვა მოხუცს მედროშეს და წავიდა.

ქალაქი ისე იყო განათებული ცეცხლისაგან და ცეცხლმოკიდებულ ბოჩკებისაგან, რომ კაცს ეგონებოდა, მთელს ჩიგირინს ცეცხლი უკიდია და იწკისო, ხმაურობა და ყვირილი უფრო გაძლიერებულიყო დაღამებისათანავე. ურიებს შიშით თავი ვერ გამოეყოთ გარედ თავიანთ სახლებიდან. ერთს კუთხეში ორი ჩოღარი გაჰკიოდა თავისს ნალვლიანს სიმღერას. გავე-

ლურებულნი ზაპოროჟელნი თამაშობდნენ ცეცხლა პირას, ისერიდნენ მალლა ქუდებს, სკლიდნენ თოფებს და ჯამებითა სუამდნენ არაყსა. აქა-იქ ჩხუბი იყო; მოჩხუბართ ნაცვლის თანაშემწეს კაცები აშველებდნენ. დესპანი იძულებული იყო ხმლის ვადით გაეკვლია გზა; უგდებდა თან ყურს ამ ყაზახთა ჟივილ-ხივილს და რწმუნდებოდა თან და თან, რომ შორს არ იყო აფეთქება აჯანყებისა. ისე ეჩვენებოდა, რომ ვითომ გარშემო მყოფნი გაბოროტებით შემომცქერიან და მწყევლიან გულშიო. ბარაბაშის სიტყვები ჯერ ისევ ყურებში უდგა: „ქრისტე ღმერთო, შენ დაგვიფარე, შენ დაგვიხსენიო!“ და გულმა აჩქარებით დაუწყა ცემა.

ქალაქში ამ დროს ჩოდრები უფრო ხმა-მალლა გაჰკიოდნენ თავიანთ სიმღერებს, ზაპოროჟელნი ისროდნენ თოფებს და თავზედ ისხამდნენ არაყსა.

თოფის სროლის ხმა და ღრიანცელი ესმოდა დესპანს მაშინაც კი, როცა სახლში მივიდა და დაწვა დასაძინებლად.

III

რამდენისამე დღის შემდეგ რაზმი ჩვენის დესპანისა გაემართა ლუბნისაკენ. გავიდნენ ღნებრში და გაუდგნენ ვაკე გზას, რომელიც მინდორ-მინდორ მიდიოდა ქუეჩზედ, შეიდ-საფლავასა და ხოროლზედ. ეს გზა იყო ჩიგირინსა და ლუბნას შორის. ძველად, როცა გეტმანმა ჟულკევსკიმ დიდი ომი გადიხადა სოლონიცებს ახლოს, აქეთ გზები სულ არ იყო. ლუბნიდან კიევს ან ტყე-ტყე დადიოდნენ, ან მინდორ-მინდორ, ჩიგირინს კიდევ—წყალ-წყალ. საზოგადოდ, ეს ზედა-ღნებრის სახელმწიფო—ძველებური პოლოვცების ქვეყანა—ერთი უდაბური ადგილი იყო, ცოტა მეტად დასახლებული, ვიდრე ყრუმინდერები. ამ უდაბნოს ხშირად ეწვევოდნენ ხოლმე თათრები და იმიერ-ქორომელნი ბრბონი.

სულის გაღმა-გამოღმა დიდი, ხელ-უხლებელი ტყეები იყო ატეხილი. სხვა დიდი და პატარა მდინარის დაბლობ ნაპირებად გადაჭიმულიყო საძოვრები და ქაობები. ამ ტყეებსა და ქაობებში ძნელი არ იყო უშიშარი ბინა ეპოვნა სხვა-და-სხვა ნადირსა; უღრან ტყის ტევრებში მრავლად იყო ჯიხვი, დათვი და

გარეული ღორი; მრავლად იყო აგრედვე მგელი, ფოცხვერი, კვერნა, ქურციკი; ჭაობებსა და მდინარის დარნებში აუარებელი წავი იყო დაბინავებული თავის ახირებულს სადგომში. იმიერ-ქორომეთში ამბობდნენ, რომ ზოგიერთი წავი ასის წლისა იქნება და სიბერისაგან ისე გათეთრებულია, როგორც თოვლია.

მალღობ მინდვრებში ბევრი იყო ჯოგი გარეულის ცხენებისა, რომლებსაც დაჰხუჭუჭებოდათ ფაფრები და სისხლითა ჰქონდათ გავსებული თვალეები. მდინარეებში ფუსფუსი გაჰქონდა თევზის ქარვანსა, ხოლო ლელიან-ჩალიანები საესე იყო იმ ფრინველითა და ფრთოსანით, რომელსაც წყალი უყვარს. ჩინებული იყო ეს ქვეყანა, რომელიც თითქმის ძილს მისცემოდა, თუმცა კი ეტყობოდა კიდევ კვალი, რომ წინად აქ აღამიანს ჰქონოდა ბინადრობა. საცა არა მგონია ნანგრევენი სჩანდა რომელსაც ისტორიის უწინარეს ქალაქისა; თვით ლუბნი და ხოროლი ძველებურ ნანგრევებზედ იყო გაშენებული; ხშირი იყო საფლავებიც, ახალი და ძველი, რომლებზედაც უკვე ტყე გაჩენილიყო. როგორც ყრუ მინდვრებში, აქაც ღამ-ღამობით წამოდგებოდნენ ხოლმე ვითომ სულნი მიცვალებულთა და სხვადა-სხვა მავნენი და ჰქონდათ ერთი ამბავი; ხოლო მოხუცნი იმიერ-ქორომელნი ხშირად უფრო საკვირველებას უამბობდნენ ხოლმე ყმაწვილებს ღამ-ღამე ცეცხლა-პირას; დიდი ამბავია ხან-და-ხან იმ უსიერსა და უღრანს ტყეებშიო, საიდანაც ისმის რალაც უცნაურ ნადირთა ღმუილი, ყვირილი მგელკაცებისა, ყიჟინი არც თუ ომ-ბრძოლისა და არც თუ ნადირობისა; წყალ-ქვეშ წკრიალი გააქვს ხოლმე იმ ქალაქის ზარებს, რომელიც დიდწყლობას ქვეშ დაუტანიაო. ადგილ-მამული ნაკლებად იყო გამოასადეგი და ძნელად მისაველე-მოსაველელი: ზოგან მეტად ჭაობიანი, ზოგან ურწყავი; გადახრუკული, გოლვიანი და საკმაოდ საშიშო ბინადრობისათვის. დასახლებოდნენ თუ არა და დაიწყებდნენ მოწყობას, მოვიდოდა ბრბო თათრებისა და აიკლებდა, მოაოხრებდა ყოველსავე. ამ ქვეყნებს ხშირად ესტუმრებოდნენ ხოლმე მხოლოდ იმიერ-ქორომელნი: იჭერდნენ წავსა და ნადირობდნენ თევზსა და სხვა ნადირსა. როცა შიშიანობა არ იყო, უმეტესი ნაწილი ქვე-

მოურთა აქეთ-იქით დაიქსაქსებოდა ხოლმე სეჩიდან და მიდიოდა სანადიროდ, ანუ როგორც მაშინ ამბობდნენ, „საშოვარზედ“: მოედებოდნენ მდინარეებსა, ტყე-ღრეებსა, ლელიან-ჩალიანებსა და ნადირობდნენ წაეს ისეთს მიყრუებულ, უხვედრ ადგილებში, რომლის არსებობაც იქნება არც კი არავინ იცოდა რიგიანად.

ხალხი მაინც თავისას არ იშლიდა და ცდილობდა დამკვიდრებულყოფიერად როგორმე აქაურობაში, სწორედ ისე, როგორც მცენარე ცდილობს გაჰმაგრდეს დედა-მიწაში ფესვებითა და, ერთგან ამოგლეჯილს, მეორეგან უნდა ფესვები მოიკიდოს.

და აი ამ უდაბნოშიაც გაჩნდა ქალაქები, სიმაგრენი, ახალ-მოშენებობა, მოსახლეთა სოფლები და მეკომურთა ბინადრობა. მამულები ადგილ-ადგილ ნაყოფიერი იყო, ხოლო ხალხს აწუხებდა ნამეტანობა თავისუფლებისა, უარარაობა კავშირისა. ნამღვილმა ცხოვრებამა და ბინადრობამ იჩინა თავი ამ მხარეში მხოლოდ მაშინ, როცა ეს მამულები ხელში ჩაიგდეს თავად ვისნევეცკებმა. თავადმა მიხეილმა, მოგილეველის ქალის შერთვის შემდეგ ცოლად, განსაკუთრებული ყურადღება მიაქცია თავის იმიერ-დნებრის სამფლობელოს; მიხეილი ურჩევდა ყველას იქ დასახლებასა, აძლევდა მამულებს ყრუ ადგილებში, ათავისუფლებდა ხარჯისა და ბეგარისაგან ოც და ათის წლის ვადით, აშენებდა მონასტრებსა და ყველგან შეჰქონდა თვისი წესი და რიგი. ისიც კი, ვინც დიდის ხნიდგანვე იყო დასახლებული და ფიქრობდა, რომ ჩენს საკუთარს მამულზედა ვარ დაბინავებულიო, სიამოვნებითა კისრულობდა თავადის მორჩილებასა და მის ხიზნობასა; კარგად იცოდა, რომ ამ ხიზნობისათვის ძლიერი ბატონი მუარველობას გაუწევდა და, მაშასადამე, აღარავითარი შიშიც აღარ ექნებოდა თათრებისა და ქვემოურებისა, რომელნიც თათრებზედ უფრო საშიშნი იყვნენ. ცხოვრება აღყვავდა და დაიწყო პირამდე დუღილი უფრო ახალგაზდა თავად ერემიას რკინასავით მაგარს ხელში. მისი მამულები იწყებოდა იქვე ჩიგირინიდან, ხოლო თავედებოდა კონოტო-

პთანა და რომნებთანა. ეს კიდეც არაფერი: მისი საკუთრება იყო მამულები სანდომირის სამოურავოდგან დაწყებული ვილნოს სამოურავოში, რუსეთისაში და კიევისაში; პუტივილის ახლო გამარჯვებულს თავადს კი უფრო უყვარდა მამულები ზელა-დნებრისა.

თათარი დიდ ხანს დაძრწოდა ხოლმე ქ. ორიოლთან, ვორსკის ახლო-მახლო და მგელივით სცქვეტდა ყურებს, ვიდრე გაჰბედავდა ჩრდილოეთად ექმნა პირი; ქვემოაურნი მიწყნარებულნი იყვნენ; თვით მოუსვენარნი ახლო-მახლო შემდგარნი ბრბონი ავაზაკთა დაემორჩილნენ თავადის ბატონობას. ნაღირი, მოუსვენარი ხალხი, რომელიც წინად ძარცვითა და რბევით სცხოვრობდა, ეხლა განსაზღვრულ ყოფაში ჩაეარდნის შემდეგ, დაბინავდა სამზღვრებს ახლო და გამაგრებული სახელმწიფოს მიჯნებზედ, როგორც ჯაკვით დაბმული ძაღლი თავისის საშინელის კბილებით, ემუქრებოდა თათრების ურდოთა.

ყოველივე გაცოცხლდა და გადახალისდა. ძველის გზების ნაკვალევზედ გაიქრა ახალი გზები, მდინარეთა ნაპირებად გაჩნდა გოდორ-ყურები, ამოვსებული ძარცვის დროს ტყვედ შეპყრობილ თათრისა ან ქვემოაურის ხელით. იქ, საცა წინად ქარი ზუზუნებდა ლელიანებში, ახლა წისქვილებს გაჰქონდა მხიარულად რახრახი, ოთხასზე მეტი ბორბალი ტრიალებდა, ქარის წისქვილებს გარდა, და ჰფქვავდა პურს მარტო იმიერ-ქორომეთში. ორმოცათას ხიზანს მიჰქონდა ღალა თავისს ბატონისათვის, ტყეები გაივსო საფუტკრეებით, სამზღვრებზედ გაჩნდა ახალი სოფლები, დასახლდნენ მეკომურნი. მინდერებში გარეულ ჯოგთან ერთად სძოვდა ნახირი. ერთ-ფეროვანი, გულის გამაწვრილებელი მიდამო შეამკო ეკლესიებისა და მონასტრების შევერცხლილ და მოაქრობებულმა გუმბათებმა და უდაბნო ნელ-ნელა გაივსო ხალხითა და მცხოვრებლებით.

ბატონი დესპანი კარგს გუნებაზედ იყო და მიდიოდა აუჩქარებლად; საშურო არა ჰქონდა-რა, საქმე გაკეთებული იყო. თუმცა იანვრის დამღვეი იყო, ზამთარი არას არ ეტყობოდა. ჰაერში გაზაფხულის სუნნი იდგა; გამთბარი ღელა-მიწა მოფენი-

ლი იყო გუბეებით, მინდორში ბალახი მწვანედ ბიბინებდა, ხოლო მზე ისე იკბინებოდა, რომ შუადღისას კაცი იძულებული იყო საზამთრო თბილი ტანისამოსი გაეხადნა.

რაზმი დესპანისა შესამჩნევად გადიდდა. ჩიგირინში მოემატა ვლახეთის საელჩო ამაღლა, რომელიც გოსპოდარს გამოეგზავნა ლუბნში და უფროსად ჰყვანდა პან როზვან ურსუ. ამალას თან ახლდა რამდენიმე ცხენოსანი და მხლებლებით საესე ურმები. ამათ გარდა დესპანთან ერთად მოდიოდა ჩვენი ნაცნობი პან ლონგინუს პოდბიპენტა, ზერვიკაპტურის დერბისა თავისის გრძელის მახვილითა და რამდენისამე მხლებლითა.

ცხრა თვალი მზე, ჩინებული ამინდი და სურნელება მოახლოვებულის გაზაფხულსა ატკობდა გულს რაღაც სიხარულითა, ხოლო დესპანი მით უფრო მხიარულად იყო, რომ თავადის სახლში მიდიოდა ხანგრძლივის მოგზაურობის შემდეგ; თავადის სახლი კი მისი სახლიც იყო. მიდიოდა მაშინ, როცა უკვე კეთილად ჰქონდა შესრულებული მინდობილობა და ამის გამო, რასაკვირველია, დაიმედებული იყო, რომ თავადის სახლში კარგად დამხვდებოდა.

ისიც კია, რომ ცოტაოდენი სხვა მიზეზებიც ჰქონდა ასეთის სიხარულისათვის.

თავადის ჯილდოს გარდა (დესპანს უყვარდა თავადი გულითა და სულითა), ლუბნში ელოდა დესპანს მაყვალვიით შავი თვალელები.

ეს თვალელები ეკუთვნოდა ანუსა ბოყოზოლატა კრასენსკისას, კნეინა გრიზელდას ფრეილინას, ყოვლად ლამაზს მთელს ამაღლაში, დიდს ოინზაზს, რომელმაც თავბრუ დაახვია ლუბნის ახალგაზნა კაცებს, ხოლო თვითონ კი ისე ჰქონდა დამშვიდებული გული, ვითომც გარშემო არაფერი ამბავიაო. კნეინა გრიზელდას ზნეობა უპირველესს საქმედ მიაჩნდა, ზრდილობის წეს-რიგი სასტიკი იყო მის სასახლეში, მაგრამ ეს მაინც არ უშლიდა ახალგაზნობას ერთმანეთში სიყვარულის ისრების სროლა ჰქონოდათ, ოხკრა და სულთქმა-უში გაემართათ. პან სქშეტუსკიც ოხრავდა სხვებთან ერთად შავის თვალელებისა-

თვის, ხოლო როცა მარტოდ-მარტო დარჩებოდა ხოლმე თავისს ოთახში, წამოავლებდა ხელს ფანტურსა, და დაიწყებდა მღერას:

„შენ ყვავილო ყვავილთაო“....

მაგრამ რადგან მხიარულის ბუნების კაცი იყო და გაგიჟებით უყვარდა თავისი სამხედრო ხელობა, მაინცა და მაინც გულს არ უკლავდა ის გარემოება, რომ ანუსა, მასთან ერთად, უღიმოდა პან ბიხოვეცსაც ვლახეთის დროშისას, პან ვურცელსაც, რომელიც ხელობით თოფში იყო, დრაგუნს პან ვოლოდიევსკისაც, და ასე გასინჯეთ, გუსარს პან ბარანოვსკისაც, თუმცა ეს უკანასკნელი საშინლად იყო დამახინჯებული ყვავილითა, ძალიან უკიდებდა ენას და ჩიფჩიფობდა, რადგან ტყვია სასაში ჰქონდა მოხვედრილი. ჩვენმა დესპანმა ერთხელ კიდევ გამოითხოვა ხმალში ანუსას გამო პან ვოლოდიევსკი და შეებრძოლა, მაგრამ როცა დიდ ხანს დარჩა ლუბნში უსაქმოდ, გაბეზარდა და ანუსას ახლო ყოფნამაც ვერ განუფანტა მოწყენილობა; ამიტომ, როცა წასვლა მოუხდა იქიდან, დიდის სიამოვნებით გაუდგა გზას: არც არა დაჰნანებია-რა, არცა-რა მოსაგონი დარჩენია რამე.

ახლა კი მხიარულად იყო. ახლა ყირიმიდან დაბრუნებული მოდიოდა, მინდობილობა კარგადა ჰქონდა შესრულებული და ამიტომ მხიარულად ღიღინებდა თავისთვის და მოერეკებოდა ცხენს. მის გვერდით მოდიოდა პან ლონგინუსი, რომელიც უზარმაზარს ცხენზედ იჯდა და ჩვეულებრივ იყო მწყუხარე და მოწყენილი. ეტლები და ურმები საელჩოს ამალასი უკან დარჩა; უკან დარჩნენ აგრედვე ჯარის-კაცნი და მხლებელნი.

— ბატონი ელჩი ისე ძვეს თავისს ეტლში, როგორც კუნძი, და სძინავს,—სთქვა დესპანმა.—იმდენი საკვირველი ამბავი მიაშრო თავისს ვლახეთისა, რომ ბოლოს ენა მოეღალა. კაი გასაგონი ამბები კაი. დიდაც, მაგათი ქვეყანა მდიდარია, ჰავათბილი; ოქრო, ღვინო, საქონელი, ყოველივე უხვად არის. მაშინვე ვიფიქრე, რომ ჩვენს თავადსაც, რაკი მაგილეველ ქა-

ლისგან არის დაბადებული, უფლება აქვს-მეთქი გოსპოდარების ტახტის დაქერისა. ვლახეთი უცნაური ხილი არ არის ჩვენებისათვის. ბევრჯელ აღუდენიათ იქ ზურგზედ ბოლი ოსმალოსთვისაც, თათრისათვისაც, ვლახელთა და სემიგრაედელთათვისაც...

— იქ მცხოვრებნი ისე მაგარნი ვერ არიან, როგორც ჩვენში,—ჩამოართვა სიტყვა პან ლონგინუსმა.—ჩივირინში მიაბო ესა პან ზაგლობამა, ხოლო იმისიც რომ არ დამეჯერებინა, მაგასვე ამბობს სამღვთო-წერილის წიგნები.

— როგორ თუ წიგნები?

— მე მაქვს ერთი მაგისთანა წიგნი, შემოძლიან გაჩვენოთ... სულ თან დამაქვს მუდამ.

პან ლონგინუსმა ჩაჰყო ხელი ხურჯინში, ამოიღო იქიდან პატარა წიგნი, რომელსაც ტყავის ყდა ჰქონდა, ჯერ ღვთისმოსაობით აკოცა წიგნს, მერე გადაჰშალა რამდენიმე ფურცელი და სთქვა:

— წაიკითხეთ, აბა.

პან სქშეტუსკიმ დაიწყო კითხვა:

— „შენს მჟურველობას მოემართათ, ღვთისმშობელო“... აქ ვლახების ამბავი არა არის-რა? რას ამბობ? ეს ხომ ძილის პირია!

— წაიკითხეთ ქვემოლ.

— „... რათა ღირს ვიყვნეთ საუკუნო ცხოვრებისა. ამინ“.

— ჰო-და, ახლა კითხვაა...

სქშეტუსკიმ წაიკითხა:

— „კითხვა: რადა ჰქვიან ვლახეთის კავალერიას სუბუქი? მიგება: იმიტომ, რომ ადვილად და სუბუქად ილტვის ბრძოლის ველიდან. ამინ!“—მართალია. ეს კია, რომ ამ წიგნში ძალიან არეულ-დარეული ამბებია.

— ეგ წიგნი ჯარის-კაცთა წიგნია და ლოცვებთან ერთად შიგ მოთავსებულია სხვა-და-სხვა *instrucciones militares*, რომელთა წყალობითაც ბევრს რასმე გაიგებს კაცი სხვა-და-სხვა ხალხის შესახებ, ვის რა ღირსება აქვს და რა ნაკლულებიანება სჭირს; აი, მაგალითად, ვლახების ამბავს, რომ ისინი მხდალნი არიან და მასთანვე დიდი მოღალატენი და ფიცის გამტეხნი.

— რომ მოღალატენი არიან, იქიდანაცა სჩანს, რაც თავად მიხეილს გადახდა... მაგრამ აი ჩვენს თავადს ვლახეთის მთელი სადროშო ჰყავს პან ბიხოვეცის უფროსობით. ეს კია, რომ ამ სადროშოში ოცი ვლახელიც ძლივს იქნება.

— როგორა გგონიათ, ბატონო დესპანო, დიდია თავადის მხედრობა?

— იქნება რვა ათასამდე, ყაზახნი რომ არ ვიანგარიშოთ, რომელნიც მიჯნებზედა სდგანან. ამას გარდა, ზაცვილიხოვსკიმ მითხრა, რომ ახალი რაზმებიც უნდა შეადგინოსო.

— მაშ, შესაძლოა, ღმერთმა ბრძანოს და გავუმკლავდეთ კიდეც ვისმესა თავადის მხედართ-მთაფრობით?

— ამბობენ, რომ დიდი ომია მოსალოდნელი ოსმალთა-ნაო და თვით მეფე ამხედრდება და მთლად რესპუბლიკის ჯარით წაევა სალაშქროდაო. ყირიმშიაც გავიგონე ეს ამბავი და იქნება იმიტომაც მიმიღეს ისეთის პატივისცემითა. ხმა დადის, რომ, როცა მეფე და გეტმანები დაიძვრიან, თავადი ყირიმს უნდა დაესხას თავს და სულ გააქროს თათრების სახსენებელიო. დიალაც, რომ სხვას ვერც მიანდობენ ამისთანა დიდს საქმეს.

პან ლონგინუსმა აღაპყრნა ცად მიმართ ხელნიცა და თვალნიცა.

— ღმერთო მოწყალეო! ასტეხე ამისთანა ომი სადიდებლად ქრისტიანობისა, ხოლო მე ცოდვილს ნება მომეცი ამ ომში შევასრულო აღთქმა ჩემი, რათა შემეძლოს ან მოვისვენო, ან იქვე მივეგებო მოწამებრივსა აღსასრულსა.

— ომის გამა დასდევით აღთქმა?

— ეგოდენს ღირსეულს რაინდს, როგორც თქვენა ბრძანდებით, მთლად გადაეუშლი ჩემს გულს, თუმცა კი ბევრი ლაპარაკი მომინდება. მოგეხსენებათ, რომ ჩემი ღერბია ზერვიკაპტური*), ხოლო წარმომდინარება მისი ასეთია: გრიუნველდს ახლო ჩემმა წინაპარმა სტოვეიკო პოდბიპენტამ დაინახა თუ-

*) ზერვიკაპტურ—ვითომ მოიხსენ ყაბალახიანი წამოსასხამი.

რმე სამი რაინდი, რომელთაც ყაბალახიანი საბერო წამოსასხამი ეცვათ; რაინდნი მწკრივად თურმე მიდიოდნენ ცხენებითა და ჩემმა წინაპარმა ერთის შემოქნევით სამსავე ერთად გააგდებინა თავი ხმლითა; ეს ამბავი ძველს ქრონიკებში სწერია, ჩემის პაპის სასახელოდ...

— თქვენს წინაპარს თქვენზედ სუბუქი ხელი აღარა ჰქონია. ტყუილად არ დაურქმევიათ ზერეიკატური.

— მეფემ უბოძა ღერბი, ხოლო ღერბზედ სამი თხის თავია გამოსახული; იმ რაინდების მუზარადებზედაც, რომელიც მოჰკლა ჩემმა წინაპარმა სტოვეიკო პოდბიპენტმა, ასეთივე თხის თავები იყო თურმე გამოსახული. ეს ღერბი თავისს მახელითურთ ჩემმა წინაპარმა უანდერძა თავისს ჩამომავალსა და უბრძანა, არ შეარცხვინოთ სახელი და დიდება ჩვენის გვარისაო.

— მართლა რომ შესანიშნავის გვარის კაცი ყოფილხართ! პან ლონგინუსმა მწუხარედ ამოიოხრა და განაგრძო:

— ერთი მე-ლა დავრჩი ჩემს გვარში და ამიტომ აღთქმა დავდე თროკის ყოვლად-წმიდისა ქალწულისა წინაშე ვიცხოვრო სიწმიდითა და მანამ არ დავადგა ფეხი საქორწინო ფიანდაზსა, ვიდრე ჩემის წინაპარის მაგალითისამებრ ამავე მახვილით სამს მტერს ერთად არ მოვკვებ თავსა. ოჰ, ღმერთო მოწყალეო, შენ უწყი, რომ ყოველივე მოვიქმედე, რაც კი შემეძლო. უბიწოება ჩემი დავიცევ დღევანდლამდე, გულსა ჩემსა ვუბრძანე დაღუმებულისა; ვეძებდი ომს და ვიბრძოდი, მაგრამ, ვაი ჩემდა, ბედმა არ გამიღიმა.

პან სქშეტუსკიმ თავი ველარ შეიმაგრა და გაიღიმა.

— მაშ ველარა და ველარ მოახერხეთ სამი თავი მოგვეკვითათ ერთად?

— ვერა. ბედი არა მაქვს! ორ-ორი კი გავაგდებინე და სამი ერთად კი ვერა. რა ჰქნას კაცმა, მტერს ვერა სთხოვ, ისე დადექით, როგორც მე მეხერხებაო და ისინი კი თვითონ არა სდგებიან მწკრივად სამსამნი. მარტო ერთი ღმერთი ჰხედავს ჩემს მწუხარებასა: ღონე მაქვს მაჯაში, იარაღიცა... დრო კი

მირბის, მალე ორმოცი წელი გამლუნავს... გულს სწყურიან სიყვარული, გვარი ლამის ამოსწყდეს და სამი თავი კი არსადა სჩანს და არა! კაი დამემართოს, კარგი ზერევიკაპტური მე არა ვარ! სასაცილოდა ვარ აღებული ყველასაგან, როგორც სამართლიანად ამბობს პან ზაგლობა.

ლიტველმა ისე დაიწყო ამოახვრა, რომ მისმა ცხენმაც კი, უთუოდ თანაგრძნობის გამო, შესაბრალოსი ქიხინი მორთო.

— ერთის თქმა შემიძლიან,—სთქვა დესპანმა:—იმის თქმა, რომ თუ თავად ერემიას ხელშიაც ვერ ეწიეთ ბედს, გამოეთხოვეთ მაშინ თქვენს იმედს.

— ღმერთმა ბრძანოს! იმიტომ არ მოვდივარ, რომ მინდა მის სამსახურში შევიდე.

ეს ორთა-შუა ლაპარაკი შეწყვეტილ იქმნა ერთის საკმაოდ უცნაურის ამბის გამო. როგორც წინადაცა ვაქვით, ამ ზამთარს მდინარენი არ გაყინულა და ფრინველნი არ წასულიყვნენ თბილს ქვეყნებში. პარუჩიკი და პან ლონგინუსი მიუახლოვდნენ უკვე კალამლიკის ნაპირს, და უცებ შეჰნიშნეს, რომ ცაში მიფრინავდა გუნდი წეროებისა. წეროები ძლიერ დაბლა მიფრინავდნენ, მაგრამ უცბად, იმის მაგიერ, რომ ლელიანებში დაშვებულნიყვნენ, შესცვალეს მიმართულება და მალლა-მალლა წავიდნენ.

— ისე მიჰფრინავენ, თითქო მისდევს ვინმე და თავს უნდა უშველონო,—სთქვა პან სქშეტუსკიმა.

— აგერა, ჰხედავთ?—და პან ლონგინუსმა დაანახვა თეთრი ფრინველი, რომელიც ცდილობდა გუნდს დაახლოვებოდა.

— მიმინოა! მიმინო უშლის ძირს დაშვებასა!—დაიძახა დესპანმა.—ელჩსა ჰყავს მიმინოები; უთუოდ იმან აუშვა.

ამ დროს მოუახლოვდა ცხენოსნებს პან როზვან ურსუ, რომელიც ანატოლიის შავს ცხენზედ იჯდა. მას მოჰყვნენ რამდენიმე მხლებელნიცა.

— ბატონო პარუჩიკო,—სთქვა მან,—გთხოვთ მონაწილეობა მიიღოთ ნადირობაში.

— ეგ თქვენი მიმინოა?

— ჩემია და კარგიც არის, როგორც თქვენც დაინახავთ... სამივემ ერთად გააქენეს ცხენები; ვლახელი ბაზიერთ-უხუცესიც მათ უკან დაედევნა.

მწყაზარმა მიმინომ ძალა დაატანა ამ დროს წეროთა გუნდს, რომ მალლა-მალლა წასულიყო, მერე თვითონაც ისარივით აფრინდა უფრო მალლა და გაიძაბა ერთს ადგილას. წეროები ერთად შეეგუფდნენ. ატყდა ხმაურობა და ყიჟინი. ფრინველთ გაიწვდინეს კისრები, აიღეს მალლა ნისკარტები, თითქო ისრებიო და ელოდნენ იერიშს.

მიმინო კი ისევ თავს დასტრიალებდა გუნდს. ხან დაეშვებოდა, ხან ისევ მალლა წავიდოდა; კაცს ეკონებოდა, ეშინიან დაეშვას ძირსაო, საცა ასი მახვილივით გამწვეტებული ნისკარტი დაჰხვდებოდა. მხოლოდ მის თოვლივით თეთრს ფრთებს გაჰქონდა ქათქათი უღრუბლო ცის ლაჟვარდში.

უცებ, იმის მაგიერ, რომ ფრინველთ მიჰსეოდა, მიმინო გაექანა სხვა მხრისაკენ და მალე მიიმალა ხეებს იქით.

სქშეტუსკი გაექანა მიმინოსკენ. ელჩმა, ბაზიერთ-უხუცესმა და პან ლონგინუსმაც იმის მაგალითს მიჰბაძეს.

ერთს აღმართთან, საცა მოსახვევი ჰქონდა გზას, დესპანმა უცბად შეაყენა ცხენი; ახლა სხვა და ახირებული სურათი წარმოუდგა თვალ-წინ. შუა გზაზედ ეგდო ეტლი, რომელსაც ღერძი გასტეხოდა. ორს ყაზახს ეჭირა გამოშვებული ცხენები; მეეტლე არსადა სჩანდა; ალბად წავიდა სადმე სხვა ეტლის საშოვნელად. ეტლს ახლოს იდგა ორი ქალი, ერთი მწყურალის, მამაკაცივით რიხიანის სახისა, მელის ბეწვის მძიმე ქურქ-წამო-სხმული; ამ დედაკაცს თავზედაც ამისთანავე ქუდი ეხურა, რგვალ ბოჭკოიანი; მეორე იყო ყმაწვილი ქალი, ტანადი და მალალ-მალალი, მეტად სურათის და ჩინებულიის სახისა. ახალგაზდა ქალის მხარზედ დინჯად იჯდა ლტოლვილი მიმინო, რომელსაც გაეშალა ფრთები და ნაზად იქირქნიდა ნისკარტითა.

დესპანმა ისე ძლიერ აღაგმა ცხენი, რომ კინალამ ჩააჩოქა, მერე გონება-დაუტანებლივ მიიღო ხელი ქუდთან და სულ

თაე-გზა დაეპნა: არ იცოდა, რა ექნა, სალამი შეეცა, თუ მიმინოზე დაეწყო ლაპარაკი; დესპანი უფრო აირია მაშინ, როცა ყმაწვილმა ქალმა შეანათა ისეთი თვალები, რომლისთანაც თავისს დღეში არ ენახა: მაყვალღვით შავი, ცეცხლის-მურქვევი; წამ-და-უწუმ იცვლებოდა მეტყველება მისის თვალებისა... ამ თვალებთან ისე არაფრად გამოჩნდებოდა თვალები ანუ-სია ბოჟობოლატისა, რაგორც სანთელი ჩირალდანთან. თვაწერილი წარბები შავად გადასჭიმოდა და ამკობდა მშვენიერს ლებს; მარჯანივით ბაგეთა შორის მოსჩანდა მიჯრით მიწყობილი თეთრი კბილები; კისერსა და ზურგს უფარავდა ხშირი წაბლის-ფერი თმა, რომელიც საამურად ჰდელავდა. უყურებდა დესპანი ამ თვალებს, ამ შეკოკბებულს ტანადობას, ამ თეთრს მიმინოს მის მხარზედ და ჰფიქრობდა: „იუნონა ჩამოსულა ამ ქვეყნად, თუ სხვა რამ ღვთაებაა“. ჩვენი პარუჩიკი იდგა, თითქო გაქვავებულაო, ქუდ-მოხდილი და ჰგრძნობდა მხოლოდ, რომ გული ეკუმშებოდა უცნაურის ტკივილით. ის-იყო უნდა დაეწყა სიტყვა თვისი: „თუ ხარ სიკვდილის შვილი, და არა ღვთაება“... და სწორედ ამ დროს მოვიდა ელჩიცა, პან ლონგინუსიცა და ბაზიერთ-უხუცესიცა. ღვთაებამ გაიწოდა მკლავი, მიმინო გადავიდა ზედ და გაიარა კინკილით. დესპანს უნდოდა დაესწრო ბაზიერთ-უხუცესისათვის და აეყვანა ფრინველი, მაგრამ მიმინო ერთი ფეხით ქალის მკლავზედ იდგა, ხოლო მეორეთი დაებლაუქა დესპანის ხელს და ისეთის სიხარულით დაიწყო ქურობინი, ისე დაუწყა მიზიდვა თავისკენ დესპანს, რომ ბოლოს მაინც თავისი გაიყვანა. სქმეტუსკის სულ ჟრუანტელმა დაუარა, ხოლო მიმინო მაშინ დაჰნებდა, როცა ზედ ქალის ქუდი დაჰხურეს.

— რაინდო! — დაიწყო უფროსმა ქალმა: — ვინც უნდა იყვნეთ, ნუ გვეტყვით უარს და შემწეობა აღმოუჩინეთ ქალებს, რომელთაც თვითონაც არ იციან, რა ჰქნან. ჩვენს სახლამდე სამ მილზედ მეტი მანძილი არ არის, მაგრამ ეტლის დერძი გაგვიტყდა და ლამის მინდორში დავრჩეთ ამაღამ. მეეტლე გავუგზავნე ჩემს შვილებს, რომ იქნება ურემი მაინც გამოგვიგზავ-

ნონ, მაგრამ ვიდრე ის დაბრუნდება, დაღამდება კიდევცა; აქ დარჩენა კი ამაღამ ძნელია, საშიშია... ყველგან საფლავებია ახლო-მახლო...

ხნიერი ახნაურშვილის ქალი აჩქარებითა ლაპარაკობდა და ისეთი რიხიანი ხმა ჰქონდა, ისეთი ომახიანი იყო, რომ დესპანს გაუკვირდა კიდევცა. მაინც ზრდილობიანად უპასუხა:

— რა თქმა უნდა, ფიქრადაც არ მოგვივა, რომ ამ მინდორში დაგტოვოთ და შემწეობა არ აღმოგიჩინოთ თქვენცა და თქვენს მშვენიერს ქალსაც. ჩვენა ვმსახურობთ თავად ერეშია ვისნევეცკის ჯარში, მივდივართ ლუბნსა და, ვგონებ, გზა ერთი გვაქვს. ერთი გზაც რომ არა გვქონდეს, დიდის სიამოვნებით გადუხზვეთ ჩვენს გზას, ოღონდ კი ის საყვედური არ დავიმსახუროთ, რომ ქალებს პატივისცემით არ მოეპყრნენო. ეტლები არა გვაქვს, ჯარის კაცნი ვართ, ცხენებით მივდივართ, მაგრამ იმედი მაქვს, ბატონი ელჩი სიხარულით დაგითმობთ თავისს ეტლს.

ელჩმა მოიხადა თავისი სიასამურის ქუდი (პოლონური კარგად იცოდა ელჩმა) და, როგორც ნამდვილს კარის კაცს შეეფერება, რაღაც ძალიან ასლი თავაზიანი სიტყვები სთქვა პასუხად. ბაზიერთ-უხუცესს უბრძანა, წადი მალე და საჩქაროდ მოართვი ქალებს ეტლიო, რომელიც კარგა უკან დარჩენილიყო. დესპანი კი ამ დროს თვალს არ აშორებდა მშვენიერს ასულს, ისე რომ ახალგაზდა ქალი სირცხვილით გაწითლდა და თვალები ძირს დაჰხარა. უფროსმა დედა-კაცმა კი, რომელიც ყაზახის იერისა უფრო იყო, განაგრძო:

— ღმერთმა გადაგიხადოთ სამაგიერო ჩვენის პატივისცემისათვის. ლუბნამდე ჯერ კარგა შორს არის; ამიტომ უარს ნუ გვეტყვი და ჩვენს სახლში გვეწვიეთ. ჩვენ რაზლოგიდანა ვართ; მე გახლავართ ქვრივი თავადის კურცვეიჩ-ბულიგის, ეს კი უფროსის კურცვეიჩის ასულია; ჩემის მახლისა. იმან მოგვცა აღსაზრდელად ეს ობოლი ქალი. ჩემი შვილები ეხლა შინ არიან; მე ჩერკასში ვიყავ სალოცავად და იქიდან მოვდივარ. გზაში ეს უსიამოვნება შეგვემთხვა და თქვენ რომ არ შეგხვედროდით, მინდორში მოგვიხდებოდა ღამის გათევება.

კნენა კიდეგ განაგრძობდა ლაპარაკს, მაგრამ ამ დროს გამოჩნდა შორიდან მომავალი ეტლი, რომელსაც მოსდევდნენ კაცები ელჩისა და ჯარის-კაცი პან სქშეტუსკისა.

— მაშ თქვენ თავად ვასილ კურცევიჩის ქერივი ბრძანდებიო?—ჰკითხა დესპანმა.

— არა!—საჩქაროდ უპასუხა კნენამ უკმაყოფილებით.— კონსტანტინეს ქერივი ვარ, ეს კი ვასილის ქალია, ელენე.— კნენამ მიუთითა ყმაწვილ ქალზედ.

— ლუბნში ბევრსა ლაპარაკობენ ხოლმე თავად ვასილის შესახებ. კარგი მეომარი იყო და მეგობარი თავადის მიხეილისაო.

— მე ლუბნში არა ვყოფილვარ,—სთქვა გოროზობის კილოთი კნენამ,—და არა ვიცი-რა, თუ რამ სამხედრო ღვაწლი მიუძღვის ვასილს, ხოლო რაიცა შეეხება მის შემდგეს ყოფა-ქცევას, ლაპარაკადაც არა ღირს... ყველამ იცის, რაც იყო.

ამ სიტყვებზედ კნიაჟნა ელენემ თავი ისე დაჰლუნა, თითქო ყვავილია, ნამგლით მოთიბულიო.

— მაგას ნუ ჰბრძანებთ,—თავ-გამოდებით გამოესარჩლა დესპანი თ. ვასილს.—თავადი ვასილი, რომელსაც კაცთა სასტიკმა მართლ-მსაჯულებამ გადუწყვიტა, წაერთვას ქონება და სიცოცხლეო, იძულებულ ჰყვეს გაქცეულიყო და თავი გადაერჩინა სასჯელისგან, მაგრამ მერე დამტკიცდა იმისი სრული უბრალოება. ვასილს დაუბრუნდა სახელი, აღდგენილ იქმნა მისი პატიოსნება და ახლა მით უფრო დიდებულია მისი სახელი, რაც უფრო მეტი იყო მისი დამტანჯველი უსამართლობა.

კნენამ მტრულად შეჰხედა დესპანს. მისი უიმისოდაც უსიამოვნო სახე დაჰგრიხა სიბრაზემ, მაგრამ პან სქშეტუსკის ისეთი შესახედაობა ჰქონდა, რომ უნებურად პატივის ცემით უნდა მოჰპყრობოდა, ამიტომ ვერა ჰხედავდა ეპასუხნა რამე მისთვის და ისევე კნიაჟნა ელენეს მიჰმართა:

— შენთვის საჭირო არ არის ამისთანაების მოსმენა. ისა სჯობია, წახვიდე და თვალ-ყური დაიჭირო, რომ ყოველივე ბარგი გადააწყონ ჩვენის ეტლიდან ელჩის ეტლში.

— ნებას მიბოძებთ, მოგეშველოთ?—ჰკითხა დესპანმა.

ორივენი წავიდნენ ეტლისაკენ, მაგრამ შესდგნენ თუ არა მის გვერდით, კნიაჟნამ აიღო მალლა თავისი ისარივით გრძელი წამწმები და ისე შეაშუქა პარუჩიკს თვალები, რომ ასე ეგონა, ცხრა თვალის მზის სხივი, თბილი, აღერსიანი სხივი მომხვდაო.

— როგორ გადავიხადოთ მადლობა, — დაიწყა ქალმა და დესპანს ისე ეგონა, რომ მისი ხმა საუკეთესო მუსიკააო, — როგორ გადავიხადოთ მადლობა, რომ ეგრე გამოესარჩლეთ მამიჩემის სახელს და იფარავდით იმ უსამართლობისაგან, რომელსაც აყენებენ მახლობელნი ნათესავნი.

— ო, პანნა! — უპასუხა პარუჩიკმა და თან ჰგრძნობდა, რომ გული მისი სდნებოდა გაზაფხულის თოვლივითა. — ღმერთს გეფიცებით, რომ თქვენის სიტყვების გულისთვის მზადა ვარ ცეცხლში გადავვარდე, სიცოცხლე გავწირო... მაგრამ მაინც ჩემი ღამსახურება თქვენს წინაშე იმდენად მცირეა, რომ არა მგონია, ნება მქონდეს მივიღო თქვენი მადლობა.

— თუ კი არ უგულობელ-ჰყოფთ ჩემს მადლობას, თუ არ მადლობის თქმით, სხვათერვ რით გადავიხდი თქვენს სიკეთეს მე, ერთი საწყალი ობოლი.

— მე? — განაგრძობდა უმეტესის აღფრთოვანებით დესპანნი: — მე მხოლოდ იმას ვნატრობ, რომ თქვენი გული მოვიგო, მხოლოდ იმასა გთხოვთ, რომ ნება მიბოძოთ ვიყო თქვენი ერთგული ყმა.

კნიაჟნა გაწითლდა, აირია, მერე უცებ გაყვითლდა და, მიიფარა-რა ხელები პირი-სახეზედ, ყრუდ წარმოსთქვა:

— მარტო ერთს უბედურებას მოგიტანთ თქვენ ეგა. დესპანი დაიხარა ეტლისაკენ.

— ყველაფერს ავიტან, — სთქვა მან დიდის გრძნობითა, — ყველაფერს — უბედურებასაც, მწუხარებასაც, ტანჯვასაც.

— რაინდო, შეუძლებელია, რომ პირველ ნახვისათანავე მზად იყოთ ყოველივე იტვირთოთ ჩემდა სამსახურისათვის.

— დაგინახეთ თუ არა, მყისვე დამავიწყდა ჩემი თავი და ახლა ის ვიცი მხოლოდ, რომ აქამდე თავისუფალი ჯარის-კა-

ცი, დღეს დატყვევებული ვარ. სჩანს, ასეთია ნება უფლისა. გრძნობა ისარია, რომელიც უცბად განეწონვის გულსა... და აი ვგრძნობ, რომ ისარი მაქვს გულს გარქობილი, თუმცა იქ-ნება მე თვითონ არ დამეჯერა, სხვას რომ ეთქვა ვისმე გუშინ ეს ამბავი ჩემთვის.

— თუ თქვენ ვერ დაიჯერებლით მაგას გუშინ, მე როგორ დავიჯერო დღეს?

— დრო დაგაჯერებთ, ხოლო განა შეიძლება არ დაიჯეროთ... გულ-წრფელობა ჩემი? განა არ ეტყობა ჩემს სიტყვებს, არ მეტყობა სახეზედ?

კვლავ მალლა აილო კნიაჟნამ ისარივით სწორე წამწმები, კვლავ მისი თვალები დააცქერდა ვაჟაკურს, კეთილშობილს სახეს ახალგაზნა რაინდისას, სახეს, საესეს ისეთის აღტაცებით, რომ კნიაჟნა ძაღზედ გაწიჯლდა. ახლა კი თვალები ძირს აღარ დაჰხარა და დიდ ხანს უცქირეს ერთმანერთს ამ ორმა არსებამ, რომელთაც მინდორში ჰნახეს ერთმანერთი, უცბად მიუხვდნენ ერთმანერთს გულის პასუხს, უცბად გააერთიანეს თვისნი სულნი.

გარნა მოხუცი კნენა დაურიდებლად აცხადებდა უკმაყოფილებას. ელჩის ეტლები მოვიდა, მხლებლებმა გადააღაგეს ბარგი-ბარხანა და ერთს წუთს შემდეგ ყოველივე მზად იყო.

პან როზვან ურსუმ თავაზიანად დაუთმო ქალებს თვისი ჩასაჯდომი, დესპანი შეჯდა თავისს ცხენზედ და ყველანი გაუდგნენ გზას.

სადამოჟამდებოდა. აღიდებული წყალი კალამლიკისა ოქროს ფრად შეეღება ჩამამავალს მზეს და მოწითანო ფერი დაედო სადამოს ჟამსა. მალლა ცაზედ სუბუქი ბამბიქულასავით თეთრნი ღრუბელნი ნელ-ნელა მიეშურებოდნენ ცის დასავლისაკენ, თითქო დაღლილნი დღისით და ახლა დასასვენებლად მიდაან სადლაც შორსაო. პან სქშეტუსკი მიერეკებოდა ცხენს იმ მხრივ, რომელისკენაც კნიაჟნა იჯდა ეტლში და იყო გაჩუმებული. ისე ლაპარაკი იმასთან, როგორც ამ ერთის წუთის წინად ელაპარაკებოდა, არ შეიძლებოდა, ხოლო სხვა რამეზედ ბაასი და მუისაიფი არ უნდოდა. მთლად გული უცემდა სიხა-

რულით და თავი უპქყვრიალგბდა, თითქო ღვინო დაულე-
ვიოა.

ყველამ აჩქარებით გასწიეს. ჩამოვარდა ღუმილი და მხო-
ლოდ ცხენების ფრუტუნნი-ლა ისმოდა. ბოლო ეტლში მყოფ-
მა თავადის ამაღამ დაიწყო რალაც ვლახური სიმღერის თქმა,
მაგრამ იმასაც მალე მიუწყდა ხმა. ღამე გამეფდა ნელ-ნელა,
ვარსკვლავებმა იწყეს ციმციმი ცაზედა, ნამიან მინდვრებს ნისლ-
ბურუსი ისე ეხვეოდა, თითქო დაუსრულებელი ზღვააო.

წინა ეტლნი შევიდნენ ტყეში, მაგრამ ჯერ რამდენიმე სა-
ყენიც არ გაველოთ, რომ მოისმა ცხენების თქარა-თქური და
ხუთი ცხენოსანი გამოჩნდა ველზედა. ესენი იყვნენ ახალგაზდა
თავადიშვილნი და მოდიოდნენ თავიანთ ღედის საშველად. უკან
მოსდევდათ ეტლი, რომელშიაც ოთხი ცხენი ება.

— თქვენა ხართ, შვილებო? — შეჰყვირა მოხუცმა კნეინამ.

— ჩვენა ვართ, ღვდა! — ცხენოსნები მოუახლოვდნენ ეტლს.

— გამარჯვება თქვენი! აი ამ რაინდთა წყალობით, შვე-
ლა აღარ გვეჭირვება ახლა. ესენი ჩემი შვილები არიან და მა-
თი ბედი თქვენის გულ-კეთილობისათვის მომინდვია: სვიმონი,
იური, ანდრია და ნიკოლოზ... ეგ მეხუთე ვილა? — და კნეი-
ნამ გულმოდგინედ დაუწყო თვლიერება მეხუთესა. თუ თვა-
ლები არ მატყუებს, ეგ ბოგუნია. მართალია, თუ არა?

კნიაჟნა სწრაფად მიიკუნჭა ეტლის კუთხეში.

— თავს გიკრავთ, კნეინა, თქვენც, კნიაჟნა ელენე! — სთქვა
მეხუთე ცხენოსანმა.

— ბოგუნი! — განაგრძო კნეინამ. — პოლკიდან მობრძანდი,
გერიტო? მერე ისიც გულა-ნაბდითა? გამარჯვება, გამარჯვება!
ჰეი, შვილებო! რაინდებსა ვთხოვე, რომ ამაღამ ჩვენსა მობრ-
ძანდნენ რაზლოგს, ახლა თქვენ მიეცით სალამი! სტუმარი ღვთი-
საა! სთხოვეთ თქვენცა.

თავადიშვილებმა ქუდები მოიხადეს.

— გთხოვთ უმორჩილესად, მობრძანდეთ ჩვენს საწყალს
სახლში.

— სიტყვა მომცეს კიდევ ბატონმა ელჩმაც და ბატონმა დესპანმაც. საპატიო სტუმრებს უნდა დაეუხვდეთ, მაგრამ, ვინ იცის, სამეფო კარის სიმღიდრე-ფუფუნებას ჩვეულებს მოეწონებათ თუ არა ჩვენი ღარიბული მასპინძლობა!

— ჩვენ საჯარისკაცო პურს გიახლებითა, ბატონო, და არა სამეფო კარის საკადრისს,—სთქვა პან სქშეტუსკიმ.

— ვიცი, რა მასპინძლობაც იცის აქაურმა თავად-აზნაურობამ; ისიც ვიცი, რომ სამეფო კარის მასპინძლობაც ვერ მოვა იმის მასპინძლობასთან.

ყველანი გაუდგნენ კვლავ გზას. კნენამ განაგრძო:

— დიდი ხანია წარვიდნენ ჩვენთვის კარგი დრონი. ვოლინსა და ლიტვაში კიდევ არიან კურცევიჩები, რომელთაც მთელი ამაღა ჰყავთ და ბატონურად სცხოვრობენ, მაგრამ იმათ ღარიბ ნათესავების დარდიც არა აქვთ,—ღმერთმა ჰკითხოს და გადაახდევინოს სამაგიერო!—ჩვენ კი თითქმის ისევე გაჭირვებითა ვცხოვრობთ, როგორც ყაზახები... იმედია მოგვიტევენთ ჩვენს სიღარიბესა და გულ-წრფელად მიიღებთ იმას, რასაც წმინდა გულით გიძღვნი. ხუთი შვილის პატრონი ვარ და ერთი სოფელი და ორიოდე ცალკე მეკომური კი მყავს ყმები. თან ეს ქალიც ჩვენი საზრუნავია.

დესპანი ძლიერ გააკვირვა ამ სიტყვებმა, გაგონილი ჰქონდა ლუბნში, რომ ჯერ ერთი რაზლოგი პატარა სოფელი არ არისო, მეორეც, რომ ეგ სოფელი ოდესმე ვასილის საკუთრება იყო, ელენეს მამისაო. მაგრამ ეხლა მოუხერხებელი იყო. ეკითხნა კნენასათვის, როგორ ჩაუვარდა ხელში ეს მამული-კონსტანტინესა და მის ქვრივს.

— ხუთი შვილი გყავთ?—ჰკითხა პან როზვან ურსუმ.

— ხუთი მყვანდა... ხუთი ლომი,—უპასუხა კნენამ,—მაგრამ უფროსს, ვასილს, ურჯულოებმა ბელგოროდში *) მაშხალებითა თვალები ამოსწვეს... ამის გამო ჰკუცა შეერყა. როცა ყმაწვილები ლაშქრად მიდიან, მე მარტოდ ვრჩები იმისა და

*) აკერმანი.

ამ ქალის ანაბარად... მაგრამ ამისაგან რა ნუგეში უნდა მქონდეს? მწუხარება უფრო მადგია!...

ზიზლის კილო, რომელიც დაეტყო კნინას ხმაზედ, როცა თავის მზლის წულზედა ლაპარაკობდა, არ გამოეპარა პარუჩიკს. შეაერთოლა სიბრაზით და კინალამ ლანძღვა-გინება არ დაიწყო, მაგრამ მთვარის შუქზედ კნიაენას სახეს მოჰკრა თვალი და გულში ჩაიკლა სიბრაზე.

— რა დაგმართნიათ? სტირით?—ნელის ხმით ჰკითხა სქშეტუსკიმ.

კნიაენამ ხმა არ ამოიღო.

— არ შემძლიან, თქვენს ცრემლებს ვუტკირო.—სქშეტუსკი დაიხარა მისკენ და, რაკი მოხუცი კნინა გაერთო პანროზვანთან მუსაიფითა, განაგრძო უფრო მკაფიოდ:—ღვთის გულისათვის, ერთი სიტყვა მაინცა სთქვით... ღმერთია მოწამე, სიცოცხლეს გაეწირავ თქვენდა დასამშვიდებლად.

უცბად იგრძნო, რომ ერთი ცხენოსანი ისე ეკვრის გვერდში, რომ მისი უზანგი მოედო ახირებულ თანამგზავრის უზანგსა.

კნიაენასთან ლაპარაკი შესწყდა. გაკვირვებული და გულმოსული სქშეტუსკი მოუბრუნდა აბეზარსა და გამბედავს თანამოგზაურს.

მთვარის შუქზედ დესპანს შემოჰბღვირა ორმა თვალმა, შემოჰბღვირა მედიდურობით, დაცინვით, ლირფობით... ის საშინელი თვალები ისე ბრიალობდა, როგორც მგლის თვალები სიბნელეში.

— „ეს რა ჯახრუ-ჯანაბაა? ეშმაკი და ქაჯია, თუ სხვა რამ წყეულ-შეჩვენებული?“—სთქვა თავისს გულში დესპანმა და ერთხელ კიდევ გადაჰხედა თანამგზავრს ცეცხლივით ანთებულის თვალებით.

— ზედ რას მოგვაგდეთ ეგ თქვენი ცხენი და ან რას შემომტკერიხართ აგრე ჩაცივებით?

ცხენოსანმა არა უპასუხა-რა და განაგრძო კვლავ დაცინვითა და გულზეობით ყურება.

— თუ გგონიათ, რომ ბნელა, კვესს დაგიკვესებთ, თუ ვიწროობას ჰგრძნობთ, აგერ მინდორი!—სთქვა დესპანმა და, ცოტა არ იყოს, მუქარის კილო დაეტყო იმისს ლაპარაკს.

— არა, შენ მოჰშორდი მაგ ეტლს, თუ მინდორსა ჰხედავ, — მოუჭრა სიტყვა ცხენოსანმა.

პან სქშეტუსკი აენტო და, პასუხის მაგივრად, ისეთი წიხლი ჰკრა თანამგზავრის ცხენს, რომ უცბად ერთს ადღზედ გაღახტა და გაიტაცა მხელარი.

ცხენოსანმა შეაყენა ცხენი და ერთს წუთს კაცს ეგონებოდა, რომ უნდა დაეცეს თავს დესპანსაო, მაგრამ ამ დროს გაისმა მკვეთრი, ბრძანების ხმა კნენინასი:

— ბოგუნ, რა დაგემართა?

კნენინას სიტყვები ისე მოედო ცხენოსანს, თითქო ჯაღო უყვესო. მოატრიალა ცხენი, შემოუარა ეტლს და კნენინასთან დაიბადა.

— რა დაგემართა? პერეიასლაველში ხომ არა ხარ, ან ყირიმში. რაზლოგში ხარ. ეს დაიხსომე. ახლა კი გასწი წინაჲ მალე ხეგია და ხევში კი ბნელა. აბა, გასწი!

პან სქშეტუსკი ჯავრობდა კიდეცა და ჰკვირობდა კიდეც. ცხადი იყო, რომ ბოგუნი მიზეზს ეძებდა და ჩხუბის გადაკიდება უნდოდა... მიზეზი იპოვნა, მაგრამ რად ეძებდა ამ მიზეზს? ასე უცებ, რაზედ დამესხა თავსაო?

დესპანს გაუელვა ფიქრმა, რომ ამ დავიდარაბაში კნიაჲნათუა გარეუელიო. ნამდვილად ასეა. მთვარის მკრთალს შუქზედაც შეჰნიშნ, რომ კნიაჲნას სახეზედ ნაცრის ფერი ედო და შეშინებული იყო.

ბოგუნმა, კნენინას ბრძანების თანახმად, ჰკრა ქუსლი ცხენსა. კნენინამ გააყოლა თვალი და სთქვა ვითომ თავისთვის, მაგრამ უფრო კი დესპანის გასაგონად:

— თავზედ ხელ-აღებულია! — ქაჯია ყაზახებისა!

— ეტყობა, ცოტა კარგ ჰკუაზედ ვერ არის, — ზიზლით უპასუხა სქშეტუსკიმ: — ეგ ყაზახი თქვენის შვილების სამსახურშია?

მოხუცი კნინა გაგულისდა.

— რასა ბრძანებთ? ბოგუნი, პოდპოლკოვნიკი, შესანიშნავი ნხედარია, ჩემი შვილების მეგობარი, თითქმის მეექვსე შვილობილია ჩემი. შეუძლებელია, რომ არა გაგეგონოთ-რა მაგაზედ; ყველა იცნობს.

მართლაც, პან სქშეტუსკიმ კარგად იცოდა მისი გვარი. ყაზახთა პოლკოვნიკებსა და ატამანების სახელსა და გვარს შორის, მისი გვარი გამოერჩია და ჰქუხდა ღნებრის გაღმა-გამოღმა. უსინათლონი სიძღვრით ამკობდნენ ბაზრობა-დღეობაში და მიკიტანხანებში; ლხინსა და ქეიფში ახალგაზდა გმირ-მეომრის საოცარ საგმირო საქმეებს მოუთხრობდნენ ერთმანეთს. ვინ იყო, საიდან გადმოვარდა, ამისი არავინ არა იცოდა-რა. მართალი ეს იყო მხოლოდ, რომ ბოგუნი აღზარდა მინდვრებმა, ღნებრმა, ჭორომებმა, ჩერტომელიკმა თვისის გაუვალის ვიწროებითა, ხევ-ხუვებითა, ლადა-ლუდა გზებითა, კლდე-ფრიალოებითა. როცა მშვიდობიანობა იყო, ხან სხვებთან ერთად დახეტილობდა „სათევზაოდა და სანადიროდ“, დალალუნობდა ღნებრის მისახვევ-მოსახვევ არე-მარეს, დაძრწოდა ჭაობ-ჭანჭრობებსა და ლელიანებში სანახევროდ შიშველ-ტიტველ ამხანაგებთან, ხან მთელის თევობით მარტოდ-მარტო სცხოვრობდა უტეხსა და უღრან ტყეების ტევრებში. იმისი სკოლა ის იყო, რომ თავს დაჰსხმოდა თათართა ცხენების ჯოგებსა და ნახირს ყრუ-მინდვრებში, ჩაუსაფრდებოდა ვისმე, ომს გადიხდიდა, ითარეშებდა მდინარეთა ნაპირად მდებარე თათრების სოფლებში, ბელგოროდსა და ელახეთში. დღისით ვერსად დააყენებდით, თუ არ მინდვრად, ლამით ცეცხლს უჯდა მინდორშივე. ჯერ ისევ ყმაწვილი იყო, რომ ქვემოურების სატრფიალო შეიქმნა; ჯერ ისევ ახალგაზდა იყო, რომ ატამანობა დაიწყო და მალე ყველას გადააქარბა თვისის გამბედაობითა და გულადობით. ერთი ასიოდე ამხანაგი კი ჰყოლოდა და მზად იყო თუნდ ბახჩი-სარაი მოელაშკრა და ამოეწვა თვით ყენის თვალ-წინ; უკიდებდა ცეცხლს თათრების სოფლებს, ქალაქებს, ელეტდა შეუბრალებლად ყველა მცხოვრებსა, ტყვედ-

შეპყრობილს მურზებს ცხენის კუდს აბამდა და აგლეჯინებდა, მეხვიით თავს ესხმოდა, სიკვდილივითა ჰქრებოდა. ზღვაში, როგორც დამთხვეული, ისე დაეცემოდა თავს ოსმალთა კატარლებსა, თვით ბუჯაკამდე მივიდოდა და, როგორც ამბობდნენ, შიგ პირში ჩაუფარდებოდა ლომს, ისე რომ არა დაჰშავებოდა-რა. ზოგიერთი მისი საქმე სწორედ განსაცვიფრებელი იყო თვისას უგუნურის, თავზედ-ხელ-ალებულის გაბედულობითა. ვინც ნაკლებად გამბედავნი და ნაკლებად თავზედ-ხელ-ალებულნი იყვნენ, საშინელის ტანჯვით ეთხოვებოდნენ წუთი-სოფელს სტამბოლში, საცა მარგილებზედ აცვამდნენ, ან არა და ცოცხალნი ლებოდნენ კატარლებზე მუშაობითა და ნიჩბების მოსმითა, გარნა ის კი უვნებელი გადარჩებოდა ხოლმე და პირიქით დიდს დავლა-ალაფსაცა შოულობდა. ამბობდნენ, რომ ბოგუნს აღურაცხველი სიმდიდრე აქვს დამალული დნებრის ლელიანებშიო; ეს კიდევ არაფერი: ბევრს თავის თვალთ ენახა, რომ ბოგუნი ტურტლიანის წაღებით ფებ-ქვეშ სთელავდა ფარჩასა და აბრეშუმსა, ფიანდაზად უფენდა ძვირფას ხალებს ფებ-ქვეშ თავისს ცხენებსა; ანუ ხავერდის ტანისამოსით გამოწყობილი კუპრში ჰბანაობდა და მით ვითომ ამტკიცებდა, რომ მე ყაზახი ვარ და, როგორც ყაზახს, მეჯავრება, მეზიზღება, დარდი არა მაქვს ძვირფასის ქსოვილებისა და მდიდრულის ტანისამოსისაო. ერთს ადგილას ვერ დარჩებოდა დიდ ხანს. მისი ხელმძღვანელი იყო საკუთარი ქეიფი და ლაგამ-ამოუდებელი ჰკუთავანება. ხან მივიდოდა ჩაგირინსა, ან პერეიასლავს და ქეიფობდა თავ-დავიწყებამდე იმიერ-ჰოროამელებთან, ხან ბერივითა სცხოვრობდა, გაურბოდა ხალხს და ივლტოდა მინდვრად, ხან კიდევ შემოირტყავდა უსინათლოებს, მთელის დღეობით უგდებდა ყურს იმათს სიმღერების თქმას და მუქით უყრიდა წინ ოქროებსა. აზნაურთა შორის თავაზიანი კარის-კაცი იყო, ყაზახთა შორის—დამთხვეული ყაზახი, რაინდებთან—რაინდი, ავაზაკებთან—ავაზაკი. ბევრს გიჟი ეგონა და მართლაც თავ-შეუკავებელი და მოუსვენარი კაცი იყო. რად არსებობდა ქვეყნად, რა სწადდა, რას ეტრფოდა, ვისა და რას ემსახურებოდა, თვი-

თონაც არ იცოდა. ემსახურებოდა მინდვრებს, ქარ-ბუქსა, ლა-
შკრიანობას, სიყვარულს და თავისს გადარეულს ფანტაზიას. ეს
ფანტაზია იყო მიზეზი, რომ ბოგუნი ისე ერჩეოდა სხვა ავაზაკთა
ბელადებში, იმ ბრბოში, რომელსაც მარტო ოდენ ძარცვა-
რბევა ჰქონდა აზრად და რომელისათვისაც სულ ერთი იყო,
ვისაც გაძარცვავდა, თავისიანებს, თუ თათრებსა. ბოგუნი შო-
ულობდა დავლასა, მაგრამ შოულობდა ომში; უყვარდა განსა-
ცდელი, იმიტომ რომ მიმტაცველი ძალა ჰქონდა მისთვის,
ოქროებს აბნევდა ბზესავით, ოღონდ კი სიმღერა მოესმინა,
ეძებდა სახელს, ღიდებას და სხვა აღარათრის დარდი აღარა
ჰქონდა-რა.

ყველა ავაზაკ-ბელადთა შორის მარტო ბოგუნი იყო გან-
ზორციელება რაინდ-ყაზახის ტიპისა და ამიტომ საერო სიმ-
ღერა-მგოსნობამ ის აირჩია თავისს სასურველ გმირად და მთელს
უკრაინას მოჰფინა მისი სახელი.

უკანასკნელს დროს პერეიასლავის პოლპოლკოვნიკი იყო,
წამდვილად კი პოლკოვნიკობის თანამდებობას ასრულებდა.
მოხუცს ლობოდას მტკიცედ ველარ ეჭირა კვერთხი თავისს და-
დამბლავებულს ხელში.

პან სქშეტუსკიმ კარგად იცოდა, ვინც იყო ბოგუნი,
ზოლო თუ ეკითხებოდა ხნიერს კნეინას იმის ვინაობას, თქვე-
ნის შეიღების სამსახურში ხომ არ არის ეგ ყაზახიო, მხოლოდ
იმიტომ ეკითხებოდა, რომ ვითომ ვინ არის, ვინა გლიაო. იგ-
რძნო რომ, ეგ კაცი ჩემი მტერიაო და ყურადღება არ მიაქცია
მის ბელადობის სახელ-ღიდებას; დესპანის სისხლმა დუღილი
დაიწყო მარტო იმიტომ, რომ ყაზახი ჰბედავს და ასე უზრდე-
ლად მეპყრობაო. ცხადად ჰხედავდა, რომ საქმე უნდა გათავე-
ბულიყო რითიმე, რაკი ერთხელვე დაიწყო. პან სქშეტუსკიც
თავ-გამოდებული კაცი იყო, ისიც არაფერს არ შეუშინდე-
ბოდა, ისიც გაბედვით ეგებებოდა განსაცდელს. მზად იყო,
თუნდ იმ წუთსვე გამოჰკიდებოდა ბოგუნს, მაგრამ არ შეიძ-
ლებოდა: კნიაჟნას ვახლავარ გვერდით, იმას ვაცილებო.

ბოლოს, ეტლი გასცდა ღელე-ხრამსა და კარგა შორს გამოჩნდა შუქი სანათებისა რაზლოგში.

IV

კურცვეიჩ-ბულიგები ძველებურის თავადიშვილის გვარისანი იყვნენ და ისეთივე გერბი ჰქონდათ, როგორც კურჩხ, რომლის ჩამომავლობა მომდინარეობდა კორიატისაგან და იქნება მართლა რიურიკიც იყო მისი მამა-მთავარი. ამ გვარისორ შტოდან, ერთი ლიტვაში სცხოვრობდა, მეორე—ვოლინში, ხოლო ვოლინელ კურცვეიჩთაგან დნებრის გამოღმა მხარეს გადმოსახლდა მარტო თავადი ვასილ. ღარიბმა თავადიშვილმა ვერ შეიფერა თავისი მდიდარი ნათესაობა და ისევ ის იჩია, რომ თავად ვისნევეცკის სამსახურში შესულიყო, სახელოვან „ერიომას“ სამსახურში.

ერთგულის სამსახურისა და მრავალგვარ დავალებისათვის, რომელიც ვასილმა გაუწია თავადს, ებოძა საუკუნო საკუთრებად წითელი რაზლოგი, (შემდეგ მგელთა რაზლოგი დაერქვა, რადგან ბევრი იყო იქ მგლები) და დამკვიდრდა ამ მამულში. 1629 წელს მიიღო კათოლიკეთა სარწმუნოება და შეირთო რაგოზანელი ქალი, რომელიც სახელ-განთქმულის ჩამომავლობისა იყო. ერთის წლის შემდეგ დაიბადა ელენე; დედა ლოგინობას გადაჰყვა, ხოლო თავადმა ვასილმა ფიქრადაც აღარ გაიტარა, მეორე პირ ცოლშვილს მოჰკიდებოდა და დაიწყო ოჯახში მხნეობა და ზრუნვა ქალის აღზრდისათვის. ვასილი მტკიცე ხასიათის კაცი იყო და შესამჩნევი ღირსებანი ჰქონდა: რაკი წელში გამაგრდა და უზრუნველი ცხოვრება დაიკვიდრა, დაიბარა მაშინვე ვოლინიდან თვისი ძმა კონსტანტინე მთელის მისის ოჯახობითურთ. ორივე ძმები სცხოვრობდნენ მშვიდობიანად 1643 წლამდე, მაგრამ ამ დროს ასტყდა ომი და ვასილიც ლაშკრად წავიდა მეფე ვლადისლავთან ერთად სმოლენსკს და აი სწორედ აქ მოხდა საშინელი ამბავი.

მეფის ბანაკში ჩაუვარდათ ხელთ ბარათი, მიწერილი შეინის სახელზედ, ხელ-მოწერილი თავად ვასილის მიერ და დაბეჭდილი მისის გერბის ბეჭდითა. ასეთმა ცხადმა საბუთმა იმ რაინდის ღალატისამ, რომლის სახელიც მანამდე შეუმწიკვლელი იყო, ყველა დიდად გააკვირვა. ამოდ ფიქტულობდა ვასილი, რომ არც მე დამიწერია ეგ წერილი და არც მომიწერია ქვეშ ჩემი სახელი და გვარიო. კურჩის გერბით იყო წერილი დაბეჭდილი და ამის გამო აღარავითარს ექვს ადგილი აღარა ჰქონდა. ვინ-ღა დაიჯერებდა, რომ ვასილმა ბეჭედი დაჰკარგა! ეს იყო მიზეზი, რომ საცოდავ ვასილს ასეთის მძიმე დანაშაულისათვის გადაუწყვიტეს სახელისა და პატივის აყრა და დასჯა სიკვდილით. ვასილი იძულებული იყო გადაკარგულიყო სადმე. ღამე მოვიდა საიდუმლოდ რაზლოგს, დააფიცა კონსტანტინე, რომ ელენეს უპატრონებო და გადიხვეწა საშუღამოდ. ამბობდნენ, რომ ერთხელ კიდეც მოსწერა წიგნი თავად ერემიას, სთხოვა, ნუ მოუხპობ ლუქმა-პურს ელენესა და ნება მიეცი გულ-დამშვიდებით იცხოვროს კონსტანტინეს მზრუნველობის ქვეშეო და მასუკან მიწყდა იმის შესახებ ხმა. კორი დადიოდა მხოლოდ, რომ ვითომ ვასილი გარდახვეწის შემდეგვე მოკვდაო, ან რომ ვითომ სახელმწიფო ჯარში შევიდა და ომიანობაში მოჰკლეს სადღაც გერმანელების ქვეყანაშიო, მაგრამ ნამდვილად კი არავინ არა იცოდა-რა. ალბად მკვდარი იყო, რომ თვისის ქალის ამბავს აღარა კითხულობდა. მალე სულ მიაფიწყდათ ვასილი და გაიხსენეს მხოლოდ მაშინ, როცა მისი საქმე გამოაშკარავდა.

ვიღაც კუბცევიჩი, ვიტებსკელი, კვდებოდა და გამოტყდა, რომ შეინს წერილი მე მივწერეო და დავბეჭდე ბეჭდით, რომელიც ვიპოვე ბანაკშიო. რასაკვირველია, ყველამ ირწმუნა მაშინვე სიმართლე თავადის ვასილისა. განაჩენი გაბათილებული იქმნა, სახელი და პატივი მისი—აღდგენილ, მაგრამ ვაი რომ ყოველივე ესე გვიან-ღა იყო საკუთრად მისთვის. რაიცა შეეხება თვით რაზლოგს, თავადს ერემიას, რასაკვირველია, ფიქრადაც არ მოსდიოდა, ეს მამული გამოეწირა ელენესთვის. ვისნე-

ვეცკები უკეთ იცნობდნენ ვასილს და ერთს წუთსაც არ დაუჯერებიათ, რომ იგი დამნაშავე ყოფილიყო. ვასილს ძალიან ადვილად შეეძლო დარჩენილიყო თავის მამულში, ვისნევეცკების ძლიერ ფრთეთა ქვეშე, და სასაცილოდ აეგდო მსჯავრი სასამართლოსი, გარნა თუ გადინეწა, გადახვეწა იმიტომ, რომ ვერ შესძლო აეტანა თვისი უპატიურება.

ელენე გულ-დამშვიდებითა სცხოვრობდა თვისის ბიძის შამობრივ მზრუნველობის ქვეშე და მხოლოდ მის სიკედლის შემდეგ დადგა ელენესთვის შავ-უკულმა დღენი. კონსტანტინეს ცოლი, რომელიც ქმარმა საეკვო ჩამომავლობის ოჯახიდან მოიყვანა, სასტიკის ხასიათის დედაკაცი იყო, გულ-ფიცხი, დაუდგრომელ-დაუყენებელი. მარტო ქმარს შეეძლო შიშში ჰყოლოდა. როცა ქმარი მოუკვდა, მთელი რაზლოგი თავის რკინის ხელში ჩაიგდო. გლეხ-კაცები ცახცახებდნენ იმის შიშითა, მხლებელთაც სულ ელეთ-მელეთი მოსდიოდათ მის დანახვაზედ; მეზობლებსაც კი მოსვენებას არ აძლევდა. თვისის ბატონობის მესამე წელს ორჯელ დაესხა თავს სივინსკებს ბროვარკებში. ვაჟაკურად ჩაცმული, ამხედრებული, თვითვე მიუძღოდა წინ მხლებლებსა და ჯამაგირით დაქერილ ყაზახებს, თითქო მხედართ-მთავარაო. როცა თავად ერემიას ჯარმა ზურგზედ ბოლი აადინა თათართა ბრბოს, რომელიც დათარეშობდა შვიდ-საფლავას ახლოს, კნენა მიეტია თავის ხალხით რაზლოგში შემოსულს დანარჩენს თათრებს და სულ გულ-დანაბადი ააკრეფინა. თანდათან რაზლოგს ისე დაუწყო ცქერა, როგორც თვისსა და თვისის შვილების საკუთრებას. შვილები ისე უყვარდა, როგორც ძუ-მგელს უყვარს თავისი ლეკვები, მაგრამ რაკი თვითონ გაუნათლებელი დედა-კაცი იყო, სრულიად არ იზრუნა იმათის აღზრდისათვის. მართლ-მადიდებელთა ბერმა, რომელიც კივიდან დაიბარა, ასწავლა მის შვილებს წერა-კითხვა და ეს იყო და ეს, ამით გაათავეს შეძენა სიბრძნისა. იქვე ახლო კი ლუბნი იყო, თავადის სახლობა იდგა, რომელიც ისეთი სკოლა იყო, რომ იქ უფრო შეეფერებოდათ, რაც უნდა იყოს, წურთვნა ახალგაზდა თავადიშვილებს. გარნა კნენას თავისი

საბუთები ჰქონდა, რისთვისაც არ ჰგზავნიდა თავისს შვილებს ლუბნში აღსაზრდელად.

ჰმ, ლუბნში გაეგზავნა! მერე თავად ერემიას რომ გაჰხსენებოდა, ვისი საკუთრებაც იყო რაზლოგი და ელენეს მზრუნველობა თვითონვე ეკისრა? ხომ უნდა ამდგარიყო და გამოსთხოვებოდა სამუდამოდ რაზლოგს. კნენას ის უნდოდა, სრულიად დაჰვიწყებოდათ ლუბნში, რომ კურცვეიჩები არსებობენ სადმე ქვეყნადაო. და აი ამიტომ ახალგაზდა თავადიშვილები იზრდებოდნენ შინა-კაცებად, თითქმის ნადირებად, უფრო ყაზახთა წესზედ, ვიდრე თავად-აზნაურის შესაფერად. ჯერ ისევ ბავშვები იყვნენ, რომ დედასთან ერთად თავს ესხმოდნენ სივინსკებს და თათართა ბრბოლა. წიგნები და წერა-კითხვა დაბადებითვე ჰირივით ეჯავრებოდათ: მთელს დღეს იმის მეტს არასაკეთებდნენ, რომ შვილდ-ისარს ისროდნენ, თოფებსა სკლიდნენ და სწავლობდნენ ქამანდის კვრასა და იარაღის ხმარებასა. დედა იმის ნებასაც კი არ აძლევდა, რომ ოჯახის საქმეები ეკეთებინათ. საცოდაობა იყო სწორედ, რომ ასეთს ყოფაში იყვნენ ჩამომავალნი შესანიშნავის თავადიშვილის გვარისა! თვითონ ისინიც კარგად ჰგრძნობდნენ თავიანთ უმეცრებას და ამიტომ ერიდებოდნენ თავად-აზნაურობასა, ისევ იმასა რჩებოდნენ, რომ ყაზახების ბრბოთა ბელადებ შორის ყოფილიყვნენ ხოლმე. ბოლოს დაუახლოვდნენ კიდევ ქვემოურობას, საცა ახალგაზდა თავადიშვილები თავიანთ მეგობრებად მიაჩნდათ. ხშირად ნახევარ-წლობით რჩებოდნენ სეჩსა, დადიოდნენ „საშოვარზედ“ ყაზახებთან ერთად, იღებდნენ მონაწილეობას იმათს თარეშობაში ოსმალთა და თათართა წინააღმდეგ და სულითა და გულით შეიყვარეს ასეთი დროს-გატარება. კნენა წინააღმდეგობას არ უწევდა ამაში შვილებს. ან კი რისთვის გაუწევდა წინააღმდეგობას, როცა ხშირად დიდი დავლა და ალაფი მოჰქონდათ; ეს კია, რომ ერთს ამისთანა თარეშობის დროს, უფროსი, ვასილი, ხელში ჩაუვარდათ ურჯულოებს. დანარჩენმა ძმებმა ბოგუნისა და სხვა ყაზახების შემწეობით გაანთავისუფლეს, მაგრამ უკვე თვალები ამოეწვათ საცოდავისათვის. მას

უკან ძალა-უნებურად სულ სახლში იყო საწყალი გამომწყვდეული. მანამდე ერთი შეუპოვარი და დაუცხრომელი, შემდეგ უცებ გამოიცვალა: გულ-ჩვილობა დასჩებმდა, ღვთისნიერი შეიქმნა. უნცროსნი ძმანი სამხედრო ზნეს არ სტოვებდნენ, რის გამოც მეტ სახელად უწოდეს „ყაზახთა თავადნი“. საკმაო იყო თვალი მოგეკრათ რაზლოგ-სირომახისათვის, რომ მაშინვე მიხვედრილიყავით, რა ხალხიცა სცხოვრობდა იქ. როცა პან სქმეტუსკი და ელჩი შევიდნენ ალაყათის კარებში, თვალ-წინ წარმოუდგათ ეზო კი არა, არამედ უფრო ციხე-დარბაზი, რომელსაც სქელი კედლები ჰქონდა მუხის ძელებისა და პატარა ვიწრო ფანჯრები, თითქო სათოფურებიო. სადგომები მოსამსახურეთა და ყაზახთათვის, თავლები, ფარდულები იქვე გვერდ-ზედ ჰქონდა მიდგმული სახლებს. ამის გამო შენობანი სულ ზედი-ზედ იყო მიყრილი უწესოდა და ურიგოდა. ფანჯრები რომ განათებული არა ყოფილიყო, კაცი ვერ მიხვდებოდა, თუ აქ ადამიანის საცხოვრებელი სახლიო, ისეთის საცოდავის შესახედაობისა იყო იქაურობა. ეზოში ჰებს ახლო ორი წერო აყუყულიყო: ჭიშკარს ახლო სვეტი იდგა, რომელზედაც დათუნა იყო მიბმული. მძიმე მუხის ჭიშკრიდან გახვიდოდით პატარა ეზოში, რომელსაც თხრაილი ერტყა და ბალი ჰქონდა გარშემო.

ცხადია, რომ ეს სადგომი შექტურვილი ციხე-სიმაგრე იყო, ყოველ-გვარ თავ-დასხმისგან უზრუნველ-ყოფილი. საზოგადოდ ყოველივე ესე მოაგონებდა კაცს ან ყაზახთა ცალკე მოსახლეობას ქვეყნის სამზღვარზედ, ან კიდევ ავაზაკთა ბუნაგს. მოსამსახურენიც, რომელნიც მაშხალებით გამოეგებნენ სტუმრებს, უფრო ავაზაკებსა ჰგვანდნენ, ვიდრე ჩვეულებრივს მოსამსახურეებს. უზარმაზარი ქოფკები საშინლად იღრინებოდნენ, ჰლამობდნენ ჯაჭვების დაწყვეტას, უნდოდათ ზედ შეჰვარდნოდნენ სტუმრებს და დაეფლითათ; თავლებიდან მოისმოდა ცხენთა ჭახინი; ახალგაზდა ბულიგებმა თავიანთ დედითურთ მაშინვე დაუწყეს ლანძღვა-თრევა მოსამსახურეებს, ვინ იცის კი რისთვის. ამ ვაი-ვაგლახსა და უწესოებათა შორის ყველანი შევი-

დნენ ბოლოს სახლში და მხოლოდ აქ გაოცდა როზენ ურსუ (მანამდე კი ჰნანობდა, რად დაეთანხმდი ამისთანა ქოხში ღამის გათევასაო) იმ სურათის წინაშე, რომელიც თვალ-წინ წარმოუდგა. შინაგანი მორთულობა და გარეგანი შესახედაობა შორი-შორს იყო ერთმანერთზედ.

პირველივე სანახაი, რომელმაც გააოცა როზენ ურსუ, იყო უშველებელი ტალანი. ამ ტალანის კედლებზედ ჩამოკიდებული იყო ყველგან ცხენების იარაღი ყოველის თვისის სამკაულითა, ყოველ-გვარი საომარი საჭურველი და გარეულ ნადირთა ტყაეები. ორს ვეებერთელა ლუმელში გაჰქონდა გუგუნნი დიდრონს მუხის კუნძებს. ცეცხლის ალი ანათებდა ძვირფასს ცხენის იარაღსა, ბჰყვრიალა ჩაჩქან-ჯაგუნებსა, ოსმალურს კაუჭა ხმლეზსა, რომლებიც მოჰქედლილი იყო თვალ-მარგალიტითა, რკინის პერანგებს, ჯაქვის წვრილ-თვალას, მუზარადებს პოლონურსა და ოსმალურს; მეორე კედელზედ ეკიდა ძველებური ფარები, პოლონურა შუბები და აღმოსავლეთის ხელ-კომბლები, ერთის სიტყვით, ყოველ-გვარი საჭურველი, კომბლებიდან დაწყებული ხანჯალსა და დაშნებამდე, რომლების ვადებსაც ისე გაჰქონდათ ჰყვრიალი, ისეთი წყალი და ჯავარი ჰქონდათ, თითქო ცვარი დაუდგია ზედ და მზეზე ბრწყინავენო. კუთხეებში ეკიდა მთელი გროვა მელისა. მგლისა, დათვისა და ყარყუმის ტყაეებისა — ნაყოფი თავადიშვილების ნადირობისა. დაბლა, კედლის გაყოლება, მსხვილ მარგილებზედ სთვლემავდნენ ქორები, მიმინოები, სვაეები. სვაეები ახალგაზდა თავადებს მგელზედ სანადიროდა ჰყავდათ.

ტალანიდან სტუმრები დიდს სასტუმრო ოთახში შევიდნენ. აქაც ბუხარში დიდი ცეცხლი გუგუნებდა, ხალა სიმდიდრე აქ უფრო მეტი იყო, ვიდრე ტალანში: ხის კედლებს ჩამოფარებული ჰქონდა ხავერდის ქსოვილები, იატაკი დაფენილი იყო აღმოსავლეთის ჩინებულ ხალებითა. შუა ოთახში იდგა გრძელი სტოლი გადაჯვარდინებული ფეხებითა, შეკრული უბრალო ფაცრისაგან; სტოლზედ ელაგა სხვა-და სხვა ქურქელი, ან ოქროში-ცურვილი, ან ვენეტიკის შუშისა; კედ-

ლებს ახლო იდგა პატარა სტოლები, კამოდები, საწიგნობლები, რომლებზედაც ეწყო პატარა ყუთები, ბრინჯაოთი შემკული, სპილენძის შანდნები და საათი. ყოველივე ესე ოდესმე ოსმალოებმა დასტაცეს ვენეტიკელებს, ხოლო ახლა ყაზახებს წაერთმიათ ოსმალოებისათვის. მთელი ოთახი სავსე იყო მშვენიერის ნივთითა და ვეჯითა, რომელთა დანიშნულება არც კი იცოდნენ პატრონებმა; სიმდიდრე და სიღარიბე-სიმარტივე მინდვრის მცხოვრებელთა ყველგან ერთმანეთში იყო არეული. ძვირფასი ოსმალური კამოდები, ბრინჯაოთი და სადაფით დასევალებულები, გვერდთ უდგა უბრალოდ გაჩორკნილს გრძელსკამებს, ხის სკამები—მბილ ტახტებს, ხალიჩებით დაფენილსა. ყოველმავე ამან ოდნავაც არ გააკვირვა პან სქშეტუშსკი, რომელმაც კარგად იცოდა, როგორცა სცხოვრობდნენ სამზღვარზედ დაბინავებულნი, მაგრამ ელჩს კი ძლიერ უკვირდა, როცა ჰხედავდა, რომ ამისთანა სიმდიდრეში კურცვევიჩებს ტყავის მოკლე ჯუბები ეცვათ; უკვირდა პან ლონგინუს პოდბიჰენტასაც; ლიტვაში მიჩვეული არ იყო ამისთანაების ხილვასა.

ამასობაში თავადი შვილები ცდილობდნენ გაერთოთ სტუმრები. ძლიერ უნდოდათ, რომ, რაც კი შეიძლებოდა, სასიამოვნო მასპინძლობა გაეწიათ, მაგრამ ვაი რომ ვერ ახერხებდნენ! დესპანი ძლივს იმაგრებდა ღიმილსა.

— დიდად მოხარულნი ვართ, რომ გვესტუმრეთ,—დაიწყო უფროსმა, სვიმონმა:—და დიდად გმადლობთ თქვენის გულ-კეთილობისათვის. ჩვენი სახლი თქვენი სახლია; ისე ბრძანდებოდეთ, როგორც თქვენს საკუთარს სახლში. სალამს გიძღვნით ჩვენს ღარიბულს ქოხში.

ისე ამბობდა ამ სიტყვებს, რომ არ ეტყობოდა, თუ ან თავს იმდაბლებდა, ან თუ ჰგრძნობდა, რომ უმასპინძლდებოდა ისეთს ხალხს, რომელნიც მათზედ მაღლა იდგნენ. ამას თხოულობდა ყაზახთა ზნე-ჩვეულება. ამბობდა ამას და თავს უკრავდა დაბლა; მასთან ერთად თავს უკრავდნენ მისნი ძმანიცა.

ქენინამ შეუმჩნევლად ჩამოსწია სახელო ბოგუნსა და მეორე ოთახში გაიყვანა.

— გამიგონე, ბოგუნ,—სხაპა-სხუპით უთხრა კნენამ:—შენთან დიდ ხანს სალაპარაკოდ არა მკალნიან. შეგატყე, რომ ის ახალგაზდა აზნაურშვილი როგორღაც თვალში არ მოგდის და მიზეზს ეძებ, რომ ჩხუბი აუტეხო.

— დედა!—და ყაზახმა კნენას ხელზედ აკოცა,—ქვეყანა დიდია: იმას სხვა გზა აქვს, მე—სხვა. მე იმას არ ვიცნობ, იმაზედ არა გამიგონია-რა, მაგრამ ცოტა შორს იყოს კნიაჟნასაგან, თორემ გავაცნობ ჩემს ხმალსა.

— ჰაი, შე თავზედ ხელ-აღებულო, დამთხვეულო! გონება სადა გაქვს, ყაზახო? რა გემართება? ან იქნება გინდა შენი თავიც დაპლუპო და ჩვენიცა? ეგ კაცი ვისნვეცკის სამსახურშია, იმისი ღესპანია, მცირე კაცი არ არის... ელჩად იყო გაგზავნილი თავადისაგან ყვენთან. ჩვენს ქერ-ქვეშ რომ თუნდ ოდნაე შეახოს ვინმემ მაგას ხელი, იცი რა მოხდება? მოურავი-თავადი მიაქცევს ყურადღებას რაზლოგს, შურს იძიებს მაგ კაცისათვის, ჩვენ გაგვრეკავს აქედან და ელენეს წაიყვანს თავისთან ლუბნში... მერე? თავადსაც დავას დაუწყებ? ლუბნსაც დაესწმი თავსა? აბა, სცადე, თუ მარგილზედ ჩამოგება მოგნდომებია, დამთხვეულო ყაზახო!.. ეტრფის თუ არა ეგ აზნაურშვილი ქალს, ეს სულ ერთია,—როგორც მოსულა, ისევე წავა,—და ყოველივე წინანდებურად დარჩება. თავი შეიკავე მაშ და, თუ არ გინდა, წადი, საიდანაც მოსულხარ, თორემ ხათაბალას გადაგვაცვამ თავს!

ყაზახი იკნეტდა უღვაშს, ჰქშინავდა, რაც შეეძლო, მაგრამ მაინც მოცისაზრა და იგრძნო, რომ კნენა მართალს ამბობსო.

— კარგი,—სთქვა ბოგუნმა,—მე თავს შევიკავემ, მხოლოდ ელენე კი ნუ გამოვა მაგათთანა.

— ეგ რადაო? გინდა სთქვან, რომ დაკეტილში ჰყავთ გასათხოვარი ქალიო! მე გადავსწყვიტე და გამოვა კიდევ. შენ განკარგულებას ნუ იძლევი; შენ აქ სახლის უფროსი არა ხარ.

— ნუ ჯავრობთ, კნენა. თუ სხვაფრივ არ შეიძლება, თქვენი ნებაა. წარბს არ შევიხრი, ხმალზე ხელს არ გავი-

კრავ, თუნდა ბრაზით ვირჩობოდე, თუნდა სულ ცეცხლში ვიწოდე.

— შენ აი ის ფანდური აილე, დაუკარი, დამღერე რამე ზე-
და და დარდი გადაგივლის; გამხიარულდები. ახლა კი დროა
სტუმრებს მივხედოთ.

სასტუმრო ოთახში ყმაწვილს თავადიშვილებს სალაპარა-
კო საგანი გამოელიათ და დაიწყეს კვლავ დაბლა თავის კვრა
და მადლობის თქვა პატივისცემისათვის. პან სქმეტუშსკიმ გულ-
ცივად და ამაყად გაუბნია თვალი თვალში ბოგუნსა, მაგრამ
შეამჩნია, რომ საპროლოველად აღარ იწვევდა. ახალგაზდა ატა-
მანის სახე ბრწყინავდა ყოვლად გულ-კეთილის მხიარულებითა
და ეს მოჩვენებელი მხიარულება ისე ჰმალავდა, რაც მის გულ-
ში ვნებათა ბობოქრობა იყო, რომ თვით გამოცდილი თვა-
ლიც კი ვერას შეატყობდა. დესპანი გულ-მოდგინედ ათვალის-
ერებდა ბოგუნს: წელან სიბნელეში კარგად ვერ გაარჩია იმისი
პირი-სახე. ეხლა მის წინაშე იდგა ქანდარივით ტანადი ახალ-
გაზდა კაცი, შავგვრემანი, ხშირ და გრძელ-ულვაშებიანი. იმის
უკრაინულ დაღონებას ისე ეტყობოდა ღიმილი, როგორც ნისლსა
და ბურუსს შეეტყობა ხოლმე, რომ მათ უკან მზეა დამალულიო.
ატამანის მალალს შებლსა ჰჟარავდა ხშირ წარბებ ზემოდ სწო-
რედ შემოკვერცხილი შავი თმები. არწივივით კეხიანი ცხვი-
რი, ცხვირის ნესტოები, რომელიც საბერველივით ებერებოდა
და თეთრი კბილები, რომელიც ყოველ გაღიმებაზედ თეთრად
უელვარებდა, ცოტა არ იყოს, ისეთს იერსა სდებდა, თითქო
მტაცებელი ფრინველიაო; საზოგადოდ, უკრაინული სილამაზე
ჰქონდა, თვალსაჩინო, აფერადებული, გამაგულისებელი. მეტად
მდიდრული ტანისამოსიც ძლიერ განასხვავებდა მინდვრების
რაინდს თავადიშვილებსაგან, რომელთაც ტყავის მოკლე ჯუ-
ბები ეცვათ. ბოგუნს ეცვა თბილი და მოკლე კაბა ვერცხლით
ნაქსოვის ფარჩისა და წითელი ღოშლული. წითელი ფერი მაინც
საყვარელი ფერი იყო პერეიასლავის ყაზახთა. პრტყელ ქამარ-
ზედ ეკიდა ძვირფასი ხმალი; მაგრამ ეს ხმალიცა და დანარჩე-
ნი მორთულობაც სულ არაფერი იყო. იმის ოსმალურ ხანჯალ-

თან შედარებით. ხანჯლის ტარი სულ დიდრონის წყლიანისა და ჯავარიანის ძვირფასის ქვებით იყო მოქედილი. ყველას ისე ეგონებოდა, რომ ბოგუნი დიდის გვარის ბატონ-კაციაო, მით უფრო რომ ლაზათიანი მიხვრა-მოხვრა ჰქონდა და ისე თავისუფლად ექირა თავი, რომ არაფრით არ ემჩნეოდა მდაბიო გვარის-კაცობა. ბოგუნი მივიდა პან ლონგინუსთან, მოისმინა ამბავი მისის წინაპარას სტოვეიკოსი, ჯვარ-შემოსილთა სამის თავისა და მერე მიჰმართა დესპანს, თითქო მათ შორის არა მომხდარა-რაო:

— ამბობენ, რომ თქვენ ყირიმიდან მობრძანდებით?

— ყირიმიდან გახლდებით, — გულ-ცივად უპასუხა დესპანმა.

— მეც ვყოფილვარ იქა, და თუმცა ბახჩასარაიში ვერ მოვხვდი, მაინც ვფიქრობ, რომ იქაც მომიხდება ყოფნა, თუ გამართლდა, ყველა ის სასიამოვნო ამბები, რომელიც შევიტყე.

— რის შესახება ბრძანებთ?

— ამბობენ, რომ თუ ჩვენი ყოვლად-მოწყალე მეფე ოსმალოს დაუწყებს ომს, თავადი-მოურავი ყირიმს გაილაშქრებს ცეცხლითა და მახვილითაო. უკრაინასა და ქვემოურობას ძალიან ესიამოვნათ ეს ამბავი: თუ მაგისტანა კაცის წინაჰძლოლობითაც ვერ ვინაევარდეთ ბახჩასარაიში, სხვის ხელში უფრო აღარა იქნება-რა.

პარუჩიკს სასიამოვნოდ ღარჩა, რომ ასეთის პატივის-ცემით მოიხსენია ატამანმა თავადი იერემია. გაიღიმა და მოტკბილებულის ხმითა სთქვა:

— გეტყობათ, არა სჯერდებით იმ ქველობასა და ვაჟაკობას, რომლითაც ისეთი დიდება და სახელი მოიხვეჭეთ?

— მცირე ომია — მცირე სახელია, დიდი ომია — დიდი დიდებაა. კონაშევიჩმა აქ კი არ შეიმოსა დიდება, არამედ ხოტინის ბრძოლაში.

ამ დროს გაიღო კარი და ოთახში შემოვიდა ელენე. წინ მოუძლოდა ვასილი, უფროსი ძმა კურცევიჩებისა. ვასილი უკვე ხანში შესული კაცი იყო, გაყვითლებული, გამხდარი, იმისთანა კუშტის სახისა, თითქო განდგეილიაო; ბიზანტიის

ხატებს მოაგონებდა კაცს. მხრებზედ სცემდა დარდისა და ტანჯვისაგან გაქლარაგებულნი თმები, თვალების ნაცვლად ორისისხლივით დაწითლებული ფოსო უჩანდა. ხელში ეჭირა სპილენძის ჯვარი და დაუწყო იმით ჯვარის გადაწერა ოთახსა და ყველა იქ მყოფთა.

— სახელითა ღვთისა მამისათა, სახელითა მაცხოვარისათა და ყოვლად-წმიდისა ქალწულისათა, — დაიწყო ვასილიმ: — თუკეთილი ამბავი მოგაქვთ, მოგიძღვნით სალამს ამა ქრისტიანულსა სახლში.

— მიუტევეთ, ბატონებო, — სთქვა ჩურჩულით კნენამ: — თავისს კკუაზედ ვერ არის.

ვასილი კვლავ განაგრძობდა ჯვარის გადაწერას.

— ვითარცა სწერია სამოციქულოში: „რომელმაც დასთხიოს სისხლი თვისი სარწმუნოებისათვის, სცხონდეს; რომელმან ვერა დასთმოს საუნჯენი სოფლისანი, — იგი წარწყმდეს“, ვილოცოთ! ვაი თქვენდა, ძმანო! ვაი ჩემდა, რამეთუ აღვსდეთ გით საუნჯეთათვის სოფლისა! ღმერთო, მოწყალებასა შენსა ნუ მოგვაკლებ ჩვენ ცოდვილთა! ღმერთო, ნუ მოგვაკლებ მოწყალებასა... ხოლო თქვენ, კაცნო, მოსულნო შორიდან, რა ამბავი მოგაქვთ თან? მოციქულებად გამოგვეცხადენით, თუ არა? ვასილი გაჩუმდა და ელოდა პასუხს.

— ჩვენ მაგ მაღალს მოწოდებას ვერ ვიტვირთებთ, — სთქვა ერთს წუთს შემდეგ დესპანმა: — ჩვენ უბრალო ჯარის-კაცნი ვართ. მზად-მყოფნი დავდეთ თავი სარწმუნოებისათვის.

— მაშინ ცხონდებით, მაგრამ ჯერ ჩვენთვის არ დამდგარა ღრო განთავისუფლებისა... ვაი თქვენდა, ძმანო! ვაი ჩემდა!

ბოლო სიტყვები თითქმის გულ-ამოსკვნით წარმოსთქვა უსინათლომ, ხოლო მის სახეზედ ისეთი სასოწარკვეთილებანი ხატებოდა, რომ სტუმრებმა აღარ იცოდნენ, როგორ მოქცეულიყვნენ. ამ ღროს ელენემ დასვა ვასილი სკამზედ, ხოლო თვით გავიდა საჩქაროდ ოთახიდან და შემობრუნდა ფანტურით ხელში.

ფანტურის ტკბილმა ხმამ გაავსო ოთახი. კნიაჟნამ დააძლერა სამღვთო საგალობელი:

დღისით და ღამით უნ მოგიწოდებ, უფალო!
დააცხრე ტანჯვა, გააშრე ცრემლი ჩემი,
იყავ მაშა მოწყალე ჩემდა ცოდვილისა,
ისმინე ვედრება ჩემი!...

ვასილმა ძირს დაჰხარა თავი და ისმენდა საგალობლის სიტყვებსა. ისე იმოქმედა საგალობელმა, რომ კაცს ეგონებოდა, გამაცოცხლებელი ბალზამი მოეცხო მის გულსაო; ნელ-ნელა განშორდა მის სახეს ბეჭედი ნადველისა და მწუხარებისა. ბოლოს, თავი მისი სულ მკერდს დაეყრდნო. ასე დარჩა კარგა ხანს, არც თუ თითქო სიზმარშიაო, არც თუ გარინდებულაო.

— თუ გალობა არ შევწყვიტეთ, სულ დამშვიდდება, — ნელის ხმითა სთქვა კნიაჟნამ. — როგორც ჰხედავთ, ამის სიგიჟე ის არის, რომ სულ მოციქულებს ელის, და ვინც უნდა მოვიდეს ჩვენსა, გამოვა და ეკითხება, მოციქულები ხომ არა ხართო...

ელენემ განაგრძო გალობა:

მასწავე მე გზა, ჰოი მეფეთა მეფეო,
რადგან ვარი მე ვით მგზავრი უდაბურს მინდვრად,
გინა ვით ნავი გზის დამკარგველი ზვირთ შორის
განუზომელის ზღვისასა.

კნიაჟნას ხმა თან და თან უფრო ძლიერდებოდა. ფანტურით ხელში, თვალებ-აღპყრობილი ზეცად, ისე ჰშვენოდა, რომ დესპანმა თვალი ველარ მოაშორა. პან სქშეტუსკის ზედ დარჩათვალები და სულ დაავიწყდა ყოველივე.

მხოლოდ კნიაჟნას სიტყვებმა გამოაფხიზლა ტკბილ ზმანეზიდან.

— კმარა! ახლა კი კარგა ხანს აღარ გაეღვიძება. მანამდე ვთხოვთ ვახშამი ინებოთ.

პან როზენმა, როგორც დიდ საზოგადოებაში ყოფნას ჩვეულება კავალერმა, კნინას გაუკეთა მკლავი. დესპანმა დაინახა ესა და ელენეს გაუწოდა თვისი ხელი. მისმა გულმა აჩქარებით დაიწყო ბაგა-ბუვი, როცა იგრძნო კნიაჟნას ხელის შეხება.

— მგონია ანგელოზნიც ველარა ჰგალობენ ცაში თქვენზედ უკეთესად, — უთხრა დესპანმა კნიაჟნას.

— ღმერთსა სცოდავთ, რაინდო, რომ ჩემს გალობას ანგელოზებისას ადარებთ, — უპასუხა ელენემ.

— არ ვიცი, ვცოდავ თუ არა, მაგრამ ის კი მართალია, რომ სიამოვნებით მივცემდი ნებას, თვალები ამოეწვიათ ჩემთვის, ოღონდ კი სიკვდილამდე თქვენის გალობის მოსმენა არ მომკლებოდა. მაგრამ, რას ვამბობ? მაშინ ხომ ველარ დაგინახავდით და ეს ჩემთვის აუტანელი ტანჯვა იქმნებოდა.

— ნუ ამბობთ მაგისტანებს. ხვალ წახვალთ აქედან და ყოველივე გადაგავიწყდებათ.

— არას დროს, არას დროს! ისე შემიყვარდით, რომ ჩემს დღეში ვერ დაგივიწყებთ.

კნიაჟნას სიწითლე მოერია და ატლასივით გაჰხადა მისნი ღაწვნი; გულმა მეტის ძლიერებით დაუწყა ასვლა და დასვლა, თითქო ზღვის ტალღა აღის და დადისო. რაღაც უნდოდა ეთქვა, მაგრამ სიტყვება არ ჰნებდებოდა.

— თქვენ უფრო დამივიწყებთ, რაკი გვერდთ გახლავთ ეს ატამანი, რომელიც აიღებს ჩონგურს და დაუწყებს კვრას თქვენს სიმღერაზედ.

— არასოდეს, არასოდეს! — წაილაპარაკა ჩუმად კნიაჟნამ. — მაგრამ გეშინოდეთ კი მაგისი, საშინელი კაცია.

— რა არის ჩემთვის ერთი ყაზახი! თუნდ მთელი სეჩი უდგეს ზურგთ უკან, თქვენთვის მზად ვარ შინც ყველას შევბედო. თქვენა ხართ ჩემი ერთად-ერთი ფას-დაუდებელი საუნჯე, ჩემი სიცოცხლე... მითხარით, თქვენც თანაუგრძნობთ ჩემს სიყვარულს?

ნელიად თქმულმა „ღიადმა“ სამოთხის მუსიკასავით დაუტკბო სმენა პან სქშეტუსკის; გამოუთქმელმა სიხარულმა

აღიტაცა და აღაფრთოვანა მთელი მისი არსება; იგრძნო, რომ ახალი ძალი მომგმნათაო, თითქო ფრთები გამოემსხა მხრებზედაო. ვახშამზედ ერთხელ-ორჯელ მოჰკრა თვალი ბოგუნს; სახე საშინლად შესცვლოდა, გაჰფითრებოდა, მაგრამ დესპანს იმისი დარდი არა ჰქონდა, რაკი დარწმუნდა, რომ ელენესაც ვუყვარვარო. „ღმერთმა მშვედობა მისცესო!—ფიქრობდა გულში.—ოლონდ გზაში კი ნუ გადამელობება, თორემ გავსრესაე“. იმისი ფიქრი ეხლა სხვა იყო. დესპანი ჰგრძნობდა, ელენე ისე ახლო ზის ჩემთანაო, რომ მისი მხარი თითქმის ჩემს მხარს ეხებაო; ჰხედავდა, როგორ აღიოდა და დადიოდა მისი გულ-მკერდი, როგორ ბრწყინავდა მისი თვალები, ხან მორცხვად ძირს დახრილი, ხან მოკაშკაშე, ვით წყვილი ვარსკვლავი. ელენე თუმცა დაჩაგრული იყო კურცევიჩებისაგან, თუმცა ერთს ფეროვანს ცხოვრებაში იყო და ობლად ჰგრძნობდა თავს, მაინც უკრაინელი იყო და ცეცხლივით ცხელი სისხლი ედგა ძარღვებში. როგორც კი იგრძნო პირველივე თბილი სხივები სიყვარულისა, მაშინვე აღუვავდა, ვარდივით გადიშალა და განიღვიძა ახალის ცხოვრებისათვის. მის სახეს ბედნიერებისა და გამბედაობის ნათელი გადასდიოდა, ხოლო ქალწულებრივს კდემამოსილებას შეემკო და აეფერადებინა მისი ლაწვები. პან სქშეტუსკი სიხარულით ჯდომას ველარ ახერხებდა ერთს ალაგას. სვამდა უანგარიშოდ, მაგრამ თაფლ-ღვინო არ ათრობდა: უღვინოდაც მთვრალი იყო სიყვარულით. სუფრაზედ ველარავის ველარა ჰხედავდა, კნიაჟნას მეტს, ველარა ჰხედავდა, რომ ბოგუნნი უფრო და უფრო ფითრდებოდა და ხელში ჰმუქავდა თავისს ხანჯლის ტარს, არ ესმოდა, რომ პან ლონგინუსმა მესამედ ჩამოარაკრაკა ამბავი თვისის წინაპარის სტოვეიკოსი, ხოლო კურცევიჩმა—გალაშკრების ამბავი „ოსმალოს საუნჯეთა“ საშოვრად. ბოგუნს გარდა, ყველანი სვამდნენ. მოხუცი კნენა კარგს მაგალითს აძლევდა ყველას, რადგან მალ-მალე სცლიდა სადღეგრძელოებს ხან სტუმრებისას, ხან ყოვლად-მოწყალე ბატონის თავადისას და, დასასრულ, გოსპოდარ ლუპულინას. ჩამოვარდა ლაპარაკი უსინათლო ვასილის შესახებაც, რომ ყმა-

წვილობაში არა ერთი და ორი რაინდული საქმე მოექმედნა, მაგრამ ბოლოს ის უბედურება შეემთხვა და მას უკან სიგიჟეც დასჩემდა. ამ სიგიჟის გარემოება უფროსმა სვიმონმა ასე განმარტა:

— თქვენ თვითონ კარგად მოგეხსენებათ, სულ მცირე რამ მტვერი როგორ აწუხებს თვალს, თუ შიგ ჩავვივარდა და მაშ აბა რას იზამდა კუპრის ნაქრები, როცა ტვინს უწევდა? რასაკვირველია, ცუდს საქმეს დაჰმარაუებდა.

— დიად, ტვინი ძალიან ნაზი ორგანო გახლავთ, — კვერი დაუკრა პან ლონგინუსმა.

მოხუცმა კნენამ მხოლოდ ეხლა შეჰნიშნა, რომ ბოგუნს ფერი აღარ ედო.

— რა დაგემართა, გვრიტო?

— გული და სული მტკივა, დედა, — ყრუდ წაილაპარაკა მან: — მაგრამ ყაზახის სიტყვა კვამლი არ არის: რაცა ვთქვი, იმას არ გადავალ.

— მოითმინე, შვილო, ჯილდო მოგელოდება.

ვახშამი გათავდა, მაგრამ ჭიქა-ჭურჭელი მაინც კვლავ ივსებოდა ოაფულ-ღვინით. დაუძახეს ახალგაზდა პატარა ყაზახებს და დაიწყო ცეკვა. პატარა ყმაწვილებს უნდა ეცეკვნათ ჩონგურსა და დაირაზედ. პატარა ხანს უკან, თვით მასპინძლებმაც დაიწყეს ცეკვა და ბუქნა. მოხუცმა კნენამ შემოიყარა დონიჯი, აბარტყუნებდა ფეხებს ერთსა და იმავე ალაგას და აყოლებდა ხმას მუსიკასა. პან სქმეტუსკიმაც თავი დაუკრა ელენეს და სოხოვა ეთამაშნა იმასთან ერთად. როცა ხელი შემოჰხვია კნიაჟნას, ასე ეგონა, რომ მთელი ქვეყანა მყავს ხელშემოხვეულთა. თამაშობის დროს, იმისი გრძელი, კავებად დაშვებული თმები ეხვეოდა გარშემო დესპანის ყელს, თითქო კნიაჟნას უნდა, აღარსად აღარ გაუშვას დესპანი და საუკუნოდ თავისი გაჰხადოსო. ვედარ მოითმინა ყმაწვილმა კაცმა და, როცა კი დრო იხელთა, ახლა აღარაფერ გვიყურებსო, დაიხარა და გულ-მხურვალედ დაუკოცნა ძვირფასი ბაგენი.

ნაშუადამევს, როცა პან ლონგინუსი და დესპანი მარტონი იყვნენ იმ ოთახში, საცა დასაძინებლად წაიყვანეს, პარუჩიკი დაჯდა ქეჩაზედ და სთქვა:

— სულ სხვა კაცი წამოვა ხვალ თქვენთან ლუბნსა!

პოდბიპენტამ (ის-იყო გაათავა ლოცვების კითხვა) გაკვირვებით დააქუცა თვალები.

— როგორ თუ სხვა კაცი? თქვენ კი აქა რჩებითგანა?

— მე კი არა, ჩემი გული რჩება აქა. ჩემი ხორცი წამოვა ხვალ თქვენთანა. ვერა ჰხედავთ, რა აღელვებაში ვარ.

— შეგიყვარდათ კნიაჟნა, თუ რა ამბავია?

— მიხედით. ეგ ისევე მართალია, როგორც ის, რომ ახლა მე თქვენთანა ვარ. ძილი აღარ მეკარება. იმიტომ გეუბნებით ამას, რომ თვითონ თქვენც ჩჩვილი გული გაქვთ, რომელსაც სიყვარული სწყურიან; თქვენ აღვილად მიხვდებით, რა ცეცხლში ვარ.

პან ლონგინუსმა მძიმედ ამოიოხრა იმის დასამტკიცებლად, რომ მესმის, რაც არის ტანჯვა სიყვარულისაო, და ერთს წუთს შემდეგ ჰკითხა:

— იქნება, თქვენც აღაქმა გაქვთ დადებული უბიწოებისა?

— ახირებულ საქმესა მკითხავთ. ყველამ რომ მაგისთანა აღაქმა დასდოს, კაცთა ნათესავი ხომ მალე გაჰქრებოდა დედა-მიწის ზურგზედ.

მოსამსახურეს შემოსვლამ შესწყვიტა მუსაიფი. ეს მოსამსახურე იყო მოხუცი თათარი შავისა და აჩქარებით მოძრავის თვალებითა; სახე ისე ჰქონდა დაქმეჭილი, თითქო გაჩირული ვაშლიაო. დიდ-მნიშვნელოვანებით შეჰხედა სქშეტუსკის და ჰკითხა:

— ხომ არა ჰნებავთ-რა ბატონებსა? იქნება, თაფლის მორთმევა გვიბრძანოთ?

— არა, არა გვინდა-რა.

თათარი მიუახლოვდა სქშეტუსკის.

— ორიოდე სიტყვა მაქვს თქვენთან სათქმელი, პანნას დაბარებული, — ჩუჩილით უთხრა თათარმა.

— ო, მითხარი, მითხარი!—სთქვა სიხარულით დესპანმა:—
ნუ დაერიდები ამ რაინდს: მაგას ვაფუძვლავნე ჩემი საიდუმლო-
თათარმა ლენტის ნაქერი გამოიღო სახელოდან.

— ჰანნამ გამოგიგზავნათ ეს შარფი და მიბრძანა მოვახ-
სენოთ, რომ მიყვარხართ სულითა და გულითაო.

პარუჩიკმა საჩქაროზედ გამოართვა შარფი, დაჰკოცნა მხუ-
რვალედ და, როცა გონზედ მოვიდა, ხელ-მეორედ ჰკითხა:

— როგორ დაგაბარა, რა უთხარიო?

— რომ მიყვარხარ სულითა და გულითაო.

— აჰა, ტალერი მიჩუქებია მაგისათვის. მაშ კნიაჟნამა-
სთქვა, რომ მიყვარსო?

— დიად.

— აჰა, კიდევ ტალერი. ღმერთმა დღე მისცეს, მეც თვი-
თონ ძლიერ მიყვარს. უთხარი... მაგრამ დაიცა: მე თვითონ მი-
ვწერ. მომიტანე მხოლოდ საწერ-კალამი და ქალაღდი.

— რა მოგართვათ?—იკითხა თათარმა.

— საწერ-კალამი და ქალაღდი.

— ეგეები არა გვაქვს ჩვენა. თავად ვასილის დროსა გეჰო-
ნდა; მერე მაშინაცა გეჰონდა, როცა ყმაწვილი ბატონები სწა-
ვლობდნენ წერა-კითხვას ბერისაგან; მაგრამ მას უკან დიდი ხა-
ნია.

ჰან სქშეტუსკიმ უკმაყოფილებით გაატკაცუნა თითები.

— ჰან პოდბიპენტა, საწერ-კალამი ხომ არა გაქვთ?

ლიტველმა მხრები შეიშმუშნა და თვალნი აღაპყრო ზე-
ცად.

— ფუ, ეშმაკსა!—გაიღანძღა პარუჩიკი:—ხათაბალაა სწო-
რედ!

თათარი დაჯდა ამ დროს იატაკზედ და დაუწყო ლუმელ-
ში ცეცხლს ჩხიკინი.

— რა საჭიროა მიწერა? ჰანნა დასაძინებლად წავიდა. რი-
საც მიწერა გინდოდათ, ხვალ დილით შეიძლება მოვახსენოთ.

— მართალს ამბობ. როგორც ვხედავ, ერთგული ყმა ყო-
ფილხარ კნიაჟნასი. აჰა, კიდევ ტალერი! დიდი ხანია, რაც ემ-
სახურები?

— აგერ თოთხმეტი წელიწადია, რაც თავადმა ვასილმა ტყვედ წამომიყვანა. მას უკან ერთგულად ვემსახურებოდი ჩემს ბატონს, მერე, როცა იმან აქაურობას თავი დაანება, ეგ პატარა ქალი კონსტანტინეს დაუტოვა, მე კი მითხრა: „ჩეხლი! ამ პატარას თავი არ დაანებო და ისე გაუფრთხილდი, როგორც შენს თვალის ჩინს“. ლა ილ აღლაჰ!

— მერე შენც სწორედ აგრე იქცევი?

— სწორედ აგრე ვიქცევი და უფრთხილდები კიდევ.

— რასა ჰხედავ, მითხარი? ხომ არა აწუხებს-რა კნიაჟნას?

— ბოროტი განზრახვა აქეთ იმის შესახებ. ბოგუნს უპირობენ მიცემას, იმ წყეულს, იმ ქოფაკსა.

— ო, ტყუილად უპირობენ, არა გამოვა-რა! გამოჩნდება კაცი და გამოვსარჩლება კნიაჟნას.

— დიად!—სთქვა მოხუცმა და თან გადააბრუნა მუჯუზლები.—ბოგუნს უნდა მისცენ, რომ იმანაც წაველოს ხელი დეგაიტაცოს, როგორც მგელმა ბატკანი; თვითონ ისინი კი რაზლოგში დასტოვოს; რაზლოგი ვისია მერე თავად ვასილის შემდეგ? რასაკვირველია, კნიაჟნასია, და არა იმათი. ბოგუნი ყველაფერზედ თანხმაა; ლელიანებში იმდენი ოქრო და ვერცხლი აქვს, რომ რაზლოგში ქვიშაც არ არის იმდენი; მაგრამ კნიაჟნას სძულს ბოგუნი მას აქეთ, რაც კაცი შემოაკვდა იმის თვალ წინა. მათ შორის სისხლი დაინთხა და სისხლისაგან მძულვარება დაიბადა.

დესპანს ძილი აღარ მიეკარა მთელს ღამეს. სცემდა ბოლთას ოთახში, შეჰყურებდა მთვარეს და ვარაუდობდა საქმის გარემოებას. ახლა კი მიხვდა კურცვევიჩების ოინებსა. კნიაჟნა რომ რომელსამე პოლონელს აზნაურშვილს შეერთო, მაშინვე რაზლოგი იმის ხელში გადავიდოდა. ვინ იცის, იქნება ანგარიში მოეთხოვა მზრუნველობისა! აი ეს იყო მიზეზი, რომ უიმისოლად გაყაზახებულმა კურჩვევიჩებმა გადაწყვიტეს ყაზახისათვის მიეცათ ქალი. ისეთი გული მოსდიოდა ამაზედ პან სქმეტუსკის, რომ გაახსენდებოდა თუ არა, მაშინვე გონება-დაუტანებლივ ხმაღზედ გაისვამდა ხოლმე ხელსა. დაიფიცა, რომ სულ

გავაქარწყლებ ასეთს მანქანებსაო და ჰგრძნობდა კიდევ ლონეს ასეთის განზრახვის განხორციელებისათვის. ყოველ შემთხვევაში, თავადი ერემიაც მზრუნველი იყო ელენესი, ჯერ იმიტომ, რომ რაზლოგი უბოძეს საჩუქრად მოხუცს ვასილს ვინც ვეფცველებმა, მერე კიდევ იმიტომ, რომ თვით ვასილი სწერდა ბარიდან თავადს და სთხოვდა, ჩემის ქალის მზრუნველად ბრძანდებოდეთო. თავადმა-მოურავმა მხოლოდ იმიტომ ვერ შეასრულა ეს თხოვნა, რომ აუარებელი საზოგადო საქმეები ჰქონდა, ომიანობა იყო ატეხილი და სხვა თავ-სატეხი დავიდარება უშლიდა ხელს; საჭიროა გავახსენოთ მხოლოდ ეს გარემოება და მაშინვე შეუდგება ამ საქმის გაჩარხვასაო.

გათენებული იყო უკვე, როცა პან სქშეტუსკის მიეძინა. ეძინა გუნებიერად, უსიზმრებოდ და უზმანებოდ. როცა გაიღვიძა, უკვე მოფიქრებული ჰქონდა, როგორც უნდა ემოქმედნა. საჩქაროდ ჩაიცივს ტანთ იმანა და პან პოდბიპენტამ. პან სქშეტუსკის მხლებელნი და ჯარის-კაცნი უკვე ცხენებზედ ისხდნენ. სასტუმრო ოთახში ელჩი საუზმეს შეექცეოდა კნენინასთანა და მის შვილებთან. ბოგუნი იქ არ იყო; არ იცოდნენ, ეძინა ჯერ ისევ, თუ წასულიყო სადმე.

სქშეტუსკი მიესალმა კნენინას.

— პანი!—სთქვა მან,—დრო მიდის, მალე უნდა შევსხდეთ ცხენებზედ; მაგრამ ვიდრე გულითა და სულით მადლობას გადაგიხდით გულ-უხვის მასპინძლობისათვის, მინდა მოგელაპარაკოთ თქვენა და თქენს შვილებს ერთის დიდად საყურადღებო საქმის გამო.

კნენინას გაოცება შეეტყო სახეზედ; გაკვირვებით შეჰხედა თავისს შვილებს, ელჩსა და პან ლონგინუსს, თითქო იმათგან უნდა შეიტყოს, რა ამბავია, რა საქმეაო და, ცოტა არ იყოს, შეწუხებულის ხმითა სთქვა:

— მზადა ვარ თქვენდა სამსახურად.

ელჩს უნდოდა ამდგარიყო, მაგრამ კნენინამ ნება არ მისცა და პან სქშეტუსკი გაიყვანა ტალანში, რომელიც საჭურველითა და ცხენების იარაღით იყო მორთული. ახალგაზდა თავა-

დიშვილები გამწკრივდნენ და ისე გამოიქიმნენ. მათ წინ იდგა კნენა; მან ჰკითხა სქშეტუსკის:

— რა საქმეზე გნებავთ მელაპარაკოთ?

დესპანმა გულ-ცივად, კუშტისა და მწყურალის სახით შე-
ჰხედა კნენას.

— მომიტევეთ, კნენა, და თქვენც, თავადნო, რომ ჩვე-
ნის ჩვეულების წინააღმდეგ ვიქცევი და, იმის ნაცვლად, რომ
საპატიო მაშუალნი გამომეგზავნა, მე თვითონ ვლაპარაკობ
ჩემდა სასარგებლოდ. უამისობა არ შეიძლება; ისე მოხდა სა-
ქმე. რომ სიტყვა არ გავაჰიანურო, გთხოვთ, როგორც კნიაჟნა
ლენეს მზრუნველს, ეგ ქალი მე მომათხოვოთ.

მეხი რომ დასცემოდა რაზლოგს ამ შუა-გულ ზამთარში,
იქნება უფრო ნაკლებ განცვიფრებულებიყვნენ კნენაცა და მი-
სი შვილებიც, ვიდრე განცვიფრდნენ დესპანის ამ სიტყვებითა.
დიდ ხანს შესცქეროდნენ ისინი გაკვირვებით დესპანს და ის კი
ისე იდგა, ვითომც აქ არაფერიყო, გულ-დამშვიდებული, იმე-
დიანი, თავ-მომწონე, თითქო იმიტომ კი არ მოსულა აქ, რომ
ითხოვოს რამე, არამედ იბრძანებლოსო. კნენა ისე იყო გაო-
გნებული, რომ ენა ჩაუვარდა.

— როგორ? ოქვენ? ელენე ცოლად?— ძლივს ჰკითხა ბო-
ლოს ლულლულით კნენამ.

— დიად, მე, პანი კნენავ; ეს გახლავთ ჩემი მტკიცე
განზრახვა.

კიდევ დადგა წუთი ღუმილისა.

— უკაცრავად, ბატონო დესპანო (კნენა ძლივს მოვიდა
გონს და დაიწყა ჩვეულებრივის სასტიკას კილოთი), ეგ სურ-
ვილი თქვენისთანა რაინდისა დიდად სასახელოა ჩვენთვის, მაგ-
რამ იძულებულნი ვართ უარ-გყოთ, რადგან ელენეს ცოლო-
ბა სხვას აღუთქვი.

— იმას მიაქციეთ ნხოლოდ ყურადღება, როგორც გულ-
შემატკივარმა მზრუნველმა, კნიაჟნას სურვილის წინააღმდეგ
ხომ არ აღუთქვით სხვას მისი მითხოვება და ან ჩემზედ უკე-
თესია თუ არა ის, ვისაც მისი ცოლობა აღუთქვით?

— ბატონო დესპანო! ვინ უკეთესია—ეგ ჩემი საქმეა. თქვენ იქნება უკეთესიცა ბრძანდებით,—ეგ ჩვენთვის სულ ერთია, ჩვენ თქვენ არ გიცნობთ.

დესპანი გასწორდა წელში და საშინელის მრისხანებით მოაფლო თვალი კნენას.

— მე ხომ გიცნობთ თქვენ, მოლალატენო!—შეჰყვირა სქშეტუსკიმ.—თქვენ გინდათ ტეტის მისცეთ თქვენი ნათესავი, იმ პირობით, რომ არ გამოგწიროთ მამული, რომელიც მძლავრობით ჩაგიგდიათ ხელში...

— თვითონ შენა ხარ მოლალატე!—შეჰყვირა კნენამაც.—მაგრე გვიხლი სამაგიეროს მასპინძლობისათვის, მაგრე გვიხლი მადლობას? ჰო-ჰოი, გველო! ვინა ხარ, საიდან ჩამოგვივარდი? ახალგაზდა თავადიშვილები ცალის თვალით კედელზე ჩამოკიდებულ საქურველისაკენ იცქირებოდნენ.

— საზიზღარნო!—განაგრძო დესპანმა,—გასძარცვეთ ობოლი... მაგრამ არა უშავს-რა. ერთს დღეს უკან ყოველივე ეცოდინება თავადს.

გაიგონა თუ არა ეს სიტყვები კნენამ, მივარდა კედელს, ჩამოიღო დიდი შუბი და ეცა პან სქშეტუსკის. თავადიშვილებმა სტაცეს ხელი და ჩამოჰგლიჯეს კედლიდან, ვისაც რა იარაღი მოხვდა ხელში—დანა, ხმალი, ხანჯალი—და ისე შემოეხვივნენ გარშემო, თითქო გამძვინვარებული მგლები არიანო.

— მაშ თავადთან მიხვალ, ჰა?—ღრიალებდა კნენა.—მერე იცი, რომ შენ აქედან ცოცხალი ვეღარ გახვალ; რომ ახლა დადგა შენის აღსასრულის დღე?

სქშეტუსკიმ დაიკრიფა გულ-ხელი და წარბიც არ შეიხარა.

— მე, როგორც თავადის ელჩი, ყირიმიდან მოვდივარ,—სთქვა დესპანმა,—და თუ აქ ერთი წვეთი ჩემი სისხლი დაიქცა, სამს დღეს შემდეგ, ქვა-ქვაზედ აღარ დარჩება აქა, ხოლო თქვენ ყველანი ლუბნის ციხეებში დალპებით. არის განა ქვეყნად ისეთი ძალი, რომ დაგიფაროთ-ლა? ტყუილად ნუ მემუქრებით, მე თქვენი არ მეშინიან!

— დავიღუპებით და დავაღუპოთ, სამაგიეროდ შენ პირველი მოკვდები.

— თუ აგრეა, დამკარით; აი ჩემი მკერდი!

თავადიშვილებსა და მათს დედას ამართული ეჭირათ იარაღი, შიგ დესპანის გულში დამიზნებული, მაგრამ ყველას რაღაც საიდუმლო ძალა უკრავდა ხელს. კინადამ ტიროდნენ სიბრაზით, ისე აკრაქუნებდნენ კბილებს, მაგრამ დარტყმას კი ვერც ერთი ვერა ჰბედავდა. ვისნევეცკის საშინელმა სახელმასრულიად დაუღუნა იმათ მარჯვენა.

დესპანი მეუფე და ბატონი იყო იმ წუთს.

კენინამ, რაკი სხვა ველარა მოახერხა-რა, მიჰყო პირი უშვერს ლანძღვას:

— სალახანა! გულა-მშიერავ! თავადის სისხლი მოგწყურდა? მაშ, დამაცადე! ვინც უნდა იყოს, ყველას მივეცე ქალს და შენ კი—არას გზით! ამას თვით თავადიც ვერ მიბრძანებს.

— მე დრო არა მაქვს ჩემის აზნაურშვილობით ვიტრაბახო, — გულ-დამშიდებით უპასუხა პან სქუმეტუსკიმ: — მაგრამ ვგონებ თქვენის თავადობის საკადრისი იქნებოდა, რომ ფარ-ხმალი დაგქონდეთ ჩემდა მოსართმევად. ესეც არ იყოს: თუ ტეტია შეგიწყნარებდათ, მე უფრო კეთილად მოგექცეოდით. მე თქვენზედ ნაკლები ქონება არა მაქვს, ხოლო თუ ამბობთ, რომ ელენეს არ მოგცემთო, მოისმინეთ, რა გითხრათ: მეც თქვენ დაგიტოვებთ რაზლოგს, მეც არ მოგთხოვთ მზრუნველობის ანგარიშს.

— ნუ ჩქარობ იმის ბოძებას, რაც შენ არ გეკუთვნის.

— ბოძებას კი არ გეუბნევი, აღთქმას გაძლევთ საკვლავოდ და ამ აღთქმას ჩემის რაინდულის სიტყვის მოცემით ვამოწმებ. ახლა ორში ერთი ირჩიეთ: ან ანგარიში მიეცით თავადს მზრუნველობისა და აიბარგენით რაზლოგიდან, ან ეგ ქალი მე მომეცით და ყოველივე ისევე თქვენ დაიტოვებთ...

შუბი ნელ-ნელა უსხლტებოდა ხელიდან კენინას და ბოლოს სულ გაუვარდა და ბრაზხანი მოიღო იატაკზედა.

— აირჩიეთ, — განიმეორა პან სქშეტუსკიმ: — ანუ მშვიდობა, ანუ ომიანობა.

— რა ბედია, რომ ბოგუნი სანადიროდ წავიდა მიმინობით: — სთქვა ახლა კი, ცოტა არ იყოს, დამტკბარმა კნენიამ: — თქვენი დანახვაც კი ეჯავრებოდა; ჯერ ისევ გუშინ ექვიანობდა საშინლად. ის რომ აქ ყოფილიყო, სისხლის დაუღვრელად არ გათავდებოდა საქმე.

— პანი კნენა, მეც ხმაღს ვატარებ იმიტომ კი არა, რომ წელზედ მეკიდოს მხოლოდ.

— მაინც ეს მითხარით ერთი, ეკადრება თქვენისთანა რაინდს, სახლში სტუმრად შეხვიდეთ და აგრე აჟინებით გაიძახოდეთ თქვენსას, ძალათი მიგყავდეთ ქალი, თითქო ოსმალთა ტყვეა?

— ეკადრება, როცა ეგ ტყვე ტეტიასთვის უნდა მიგეყიდნათ.

— მაგრე ნუ იხსენიებთ ბოგუნს! თუმცა არ იცის, ვინ იყვნენ მისნი მშობელნი, მაინც გულით სახელოვანი რაინდია და ჩვენც ბავშვობიდანვე ვიცნობთ, ღვიძლი შვილივით არის ჩვენს სახლში. ეხლა იმისთვის სულ ერთია, გინდა ეგ ქალი წავვირთმევია და გინდ ხანჯალი დაგვიცია.

— კნენა, ჩვენის წასვლის დროა! მომიტევეთ, თუ კიდევ განვიმეორო: ორში ერთი აირჩიეთ.

— კვეინამ შვილებს გადაჰხედა.

— აბა, შვილებო, პასუხი მიეცით ამ რაინდს.

თავადნი ერთმანერთს უცქეროდნენ და იღვგენ გაჩუმებულნი. ბოლოს სვიმონმა წაილულლულა:

— გვიბრძანებ, დედავ, დავკრათ, დაეკრავთ, გვიბრძანებ, მივცეთ ელენე და მივცემთ.

— დაკვრა არ ივარგებს, და არც მიცემა ვარგა... ორ წყალ-შუა ჩაგვაგდეთ, დესპანო! ბოგუნი ერთი თავზედ ხელაღებული კაცია, დაურიდებელი. ვინ დაგვიფარავს იმის შურისძიებისაგან? თვითონაც დაილუპება თავადის ხელითა, მაგრამ უმაღ ჩვენ დაგვლუპავს. რა წყალში გადავცვინდეთ?

— ნება თქვენია.

კნენა კიდევ გაჩუმდა.

— გამიგონეთ, რაინდო. ყოველივე ესე საიდუმლოდ უნდა დარჩეს. ბოგუნს პერეიასლავეში გავისტუმრებთ, როგორც იქნება, ჩვენ კი ელენეთურთ ლუბნს მოვალთ; ხოლო თქვენ სთხოვეთ თავადს საბუთები გამოგვიგზავნოს რაზლოგის მფლობელობისა. ბოგუნს ას-ორმოცდა ათი კაცი ჰყავს, ერთი ნაწილი მათი აქაც კია რაზლოგში. ეხლა ვერ წაიყვანთ ელენეს: გზაზე გადაგელობებიან და წაგართმევენ. სხვაფრივ არ შეიძლება. წაბრძანდით, ამ საიდუმლოს ნუ გაამჟღავნებთ და გველოდებოდეთ.

— რომ მერე მილალატოთ?

— რომ შეგვეძლოს, დიდაც! მაგრამ სად შეგვიძლიან. თქვენ თითონაც კარგად ჰხედავთ, რომ არ შეგვიძლიან. სიტყვა მოგვეცით, რომ დრომდე ამას არავის არ გაუხმელთ.

— გაძლევთ. მერე მომცემთ ელენეს?

— არ შეგვიძლიან არ მოგცეთ, თუმცა ბოგუნს კი ძლიერ გვეცოდება.

— ფუჰ, ფუ თქვენს თავადობას!— მიუბრუნდა უცებ დესპანი კურცვეიჩებს.— თონხი ხართ, აგრეთნი გულადნი, ჯანსაღნი და ერთის ყიზახისა კი გეშინიანთ, გინდათ ლაღატით შეჰბოჭოთ. თუმცა მადლობელი უნდა ვიყო თქვენი, მაგრამ მაინც ვიტყვი: ეგ არ შეჰფერის, არ ეკადრება თქვენს კეთილშობილებას!

— თქვენ ნუ ერევით ამ საქმეში!— შეჰყვირა კნენამ.— თქვენ იმას ნუ სწუხართ, ჩვენ რა უნდა მოვიქმედოთ. რამდენი კაცი შეგიძლიანთ გამოიყვანოთ იმის ას-ორმოც და ათის კაცის წინააღმდეგ? თქვენ დაიფარავთ ჩვენს ოჯახს? აიგერ დაიფარეთ თუნდ ელენე მაინც, რომელიც ლამის ძალათი მოიტაცოს. ეგ თქვენი საქმე არ არის. თქვენ ლუბნს წადით არხინად და მერე ჩვენ თვითონ მოვიყვანთ იქ ელენეს.

— როგორც გსურდეთ, ისე მოიქეცით, მხოლოდ ერთი სიტყვა კიდევ: თუ კნიაუნასთავის ერთი სიტყვა გითქვამთ საწყენი, ვაი თქვენ გინდათ!

— მაგისტანა სიტყვებს ნუ ჰხარჯავთ, ტყუილად ნუ გაბრაზებ ჩვენცა.

— გინდათ ძალით გაათხოვოთ ქალი; აი ეხლაც ჰყიდიტ რაზლოგის გულისათვის და იფიქრეთ კი, მოვწონვარ თუ არა?

— რაო მერე? მაგას თუ გინდათ თქვენთანვე ვკითხავთ...

კენინას კვლავ გული მოსდიოდა; ცხადად შეჰნიშნა, რომ დესპანი ზიზლით ეკიდებოდა იმასაცა და მის შვილებსაც. სვიმონი წავიდა ელენეს მოსაყვანად და მალე დაბრუნდა იმასთან ერთად.

გაბორატებსა და წყევა-კრულვას შორის, რომლითაც ჯერ კიდევ სავსე იყო ტალანის ჰაერი, თითქო ჯერ კიდევ არ გადუფლია ქართველთა და გრიგალთა, წარბ-შეჰქუხენილთა, გამძინვარებულთა და გამწყრალ-განრისხებულთა შორის კნიაჟნას ნათელ-გადაფენილმა სახემ ისე გამოაშუქა, თითქო მზე გამოჩნდა ზამთრის ღრუბლებშიო.

— კნიაჟნა, — სთქვა გულ-ცივად კენინამ და სქშეტუსკიზედ მიუთითა, — თუ ამის წინააღმდეგ არა გაქვთ-რა, აი თქვენი მომავალი ქმარი.

ელენე გაფითრდა ზარდანიხოსავით, შეჰკივლა, მიიფარა ხელები თვალებზედ და მერე უცებ გაუწოდა სქშეტუსკის.

— ნუ თუ მართლა? — წაილაპარაკა ნეტარებით აღვსილმა კნიაჟნამ ჩურჩულით.

—

ერთს საათს შემდეგ ელჩისა და დესპანის ქარავანი აუჩქარებლივ მიდიოდა ტყე-ტყე ლუბნისაკენ. ქარავანს წინ მიუძღოდნენ სქშეტუსკი და პან ლონგინუსი; მათ მისდევდა გრძელის ლენტვიით საელჩოს ეტლები. დესპანი მთლად შთანთქმული იყო ფიქრით, რომ უცებ მისი ყურადღება მიიქცია სიმღერის სიტყვებმა...

„ვსწუხვარ, ვსწუხვარ, გული კენისის...“

შორს ტყეში, ცალ-ფეხა ბილიკზედ, გამოჩნდა ბოგუნის იმისი მერანი სულ ქაფში იყო, ტალახით მოსვრილი.

ეტყობოდა, თვისის მუდმივის ჩვეულებისამებრ, ყაზახი ეცა მიწოდორს, მოედო ტყე-ღრესა, რომ თავის უფალის ჰაერის სუნ ზქვით გამაძღარიყო, შორს გადახვეწილიყო საღმე, თავდავიწყებას მისცემოდა და გაეყუჩებინა თვისი მწუხარება, თვისი ტკივილი გულითა.

ახლა ისევ რაზლოგს მიდიოდა.

პან სქშეტუსკიმ გააყოლა თვალი შორს მიმავალს მოხდენილს, შნოიანს რაინდს და უნებურად იფიქრა გულში და წაილაპარაკა კიდევ ჩუმადა:

— სწორედ ბედი, რომ კაცი შემოჰკლომია იმ ჩემის სიცოცხლის თვალ-წინ!

უცებ რაღაც დანანებამა და წუხილმა ატკინა გული. ბოგუნიც ენანებოდა და უფრო კი ისა ჰქონდა სანანურად, რომ სიტყვა მისცა კნეინას და აღარ შეეძლო გაეკენებინა ცხენი და ეთქვა მისთვის:

— ერთი და იგივე ქალი გვიყვარს... ჩვენში ერთ-ერთს უნდა გაუშვადეს სიყრმე. იმიშეღე დაშნა, ყაზახო!



პან სქშეტუსკის ლუბნში არ დახვდა თავადი; სენჩს წასულიყო ნათლობაში, თავისს ნაყმევ აზნაურშვილთან, პან სუფჩინსკისთან; იმასთან ერთად წასულიყო კნეინაცა, ორი პანნა ზბარასკებისა და რიცხვ-მრავალი ამალა. თავადს შეატყობინეს, რომ დესპანი დაბრუნდა ყირიმიდან და ვლახეთის ელჩი მოვიდაო; პან სქშეტუსკის სიხარულით მიეგებნენ მისი ამხანაგები, მეტადრე პან ვოლოდიევსკი, რომელიც იმ ხმალში ბრძოლის შემდეგ დიდი მეგობარი შეიქნა ჩვენის დესპანისა. ეს რაინდი იმითი იყო შესამჩნევი, რომ მუდამ უყვარდა ვინმე გასათხოვარ ქალთა შორის. როცა დარწმუნდა, რომ ანუსა ბოკობოლატისა გულ-ცივად მეპყრობაო, დაუწყა ტრფიალი ანელ ლენსკისას, ისევ კნეინას სეფე-ასულსა, ხოლო როცა ისიც პან სტანიშევსკის მისთხოვდა, ვოლოდიევსკი გაუმიჯნურდა უფროსს კნიაჟნა ზბარასკისას, ანნას, თავად ვისნევეცკის დისწულს.

პან ვოლოდივესკიმ თვითონაც კარგად იცოდა, რომ ძლი-
 ერ მაღალს ფარდებს ვეპოტინებიო და ვერავეითარს იმედს ვერ
 იქონიებდა. მით უმეტეს, რომ კნიაჟნას მაშინჯრები უკვე მო-
 ვიდნენ პან პშიემსკისაგან, ლენჩიკის მოურაფისაგან,—პან
 ბოდინსკი და პან ლიასოტა. საწყალმა ვოლოდივესკიმ გა-
 უმხილა თვისი ახალი დარდი გულისა ჩვენს დესპანს და თან
 ბეერი რამ უამბო თავადის კარის-კაცთა და ქალთა შესახების-
 ქორებისა. პან სქშეტუსკი ცალის ყურით ისმენდა ყოველსავე
 ამას; იმისი ფიქრი და გონება სულ სხვა საგანსა ჰქონდა მი-
 პყრობილი. ის შუთავა სულისა რომ არ დასჩემებოდა, რომ-
 მელიც თანა სდევს ყოველგვარ სიყვარულს, ბედნიერია იგი
 თუ უბედური, პან სქშეტუსკი ბედნიერ კაცად ჩასთვლიდა თავს,
 რაკი დაბრუნდა ლუბნს, საცა გარს შემოეხეივნენ ნაცნობნი და
 საცა დესპანი შთანთქა ჯარის-კაცთა ცხოვრების ჟივილ-ხივილ-
 მა. ლუბნი, თავადის საცხოვრებელი ადგილი, არაფრით არ ჩამოუ-
 ვარდებოდა „კოროლვეიჩების“ სხვა ამ გვარ საცხოვრებელ ადგი-
 ლებს; განსხვავება მხოლოდ ის იყო, რომ ვისნევეცკიმ ყოველ-
 გან სასტიკი, წმინდა სამხედრო წეს-რიგი შემოიღო. ვინც იქაუ-
 რი ჩვეულება და წესი არ იცოდა, თუნდა მშვიდობიანს დრო-
 საც მოსულიყო, ეგონებოდა, რაღაც ომის მზადებაში არიანო.
 ჯარის-კაცი აქ მეტი იყო აზნაურშილზედ, რკინა—ოქროზედ,
 ხმა საყვირისა—გარტობა-ნადიმის ჟივილ-ხივილზედ. ყველგან
 საოცარი წესი და რიგი იყო დაცული, ყველგან სჩანდნენ რაინდ-
 ნი სხვა-და-სხვა დროშისანი: ჯაგშნიანთა, ღრაგუნთა, ყაზახთა,
 ვლახელთა; ამ დროშათა ქვეშ მსახურებდა არა მარტო მთლად
 გაღმა მხარი დნებრისა, არამედ თავად-აზნაურობაც, რესპუბლი-
 კის სხვა-და-სხვა მხრიდან მოსული და თავის ნებით შესული
 თავადის სამსახურში. ვისაც უნდოდა ნამდვილ სამხედრო სკო-
 ლაში გაწურთენილიყო, ლუბნში მიდიოდა; იქ, რუსინებთან
 ერთად, შეიძლებოდა ნახვა მაზურებისაცა, ლიტველებისაცა,
 მალაპოლიანებისაცა, პრუსაკებისაც კი. ქვეითი რაზმები და
 თოფჩები—ესრედ-წოდებულნი „ცეცხლის კაცი“—უმეტეს ნა-
 წილად ნემენცები იყვნენ, დიდის ჯამაგირით დაქირავებულ-
 ნი; ღრაგუნებად მსახურებდნენ უფრო ადგილობრივნი მკვიდრ-
 ნი, ლიტველნი თათართა დროშის ქვეშ იყვნენ, მალაპოლია-

ნები ჯავშნიანთა დროშას რჩეობდნენ. თავადი ნებას არ აღევდა თავისს ჯარს, განებიერებულყო და ამიტომ ჯარისკაცნი განუწყვეტელს მოძრაობასა და ვარჯიშობაში ჰყვანდა. ერთი რაზმი სცვლიდა მეორეს სტანიცებსა და მიჯნებზე, მეორენი შემოდრიოდნენ ისევ თავადის სამყოფელ ლუბნში; ვარჯიშობა და აღლუმი თითქმის ყოველ დღე ინიშნებოდა. ხანდახან თავადი შორს გაილაშქრებდა ხოლმე მინდვრებსა და უდაბურს ადგილებში, რათა ჯარისკაცნი მიჩვეულიყვნენ ლაშქრობის სიძნელეს და მისწვდომოდა იმ ადგილებს, რომელთაც არავინ მისწვდომოდა მანამდე და ამ სახით უფრო შორს განთქმულიყო მისი სახელი. შარშან შემოდგომას, მაგალითად, თავადმა შოილაშქრა დნებრის მარცხენა სანაპირონი კუდაკამდე, საცა მეციხვანეთა უფროსმა, პან გროლზიციმ მეფური პატივი სცა, მერე ჩავიდა ჩორტიკამდე და კუჩკასის არე-მარეზე ააგებინა სერი იმის ნიშნად, რომ ასე შორს ჯერ არავინ წასულა ლაშქრობითაო *).

პან ბოლუსლავ მაშკევიჩი, ყოჩალი ჯარისკაცი და სწავლული, რომელმაც ასწერა ესა და სხვა ლაშქრობანი თავადისა, უამბობდა სქშეტუსკის საოცარს ამბებს უკანასკნელის გალაშქრების შესახებ. იმის ნაამბობს ამოწმებდა ვოლოდიევსკიცა. ვნახეთო ჭორომები, საკვირველება რამ არისო, მეტადრე კაცი-ჰამია, უმაძლარა, რომელიც, როგორც ძველად სცილლა და ხარიბდა, ყოველ-წლივ, რამდენისამე კაცის სიცოცხლეს იწირავდა მსხვერპლად. მერე აღმოსავლეთად გავემართენითო, გოლვისაგან გადახრუკულ მინდვრებისაკენაო, რომელიც იყო ბუნაგი ათას გვარ ქვეწარმავალთა და უშველებელ გველთა; თითო გველს ათი წყრთა სიგრძე ჰქონდა და მაჯის სისხო იყო სისქითაო. გზა და გზა განმარტოებით მდგომარე მუხაზედ ამოვჭრიდით ხოლმე სხვა-და-სხვა შემთხვევათა სახსოვრად თავადის ღერბსაო; ბოლოს ხომ ერთს ისეთს უსიერსა და ყრუ ადგილს მივედიო, საცა აღამიანის შვილის კვალიც კი არსადა სჩანდაო.

— ასე მეგონა, — სთქვა სწავლულმა პან მაშკევიჩმა, — რომ ჩვენც ულისის ხვედრი გვეწევა-მეაქი.

*) მაშკევიჩის სიტყვებია. შესაძლოა მაშკევიჩმა არ იცოდა, რომ სამეფელ ზბოროვსკი სენს იყო.

ხოლო პან ვოლოდივესკიმ დასძინა:

— მეციხვანე ზიმაისკის დროშის ჯარის-კაცნი ფიცულობდნენ, რომ ვნახეთ ის კიდური, საცა თავდება ქვეყანაო (finis orbis terrarum).

დესპანმაც თავისის მხრით უამბო ამხანაგებს ამბავი ყირიმისა, საცა თითქმის ნახევარ წელიწადს დაჰყო მის უდიდებულესობის ყეენის პასუხის მოლოდინში, ამბავი იქაურ ქალაქებისა, რომელნიც გადაჩჩნოდნენ ჟამთა-ვითარებას; უამბო ამბავი თათრებისა, მათის სამხედრო ძლიერებისა და, ბოლოს, ისიც უთხრა, იქაურობა შიშით დაიწყებს ხოლმე ძრწოლას, გაიგებენ თუ არა, რომ მთლად რესპუბლიკის ჯარი აპირობს თავს დავეესხასო.

პან ლონგინუსმა უცბად მოიგო ყველას გული და მერე პატივისცემაც დაიმსახურა, როცა საკვირველი ღონე გამოიჩინა და დაუწყო თავისს მახვილს ტრიალი ხელითაა. რასაკვირველია, არც თვისის წინაპარის სტოვეიკოს ამბავი დაივიწყა, სამის თავის ერთად მოკვეთის ამბავი, მხოლოდ თვისის აღთქმისაკი არა სთქვა-რა, რადგან ეშინოდა, ვაი თუ მასხარად ამიგდონო. ყველაზედ ძლიერ დაუმეგობრდა ვოლოდივესკის (ორივე მეტად გულჩჩვილნი იყვნენ და იმიტომ); რამდენსამე დღეს ერთად დადიოდნენ ციხის თხრილების სანახავად და იქ ოხრავდნენ, ერთი თავისს მიუწდომელ ვარსკვლავისათვის, კნიაენა ანნასათვის, ხოლო მეორე იმ უცნობისათვის, რომელსაც ასე აშორებდა სამი აღთქმული თავი.

ვოლოდივესკის უნდოდა, რომ პან ლონგინუსი დრაგუნად შესულიყო, მაგრამ ლიტველს მტკიცედა ჰქონდა გადაწყვეტილი ჯავშნიანთა შორის ჩაწერილიყო, რათა უფროსად პან სქშეტუსკი ჰყოლოდა. გამოუთქმელი სიხარული იგრძნო, როცა გაიგო ლუბნში, რომ დესპანი ყველას ნამდვილ რაინდად მიაჩნდა, ერთ უკეთეს აფიცრად თავადის აფიცერთა შორის. მერე ახლა ადგილიცა თავისუფლდებოდა პან სქშეტუსკის სადროშოში, ადგილი პან ზაქშევსკისა, რომელსაც მეტ სახეულად ეწოდებოდა miserere mei და რომელიც დიდი ხანი იყო,

რაც ლოგინად ჩავარდნილიყო და იმედიც აღარავის ჰქონდა იმის მორჩენისა. სიყვარულის გამო მის გულში დასადგურებულს შფოთვა-მღელვარებას მიემატა ახლა იმის შიშაცა, რომ ვაი თუ ეს ძველი მეგობარი, ნაცადი ამხანაგი ხელიდან გამომეცალოსო და ამიტომ პან სქშეტუსკი ავადპოფს აღარა შორდებოდა, ანუგეშებდა, რამდენადაც შეეძლო და იმედს აძლევდა მორჩენისასა.

გარნა მოხუცი ნუგეშინისცემას არა საჭიროებდა. მსკოვანი გმირი მხიარულად ეთხოვებოდა წუთი სოფელს თვისს რაინდულს ცხედარზედ, რომელზედაც ცხენის ტყავი იყო დაფენილი და თითქმის ბავშვურის ღიმილით შეჰყურებდა ჯვარცმას, იქვე კედელზედ ჩამოკიდებულს.

— Miserere mei, — უთხრა პან სქშეტუსკის, — უკვე მივდივარ საიქიოს. ხორცი ჩემი ისე დაკემსილ-დაცხავებულია ნაწყლულევეებითა, რომ არ ვიცი შემიშვებს-ლა თუ არა წმინდა პეტრე სამოთხეში ასეთის დაგლეჯილ-დაფლეთილის ტანისამოსითა. მე კი ვეტყვი: „წმინდაო პეტრე! გაფიცებ მალქოზის ყურსა, ნუ ჩამაგდებ უსიამოვნებაში: ურჯულოებმა დამიმახინჯეს ასე ტანი და ხორცი... miserere mei! ხოლო თუ მთავარანგელოზს შეემთხვევა კიდევ სადმე: ომი და ბრძოლა ჯოჯოხეთის ძალთა-თანა, მოხუცი ზაქშევსკი კიდევ გამოდგება“.

და პარუჩიკს, თუმცა თვითონაც ბევრჯელ პირის-პირ ენახა სიკვდილი, მაინც არ შეეძლო უცრემლოდ მოესმინა სიტყვები მოხუცისა, რომელიც ისე ჰქრებოდა და იღეოდა, თითქო მზიანი, დარიანი დღე ჰქრება და იღევაო.

ერთს დილას ლუბნის ყველა ეკლესიისა და მონასტრის ზარებმა აუწყეს ხალხს აღსრულება პან ზაქშევსკისა. ამ დღეს მოვიდა სენჩიდან თვით თავადიცა, მთავარი ვისნევეცკი და მასთან ერთად პან ბოდინსკი და ლიასოტაცა და მთლად ამაღლა. თავადმა დიდის ამბით დაასაფლავებინა მიცვალებული და მით პატრივი სცა განსვენებულის ღვაწლსა, ხოლო ქვეყანას დაანახვა, აი როგორ მიყვარს ჩემნი რაინდნიო. დასაფლავებას დაესწრნენ ყველა რაზმნი, რომელნიც კი იმ ხანად ლუბ-

ნში იდგნენ; გალაენიდან მოისმოდა თოფისა და ზარბაზნის სროლა. თვით მთავარი სულ ძაძა-ფლასით მოსილი, კუბოს მისდევდა ოქროს ეტლით, რომელშიც ება რვა თოვლავეთ თეთრი ცხენი. ეტლს წინ მიუძღოდნენ იანიჩარნი, საკუთრად თავადის მცველნი; ეტლს მისდევდნენ ცხენებით სეფე-წულნი, ესპანურის ტანისამოსით დართულნი, მერე კარის დიდებულნი და მოხელენი, თავად-აზნაურნი, ამაღა და ბოლოს გაიდუქნი. სამგლოვიარო ლიტანიით მიმავალნი შეჩერდნენ პირველად ეკლესიის კარ-წინ, საცა ქსენძი იასკულსკი მიეგება ცხელარს სიტყვით, რომელიც ასე დაიწყო: „საით მიეშურები, კეთილო ზაქშევსკი?“ თვით ეკლესიაში სიტყვა წარმოსთქვა მკვერ-მეტყველთა შორის უმკვერმეტყველესმა მქადაგებელმა ქსენძმა იეზუიტმა მუხოვეცკიმ და ისეთის გრძნობით ილაპარაკა, რომ თვით მთავარს ცრემლები მოერია. ძლიერს მაგნატს წმინდა სანთელივით ჩჩვილი გული ჰქონდა და ნამდვილი მამა იყო თვისთა ჯარის-კაცთათვის. ყველგან სასტიკი წეს-რიგი შემოიღო, მაგრამ გულ-უხვობითა და გულ-კეთილობითაც განთქმული იყო: მისნი ყმანი ჯალაბობითურთ იმის მზესა ჰფიცავდნენ, იმდენად გულ-სრულნი იყვნენ მისის ნაბოძვართა და უხვებითა. უმოწყალოდ საშიში შეამბოხეთათვის, იგი იყო ჭეშმარიტი კეთილის-მყოფელი არა მხოლოდ თავად-აზნაურობისა, არამედ მთელის ერისაცა. როცა ოთხმოც და ექვს წელს კალიამ გაანადგურა ჭირნახული, მთელის წლის ღალა-ვადასახადი აპატივა ხაზნებს, ხოლო როცა ცეცხლმა იმსხვერპლა ხოროლი, მთლად მკვიდრნი ამ ქალაქისა თვისის ხარჯით შეინახა ორს თვესა. იჯარადარნი და მოურავ-გამგებელნი მისის მამულ-დედულისა შიშითა ძრწოდნენ, მთავარმა არ გაიგოს, თუ შეგვივიწროებია ვინმეო. დნებრის მთელს გაღმა-მხარეში ობლებს ისე არ მოიხსენებდნენ, რომ „მთავრის ძენი“ არ ეწოდებინათ მათთვის. თვით კნენა გრიზელდა ზრუნავდა მათთვის მამა მუხოვეცკის შემწეობითა და დახმარებით. მთავრის ყველა საბრძანებელში სუფევდა წესი და რიგი, მშვიდობიანობა, სამართლიანობა და დოვლათი, მაგრამ ამასთანავე შიშიცა, რადგან მცირედი წინა-

აღმდევგობა რომ შეენიშნა, მისს განრისხებას სამზღვარი აღარა ჰქონდა: მისი ხასიათი ადვილად იშენედა დიდ სულოვნებასა და სისასტიკესა. მაგრამ იმ დროს და იმ ქვეყნებში მხოლოდ სასტიკობით შეიძლებოდა დაქერა ხელში თავ-გასულთა და მაშფოთართა, მხოლოდ სასტიკობის წყალობით შენდებოდა ქალაქები და სოფლები, მხენელ-მთესველი სძლევდა გაიდა-მაკსა, ვაჭარი გულ-დამშვიდებით ატარებდა თვისს საქონელსა, ზარები თავისუფლად მიუწოდებდა ლოცვად მორწმუნეთა, მტერს არ შეეძლო გადაელახნა სამზღვარნი, ბრბონი ლირთთა და საზიზღართა იღუპებოდნენ მარგილებზედ ჩამოცმითა ან-და გარდიქმნებოდნენ გულად ჯარის-კაცებად, ხოლო უდაბნოდ ქმნილი ქვეყანა—აღყვავებულ ბაღად.

განადირებულ ქვეყნისა და მცხოვრებლებისათვის ასეთი შტკიცე ხელი იყო საჭირო. დნებრის გაღმა მხარს მოდიოდნენ უკრაინიდან ყოვლად მოუსვენარნი, თავს იყრიდნენ რესპუბლიკის ყოველ მხრიდან ლტოლვილნი გლებ-კაცნი, დამნაშავენი და ჰერობილნი, ერთის სიტყვით, ლივიის თქმისა არ იყო, „pastorum convenarumque transfuga et suis populis“. ამათი შაშში ყოლა, მშვიდობიან მცხოვრებლებად გადაქცევა, დამკვიდრება და დაბინავება შეეძლო მხოლოდ იმისთანა ლომს, რომლის ქექა და გრგვინვა თავ-ზარ დამცემი ყოფილიყო ყველასათვის.

პან ლონგინუს პოლბიპენტამ რომ პირველად მთავარი ჰნახა ზაქშევსკის დასაფლავებაზედ, განცვიფრებიდან გამოვიდა. იმდენი ქება-დიდება გაეგონა იმისი, რომ ეგონა ერთი ახოვანი, ბუმბერაზი იქნებოდა ვინმე, მთავარი კი პატარა ტანის კაცი იყო და სუსტს, კანტს ადამიანსა ჰგვანდა. მოხუცი არ იყო,—სულ ოც და თექვსმეტის წლისა სრულდებოდა,—მაგრამ პირი-სახეზედ ცხადად ემჩნეოდა კვალი სამხედრო ღვაწლ-მოსილებისა. ლუბნში ისე სცხოვრობდა, როგორც ნამდვილი მეფე, ხოლო მრავალ ომიანობისა და ლაშქრიანობის დროს უბრალოდ ჯარის-კაცივით ითმენდა ყოველს გაჭირებას, სჭამდა საერო პურს და ეძინა ძირს, ცარიელს ქეჩაზედ. ასე ჰქონდა გატარებული თითქმის ნახევარ სიცოცხლე; რა გასაკვირველია,

რომ ყოველივე ესე დასჩნეოდა სახეზედაც. იერზედ ეტყობოდა შეუძღრკალი ძალა რკინა-ძეალისა, დიდება ისეთი, რომლის წინაშეც ყველა უნებურად თავს იხრიდა, სჩანდა, რომ ამ კაცმა კარვად იცოდა თვისი შემძლებელობა და ძლიერება,—და ხვალვე რომ გვირგვინი დაგედგათ თავზედ, არც გაჰკვირდებოდა, არც დაიჩაგრებოდა მისის სიმძიმით. იმის დიდრონ, მშვიდობიან, თითქმის წყნარ თვალებისათვის რომ შეგეხედნათ, გეგონებოდათ, შიგ ელვა და მეხია დაფარული და ვაი იმას, ვისაც თავს დაატყდებო! არავის არ შეეძლო აეტანა ამ თვალების მშვიდობიანი ელვარება; არა ერთხელ მომხდარა, რომ რომელიმე ელჩი, გამოცდილი და დარბაისელი კარის-კაცი არეულა, როცა თავად ერემიას წინაშე დამდგარა და ველარ დაუწყვია თქმა წინ-და-წინვე მომზადებულის სიტყვისა. ნამდვილი მეფე იყო თავისს სამოურავო-სამთავროში. იმის დარბაზში იწერებოდა წყალობის სიგელნი და ბრძანებანი, რომელიც ასე იწყებოდა: „ჩვენ, ნებითა მღვთისათა, მთავარი და ბატონი“ და სხვ. კოტანი იყვნენ პანებ შორის მისნი ტოლნი და სწორნი; ბევრნი თავადნი, შთამომავალნი მფლობელთა და მთავართა, მის კარ-წინ მსახურებდნენ. ასეთი იყო თავისს დროს მამა ელენესიცა, ვასილი ბულიგა-კურცევიჩი, პირდაპირი შთამომავალი რიურკისა.

თავადს ერემიას ისეთი თვისება ჰქონდა, რომლის წყალობითაც, თუმცა ბუნებით კეთილი იყო, გაკავებულნი და გაკმენდილნი იყვნენ მისნი მახლობელნი და ხელქვეითნი. ჯარისკაცი უყვარდა და შინაურულადაც ექცეოდა ხოლმე, მაგრამ თვით მასთან კალნიერად და შინაურულად ქცევას კი ვერავინა ჰბედავდა. მაინც, ებრძანა კი თავისის რაინდებისათვის ოლონდ ღნებრში გადასცვინდით კლდიდანაო და ისინიც წარბ-შეუხრელად აასრულებდნენ მისს სურვილს.

დედა ვლახელი ქალი იყო და მისგან გამოჰყვა სითეთრე პირის კანისა, ის სითეთრე, რომელიც დასცემს ხოლმე ცეცხლში გახურებულს რკინას და ყორნის ბოლოსავით შავი თმები, რომელიც წარბებზედ სცემდა და თითქმის სანახევროდ უფა-

რავდა შუბლს. ჩვეულებრივ დიდად არა ზრუნავდა თავისი ტანი-სამოსისათვის და მხოლოდ სადღესასწაულო შემთხვევაში ჩაი-ცვამდა ხოლმე მდიდრულად და მაშინ კი სულ ოქრო-ვერცხ-ლითა ბრწყინავდა და ძვირფასის თვალ-მარგალიტით იყო მო-ფენილი მისი ჩასაცმელ-დასახური.

პან ლონგინუსი დაესწრო ამისთანა შემთხვევას, როცა მთა-ვარმა მიიღო ვლახეთის ელჩი მისის ამალითურთ. ეს ამბავი მოხ-და „ციხიერ“ დარბაზში, რომელსაც იმიტომ უწოდებდნენ ასე, რომ მის ქერში დანციგელს მხატვარს ჰელმს ვარსკვლავებით მოქედლილი ცა დაეხატა. მთავარი იჯდა მაღალს საეარძელში, ანუ უფრო სამეფო ტახტზედ, ამფოანს ქვეშ, რომელიც ხავერ-დითა და ყარყუმის ბეწვით იყო მოართული; სავარძელს უკან იდგ-ნენ ქსენძი მუხომეცკი, მდივანი, სახლთ-უხუცესი თავადი ვარო-ნიჩი, პან ბოლუსლავ მაშკევიჩი, მერე სეფე-წულნი და თორმე-ტი შუბ-ნაჯახიანი ჯარის-კაცი; დანარჩენი ნაწილი დარბაზისა, მეორე ნახევარიც გავსებული იყო მდიდრულად მოართულ რაინდებითა. პან როზვანმა გოსპოდარის სახელითა სთხოვა მთავარსა, აიძულეთ როგორმე ყენი, ალაგმოს თავისი თა-თრები, რომელნიც ყოველ წლივ არბევენ ვლახეთსაო. მთავარმა შეენიერის ლათინურის ენით უპასუხა, რომ ბუჯაკის თათრები თვით ყენსაც ნაკლებად ემორჩილებიანო, მაინც ვეცდები მოვა-გვარო როგორმე ეგ საქმეო.

პან სქმეტუსკიმ აღრევე მისცა ანგარიში თავისის ელჩ-დესპანობისა და ამასთანავე უამბო, რაც გაიგონა ხმელნიცკისა და მის გავარდნის შესახებ. თავადმა განკარგულება მოახდინა, რომ რამდენიმე რაზმი კუდაკისკენ გაეგზავნათ, მაგრამ საზო-გადოდ კი მთლად ამ საქმეს მცირე მნიშვნელობას აძლევდა და, რაკი ისე ეგონა ყველას, რომ დნებრ-გამოდმა სამთავროს და მისს ძლიერება-მყუდროებას არა-რა შიში არ მოეღისო, ლუ-ბნში დაიწყეს გაბმული ნადიმი და დროს-გატარება, ზოგი ვლახეთის ელჩის პატივ-საცემლად, ზოგიც მაშინჯრების პან ბოდინსკისა და ლიასოტის მოსვლის გამო, რომელთაც უკვე სასურველი პასუხი მიიღეს თავადისა და კნინა გრიზელდაესაგან.

მხოლოდ ერთი საწყალი ვოლოდიევსკი იწოდა და იდაგოდა გამოუთქმელად და, როცა პან სქშეტუსკი მოინდომებდა ნუგეშინისცემას, მოწყენით უპასუხებდა ხოლმე:

— შენ რა გიშავს; იცი, რომ ანუსია შენ არ ავცდება. როცა აქ არ იყავი, გულითა და სულით მოგიგონებდა ხოლმე. ჯერ მეგონა, რომ ბიხოვეცის გაგულისება უნდა-მეთქი, მაგრამ ახლა კი სულ სხვასა ვხედავ.

— არა, მე ანუსიას არ ვეტრფი! შენ ემიჯნურე ისევ, არ დაგიშლი. ანდას ფიქრადაც აღარ ვიტარებ გულში. იმის ტრფობა იმას ემგვანება, რომ ქუდის დაფარება მოინდომოს ვინმე ფენიქსისა მის ბუდეში.

— ვიცი რომ ფენიქსია... ლამის დარღმა მომკლას.

— არც არას მოგკლავს და არც არას დაგაკლებს, მალე სხვა შეგიყვარდება. მაგრამ გეთაყვა, კნიაჟნა ბარბარა კი არ შეგიყვარდეს, თორემ ახლა იმას გამოგაცლის ვინმე ხელიდან.

— განა გული მონაა, რომ შეიძლებოდეს ბრძანება აძლიო? განა შეიძლება თვალებს უთხრა, ნუ სტკებები კნიაჟნას საოცარის სახის შეგნებითაო? ის ისეთი რამ არის, რომ ვგონებ ნადირსაც კი ეშხზედ მოიყვანს.

— აი ხათაბალა კაცი!—გაიოცა პან სქშეტუსკიმ.—შენ მგონია უჩემოდაც მალე ინუგეშებ თავსა! მე კი მაინც გაგიმეორებ: ისევ ანუსიას დაუწყე ტრფიალი და მე ჩემის მხრით არას დაგიშლი.

ანუსიას კი, მართლაც, ფიქრადაც არ მოსდიოდა ვოლოდიევსკის სიყვარული.

ქალს ძალიან ატკინა გული პან სქშეტუსკის გულ-გრილობამ: ნახევარ წლის გარედ ყოფნის შემდეგ დაბრუნდა სახლში და ერთხელ ზედაც არ შეჰხედა. საღამომოთ, როცა თავადი სასტუმრო ოთახში შევიდოდა ხოლმე თავისის აფიცრებით, ანუსია უდგა გვერდით კნენას და ცალის თვალით (კნენა მაღალის ტანისა იყო, ხოლო ანუსია დაბალისა) დაშტერებით უცქეროდა დესპანს; სცდილობდა გაეგო რამე, ეს რა

გამოცანა კაციაო. სქშეტუსკის ფიქრი ამ დროს სულ სხვაგან რბოდა, ხოლო თუ ოდესმე შემთხვევით დააქვრდებოდა ანუსიას, დააქვრდებოდა ისე ცივად, ისე გულ-გრილად, თითქო პირველადა ჰხედავსო.

— რა დაჰმართნია ნეტა?— ჰკითხავდა თავის-თავს მთელის სასახლის ნებიერი და, გაჯავრებით აბაკუნებდა რა თავის ჰაწაწა ფეხს, ფიცულობდა, უთუოდ გავიგებ, რაც ამბავიაო. ნამდვილად კი ანუსიას სრულიად არ უყვარდა ჰან სქშეტუსკი, მაგრამ რაკი მიჩვეული იყო, რომ ყველა დაეძლია ხოლმე და ყველას გული დაემონა, ველარ იტანდა გულ-გრილად მოჰყრობას და ამიტომ მზად იყო ოვითონ შეეყვარებინა ასეთი თვისი შეურაცხმყოფელი.

ერთხელ, როცა ფაცა-ფუცით დარბოდა, რომ საჩქაროზედ აესრულებინა რალაც ბრძანება კნენასი, უცბად შეეფეთა სქშეტუსკის. ისე უცბად შეეფეთა კაცს და ისე დაეჯახა, რომ კინაღამ არ წააქცია. უეცრადვე შესდგა და შეჰკვივლა:

— უჰ, რანაირ შემეშინდა! დილა მშვიდობისა, ჰან სქშეტუსკი!

— დილა კარგა ყოფნისა, ჰანნა ანნა! ნუ უკვე ისეთი საშინელება ვარ, რომ აგრე შეგეშინდათ ჩემი?

ყმაწვილმა ქალმა თვალები ძირს დაჰხარა და, ვითომ ძალიან შემრცხვავო, სთქვა:

— ო, არა, არა! გარწმუნებთ...

შეჰხედა ჰორუჩიკს და კვლავ დაჰხარა ძირს თვალები.

— რაზედ მიწყრებით, კნიაჟნა?

— მე? განა თქვენ ყურადღებას აქცევთ ჩემს წყრომსა?

— არავითარს. ძალიან დარღი მაქვს!

— იქნება გგონიათ, რომ ეხლავე ტირილს დავიწყებ? სცდებით! ჰან ბიხოვეცი ბევრად უფრო ზრდილობიანია თქვენზედ...

— თუ აგრეა, მე სხვა აღარა დამრჩენია-რა იმის მეტი, რომ აღგილი ბიხოვეცს დავუთმო და თვალით აღარ დაგენახვოთ.

— მერე, მე გიჰერთ განა?

სტკვა ესა ანუსიამ და გადაელობა წინ.

— მაშ, ყირიმიდან დაბრუნდით?

— ყირიმიდან დაებრუნდი.

— მერე, რა მოიტანეთ იქიდან?

— პან პოლბიპენტა მოვიყვანე. ხომ პნახეთ? ძალიან სასიამოვნო კაცია და ღირსეული რაინდი.

— ექვი არ არის, რომ ის თქვენზედ ბევრად სასიამოვნოა. მერე რად მოვიდა აქა?

— იმიტომ რომ ვნახოთ, იმის დაძლევისასაც შესძლებს თუ არა თქვენი ეშხი და სილამაზე. მაგრამ მე კი არ გირჩევთ, რომ იმის გულის დაძლევაც მოინდომოთ, იმიტომ რომ ერთი საიდუმლო ვიცი, რომლის ძალითაც ეგ რაინდი უძლეველია... და ამიტომ თქვენც კი ვერას დააკლებთ იმას.

— რითია უძლეველი?

— იმითია, რომ ცოლის შერთვა არ შეუძლიან.

— მე რა მერე? რატომ არ შეუძლიან ცოლის შერთვა?

სქშეტუსკი დაიხარა და ხმა-მალლა ჩაჰყვირა ყურში ყმაწვილს ქალს:

— აღთქმა აქვს დადებული უბიწოებისა.

— რა უზრდელობაა ეგ თქვენი!— შეჰკივლა ანუსიამ და ისე გაფთხბრიალდა მაშინვე ოთახიდან, თითქო შეშინებული ჩიტიაო.

მაინც იმ საღამოსვე პირველად პან ლონგინუსს მიაქცია ყურადღება ანუსიამ და გულ-მოდგინედ დაუწყა სინჯვა. იმ ღამეს სტუმრები საკმაოდ ბლომად იყვნენ, რადგან პან ბოლდინსკი მეორე ღღეს აპირობდა წასვლას და გამოსათხოვებლად თავადთან იყო. ჩვენი ლიტველი კოხტად იყო მორთული თეთრის ატლასის დოშლუდითა და მუქი-ლურჯის ხავერდის ქულაჯით. ასე მორთული ლონგინუსი ძალიან მართებულსა და სასიამოვნო ყმაწვილსა ჰგვანდა, მით უფრო, რომ ჯალათის მახვილის მსგავსი ხმალი აღარ შემოერტყა და მის მაგიერ, პატარა მოკაუჭებული ხმალი ეკიდა მოაქროვებულის ქარქაშითა.

ანუსა სიყვარულით შესცქეროდა ჰან ლონგინუსს და ეშხის ისრებსა სტყორცნიდა, სხვათა შორის სქშეტუსკის ჯიბრზედაცა. დესპანს იქნება ვერც კი შეემჩნია ეს გარემოება, რომ ვოლოდიევსკის მუჯღუფუნი არ წაეკრა და არ ენიშნებინა:

— თათრებმა წამიყვანონ ტყვედ, თუ ანუსია ამ ლიტველს მარგილს ირ შესცქნავის.

— თვითონ იმას უთხარი ეგ ამბავი.

— ვეტყვი! კაი ცოლ-ქმარნი კი იქმნებიან, აი!

— ის ისე აყლაყუდა და ქალი კი ისეთი თოჯაა, რომ იმის დოშლულის საკინძედ ძლივს გამოადგებოდა.

— ან იმის ქუდის ყალამადა.

ვოლოდიევსკი მივიდა ლიტველთან.

— ჰან პოდბიპენტა, — უთხრა ვოლოდიევსკიმ, — დიდი ხანი არ არის, რაც აქ მობძანდით და უკვე დაგვანახვეთ, რა წითელი კოჭიცა ბრძანდებით.

— რა წითელი კოჭი, სასურველო, რა კოჭი?

— ის კოჭი, რომ ლამის გადიროს თქვენის სიყვარულით ყველაზედ ლამაზი ქალი ამ ჩვენის სასახლის ქალებში.

— ქაჯან! — და ჰან ლოგინუსმა ისე შემოიწყო გულზედ ხელები, თითქო ლოცვისათვის ემზადებოა, — რას არ მოიგონებთ!

— აიგერა, შეჭხედეთ ანუსა ბოჟობოლატას (რომელსაც ყველანი ვემიჯნურებით აქა); თვალს აღარ გაშორებს. გაფრთხილდით მხოლოდ, რომ ისევე არ გაგაცუროთ, როგორც ჩვენ ყველანი გაგვაცურა.

ვოლოდიევსკი შემოტრიალდა წალის ქუსლზედ და მოპშორდა ჰან ლონგინუსს, რომელიც სახტად დარჩა და საკვირველებიდან იყო გამოსული; უცბად ვერ გაჰბედა ანუსიასკენ შეეხედნა, მაგრამ ბოლოს მოიკრიფა გამბედაობა და, ვითომ უსაბედად შეჰხედა და... სულ ჟრუანტელმა დაუარა ტანში. კნენა გრიზელდას მხრიდან მართლა ჩაცივებითა და ცნობის მოყვარეობით უცქეროდა კნიაენა თვისის შვენიერის მაყვალვით შავის თვალებითა. „Apaga satanas!“ გაიფიქრა გულში ლი-

ტველმა და, სკოლის შეგირდივით გაწითლებული მიიმალა და-
რბაზის მეორე კუთხეში.

მაინც ცდუნება ძლიერი აღმოჩნდა. ის ეშმაკი, რომელიც
კნენას მხრებს იქიდან გამოიყურებოდა, ისეთი მშვენიერი იყო,
მისი თვალები ისე ბრწყინავდა ეშხითა, რომ პან ლონგინუსს
გული აღარ უთმენდა და უნდოდა ერთხელ კიდე შეეხებინა
კნიაჯნასთვის. მაგრამ უცბად მოაგონდა თვისი აღთქმა, თვალ-
წინ წარმოუდგა დიდებული სახე ზერვი-კაპტურისა, წინაპარის
სტოვეიკო პოდბიპენტასი... და შიშმა შეიპყრო პან ლონგი-
ნუსი. შეუმჩნევლად გადიწერა პირჯვარი და ცდუნება გან-
ჰქრა.

მეორე დღეს, დილა ადრიან მივიდა პან სქშეტუსკისთან.

— მალე ვიომებთ, პან დესპანო? რა ისმის ომიანობისა?

— რას გეჩქარებათ აგრე? მოთმინება იქონიეთ, იმ დრო-
მდე მაინც, ვიდრე ჯარში ჩაგწერდნენ. პან პოდბიპენტას ჯერ
არ დაუჭერია ადგილი განსვენებულის ზაქშევსკისა. პან ლონ-
გინუსს უნდა ეცადნა, ვიდრე დაწესებული ვადა არ გავიდო-
და, ხოლო ეგ ვადა თავდებოდა პირველ აპრილს.

ლიტველს აღბად სხვა რამ აუცილებელი საჭიროება ატა-
ნდა ძალას და ამიტომ მან კვლავ განაგრძო გამოკითხვა:

— თავადს არა უთქვამს-რა შენთვის მაგ საქმის შესახებ?

— არაფერი. მეფე კი სიკვდილამდე ომიანობის ფიქრს არ
დაუტყვევებს, მაგრამ რესპუბლიკას არ უნდა ომი.

— ჩიგირინში ამბობენ, რომ საშიშია, ყაზახთა ამბოხება
არ მოხდესო?

— თქვენი აღთქმა გაწუხებთ ვგონებ ძალიან. რაიცა შეე-
ხება ამბოხებას, იცოდეთ, რომ გაზაფხულზედ ადრე არ მოხ-
დება, ახლა კი ზამთარია. მართალია, დიდი ზამთარი არ არის,
მაგრამ მაინც ზამთარია. ეხლა მხოლოდ 15 თებერვალია, შე-
იძლება ყინვა დაიჭიროს კიდეც, ყაზახი კი მინდვრად არ გავა-
ვიდრე თოვლს არ აიღებს, ვიდრე დედა-მიწა არ გალხვება, ვი-
დრე ლონისძიება არ ექნება თხრილი ამოიღოს და საფარი გა-
იკეთოს. ყაზახნი, თუ სანგალი აქვთ, ისე ომობენ, როგორც

ლომნი, ხოლო მოტიტვლებულს მინდორში კი ომი არ შეუძლიანთ.

— მაშ ყაზახთა იმედი უნდა გვეკონდეს.

— რა გითხრათ პასუხად? ყოველ შემთხვევაში, თუნდა მაგ ამბოხების დროსაც იპოვოთ ის თქვენი ერთად მოსაკვეთი სამი თავი, მაინც კიდეც საეჭვოდ დარჩება, შეასრულეთ თუ არა თქვენი აღთქმა. აჯანყებულნი რომ ან ჯვარ-შემოსილნი იყვნენ, ან ოსმალნი, მაშინ სხვა იქნებოდა. აქ კი ყაზახნი არიან, შეიღნი ერთისა და იმავე დედისანი.

— ო, დიდებულო ღმერთო! ძალიან თავ-სამტკრევი საქმე გამიჩინეთ ევა. რა უბედურებაა! იქნება ქსენქმა მუხოვეცკიმ გამოძირკვიოს ჩემი იქვენეულობა? თუ არა გავიგე-რა, ერთს წუთს ვერ მოვისვენებ.

— ალბად გამოგიკვეცეს; კაცი სწავლულია და კეთილ-მორწმუნე, მაგრამ არა მგონია კი, დამამშვიდებელი რამ პასუხი გაგცეთ. *Bellum civile*—ძმათა შორის ომია!

— შეამბოხეთ რომ სხვანიც მიეშველნენ ვინმე?

— მაშინ კი თავისუფლად შეგიძლიანთ შეასრულოთ თქვენი გულის-წადილი. მე კი ერთს გეტყვი: ელოდეთ, იმედს ნუ დაჰკარგავთ და იქონიეთ მოთმინება.

ვაი, რომ სხვას აძლევდა ასეთს რჩევას პან სქშეტუსკი და თვითონვე კი ნაკლებად ჰქონდა მოთმინება. თან-და-თან უფრო უძლიერდებოდა დარდი და აბეზრებდა თავს სასახლის ნაღიმი და დროს გატარება, აბეზრებდნენ თავს ერთი და იგივე ნაცნობნი. ბოლოს პან როზენ ურსუ და პან ბოდინსკი და ლიასოტაც წავიდნენ. ყოველივე დამშვიდდა და ცხოვრება თავისს ჩვეულებრივს კვალში ჩავარდა. თავადი ჩაულრმავდა თვისის მოურავების ანგარიშების ჩხრეკა-განხილვასა, იჯდა სულ კაბინეტში და დროებით ჯარის წურთენა და აღლუმებიც კი გადასდო. სმა და ქეიფი აფიცერთა შორის, საცა გაუთავებელი დავა და ლაპარაკი იყო წარსულ ომიანობათა შესახებ, მეტად მოსწყინდა პან სქშეტუსკის; გადიგდებდა თოფს მხარზედ და გაურბოდა ამ ლხინსა და ქეიფს, მიდიოდა სოლონიცისაკენ,

საცა ოდესმე ჟულკევსკიმ ისეთი საშინელი დღე დააყენა ლობოდას, ნალივიაკას და კრემპსკისა. შებრძოლების კვალი ერთნაირად წაშლილიყო ადამიანთა ხსოვნაშიაცა და თვით იმ ადგილებშიც, საცა ის შებრძოლებანი მომხდარიყო. მხოლოდ ათასში ერთხელ გამოჩნდებოდა ხოლმე მიწიდან თეთრი ძვლები ომში დახოცილთა და წყალ-გაღმა ამართული იყო თხრილი, რომლის მოფარებითაც ისეთის განწირულებით იბრძოდნენ იმიერ-ქორომელნი ლობოდასი და ნალივიაკას თავისუფალნი ჯარის-კაცნი; მაგრამ თხრილიც უკვე წვრიმალას დაეფარა. აი აქ ემალებოდა სქშეტუსკი სასახლის ჟღავი-ჟღუესა, აქ მოიხსნიდა ხოლმე თოფს მხრიდან და ეძლეოდა თავის ფიქრ-ოცნებასა; აქ მის სულიერ თვალთ ცხოვლად წარმოუდგებოდა ხოლმე სურათი საყვარელის ქალისა; აქ, ამ მიყრუებულ ადგილას ნელ-ნელა ყურდებოდა მისი გულის-ტკივილი, ჰქრებოდა მისი დარდი და ნაღველი.

გაზაფხული კი ამასობაში თან-და-თან ახლოვდებოდა. წვიმამაც, ძლიერმა, შხაპუნა წვიმამაც ხშირ-ხშირად დაიწყო მოსვლა: სოლონიცა ერთ გაუფალ ქაობად გადაიქცა და დესპანს მოაკლდა ეს ერთად-ერთი თვისი სანუგეშო ადგილიცა. ამასთანავე უფრო და უფრო ძლიერდებოდა მისი მოუსვენრობაცა. პირველში იმედი ჰქონდა, რომ კნენა კურცევიჩი მოახერხებს როგორმე და თავიდან მოიშორებს ბოგუნსაო და მოვლენ ლუბნში ისა და ელენეო, მაგრამ ახლა ეს იმედიც გაუქრა. უამინდობამ გააფუჟა გზები და კარგადიდს მანძილზედ შეიკრა მისვლა-მოსვლა; უნდა ეცადნა, ვიდრე მინდორს არი გააშრობდა ცხელი მზე გაზაფხულისა. ამოდენა ხნის განმავლობაში ელენე უნდა ყოფილიყო იმისთანა ხალხის მზრუნველობის ქვეშე, რომელსაც სრულიად არ ენდობოდა, რომელსაც ათვალწუნებულნი ჰყვანდა თვით სქშეტუსკი, ერთის სიტყვით, მგლების ბუნაგში უნდა ყოფილიყო. მართალია, თავიანთ სასარგებლოდვე მოვალენი არიან არ გადავიდნენ თავიანთ სიტყვას და არც სხვა რამეზა ჰქონდათ; მაგრამ, ვინ იცის, იქნება გამოატყვირინონ რამე, იქნება გაჰბედონ რამე იმ საშინელის ატამანის ზედ-გავლენით, რომელიც

უყვართ კიდევ და რომლისაც ეშინიანთ კიდევ ერთსა და იმავე დროს?! ბოგუნს არ გაუჭირდებოდა, ძალა დაეტანებინა და წაერთმია ქალი; ამისთანა ამბავი არა ერთხელ მომხდარია. აი, მაგალითად, საცოდავის ნალივიაკას ამხანაგმა ლობოდამ ხომ ძალა დაატანა პანი პობლინსკისას, მე მომათხოვე შენი გაზრდილი ქალიო, თუმცა ამ ქალს გვარიც კარგი ჰქონდა და სულითა და გულითაც ეჯავრებოდა ატამანი. ხოლო თუ ზღაპარი არ არის, რომ ბოგუნს უთვალავი სიმდიდრე და ქონება აქვსო, შეუძლიან დაახარბოს ოქრო და ვერცხლი და საკმაოდ მისცეს კურცევიჩებს ქალისათვისაც და რაზლოვის დაკარგვისათვისაც. მერე? მერე რაღაი?—ჰფიქრობდა გულში სქშეტუსკი,—შემატყობინებენ ვითომ გულ-მტკივნეულობით ასე და ასე შეგვემთხვაო და თვითონ კი გასწვევენ ლიტვისა, ან მახოვეცკის ტყეებში, სადაც ყოვლად ძლიერი ხელიც კი ვეღარ მისწვდება ვისნევეცკისა.—ჰან სქშეტუსკი ფიქრობდა ამას და ხან აცივებდა, ხან აცხელებდა; ხან აქეთ ეცემოდა, ხან იქით, სწყევლიდა სიტყვას, რომელიც კნენინას მისცა და არ იცოდა, რა ექნა, რა მოეგვარებინა. ისეთის ბუნების კაცი იყო, რომ იმის მხნეობისა და გამბედაობის ძალა სულ დულდა და გადმოდიოდა. ამიტომ იმას კი არ უცდიდა, აცა ბედი რას მომიტანსაო; თვითონვე სწვდებოდა ყელში ბედს და იმას მოაქმედებინებდა ხოლმე, რაც თვითონ ჰნებავდა. ეს იყო მიზეზი, რომ იმისთვის უფრო აუტანელი იყო, ვიდრე სხვისთვის ვისთვისმე, ლუბნში ჯდომა ასე სოლომივით უმოძრაოდ, ასე ხელფეხ-შეკრული.

სქშეტუსკიმ გადასწყვიტა შესდგომოდა საქმეს. პატარა მხლებელი ჰყვანდა ერთი პოდლიასელი აზნაურშვილი, ესე თექვსმეტის წლის ყმაწვილი, მაგრამ ისეთი მარდი და ეშმაკი, რომ პირველ ოინბაზს და თვალთ-მაქცს არაში არ ჩამორჩებოდა. სქშეტუსკიმ გადასწყვიტა, ამას გავგზავნი ელენესთან და ეს შემიტყობს, რა ყოფაშია საქმეო. თებერვალი გავიდა და წვიმებიც ისე ხშირი არ იყო; მარტის იმედი იყო, რომ უფრო

კარგს ღარებს დაიჭერდა და მაშასადამე გზებიც კოტაოლნად მაინც გაშრებოდა.

ენძიანი საგზაოდ ემზადებოდა. პან სქშეტუსკიმ მისცა წერილი და თან გაატანა ქალაღლი და საწერ-კალამი, რადგან ახსოვდა, რომ რაზლოგში ამისთანების ხსენებაც არსად იყო. ყმაწვილს არ უნდა ეთქვა, ვინა ვარ და ან რისთვის მოვედიო. სთქვი, ჩიგირინს მივდივარ-თქო; უფრო კი ეცადე გაიგო, სად არის ბოგუნი, ან რას აკეთებსო. ეენძიანმა აღარ გაამეორებინა დანაბარები, ჩაიკეცა ქული, დაიხურა გვერდზედ, გაათხლამუნა მათრახი და ჰკრა ქუსლი ცხენსა.

პან სქშეტუსკისათვის დადგა ახლო დრო მოლოდინისა, რომელიც ისე ძნელი ასატანია. სწორედ ამ დროს კი ისეთი ფათერაკი შეემთხვა დესპანს, რომ კინაღამ წუთი-სოფელს არ გამოეთხოვა. ერთხელ დათვმა აიწყვიტა ეზოში, ვისნევეცკის დარბაზს წინა, დაჩეჩქვა ორ-ორი მეჯინიბე და მივარდა მერე დესპანს, რომელიც ამ დროს ცეხ-პაუზიდან მოდიოდა თავადთან სრულიად უიარაღო, მათრახის ამარა. დესპანის სიკვდილი აუცილებელი იყო, რომ პან ლონგინუსი არ შესწრობოდა. იმან შეასწრო თვალი ამ ამბავს, წაავლო ხელი თავისს მახვილს და გაექანა საშველად. ლიტველმა დაამტკიცა, რომ ღირსეული შთამომავალი იყო სტოვეიკოსი. ერთის შემოკვრით მოჰკვეთა თავი დათვს და თან გაატანა თათიც, რომელიც ის იყო მოელერებინა და პან სქშეტუსკისათვის უნდოდა შემოეკრა.

თავადმა დანახა ფანჯრიდან ყოველივე ესე და მაშინვე თავისთან დაუძარა პან პოდბიპენტს კნენას სამყოფელ ოთახში, საცა ანუსიამ ისე დაუწყო ყურება, რომ ლიტველმა საჭიროდ დანახა მეორე დღესვე აღსარების სათქმელად წასულიყო. მას უკან სამს დღეს ციხე-დარბაზში აღარ მისულა; აღარ მივიდა მასუკანაც მანამდე, სანამ გულ-მხურვალე ლოცვით არ მოიშორა თავიდან ყოველივე ცოუნებანი.

გავიდა ათიოდე დღე და ეენძიანი კი არსად ირა სჩანდა. ჩვენი პან სქშეტუსკი ისე გახდა ამ ლოდინში, რომ ანუ-

სიამ აქეთ-იქით ჩუმად კითხვა დაიწყო, ნეტა რა ამბავია სქშეტუსკის თავსაო, ხოლო კარბონიმ, თავადის მკურნალმა რა-ღაცა წამალი დაუწერა სეცდა-ნაღვლიანობისა. მაგრამ სქშეტუსკიმ იცოდა, რომ ყოველივე წამალი ამოი იყო, რომ იმის გულში დაესაღვურებინა ძლიერს გულის-თქმას, რომლის დაძლევა ყოვლად შეუძლებელი იყო.

აღვილად წარმოსადგენია, რა სიხარული იგრძნო პან იანმა, როცა ერთს დილას, განთიადისას იმის ოთახში შევიდა ეენძიანი, დაღლილ-დაქანცული, სულ ტალახში მოსვრილი, მაგრამ მხიარული; მხიარული იმიტომ, რომ კარგი ამბავი მიუტანა თავისს პატრონს. დესპანი წამოხტა ლოგინიდან, წაავლო მხრებში ხელი და აღელვებითა ჰკითხა:

— წერილი მოიტანე?

— მოვიტანე, ბატონო. აი.

პან სქშეტუსკიმ საჩქაროდ სტაცა ხელი წერილსა. დიდხანს იყო ექვში, ვაი თუ წერილი არ მომიტანოს ეენძიანმაო, რადგან დარწმუნებული არ იყო, იცოდა ელენემ წერა თუ არა. განაპირა ქვეყნების მანდილოსნები ვერ დაიტრახებდნენ წერა-კითხვის ცოდნასა, ხოლო ელენე ამას გარდა განადირებულ ხალხშიაცა სცხოვრობდა. მაგრამ აღმოჩნდა, რომ ელენეს წერა სცოდნოდა: ალბად მამამ იზრუნა და ასწავლებინა წერა-კითხვა. ელენეს ოთხ ფურცელზედ გაეჭრელებინა თავისი ეპისტოლე. საწყალს ვერ მოეხერხებინა ლამაზად გამოეთქვა თავისი აზრები და ისე სწერდა, როგორც გული ეუბნებოდა:

„არასოდეს არ დაგივიწყებთ. უმალ თქვენ დამივიწყებთ, ეიდრე მე. გამიგონია, რომ თქვენ შორის, მამაკაცთა შორის, ცუდნიც თურმე არიან. მაგრამ თქვენ ამ სიშორეზედ თქვენი მხლებელი გამოჰზაენეთ ჩემთან და იმიტომ ვხედავ, რომ თქვენც ისევე გყვარებდით, როგორც მე, რისთვისაც გულითა და სულით მაღლობას მოგახსენებთ. გთხოვთ, ნუ იფიქრებთ, რომ თამამად ვიქცევი, რაკი გწერთ მიყვარხართ-მეთქი. მართლის თქმა სჯობიან ტყუილსა, ანუ იმის დამალვასა, რაც გულში აქვს აღამიანსა. პან ეენძიანს გამოვკითხე თქვენი ამბავი, მანღა-

ური გარემოება და; როცა იმან მიაშობო, რომ მანდეთკენ ლამაზი ქალები თურმე არიან, ჯავრით ვიტყვი...“

დესპანმა თავი დაანება წერილის კითხვას.

— რაები დაგიროშავს, სულელიო?

— კარგის მეტი არა მიუქვამს-რა.

დესპანმა კვლავ განაგრძო კითხვა.

„... იმიტომ რომ, აბა, მე როგორ მოვალ მაგათთანა? მაგრამ თქვენმა მხლებელმა მითხრა, რომ თქვენ ხმასაც არავისა სცემთ რიგიანად...“

— ჰოო! აი ეს კარგად გითქვამს!—წაიტუტუნა დესპანმა.—ჟენძინმა კარგად არ იცოდა, რისთვის რას ამბობდა მისი ბატონი, რადგან დესპანი ჩუმადა ჰკითხულობდა თავისთვის წერილსა, მაგრამ მაინც საჭიროდა სცნა ისე დაეჭირა თავი, ვითომ ყოველივე კარგად ვიცო.

„... ამიტომ მეც დავმშვიდდი და ღმერთსა ვსთხოვე, რომ იმან ჩაგაგონათ კვლავაც ისევე მოიქცეთ და გვაკურთხოს ორივენი. ამინ! მეტადა ვსწუხვარ თქვენს უნახაობას: ჩემი ნეტარება მხოლოდ ის იქნება, რომ თქვენა განახოთ...“

შემდეგ მშვენიერი კნიაჟნა იუწყებოდა, რომ, როგორც აშრება გზები, მე და ძალუა-ჩემი მოვალთ ლუბნსაო, რომ თვითონ ძალუა ჩქარობს წამოსვლასა, იმიტომ რომ ჩიგირინიდან მოდის ამბები, ყაზახნი ჰლელაევენ და მოუსვენრობენო.

„ნამდვილი მისანი და გრძნეული ყოფილხართ, —სწერდა ელენე, —რომ ძალუა-ჩემის დამორჩილებაც კი მოახერხეთ“.

დესპანს გაელიმა; მოაგონდა, რა ღონის-ძიებითაც მოიპოვა თანაგრძნობა ელენეს ძალუასი.—წერილი თავდებოდა მით, რომ ქალი არწმუნებდა დესპანს, საუკუნოდ თქვენი მოყვარული და ერთგული ვიქნებიო. საზოგადოდ, წერილი გულ-უბრყვილობითა და გულ-წრფელობით იყო საესე. დესპანი კითხულობდა ამ წერილს და ამბობდა გულში: „ჩემო ძვირფასო! ღმერთმა მკითხოს, თუ ოდესმე მე შენ დაგივიწყო!“

შემდეგ დაიწყო ჟენძინის გამოკითხვა.

მოხერხებულმა მხლებელმა სრული ანგარიში მისცა ყველაფრისა. ძალიან ტკბილად მიმიღესო. მოხუცმა კნენამ გამომოკითხა თქვენი ამბავი და ძალიან ესიამოვნა, როცა გაიგო, რომ ჩვენს მთავარს დიდად უყვარხართ და რომ საქებურის მხედარის სახელი გაქვთ გავარდნილი.

— იმანა მკითხა, აასრულებს თავის სიტყვას, რომელიც ჩვენ მოგვცაო! მე მოვახსენე: „კნენა, ის ცხენი რომ მე მყავდეს დაპირებული, რომლითაც გიახელით, ნამდვილად დარწმუნებული ვიქნებოდი, რომ მე აღარ ამცდებოდა...“

— დიდი ოინბაზი ხარ! — გაიცინა ღესპანმა. — მეტი რა ლენეა. რაკი თავდებად დამდგომიხარ, მიჩუქებია ეგ ცხენი შენთვის. ჰო, მაშ მერე აღარა დამალე-რა, სთქვი, ვისგანაცა ვარ გამოგზავნილიო?

— ვსთქვი, იმიტომა რომ საჭირო აღარ იყო კეკემაღულლობა. მასუკან უფრო ტკბილად მომექცნენ და ბევრი მიაღერსეს, მეტადრე პანნამ... ღმერთო, რა საოცარი შეგენიერებაა! ციდან ჩამოფრენილი ანგელოზია. ქვეყანა რომ დაიაროს კაცმა, უკეთესს ვერ იპოვის. როცა გაიგო, რომ თქვენი გაგზავნილი ვიყავი, აღარ იცოდა, რა ექნა. ცას დაეწია სიხარულითა, კითხულობდა თქვენს წერილსა და სიხარულის ცრემლს აფრქვევდა.

ღესპანსაც სიხარულით ხმა წაუვიდა. მხოლოდ პატარა ხანს უკან ძლივს ჰკითხა მხლებელს:

— იმისი... ბოგუნისა არა გამოჰკითხე-რა?

— სახერხოდ ვერ დავინახე კნენასთვის ან პანნასთვის გამოამეკითხა რამე, სამაგიეროდ, ერთს ბებერს თათარს, სახელად ჩეხლის დავუმეგობრდი. თუმცა ურჯულოა, მაგრამ მაინც ერთგული ყმაა თვისის ბატონებისა. აი იმან მიაშო, რომ პირველში ძლიერ გული თურმე მოსდიოდათ თქვენზედ, მაგრამ მერე დამშვიდდნენ; მეტადრე მაშინ დაიმშვიდეს გული, როცა გაიგეს, რომ ის ამბავი, ვითომ ბოგუნი სავსე იყოს სიმდიდრითა, სულ ტყუილიაო.

— მერე საიდან გაიგეს ეგა?

— აი საიდან გაიგეს. სივინსკისა თურმე ემართათ ფული; ვა-
და მოვიდა და მიჰმართეს ბოგუნს: გვასესხეო. იმან თურმე უთხრა:
რსმალური ნიეთი და ვეჯი ბევრი მაქვს და ფული კი არ ვახ-
ლავთო. რაცა მქონდა, სულ დავხარჯეო. გაიგეს თუ არა ესა,
მაშინვე აითვალწუნეს ბოგუნი და თვალი სულ თქვენიკენ თურმე
ჰქონდათ.

— ყოჩაღ! ყველაფერი კარგა გამოგიწვრილნია. მაღლო-
ბელი ვარ.

— ჰანე, ერთი რომ კარგა გამომეწვრილნა და მეორე კი
არა, ამას მეტყობით: ცხენი რომ მაჩუქე, უნაგირი კი არ უნ-
დაო. აბა, რა არის ცხენი უუნაგიროდ.

— ჰო, კარგი, კარგი; მიჩუქებია უნაგირიცა.

— ო, გმადლობთ! ბოგუნს პერეიასლავლს თურმე უკრეს
თავი. მე ვიფიქრე, ვაივგე თუ არა ესა: მოდი მეც იქ წავალ-
მეთქი. ჰან სქშეტუსკი დამიმადლებს და ჯარში ჩემის ჩარიც-
ხვის ვადაც შემცირდება-მეთქი...

— შენი რიგი მერმისს დადგება, გაზაფხულზედ. მერე,
იყავ პერეიასლავლში?

— ვიყავ, მაგრამ ბოგუნი იქ არ იყო. მოხუცი პოლკოვნიკი
ლობოდა ავად არის. ამბობენ, რომ იმის შემდეგ პოლკოვნიკად
ბოგუნი იქნებაო. ჯარის-კაცნი იქ ცოტანი-ლა არიან; დანარჩენ-
ნი, როგორც ამბობენ, ბოგუნს გაჰყოლიან, ან არა და სეჩს
გაქცეულან... ეს დიდი ამბავია, იმიტომ რომ რაღაც უკეთურ
საქმისათვის ემზადებიან თურმე. ყოველივე მინდოდა გამეგო
ბოგუნის შესახებ, მაგრამ იმის მეტი არა მითხრეს-რა, რომ რუ-
სეთის მხარეს *) წავიდაო. ჯანდაბას იმისი თავი-მეთქი, ვიფიქ-
რე, რახან აგრე შორს ვადაკარგულა, მაშ ჩვენს ჰანას ფიქრი
აღარა აქვს-რა-მეთქი; ავდექი და დავბრუნდი.

— კარგად ავისრულებია ყოველივე მინდობილობა. გზა-
ში ხომ არა შეგმახვევია-რა?

*) დნეპრის მარჯვენე რუსეთის მხარე იყო, ხოლო მარცხენე—თა-
თრებისა.

— არაფრისაგან არაფერი. მშინ მხოლოდ მგელივითა.

ყენძინი გავიდა ოთახიდან, ხოლო დესპანმა, რაკი მარტო დარჩა, კვლავ დაიწყო კითხვა ელენეს წერილისა და დაუწყო კოცნა ასოებს, რომელიც, რასაკვირველია, ისე ლამაზები არ იყო, როგორც ხელი, რომელმაც ის ასოები დაწერა. გული კვლავ იმედით აღევსო და ასე ფიქრობდა: „გზები მალე აშრება: კურცევიჩები, რაკი დარწმუნდებიან, რომ ბოგუნს არა აბადია-რა, უეჭველია მე აღარ მილალატებენ. რაზლოგს მივცემ და კიდევ ჩემსასაც ბევრს დავუმატებ, ოღონდ ის ჩემი სიცოცხლე მომცენ“.

საჩქაროზედ ტანთ ჩაიცვა და სიხარულისაგან გაბრწყინვალეებულმა და ბედნიერებით გულ-აღვსილიმა გასწია საყდარში, მადლობას შევწირავ ღმერთს ასეთის სასიხარულო ამბებისათვისაო.

VI

მთლად უკრაინასა და იმიერ-დნებრის მხარეს რაღაც შეშოათება ეტყობოდა, რაღაც ყრუ ქუხილი ისმოდა იქიდან, თითქო წინამორბედი ნიშნებია ქარიშხალისა და გრიგალისაო; რაღაც უცნაური ქორები დადიოდა სოფლით-სოფლამდე, მეკომურიდან-მეკომურამდე, თითქო ბამბიქულა ანუ ბურბუშა აუგორებია ქარსა და ხან აქეთ გადიტაცებს და ხან იქითაო. ქალაქ ადგილებში ლაპარაკობდნენ, რომ დიდი ომი მზადდებოა, და თუმცა არავინ არ იცოდა, ვისთან და ან რისთვის უნდა ამტყდარიყო ომი, მაინც ჰაერში ლაშკრიანობის სუნე იღვა. ყველას რაღაც მოუსვენრობის ბეჭედი დასტყობოდა სახეზედ; მხენელ-მთესველი უგულოდ გადიოდა მინდორში სახნავად, თუმცა ნაადრევი გაზაფხული იღვა, თბილი, მშვიდობიანი და ტოროლა უკვე თავისს გალობას დასძახოდა ცაში. სალამოობით სოფლის მკვიდრნი იკრიფებოდნენ ერთად, იდგნენ გზის პირად და იღუმალებით ლაპარაკობდნენ საშინელს ამბებს. უსინათლო მეფანტურებს ჩაცვივებით ეკითხებოდნენ, ახალი ამბავი ხომ არა

იციან-რაო. ბევრნი იმასაც ამბობდნენ, რომ ღამ-ღამობით ცაზედ რაღაც წითელ ზოლებსა ვხედავთ და რომ მთვარე, უფრო გაწითლებული, ვიდრე ჩვეულებრივ არის ხოლმე, ტყიდან ამოდისო. წინასწარმეტყველობდნენ, რომ ან უბედურება რამ მოხდება, ან მეფე გადაიცივლება სადმეო. ყოველივე ესე მით უფრო საკვირველი იყო, რომ უკრაინა ძველადვე ჩვეული იყო მრავალ-გვარ უწესობას, ომ-ლაშქრობას, მტრის შემოსევას და ამიტომ ადვილი არ იყო რითიმე მისი შეშინება. ალბად, მართლა განსაკუთრებული საჭირ-ბოროტო რამ საქმე იყო მოსალოდნელი, როცა შიშსა და ძრწოლას ყველა ასე ძლიერ შეეპყრო.

საქმეთა ვითარება მით უფრო სამძიმო იყო, მით უფრო აუტანელი, რომ არაეის შეეძლო ეთქვა სინამდვილით, რა იყო მიზეზი ასეთის მოუსვენრობისა, ასეთის შეშფოთებულის ყოფისა. შავ-ბნელ ნიშნთა შორის ორი ისეთი ნიშანი სჩანდა, რომელიც ცხადად ამტკიცებდა, რომ მართლა საშიში რამ უნდა მომხდარიყო. ჯერ ისა, რომ ქალაქებსა და სოფლებში მეტის მეტად ბევრი მთხოვარა მეფანტურე გაჩნდა, მათ შორის ზოგნი ისეთნი იყვნენ, რომელთაც არაეინ არ იცნობდა და ცხადი იყო, რომ განგებ ჩაეცვათ მთხოვარას ტანისამოსი. ეს მეფანტურენი დადიოდნენ ყველგან და იღუმალებით ავრცელებდნენ ხმას, დღე ღვთის მსჯავრისა და განკითხვისა მოახლოვებულაო. მეორეც ის იყო, რომ ქვემოურებმა გაშმაგებით გაუსვეს ხელი სმას. ეს უკანასკნელი ნიშანი უფრო საშიში იყო პირველზედა. სეჩი პატარა ქვეყანა იყო და ამიტომ არ შეეძლო ესაზრდოვებინა იქაურ მოსახლეთა რიცხვი, სათარეშოდა და სალაშქროდ ყოველ-დღე ვერ ივლიდნენ, გადაკრელებული მინდვრები საკმაო პურს არ აძლევდა ყაზახებს და აი ქვემოურნიც მრავლად იფანტებოდნენ აქეთ-იქით სოფლებში, მეტადრე მშვიდობიანობის დროს. ქვემოურებით იყო სავესე არა მარტო უკრაინა, არამედ რუსეთიცა. ზოგნი მაგნატების სამსახურში შედიოდნენ, ზოგნი ვაჭრობდნენ გზისპირებად დამართულ ღუქნებში და ჰყიდდნენ არაყს, ზოგნი

კიდევ ხელოსნობდნენ სოფლებსა და ქალაქებში. თითქმის ყოველს სოფელში იდგა განაპირას გამარტოებული ქოხი იმიერ-ქორაომელისა. ბევრს სახლობა ჰყვანდა და ხენა-თესვა ჰქონდა გამართული. იმიერ-ქორაომელი, ყველაფერში ნაცადი და ნაწურთნი, ნამღვილი ღეთის-წყალობა იყო სოფლისათვის. იმაზედ უკეთ ვერავინ დასჭედავდა ცხენს, ვერავინ გააკეთებდა ურმის თვალს; ფუთყრის მოვლის ხელიც იცოდა, თევზის ქერაცა, ნადირობაცა. ყაზახს ყველაფრის გაკეთება ეხერხება სახლის შენებიდან დაწყებული უნაგირის შეკეთებამდე. ეს კია, ყველგან მშვიდად არა სცხოვრობდნენ ამისთანა მოსახლენი, თუმცა ისიც კია, რომ დროც მოუსვენარი იყო მაშინ. ვისაც შურისძიება უნდოდა, სამაგიეროს გადახდა შეურაცხყოფისათვის, ან დარბევა მეზობლისა, ერთი კი დაეძახნა და ასი ყოჩაღი, მოსხებილი ვაჟკაცი მაშინვე თავს მოიყრიდნენ, თითქო ყვავ-ყორნები არიან მძოვრის საწიწკნელად შემოგროვილნიო. იმათს ყოჩაღობასა და ძალ-ღონეს მიჰმართავდნენ და სარგებლობდნენ ხოლმე პოლონიის თავად-აზნაურობაცა, მაგნატები, ხოლო როცა იმათი შემწეობა არავის არ ექირვებოდა, ყაზახნი ისხდნენ მშვიდად თავიანთ სახლებში, მუშაობდნენ შეუსვენებლივ და ოფლის წურვით შოულობდნენ ლუქმაპურსა.

ასე მიდიოდა დრო და ჟამი, ერთი და ორი წელიწადი, მაგრამ მერე უცბად მოვიდოდა ამბავი, რომ დიდი ომი მზადდებოა, ანუ ესა და ეს ატამანი აპირობს თათრებს დაესხას თავსაო, „ლიახნი“ დაარბიოსო, პოლონიის ჰანებს აადინოს ზურგზედ ბოლი ვლახეთშიო, — და სასწრაფოდ ყველა ეს მკედელნი, მეფუტკრენი, და თვლების მკეთებელნი იღებდნენ ხელს თავიანთ მშვიდობიანს ხელობაზედ და პირველ ყოვლისა დაიწყებდნენ გაშმაგებით სმას უკრაინის ყველა ღუქნებში. როცა სულ გამოეღეოდათ ფული, ნისიად მოჰყვებოდნენ სმას, ვალად, „იმითი კი არა, რაცა ჰქონდათ, არამედ იმითი, რაც ექმნებოდათ“. მოსალოდნელ დავლა-ალაფს უნდა გადაეხადნა ახლანდელის ლოთობის დანახარჯი და ნისია-ვალები.

ასეთი ამბავი ისეთის წესითა და რიგით განმეორ-განმესამ-დებოდა ხოლმე, რომ გამოცდილნი ასე ამბობდნენ ამისთანა შემთხვევაში: „ეჰ! ღუქნები ავსებით არის სავსე ქვემოურები — მაშ, სჩანს, უკრაინაში რალასთვისაც ემზადებიან“.

მეციხოვნეთა უფროსნიც უმატებდნენ ჯარის რიცხვს ციხე-დარბაზებში და გათავცილებით აღევნებდნენ თვალ-ყურს გარემოსა, მაგნატები ჰკრეფდნენ ჯარებს, თავად-აზნაურობა ცოლშვილს ქალაქებში ჰგზავნიდა დასახიზნადა.

ამ გაზაფხულზედ ისეთი ლოთობა დაიწყეს ყაზახებმა, რომ წინად ისე არას დროს არ ულოთნიათ; შესჭამეს და შესვეს და მიჰვანტ-მოჰვანტეს ყოველივე ოფლით მონაგარი და ეს ამბავი იყო არა მარტო ერთს თემსა და მაზრაში, არა ერთს საერისთავო-სამოურავოში, არამედ მთელს თვალ-გადუწვდენელს რუსეთში.

მართლაც, რაღაც დიდი საქმე მზადდებოდა, თუმცა ქვემოურებმა თვითონაც არ იცოდნენ, სახელდობრ, რა. ლაპარაკობდნენ ხმელნიცკის ამბავს, სეჩს გავარდაო, მრავალი ყაზახობა გაჰყვა თან ჩერკასიდან, ბოლუსლავიდან, კოროსუნიდან და სხვა ქალაქებიდანაო, მაგრამ ამასთანავე ერთად, ბევრს სხვასაცა ლაპარაკობდნენ. რამდენისამე წლის განმავლობაში დადიოდა ხმა, რომ დიდი ომი უნდა აუტეხონ ურჯულოებსაო; მეფეს უნდოდა ამ ომის ატეხა, რათა მით შემთხვევა მიეცა თავისს ყოჩად ყაზახთათვის, დავლა-ალაფით ავსილიყვენენ, მაგრამ ლიხები არიან წინააღმდეგნიო, ხოლო ახლა ყოველივე ეს ხმა და ქორი ერთმანერთში აირია და დაჰბადა საყოველთაო მოუსვენრობა და რაღაც არა-ჩვეულებრივის ამბის მალოდინი.

ამ მოუსვენრობამ ლუბნის ზღუდეებამდეც მიადწია. აღარ შეიძლებოდა ყურის-მოყრუება, აღარ შეიძლებოდა ყურადღება არ მიჰქცეოდა ამ მოუსვენრობის ნიშნებს და არც თვით თავადი ერემია იყო ისეთი კაცი, რომ დიდ ხანს დაეტოვებინა ყოველივე ესე უქურადლებოდ. იმის სამფლობელოში მოუსვენრობა ჯერ შფოთვა-არეულობად არ გადაქცეულიყო, — შიში ჰქონდა ყველას და ის აკავებდა, — მაგრამ მალე მოვიდა ზედა-ზედ

ხმა უკრაინიდან, რომ აქა-იქ ყაზახობა ეწინააღმდეგება თავად-აზნაურობასა, ჰხოცავს ურიებს, ნდომობს ძალ-მომრეობით ჩაეწეროს ჯარში ურჯულოებთან საომრად და რომ თან-და-თან უფრო მრავლდება მათი რიცხვი, ვინც სეჩს მირბიანო.

თავადმა აფრინა შიკრიკნი და მსწრაფლ-მსრბოლნი: პან კრაკოვსკისთან, პან კალინოვსკისთან, ლობოლასთან პერეიასლაველს, ხოლო თვით სცდილობდა შემოეკრიფა ჯარი სამზღვრებიდანა და ჯოგ-ნახირნი შორეულ მინდვრებიდან. ამ დროს მოვიდა ცოტაოდნად სანუგეშო ამბებიცა. ბატონი დიდი გეტმანი სწერდა ყოველსავე, რაც იცოდა ხმელნიცკის შესახებ და თან აუწყებდა, რომ არა მგონია ამ გარემოებას რაიმე პლენვარება მოჰყვესო; მეორე გეტმანი სწერდა: „ათასი მილეთის ბრბო, როგორც ფუტკარი სკაში, ისე ირევა და ბზუნის გაზაფხულობითაო“. მხოლოდ ერთმა მოხუცმა მედროშემ ზაცვილიხოვსკიმ მოსწერა წიგნი და ეხვეწებოდა, გაჟიცებ ყოველსავე საფიცარს, სუბუქად ნურას ნუ მოეპყრობი, დიდი გრივალი ამოვარდება ყრუ-მინდვრებიდანო. ხმელნიცკიზედ იწერებოდა, რომ სეჩიდან ყირიმს წასულა და ყენისთვის შემწეობა უთხოვნიაო. ჩემი მეგობრები მატყობინებენ სეჩიდან, — სწერდა ზაცვილიხოვსკი ვისნევეცკისა, — რომ უფროსნი ზედაშხედველნი ყველა მხრიდან აგროვებენ აქ ჯარსაო და არავის კი ეუბნევიან, რად უნდათ ეს ამოდენა ხალხი. ჩემის ჭკუით ასე მგონია, რომ ეგ ქართველი ჩვენ არ აგვცდება, ხოლო თუ თათრებიც მიეშველნენ, ღმერთმა ბრძანოს, რომ თუნდ მთლად სარუსეთო ქვეყნები უვნებლად გადარჩენილიყოს“...

თავადი ერემია ზაცვილიხოვსკის უფრო ენდობოდა, ვიდრე თვით გეტმანებს; მთავარმა იცოდა, რომ მოხუცი მედროშე ყველაზედ კარგად იცნობდა ყაზახებს და იმათი პოლიტიკაც კარგადა ჰქონდა აწონილი. თავადმა გადასწყიტა, რომ, რაც შეიძლებოდა ბლომად მოეგროვებინა ჯარი და ამასთანავე ერთად შეეტყო დანამდვილებით ყოველივე ვითარება საქმისა.

ერთხელ დილით უბრძანა დაეძახნათ პან ბიხოვეცისათვის, რომელიც ვლახეთის სადროშოს პარუჩიკი იყო.

— თქვენ უნდა წახვიდეთ ჩემ ელჩად სეჩს, — სთქვა მან, — ბატონ კაშევიო ატამანთან და გადასცეთ ეს წერილი, ჩემის ბექლით დაბეჭდილი. რათა იცოდეთ, როგორ უნდა გეჭიროთ თავი, აი რას გეტყვით: ეს წერილი მხოლოდ საბაბია, გარნა ელჩობის კარგად შესრულება თქვენს უნარზედ იქმნება დამოკიდებული. უნდა ყოველივე დაათვალიეროთ, გამოიწვიროთ-გამოიძიოთ, კარგად გაიგოთ, რა ამბავია იქ, რამდენი ჯარი ჰყავთ შეიარაღებული, რამდენის შეიარაღებას აპირობენ კიდეც. მოგანდობთ განსაკუთრებით გაიგოთ ყოველივე ხმელნიცკის შესახებ, მართლა ყირიმს წასულა თუ არა თათრების შემწეობის სათხოვნელადა. ხომ გესმით, რასაც გეუბნევით?

— ასე მგონია სულ ხელის გულზე გადამიშალეს-მეთქი ყოველივე.

— ჩიგირინის გზაზედ წახვალთ; დასასვენებლად ერთი ღამე გექნებათ მხოლოდ. როცა მიხვალთ იქ, ეახლებით მედრო-შე ზაცვილიხოვსკის და სთხოვთ, რომ წერილები მიგიწეროს თავისს მეგობრებთან სეჩს; ეს წერილები საიდუმლოდ უნდა გადასცეთ იმათ შემდეგ, უკან დაბრუნებისას. ჩიგირინიდან წყალ-წყალ ივლი კუდაკამდე, მოიკითხავ ჩემ მაგივრად პან გროდეცკის და ამ წერილსაც მიართმევ. ისინი გაგიყვანენ დნეპრში, ისე რომ ჭარომებმა არა გაენოთ-რა. სეჩს დიღხანს ნუ დაჰყოფთ: იყავით თვალ-გაფააცივებით, ყურ-მახვილობით და დაბრუნდით ისევ მალე, თუ ცოცხალი გადარჩით, რადგან სახუმარო საქმე არ არის.

— ჩემს სიცოცხლეს არ დაფხოგავ. რამდენი კაცი წაიყვანო თანა?

— ორმოცი კაცი გეყოფა. საღამო-ქამზედ გახვალთ აქედან, ხოლო ვიდრე გზას გაუდგებოდეთ, კიდეც შემოიარეთ ჩემთან დარიგებისათვის. სამძიმო და ფრიალ საყურადღებო მიწდობილობას გაძლევთ მე თქვენა.

პან ბიხოვეცი აღტაცებული გამოვიდა თავადის კაბინეტიდან; იქვე მეორე ოთახში იყო სქშეტუსკი და რამდენიმე თოფჩი-აფიცერი კიდეც სხვები.

— რა ამბავია?—ჰკითხეს იმათა.

— დღეს უნდა გავუდგე გზას.

— სადა, სად?

— ჩიგირინს და მერე იქიდან უფრო შორს.

— წამოდით ჩემთანა, — უთხრა სქშეტუსკიმ და თავისს სახლში წაიყვანა.

— გამიგონე, მეგობარო, — დაუწყო დესპანმა, — რაც გინდა მთხოვე, თუნდა ჩემი ოსმალური ქურანი ცხენი, — ყველას მოგცემ, არას არ დავინანებ, ოღონდ კი თავადის მინდობილობა მე დამითმე. ჩემი გული სულ იქითკენ მიფრინავს. თუ გინდა, ფულს მოგცემ. დიდებას არას შეგძენს ეგ საქმე, იმიტომ რომ, თუ ვინიცობაა ომი ატყდა სადმე, რასაკვირველია აქ ატყდება; დალუბვით კი შესაძლოა დაიღუპო. ამას გარდა, ვიცი, რომ შენ ანუსია მოგწონს. თუ წახვედი, გეფიცები, გავგიყვებ ჩემის სიყვარულითა, ისე შევაყვარებ თავსა.

ამ უკანასკნელმა საბუთმა უფრო გასჭრა და დააფიქრა პან ბიხოვეცი, თუმცა ვერ დაარწმუნა კი, რომ სწორედ ისე მოქცეულიყო, როგორც პან სქშეტუსკი ეხვეწებოდა. რას იტყვის თავადიო? რომ განრისხდესო? ასეთი მონდობილობა იმის ნიშანია, რომ თავადი განსაკუთრებულის ნდობით მეკიდებოა.

სქშეტუსკიმ მოუსმინა ყოველივე საწინააღმდეგო მოსაზრება, წავიდა მთავართან და უბრძანა მხლებელს, მოახსენე თავადს, რომ მისი ნახვა მინდაო.

მხლებელი მალე დაბრუნდა და უთხრა, რომ დასტურია, შეგიძლიან შესვლა და ნახვა თავადისაო.

ჩვენს დესპანს გულმა კანკალი დაუწყო, შეეშინდა, ვაი თუ მოკლედ მოჭრილი უარი მითხრას და მაშინ ხომ უნდა გამოვეთხოვო ყველა ჩემს ტკბილს იმედებსო.

— ამბავი, ხაბარი! — ჰკითხა თავადმა.

სქშეტუსკი ფეხ-ქვეშ ჩაუფარდა.

— ო, მოწყალეო თავადო! მოვედი შემოგვედროთ და გთხოვთ, რომ მე გამგზავნათ სეჩს თქვენის მონდობილების ასასრულებლად. ბიხოვეცი დამითმობდა მაგ საქმეს, — ჩემი მე-

გობარია,—თქვენის ბრწყინვალეების რისხვისა რომ არ ეწინოდეს.

— ღმერთსა ვფიცავ,— ლალადების კილოთი სთქვა მთავარმა,— რომ თქვენს მეტს სხვას არც არავის გავგზავნიდი, მაგრამ ვიფიქრე, ვაი თუ გულში არ ესიამოვნოს ამას ახალის მინდობილების აღსრულება-მეთქი, რადგან სულ ახლა-ხან დაბრუნდა ხანგრძლივის მგზავრობიდანა-მეთქი.

— მზალა ვარ, თუნდა ყოველ დღე ვიარო იმ ქვეყნისაკენ. თავადი დააცქერდა და დიდ ხანს უყურებდა თვისის შავის თვალებითა.

— რა გაგჩენია იქა?— ჰკითხა მან ბოლოს.

დესპანი ისე იდგა თავადის გამჭრიახის თვალთა წინაშე, თითქო დამნაშავეაო.

— ვხედავ,— სთქვა მან,— რომ უნდა მართალი გითხრათ; თქვენთვის დაფარული ვერა დარჩება-რა. არ ვიცი მხოლოდ, მოეწონება თუ არა ჩემი საქმე თქვენს ბრწყინვალეებას.

და დესპანი მოჰყვა, როგორ გავიცანი თავად ვასილის ქალიო, როგორ შემიყვარდა და როგორ მწყურიან იმისი ნახვა ახლა და როგორ მინდა შემდეგ, როცა სეჩიდან დაერუნდები, გზად გამოვეუარო და ლუბნში გადმოვიყვანო, რადგან, ვინ იცის, რა მოჰყვეს უზახთა მღელვარებას, თუ მართლა ახდა, რასაც ამბობენ და ამით გადაეარჩინო აგრედვე ბოგუნის ძალ და ძალ ტრფიალსა და მიჯნურობასა. სქშეტუსკიმ არა სთქვა-რა მხოლოდ მოხუც კნენისას ოინბაზობისა, რადგან სიტყვა ჰქონდა მიცემული და სიტყვის გატება არ უნდოდა. თავადმა სიტყვა არ გააწყვეტინა და ბოლომდე ბოისმინა მისი ნაამბობი.

— უმაგისოდაც მოგცემდი ნებას სეჩს წასვლისას და კაცებსაც გაგატანდი,— სთქვა მან,— ხოლო თუ ამ საქმეს ზედერთვის თქვენი კერძო ინტერესიცა, ამიტომ ნებას გაძლევ უფრო მეტის კმაყოფილებით.

თავადმა ტაში ტაშს შემოჰკრა და უბრძანა მხლებელს, პან მიხოვეცს დამიძახეო.

დესპანმა სიხარულით აკოცა ხელზედ თავადს; ისიც გადაეხვია, აკოცა პან სქშეტუსკის და უბრძანა, გული დაიმშვიდეო. თავადს ძლიერ უყვარდა სქშეტუსკი, გულადი მეომარი და აფეცერიო, ყველაფერში შეიძლება მიენდოს კაციო. ამას გარდა ისინი მტკიცედ იყვნენ დაკავშირებულნი იმ გრძობით, რომელიც აიძულებს ხელ-ქვეითს სულითა და გულით უყვარდეს და პატივსა სცემდეს თავისს უფროსს, ხოლო ამ უკანასკნელს ძალას ატანს აფასებდეს იმისთანა ხელქვეითს. თავადს გარს მრავალნი სხვა კარის-კაცნი ეხვივნენ, რომელნიც თავიანთ საკუთარის გამორჩენისათვის მსახურობდნენ, ხოლო ერგოთ თავისის არწივებრ მკრელის თვალებით ცხადად ჰხედავდა ყოველსავე. თავადმა კარგად იცოდა, რომ სქშეტუსკის გული წმინდა იყო ბროლივითა, იცოდა ესა, აფასებდა ამისთანა აფიცერს და მადლობელი იყო თანაგრძობისათვის.

ძალიან გაეხარდა, როცა გაიგონა, რომ მისს საყვარელს ხელქვეითს შეჰყვარებოდა ასული ვასილი კურცევიჩისა, ვისნევეცკების ერთგულ ყმისა, რომლის ხსონა მით უფრო ძვირფასი იყო თავადისათვის, რაც უფრო სამწუხარო იყო მისი ხვედრი.

— იმიტომ კი არ მომდიოდა, რომ არ ვკითხულობდი მაგ ქალის ამბავს, ვითომ დაეიწყებოდა მყვანდა, — შეჰნიშნა თავადმა, — არა. მისმა მზრუნველებმა ერთხელ არსად შემოიხედეს ლუბნში, საჩივარი მათზედ არავისაგან არ გამიგონია და ვგონებდი, რომ ყოველივე საქმე კარგად და მშვიდობიანად არისმეთქი. ახლა კი, რაკი მომაგონეთ, აღარ გადავივიწყებ და ისევე მენსომება, როგორც საკუთარი ნათესავი.

— სქშეტუსკის უკვირდა და უოცდა გულ-კეთილობა დარბაისელის დიდებულისა, რომელიც თითქო თავისს თავს ემღერებოდა, იმ აუარებელ სხვა-და-სხვა საქმეებით შთანთქმულმა, რატომ დრო ვერ ვიპოვნე და არა ვიზრუნე-რა ჩემის მოხუცის მეომარის ასულისათვისაო.

კარი გაიღო და შემოვიდა პან ბიხოვეცი.

— ჩემს სიტყვას არ გადავალ, — სთქვა მთავარმა. — თუ ინდომებთ, თქვენ წახვალთ სეჩს, მაგრამ გთხოვთ ეგ საქმე სქშე-

ტუსკის დაუთმოთ. საკმაოდ კანონიერი მიზეზები აქვს, რომ ასე ნდომობს დესპანი იქით წასვლას. ხოლო მე, ჩემის მხრით, ვეცდები სხვა რამ საქმე მოგანდოთ თქვენ.

— ჩემთვის თქვენის ბრწყინვალეების ბრძანებაც საკმაო იქნებოდა, — უპასუხა ბიხოვეცმა, — ხოლო თუ თქვენ ისევ ჩემზედ აგდებთ აგრე მოწყალედ მაგ საქმეს, მე არასოდეს არ გავაცრუებ თქვენს იმედს და მოვიქცევი თანხმად თქვენის სურვილისა.

— გადუხადეთ მაშ მადლობა ამხანაგსა, — უთხრა თავადმა სქშეტუსკის, — და წადით და მოემზადეთ საგზაოდ.

სქშეტუსკიმ გულ-მხურვალეებით ჩამოართვა ხელი ბიხოვეცს და რამდენსამე საათს შემდეგ უკვე მზად იყო. ლუბნში ცხოვრება დიდი ხანი იყო მოსწყინდა, ხოლო ეს წასვლა შორს ყოველს მისს სურვილს აკმაყოფილებდა. პირველ ყოვლისა ელენესა ვნახავო, მერე... მართალია, დიდის ხნით უნდა გავშორდე, მაგრამ რა უშავს, სანამ იქიდან დავბრუნდებოდე, ხომ გზებიც არ გაშრება. ამაზედ ადრე კნენინა ლუბნს ვერ მოვიდოდა და მეც ან ლუბნს უნდა ვმჯდარიყავ, ან რაზლოგში ვყოფილიყავ, ხოლო რაზლოგში ყოფნა საწინააღმდეგო იქმნებოდა იმ პირობისა, რომელიც მე და კნენინამ დავდევითო; ამას გარდა, საქმე ის არის, რომ ჩემი იქ ყოფნა ექვს ააღებინებს ბოგუნსაო. ელენეს შიში აღარ ექმნებოდა მისი მხოლოდ ლუბნში და ამიტომ სქშეტუსკისთვის ბევრად სჯობდა, წასულიყო დროებით სადმე შორს, რათა მერე, უკან დაბრუნებისას, გზად გამოეველო რაზლოგში და თან წამოეყვანა ელენეც ლუბნში მთავრის ჯარის-კაცთა შემწეობითა და მფარველობითა. სქშეტუსკიმ ჩაიღო უბეში წიგნები და წერილები ვისნევეცკისა, გაივსო ქისა ფულით, რომელიც მთავრის ხაზინიდან მიეცა, და ჯერ დაღამებული სად იყო, რომ გაუდგა დესპანი გზას ქენძიანითა და ყახახთა სადროშოს ორმოციოდე ჯარისკაცითა.

VII

მარტის ნახევარი იყო. ბალახი მწვანედ აბიბინდა, ბამბი-ქულა აღყვავდა, მინდორმა გამოცოცხლება დაიწყო.

მეორე დღეს დილა-ადრიან დესპანი უკვე გზას აღგა და ისე მიდიოდა მინდორ-მინდორ, თითქო ამწვანებულ ზღვა-ზღვა მიდისო. მთლად არე-მარე სიხარულით არის სავსე, ყოველ-მხრივ ისმის ფრინველთა გაზაფხულის გალობა და ჟივილ-ხივილი; მთლად მინდორი ისე საამოდ ხმაურობდა, თითქო ჩანგიაო ღეთის ხელში. ცხენოსანთა თავზედ მაღლა ცაში უძრავნი წერტილნი მოსჩანან შავად: ეს წერტილნი ქორნი არიან, ერთს ალაგას განაბულნი; იმათზედ უფრო მაღლა მოსჩანან სამ-კუთხედ დაწყობილნი გარეულნი ბატნი, ბაწარივით გაშლილან წერონი. ძირს კი სძოვენ ჯოგნი გაგარეულებულ ცხენებისა; აი მოჰქრინან ქარივით ეს ჯოგის ცხენები და უცებ შესდგებიან, თითქო გაშეშდნენო და გასისხლიანებულის თვალებით აკვირდებიან დაუპატიჟებელ სტუმრებს. კაცს ეგონება, უნდათ ეცნენ ამ სტუმრებს და ფეხ-ქვეშ გასთელონო, მაგრამ წუთიცა და ჯოგი უკანვე ბრუნდება, მხოლოდ ბალახი-ლა შრიალებს და ყვავილნი ირხვეიან. ცხენთა თქარა-თქურის ხმა მისწყდა შორს, ხოლო გარშემო წინანდებურადვე ისმის შეუწყვეტელი ჟრიამული ფრინველ-ფრთოსანთა.

გარშემო თითქო მხიარულება სუფევსო, მაგრამ თან თითქო მოწყენილობაც არისო; მარტოდ-მარტო ჰგრძნობს ადამიანი თავს ამ მილიონ ცხოველ არსებათა შორის. გარნა სამაგიეროდ რა სიფართოვეა, რა ხალვათობაა გარშემო! ფეხ-მა-

ლი ტაიკიც, თავისუფლად მონაგარდე აზრიც უძლურია ამ თვალ-გადაუწვდენელ სიფართოვეს წინაშე. მის შვენებას იგრძნობ მხოლოდ მაშინ, როცა შეიყვარებ ამ უდაბნოს, შეწუხებულ-ნადვლიანის სულით დაუწყებ თავზედ ტრიალს, შეისვენებ მის საფლავთა შორის, ყურს დაუგდებ მის ხმაურობას და ჟრიამულს.

სისხამი დილა იყო. ბალახის ფოთლებზედ, თითქო ბრილიანტებიაო, ისე ჰბრწყინავდა წვეთები ნამისა; დესპანის რაზმი ტაატით მიდიოდა წინ; ამაზედ სწრაფად არც შეიძლებოდა სიარული თოვლ-წვიმებით დამბალ, დაბუჯბუჯებულ გზა-გზა. მაგრამ დესპანი ნებას არ აძლევდა თავის მხლებელთ, დიდხანს შეჩერებულყვენენ ხოლმე სასაფლაოს სერ-გორებზედ: ეშურებოდა ნახვა თვისის სულის-დგმისა და მასთან ერთად ეშურებოდა მისი განშორებაცა.

მეორე დღეს, როცა მზე სასწორივით გაიწონა, მის თვალწინ გამოჩნდა ტყის იქიდან ქარის წისქვილები, რომელიც რაზლოგის გარშემო მრავლად იყო. ზან სქშეტუსკის გულმა ცემა დაუწყა. არავინ არ მელის იქ, არავინ მიმელოდებოა. რას იტყვის ის ჩემი სიცოცხლე, როცა ასე შოულოდნელად დამინახავსო? აი იმათი მეზობლების სახლებიცა, აგერ წეროცა, რომელიც ქას ახლო აბია. დესპანმა ჰკრა ქუსლი ცხენსა და შურდულივით გაექანა წინ; ამაღაც მიჰყვა უკანა. ქოხმახებიდან გამოცვივდნენ დედაკაცნი, უცქეროდნენ რაზმს და იწერდნენ პირ-ჯვარს: თუ ეშმაკნი არიან, ეშმაკებს არა ჰგვანან; თათრები არიან კიდევ და არც თათრებსა ჰგვანანო. ტალახის წინწყლებს შხაპა-შხუპი გაჰქონდა ცხენთა ფეხ-ქვეშ და ამიტომ კაცი ვერც კი გაარჩევდა რიგიანად, ვინ მიჰქრიან ასე გამალებულნიო. ამასობაში ამაღა თქარა-თქურით მიგრიალდა მიედნამდე და გაჩერდა დაკეტილ ალაყაფის კარებ-წინ.

— ეი, ვინა ხართ მანდა, გააღეთ კარი!

საშინელმა ძაღლის ყეფამ მსახურნი გარედ გამოჰრეკა.

— ვინ არის?—იკითხა ვიღამაც შეშინებულის ხმით.

— გააღე კარი!

— თავადნი შინ არ ბრძანდებიან.

— გააღე-მეთქი, შე ძაღლის ნაშობო! ლუბნიდანა ვართ, თავადისაგან გამოგზავნილები.

ახლა კი იცნეს კურცვეიჩის მხლებელთა და მსახურთ პან სქშეტუსკი.

— ოჰ, თქვენა ბრძანდებით! ახლავე, ახლავე!

კარი გაიღო, გამოვიდა თვით კნენა, ხელი შუბლზედ მიიფარა, რადგან მზე უშლიდა და ისე დაუწყო თვალიერება სტუმრად მოსულებს.

სქშეტუსკი საჩქაროზედ ჩამოხდა ცხენიდან და მივიდა კნენასთან.

— კნენა, ველარა მცნობთ?

— ოჰ, თქვენა ბრძანდებით, ბატონო დესპანო! მე კი მეგონა, რომ თათრები დავგესხნენ თავსა-მეთქი. გთხოვთ სახლში წამობრძანდეთ.

კნენა და დესპანი სახლში შევიდნენ.

— თქვენ გიკვირთ, რასაკვირველია, რომ რაზლოგში მხედავთ, მე კი ჩემი სიტყვა არ გავტეხე და ჩიგირინს და შემდეგ კიდევ უფრო შორს გზად მიმავალმა შემოგვიარეთ. თავადმა მიბრძანა, რაზლოგში ჩამოხდი და კნენას ამბავი გაიგეო.

— ჩემთვის ძვირფასად ჰღირს, რომ თავადი ყურადღებას გვაქცევს. როდისთვის ჰფიქრობს ჩვენს გაძევებას რაზლოგიდან?

— არც როდისთვის... საზოგადოდ ყოველივე ისე იქნება, როგორც აღვითქვით. თქვენ რაზლოგში დარჩებით და მე კი ჩემიც მეყოფა.

კნენას სახე გაუბრწყინდა სიხარულით და აღერსიანადა სთქვა:

— აბა, დაბრძანდით, დაბრძანდით!.. დიდად მოხარული ვარ, რომ გაგახსენდით!

— კნიაჟნა ხომ კარგად გახლავთ? სად არის?

— ოჰ, ვიცი, რისთვისაც მოხვედით, რაინდო! კარგად გახლავთ, კარგად!... სიყვარულმა უფრო გაამშვენიერა, აი ეხლავე გამოგიგზავნი, თან მეც რიგიანად ჩაეცივამ, თორემ მრცხვენინან, ასე მორთულმა როგორ უნდა მიგიღოთ სტუმრები.

კნეინას რალაც გახუნებული ტანისამოსი ეჯაჯვა; ფეხთაც დიდი ტლანქი წაღები ეცვა.

ამ დროს ოთახში ელენე შემოცქრიალდა, თუმცა არავის არც უთხოვნია და არც დაუძახნია მისთვის; თათარ ჩეხლისაგან გაეგო, რომ ესა და ეს მოვიდაო. შემოცქრიალდა გულამოვარდნილი, ატლასივით გაწითლებული, მხოლოდ თვალები უბრწყინავდა სიხარულითა და ბედნიერებით. კნეინა მიხვდა, რომ ჩემის აქ ყოფნით ამათ აღერსს დავუშლიო და გავიდა ოთახიდან, ხოლო სქშეტუსკიმ ელენეს დაუწყო მხურვალედ კოცნა. დაუკოცნა ხელები, ყელ-ყური, პირის-სახე. აღელვებული, ძალ-ღონე მიხდილი ელენე ველარ ახერხებდა წინააღმდეგობა გაეწია სქშეტუსკისათვის და დაეშალა აღერსი.

— მე სულ თქვენ გელოდით, — ჩურჩულებდა ქალი და თან ხელებს იფარებდა პირი-სახეზედ, — მხოლოდ ნუ მკოცნით აგრე... არ ვარგა!

— როგორ არ გაკოცო! — მართლულობდა თავს სქშეტუსკი. — მეგონა მოგკედები-მეთქი, გავხმები უთქვენოდ; კიდევ გავხმებოდი, რომ თავადი არ დამხმარებოდა.

— მაშ, თავადმაც იცის?

— ყოველივე ვუამბე. გაეხარდა, თავადი ვასილი მოიგონა... რა დამმართეთ ესა? მთელს ქვეყნიერობაზედ თქვენს მეტს ვერავისა ვხედავ... მიმინო... გახსოვთ, როგორა სწევდა ჩემს ხელს თქვენის ხელისაკენ. სჩანს, ასეთი იყო ჩვენი ბედისწერა.

— მახსოვს.

— ლუბნში კინალამ მომკლა მოწყენილობამ. სოლონიცს წავიდოდი გაგიჟებული და იქ ისე წარმოვიდგენდი ხოლმე, თითქო თვალ-წინ გხედავ-მეთქი. გამოგიწოდებდი ხელებს და აჩრდილივით კი გაჰქრებოდი ხოლმე. ახლა კი, ველარ წა-

მიხვალ ხელიდან, ვერავითარი ძალა ველარ გაგვაშორებს... მი-
თხარით ერთხელ კიდევ, გიყვარვარ თუ არა?

ელენემ თვალები ძირს დახარა და წარმოსთქვა ხმა-მალ-
ლა და მკაფიოდ:

— მთელს დედა-მიწის ზურგზედ არავინ მიყვარს თქვენის-
თანად.

— მეფის გვირგვინი რომ მქონდეს დაპირებული, მაგ შე-
ნის სიტყვებისათვის იმასაც კი გაეწირავდი. გულითა და სუ-
ლითა მჯერა, რომ მართალს ამბობ, თუმცა კი არ ვიცი, რი-
თი დავიმსახურე თქვენი სიყვარული.

— რითი? იმითი, რომ შეგეცოდათ მამა-ჩემი, მანუგეშებ-
დით მე, ისეთს სიტყვებს მასმენდით, რომლისთანებიც არავისა-
გან არ გამოგონია წინად.

ელენე გაჩუმდა. მღელვარება უშლიდა ლაპარაკს.

პარუჩიკმა კვლავ დაუწყო კოცნა ხელებზედ.

ეხლა უფრო მშვენიერი ეჩვენებოდა ელენე, ვიდრე წინად.
კოცნა არ იყო მობნელო ოთახში ისე სჩანდა, თითქო წმინდა
მოწამე დედათა მხატვრობაა ბნელს ეკლესიაშიო. ამასთანავე
ისეთს სიტკბოსა და სიცოცხლესა ჰფენდა თავის გარშემო,
ისეთი ნეტარება იხატებოდა მისს სახეზედ, რომ ვინც უნდა
ყოფილიყო, ყველა დაჰკარგავდა გონებას იმის ყურებითა და
სამუდამოდ შეუყვარდებოდა.

— ლამის დამაბრმავოთ თქვენის სილამაზით!—სთქვა დეს-
პანმა.

— მგონია, პანნა ანნა ბოჟობოლატისა ასჯერ ლამაზია ჩემ-
ზედ!—ეშმაკობითა სთქვა კნიაჟნამ, გაიღიმა და გამოუჩნდა თა-
ვისი მარგალიტივით კბილები.

— ანნა ისე ვერ მოვა თქვენთან, როგორც კალის თეფ-
ში სავსე მთვარესთან.

— პან ენდიანმა კი სულ სხვა მითხრა.

— პან ენდიანი ღირსია გატყუებისა. მე იმ პანნასთან საქმე
არა მქვს; დეე, სხვა ფუტკრებმა იბზუნონ მის გარშემო თაფლი-
სათვის, ამისთანა ფუტკრები კოტანი არ არიან.

მოტრფიალებს ლაპარაკი გააწყვეტინა ჩეხლიმ, რომელიც შემოვიდა ოთახში დესპანის მისასალმებლად. პან სქშეტუსკის ის უკვე ისე სახავდა, როგორც მომავალს თავის ბატონს და ამიტომ, აღმოსავლეთის ჩეყულებისამებრ, დაბლა უკრავდა თავს.

— აბა, მოხუცო ჩეხლი, პანნასთან ერთად შენც წაგიყვან ჩემთან. ემსახურე კიდევ, ვიდრე ცოცხალი ხარ.

— ჩემი სიკვდილი შორს არ არის და, ვიდრე პირში სული მედგმის, მაგას უნდა ვემსახურო.

— ერთი თვე ძლივს მომიგვიანდება სეჩსა, დაებრუნდები იქიდან და ყველანი ერთად წავიდეთ ლუბნს, ხოლო იქ უკვე მიგველის ქსენძი მუხოვეცი გვირგვინებითა.

ელენე შეშინდა:

— მაშ, სეჩს მიდიხართ?

— თავადი მგზავნის, წერილები გამომატანა. ნუ გეშინიანთ. ელჩს ხელს ვერავინ ახლებს, თუნდა სულ ურჯულონიც იყვნენ. თქვენ და კნენას დაუყოვნებლივ გაგზავნიდით ლუბნს, რომ საშინელი გზები არ იყოს. მე თვითონ ვიცი: ცხენითაც კი ძნელი სასიარულოა.

— რაზლოგში დიდ ხანს დარჩებით?

— დღეს საღამოსეე მივდივარ ჩიგირინს. მალე გამოვეთხოვებით—მალევე ვნახავთ ერთმანერთს. მერე სამსახურის საქმეც არის: დროება ჩემი არ არის და ამიტომ არც ნებაა ჩემი.

— აბა, გვრიტებო, ხომ გაძეხით ერთმანერთის აღერსით, ერთმანერთთან ლულუნითა!—ჰკითხა კნენამ ოთახში შესვლისათანავე.—ახლა სადილის დროც მოვიდა. ერთი შეჰხედეთ, რანაირ ასწითლებია ლოყები ქალაია-ქანციასა! გეტყობათ, რაინდო, დრო ტყუილად არ დაგიკარგავთ. კარგი, კარგი, არა გძრახავთ. აბა წავიდეთ.

კნენამ აღერსიანად დაუწყა ელენეს მხარზედ ხელის ცემა და თან წაიყვანა. მშვენიერს გუნებაზედ იყო კნენა. ბოგუნი დიდი ხანია თავიდანა მყავს მოშორებული და ყოველივე საქმე ისე ზიდის, რომ რაზლოგი cum lesis, boris, grani-

ciebus et coloniis ჩემსა და ჩემის შვილების მფლობელობაში დარჩებაო.

რაზლოგი კი მცირე ქონება არ იყო.

დესპანმა იკითხა, მალე დაბრუნდებიან თავადებიო.

— მუდამ დღე მოველოდები. პირველში გული მოსდიოდათ თქვენზედ, მერე კი, რალაი კარგად ჩაუფიქრდნენ საქმეს, ძალიან შეუყვარდით, ისე შეუყვარდით, როგორც მომავალი ნათესავი. ესეც უნდა ვსთქვათ, თქვენისთანა კეთილის გულის კაცს აღამიანი ძნელად შეხედება ამ ჩვენს დროში.

სადილი გათავდა და ელენემა და დესპანმა ბაღში გაისეირნეს. ბაღი თოვლივით იყო გადათეთრებული, რადგან ვაშლი და მბალი ჰყვაოდა ნაადრევად. ბაღს იქით კადევ ჭალა იყო, რომელშიაც გუგულნი თავიანთ გუგუს გასძახოდნენ მხიარულადა.

— ნეტავ რას გვიწინასწარმეტყველებს?—იკითხა სქშეტუსკიმ და დაიწყო ყურება ჭალისაკენ.

— გუგულო, გუგულო! რამდენს ხანს ვიცოცხლებთ ნეტავ ერთად მე და ეს პანნა?

გუგულმა დაიწყო გუგუს ძახილი. დასთვალეს და სწორედ ორმოც-და-ათჯერ დაიძახა, „გუგუო“.

— ღმერთმა ბრძანოს!

— გუგული მართალს ამბობს მუდამ, — გულ-გაჯერებითა სთქვა ელენემ.

— თუ აგრეა, მაშ კიდევ ვკითხავ რასმე! — სთქვა დესპანმა და კვლამ შეეკითხა გუგულს:

— შვილები ბევრი გვეყოლება? მიპასუხე, მართლო ფრინველო!

გუგულმაც, მართლა თითქო განგებ დაავალესო, სწორედ თორმეტჯერ დაიძახა გუგუ. სქშეტუსკი ცას დაეწია სიხარულით.

— სწორედ მამასახლისი ვიქნები, ღმერთმანი. გაიგონე?

— არაფერი არ გამიგონია, — წაიჩურჩულა დარცხვენილმა ელენემ. — არ ვიცი, რასა ჰკითხავდი?

— გავიმეორო?

— ნუ, ნუ.

მთელი დღე ისე გავიდა, თითქო სიზმარიყო. საღამო ჟამი დადგა და მოვიდა დრო ხანგრძლივის გაყრისა. გულ-მხურვალედ გამოეთხოვენ ერთმანეთს სქშეტუსკი და ელენე, და დესპანი გაუდგა ჩიგირინის გზას.

VIII

ხანში შესული ზაცვილიხოვსკი დიდს მღელვარებაში დახვდა სქშეტუსკის. სეჩიდან საშიში ხმები მოდიოდა. ახლა აღარავითარი ეჭვი აღარ იყო, რომ ხმელნიცკი ემზადებოდა იარაღით ხელში მოეთხოვა ყაზახთა უფლების აღდგენა და შური ეძია კერძოდ თვისის შეურაცხ-ყოფისათვის. ზაცვილიხოვსკიმ იცოდა, რომ ხმელნიცკი ეხლა ყირიმშია, ყენსა სთხოვს შემწეობასა და, დღეს არა, ხვალ გაჩნდება სეჩშიო. მთლად ქვემოურობა ემზადებოდა რესპუბლიკასთან საბრძოლველად; ქარტეხილი თან-და-თან ახლოვდებოდა. შორეული და განურკვეველი ნიშნები მოუსვენრობისა შესცვალა იმ რწმენამ, რომ ჩება-ჟლეტა აუცილებელიაო. დიდმა გეტმანმა, რომელიც წინად ყოველ ამ საქმეს არაფითარს მნიშვნელობას არ აძლევდა, ახლა ჩერკასს მიუახლოვა თავისი ჯარები; თავთეული რაზმი ჩიგირინამდგეკ კი დააყენა, რათა ნება არ მიეცა ყაზახთათვის, თვისთა უკმაყოფილო ამხანაგთ შეერთებოდნენ. ქალაქებიდანა და სოფლებიდან გუნდ-გუნდად მიაშურებდა ხალხი სულ სეჩისაკენ. შლიახტა, პირიქით, ქალაქ ადგილებს ეტანებოდა. ამბობდნენ, რომ ამბოხება სამხრეთ სამოურავოებში იფეთქებსო. საცოდავი უკრაინა ორ ბანაკად გაიყო: ერთი სეჩისკენ იწევდა, მეორე ისევ სამეფოს ეკვროდა; ერთი ებლაუჭებოდა უკვე დამკვიდრებულ წეს-წყობილებას, ხოლო მეორე თხოულობდა განუსაზღვრელს თავისუფლებას; ერთს უნდოდა დაეცვა ის, რაც იყო შედეგი ხანგრძლივის შრომისა და ღვაწლისა, ხოლო მეორე

ჰნატრობდა ყოველისავე განადგურებას. მალე ძმა უნდა აღმდგარიყო ძმაზედა.

გარნა ვიდრე ღრუბლები ჯერ კიდევ ასე ირეოდა უკრაინის ცაზედა, ვიდრე გაისმოდა მხოლოდ თითოეული ხმა გრგვინვისა, მცხოვრებნი ვერც კი ჰგრძნობდნენ, რა მოელოდნათ, ვერც კი მიხვედრილიყვნენ, რაოდენად ძლიერი გრიგალი აპირობდა ამოვარდნას. იქნება თვით ხმელნიცკიმაც არ იცოდა ყოველივე ესა, ხმელნიცკიმ, რომელიც ამ დროს ჩივილითა და ღრტვინვით სავესე წერილებსა სწერდა ხან პან კრაკოვსკისა, ხან სამეფოს მედროშეს; სწერდა ამისთანა წერილებსა და თან ფიცსა სდებდა, რომ ერთგული ვარ ვლადისლავ მე-IV-სი და რესპუბლიკისაო. ვითომ დრო უნდოდა მოეგო, თუ ჰგონებდა, რომ ჯერ კიდევ შესაძლოა ასცდეს ქვეყანას სისხლის-ღვრაო, ნამდვილად არაფერ იცოდა. მხოლოდ ორს კაცს არა გამოეპარა-რა და მხოლოდ მათი თვალი და გონება არა სტყუედებოდა.

ეს ორი კაცი იყო: ზაცვილიხოვსკი და მოხუცი ბარაბაში.

მოხუცმა პოლკოვნიკმაც მიიღო წერილი ხმელნიცკისა, წერილი მუქარისა, შხამიანის დაცინვისა, ბრძოლაში გამოაზხოვებისა. „ჩვენ და მთელი ჯარი იმიერ-ქორომეთისაო,—სწერდა ხმელნიცკი,—ყოველის ღონისძიებით ვეცდებით დავიბრუნოთ ის უფლება-უპირატესობანი, რომელთაც თქვენი ბატონ-კაცობა სახლში ჰძალავდა. ხოლო რადგან ჰძალავდით, იმიტომ რომ საკუთრად თქვენთვის იყო სარფა მათი დამალვა, ამის გამო მთლად იმიერ-ქორომეთის მხედრობა გასახვეთ თქვენ ცხვართა, ანუ ღორთა და არა კაცთა პოლკოვნიკად. გარნა მე ჩემის მხრივ ვსთხოვ თქვენს ბატონ-კაცობას, მაპატივით, თუ ჩემს საწყალს სახლში ვერა გასიამოვნეთ-რა ნიკოლოზობა დღეს და წამოვედი იმიერ-ქორომეთს თქვენ მიერ ნება დაურთველად“.

— ჰხედავთ, როგორ დამცინის?—შესჩიოდა ბარაბაში სქშეტუსკისა და ზაცვილიხოვსკის. ოდესმე კი სამამაცო ზნეს, სამხედრო საქმეს მე ვასწავლიდი, მშობელს მამობას მე ვუწვედი.

— ის იწერება, რომ მთელის იმიერ-ქორომეთის მხედრობით იმას ვეცდები, რომ უფლება-უპირატესობანი დავიბრუნოთო,

ჩაურთო სიტყვა ზაცვილიხოვსკიმ.—მდაბიურად რომ ვსთქვათ, შინაურის ომის ატეხა უნდა, იმისთანა ომისა, რომელიც ყველა ომზედ უსაშინელესია.

— მე კი ვხედავ, რომ დაყოვნების დრო აღარა მაქვს,— სთქვა სქშეტუსკიმ.—მომეცით ჩქარა წერილები იმათთან, ვისთანაც საჭიროა საქმე დავიჭირო.

— კაშევიო ატამანთანა გაქვთ წერილი?

— თვით თავადის წერილი მაქვს იმასთან.

— მე კურენევიო ატამანთან გაგატან, ხოლო პან ბარაბაშს იქ ნათესავი ჰყავს, ისიც ბარაბაშია გვარად; ამ ორისაგან ყველაფერს კარგად შეიტყობ და იწვრილებ, ესეც კია, ვინ იცის, იქნება თქვენი დესპანობა ახლა უკვე დაგვიანებულიც არის! ვისაც უნდა იცოდეს, რა ამბავია ახლა იქ, იმას პასუხად მხოლოდ ის ეთქმის, რომ კარგი ამბავი არა არის-რა; ხოლო თუ უნდა იცოდეს ვინმე, რა გზას დაადგეს, იმასაც პასუხად მხოლოდ ის ეთქმის, რომ, რაც შეიძლება, ბლომად შეაგროვოს ჯარი და შეუერთდეს გეტმანებს.

— მაშ თქვენ გაუგზავნეთ ვინმე თავადს და შეუთვალეთ თქვენი აზრი და რჩევა, მე კი, რაკი გამომგზავნეს, მოვალე ვარ წავიდე სეჩს,—სთქვა პასუხად სქშეტუსკიმა.

— მერე იცით, რა საშინელი განსაცდელი მოგელით იქ? —დაიძახა ზაცვილიხოვსკიმ.—ჯერ აქაც კი ისეა აღელვებული ხალხი, რომ ძნელია კაცის მტკიცედ დგომა. სამეფოს ჯარები რომ ახლოს არ იყოს, ამ წუთშივე თავს დაგვესხმოდა ბრბო. ახლა იფიქრე, იქ რალა უნდა იყოს! შიგ პირში უვარდებით მხეცსა და ეგ არის.

— ბატონო მედროშე, იონა პირში კი არა, ვეშაპის მუცელში იყო, მაგრამ, ღვთის შეწევნით, უვნებლად გადარჩა.

— რახან აგრეა, წადით. მომწონს თქვენი გამბედაობა. კუდაკამდე მშვიდობიანად იმგზავრებთ და იქ კი თქვენ თვითონ მიხედვით, როგორც უნდა მოიქცეთ. გროძიკი გამოცდილი, მოხუცი ჯარის-კაცია; ის უფრო კარგა გირჩევთ ყოველსავე. თავადთან კი თვითონ მე წავალ; თუ ამ სიბერის დროს კიდევ მიწერია

ლაშკრად წასვლა, ისევ ის მირჩვენიან, იმის დროშის ქვეშ ვილაშკრო. ახლა კი მოვამზადებ თქვენთვის ნავსა და მენავეთა.

სქშეტუსკი გამოვიდა გარედ და პირდაპირ თავისს ძველს სადგურში წავიდა, რომელიც თავადის სახლში ჰქონდა მიჩენილი, რათა მომზადებულიყო სამგზავროდ. მიუხედავად ზაცვილიხოვსკის სიტყვებისა, ეს მგზავრობა თითქმის სასიამოვნოდ მიანდა. დნებრსა ვნახავ მთელის თვისის სიგრძე-სიგანით, თვით ქვემო მხრამდე, ქორომებამდე; ეს ადგილები კი მაშინდელს რაინდობას მოჯადოებულ ქვეყნადა ჰქონდა დასახული, ისეთს ქვეყნად, რომელსაც ათასი საიდუმლო და განსაცდელი ეხვია გარშემო, ისეთს ქვეყნად, რომელიც სიცოცხლეა იმისთვის, ვინც ეძებს სისხლის ასაღლელებელს სანახაობას, ვინც ჰნატრობს ძლიერს სულის-კვეთებას. არა ერთსა და ორს რაინდს გაუღე-ვია ცხოვრების გზა უკრაინაში ისე, რომ ვერ დაიტრაბახებდა, სეჩი მინახავსო; სეჩს მაშინ თუ ჰნახავდა მხოლოდ, როცა მოინდომებდა ჩაწერილიყო ძმობაში; ამისი სურვილი კი ნაკლებადა ჰქონდა შლიახტას. სამუელ ზბოროვსკის დრონი წარვიდნენ და აღარ დაბრუნდებოდნენ. უკმაყოფილება და მოუთავსებლობა სეჩსა და რესპუბლიკას შორის, კი არა მცირდებოდა, თან-და-თან უფრო ძლიერდებოდა, ხოლო სეჩს წასვლა-სიარული, პავლიუკსა და ნალივაიკას შემდეგ, როგორც რუსეთისა ისე პოლონისის შლიახტისა, აგრედვე მცირდებოდა. ბულიგებ-კურცევიჩებს ნაკლებადა ჰყვანდნენ მიმბაძველ-მიმდევარნი. საზოგადოდ ქვემო მხარეს, ძმობაში ჩასაწერად, შლიახტას ერეკებოდა მხოლოდ უბედურება, ანუ მძიმე რამ გამოუწყიდველი დანაშაული.

რალაც განუქვრეტელის საიდუმლოებით სავსე წყვილიადი ჰფარავდა კაცთა თვალთაგან ამ ძარცვა-რბევასა და მტაცებლობაზედ დამყარებულს დნებრის რესპუბლიკას. ბევრი რამ საკვირველება გაეგონა სქშეტუსკის მის შესახებ და იმიტომ უფრო უნდოდა თვისის თვალთ ენახა, რამდენად მართალია, რასაც ამბობენო.

ფიქრადაც არ მოსდიოდა შიშა თვისის სიცოცხლისათვის. ელჩს ყველა პატივსა სცემს, მეტადრე თავად ერემიას ელჩისაო. ასე ფიქრობდა სქშეტუსკი და სარკმლიდან გასცქეროდა ბაზარს. უცბად მოეჩვენა, რომ ვითომ ვილაც ორმა ნაცნობმა გაიარეს მის სახლს ახლოს და გაემართნენ ძვონეცკის მხრისკენ, ვლახელ დოპულის დუქნისაკენ.

დააქქერდა ყურადღებით და პან ზაგლობა და ბოგუნისკი იცნო.

ხელი-ხელ ჩაკიდებულნი მიდიოდნენ და მალე შევიდნენ იმ კარებში, რომელსაც ლატანი ჰქონდა გადებული იმის ნიშნად, რომ აქ სასმელ-საქმელების დუქანი იყო.

დესპანი ბოგუნის ჩიგირინში დახვედრამ იმდენად არ გააკვირვა, რამდენადაც ბოგუნისა და ზაგლობას ამხანაგობამ.

— ეი, ენძიან! — დაუძახა მან თავისს მხლებელს.

პატარა ბიჭი მაშინვე დესპანთან დაიბადა.

— გამძგონე, ენძიან. გასწი აიმ დუქანში, აიგერა... იქა ჰნახავ ხანში შესულს შლიახტიჩსა, ნაწყლულევი აქვს შუბლზე და აი იმას უთხარი, რომ ერთს კაცს დიდი საქმე აქვს თქვენთანა და ნახვა უნდა თქვენი-თქო. თუ გკითხოს — ვინ კაცი იყო — არ უთხრა.

ენძიანი გაჰქრა, ისევ მალე დაბრუნდა და თან პან ზაგლობა მოიყვანა.

— გამარჯვება თქვენი! — მიესალმა სქშეტუსკი. მიცანი?

— მიცანიო? თათრებმა გადამადნონ ქონად და სანთლები ჩამოასხან თავიანთ მეჩეთისათვის, თუ მე თქვენ დაგივიწყით. თქვენ ის არა ხართ, რომ ამ რამდენისამე თვის წინად დოპულთან კარებში გაუძახეთ ჩაპლინსკი. ამ ამბავმა ისე მასიამოვნა, რომ, რაც სტამბოლის ციხიდან გავთავისუფლდი, მას უკან მაგისთანა სიამოვნება აღარ მინახავს. მართლა, როგორ არის პან პოესინოვა სარვი-შტანის ღერბისა თვისის უბიწოებითა და მახვილითა? ისევ გამხმარი ვერხვი ხომ არა ჰგონიათ ჩიტებს და ზედ არ ასხდებიან დასასვენებლად?

— პან პოდბივენტა კარგად არის. მოგიკითხათ.

— ძალიან მდიდარი აზნაურებილია, მაგრამ თან დიდი ტუტუციც არის. თუ იმისთანა სამი თავი მოჰყვით, როგორიც თვითონა აქვს, იმდენივე ტვინი იქმნება შიგ, რამდენიც თაფლია ცარიელს ბოთლში. უჰ, რა სიციხეა, ყელი ამომეხლანდა სულა!

— სამ-ნახალი მაქვს და, მგონია, ურიგო არ უნდა იყოს. უარს ხომ არ იტყვით?

— მხოლოდ სულელი ამბობს, არ გიხსლებიო, როცა ჭკვიანი სთხოვს, მიირთვია. დალაქმა მირჩია თაფლის ღვინო სვი, თუ გინდა რომ სევდა მოგშორდესო. ცუდი დრო მოდის შლიახტისათვის: dies irae et calamitatis. ჩაპლინსკი უიშითა კვდება და დოპულთან აღარ დადის, იმიტომ რომ იქ ყაზახთა უფროსნი ქეიფობენ. მარტო მე არაფრად ვაგდებ განსაცდელსა და ვპურ-მარილობ იმ პოლკოვნიკებთანა, თუქცა კი ცოტა არ იყოს, კუპრის სუნი კი უდით. ძალიან თაფლის ღვინოა! სადაურია?

— ლუბნისაა. ბევრნი არიან აქ ეგ უფროსნი?

— ვინ გინდა აქ არ არის? თედორე ლადბოლისი აქ არის, მოხუცი ფილიპე ძეძიალა აქ არის, დანიელ ნეჩაი აქ არის და მათთან არის მათი საუნჯე ბოგუნიცა, რომელიც ჩემი მეგობარია მას უკან, რაც ღვინოში ვაჯობე. სულ ჩიგირინში არიან ახლა და ლბებიან, თან სუნს იცემენ, რომ გაიგონ, რა გზას დავადგეთო, რადგან ჯერ ვერა ჰბედავენ ცხადად მიემხრნენ ხმელნიცკისა. ხოლო თუ არ მაემხრნენ, ეგ ჩემი საქმე იქნება.

— როგორ?

როგორ და ისე! როცა ერთადა ვქეიფობთ, სულ იმასა ვსცდილობ, რომ რესპუბლიკისკენ ვილაპარაკო და იმათაც რესპუბლიკის მხარე დავაჭერინო. თუ მეფემ უფროსობა არ მიბოძა, იცოდეთ, პან სქშეტუსკი, რომ რესპუბლიკა არ აფასებს და არ აჯილდოვებს თავისს ქვეშევრდომებს ქველის მოღვაწეობისათვის; ისე რომ ისევ ის ემჯობინება ქათმებს მოუაროს კაცმა, ვიდრე თავი ჰქონდეს გადადებული საზოგადო სიკეთისათვის—pro publico bono! დიად!

— ის არა სჯობდა თავი გადაგედოთ და გეომნათ რესპუბლიკის მტრებთან; თქვენ კი მოჰყოლიხართ და ლოთობთ იმათთან და თან ფულსაცა ჰფლანგავთ ქეიფში.

— მე ვფლანგავ? ვინა გგონივართ მერე? ის კი არ ეყოფათ, რომ ტეტიებს თავს ვუყადრი? ფულიცა ვხარჯო ახლა იმათის გულისათვის? იმისიც მადლობელნი იყვნენ, რომ ნებას ვაძლევ ჩემ მაგიერ იმათა ჰხარჯონ!

— ბოგუნი? ის რაღას აკეთებს აქა?

— ისა? ყურს უგდებს, აცა რა ამბავი მოვა სეჩიდანაო, როგორც სხვებიცა. დიდი საყვარელია ყველა ყაზახისა. ისეთები არიან, რომ სულ იმას შესტრფიან. პერეიასლავის პოლკი მაგას გაჰყვება უკან და არა ლობოდას. ის კი ვინ იცის, ვის მხარეს დაიქვრენ სიის ჯარის-კაცნი კისეგოესკისა? ბოგუნი მუდამ ქვემოურების მომხრე იყო, როცა ან ოსმალოსა და ან თათრის წინააღმდეგ უნდა გაგველაშკრა ხოლმე, ახლა კი ძრიელ ყოყმანობს. ამას წინაღ მთვრალმა მიაგებო, რომ პოლონელი ქალი მიყვარს, აზნაურშვილის ქალი და იმისი შერთვა მინდა ცოლადაო... და ამიტომ, ქორწინების წინაღ, ველარ ეხერხება ტეტიებთან დამშობილება. ჰაი, ბეჩავ, რა თაფლია-და!

— აბა მიირთვით კიდევ.

— გიახლები, გიახლები. დოჰულის ამისთანას ვინ მიაქვავებს.

— არა ჰკითხეთ, რა გვარისაა ბოგუნის საცოლო?

— პან სქშეტუსკი, რა ჯანაბათ მინდა ვიცოდე იმისი გვარი? მე ის ვიცი მხოლოდ, რომ როცა კუროს გაიჩენს და თვალსაც მოსთხრის ქმარსა, მაშინ ბოგუნისა კი არა, ბრუტიანის ცოლი იქნება.

დესპანმა ძლივს შეიმაგრა თავი და ის იყო კინაღამ სთხლიშა ზაგლობას; ის მაინც თავისასა რომაედდა და არაფერს ყურადღებას არ აქცევდა.

— თავის ღროს მეც არ გადამრჩებოდა ხოლმე ქალი. უნდა იცოდე, რისთვის მაწამეს გილატში. აი ამ ხერელსა ჰხედავ,

შუბლზედ რომ მაქვს; ეს სულ იქაურ ფაშის ჰარამხანის წყელ-შეჩვენებულ საჭურისთა ბრალია.

— რალაცა სთქვით წელან, ავაზაკის სოფელიაო?

— მე ვსთქვი—ავაზაკებიაო? ძალიან კარგა მითქვამს. ოსმალნი სულ ავაზაკნი არიან! ვაი არა აქვს ზაგლობასა!

პან ზაგლობა კიდევ დიდ ხანს არ გაათავებდა თავისს ლაპარაკს, რომ კარი არ გაღებულყო და ზაცვილიხოვსკი არ შემოსულიყო.

— აბა, ბატონო დესპანო,—სთქვა მოხუცმა მედროშემ,—ნავეები მზად არის, მხლებელნი ერაგულნი კაცნი არიან; თუნდ ეხლავე შეგიძლიანთ გზას გაუღდეთ. აი წერილიცა.

— მაშ უბრძანეთ, რომ ყველანი წყლის პირად წავიდნენ.

— თქვენ სად მიღიხართ მერე?—იკითხა პან ზაგლობამ.

— კუდაქსა.

— ოჰ. დიდი სიტყე დაგადგებათ იქა!

მაგრამ დესპანს ეს სიტყვები აღარ გაუგონია. საჩქაროდ გამოვიდა ეზოში, საცა მისი ამალა, მხლებელნი და ცხენები სულ მზად იყვნენ გასამგზავრებლად.

— აბა, შესხედით ცხენებზედ და გასწით წყლის ნაპირად!—დაიძახა პან სქშეტუსკიმ.—ცხენები ნავეებში ჩააყენეთ და ჩემს მოსვლას ელოდეთ!

ამ დროს კი ზაცვილიხოვსკი ზაგლობას ართმევდა ჩვენებას.

— ამბობენ, რომ ვითომ თქვენ ახლა ყაზახთა პოლკოვნიკებს გაამხანაგებინართ.

— Pro publico bono,—ბატონო მედროშე.

— ძალიან კარგადა ვხედავ, რომ თქვენ უგუნური კაცი არა ხართ და ძალიან მახვილი გონებაცა გაქვთ. ოხუნჯობა თქვენში მეტია, ვიდრე სახელი და პატიოსნება. აი ეხლაც ყაზახებს შესცქნავით, იქნება მე არა დამაკლდეს-რა, თუ ვინცობაა იმათ გაიმარჯვესო.

— თუნდ აგრეც იყოს, რაო მერე? კარგა ვიწვნიე წვენი ოსმალთაგან და ამიტომ აღარავითარი სურვილი აღარა მაქვს,

ახლა ყაზახთაგან ვისწავლო ჭკუა... ორი ამისთანა სოკო, როგორსაც გინდათ, იმისთანა ბორშის წაახდენს. რაიცა შეეხება ჩემს სახელსა და პატიოსნებას, სჯობიან ისევ გავჩუმდე. დაე, სხვებმა რაც უნდათ ისა სთქვან. ჭეშმარიტება მუდამ მაღლა ამოტივტივდება ხოლმე, როგორც ზეთი, რომელსაც წყალს დაასხამენ.

ოთახში შემოვიდა სქშეტუსკი.

— ჯარის-კაცი მზად არიან, — სთქვა მან.

ზაცვილიხოვსკიმ გაივსო თასი თაფლის ღვინითა.

— კეთილი მგზავრობა მოგცეთ ღმერთმა!

— მშვიდობით დაბრუნებულყოთ! — დაილოცა ზავლობა.

— სანახვად სახალისო ჭკეყანასა ჰნახავთ, — განაგრძო ლაპარაკი ზაცვილიხოვსკიმ. — პან გროძიკი მოიკითხეთ ჩემ მაგიერ კულაკში. აი ის არის. ჯარის-კაცი! ჭკეყნის განაპირასა სცხოვრობს, გეტმანების თვალთაგან მოშორებით და წესიერება კი ისე აქვს დაცული, რომ ღმერთმა ჰქმნას ისეთი წესიერება რესპუბლიკაში იყო. კარგად ვიცი კულაკი და ჭორომები. წინად საკმაოდ ხშირად შემემთხვეოდა ხოლმე იქ სიარული... ახლაკი გული მეტკინება ხოლმე, როცა მომაგონდება, რომ ყოველივე ესე წარვიდა, განჰქრა...

დაიხარა თვისი ქალარა-შერთული თავი და დაფიქრდა. ჩამოვარდა დიდი ღუმელი. ეზოდან მოისმოდა ხმა ცხენთა ტოტების ცემისა და ღვრიალისა: პან სქშეტუსკის რაზმი გაუღდა გზას და იმიტომ.

— ღმერთო ჩემო! — კვლავ გამოერკვა ზაცვილიხოვსკი, — მაშინაც კი მოუსვენარი ცხოვრება იყო, მაგრამ არც ისე, როგორც ახლაა. აი თუნდ ხოტინს ახლო, ოც-და-შვიდის წლის წინად! როცა გუსარებმა იერიში მიიტანეს ლიუბომირსკის მხედართ-მთავრობით იანიჩარებზედ, ყაზახთ ველარ იმაგრებდნენ თავიანთ საფარ-სანგლებში, ისერიდნენ მაღლა ქუდებს და ისეთის გრგვინვით შესქეჰდნენ საგაიდაჩნის, რომ დედა-მიწას დგანდგარი გაუდიოდა: „გაგვიშვი, დავიხოცნეთ ლიახებთან ერთა-

დაო!“ ახლა კი? ახლა ქვემო მხარე, ბურჯი ქრისტიანობისა, თვითვე იწვევს თათრებს რესპუბლიკის ასაკლებად, რათა მერე, დაბრუნდებიან თუ არა უკან ნადავლით, დაესხან თავს და წაართვან ნაალაფევი, მაგრამ რას ვამბობ მეცა? ეხლა ხმელნიცკი პირდაპირ დაუკავშირდება თათრებს, რომ იმათთან ერთად ჰელიტოს ქრისტიანენი...

— მაშ, დავლით მაინც გაჯაერებულემა! — გააწყვეტინა სიტყვა ზაგლობამ. — რა სამ-ნახალია-და!

— სიკვდილი სჯობიან ძმათა-ძმის მკვლელის ომის მოსწრებასა, — განაგრძო მოხუცმა მედროშემ. — უნდათ სისხლით მოიბანონ, თუ რამ წყენა დაჰხსომებიათ, მაგრამ ძმის სისხლით წყენა არ მოიბანება. ვინ არიან ქვემო მხარეს? რუსინები. თავად ერემიას ჯარში, მაგნატების მხედრობაში ვინა მსახურობენ? ისევ რუსინები. სამეფო ჯარში კი კოტანი არიან? ეჰ, საცოდავო უკრაინა! უსჯულო ყირიმელი მოგაბავენ ყელზედ თოკს და დაგაწყებინებენ ოსმალთა კატარღებზედ ნიჩბების მოსმასა!

— მაგრე ნუ წინასწარმეტყველობთ, ბატონო მედროშე, — სთქვა სქშეტუსკიმ გულის-ტყენით, — უმაგისოდაც გულს ეტირება. იქნება ხელ-ახლა მზემ გამოვიინათოს.

მაგრამ მზე ახლა ჩადიოდა და თვისის მოწითანო სხივებით ნათელსა ჰფენდა ზაცვილიხოვესკის გათეთრებულს თმას.

ქალაქში საღამოს ლოცვის ზარები დარეკეს.

ჩვენი მეგობარნი სახლიდან გამოვიდნენ. პან სქშეტუსკი კოსტელში წავიდა, პან ზაცვილიხოვესკი ეკლესიაში, ხოლო პან ზაგლობა დოპულთან, ძვონეცკის უბანში.

უკვე ბნელოდა, როცა კვლავ ერთად მოიყარეს თავი ტიასმინის ნავთ. სანაპიროსთან. პან სქშეტუსკის ამაღა და მხლებლები უკვე ნავებში ისხდნენ; მენავენი ბარგი-ბარხანას ალაგებდნენ შიგ. წყლიდან ცივი ქარი უბერავდა და საფიქრებელი იყო, რომ იმ ღამეს ვერაფერი ამინდი დაუდგებოდათ მგზავრებს. ნაპირზედ ცეცხლი იყო გაჩაღებული და მის ახლოს მდინარე სისხლის ფრადა ჰკრთოდა, ასე ეგონებოდა კაცს დიდის სისწრაფით მიეშურება საღდაც შორს განურკვეველს, წყვდიადით მოცულს მხარესაო.

— აბა მშვიდობის მგზავრობა მოგცეთ!—სთქვა მედრო-
შემ და ძმურად ჩამოართვა ხელი სქშეტუსკის.—ფხიზლად
იყავნთ, გაფრთხილდით.

— სიფრთხილით ვიქნები. იმედია მალე ვნახავთ ისევ ერთ-
მანეთს.

— ისევ ლუბნში თუ ვნახავთ ერთმანეთს, ან თავადის
ბანაკში.

— საბოლოოდ გადასწყვეტეთ თავადის სამსახურში შე-
ხვიდეთ?

ზაცვილიხოვსკიმ ხელნი ალაპყრო.

— მეტი რა ღონეა? რახან ომია—ომი იყოს!

— Vide, valeque!—დაიძახა უცბად ზაგლობამ,—ხოლო თუ
მდინარებამ სტამბოლს ჩაგიყვანათ, პან სქშეტუსკი, მოიკით-
ხეთ ხონთქარი. მაგრამ, ჯანაბას იმის თავი! რა თაფლის ღვი-
ნო იყო თქვენი ღვინო! ბრრ! რა სიცივეა!

— ნახვამდის!

— ნახვამდის!

— ღმერთი იყოს თქვენი მფარველი.

ნიჩბებმა კრიალი მოიღეს და გაიტყაპუნეს წყალში; ნა-
ვეებმა გასწიეს. ცეცხლი ნაპირას ნელ-ნელა ჰქრებოდა. დიდ
ხანს ჰხედავდა კიდევ სქშეტუსკი მედროშეს დიდებულს სუ-
რათს და რალაც ნარველმა ატკინა გული. ახლა წყალს მი-
ჰყვანდა დესპანი, მიჰყვანდა შორს, აშორებდა მოყვარესა და
მოკეთესა, აშორებდა გულის-საყვარელს... მიჰყვანდა შეუბრა-
ლებლად, თითქო აუცილებელი ბედის-წერააო, ველურს ქვეყ-
ნებში, წყვდიადით მოკუთხს მხარეს...

აგერ ტიასმინის შესართავიცა, აგერ დნებრიცა.

ქარი ზუზუნებდა, ნიჩბები ერთკილოვანებით კრიალებდა.
ნიჩბების მომსმელებმა სევდიანის სიმღერის თქმა დაიწყეს.

სქშეტუსკი გაეხვია ნაბადში და წამოწვა ნავის ძირზედ.
დაიწყო თან ფიქრი ელენეზედ: ის ჯერ კიდევ ლუბნში არარის,
ბოგუნი ჩვენს მხარეში დარჩა და მე კი ასე შორს მივდივარო.
მის ნალელიანს ფიქრებს, მის გულის კვნესას ბანს აძლევდა

ქარის ზუზუნი, წყალის შხაპა-შხუპი, ნიჩბების კრიალი, მისთა მომსმელთა სიმღერა, მაგრამ დაღლილობამ მაინც თავისი ჰქმნა და სქშეტუსკის ჩაეძინა.

IX

მეორე დღეს გაიღვიძა სქშეტუსკიმ და იგრძნო, რომ კარგს გუნებაზედ იყო, ჯან-სალად, მხიარულად, დარი მშვენიერი იდგა. სუბუქი და თბილი ნიაფი ოღნაფ აბიბინებდა სარკესავეით გადაშლილს ზედა-პირს აღიდებულ მდინარისას.

ნაპირები აღარა სჩანდა. გარშემო წყლის უსამზღვრო მინდორი იყო. ეენძიანს გაეღვიძა, თვალები მოიფშენიტა და რომ მიიხედ-მოიხედა, შეშინდა. სულ წყალი და წყალი გარშემო, სხვა აღარა სჩანდა-რა.

— ღმერთო ჩემო! განა ზღვაზედ ვართ კიდეცა?

— ეს ზღვა არ არის, დიდი მდინარეა, — დაამშვიდა სქშეტუსკიმ, — ნაპირებს მაშინ დაინახავ, როცა ცა ნისლსა და ბურუსს გადიყრის.

— ასე რომ ვიაროთ, ხომ მალე სათათრეთშიაც მივალთ!

— მივალთ კიდეც, თუ კი გვიბრძანებენ. რისა გეშინიან, მარტო ჩვენ ხომ არა ვართ, აბა მიიხედ-მოიხედე გარშემო.

მართლაც გარშემო მრავალი გემი, ხვამალდი და ვიწრო, შავად-შეღებილი ყაზახთა პატარა ნაფი სჩანდა. ზოგი სწრაფად მისრიალებდა წყალ-წყალ, ზოგი მძიმედ და ტაატით მიდიოდა წყალ-შელმა იალქნებისა და ნიჩბების მოსმის შემწეობით. ზოგს მიჰქონდა თევზი, წმინდა სანთელი, მარილი და ალუბლის კერკი ახლო-მახლო ქალაქებში, ზოგი უკანვე მიდიოდა კუდაკს, ნუზლ-სანოვაგით დატვირთული, ზოგი მიეშურებოდა სხვა-და-სხვა საქონლით სეჩს, საცა კრამნის ბაზრობას ეს საქონელი ძალიან იყიდებოდა ხოლმე. ფსიოლის შესართავიდან ღნებრის სანაპირონი სულ უღაბური ადგილები იყო, საცა ათასში ერთხელ გამოჩნდებოდა თეთრად ყაზახთა საზამთრო სადგომები, მაგრამ მაინც მდინარე იყო ერთად-ერთი გზა, რომელიც აერ-

თებდა სეჩს დანარჩენ ქვეყნიერობასთან. ეს იყო მიზეზი, რომ მისვლა-მოსვლა ამ გზით არ შესწყდებოდა ხოლმე. განსაკუთრებით უფრო წყალ-დილობას, როცა გემებისთვის საშიში არ იყო ქორომებიცკი, თვინიერ უმაძღარასი, ანუ კაცი-ქამიასი.

დესპანი ცნობის-მოაყვარეობით იყურებოდა აქეთ-იქით და ამასობაში მისი ნავები სწრაფად მისრიალობდა კუდაკს. ნისლბურუსმა ძირს დაიწია და კიდენი ცხადად გამოჩნდნენ ლაქვარდ ცის დასავალზედ. მგზავრთ თავზედ გადააფრინდებოდათ ხოლმე მრავალი სხვა-და-სხვა ფრინველთ გუნდი: ვარხვები, გარეული ბატები, იხვები და დედამთვრალანი; სანაპიროებზედ ატეხილს ლელიანებში ისეთი ამბავი იყო, ისეთი ჟრია-მული იღვა, გეგონებოდათ, ფრინველთ ომი დაუწყევიათ ერთმანეთ შორისაო. კრემენჩუგს ქვემოლ ნაპირები შესამჩნევად დადაბლდა.

— ერთი შეჰხედეთ!—უცბად დაიძახა ჟენძიანმა,—მზე საშინლად იცხუნება და მინდორზედ კი თოვლი სძევს.

სქშეტუსკიმ გაიხედა, და მართლაც გარშემო, მდინარის ორთავე ნაპირას, საითაც კი მიიხედავდი, დედა-მიწას თეთრად გაჰქონდა ქათქათი.

— ეი, უფროსო, რა სჩანს აის თეთრადა?—იკითხა დესპანმა.

— ალუბალია, ბატონო!—უპასუხა უფროსმა.

მართლა სულ ალუბლის წვრიმალნი ტყე იყო მდინარის ორივე ნაპირად. ეს ტყე დიდს მანძილზედ ატეხილიყო. ალუბალი ისხავდა კარგა მოზრდილს ნაყოფს, რომელიც ფრინველთა სასიამოვნო საქმელი იყო, იმ უდაბურ ადგილებში გზის არევის გამო ჩარჩენილ მგზავრთა, და ამას გარდა, ამავე ალუბალს ჰყიდდნენ კიევსა და სხვა დიდ ქალაქებში. ამ ჟამად მთლად ეს ხეხილი ჰყვავოდა. როცა დესპანმა უბრძანა, ნაპირზედ გავიდეთ და მენავეებმა ცოტა შეისვენონო, ჟენძიანი და პან სქშეტუსკი იმ ქალაქში შევიდნენ. დესპანს სულ თავბრუ დაესხა იმ კეთილ-სურნელებისაგან, რომელითაც იყო შეზავებული ჰაერი. ალაგ-ალაგ ისე ხშირად იყო ატეხილი ალუბალი, რომ გაუვალ

ტევრად იყო იქაურობა გადაქცეული. ალუბალოთა შორის მრავლად იყო დაბალი ნუშის ხეებიცა, სულ ვარდის ფერის ყვავილით აღყვავებული: უამრავი ფუტკარი, კრაზანა და მრავალგვარი ქრელი პებელა დაფრინავდა და დაბზუოდა ამ ყვავილთა განუზომელს ზღვას.

— სასწაულია, სწორედ სასწაულია!— წარმოსთქვა ფიქრში წასულმა ენძიანმა.— რატომ ხალხი არა სცხოვრობს აქ? მერე ამოდენა ნადირიც არის აქა.

მართლაც, ალუბლებ შორის მრავალი კურდღელი გარბიოდ-გამობოდა; მრავლად იყო აგრედვე მწერი; რბილს მიწაზედ ცხადად სჩანდა ნაფეხური ირმებისა, ხოლო შორიდან მოისმოდა საშიში ღრუტუნის გარეულის ღორებისა.

ჩვენმა მგზავრებმა საკმაოდ ისიამოვნეს, კარგად დაისვენეს და გაუდგნენ კვლავ გზას. ნაპირები ხან მაღლდებოდა, ხან დაბლდებოდა და მაშინ შეენივრად მოსჩანდა ტყე, სოფლები, სასაფლაოს ბექნი და თვალ-გადაუწვდენელი მინდვრები. სქშეტუსკიმატ განიმეორა გულში ენძიანის ნათქვამი: რატომ ხალხი არა სცხოვრობს აქაო? მაგრამ ამისათვის საჭირო იყო, რომ მეორე ერემია ვისნევეცკი დაჰპატრონებოდა ამ უდაბნოს, დაესახლებინა მინდვრები და დაეცვა თათართა შემოსევისა და თავდასხმისაგან. ადგილ-ადგილ მდინარე უცბად უხვევდა; ავსებდა წყლით ახლო-მახლო ღელე-ღრანტეებს, აქაფებულის ტალღებით ეჯახებოდა კლდოვანს კიდეებს და მორევებადა ჰლურღუმე-ლავედებოდა დარნებსა და კლდის მღვიმე-მაღაროებში. მდინარის შესართავში მთელი ტყე იყო ლელისა, რომელშიაც აუარებელი ფრინველი ფრთხილობდა.— ერთის სიტყვით, ჩვენს მგზავრთა თვალ-წინ გადაშლილი იყო ქვეყანა ველური, ხელ-უხლებუტები, უდაბური და საიდუმლოებით მოსილი.

ყოველივე ესე ფრიად კარგი და სასიამოვნო სანახავი იქნებოდა, რომ მეტად მრავლად არა ყოფილიყო კოლო და ათასი სხვა მწერი, რომელიც გამძვინვარებით ესეოდა ზედ ყოველს სულიერს არსებას.

სალამო ჟამზედ დესპანის თანამგზავრთა კრებულმა მიაღწია კუნძულს რომანოვკას, საცა უნდა გაეთიათ ის ღამე. ამ ძვირის სანახაობის საცქერლად მრავლად შეიკრიბნენ მეთევზენი, რომელნიც სულ კუპრით იყვნენ გათხუპნულნი, რათა კოლოებს აღარ შეეწუხებინათ. ეს მეთევზენი ნამდვილი ნადირკაცნი იყვნენ. გაზაფხულზედ ბლომად მოდიოდნენ აქ, იჭერდნენ თევზს, ახმოზდნენ, გამოჰყავდათ ჰაერზედ ჩაჩხად და მერე მიჰქანდათ ჩიგირინს, ჩერკასს, პერეიასლავლსა და კიევს. იმათი ხელობა ადვილი არ იყო, მაგრამ ამაგი მათი უნაყოფოდ არა რჩებოდა, რადგან ღნებრი საესე იყო თევზით.

დესპანმა შეიტყო მეთევზეთაგან, რომ მთლად ქვემოურებმა, რომელნიც მისდევდნენ აგრედვე მეთევზეობას ამ ადგილებში, სულ თავი დაანებეს კუნძულს და რამდენისამე დღის წინად გასწიეს ქვემოდ, რადგან კაშევოი ატამანმა მიუწოდაო. ისე ღამე არ გაივლის, რომ ნაპირებზედ ცეცხლები არ დაანთონ; ცეცხლებს ანთებენ ყაზახნი, რომელნიც სეჩს მიეშურებიანო. მეთევზეებმა იცოდნენ, რომ „ლიახებთან“ საომრად ემზადებოდნენ და სრულიად არა ჰმალოვდნენ ამ ამბავს დესპანის წინაშე. ჰან სქშეტუსკი თვითონაც ჰხედავდა, რომ დავიგვიანე ჩემის ელჩობითაო, რომ, იქნება, ვიდრე მე სეჩს მივალწევ, ყაზახთა რაზმნი უკვე გაემართნენ ჩრდილოეთად, მაგრამ რაკი მიბრძანეს, წადიო, მეც წავალ და არსად არ დავყოვნდები გზაში.

მეორე დღით ჩვენმა მგზავრებმა კვლავ განაგრძეს თვისი გზა. აი მშვენიერი ტარენის რქა, აი მშრალი მთა და ცხენთა სარეკი, შესანიშნავი გველთა და ათასნაირ ქვეწარმავალთა სიმრავლით. ყოველივე ესე,—ეს ველური მიდამონიკა, დაქანებული მიმდინარეობაცა წყლისა,—მოასწავებდა კორომების სიანხოვეს. აი ცის დასავალზედ გამოჩნდა კულაკის კოშკიცა. პირველი ნახევარი გზისა უკვე გამოვლილია.

დესპანს მაინც ვერ მოუხდა იმ ღამის გათევება ციხე-ღარბაზში: ჰან გროძისკის დაწვევებინა, რომ სალამო-ჟამის განგაშის შემდეგ არავის შეეძლოს ციხეში შემოსვლაო. თუნდ

თვით მეფე მობრძანდეს, იმანაც იმ მეკომურებთან უნდა გაათიოს ღამე, რომელნიც ციხე-დარბაზის გაღაეან-თხრილების იქიდანა სდგანანო.

დესპანი იძულებული იყო დაჰმორჩილებოდა საზოგადო წესს, თუმცა ღამის გათევა მეკომურთა ქოხმანებში არაფერი სასიამოვნო იქნებოდა. ისთის ქოხ-მანები ისე საცოდაობისა იყო, ისე ხელ-და-ხელ მოეხუხულაებინათ, მოეწნათ და გაეგლისათ თიხითა, რომ ზოგი უფრო ცხრილსა ჰგვანდა, ვიდრე საცხოვრებელს სადგომსა, ეს კი იყო, რომ ახალისა და მკვიდრის ქოხის აშენება არცა ჰღირდა. თათართა პირველსავე თავ-დასხმის დროს, ციხის ზარბაზნები პირველადვე ამ სოფელს ააოხრებდა, რათა მის სახლებში თავი არ შეეფარებინათ თავ-დამსხმელთ. აქ სცხოვრობდნენ შემოახიზნულნი და მოსულნი პოლონიიდან, რუსეთიდან, ყირიმიდანა და ვლახეთიდან, ყველა თავ-თავის სარწმუნოებითა; თუმცა აქ სარწმუნოებას არც არავინ კითხულობდა. ხვნა-თესვას ისინი არ მისდევდნენ, — სულ-ერთია, მოვლენ თათარნი და გადაჰბუგავენო, — იკვებებოდნენ თევზითა და პურიით, რომელიც მოდიოდა უკრაინიდან, სვამდნენ ფეტვის არაყს და აკეთებდნენ სხვა-და-სხვა საქმეს, თუ რამ სამუშაო გამოჩნდებოდა ციხეში.

დესპანმა ვერ დაიძინა: იმდენად იყო გაყენთილი ჰაერი ავის სუნით ცხენის ტყავებისაგან, რომლისასაც ქამრებსა და შოლტებს აკეთებდნენ. მეორე დღეს, დაჰკრეს თუ არა დილის განგაში, დესპანმა კაცი გაჰგზავნა ციხე-დარბაზში და შეუთვალა, რომ თავადის ელჩი მოვედი და გთხოვთ მიმილოთო. გროძიცი, რომელსაც კარგად ახსოვდა ჯერ ისევ თავადის აქ მოსვლა რამდენისამე წლის წინად, თვითონ გამოეგება დესპანსა. გროძიცი იყო ესე ორმოც და ათის წლის კაცი, ციკლოპით ცალ-თვალა, განადირებული მარტო ყოფნივთ ქვეყნის განაპირას, გაამპარტავნებული თვისის განუსაზღვრელის ბატონობითა. მისი სახე ამას გარდა ყვავილისაგან იყო დაკენკილი და თათრის ხმლისა და ისრისაგან დასერილ-ნიშანდებული. კუშტი და სასტიკი მხელარ-მეომარი იყო, ყურ-მანვილი, რო-

გორც წერო და თვალი სულ თათრებისა და ყაზახებისაქენ ექირა. სვამდა მარტო წყალს, შვიდს საათზედ მეტი არ ეძინა დღე და ღამეში, რამდენჯერმე წამოხტებოდა ლოგინიდან, ათვალეირებდა, ფხიზლად ჰდარაჯობენ ციხე დარბაზის გაღავენს დარაჯნი თუ არაო და მცირეოდენის დანაშაულისათვის სიკვდილით დასჯის მსჯავრსა სდებდა ბრალეულს. ყოვლად საშიში და შეუბრალებელი იყო ყაზახთათვის, მაგრამ მაინც დიდი პატივის-ცემა ჰქონდა დამსახურებული მათ შორის. როცა ზამთრობით სეჩს შიმშილი ეწვეოდა, ის უგზავნიდა იქ პურს და მშეულთ. ჩამომავლობით რუსინი იყო და ლიანცკორონსკისა და სამუელ სბოროვსკისა ჰგვანდა ხასიათებით.

— მაშ თქვენ სეჩს მიღიხართ? — დაუწყო გამოაკითხვა სქშეტუსკის ხანში შესულმა ციხის უფროსმა კარგის გამასპინძლების შემდეგ.

— სეჩს გიახლებით. ღეთის-გულისათვის, მიბრძანეთ, რა ამბები მოდის იქიდან?

— ომის ამბები! კაშევი ატამანმა მოუწოდა ხალხს ყოველ მხრიდან, საცა კი ვინ იყო. უკრაინიდან სულ გროვა-გროვად მირბიან იქ... ვაბრკოლებ, რასაკვირველია, იმათს იქ წასვლას, რამდენადაც შემიძლიან. ეხლა იქ ოც და ათი ათასამე ჯარი იქმნება, თუ არ მეტი. თუ უკრაინისაქენ წავიდნენ და მდაბიო ხალხი და ქალაქ ადგილების ყაზახნიც მიემატენ, ასი ათასამდე მოიყრის ჯარი თავსა.

— ხმელნიცკი სადლაა?

— ხმელნიცკი ყირიმშია და ყოველ-დღე მოელიან თათრებითა. იქნება მოვიდა კიდევ. სწორედ რომ ვსთქვათ, ან კი რაღა საჭიროა თქვენი სეჩს წასვლა? სულ ერთი არ არის, აქაცა ჰნახეთ, მალე თავს დაგვიკრავენ: ამ კულაკს ხომ ვერ ასცდებიან.

— ციხის იმედი გაქვთ? გავიმაგრებთ?

გროძიციმ ნაღვლიანად შეჰხედა დესპანს და გულ-დამშვიდებით უპასუხა:

— ვერა, ვერ გავიმაგრებ.

— როგორ თუ ვერა?

— ტყვია-წამალი არა მაქვს. ოცს ნაფხელ მეტი გავგზავნე, ცოტა მაინც გამომიგზავნეთ-მეთქი, მაგრამ არ მიგზავნიან. არ ვიცი, შიკრიკნი შეიპყრეს, თუ არ ვიცი, თვითონაც არა აქვთ; ვიცი მხოლოდ, რომ აქამდე არ მიგზავნიან. ორს კვირას მეყოფა და მეტი კი აღარა მაქვს. ოჰ, მეტი რომ მქონოდა, უმაღლ ავაფეთქებდი კულაკს და მეც თან ავყვებოდი ჰაერში, ვიღრე ყაზახებს ჩაუფლებდი ხელში! ნაბრძანები მაქვს, იდექ მანდაო და მეცა ვლდეგეარ; ნაბრძანები მაქვს, თვალ-ყური გექიროსო და მეც თვალ-ყური მიქირავს, ნაბრძანები მაქვს, იღრინებოდეთ და მეც ვიღრინები; ხოლო თუ სიკვდილი იქმნა საქირო, სიკვდილსაც არ გავეცქევი.

— თქვენ თვითონ კი არ შეგიძლიანთ წამალი გააკეთოთ?

— აგერ ორი თვეა, იმიერ-ქორომელებმა გვარჯილა აღარ მომატაინეს შავის ზღვის მხრიდან. ჯანაბას, დავილუპები და დავილუპო!

— ჩვენგან კი ჰკუა არ გესწავლებათ ხნიერ მეომართ, მაგრამ თვითონ თქვენ რომ წასულიყავით ტყვია-წამლისათვის?

— ჰანსქშეტუსკი, მე კულაკს თავს ვერ დავანებებ და არც შემიძლიან მისი თავდანებება: აქა ვსცოცხლობდი, დაე სიკვდილმაც აქ მომასწროს. თქვენც ნუ გეგონებათ, რომ მიდინხართ სანადიმოდ, როგორც სხვა ქვეყნებში მიდიან ხოლმე ელჩნი; ნუ გეგონებათ, რომ თქვენს უფლებლობას დაიცავს თქვენი ღირსება ელჩისა. ისინი თავიანთ ატამანებსაც კი ჰხოცავენ... მას აქედ, რაც მე აქა ვარ, ჯერ არ მახსოვს, რომ რომელიმე მათ შორის თავისით მომკედარიყოს. თქვენც ისევე მოგკლავენ.

სქშეტუსკი ხმას არ იღებდა.

— ვხედავ, რომ თქვენი გამბედაობა სუსტდება. სჯობიან, რომ არ წახვიდეთ.

— ბატონო ციხის უფროსო, — ანთო დესპანი, — მოიფიქრეთ სხვა-რამ უფრო საშინელი ჩემდა შესაშინებლად, ეგ კი ათასჯერაც გავიგონე. მიჩჩევთ, რომ არ წავიდე! დიალაც, თქვენ რომ იყოთ ჩემს ალაგას, არ წახვიდოდით... ან კი მარტო ტყვია-

წამალი გაკლიათ ვითომ კუდაკის დასაცველად? აბა, დაფიქრ-
ლით, ვაქაცობაც ხომ არ გაკლიათ?

გროძიკი არამც თუ არ გაწყრა, უფრო აღერსით შე-
ჭხელა თვისსა მოსაუბრეს.

— კარგი ღრენა გცოდნია!—წაიბუტბუტა მან რუსუ-
ლად.—მომიტვეთ. თქვენი ლაპარაკი მარწმუნებს, რომ შეი-
ძლებთ დაიცვათ ღირსება თავადისა და თქვენის აზნაურშვი-
ლობისა. რახან აგრეა, მოგცემთ ორ ვიწრო ნავს, რადგან თარ-
თო ნავეები იქ არ ივარგებს.

— მეც სწორედ მაგისტვის გიახელი, რომ ეგ ნავეები მე-
თხოვნა.

— კაცი-ჭამიას ახლო უბრძანეთ, რომ ხელით გადიტანონ,
რადგან, რაც უნდა წყალ-ღირღობა იყოს, იქ ნავი ვერ გაივლის...
თუ სულ პაწია არ არის. ხოლო როცა ქორომებს გასცდებით,
ძლიერ გაფრთხილდით და განსოვდეთ, რომ იქ ხანჯალი და
რკინა უფრო მქვერმეტყველია, ვიდრე სიტყვა, იქ აფასებენ
მხოლოდ გამბედაობასა და ვაქაცობას. ნაგები ხვალ იქნება
მზად; ვუბრძანებ მხოლოდ, რომ მეორე საქეც გაუკეთონ, რად-
გან ქორომების გამო ერთი საქე არა კმარა.

ამ ლაპარაკს შემდეგ გროძიკიმ წაიყვანა დესპანი ციხის
დასათვალიერებლად. ყველგან მეფობდა გასაოცარი წესი და
რიგი. დარაჯნი ღლისით და ღამით გალავანს ჰდარაჯობდნენ,
ხოლო თათართა ტყვენი განუწყვეტლივ აგებდნენ ახალ-ახალ
გორებს და იღებდნენ თხრილებს.

კუდაკი შეუვალი ციხეა; ზარბაზნებს გარდა, ამ ციხეს
იცვამს ღნებრის ღურღუმელა მორევი და ციცაბო სანაპირო
კლდენი; აქ საჭირო არც კია რიცხვ-მრავალი ჯარი მეციხოვ-
ნეთა. იმიტომ ამ ციხე-დარბაზში 600 კაცზედ მეტი არ იყო,
მაგრამ ვინც იყვნენ, სულ რჩეულნი, ერთი-ერთმანეთზედ უკე-
თესნი, შეიარაღებულნი ჯაზირები^{თა} და ხირიმებითა. ღნე-
პრი ამ ალაგას ისე იყო შევიწროებული, რომ ერთის ნაპირი-
დან ისარი გაგეტყუარცათ, მეორე ნაპირს უწევდა. ციხის ზარ-
ბაზნები ჰბატონობდა ორივე ნაპირსა და მთლად გარემო მილა-

მოსა. ამას გარდა, ციხეს ახლო ამოსული იყო კოშკი, საიდანაც სჩანდა რვა მილის მანძილზედ მთელი არე-მარე. დარაჯნი, რომელნიც იქ იყვნენ, მაშინვე აცნობებდნენ ხოლმე ციხეში ყოველთვის, თუ რომელიმე საეჭვო ბრბო გაჩნდებოდა საიდანმე. და მაშინვე მთელი ჯარი მეციხეანეთა საომარ ფეხზედა სდგებოდა.

— კვირა არ გაეა, რომ ერთი რამ განგაში არ ატყდეს,— სთქვა პან გროდიციმ.— ხან თათარნი, თითქო ხროვანა მგლები-საო, დაგროვდებიან არა იშვიათად ათასობითა და მოგვიახლოვდებიან (რამდენადაც შესაძლოა, ზარბაზნებით ვიგერიებთ), ხან ისე მოხდება ხოლმე, რომ გარეულ ცხენების ჯოგი დარაჯს თათრების ურდოდ მოეჩვენება ხოლმე და ატყდება კვლავ ცემა განგაშისა.

— მერე არ მოგწყინდებათ ხოლმე ასეთს უკაცურობაში!— ჰკითხა პან სქშეტუსკიმ.

— ჩემს სამყოფელს სამეფო პალატებზედაც არ გავცვლი. აქედან უფრო ბევრს რასმესა ვხედავ, ვიდრე მეფე თავის სარკმლიდან ვარშაფში.

მართლაც, თხრილებიდან განუზომელი მინდორი სჩანდა, მთელი ზღვა უდაბნოსი; ჩრდილოდ სამარის შესართავი, სამხრეთად— დნებრი თვისის კლდეებითა, ღრანტეებითა, ტყეებითა თვით მეორე ქორომამდე, სურსკის ქორომამდე.

მეორე დღეს უნდა გასულიყო დესპანი კუდაკიდან, მაგრამ იმ ღამეს ძილი არ მიჰკარებია თვალგებზედ. სამწუხარო ფიქრები ზედ-ესეოდა და ეჯარებოდა იმის გონებას. საშინელს სეჩს წასვლა თითქმის აუცილებელს სიკვდილს უქადოდა. სიცოცხლე კი იმდენს სიამოვნებას ჰპირდებოდა! ყმაწვილი იყო, ახალგაზდა ქალს უყვარდა, ბოლოს კიდევ კავშირი მოელოდა თავის სულის-დგმასთან... მაგრამ რა არის განა სიცოცხლე და სიყვარული სახელსა და პატიოსნებასთან შედარებით? აქ მოაგონდა, რომ ელენე რაზლოგში ელოდა, მოუსვენრობაში იყო მის გულისთვის... მოაგონდა ბოგუნი... ნადირ-ქმნილი, გამძვინვარებული ბრბო... და გული შეეხუთა ტკივილისა.

გან. ახლა მინდორი აშრა, შეიძლებაოდა ლუბნს წაყვანა ელენესი, მე კი ვუბრძანე იმასაცა და კნენისაც, რაზლოგში მიცადეთ-მეთქი. რა ვიცოდი, რომ ქარი ასე მალე ამოვარდებოდა, რომ სეჩს წასვლა ასე საშიში იქმნებოდა? სქშეტუსკი ბოლთასა სცემდა ოთახში გაცეცხლებული, იგრებდა წვერ-ულვაშს და იმტვრევდა ხელებს. რა ვქნა, როგორ მოვიქცეო? ფიქრი და გონება უთვალისწინებდა რაზლოგს, რომელსაც ვითომ ცეცხლი უკიდია და გარს ახვევია გახელებული, ნადირივით მგვრგვინავი ურღო, საცა კაცნი უფრო ეშმაკსა და ქაჯებსა ჰგვანან, ვიდრე ადამიანთ. მისი ფეხის-ხმა სევდიანად გაისმოდა ოთახის ქერ-ქვეშ და იმას კი ეგონა, რომ აგერ უკვე მოდიან ელენეს წასაყვანადაო. გალავანზედ განგაში დაჰკრეს და აუწყეს ყველას, სანათი გააქრეთო და იმას კი მოეჩვენა, რომ ვითომ ეგ ხმა ბოგუნის საყვირის ხმააო... და სქშეტუსკიმ კბილები დააკრაქუნა და ხელი ხმალს იტაცა. ეჰ, რა მრჯოდა, რაზედ ავიხირე გიჟივით, უთუოდ მე გამგზავნეთ ბიხოვეცის მაგივრად იმ წყეულ ქვეყანაში-მეთქი?!

კარებთან იწვა ენძიანი, რომელმაც შეპნიშნა ესა, ადგა, მოიფშენიტა თვალეები, აანთო ჩირალი, რომელიც იქვე იდგა და დაიწყო თვითონაც ბოლთის ცემა ოთახში, იქნება ჰემმა ბატონმა ყურადღება მომაქციოსო.

მაგრამ ის ისე იყო შთანთქმული თავის ნაღვლიანის ფიქრებით, რომ ვერასა ჰხედავდა და კვლავ განაგრძობდა თვის სეირნობას კედლიდან-კედლამდე.

— ბატონო დესპანო, ჰაი ბატონო დესპანო! — სთქვა ენძიანმა.

სქშეტუსკიმ შეჰხედა გამოშტერებულის თვალეებით და მალე მოვიდა გონებაზედ.

— ენძიან, სიკედლისა გეშინიან? — ჰკითხა მან.

— ვისა? რა? რა სიკედლისა? რასა ბრძანებთ?

— იმ სიკედლისა, რომ ვინც სეჩს მიდის, უკან ველარა ბრუნდება.

— მაშ თქვენ რაღად მიდიხართ, თუ მაგრეა?

— ეგ ჩემი საქმეა და შენ ჩემს საქმეში ნუ ერევი. მე შენ მეცოდები: შენ თითქმის ბავშვი ხარ და, თუმცა გაიძვერაობა დიდი გაქვს, მაინც იქ მარტო გაიძვერაობით ვერას გააჩიდი, დაბრუნდი ჩიგირინს და იქიდან ლუბნს.

ქენძიანი თავის ფხანას მოჰყვა.

— უნდა მოგახსენოთ, რომ სიკვდილისა არ მეშინიან, იმიტომ რომ სიკვდილისა რომ მეშინოდეს, ღვთის შიში აღარ მექმნებოდა: მისი ნებაა! ხოლო თუ თქვენ თქვენის ნება-ყოფლობით მიდინხართ სასიკვდილოდ, მეც თავს არ დაგანებებთ: მეც აზნაურშვილი ვარ, მართალია, ღარიბი, მაგრამ მაინც აზნაურშვილი.

— ვიცოდი, რომ კეთილი ბიჭი იყავ და აი რა უნდა გითხრა: თუ შენის ნებით არ გინდა წახვიდე, ბრძანებით გაგზავნი. სხვაფრივ შეუძლებელია.

— გინდა მომკალით არ წავალ. რაო, იუდა ხომ არა ვარ, რომ სასიკვდილოდ გაგიმეტოთ?

ქენძიანმა მიიჟარა ხელები თვალებზედ და ქვითინი დაიწყო. პან სქემეტუსკი მიხედა, რომ ასე არა გარიგდებოდა-რა, ხოლო არც ის უნდოდა, რომ ყვირილი დაეწყო ახალგაზღვასათვის.

— გამიგონე, — ტკბილად უთხრა, — შემწეობას ვერას აღმომიჩენ და არც მე დავნებდები ვისმე ტყუილად. შენ წაილე წერილი რაზლოგს, — წერილი, რომელზედაც ჩემი ბედია დამოკიდებული. ეტყვი იქ კნენასა და თავადებს, რომ იმ წამსვე დაუყოვნებლივ გადიყვანონ პანა ლუბნს, თორემ ომიანობა და შიშინანობა უცბად მოგასწრებთ-თქო. ეცადე, ყოველივე ასე შესრულდეს. ისეთს მონდობილებას გაძლე, რომელიც მეგობარს შეეფერება და არა მსახურსა და მხლებელს.

— სხვა გაგზავნეთ ვინმე; წიგნს ყველა წაიღებს.

— ვის უნდა ვენდო მერე აქ? გაგიჟდი! გიმეორებ, გადა-მარჩინე მეორედ სიკვდილს და იცოდე, რომ ამაზედ უკეთესს სამსახურს სხვას ვერ გამიწევ, იმიტომ რომ ვიტანჯები, რაკი არ ვიცი, რა ამბავია იქ.

— ღმერთმანი, ვხედავ, რომ საჭიროა ჩემი წასვლა! მხოლოდ თქვენ მენანებით ისრე, რომ ისიც კი არ მანუგეშებდა, თუნდა ვერცხლის ქამარიც გეჩუქებინათ.

— ქამარი მიჩუქებია, მხოლოდ ყოველივე რიგიანად შეასრულე.

— არ მინდა ქამარი, ოღონდ კი შენთან წამოვიდოდე.

— ხეალ გაჰყვები იმ ნავეს, რომელსაც პან გროძიკი ჰგზავნის ჩიგირინს, შემდეგ იქიდან იმ წამსვე რაზლოგს გასწიე, ისე რომ არსად დაყოვნდე. ნურც კნენას, ნურც პანნას ნუ ეტყვი, რა შიშიც მომელის, მხოლოდ სთხოვე, რომ დაუყოვნებლივ წავიდნენ ლუბნს, თუნდა ცხენებითაც იყოს და უბარგი ბარხანოდ. აჰა ქისა საგზაოდ და წერილსაც ეხლავე დავწერ.

ენძიანმა დაიჩოქა და ფეხებში ჩაუვარდა დესპანს.

— ოჰ, ბატონო დესპანო, ნუ თუ ველარას დროს ველარა ვნახავთ ერთმანეთსა?

— როგორც ღვთის ნება იქნება, როგორც ღვთისა! — უპასუხა პან სქშეტუსკიმ. — მხოლოდ რაზლოგში არა შეამჩნევინო-რა. ახლა წადი და დაიძინე.

ლამის დანარჩენი დრო პან სქშეტუსკიმ წერილების წერასა და მხურვალე ლოცვაში გაატარა და, ცოტა არ იყოს, გული დაუმშვიდდა. ღამე გავიდა და ვიწრო სარკმლიდან განთიადის სხივი შემოიპარა.

კოშკსა და ციხე-დარბაზში დაჰკრეს განგაში, იმის ნიშნად, რომ, აბა, წამოდექითო.

აი პან გროძიკიც შემოვიდა სქშეტუსკის ოთახში.

— პან დესპანო, ნავეები მზად არის.

— მეც მზადა ვარ, — გულ-დამშვიდებითა სთქვა სქშეტუსკიმ.



სუბუქი ნავეები სწრაფად მისრიალებდნენ წყალ-წყალ და მიჰყვანდათ თან ახალგაზდა რაინდი თვისის ბედის-საწერელი-

თურთ. რადგან წყალ-დიდობა იყო, ქორომებიც ისე ძრიელ საშიში არ იყო. ჩვენი მგზავრნი გასცდნენ სურსკისა და ლოხანის ქორომს, იღბლიანმა ტალღამ გადააქანა ისინი ვორონოვს იქით და მხოლოდ ერთგან გაეხახუნა ოდნავ წყალ-ქვეშს კლდეს ძირი ნავისა; საქმე კარგად მიდიოდა, მაგრამ აი გამოჩნდა კარგა შორს მანძილზედ აქაფებული ქოჩქოჩანა კაცი-ჭამია უმაძლარასი. ახლა კი უნდა გასულიყვნენ ნაპირას და ნავებიც თან წაეღოთ ხმელეთად. ეს საქმე კარგა სამძიმო საქმე იყო, თითქმის ერთის ღლის საკმაო. ბედად ცოტა წინად ვილაკას ეთრია ამ გვარადვე ნავები და მრავლად დაეტოვებინა გზა-გზა ხუნდები, რომელიც უნდა შესწყობოდა ქვეშ ნავებს, რათა უფრო სწრაფად ესრიალებინათ დედა-მიწაზედ. გარშემო არსად ადამიანის ქაქანება არ იყო, არც დედა-მიწაზედა და არც წყალზედ; სეჩს წასვლა შეეძლოთ მხოლოდ იმ ნავებით, რომელიც პან გროძიკის მიერ იყო დასტურ-დაცემული; ხოლო მან განგებ მოჰკვეთა იმიერ-ქორომეთი დანარჩენს ქვეყნიერებას. დუმილს არღვევდა მხოლოდ შუილი ტალღებისა, რომელიც ეხეთქებოდა უმაძლარას კლდეებს. პან სქშეტუსკიმ უბრძანა თავისს კაცებს ეთრიათ ნავები, ხოლო თვითონ სტკებოდა უცნაურის, განსაცვიფრებელის სურათით. მთლად მდინარის გარდი-გარდმო შვიდ წრედ იყო ჯებირებივით გადახარხინებული შავი კლდეები. მთელი მდინარე მთელის თვისის ძალითა ეხეთქებოდა ამ ჯებირებს, ილეწებოდა და გამძვინვარებული, თეთრად ქეჩო-აშვებული, სცდილობდა თავს გადავლებოდა ამ კლდოვან ხარხებს. მაგრამ კვლავ ძლეული და ოტებული, თითქო ღრღნიდა კლდეებს, სდგებოდა ყალბზედ, ისეროდა მალლა შადრეფანივით წყალს და ღმუოდა, ღრიალებდა, როგორც მხეცი, ნადირი. მერე გაისმოდა გვრგვინვა-ქუხილი, თითქო ათასი ზარბაზანი ერთად გაისროლესო და თითოეულ ჯებირთან იწყებოდა კვლავ იგივე ბრძოლა, იგივე გაშმაგება. წყალზედ გადაჰფრინდნენ გუნდნი შეშინებულ ფრინველთა; ჯებირებ შუა თავი ამოეყოთ განმარტოებულ, თავპირ ჩამოზნელებულ კლდეებს, თითქო ბოროტნი სულნი არიან და ჯოჯოხეთის შესავალს კარსა ჰდარაჯობენო.

ბატონის დესპანის კაცები შეშინებულნი იწერდნენ პირჯვარს და აფრთხილებდნენ უფროსს, მეტის-მეტად ახლო არ მიხვადეთ წყლის ნაპირადაო. მდაბიო ხალხსა სწამდა, რომ ვინც დიდხანს უტკერის უმადლარას, საშინელს რასმე დაინახავს და ჭკუაზედ შეიშლებაო; ამბობდნენ აგრედვე, რომ ხან და ხან ქოჩქოჩანიდან ამოიწვდის ხოლმე ვილაც აღქაჯი გრძელს შავს ხელებს და ჰხვევს გაუფრთხილებელს, რომელიც მეტის-მეტად მიახლოვებია ნაპირსა და ამასთანავე მთლად მიდამოთა შორის ისმის საშინელი ხარხარო. ღამ-ღამობით იმიერ-ქორომელინიც კი ვერა ჰბედავდნენ ნავების გადატანას ნაპირ-ნაპირ.

ქვემოურნი თვისთა ძმობაში არ იღებდნენ იმას, ვისაც მარტოდ-მარტო, სხვის დაუხმარებლად, ნავით არ გაეარნა ყველა ქორომნი უმადლარას გარდა. უმადლარას ქორომზედ გადასკლა შეუძლებელ საქმედ იყო მიჩნეული, რადგან მისს კლდეებს თავის დღეში წყალი არ დაჰფარავდა ხოლმე. მარტო ბოგუნისას ამბობდნენ უსინათლო მეფანტურენი, რომ ვითომ ის გადასრიალდა უმადლარის ქორომებზედაცაო, მაგრამ ეს ამბავინაკლებდა სწამდათ.

ნავების თრევასა და ვაი-ვაგლახს თითქმის მთელი დღე მოუწოდნენ; მზე ჩასავალს იყო, როცა დესპანი კვლავ ჩაჯდა თავისს ნავში; შემდეგი ქორომები აღვილად განვლეს და მიღწიეს მდინარის იმ ნაწილს, საცა წყალი მდორედ და აუჩქარებლად მიდუღუნებდა.

აი ის ახალშენიცა, საცა თავადმა ბრძანა აეგოთ კოშკი ყორესი. აქედან სეჩამდე სულ ახლო-ლა იყო, მაგრამ დესპანს არ უნდოდა ღამე შესულიყო ჩერტომელიკის მღვიმე მდაროებში და ამიტომ გადასწყვიტა, ამ ღამეს ხორტიცს გავათენებო.

ძრიელ უნდოდა ერთი იმიერ-ქორომელი მაინც ენახა და იმის პირით გაეგებინებინა, რომ სეჩსა სცოდნოდა, მოვიდა ელჩი და არა სხვა ვინმეო. მაგრამ ხორტიცა სულ დაცარიელებული იყო, რამაც ძალიან გააკვირვა დესპანი; გროძიციკისაგანა ჰქონდა გაგონილი, რომ აქ მუდამ ყაზახთა რაზმი სდგას

ხოლომეო. პან სქუეტუსკი წაეადა კიდევ რამდენისამე კაცით იქაურობის დასათვალიერებლად, მაგრამ მთელის კუნძულის მიმოვლა ძნელი იყო და ამიტომ უკანვე დაბრუნდა, საცა ნავეები ნაპირას გამოეთრიათ; მით უმეტეს რომ ღამდებოდა და ღამე ბნელი და ცივი სჩანდა.

ღამის უმეტესმა ნაწილმა მშვიდობით გაიარა. ჯარის-კაცებმა და მენავეებმა ცეცხლა-პირას დაიძინეს; არ ეძინათ მხოლოდ დარაჯებსა და თვით დესპანს, რომელსაც უძილობა საშინლად აწუხებდა, ჯერ ისევ კუდაკიდანვე დაწყებული. საზოგადოდ ძალიან აეს გუნებაზედ იყო და ცუდადა ჰგრძობდა თავს. ხან და ხან მოეჩვენებოდა ხოლომე, რომ ვითომ ვილაკას ფეხის ხმა მესმისო, ან ვილაკ კაცების ხმაურობააო, მაგრამ ყოველსავე ამას ყურთა სმენის ცდუნებას აწერდა.

უცებ, ზედ განთიადის წინად, მის წინაშე აიყუდა ვილაკ კაცის ლანდი. ეს კაცი ერთ-ერთი დარაჯთაგანი იყო.

— ბატონო დესპანო, მოდიან! — საჩქაროდ წარმოსთქვა მან.

— ვინა?

— ალბად, ქვემოურნი არიან, ორმოცამდე კაცი იქნება.

— კარგი. ბევრნი არა ყოფილან. დააღვიძეთ ხალხი! ცეცხლს შეშა მიუმატეთ! ჯარის-კაცნი უცბად წამოიშალნენ. ცეცხლი სწრაფად აინთო და გაანათა ნავებიცა და დესპანის ერთი მუჟა ხალხიცა. დანარჩენნი დარაჯნიც ჰგროვდებოდნენ თავ-შესაფარებელ ადგილსა.

ამ დროს მომავალ ხალხის ფეხის ხმა უფრო და უფრო ცხადად ისმოდა. აი გაჩერდნენ ისინი პატარა მოშორებით და ვილაკაც იკითხა, ცოტა არ იყოს, მუჟარის კილოთი:

— ვინ არის აქ, წყლის ნაპირად?

— თქვენ ვინ-ღა ხართ? — შეუბრუნა სიტყვა ვახმისტრმა.

— მიპასუხე, მტრის ნასხლეტო, თორემ თოფითა გკითხავ, ვინცა ხარ!

— ელჩი, გამოგზავნილი თავად ერემია ვისნევეცკისაგან კაშევოი ატამანთან, — ხმა-მალლა და მკაფიოდ წარმოსთქვა ვახმისტრმა.

ის ხალხი ჩაჩუმდა; სჩანდა, თათბირობდნენ.

— მოდი აქ!—დაიძახა ვახმისტრმა. ნუ გეშინიან. ელჩებს ხელს არავინ ახლებს და არც ელჩნი ახლებენ ხელს.

სიბნელიდან გამომართოვდა და მოახლოვდა რამდენიმე კაცი. შეგვერემანს სახეზედ, დაბალ ტანადობასა და ელამ თვალზედ დესპანმა მაშინვე იცნო, რომ თათრები იყვნენ; ყაზახნი სულ ორიოდ-სამიოდე კაცი იყო.

პან სქშეტუსკის ელვასავით გაურბინა თავში იმ აზრმა, რომ თუ თათრები უკვე ხორტიცში არიან, მაშ სჩანს ხმელნიცკი დაბრუნებულია ყირიმიდანაო.

ბრბოს ჰმეთაურობდა უზარ-მაზარის ტანის იმიერ-ქორომელი, რომელსაც საშინელი და სისხლის-მსმელის კაცის სახე ჰქონდა. პირველი ის მივიდა ცეცხლთან.

— აბა რომელია აქ ელჩი?

იმიერ-ქორომელს არაყის სუნი ამოსდიოდა ჰირიდან, ცხადად სჩანდა, რომ მთვრალი იყო.

— ვინ არის აქ ელჩი?—გაიმეორა მან.

— მე ვარ,—ამაყადა სთქვა პან სქშეტუსკიმ.

— შენა?

— პატარა თავაზიანად ილაპარაკე, სულელო, — გაუსწორა სიტყვა ვახმისტრმა.—სთქვი: წარჩინებული ბატონი ელჩითქო!

— დაიკარგენით თქვენცა და თქვენი წარჩინებულობაცა! რაში გინდათ ატამანი?

— ეგ შენი საქმე არ არის! იცოდე მხოლოდ, რომ თავი აღარ შეგრჩება მხრებზედ, თუ საჩქაროდ ატამანთან არ მიგვაცილებ.

ამ დროს ბრბოდან გამომართოვდა მეორე იმიერ-ქორომელი.

— ჩვენ ატამანის ნებითა ვართ აქა,—სთქვა მან,—თვალყური გვიჭირავს, რომ ლიახთაგანი არავინ მოუახლოვდეს აქაურობას და, თუ მოუახლოვდა ვინმე, უნდა შევეკრათ და წარვუდგინოთ. ჩვენც ასე ვიზამთ.

— ვინც ნება-ყოფლობით მიდის, იმას რაღა შეეკრა უნდა?

— შევკრავ; ასეა ბრძანება.

— იცი, მერე; მონავ, რა არის ელჩი? იცი, ვისი წარმო-
მადგენელია?

— წავათრევთ ელჩსა და მერე როგორ, სულ წვერის გლე-
ჯით—ასე აი!—შეჭლიალა ხნიერმა ახმახმა.

სთქვა ესა და ხელი გაიწოდა დესპანის წვერისაკენ, მაგ-
რამ იმ წუთსავე დაიკვნესა და, როგორც მეხ-დაცემულს, ისე
გახდა მიწაზედ ბრახვანი.

დესპანმა თავი ზედ შუაზედ გაუპო.

— დაჰკათ, დაჰკათ!—დაიგრიალა მთელმა ბრბომ.

თავადის ჯარის კაცნი მიეშველნენ. თვისს წინამძღვარს;
ყვირილი: „დაჰკა, დაჰკაო“ შეუერთდა რკინის ჯახა-ჯუხს. გა-
ცხარდა ბრძოლა. ცეცხლი ფეხით გასთელეს და გააქრეს; სი-
ბნელემ მოიტვა მეომარნი. მალე მებრძოლნი ისე მიეტრინენ
ერთმანეთს, რომ დაშნა-ხმლები მაგიერ ფეხითა, ხელებითა და
კბილებით ჰმჩქმელდობდნენ.

უცბად კუნძულის სიღრმიდან მოისმა სხვა ყვირილი და
ყიჟინი; ეს იმისი ნიშანი იყო, რომ იმიერ-ქორომელთა საშვე-
ლად ახლა სხვანი მოდიოდნენ.

ერთი წუთიცა და შველა დაგვიანებულთა იქნებოდა,
ისე ყოჩაღად იბრძოდნენ თავადის ჯარის კაცნი.

— ჩასხელით ნავებში!—გრგვინვასავით დაიქექა დესპანმა.

მაგრამ ვაი რომ ნავები ღრმად ჩაქედლიყო ქვიშაში და
ძნელი-ღა გახდა მათი ჩაშვება წყალში. მტერი კი სულ ახლო
და ახლო მოდიოდა.

— დასცალეთ თოფები!—უბრძანა პან სქშეტუსკიმ.

დაიგრიალეს ჯაზიერებმა და უცბად გააოგნეს ზედ-მო-
სეულნი. თოფების გრიალზედ აირივნენ და უწეს-ურიგოდ დაი-
წიეს უკან. რამდენიმე კაცი იქვე დაეცა გაგუდული.

ამ დროს მენავენი ყოველის ღონისძიებითა სცდილობ-
დნენ თავისას, მაგრამ ნავებს პირჯვარი ვერ დააწერინეს და
წყლამდე ვერ მიიტანეს.

მტერმა კვლავ მოიტანა იერიში, თუმცა კი შორიდან. თო-
ფის სროლის ხმა შვერია ისართა ზუზუნსა და დაქრილ დაკო-
დილთა კენესასა.

თათრები ჰყვიროდნენ „აღლაჰ!“-ო და საომრად იფიც-ხებდნენ გულს, ხოლო იმათ ბანს აძლევდა დამშვიდებული. ხმა პან სქშეტუსკისა, რომელიც უფრო და უფრო ხშირ-ხშირად აძლევდა ბრძანებას:

— თოფი მაგათაო!

განთიადის პირველმა სხივმა გაანათა ადგილი ბრძოლისა. ხმელეთის მხრივ სჩანდა ბრბო თათრებისა და ყაზახებისა, მდინარის მხრივ—ორი ნაფი, საიდანაც ხან-დახმით იგრიალებდა ხოლმე თოფები. შუაგულას ეყარნენ გემანი დახოცილთა.

ერთ-ერთს ნაფში იღვა პან სქშეტუსკი ამოწვდილის დაშნით ხელში და უქუდია: თათრის ისარს მოეგლიჯნა მისის თავიდან ქული.

— ბატონო დესპანო, ვერ გავეუმაგრდებით; ისინი ჩვენზედ ბევრნი არიან! უჩუროხულა ვახმისტრმა.

ხოლო დესპანი მხოლოდ ერთის აზრით იყო ახლა ჩან-თქმული: არ გამიწყრეს ღმერთი და არ შეველახო ჩემი ღირსებაო და, თუ სიკვდილი მიწერია, მოგვკდე არა-ნაძრახის სიკვდილითაო. ჯარის-კაცებმა ააყუდეს ტომრები, რომელშიც სასმელ-საქმელი იყო, და საფრებივით გაიკეთეს; იქიდან აძლევდნენ ზარალს მტერსა; მარტო ის იღვა გამოჭიმული და არაფერი არა ჰჟარავდა ტყვიისაგან.

— კარგი! დავიხოცნეთ ყველანი უკანასკნელ კაცამდე;

— დავიხოცნეთ, ბატონო!—შესძახეს ჯარის კაცებმა.

— დასცალეთ თოფები!

ნაფებს კვლავ ბოლი შემოეხვია. კუნძულის შუა-გულ ადგილებიდან ნელ-ნელა მოდიოდნენ ახლა კიდევ სხენი, შეიარაღებულნი შუბებით და ცელებით. ზედ-მოსეულნი ორ დასად განიყენენ: ერთი თოფებს ისროდა, ხოლო მეორე, ესე ორასამდე ყაზახობა და თათრობა, ელოდა მარჯვე დროს, რომ ხელ-ჩართული ბრძოლა დაეწყო. ამ დროსვე, კუნძულის ყურეებიდან წამოვიდა ოთხი ნაფი, რომელიც აქედ-იქიდან უნდა შემორტყმოდა დესპანს.

ძალზედ გათენდა. მხოლოდ თოფის-წამლის ბოლი ტრიალებდა დამშვიდებულს ჰაერში და ამიტომ კარგად არა სჩანდა ადგილი ბრძოლისა.

დესპანმა უბრძანა ოცს ჯარის-კაცს, მიჰმართეთ იერიშით მოსულს ნავებსაო. თათრებისკენ თოფების სროლამ იკლო.

ისინიც ამას ელოდნენ.

ვახმისტრი კვლავ მიუახლოვდა დესპანს.

— ბატონო დესპანო, თათრები ხანჯლებს პირში იღებენ; ახლავე დაგვეცემიან თავს.

სამასი კაცი, ხმალ-ამოღებული, ხანჯლებით პირში, ემზადებოდნენ ხელ-ჩართულ იერიშისათვის. იმათვე ეშველებოდნენ რამდენიმე ცელით-შეიარაღებულნი იმიერ-ჭორომელნი.

იერიში უნდა მიეტანათ ყოველ მხრივ. ნავები უკვე ერთის თოფის სროლის მანძილზედ მიუახლოვდნენ. უცბად აქედ იქიდან ბოლმა მოიცვა დესპანის ნავები და ტყვია სეტყვისავით დაუშინეს. რამდენიმე წუთის შემდეგ ნახევარ-ხალხი გაწყდა, ხოლო მეორე ნახევარი იბრძოდა განწირულებით. პირისახე სულ გაჰმუროდათ ბოლითა, მკლავნი დაპლლოდათ, თვალთ უბნელდებოდათ, შიგ სისხლი მოსწოლოდათ, ჯახეირების ლულეები გაცხელებულიყო. თითქმის ყველანი დაჭრილნი იყვნენ. აი საზარელმა ყოყინამ მოიცვა არე-მარე. თათრები გადაერივნენ იერიშით.

თოფი-წამლის კვამლმა გადაიღო. როგორც სევანი დაახლებიან ხოლმე ცხენის ლეშს, ისე თათრები შემორტყმოდნენ გარშემო დესპანის ორს ნავს. გამხეცებული ბრბო სცემდა ყოყინას, ეტანებოდა, ეჯარებოდა და ესეოდა ჭიანჭველასავით ნავებს, აურ-ზაურობდა ერთმანეთ-შორის და იღუპებოდა. ერთი მუჟა ჯარის-კაცთა კიდევ ეწინააღმდეგებოდა, ხოლო ანძასთან იდგა პან სქშეტუსკი დასისხლიანებულის სახითა; მარცხენა მხარში ისარი ჩარჭობოდა, მაგრამ მაინც ჰხოცავდა მარჯვენე და მარცხნივ ყველას, ვინც კი მიეკარებოდა. კაცს ეგონებოდა, ზღაპართა მდევია, ბუმბერაზია ამ გარშემოხვეულთა შორისაო; მისი ხმალი ისე ისრრდა ნაპერწკლებს, თითქო ეღვავაო. ვახმისტრი და მეორე ჯარის კაცი აქედ-იქიდან უდგნენ, იფარავდნენ უფროსს და ყველა შიშითა და ძრწოლით იხვედა უკან ა) სამს კაცს რომ უყურებდა.

— ცოცხალი უნდა წარვეუდგინოთ ატამანსა! — ისმრდა ხმები აქედ-იქიდან. — დაგვენებლით!

ხოლო პან სქშეტუსკი მარტო ღმერთს დაჰწებდა. გაფითრდა, დატორტმანდა და დაეცა ძირს.

— მშვიდობით, ბატონო! — განწირულის ხმით დაიძახა ვახმისტრმა.

მაგრამ ერთს წუთს შემდეგ ისიც დაეცა. ავაზაკთა აუარებელმა ბრბომ გაავსო ორივე ნაღი დესპანისა.

XII.

პასან-ფაშის განაპირა უბანში, სეჩს, ურიადნიკის ქობში უსხდნენ სტოლს ორი იმიერ-ქორომელი და შეექცეოდნენ ფეტვის არაყს; არაყს იღებდნენ პატარა ხის ბოჭკიდან, რომელიც სტოლზედ ედგათ. ერთი იყო მოხუცი, ძალზედ დაჩაჩუნაკებული, ფალიპე ზაქარი, ურიადნიკი, ხოლო მეორე ანტონ ტატარჩუკი, ატამანი ჩაგირინის კურენისა, ესე ორმოცის წლის კაცი, მალა-მალალი, ღონიერი, განადირებულის ადამიანის შესახედობისა და აცა-ბაცა წასულ თათრულის თვალებითა. ორივენი ხმა დაბლა ლაპარაკობდნენ, თითქო ეშინიანთ, ყური არავენ დაგვიგდოსო.

— მაშ დღესა? — ჰკითხა ურიადნიკმა.

— თუნდ ამ წუთსვე, — უპასუხა ტატარჩუკმა. — ელიან მხოლოდ კაშევოისა და ტუღაი-ბეის, რომელიც თვით ხმელნიცკისთან ერთად წავიდა ბაზავლუქს; საცა ურდოა დაბანაკებული. ყაზახნი უკვე შეაკრიბნენ მოედანზედ, ხოლო კურენის ატამანები საღამოჟამზედ მოიყრიან თავს საათბიროდ. დაღამებისას ყველას ეცოდინება საქმის გარემოება.

— ჰმ! შესაძლოა, ძალიან ცუდი საქმე მოხდეს! — წაიზუტბუტა მოხუცმა ფილიპე ზაქარმა.

— გამიგონე, შენ იცი, რომ ჩემთვისაც მოეწერათ წერილი?

— ვიცი, მე თვითონ მიფუტანე წერილი კაშევოის და მე ხომ წერა-კითხვა ვიცი. პოლონელს სამი წერილი უპოვნეს. ერთი კაშევოისთან იყო, ერთი შენთან, მესამე ახალგაზდა ბარაბაშთან. მთელმა სეჩმა იცის ეს ამბავი.

— ვინ იწერებოდა, ის კი არ იცი?

— კაშევოის თავადი სწერდა: მისის ბექლით იყო დაბეჭდილი, თქვენ კი ვინა გწერდათ, ვგ არავინ იცის.

— ღმერთო, შენ დამიფარე.

— თუ პოლონელთა მეგობრად არა ხარ პირ-და-პირ და სახელებული იმ წერილში, ფიქრი არ არის.

— ღმერთო, შენ დამიფარე!—განიმეორა ტატარჩუკმა.

— გეტყობა, დანაშაული რამ მიგიძღვის.

— რა სათქმელია, არავითარი დანაშაულიც არ მიმიძღვის!

— იქნება კაშევოიმ სულ დაფხრიწოს ის წერილები, იმიტომ რომ იმსაც უჭირს საქმე... ხოლო თუ ფიქრი გაქვს რისამე, შეიძლება...

ურიადნიკმა ხმა უფრო დაუდაბლა:

— წადი!

— სადა და როგორ?— შეშფოთებითა სთქვა ტატარჩუკმა.— კაშევოიმ ყველა კუნძულზედ დარაჯნი დააყენა, რომ არავის არ შეეძლოს პოლონელებთან წავიდეს და შეატყობინოს რამე. ბაზავლუკს კიდევ თათრები სდგანან დარაჯად. თევზი ვერ წავა ცურვითა, ფრინველი ვერ გადავა ფრენითა.

— თვით სეჩში დაიმაღე, საცა შეიძლება.

— მიპოვნიან. შენ თუ დამმაღავ სადმე, თორემ... მერე ნათესავად მომხვდები.

— ღვიძლ ძმასაც ვერ დავმაღავ. ან აი რა გითხრა: თუ სიკვდილისა გეშინიან, დათვერი კარგად; მთვრალი ველარას იგრძნობ.

— იქნება. წერილებში საიმისო არაფერი სწერია?

— ეგეც შეიძლება...

— აი ხათაბალა! აი ხათაბალა!—იმეორებდა ტატარჩუკი.—ან კი რისა მემინიან. ნამდვილი ყაზახი ვარ, მტერი პოლონელებისა. წერილებშიც რომ არა ეწეროს რა, ეშმაკმა იცის, თვით ის პოლონელი რას იტყვის ბჭობაზედ! შეუძლიან სულთხორციით დამლუპოს.

— ბრაზიანი ღიახია; არაფერს არ იტყვის.

— იყავ დღეს იმასთანა?

— ვიყავ; წყლულსა და ქრილობაზედ კუბრი წავუსვი, ნაცარარეული არაყი ჩავასხი ყელში. მორჩება. პირ-გამეხებული ღიახია! ამბობენ, ვიდრე შეიპყრობდნენ, სულ ღორებივით აქყვიტინა თათრები ხორტიციანაო. ღიახისა ნურა გეფიქრება-რა.

საკაშევეოე მოედანზედ დაუწყეს ცემა ქვაბებსა. ტატარჩუკი, გაიგონა თუ არა ხმა ქვაბთა ცემისა, შეშფოთდა და ზეზედ წამოხტა. შიშისაგან პირი-სახე დაელმიქა.

— განგაშსა სცემენ და ხალხს უწოდებენ თავ-მოსაყრელად,—წაიბუტბუტა ათრთოლებულის ტუჩებითა.—ღმერთო, შენ დამიფარე! შენ ეი, ფილიპე, არსად არა სთქვა-რა, რაც აქ ვიამბე. ღმერთმა ნუ ჰქმნას!

წავლო ხელი ხის ჯამსა, რომელშიც სასმელი იყო და დაუწყო სმა. ისე სვამდა, თითქო უნდა გონება დაჰკარგოს ამდენის სმითაო.

— წავიდეთ!—სთქვა ურიადნიკმა.

ორივენი გარედ გამოვიდნენ. პასსან-ფაშის უბანსა და მოედანს შორის თხრილი იყო მხოლოდ და ალაყაფის კარი მალაღის კოშკით, რომლის სათოფურებიდან ზარბაზნის ტუჩები იცქირებოდა. უბნის შუაგულ ადგილას იდგა სახლი ურიადნიკისა და ბაზრის ატამანების ქოხები; მოედნის გარშემო დამართული იყო ფანჩატურები და სწორედ აქ სწარმოობდა ვაჭრობა. შენობანი სულ უბრალო ქოხ-მახები იყო, მუხის ძეგლები-საგან ახუხულავებული და ლელითა და ჩალით დახურული. მთლად სახლები ურიადნიკის სახლითურთ უფრო ალაჩუხებსა ჰგვანდა; გარჩევა მხოლოდ ის იყო, რომ ბანად ჩალო და ლელი ეხურა. ბანები მთლად გამკვარტლული იყო ბოლისაგან; როცა

ცეცხლს დაანთებდნენ, კვამლი მარტო მაღლა კი არ აღიოდა, კედლების ყველა ქუქუტანაშიაც სტვირივით გადიოდა. სახლი ამ დროს ცეცხლ-წაქიდებულ ნახშირის ხორა გეგონებოდათ. სახლებში გაძულმებული სიბნელე იყო და ამიტომ ყველგან ბლომად ინახავდნენ მკვარს. ღუქნები კურუნებისაც იყო, ესე იგი საკუთრება ამა თუ იმ კურუნისა და სასტუმრონიცა, რომელიც თათრებსა და ვლახელებს ჰქონდათ აღებული მშვიდობიანს დროს; პირველნი ჰყიდდნენ თავიანთ ღუქნებში ტყავეულს საქონელსა, აღმოსავლეთის ქსოვილებს, თოფ-იარაღს, ხოლო მეორენი—უფრო ღვიწო-არაყს. მაგრამ სასტუმრო ღუქნები მუდამ არ იყო დაქერილები: წესიერი ვაჭრობა როგორღაც ვერა ჰხერხდებოდა ამ ავაზაკობისა და ძალმომრეობის ბუდეში. ღუქანსა და ღუქანს შუა სამიკიტნობეა ერია, რიცხვით ოც და რვა მდე. იმათი ცნობა აღვილი იყო. მათს კარ-მიდამოზედ ღუქინობით ეყარნენ მუდამ ძირს უგონოდ დამთვრალნი ყაზახნი. უფრო ფხიზელნი გაჰკიოდნენ ყაზახთა სიმღერებს, ჩხუბობდნენ, ჰკოცნიდნენ ერთმანერთს, სწყევლიდნენ ყაზახის ბედს, ანუ მოსთქვამდნენ ყაზახის გაჭირვების ამბავს და თან მოურიდებლად სთელავდნენ ფეხ-ქვეშ ძირს გართხმულ მთვრალს ყაზახებსა. მხოლოდ ომის დაწყების წინად იყო ხოლმე სასტიკად აღკრძალული სმა; ვინც მაშინ დაითვრებოდა, სიკვდილით დასჯიდნენ ხოლმე. სხვა დროს კი ყველანი ლოთობდნენ: ურიადნიკიცა, ბაზრის ატამანებიცა, ვაჭარნიცა და მათი მუშტრებიცა. არაყის სუნი, კვამლი, თევზისა და ცხენების ტყავების სიმყრალე ჰშხამავდა მთელის უბნის ჰაერს. თვით უბანიც ისე იყო აჭრელებული, რომ თათრულს ან ოსმალურს ქალაქს უფრო ჰგევანდა. ამ სავაჭრო უბანში იყიდებოდა ყოველივე, რაც დავლად და აღაფად იყო წამოღებული ყირიმიდან, ვლახეთიდან და ან ანატოლიიდან. მხიარული აღმოსავლეთის ქსოვილები, აბრეშუმეული ფარჩეულობა, მაუდი, ატლასი, მომხო ტილო, უვარგისი ზარბაზნები და თოფები, ტყავები, ბეწვეული, ხმელი თევზი და ოსმალური ხილეულობა, სპილენძის მთვარის-ნახევრები, ჩამოგლეჯილები მეჩითიდან და მოოქროვილი ჯვრები, ჩამოღებული ქრისტეანე-

თა ეკლესიებიდან,—ყოველივე ერთად იყო აღუფხული *). და ამ აქრელებულ, ყოველსავე ერთმანეთში აღუფხულ მიდამოთა შორის დალალუნობდნენ აბრანძულ-დაბრანძულნი, ზაფხულობით თითქმის სულ შიშველ-ტიტველნი, ნახევრობით განადირებულნი, ტალახითა და კუბრით მოთხვრილნი, მუღამ მთვრალნი კაცნი, რომელთაც პირში ღნა არ ედოთ.

ამ ჟამად ჰასსან-ფაშის უბანში ბუზივით ირეოდა ხალხი; დახლიდარ-ვაკარნი აჩქარებითა ჰკეტავდნენ დუქნებსა და სამიკიტნოებს და მიეშურებოდნენ მოედნისაკენ, საცა უნდა შეკრებილიყვნენ სათათბიროდ. ფილიპე ზაქარი და ანტონ ტატარჩუკი სხვებს უკან მისდევდნენ; ტატარჩუკს როგორღაც ფეხები უკანა რჩებოდა და თითქო განგებ ცდილობდა, რომ სხვებს გაეელოთ წინა. თან-და-თან უფრო და უფრო მეტს მოუსვენრობასა ჰკრძნობდა. გაიარეს ხიდი, გასცდნენ ალაყაფის კარებს და გაჩნდნენ უშველებელს მოედანზედ, რომელსაც გარშემო ოც და თვრამეტი ხის სახლი ჰქონდა შემოარტყმული. ეს სახლები იყო კურენები—ყაზარმების მსგავსნი სადგომნი, რომელშიაც იდგნენ ყაზახები. კურენები იმითი განირჩეოდნენ ერთმანეთისაგან, რომ სხვა-და-სხვა სახელ-წოდება ჰქონდათ, უკრაინის ქალაქების სახელ-წოდებათა მიმსგავსებული. მოედნის ერთს კუთხეში ამართული იყო სათათბირო სახლი; იქ ისხდნენ ხოლმე საბჭოდა და სავაზიროდ ატამანები კაშევოის თავსმჯდომარეობით; დანარჩენი ბრბო, ესრედ-წოდებული „ამხანაგობა“, კარში რჩებოდა და ყოველ საათში ერთხელ უგზავნიდნენ დეპუტაციას უფროსთ, ხოლო ხანდისხან ძალით შეიქრებოდნენ ხოლმე სათათბირო სახლში და, რაც სურდათ, იმას გადააწყვეტინებდნენ მოვაზირეთა.

მოედანი საესე იყო ხალხითა. ატამანს მოეწოდებინა სეჩს იმას წინად მხედრობა; აანთეს რამდენიმე კუბრით საესე ბოჩკა:

*) იმიერ-ქორაშენი, როცა დითარეშობდნენ და თავს-ესხმოდნენ ვისმე არაფერსა და არაყის არა ჰზოგავდნენ. ხმელნიცკიმდე ეკლესია არ იყო სეჩსა; პირველი ტაძარი იმან ააშენა. სეჩში არაყის არ ეკითხებოდნენ, ვინ რა სარწმუნოებისა იყო.

და გამოაგორეს მოედანზედ და რამდენიმევე ბოჩკა, არაყით სავსე, თვითეულმა კურენმა თავისთვის ცალკე. წესიერებას იცავდნენ იასაულნი, შეიარაღებულნი მუხის ბერკეტებით, რომელიც საჭირო იყო საბჭოდ დამსხდართა მოსაქვეიანებლად, და დამბაჩებით, დასაცველად საკუთარის სიცოცხლისა, რომელსაც ხშირად ელოდა განსაცდელი.

ფილიპე ზაქარი და ტატარჩუკი პირდაპირ სათათბირო სახლში შევიდნენ; ერთს, როგორც ურიადნიკს, ხოლო მეორეს, როგორც ატამანს კურენისას, ნება ჰქონდათ უფროსთა შორის მსხდარიყვნენ სავაზიროდ. სათათბირო ოთახში იღვა პატარა სტოლი, რომელსაც უჯდა ჯარ-მხედრობის მწერალი; ატამანები და კაშევი კედელთან ისხდნენ და ქვეშ ცხენის ტყავები ეგოთ. ბჭობა ჯერ არ დაწყებულა. კაშევი ბოლთასა სცემდა ოთახში, კურენების ატამანები ჯგუფ-ჯგუფად დაყოფილიყვნენ და ჩურჩულითა ლაპარაკობდნენ. ტატარჩუკმა შეჰნიშნა, რომ მის ნაცნობებსა და მეგობრებსაც კი ისე ეჭირათ თავი, თითქო ვერც კი ვამჩნევთო და ამიტომ მივიდა ახალგაზდა ბარაბაშთან, რომელიც ასევე განაპირებული იყო. ბარაბაშს სრულებით არ ეყურებოდა, რა ამბავი იყო მის გარშემო. კალმით ნახატის სილამაზის კაცი იყო და კურენის ატამანობა მხოლოდ იმიტომ მიიღო, რომ ძალიან დიდი ღონე ჰქონდა, თორემ ისეთი ტუტუცი იყო, რომ მისი სიტუტუცი საანდაზოდ იყო გამხდარი. თვითეული მისი სიტყვა დიდს ხარხარსა და სიცილს იწვევდა.

— მალე მოგვამზენ კისერზედ ქვას და წყალში გადაგვიძახებენ! — უჩურჩულა ბარაბაშს ტატარჩუკმა.

— რისთვისაო?

— წერილებისა არა იცი-რა?

— რა წერილებისა? მე არა დამიწერია-რა.

— აბა, შეჰხედე, როგორ გვიბღვერიან აქეთ-იქიდან...

ტატარჩუკმა ველარ გაათავა თავისი სათქმელი. უეცარმა გარედან შემოვარდნილმა ხმაურობა-ერიამულმა აუწყა ყველას, რომ რაღაც განსაკუთრებული ამბავი მომხდარიყო. კარი ყუ-

რამდე გაიღო და სათათბირო ოთახში შემოვიდა ხმელნიცკი ტულაი-ბეისთან ერთად. ამათ თურმე მიეგება ხალხი სიხარულის ჟრამულითა. რამდენისამე თვის წინად, ტულაი-ბეი, მურზებ შორის ყველაზედ გულადი და საშინელი რისხვა ქვემოურებისა, ქირივით ეზიზღებოდა სეჩს, ახლა კი, დაინახა თუ არა „ამხანაგობამ“, ქულებს ისვრიდა მალლა და სალამ-ქალამით ეგებებოდა ხმელნიცკისა და იმიერ-ქორომელთა მეგობარს.

ტულაი-ბეი პირველი შევიდა ოთახში; იმას უკან მისდევდა ხმელნიცკი, რთმელსაც, როგორც გეტმანს იმიერ-ქორომეთის მხედრობისას, კვერთხი ეჭირა ხელში. ეს ღირსება მიითვისა მას შემდეგ, რაც ყირიმიდან დაბრუნდა. ბრბო შევარდა მაშინ, ხელში აიყვანა, გასტეხა მხედრობის სახასო ყუთი და მიართვა კვერთხი, დროშა და ბეჭედი, რომელიც ჩვეულებრივ გეტმანების წინაშე დაჰქონდათ. ძლიერ გამოცვდილიყო. ეხლა ეტყობოდა, რომ მთლად იმიერ-ქორომეთის საშინელი ძალღონე იმის ხელთ იყო. ახლა ის შეურაცხ-ყოფილი ხმელნიცკი კი აღარ იყო, ლტოლვილი, საიდუმლოდ გაქცეული სეჩს, არამედ ხმელნიცკი გეტმანი, ბუმბერაზი, მზად-ყოფი მილიონებისათვის ედინებინა ძმარი ცხვირიდან თვისის შეურაცხყოფისათვის.

გარნა ხმელნიცკიმ არ მოიშორა მძიმე ჯაჭვნი მონობისა; ახლა სხვა ბორკილნიც დაედო ფეხზედ. იმიერ-ქორომეთის გეტმანს: თვით იმიერ-ქორომეთის შუა-გულ პირველი ადგილი დაეთმო თათრისათვის, ითმენდა მის გულ-ზვიადობას და გათამამებულს ღირფობას. ისე ექცეოდა თათარს, როგორც დიდებული და ერისთავი მოექცეს უზენაესს თვისსა ბატონსა და შეფეს, მაგრამ სხვაფრივ არც შეიძლებოდა. სახელი გაითქვა და მოიხვეჭა მით, რომ თათრებისა და ყეენის გული მოიგო; ხოლო ამ ჟამად ყეენის წარმომადგენელი იყო ველური და სისხლის მსმელი ტულაი-ბეი. ეს კია, რომ ხმელნიცკის ბუნებაში ისევე თავსდებოდა ერთმანერთს შორის გულ-ზვიადობა და მორჩილება, როგორც ვაჟკაცობა და ცბიერობა. ლომი და მელა იყო, არწივი და გველი... ყაზახობის გაჩენის დღიდან პირვე-

ლად ჰბედავდა ახლა სერში ასე თავისუფლად ქცევას თათარი, მაგრამ, ჩანს, ახლა სხვა დრო იყო მოსული. ახლა „ამხანაგობა“ მალლა ისვრიდა ქუდებს ურჯულოს პატივ-საცემლად. დიად, ასეთი დრო იყო დამდგარი.

თათბირი დაიწყო. ტულაი-ბეი დაჯდა შუა-ადგილას ყველაზედ უფრო სქლად შეკრულ ცხენის ტყავებზედ, მუხლთ მოიკეცა და დაუწყო ჰმა მზეუჭვრიტას; თან მისის ქერქით აჩეჩქიანებდა ოთახის შუა გულს ადგილსა. იმის მარჯვნივ დაჯდა ხმელნიცკი, მარცხნივ კაშეგოი, ხოლო ატამანები და დეპუტაცია „ამხანაგობისა“ მოშორებით, მეორე კედლის მახლობლად. ლაპარაკი მიწყდა და მხოლოდ მოედნიდან მოდიოდა კიდევ განურკვეველი ხმაურობა ბრბოსი. ხმელნიცკიმ დაიწყო: *)

— წყალობითა მის უდიდებულესობისა, უირიმის ყენისათა, რომელიც არის მბრძანებელი მრავალთა ერთა, ნებართვითა პოლონიის მეფისა ვლადისლავისა, ჩვენისა ხელმწიფისათა, კეთილისა სურვილითა იმიერ-ქორომეთის მამაცის ჯარმხედრობისა, გვწამს-რა მტკიცედ უბრალოებაი ჩვენი და ღეთისა სამართლიანობაი, მივდივართ, რათა შური ვიძიოთ და გადავუხადოთ სამაგიერო იმ საშინელისა, აუტანელის შევიწროებისა და შეურაცხყოფისათვის, რომელსაც ვითმენდით, ვიდრე შეგვეძლო, უსამართლო ლიახთა, კომისართა, მოურავთა და ეკონომთაგან, მთლად შლიახტისა და ურიათაგან. მრავლად დააფრქვიეთ ცრემლი თქვენცა და მთლად იმიერ-ქორომეთის ჯარმაცა ამ უსამართლოების გამო და ახლა ჩამბარდა თქვენ მიერ კვერთხი, რათა დავიცვა უბრალოება თქვენი და შთელის ჯარ-მხედრობისა. ეს ამბავი დიდად სასახელო იყო ჩემთვის და ამიტომ წავედი მის უდიდებულესობასთან, უირიმის ყენთან, ვსთხოვე შემწეობა აღმოეჩინა და აღმითქვა კიდევ თვისი დახმარება. გარნა, მიუხედავად იმისა, რომ მზადა ვარ ვემსახურო ამ წმინდა საქმეს, ძალიან გული მატკინა იმ გარე-

*) წესი და რიგი თათბირის წარმოებისა აწერილია ვრიკ ლიასოტის დღიურში. ვრიკ ლიასოტი იყო პოლონიის სახელმწიფოს ელჩი, გაგზავნილი იმიერ-ქორომეთს 1594 წელს.

მოებამ, რომ ჩვენ შორის არიან მოლაღატენი, რომელნიც ლიბხებს ემხრობიან და ატყობინებენ, თუ რამ მზადებაშია ცა ვართ. თუ ეს მართალია, დაე დაისაჯონ ამისთანანი თქვენისა სურვილისამებრ. აწ კი გთხოვთ მოისმინოთ წერილები, რომელიც მოუწერია ჩვენთვის ჩვენს მტერს თავადს ვისნვეცკისა. ეს წერილები მოიტანა არა ელჩმა, არამედ უფრო ჯაშუშმა, რომელსაც აზრად აქვს აუწყოს ღიბთა, რა ყოფაშია არის დღეს ჩვენ შორის საქმე და რა შემწეობასაც გვპირდება მეგობარი ჩვენი ტულაიბეი. ახლა თქვენ განსაჯეთ, მსჯავრ-დადებულ უნდა იქმნას თუ არა ასეთი ჯაშუში და აგრედვე ისინი, ვისაც იმან წერილები მოუტანა. ამ წერილების ამბავი კაშევოიმ, როგორც ერთგულმა ყმამ სრულიად ჩვენის ჯარისამ, მაშინვე გვაუწყა ჩვენ.

ხმელნიცკი გაჩუმდა. ჯარის მწერალი წამოდგა და დაიწყო კითხვა თავადის წერილისა კაშევოი ატამანთან: „ჩვენ, წყალობითა ღვთისათა, თავადი და ბატონი ლუბნისა, ხორაღისა, პრილუკისა etc., ერისთავი რუსეთისა etc., უფროსი etc.“ წერილი ისეთი იყო, როგორსაც სწერენ საქმიანი კაცნი. თავადს შესმენოდა, რომ ჯარებს ერთს ალაგას აგროვებენო და ამიტომ ჰკითხა ედა ატამანს, მართალია თუ არა ეს ამბავიო, და თუ მართალია, გთხოვ, შეუშალო ხელი ამისთანა საქმეს ქვეყნის საკეთილდღეოდო. თუ ხმელნიცკი მოვიდა და მოინდომა სეჩის აღლევება, უნდა მისცეთ ხელში კომისარებსაო. მეორე წერილი პან გროძიკისაგან იყო, მესამე და მეოთხე — ზაცვალნიხვსკისაგანა და ჩერკასის მოხუც პოლკოვნიკისაგან ტატარჩუკთანა და ბარაბაშთან. არც ერთს წერილში არა იყო-რა ისეთი, რასაც შესძლებოდა ჩრდილი რამ მიეყენებინა იმათთვის, ვისთანაც იყო მიწერილი. ზაცვალნიხვსკი მხოლოდ იმასა სწერდა ტატარჩუკს, რომ ამ წერილის მომტანს ყოველ-გვარი შემწეობა აღმოუჩინეო და აუსრულე ყოველივე, რაც მოინდომოსო.

ტატარჩუკმა თავისუფლად ამოისუნთქა.

— რასა ბრძანებთ ამ წერილებისას? — იკითხა ხმელნიცკიმ.

ყახახნი მღუმარებდნენ. ყველა თაობირი, ვიდრე არაყი არ აალაპარაკებდათ, იმითი დაიწყებოდა ხოლმე, რომ არც ერთს ატამანს არ უნდოდა პირველად თვიჯონ დაეწყო ლაპარაკი. ყველანი მოუხეშაენი და ბრიყენი იყვნენ და თან ცბიერნი, ეშინოდათ უფრო იმისი, ისეთი არა წამოგვეცდეს-რა, რაიცა საყოველთაო სიცილს გამოიწვევს და რის გამო მასხარად აგდებას ვერ ავსცდებითო. სეჩში ცეცხლისა და ნავთისა არ ეშინოდათ ისე, როგორც დაცუნვისა და მასხარად აგდებისა.

ხმელნიცკიმ კვლავ დაიწყო ლაპარაკი.

— კაშევოი ატამანი ჩვენი მეგობარია, ისე ვენდობი, როგორც ჩემს თავს, და ვინც მაგის წინააღმდეგ იტყვის თუნდ ერთს სიტყვას, ის თვითონ იქმნება მოღალატე. ატამანი ხნიერი და ნაცადი ჯარის კაცია.

ხმელნიცკი ადგა და გადაეხვია კაშევოის.

— მე მხოლოდ ჯარს ვაგროვებ, გარნა გეტმანი დაე წინ წაუძღვეს,—სთქვა პასუხად ატამანმა.—რაიცა შეეხება ელჩს, ის ჩემია, რაკი ჩემთან არის გამოგზავნილი, ხოლო თუ ჩემია, მე თქვენთვის მიჩუქებია.

— ბატონო დეპუტატებო, მაღლობა უთხარით ატამანსა, — ურჩია ხმელნიცკიმ, — ატამანი მართალი კაცია. უთხარით „ამხანაგობას“, რომ თუ არიან მოღალატენი, მათ შორის ეს არ ურევია: მან პირველმა დააყენა დარაჯნი, მან უბრძანა, შეიპყარით ხოლმე ყველანი; ვინც მიდიოდნენ ლიახებთანაო. ბატონო დეპუტატებო, სთქვით, რომ ეს კაცი მოღალატე არ არის, რომ იგი უკეთესია ჩვენ შორის.

ბატონმა დეპუტატებმა დაბლა თავი დაუკრეს უპირველეს ყოვლისა ტულაი-ბეის, რომელიც ამ ხნის განმავლობაში გარინდებულნი აღუშფოთველად სულ მზეუქვრიტას სკამდა, მერე ხმელნიცკის, კაშევოის და გავიდნენ გარედ.

ერთს წუთს შემდეგ, მხიარული ყრიაშული შემოისმა გარედან და აუწყა ოთახში მყოფთ, რომ დეპუტაციას აესრულებინა ხთვის მინდობილება.

— გაუმარჯოს კაშვეოის, გაუმარჯოს ჩვენს კაშვეოის! — ჰყვიროდნენ ხმა-გახრინწიანებულნი ისე, რომ კედლებს ზან-ზარი გაჰქონდა.

ბოლოს დებუტაცია დაბრუნდა და თვისი ადგილი დაიჭირა ოთახის ერძს კუთხეში.

— ბრძნულად გადასწყვიტეთ, რომ ატამანი არაფერში დამნაშავე არ არის, — დაიწყო ხმელნიცკიმ, როცა სიჩუმე ჩამოვარდა. — ხოლო თუ ატამანი მოლალატე არ არის, ვინ არის მაშ მოლალატე? ვინ უწევს მეგობრობას ლიახებს? ვისა სწერენ ისინი წერილებს? ვის ანდობენ ელჩს? ვინ არის მოლალატე?

ხმელნიცკიმ აუმაღლა ხმას და ცეცხლ-მფრქვეველის თვალეზით გადინდა იქით, საითაც ტატარჩუკი და ბარაბაში იდგნენ. ამით თიჯო უნდოდა ენიშნებინა, რომ აი აქ არის დამალული დალატიო.

ოთახში ხმაურობა ატყდა და მოისმა ყვირილი რამდენისამე:

„ბარაბაში და ტატარჩუკი“! კურენების ატამანები წამოხტნენ ფეხზედ, დებუტაციის კრებიდან მოისმა: „სიკვდილი მაგათაო!“

ტატარჩუკი გაფითრდა, ბარაბაშიმა გაკვარვებით დაიწყო აქეთ-იქით ყურება, უცხად გადინხარხარა და მოჰყვა ტუტუტურს სიცილს; იმას სხვემბაც ბანი მისცეს, თუმცა კარგად კი არ ესმოდათ, რისთვის იცინოდნენ.

ფანჯრიდან უფრო და უფრო ხმა-მაღალი ლაპარაკი მოისმოდა; სჩანდა, რომ არაყს თან და თან გაეჰრა.

ანტონ ტატარჩუკი ღინჯად წამოდგა, მიჰმართა გეტმანს და დაიწყო:

— რა დაგიშავეთ, ბატონო გეტმანო იმიერ-ქორომეთისავე? რად გინდათ ჩემი სიკვდილი? რა ბრალი მაქვს? წიგნი მომწერა ზაცვილიხოვსკიმ... ძალიან კარგი, მაგრამ რაო მერე? კაშვეოისაც ხომ მოუვიდა თავადის წერილი! მივიღეკი მე წერილი? არა! თუნდაც რომ მიმელო, რას ვიქმოდნი? წავიდოდა მწერალთან და იმას წავაკითხებდი. იმიტომ რომ წერა მე არ

ვიცი და კითხვა. და თქვენც გეცოდინებოდათ, რა ეწერებოდა წიგნში. ლიახები კი თვალითაც არ მინახავს. მაშ, სჩანს, რომ მოღალატე ვარ? ეჰ, ძმანო იმიერ-ქორომელნო, ტატარჩუკი ლაშქრობდა თქვენთან ერთად ყირიმში, ვლახეთში, სმოლენსკთან... იბრძოდა თქვენთან ერთად, ვაჟკაცებთანა, სისხლსა ღვრიდა, შიმშილითა კვდებოდა... მაშ ლიახი არა ყოფილა, მოღალატე არ არის დღესაც, არამედ ყაზახია, ძმა თქვენი და, თუ გეტმანს უნდა მისი სიკვდილი, სთქვას, რადა? რა დაუშავე, რა ბრალი მაქვს? თქვენ კი, ძმანო, გთხოვთ 'შემიწყალოთ და სვინილისით გამიკითხოთ!

— ტატარჩუკი კარგი ყაზახია! ტატარჩუკი ერთგული კაცია!—დაიძახა რამდენმამე.

— ტატარჩუკო, შენ ყოჩალი ყაზახი ხარ,—სთქვა ხმელნიცკიმ,—და მე შენ არცა გმტრობ, იმიტომ რომ შენ ლიახი არა ხარ; ჩვენი მოძმე ხარ, ჩვენი მეგობარი და მოკეთე; შენ რომ ლიახი იყო და გვღალატობდე, არ ვიწუხებდი, ტირილს არ დავიწყებდი, ხოლო რაკი ყოჩალი ყაზახი ხარ, ჩვენივე სისხლი და ხორცი გვღალატობს, მეც იმიტომა მტკივა გული. მერე თუ ყირიმშიაც იყავი, ვლახეთშიაც, სმოლენსკს ახლოცა, შენი დანაშაული ამით უფრო მეტია ახლა. შენა გწერენ, ყოველივე შეასრულე, რასაც კი მოგთხოვს ელჩიო... ახლა მიბრძანეთ, ატამანებო, რას მოსთხოვდა ლიახი? ჩემსა და ჩემის ძლიერის ამხანაგის ტუღაი-ბეის სიკვდილს არ მოითხოვდა განა? დიად, დამნაშავე ხარ, ტატარჩუკ და შენს უბრალოებას ვერ დაამტკიცებ. ბარაბაშს კიდევ სწერდა წიგნს მისი ბიძა, პოლკოვნიკი ჩერკასისა, მეგობარი ჩაპლინსკისა და ლიახებისა, ის, ვინც ჰმალავდა თავისს სახლში უფლება უპირატესობათა სიგელებს, იმიტომ რომ იმიერ-ქორომეთის ჯარმა არა გაიგოსრა ამ სიგელების არსებობისაო. თუ ასეა,—ხოლო ვფიცავ ღმერთს, რომ სხვაფრივ არც შეიძლება იყოს,—ორივენი დამნაშავენი ხართ. სთხოვეთ შეწყალება ატამანებსა, მეცა ვთხოვ თქვენთვის პატივებას, თუმცა დანაშაული თქვენი მძიმეა, ლაღალატი ცხადია.

ახლა გარედან მარტო ხმაურობა და ყვირილი კი არ მოისმოდა, არამედ გამძვინვარებული ღრიალი შემოდიოდა, „ამხანაგობას“ უნდა შეეტყო, რა ამბავია სათათბირო ოთახშია და შემოჰგზავნა ახალი დეპუტაცია. ტატარჩუკი მიხვდა, რომ მისი სიკვდილი აუცილებელია. ახლა მოაგონდა, რომ ერთის კვირის წინად ძალიან თავგამოდებული იყო ატამანთა შორის და ამტკიცებდა, ნუ მივცემთ ხმელნიცკის საგეტმანო კვერთხსა და ნუ შევუტრიგდებით თათრებსაო. ცივმა ოფლმა დაასხა შუბლზედა: ახლა კი ხსნა აღარ იყო. რაიცა შეეხება ახალგაზდა ბარაბაშს, ცხადი იყო, რომ ხმელნიცკის იმისი სიკვდილი უნდოდა მოხუცის პოლკოვნიკის ჯიბრთა, რომელსაც ძალიან უყვარდა თავისი ძმის-წული. მაგრამ ტატარჩუკს სიკვდილი არ უნდოდა. ტატარჩუკი არ გაფიქრდებოდა ამოწვდილ ხმლის წინაშე, არ შეუშინდებოდა ცხელ ტყვიას, მარგილსაც კი, მაგრამ სიკვდილი, რომელიც იმას ელოდა, სწორედ რომ საშინელი რამ იყო. იგდო ხელთ ერთი წუთი ღუმლისა ხმელნიცკის ლაპარაკის შემდეგ და ხმა-ძაღლა, განწირულის ხმით დაიძახა:

— ქრისტეს გულისათვის! ძმებო ატამანებო, მეგობარნო გულითაღწო, ნუ მომკლავთ უბრალოსა: თვალით არ მინახავს ლიახი, არ დავლაპარაკებია! შემიწყალეთ, ძმანო! არ ვიცი, რას მომთხოვდა ლიახი, ჰკითხეთ თქვენ თვითონ! გეფიცებით ქრისტესა და მისსა ყოვლად წმინდა დედასა, უბრალო ვარ!

— შემოიყვანეთ ლიახი!—დაიძახა უფროსმა ჯარის ურიადნიკმა.

— ლიახი, ლიახი!—შეჰყვირეს კურენების ატამანებმა.

ზოგნი ეცნენ იქვე მეორე ოთახს, საცა პატიმარი ჰყვანდათ, ზოგნი კიდევ მუქარით მისცვიდნენ ტატარჩუკსა და ბარაბაშსა. მირგაროდის კურენის ატამანმა, გლადკიმ, პირველმა დაიძახა: „სიკვდილი ამათაო!“ დეპუტაციამ გაიმეორა მისი ნათქვამი. ატამანმა ჩარნოტამ გააღო კარი და აუწყა ბრბოს, რომელიც ქუჩაში შეკრებილიყო, რომ ტატარჩუკი და ბარაბაში მოღალატენი არიანო.

ბრბომ პასუხად მორთო ყიჟინი და შევარდა ოთახში.

— სიკვდილი ტატარჩუკსა და ბარაბაშს! სიკვდილი! მოგვეციოთ მოლალატენი! წავასხათ მოედანზედ! — ჰყვიროდნენ გამძვინვარებით ასნი და ორასნი. და იწვდიდნენ ხელს საცოდავ მსხვერპლთა ვასაგლეჯად.

ტატარჩუკი დაემორჩილა თავისს ბედს, სამაგიეროდ ბარაბაში საშინელის ძალით წინააღმდეგობდა. ბარაბაში მიხვდა ბოლოს, რომ მოკვლა უნდათ ჩემიო და სახე დაეგრიხა შიშითა და სასოწარკვეთილებით, გულიდან აღმოხდა მხეცური ღმუილი. ორჯელ გაეშვა ხელიდან ჯალათებს, მაგრამ ორჯელვე გაუკავეს ხელები, ეწეოდნენ მის წვერს, თმებს; ბარაბაში იკბინებოდა, ღრიალებდა, ძირს ეცემოდა და კვლავ ფეხზედ დგებოდა გასისხლიანებული, საშინელი. ჯალათებმა შემოაფხრიწეს ტანისამოსი, ამოაგლიჯეს საქოჩრეზედ დატოვებული თმა, ამოსთხარეს თვალი და გააკავეს. აქ კი ძირს დაეცა ბარაბაში. ჯალათებმა სტაცეს ხელი ფეხებში და ტატარჩუკი და ის ერთად წააწიალეს მოედანზედ. იქ კუპრით სავსე ბოჩკები ენთო და აქა-იქ დანთებულს ცეცხლს გაჰქონდა გიზგიზი. ამ განათებულს აღვიღოს დაიწყო ბარაბაშისა და ტატარჩუკის დასჯა სიკვდილითა. ათასი გამძვინვარებული კაცი ეცა მსჯავრ-დადებულთა, ჰფლეთდა ნაჭერ-ნაჭერ და ერთმანერთს ეცილებოდა აღვიღოს მსხვერპლთა ახლო ყოფნისათვის. საცოდავთა ფეხითა სთელავდნენ, ნაჭერ-ნაჭრობითა ჰგლეჯდნენ ხორცს; სისხლით-შესვრილის ხელებით ხან მალლა ასწევდნენ ორს გუნდად გადაქცეულს გვამს, ხან ისევ ძირს დაახეთქებდნენ; ცოტა მოშორებით მყოფნი კიდევ ორს ბანაკად განიყენენ: ზოგს უნდოდა მსჯავრ-დადებულნი წყალში გადაეგდათ, ხოლო ზოგს — კუპრით სავსე ანთებულს ბოჩკებში ჩაეყარათო. ყველანი მთვრალეები იყვნენ, ბოლოს წაიხზუნენ და წაუკიდეს ცეცხლი ორს არაყით სავსე ბოჩკას. სპირტის მილურჯო, მოციმციმე აღმაგააშუქა ეს ჯოჯოხეთის სცენა, რომელსაც შემოდან დაჰყურებდა მთვარე, მშვიდობიანი, მოვანებული, დისკო-გარდახრილი...

ასე სჯიდა „ამხანაგობა“ თვისთა მოღალატეთა.

სათათბირო ოთახში, იმ წუთს შემდეგ, რაც ყაზახებმა ტატარჩუკი და ახალგაზდა ბარაბაში გაათრიეს, კვლავ ჩამოვარდა ღუმელი, ატამანებმა კვლავ დაიჭირეს თავ-თავისი ადგილები და გულმოდგინებით სინჯავდნენ ის-ის იყო მეორე ოთახიდან შემოყვანილს პატიმარს.

მისი სახე კარგად არა სჩანდა; ოთახში თითქმის ბნელადა; ღუმელში ცეცხლი გამქრალიყო, მაგრამ გლადკიმ შეაყარა ფიჩხი, ცეცხლი აპრიალდა და გაანათა მალალი; ტანადი, თავგამოდებული ტყვედ-შეპყრობილი.

დაინახა თუ არა ხმელნიცკიმ, მაშინვე შეშფოთდა.

ეს ტყვე იყო პან სქშეტუსკი.

ტულაი-ბეიმ გამოჰყარა პირიდან მზეუჭვრითას ქერქები და წაიბუტბუტა რუსულად:

— მე ვიცნობ მაგ ლიახს; ყირიმში იყო.

— სიკვდილი მაგას!—დაიყვირა გლადკიმ.

— სიკვდილი!—განიმეორა ჩარნოტამ.

ხმელნიცკი გონს მოვიდა. გადაჰხედა მხოლოდ გლადკისა და ჩარნოტას, რომელნიც მაშინვე გაჩუმდნენ და სთქვა:

— მეც ვიცნობ.

— საიდანა ხარ?—ჰკითხა კაშეევოიმ სქშეტუსკის.

— მე შენთან მოვდიოდი საელჩო კრებულთ, ბატონო. კაშეევოი ატამანო, როცა ხორტიცს ახლო დამეხსნენ თავს ავაზაკნი და, მიუხედავად ჩვეულებისა, რომელიც განადირებულ ხალხშიც კი პატივდებულია, დამიხოცეს კაცები, ხოლო მეც, თუმცა ელჩი ვიყავ, დამჭრეს, შეურაცხმყვეს და, როგორც ტყვე, ისე მომიყვანეს აქ ხელებ-შეკრული. ყოველ ამისათვის პასუხს შენ გასცემ ჩემს ბატონს, თავად ერემია ვისნევეცკის.

— შენ რაღად გაუპე თავი ცუდით პატიოსან ყაზახსა? რად დაჰხოცე ოთხჯერ უფრო მეტი ხალხი, ვიდრე თქვენ იყავით? წერილებითაც იმიტომ მოდიოდი აქ, რომ გეწვრილნა ყოველივე და მერე შეგეტყობინებინა ლიახებისათვის. ისიც ვიცით, რომ წერილები მოგქონდა იმიერ-ქორომეთის ჯარის

მოღალატეებთან, რათა მათთან ერთად ჩვენი დაღუპვა მოგეხერხებინა. ამიტომ ისე კი არ იქმნები მიღებული, როგორც ელჩი და დესპანი, არამედ, როგორც მოღალატე და სამართლიანს სასჯელსაც მიგცემენ.

— სტეები, ბატონო კაშვევოი ატამანო, და შენც, ბატონო ძალად გეტმანო,— აქ დესპანმა მიჰმართა ხმელნიცკის.— თუ მე წერილები მომქონდა, ასევე იქცევა ყველა სხვა ელჩიც, რომელიც უცხო ქვეყანაში მიდის. აქ მოვდიოდი თავადის წერილით, იმიტომ რომ გამეფრთხილებინეთ და მეთხოვნა არ გაგებდნათ ისეთი საქციელი, რომელსაც შეეძლო შეერყია ძლიერება რესპუბლიკისა და თქვენთვისა და მთლად იმიერ-კორომეთის მხედრობისათვისაც საუკუნოდ ბოლო მოეღო. განა ვის დასამზობად აღგიმართეთ აგრე უღეთოდ, აგრეთის ღეთისგმობით თქვენი ხელნი? ვის საწინააღმდეგოდ დაჰკავშირებინხართ ურჯულოებს თქვენ, რომელნიც ქრისტიანედ უწოდებთ თქვენს თავს? საწინააღმდეგოდ მეფისა, პოლონიის თავად-აზნაურობისა და სრულიად რესპუბლიკისა. მაშასადამე, მოღალატე შე კი არა ვარ,— თქვენა ხართ და გეუბნებით: თუ მორჩილებით არ შეინანებთ თქვენს შეცოდებას, ვაი თქვენდა! დიდი ხანია, რაც წარვიდნენ დრონი პავლიუკისა და ნალივიკასი? ნუ უკვე განჰქრა ყოველივე კვალი მათის დასჯის ხსენებისა? გახსოვდეთ ერთი, რომ რესპუბლიკის მოთმინება გაწყდა და მახვილი ამოღებულია თქვენს თავზედ.

— სტყუი, მტრის ნასხლეტო, იმიტომ რომ იქნება როგორმე თავი დავაძვრინო და სიკვდილს გადავურჩე როგორმეო,— შეჰყვირა კაშვევოიმ,— მაგრამ ვერა გიშველის-რა, ვერც შენი მუქარა და ვერც სხვა რამე!

ატამანებმა დაიწყეს კბილების კრაქუნნი და ხმლებზე გაღლება ხელისა, ხოლო პან სქშეტუსკიმ უფრო მალლა აიღო თავი და ასე განაგრძო:

— ნუ გგონია, ბატონო კაშვევოი ატამანო, რომ ვითომ სიკვდილისა მეშინიან, ჩემს სიცოცხლეს ვიცავ, ან ჩემს უდანაშაულობას ვამტკიცებ. მე შლიახტიჩი ვარ და ჩემი განკით-

ხეა შეუძლიანთ მხოლოდ ჩემთა ტოლთა, და არც თუ მოსამართლეთა წინაშე ვდგევარ მე აქ, არამედ წინაშე ავაზაკთა, არა თავად-აზნაურობის წინაშე, არა წინაშე რაინდობისა, არამედ ბარბაროსთა წინაშე; და კარგადაც ვიცი, რომ სიკვდილი არ ამცდება და ჩემის სიკვდილით დაასრულებთ კიდევცა თქვენს ქველობასა და მოღვაწეობასა. ჩემს წინაშე სიკვდილია და წამება, ხოლო ჩემს ზურგთ უკან ძლიერება და შურის-ძიება სრულიად რესპუბლიკისა, რომლის წინაშე თრთის, ყველა თქვენგანი სათითაოდ.

პან სქშეტუსკის სიტყვებმა შიში და ძრწოლა მოჰგვარა ყველას. ატამანებმა ღუმილით გადაჰხედეს ერთმანეთს. მათ წინაშე იდგა არა ტყვე, არამედ საშიშარი ელჩი ყოვლად ძლიერის ერისა.

— ბრაზიანი ლიახია!—სთქვა ტულაი-ბეიმ.

— ბრაზიანი ლიახია!—დაეთანხმა ხმელნიცკიცა.

კარებს ბრაზუნნი დაიწყეს და ამის გამო თათბირი შესწყურდა. ბრბოს აეგო ანდერძი ტატარჩუკისა და ბარაბაშისათვის და ახალი დებუტაცია გამოეგზავნა.

ოთახში შემოცვივდნენ მრავლად ყაზახნი, სმით გალექებულნი, სისხლით მოსვრილნი, გამძვინვარებულნი. გაჩერდნენ კარებს ახლოს, დაიწყეს ყაყანი და იწვდიდნენ წინ ხელებს, რომელსაც ჯერ ისევ თბილის სისხლის, ოხშივარი ასდროდა.

— ამხანაგობა თავს უკრავს ბატონთ უფროსთა, — აქ ყველამ თავი დაუკრეს, — და გთხოვთ, მოგვეცი თ ლიახი, რომ იმასაც ვეთამაშოთ, როგორც ტატარჩუკსა და ბარაბაშს ვეთამაშეთო.

— მივცეთ ლიახი! — დაიყვირა ჩარნოტამ.

— ნუ მივცემთ, — გამოესარჩლნენ სხვანი, — დაიცადონ ჯერა. ეგ კაცი ელჩია!

ბოლოს ყველანი გაჩუმდნენ და ელოდნენ, რას იტყვიან კაშევოი და ხმელნიცკიო.

— ამხანაგობა გთხოვთ და, თუ ნება არ იქნება, თვითონ წაიყვანს ძალით! — განიმეორა დებუტაციამ.

სქშეტუშსკი იღუპებოდა და ის იყო; მაგრამ ამ დროს ხმელნიცკი დანიხარა და უჩუჩრულა ტულაი-ბეისი.

— ეგ შენი ტყვეა, — უთხრა მან. — თათრებმა შეიპყრეს და ამიტომ შენია. მისცემ მაგ კაცს თუ არა მოსაკვლელად? მდიდარი აზნაურშილია, და ესეც რომ არ იყოს, თავადი იერემია დიდს ფულს მოიღებს მაგის გამოსახსნელად.

— მოგვეცი თ ლიხი! — ჰყვიროდნენ მუქართ ყაზახნი.

ტულაი-ბეი გაიზმორა და ზეზედ წამოდგა. სახე ერთს წუთს გამოეცვალა, თვალებმა გაუფლვა, კბილებმა კრაქუნნი დაუწყეს. როგორც ვეფხვი, ისე იხტუნა და შიგ იმ შუა ბრბოში ჩაერია, რომელიც ითხოვდა, ტყვე მოგვეცი თო.

— დაიკარგენით აქედან, თქვე ტეტებო, თქვე ძაღლებო, თქვენა! — დაიღრიალა ტულაი-ბეიმ და გამძვინვარებითა სწვდა წვერებში მახლობელს ორს იმიერ-ქორომელს. — დაიკარგენით, თქვე ლოთებო, უწმინდურო პირუტყვნო, თქვე ჯოჯოებო! მოხვედით და გინდათ ჩემი ტყვე წამართვათ? მაშ, ესეც თქვენა, ესეც თქვენ! — ტულაი-ბეიმ დასცა ძირს ერთი ყაზახი და დაუწყა თელვა ფეხითა. დაიჩოქეთ, მონებო! ყველას, მთელს თქვენს სეჩს ასე გავსთელავ ფეხ-ქვეშა!

დებუტატები შეშინდნენ და უკან-უკან დაიწვივნენ. საშინელმა მეგობარმა თავისი ბრძკალები გამოიჩინა.

საკვირველია: ბაზავლუკს სწორედ ექვსი ათასი თათარი იყო დაბანაკებული. მართალია, მათ ზურგს უმაგრებდა ყვენი მთელის თვისის მხედრობითა, მაგრამ ეს სეჩიც ხომ სულ უძალი და უღონო არ იყო, და ზინც არც ერთმა, კაცმა კინტი არ დასძრა, ტულაი-ბეისი წინააღმდეგ. თითქო ამ საშინელმა მურხამ ეს ერთად ერთი ღონისძიება იპოვა, რომ დაეცვა სიცოცხლე ტყვედ შეპყრობილისა. დებუტატია დაბრუნდა მოედანზედა და გამოუტყხადა ხალხს, რომ ლიხთან „თამაშობა“ არ შეიძლება, ტულაი-ბეის ტყვეა და ტულაი-ბეი ძალიან გაჯავრდათ. „წვერები დაგვაგლიჯა, გაწყრაო!“ „გაწყრა, გაწყრა!“ დრიალებდა ბრბო, ხოლო რამდენსამე წუთს: შემდეგ უკვე

შზად იყო სიმღერა ამ შემთხვევისათვის. ერთს ცეცხლა-პირას ვილამაც დაიწყო უკვე თქმა სიმღერისა:

ჰეი, ჰეი!
 ტულაი-ბეი
 განწყრა, განრისხდა ძალიანი
 ჰეი, ჰეი!
 ტულაი-ბეი,
 აქ შენი ძმანი არიანი

მაგრამ მალე სიმღერაც მისწყდა. ალაყათის კარებიდან, ჰასსან-ფაშის უბნისკენ გამოჩნდა ახალი ბრბო ხალხისა და გაემართა სათათბირო სახლისაკენ. ატამანები უკვე თავ-თავიანთ სახლში დასაბრუნებლად ემზადებოდნენ, რომ უცბად ეს ახალნი სტუმარნი ეწვივნენ.

— წერილი გვაქვს გეტმანთან.

— სადაურები ხართ?

— ჩიგირინიდანა ვართ. დღე და ღამე გზად ვიდექით და მოგვეკონდა წერილი. აი, წაიკითხეთ.

ხმელნიცკიმ გამოართვა ყაზახს წერილი და დაიწყო კითხვა. უცბად სახე სულ შეეცვალა; წერილი ძირს დაიღო და ხმა-მალლა წარმოსთქვა:

— ბატონო ატამანებო! დიდი გეტმანი ჰგზავნის ჩვენს წინააღმდეგ თავისს შეილს სტეფანეს ჯარითა. ეს ომია!

გარშემო ყველამ შეჰყვირა, არც თუ სიხარულით, არც თუ შიშითა; ხმელნიცკი გამოიჭიმა ოთახის შუა გულ ადგილას და შემოიყარა დოინჯი; მისი თვალები სულ ცეცხლს აფრქვევდა, ხმა მისი მუქართა და ბრძანებითა ჰქუხდა:

— კურენების ატამანებო; თქვენ-თქვენს კურენებს მიაშურეთ! დასცალეთ ზარბაზნები! გამოიტანეთ არაყით სავსე ბოჭკები! ხეალ ლაშქრად მივდივართ!

ამ წუთიდან ყოველივე უფულება ხმელნიცკის ეძლეოდა. პატარა წინაღობიერობისათვის უნდა მიემართნა, რომ სიკვდილს გადაერჩინა ტყვე და ცბიერობითვე უნდა დაესაჯა სიკვდილით თვისი მტერნი; ახლა კი ხელთ ეპყრა მართვა-გამ-

გეობის საბლის ყველა წვერნი. ასე იყო მუდამ. ომის წინად და შემდეგაც, თუმცა გეტმანი არჩეულიცა ყოფილიყო, ბრბო ატამანებისა და კაშვევის შემწეობით აცხადებდა, რაც უნდოდა; ამ სურვილის აღუსრულებლობა არც ისე უშიშარი საქმე იყო; მაგრამ, რაკი ომი გამოცხადდებოდა, „ამხანაგობა“ ჯარი იყო მხოლოდ, სამხედრო წესსა და რიგს დაქვემდებარებული, კურენების ატამანები—აჟიკრები, ხოლო გეტმანი—განუკითხველი სარდალი და სპასპეტი.

აი ამიტომ ატამანები მაშინვე გაცვინდნენ, რომ აღესრულებინათ ბრძანება ხმელნიცისა. თათბირი გათავდა.

ერთს წუთს შემდეგ ზარბაზნების სროლამ აუწყა მთელს სეჩს, რომ ომი უკვე დაწყებულიაო.

იწყებოდა ომი და იწყებოდა ახალი ხანა ორის ერის ისტორიაშიც, მაგრამ ეს არ იცოდნენ არც სეჩის მთერალმა მცხოვრებლებმა და არც თვით იმერ-ქორომეთის გეტმანმა.

XII

ხმელნიცი და სქუმეტუსკი კაშვევისთან წავიდნენ ლამის გასათევად. მათ გაჰყვა ტულაი-ბეიცა: დაგვიანებული იყო და ბაზავლუკს ველარ დაბრუნდებოდა. ველური ბეი ისე ეკიდებოდა დესპანს, როგორც ტყვეს, რომელსაც ბოლოს გამოისყიდნენ და დიდს ფულს აიღებდა; უფრო მეტის პატივისცემითაც ებყრობოდა, ვიდრე თავისუფალ ყაზახებსა: ტყუილად ხომ არა ჰყვანდა ნახული ეს კაცი ყვენის სასახლეში. რაკი ეს უენიშნა კაშვევიმ, თავის სახლში მიიწვია დესპანი და ახლა სულ სხვა ნაირად დაუწყა მოპყრობა. მოხუცი ატამანი გულითა და სულით ხმელნიცის მხარეზედ იყო, ხოლო ხმელნიცის უსათუოდ უნდოდა, რომ ტყვე ცოცხალი გადარჩენილიყო. გარნა მის გაკვირვებას სამზღვარი აღარა ჰქონდა მაშინ, როცა ხმელნიცი, მოვიდა თუ არა კაშვევის სახლში, მაშინვე ჰკითხა ტულაი-ბეის:

— ტული-ბეი, რამდენის აღებას ჰფიქრობ ამ პატიმარის გამოსახსნელად?

ტული-ბეიმ სქშეტუსკის შეჰხედა.

— შენვე სთქვი, რომ დიდი კაცია, ხოლო მე ვიცი, რომ ელჩია საშიშის თვადისა, გარნა საშიშს თვადს უყვარს თავისიანები. ბისმილლაჰ! ერთი მომცემს ფულს, მეორეცა, მაშასადამე...

თათარი დაფიქრდა:

— ორი ათას ტალერს ავიღებ.

— მე მოგცემ ორი ათასს ტალერს.

ტული-ბეი გაჩუმდა პატარა ხანს. თვისის ირიბის თვალეზით ისე დაშტერებოდა ხმელნიცკის, თითქო იმის გულის პასუხი უნდა ამოიკითხოხოსო.

— სამი ათასსაც მომცემ,—სთქვა მან.

— რაღ უნდა მოგცე სამი ათასი, როდესაც შენ თვითონ ორი ათასი ითხოვე?

— შენ გინდა მაგისი თავი, მაშასადამე, ეგ კაცი საჭიროა, სამი-ათასსაც მომცემ.

— მაგან სიკვდილს გადამარჩინა.

— ალლაჰ! ეგ ხომ ათასის ტალერით მეტიცა ჰღირს.

ახლა კი სქშეტუსკიც გაერია ამ ვაჭრობასა და გარიგებაში.

— ტული-ბეი! — გაბრაზებით შეჰყვირა დესპანმა, — თავადის ხაზინიდან ვერას დაგპირდები და თვითონ მე კი მოგცემ სამი-ათასს, თუნდა ამისათვის ყველაფრის გაყიდვა მომინდეს, რაც კი რამ მზადია. პატარა სოფელი მაქვს საკუთარი და დავფიქვრო არა ღირს რა? ამ ატამანისა კი არა მინდა რა: მაგისი ნაწყალობევი არც სიცოცხლე, მინდა და არც თავისუფლება.

— მეჩუე თქვენ რა იცით, რასაც გიპირებთ? — ჰკითხა ხმელნიცკიმ და შემდეგ ისევ ტული-ბეის მიჰმართა. — ომი დაიწყება, გაჰზავნი კაცს ფულისათვის. თავადთან, მაგრამ ვიღრე შენნი გაგზავნილი დაბრუნდებოდეს, ბევრი წყალი ჩივილის დნებარში, მე კი ხვალვე დილით ჩამოვიტან ფულს ბაზივლუკს.

— მომეცი ოახი ათასი და ლიახს აღარ დაეუწყებ ლაპარაკს, — სთქვა მოუთმენლობით ტულაი-ბეიმ.

— კარგი, თანხმა ვარ; შენი სიტყვა იყოს.

— ბატონო გეტმანო, — სთქვა კაშევოიმ, — თუ მიბრძანებ, ეხლავ დაგივლი მაგ ფულს.

— დილაზედ წაუღე ბაზავლუსს, — დასთანხმდა ხმელნიცკი. ტულაი-ბეი გაიზმორა და დაამაჟნარა.

— მეძინება... ხვალ აღიონზედ უნდა წავიდე. აბა, საღ უნდა დავიძინო!

კაშევოიმ უჩვენა ადგილი კედელთან: აიგერა ცხვრის ტყავები და იმაზედ დაიძინეო.

თათარი გაიშოტა სახელდახელო ლოგინზედ და მალე ამოუშვა ხვრინვა. ხმელნიცკი პატარა ხანს ბოლთის ცემას მოჰყვა.

— ძილი არ ეკარება ჩემს თვალებს, — სთქვა მან. — არ დავიძინებ. მოიტა დამალევიწე რამ, ბატონო კაშევოი.

— არაყს მიირთმევ თუ ღვინოს?

— არაყი. არა, ვერ დავიძინებ.

— მამლებმა იყივლეს კიდეცა, — სთქვა კაშევოიმ.

— გვიანაა! წადი დაიძინე შენცა, ძველო მეგობარო. დალიე და დაიძინე.

— ღმერთმა გაცოცხლოს, კარგს ბედს შეგყაროს!

— ღმერთმა გადღეგრძელოს!

კაშევოიმ მოიწმინდა ტუჩები სახელოთი, მივიდა ოთახის ერთს კუთხეში და ჩაწვა ისიც ცხვრის ტყავებში.

მალე იმისი ხვრინვა ტულა-ბეის ხვრინვას შეუერთდა.

ხმელნიცკი მოუჯდა სტოლს და ღრმა ფიქრში წავიდა. უცბად გამოერკვია და შეჰხედა სქშეტუსკის.

— ბატონო დესპანო, თქვენ თავისუფალი ბრძანდებით.

— თავისუფალი? ოჰ, გმადლობთ, გეტმანო იმიერ-ქორო-მეთისავ, თუმცა არ დაგიმაღავ და გეტყვი, რომ ბევრად მერჩინა ეგ თავისუფლება სხვას ეწყალობებინა ჩემთვის და არა თქვენ.

— ნუ მეუბნებით მადლობას. მე სიკვდილისაგან დამიხსენით, ახლა სამაგიერო სიკეთე გადაგიხადეთ და ჩვენ ქვეთნი ვართ. ამას გარდა, ისიც უნდა მოგახსენოთ, რომ ვერ გაგიშვებთ აქედან, ვიდრე სიტყვას არ მომცემთ, პატიოსანის რაინდის სიტყვას, რომ შინ დაბრუნებისას არავის არას ეტყვით არც ჩვენის ძალ-ღონისასა, არც ჩვენის საომრად გზად ყოფნისასა და არც იმისას, რაც აქ, სეჩში, ჰნახეთ.

— თქვენ, მგონია, მეხუმრებით! მაგნიარს სიტყვას ვერ მოგცემთ, იმიტომ რომ ეგ სიტყვა რომ მოგცეთ, ჩემი საქციელი იმ მოღალატეთა საქციელს ემგვანება, რომელნიც მტრის მხარეზედ გადადიან.

— ჩემი სიცოცხლე და მთლად ამიერ-ქორომეთის ბედი იმაზედა ჰკიდია, შემოგვიტევეს დიდი გეტმანი მთელის თვისის ძალ-ღონითა თუ არა? ხოლო ის ერთს წუთსაც არ დაყოვნდება, თუ გაიგო თქვენის წყალობით საქმის ვითარება; ჰო და მაშ, მე ნუ დამემღურებით, თუ ვერ განგიტევებთ, ვიდრე სიტყვას არ მომცემთ, რომ გაჩუმდებით, და არას იტყვით იმისას, რაც აქა ჰნახეთ. ვიცი, რა ძალი დამესხმის თავს წვიმასავითა: ორივე გეტმანი, საშიში თავადი, რომელიც მარტოც რომ იყოს, ერთს ჯარადა ჰღირს, ზასლავსკი, კონეცპოლსკი და ყველა ეს მოურავ-ერისთავნი, რომელნიც კისერზედ ასხედან ყაზახებს! მართალია, ცოტა შრომა არ დამჭირდა, ცოტა წერილები არ მივიწერე აქეთ-იქით, რომ თვალი ამება მათთვის, მიმეძინებინა, მაგრამ მაინც ფხიზლობდნენ; ჯანდაბას იმათი თავი, იფხიზლონ ახლა, რამდენიც უნდათ. როცა მდაბიონიცა, ქალაქის ყაზახნიც და ყველანიც, ვინც კი შევიწროებულია, ვისაც არც თავისუფლება აქვს და არც სარწმუნოება ხელ-უხლებელი, მოურიდებლად გადმოვლენ ჩემს მხარესა, როგორც გადმოვიდა ამიერ-ქორომეთის ჯარი და მოწყალე ყვენი ყირიმისა, მაშინ აღარ შემეშინდება მტრისა, ხოლო მანამდე ღვთის იმედი მაქვს, რომელიც ჰხედავს ჩემს უბრალოებას და ჩემს მწარე შეურაცხყოფასა.

ხმელნიცკიმ გადაჰკრა არაყი და მოუსვენრად დაუწყო გარშემო ტრიალი სტოლს. პან სქშეტუსკიმ აველ-ჩაველო თვალი და გაბედვით დაუწყო ლაპარაკი:

— ღმერთს ნუ ჰგმობ, გეტმანო ამიერ-ქორომეთისავე, ნუ ითხოვ ღვთის კურთხევას შენის საქმეებისათვის. განა თქვენ უნდა სთხოვდეთ შემწვობას უზენაესსა, თქვენ, რომელიც პირადის წყენისათვის ჰლამის აღანთოს სახმილი შინაურის, ძმათამკვლელობის ომისა და შეუერთდეს უსჯულოთა საქრისტიანოს წინააღმდეგ? იფიქრეთ, რა შეუდგება თქვენს განზრახვას. გაიმარჯვებთ, თუ გაიმარჯვებენ, სულ ერთია, მთელს აღამიანთა ზღვა სისხლსა და კრემლს დაჰღვრით, კალიაზედ უარესად მოაოხრებთ მშობელს ქვეყანას, ტყვეობაში ჩაპყრით მოძმე ხალხს, შეარყევთ რესპუბლიკის ძლიერებას, გააუწმინდურებთ ტრაპეზთა უფლისათა და ყოველივე ესე რადა, რისთვის უნდა მოჰხდეს? იმიტომ მხოლოდ, რომ ჩაპლინსკიმ მამული წაგართვათ! რა დაგაბრკოლებთ და ან რის წინაშე-ლა შესდგებით, რას არ გასწირავთ, ოღონდ კი თქვენის გულის ბუხარი იყაროთ, ღმერთსაც უწოდებთ განა ამისთანა საქმისათვის? ხომ თქვენს ხელში ვარ, ხომ ყოველთფხს შეგიძლიანთ წამართვათ თავისუფლება და თვით სიცოცხლეცა, მაგრამ მაინც გეტყვი: ღმერთს კი არა, ეშმაკს უნდა მოუწოდოთ საშველად; მხოლოდ ეშმაკი გამოგიწოდებთ ხელს თქვენს საშინელს საქმეში.

ხმელნიცკი გაღურჯდა, იტაცა ხმალს ხელი და ისე დააბღვერდა დესპანს, როგორც ლომი, რომელიც მზად არის, თავს დაეცეს თავის მსხვერპლს, მაგრამ უცბად შესდგა. ჯერ კიდევ ძლიერ არ იყო მთვრალი. ეინ იცის, იქნება შიშმა რამ შეიპყრო უეცრად, იქნება სვინიდიისმა გაიღვიძა და ქენჯნა რამ დაუწყო და ამხილა: შესდგეო! ხმელნიცკიმ თავი ჩაჰლუნა და ისე დაიწყო ლაპარაკი, თითქო ცდილობს თავისი თავი თვითონვე დააჯეროს, დაარწმუნოს როგორმეო:

— სხვას არ მოვუთმენდი მაგისთანა ლაპარაკს, მაგრამ თქვენც გაფრთხილდით, რომ თქვენი გაბედულობა არ აღემატოს ჩემს მოთმინებას. მაშინებთ ჯოჯოხეთითა, მაბრალებთ

ღალატსა, რომ ვითომ პირადის წყენისათვის შურსა ვძიობ, მაგრამ საიდან იცით, რომ მარტო ჩემის წყენისათვის მინდა მივაგო მტერს სამაგიერო? სად ვიშოვიდი ამოდენს თანაშემწეს, საიდან გაჩნდებოდა ეს ათასი და ათი ათასი ხალხი, რომელიც შემომიერთდა და კიდევ შემომიერთდება, თუ მარტო პირადის საქმისათვის ვცდილობდე? აბა, იფიქრეთ, რა ამბაეია უკრაინაში. ეჰ, დედა-ქუყყანა, ჩვენო ნაყოფიერო მშობელო, ვინ არის, რომ უშიშრად ჰგრძნობს თავს შენთა სამზღეართა შორის, ვინ არის, რომ დარწმუნებული იყოს, ხვალინდელი დღე მშვიდობით გამითენდებაო? ვინ არის ბედნიერი, ვინ არის თავისუფალი, ვინ არა სტირის, არა ოხრავს? მხოლოდ ერთი ვინსწევს, პოტოცკები, ზასლავსკები, კალინოვსკები და ერთი მუჟა აზნაურშიელობა! იმათთვის არის უფროსობა, დიდება, ყმა და მამული! იმათთვის არის ბედნიერება და ოქროს თავისუფლება, ხოლო დანარჩენი ერი მდუღარებას აბნევს, ხელ აღპყრობილია ცად მიმართ და ღვთისაგან ელის შემწეობას, რადგან მეფის წყალობაც ვერასა ჰშველის! თვით აზნაურობაშიაც რამდენია, რომ ვეღარ გაუძღეს შევიწროებას და ივლტოდნენ სეჩს ჩემსავითა? მე ომი არა მწაჭიან არც მეფესთანა და არც რესპუბლიკასთან! რესპუბლიკა დედაა ჩვენი, მეფე მამაა; მეფე მოწყალეა, გარნა მისნი ერისთავნი... იმათი გაძლება ჩვენ არ შეგვიძლიან. იმათი ჩაგვრა, იმათი უღვთო გადასახადები, იმათი ღალა-იჯარები, იმათი მტარვალობა და ტვინის წოვა, იმათი გულ-ღვარძლიანობა, — ყოველივე ესა შექალაქადებს შურის ძიებად! რა მადლობა მიიღო ამიერ-ჭორორამეთის მხედრობამ იმ ღვაწლისათვის, რომელიც მიუძღვის ქვეყნის წინაშე მრავალ ომსა და ლაშქრობაში? სად არის ყაზახთა უპირატესობანი? მეფემ უბოძა, ხოლო ერისთავებმა წაართვეს. ნალივიკა ოთხად იქმნა გაჭრილი, პავლიუკი სპირდენძის ხარის მუცელში შესწვეს! წყლუტნი, რომელიც დავგაჩნხა ეხულკევსკიმა და კონეცპოლსკიმ, ჯერ არ დაშუშულა. ცრემლნი, დაღვრილნი მოკლულთა, აკეპრობთა და შარგრლზედ ჩამოკლულთათვის ჯერ არ შეგვშრობთა და ახლაც, აბა, შექმნე-

დეთ, რა ანთია ცაზედ?—ხმელნიცკიმ თითი გაიშვირა ცისაკენ, საცა კუდიანი ვარსკვლავი ბღღვრიალებდა.—რისხვაა ღეთისა! ცეცხლია ღეთისა!... და თუ მე ვარ ეგ ღეთის რისხვა, მოვლენილი ქვეყნად, დაე აღსრულდეს ნება ღეთისა! ვტვიროჲ უოლოზ ჯვარსა ჩემსა.

ხმელნიცკიმ, საშინელმა და თავპირ ჩამოხნელებულმა ხელნი აღაპყრნა ცად მიმართ, ათროლოდა და დაეშვა ძირს, თითქო ველარ აიტანა დიდი სიმძიმე თვისის მოწოდებისაო.

ჩამოვარდა მღუმარება, რომელსაც არღვევდა მხოლოდ ხვრინვა ტულაი-ბეისა და კაშვევისა და კიდეც ოთახის კუთხეში გაბმული გულსაკლავი ქრიკინი ქრიკინასი.

ღესპანი იჯდა ძირს თავჩალუნული. ეტყობოდა, თითქო პასუხს ეძებს ხმელნიცკის სიტყვებისასაო, რამელიც ისეთივე მძიმე იყო, როგორც დიდი ნატეხი სალის-კლდისა; ბოლოს სქშეტუსკიმ დაიწყო ლაპარაკი ნელის, მწუხარე ხმით:

— ოჰ, თუნდ რომ მართალიც იყოს ეგა, ვინა ბრძანდებით განა, რომ კისრულობთ მოსამართლისა და ჯალათის მოვალეობას? რა მძვინვარებასა და რა გულზავობას შეუპყრიხართ? რატომ არ გინდათ ღმერთს მიანდოთ ეგ უფლება განკითხვისა და დასჯისა? ბოროტს კაცებს არ ვესარჩლები, წყენას არც მე ვაპატივებ ვისმე, ჩავგრა-შევიწროებას არც მე ვსახე უფლებადა, მაგრამ ერთი თქვენს გულშიაც ჩაიხედეთ, გეტმანო! უჩივით ერისთავთა მიერ ჩავგრას და შევიწროებას; ბრძანებთ, რომ არ ემორჩილებიან არც მეფეს, არც კანონსაო, ჰგმობთ მათს გულზავობას და მერე თქვენ თვითონ კი არა გქირთ ეგვეც სენი? თვითონ თქვენ კი არ მოგიღვრებიათ მუშტი რესპუბლიკისა და კანონისათვის? პანებისა და შლიახტის მტარვალობას კი ჰხედავთ და ის კი არ გინდათ დაინახოთ, რომ თუ არ მათი მკერდი, მათი ჯავშან-ჩაჩქანი, თუ არ მათი ციხე-დარბაზნი, ზარბაზან-ზამბულაკნი და ჯარი, ეს დედა-მიწა, საცა მდინარენი რძესა და თაფლად გადაქცეულა, ათასჯერ უფროა აუტანელს გმინვაში იქმნებოდა დაჩავრულობის გამო თათართა და ოსმალთა მონობის უღელ ქვეშ! ვინ დაიცავდა და დაიფა-

რავდა ამ ქვეყანას? ვის მზრუნველობისა და ძალ-ღონის წყალობითაა, რომ თქვენი შვილები იანიჩარებად არა მსახურებენ, თქვენი ასულნი სანთელივით არა ჰდნებიან საზიზღარს ჰარამ-ხანებში? ვინ ასახლებს უკაცურს უდაბნოებს, ამაგრებს ქალაქებს, აგებს ტაძართა ღვთისათა?...

პან სქშეტუსკის ხმა თან და თან უფრო ძლიერდებოდა, ხოლო ხმელნიცკი თავ-ჩაქანდრული ჩაპყურებდა არაყით საესე ფიალას და მღუშარებდა პირ-გამეხებული.

— მერე ვინ არიან ისინი?— განაგრძობდა თავისას პან სქშეტუსკი.— ნემენცების ქვეყნიდან არიან მოსულნი თუ ოსმალეთიდან? განასისხლნი არ არიან ჩვენთა სისხლთაგან და ძვალნი ჩვენთა ძვალთაგან? თქვენივე შლიახტა არ არის და თქვენივე თავადნი არ არიან? ოჰ, თუ ეს ასეა, მაშ ვაი თქვენდა, რომ თქვენ ასისიანებთ უმცროსთა ძმათა უფროსთა საწინააღმდეგოდ! ვფიცავ დაუსაბამო მამასა, თუნდა საძაგელნი იყვნენ, თუნდ ყველანი სათითაოდ ფეხ-ქვეშა სთელავდნენ კანონსა, გვართმევდნენ უფლება-უპირატესობასა, მიინც თქვენი საქმე არ არის იმათი განკითხვა: დაე ღმერთმა განიკითხოს იგინი ცათა შინა, ხოლო სეიმებმა— ქვეყანასა ზედა და არა თქვენ, გეტმანო! შევიძლიანთ სთქვათ, რომ თქვენ შორის ყველანი მხოლოდ სამართლიანები არიან, რომ თქვენ არაფერი არა დაგიშავებიათ-რა და ტვირთ-ულობთ უფლებას, იარალით ხელში უნდა ვეწიო ჩემსასაო? თქვენა მკითხავდით, სად არის ყაზახთა უფლებანიო? ახლა მე გიპასუხებთ: მოურავ-ერისთავეებმა კი არ მოსპეს ეგ უფლებანი, არამედ იმიერ-ქორომელებმა, ლობო-დამა, სასკომ, ნალივიკამ და პაელიუკმა, რომლისასაც ამბობთ, ვითომ სპილენძის ხარის მუცელში შესწვესო, თუმცა კარგად იცით, რომ ეგ აგრე არ იყო. დათრგუნა და მოსპო თქვენი უპირატესობანი თქვენმა მრავალ-გზის აჯანყებამა, მღელვარებამა და ძარცვა-რბევამ, რომელიც თათართა ძარცვა-რბევასა ჰგვანდა. ვინ შემოუშვებდა ხოლმე რესპუბლიკაში თათრებს, რათა შემდეგ, როცა დავლა-ალაფით დაბრუნდებოდნენ უკან, დასხმოდნენ თავს და წაერთვათ ნაალაფე-ნადავლი? თქვენ! ვინ

იყო, რომ,—ღმერთო შეუწდე!—თავის სისხლსა და ხორცს, ქრისტიან ხალხს ტყვედა ჰყიდდა თათრებში? ვინ იყო თავი აჯანყება-ამბოხებისა? თქვენ! ეის წინაშეა, რომ უშიშრად ვერა ჰგრძნობს თავს ვერც შლიახტიჩი, ვერც ვაჭარი, ვერც გლეხ-კაცი? თქვენ წინაშე! ვინ აღანთებდა ხოლმე ცეცხლს ძმათა-ძმის მეველელის ომისას, ამტუტებდა უკრაინის ქალაქებსა და სოფლებს, სძარცვავდა ეკლესიებს, აუპატიურებდა დედაკაცებს? თქვენა და მხოლოდ თქვენ! რაღა გინდათ ახლა? გინდათ, რომ მოგცენ უფლება, იაზურ-ზაურეთ, იამბოხეთ, სძარცვეთ და ითარეშეთ, რამდენიც გნებავდეთო?! ღვთის-წინაშე, უფრო ბევრს გაპატივებდნენ ხოლმე, ვიდრე გსჯიდნენ! სენ-მორეული ასო უნდოდათ განეკურნათ და არა მოეკვეთათ*), და არ ვიცი, არის კიდევ მთელს ქვეყანაზედ ისეთი სახელმწიფო, რესპუბლიკას გარდა, რომელიც ასეთის მოთმინებით ითმენდეს ასეთს სწეულებას? ამის მაგიერ რითი უხდით მადლობას? აიგერა სძინავს თქვენს მოკავშირეს—ლაუძანებელს მტერს ჯვარისა და ქრისტიანობისას, არა უკრაინელს მოუზრავ-ერისთავს, არამედ თათრის მურზას და აი მაგასთან ერთად მიდიხართ, რომ დასწვათ მშობელი მხარე, განიკითხოთ ღვიძლნი ძმანი! ახლა ეგ იქნება იქ ბატონი, მაგას დაუჭერთ იქ უზანგსა!

ხმელნიცკიმ კვლავ გადაჰკრა არაყით სავსე თიალა.

— როცა მე და ბარაბაში ვიყავით თავის დროზედ მეფესთან, ჩვენ მოწყალე ბატონთან,—წარბ-შეკმუხენით და დაღვრემით წარმოსთქვა ხმელნიცკიმ,—ასე გვიბძანა: განა თოფიარალი არა გაქვთ და ხმალი არ გართყიათ წელზედაო?

— მეფეთ-მეფის წინაშე რომ დამდგარიყავით, ასე გეტყოდათ: მიუტევე კი შენთა მტერთა, როგორც მე მიუტევე ჩემს მტრებსაო?

— მე რესპუბლიკასთან ომი არა მწადიან.

— მხოლოდ დანას აქერთ ყელში, ჰა?

— მიედივარ, რომ ყაზახნი გავანთავისუფლო თქვენის მონობის ჯაჭვთაგან.

*) გეტმან ჟულკევსკის სიტყვებია.

— რომ შერე თათართა ქამანდი ჰკრათ და უარესად გაჰბოქოთ.

— მინდა დავიცვა სარწმუნოება.

— წართმართთან ერთად.

— მომშორდი თავიდან! შენ არა ხარ ხმა ჩემის სეინილისისა! მომშორდი-მეთქი, გეუბნები!

— სისხლი, დაქცეული თქვენ მიერ, დაამძიმებს თქვენს სულს, ცრემლნი კაცთანი ჰღალადებენ ღვთისა მიმართ, თქვენ მოგელით სიკვდილი, მოგელით მსჯავრი და განკითხვა....

ხმელნიცკიმ გაათორებით დაიწყო ღრიალი და ამოწვდილის დანით ხელში ეცა დესპანს.

— მომკალით!—სთქვა პან სქშეტუსკიმ.

და კვლავ ჩამოვარდა მღუპარება, კვლავ მოისმოდა მხოლოდ ხვრინვა მძინარეთა და გულ-საკლავი ჰრიკინი ჰრიკინასი.

ხმელნიცკი გაჩერდა ერთს წუთს ასე ხელში დანითა, რომელიც სქშეტუსკისა ჰქონდა მოღერებული, მაგრამ უცბად გააფრქოლა, გონს მოვიდა, დანა ძირს დაუვარდა, სწვდა არაყის ჰურქელსა და მოიწაფა. დალია სულ უსუნთქებლივ და დამძიმებული დაეშვა იქვე ტახტზედა.

— არ შემძლიან დაკვრა, — ბუტბუტებდა მთვრალი, — არ შემძლიან. გვიან-ლაა... რა ამბავია, გათენებაა?... უკან დაბრუნებაც გვიან-ლაა გზად-გამდგარისათვის... რას მეუბნები სამართლისა და სამსჯავროსასა?

ისედაც ცოტა არა ჰქონდა დაღეული და ახლად დაღეული ხომ უფრო ძლიერ ეცა თავში; თან-და-თან უფრო და უფრო ეკიდებოდა სასმელი.

— რომელი სამართალიო? რაო? ყენმა აღმითქვა შემწეობა, ტულაი-ბეის აქა სძინავს; ხოლო თუ... უკეთუ, ის... მე გამოგისყიდე ტულაი-ბეის ტყვეობიდან... ეს გახსოვდეს და ესა სთქვი... ოჰ, გულსა მჩხვლეტავს რალაცა, მტკივა!... გზიდან უკან დაბრუნება... გვიან-ლაა! სამართალი... ნალივიაკო... პავლიუკი...

უცბად გაიმართა წელში, შეშინებულმა დააქყიტა თვალები და დაიყვირა:

— ვინ არის აქა?

— ვინ არის აქა?—განიმეორა ბურანში კაშველიმ, რომელსაც ყვირილმა ოდნავ გაუკრთო ძილი.

ხოლო ხმელნიცკიმ კვლავ ჩაჰქინდრა თავი, წატორმანდა, წაიბუტბუტა:— „რა სამართალიო?“—და მიეძინა.

პან სქშეტუსკი, რომელსაც ჯერ კიდევ არ დაჰშუშებოდა ჭრილობა, გაფითრდა, საშინელი სისუსტე იგრძნო და იფურცა: სიკვდილს ხომ არ უნდა გადამაფაროს თეისნი ფრთენიო.

XIII

დილა აღრიან ქვეითი და ცხენოსანი ყაზახთა ჯარი გაემართა სეჩიდან. სისხლს ჯერ არ მოეცხო ჩირქი მინდვრებისათვის, მაგრამ ომი კი დაიწყო. რაზმი რაზმს მისდევდა, თითქო გაზაფხულის მცხინვარე მზით გამოჩეკილი კალიაო, ჩერტომელიკის ლელიან მიდამოთა შორის და უკრაინის ყანებში შესასევადა დაძრულიო. ტყეში, ბაზავლუკს იქით, იდგნენ თათარნი, სალაშკროდ გამზადებულნი, ექვსი ათასი რჩეული მხედრობა, შეიარაღებული თავით ფეხამდე,—აი ის შემწეობა, რომელიც გამოუგზავნა ყეენმა იმიერ-ქორომელებსა და ხმელნიცკის. ყაზახებმა, მოკავშირენი რომ დაინახეს, დაიწყეს თოფების ცლა და ქუდების მალლა სროლა. ხმელნიცკი და ტულაი-ბეი ცხენებზედ ისხდნენ, თულებით იყენენ დაჩრდილულნი, საჩქაროდ გაეშურნენ ერთმანეთისაკენ და დიდის ამბითა და გამოჩინებით მიესალამნენ ერთმანეთსა.

ჯარნი დაეწყენენ მწკრივ-მწკრივად ისეთის სისწრაფით, რომელიც სჩვევია ყაზახთა და თათართ, და გაუდგნენ გზას. ორდინცებმა დაიჭირეს აქეთ-იქითა ფრთენი, შუაში ჩადგა ხმელ-

ნიცკი თვისის ცხენოსნებითა, ხოლო უკან მიდიოდა იმიერ-კორომელთა საშინელი ქვეითი ჯარი*).

ჯარმა გაიარა ბაზველუკის ტყე და გავიდა მინდვრად-კარგი დარი იყო, ლურჯად მოწმენდილს ცაზედ ნაკვერი არსადა სჩანდა ღრუბლისა. ჩრდილოეთის ნელი ნიაფი სიგრილესა ჰყენდა. მზე სასიამოვნოდ აბჰყვრივდალგებდა შუბებსა და თოფის ლულებსა.

ჯერ წინ გაშლილი იყო ყრუ-მინდვრები ყოვლადის თვისის სამზღვარ-დაუდებელის თვალ-გადუწვდენელობითა, და სიხარულით აძგერდა ყაზახთა გულნი. მაყვლის ფერი დიდი დროშა, რომელზედაც იყო მხატვრობა მთავარ-ანგელოზისა, რამდენ-ჯერმე დაიხარა და მიესალმა მშობელს მინდორს, მასთან ერთად დაჰხარეს ყველა თუნდი და რაზმთა ალაამნი.

რაზმნი თავისუფლად გაიშალნენ. აი წავიდნენ წინ მესაკრავენი; დაიწყო გუგუნნი სპილენძის ტოლჩებმა, ახმიანდა ბობლანოები და მინდვრის მდუმარებაში გაისმა ათასგვარად შეწყობილი ხმა რიცხვ-მრავალ ხოროსი:

ჰეი, მინდორა, მინდორა,
სასურველო გულისაო,
წითელ-ფერის ყვავილებით
უკუ-მყრელო სევდისაო;
ვრცელი ხარ და თვალთ-უწვდენი,
ვით ზედა-პირი ზღვისაო.

მესაკრავეთა მიუშვეს აღვირი ცხენებს, გადაეშენენ უკან, თვალნი მიაპყრეს ცას და დაუწყეს კვრა საკრავთა; მებობლანეთ აიღეს ხელნი მალლა და სცემდნენ თავიანთ სპილენძის დაფ-დაფთა, და ყოველივე ესე, შეერია-რა ერთკილოვან ხმას სიმღერისას, გადაიქცა ერთს უშველებელ, ველურსა და უდა-

*) წინააღმდეგ დღევანდელის აზრისა, ბოპლანი ამტკიცებს, რომ იმიერ-კორომელთის ქვეითი ჯარი ბევრად სჯობდა ცხენოსნთა ჯარსაო. იმის ფიქრით, 200 პოლონელი ადვილად ამარცხებდა იმიერ-კორომელთის 2000 მხედარს, მაშინ როდესაც ეს ქვეითის ჯარის ყაზახს დიდ ხანს შეეძლო თავი გაემაგრებინა სანგალ-საფრებში, თუნდა ათასობით მიეტანათ იერიში პოლონელებსა.

ბნოსავით მოსაწყენს გრიალად. ყველა მოიკცა რაღაც სევდა-მა! მხედარნი ნება-უნებლიედ იხრიდნენ თავს სიმღერის ასაყოლებლად; თითქო მინდორიკა მღერის და ბუბუნებს კაცებთანა, ცხენებთანა და გაფრიალებულ დროშებთან ერთადლაო.

ჯართ წინამძღოლი და სპასპეტი იყო ხმელნიცკი, რომელიც თეთრს ცხენზედ იჯდა, ხელთ ოქროს კვერთხი ეპყრა და გვერდთ ახლდა მაყვლის ფერი დიდი დროშა და თული.

მთელი ლაშქარი ტაბატით მიიწევდა ჩრდილოეთად; გზა-გზა გუნდნი ფრინველთა ფრთხალით წამოიშლებოდნენ ხოლმე, მიჭფრინავდნენ შეშინებულნი და არღვევდნენ უდაბნოს დიდებულს მღუმარებას.

ხოლო ჩიგირინიდან, უდაბნოს ჩრდილო სამზღვართავან, მოკურავდა სხვა, უშველებელი ზვირთი მხედრობისა ახალგაზდა პოტოცკის წინამძღოლობით. აქ იმიერ-ქორომელნი და თათარნი ისე მიდიოდნენ საომრად, თითქო ქორწილში მიეშურებიანო, მუსიკის კვრითა და მხიარულის სიმღერითა; იქ გუსარნი, რაზმ-რაზმად დაწყობილნი, მღუმარებით მიაბიჯებდნენ წინ დაღვრემილ-დამძარებულნი, რადგან გული არ მისწევდათ ამ ლაშქრობაში, რომელსაც სახელი და დიდება არ მოჰყვებოდა. აქ, მაყვლის ფერ დროშის ქვეშ, გამოცდილი მეთაური მუქარით იღვრებდა თავისს ოქროს კვერთხ-კომბალს, დარწმუნებული, რომ გამარჯვება მე დამრჩება და შურსაც ეიძიებო; იქ სპათა ჯარს წინ მიუძლოდა დაფიქრებული ქაბუჯი მწუხარე სახითა, თითქო წინდაწინვე ცხადადა სჭერეტს თავისსა-მწუხარო ბოლოსაო.

ერთმანეთის საწინააღმდეგოდ ამხედრებულ ჯართა შორის ჯერ კიდევ დიდი სივრცე იღო მინდვრებისა. ხმელნიცკი არა ჩქარობდა. იმისი ფიქრი ის იყო, რომ, რაც უფრო შორს წამოვა ამ უდაბნოში მტერი, რაც უფრო მეტად დაშორდება ორს გეტმანს, მით უფრო მალე დამარცხდებაო. ამასობაში ახალნი ლტოლვილნი ჩიგირინიდანა, პოვოლოჩიდანა და უკრაინის სხვა მოსამზღვრე ქალაქებიდან, ემატებოდნენ იმიერ-ქორომელთა ჯარს და მოჰქონდათ თან ამბავი მოპირისპირე ბანაკისა. ხმელ-

ნიცკიმ გაიგო ახლა, რომ მოხუცს გეტმანს გამოეგზავნა თვისი შვილი ხმელეთით ორი ათასის ცხენოსანის ჯარითურთ *), ხოლო ექვსი ათასი ქვეითი მეომარნი და ათასი ნემენცი წყალ-წყალ მიდიოდა დნებრზედა. ორივე რაზმს ნაბრძანები ჰქონდა, ერთმანეთს ნუ განშორდებითო, მაგრამ ეს ბრძანება პირველ დღესვე დარღვეულ-იქმნა. ნავები მალე გაიტაცა დნებრის ჩქარმა მდინარეობამ და შესამჩნევად წინ წავიდა ეს რაზმი, ვიდრე გუსარნი, რომელნიც ნაპირ-ნაპირ შილიოდნენ.

ხმელნიცი იმის ლოდინში იყო, რომ უფრო გადიდებულიყო მანძილი, რომელიც ჰყოფდა რესპუბლიკის ჯარებს ერთმანეთისაგან. გალაშქრების მესამე დღეს მისმა მხედრობამ დაიბანაკა ლელიანების ახლოს.

ტულაი-ბეის თათრებმა ორი ლტოლვილი შეიპყრეს. ისინი იყვნენ დრაგუნები, რომლებიც პოტოცკის ბანაკიდან გამოქცეულიყვნენ. დღე-და-ღამე ეარნათ და ძლიერ გამოესწროთ წინ თავიანთ რაზმისათვის.

რაც იმათ უამბეს, სავსებით შეესაბამებოდა ხმელნიცკის ცნობას პოტოცკის ჯარის რაოდენობის შესახებ. ამას გარდა სხვა ახალი ამბავიც აუწყეს: იმ ყაზახთა წინამძღოლნი, რომელნიც ნემენცებთან ერთად მოდიან ნავებით, მოხუცი ბარაბაში და ქშეჩოვსკიაო.

ეს უკანასკნელი სახელი რომ გაიგონა, ხმელნიცი ფეხზედ წამოხტა.

— ქშეჩოვსკიო? პერეიასლავის ყაზახთა პოლკოვნიკი?

მიუბრუნდა მის გარშემო მყოფ პოლკოვნიკებს და სთქვა:

— ამხედრდით ახლავე.— გასცა მან ბრძანება ომანხიანად.

საათსაც არ გაუვლია, ლაშქარი კვლავ დაიძრა და გაუდგა გზას, თუმცა მზე უკვე ჩასაველს იყო და ღამეც არ იძლეოდა იმედს, რომ რიგიანი იქნებოდა. რაღაც საშინელი, სისხლის ფრად შეღებილი ღრუბლები აჰფარებოდა ცას დასავლეთად,

*) სამოელ ველიჩკოს სიტყვით, რესპუბლიკის ჯარი 22 ათასამდე იქნებოდაო, ეს შესაწყნარებელი არ უნდა იყოს.

თითქო უზარ-მაზარ გველთა და ურჩხულთა რაზმებიო, ერთ-მანეთის შესამუსრად განმზადებულებიო. ლაშქარი გაემართა მარცხნივ, დნებრის კიდეებისაკენ. ახლა მღუმარებით მიდიოდნენ, უსიმღეროდ, უმუსიკოდ, იმდენად აჩქარებით, რამდენადაც ნებას აძლევდა ხშირი და მაღალი ბალახი. ცხენოსანი ჯარი გზას უქნიდა ურმებსა და ქვეითა ჯარსა, რომელიც მალე უკან დარჩა. დაღამდა. ამოვიდა უშველებელი გაწითლებული მთვარე.

შუა-ღამე იყო უკვე ძალზედ გადასული, როცა ყაზახთა და თათართ თვალ-წინ წარმოუდგათ რაღაც შავი ზვინი, რომელიც საკმაოდ გარკვევით მოსჩანდა ღამის კრიაგს სიბნელეში.

ეგ ზვინი იყო ზღუდენი კუდაკისა.

მსწრაფლ-მსრბოლნი რაზმნი, ღამის წყვილით დაფარულნი, ჩუმადა და სიფრთხილით მიეპარნენ ციხე-დარბაზის გაღაგნის მიდამოთა. ვინ იცის, იქნება შესაძლო იყოს ხელში ჩაეიგდოთ უცბად მიძინებული ციხეო?

მაგრამ შეეცრივ გაიფლვა, გრგვინვამ შეარყია სიბი კლდენი დნებრისა და ცეცხლივით წითელმა ყუმბარამ, გადიარა რა ცეცხლის რკალივით ცაზედ, დაეცა მინდვრის ხშირს ბალახებში.

თავ-პირ ჩამოზნელებული ციკლოპი გროძიციკი ამით აუწყებდა, რომ ეფხიზლობო.

— აი ეგ ცალ-თვალა, ბრმა ძაღლი! — წასჩურჩულა ხმელნიციკიმ ტული-ბეის, — ღამეც კი ჰხედავს.

ყაზახებმა გზა აუქციეს ციხე-დარბაზსა. თიქრადაც არ იყო გასატარებელი, რომ შესაძლო იქნებოდა ციხის აღება, მით უმეტეს, რომ ზემოდან სახელმწიფოს ჯარი მოდიოდა. პან გროძიციკი მაინც თავისას არ იშლიდა და ყუმბარას ყუმბარაზედ აღევნებდა გზაში ჯარს, იმდენად ზიანის მისაცემად არა, რამდენადაც იმიტომ, რომ საქმის ვითარება ვაუწყყო ზემოდან წამოსულ ჯარს, რომელიც შესაძლოა აქვე ახლო-მახლოა სადმეო.

უპირველეს ყოვლისა, გრგვინვა კუდაკის ზარბაზნებისა გულს ჩასწვდა პან სქშეტუსკის. ახალგაზდა რაინდი, მძიმედ ავადნყოფი ამ ემად, ხმელნიცკის ბრძანებით, უკან მისდევდა ყაზახთა ლაშქარს. ხორტიცის ბრძოლაში, მართალია, მძიმედ არ დაიჭრა, მაგრამ სისხლისაგან კი თითქმის სულ დაიკალა. მისმა წყლულებმა, რომელიც შეუხვია მოხუცმა იასაულმა, ხელ-ახლადა ჰქმნეს პირი; ამის გამო სქშეტუსკი გააცხელა და ახლა გათარანებული იწვა უგონოდ ყაზახთა ოთხ-თვლიანს ურემში. კუდაკის ზარბაზნებმა გააღვიძა და მოიყვანა გონს. გაახილ-ათვალეები, წამოყელყელავდა ურემში და დაიწყო აქეთ-იქით ყურება. სიბნელით მოცული ყაზახთა ურდო მიდიოდა წინ, თითქო აჩრდილთა ფერხულში არიან ჩაბმულნიო, ხოლო ციხე მაინც ჰქუხდა და გრგვინავდა თავისის ზარბაზნებითა; გავარვარებული ყუმბარები ეცემოდა ძირს, შიშინებდა და იღრინებოდა, თითქო გამძვინვარებული ქოფკებიაო. ამ სურათის დანახვზედ, ისეთმა სევდამ შეიპყრო პან სქშეტუსკი, რომ მზად იყო სიცოცხლე დაეთმო თავისუფლებისათვის. ომია, ომი! მე კი მტერთა ბანაკში ვარ, უიარაღო, ავადმყოფი; ურმიდან ვერ წამომდგარვარო! იქ კი, ლუბნში, ალბად, ჯარი ემზადება გამოსალაშკრებლად. თავადი ზის ახლა თავის გიჟს რაშზედ ცეცხლებრ აღგზნებულის თვალებით და ათვალიერებს ჯარებს... აი, პატარა ვოლოდიევსკი თვისის წვრილის ხმლით ხელში წინ უძღვის დრაგუნებს... მოფარკავება, რომ ტოლი არა ჰყავს; ვისაც დაშნაობას დაუწყებს, გათავებულია, წინაღვე ანდერძი ააგებინოს.

აი პოდბიპენტაცა. იღებს თვისს უზარმაზარს მანვილს. მოჰყვეთს თუ არა სამს თავს? ქსენძი იასკულსკი აკურთხებს დროშებს და ხელ-აღპყრობილი ევედრება ღმერთს... მეომრად ნამყოფია და თავი ვერ შეუმაგრებია, არ შეუძლიან არ შესწყვიტოს ლოცვა და საომარი რამ ასამაღლებელი დაადება არ წარმოსთქვას... ჯავშნიანები უკვე მზად არიან, რაზმნი გაემართნენ, გაიშალნენ, გზას გაუღვნენ... ომია, ომი!

უცბად ყოველივე იცვლება. დესპანის წინაშე სდგას ელენე, გაფითრებული, თმა-გაწეწილი და ევედრება შველასა: „ღამისენ! ბოგუნი მომდევს შესაპყრობად!“ პან სქშეტუსკი გადმოხტება ურმიდან, მაგრამ ვილასიცი ხმა, ახლა კი სწორედ ნამღვილი ხმა, ამშვიდებს და ეუბნება:

— იწექ, იწექ... თორემ შეგკრავ.

ეს ხმა იასაულ ზაქარას ხმაა. იმას ჩააბარა ხმელნიციკიმ დესპანი და უბრძანა, გაუფრთხილდი, როგორც შენს თვალის ჩინსაო. იასაული აწვეს ისევ ურემში, აფარებს ცხენის ტყავს და ეკითხება:

— რა დაგემართა?

პან სქშეტუსკი გონზედ მოდის. ლანდი და ზმანება ჰქრება. ურმები ზედ ღნებრის ნაპირას მიდის. მდინარიდან ცივი წიაღი მოდის, ღამე გატყდა და დაისია დაწყებული. წყლის ფრინველნი იღვიძებენ.

— გამიგონე, ზაქარ! კუდაკს გამოვსცდით?—ჰკითხავს პან სქშეტუსკი.

— გამოვცდით,—ეუბნება პასუხად იმიერ-ქორომელი.

— ახლა სადღა მიდიხართ?

— რა მოგახსენოთ. ამბობენ, შებრძოლება უნდა მოჰხდესო და არ ვიცი კი სად.

პან სქშეტუსკის გაეხარდა. ეგონა, რომ ხმელნიციკი ომს კუდაკის გარშემო დგომით დაიწყებსო, ახლა კი ის სისწრაფე, რა სისწრაფითაც ყაზახნი მიდიოდნენ წინ, საბუთს აძლევდა ეფიქრა, რომ, შესაძლოა, რესპუბლიკის ჯარები აქვე ახლო-მახლო იყვნენ სადმეო.

„იქნება დიდ ხანს აღარ მალოდინონ და დღესვე გამანთავისუფლონ“, — იფიქრა დესპანმა და მადლობით აღაპყრნა თვალნი ცად მიმართ.

XIV

კუდაკის ზარბაზანთა გრიალი შეესმა აგრედვე იმ ჯარსაც, რომელიც წყალ-წყალ მისტურავდა მოხუცის ბარაბაშისა და ქშეჩოვსკის მხედართ-მთაფრობით.

ეს ჯარი სულ ექვსი ათასი სიის ყაზახი იყო და ერთი რაზმი ნემენცების რჩეულ ქვეითის მეომრებისა, რომელთაც უფროსობდა პოლკოვნიკი განს ფლიკი.

ბან ნიკოლოზ პოტოცკი დიდ ხანს ყოყმანობდა და არ იცოდა, გაეგზავნა თუ არა ყაზახნი ხმელნიცკის წინააღმდეგ, მაგრამ რადგან ყაზახებს ძალიან უყვარდათ ქშეჩოვსკი, ხოლო ქშეჩოვსკის დიდად ენდობოდა გეტმანი, ამიტომ გადასწყვიტა ბოლოს და გაჰგზავნა ყაზახნი.

ქშეჩოვსკი გამოცდილი ჯარის-კაცი იყო და, თუ რამ შეძენილი ჰქონდა, სულ პოტოცკების ოჯახის წყალობა იყო: პოლკოვნიკის ხარისხიცა, აზნაურშვილობაცა და, დასასრულს, დიდ-ძალი მამულეობაცა დნებრისა და ლიადავის ნაპირებად.

რესპუბლიკასთანა და პოტოცკების ოჯახთან იმდენ ნაირად იყო დაკავშირებული, რომ მის წინააღმდეგ ვერავითარი ექვის ჩრდილიც კი ვერ დაებადებოდა გულში გეტმანსა. ამას გარდა, ქშეჩოვსკის, რომელიც ჯერ საიმისო ხნიერი არ იყო, ბრწყინვალე მომავალი ელოდა სამშობლოს სამსახურის ასპარეზზე. რა დიდის ხნის ამბავი იყო განა მაგალითი სტეფანე ხმელნიცკისა, რომელმაც უბრალო რაინდობით დაიწყო სამსახური და დაასრულა კიევის მოურავობითა და რესპუბლიკის სენატორობით? ქშეჩოვსკიზედ იყო დამოკიდებული იმავე გზას დასდგომოდა, მით უმეტეს, რომ წყურვილი სახელისა და სიმდიდრის მოხვეჭისა დიდი ჰქონდა. რამდენიმე ხნის წინად ძლიერა ცდლობდა ლიტინის უფროსობას, ხოლო როცა ეს უფროსობა კორბუტმა მიიღო, ქშეჩოვსკიმ დიდად იწყინა და კინალამ ავად გახდა შურითა. ახლა, თითქო ბედი კვლავ უღიმოდა, —ახლა ასეთი საყურადღებო საქმე მიანდეს და სრული იმედი უნდა ჰქონოდა სახელი მისი მიაღწევდა მეფის ყურამდე. ხოლო ამისთანა ამბავს დიდი მნიშვნელობა ექმნებოდა, იმიტომ რომ მერე საკმაო იყო მხოლოდ თავი დაეკრა ხელმწიფისათვის და მიიღებდა სიგელს, რომელიც ასეთის, აზნაურშვილისათვის ესდენ სასიამოვნო სიტყვებით იქმნებოდა დაწყებული: „მოხვედი წინაშე ჩვენსა და გვეაჯე, რათა გვებოძებო-

ნა წყალობა ჩენი და ჩენცა, გვახსოვს რა სამსახური შენი, შეგვიწყნარებია აჯა შენი და გვიწყალობებია“ etc... ამ გზით იძენდნენ რუსეთში სიმღიდრესა და ხარისხს, კერძო კაცთა ამ გზით უვარდებოდათ ხელში უშველებელი მამულები, რომელიც ეკუთვნოდა წინაღ ღმერთსა და რესპუბლიკას, ამ გზით იძენდა აზნაურშვილობას უბრალო გლეხკაცი და შეეძლო დამტკბარიყო იმ იმედით, რომ ჩემნი შვილნი და შვილი-შვილნი სენატორთა შორის იხდებიან სავაზიროდ სახელმწიფო დარბაზში.

ქშეჩოვსკის ის აწუხებდა მხოლოდ, რომ ჩემი უფლება-ხელმწიფება განაწილებულა ჩემსა და ბარაბაშს შორისო, თუმცა ეს განაწილება უფრო სახელით იყო, ვიდრე საქმით. ხნიერი პოლკოვნიკი ჩერკასისა სულ დაჩაჩანაკდა ამ ბოლოს დროს. ომის დაწყებისას კოტაოდნად გამოცოცხლდა, საომარის საყვირის ხმამ აუღღულა გაცივებული სისხლი ოდესმე სახელოვანს რაინდს, მაგრამ გაემართა თუ არა ჯარი სალაშქროდ, ბარაბაში დააძინა ნიჩბის მოსმის ერთკილოვანმა შუილმა, ჯარის-კაცთა ნაღვლიანმა სიმღერების თქმამა და მოხუცი კვლავ გაიყინა ჩვეულებრივ. ქშეჩოვსკი განაგებდა ყოველსავე, ბარაბაში გაიღვიძებდა სადილად, გონება დაუტანებლივ იკითხავდა, როგორ მიდის საქმეო, მიიღებდა უგულო პასუხს, მერე ღრმად ამოიოხრებდა და გაიმეორებდა რამდენჯერმე: „მეგონა სხვა გვარს ომში დავდებ-მეთქი თავს, მაგრამ, სჩანს, ასეთია ნება უფლისა“.

აღარავითარი ამბავი აღარ იცოდა ამ ჯარმა რესპუბლიკის იმ მხედრობისა, რომელიც ხმელეთად მოდიოდა. ქშეჩოვსკი ბრალსა სდებდა გუხარებსა და დრაგუნებს, გვიანობენო, გეტმანის შვილს—გამოუცდელიაო, თვითონ კი ბრძანებას ბრძანებაზედ იძლეოდა, გასწით წინაო.

ნავეები სასწრაფოდ მისრიალებდა წყალ და წყალ, უახლოვდებოდა კუდაკს და უფრო და უფრო შორდებოდა სახელმწიფოს ჯარს.

ბოლოს, მოისმა ერთხელ ღამე სროლა ზარბაზნებისა. ბარაბაშს ეძინა და არ გაძლიძებია, სამაგიეროდ ფლიკი, რომელიც ყველაზედ წინ იყო, გაეშურა ქშეჩოვსკისთან.

— ჰან პოლკოვნიკო, ეგ კუდაკის ზარბაზნებია. როგორ მოვიქცე?

— ნაპირზედ გავიდეთ. ღამე ლელიანებში გავატაროთ.

— ცხადია, ხმელნიცკიციხეს შემოპრტყმია გარშემო. ჩემის აზრით, საჭიროა მივეშველოთ.

— მე იმას კი არა გკითხავთ, რა აზრისა ხართ-მეთქი, გაბრძანებთ, ეს უფლება მე მეკუთვნის.

— ჰან პოლკოვნიკო...

— აქ გაჩერდეს ჯარი და ელოდოს! — შეჰყვირა ქშეჩოვსკიმ, მაგრამ, რაკი შეჰნიშნა, რომ შეუპოვარი ნემენცი თავის ქერა წვერებს იქირქნის და ისე არ უნდა წასვლა, თუ არ განეუმარტე საქმეო, დაუმატა ცოტა უფრო ტყბილად: — იქნება კაშტელიანმა მოგვისწროს ხვალ დილამდე, ხოლო ციხეს ერთს ღამეს ვერ აიღებენ.

— რომ ვერ მოგვისწროს?

— თუნდ ორს დღეს ვუცადოთ. თქვენ კუდაკის ამბავი არ იცით! ზედ შეელეწებიან იმის ზღუდეებს და იმას კი ვერას დააკლებენ. უკაშტელიანოთ-კი მისაშველებლად ვერ წავალ და არც ნება მაქვს. ეგ იმისი საქმეა!

სიმართლე ქშეჩოვსკისკენ იყო. ფლიკს მეტი ღონე აღარა ჰქონდა, ისევე თავის ნემენცებთან უნდა წასულიყო.

ნაევები მალე მიუახლოვდა მარჯვენა ნაპირს და ჯარმა დაიწყო დამალვა ლელიანებში, რიამელიც ატეხილი იყო აღიღებულ მდინარის მიდამოთა შორის. ძლივს მისწყდა ნიჩბების შუილი. ქშეჩოვსკიმ სასტიკად უბრძანა ხალხს, დიდის სიფრთხილით იყავითო და მართლიაც სრული მღუმარება ჩამოვარდა გარშემო; ამ მღუმარებას არღვევდა მხოლოდ შორეული ბანი, რომელსაც აძლევდა ზარბაზნების გრიალს ტყე და მინდორი.

ნაევებში, ბარაბაშს გარდა, არავის თვალი არ მოუხუტუნია. ფლიკი რაინდი იყო, მოტრფიალე ომ-ბრძოლისა და ჰნატრობდა ფრინველად გადაქცევასა, რომ კულდაკისკენ გადაფრენილიყო. ჯარის-კაცნი ჩუჩრჩულითა ლაპარაკობდნენ, რა მოუვა ციხესაო, გაუმგარდება მტერს, თუ ვერაო? ზარბაზნების გრაალი კი უფრო ძლიერდებოდა, ცხადია რიგიანს პასუხს აძლევს ციხე თავ-დამსხმელთაო. „ხმელნიცკი არა ჰხუმრობს, მაგრამ არც გროძიციკის უყვარს ხუმრობა!— ვინ იცის, ახლა დილა რას მოიტანს?“

ამასვე ეკითხებოდა თავის-თავს ქშეჩოვსკიცა. იჯდა თავის ნავში ღრმად შთანთქმული ფიქრითა. კარგად იცნობდა ხმელნიცკის, დიდად ნიჭიერ კაცად მიაჩნდა და ჰგონებდა, რომ მხოლოდ ასპარეზი აქვია თავის გამოსაჩენადაო, — ახლა კი ეჭვი დაებადა გულში. ზარბაზნებს კვლავ გრიალი გაჰქონდა. დავიჯერო, ხმელნიცკი გარს შემოერტყა კულდაკს?

„თუ ასეაო, — ჰფიქრობდა ქშეჩოვსკი, წასულა მისი საქმე! როგორ? ადელევა იმიერ-ქორომეთი, მოახერხა და ყვენს შემწეობა გამოსთხოვა, შეაგროვა იმოდენა ჯარი, რამოდენიც ჯერ არც ერთს ატამანს არ შეუგროვებია და იმის მაგიერ, რომ დაუყოვნებლივ გაილაშქროს უკრაინას და დაიპყრას ეს მხარე, ვიდრე რესპუბლიკის ჯარს არ შებრძოლებია, იმას, ხმელნიცკის, გამოცდილს მეომარს, იერიში მიაქვს შეუვალ ციხეზედ, რომელმაც შეიძლება მთელს წელიწადს დააბრკალოს? და მერე უნდა იკისროს, რომ უკეთესი მისი ჯარი ზედ შეელეწოს კულდაკის კელლებს, როგორც დნებრის ზვირთი შეელეწება ხოლმე ქორომების სალს კლდეებს? და უნდა იცადოს კულდაკის მიდამოთა შორის, ვიდრე გეტმანები შემოიკრებენ ჯარებს და ისე მოიმწყვდევენ. შუაში, როგორც მოიმწყვდიეს ნალივაიკა სოლონიცას ახლოსა?... წასულა მისი საქმე! — გაიმეორა ერთხელ კიდევ პან ქშეჩოვსკიმ. — თვითონ მისივე ყაზახები მისცემენ მტერს ხელში ამისთანა სარდალსა. უნაყოფო იერიში დაჰბადავს დრტვინვასა და უკნაყოფილებასა ნაპერწყალი აჯანყებისა ისე გაჰქრება, რომ გაძლი-

ერებას ვერ მოასწრობს და ხმელნიცკი იმ ხმალზედ საშიშო აღარ იქნება, რომელიც ზედ ვადაზედ არის გადატეხილი. სულელია! Ergo? Ergo, ხვალ გავიყვან ჩემს ჯარსა და ნემენცებს ნაპირად და მეორე ღამესვე მოულოდნელად დავესხმი თავს, გავფანტავ იმიერ-ქორომელებს, ხოლო, შეკრულ-შებოქილს ხმელნიცკის გეტმანს წარვუდგენ. მისივე ბრალია, რომ უკეთესი ვერა მოიგონა-რა.

აქ პან ქშეროვსკის აღვირ-წახსნილმა ფანტაზიამ გაშალა თავისი ფრთები. ძალიან კარგად ვიცი, რომ ხვალ დილისთვის ახალგაზდა პოტოცკი აქ მოსვლას ვერ მოასწრობს. მაშასადამე, ვინ მოჰკვეთავს თავს საშინელს ვეშაპს? ქშეროვსკი! ვინ ჩააქრობს ამბოხებას, რომელიც, შეიძლებაოდა, მათელს უკრაინას მოსდებოდა? ქშეროვსკი! დილაღ, მოხუცს გეტმანს ჯავრი მოუყვა, რომ ყოველივე ესე მოხდა ჩემის შვილის დაუსწრებლადაო, მაგრამ ჯანაბას, მალე დამშვიდდება ისევე; ამასობაში კი ყოველივე წყალობა მეფისა უხვად მიეფინება გამარჯვებულსა და ძლიერ-შემოსილსაო.

„არა! მეტი ღონე არ იქნება, ამ სახელსა და დიდებაში წილი უნდა დაეუღო მოხუცს ბარაბაშსა და გროძიკის!—პან ქშეროვსკი ძლიერ დალონდა, მაგრამ ისევე გაუბრწყინდა სახე.— ამ ხნიერს მორგვს, ბარაბაშს, დღეს არა, ხვალ ჩაჰფლავენ შავს მიწაში, ხოლო გროძიკის თვისის საყვარელის კუდაკის მეტისხვა არა უნდა-რა; რჩება ერთადერთი ქშეროვსკი. ვითომ რა გასაკვირველია, რომ ამისთანა გარემოებაში უკრაინის გეტმანობაც ხელთ ვიგდო“.

ცაზედ ვარსკვლავნი ციმციმებდნენ, ხოლო პოლკოვნიკს ეგონა, რომ ეგ ძვირფასი თვლებია, რომლითაც იქმნება მოკვდილი ჩემი საგეტმანო კვერთხიო. ღელლიანებში ქარი შრილებდა, ხოლო იმას ეგონა, რომ ეგ დიდი საგეტმანო დროშა ფრიალებსო.

კუდაკის ზარბაზნები კვლავ ჰქუხდა და ჰგრგვინავდა.

„ხმელნიცკი სიცოცხლეს გამოეთხოვება... თავისივე ბრალია! შეიძლებაოდა სხვაფერიც მომხდარიყო საქმე! მაშინვე რომ

უკრაინასა სცემოდა... დიად, მაშინ სულ სხვა იქნებოდა! ეხლა იქ ყოველივე მოუსვენრობს, ჰმლეღვარებს... ეხლა იქ თოფის წამალია მრავლად დაგროვილი და ნაპერწკალს-ლა ელის. რესპუბლიკა ძლიერია, მაგრამ უკრაინაში ჯარი არ არის, ხოლო მეფე მოხუცებულია, სნეული. უკრაინელების მარტო ერთს გამარჯვებას დიდი შედეგი მოჰყვება.“

ქშეჩოვსკიმ ხელები მიიფარა პირი-სახეზედ და ჩაფიქრდა. ვარსკვლავთ სინათლე დაჰკარგეს, ბალახებში მიმალულმა მწყრებმა ნელ-ნელა მორთეს თავისი ქუქქუკი. გათენება მოტანებული იყო.

პოლკოვნიკმა საბოლოოდ გადასწყვიტა თავისი თათბირი. ხვალ შევეუტევ ხმელნიცკის და სულ გავანადგურებო. იმისი გვამი საფეხური იქმნება, რომ მივალწიო სიმდიდრესა და დიდებას, რესპუბლიკის სენატორის წოდებასა. იმიერ-ქორომეთისა და თათრების დაძლევის შემდეგ აღარას დაიშურებენ ჩემთვისაო...

ლიტინის უფროსობა კი არ მომცეს.... პან ქშეჩოვსკიმ ამის გახსენებაზედ ათრთოლებით დაჰმუჰა ხელები. არ მომცეს უფროსობა, თუმცა ყოვლად ძლიერ მფარველებად ჩემდა იყვნენ პოტოცკები, თუმცა ჩემი სამხედრო ლეწლი და დამსახურება დიდია. არ მომცეს იმიტომ, რომ ვარ homo novus, ხოლო ჩემი მოცილე თავადიშვილია. ჩვენში საკმაო არ არის, რომ აზნაურშვილი იყო, უნდა იცადო კიდევ, რომ მაგ აზნაურშვილობას პრკე მოეკიდოს, როგორც ბოთლში დიდ ხანს დარჩენილს ღვინოს, ჟანგი მოედოს, როგორც რკინას.

ხმელნიცკის შეეძლო სულ სხვა წესწყობილება დაემყარებინა... მაგრამ საწყალმა ის ირჩია, რომ თავი კუდაკის ციხის კედელზედ გაეტეხნა.

პოლკოვნიკი ნელ-ნელა დამშვიდდა. არ მომცეს უფროსობა, მაგრამ რა ვუყოთ? მით უფრო ეცდებიან ეხლა, რომ უკეთესად დამაჯილდოვონ, განსაკუთრებით მას შემდეგ, როცა გავიმარჯვებ, როცა უკრაინას დავამშვიდებ... რის უკრაინას! სრულიად რესპუბლიკას! მაშინ კი აღარაფრის უარს არ

მეტყვიან, მაშინ კი პოტოცკების შემწეობაც აღარ არის სა-
ჭირო...

ქშეჩოვსკიმ თავი ჩაქინდრა და პოლკოვნიკს ჩაეძინა; თან
ძილში ზედ დასტრიალებდა ფიქრი და ოცნება უფროსობისა,
კაშტელიანობისა და მეფის წყალობისა.

გაელვიდა მაშინ, როცა ის-ის იყო ინათლა. გარშემო მე-
ფობდა მდუმარება, რომელსაც არაფერი არა არღვევდა-რა. სწო-
რედ ამ მდუმარებამ გამოაღვიძა კიდევ.

კუდაკის ზარბაზნები სრულიად გაჩუმდა.

„რა ამბავია? — ფიქრა ქშეჩოვსკიმ. — პირველი იერიში უკუ
აქციეს, თუ კუდაკი აღებულ იქმნა?“

არა, ეს შეუძლებელია!

არა, აღბად უკუქცეული ყაზახნი სხედან და თავიანთ
წყლულებს იხვევენ, ხოლო ცალ-თვალა გროძიცი დაპყურებს
სათოფურებიდან და კვლავ უმიზნებს ზარბაზნებსა.

დილით კიდევ მიიტანენ იერიშს, მაგრამ ისევ უკუ-ქცეულ
იქნებიან.

ახლა კი ძალზედ გათენდა. ქშეჩოვსკიმ გააღვიძა თავისნი
მხლებელნი და კაცი გაუგზავნა პატარა ნავით ფლიკსა.

ფლიკი მაშინვე გამოცხადდა.

— პან პოლკოვნიკო, — უთხრა ქშეჩოვსკიმ, — თუ საღამომ-
დე კაშტელიანი არ მოვიდა, ხოლო ამალამ კიდევ იერიში მი-
ტანეს ციხეზედ, უნდა წავიდეთ მისაშველებლად.

— ჩემი ჯარი მზად არის, — უპასუხა ფლიკმა.

— დაურიგეთ ტყვია-წამალი.

— უკვე დარიგებული აქვთ.

— ამალამ ნაპირას გავიდეთ, ჩუმად გავიაროთ მინდორი
და მოულოდნელად დავესხათ თავს.

— Gut! sehr gut! ცოტა მანძილი კი რომ ნავებით გა-
ვიაროთ, არ ემჯობინება? ციხემდე ოთხი მილია. ქვევითი ჯა-
რი, ცოტა არ იყოს, დაიღლება.

— ქვევითი ჯარი ცხენოსან ჯარს შემოუსხდეს უკან ცხე-
ნებზედ.

— Sehr gut!

— მანამდე ჩუმად ისხდნენ ლელიანებში, ნაპირას ნუ გაველენ და ხმაურობას ნუ ასტეხენ. ცეცხლი არ გააჩინონ: კვამლი გაგვთქვამს. არავინ არ უნდა იცოდეს ჩვენი ამბავი.

— ბურუსია ისეთი, რომ კვამლს ვერც კი ვერავინ დაინახავს.

მართლაც ყოველივე გარშემო, მდინარეც, რომლის ნაპირებზედ ჩალა და ლელი იდგა, მინდორიც, სადამდინაც კი თვალი გასწვდებოდა, სულ ნისლითა და ბურუსით იყო დაფარული. ფლიკი წავიდა თავის ბინაზედ. ჯარის-კაცნი ნელ-ნელა იღვიძებდნენ თავიანთ ნავეებში. ქშეჩოვსკის ბრძანებას ზედმიწევნით ასრულებდნენ და, ვისაც უნდა გაეფლო შუა მდინარეში ნავით, ფიქრადაც არ მოჰვიდოდა, რომ აგერ აქვე, ამ ლელიანებში დამალულია რამდენიმე ათასი კაციო. ცხენებს ხელით აქმევდნენ თივა-ქერსა, ნავეები შორს მიმალ-მომალეს.

უცებ ბალახებსა და ლელებში, ყოველ მხრიდან, უცნაური ხმები მოისმა.

— ფულუ, ფულუ!

და კვლავ ჩამოვარდა მღუმარება, თითქო ახლა პასუხს ელიანო. მაგრამ პასუხი არსით არ ისმოდა. ხმები კიდევ მოისმა მეორედ, მესამედ და ახლა უფრო გარკვეული, მოუთმენელი.

— ფულუ, ფულუ!

— ვინ არის?— მოისმა ბოლოს ნისლ-ბურუსიდან ხმა ქშეჩოვსკისა.

— ყაზახი ლუგელი.

ქშეჩოვსკის ჯარის კაცებს ვულმა ცემა დაუწყო. იმათ კარგად იცოდნენ, რასაც ჰნიშნავდა ასეთი იღუმალი ხმაურობა. ამ სახით ეხმაურებოდნენ ერთმანეთს საზამთრო ბინებზედ იმიერ-ჭორომელნი, ამ სახითვე ომიანობის დროს იწვევდნენ სალაპარაკოდ სიისა და ქალაქების ყაზახებს, რომელთა შორისაც ბევრნი ერივნენ საიღუმლოდ ძმობის თანამგარძნობნი.

— რა გინდათ?— ჰკითხავდა ქშეჩოვსკი.

— ბაღდან ხმელნიცკიმ, იმიერ-ქორომეთის გეტმანმა გვიბრძანა შეგატყობინოთ, რომ მისი ზარბაზნები ლელიანებსა აქვს დამიზნებული.

— უთხარით იმიერ-ქორომეთის გეტმანს, რომ ჩვენი ზარბაზნები ნაპირებსა აქვს დამიზნებული.

— ფულუ, ფულუ!

— რალა გინდათ კიდევ?

— ბაღდან ხმელნიცკის, იმიერ-ქორომეთის გეტმანს უნდა ნახვა თვისის მეგობრისა, პან პოლკოვნიკ ქუჭოვსკისა.

— მოგვცეს, მაშ, ამანათები.

— ათის კურენის ატამანს გამოგიგზავნით.

— თანახმა ვარ!

უცბად, თითქო რალაც საარაკო ბრძანება გასცა ვინმემო, მდინარეს ნაპირნი გაივსო იმიერ-ქორომელებით, რომელნიც მანამდე მუხლამდე დამალოლნი იყვნენ ბალახებში, ხოლო მინდორში გამოჩნდა მათი ცხენოსანი ჯარი, ზარბაზნები, ათი და ასი დროშა, ალმები, საჩრდილობელნი. იმიერ-ქორომელნი მოდიოდნენ სიმღერითა და მუსიკის კვრითა.

ყოველივე ესე ჰგვანდა უფრო მეგობრების სასიამოვნო შეხვედრას, ვიდრე მტერთა შეყრას შესაბამელობლად.

ქუჭოვსკის ჯარისკაცებმა პასუხად ყრიამული და ყვირილი ასტეხეს. ბოლოს მოვიდა ნავებიცა, რომელშიაც კურენის ატამანები ისხდნენ. ქუჭოვსკი გაემართა ნაპირად. მხართვეს ცხენი და გააცილეს ხმელნიცკისთან.

ხმელნიცკიმ, დაინახა თუ არა, ქუდი მოიხადა ოდნავ და მეგობრულად მიესალმა.

— პან პოლკოვნიკო, — სთქვა მან, — ძველო მეგობარო და ნათლი-მამავ! როცა ბატონმა რესპუბლიკის გეტმანმა გითხრა ჩემი, შეიპყარ და აქ მომგვარეო, შენ არამც თუ არ იკადრე ესა, არამედ მირჩიე, გაიქეცი და თავს უშველეო, რისთვისაც საუკუნოდ მადლობელი ვარ შენი!

ხმელნიცკიმ ხელი გაუწოდა, მაგრამ ქუჭოვსკის მზე-მოკიდებული სახე ოდნავად არ შეიძრა.

— მერე ახლა, როცა აგრე გადაგარჩინე, პან გეტმანო,—
გულ-ცივად სთქვა მან,—აილე და ამბობება დაიწყე?

— მოვდივარ, რომ სამაგიერო გადაუხადო, როგორც ჩემის, ისე შენისა და მთლად უკრაინის შეურაცხყოფისა და შევიწროებისათვის; ხელთ მიჭირავს მეფის სიგელნი და წყალობის წერილნი; დარწმუნებული ვარ, რომ ჩვენი ყოველად-მოწყალე ხელმწიფე დანაშაულად არ ჩამითელის ყოველსავე ამას.

ქშეჩოვსკიმ თვალი-თვალში გაუყარა და შეუბოვრადა ჰკითხა:

— კუდაკს ალყა შემოარტყი?

— მე? რაო, გავგიჟდი, თუ როგორ არის ჩემი ამბავი? ისე აუარე გვერდი, რომ ერთი სროლა წამალიც არ დამიხარჯავს, თუმცა ბებერმა ბრუტიანმა ყუმბარა ყუმბარაზედ მომაყოლა ციხიდან. მე კუდაკი არ მინდა, მე უკრაინა მინდა, მე შენ მინდხარ, ძველო მეგობარო და კეთილის-მყოფელო.

— რა გინდა განა ჩემგან?

— წავიდეთ მინდორში და იქ მოვილაპარაკოთ.

ჰკრეს ქუსლი ცხენებსა და გაემართნენ მინდერისაკენ. მათმა საუბარმა თითქმის ერთ საათამდე გასტანა. როცა უკან დაბრუნდნენ, ქშეჩოვსკის საშიში და გაფითრებული სახე ედო. მაშინვე გამოეთხოვა ხმელნიცკის, რომელმაც გზად მიმავალს შემდეგი უთხრა კიდევ:

— მხოლოდ ჩვენ ორნი ვიქნებით მთელს უკრაინაში; ჩვენი ბატონი იქმნება მეფე და სხვა არავინ.

ქშეჩოვსკი დაბრუნდა თავის ბინაზედ. ბარაბაში და ფლიკი მოუთმენლად ელოდნენ.

— აბა, რაიო? რაიო?—მისცივიდნენ აქეთ-იქიდან.

— ნაპირად იქმნას გაყვანილი ჯარი!—ბრძანების კილოთი სთქვა ქშეჩოვსკიმ.

ბარაბაშმა მალლა აიწია დამძიმებული ქუთუთონი; რალაც უცნაურმა ცეცხლმა გაიელვა იმის თვალეში.

— როგორ თუ?

— ნაპირად იქმნას გაყვანილი! ვნებდებით ხმელნიცკის!

ბარაბაშს გაფითრებული სახე წითლად აენტო. წამოდგა ზეზე, გასწორდა წელში და ეს ხუთად მოკაკული ბერი-კაცი უცბად გადაიქცა ბუმბერაზად, ჯან-ლონით აღსავსე მღვეად.

— ლალატია! — გაისმა მისი ხმა გრგვინვასავით.

— ლალატია! — განიმეორა ფლიკმა და იტაცა ხელი დაშნასა.

მაგრამ, ვიდრე ის თავისს დაშნას ამოიწვდიდა, ქშეჩოვსკიმ შემოუქნია ხმალი და ერთის დაკერით დასცა ძირს.

ქშეჩოვსკიმ ერთი კი იხტუნა და ჩაღვა იმ ნაფში, რომელიც იქვე ახლოს იდგა ოთხის იმიერ-ქორომელითურთ. ჩაღვა და დაიძახა:

— გასწით ნაფებისაკენ!

ნაფი გასრიალდა შურდულივით. პან ქშეჩოვსკი იდგა ნაფის შუა გულს, ხელში ეჭირა სისხლით შესვრილი ხმალი, რომელზედაც ქუდი იყო ჩამოცმული და ჰყვიროდა ხრინწიანის ხმით:

— ძმანო და შეილნო! ნუ დაეხოცავთ ჩვენთანებს! გაუმარჯოს ბაღდან ხმელნიკის, გეტმანს იმიერ-ქორომეთისას!

— გაუმარჯოს! — გაიმეორა ასმა და ათასმა გრიალით.

— ამოსწყდნენ ლიანნი!

— ამოსწყდნენ!

ნაფების ყვირილს ბანს აძლევდნენ იმიერ-ქორომელნი.

შორეულს ნაფებზედ ჯერ არ იცოდნენ, რა ამბავი იყო და, როცა გაიგო ყველამ, რომ ქშეჩოვსკი იმიერ-ქორომელთა მხარეზედ გადავიდაო, გამძვინვარებულმა აღტაცებამ შეიპყრო რესპუბლიკის ჯარის-კაცი. ექვსი ათასი ქუდი შეისროლეს მალდა, ექვსი ათასი თოფი დასცალეს უცბად გრიალითა. მაგრამ ვაი რომ ეს სიხარული უნდა შებლაღუდიყო სისხლის დაქცევითა: მოხუცი ბარაბაში სიკვდილსა რჩებოდა და ლალატსკი არა კისრულობდა იმ დროშისასა, რომლის ქვეშაც მსახურობდა მთელს თვისს სიცოცხლესი. ოციოდ-ორმოციოდე კაცი შერჩა ბარაბაშს და აი დაიწყო ბრძოლა, ხან-მოკლე, საშინელი, როგორიც არის ხოლმე ჩვეულებრივ იმისთანა ბრძო-

ლა, როცა ერთი მუჟა ხალხი, რომელიც შეწყალებას კი არა, სიკვდილს ელის და ისე ებრძვის მთელს ბრბოს. არც ქშეჩოვსკი და არც ყაზახნი არ ელოდნენ, რომ ასეთს წინააღმდეგობას გაგვიწევნო. მოხუცმა პოლკოვნიკმა მოიგონა ყმაწვილ-კაცობა და ისე იბრძოდა, როგორც ლომი. როცა შემოუთვალეს, იარაღი დაჰყარეო, პასუხად თოფს ესროდა მტერს და, კვერთხით ხელში, ქალარა თმით, რომელსაც ფრიალი გაჰქონდა, ქუხილისა სიტყვებითა აძლევდა ბრძანებას მარჯვნივ და მარცხნივ, თითქო ოცდა ათის წლის ქაბუკიაო. იმის ნავს მტერი ყოველ მხრივ შემოერთყა. იმ ნავთა კაცნი, რომელნიც შორს იყვნენ, ჰხტებოდნენ წყალში და გამძვინვარებით ებლაუქებოდნენ ბარაბაშის ნაფის გვერდებს ზედ ასასვლელად. წინააღმდეგობამ დიდ ხანს არ გასტანა. ბარაბაშის ერთგულნი ჯარის-კაცნი, დაქრილნი, დაწყლულლებულნი სათითაოდ დაიხოცნენ; მხოლოდ ის გადაჩა ცოცხალი, ამოწვდილის ხმლით ხელში.

ქშეჩოვსკი მიუახლოვდა, როგორც იყო, ამ სივიწროეში.

— დაჰყარე იარაღი! — შეჰყვირა მან.

— მოღალატე! სიკვდილის ღირსი ხარ შენა! — უპასუხა ბარაბაშმა და შემოუქნია ხმალი.

ქშეჩოვსკი სწრაფად მიიმალა ხალხში.

— დაჰკათ! — შესძახა მან ყაზახთა.

მაგრამ არავის არ უნდოდა, რომ პირველს მიეტანა ძალა მოხუცებულზედ. საუბედუროდ, პოლკოვნიკს სისხლში ფეხი მოუხსლტა და დაეცა.

წაქცეულს აღარ შეეძლო უკვე ის პატივისცემა ეგრძნობინებინა თვის მიმართ, ის შიში მიეცა გარშემორტყმულთათვის და ათმა და ოცმა შუბმა გაჰგმირა, დააცხავა მისი სხეული. ბარაბაშმა მხოლოდ ამ სიტყვების წარმოთქმა და მოასწრო: „იესო, მარამ!“

ბარაბაშის გვამი ნაკუწ-ნაკუწ აქციეს. თავი მოსჭრეს და ნავიდან ნავში ისე ისროდნენ, როგორც ბურთსა, ვიდრე ერთხელ უხერხულად არ გადისროლა ვიღამაც და წყალში არ ჩაეარდა.

დარჩნენ ახლა ნემენცები, რომელთა დაძლევაც ისე ადვილი არ იყო; ნემენცების რაზმში იყო ათასი, ბრძოლაში ნაცადი და გაწვრთნილი ჯარის-კაცი.

მართალია, გულადი ფლიკი მოჰკლა ქშეჩოვსკიმ, მაგრამ დარჩა ცოცხალი იოჰან ვერნერი, პოდპოლკოვნიკი, ვეტერანი ოც და ათ წლოვანის ომისა.

ქშეჩოვსკი დარწმუნებული იყო, რომ გავიმარჯვებთო, მაგრამ მაინც უნდოდა, ხმელნიკის მხარეზედ ყოფილიყო ასეთი საკმაოდ რიცხვ-მრავალი რაზმი საუკეთესო ქვეითის ჯარისა და ამიტომ მოლაპარაკება დაუწყო, იქნება დავიყოლიო მორიგებაზედაო.

ერთ-ხანად ვერნერი თითქო თანხმა იყო, შეეწყნარებინა წინადადება ქშეჩოვსკისა. ერთის წლის ჯამაგირს წინაღვე მიეცებთო, ხოლო წლის გასულს, საითაც უნდათ, იქით წავიდნენ, თუნდა ისევ რესპუბლიკის სამსახურში შევიდნენო.

ვერნერი თითქო ვარაუდობდა, როგორ ემჯობინებაო, მაგრამ ამასობაში ბრძანება გასცა საიდუმლოდ, რომ ნაევები ერთმანერთს დაუახლოვდეს და შეუვალი წრე შეჰკრასო. მართლაც მტერს თვალ-წინ წარმოუდგა მწყრივად დაყენებულნი ზორბა და ძლიერნი ჯარის-კაცნი, ყვითელ კოლექტებით მოსილნი, ყვითელის ქუდებითა და ჯაზაირებით ხელში.

ვერნერი იღვა პირველ რიგობაში ამოწვდილის დაშნით და დიდ ხანს ჰფიქრობდა.

— ჰერრ პოლკოვნიკო, — სთქვა მან, — თანხმანი ვართ!

— არაფერს არ დაჰკარგავთ ახალს სამსახურში! — სინბარულით წარმოსთქვა ქშეჩოსკიმ.

— მაგრამ ერთის პირობით კი...

— წინ-და-წინვე თანხმა ვართ მაგ პირობისა.

— თუ აგრეა, მაშ კარგი. ჩვენის სამსახურის ედა რესპუბლიკის წინაშე თავდება ივლისში. ივლისიდან თქვენს სამსახურში შემოვალთ.

ქშეჩოვსკიმ ველარ მოითმინა და წყევლა-კრულვით მოიხსენია ვერნერი. მაგრამ თავი ისევ მალე შეიკავა.

— თქვენ ჰხუმრობთ, პან ლეიტენანტო?— შეეკითხა ქშეჩოვსკი.

— არა, — გულ-დამშვიდებით უპასუხა ვერნერმა. — სახელი და პატიოსნება ჯარის-კაცისა გვაფალეხს, რომ მტკიცედ ვადგეთ პირობასა. სამსახური გვითავდება ივლისში. მართალია, ჯამაგირითა ვმსახურობთ, მაგრამ მოლაღატენი კი არა ვართ. ასე რომ არა ყოფილიყო, სამსახურშიაც არავინ არ მიგვიღებდა; არც თუ თქვენ გვენდობოდით. ვინ გითავდებებდათ, რომ პირველსავე ბრძოლის შემდეგ კვლავ გეტმანებს არ მივემხრობოდით?

— მაშ რა გინდათ?

— დაგვანებეთ თავი, რომ გაგეცალოთ აქედან.

— ეგ ყოვლად შეუძლებელია, სულელია და დამთხვეულია! ეხლავ ვუბრძანებ, რომ სულ ამოგწყვიტონ ერთიანად.

— მერე თქვენ რალამდენი დაგეხოცებათ?

— ვერც ერთი თქვენგანი ცოცხალი ვერ წავა.

— თქვენც ნახევარს აქ გაუთხრით სამარცხა.

ორივენი მართალს ამბობდნენ. ეს იყო მიზეზი, რომ ქშეჩოვსკის, რომელიც მეტად გააფულისა ნემენცის გულ-დამშვიდებულმა ლაპარაკმა, არ უნდოდა ჯერ ომის დაწყება.

— ვიდრე მზე ჩავიდოდეს, — დაიძახა მან, — კარგად იფიქრეთ კიდევ. შემდეგ კი ვუბრძანებ, რომ ზარბაზნებს დაუწყონ სროლა. — და ქშეჩოვსკი წავიდა, რომ ხმელნიცკის მოპლაპარაკებოდა.

დადგა ჟამი ლოდინისა. ყაზახთა ნაეები გარს შემოერთყა ნუმენცებს, რომელნიც სრულიად დამშვიდებულნი იყვნენ მტერთა წინაშე, როგორც შეეფერება ჰემმარიტ ჯარის-კაცთა. ყაზახნი იმუქრებოდნენ და იგინებოდნენ, ხოლო ისინი მღუმარებდნენ და ზიზლით შეჰყურებდნენ.

მზე ნელ-ნელა დაეშვა და ბოლოს ჩავიდა კიდევც.

საომარი საყვირი დაჰკრეს კარგა მოშორებით და გაისმა ხმა ქშეჩოვსკისა:

— მზე ჩავიდა! მოიფიქრეთ რამ და მოხვედით გონსა თუ არა?

— დიად, მოიფიქრეთ! — უპასუხა ვერნერმა. მერე მიჰმართა თავის ლანსკენებტებს და გაიქნია ამოწვდილი დაშნა.

— Feuer! — გასცა მან ბრძანება დამშვიდებულის ხმით.

მოისმა გრიალი ჯაზიერებისა. რამდენიმე გვამი ყაზახთა ჩავარდა წყალში. ზარბაზნებმა, რომელიც ნაპირად იდგა, დაადგინ თვისი ყბა და სეტყვასავით დაუშინეს ყუმბარები ნემენცების ნავებს. ხშირმა კვამლმა მოიცვა მთლად მდინარე და მხოლოდ სროლა ჯაზიერებისა თავ-თავის დროზედ ამტკიცებდა, რომ ნემენცები თავს იცავენენ.

მზის ჩასვლის შემდეგ ომი არ შესწყდა, თუმცა სჩანდა, რომ წინანდელის გაცხარებით აღარ სწარმოებდა. ხმელნიცკი, ქშეჩოვსკი და ტულაი-ბეი რამდენისამე ატამანით ერთად მოვიდნენ და დაათვალიერეს ბრძოლის ადგილი. ხმელნიცკი თვისის გაგანიერებულის ნესტოებით ისუნთქავდა თოფის წამლის კვამლს და სტკებოდა მისის სუნით; დიდის კმაყოფილებით უგდებდა ყურს. დაჭრილ და წყალში ჩავარდნილ მომაკვდავ ნემენცების კვნესას. სამივე მეთაურ-სარდალი ისე უცქეროდნენ ამ ჩეხა-ჯლეტას, როგორც კარგის მომავლის მომასწავებელს ნიშანს. ომი სტკებოდა. თოფის-სროლა შესწყდა და ისმოდა მხოლოდ ყაზახთა გამარჯვების ყიჟინა და ჟრიამული.

— ტულაი-ბეი, — სთქვა ხმელნიცკიმ, — ეს პირველი დღეა გამარჯვებისა.

— ტყვენი კი არსად არიან-და, — სთქვა ბუზლუნით მურზამ. — მაგისთანა გამარჯვება მე არ მეპიტნავენბა.

— უკრაინაში ბევრს იშოვი ტყვეს. მთლად სტამბოლსა და გალატს გაავსებ შენის ტყვეებითა!

— შენ მაინც წაგიყვან ტყვედ, თუ სხვა არავინ იქნება! ნადირმა ტულაიმ ბოროტებით გადინახარა და შემდეგ დაუმატა:

— ემაგ „ფრანკებს“ კი უფრო სიამოვნებით წაგიყვანდი.

ომი გათავდა. ტულაი-ბეიმ ბანაკისაკენ გაატრიალა ცხენი. ჰხვებმაც იმის მაგალითს მიჰბაძეს.

— აბა, ახლა კი ყვითელ წყლებსკენ გავუსვათ!— დაიძახა ხმელნიცკიმ.

XV

დესპანი გულის კანკალით ელოდა ბრძოლის დასასრულს. იმას ეგონა, რომ ხმელნიცკი გეტმანთა შეერთებულს ჯარებს შეებრძოლაო.

მაგრამ საღამოზედ მოხუცმა ზაქარმა ყოველივე გაუმეტლავნა პან სქშეტუსკის. ქშეჩოვსკის დალატის ამბავმა ღრმად შეაძრწუნა ახალგაზდა რაინდი. ერთს დალატს მეორე უნდა მოჰყოლოდა. დესპანმა კარგად იცოდა, რომ გეტმანთა მხედრობაში უფრო ყაზახნი იყვნენ ჯარის-კაცებად. დარდი თან და თან უფრო შემოაწევა, ხოლო სიხარული და ძლიერ-მოსილება იმიერ-ქორომეთის ჯარისა ერთი-ორად აძლიერებდა მის ავადმყოფობას. ყოველივე თითქო სულ მის გულის გასახეტქად მოეწყოა. თავადის ამბავი არა არის-რა, ხოლო გეტმანებს, ცხადია, საშინელი შეცდომა მოსვლიათ: იმის მაგიერ, რომ მთელის თვისის ძალითა და ღონით მიემართნათ კუდაკისათვის, ანუ ელოდნათ უკრაინაში, ერთს ალაგას დაბანაკებულებსა და შემოსანგლულ-შემოსაფრულებს, დაანაწილეს თვისნი ჯარნი, შეასუსტეს თავისი ძალ-ღონე და ფართოდ გაუხსნეს გზა მოლალატობასა და ფიცის გატეხა-უპირულობასაო. მართალია, იმიერ-ქორომელთა ბანაკში რაღაც მითქმა-მოთქმა იყო, ეს

ქუეჩოესკი, ეს ცალკე ჯარი სტეფანე პოტოცკის მთავარ-სარდლობითაო, მაგრამ დესპანს საიმისოდ არა სჯეროდა ეს ქორები. ახლა კი, ვაი რომ ქუეჩოესკის ლალატის გამო ხმელნიცკის მხედრობა გაძლიერდა, ხოლო ახალგაზდა პოტოცკის საშინელი განსაცდელი მოეღოსო. შემწეობა-მოკლებულს, უდაბნოში გზა-დაკარგულს პოტოცკის ხმელნიცკი შემოერთების გარშემო და სულ ამოკლებტავს მის ჯარსა და ჯამათსაო.

ერთად-ერთი იმედი ლუბნის თავადი-ლაა. ხმელნიცკის ვარსკვლავი ჩაესვენება მხოლოდ მაშინ, როცა ის წამოვა თვისის ლაშქრითა. ვინ იცის, ახლა იქნება იერემია შეუერთდა კიდეც გეტმანებს? ათასი ძლიერიც იყოს ხმელნიცკი, ათასი შემწეობაც აღმოუჩინოს ტულაი-ბეიმ, თუნდ ყირიმის ყენმაც შეუსრულოს თვისი დაპირება და მთელის თვისის ჯარით მოვიდეს, თუ ვინიცობაა გაუქირდათ მემამოხეთა, მაინც არა მგონია, რომ ერთს ყაზახს შეეძლოს შეარყიოს მთლად რესპუბლიკა, გასტეხოს მისი ყოვლადი ძლიერებაო. „ეგ ზვირთი ზედ შეასკდება უკრაინის ნაპირებს და სულ მიიბნ-მოიბნევაო, — ჰფიქრობდა გულში დესპანი. რითი თავდებოდა განა მულამ ყაზახთა მღელვარება? ამბობება იფეთქებდა თოფის-წამალივით და ჩაჰქრებოდა ხოლმე მაშინვე, როგორც კი გაჩნდებოდნენ გეტმანები. ასე იყო ხოლმე აქამდე. როცა შეებრძოლებოდნენ ერთმანერთს ერთის მხრით ბრბო ქვემოურ მძარცველთა და მეორეს მხრით ძალ-ლონე იმ დიდის სახელმწიფოსი, რომლის კიდეებს ორი ზღვა ელამუნება, წინდაწინვე შეიძლება თქმა, რაც უნდა მოჰყვეს ამისთანა საქმეს. ქარ-ტეხილი ვერ გასტანს დიდ ხანს; გრიგალი გადივლის და მზე კვლავ გამოანათებს“. ეს აზრი აძლევდა ლონეს პან სქუეტუსკის; ეს კიდეც ცოტაა — ამხნეებდა ისე, რომ მუხლთ აღარ ეკვეთებოდა აუტანელის სიძძიმის ტვირთ ქვეშე. გრიგალმა იქნება გადიაროს, მაგრამ ააოხრებს კი მინდვრებს, დააქცევს სახლებს; დაატრიალებს ენით გამოუთქმელს უბედურებასაო. მაგ გრიგალმა კინალამ მეც სიცოცხლეს გამომასალმა, სისხლისაგან დამცალა, ძალ-ლონე გამომიღია და ჩამავლო მწარე ტყვეობაში სწორედ იმ დროს,

როცა თავისუფლება სიცოცხლეზედ ძვირფასია ჩემთვისაო. როგორ აიტანენ ყოველ ამას სუსტნი არსებანი, ისინი, ვისაც თავი არა აქვს მოიგეროს მტერი? ვინ იცის, რა ამბავია რაზლოვში, რა ყოფაშია ელენეო?!

მაგრამ ელენე ახლა ლუბნში უნდა იყოს. რამდენჯერა ვნახე სიზმარში. გარშემო სულ კეთილის-მყოფელნი ეხვივნენ. თვით თავადი და კნენა გრიზელდა სიყვარულით ეპყრობოდნენ, მაგრამ ელენეს მაინც ჩემი დარდი აწუხებდა, სადღაც სეჩს დავკარგე საქმროვო. გარნა მოვა სანატრელი დრო და გუსარი დაბრუნდება თავის ქვეყანაში. თვით ხმელნიცკიმ აღუთქვა თავისუფლება... ყაზახთა ზვირთი სულ მიგორავს და მიგორავს რესპუბლიკის სანაპიროთაკენ; როცა ეს ზვირთი ზედ შეეღეწება ამ სანაპიროებს, მაშინ მოვლება ბოლო მწუხარებასა და მოუსვენრობასაო.

ხოლო ზვირთი სულ მიგორავდა და მიგორავდა. ხმელნიცკი დროს არა ჰკარგავდა და მიდიოდა, რომ გეტმანის შვილს წინ დაჰხედროდა. ახლა დიდი მხედრობა ჰყვანდა ხმელნიცკის: ქშეჩოვსკისა და ტულაი-ბეის ჯართან ერთად მისი მხედრობა ოც და ხუთი ათას კაცამდე იქნებოდა; მერე ყველანი სულ რჩეულნი, ომსა და ბრძოლაში ნაცადნი და გამოჯეკილნი იყვნენ. პოტოცკის ჯარის რაოდენობისა ნამდვილი არავინ იცოდა. ლტოლვილნი ამბობდნენ, რომ ორი ათასი ცხენოსანი ჯარი ჰყავს და რამდენიმე პატარა ზარბაზანი აქვსო. ამისთანა გარემოებაში შებრძოლების შედეგი მაინც, ცოტა არ იყოს, საეჭვო იყო; ხშირად მომხდარა, რომ პოლონის საშინელ გუსართა ერთის შეტევით უკუუქცევიათ ათჯერ მეტი მხედრობა მტრისა. პან ხოდვევიჩმა, მაგალითად, ლიტვის გეტმანმა, სულ ზურგზედ ბოლი აადინა ერთხელ კირხპოლმს ახლო თვრამეტი ათასს რჩეულს ქვეითსა და ცხენოსანს ჯარს სამი ათასის გუსართა; ერთმა ჯავშნიანთა რაზმმა კიდევ ერთის საშინელის კვეთებით გაჰფანტა კლუშინს ახლო რამდენიმე ათასი ინგლისელთა და შოტლანდელთა დაქირავებული მხედრობა. ხმელნიცკიმ იცოდა ესა, მაგრამ მაინც წინ მიიწევდა, მემატი-

ანეს თქმულებისამებრ, დიდის დაყოვნებითა და სიფრთხილითა: „თვისთა გონებისა მრავლისა თვალითა, ვითარცა გამოცდილი მონადირე, აქეთ-იქათ იცქირებოდა გაუაციციებული და ჰგზავნიდა ჯაშუშთა რაზმებს, შეიტყუებოდა მტრის ამბავითა“. ასე მიუახლოვდა ხმელნიცკი ყვითელ წყალსაო. აქ შეიპყრეს ორი ლიტველი ჯარის-კაცი. იმათა სთქვეს, რომ სახელმწიფო ჯარები ცოტაა და რომ კაშტელიანი უკვე გამოსცდა ყვითელ წყალსაო. რაკი ეს გაიგო, ხმელნიცკი შესდგა მაშინვე, ამოაღებინა თხრილები და ჩასაფრდა შიგ. გული სიხარულით უცემდა. თუ იერიშის მოტანა გაჰბედა პოტოცკიმ, დაიძლევაო. ყაზახნი ვერ გაუმაგრდებიან ჯავშნიანთ მინდორში, ხოლო საფარ-სანგლებიდან შეენივრად იბრძვიანო, და რაკი რიცხვითაც ჩვენ მეტნი ვართ, უკუ-ვაქცევთ ზედ-მოსულთაო. ხმელნიცკის იმედი ჰქონდა პოტოცკის ახალგაზდობისა და გამოუცდელიობისა, მაგრამ ახალგაზდა კაშტელიანს თან ახლდა მოხუცი ჯარის კაცი, უფროსი ჟივეცკისა, პან სტეფანე ჩარნეცკი, გუსართა პოლკოვნიკი. ამ პოლკოვნიკმა დაინახა, რომ აქ ხეირი არა იქნება-რაო და ურჩია კაშტელიანს, უკან დაებრუნდეთ ისევ, ყვითელ წყალს იქითაო.

ხმელნიცკის მეტი გზა აღარა ჰქონდა, უნდა ფეხ-და-ფეხ მიჰყოლოდა კაშტელიანის ჯარს. მეორე დღეს, როცა ჯარები გასცდნენ ყვითელ წყალთა ჭაობებს, დაიწყეს დარაზმვა და დაბანაკდნენ ერთმანეთის პირის-პირ.

მაგრამ არც ერთს მხედართ-მთავარს არ უნდოდა პირველად შეჰბოლა მტერს. მტრები თხრილების ამოღებას შეუდგნენ აჩქარებით. შაბათი იყო, მესხეთე დღე მისისა. მთელს იმ დღეს დიდი წვიმა მოდიოდა. ცა ისე იყო მოშავებდებული, რომ თითქმის ბნელოდა შუადღისას. საღამოზედ წვიმამ უფრო უმატა. ხმელნიცკი სიხარულით აღარ იყო.

— ერთი კარგად დაღბეს კი ეს მინდორი, — ეუბნებოდა ქშეჩოვსკის, — და მერე გუსარების ფიქრი ნულარ გვექმნება. სულ ტალახში ჩაიხრჩობიან ისინი თვისის მძიმე საომარის საქურველითა.

წვიმა თავისას არ იშლიდა და მოდიოდა ძირ-მოღმითა, თითქო თვით ცას უნდოდა დაჰხმარებოდა იმიერ-ქორომეთს.

ჯარები ზოზინითა და უგულოდ იკეთებდნენ საფრებს ავ-
დარში. ცეცხლის გაჩაღება შეუძლებელი იყო. რამდენიმეათა-
სი ცხენოსანი განშორდნენ ბანაკს და თვალ-ყურს ადევნებ-
დნენ, რომ პოლონიის ჯარი არ გაიქცეს ამ ბნელს ღამეში და
მით თავს არ უშველოსო. შეიქნა შუა ღამე და ჩამოვარდა დი-
დი მღუმარება, რომელსაც მხოლოდ წვიმის შუილი და ქარის
ქროლა არღვევდა. თვალი არავის მოუხუტუნია არც ერთს ბა-
ნაკში.

განთიადისას პოლონელთა ბანაკში დაჰკრეს ნალარა და
მოისმა ხმა დოლისა. თენდებოდა დღე მწუხარე, ბნელი, უამი-
ნდო; თავ-სხმამ გადილო და წვიმამ დაიწყო ცრა.

ხმელნიცკიმ ბრძანა, დასცალეთ ზარბაზნიო. პირველს გა-
სროლას მოჰყვა მეორე, მესამე, მეათე... სქშეტუსკიმ უთხრა
თავისს მფარველ ანგელოზს—ყაზახსა:

— ზაქარ, წამიყვანე და თხრილის ბექზედ დამაყენე, მინ-
და ვნახო, რა ამბავია.

თვით ზაქარასაც ძლიერ უნდოდა ნახვა ბანაკისა. ორივე-
ნი ბექობზედ ავიდნენ. იქიდან, როგორც ხელის გულზედ, ისე
სჩანდა მინდორი, ყვეთელ წყალთა ქაობები და ორივე ბანაკი. პან
სქშეტუსკიმ სწრაფად მოავლო თვალი ყოველსაცე, იტაცა ხე-
ლი თავში და დაიძახა:

— ღმერთო! იმათ ხომ ერთი მუქა ჯარი ძლივსა ჰყავთ.

მართლაც, ყაზახთა ბანაკს უშველებელი ადგილი ექირა,
ხოლო პოლონელების ბანაკი ერთი ბეწვა ადგილზედ მოთავ-
სებულად იყო. ცხადადა სჩანდა, რომ გამარჯვება ყაზახთ უნდა და-
რჩენოდათ.

დესპანს გული დაეწვა. აჯანყებულთა დასჯის წამი ჯერ
არ დამდგარიყო, ხოლო რაც მოსალოდნელია, ის ძლიევით შე-
ჰმოსაეს ამათაო.

ცალკ-ცალკე შებრძოლება უკვე დაიწყო და ზარბაზნებ-
მაც მორთეს გრგვინვა და ქუხილი. ცხენოსანნი, ან პატარ-

პატარა ჯგუფებად, ან სათითაოდ ეკვეთებოდნენ ერთმანეთს. თათარნი ებრძოდნენ პოტოცკის ჯარის კაცებს, რომელთაც წითელ-ყვითელის ფერის ტანისამოსი ეცვათ. ცხენოსანნი ხან დაუახლოვდებოდნენ ერთმანეთს, ხან განშორდებოდნენ; ან დაახლოდნენ ერთმანეთს დამბაჩებს, ან ცდილობდნენ ქამანდი ეკრათ. შორიდან მაცქერალს ტურნირი ეგონებოდა, მხოლოდ იმაზედ თუ მიხვდებოდა კაცი, აქ ხუმრობა აღარ არისო, რომ ხან აქეთ მიჰქროდნენ ცხენები უმხედრებოდ, ხან იქით.

თათარნი თან-და-თან უფრო ბლომად გამოიფინნენ; მალე მთლად მინდორი გაივსო იმათის რაზმებით. მაშინ პოლონელთა ბანაკიდანაც გამოჩნდნენ ახალ-ახალნი მხედარნი და დაიწყეს რაზმ-რაზმად დაწყობა თხრილებ წინა. ისე ახლო იყო ყოველივე ესე, რომ პან სქშეტუსკის შორს-მჭვრეტელი თვალი ადვილად არჩევდა აღმებსა, დროშებს, თითქმის იმ როტმისტრებისა და ცხენოსანთა პირი-სახეს, რომელნიც გვერდზედ მოუდგებოდნენ ხოლმე რაზმებსა.

პან სქშეტუსკის სულ ბაგა-ბუგი დაუწყოა გულმა; იმის დატეტკილს სახეს სიწითლე დაეტყო. თავ-დავიწყებაში ჩავარდა და ატაცებით ჰყვიროდა ყოველ ახალის რაზმის გამოჩენისათანავე:

— აი დრაგუნები პან ბალაბანისა!—ჩერკასში მინახავს ეგენი!

— აგერა ვოლინის დროშა, რომელსაც ზედ ჯვარი აქვს გამაგრებული.

— ოჰ, აი ქვეითი ჯარიც დაიძრა!

— აგერა გუსარნიცა!—გუსარნი პან ჩარნეცკისა!

მართლაც, გამოჩნდნენ გუსარნიცა; ზედ უამრავნი ფრთენი დაჰფენიათ და აუარებელი მშვილდ-ისარი მოსჩანს კაპარკებიდან: მშვილდ-ისრები ზოგან ყვითლად მოვარაყებულთა და ზოგან შავ-მწვანე სურათებით არის შემკული. გამოვიდნენ საფრებიდან და დაეწყვნენ თხრილებ წინა, ისე დამშვიდებულნი, ძლიერნი, ყოჩაღნი, რომ პან სქშეტუსკის თვლებში ცრემლი მოერია და ერთს წამს ველარა დაინახა-რა ამ სურათისა.

თუმცა შორი-შორს იყო რაოდენობა პირის-პირ მდგარის ჯარებისა, თუმცა რამდენისამე სადროშოს მხედართა წინააღმდეგ აუარებელ იმიერ-ქორაშელთა და თათართა გუნდებს შავად გაჰქონდა ღელვა, ჰან სქშეტუსკის მაინც სჯეროდა, რომ პირველნი გაიმარჯვებნო. პირს ღიმილი მოუვიდა, სახეზედ ნათელი გადაეფინა, ძალ-ღონე ისევ დაუბრუნდა, თვალეზი ცეცხლით აენტო.

— ეი, ვაჟბატონო! — წაიბუტბუტა მოხუცმა ზაქარმა, — გინდა განა სამოთხეში შეხვიდე?

ამ დროს რამდენიმე გუნდი თათართა ყიჟინითა და ღრილით გაექანენ მტრისკენა. მტერმა თოფები დაუშინა. მაგრამ თათარნი მხოლოდ შესაშინებლად გადაერივნენ ასე. პოლონელთ რაზმებამდე არ მისულან და ისევ უკანვე გამობრუნდნენ, მიიფანტ-მოიფანტნენ და შეერივნენ თავიანთ ჯარებსა.

მაგრამ აი დაჰკრეს დიდი დოლი სეჩისა და იმ წუთსვე უზარმაზარი ფრთა თათარ-ყაზახთა გაიშალა ნახევარ მთვარესავით და მიეტია მტერს. ხმელნიცკის, ეტყობოდა, სურდა გაეგო, ერთის შეტევით დავამარცხებ, თუ არა მტრის ჯარსო. საერთო არეულობა და შეშფოთება რომ მომხდარიყო პოლონელთა ბანაკში, შესაძლო იყო, ვეღარ გაეძლო იმათ ჯარს, მაგრამ პოლონელთა რაზმი იღვინ გულ-დამშვიდებით და მზად იყვნენ საომრად; ზურგთ უკან ფიქრი არასი ჰქონდათ, რადგან თხრილები იყო, ხოლო აქეთ-იქიდან ზარბაზნები იღვა; ისე რომ თავ-დასხმა შეიძლებოდა მხოლოდ წინიდან. პირველში კაცს ეგონებოდა, რომ დაუცდლიან იმათ მისვლას და ისე შეებრძოლებიანო, მაგრამ როდესაც ყაზახ-თათართა რაზმებმა ნახევარი მანძილი გაიარეს, სანგლებიდან მისცეს ნიშანი იერიშის მიტანისა და ის იმოღენა შუბები პოლონელთ - სულ ძირს დაიღეს.

— გუსარნი მოდიან იერიშით! — შეჰყვირა ჰან სქშეტუსკიმ.

მხედარნი მოიხარნენ ოდნავ წელში ზუნაგირებზედ და გაემართნენ წინ; მათ მოჰყვნენ დრავუნთა სადროშონი და მთლად საომრად მომზადებული წინა წყება ჯარისა.

საშინელება იყო კვეთება გუსართა. პირველად ეკვეთნენ სამს კურენს და ერთის თვალის დახამხამებაში გააქრეს. საზარელმა ღრიალმა და გმინვამ მოალწია სქშეტუსკის ყურებამდე. ცხენები და კაცი, რომელთაც ვერ გაუძლეს რკინის მხედართა სიმძიმეს, დაეცნენ ძირს და ისე გაერთხნენ მიწას, თითქო მოთიბული ბალახიაო. ისე უცბად მოჰხდა ყოველივე ესე, რომ სქშეტუსკის ეგონა, თითქო რაღაც უშველებელმა გველეშაპმა გადაჰყლაპა ეს სამი რაზმიო. მერე ეს სამი რაზმი იყო თვალი და ჯავარი მთლად უკრაინის მხედრობისა. ცხენები, რომელიც დააფრთხო ფრთების შრიალმა*), უფრო მეტად აძლიერებდნენ უწესობებს იმიერ-ქორომელთა შორის. ხუთი სხვა რაზმი ხმელნიცკისა სულ შეჰკრთნენ, გონება დაჰკარგეს და უწეს-ურიგოდ იწევდნენ უკან-უკან, მტრისაგან დაჯობნილები. ხოლო ამ დროს გაჩნდნენ დრაგუნთა რაზმნი და დაიწყეს სრვა მტრისა. მთელი ერთი კურენი ისე შეშინდა, რომ სისწრაფით ივლტოდა უკან. შუა-გული ხმელნიცკის მხედრობისა გონს ველარ მოვიდა და იმდენი დრო ველარ იპოვნა, რომ კვლავ დარაზმულიყო.

— ეშმაკნი და ქაჯნი არიან და არა ლიახნი! — შეჰყვირა მოხუცმა ზაქარმა.

სქშეტუსკი თითქო დაათრო ამ სანახაობამ. მძიმე ავადმყოფი იყო და ამიტომ ველარ შეემაგრებინა თავი, თან იცინოდა და თან სტიროდა, ხოლო ხან-და-ხან იძახდა ბრძანების სიტყვებს, თითქო მე ვარ მხედართ-მთავარი სადროშოსიო. ზაქარმა ძლიერს მოახერხა და შეემაგრა პან სქშეტუსკი.

ბრძოლა ისე მოახლოვდა ყაზახთა ბანაკისაკენ, რომ შესაძლო იყო ადვილად გაერჩია ადამიანს სახე მებრძოლთა. საფრებიდან განუწყვეტლივ ისროდნენ ზარბაზნებს, მაგრამ ყუმბარანი ეცემოდა ხან თავისიანებსა და ხან მტრებში და მით უფრო ძლიერდებოდა უწეს-ურიგობა.

*) პოლონელების გუსართა ზურგს უკან ლითონის ფრთები ჰქონდათ ხოლმე მიმაგრებულნი.

გუსარნი შეეფეთნენ პაშკოვის კურენსა, რომელიც საგეტ-მანო გვარდია იყო და რომლის შუაც იმყოფებოდა თვით-გეტმანი. უცბად საშინელი ხმა აღმოხდათ გულიდან იმიერ-ქორომელთ: დიდი მაყვლის-ფერი დროშა შეირყა და დაეცა ძირს.

მაგრამ ამ დროს გრიგალივით ჩაერია ბრძოლაში ქშიჩოვ-სკი თვისის ხუთი-ათასის ჯარის კაცითა. უზარ-მაზარ ჩალის-ფერ ცხენზედ იჯდა, მიჰქროდა ყველაზედ წინ უქუდლოდ, ხმალ ამოწვდილი და ამხნეებდა შემკრთალ ქვემოურებს, რომელნიც უწესოდა და ურიგოდ ბრუნდებოდნენ უკან თავ-თავიანთ ალაგების დასაქერად. ომი კვლავ დაიწყო შუა მანძილზედ და შენივთდა ბრძოლა.

ხმელნიცკის მხედრობის არც მემარცხენეთა და მემარჯვენეთ ულიმოდა ბედი.

თათრებს, რომელნიც ორჯელ იქმნენ უკუ-ქცეულ ვლახეთის სადროშოების ჯარითა და პოტოცკების რაზმებითა, სულ დაეკარვათ ხალისი ბრძოლისა. ტულაი-ბეის ორი ცხენი მოუკლეს. ცხადი იყო, რომ გამარჯვება ახალგაზდა პოტოცკისა რჩებოდა.

თავ-გამეტებულმა ბრძოლამ დიდ ხანს ველარ გასტანა. წვიმამ კოკი-პირულად დაუშვა და მინდორი ტბად გადააქცია. ისე ჩამობნელდა თანა, რომ ორს ნაბიჯზედ აღარა სჩანდა-რა. წვიმის შუილისაგან ჯარის უფროსთა ბრძანება აღარ ისმოდა. შესწყდა სროლა დასველებულ ჯაზაირებისა და მოკლე თოფებისა. თვით ცამ შესწყვიტა ბოლოს ეს ჩეხა-ყლეტა.

ხმელნიცკი დაბრუნდა თავის ბინაზედ მთლად დასველებული, გამძვინვარებული, გაალმასებული. არავისთან ხმა, კრინტი არ დაუძრავს. საჩქაროზედ დასცეს მისთვის კარავი აქლემის ტყავებისაგან და აქ შეაფარა მან თავი მარტოდ-მარტომ, გამწარებულმა, შავ-ბნელის ფიქრებით გვემულმა.

განწირულება ისადგურებდა ნელ-ნელა მის გულში. მხოლოდ ეხლა მიხვდა, რა საქმესაც მოჰკიდა ხელი. ხმელნიცკის სძლიეს, გაათახსირეს... და მერე ვინა? ერთმა მუჟა მტერმა!

მან კარგად იცოდა ძალა რესპუბლიკისა, წინდაწინვე ივარაუ-
და ყოველივე, მაგრამ ეტყობა დაავიწყდა რამ ანგარიშის დროს.
ასე ჰგონებდა ამ წუთს მაინც და უიმედობით შეპყრობილი
შალ-შალ იტაცებდა ხოლმე თავში ხელს; მზად იყო თავი ეხა-
ლა რისთვისმე ამ საათში და ბოლო მოეღო თავისის სიცოცხ-
ლისათვის. რაღა მომელის მაშინ, როცა მომიხდება შებრძო-
ლება გეტმანებთანა და მთლად რესპუბლიკასთანაო?!

ტულაი-ბეიმ შეაწყვეტინა ეს მწარე ფიქრნი და ზრახვანი.
გაცოფებულს თათარს თვალები უბრწყინავდა სიბრაზით, სახე
გადაჰფითრებოდა, კბილები უბრჭყვიალებდა თხელ უღვაშებ
ქვეშა.

— სად არის დავლა, სად არიან ტყვენი, მოკვეთილნი თავნი
შხედართ-მთავართა? — ეკითხებოდა იგი გახრინწიანებულის ხმით.

ხმელნიცკი ზეზედ წამოხტა.

— იქ არის, იქ არიან! — ხმა-შემალღებით უპასუხა მან და ხე-
ლი გაიწოდა სახელმწიფო ჯარის ბანაკისაკენ.

— მაშ წადი იქ, — დაიღრიალა ტულაი-ბეიმ, — თორემ თვი-
თონ შენ წაგათრევე ყირიმს გათოკილსა!

— წავალ კიდევ! წავალ ეხლავე, ავიღებ დავლას, წამო-
ვასხამ ტყვეებს, მაგრამ შენ კი ყენს მისცემ პასუხს, იმიტომ
რომ დავლას ეძებ და ომს კი გაუტრბი.

— ძაღლის გვარისავე, — შეჰყვირა ტულაიმ, — შენ ჰლუპავ
ყენის ჯარსა!

ორივენი პირის-პირ უდგნენ ერთმანეთს. ისევ ხმელნიცკი
შოვიდა გონს პირველად.

— დამშვიდდი, ტულაი-ბეი, — უთხრა ბოლდანმა. — წვიმამ
შეგვიშალა ხელი, როცა ქშეჩოვსკიმ უკვე შეარყია დრაგუნ-
თა რაზმი. მე კარგად ვიცი იმათ. ხვალ ისეთის გამძვინვარე-
ბით ველარ იომებენ. დედა-მიწა დალბება. ხვალ სულ ჩვენ ხელთ
იქმნებიან.

— აბა რა, დიდი თანხაა ცარიელი ლაპარაკი!

— ჰნახავ, რომ თანხაა. გამიგონე, ტულაი-ბეი, მეგობარო!
ყენმა ჩემდა შესაწევრად გამოგზავნა და არა ჩემდა სავაგლახოდ!

— შენ მე გამარჯვება აღმითქვი და არა დაძლევა.

— რამდენი დრაგუნი დაგვრჩა ტყვედ. თუ გინდა შენ მოგცემ იმათ.

— მომეცი. ვუბრძანებ, რომ მარგილზედ ჩამოაცვან.

— ნუ იზამ მაგას. თავისუფლება მიეცი. უკრაინელები არიან ბალაბანის სადროშოსი; განუტევოთ, რომ იქნება დრაგუნები ჩვენს მხარეზედ გადმოიყვანონ. ისევე მოჰხდება, რაც ბარაბაშის საქმეში მოჰხდა.

ტულაი-ბეის სიამოვნებით გაუნათლდა სახე, დააცქერდა ხმელნიცკის და წაიტუტუნა ბუზღუნითა:

— გველო...

— ცბიერობაც იმდენად ჰლირს, რამდენადაც მამაცობა. თუ მოვანერხებთ, რომ დრაგუნებმა უღალატეს, მთელს ბანაკში ერთი აღარ გადაგვრჩება ცოცხალი და ტყვედ შეუპყრობელი. გეყურება თუ არა?

— პოტოცკის მე წაეიყვან.

— იმასაც შენ მოგცემ და ჩარნეცკისაცა.

— კარგი, მაშ ახლა არაყი დამალევიწე... ცივა...

— ეხლავე.

კარავში ქშეჩოვსკი შემოვიდა. პოლკოვნიკს თავპირი ჩამოზნელებოდა. უფროსობა, კაშტელიანობა, ციხე დარბაზნი და საუნჯენი დღევანდელ ომის შემდეგ ისე გაჰქრა, როგორც კვამლი. შესაძლო იყო, რომ ამ კვამლში ხეალ თვალ-წინ წარმოსდგომოდა ბნელი სურათი მახვილისა ანუ სახრჩობელასი. ის ნემენცები რომ არ გაწყვეტილიყვნენ, იქნება პოლკოვნიკს აღარ დაეყოვნებინა, ეღალატნა ხმელნიცკისათვის და თვისის ჯარით პოტოცკის მხარეზედ გადასულიყო. მაგრამ ახლა გვიან-ლა იყო.

ყაზახთა მხედართ-მთავარნი ხმა-გაკმენდილნი შემოუსხდნენ არაყით სავსე ქურჭელსა. წვიმამ უკლო. ღამდებოდა.

ბან სქშეტუსკი დაასუსტა სიხარულმა და გაფითრებული უძრავად იდო ურემზედ. ზაქარს უკვე შეუყვარდა ღესპანი და უბრძანა მხლებლებს გადაეჩარდახებინათ ურემი. სქშეტუსკი

უგდებდა ყურს წვიმის ერთკილოვანს შუილს და გული არხე-ინადა ჰქონდა, სიამოვნების სხივით გაშუქებული. გუსარებმა დიდი მხნეობა გამოიჩინეს, რესპუბლიკა ღირსეულად დაუხვდა მტერს, როგორც შეეფერებოდა მის ღიღებას და ყაზახთა მღელვარების პირველი ზვირთი ზედ შეელეწა სახელმწიფოს ჯართა სიმტკიცესაო. შემდეგ კიდეც თავადი ერემიაა მზად, გეტმანები, შლიახტა, ამოდენი ძალ-ღონე, ხოლო ყოველ ამათზედ უმაღლეს არის ბოლოს მეფე, — *primus inter pares*.

გულ-მკერდი სქშეტუსკისა აღიოდა და ჩადიოდა თავისუფალის, თავ-მოწონებულის სუნთქვისაგან. ასე ეგონა, რომ ყოველივე ეს ძლიერება საკუთრად შე მაქცსო.

თვისის დატყვევების შემდეგ პირველად ახლა შეებრაღა დესპანს ყაზახნი. დამნაშავენი არიან, რალა თქმა უნდა, მაგრამ თან დაბრმავებულნიც არიან, რადგან ფიჩხისათვის წაუვლიათ ხელი და იმითი გამოდიან დათვის წინააღმდეგაო, — გაივლო მან გულში. — დამნაშავენი არიან, მაგრამ ამავე ღროს უბედურნიც არიან: აჰყენენ ისეთს კაცს, რომელიც ცხადად ჰლუპავს ამ საცოდავებს.

დესპანის ფიქრი სხვაგანაც ჰრბოდა. დადგება მშვიდობიანი ღრო და მაშინ ყველას ნება ექნება იზრუნოს საკუთარის ბედნიერებისათვისაცაო. რა ამბავია ნეტავი ახლა იქ, რაზლოგში? მღელვარება იქამდე, რასაკვირველია, ვერ უწევს, ხოლო თუნდა ასეც იყოს, ელენე ახლა, ექვი არ არის, ლუბნში იქნებაო.

მეორე დღეს კვირა იყო და თოფი არ გავარდნილა, მშვიდობიანად გაიარა. სქშეტუსკის ეგონა, რომ უთუოდ ყაზახებს აღარ უნდათ ომის დაწყებაო. ვაი რომ ასე არ იყო! დესპანმა არ იცოდა, რომ ამ ხანად ხმელნიცკი, რომელიც „თვისის გონებისა მრავლითა თვალთა იყურებოდა გარშემო“, ცდილობდა, იქნება ბალახანის ღრაგუნნი ჩემსკენ გადმოვიყვანო როგორმეო.

ორშაბათს განთიადისასვე შეებნენ ერთმანერთს მოპირისპირენი. სქშეტუსკი, როგორც წინად, ახლაც მხიარულებითა

და ღიმილით შეჰყურებდა ამ შებრძოლებასაცა. სახელმწიფოს ჯარის რაზმნი კვლავ დაეწყენენ საომრად თხრილებ წინა, მხოლოდ ეხლა იერიშით აღარ მიდიოდნენ, არამედ ადგილობრივად აძლევდნენ მტერს პასუხსა. მინდორი სულ ქაობად გადაიქცა. მძიმედ შეიარაღებული ცხენოსანთა ჯარი ადგილიდან ვერ იძროდა და ეს გარემოება დიდს უპირატესობას აძლევდა თათართა და იმიერ-ქორომელთა სუბუქ რაზმებს. ღიმილი თან და თან ჰქრებოდა სქშეტუსკის სახეზედ. სახელმწიფო ჯარებს იმოდენა მტერი დაესხა თავს, რომ სულ ჩანთქა კინაღამ; აგერ საცაა თითქო გასწყვეტენ ამ სუსტს ჯაჰეს და იერიშს მიიტანენ თვით საფრების ასაღებადაო. პან სქშეტუსკი იმის ნახევარ ხალისსაც ველარა ჰხედავდა, რა ხალისითაც იბრძოდნენ პოლონიის ჯარნი ორის დღის წინად. მართალია, ეხლაც მამაცურად იბრძოდნენ, მაგრამ პირველად თვით აღარ ესხმოდნენ თავს მტერსა და ერთის შეტევით აღარ სცემდნენ რისხვასა. წვიმისაგან დამბალი დედა-მიწა აღარ უშვებდა წინ, ხოლო ხმელნიკი ამასობაში სულ ახალ-ახალ რაზმებსა ჰგზავნიდა საომრად. თვითონ ჩნდებოდა ყველგან და თვისის მაგალითით ამხნევებდა იმიერ-ქორომელთ, რომელნიც ათასობით ესხმოდნენ თავს სახელმწიფო ჯარის რკინის კედელს და, უკუქცეულნი, კვლავ ეწყობოდნენ რაზმ-რაზმად ხელ-ახალის იერიშის მისატანად. მათთა მკვდართა გვაშით მოიფინა მინდორი, მაგრამ რესპუბლიკის ჯარიც ნელ-ნელა სუსტდებოდა.

შუა დღისას იმიერ-ქორომელთა მთელი ჯარი ჩაება ბრძოლაში. ისე გაცხარდა ომი, ისეთის გამძვინვარებით შეიბნენ მტერნი, რომ მათ შუა კვლავ ხორა დაღვა კაცთა გვაშებისა და ცხენთა მძოვრისა.

ყოველ წუთს ყაზახთა ბანაკში ბრუნდებოდნენ გუნდ-გუნდად დაქრილნი და დაკოდილნი, სისხლით-შესვრილნი, ტალახით მოთხუპნულნი, ძალ-ღონე მიხდილნი, მაგრამ ბრუნდებოდნენ მხიარულად, სიმღერითა და ყიჟინითა. იმათ სახეზედ იხატებოდა მხიარულება და რწმენა, რომ გამარჯვება ჩვენიაო. სიკვდილის პირად მყოფნიც კი ამასა ჰყვიროდნენ: „სიკვდილი

მტერსაო!“ ვინც ბანაკში დარჩენილიყო, ისინიც საომრად იწვე-
დნენ.

პან სქშეტუსკი მოიღრუბლა. პოლონელთა სადროშონი
ბანაკში ბრუნდებოდნენ. აღარ შეეძლოთ უკვე გამაგრება და
სასწრაფოდ იხევდნენ უკან. ყაზახებმა რომ ეს დაინახეს, და-
სცეს მხიარული ყიჟინა. იმიერ-ქორომელთ კვლავ მიიტანეს
იერიში და გამძვინვარებით ეკვეთნენ პოტოცკის ჯარის-კაცთა,
რომელნიც იფარავდნენ ბანაკად მიმავალ, უკუ-ქცევულ თვისს
ჯარებსა. მაგრამ ზარბაზნებმა, ჯაზაირების სეტყვასავით დაშე-
ნილმა ტყვიამ უკუაქცია ისინი. ერთს წუთს შესწყდა ბრძო-
ლა.

პოლონელთა ბანაკიდან მოისმა ხმა შერიგების საყვირისა.

მაგრამ ხმელნიცკის გაგონებაც კი არ უნდოდა შერიგებისა.
თორმეტის კურენის ჯარის კაცნი ჩამოხდნენ ცხენებიდან, რათა
ქვეითა ჯართანა და თათრებთან ერთად მიეტანათ იერიში
მტრის სანგლებზედ.

ქშეჩოვსკი უნდა მიჰშველებოდა სამი ათასის ქვეითის ჯა-
რით, როცა გაჰირდებოდა საქმე. საყვირთა ხმამა, განგაშთა და
ბობლანთა ცემამ დაჰფარა ცოტას ხანს ხმა ყიჟინისა და ჯაზა-
ირების გრიალისა.

პან სქშეტუსკი გულის კანკალით შეჰყურებდა, როგორ
ჯაჭვის რგოლივით ერტყმოდა გარშემო პოლონელთა ბანაკს
იმიერ-ქორომელთა ჯარი. მიდიოდა ეს ჯარი წინ და ეხვეოდა
ხშირს თეთრს კვამლში, თითქო ვილასაც უზარ-მაზარ მკერდს
უნდა ასეთის კვამლის ბერვით გაჰფანტოს ყოველ-მხრიდან მო-
სული გუნდი უამრავის კალიისაო. ზარბაზნების ყუმბარანი უფ-
რო გახშირებით შეიჭრებოდა ხოლმე ამ გუნდში და მომაკვლი-
ნებელს კვალს ავლებდა იქ. თოფების სროლამ უფრო და უფ-
რო უმატა. გრიალი თოფ-ზარბაზნების სროლისა ერთს წუთს
არა სცხრებოდა, მაგრამ ჰინჰვლის გორა, თუმცა ნელ-ნელა,
მაინც დოსტოლრივ მიიწევდა წინ. აი მიახლოვდა კიდეცა! აი
თითქმის თხრილთან მიცოცდა და ზარბაზნებს ზნევა აღარა
შეუძლიანთ-რა! პან სქშეტუსკიმ თვალეზი დაჰხუჭა.

ელვასავით გაურბინა ფიქრად ამ აზრმა: დავინახავ-ლა კიდევ თუ ვერა, როცა გავახელ თვალებს, პოლონის დროშებს-საო? დავინახავ... ვერ დავინახავ? ყოჩინა უფრო და უფრო ძლიერდება, ჟივილ-ხივილია არა-ჩვეულებრივი... აღბად, რაღაც დიდი ამბავია იქ. ყვირილი შუა-გულ ბანაკიდან მოისმის. რა ამბავია? რა მოჰხდა?

— ღმერთო მოწყალეო!

პან სქშეტუსკის გმინვა ამოხდა გულიდან: თხრილებზედ, ოქროს-ფერ სარესპუბლიკო დროშის მაგიერ, ფრიალებდა მაცვლის ფერი დროშა მთავარ-ანგელოზის მხატვრობითა.

პოლონელთა ბანაკი აღებულ იქმნა.

მხოლოდ საღამოზედ გაიგო დესპანმა ზაქარასავან ყოველივე დაწვრილებით. ტყუილად კი არ ეუბნებოდა ტულაი-ბეი ხმელნიცკის, გველი ხარო: სწორედ გაჭირების დროს გადვიდნენ იმის მხარეზედ ბალაბანის დრაგუნები, რომელნიც ეკვეთნენ თავისიანებს და ხელი შეუწყვეს მტერს მათს მოსრვაში.

საღამოზედ დესპანმა ჰნახა ტყვედ-შეპყრობილნი და დაესწრო ახალგაზდა პოტოცკის სიკვდილსა. საწყალმა ჭაბუკმა, სასიკვდილოდ დაქრილმა ისრითა, ძლივს უთხრა ნელის ხმით სტეფანე ჩარნეცკის: „უამბეთ მაშასა, რომ, როგორც რაინდი“... და განუტევა სული. დიდ ხანს ახსოვდა შემდეგ სქშეტუსკის მისი გაფითრებული სახეცა, მისი ცის-ფერი თვალებიცა, მიპყრობილი ცად მიმართ. პან ჩარნეცკიმ აღთქმა დასდო ამ გაცივებულ გვამის წინაშე, რომ, როგორც კი ღმერთი შემეწევა და თავს დაეაღწევ ტყვეობას, სისხლის რუებით ჩამოვრეცხავ დღევანდელს დამარცხების სირცხვილს და შურს ვიძიებ ჩემის მეგობრის სიკვდილისათვისაო. მოხუცს მხედარს თვალები გაშრალი ჰქონდა და მხოლოდ გაფითრებულ სახეზედ ეტყობოდა ცხადად, რასაცა ჰგრძნობდა. თავის დროზედ შეასრულა კიდევ თავისი აღთქმა, ხოლო ამ ხანად ანუგეშებდა, როგორც კი შეეძლო, სულითა და ხორკით ავადმყოფს პან სქშეტუსკის. „რესპუბლიკამაო, — ამბობდა პან ჩარნეცკი, — ბევრი მწარე დღე ჰნახა, გარნა ძალი მისი მაინც აღურაცხველია და არა ყაზახთა

ამბოხებას არ შეუძლიან შეარყიოს მისი ძლიერება. მართალია, დამარცხება დიდია, მაგრამ ვინ იქმნა დამარცხებული? გეტმანები? სახელმწიფოს მხედრობა? არა! კშეჩოვსკის ლალატის გამო ერთი მუქა ხალხი-ლა დარჩა და, რასაკვირველია, იმისთვის ძნელი იყო იმოდენა მხედრობას გამკლავებოდა. აჯანყება გავრცელდება მთელს უკრაინაში,—ყაზახნი იქ მუდამ მზად არიან აჯანყდნენ, თუ კი შემთხვევა რამ მიეცათ,—მაგრამ უკრაინაში აჯანყება ახალი ამბავი არ არის და მალეც ჩაქრება დიდის ხნით გეტმანთა და თავად ერემიას მეოხებით. მხოლოდ სულმოკლე კაცს შეუძლიან დაიჯეროს, რომ ვითომ ერთს ავაზაკატამანს შეეძლოს, თათართა მურზის შემწეობით, მუქარა დაუწყოს დიდს ერს. ცუდი ნიშანი იქმნებოდა, რომ რესპუბლიკას მთელი თვისი ძალ-ლონე შეეკრიბა ყაზახთა აჯანყების გავრცელებისათანავე. უნდა გამოვტყდე, უგულოდ წამოვედით ამ ლაშკრობაში და, თუმცა გვძლიეს, მაინც მტკიცედა ვარ დარწმუნებული, რომ გეტმანები ხმლითა და იარაღით კი არა, მათრახებით შეიძლებენ ამ აჯანყების მოსპობას^ჲ.

კაცს ეგონებოდა, რომ ყოველსავე ამას ამბობს არა ტყვე, არა ჯარის-კაცი, რომელიც დამარცხდა ეს არის ეხლაო, არამედ გულ-ზვაფი გეტმანი, დარწმუნებული, რომ ხვალ გამარჯვება ჩემიაო. მისი იმედიაობა ნელ-ნელა პან სქშეტუსკისაც გადაედო. მეტის-მეტად ახლოდან უცქეროდა ხმელნიცკის ძლიერებას და ამან, ცოტა არ იყო, თვალები აუბა, მით უმეტეს, რომ ხმელნიცკის ბედი სწყალობდა მუდამ. გარნა პან ჩარნეცკი მართალი იყო, გეტმანთა მხედრობა ჯერ არ გამოსულიყო საბრძოლველად, ხოლო მათ შემდეგ კიდევ მთელი რესპუბლიკა იყო.

ზაქარმა, რომელმაც მოუხერხა პან სქშეტუსკის ნახვა ტყვეებისა, უფრო მეტად ანუგეშა გზაში უკან დაბრუნებული დესპანი. „ახალგაზდა პოტოცკის დაძლევა ადვილი იყო, აი გეტმანების დაძლევაა საქმე!—ჩიოდა ზაქარა.—ჯერ მხოლოდ დაწყებულ იქმნა საქმე და, ვინ იცის, რა ბოლო მოჰყვება! ეჰ, აივსნენ ყაზახნი და თათარნი პოლონელთა საუნჯიჲ, მაგრამ

საქმე აღება კი არ არის, საქმე შენახვაა. შენ ტყვილად ნუ სწუხარ, გულის ნუ იკლავ, მიიღებ თავისუფლებას და დაპბრუნდები შენიანებთან... ჩემი მოხუცი თავი კი უნდა მოწყენილი ეგდოს აქ უშენოდ. ეჰ, სიბერე ძნელი ყოფილა! გეტმანებთან ძალიან გაქირდება საქმე, ძალიან!”

მართლაც, ეს გამარჯვება, რაც უნდა უფრო ძლიერა-მო-სილიც ყოფილიყო, ვერ უზრუნველ-ჰყოფდა ჯერ კიდევ ხმელნიცკის მომავალს ბედსა, იქნება უფრო ენო კიდეცა, რადგან გეტმანი შურს იძიებდა შვილის სიკვდილისათვის და აღარას არ დაჰზოგავდა იმიერ-ქორომელთ ამოსაწყვეტად. დიდს გეტმანს არ უყვარდა თავადი იერემია, მაგრამ ახლა ყოველივე მტრობა უნდა დაღუბებულიყო; პან კრაკოველი პირველი გაუწოდებდა ხელს შერიგებისას სახელ-განთქმულს მხედართ-მთავარს და თვის მხედრობასაც იმისას შეუერთებდა. ამისთანა ძალ-ლონეს ხმელნიცკი ჯერ არ შეჰბრძოლებოდა და ვერც გაჰბედავდა შებრძოლებას. მან გადასწყვიტა, გაეაშურებ უკრაინისაკენ, საჩქაროზედ მივიტან იქ გამარჯვების ამბავს ყვითელ წყალთან და, ვიდრე თავადის მხედრობა მოვიდოდეს, მანამ დავესხმი თავს გეტმანებსაო.

რიგიანად აღარ დაასვენა თავისი ჯარები და მეორე დღესვე უბრძანა ლაშქრად წასვლა. ასე ეგონებოდა კაცს, რომ გეტმანი გაჩქარებით ილტვის და მით უნდა დააღწიოს თავი განსაცდელსაო. ყაზახთა ჯარის რიცხვი გზა და გზა თან და თან მატულობდა; ყოველ დღე ემატებოდნენ უკრაინიდან ლტოლვილნი. მოჰქონდათ თან გეტმანთა ამბავიცა, თუმცა კი ერთმანერთის საწინააღმდეგო. ერთნი ამბობდნენ, რომ თავადი ჯერ ისევ დნებრს გაღმაა დაბანაკებულიო, მეორენი—უკვე შეუერთდა სახელმწიფოს ჯარებსაო. უეჭველი იყო მხოლოდ ის, რომ უკრაინა ჰღელავდა და დიდს ცეცხლში იყო. იქაურნი მკვიდრნი, არამც თუ ყრუ-მინდვრებში მირობდნენ ხმელნიცკისთან, არამედ ცეცხლს უკიდებდნენ დაბა-სოფლებსა, ეწინააღმდეგებოდნენ პანებსა და ყველგან იარაღში სხდებოდნენ. ქალაქში მცხოვრებნი ყაზახნი მხოლოდ ნიშანს-ლა ელოდნენ

მემბოხეთა თანა შესაერთებლად. ხმელნიცკის ყოველ ამის იმედი ჰქონდა და ამიტომ უფრო ჩქარობდა.

ბოლოს ჩიგირინამდეც მივიდა. ჩიგირინმა კარი გაუღო და ყაზახთა მეციხვანე რაზმი მის დროშებ ქვეშ დადგა. ბრბომ გაძარცვა სახლი ჩაპლინსკისა და ამოსწყვიტა ერთი მუჟა პოლონელი თავად-აზნაურობა, რომელიც ამ ქალაქში ეძებდა ხსნასა. სიხარულის ჟრიამულსა, ზარების რეკვასა და ლიტანიით სიარულს დასასრული არა ჰქონდა.

აჯანყების ცეცხლი უცებ მოედო მთლად ამ მხარეს. ყოველივე, რაც კი სცოცხლობდა, ხელს ჰკიდებდა ცელებსა და შუბებს და უერთდებოდა იმიერ ქორომელთ. აღურაცხველნი ბრბონი იკრებდნენ თავს ყოველ მხრიდან ყაზახთა ბანაკში; მოვიდა სასიხარულო ამბავიცა, რომ თუმცა თავადი იერემია დაჰპირდა თვისსა შემწეობას გეტმანთა, მაგრამ ჯერ არ შეერთებულა იმათთანაო.

ხმელნიცკიმ ცოტა თავისუფლად ამოისუნთქა.

დაუყოვნებლივ გასწია წინ გრიგალივით და, საცა გაიარა, მოაოხრა ყოველივე. გზა, მისგან გავლილი, მოფენილი იყო ადამიანთა გვამითა და ცეცხლის მიერ შთანთქმულ სადგურთა დანაცრებულ ნანგრევებითა. მიდიოდა, როგორც შურის-მძიებელი, როგორც საარაკო გველეშაპი.

ჩერკასში დაბანაკა თვისი უმთავრესი მხედრობა, ხოლო წინ გაჰზავნა თათარნი ტულაი-ბეისა და განადირკაცებულის კრივონოსის წინამძღოლობითა. კორსუნთან დაეწივნენ ისინი გეტმანებს და აღარც აიღეს, აღარც დაიღეს, დაესხნენ თავს, მაგრამ ასეთი გაბედულება ძვირად დაუჯდათ. საშინლად ძლეულნი იძულებულნი იქმნენ უკან დაეხიათ უწესოდა და ურიგოდ.

ხმელნიცკი წავიდა ახლა იმათ მისაშველებლად. გზაში მოუვიდა ამბავი, რომ პან სენიავსკი შეუერთდა გეტმანებს, რომელთაც დასტოვეს კორსუნი და მიდიან ბოლუსლავისაკენაო. ხმელნიცკიმ უომრად აიღო კორსუნი, დასტოვა იქ თავისი ბარგი-ბარხანა და სუბუქად გამოეკიდა სახელმწიფო ჯარებსა.

ღრმა ხევთან ხმელნიცკის მოწინავე დარაჯნი თავს წაადგნენ პოლონელთა ბანაკსა.

პან სქშეტუსკის არ შეემახვია ამ ბრძოლის ნახვას; ბარგ-თანა და ბარგის ხალხთან ერთად კორსუნში დარჩა ისიცა. ზაქარმა დააბინავა დესპანი ერთის ჩამოხჩობილის შლიახტიჩის სახლში და მიუჩინა დარაჯნი, რადგან ბრბო სცარცვაედა იქა-ურობას და ჰხოცდა ყველას, ვინც კი ლიახად მიაჩნდა. პან სქშეტუსკი თავის სახლის გატეხილ ფანჯრიდანა ჰხედავდა, რო-გორ გადადიოდა ერთის სახლიდან მეორე სახლში, ერთის დუქნიდან მეორე დუქანში ბრბო სასმელებისაგან გაღეჭებულ, სისხლით შესვრილ ყაზახთა, ურევდა და აქოთებდა იქაურობას. ხან და ხან მოისმოდა ყვირილი და ეს იმისი ნიშანი იყო, რომ ჩვენმა ძებნა-ჩხრეკამ ამაოდ არ ჩაიარაო, ესე იგი ვიპოვნეთ შლიახტიჩი ანუ ურიაო. ამისთანას, სულ ერთია, ვინც უნდა ყოფილიყო, — მამაკაცი, დედაკაცი, თუ ყმაწვილი, — გამოი-ყვანდნენ ბაზარში და დაუწყებდნენ წამებას. ბრბოს ჩხუბი მოსდიოდა ერთმანერთში გვემულის გემის ნაჭერთათვის, უკუ-ნურის ხარხართ ისევამდა პირზედ და გულზედ სისხლს, იხვევდა კისერზედ თბილ-თბილ ნაწლევებს. ყაზახნი წაავლებდნენ ხელს ფეხებში ურიის პატარა ბავშვებს და შუა-შუა ჰგლეჯდნენ და-მსწრეთა დიდად სასიამოვნოდ. ბრბომ რამდენჯერმე სცაღი გაე-ძარცვა ის სახლებიცა, საცა იყვნენ უფრო პატიესაცემნი ტყვე-ნი, დარაჯ-მიჩენილნი. იმიერ-ჭორომელნი ანუ თათარნი, დარა-ჯად მიჩენილნი, ჯოხებითა და კომბლებით დაირეკავდნენ ხოლ-მე ბრბოს. ასე მოხდა პან სქშეტუსკის სახლთანაცა. ზაქარმა უბრძანა დარაჯთა, შეუწყალებლად სცემეთ ქუჩის მაწანწალა ხალხსაო და ისინიც დიდის სიამოვნებით ასრულებდნენ ამ ბრძანებას.

ბაზარში ბრბო გამძვინვარებული იყო. საღამო-ჟამდებო-და. წაუკიდეს ცეცხლი ბაზარს, ეკლესიას და მღვდლის სახლ-სა. ბედად, ქარი მინდვრისაკენ უბერავდა და უშლიდა ცეცხლის გაძლიერებას. მაინც ბაზარში ისე ნათელიოდა, თითქო დღეაო.

შორიდან მოისმოდა ხშირი სროლა ზარბაზნებისა. ცხადი იყო, რომ ღრმა ხევთან ბრძოლა უფრო და უფრო ცხარდებოდა.

— დიდი სიცხე ადგიათ იქ ჩვენებს!—სთქვა მოხუცმა ზაქარმა.—გეტმანები არა ჰხუმრობენ. პან პოტოცკი გამოცდილი მხედარია,—ზაქარმა თითი ფანჯრისაკენ გაიშვირა.—ახლანისინი ჯავრსა ყრილობენ, ხოლო თუ აჯობეს ბოლდანსა, იმის ჯავრსაც ამოიყრიან!

ამ ღროს მოისმა ცხენების თქარა-თქური და ბაზარში შემოვიდა რამდენიმე ცხენოსანი. პირისახე სულ გამურული ჰქონდათ თოფის-წამლის კვამლისაგან, ტანისამოსი კიდევ უწესოდ ეცვათ, ეტყობოდათ, რომ პირდაპირ ბრძოლის ველიდან მოსულიყვნენ.

— ხალხო! ვისაც ღმერთი გწამთ, თავს უშველეთ! ლიანებმა აჯობეს ჩვენებს!—მოისმა ხმა-მაღალი ძახილი.

ასტყდა საერთო არეულობა. ბრბო ჯერ შეტბორდა, ვით მორევი შავის ზღვისა და მერე, როგორც ზვირთი, რომელსაც ქარმა დაჰქროლოს, გაექანა ერთის მხრისაკენ. მაგრამ ქუჩები ყველგან საესე იყო ხალხით, ხოლო ერთი ნაწილი ბაზრისა ცეცხლში იწვოდა, ისე რომ არსაით გაქცევა არ შეიძლებოდა...

დესპანმა გაიგო ეს ამბავი და კინალამ ჰკუთხედ შეიშალა სიხარულით.

— მე კი არ ვიცოდი, რომ ეგ აგრე იქნებოდა!—აღტაცებით ამბობდა პან სქშეტუსკი და დარბოდა ოთახში.—აქ გეტმანები არიან, მთლად რესპუბლიკა!... მაგრამ რა ამბავია?

ბაზარში კვლავ ატყდა ხმაურობა, დგანდგარი. გამოჩნდნენ რამდენიმე თათარნი; ისინიც, როგორც ცხადად სჩანდა, ბრძოლას გამოჰქცეოდნენ და მორბოდნენ თავ-გადაგლეჯილნი. ბრბო წინ გადაეღობა; ისინი ზედ აყენებდნენ ცხენებს და მიერეკებოდნენ ჩერკასის გზისაკენ.

— ისე მოჰქრიან, თითქო ქარიოა!—დაიძახა ზაქარმა.

ძლივს წარმოსთქვა ეს სიტყვები, რომ ახლა მეორე რაზმი მოიქრა, იმას მოჰყვა მესამე. იმ დარაჯთაც, რომელნიც მი-

ჩენილნი ჰყვანდნენ ზოგიერთს სახლებს, გაქცევა უნდოდათ, ზაქარა კარში გამოვარდა.

— გაჩერდით!—დაუყვირა მან თავის მირგოროდელებს.

კვამლი, სიცხე, ცხენების თქარა-თქური, ხმა მოუსვენრობისა, ღრიანცელი ბრბოსი, რომელსაც ანათებდა ცეცხლ-წაკიდებულ სახლების ალი,—ყოველივე გადაიქცა ერთ საშინელ სურათად, რომლის მზერითაც შეეძლო დესპანს დაპტკბარიყო თავის სახლის ფანჯრიდანა.

— რა ღეთის-რისხვა და ზარი უნდა იყოს ახლა იქა, რა ზარი!—იძახდა სიხარულით დესპანი და ვერა ჰხედავდა, რომ ზაქარა არ თანაუგრძნობდა მის სიხარულს.

ზარბაზნების გრიალი არ შეწყვეტილა ერთს წუთსაც.

უცბად ვიღამაც დაიძახა იქვე სახლთან განწირულის ხმით:

— თავს უშეეღეთ! ბოლდანი მოჰკლეს! ქშეჩოვსკი მოჰკლეს! ტულაი-ბეი მოჰკლეს!

ბაზარი საშინელს სურათს წარმოადგენდა, კაცს ეგონებოდა, ქვეყნის აღსასრულის დღე დადგაო.

ხალხი სასოწარკვეთილებაში ჩავარდა. მრავალნი თვითონვე სციოდნენ ცეცხლში. დესპანმა დაიჩოქა და ხელნი აღაპყრა მალლა:

— ღმერთო, ყოვლის შემძლებელო! ღმერთო დიდო და მართალო! გმადლობ შენ!

მისი ლოცვა ზაქარას მოსვლამ შესწყვიტა.

— გამოდი კარში,—ჰყვიროდა ზაქარა ქაქანითა.—და აღუთქვი პატივება მირგოროდელებს. მირბიან ისინიც, და თუ ისინი წავიდნენ, ხალხი შემოაცვივა აქა.

სქშეტუსკი გამოვიდა აივანზედ. მირგოროდელნი შეჯგუფულიყვნენ ერთად და ჩერკასისაკენ აპირობდნენ გაქცევას. შიშმა შეიპყრო ყველანი ქალაქში. ახალ-ახალნი ძლიეულნი რაზმნი უფრო და უფრო გახშირებით მორბოდნენ ქალაქში. მორბოდნენ გლეხნი, თათარნი, ქალაქელი ყაზახნი და იმიერ-ქორთმელები. ხოლო უმთავრესი მხედრობა ხმელნიცკისა, ეტყობოდა, ჯერ კიდევ ეწინააღმდეგებოდა მტერს. ბრძოლა არ გათა-

ვებულისყო, რადგან ზარბაზნები გაორკეცებულის ძალითა გრი-
ალებდნენ ისევ.

სქშეტუსკიმ მიმართა მირგოროდელებს.

— რაკი მე მდარაჯობდით, რაღა საჭიროა გაქცევით და-
იფაროთ თავი,—სთქვა მან თავ-მოწონებით.—სიტყვას გაძ-
ლევთ, რომ გეტმანი გაპატივებთ ყოველსავე.

მირგოროდელებმა ყველამ ქუდები მოიხადეს.

რა ცვალებადობაა ბედისა! პან სქშეტუსკი, წელანდელი
ტყვე, ისე იღვა თავზედ ხელ-აღებულ ყაზახთა შორის, რო-
გორც ბატონი თავის ხელქვეითთა წინაშე.

— შეგვიწყალებთ, პანე!

— როგორც გითხარით, ისე იქნება,—მტკაცუნდა სთქვა
დესპანმა. სახე სიხარულით უბრწყინავდა. „აგერ ომიც გათავ-
დება,—ჰფიქრობდა სქშეტუსკი.—პან ჩარნეცკი მართალს ამ-
ბობდა: დიდი ძალა აქვს რესპუბლიკას, დიდია ქარი და ძლი-
ერება მისი!“

და გრძნობამ თავ-მოწონებისამა და ამპარტავენებისამ გაავ-
სო მისი გული, იმ უღირსმა გრძნობამ კი არა, რომელსაც ეძ-
ლევდა კაცი, როცა მოახლოვებულთა ჟამი შურის-ძიებისა, არა,
პან სქშეტუსკის თავი მოსწონდა მით, რომ შვილი ვარ იმ
ძლიერის, ძლევა-მოსილის რესპუბლიკისა, რომელსაც შეუძლიან
აღვილად მოიგეროს ყოველ-გვარი მტერიო. თავი მოსწონდა
მით, რომ შლიახტიჩი ვარო, რომ იმედმა და სასოებამ არ მი-
მტყუნაო. შურის-ძიების ფიქრი გულშიაც კი არ გაუტარებია.
„დასაჯა, როგორც მეფემ, შეიწყალებს, როგორც დე-
დაო“,—ჰფიქრობდა იგი.

ზარბაზნები კი მაინც ჰქუხდა და ჰქუხდა შეუწყვეტლივ.

აი კვლავ მოისმა თქარა-თქური ცხენოსნებისა ჩიგირინის
დაცარიელებულს ქუჩებში. ბაზარში მოიქრა ყაზახი, რომელიც
უბელო ცხენზედ იჯდა, პერანგის ამარა იყო, თავზედ ქუდი
არ ეხურა და პირი-სეხე. შუაზედ ჰქონდა გაჩენილი ხმლითა;
მოიქრა ქენებით, შეაყენა ცხენი და დაიძახა მისუსტებულის
ხმით:

— ხმელნიცკიმ აჯობა ლიახებს! დაიძლივნენ ბრწყინვალე პანები, გეტმანები და პოლკოვნიკები, რაინდები და კავალერები.

ყაზახი დასუსტდა და ჩამოვარდა ცხენიდან. მირგოროდელელები მისცვივდნენ საშველად.

პან სქშეტუსკი გაფიჯრდა.

— რას ამბობს ეგ კაცი?—კანკალითა ჰკითხა მან ზაქარას.—რა მოხდა? ეგ შეუძლებელია! ვფიცავ ლმერთს, რომ ეგ შეუძლებელი საქმეა!

სიჩუმეა. მხოლოდ ცეცხლს გააქვს ჰანა-ჰუხი და ისვრის აქეთ-იქით ბლუჯა-ბლუჯა ნაპერწკლებს; ათასში ერთხელ კიდევ დაიძახებს ამა თუ იმ სახლის ბანის დამწვარი ქერი და ჩამოცვივა ძირს.

აი ახალნი შიკრიენიცა.

— იძლივნენ ლიახნი, იძლივნენ!

შიკრიკებს მოსდევენ თათართა რაზმნიცა. თათარნი მოდიან ნელ-ნელა, არხინად, იმიტომ რომ გარს არტყიან ქვეითა ჯარის-კაცთა, რომელნიც, ალბად, ტყვენი არიან.

პან სქშეტუსკის არა სჯერა, რასაცა ჰხედავს. ამჩნევს, რომ ზოგიერთს ტყვეს გეტმანების გუსართა ფერის ტანისამოსი აცვივა, მაგრამ მაინც არა სჯერა-რა და აყინებით იმეორებს რალაც უცნაურის, არა საკუთარის ხმით:

— ეგ შეუძლებელია! ეგ შეუძლებელია!

ზარბაზნის სროლის ხმა ისმის მაინც კიდევ. ომი არ გათავებულა. აი მოდიან მრავლად იმიერ-ჰორომელნი და თათარნი. პირი-სახენი გაკვამლულნი აქვთ, ქაქანებენ დაღლილობის მიზეზით, მაგრამ მაინც მოდიან მხიარულად, სიმღერით, ძღვევა-მოსილებით. ასე ბრუნდებიან მხოლოდ გამარჯვებულნი ჯარის-კაცნი.

დესპანი უფრო და უფრო ფითრდებოდა.

ქშეჩოვსკის ჯარის-კაცნი მოდიან და მოაქვთ მრავალი დროშა-ალამი. მოსულნი ჩერდებიან შუა-გულ ბაზარში და ჰყრიან ძირს დროშა-ალმებსა.

ოჰ, პოლონიის დროშა-აღმებია!

ზარბაზნებმა შესწყვიტეს თვისი გრიადი. ისმის კრიალი ოთხ-თვლიან ურმებისა. წინ მოდის ერთი მაღალი ყაზახური ურემი; იმას მოსდევს მრავალი სხვა; ყველას გარშემო არტყიან ყვითელ-ქულებიანი ყაზახნი პაშკოვის კურენისა; გვერდზედ გაუარეს იმ სახლს, საცა ტყვე სცხოვრობს. პან სქშეტუსკიმ ხელები თვალებზედ მიიფარა—თვალსა სჭრის ცეცხლის ბჭყერი-ალი—და დაუწყა დაშტერებით თვალიერება ამ ტყვეთა, რომელნიც პირველ ურემში სხედან.

— იესო, მარია! ეს ხომ გეტმანები არიან!

დესპანმა გონება დაჰკარგა და უგრძნობლად დაეცა ზაქარას ხელზედა.

რამდენსამე წუთს შემდეგ კორსუნის მეიდანზედ გაჩნდა აუარებელი რაზმი, რომელსაც წინ მიუძღოდა სამი მხედარი. შუაღია, წითელ-ტანისამოსიანი, ოქროს კვერთხით ხელში, იჯდა თეთრს ცხენზედ და თავ-მოწონებით, თითქო მეფეაო, ისე იხედებოდა გარშემო.

ის იყო ხმელნიცკი. ხმელნიცკის აქეთ-იქიდან იყვნენ ტული-ბეი და ქშენოვსკი.

რესპუბლიკა ძირს იყო გართხმული ყაზახის ფეხ-ქვეშ, მტვრად ქცეული და სისხლით შესვრილი.

XVI

გავიდა რამდენიმე დღე. რესპუბლიკა იღუპებოდა თითქო-ყვითელი წყლები, კორსუნი, განადგურება სახელმწიფო ჯარებისა, დატყვევება გეტმანთა, ცეცხლი ამბოხებისა, რომელიც მოედო მთელს უკრაინას, ძარცვა-რბევა, კაცის-კვლა, რის მსგავსიც ისტორიაში არა მომხდარა-რა—ყოველივე ესე ისე მოულოდნელად მოსდევდა ერთმანერთს, ისე სასწრაფოდ მოხდა, რომ არ გაგონილიყო, დაუჯერებელს ამბავსა ჰგვანდა. ბევრს არცა სჯეროდა, ბევრი გააშეშა შიშმა და ძრწოლამ, ბევრი ქკუაზედ შეიშალა, ბევრი წინასწარმეტყველებდა, ანტიქრისტე

დაიბადა და მოახლოვდა დღე საშინელის განკითხვისაო. კავ-
შირი, რომელიც აერთებს ადამიანთ ერთმანერთ-შორის, საზო-
გადო, საოჯახო, მოდუნდა. ხელმწიფება თვის ძალას არ იჩენ-
და, განსხვავება კაცთა შორის მოისპო, განჰქკა. ჯოჯოხეთმა
აუშვა ყველა თვისი ჯაჭვით დაბმული ურჩხული—დაე თავი-
სუფლად ინავარდონ ქვეყნადაო,—და ძარცვა-რბევამ, კაცის-
კვლამ, ლაღატმა და ფიცის-გატეხამ დაიჭირა ადგილი გარჯისა,
სარწმუნოებისა, ბკობისა. კაცს ეგონებოდა, რომ ამიერიდან
კაცობრიობამ უნდა იცხოვროს არა კეთილითა, არამედ ბო-
როტითა, რომ გული და გონება ადამიანისა გარდაიქმნა და
წმინდად ის მიაჩნია, რაც წინად სამარცხენო იყო, ხოლო სა-
მარცხენოდ იმასა სახავს, რაც წინად წმინდად მიაჩნდაო. მზე
აღარ დაჰნათებდა დედა-მიწას,—კვამლი ცეცხლ-მოდებულის ქვე-
ყნისა გადაეფარა ზედა,—ხოლო ღამ-ღამით, ვარსკვლავთა და
მთვარეს მაგიერ, სჩანდა სინათლე ცეცხლ-მოკიდებულ დაბა-
სოფლებისა. ადამიანთ დაჰკარგეს ნიჭი მეტყველებისა და, ლა-
პარაკის მაგიერ, ჰკვენესოდნენ, ან-და ჰღმუოდნენ, ვითა ქოფაკნი.
სიცოცხლემ დაჰკარგა ყოველივე თვისი ფასი. ათასობით ილუ-
პებოდნენ კვალ-წმინდად, გამოუტირებლივ, ცრემლ-დაუყრე-
ლად. ხოლო ყოველ ამ ვაგლახსა და უბედურებაში, სიკვდილ-
სა, ოხვრა-კვენესასა და ცეცხლ-შორის სჩანდა მხოლოდ ერთი
კაცი, რომელიც სულ მალა-მალა მიდიოდა, იზრდებოდა
საარაკო გმირივით, კინალამ აბნელებდა დღისა სინათლეს და
ჩრდილსა ჰფენდა ზღვიდან ზღვამდე.

ის ერთი კაცი იყო ბოდან ხმელნიკი.

ორასი ათასი კაცი, შეიარაღებულნი ფერხით თხემამდე,
თავ-ბრუ დასხმულნი და დამტკბარნი ძღვევა-მოსილებითა, მზად
იყვნენ ცას შებრძოლებოდნენ, ოღონდ კი იმ კაცს ენიშნები-
ნა. მდაბიოთა ბრბო ჰღელავდა ყველგან; ყაზახნი იმ კაცს
უერთდებოდნენ ყოველ მხრიდან. მთლად ქვეყანა ამბოხების
ცეცხლით იყო აღგზნებული. აჯანყება ვრცელდებოდა პოდო-
ლისა, ბრაცსლავისა, ვოლინისა, კიევისა და ჩერნიგოვის სა-
მოურავოებში. ძლიერება გეტმანისა მატულობდა დღითი-დღე-

არასოდეს რესპუბლიკას ყოვლად ძლიერის მტრის წინააღმდეგაც არ გამოუყვანია იმის ნახევარი ლაშქარიც კი, რაოდენიც ეხლა ჰყავდა თოფ-ქვეშა. ასეთი მხედრობა არა ჰყოლია ნემენცების კეისარსაც კი. გრიგალის ძლიერებამ ბევრად გადააქარბა ყოველსავე მოლოდინსა. თვით გეტმანმა არ იცოდა პირველში, რაოდენად ძლიერი იყო, არ ესმოდა, რაოდენად მალლა-მალლა მიდიოდა. ჯერ კიდევ თავს იკატუნებდა და თარად იმასა ჰხმარობდა, რომ ერთგული ვარ რესპუბლიკისა, კანონიერების აღსადგენად ვმოქმედობო, რადგან არ იცოდა, რა გვარის დაუსჯელობით შეეძლო ფეხ-ქვეშ ეთელა რესპუბლიკაცა და კანონიერებაცა. ესეც კია, რომ გაძლიერებისათნავე, ძლიერდებოდა მისი უზომო, არ-გაგონილი თავ-მოყვარება. კეთილი და ბოროტი, ბიწიერება და სათნოება, ძალმომრეობა და სამართლიანობა ახლა ხმელნიცკისათვის აღარ არსებობდა: მისთვის სუფევდა ქვეყნად მხოლოდ პირადი სარგებლობა, კერძო შეურაცხ-ყოფა. ვინც ჩემთან არის—ის კარგია, ვინც ჩემი წინააღმდეგია, ის მოლაღატეა და ავაზაკიო. ხმელნიცკი მზად იყო მზე დაეტუქსნა და დიდ შეურაცხ-ყოფად მიეღო, უკეთუ დაიწყებდა ქვეყნის განათებას იმ დროს, როცა ეს გეტმანს არ ეპრიანებოდა. ეს იყო ის სათავე, საიდანაც მომდინარეობდა ყოველი მოქმედება ხმელნიცკისა—ავიცა და კარგიცა. თუ ზომა არა ჰქონდა მის მტარვალობასა და შეუბრალელობას მტერთა წინაშე, სამაგიეროდ, უზომოდ მადლობელი იყო ყოველს, თუნდა სულ უმნიშვნელო, დავალებისათვის. როცა დაითვრებოდა, მხოლოდ მაშინ ივიწყებდა ყოველსავე და, გრგვინავდა-რა გამძვინვარებით, ათროლოებულის. ხმით იძლეოდა ბარბაროსულს ბრძანებას ბრძანებაზედ და მერე კი ისევ თვითონვე ჰნანობდა. ხოლო უგონოდ თვრებოდა უფრო ხშირ-ხშირად, იმის და კვალად, რაც უფრო ეწეოდა ბედი. რალაც უცნაური მოუსვენრობა აწუხებდა. თითქო იმ სიმაღლეზედ აუყვანიათ, რომელზედაც დგომისათვის თვითონვე თავი არ ეღირსებაო. ძლიერება მისი აკვირვებდა ყველას და უპირველეს ყოვლისა თვითონ იმასაც. აჯანყების ბუმბერაზმა მკლავებმა,

რაკი ერთხელ ჩაიხვიეს, გააქანეს ელვასავით სწრაფად, უკან მოუხედებლად, საბედისწერო აუცილებლობით, გარნა საით? რითი უნდა გათავებულებოდა ყოველივე ეს? როცა ააფრიალა დროშა აჯანყებისა იმის გამო, როგორ გამიბედეს და მაწყენინესო, შესაძლოა ეს ყაზახთა დიპლომატი ასე ჰფიქრობდა, რომ ბედის პირველ გაღიმების შემდეგვე ანუ პირველ დამარცხების შემდეგვე, ვეცდები მოეუბრებოდა მთავრობას და ისიც შემიწყალე, იქნება კიდევაც დამაჯილდოვოსო. ხმელნიცკიმ კარგად იცოდა ამბავი რესპუბლიკისა, მისი უნარი მოთმინებისა, მისი მოწყალებობა, უზომო და სამზღვარ-დაუღებელი, რომელიც არ იყო შედეგი მისი უძღურებისა. ნალივიკას, რომელსაც უკვე გარშემო რესპუბლიკის ჯარები ერტყა, უკვე სამუდამოდ დაღუპულს, მაინც კიდევ შეწყალება აღუთქვეს. გარნა ახლა, ყვითელ წყლებზედ გამარჯვების შემდეგ, შემდეგ გეტმანთა ჯარის ამოწყვეტისა, შემდეგ ძმა-ძმის მკვლელის ომის ატეხისა სამხრეთის ყველა სამოურავოში, საქმე ძლიერ შორს წავიდა, შედეგმა ძლიერ გადააქარბა მოლოდინს; აწ ბრძოლა უნდა მომხდარიყო მედგარი, შეუბრალებელი, რომელსაც უნდა მოჰყოლოდა ან სიკვდილი ან სიცოცხლე. ვის დარჩება მერე გამარჯვებო?

ხმელნიცკი აკითხვინებდა მკითხავეებსა, ასტროლოგებსა და თვითონაც ცდილობდა განეჭვრიტა მერმისი, გარნა მერმისი იგი ისევე ბნელი იყო, როგორც სამარე. ხან და ხან საშინელის მოუსვენრობისაგან თმა ყალხზედ დაუდგებოდა ხოლმე, ხოლო გულში გამძვინვარებული განწირულება დაუწყებდა დუღილსა. რა იქნება ნეტავ ბოლოს, რა მომელისო? ხმელნიცკიმ ყველაზედ კარგად იცოდა, რომ რესპუბლიკას არ ეხერხება მოხმარება თვისის ძალ-ღონისა, არც კი იცის, რა ძალ-ღონეცა აქვს, არ იცის, რა საშინელის ძლიერებით არის შემოსილიო. რომ ვინმე ჩაიგდოს ხელში ეს ძლიერება, ვინ-ღა აღუდგება იმას წინ? ვინ იცის, რომ მოახლოვება უბედურებისა არ გააერთიანებს კვლავ დაქსაქსულ და დას-დასად დაყოფილს თავად-აზნაურობას? მაშინ რესპუბლიკა შეიძლებს ნახევარ-მი-

ლიონი, სულ რჩეული ჯარი გამოიყვანოს საომრად, სულ ამამტვეროს, თუნდა ყირიმის ყენი კი არა, თვით ხონთქარიც ჩემი მომხრე და მშველელი იყოსო.

ამ მიძინებულ ძალ-ღონის ამბავი, ხმელნიცის გარდა, კარგად იცოდა განსვენებულმა მეფე ელადისლავლამაცა და ამიტომ იღვწოდა მთელს თვისს სიცოცხლეში, რომ მომზადებულიყო და თავ-განწირვით შეჰბოდა ყოვლად ძლიერს მტერს, რათა გაეღვიძებინა ის მიბინარებული ძალ-ღონე. რაკი მტკიცედ იყო დარწმუნებული, რა ძალის პატრონიც იყო რესპუბლიკა, ამიტომ არ ეშინოდა, თუ ნაპერწკალი გაღუვარდებოდა ყაზახთა თოფის წამალში.

ხმელნიცკიმ იცოდა აგრედვე, რა ძალა ჰქონდა წინააღმდეგობისა იმავე რესპუბლიკას. რამდენჯერ დაეჯახა ამ რესპუბლიკას, უწეს-ურთიგოს, მტკიცედ შეუერთებელს, შინაურის შფოთით გაწამებულს, მრისხანე ზვირთი ოსმალოს ჯარებისა, მაგრამ ვერ გასტეხა მისი კლდესავით მაგარი გული. ასე იყო ხოტინს ახლო, რაიცა თითქმის თვისის თვალითა ჰქონდა ნახული ხმელნიცკის. და მაინც, ეს რესპუბლიკა, ჟამსა უძლოურებისასაც კი, აღმართავდა ხოლმე თვისსა დროშას სხვათა სამეფო ქალაქთა ზღუდეებზედა. ხოლო რა წინააღმდეგობის ძალას გამოიჩინს ახლა? რას არ შესძლებს, თუ განწირულებაში ჩაეარდა, თუ იძულებულ იქმნა ან გაიმარჯვოს ან მოჰკვდესო?

თუ ასეა, მაშ თვითეული ჩემი გამარჯვება მოახლოვებაა ჩემისავე დაღუბვისა, მოსწრაფებაა იმ წუთისა, როცა გაიღვიძებს მთელგმავი ლომი, მოსპობაა შერიგების ყოველისავე იმედისაო. გამარჯვების ფიალას ძირში სიმწარეა ჩამალული. ყაზახთა გრიგალს მოჰყვება გრიგალი რესპუბლიკისა. ხმელნიცკის თითქო ელანდებოდა კიდევ, აგერ საცაა ამოვარდება ქარტეხილიო. აგერ მოზღვავდება დიდის პოლონიიდან, პრუსიიდან, მაზოვიიდან, მკირე პოლონიიდან ჯარი სპათა! მხოლოდ სპასპეტი და ამირ-სპასალარი-და აკლიათო.

ხმელნიცკიმ ტყვედ შეიპყრო გეტმანები, მაგრამ აქაც რაღაც ბედის-დაცინვამ იჩინა თავი. გეტმანები გამოცდილნი მხე-

დარნი იყვნენ, ხოლო არც ერთი არ იყო მათ შორის ისეთი, როგორსაც მოითხოვდა ეს ქაში ქუხილისა, ძრწოლისა, სიკვდილისა.

ასეთ სპასპეტად მხოლოდ ერთს კაცს შეეძლო ყოფნა.

იმისი სახელი იყო იერემია ვისნევეციკი.

და თუნდ მარტო იმიტომ, რომ გეტმანები დატყვევებულ იქმნენ, არჩევანს ხელი ამ თავადისათვის უნდა დაედო. ხმელნიცკის, როგორც დანარჩენთაც, ექვი არა ჰქონდათ, რომ ეს ასე იქმნებოდა.

ამასობაში კორსუნს, საცა გეტმანი იმიერ-ქორომეთისა დასასვენებლად იდგა, ხმა მოდიოდა იმიერ დნებრის მხრიდან, რომ მრისხანე თავადი უკვე გამოემართა ლუბნიდან, გზა-გზა უწყალოდ ჰორგუნავს ამბოხებას, საცა ის გაივლის, ქვა-ქვაზე აღარ რჩება დაბა-სოფლებისა და მათ მაგიერ ამართულია მარგილნი და სახარჩობელანიო. შიში ერთი ორად აზვიადებდა იმის მხედრობის რიცხვსა. ამბობდნენ, რომ თხუთმეტი-ათასი ჯარი მოჰყავს და თავადის მხედრობისთანა ხომ მხედრობა არ არის მთელს რესპუბლიკაშიო.

ყაზახთა ბანაკი ყოველს წუთს ელოდა იმის მოსვლას. ღრმა ხეეთან ბრძოლის გათავებისათანავე გაისმა ძახილი ყაზახთა შორის: „ერიომა მოდისო!“ და ამ ძახილმა შიშითა და ძრწოლით აავსო გული მდაბიო ხალხისა. ყოველივე ესე იყო მიზეზი, რომ ხმელნიცკი ღრმად ჩაუფიქრდებოდა ხოლმე თავის ყოფასა და ბედს. ახლა ორში ერთი უნდა აერჩია: ან უნდა გალაშქრებულიყო მთელის თვისის მხედრობით თავადის წინააღმდეგ და ეძებნა იგი დნებრ-გალმა-მხარეში, ან არა და შექრილიყო შიგ რესპუბლიკის შუა-გულ ქვეყნებში.

თავს დასხმოდა თავადს, საშიში იყო. შეჰბოდა კიდევ პირდაპირ იმისთანა მხედართ-მთავარს, თუმცა ბევრად იმაზედ მეტი ჯარი ჰყავდა, ვაი თუ დამარცხებულიყო და მაშინ ხომ დავილუბე და დავნელდიო. იმ ბრბომ, რომელიც იყო უმეტესი ნაწილი ხმელნიცკის ჯარისა, ცხადად დაანახვა, რა საშიში იყო იმ ბრბოსთვის მარტო სახელი ერემიასი. რამდენი დროა ჯერ

კიდევ საჭირო, რომ ეს ბრბო დარაზმულ და გაწვრთნილ ჯარად გადაიქცესო.

მეორეს მხრით, შესაძლოა, რომ თავადი პირის-პირ არ შეპბრძოლებოდა ხმელნიცკის და დაპჯერებოდა ცინე-დარბაზთა დაცვას და თარეშობას. ასეთი ომი დიდ ხანს გასტანდა, თუ რამდენიმე წელიწადი არაა, რამდენიმე თვე მაინც გავიდოდა, ხოლო ამასობაში რესპუბლიკა შეაგროვებდა დიდს ჯარს და მიეშველებოდა თავადს.

ხმელნიცკიმ გადასწყვიტა, მივანებებ თავს ვისნევეცკის დნებრ-გალმა-მხარეში, ხოლო მე გაემაგრდები უკრაინას, დავრაზმავ და გავსწურთნი ჩემს ჯარს, გავემართები რესპუბლიკის წინააღმდეგ და ვაიძულებ მშვიდობის ჩამოგდებასაო. ხმელნიცკის იმისი იმედი ჰქონდა, რომ თავადს ძალიან გაუჭირდება დათრგუნვა აჯანყებისა იმიერ დნებრის მხარეშიო.

ან შესაძლოა მორიგება დავუწყო თავადს და გავაჭიანურო ეს საქმე. იმ დრომდე, ვიდრე მისი ძალ-ღონე სრულიად არ გამოილევაო. აქ ხმელნიცკის მოაგონდა სქშეტუსკი და ბრძანა, მომიყვანეთ ის კაციო.

ეს ამბავი მოხდა იმ ბრძოლის შემდეგ, რომელიც ღრმა ხევთან იყო. ხმელნიცკიმ მიიღო ტყვე მხოლოდ ქშეჩოვსკის თანადასწრებით, — ქშეჩოვსკი დიდის ხნის ნაცნობი იყო სქშეტუსკისა; მიიღო ტკბილად, თუმცა-კი ეტყობოდა ის მედიღურებაც, რომელიც იმის დღევანდელს როლს შეეფერებოდა.

— ჰან პარუჩიკო სქშეტუსკი! — უთხრა დესპანსა, — იმ სიკეთისათვის, რომელიც მე თქვენ გამიწიეთ, დაგისენით ტულაიბის ტყვეობიდან და თავისუფლება აღვითქვით. ახლა დროა, ჩემი აღთქმა შევასრულო. მოგცემთ ჰენაჩს*) თავისუფლად მგზავრობისათვის და დარაჯთა რაზმს, რომელიც დაგიფარაეთ ბრბოს თავ-დასხმისაგან. შეგიძლიანთ დაბრუნდეთ თქვენს თავადთან.

სქშეტუსკი სდუმდა: იოტის ოდენი სხივიც კი სიხარული-სა არ გადაეფარა მის სახეს.

*) კვერთხი ყაზახთა პოლკოვნიკებისა, რომელიც უზრუნველ-ყოფის სიგელისა და ფირმანის მაგიერობასა სწევდა.

— შეგიძლიან თუ არა გაუდგეთ გზას? თვალეზედ გატყობთ, რომ ავადა ხართ.

მართლაც, პან სქშეტუსკი საშინლად გამოიცვალა. წყლულებმა და უკანასკნელმა ამბებმა ნიათი გამოუღო ახალგაზნადმდეცა. პირი-სახე გაჰყუთლებოდა, ხოლო შავი, დიდის ხნის გაუკრეკელი წვერი, უფრო მეტად სდებდა სიბერის იერსა. ბევრი ვაი-ვაგლახი გამოიარა ამ ბოლოს დროს. მოსდევდა ყაზახთა ლაშქარს და მოწამე იყო ყოველისავე, რაც მოჰხდა სეჩსა. ჰნახა შერცხვენა რესპუბლიკისა, ჰნახა დატყვევება გეტმანთა; ჰნახა ძლევა-მოსილება ყაზახთა; ყორენი, აგებულნი ამოყლეთილ მხედართა თავებისაგან, შლიახტიჩები, ნეკნებით ჩამოკიდულნი ხეებზედ, ძუძუ-დაქრილნი დედაკაცი, ძალ-დატანებით გაწბილებულნი გასათხოვარნი ქალნი, ჰნახა ყოველივე, იტანჯებოდა ყოველ ამისათვის და იტანჯებოდა მით უფრო მეტად, რომ აჩემებითა ჰფიქრობდა: იქნება თვით მე ვარ მიზეზი ამ უბედურებისა, რადგან მე, და მხოლოდ მე გადავარჩინე სიკვდილს ხმელნიცკიო! მაგრამ რაინდმა-ქრისტიანემ რა იცოდა, რომ შემწეობა მოყვასისა ასეთს ნაყოფს გამოიღებდა! ისეთს მწვავე ტკივილსა ჰგრძნობდა ყოველ ამის გამო, რომ სულ გული უკვნესოდა, მთლად ჯანი სტკიოდა.

ახლა ისიც კი აღარ ახარებდა, რომ მალე სრულიად თავისუფალი იქმნებოდა, ხოლო მედიდურება ახალ-გამომცხვარ გეტმანისა აინუნშიაც არ მოსდიოდა. ხმელნიცკიმ შეჰნიშნა ესა და კოპები შეიკრა.

— ისწრაფეთ და თქვენდა სასარგებლოდ გამოიყენეთ ჩემი სულ-გრძელება, ვიდრე ჯერ კიდევ არ გადამითქვამს, რაც ვბრძანე. მხოლოდ ჩემი გულ-კეთილობა და ის ფიქრი, რომ წმინდა საქმეს ვადგივარ, არის მიზეზი ასეთის ჩემის გაუფრთხილებლობისა, თორემ ვინ განუტევებს მტერს. ძალიან კარგად ვიცი, რომ შემდეგ ჩემს წინააღმდეგვე დაიწყებთ ბრძოლას.

— დიდაც, თუ ღმერთმა ხელი მომიმართა და ღონე მომცა, — სთქვა პასუხად პან სქშეტუსკიმ.

სთქვა ესა და ისე გაუყარა თვალი თვალში გეტმანსა, რომ ხმელნიცკიმ ძირს დაიწყო ცქერა და სდუმდა პატარა ხანსა.

— კარგი, აგრე იყოს. იმდენად ძლიერი ვარ, რომ ერთი მეტი კაცი მტრის ჯარისა ვერას დამაკლებს. უამბეთ თავადს, თქვენს ბატონს, რაც აქ ჰნახეთ და გაათრთილეთ, რომ აბუჩად არ დამიჭიროს, თორემ, თუ მოთმინების ძაფი გამიწყდა, იქ ვინახულე, დნებრს გაღმა და არ ვიცი, რამდენად სასიამოვნო იქმნება მისთვის ჩემი სტუმრობა.

სქშეტუსკი სდუმდა.

— მითქვამს და ერთხელ კიდევ ვიმეორებ,— განაგრძო ხმელნიცკიმ,— რომ რესპუბლიკას კი არ ვეომები, არამედ პანებსა. ხოლო თქვენი თავადი მოთავეა იმათი. ის არის მტერი ჩემი და რუსეთის ერისა, განკვეთილი ჩვენის ეკლესიისაგან და მტარვალი. ამბობენ, რომ სისხლით აქრობს ამბოხების ცეცხლსაო; ფრთხილად იყოს, რომ თავისი სისხლი არ დააქციოს.

ხმელნიცკი უფრო და უფრო ცხარდებოდა. სახე აუქარხლდა, თვალეი ცეცხლივით გაუხდა. ეტყობოდა, რომ მოსდიოდა კვეთება განრისხებისა, როცა სრულიად ჰკარგავდა ნიქს მსჯელობისასა.

— ვუბრძანებ კრიგონოსსა, რომ ყელზედ საბელ-მობმული მომიყვანოს აქა!— ჰყვიროდა ხმელნიცკი.— ფეხ-ქვეშ გავთელავ, უზანგოდ გარდავაქცევ და ისე დავიწყებ ცხენზედ შეჯდომასა!

სქშეტუსკიმ ჯერ შეჰხედა გაწიწმატებულს ხმელნიცკის და მერე სთქვა გულ-დამშვიდებითა:

— ჯერ სძლიეთ და...

— ბრწყინვალეო გეტმანო,— ჩაერია ლაპარაკში ქშეჩოვსკი,— დაე წავიდეს ეს ტრაბახა და ფაფხურა შლიახტიჩი, იმიტომ რომ თქვენის ღირსებისათვის შეუსაბამო საქმეა ასე უყადრებდეთ ამას თავსა. რაღაი აღვითქვამთ თავის-უფლება, ესეც ელის, რომ არ გასტეხავთ თქვენს სიტყვას, ან არა და იძულებულნი იქმნებით ყური უგდოთ ამის კადნიერ ლაპარაკს.

ხმელნიცკი გონს მოვიდა, ამოიოხრა რამდენჯერმე და სთქვა:

— დაე წავიდეს და ახსოვდეს, რომ ხმელნიცკი სიკეთისათვის სიკეთეს უწევს ყველას. მიეცე, როგორც ვსთქვი, პერნახსა და ორმოცს კაცს თათარსა... ხოლო თქვენ, პან პარუჩიკო, იცოდეთ, რომ ქვითნი ვართ. შემოყვარლით ძალიან, თუმცა მეტად ჰკადნიერობთ... თუ კიდევ ჩამივარდით ხელში, აგრე ადვილად ვეღარ წაბძანდებით.

სქშეტუსკი და ქშეჩოვსკი ერთად გამოვიდნენ გარედ.

— რაკი გაგანთავისუფლათ გეტმანმა, — უთხრა ქშეჩოვსკიმ, — გირჩევთ, ძველის ნაცნობობით, ვარშავისაკენ წახვიდეთ, და არა იმიერ ღნებრის მხარეს, საცა დაიღუპებით აუცილებლად. თქვენის ბატონობის დრო წავიდა. თქვენი გონება რომ დაბრმავებული არ იყოს, ჩვენ შეგვიერთდებოდით... მაგრამ, ვიცი, რომ არა გამოვა-რა და ამიტომ არა ჰღირს თქვენთან ლაპარაკი ისევე ამაღლდებოდით, ისევე მაღლა ახვიდოდით, როგორც ჩვენ ავდივართ.

„სახრჩობელაზედ აღიხართ“, — სთქვა გულში სქშეტუსკიმ.

— ლიტინის უფროსობაც არ მომცეს და ახლა კი, რომ მოვინდომო, თუნდ ათს უფროსობას ვიშოვი. ყველა ამ თქვენ ბატონებს, ამ კონეცპოლსკებს, პოტოცკებს, ლიუბომირსკებს, ვინვეცკ-ზასლავსკებს და მთლად აზნაურ შეილობას გავრეკავთ აქედან და ჩვენ დაგებატრონებით იმათ ავლა-დიდებას.

სქშეტუსკის აზრი შორს, ძლიერ შორს ჰქროდა ამ დროს. პოლკოვნიკის როშვას სრულიად ყურს არ უგდებდა.

— როცა ჩვენის გამარჯვების შემდეგ ვინახულე მისი ბრწყინვალეობა პან გეტმანი რესპუბლიკისა, იუდა და საზიზლარი დამიძახა. მე ვუთხარი პასუხად: „პან მოურავო-მეთქი! მახსოვს თქვენი სიკეთე და ამიტომ, როცა თქვენს ციხე-დარბაზებში გამოვიქიმები, — აღმითქვით მხოლოდ, რომ არ ილოთებთ, — და ჩემს თანაშემწედ დაგნიშნავთ მეთქი! ჯღიანო! ტულაი-ბეი უფროსილდება თავის დავლას, თორემ მე და ხმელნიცკი სხვაფრივ დავუწყებდით იმათ ლაპარაკსა... აგერა თქვენი

ურემიცა და თათრებიცა, სულ მზად არის ყოველივე. საითა გსურთ წახვიდეთ?

— ჩიგირინისაკენ.

— როგორც გინდოდეთ. თათრები თუნდა თვით ლუბნამდე მიგიყვანენ, — ასე აქვთ ნაბრძანები. ეცადე მხოლოდ, რომ თქვენმა თავადმა მარგილზედ არ ჩამოაცვას. ყაზახებს უთუოდ ჩამოაცვამდა და ამიტომ ურდოს ხალხს გატანენ თან. გეტმანმა ბრძანა თქვენი, რომ ჩემი ცხენი მიეცითო. ღმერთმა მშვიდობის მგზავრობა მოგცეთ; ავად ნუ მოგვიხსენიებთ, თქვენს თავადს სალამი მოახსენეთ, ხოლო თუ თავისუფალს დროს იპოვნით, დააჯერეთ, რომ მოვიდეს და თავი დაუკრას ხმელნიცკის. იქნება შეიწყალოს კიდევცა. შვიდობით იყავით!

სქშეტუსკი ჩაჯდა ურემში და გაუდგა გზას. ბაზარში გავლა საკმაოდ ძნელი იყო. სულ ყაზახებითა და მდაბიო ხალხის ბრბოთი იყო ავსებული. ზოგნი მხიარულად ლაპარაკობდნენ ერთმანეთში, ზოგნი ქაშსა ჰხარშავდნენ და ამბობდნენ სიმღერებს ყვითელ წყლებისა და კორსუნის გამარჯვებისას. უსინათლო მეფანტურეთ უკვე გამოეთქვათ ლექსები და მოეგონათ შესაფერი სასიმღერო კილო ამ შემთხვევისათვის. აქა-იქ, დანთებულ ცეცხლებ შორის, ეყარნენ გვამნი ტანჯვითა და წამებით დახოცილ დედა-კაცთა, ან ეხროვა ყოჩრე დახოცილ ჯარის-კაცთა მოკვეთილ თავებისა. გვამნი უკვე ასუნებულყო, მაგრამ ეს გარემოება სრულიადაც არ აწუხებდა მეიდანზე შეკრებილ ხალხს. ქალაქს ცხადად ეტყობოდა ნიშნები მოოხრებისა და იმიერ-ქორომელთ გამხეცებულის ონავრობისა: სახლების ფანჯრები ჩალეწილი იყო, კედლები დაქცეული, ღობე-მარგილები შემკული ჩამორჩობილთა მიერ, რომელთა შორისაც უმეტესი ნაწილი ურიანი იყვნენ. ბრბო მხეცურის ყიჟინით აუბატიურებდა უკვე გაცივებულ გვამებსა.

ბაზრის ერთ მხარეზედ ჯერ კიდევ ჰბოლოავდა ნანგრევები და ავსებდა ჰაერს სულის შემხუთავის მწარე კვამლითა, მერე იდგა კაშველის სახლი, ხოლო მის ახლო იყვნენ თავ-მოყრილნი ბრბონი ტყვეთა, გარშემორტყმულნი თათარ-დარაჯთაგან.

ვინც ჩივირინისა, ჩერკასისა და კორსუნის ახლო-მახლო ვერ გადარჩა, ის ან მახვილის მსხვერპლი შეიქმნა, ან ტყვედ იყო დაქერილი. ტყვეთა-შორის იყვნენ ჯარის-კაცნიცა, უკანასკნელს ომში შეპყრობილნი, და გარშემო სოფლების მცხოვრებნი, რომელნიც ამა თუ იმ მიზეზის გამო, არ მიემხრნენ მემბოხეთა, აზნაურშვილობა და გლეხ-კაცი ორისავე სქესისანი. მოხუცი არ ერიდნენ ტყვეებში; იმათი გაყიდვა სარფა არ იყო და ამიტომ თათრები უწყალოდ ჰხოცავდნენ ხანში შესულებს. თათრებით აივსო რუსთა სოფელნი და ხმელნიცკი ხმის გაცემას ვერ უბედავდა იმათ. ზოგან ისე მოხდა, რომ მამაკაცობა ყაზახთა ბანაკში იყო წასული, ხოლო თათრებმა ამისთანა საქციელის ჯილდოდ ცეცხლი წაუკიდეს იმათ სახლებს და დაატყვევეს მათნი ცოლ-შვილნი. მაგრამ ამ საყოველთაო არევ-დარევის დროს, ამას არავინ-ღა აქცევდა ყურადღებას. მდაბიო ხალხის ბრბო, რომელმაც მახვილს წააგლო ხელი, უარჰყოფდა სამშობლო სოფელს, სახლ-კარს, ცოლ-შვილს. იმათ სტაცებდნენ ცოლებს, მაგრამ სამაგიეროდ ისინიც იტაცებდნენ და უფრო უკეთესობასაც იტაცებდნენ, იტაცებდნენ პოლონის ქალებს, ძღებოდნენ იმათის შვენებითა და მერე ან ჰხოცავდნენ, ან ჰყიდდნენ ურდოს თათრებს. ტყვეთა შორის ცოტანი არ იყვნენ უკრაინელნი ყმაწვილნი ქალნიცა, რომელნიც ერთის თოკით იყვნენ გადაბმულნი აზნაურშვილთა გასათხოვარ ქალებთან ერთად. ყველგან ისმოდა ყრუ კენესა და გმინვა ტყვეთა, რომელთაც შეუბრალებლად ჰხოცავდნენ ტანჯვითა და წამებითა სულ მცირედის წინააღმდეგობისათვის. ტყლაშუნი შოლტისა და მათრახებისა შეერთებოდა ტკივილისგან გამოწვეულს ყვირილს, დედაკაცთა კვითინსა, ყმაწვილების ტირილს და ცხენთა ჰიხინსა. ტყვენი ჯერ განაწილებულნი არ იყვნენ, წასაყვანად მომზადებულნი და ამიტომ ერთად აელინთათ ყველანი. ურბები, ცხენები, სხვილ-ფეხი საქონელი, მამაკაცი და დედაკაცი მხოლოდ გაყოფა-განაწილებას ელოდნენ. ამასობაში მოდიოდა და მოდიოდა კიდევ ახალ-ახალი ქარავანი ტყვეთა და საქონლისა; როსის მდინარეში გაჰქონდათ და

გამოჰქონდათ მძიმე ბორნები. კაშევიის სახლიდან გამოდიოდნენ თათარნი და სტკბობოდნენ ამ ნაალაფვეცის რაოდენობითა. ძალზედ მთვრალეები, უცნაურ ტანისამოსით მორთულნი, რუსთა მღვდლების ანაფორებ-ჩაცმულნი, ქალების კაბებითა და სამკაულით აქრელებულნი იყვნენ და უკვე ჩხუბი მოსდიოდათ, არა ჩემია ესა თუ ის ნადავლი, არა ჩემია.

პან სქშეტუსკი გასცდა, ბოლოს, როგორც იყო, ამ ცეცხლსა და ჯოჯოხეთსა. ეგონა, რომ ამას იქით პატარა თავისუფლად ამოვისუნთქავო, მაგრამ ახალმა საშინელმა სანახაობამ ატკინა ახლა თვალები. მინდორში, ჩერკასის გზაზედ, ახალგაზდა მხედარნი მიზანში ისრის სროლით ერთობოდნენ და ჰხოცავდნენ დასუსტებულ, ან ავადმყოფ ტყვეებსა, ერთის სიტყვით, ყველა იმათ, ვინც ვერ აიტანდა ყირიმში მგზავრობის სიძნელესა. უკვე რამდენიმე მოკლული ეყარა გზაზედ. ვინც მიზნად ჰყვანდათ, ხელებით ეკიდნენ გზის აქეთ-იქით არიგ-ჩარიგებულ ხეებზედ და გაჰქონდათ კანწიალი. მათ შორი ერთი ენენ ღრმად მოხუცი დედა-ბერნიცა. ყოველ ისრის კარგად გატყორცნასა და მიზანში მორტყმას მოსდევდა ხარხარი და ტაშის კვრა ნიშნად ქებისა:

— იახში იეგით—ყოჩაღ მხედარო!

— უქ იახში კოლ!—ისარი კარგს ხელს უქირავს!

პაპანაქება სიცხე იყო, მზე საშინლად იკბინებოდა. მხოლოდ ერთს საათს შემდეგ გაიმინდვრა პან სქშეტუსკიმ თავის მხლებლებითურთ. ყველგან გზა-გზა სჩანდა ნიშნები მათხრებელთა გავლისა: მინგრეულ-მონგრეული სახლები მოსახლეთა, გაძოვილი ყანები, გადაჩეხილი ბაღები ხეხილისა. გზა-გზავე ეყარა გვამნი ადამიანთა და მძოვრი ცხენებისა, ხოლო ზედ ტკრცილით ეხვეოდა გუნდი ყვავთა და ყორანთა. სისხლით-შესერილი საქმე ხმელნიცკისა ყოველგან თვალში ეჩხირებოდა კაცს და ძნელი გასაგები იყო, რა სწაღდა ამ კაცს, როცა უპირველეს ყოვლისა მისი მშობელი ქვეყანა ჰკვნესოდა ასეთ აუტანელ უბედურების ტვირთ ქვეშე.

მღევვეში პან სქშეტუსკის კიდევ შეხვდნენ ახალნი რაზმ-ნი თათართა ტყვეებითურთ. დაბა ესე სულ განადგურებული იყო, გადარჩენილიყო მხოლოდ მაღალი სამრეკლო და მუხა, რომელსაც საშინელი ნაყოფი მოესხა: მისი ტოტები დახუნ-ზული იყო ურიების ყმაწვილებითა. ეს პატარა ურიები სამის დღის წინად ჩამოეხრჩოთ. აზნაურშვილობა კონოპლიანკისა, სტაროსელისა და სხვა დაბა-ქალაქისა სულ ერთიან ამოველი-ტათ. ერთი ქალაქი სულ ცარიელი იყო: მამა-კაცნი ხმელნიც-კისთან გაქცეულიყვნენ, ხოლო დედა-კაცნი, ყმაწვილები და მოხუცებულნი ტყეში გახიზნულიყვნენ და თავად ერემიას ელო-დნენ.

მესამე დღეს პან სქშეტუსკი მივიდა ჩიგირინს და უნდო-და გაეგო რამ ამბავი, მაგრამ არავინ არა იცოდა. რა სრულიად. დესპანი გავიდა დნებრში, რათა დაუყოვნებლივ წასულიყო რაზლოგისაკენ. რაკი დარწმუნებული იყო, რომ მალე გავი-გებ, რა ამბავია ელენეს თავსაო, გამხნევედა და ჯან-ლონე მოე-მატა. ურემს თავი დაანება, შეჯდა ცხენზედ და გაექანა ნიავ-ქარივით; თან აქეთ-იქით იცქირებოდა, იქნება დავინახო ვინ-მეო. მაგრამ გარშემო ქაქანებად არავინ არ იყო.

მხოლოდ ერთგან თათრებმა შეიპყრეს ორი სრულიად დელი-შობილა კაცი და მოუყვანეს პან სქშეტუსკის.

— სადაურები ხართ?—ჰკითხა პან სქშეტუსკიმ.

— არც სადაურები, ბატონო!—უპასუხა მოხუცმა. — დაე-დივართ სოფელ სოფელ, მე ფანტურით და ეს—მუნჯია, მე ლავყავარ.

— საიდან მოდიხართ ეხლა, რომელ სოფლიდან? თქვი გაბედვით; არავინ რას დაგაკლებს.

— ჩვენა, ბატონო, ყველა სოფელში დავდიოდით, ვიღრე ერთმა წყეულ-შეჩვენებულმა კაცმა არ გაგვძარცვა. წაღები გვქონდა კარგი—წაგვართვა, ქულები—წაგვართვა, ფანტურიც კი არ დაგვიტოვა.

— შე სულელო, მე იმას გეკითხები, რომელ სოფლიდან მოდიხარ-მეთქი?

— არ ვიცი, პანე, მათხოვარა ვარ. შიშველ-ტიტველნი ვართ, ღამე ვთაუქანებთ სიცივით, დღისით ვეძებთ მოწყალე ხალხს და შევსთხოვთ შეგვემოსონ და გაგვიკითხონ.

ცხადი იყო, რომ მოხუცმა ვერ გაიგო, რა კაცს ელაპარაკებოდა და უნდოდა თვალები აება დესპანისათვის. ბანზედ ავღებდა სიტყვასა.

— რაზლოგში იყავი, იქ, საცა თავადნი კურტევიჩნი სცხოვრობენ?

— რა მოგახსენოთ.

— ჩამოახრჩეთ ეს კაცი, რახან არაფრის თქმა არ უნდა! — ბრძანა პან სქშეტუსკიმ.

— ვიყავი, ვიყავი, პანე! — შეპლრიალა მოხუცმა, რაკი მიხვდა, რომ შე აქ ვერას გაეყიდო.

— რა ჰნახე მერე იქ?

— ამ ხუთის დღის წინად ვიყავი იქ! ხოლო შემდეგ ბროვარკებში გავიგონეთ, რომ იქ რაინდნი მოვადნენო.

— ვინ რაინდნი?

— რა მოგახსენოთ, პანე! ზოგნი ამბობენ — პოლონელნიო, ზოგნი კიდევ — ყაზახნიო.

— გავუდგეთ გზას! — შეუძახა პან სქშეტუსკიმ თვისთა თათართა.

პატარა გუნდი ცხენოსანთა, როგორც ჩიტი, ისე გაფრინდა. საღამო-ჟამი იყო, სწორედ ისეთი, როცა დესპანმა პირველად ჰნახა ელენე და კალამლიკიც სწორედ ისევე ბრწყინავდა წითელ-ყვითლად, მხოლოდ მაშინ გული სქშეტუსკისა აღსავეს იყო სიხარულითა და იმედებით და ეხლა კი ისე მიდიოდა, თითქო მსჯავრ-დადებულია სიკვდილით დასასჯელად, გაწამებული რაღაც სამძიმო წინად-გრძნობითა. ხმა განწირულებისა და სასოწარკვედილებისა ჩასჩურჩულებდა: „უთუოდ ბოგუნმა გაიტაცა ის ქალი, ველარა ჰნახავ იმასაო!“ „არა, თავადი მოვიდა რაზლოგში! ელენე მორჩენილა!“ — ჩასჩურჩულებდა იმედი.

გავიდა ერთი საათი, მეორე. ამოვიდა სავსე მთვარე. ჩვენი ცხენოსნები მიჰქროდნენ, რაც ძალი და ღონე ჰქონდათ და აღარ იბრალდებდნენ ცხენებსა. აგერ მათ ახლო გამოჩნდა ტყე, ტყის იქით ხევი და რაზლოგიც ხომ იქვეა. ერთი წუთიცა და ბედი რაინდისა გადაწყდებოდა. ქარი ზუზუნებს და უქედავს ყურებს, ქუდი მოეხადა და სადღაც გადაუვარდა გზაში, ცხენი ჰკენესის, თითქო ეს-ეს არის. წაიქცევაო. ერთი წუთი კიდევ, რამდენიმე ნაბიჯი კიდევ და ხევიც გაილევა... აგერ! აგერ!

უცხად საშინელი, განწირული ხმა აღმოხდა პან სქშეტუსკის გულიდან.

სახლი, ამბარ-ბელელი, თავლა-გომური, მესერი, ალუბლის ბაღი, — ყოველივე გამქრალიყო.

მკრთალი ნათელი მთვარისა დაჰნათოდა ამალღებულს ბექობს და ზედ მიყრილ-მოყრილ ნანგრევთა გროვას, რომელსაც კვამლი და ბოლიც კი აღარ ასდიოდა.

სამარის მღუმარებას არავითარი ხმა არ არღვევდა.

პან სქშეტუსკი იდგა თხრილ წინა, დამუნჯებული, უგონოდ და მხოლოდ რაღაც უცნაურად იქნედა თავს აქეთ-იქით.

თათრებმა შეაყენეს ცხენები. დესპანმა მოსძებნა ნაშთნი გადაბუგულის ადგილისა, გადავიდა თხრილს იქით ზედ გარდი-გარდმო გადებულ ხეზედ და ჩამოჯდა ქვაზედ ეზოს შუა-გულ. მიიხედ-მოიხედა გარშემო, თითქო პირველადა ჰხედავს აქაურობასაო. ხმა, კრინტი არ დაუძრავს, ერთხელ არ დაუკვნესია, ჩაპლუნა მხოლოდ თავი, დააყრდნო იდაყვებს და, თითქო გაქვავდაო, იყო ისე. მის გონებას ჯარივით ესეოდა რაღაც გამოურკვეველნი ლანდნი და სურაონი. ჰხედავდა თითქო ელენეს იმ სახით, როგორც ჟამსა გაყრისასა, მხოლოდ კარგად ვერ არჩევდა მის ფერსა და იერს, რადგან გარშემო რაღაც წყვედიანი შემორტყმობდა ვითომ. უნდოდა განეზნია ეს ნისლ-ბურუსის მსგავსი წყვედიანი, მაგრამ არ შეეძლო ვითომ. მერე მის თვალწინ გამოჩნდა ბუნდად ჩიგირინის ბაზარი, მოხუცი ზაცვილი-ხოვსკი, ლოთობით დასივებული სახე ზაგლობასი; ეს სახე აღარ

შორდებოდა თვალთაგან, ვიდრე მის მაგიერ არ წარმოუდგა მოშაგბედებულნი, კუშტი სახე გროძიკისა. კუდაკი... ქორომები... ომი ხორტიკისა... სეჩი... მთელი გზა, ყოველი ამბავი და გარემოება უკანასკნელ წუთამდე... შემდეგ რაღა უნდა ყოფილიყო, აღარა იცოდა რა და მხოლოდ უკუნეთს სიბნელესა და წყვიდადსა ჰხედავდა. რა ამბავი იყო მის თავს, აღარ ესმოდა, განურკვეველად ჰგრძნობდა, რომ ელენესთან მივდივარ რაზლოგშიო, მაგრამ დავიღალე და აი ვისგენებ ახლოა. უნდოდა წამომდგარიყო და და განეკრძო მგზავრობა, მაგრამ რაღაც უცნაური სისუსტე აღარ უშვებდა.

იჯდა სულ ასე. ღამე გატყდა. თათრებმა უნაგირები მოჰხადეს ცხენებსა, დაანთეს ცეცხლი, ივანშმეს და დაიძინეს.

მაგრამ ერთ საათსაც არ გაუვლია, რომ მოისმა შორიდან ხმა შორიდან ჯარის მოახლოებისა.

თათრები ფეხზედ წამოხტნენ, მიაბეს თეთრი ხელსახოცი მაღალს ლატანს და შეშა მიუმატეს ცეცხლს.

ხმა ცხენების თქარა-თქურისა და იარაღის ჩხარა-ჩხურისა უფრო და უფრო გარკვევით ისმოდა. ბოლოს, გამოჩნდა გზაზედ რაზმი გვარდიისა და მაშინვე შემოერტყა თათრებს. გაიმართა სასწრაფო ხან-მოკლე მოლაპარაკება. თათრებმა სთქვეს, რომ ვაცილებთ დესპანსაო, ხოლო ვისი დესპანი და ან ვისთან იყო გაგზავნილი, არ ვიცითო.

რაზმის უფროსი ავიდა ბეჭობზედ რამდენიმე ამხანაგითა და, მოჰკრა თუ არა თვალი უძრავად მყოფს კაცსა, მაშინვე შესძახა სიხარულით:

— სქშეტუსკია! ღმერთსა ფეიცავ, ეს სქშეტუსკია? დესპანმა თავი არ აიღო მაღლა.

— პან დესპანო, ველარა მცნობ? ბიხოვეცი ვარ. რა დაგე მართათ?

დესპანი კვლავ მდუმარებდა.

— გამოფხიზლდით, ღვთის გულისთვის! ეი, ამხანაგნო, აქ მოდით, აქ!

მართლაც, ის კაცი ბიზოვეცი იყო და თავად იერემიას ჯარის პირველ მძიმელ-მცემელ რაზმს მოუძღვოდა.

ამასობაში მოვიდნენ სხვა რაზმნიცა.

ამბავი სქშეტუსკის გამოჩენისა ელვასავით მოიფინა ყველგან. ყველანი მიისწრაფებოდნენ ამხანაგისა და მეგობრის სანახავად. პატარა ვოლოდიევსკი, ორპიშევსკი, მიგურსკი, ლენცი, პან ლონგინუს პოდბიპენტა და მრავალი სხვა აფიცრები სირბილით აცვინდნენ ბექზედ. მაგრამ ამოდ ელაპარაკებოდნენ, ამოდ ანჯღრევდნენ და ცდილობდნენ, იქნება დადძრათ როგორმე ადგილიდანაო,—პან სქშეტუსკი შესცქეროდა იმათ დაჰყეტილის, გაოცებულის თვალებით და ვერავის ვერა სცნობდა. მაგრამ არა: თითქო სცნობდა, მაგრამ ეტყობოდა, თითქო ყველანი უცხონი არიან მისთვისაო. მაშინ კი, ყველანი, ვინც იცოდნენ, როგორ უყვარდა სქშეტუსკის ელენე, მიხვდნენ, რა ადგილი იყო ის ადგილი, საცა შავად იცქირებოდა გადაშწვარ გადაბუგული მიდამო და ყოველივე ცხადი შეიქმნა მათთვის.

— მწუხარებისგან ჰკუთხედ შეშლილა, — სთქვა ნელის ხმით ერთმა.

— ქსენძთან წავიყვანოთ. იქნება, როცა იმას დაინახავს, გონებაზედ მოვიდეს.

პან ლონგინუსი სულ ხელებს იმტვრევდა, ყველანი შემოებვიდნენ დესპანს და გულ-მტკივნეულობით დაჰყურებდნენ.

ბევრს თვალები მოუცრემლიანდა. უცბად ვილაკ ახოვანი კაცი გამოერჩია ამ ხალხში, მივიდა დესპანთან და დაადო თავზედ ხელი.

ის იყო ქსენძი მუხოვეცი.

ყველანი დადუმდნენ და ყველამ მუხლი მოიდრია სასწაულ-მოქმედების მოლოდინშია, ხოლო ქსენძი კი არავითარის სასწაულ-მოქმედების ქმნას არ აპირებდა. მან მხოლოდ აღმართა თვალნი ცად, საცა ჰახჰახი გაჰქონდათ ვარსკვლავებს და ასე სქშეტუსკის თავზედ ხელ-დადებულმა დაიწყო მაღალის ხმით „მამაო ჩვენო“ ლათინურად:

— Pater noster, qui es in coelis! sanctificetur nomen Tuum, advenit regnum Tuum, fiat voluntas Tua...

მღვდელი შესდგა პატარა ხანს და გაიმეორა უფრო ხმა-
მალლა და უფრო მეტის ღაღადებით:

— Fiat voluntas Tua...

გამეფდა დიდი მღუმარება.

— Fiat voluntas Tua!—მესამედ წარმოსთქვა ქსენძმა.

მაშინ სქშეტუსკის აღმოხდა გულიდან კენესა უიმედობისა
და განწირულებისა:

— Sicut in coelo, et in terra!

და რაინდი გულ-ამოსკენილის ქვითინით დაეცა ძირს.



ნაწილი მეორე

I

უნდა დავუბრუნდეთ წინანდელს ამბავს, სახელდობრ, იმ ღამინდელს ამბავს, როცა სქშეტუსკიმ რაზლოგს გაჰგზავნა ეენძიანი კუდაკიდან და თან წერილი გაატანა მოხუცებულ კენინასთან. უამისოდ ვერ გავიგებთ, რა ბედი ეწია რაზლოგს. სქშეტუსკი სწერდა, რომ დიღადა გთხოვთ, რაც შეიძლება მალე წაბრძანდით ლუბნს, თან წაიყვანეთ ელენეც და მიჰმართეთ თავად ირემიას მფარველობასა, რადგან, შესაძლოა, დღეს არა ხვალ უთუოდ ატყდეს ომიო. ეენძიანი ჩაჯდა იმ ნავში, რომელიც პან გროდიცკიმ გაჰგზავნა თოფის-წამლისათვის და გაუდგა გზას. ნავი ნელ-ნელა მიცურავდა: ძნელია პირ-შედმა სიარული ნავისა. კრემენჩუგს ახლო ნავი შეხვდა ლაშქარს, რომელიც გეტმანს გამოეგზავნა ქშეჩოვსკისა და ბარაბაშის მხედართ-მთავრობით ხმელნიცკის წინააღმდეგ. ეენძიანმა ინახულა ბარაბაში და უამბო, რომ დიდი განსაცდელი მოვლის სეჩს პან სქშეტუსკისაო, ამასთანავე ევედრებოდა მოხუცს პოლკოვნიკს, არ დაივიწყოთ დესპანი და ორიოდ სიტყვა დაჰხარჯეთ იმისთვის ხმელნიცკის წინაშეო.

ჩვენი მგზავრები ჩიგირინს განთიადისას მივიდნენ. ქალაქის შესავალ კარებშივე მცველებმა სთხოვეს უფროსსა და ეენძიანს, პოლკოვნიკთან უნდა წამოხვიდეთ და გამოეცხადოთო.

— ჩვენს პოლკოვნიკთან?—ჰკითხა უფროსმა.

— პან ლობოდასთან. დიდმა გეტმანმა იმას უბრძანა, ეინცსეჩიდან ჩიგირინს მოდიოდეს, ისე არ განუტევეოთ, რომ ყოველივე ამბავი არ იწვრილოთო.

ჟენძიანი გულადად მიდიოდა; საფათერაკოს არას არ ელოდა; იცოდა, რომ აქ ჰბატონობს გეტმანიო.

მივიდნენ პან ელენსკის სახლში, საცა იდგა პოლკოვნიკი ლობოდაცა. მაგრამ, სამწუხაროდ, თვით პოლკოვნიკი ჩერკასს წასულიყო და თვისი თანამდებობა ჩაებარებინა პოდპოლკოვნიკისათვის. დიდ ხანს იცდიდნენ იქ მისულნი; ბოლოს ძლივს გაიღო კარები და გამოჩნდა პოდპოლკოვნიკი, რომელსაც იმდენს ხან ელოდნენ.

ჟენძიანი შეკრთა იმის დანახვაზედ.

პოდპოლკოვნიკი ბოგუნი იყო.

გეტმანს, მართალია, ჯერ ისევ დიდი ქარი უქროდა ჩიგირინს, მაგრამ, რადგან ლობოდა და ბოგუნი ჯერ ხმელნიცკის არ მიმხრობოდნენ და საქვეყნოდ აცხადებდნენ, რომ ერთგულნი ვართ რესპუბლიკისაო, გეტმანმა იმათ მიანდო, ყური უგდეთ ჩიგირინსაო.

ბოგუნი მოუჯდა სტოლს და დაუწყო ჩვენების ჩამორთმევა.

უფროსი, რომელსაც პან გროძიკის წერილი ჰქონდა გატანებული, აძლევდა ჩვენებას თავის მაგიერადაც და ჟენძიანის მაგიერადაც. ახალგაზდა პოდპოლკოვნიკმა გასინჯა წერილი და დაწვრილებით დაუწყო გამოკითხვა, რა ამბავია კულაკში, რას ამბობენო; ცხადი იყო, რომ ძრიელ უნდოდა გაეგო, რად გამოუგზავნია პან გროძიკის ხალხი ნავით დიდს გეტმანთანაო. მაგრამ უფროსმა თვითონაც არა იცოდა-რა, ხოლო წერილი პან გროძიკის ბეჭდით იყო დაბეჭდილი. ბოგუნმა გაათავა ჩვენების ჩამორთმევა და ქისას გაიკრა ხელი, რომ ფული მიეცა საჩუქრად მოსულთათვის ლუდის დასალევად და

სწორედ ამ დროს გაიღო კარები და პან ზაგლობა კი შემოიქრა.

— გამიგონე, რა გითხრა, ბოგუნო-და, — დაიწყო ყვირილი ზაგლობამ: — იმ წყეულმა დოპულმა ხომ არ გამოგვიჩინა საუკეთესო „სამ-ნახალი“. ჩავეყვ სარდაფში... ვნახოთ, ერთს კუთხეში რაღაცაა მიჩქმალული... რა ექნა, ვამბობ გულში, თუ თივაა, არც თივაა-მეთქი... ვეკითხები: ეს რა არის-მეთქი? — თივააო. რას მომატყუებდა! შენი მოსატყუებელი კბილები დიდი ხანია დავიცვალე-მეთქი. თუ თივაა, ეგ თივა შენა სქამე, რადგან ხარი შენა ხარ-მეთქი და მე კი შენს თაფლს გადავხუხავ მეთქი. აგერა! — სთქვა ესა და პან ზაგლობამ დიდის ამბით დაანახა ბოგუნს ბოთლი, მაგრამ უცბად გაჩერდა, შეჰხედა ეენძიანს და ბოთლი სტოლზედ დასდგა.

— თუნდა ხატზედ დავიფიცავ, რომ ეს სქშეტუსკის პაქია! — შეჰყვირა ზაგლობამ.

— ვისიო? — შეეკითხა ბოგუნი აჩქარებითა.

— პან სქშეტუსკისა, რომელიც კულდაკს წავიდა და წასვლის წინად ისეთის თაფლით გამიმასპინძლდა აქა... რა თაფლი იყო, რა თაფლი, ის დალოცვილი! ჰჰ, როგორ არის შენი ბატონი? ჰა! ხომ კარგად არის?

— კარგად გახლავთ. მოკითხვა შემოგითვალათ, — სთქვა პასუხად თავ-გზა დაბნეულმა ეენძიანმა.

— კარგი რამ არის, რაინდია ნამდვილი, რაინდი! მერე შენ ამ ჩიგირინში როგორ-ღა გაჩნდი? კულდაკიდან რად გამოგვზავნეს?

— სქშეტუსკის საქმე აქვს ლუბნში და ამიტომ გამოგვზავნა; მაგას გარდა, მეც საქმე არა მქონდა-რა კულდაკში.

ბოგუნმა, რომელიც აქამდე ყურადღებით აკვირდებოდა ეენძიანს, სთქვა:

— მეც ვიცნობ შენს ბატონს, რაზლოგში ვნახე.

ეენსიანმა თავი დაიქნია და, იმ მიზეზით რომ ვითომ ვერ გავეიგონე, რა სთქვიო, ჰკითხა:

— სადა?

— რაზლოგსა.

— კურცევიჩებთან თუ,— განმარტა ზაგლობამ.

— ვისთანა?— იკითხა კვლავ ენძიანმა.

— შენ, ჩემო კარგო, დაყრუებულხარ როგორღაც,— უგულოდა სთქვა ბოგუნმა.

— ძილი მომერია, მგონია.

— მოესწრობი ძილსა. შენმა ბატონმა ლუბნს გამოგზავნა?

— დიად, დიად, ლუბნსა!

უთუოდ გულის ვარდი ეგულება იქ,— ჩაუბრუნო სიტყვა ზაგლობამ,— და იმას თუ უთელის მოკითხვასა.

— რა მოგახსენოთ, იქნება ეგულება და იქნება არც ეგულება,— უპასუხა ენძიანმა და თავი დაუკრა ბოგუნსა და პან ზაგლობას.— დიდება მამასა, და ძესა და წმინდასა სულსა!— განაგრძო ენძიანმა და დააპირა გამოსვლა ოთახიდან.

— უკუნითი უკუნისამდე! — დაამთავრა ბოგუნმა.— ჯერ მოიცა, პატარავ, ნუ ჩქარობ, რად მიმალავდი და არ მითხარი, თუ სქშეტუსკის მხლებელი იყავი?

— თქვენ არ გიკითხავთ და მეცა ვსთქვი, რად უნდა ვსთქვა-მეთქი! დიდება მამასა და ძე...

— მოიცა-მეთქი, მე შენ გიბძანებ! წერილები გაქვს რამე თანა?

— წერილის მოწერა პან სქშეტუსკის საქმე იყო, ხოლო მე წერილი იმას უნდა მივარაუვა, ვისთანაც მიწერილია. ახლა კი, ნება მიბოძეთ, გამოგეთხოვოთ.

ბოგუნმა შეიკრა კოპები და შემოჰკრა ტაში-ტაშსა. ორი მცველი შემოვიდა ოთახში.

— გაჩნრიკეთ ეს ბიჭი! — შეჰყვირა ბოგუნმა და ენძიანზედ მიუთითა.

— ღმერთო ჩემო, ეს ხომ ძალ-მომრეობაა! — დაიწყო წრიბინი ენძიანმა.— მე შლიახტიჩი ვარ, თუმცა სხვას ვემსახურები, და პასუხს აგებთ ასეთის საქციელისათვის.

— ბოგუნო, დაანებე თავი ამ ყმაწვილს!—დაიწყო პან ზაგლობამ, მაგრამ ერთმა მცველმა უპოვა ჯიბეში ჟენძიანსორი წერილი და მიართვა პოდპოლკოვნიკს.

ბოგუნმა დაითხოვა მცველები: კითხვა არ იცოდა და გამხელა ამისი ეთაკილებოდა თვისთა ხელქვეითთა წინაშე.

— წაიკითხე, — უბრძანა მან ზაგლობას, — შენ წაიკითხე და მე ამ ვაჟბატონს დაუწყებ ცქერასა.

ზაგლობამ ამოიკიჟა მარცხენა თვალი და დაიწყო კითხვა აღრესისა:

„დიდად პატივ-საცემს ქალბატონს კნენინა კურცვეიჩის რაზლოგში“.

— მაშ, ქაჯან, შენ ლუბნში მიდიოდი და რაზლოგი კი არ იცოდი, სად არის?—ჰკითხა ბოგუნმა და საშინელის თვალებით დაუწყო ბღვერა ჟენძიანს.

— საცა მიბრძანეს, მეც იქ მივიდიოდი. — ტირილით უბასუხა პატარამ.

— გახსნა თუ არა? შლიახტიჩის საიდუმლო ხუმრობა არ არის,—სთქვა ფიქრში წასულმა ზაგლობამ.

— დიდმა გეტმანმა მომცა ნება ყოველი წერილი დავათვალიერო. გახსენ და წაიკითხე.—ზაგლობამ გახსნა წერილი და დაიწყო კითხვა:

„მოწყალეო ხელმწიფევე etc. გაუწყებთ პატივისცემით, რომ მოვედი კუდაკს, საიდანაც, თუ ღმერთი შემეწია, სეჩს ვაპირობ წასვლას ხვალ დილით; ახლა კი გწერთ წერილს, რადგან ძილი არ მეკარება და სულ ის მაწუხებს, რომ ავაზაკმა ბოგუნმა, ან სხვამ ვინმე იმის ბრბოს კაცმა არ შეგაწუხოთ. ხოლო რადგან აქ კრიშტოფ გროძიკიცი ამბობს, რომ ომი, შესაძლოა, დღეს არა ხვალ ატყდეს და მთლად მდაბიო ხალხი აჯანყდესო, ამიტომ გაფიცებთ და გვედრებით, რაც შეიძლება საჩქაროდ წაბრძანდეთ ელენესთან ერთად ლუბნს, თუნდა გზებიც უფარგისი იყოს. გამხადეთ ღირსი და ამისრულეთ ეს თხოვნა, რათა ექვში აღარ ვიყო, რომ ვაი თუ დაპირებული ბედნიერება ამცდეს და დაბრუნებისას გამიცრუვდეს ტკბილი

იმედი-მეთქი. ხოლო რაკი ბოგუნს საქმეს არ უთავებთ, ელენეს კი მე დამპირდით და იმასაც ჯერ იმედს არ უკარგავთ, ამიტომ, ვგონებ უკეთესია მიჰმართოთ თავადს, ჩემს მფარველს, რომელიც შეგივრდომებთ და შეგიხიზნებთ. კაცებსაც გამოგიგზავნით თავადი რაზლოგში და თქვენს უვნებლობასაც დაიცავს. ახლა ღმერთსა ვსაუბროვ თქვენს კარგად ყოფნასა და დავშთები etc.. etc.“

— ჰმ! პან ბოგუნო, — სთქვა ზაგლობამ, — რა ამბავია-და! მაშ, თქვენ ორივენი ერთსა და იმავეს ეტრფოდით? მერე რატომ წინად არა მითხარი-რა, თუ აგრე იყო? მაგრამ გული დაიმშვიდე, მეც მაგისტანა საქმე დამემართა ერთხელ...

პან ზაგლობას სიტყვები მახვილივით ჰხედებოდა ბოგუნს. ბოგუნი იჯდა გაქვავებული, გაფითრებული, თვალეზ-დახუტული და ისე უკრთოდა სახე, თითქო ფილენჯის ქარები დაჰმართნიაო. რაღაც საშინელი ამბავი იყო იმის თავს.

— რა დაგემართა?

ყაზახმა უცნაურის სიმკვეთრით გააქნია ხელი და ხრინწიანის ხმით წარმოსთქვა:

— წაიკითხე... მეორე წერილი.

— მეორე წერილი კნიაჟნა ელენესთან არის.

— წაიკითხე, წაიკითხე!

ზაგლობამ დაიწყო:

„ძვირფასო, სატრფიალო ელენე, დედოფალო და ქალბატონო ჩემის გულისა! რადგან სამსახურის გამო დიდ ხანს დავრჩები აქეთს ქვეყნებში, ამიტომ ვწერ ძალუა-შენსა, რომ დაუყოვნებლივ წახვიდეთ ლუბნს, საცა ბოგუნი სრულიად ვერას დაგაკლებთ, საცა ჩვენი სიყვარული...“

— კმარა! — დაიგრილა ბოგუნმა, იხტუნა და ერთის გადახტომით ხმალ-ამოღებულნი აეყუდა წინ ენძიანსა.

საწყალობა ყმაწვილმა, შიგ გულში განგმირულობა, დაიკვნესა და უგრძობლად დაეცა იატაკზედ. ბოგუნს მოუარა საშინელმა მძვინვარებამა: ეცა პან ზაგლობას, წაჰგლიჯა წერილები ხელიდან და ჩაიღო უბეში.

ზაგლობამ სტაცა ხელი თათლით სავსე ბოთლს, გახტა ღუმელისაკენ და დაიყვირა:

— ღეთის გულისთვის! კაცო, გაგიჟდი, თუ ცოფი მოგერიო? დამშვიდდი, გული მოიბრუნე! აჰა, იწაფე ერთი რიგიანად, შე წყეულ-შეჩვენებულო! არ გესმის?

— სისხლი, სისხლი! — ჰგრგვინავდა ბოგუნე.

— კაცო, ჭკუა ნუ დაჰკარგე. იწაფე-მეთქი, გეუბნები! აგერა სისხლი... უბრალო! საწყალი ყმაწვილი აღარა სუნთქავს. ეშმაკმა აგიყოლია; მაგრამ თითონ შენც ეშმაკზე უარესი ხარ. მოდი გონსა! აი ჩაგენგრას დედამიწა და თან ჩაგიტანოს, შე ურჯულო, შენა!

ჰან ზაგლობამ სთქვა ესა, მივიდა ქენძიანთან, დაიხარა და ხელი დაადო გულზედა. პირიდან ნაკადულივით ამოსდიოდა სისხლი.

ბოგუნმა იტაცა თმაში ხელი და ქვითინით დაეშვა ტახტზედა. აუტანელი ტკივილი ცეცხლივით მოსდებოდა მის გულს. უცბად წამოხტა, მივარდა კარებს, ჩამოამტვრია წიხლით და გავარდა ტალანში.

— კისერიმც მოგიჩენია! — მიაძახა ჰან ზაგლობამ. — კედლისათვისაც გიხლია ეგ შენი კვახი ოტროველა, თუმცა კი რამდენიც უნდა ახალო ქვას შენი დაბრუტიანებული. თავი, არ გაგიტყდება, ისე მოუტყუებიხართ და დაუბრმავეებიხართ. გაგონილა ასეთი გაცოფიანება! ასე გადარეული ჩემს სიცოცხლეში არავინ მინახავს! სულ კბილებს აკრაქუნებდა, თითქო ძაღლიაო.... ვნახოთ ერთი, რა ამბავია იმ პატარას თავსა... საცოდავი, ცოცხალია ისევ. მე და ჩემმა ღმერთმა, თუ ამ თაფლმაც ვერ უშველა, ყველას ნებას მივცემ ტეტია მიწოდონ და არა ტახტის აზნაური.

ჰან ზაგლობამ ბუტბუტით დაიდო ქენძიანის თავი მუხლებზედ და დაუწყო თაფლს ნელ-ნელა სხმა იმის პირსა და გალურჯებულს ტუჩებში.

— ვნახოთ, აბა, კეთილშობილის სისხლი სდის შენს ძარღვებში თუ არა, — განაგრძო მან. — სისხლი ურიისა, თუ თაფლი

მიუმატე, იხარშება; ტეტისა, რომელიც მძიმე და სქელია, იჭრება და მხოლოდ შლიახტიჩისა დულდება და გადიქცევა ხოლმე მჩქეფარე წყაროდ, რომელიც ჯანს სიმაგრეს უმატებს, ხოლო სულს—დიდებულს ფანტაზიას.

ჟენძიანმა ოდნავ დაიკვნესა.

— ოჰო, გინდა კიდევ? არა, ქაჯან, მეც ნება მიბოძე, დავეძაბრო... ჰო, აი, ასე. ახლა კი, რაკი სიცოცხლის ნიშნები გამოიჩინე, წაგიღებ სადმე თავლაში და დაგაწვენ იქ, რომ ამ ყაზახთა ქაჯმა სულ არ გაგათავოს, როცა დაბრუნდება. არაფერი სასიამოვნო კია მაგასთან მეგობრობა—გაუწყდა მაგას სახელი და სახსენებელი!—ხელი უფრო სწრაფია მაგისი, ვიდრე აზრი.

პან ზაგლობამ წამოავლო ხელი ჟენძიანს და ისეთის სიმსუბუქით გაიტანა ტალანში და მერე ეზოში, რომ კაცს ეგონებოდა ბუმბული მიაქესო. ეზოში რამდენსამე ჯარის-კაცს გაეშალათ დიდი თხელი ნაბადი და კოჭაობდნენ. დაინახეს თუ არა ზაგლობა, მაშინადვე ფეხზედ წამოუდგნენ.

— რას გეუბნებით, ბიჭებო: წაიყვანეთ ეს ყმაწვილი და სადმე სათიფეში დააწვინეთ. ერთ-ერთი კიდევ დალაქთან გაიქეცით.

პან ზაგლობას ბრძანება დაუყოვნებლივ იქმნა შესრულებული. რაკი ბოგუნის მეგობარი იყო, ამიტომ ძალიან უყვარდათ ყაზახებს.

— პოდპოლკოვნიკი რალა იქმნა?—ჰკითხა მან.

— ბრძანა, ცხენი მომგვარეთო და წავიდა პოლკის სახლში, ჩვენ კი გვიბრძანა, მზად იყავით და ცხენები შეჰკაზმეთო.

— მაშ, ჩემი ცხენიც შეკაზმულია?

— შეკაზმული გახლავთ.

— მომიყვანეთ აქა. მაშ პოდპოლკოვნიკს იქა ვნახავ?

— აგერ თვითონაც გაიხლებათ.

მართლაც, ბოგუნი ალაყათის კარებში შემოვიდა ცხენით; უკან მოსდევდა რამდენიმე შუბებით შეიარაღებული ყაზახი, რომელნიც მზად იყვნენ სალაშკროდ.

— ამხედრდით ეხლავე!— შესძახა ბოგუნმა თავის ჯარისკაცებსა.

ყველანი გაიფანტნენ და გაიქცნენ აქეთ-იქითა; პან ზაგლობა მიუახლოვდა ალაყაფის კარებს და დაშტერებით დაუწყო ცქერა ახალგაზდა პოდპოლკოვნიკს.

— სალაშქროდ ემზადები?— ჰკითხა მან.

— სწორედ.

— მერე საით აპირობ წასვლას, ერთი კაცმა გკითხოს?

— ქორწილში.

ზაგლობა უფრო ახლო მივიდა.

— ღმერთი აღარა გაქვს, კაცო! გეტმანმა ქალაქის დაცვა მოგანდო და შენ კი სხვაგან მიდიხარ და ჯარისკაციც თან მიგყავს. ბრძანებას არღევე. აქ ბრბო მდაბიო ხალხისა მხოლოდ ხერხიანს დროს ელის, რომ დაესხას თავს თავად-აზნაურობას. ჰნახავ თუ გეტმანის რისხვა არ დაგატყდეს თავს!

— ჯანდაბას იმისი თავიცა და ქალაქიცა!

— კაცო, შენ შენს თავს გაუფრთხილდი!

— ჯანაბას ჩემი თავიცა!

ზაგლობა მიხვდა, რომ ყაზახთან ლაპარაკი უსარგებლო საქმე იყო. ბოგუნი ახირდა და, თუნდა თვითონაც დაღუპულიყო და სხვებიც თან მიჰყოლოდნენ, მაინც თავისას აღარ დაიშლიდა.

ზაგლობა მიხვდა, სადაც აპირობდა ბოგუნი წასვლას და პატარა ხანს ფიქრმა წაიღო: არ იცოდა, როგორ მოქცეულიყო, წაჰყოლოდა თან ბოგუნსა, თუ სახლში დარჩენილიყო. წავყვე, ხუმრობა არ არის, განსაცდელში რაშიმე ჩამავდებს, ხათაბალას გადამაცვამს თავს... დავრჩე კიდევ და... ბრბო მდაბიო ხალხისა ხომ მართლა სეჩის ამბავს ელის მხოლოდ, ნიშანს უცდის იქიდან ჩეხა-ჟლეტისასა. იქნება არც ელოდეს და არც უცდიდეს რასმე, ეს ათასი ჯარისკაცი რომ არ ჰყავდეს აქ ბოგუნსა და ასეთი სანაქებო სახელი რომ არა ჰქონდეს გავარდნილი მთელს უკრაინაში. პან ზაგლობას შეეძლო გეტმანის ჯარსა და ბანაკს შეჰთვარებოდა, მაგრამ ამის წინააღმდეგაცა ჰქონდა

რამდენიმე საბუთი. ვინ იცის, იქნება მოაგონდეთ რამ იქ ჩემ შესახებ ისეთი, რაც ჩემთვის სასიამოვნო არ არისო... ამას გარდა, ენანებოდა კიდევ ჩივირინი. ზაგლობა აქ ისე იყო, თითქო უფლის უბეში ჰზისო: არავინ არა კითხულობდა, ვინ იყო, როგორ იყო მისი საქმე. მერე ისე შეეჩვია და შეეტკბო აქაურობას—თავად-აზნაურთაც, საბაზრო მოურავებსაც; ყაზახთა მამასახლისებსაც. მართალია, ახლა მამასახლისნი წასულნი იყვნენ აქეთ-იქით, ხოლო თავად-აზნაურობა თავისთვის იყო მიღამებული თავ-თავიანთ მამულებში, რადგან აჯანყებისა ეშინოდა, მაგრამ მაინც აქ იყო ბოგუნნი, ეს სასიამოვნო მოსაუბრე და კარგი ამფსონი სმაში. ბოგუნმა ქეიფის დროს გაიცნო ზაგლობა და მაშინვე დაუმეგობრდა. მას უკან სულ ერთად იყვნენ განუყრელად. ყაზახი ბზესავით აბნევდა ოქროს, შლიახტიჩი სტყუოდა უღმერთოდ და იყვნენ ორივენი სიამოვნებამში.

ახლა, როცა ან უნდა ჩივირინს დარჩენილიყო და ბრბოსთვის ჩაეგდო ხელში თავისი თავი, ან წასულიყო ბოგუნთან ერთად, პან ზაგლობამ ისევე წასვლა არჩია.

— რადგან აგრეთს განწირულს ყოფაში ხარ, მაშ მეც უნებთან წამოვალ, — უთხრა ზაგლობამ ბოგუნს. — იქნება გამოგადგე რადმე გზაში... აი თუნდა თავს დაგიჭერ და სისულელეს არას მოგაქმედებინებ. ისე შევეჩვივეთ ჩვენ ერთმანეთს, თითქო ლილ-კილო ვიყვნეთ; წინად ვერც კი ვგრძნობდი ამასა და ახლა კი...

ბოგუნმა არა სთქვა-რა პასუხად.

ნახევარს საათს უკან ჯარის-კაცნი უკვე დარაზმულ-ამხედრებულნი იყვნენ. ჯერ ბოგუნმა ჰკრა ქუსლი ცხენსა და იმას უკან მიჰყვა პან ზოგლობაცა. გაუდგნენ გზას. ბაზარში შეჯგუფებული ხალხი ქვეშ-ქვეშ გასცქეროდა მიმავალთ და ჩურჩულობდა ერთმანერთ შორის.

ბოგუნი ხმა-გაკმენდილი მიდიოდა; თითქო წყვილიაღიო, ისე ჩამოჰბნელებოდა და ჩამოსტიროდა თავ-პირი. ჯარის-კაცნი არა კითხულობდნენ, სად მივყავართო. საცა უნდოდა, იქ გაჰ-

ყვებოდნენ ბოგუნს, თუნდა ცეცხლსა და ნავთში გადაერეოდნენ.

რაზმი გავიდა ღნებრში და გასწია ლუბნის გზითა. ცხენები მიდიოდნენ იერიშით და საშინელს მტვერს აყენებდნენ გზაზედა. ისეთი სიციხე-პაპანაქება დაიჭირა, რომ კაცს გული შეუღლოდებოდა. ბოგუნმა წინ გაუსწრო ყველასა; პან ზაგლობა დაეწია იმ იმედით, რომ იქნება ლაპარაკი დაუწყოვო.

ახალგაზდა ატამანს სახე დამშვიდებული ჰქონდა, თუმცა კი მოჰგრებოდა აუტანელის ტკივილის მიზეზითა.

— ე რა სიციხეა, ეს ოხერი,—სთქვა პან ზაგლობამ,—ტილოს კიტელი მაცვია და მაინც ლამის დავიხრჩო. ბოგუნო, შაი ბოგუნო!

ატამანის ისე დააშტერდა თვისის ტბასავით ღრმა, შავის თვალებითა, თითქო ეძინა და ეს-ეს არის ეხლა გამოელევიძაო.

— ე მანდ გაფრთხილდი, შეილოსან,—განაგრძო პან ზაგლობამ,—რომ ეგ პოხონდრია სტომაქიდან, საცა მუდამ დაბუღებულია, თავში არ აგვიარდეს. არ გაგიჟდე და ღმერთი არ გაგიწყრეს. არ მეგონა, თუ სიყვარული ეგრე შეგბოჭავდა. ალბად მაისში თუ ხარ დაბადებული. მაისი თვეა ცისკრისა, თვეა სიყვარულისა და ვინც მაისშია დაბადებული, ყველანი ძალიან ქალთა-მოყვარულნი არიან. გარნა მოგებაში ყოველთვის ის არის, ვინც თავის დროზედ თავს. შეიკავებს, ამიტომ გირჩევ დაანებო თავი შურის-ძიებას. საბუთი დიალაცა გაქვს, უწყრებოდდე კურცევიჩებს, მაგრამ რაო, საქალეთი გაწყვეტილა ქვეყანაზედ?

— ის ერთია, ჩემი მტრედი, ერთი ქვეყანაზედა!—წაიბუტბუტა ბოგუნმა უფრო თავის ფიქრების პასუხად, ვიდრე პასუხად ზაგლობას სიტყვებისა.

— თუნდა აგრეც იყოს, რაღაი ის მტრედი სხვას შეჰღულუნებს, შენ უნდა თავი მოაჩილო. მართალს ამბობენ, რომ გული თარხანი კაცივით არის, ჯარის-კაცობს იმ დროშის ქვეშ, რომელიც ესია მოვება. ესეც ივარაუდე, რომ იმ ქალის

ძარღვებში კეთილშობილთა სისხლი სდგას. კურცვევიჩები მთავართა ჩამომავალნი არიან... სხვა სიგელ-გუჯარია!

— ჯანაბას თქვენი სიგელ-გუჯარიც და თქვენი ეტრატინიც!— წამოიძახა ატამანმა და ღონივრად დაიკრა ხელი ხმლის ვადაზედ.— აი ჩემი გვარიშვილობა! ჩემი უფლებაც ეს არის, ჩემი ეტრატიცა და ჩემი ერთად-ერთი მეგობარიცა! ჰოი, მოლა-ლატენო! ჰოი, წყეულო სისხლო! წინად კარგი ვიყავ, ძმადა და მეგობრად ვითვლებოდი მაშინ, როცა ყირიმს სათარეშოდ დავდიოდი, ოსმალთა ქონება მომქონდა და დავლა-ალაფს მაგათ ვუყოფდი. მაშინ შვილიც ვიყავ, ქალის მოცემაც აღმითქვეს და ახლარაღაიო? მოვიდა შლიახტიჩი და სახლის შვილს უთხრეს, მეგობარო, შენ აქედან გაეთრიეო... სული ამომართვეს, გული დამიკოდეს... ქალი სხვას უნდა მივცეთ და შენ კი თუნდ დედა-მიწა ბრღვენი, ყაზახი ხარ, მოთმენას მიეც თავი, მოთმენასაო...

ბოგუნს ხმა აუკანკალდა; ყაზახმა კბილები დააკრაქუნა და, რაც ძალი და ღონე ჰქონდა, გულში ჩაიკრა მუშტი.

ჩამოვარდა წუთი მღუმარებისა. ატამანი ჰფუშინავდა ვეშაპივით. ტკივილი და სიბრაზე ზედ-მიყოლებით სტანჯავდა მოთმენას მიუჩეველს ყაზახის განადირებულს გულს. ზაგლობა ელოდა იმ დროს, როცა ბოგუნი მოიღლებოდა შფოთვა-ბორგვითა და დამშვიდდებოდა.

— მაშ, რა გწადიან, თუ ეგრეა, შე საწყალო?— როგორ გინდა მოიქცე?

— მე ყაზახი ვარ... ისე უნდა მოვიქცე, როგორც ყაზახს შეჰფერის!

— ჰმ, ვიცი, რასაც ჰნიშნავს ეგა. მაგრამ მაგას თავი დავანებოთ. გეტყვი მხოლოდ იმასა, რომ აქ ვისნევეცკების სამფლობელოა და ლუბნიც ახლოა. პან სქშეტუსკი სწერდა კნენინას, რომ ლუბნიში წადი შენის მაზლის-წულითაო, მაშასადამე, ისინი თავადის მფარველობის ქვეშ არიან, ხოლო თავადს, შენც კარგად იცი, ხუმრობა არ უყვარს...

— ყენსაც არ უყვარს ხუმრობა, მაგრამ მე მაინც შიგპირში ვუყვარდებოდი.

— რაო ახლა, თავზედ-ხელ-აღებულო, ომი გინდა გამოუცხადო თავადსა, თუ რა არის?

პან ზაგლობა სულ აღელდა ერთიანად.

— ფუ, შენ და შენს თავსა!—რას მოასწავებს მერე ეგ შენი წადილი? საბრჩობელას ხომ ველარ ასკლები. კურცვეიჩებიც ხელს გამოიღებენ.

— რაო მერე?—ან მე უნდა ვიყო, ან ისინი. მე სულს არ დაუტკერდი კურცვეიჩებს. ძმებად მიმაჩნდნენ ისინი, მოხუცი კნენია კიდევ—დედადა... როგორც ძალი, ისე შევეცქნაოდი თვალბში. მერე როცა ვასილი თათრებმა შეიპყრეს, ვინ წავიდა ყირიმსა, ვინ დაიხსნა ტყვე? მე... ისე ვემსახურებოდი, როგორც ყმა, იმიტომ რომ, მეგონა, იმ ქალის ღირსი შევიქნები-მეთქი. იმათ-კი, სამაგიეროდ, მიღალატეს, გამყიდეს, როგორც მონა და საშინელი ხვედრი, საშინელი უბედურება მარგუნეს წილად... გამომღვენეს... სახლიდან გამომაგდეს... ჰო და მეც წავალ, მხოლოდ ჯერ მადლობას გადავუხდო, ყაზახურად გადავუხდო მადლობას მასპინძლობისათვის და ისე წავალ... ჩემი გზა მე კარგად ვიცი.

— სადლა წახვალ მერე, თუ კი თავადს ჩხუბს აუტეხავ? ხმელნიცკის ბანაკში თუ?

— ის ქალი რომ ჩემთვის მოეცათ, მე თქვენი მეგობარი ვიქმნებოდი, ლიახებისა, თავს დავსდებდი თქვენთვის. ჩემს მეომრებსაც შემოვიკრებდი, სხვებსაც ბევრს მოვიმხრობდი, ხმელნიცკის მივეტევებოდი, ჩემს სისხლსა და ხორცს ვეკვეთებოდი და სულ ცხენის ნალებით დავსრესავდი. მერე ჯილდოს მოვითხოვდი თუ? არა! წავიყვანდი იმას და გავფრინდებოდი ღნებრს იქითა, ღეთის გაჩენილ მინდორ-ველად, ყრუ უდაბნოში, საცა მდორედ მიდუღუნებენ მდინარენი... ჩემთვის ესეც საკმაო იქმნებოდა... ახლა კი...

— ახლა კი გადაირიე.

ატამანმა არა უპასუხა-რა, გადაჰკრა მათრახი ცხენსა და წინ წავიდა უტრდულივითა; პან ზაგლობა კი ჩავარდა საგონებელში და სულ იმასა ჰფიქრობდა, ეს რა ხათაბალაში გავებო.

ეკვი არ იყო, რომ ბოგუნს აზრად აჰქონდა, დავესხმი თავს კურცევიჩებსა, ვიძიებ შურს და ძალით გამოვიტაცებ ქალსაო. და აი ამისთანა საქმეში უნდა ვუშველო და ხელი შევეწყო ბოგუნს მე, პან ზაგლობამა! უკრაინაში ამისთანა ამბავი ხშირი იყო და არა იშვიათად დაუსჯელად ჩაივლიდა ხოლმე. მართალია, თუ დამნაშავე შლიახტიჩი არ იყო, მაშინ უფრო ძნელად გადაივლებდა თავს კაცი ამისთანა დანაშაულს, მაგრამ, სამაგიეროდ, ყაზახის დასჯაც არ იყო ადვილი: სად დაიჭერდა კაცი ყაზახსა? დანაშაულის შემდეგ ყაზახი მირბოდა ყრუ მინდვრებში და იქ იმალებოდა; ხოლო როცა ატყდებოდა ომი, მოვიდოდნენ თათრები, დამნაშავეც გამოჩნდებოდა, მაგრამ მაშინ კანონები სადღა იყო. ბოგუნსაც ასე შეეძლო გაჰქცეოდა პასუხის-გებას და ამიტომ პან ზაგლობასთვის რა ჰქუა იქნებოდა მხარი დაეჭირა ბოგუნისათვის და სანახევროდ თვით ეტვირთნა იმისი დანაშაული. არა, არც დავებმარებიო, ფიქრობდა გულში ზაგლობა. თუმცა ბოგუნი ჩემი მეგობარია, მაინც მე, პან ზაგლობას, შლიახტიჩს, არ შემეფერება, რომ ყაზახს დავუჭირო მხარიო. პან ზაგლობა ძალიან თავქარიანი იყო, მაგრამ იმის თავქარიანობასაც თავისი ზომა და სამზღვარი ჰქონდა. ჩიგირინის დუქნებში ქეიფი ბოგუნთანა და ყაზახთა სხვა უფროსებთან სულ სხვა საქმეა, მეტადრე როცა ქეიფში ფულს ისინი ჰხარჯავენო; ეხლანდელ არეულ დროში მაგისთანა ხალხთან საქმის დაჭერა სასარგებლოც არისო. პან ზაგლობას ძალიან ენანებოდა თავი, თუმცა არა ერთხელ ჩავარდნილიყო განწირულს ყოფაში. ახლა კი ჰხედავდა, რომ კამეჩივით სულ მღვრიე მორგეში იყო ჩავარდნილი. თქმა არ უნდა, რომ, თუ ბოგუნმა გამოიტაცა თავადის პორუჩიკის დანიშნული, თავადი ძალიან განრისხდება და ბოგუნს მეტი ღონე აღარ ექმნება, ხმელნიკისთან უნდა გაიქცეს, მეამბოხეთ შეუერთდესო. მე კი, მე რა ძალა მადგია, რომ ბოგუნის გულისათვის ავდგე და აჯანყების მომხრეობა გავწიოვო, მით უმეტეს რომ პან ზაგლობას ცეცხლისა და ნავთისა არ ეშინოდა ისე, როგორც თავადისა.

— ფუ, ფუ ჩემს ეშმაკს!—ბუზღუნებდა გულში პან ზაგლობა, — ეშმაკს თვითონ მე ვუგებდი ხოლმე მახესა და ახლაც თვითონ მე გავები ეშმაკის ბადეში. აი, ჯანაბამდე გზა ჰქონია მაგ ავაზაკთა ატამანსა და მაგის შემქმნელ-მშობელსა თვისის სიყვარულითა და სატრფიალოთი! მაყრიონი თუ გინდათ, ჩვენა ვართ! სწორედ დიდს მხიარულებაში კი ვართ, იმათმა თავის გახეთქამა! ეშმაკსაც წაუღია კურცვეიჩების თავიცა, ჰო და ასრე! ვიცი, მერე მევე გავები ხათაბალაში-და! რისთვისა ახლა, რის გულისათვის? მე ვეპირები ცოლის შერთვასა თუ რა არის? დაე, თუნდა ეშმაკმა და ქაჯმა დაიწეროს ჯვარი, ჩემთვის სულ ერთია. წადი ახლა და ამოიყვანე ვირი ტალახიდან! ბოგუნთან ვიყო, ვისნევეცკი ტყავს გამაძრობს; გავექცე ბოგუნს, ყაზახნი შემქამენ; თვითონაც არ გაუჭირდება და ისე მომიგრებს კისერს, რომ ხელიც არ გამანძრევინოს. იმაზედ ცუდი აღარა არის-რა, რომ კაცი ტეტისა გადაეკიდება! მე და ჩემმა ღმერთმა, ის მირჩევიან, ამ ჩემ ცხენად გადავიქცეოდე, ვიდრე ზაგლობა ვიყო. გამაბრიყვა ყაზახმა, კისერზედ გადამიგდო და ეგ არის...

პან ზაგლობა ძლიერა ჰქმინავდა; თან-და-თან უფრო-და-უფრო შავ-ბნელი ფიქრები ეჯარებოდა. სიცხე ხომ ისეთი იყო, რომ სუნთქვა სჭირდა; ცხენი ისე დაილალა, ამ მძიმე კაცით დატვირთული, რომ ძლივს მიათრევდა ფეხებს. ღმერთო ჩემო, რა კარგია ეხლა, ვიჯდე სადმე ჩეროში და წინ ცივი ლული მელგას, ვიდრე ამ გადახრუკულ მინდორზედ ვიხრაკებოდე ამ სიცხე-პაპანაქებაში!

თუმცა ბოგუნს ძალიან ეჩქარებოდა, მაგრამ შეტი ღონე არ იყო, უნდა დათანხმებულიყო და ცოტას ხანს შეესვენებინა ხალხი. ცხენებიცა და ხალხიც ისე დაილაღნენ, რომ აღარ იცოდნენ, რა ექმნათ. ატამანი ამ დროს სულ რაღასაც ეჩურჩულებოდა იასაულებს, ალბად განკარგულებას აძლევდა. ზაგლობას მოესმა მხოლოდ უკანასკნელი სიტყვები:

— ელოდეთ თოფის გაყარდას.

— ბატონი ბრძანდებით.

ბოგუნმა უცბად მიჰმართა პირდაპირ ზაგლობას:

— წამოხვალ შენ ჩემთან წინდაწინვე?

— მე?— და პან ზაგლობას ხმას დაეტყო კილო გესლიანის დაცინვისა.— ისე მიყვარხარ, რომ შენის გულისთვის ნახევარი სული ამოვირთვი ამ ცხენზედ ჯანჯლართა და ნახევარს რალაზედ დავზოგავ? მე და შენ ნეესსა და ძაფსავითა ვართ: სადაც ერთია, იქ მეორეც არის... იმედი მაქვს, ეშმაკებიც კი ისე არ წაგვიყვანენ მე და შენ, თუ არ ერთადა, რაიცა არც სანანურად მიქმნება, რადგან, არა მგონია, ჯოჯოხეთში უფროა ცხელოდეს, ვიდრე აქა.

— აბა, მივდივართ, მივდივართ!

— კისერიმც მოგიჩეხიათ!

ორივენი წინ წავიდნენ და ყაზახნი გაჰყვენენ მათ უკან.

ბოგუნი და ზაგლობა ერთად მიდიოდნენ დამხარდამხარებულნი, ხმა-გაკმენდილნი, ზაგლობა სულ უღვავებს იწიწკნიდა, ეტყობოდა, ჭკუას ატანდა ძალას; ვინ იცის, იქნება იმასა ჰფიქრობდა, რა მოეახერხო, რომ ამ გაჭირვებას თავი დავახწიო როგორმეო. ხან ათასში ერთხელ რალაც გაუგებარს სიტყვებს წამოისროდა ხოლმე, ხან კიდევ აცქერდებოდა ბოგუნსა, რომელსაც ხან საშინელი გამძვინვარება ეტყობოდა სახეზედ, ხან დიდი სევდა-ნალღველი.

„საკვირველიაო,— ფიქრობდა ზაგლობა,— რომ ამისთანა შესახედავად ლამაზმა ვაჟკაცმა ვერ მოინადირა ახალგაზდა ქალის გული! მართალია, ყაზახია, მაგრამ სამაგიეროდ, სახელგანთქმული რაინდია, პოდპოლკოვნიკია და, ღღეს არა, ხვალ აზნაურშვილობას მიიღებს. პან სქშეტუსკიც კარგი ვაჟკაცია.. ლამაზიც არის... მაგრამ როგორ მოვა ის ბოგუნთანა! ძალიან კი გაჩიჩავენ ერთმანეთს, თუ პირის-პირ შეიყრებიან!“

— ბოგუნო, კარგად იცნობ პან სქშეტუსკისა?

— არა,— მოკლედ მოუჭრა პასუხი ატამანმა.

— ადვილი არ იქნება შენთვის იმასთან შებრძოლება. მე თვითონა ვნახე, რა ნაირ გაისროლა იმან კარებში ჩაპლინსკი. ერთის სიტყვით, გოლიათია და ის არის.

ბოგუნმა არა უპასუხა—რა და კვლავ დუმილი ჩამოვარდა, რომელსაც უამითი-უამად არღევედა პან ზაგლობას წამოძახილი: „ღიღი, ღიღი, მეტი გზა არსად არის!“ გავიდა რამდენიმე საათი. მზემ გაღიხარა დასავლეთისაკენ, ჩიგირინის მხარესა; აღმოსავლეთიდან გრილმა ნიავმა დაუბერა. პან ზაგლობამ ქუდი მოიხადა, გაოფლიანებულ შუბლზედ მოისვა ხელი და ერთხელ კიდევ გაიმეორა:

— ღიღი, ღიღი, მეტი გზა არსად არის!

ბოგუნის შეთრთოლდა, თითქო ეს არის ეხლა გამოელვინაო.

— რა სთქვი?

— მე ვსთქვი, რომ მალე დაღამდება-მეთქი. ჯერ კიდევ შორს არის?

ერთს საათს უკან სულ დაბნელდა, მაგრამ ამ დროს ჩვენი მგზავრნი უკვე ტყიანს ხეობაში შევიდნენ. აგერ სინათლევც გამოჩნდა სადღაც შორსა.

— ეს რაზღოვია!—დაიძახა უცებ ბოგუნმა.

— მართლა? ბრრ! დაიწყო ბაბანი ზაგლობამ,—რა ცივა ამ ხეობაში.

ბოგუნმა შეაყენა ცხენი.

— ნწ, ნწ!

ზაგლობამ შეჰხედა ბოგუნსა. ატამანის თვალები ისე ელვარებდა, თითქო ორი ნაკვერცხალი ციმციმებსო.

გაიარა რამდენმამე წუთმა. ბოლოს, მოისმა შორიდან ფრუტუნის ცხენებისა; ბოგუნის ყაზახნი იყვნენ ისინი: ხევი გამოეფლოთ და აუჩქარებლად მოდიოდნენ წინა.

იასაული მოუახლოვდა ბოგუნს; ატამანმა რაღაცა უჩუროჩულა ყურში. ყაზახნი კვლავ შეჩერდნენ.

— გავსწითო!—უთხრა ბოგუნმა პან ზაგლობას.

გაიარეს რამდენიმე ნაბიჯი და მგზავრთა თვალ-წინ ცხადად გამოჩნდა შენობანი. კარმიდამოზედ ჩამი-ჩუმი არ იყო; ძაღლები არ იყეფებოდნენ. დიდი, ოქროსფერი მთვარე დაჰნათოდა გარემოს და აპყვერილებდა იქაურობას. ბალიდან

მოდლიოდა სურნელება აყვავებულ ალუბლისა და ვაშლისა: ყველგან სიჩუმე იყო, მდუმარება, დამშვიდებული მდუმარება... კაცს ეგონებოდა, აგერ საცაა ფანტურის ხმა მომესმის შვენიერ კნიაუნას ფანჯრებ ქვემოდაო.

ზოგიერთის ფანჯრიდან ჯერ ისევ სინათლე გამოდიოდა. ორი ცხენოსანი მიუახლოვდა ალაყაფის კარებს.

— ვინ არის მანდა?— მოისმა ხმა დარაჯისა.

— ვერ მიცანი, მაქსიმე?

— თქვენა ბრძანდებით? მადლობა ღმერთსა!

— უკუნითი უკუნისამდე! გააღე კარი. როგორა ხართ?

— მადლობა უფალსა, მშვიდობით გახლავართ. დიდი ხანია რაზლოგში აღარა ბრძანებულხართ. ალაყაფის კარების ანჯამებმა დაიჭრიალა, ასაკეცი ბოგირი ძირს ჩამოეშვა და ბოგუნი და პან ზაგლობა შევიდნენ ეზოში.

— გამიგონე, მაქსიმე, ნუ დაჰკეტავ ჯერ კარებსა და ნუ ატყეცავ ბოგირსაცა. ცოტას ხნითა ვარ აქ მოსული.

— რა ამბავია განა?

— არა მცალიან, საქმეები მაქვს... ცხენები ემაგ ბოძზედ მიაბი.

II

კურცვეიჩები ვახშმად ისხდნენ იმ გრძელ დერეფანში, რომელშიაც ყოველგვარი იარაღი ეკიდა კედლებზედ. ბოგუნისა და პან ზაგლობას დანახვაზედ კნენიან მოუსვენრობა შეეტყო: ეტყობოდა, რომ სტუმრები არ ესიამოვნა. ახალგაზდა თავადთა შორის მხოლოდ ორნი იყვნენ სახლში: სვიმონი და ნიკოლოზი.

— ოჰ, ბოგუნო!— მიეგება კნენიან.— რაზედ გარჯილხარ?

— მოვედი, რომ სალამი მოგცეთ და თავი დაგიკრათ, დედავ. თქვენ კი არ გიამათ, მგონია, ჩემი მოსვლა.

— სიამოვნებით კი მიამა, მხოლოდ გამიკვირდა შენი მოსვლა. ისე შემომესმა, რომ ვითომ შენ ჩიგირინში იყავ შენის პოლკითა. ეგ ვილაა, თქვენთან ერთად რომ გვაწვია უფალმა?

— ეს პან ზაგლობა გახლავთ, შლიახტიჩი, ჩემი მეგობარი.

— დიდად სასიამოვნოა.

— დიდად სასიამოვნოა, — განიმეორეს ახალგაზდა თავადი-შვილებმა.

— პანი! — სთქვა პასუხად შლიახტიჩმა, — მართალია, უდროვოდ მოსული სტუმარი ჭირზედ უარესიაო. მაგრამ ისიც მართალია, რომ ვისაც სასუფეველი უნდა, მოვალეა მგზავრს ბინა მისცეს, მშვიერი გააძლოს, მწყურვალს წყალი ასვას...

— დაბძანდით, დაბძანდით, მიირთვით და შეეჩქეცით. მადლობელნი ვართ, რომ გვესტუმრეთ. ჰა, ბოგუნო, არ მოგელოდი სწორედ. ალბად, საქმე რამ გექნება ჩემთან?

— იქნება საქმეცა მქონდეს, — წყნარადა სთქვა ატამანმა.

— რა საქმე? — ჰკითხა კნენამ მოუსვენრობითა.

— მოვა დრო და მაშინ მოვილაპარაკოთ. ჯერ დავისვენებთ პატარას. ჩიგირინიდან მოვდივართ დაუსვენებლივ.

— მაშ, ძალიან საჩქარო საქმე გქონია?

— ან კი სხვაგან სად უნდა მიმეჩქარებოდეს, თუ არ თქვენსა! კნიაჟნა ხომ კარგად გახლავთ?

— კარგად არის, — გულ-ცივად უპასუხა კნენამ.

— მინდოდა დამენახა თვალით, დავმტკბარიყავ იმის ცქერით.

— ელენეს სძინავს.

— ძალიან ვსწუხვარ. მე აქ დიდ ხანს ვერ დავრჩები.

— სად მიეჩქარები?

— ომი დაიწყო, დედი! დრო არა მაქვს. ვინ იცის, იქნება აიღოს გეტმანმა და გამოძახოს სალაშქროდ: იმიერ ჭორომელების ჩეხა კი ვერაფერი სასიამოვნო საქმეა. ერთხელ არ წავსულვარ იმათთან ერთად და ორჯელ ოსმალთა ქონების წამოსატაცებლად, — მართალს არ ვამბობ, თავადნო? ვინ იცის, რამდენჯერ ზღვა-ზღვა გვივლია, პურ-მარილი გაგვიზიარებია ერთმა-

ეთისათვის, ერთად გვისვამს და გვიქეიფნია, ახლა კი მტრად გადავიკიდებიართ.

კნენინამ დაკვირვებით შეჰხედა ბოგუნსა. ფიქრად გაუელვა იმ აზრმა, რომ იქნება ბოგუნი აჯანყებულთ მიემხრო და მოვიდა ახლო, რომ ჩემი შვილებიც გადიბიროსო.

— რასა ჰფიქრობ, როგორ გინდა მოიქცე?—ჰკითხა კნენინამ.

— მე? რა უნდა ვიფიქრო? მეცოდებიან ჩემნი სისხლნი და ხორცნი, მაგრამ რა ვქნა, მაინც უნდა ვეომო.

— ჩვენც უნდა ვეომოთ,—სთქვა სვიმონმა...

— ხმელნიცკი მოლალატეა!—დაუმატა ნიკოლოოზმა.

— გაწყდენ ყველა მოლალატენი!... დიად, ყველა მოსალოდნელია ამ წუთი-სოფელში; დღეს ძმაა კაცი, ხეალ—იუდა. ველარავის ველარა ჰნდობიხარ.

— კეთილს ხალხს შეგიძლიან მიენდო მხოლოდ.

— მართალია, კეთილს ხალხს თუ ენდობა კაცი. ამიტომაც გენდობით კიდევ თქვენ და მიყვარხართ კიდევცა... თქვენ კეთილნი ხართ, მოლალატენი არა ბრძანდებით... აღბად, ატამანის ხმას სხვანაირი კილო ჰქონდა, რადგან ამ სიტყვების თქმის შემდეგ საშინელი ღუმილი ჩამოვარდა. პან ზაგლობა თავის ცალის თვალით კნენინას უყურებდა, ხოლო ის ბოგუნს არ აშორებდა თვალებსა.

ბოგუნმა განაგრძო:

— ომი ხუმრობა საქმე არ არის და ამიტომ მომინდა თქვენი ნახვა ომში წასვლამდე. ვინ იცის, ცოცხალი-და დავბრუნდები თუ არა, თქვენ კი დაგენანებოდით, მიგლოვდით... მართალი არ არის?

— ღმერთმა დაგიფაროს! ბავშობიდანვე ჩვენს ხელში ხარ გაზრდილი. შენ ჯვარი გწერია.

— თქვენ თავადნი ბრძანდებით, შლიახტიჩები, მაგრამ მაინც არ გეჯავრობოდათ ჩემისთანა უაზახი; თქვენ შემვივრომეთ, თქვენის ნათესავის მოთხოვებას დამპირდით... იცოდით კიდევ, რომ

უიმისოდ ჩემისთანა ყაზახისათვის სიცოცხლე ჩაღად არ ელირებოდა... და თქვენც შემეცოდევით, შემეწყალევით.

— ეგ რა სათქმელი და სალაპარაკოა, — აჩქარებითა სთქვა კენინამა.

— არა, დედი, სათქმელიც არის და სალაპარაკოცა. აი მე ვსთხოვე ამ შლიახტიჩს, რომ მიშველოს და მოსპოს, თუ რამ განსხვავებაა მე და თქვენ შორის. პან ზაგლობა დასთანხმდა და, ომი გათავდებოდა თუ არა, წავალთ ბატონ დიდ გეტმანთან და შევევდრებით ამ საქმეს; იქნება ღმერთმა ინებოს და აზნაურშიღილობა მიბოძონ მეც ისე, როგორც ქშეჩოვსკის უწყალობეს.

— ღმერთი იყოს შენი შემწე, — სთქვა კენინამ.

— გული გტკივთ თქვენ ჩემთვის. ვხედავ ამას და ამიტომ შადლობელი ვარ თქვენი. მაგრამ ლაშკრად წასვლამდე მინდოდა მაინც გამეგონა, რომ თქვენს სიტყვას შეასრულებთ. აზნაურშიღილის მოცემული სიტყვა კვამლი არ არის და თქვენ ხომ შლიახტიჩები ხართ, თავადიშვილნი ბრძანდებით.

ბოგუნნი ლაპარაკობდა დინჯად, ღაღადების ხმაზედ, მაგრამ ამავე დროს იმის ლაპარაკს ეტყობოდა კილო რაღაც მუქარისა, რომელიც აიძულებდა ადამიანს შეესრულებინა ყოველივე, რასაც კი მოითხოვდა მოლაპარაკე. მოხუცი კენინა სდუმდა და ჩუმად გადაჰხედავდა ხოლმე თავის შვილებს. გავიდა რამდენიმე წუთი ასეთის სამძიმო ღუმილისა. მკვარი, რომელიც ანათებდა ტალანს, გაჰქრა, ოთახში დაბნელდა.

— ნიკოლოზ, გაასწორე მკვარი, — უბრძანა კენინამ შვილს.

ახალგაზდა თავადმა სხვა მკვარი გაამაგრა სამ-კაპიან რკინის ჯოხში.

— აბა, თანხმა ბრძანდებით? მაძლევთ სიტყვას? — არ იშლიდა თავისას ბოგუნნი.

— ელენეს უნდა დავეკითხოთ.

— იმან თავის მაგიერადა სთქვას, თქვენ თქვენს მაგიერად მითხარიო. მაძლევთ პირობას?

— გაძლევთ!—ერთად წარმოსთქვეს კნეინამა და მისმა შვილებმა.

ბოგუნი წამოდგა, გამოიჭიმა, მიჰმართა ზაგლობას და ხმამალლა სთქვა.

— პან ზაგლობა! შენც ითხოვე ის ქალი; იქნება შენც დაგპირდნენ.

— შენ მთვრალი ხომ არა ხარ?!—შეჰყვირა კნეინამ.

ბოგუნმა პასუხის მაგიერ ამოიღო ჯიბიდან წერილი სქშეტუსკისა და გადაუგდო პან ზაგლობას.

— წაიკითხე!

ჩამოეარდა მღუმარება და ზაგლობამ დაიწყო კითხვა.

როცა კითხვა გაათავა, ბოგუნმა გულ-ხელი დაიკრიაჟა.

— ვის აძლევთ ელენეს?

— ბოგუნო!

ატამანის ხმა გველის სისინს მოაგონებდა კაცსა.

— მოღალატენო, საზიზღარნო, გამცემელნო!..

კურცევიჩები ეცნენ მაშინვე კედლებს და სტაცეს ხელი იარაღს.

— მოითმინეთ, მოითმინეთ!—შეჰყვირა ზაგლობამ.

მაგრამ ვადრე მან ესა სთქვა, ბოგუნმა იძრო დამბაჩა და გაისროლა.

— იესო!—დაიძახა თავადმა სვიმონმა, გადადგა წინ ფეხი, დატორტმანდა და მძიმედ დაეცა ძირს.

— ხალხო, გვიშველეთ!— განწირულებით დაიღრიალა კნეინამ.

მაგრამ ამ დრთს ეზოსა და ბაღში ატყდა თოფის სროლა, კარები და ფანჯრები შეამტვრიეს და ათი და ოცი შეიარაღებული ყაზახი შემოვარდა დერეფანში.

— სიკვდილი ამათ!—განისმა ხმა განადირებულის ხალხისა. ეზოში ვიღამაც დაჰკრა საგანგაშო ზარი. სანადირო ფრინველთ, რომელნიც დერეფანში იყვნენ, გაელვიძათ და შეჰქნეს ფთხრიალი; ყიჟინი და საშინელი ვაი-ვაგლახი მოჰყვა იმ მღუმარებას, რომელიც მანამდე იყო მიყრუებულს სახლში.

მოხუცი კნენა ქვითინით მიჰვარდა სვიმონის გვამს, რომელიც ოღნავ-ლა ჰფეთქავდა, მაგრამ ორმა ჯარის კაცმა წააგლო ხელი თმაში და გაათრია იქით. ნიკოლოზი მიჰკროდა დერეფნის კუთხეს და ლომივით იგერებდა თავ-დასხმულ მტერთ.

— მომეცათ! — დაიძახა ბოგუნმა. — მომეცათ მანდედან! — გაიმეორა მან გრგვინვით. ყაზახებმა უკან დაიწიეს. იმათ ეგონათ, რომ ატამანს უნდა ცოცხალი გადაარჩინოს ახალგაზდა თავადიო, მაგრამ ამის მაგიერ, ბოგუნი თვით ეკვეთა ხმალ-ამოდებული.

დაიწყო საშინელი ბრძოლა ორისა ხმალ-და-ხმალ. კნენა, რომელიც თმებით ეჭირათ თავიანთის რკინის ხელებით ჯარის-კაცებს, ცეცხლ-მოკიდებულის თვალემათ უცქეროდა ამ ბუმბერაზობას. ახალგაზდა თავადი, როგორც გრივალი, ისე მიეტია ყაზახს, რომელმაც ნელ-ნელა დაიწია უკან და შუადერეფანში გამოიყვანა თავისი მოპირისპირე. უცბად ბოგუნი ჩაქუქდა, აიცილა მოქნევა ხმლისა და, თუ აქამდე საგერს ბრძოლაში იყო, ახლა სატევი ომი დაიწყო.

ყაზახნი სულ-განაბულნი იყვნენ, ხმლები ძირს დაელოთ, სულ თრთოდნენ და ისე შეჰყურებდნენ მებრძოლთ, აბა, ვნახოთ, ვინ გაიმარჯვებსო.

ამ საშინელს სიჩუმეში ისმოდა მხოლოდ ღრმა ქშინვა მებრძოლთა; კრაქუნნი კბილებისა და მკვეთრი ხმა ხმლის ხმალზედ შემოკვრისა.

ერთ ხანად კაცს ეგონებოდა, რომ ახალ-გაზდა თავადი სჯობნის ღონითა და ხერხით ატამანსაო, რომელმაც კვლავ უკან-უკან დაიწყო დახევა; სახე გაუწითლდა დალილილობითა. ნიკოლოზმა თან-და-თან უფრო მეტის ძლიერებით დაიწყო ცემა და შემოქნევა ხმლისა. იატაკს ავარდა მტვერი და ოღნავ შემოერტყა გარშემო მებრძოლთ, მაგრამ ყაზახებმა მაინც დაინახეს სისხლი, რომელიც წითლად ჩამოსდიოდა ლოყაზედ ატამანსა.

ბოგუნი უცბად გახტა განზედ და თავადის ხმალი ეცა ცარიელ ჰაერს; ნიკოლოზი წატორტმანდა, წინ წაიხარა და

ისეთის ძალით დასცა ამ ღროს ხმალი ყაზახმა, რომ თავადი მაშინვე დაეცა, თითქო მუხლები მოჰკვეთესო.

ყაზახი მორთეს ყვირილი სიხარულითა, ხოლო კნინას აღმოხდა გულიდან საშინელი კივილი. ბრძოლა გათავდა. ყაზახნი ეცნენ კედლებსა, ჰგლეჯდნენ იქიდან იარაღს და სთელავდნენ ფეხ-ქვეშ თავადთა და იმ თავიანთ ამხანაგთა გვამებსა, რომელნიც დაჰხოცა ნიკოლოოზმა. ბოგუნი აღარაფერში აღარ ერეოდა. იდგა იმ კარებში, საიდანაც ელენეს ოთახში შეიძლებოდა გასვლა და ძლივს ითქვამდა სულს, ისე იყო მოქანცული. ორგან იყო თავში დაკოდილი. იქვე ახლო რამდენსამე ყაზახს გაკავებული ეჭირათ კნინა, რომელიც გამწარებული იწვედა თავის დახოცილ შეილებსკენა.

ყიჟინი და ჟღავი-ჟღუფი თან-და-თან უფრო ძლიერდებოდა დერეფანში. ყაზახნი მოათრევდნენ თოკებით შეკრულ მხლებლებს კურცვეიჩებისას და უწყალოდ ჰხოცავდნენ. იატაკი სულ სისხლით მორიალდა და გაივსო დახოცილთა გვამებით. უცბად გაიღო ყურთამდე ის კარები, რომელშიაც ბოგუნი ჩამდგარიყო. ატამანმა მიიხვდა უკან. კარებში გამოჩნდა უსინათლო ვასილი და მასთან ერთად ელენე თეთრის ტანისამოსითა, გაფითრებული, შიშისაგან თვალეზ-გაშტერებული, ნახევრად ბაგე-განპობილი.

ვასილის ჯვარი ეჭირა მალლა ამართულს ხელში. ამ საერთო არეულობაში, გაცივებულ და ძირს გართხმულ გვამთა შორის, ამ სისხლში, რომელიც მორიალებული იყო იატაკზედ, მალალის ტანის ვასილი ჭაღარა შერთულის თმებითა და, თვალეზის მაგიერ, შავის ფოსოებით, რაღაც საშინელი რამ სანახავი იყო. კაცს ეგონებოდა, მიცვალებული წამომდგარა საფლავიდან და მოსულა აქ, რომ დასაჯოს დანაშაულიო.

დერეფანში დუმილი ჩამოვარდა. განცვიფრებულნი ყაზახნი შიშით უკან უკან იწვედნენ. მღუმარებას არღვევდა მხოლოდ სუსტი, მიხრწნილი ხმა თავადისა.

— სახელითა მამისათა და ძისათა და სულისა წმინდისათა და ყოვლად-წმინდისა ქალწულისათა! ხალხნო, მოსულნო შო-

რის ქვეყნებიდან, კეთილი ამბავი მოიტანეთ? სამღვთო წერილში ნათქვამია: „კურთხეულ არს კაცი, რომელიცა ჰქადაგებს სიტყვასა მღვთისასა“. თქვენა, კეთილნი მახარობელნი ხართ?

გარშემო საშინელი ღუმელი იყო მხოლოდ. ვასილიმ გადასწერა ჯვარი ჯერ ერთს მხარეს, მერე მეორეს და განაგრძო:

— ვაი თქვენდა, ძმანო, თუ ომი კერძო სარგებლობისათვის დაიწყეთ. მსჯავრ-დადებულნი იქმნებით საუკუნოდ!... ილოცეთ, შეგვიწყალოსცა ჩვენ ღმერთმა. ვაი თქვენდა, ვაი ჩემდა!

კვენსა მიხრწნილის და განწირულის კაცისა აღმოხდა გულიდან თავადს.

— უფალო შეგვიწყალენ!—წაიჩურჩულეს ყაზახებმა, რომელნიც უნებურად შეიპყრო რაღაც მათთვის გაუგებარმა შიშმა.

— უცბად მოისმა საშინელი, გულის-გამგმირი კივილი კნეინასი:

— ვასილი, ვასილი!

იმის ხმას დაეტყო გამოუთქმელი, საზარელი განწირულება. ახლა აღარც კი სკდილობდა გაჰშვებოდა ხელიდან იმათ, რომელნიც იჭერდნენ.

თავადი შეშფოთდა, მიატრიალა ჯვარი იქითკენ, საიდგანაც მოესმა კივილი და სთქვა:

— წაწყმედილო სულო, რომელიც შემოგვკვენესი შევლას დედა-მიწის წიალიდან, ვაი შენდა!

— უფალო შეგვიწყალენ!—განიმეორეს ყაზახებმა.

— ჩემთან მოდით, ჩემთან!—ძლივს წამოიკნავლა ბოგუნმა და დატორტმანდა.

ყაზახნი მისცვიდნენ და შეიმაგრეს თავიანთი უფროსი.

— ბატონო! დაჭრილი ბძანდები?

— დაჭრილი ვარ, მაგრამ ეგ არაფერი! სისხლისაგან დავიცალე. გამიგონეთ, რას გეუბნებით: გაუფრთხილდით ამ ყმაწვილს ქალს, როგორც თქვენს თვალის-ჩინსა... სახლს გარშემო შემოერტყით, არავინ გაუშვავთ გარედ... კნიაჟნა....

ველარ დაათვა თავისი სათქმელი, ტუჩები გაუფითრდა, თვარები აემღვრა.

— გაიყვანეთ ოთახში ატამანი! — დაიძახა პან ზაგლობამ, თომელიც მოულოდნელად გაჩნდა საიდგანდაც სწორედ მაშინ, როცა ბოგუნმა უკანასკნელი სიტყვები წარმოსთქვა. — არა უშავს-რა, არა, — იმეორებდა ზაგლობა და თან უსინჯავდა ჭრილობას ხელითა. — ხვალ კარგად იქნება. მე თვითონ მოვეუვლი. პურის გული და აბლაბუდა უნდა დაეღოთ მხოლოდ. თქვენ გამეცალეთ აქედან, ვაჟკაცნო... წადით და თუნდ სოფლის გოგოებში გაატარეთ დრო; ახლა საჭირონი აღარა ხართ; მხოლოდ ორნი დარჩით და ოთახში გაიყვანეთ ატამანი. აბა, აიყვანეთ. აი აგრე. გასწით, რალსა დგენართ? სახლსაც ყური უგდეთ; მერე მე ვიცი თვითონ.

ორმა ყაზახმა კიმციმ გაიტანეს ბოგუნი მეორე ოთახში, ხოლო დანარჩენები გავიდნენ გარედ.

ზაგლობა მიუახლოვდა ელენეს, თავის ცალის თვალით დაუწყო რილასიც ნიშნება და ჩუმად წასჩურჩულა:

— მე პან სქშეტუშსკის მეგობარი ვარ, ნუ შეგეშინდებათ. ეგ თქვენი წინასწარმეტყველი დააძინეთ მხოლოდ და მელოდეთ.

ზაგლობა შევიდა მეორე ოთახში, საცა, ოსმალურს რბილს ტახტზედ იწვა ბოგუნი და დაუყონებლივ გაჰგზავნა ორივე ყაზახი პურისა და აბლაბუდის მოსატანად. როცა ეს მისი სურვილი შეასრულეს, პან ზაგლობამ დიდის მოხერხებით შეუხვია ჭრილობანი თვისსა მეგობარსა. იმ დროს ყოველს შლიახტიჩს უსათუოდა ჰქონდა ამისთანა სადოსტაქარო ცოდნა.

— უთხარით ყაზახებს, — უბრძანა მან ესაულებს, — რომ ხვალ ატამანი სრულიად კარგად იქნება; ნურას იწუხებენ. ვსთქვათ, კარგად კი აყოფინეს, მაგრამ არა უშავს-რა, ხვალ ქორწილიც იქნება ამისი, თუმცა უხუცესოდ კი. თუ მარანი ამა სახლში და სასმელი რამ იპოვება შიგ, შეგიძლიანთ სვათ. აჰა, ეს ჭრილობანიც შევუხვით; ახლა კი წადით; ატამანს მოსვენება ეჭირება.

ესაულებმა კარებისკენ გასწიეს.

— მთლად კი არ გააშროთ სასმელი მარანში, — მიაძახა კიდევ პან ზაგლობამ მიმავალთა. მოუჯდა თავით ატამანსა და ყურადღებით დაუწყაო ცქერა.

— ჰმ, ნუ გეშინიან, ეშმაკები არ წაგაპანწიალებენ ამისთანა ჭრილობის მიზეზით, თუმცა კარგა კი მოგხვდა. ამ ორს დღეს ვერც ხელს გაანძრევ და ვერც ფეხსა, — ბუტბუტებდა თავისთვის ზაგლობა და დასცქეროდა ყაზახის გაფითრებულს სახესა და დახუჭულს თვალებსა. — ხმაღმა არ ისურვა წყენა ჯალათისა, იმიტომ რომ შენ მაინც მისი წერა ხარ და ვერც ვერსად წაუხვალ. როცა ჩამოგახრჩობენ, მოვა ეშმაკი და სათამაშოდ გაგაკეთებს თავისის შვილებისათვის: შეჭხედეთ და, რა ლამაზი! არა, ქაჯან, კარგად კი სვამ, მაგრამ ეგ არის, ჩემთან ველარ დაჰლევ ამას იქით. სხვა ამფსონები მოსძებნე ახლა, მე კი არავითარი სურვილი არა მაქვს, რომ შენთან ერთად თავს ვეცხმოდე შლიახტიჩების სახლებსა.

ბოგუნმა ოდნავ დაიკვნესა.

— ოჰ, იკვნესე, ზოგი ხვალა პნახე კვნესა და ოხვრაი. მაშ, დამაცადე, შე ურჯულო, კნიაენა მოვესურვა განა? ჰმ, გემო კი გქონია, ქალიშვილი კალმით ნახატია, მაგრამ ვიდრე შენ იმას ხელს ახლებდე, დაე ჯერ უმალ ჩემს ჭკუას ეშმაკები დაეპატრონონ. უმალ ტაშხედ ბალანი ამომივა. პან ზაგლობას მოესმა ჟღაფი-ჟღაფი და ყაყანი; ამ გარემოებამ შეაწყვეტინა ფიქრი და ზრახვანი.

— ეჰე, ეტყობა მარნისათვის მიუგნიათ. კარგი, არ დაგიშლით დათრობასა და ძილს, მე კი აქ ვიფხიზლებ თქვენ მაგიერად, თუმცა არ ვიცი, სასიამოვნო იქნება თუ არა ხვალ თქვენთვის ჩემი მღვიძარება.

პან ზაგლობა წამოდგა და წავიდა, რომ დარწმუნებულიყო, მართლა მიაგნეს თუ არა ყაზახებმა თავადის მარანსა. დერეფანი საშინელი სანახავი იყო. შუაში ეყარნენ გაცივებულნი გვამნი სვიმონისა და ნიკოლოზისა, ხოლო კუთხეში ეგდო კნინა იმ სახით, რა სახითაც გაეჰყლიტათ ის სა-

ცოდავი ყაზახის მუხლებსა. მკვარის სინათლე ოდნავ ანათებდა ოთახს; მისი მკრთალი შუქი ჰკრთოდა სისხლის გუბებში. პან ზაგლობა მივიდა კნენასთან და ხელი დაადო იმის სახეს; ჰნახა, რომ სულ გაცივებულიყო და საჩქაროდ გავიდა გარედ. ცოტა არ იყოს, შიშმა აიტანა. ეზოში ყაზახნი უკვე ქეიფობდნენ. ცეცხლები ერთოთ და მათს სინათლეზედ პან ზაგლობამ დაინახა თაფლის ბოჩკები, ღვინისა და არაყის ჭურჭელი, რომელიც სულ მიენტვრ-მოენტვრიათ და ისე ესევით. ეხლაც ისე იღებდნენ იქიდან სასმელს, თითქო ჰა არისო და სვამდნენ უღმერთოდ. ზოგნი, რომელთაც კარგა მოჰკიდებოდათ უკვე სასმელი, დასდევდნენ თავადიშვილთა მოახლეებს, ზოგნი რალაცნაირის გამძვინვარებით სცეკვამდნენ ჩაჯდომილანი, დანარჩენნი კიდევ შესცქეროდნენ მოცეკვართა და ჩახრინწიანებულის ხმით გასძახოდნენ სიმღერას. იმათს ღრიალს ბანს აძლევდა ყეფა ქოფაკთა, ჰიხინი ცხენთა და ბლავილი ხართა, რომელთაც იქვე ჰხოცავდნენ საქმელად. მოშორებით მოსჩანდნენ რაზლოგის გლებ-კაცნი: შესმენოდათ ხმა თოფის სროლისა და მრავლად მოგროვილიყვნენ, ვნახოთ რა ამბავიაო. ისინი სრულიადაც თავს არ იცხელებდნენ თავადთა დასაცვლად; კურცვერიები ყველას ეჯავებოდათ სოფელში. ქეიფი და ღრიანცელი უფრო და უფრო ძლიერდებოდა თან-და-თან; ყაზახნი ახლა ბოჰკიდან კი არ იღებდნენ სასმელს ჭურჭლით, პირდაპირ შიგა ჰყოფდნენ თავს და ეწაფებოდნენ ხარებივით; ბევრნი ძლივს-ლა იდგნენ ფეხზედ და ტორტმანით დაფრატუნებდნენ. პან ზაგლობა გამოვიდა სულ გარედ, კიბის ბაქანზედ, ყურადღებით მოავლო თვალი მთელს ამ სცენას და მერე მალლა აიღო თავი, ცას შეჰხედა.

—ამინდი კარგია, თუმცა კი ბნელა,—წაიჩურჩულა მან.—როცა მთვარე ჩავა, ისე დაბნელდება, როგორც უკუნეთი.

ჩავიდა ძირს და დინჯად მიუახლოვდა მოქეიფეთა.

—ყოჩად, ვაჟკაცო!—შესძახა პან ზაგლობამ.—ემაგრე უნდა სწორედ, რა დასანანია სხვისა დოვლათი. სულელი იქ

ნება ისა, ვინც არ დაითვრება ატამანის სადღეგრძელოდ. აბა, მიიტანეთ იერიში ბოჩკებზედ! ურა!

— ურა! — დაიღრიალეს მხიარულად ყაზახებმა.

ზაგლობამ აქეთ-იქით მიიხედა.

— ჰაი, თქვე წუწუკებო, თქვე ურჯულონო, ჩამოსადრჩობნო თქვენა! — აენტო უცბად ზაგლობა. — თქვენა სვამთ, თითქო დაღლილი ცხენები იყოთ და იმათ კი, ვინც სახლსა ჰყარაულობს, არაფერს ასმევთ? გასწით ახლავე იქა! გამოსცვალებთ ამ საათში დარაჯნი!

ოციოდე მთვრალი ყაზახი გაეშურნენ მაშინადვე და გამოსცვალეს მოდარაჯე ამხანაგნი, რომელთაც ჯერ არა დაელიათ-რა. მალე ისინიც მოვიდნენ, რასაკვირველია, დიდის სიჩქარითა და შემოერტყნენ ბოჩკებს.

— აჰა, აიღეთ და სვით! — უთხრა ზაგლობამ და დაანახვა სასმელების ბოჩკები.

— გმადლობთ, პანე!

— ერთს საათს უკან უთუოდ თქვენი ადგილი დაიჭირეთ ისევ სადარაჯოდ.

— ბატონი ბრძანდებით, — უპასუხა ყველას მაგიერ ესაულმა.

ყაზახებს სრულიად არ ეჩოთირათ, რომ მბრძანებლობა ახლა პან ზაგლობამ იკისრა ბოგუნს შემდეგ. ამისთანა ამბავი იშვიათად არ მომხდარა და ყაზახნი ყოველთვის კმაყოფილნი რჩებოდნენ ხოლმე, იმიტომ რომ შლიახტიჩი ნებას აძლევდა, როგორც უნდოდათ, ისე მოქცეულიყვნენ.

დარაჯნი გულ-მოდგინედ შეუდგნენ სმას, ხოლო პან ზაგლობამ გლებ-კაცებს დაუწყო მუსაიფი.

— შორს არის აქედან ლუბნი? — ჰკითხა მან.

— ოჰ, შორს არის, პანე! — უპასუხა ერთმა მოხუცმა გლებ-კაცმა.

— დილამდე ვერ მივა კაცი?

— ოჰ, ვერა, პანე!

— შუადღემდე?

— შუადღემდე შეიძლება.

— საით უნდა წაიღეს კაცი?

— პირდაპირ გზა არის.

— არის კი გზა?

— გახლავთ. თავადმა ერიომამ ბრძანა, გზა იყოსო.

პან ზაგლობა განგებ ხმა-მალლა ლაპარაკობდა, რომ ყვირილსა და ხმაურობაში იმისი სიტყვები გაეგონათ ჯარის-კაცებს.

— მოიტათ, ამათაც დააღვივინეთ არაყი, — უბრძანა მან გლენ-კაცებისა, — მაგრამ ჯერ თაფლი დამაღვივინეთ მე... ცივა...

ერთმა ყაზახმა ამოიღო ბოჩკიდან თუნუქის პინათი თაფლი და მიართვა პან ზაგლობას.

შლიახტიჩმა წაავლო ფრთხილად ორივე ხელი, არ დამეკცესო, დაეწაფა და დაიწყო სმა აუჩქარებლად, უსუნთქებლივ.

სვა და სვა ისე, რომ ყაზახთაც კი უკვირდათ. „დაინახე? — წასჩურჩულა ერთმა მეორეს. — ერთი უყურე და მაგ წყეულს ლიახს!“

ამ დროს პან ზაგლობამ თავი უკან-უკან გაღიწია, ბოლოს მოიშორა აწითლებულ პირიდან პინა, მოიწმინდა უღვე-შები, შეათამაშა წარბები და სთქვა ვითომ თავისთვის:

— ჰმ, ურიგო არ არის; ძველია, პირდაპირ ეტყობა, რომ ძველია. თქვენისთანა ტეტებიმა არ უნდა სვან ამისთანა; თქვენთვის ბურახი და ხრაკიანი არაყიც კარგი იქმნებოდა. ძალიან მაგარი თაფლია, ძალიან. ვგრძნობ, რომ ახლა უკეთა ვარ.

მართლაც, პან ზაგლობა ახლა უკეთ შეიქნა; მისმა გონებამ გამოიფხიზლა და დაიწყო მუშაობა. ცხადი იყო, რომ მისი სისხლი, რომელსაც თაფლი შეერია, გადაიქცა იმ კეთილშობილ ნაკადულად, რომელიც, იმის სიტყვისამებრვე, ღონესა და ვაჟაკობასა ჰმატებს ადამიანის ჯანს.

ხელით ანიშნა ყაზახებს, რომ შეგიძლიანთ სვათ კიდევაც, გაიარა ეზოში, დაათვალიერა ყურადღებით ყოველივე კუთხე და ყურე, გაღიარა ასაკეც ბოგირზედ და მესერ-მესერ

დაიწყო სიარული, რათა დარწმუნებულიყო, ფრთხილად იცავს თუ არა დარაჯთა დასი სახლსაო.

პირველ ყაზახს ეძინა, მეორესაც, მესამესაც და მეოთხესაც აგრედვე. ჯერ გზამ გასტანჯა საკმაოდ და ახლა მთვრალეებიც იყვნენ ამასთანავე.

— ფეხებით რომ ათრიო, მაინც ველარას გაიგებენ,— სთქვა პან ზაგლობამ და დაბრუნდა უკან. აგერ საშინელი დერეფანიცა, აი ბოგუნის ოთახიცა. რაკი პნახა, რომ ატამანი მკვლარივით არისო, შლიახტიჩმა ჩუმად გაალო მეორე კარი და შევიდა ელენეს ოთახში.

უსინათლო თავადი ვასილი დაჩოქილი იყო და ხმა-მალ-ლა ლოცულობდა ყოვლად-წმინდა ღვთის მშობლის ხატის წინაშე. იმის ახლო იდგა ელენე, რომელმაც, დაინახა თუ არა ზაგლობა, მოუსვენრობითა და შიშით საესემ შეჰხედა შესულსა. ზაგლობამ თითი მიიღო ტუჩებზედ.

— კნიაჟნა,— ჩუმადა სთქვა შლიახტიჩმა,— მე მეგობარი ვარ პან სქშეტუსკისა.

— დამიხსენით!— შესძახა ელენემ.

— მეც მაგიტომ მოვედი აქა. მენდეთ და იმედი გქონდეთ ჩემი.

— რას მირჩევთ, რა მოვიქმედო?

— უნდა გავიქცეთ, ვიდრე ის ბოროტი უგრძობლადა წევს ტახტზედ.

— რა მოვახერხო? არა მესმის-რა.

— ჩაიცივით კაცის ტანისამოსი და, დავაკაქუნო თუ არა კარები, გამოდით.

ელენემ ყოყმანი დაიწყო და გონება დაფანტვით შეჰყურებდა პან ზაგლობას.

— შემიძლიან განა გენდოთ თქვენა?

— რა დაგრჩენიათ. მერე მაგაზედ უკეთესი?

— დაიფიცეთ, რომ არ მიღალატებთ.

— თქვენ სულ გონება დაგეპნათ. მაინც, თუ გნებავთ, დავიფიცავ: ვფიცავ ღმერთსა და წმინდა ჯვარსა. აქ დალუპვაა თქვენი და გაქცევაა მხოლოდ ერთად-ერთი ხსნა.

— მართალია, მართალი.

— მაშ, ჩაიცვით კაცური ტანისამოსი და მელოდეთ.

— ვასილი?

— ვინ ვასილი?

— ჩემი გიჟი ბიძაშვილი.

— დალუპვა თქვენ გელით და არა მაგას, — უპასუხა პან ზაგლობამ. — ვასილი თუ გიჟია, მაშ მაგათთვის ეგ წმინდანია. მე შევამჩნიე, რომ თქვენი ბიძაშვილი წინასწარმეტყველად მიიჩნიეს იმათ.

— მაინც ბოგუნისათვისაც მაგას არა დაუშავებია-რა.

— ეგ უნდა დავტოვოთ, თორემ ყველანი დავილუპებით... პან სქშეტუსკიც დაილუპება ჩვენთან ერთად. მაშ, აჩქარდით, კნიაჟნა და ნულარას დააყოფნებთ.

სთქვა ესა პან ზაგლობამ, გამოვიდა ოთახიდან და პირდაპირ ბოგუნთან შევიდა.

ატამანი გაფითრებული და მისუსტებული იწვა, მაგრამ ახლა კი თვალები გახელილი ჰქონდა.

— უკეთა ხარ? — ჰკითხა ზაგლობამ.

ბოგუნს რადასიც თქმა უნდოდა, მაგრამ ვერ შესძლო.

— ლაპარაკი არ შეგიძლიან განა?

ბოგუნმა ანიშნა, არაო. სახეზედ ეტყობოდა, რომ იტანჯებოდა. მოძრაობისაგან ჭრილობას პირი ექნა.

— არც ყვირილი შეგიძლიან?

ბოგუნმა მხოლოდ თვალებით ანიშნა, არ შემიძლიანო.

— არც განძრევა?

კვლავ იგივე ნიშანი.

— მით უკეთესი, თუ არც ლაპარაკი შეგიძლიან, არც მოძრაობა; არც ყვირილი: მე და კნიაჟნა კი, ვიდრე შენ მორჩები, ლუბნს წავალთ. თუ მე შენ ის ვერ მოგტაცე, ეს უღვაშები ნულარა მსხმია. როგორ, შე ლორო, შენა! შენ გგო-

ნია, რომ შენთან ყოფნამ თავი არ მომამებზრა? იქნება გგონია, შენისთანა ტეტის დავუწყებ მე კიდევ ამფსონობას!? სულელი! ხომ არ გეგონა, რომ შენის ღვინისა და პატიჟობის გულისათვის ხელს შეეფუწყობდი შენს დანაშაულსა და მოგეშველებოდი სამიჯნურო საქმეებში! ვერ მოგართვის-მეთქი, გეუბნები მე შენა.

რაც უფრო მეტს ლაპარაკობდა პან ზაგლობა, მით ატამანი თვალებს უფრო და უფრო ახელდა. ეძინა თუ ცხადად ესმოდა ყოველივე... იქნება პან ზაგლობა ხუმრობდა?

პან ზაგლობა მაინც თავისას განაგრძობდა.

— რას აქყეტავ მაგ თვალებს, თითქო კატა შესცქნავის ჩიტსაო? შენ გგონია, რასაც ვამბობ, ვერ შევასრულებ? ხომ არ მიბრძანებ, სალამი მოვახსენო თავადს ლუბნში? ხომ არ გინდა ვსთხოვო, რომ თავისი ექიმბაში გამოვიგზავნოს?

ატამანის გაფითრებულ სახეს საშინელი შეტყველება დაეტყო. ბოგუნი მიხვდა, რომ ზაგლობა მართალს ამბობსო; თვალეები აენთო განწირულებითა და გულის-თქმითა, სახე აუქარხლდა. საშინლად დაატანა თავს ძალა, წამოიწია და მის გულიდან აღმოხდა ხმა:

— ეი, ჩემთან, ყაზახ...

ბოგუნმა ვეღარ დაათვა თავისი სათქმელი, იმიტომ რომ პან ზაგლობამ ელვისავით სწრაფად გადააცვა თავს ჯუბა და პირქვე დაამხო საწოლზედ.

— ნუ ჰყვირი, მეგობარო, ყვირილი გაწყენს, — ჩუმად დაიწყო მან ლაპარაკი, — ხვალ დილით, შესაძლოა თავი აგტკივდეს, ხოლო მე, როგორც შენს ძველს მეგობარს, არ მესიამოვნება ეგ ამბავი. ასე სჯობიან, ასე, თბილადაც იქნები, ძილითაც კარგად დაიძინებ და არც ყელი გაგიცივდება. ხოლო რომ ეგ თოფრაკი არ მოიხსნა, ხელებსაც შეგიკრავ... სულ მეგობრობისათვის, რასაკვირველია, რომ მერე მადლობით მომიგონებდე ხოლმე.

ხელები გაუკრა ყაზახს ქამრითა, მერე თავისი ქამარი მოიშველია და იმითი ფეხები შეუკრა ახლა. ატამანი იწვა გაუნძრევლად, გულ-შემოყრილი.

— ავადმყოფისთვის მოუსვენრობა არ ივარგებს, — არ იშლიდა მაინც თავისას პან ზაგლობა. მოუსვენრობისაგან ცუდი ფიქრები აუტყდება ავადმყოფს კაცს და შესაძლოა ცხელება დაემართოს. ახლა კი მშვიდობით იყავ! შემეძლო, ხანჯალი დამეცა შენტვის, რაიცა, ვსთქვათ, უფრო კარგი კი იქნებოდა. მაგრამ შლიახტიჩს არ ეკადრება უიარაღო კაცის მოკვლა. იქნება, შენ თვითონ ამოგზდეს სული. მაშ, ნახვამდის! ვინ იცის, შესაძლოა შეეხვდეთ როდისმე ერთმანეთს, გარნა თუ მე თვითონ ვინდომო შენთან შეხვედრა, დაე ტყავი გამაძრონ და წისკვილზედ დასაფქვავს წუწკს ცხენს გაუკეთონ იმისი იარაღი.

პან ზაგლობა გამოვიდა დერეფანში, გააქრო სანათი და დააკაკუნა ვასილის ოთახის კარები.

თვალ-ტანადი ყმაწვილი გამოჩნდა კარებში.

— თქვენა ხართ, პანნა? — ჰკითხა ზაგლობამ.

— მე ვარ.

— მაშ, წავიდეთ, აბა... ცხენებამდე კი მივიდეთ, თორემ... მაგრამ ყველანი სულ მთვრალეები კი არიან, უენოდ მთვრალეები და ღამე ბნელია. ვიდრე ისინი გაიდვიძებენ და გამოფხიზლდებიან, ჩვენ უკვე კარგა შორს ვიქნებით. ფრთხილად გამოიარეთ, აქ კნენინას გვამია.

— ღმერთო, ღმერთო! — ჩურჩულებდა და გულის ტკივილით ამბობდა ელენე.

III

ორი ცხენოსანი ფრთხილად მიდიოდნენ ტყით-შემოსილ ხეობაში, რომელიც იქვე რაზლოგს ახლო იყო. ღამე ბნელი იყო, მთვარე სულ ჩავიდა და ცა ცაშავის ღრუბლებით შეიმოსა; ხევში ისე ბნელოდა, რომ ორ-სამ ნაბიჯზე არა სჩანდა-რა;

ცხენები წამ-და-უწამ ფორხილობდნენ, რადგან მიწაში ჩარჩენილ ჯირკებს წაჰკრავდნენ ხოლმე მალ-მალ ფეხს. მაგრამ აგერ გათავდა ხეივა და მერე დაიწყო მინდორი, რომელსაც ოდნავ ანათებდა შუქი ჩასულის მთვარისა, ერთმა ცხენოსანმა წაიჩურჩულა:

— ჰკარით ქუსლი ცხენსა!

ცხენები გააქენეს და ისე გაჰქანდნენ, როგორც ისარნი. ბნელი მინდორი თითქო უკან გარბოდა. განმარტოებულნი მუხანნი, რომელნიც აქა-იქ იდგნენ გზის ნაპირებად, ისე მოსჩანდნენ, თითქო ღამის ლანდნი და მოჩვენებანი არიანო. კარგა ხანს აქენეს ასე ცხენები, იმ დრომდე, ვიდრე არ დაიღალნენ და ხვითქში არ გაკურდნენ. მაშინ კი ნება-უნებურად უკლეს ცხენებმა სირბილს.

— მეტი ღონე არ არის,—სთქვა სქელმა მხედარმა,—უნდა შევასვენოთ ცხენები.

აღმოსავლეთის კიდური ცისა ოდნავ მოიცვა ვარდის ფერმა ნისლმა. სიბნელეში ნელ-ნელა გამოჩნდა სურათი სხვა-და-სხვა საგნისა: ხეთა, ბუჩქთა, ნარ ეკალასი, გორხანებისა; ახლა შეიძლებოდა ცხენოსანთა სახის გარჩევაცა. ეს ცხენოსნები იყვნენ ზაგლობა და ელენე.

— მეტი ღონე არ არის, უნდა შევასვენოთ ცხენები,—განიმეორა პან ზაგლობამ:—გუშინ დაუსვენებლივ იარეს ჩიგირინიდან რაზლოგამდე. დიდ ხანს ვერ შესძლებენ ამდენს სიარულს; ეშიშობ, გზაში არ დაგვიცვიდნენ. როგორა ხართ, პანნა?

პან ზაგლობამ შეჰხედა სახეზედ თავის თანა-მგზავრს, პასუხს აღარ მოუცადა და დაიძახა:

— ნება მიბოძეთ, ამ დღის სინათლეზედ გავსინჯოთ. ჰოოო! ეგ ტანისამოსი თქვენის ბიძაშვილისაა? უნდა გამოვტყდე, რომ მშვენიერს ყმაწვილს დაჰმგზავსებინარ. ჩემს სიციოცხლეში არა მყოლია თქვენისთანა პაეი, მაგრამ თქვენს თავსაც მალე პან სქმეტუშსკი წამართმევს. ეგ რაღაა?... ღვთის გული-

სათვის აიკეცეთ თმა, თორემ არავინ არ დაიჯერებს, რომ ქალი არა ხართ.

ცხენის ქენების გამო ელენეს ნაწნავები დაჰშლოდა და გაწეწილი სქელი თმა შემოაჭხვეოდა მის მხრებსა და ბეჭებს.

— სად მივდივართ? — ჰკითხა ქალმა და თან ცდილობდა თმები ქულ-ქვეშ შეემალა.

— საცა გზა წავგიყვანს.

— მაშ, ლუბნს არ მივდივართ?

ელენეს ხმას ოდნავ დაეტყო კილო მოუსვენრობისა და უნდობლობისა.

— აი რა მოგახსენოთ, კნიაჟნა, მე ჩემი ჭკუა მაქვს და, მენდეთ, ყოველივე კარგად მოვისაზრე. ხოლო ჩემი მოსაზრებანი ამ ბრძნულ საძირკველზედ დავამყარე: ნუ ილტვი იქით, საითკენაც მღვევარი გამოგეკიდება: თუ ეხლა მოგვდევენ, უთუოდ ლუბნის გზისაკენ გაემართებოდა მღვევარი, იმიტომ რომ გუშინ ხმა-მალლა დავუწყე გამოკითხვა ხალხს, ლუბნის გზა საით არის-მეთქი; ბოგუნსაც უთხარი, როცა გამოვემშვიდობე, რომ ლუბნს მივდივართ-მეთქი. Ergo, მივდივართ ეხლა ჩერკასსა. თუ გამოგეკიდებიან, მალე არ გამოგეკიდებიან, იმ დრომდე არ გამოგეკიდებიან, ვიდრე არ დარწმუნდებიან, რომ ლუბნის გზაზედ არა სჩანს იმათი კვალიო. ამას კი ბარე ორს დღეს მოუწდებიან. ჩვენ კი მანამდე ჩერკასში ამოვყოფთ თავს, საცა სდგანან პოლონელთა სადროშონი პან პიენიციკისა და რუდომინებისა. ხოლო კორსუნშია დაბანაკებული მთელი მხედრობა გეტმანთა. მიხვდით ახლა, კნიაჟნა?

— მივხვდი და ვიდრე პირში სული მედგმის, თქვენი მადლობელი ვიქნები. არ ვიცი, ვინა ბრძანდებით, როგორ გაჩნდით რაზლოგში. მაგრამ ვგონებ თვით ღმერთმა გამოგგზავნათ ჩემდა მხსნელად, რადგან უმაღ ყელს გამოვიპრიდი, ვიდრე იმ კაცის შველელს მივეცემოდი ხელში.

— ის ბოროტია და, ამას გარდა, ისე გიცქერის, თითქო თვალით უნდა შესკამოსო.

— რა დაეუშავე, რაზედა მღევნის? დიდი ხანია ვიცნობ და დიდი ხანივთა ჭირით მეჯავრება. იმის შეხედვაზე სხვა გრძნობა არა მებადება—რა, შიშის მეტი. ნუ თუ ჩემს მეტი აღარავინ არის ქვეყანაზედ, რომ ვგრე შევეუყვარდი, ჩემის გულისთვის ეგოდენი სისხლი დაჰლვარა, ჩემი ბიძაშვილები ამოჰხოცა? რა წყალში გადავარდე? სად დავიმალო? ნუ გაგიკვირდებათ ჩემი ლაპარაკი... ღმერთსა ვფიცავ, ისე უბედური ვარ, რომ სიკვდილი მირჩევენთან...

ელენეს სახე აენტო; ლოყებზედ ორი პატარა ცრემლი ჩამოუგორდა გულ-მოსულობით და ზიზლის გამო.

— არ აგინირდები,—სთქვა პან ზაგლობამ;—რომ ვითომ თქვენს სახლს დიდი უბედურება არ დასტეხოდეს თავს, მაგრამ ნება მიბოძდეთ მოგახსენოთ, რომ ცოტადნად თქვენი ნათესავებიც დამნაშავენი არიან. არ უნდა დაჰპირებოდნენ ყაზახს თქვენს თავსა, ხოლო რაკი დაჰპირდნენ, მერე უარი აღარ უნდა ეთქვათ. როცა ყოველივე ესე მოჰხდა, ისეთმა გამძვინვარებამ მოუარა, რომ ველარავითარმა ჩემმა ლაპარაკმა ველარ დაამშვიდა მისი გული. მეცოდებიან თქვენი ბიძაშვილები, მეტადრე ის უნცროსი. ჯერ სულ ბავშვი იყო, მაგრამ ეტყობოდა, რომ თავის დროზედ სახელოვანი რაინდი დადგებოდა.

ელენემ ქვითინი დაიწყო.

— ცრემლები არ შეჰშვენის თქვენს ტანისამოსს. მოიწმინდეთ და სთქვით: ღვთის ნებაა-თქო! ღმერთი დასჯის კაცის მკვლელსაც, რომელმაც მაგოდენი სისხლი დააქცია და თქვენი თავი კი, ერთად ერთი საგანი თვისის ტრფიალისა და ძებნისა, დაჰკარგა.

პან ზაგლობა გაჩუმდა პატარა ხანსა.

— მაჩვენებდა კი ჩემს სეირს, ღმერთო ჩემო, თუ ჩამიგდებდა ხელში! მგონი ცოცხალს გამაძრობდა ტყავს. თქვენ ჯერ არ იცით, კნიაენა, რომ უკვე გალატში შევიმოსე ოსმალთაგან მოწამებრივი გვირგვინი. ესეც სრულიად საკმარისია ჩემთვის, სხვა წამება აღარ მინდა და ამიტომ მივდივარ ჩერკასსა და არა ლუზნს. დიალაც, კარგი იქმნებოდა, თავადთან

დამალულიყავით, მაგრამ რომ დაგვეწოდნენ? ვერ გაიგონეთ, როცა ცხენები ავუშვი, ბოგუნის პაქა გაიღვიძა? ერთიც ვნახათ, დაჰკრა განგაში? ერთს წუთს ყველანი დამეზადებოდნენ და დაგვიქერდნენ უეტქველად, იმიტომ რომ შეუძლიანთ სულ უკეთესი დასვენებული ცხენები აირჩიონ თავადებისა, მე კი დრო არა მქონდა ცხენები ამომერჩია. ოჰ, დიდი ძალღია ეგ ბოგუნი, გეფიცებით! ისე გავუმწარე ახლა იმას სული, რომ ის მირჩევნია თვით ქაჯს შევეყარო და იმას კი არა.

— ღმერთმა დაგვიფაროს იმის ტყვეობისაგან.

— თვითონვე დაჰლუბა თავისი-თავი, რადგანაც ჩიგირინს თავი დაანება და გეტმანთა ბრძანება უგულვებელ-ჰყო; ამას გარდა ჩხუბი აუტეხა რუსეთის მოურავს. იმის მეტი აღარა დარჩენია-რა ახლა, რომ ხმელნიცკისთან გაიქცეს, მაგრამ აქაც შეიძლება ვარაუდი ჩაეფუშოს: ხმელნიცკი ამ ჟამად, შესაძლოა, დამარცხებულიც კია. კრემენჩუგს იქით შეჰხვედრია ენძიანი ბარაბაშისა და ქშენოვსკის მხედრობას; იმათ გარდა კიდევ ხმელეთით მიდიან გუსარნი პან სტეფანე პოტოცკისა.

— მაშ, ენძიანმა მოიტანა წერილი კუდაკიდან?—იკითხა ჩიტვივით შეფრთხილებულმა ელენემ.

— დიად, წერილები პან სქშეტუსკის მოწერილი იყო თქვენთან და კენინასთან, მაგრამ ბოგუნმა წაართვა, წაიკითხა, გაიგო ყოველივე, მძიმედ დასჭრა ენძიანი და გამოექანა კურცევიჩებთან, შური უნდა ვიძიოვო.

— ოჰ, საწყალი ბიჭი! ისიც დაიტანჯა ჩემის გულისათვის!

— იმისთვის ნუ იწუხებთ. გადარჩება კრილობას.

— როდის მოჰხნა ყოველივე ეგა?

— გუშინ დილით. ბოგუნისთვის კაცის მოკვლა ისევია, რაც ზოგიერთისთვის ერთი ჯამი ღვინის დაღვევა. მაგრამ ისე კი დრო აღებდა და გრგვინავდა იმ წერილებს შემდეგ, რომ მთელს ჩიგირინს ღგანდგარი გაჰქონდა.

მუსაიფი შესწყდა პატარა ხანს. ახლა სულ გათენებული იყო. განთიადის ნათელმა წითლად და ყვითლად შეჰღებდა მა-

ნამდევ მთლად მიძინებული მინდორი. ჰაერი წმინდა იყო და გრილი; ცხენები მხნედ ფრუტუნებდნენ და აქნევდნენ კისრებს.

— აბა, გავაჭენოთ ცხენები. კარგად დაისვენეს და ღროს კი ვერ დავკარგავთ,—სთქვა პან ზაგლობამ.

ჰკრეს კვლავ ქუსლი ცხენებსა და კარგა ხანს ასე ქენე-ბით მიდიოდნენ; უცბად იმათ პირდაპირ გამოჩნდა რალაც შავი წერტილი, რომელიც საოცარის სისწრაფით უახლოვდებოდა მგზაერებს.

— რა უნდა იყოს ნეტავ ეგა?—სთქვა პან ზაგლობამ.— შევაჩქროთ ცხენები. მხედარია.

მართლაც, ვიღაც მხედარი მოჰქროდა, რაც ძალი და ღონე ჰქონდა. განაბულიყო ცხენზედ, წახრილიყო ცხენის ფაფურისაკენ და უუაბუნებლა მათრახს ცხენსა.

— რას მოჰქრის აგრე გაჩქარებული ეგ მავნე სული, ეგა? შერე რანაირ მოჰქრის!—წაილაპარაკა პან ზაგლობამ და ამოიღო ბუდიდან დამბაჩები, მზად ვიყო მანც ყოველ შემთხვევისათვისაო.

მხედარი ახლა ოც და ათს ნაბიჯზედ-ლა იყო.

— გაჩერდი!—დაიგრილა პან ზაგლობამ და დაუმიზნა დამბაჩა.—ვინა ხარ?

მხედარმა შეაყენა ცხენი და მალლა აიღო თავი.

— პან ზაგლობა!

— პლესნეესკი, ჩიგირინის უფროსის მსახური? აქ რა გინდა, სად მიხვალ?

— პან ზაგლობა! დაბრუნდით უკან, მე მომყევით, საშინელი უბედურებაა! რისხვა ღვთისა, მსჯავრი უფლისა!

— სთქვი, რა მოხდა, რა იყო?

— ჩიგირინი იმიერ ქორომელებმა დაიჭირეს. გლეხ-კაცნი ჰკლევტავენ შლიახტას. ღვთის წყრომია!

— უფალო, შეგვიწყალენ! რას ამბობ?—ხმელნიცკი?

— პან პოტოცკი დამარცხდა, პან ჩარნეცკი ტყვედ არის შეპყრობილი. თათრები ყაზახებთან ერთად მოდიან. ტულაი-ბეი...

— ბარაბაში მერე? ქშეჩოვსკი-ლა?

— ბარაბაში მოჰკლეს, ქშეჩოვსკი ხმელნიცკის მხარეზედ გადავიდა. კრივანოსმა ჯერ ისევ გუშინ გაილაშქრა გეტმანთა წინააღმდეგ, ხმელნიცკიმ კიდეც დღეს დილით. საშინელი ძალა აქეთ. ქვეყანა ცეცხლშია, გლეხ-კაცნი აჯანყდნენ ყველგან, სისხლი კოკის-პირულად იღვრება. გაიქეცით!

პან ზაგლობამ თვალეზი დააჭყიტა, პირი დააღო და ისეთს საგონებელში ჩავარდა, რომ ხმა ვეღარ ამოიღო.

— გაიქეცით! — განიმეორა პლენსევსკიმ.

— იესო, მარიამი — დაიკენესა პან ზაგლობამ.

— იესო, მარიამი — წაიჩურჩულა ელენემ.

— გაიქეცით, დრო აღარ არის.

— საით, სად?

— ლუბნსა.

— შენ იქ მიდიხარ?

— იქა. თავადთან.

— აი, ჯანდაბას შენი თავი და ტანი! მიაძახა პან ზაგლობამ. — გეტმანები სადღა არიან?

— კორსუნს ახლოსა სდგანან. მაგრამ კრივანოსი, უთუოდ, იმათ ებრძვის ახლა.

— კრივანოსია, თუ პრიამონოსი, სულ ერთია, ეშმაკმა წაიღოს. მაშ, იქითაც წასვლა ამაოა?

— ვითომც ლომს ჩავარდნიხართ პირში, პირდაპირ დალუპვა იქნება.

— შენ ვილამ გამოგგზავნა ლუბნსა? შენმა ბატონმა?

— ბატონი მოკვდა, ხოლო მე ნათლია-ჩემმა, იმიერ-ქორო-მელმა გადამარჩინა სიკვდილსა და მიშველა გამოვქცეულიყავ. ლუბნში ჩემთავად მივრბივარ, იმიტომ რომ არ ვიცი, საით წავიდე.

— რაზლოვს გვერდი აუხვიე. იქ ბოგუნია. იმასაც უნდა აჯანყებულთა მხარეზედ გადავიდეს.

— ოჰ, ღმერთო ჩემო! ჩიგირინში ლაპარაკობენ, რომ დღეს არა, ხვალ მთელს იმიერ-ქორომეთში აჯანყდებიან გლეხ-კაცნიო.

— შეიძლება, შეიძლება! გასწი, მაშ, შენს გზაზედ, ხოლო მე ჩემის თავისათვის ვიზრუნებ.

პლენსეესკიმ გადაჰკრა მათრახი ცხენს და გაჰქუსლა.

— რაზლოგს კი შორს მოუარე!— დაუძახა პან ზაგლობამ. თუ შეგხვდეს ბოგუნი, არ უთხრა, რომ მე მნახე. გეყურება?

— მესმის,— უპასუხა პლენსეესკიმ.— ღმერთი იყოს თქვენი მფარველი!— და მალე მიიმალა.

— ჰერიგელიძეა... — გაკიანურებითა სთქვა პან ზაგლობამ— ესეც შენი ეშმაკები და ქაჯები! ათასი ჯანაბა და ღოზანა გამომივლია და ამისთანა კი ჯერ არა გადამხედია— რა. წინ ხმელნიცკია, უკან ბოგუნი... თუ ასეა, მაშ გროშად არ მიღირს არც ჩემი წინა კალთა, არც უკანა და არც სულ ჩემი თავი. სისულელე შობივიდა, რომ ლუბნს არ წავედით, მაგრამ ახლა გვიანდაა წუწუნნი. ფუი, ეშმაკო, ფუი! მთლად ჩემი ტვინი იმისთვის— ღა ვარგა, რომ ნაღებს წაუსვას კაცმა გასაპოხნად. რა ვუყო, რა ქვას ვახალო თავი? მთელს რესპუბლიკაში ვგონებ კუთხე აღარ არის ისეთი, საცა კაცს შეეძლოს თვისის სიკვდილით მოჰკვდეს. მე კი, სწორე მოგახსენოთ, ამისთანა საქმეში არავის დახმარება არ მინდოდა.

— პან ზაგლობა!— სთქვა ელენემ,— ჩემი ბიძაშვილები, იური და თეოდორე ეხლა ზოლოტონოშას არიან. იქნება იმათ შეიძლონ და რაიმე შემწეობა მოგვცენ.

— ზოლოტონოშას? მოითმინეთ... ჩივირინში გავიცანი პან უნეეციკი, რომელსაც ზოლოტონოშას ახლო ორი მამული აქვს. რა ვქნათ? როცა სხვა გზა არ არის, ამ გზას დავადგეთ. საქირთა მხოლოდ უგზო-უკვლოდ ვიაროთ. მინდორ-მინდორ და ტყე-ტყე სიარული უფრო ნაკლებ საშიშია. ერთის კვირით მაინც თუ მოვახერხებთ შევაფაროთ თავი და დავიმალოთ საღმე... ამ ხნის განმავლობაში გეტმანები გაუთავებენ საქმეს ხმელნიცკის და უკრაინაში კვლავ მშვიდობიანობა დამყარდება.

— დავიჯერო ღმერთმა იმიტომ გადაგვარჩინა ბოგუნისაგან, რომ ხსნა ველარსად ვიპოვოთ? იმედი გქონდეთ.

— მომითმინეთ პატარა კიდევ. რაღაც ახალს ძალ-ლონესა ვგრძნობ. ბევრ-გვარ ყოფაში ვყოფილვარ. როდისმე, როცა მოკლით ვიქნები, გიამბობთ, რა ცეცხლში ვიყავ გალატსა და, მაშინ მიხვდებით, რომ ბევრჯელ გავბმულვარ მახეში და ძალიანაც გავბმულვარ, მაგრამ მაინც მომიხერხებია თავის დახწევა, თუმცა, როგორც ჰხედავთ, მაგისტანა ამბის გამო წვერი შემექნა ჭალარა. ჩვენ მაინც გზას უნდა გადუხვიოთ. აბა, გადადით გზას იქით, ვგრე, აი. ცხენზე ისე ჰზიხართ, თითქო ნამდვილი ყაზახი იყოთ. ბალახი მაღალია, კაცი თვალს ვერ მოგვეკრავს.

რაც უფრო შორს მიდიოდნენ მინდორ-მინდორ, ბალახი უფრო მაღლდებოდა. ცხენები ძლივს არღვევდნენ წელამდე ბალახს და მალე სულ ოფელში გატურდნენ.

— თუ გვინდა, რომ უფრო დიდხანს გვემსახურნენ ცხენები, — სთქვა ზაგლობამ, — უნდა ჩამოვხდეთ და იარაღი მოვხსნათ. დაე პატარა ხანს დაისვენონ. ვგონებ, აქედან შორს აღარ უნდა იყოს კალამლიკი. იქ კარგია. ლელიანებზე უკეთესი აღარა არის-რა: ჩავიმაღლებით შიგა და ვგონებ თვით ეშმაკმა და ქაჯმაც ველარ გვიპოვნოს. საქმე ის არის, რომ გზა-კვალი არ აგვერიოს მხოლოდ.

ზაგლობა ჩამოხდა ცხენიდან, უშველა ელენესაც ჩამოხდარიყო და დაიწყო ხურჯინიდან ამოლაგება ყოველ-გვარის სანოვაგესი, რომელიც რაზლოგიდან წამოვლო წინ-დახედულს აზნაურშიღოს.

— პატარას უნდა შევწყალო, თორემ გზა დიდი გვაქვს. აუთქვით რამე, კნიაენა, წმ. რაფაელსა, რომ იქნება მშვიდობით მივიდეთ ბინაზედ. ზოლოტონოშაში ციხე მაინც არის პატარა; იქნება მეციხოვნებიცა სდგანან შიგა. პლენესკიმა სთქვა, რომ გამოღმა მხარშიც აჯანყებას აპირობს ხალხიო. ჰმ! დაუჯერებელი არა არის-რა, აქ ყველას სული სცვივა ამბოხებისათვის; გამოღმა-მხარს კი განაგებს ხელი თავადისა, ხოლო თა-

ვადის ხელი კარგა მძიმეა. ბოგუნს მაგარი ზურგი აქვს, მაგრამ თუ ეს მძიმე ხელი დაეშვა ზედ, ცუდად მოჰკუნტავს... აბა, შეექცით.

პან ზაგლობამ ამოიღო ხორცის ნაჭერი და მიაწოდა ელენეს, მერე პურის პატარა ნაჭერიც წინ დაუდო.

— მიირთვით, კნიაჟნა. როცა მუცელი ცარიელია, თავში ეშმაკები ფერხულს აბამენ. ჩვენს თავშიც ეშმაკებმა ფერხული დააბეს უზმოზედ, როცა ლუბნისკენ არ წავედით. მაგრამ რაღა დროს ეს ლაპარაკია! უნდა ვიფიქროთ, რომ თავადი ეხლა დნებრ-გაღმა გაემართებოდა გეტმანთა საშველად. საშინელს დროს შევესწარიოთ, რადგან ძმა-ძმის მკვლელი ომი ყოველ ომზე საშიშია. კუთხე აღარსად არის, რომ მშვიდობიანს კაცს შეედლოს თავი შეათაროს. ბევრად მერჩივნა სასულიერო უწყებაში მემსახურნა, იმიტომ რომ მშვიდობის მოყვარული ვარ და მომთმენო, მაგრამ ბედმა სხვაფრივ განაგო საქმე... ღმერთო ჩემო! ვიქნებოდი ეხლა ჩემთვის კრაკოვის საკრებულო ტადრის მღვდელი და მოგყვებოდი. ლამაზად წირვის გალობას... მერე ხმა, უნდა მოგახსენოთ, ძალიან კარგი მაქვს. მაგრამ ვაი ჩემდა! ყმაწვილობიდანვე გაიტაცა ჩემი გონება გარდამავალმა სილამაზემ. ოჰ, ვერ წარმოიდგენთ, რა ლამაზი ვიყავი! ხშირად მოეხდარა, რომ დაავლებ, ესტკვათ, თვალს ამა თუ იმ ყმაწვილს ქალს, გადიგრებავ ასე ულვაშს... და გათავდაერთი ოცის წლით ყმაწვილი უნდა ვიყო, ჰნახავდა მაშინ პან სქშეტუსკი თავის სეირსა:.. არ მიკვირს, რომ ყმაწვილნი კაცნი მზად არიან თქვენის გულისათვის ერთმანერთს ყელები გამოჰლადრონ. პან სქშეტუსკი... ოჰ, ისიც ძალიან თავზედ-ხელადებუელია. მახსოვს ერთხელ ჩაპლინსკის რომ ეცა. მართალია, თქვენს საქმროს, ცოტათ არ იყოს, თავში ღვინო უბრწყინავდა, მაგრამ მაინც, სწვდა თუ არა ქეჩოში, უკაცრავად კინუ ვიქნები თქვენთანა და, ისე მიანარცხა კარებსა, რომ ძვლებმა სულ ჭაჭი-ჭუჭი დაუწყო. მოხუცი ზაცვილიხოვსკი დიდის პატივისცემით იხსენიებს ხოლმე, ამბობს, რომ სახელოვანი რაინდია, თავადს-მოურავს ძალიან უყვარსო; მეც კი დავრწმუნდი

შემდეგ, რომ ყოველივე ესე მართალია... ოჰ, რანაირ სიცხეს იჭერს! თუმცა თქვენთან ყოფნა და ასე მუსაიფი დიდად სასიამოვნოა ჩემთვის, მაგრამ რას არ გავიღებდი მაინც, რომ ეხლა ზოლოტონაში გაეჩნდებოდეთ უცბად. ახლა კი ვხედავ, რომ დღისით ბალახებში უნდა ვიმალოთ თავი და ღამ-ღამობით ვიაროთ. ეს მაწუხებს მხოლოდ, აიტანთ თუ არა ყოველ ამ გაჭირვებას?

— მე კარგადა ვარ და ყოველისავე გაჭირვების ატანა შემიძლიან. თუ გინდათ, ეხლავე მზადა ვარ, გზას გავუდგეთ.

— რაინდის სულია დამკვიდრებული თქვენს აგებულებაში. ცხენებმა დაისვენეს და ყოველ შემთხვევისათვის შევკაზმავ. მანამდე ვერ მოვისვენებ, ვიდრე კალამლიკის ლელიანებს არ დავინახავ... უნდა გამოგიტყდეთ, საშინლად მეძინება. გუშინდელი ღამე თეთრის თვალით გავათენეთ ჩიგირინში; დღისით კიდევ ეშმაკი და ქაჯი რაზლოგისკენ მიმაფრენდა და ახლა იქიდან მომაფრენს. ისე მეძინება, რომ ლაპარაკის ხალისიც კი აღარა მაქვს, და თუმცა ფილოსოფოსნი ამტკიცებენ, რომ ენა იმიტომ მისცა კაცს ღმერთმა, თვისი აზრები გამოსთქვასო, — ჩემი ენა მაინც მოიღალა. წინდაწინვე გთხოვთ პატივებას, თუ ძილმა თავი წამართვა.

პან ზაგლობა ტყუილად ამტყუნებდა თავისს ენასა, იმიტომ რომ უთენიავე დაიწყო ფქვა, ხოლო ძილით კი მართლა ეძინებოდა. შეჯდა თუ არა ცხენზედ, მაშინვე თავის ქინდერას მოჰყვა და მალე დაეძინა კიდევ. ელენე ძალა-უნებურად გაიტაცა იმ აზრებმა, რომელიც ჯარივით ესეოდა მის გონებას. აქამდე ერძს სანახაობას მეორე მოსდევდა ისეთის სისწრაფით, რომ ყმაწვილმა ქალმა ვერ შეიძლო ანგარიში გაეწია ყოველისავე იმისი, რაც თავს გადაჰხდა. თავს-დასხმა სახლზედ, საშინელი სცენები კაცის-კვლისა, მოუსვენრობა და გულის-ჩქროლა, მოულოდნელი შემწეობა და გამოქცევა, — ყოველივე ესე ერთ განურკვეველ, ბუნდოვან სურათად უდგა თვალ-წინ. მერე იმდენი რამ მოულოდნელი ამბავი ერაოდ! ვინ არის ეს კაცი, მისი დამხსნელი? მართალია, ამ კაცმა სთქვა, რა გვარისაც

არის, მაგრამ გვარის თქმა სრულიადაც არ არკვევდა მიზეზებს იმის საქციელისას. საიდან გაჩნდა რაზლოგში? ამბობს, რომ ბოგუნთ ან ერთად მოვედიო; მაშ, ცხადია, მისი ამხანაგია, მისი მეგობარია, ხოლო თუ ასეა, რაღად გადამარჩინა და როგორ ჰკისრულობს ყაზახის საშინელს შურისძიებას, რად ადგებს თავს საშინელს განსაცდელში? მხოლოდ ის მიხვდებოდა, რა კაცი იყო ზაგლობა, ვინც იცოდა მისი მოუსვენარი ხასიათი და კეთილი გული, ხოლო ელენემ გაიცნო ეს კაცი სულ ექვსის საათის წინად. და აი სწორედ ეს კაცი, რომელსაც ლოთი-მაწაწალას სახე აქვს, მხსნელია ახლა ჩემიო! სამის დღის წინად რომ შემხვედროდა, უსიამოვნებისა და ზიზღის მეტს არას მაგრძნობინებდა მისი დანახვა. ახლა კი ისე შევეყურებ, როგორც ჩემს მფარველ ანგელოზს და მივრბივარ მასთან ერთად... სად? ზოლოტონოშას, ან იქნება კიდევ სხვაგან სადმე, მეც არ ვიცი რიგიანად... ღმერთო, ღმერთო! ჯერ ისევ გუშინ დავწექ დასაძინებლად საკუთარ მშვიდობიანს ჰერ ქვეშ და ახლა კი მინდორში ვარ, ცხენზე ვზივარ, ვაჟკაცის ტანისამოსით... უსახლ-კაროდ, უსაფანოდ. მღევნის საშინელი მტერი, რომელსაც უნდა რომ მიყვარდეს; თვალ-წინ მეხატება ყოვლადი საშინელება ერის აჯანყებისა, ძმა-ძმის მკვლელის ომისა, ყოველივე განსაცდელი... და ერთად-ერთი ჩემი იმედი და ნუგეში ეს კაციაო... არა, არის კიდევ ისეთი რამ, რაც კაცის, მკვლელთა და ავაზაკთა უმაღლესია, რაც მაღლა სდგას ომსა, ცეცხლსა და ძალ-მომრეობაზედ...

— მაშ, მიხსენ და დამიფარე, შენ, დიდებულო და მოწყალეო! მიხსენ მე, საცოდავი, ყველასაგნ დატოვებული!

ღიად, ღმერთი მოწყალეა. მან დაიფარა სასწაულებრივ საშინელის უბედურებისაგან. განსაცდელი იქნება ასცდა კიდევ, გარნა იქნება ხსნაც შორს აღარ იყოს. ვინ იცის, სად არის ის, რჩეული მისი: გულისა? იქნება დაბრუნდა სეჩიდან, იქნება აქ არის, ამ მინდორში. ხომ დამიწყებს ძებნას, მიპოვის და მერე... ოჰ, მერე მწუხარებასა და ცრემლს შესცვლის სიხარული,

გულის ჩქროლასა და მოუსვენრობას—მტკიცე რწმენა მომავალის ბედნიერებისა....

ყმაწვილის ქალის გაურყვენელს გულს მიეფინა რაღაც წყნარი სიხარული, გარშემო მინდორიც ხმაურობდა სააღერსოდ, სასალმოდ, ნელი ნიაფიც გარს ევლებოდა თვისის აყვავებულ ბალახთა ტკბილის სურნელოვანებით. არც ისე ყველასაგან მიტოვებული ვარ: აგერ ჩემ გვერდით ჩემი კეთილი მფარველი, ხოლო შორს მეორეა, ძვირფასი, საყვარელი, რომელსაც ვახსოვარ, რომელიც არ დამტოვებს, მოვა, მომიალერსებს... ხოლო ის მეორე სახელ-განთქმული რაინდია, მორკმული და ძლიერ უფრო ძლიერი, ეიდრე ისინი, უინც მე მღევენის...

მინდორს საამურად გაჰქონდა შრიალი; ყვავილნი ჰფენდნენ გარშემო თვისს ტკბილს სურნელებას, ყოველი მცენარე პატივის-ცემით იხრიდა მის წინაშე თავს, თითქო უნდათ გაამხნეონ ქალიო. ამას ეჩურჩულდებოდნენ: ნუ სტირ, ქალიაჲ, ლამაზო და მშვენიერო, ჩვენც არა გვყავს მცველნი და მფარველნი, მაგრამ აგერ ეიზრდებით და ვყვავით. ხმა მინდვრისა გულსა სწვდებოდა ახალგაზდა ქალს და თან-და-თან უფრო ამშვიდებდა მის მღელვარებას. სურათნი სიკვდილისა, ბრძოლისა და მღეევარისა ნელ-ნელა ჰქრებოდა, ჰხუნდებოდა. ქალი თან-და-თან რაღაც ტკბილს მიბინარებას ეძლეოდა, თვალეზი უნებურად ეხუჭებოდა, ცხენის ფეხის თანაბარი ხმა ნანასავით ესმოდა.

ელენეს დასთვლიმა, ჩაეძინა.

IV

ელენე საშინელმა ძაღლის ყუფამ გამოაღვიძა. მიიხედ-მოიხედა და ცოტა მოშორებით გამოჩნდა ნიშნები მოსახლობისა: ლობე, ლობეს იქით წერო, რომელიც ჭაზედ იჯდა, დაჩრდილული ხე... ელენემ მაშინვე გააღვიძა თავისი ამხანაგი.

— ჰან ზაგლობა, გაიღვიძეთ!

შლიახტიჩმა თვალები გააჭყიტა.

— ჰა? რა ამბავია? მოვედით განა?

— არ ვიცი.

— მოითმინეთ. ეს ყაზახთა საზამთრო ბინაა.

— მეც აგრე მგონია.

— აქ, აღბად, ჩოდრები სცხოვრობენ. ვერაფერ სასიამოვნო კამპანიას შეევეყარენით. ე ძაღლები რაღას ამტყუდარან, ეგ მგლის კერძნი! ლობესთან ვილაც კაცები დგანან, ცხენები მოსჩანს... მეტი ღონე არ არის, უნდა მივიდეთ, თორემ, სულ ერთია, გამოგვეკიდებიან. თქვენც ჩაგეძინათ, მგონია.

— დიაღ.

— ერთი, ორი, სამი... ოთხი შეკაწმული ცხენია... და ოთხი კაცი. ჯანაბას, ბევრნი არ არიან. სწორედ ეგრეა, ჩოდრები არიან. რალაცას ლაპარაკობენ გაცხარებით. ეი, ხალხნო, ვინა ხარა მანდა? აქ მოდით!

ყაზახნი მაშინვე მიუახლოვდნენ. მართლა ჩოდრები იყვნენ და საქონელს ადევნებდნენ თვალ-ყურს მინდვრად. პან ზაგლობამ იმ წამსვე შეჰნიშნა, რომ ერთი მათ შორის შეიარაღებული იყო ხმლითა და თოფით, ხოლო დანარჩენნი—კომბლებით, რომელთაც ცხენების თავი ჰქონდათ ბოლოზედ დამაგრებული.

ოთხივენი კოპებ-შეკრულნი შესცქეროდნენ მგზავრებსა. სახეზედ ემჩნეოდათ, რომ იმათგან სიკეთე არა გამოვიდოდა-რა.

— ამბავი?—იკითხა ერთმა ქუდ-მოუხდელად.

— მშვიდობა?—უპასუხა პან ზაგლობამ.

— უკუნითი-უკუნისამდე! რა გნებავდათ?

— სიროვატაია შორს არის აქედან?

— სიროვატაისა ჩვენ არა ვიცით-რა.

— ამ საზამთრო ბინას რა ჰქვიან?

— გუსლია.

— წყალი დაგვიღვივინეთ ცხენებსა.

— წყალი არ არის, დაშრა. საიდან მოდიხართ?

— კრივია რუდიდან.

— სად მიდიხართ?

— ჩიგირინსა.

ჩოდრებმა ერთმანეთს შეჰხედეს.

ერთმა ტიღასავით შეემა და თვალეზ-დაბრეცილმა, რომელიც უფრო ძლიერ ათვალიერებდა პან ზაგლობას, იკითხა:

— მერე გზიდან რად გადაგხვევიათ?

— ცხელა და იმიტომ.

თვალეზ-დაბრეცილმა პან ზაგლობას უნაგირსა სტაცა ხელი.

— ჩამოდი ახლავე ცხენიდან, პან პოლონელო! ჩიგირინს შენ საქმე არა გაქვს.

— ვითომ რატომაო?—გულ-დამშვიდებითა ჰკითხა პან ზაგლობამ.

— ამასა ჰხედავ?—ჰკითხა თვალეზ-დაბრეცილმა და ერთ-ერთი ჩოღარი ანიშნა.

— ვხედავ და მერე რაო?

— ჩივირინიდან არის მოსული. იქ ლიახებსა ჰქულებთავენ.

— მერე იცი, შე წუწკო, ვინ მოდის ჩვენს უკან ჩივირინსა?

— ვინა?

— ვინა და თავადი ერიომა!

ჩოღრები იმ წამსვე დამშვიდდნენ. თითქო უბრძანა ვინმემო, მაშინვე ყველამ ქულები მოიგლიჯეს.

— მერე, იცით, თქვე ტუტუცნო,—განაგრძო კვლავ პან ზაგლობამ,—პოლონელნი როგორ ეპყრობიან იმათ, ეინც პოლონელებსა ჰქულებთავენ? სახრჩობელაზედ ახრჩობენ. იცით, მერე, რომ თავად ერემიას ჯარი მოჰყავს და აქედან სულ სამის ვერსის მანძილზედ-ღაა? რაო, ძაღლებო, ჩაიკმინდეთ ხმა განა? ასრე გაგვიმასპინძლდით მაშა? ჭა დაგიშრათ? წყალი აღარა გაქვთ ცხენებისათვის? ჰაი, თქვე ავაზაკნო! მე თქვენ გაჩვენებთ სეირსა!

— ნუ გვიწყრებით, პანე! ჭა ღრმაა.. თვითონ ჩვენც კალამლიკს დავდივართ და იქ ვასმევთ წყალს ცხენებსა, ჩვენთვისაც იქიდან მოგვაქვს წყალი.

— ჰა-ჰაი, ლირფნო!

— მოგვიტევეთ, პანე; ჭა გაშრა. თუ გვიბრძანებთ, ეხლავე წავალ წყალზედა.

— უთქვენოდაც გავარიგებ ჩემს საქმეს, თვითონ მე წავალ. სად არის აქ კალამლიკი?—ჰკითხა მრისხანედ პან ზაგლობამა.

— ნახევარ-ვერსი იქნება აქედან,—სთქვა პასუხად თვალეზ-დაბრეცილმა და ანიშნა ლელიანი ნაპირი მდინარე წყალისა.

— გზაზედ გავალ მერე, ნაპირ-ნაპირ რომ ვიარო?

— გახვალთ. გზაზედ ფონზედ ჩადის.

— ბიკო, გასწი წინა! — უბრძანა პან ზაგლობამ ელენესა.

ტყუილმა ბიკმა მოატრიალა ცხენი და გაჰქუსლა.

— გამიგონეთ, — მიჰმართა ჩოდრებს პან ზაგლობამ, — თუ ჯარი მოვიდეს აქა, უთხარით ჩემი, რომ ნაპირ-ნაპირ წავიდა-თქო.

— ბატონი ბრძანდებით, პანე.

პატარა ხანს უკან პან ზაგლობა დაუმხარდამხარდა ელენეს.

— კარგ დროს ვახსენე თავადის სახელი, — სთქვა მან და შეათამაშა მარჯვენა თვალი. — მთელს დღეს ისხდებიან იქა და ჯარს დაუწყებენ ლოდინსა.

— ძალიან დაახწიეთ თავი უხერხულს ყოფასა! — სთქვა ელენემ. — არ ვიცი, როგორ გადევხადო ღმერთს მადლობა, რომ თქვენისთანა მფარველი მომივლინა.

ხანში შესულ შლიახტიჩს პირს ღიმილი მოუვიდა სიამოვნებისაგან და წვერებზედ ხელი გადაისვა კმაყოფილებით.

— განა? იცოცხლეთ, რომ ზაგლობას გოგრა აქვს. ცბიერია, როგორც ულისსი, და უნდა მოგახსენოთ, კნიაჟნა, თუ არ ეგ ცბიერება, აქამდე ყვავები დამკორტნიდნენ. მეტი რა ჯანი იყო, უნდა გადამერჩინა თავი. მალე დაიჯერეს თავადის მოახლოვების ამბავი, იმიტომ რომ ჭკუას ახლო იყო: დღეს არა, ხვალ გაჩნდება ერემია ამ ქვეყანაში, გაჩნდება ცეცხლის მახვილითა, ვით მთავარ-ანგელოზი. მერე თუ გზაში გასრისა სადმე ბოგუნი, აღთქმას დაედებ, ფეხ-შიშველა მივიდე ჩენსტოხოვოს. ვსთქვათ, ჩოდრებმა ჩვენი სიტყვა არ დაიჯერეს, მაგრამ მაინც მარტო ხსენება თავადის სახელისა საკმაო იყო, რომ ველარა გაებდნათ-რა ჩვენთვისა. უნდა კი გითხრათ მაინც, რომ მათი თავ-გასულობა კარგი ნიშანი არ არის ჩვენთვისა. მგონია ტეტიობამ შეიტყო, ხმელნიცკი იმარჯვებსო და თანდა-თან უფრო თავს გადის. ახლა უნდა ვეცადოთ, რაც შეიძლება, თავს ვარიდებდეთ სოფლებსა... საშიშია. ნეტავი, თავადს მაინც შევხვდებოდეთ სადმე მალე, თორემ ისეთს ვაგლახში ჩავარდით, რომ რალა მოგახსენოთ.

ელენე ძალიან შესწუხდა.

— ღრმად ვარ დარწმუნებული, რომ მეც გადამარჩენთ სიკვდილსა და თქვენს თავსაცა, — სთქვა ელენემ იმ აზრითა, რომ იქნება ერთი სიტყვა მაინც ვამაგონოს ნუგეშინის-ცემისათვის.

— დიდაც; კაცს ქუთა იმიტომ აქვს მიცემული, რომ იზრუნოს რამე თავისათვის, მერე ისე შემიყვარდით, რომ თქვენს დაფარვას ისევე ვეცდები, როგორც საკუთარის ჩემის ქალიშვილისას, კუდი ის არის მხოლოდ, რომ ჩვენ არ ვიცით, სად მივდივართ. ზოლოტონოშაც საიმედო თავ-სათარი არ არის.

— ნამდვილად ვიცი, რომ ჩემი ბიძაშვილები ზოლოტონოშას არიან.

— ვინ იცის, იქ არიან თუ არა, შეიძლება წამოვიდნენ იქიდან, ხოლო რაზლოგში იმ გზით არ დაბრუნდებიან, რა გზითაც ჩვენ ზოლოტონოშას მივდივართ. მე უფრო იქაურ მეციხვანეთა იმედი მაქვს. ნეტავ ერთი ნახევარ-სადროშოს ჯარი მაინც იღგეს იმ ციხეში! აგერ კალამლიაცა. ახლა ლელიანები ხომ მაინც ახლთა. გავიდეთ წყალში და იმის მაგიერ, რომ გზა-გზა ვიაროთ, წყალ-შედმა შევყვეთ. მაშინ ჩვენს კვალს ველარავინ იპოვის. რაზლოგს კი ვუახლოვდებით, ვსთქვათ, მაგრამ ახლო კი მაინც არა ვართ.

— სჯობდა კი, რომ ბროვარკის მივახლოვებულყავით. იქიდან გზა ზოლოტონოშას მიდის, — ურჩია ზაგლობას ელენემ.

— რახან აგრეთა, მაშ ბროვარკისაკენ გავსწიოთ. მოითმინეთ.

ცხენებს წყალი დაალევიან. პან ზაგლობამ ლელიანებში დასტოვა ელენე და თვითონ ფონის საძებნელად წავიდა. ფონი მალე იპოვა, რადგან იქვე ახლო იყო. უნდა განეგრძოთ გზა, ხოლო ეს ადვილი საქმე არ იყო. კალამლიკს უერთდებოდა მრავალი ხევის წყალი და ფშანები, რის გამოც გარშემო, ლია-ქაობიანი. ადგილები იყო. ყველგან ფონი უნდა ეძებნა კაცს, ან არა და ლელიან-ქალიანებში ეარნა. ცხენები მოიღალნენ

და ფეხებს ძლივს მიათრევდნენ. პან ზაგლობა ჰგონებდა ხან და ხან, რომ გზაში დაგვიცვივდებიან სადმე ჩვენი რაშებიო.

ბოლოს ჩვენმა მგზავრებმა მოახერხეს და მალალ სანაპიროზედ ავიდნენ, საცა მშრალი იყო და მუხის წვრიმალა ახეთქილიყო. მაგრამ ახლა უკვე ძალზედ დაღამდა და სიარული შეუძლებელი იყო,—ვაი თუ ქანქრობიანში. 'მეეტოპოთ სადმეო,—ამიტომ პან ზაგლობამ გადასწყვიტა, ღამე აქ უნდა გავათიოთო.

ცხენებს უნაგირები მოსხნა, სამ-სამი ფეხი თოკით გაუბა, მერე მოჰკრიფა ბლომად ფოთოლი, გადაათარა ზედ ყაჯარი და მოასვენა ელენე.

— დაწეკით, კნიაჟნა, და დაიძინეთ, სხვა საქმე აღარა გვაქვს-რა. ცეცხლს ნუ დავანთებთ,—საშიშია. ღამე პატარაა და გათენდეს თუ არა, განვაგრძოთ გზა. დაიძინეთ გულ-დამშვიდებით. საკმაოდ მოვიღალენით და, თუმცა დიდი მანძილი არ გამოგვივლია, გზა-კვალი ისე ავრიეთ, რომ ეშმაკიც ვეღარ მოგვაგნებს. ღამე მშვიდობისა.

— ღამე მშვიდობისა, პან ზაგლობა!

ელენე დიდ ხანსა ტრიალებდა შამფურივით ამ თავის ხელდახელ მომზადებულ ლოგინზედ, მაგრამ ბოლოს მაინც გუნებიერმა ძილმა დაუბუჟა თვალები. ის-იყო თენდებოდა, რომ ქალის ყურს მოესმა შორიდან რაღაც ხმაურობა, რაღაც საშინელი ღმუილი, მერე გმინვა, ისეთის საცოდაობისა და თან ისეთი ველური, რომ სისხლი გაეყინა ძარღვებში. უცბად წამოხტა ფეხზედ, საშინლად შეშინებული და არ იცოდა, რა მოექმდნა. უცბად მის ახლო ელვასავით გაირბინა პან ზაგლობამ, რომელსაც დამბაჩები ეჭირა ხელში. მოისმა სროლა დამბაჩისა... და კვლავ ისევ დადუმდა ყოველივე. ელენეს ეგონა, რომ საუკუნე გავიდაო მანამდე, სანამ კვლავ არ გაიგონა ხმა პან ზაგლობასი.

— აი, კისერი მოგტეხოდეთ, ცოცხლივ დაეხრაკეთ ცეცხლზედ, თქვე ავაზაკნო, თქვენა!

პან ზაგლობას ხმაზედ ეტყობოდა, რომ სწორედ განწირულებით ამბობდა ამ სიტყვებს.

— რა მოხდა? — საჩქაროდ ჰკითხა ელენემ.

— რაღა რა მოხდა, მგლებმა ცხენები დაჰკლიჯეს.

— ღმერთო ჩემო! ორივე?

— ერთი სულ ერთიანად, მეორე კი ისე დაამახინჯეს, რომ სიარულს ვეღარ შესძლებს. წუხელ პატარაზე შორს წასულან, სამასიოდე ნაბიჯზედ და ასე კი მოხდა...

— რაღა გვეშველება ახლა?

— რაღა გვეშველება? გამოვქრათ თითო ჯოხი და გადავსხდეთ ზედ. ხათაბალაა სწორედ! მოგახსენებთ, ბატონო, რომ სწორედ ეშმაკს დაუფიცნია გაგვიჭირვოს საქმე, რადგან უთუოდ ჰმეგობრობს ბოგუნსა, ან იქნება ნათესავადაც მოჰხვედება. რა გვეშველება? ღმერთმა მკითხოს, თუ ვიცოდე, ცხენად გადამაქციოს; თქვენ მაინც შეიძლებოთ მაშინ წასვლას სადმე. წყეულ-შეჩვენებული ვიყო, თუ ჩემს დღეში ამისთანა რამ საქმე დამმართნოდეს.

— ფეხით წავიდეთ...

— თქვენ რა გიშავთ, ახალგაზდა ხართ; ვაი ჩემი ბრალი, რომ ასეთ აგებულების კაცმა ტეტეურის ჩვეულებით უნდა ვიმგზავრო ახლა. ესეც კი უნდა ვსთქვათ, რომ აქ ყოველს ტეტეას თავისი ცხენი ჰყავს... აქეთ ძაღლები თუ დადიან ფეხითა... ცეცხლია, მე და ჩემმა ღმერთმა! დიაღაც, აქ რას მოვეუხსნდებით, წავალთ, მაგრამ როდის მივალთ ზილოტონონოშას, მაგისი კი რა მოგახსენოთ. ცხენით სიარულიც თუ საიმისო გულის გასართობი საქმე არ იყო, ფეხით წანწალი რაღა იქნება, ისეთი ცუდი საქმე. დაგვემართა, რომ ამაზედ ცუდი, აღარა მგონია, დაგვემართადა კიდევ. ხურჯინები აქ უნდა დავტოვოთ და, რაც საგზალი გვაქვს, ხელით წავიღოთ.

— არას გზით ნებას არ მოგცემთ, რომ თქვენ წამოიღოთ რამე ხელითა. მე თვითონ წამოვიღებ, რაც საჭიროა.

პან ზაგლობას დარდი გადაეყარა, როცა ასეთი მორჩილება დაინახა ყმაწვილის ქალისა.

— ძვირფასო კნიაჟნა, — სთქვა მან, — ოსმალთა უნდა ვიყო, ან წარმართი, რომ მაგის ნება მოგცე. მძიმე ტვირთის საზიდელად არ არის გაჩენილი თქვენი ქალღმერთ თეთრი პაწაწინა ხელები. ღმერთი მოწყალეა, მარტო მეც მოვერევი; ეგ არის მხოლოდ, ხშირ-ხშირად მომინდება დასვენება, რადგან წინად ისეთი მოკრძალებული ვიყავ ქამა-სმაში, რომ ახლა ნათაზითა ვარ ავად. ახლა ვისაუზმოთ, წავილოთ თან ყაჯრები, საგზალი და გავუდგეთ გზას.

საუზმის დროს პან ზაგლობას სულ გადაავიწყდა თავისი ჩვეულებრივი მოკრძალება სმა-ქამაში, ან იქნება ცდილობდა, მოეშორებინა როგორმე ნათაზი, რომელიც ძალიან აწუხებდა. შუადღე მოახლოვებული იყო, რომ ფონს მიაღვინენ. როგორც ეტყობოდა, წყალში კარგა ბლომად გასულიყო ხალხი.

— იქნება ეს გზა ზოლოტონოშას მიდის, — შეჰნიშნა ელენემ.

— ვაი, რომ არ ვიცი...

პან ზაგლობამ ვერ დაასრულა სიტყვა. შორიდან რაღაც ლაპარაკი მოესმა.

— მოიჯინეთ, კნიაჟნა, დავიმალოთ, — ჩასჩურჩულა ზაგლობამ.

ხმაურობა თან და თან ახლოვდებოდა.

— ჰხედავთ რასმე? — ჰკითხა ელენემ.

— ვხედავ.

— ვინ არის?

— უსინათლო მოხუცია ფანტურითა. პატარა ბიჭი მოსდევს თანა. ახლა წაღებს იხდიან. წყალ-წყალ მოდიან ჩვენსკენ. წყალის შხაპუნმა დაამტკიცა პან ზაგლობას სიტყვების სიმართლე. ორივენი გამოვიდნენ თავიანთ ჩასაფრებულ ადგილიდან.

— დიდება ღმერთსა! — წარმოსთქვა ხმა-მალლა შლიახტიჩმა.

— უკუნიათი უკუნისამდე! — უპასუხა მოხუცმა. — თქვენ ვინა ბრძანდებით?

— ქრისტიანენი. ნუ გეშინიან, მოხუცო.

- წმინდა ნიკოლოზმა მოგცეთ ჯანი და ბედნიერება.
- საიდან მოდინხარ, პაპაჯან?
- ბროვარკიდან.
- ეს გზა საით-ღა მიდის?
- სოფლისკენ მიდის...
- ზოლოტონოშაში კი ვერ მიიყვანს კაცსა?
- რატომ, პანე.
- დიდი ხანია, რაც ბროვარკიდან წამოხვედი?
- გუშინ დილით, პანე.
- რაზლოგში ხომ არა ყოფილხართ?
- ვიყავით. ამბობენ, იქ რაინდნი მივიდნენ, ომი იყოვო.
- ეგ შენ ვინ გითხრა?
- ბროვარკში ამბობდნენ. ერთი მხლებელი მოვიდა იქ თავადებისა და საშინელი ამბავი მოიტანა!
- თქვენ კი ვერა ჰნახეთ ის მხლებელი?
- მე ვერაფის ვერა ვხედავ, პანე, უსინათლო ვარ.
- ეგა, ეგ ბიჭი?
- ესა ჰხედავს, მაგრამ მუნჯია; ამისი ლაპარაკი მარტო მე მეყურება.
- რაზლოგი შორს არის აქედან? ჩვენ იქ მივდივართ.
- ოჰ, ძრიელ შორს არის!
- მაშ, თქვენ ამბობთ, რომ რაზლოგში ვიყავითო?
- ვიყავით, პანე.
- დიად, იყავით?— კვლავ ჰკითხა პან ზაგლობამ და უცებ სტაცა ბიჭს ხელი კისერში. — ჰაი, თქვე წუწკებო, ავაზაკნო, დადინხართ, ჯაშუშობთ, ხალხს აღელვებთ, ეი, თედორე, ოსტაპ, მაქსიმე! შეიპყარით ესენი, გაჰხადეთ ტანისამოსი, გაატიტვლეთ სულა და ჩამოახრჩეთ, ან არა-და— დაარჩეთ წყალში! დაჰკათ ამათ, დაჰკათ ამ მემამბოხეთა.
- ზაგლობამ დაუწყა ბიჭს ჰანჯლარი. მოხუცმა დაიჩოქა და დაუწყა ვედრება, შემოწყალეო; ბიჭი რაღასაც ზმუოდა, ხოლო ელენეს პირში სიტყვა გაუშრა, ისე გაოცდა.

— რასა ჰკადრულობთ მაგასა?—ჰკითხა მან ბოლოს და არა სჯეროდა, რასაც თვალითა ჰხედავდა. მაგრამ პან ზაგლობა თავისას არ იშლიდა: ჰყვიროდა, იწყევლებოდა, ჯოჯოხეთს უწოდებდა შემწეობისათვის; შლიახტიჩს თავი ველარ შეეკავე-ბინა.

კნიაჟნას ეგონა, რომ ეს არის გავიჟდა ეს კაციო.

— გაიქეცი აქედან!—დაუყვირა მან ქალსა.— შენ არ უნდა დაინახო, რაც მოჰხდება, გაიქე საჩქაროზედ!

და მან კვლავ მიჰმართა მოხუცსა.

— გაიხადე ტანთა, მოხუცო, თორემ სულ ნაკუწ-ნაკუწ დაგლეჯავ.

პან ზაგლობამ წააქცია ბიჭი და თვითონ დაუწყო გახდა ტანისამოსისა. შეშინებულმა მოხუცმა გადააგდო ფანტური, გუდა და პატარა ბოლჩა.

— გაიხადე ყველაფერი, შე თათარო, შენა!—ჰქუხდა ზაგლობა.

მოხუცმა დაიწყო პერანგის ხდა.

კნიაჟნა საჩქაროზედ გაიქცა შორს, ხოლო წყევა-კრულვა პან ზაგლობასი კიდევ დიდ ხანს მოესმოდა შორიდან. გაირბინა კარგა მანძილი და მერე გაჩერდა, რადგან არ იცოდა, რა ექნა ახლა. ახლო ხე ეგდო და იმაზედ ჩამოჯდა. პან ზაგლობას წყველა-ყვირილი და გმინვა მოხუცისა ჯერ კიდევ არა სცხრებოდა.

ბოლოს, ყოველივე მიჩუმდა და მხოლოდ ფრინველნი ჰიკტიკობდნენ და ხეთა ფურცელნი შრიალებდნენ გარშემო. მაგრამ აი მოისმა ვილასიც ფეხის ხმა. ელენემ მოიხედა.

მის ახლოს იდგა პან ზაგლობა.

ზურგზედ გადაეკიდნა ტანისამოსი, რომელიც მოხუცისა და ბიჭისათვის გაეხადნა, ხელში ეჭირა ორი წყვილი წალა და ფანტური. ჯერ შორიდანვე დაიწყო მან ღიმილი და თამაშობა თავის მართალის თვალითა.

პან ზაგლობა ძალიან კარგს გუნებაზედ იყო.

— არც ერთს აღვოკატს არ უყვირნია იმდენი სასამართლოში, რამდენიც მე ვიყვირე, — სთქვა მან. — ასე გასინჯე, ხმაუკი წამივიდა. მაინც ვიშოვე, რაც მინდოდა, ხოლო ისინი დედისობილა გავისტუმრე. თუ ხონთქარი ფაშობას არ მომცემს, ან ვლახეთის ბატონად არ დამსვამს, უმადური კაცი იქნება სწორედ; უმადური იქნება იმიტომ, რომ ოსმალთა წმინდანების რიცხვი გაევამრავლე*). ჰაი, ის წუწუკები! მთხოვეს, პერანგებს მაინც ნუ წაგვარამეგვ-ა და მე კი ვუთხარი, მაღლობელნი იყავით, რომ ცოცხლებსა გტოვებთ-მეთქი. ერთი ჰნახეთ, კნიაჟნა: სულ ახალია, წაღებიცა, პერანგებიცა. აბა რა წესი და რიგი უნდა იყოს რესპუბლიკაში, როცა ტეტობა ასე კარგად იცვამს? დღეობაში ყოფილან ბროვარკსა, ბლომად ფული უშოვიათ და ახალ-ახალი ტანისამოსი უყიდნიათ ბაზრობაში. ზოგიერთი შლიახტიჩი ვერ აიღებს წლითი-წლობამდე თავის მაძულიდან იმდენსა, რამდენსაც ზოგი უსინათლო მოხუცი მოაგროვებს თვისის ფანტურით. გათავებული საქმეა! ამიერიდან ვანებებ თავს ჩემს სარაინდო ხელობას და დავიწყებ გზა-გზა გლახა-მათხოვართა ძარცვასა, იმიტომ რომ ეხლავე eo modo უფრო მალე შეიძლება უზრუნველი ყოფა დაიმკვიდროს.

— რაში გამოვადგებათ მერე დიდი ქონება? — ჰკვირობდა ელენე.

— რაში გამოვადგება? — არ იცით, განა? მაშ მოითმინეთ ერთს წუთსა და მე ავიხსნით, რაშიაც გამოვადგება.

პან ზაგლობა მიიმალა სასწრაფოდ ბუჩქებში, რომელიც მრავლად იყო წყალის ნაპირას. რამდენისამე წუთის შემდეგ მოისმა იქიდან ხმა ფანტურისა, ხოლო პატარა ხანს უკან გამოჩნდა... პან ზაგლობა კი აღარა, არამედ ნამდვილი „უკრაინელი მოხუცი“ ერთ თვალზე ბისტ-გადაკრული, დიდის ჰალარა წვერითა. „მოხუცი“ მოდიოდა ელენესაკენ და თან მღეროდა თვისის ჩახრინწიანებულის ხმით:

*) პოლონურად არის ასეთი ანდაზა: «goly, jak tureckie Swieto» — ტეტეულია, როგორც ოსმალთა წმინდანი.

ახატულ-ჩამოხატულო,
 ჩემო მიმინო, მწყაზარო,
 ძმა ხარ ჩემი გულისაო,
 დაჰფრინავ მაღლა-მაღლა,
 თვალს ავლებ შორის-შორა!

კნიაენამ ტაში-ტაშს შემოჰკრა და უნებურად ხარხარი დაიწყო.

— წინდაწინვე რომ არა მცოდნოდა, ეს პან ზაგლობაა-მეთქი, ვერას გზით ვერ გიცნობდით, — სთქვა ქალმა.

— განა? — კმაყოფილებით წარმოსთქვა პან ზაგლობამ. — თუნდა დაგენაძლავებით, რომ ყველიერშიაც არ გინახავთ ჩემ-ზედ უკეთესი ბერია. კალამლიკის წყალში ჩავიხედე და თუ უკეთესი მეფანტურე მენახოს სადმე, დეე, ამ ჩემის გულის თასმით ჩამომახჩნონ. სიმღერებიც ბლომად ვიცი და ლექსებიც არ გამომეღევა. აბა რის მოსმენა გნებავთ? იქნება მარუსა ბოგუსლავნას ლექსი გნებავთ, ან ბონდარივენასი, ან სერიაგის სიკვდილისა? ესეც შემიძლიან. დეე, რომელმაც გინდათ, იმ ყაზახმა შემომაფურთხოს თვალეში, თუ ლუქმა პური არ ვი-შოვნო შეზარხოშებულ ჟამპანიაში.

— მესმის, მესმის! — წარმოსთქვა ელენემ. — იმიტომ მოი-ქეციით აგრე, რომ არავინ გვიცნოს?

— დილაც, — დაემოწმა პან ზაგლობა. — რა გგონიათ? აქ, ამიერ-დნებრის მხარეს, ხალხი ბევრად უარესია, ვიდრე სხვაგან სადმე, და მხოლოდ თავადის რკინის მარჯვენას შეეძლო მისი შეკავება. ახლა კი, როცა ყველამ გაიგო, რომ ომია იმიერ-ქორომეთთან ატეხილი, რომ ხმელნიცკიმ გაიმარჯვა რამდენ-ჯერმე, ვერავეითარი ძალა ვეღარ შეიმაგრებს ხალხს აჯანყებისაგან. გახსოვთ ჩოდრები, რა ნაირ ტკბილად გვიცქეროდნენ? თუ გეტმანებმა ვერ შემუსრეს ხმელნიცკი ერთს დღესა, ან ორ დღეს უკან, მთელს მხარეს ცეცხლი მოედება... მაშ, როგორ გაგიტარო მშვიდობით აჯანყებულ ბრბოთა შორის? ხოლო იმათ ხელში ჩავარდნა უარესია კიდევ თქვენთვის, ვიდრე ბო-გუნის ხელში ყოფნა.

— ოჰ, ეგ შეუძლებელია! სიკვდილი მირჩევენან!—გააწყვეტინა სიტყვა კნიაჟნამ.

— მე სიცოცხლეს ვამჯობინებ, იმიტომ რომ სულ ერთია, სიკვდილისაგან მაინც კაცი თავს ვერ დაიხსნის. მე მგონია, რომ თვით ღმერთმა მოგვივლინა ის მათხოვარანი. ახლა ისინი სამს ღღეს მაინც ისხდებიან ლელიანებში შიშითა, ხოლო ამა-სობაში, როგორც იქნება, ჩვენ ზოლოტონოშას მივალწევთ. თუ ვიპოვით იქ შენს ბიძაშვილებს, ხომ რა კარგი, თუ არა და—წავიდეთ ახლა სხვაგან, გეტმანებთან, ან ვუცადოთ თავაღსა; უნდა იცოდეთ მერე, რომ სულ უშიშრად ვიქნებით ყველგან, რადგან ყაზახნი გლახა-მათხოვართ არას უშავებენ. ასე გასინჯე, ხმელნიცკის ბანაკშიაც კი შეგვეძლო ამ სახით გავლა. მხოლოდ თათრების შეხვედრისა უნდა გვეშინოდეს. მაშინათვე ტყვედ წაგვიყვანენ, რაკი შეგატყობენ, რომ ეს კარგი ყმაწვილი ბიჭიაო.

— მაშ, მეც უნდა გამოვიცვალო ტანისამოსი.

— უეჭველად. პატარა ყაზახის მაგიერ, უნდა გლეხის ბიჭად გადაიქცეთ. მართალია, ძრიელ ლამაზი ხართ და გლეხის ბიჭობა ნაკლებ გეტყობათ, როგორც ნაკლებ მეტყობა მოხუცი-მეფანტურობა, მაგრამ არა უშავს-რა. მზე მალე მოგვეიდებათ, ხოლო სიარულით სისქე მომაკლდება. როცა ვლახელებმა თვალები ამომწვეს, მეგონა, რომ ამაზე ღიღი უბედურება აღარა შეიძლება-რა-მეთქი, მაგრამ ახლა ვხედავ ზოგი ჭირი მარგებელია, რადგან მეფანტურე რომ უსინათლო არ იყოს, ძალიან საეჭვო საქმე იქნება. თქვენ უნდა მატაროთ ხელითა და ონუფრი მძახოთ—ეს იქნება ჩემი სახელი მათხოვრობის დროს. ახლა კი გამოიცვალეთ ჩქარა ტანისამოსი; დროა გავუდგეთ გზას.

პან ზაგლობა მოშორდა ელენეს. ქალმა გაიხადა ყაზახური ტანისამოსი, ჩაყურჭუმელაჲდა წყალში და ჩაიცვა გაძარცულის ბიჭის ტანისამოსი. რალაც ბედად ორივენი ერთის ტანისანი აღმოჩნდნენ.

ზაგლობა დაბრუნდა და გულ-დასპით აათვალღერ-ჩაათვალღერა ქალი.

— გეფიცებით, — სთქვა მან, — არა ერთი და ორი რაინდი მოისპობდა სიამოვნებით მხედველობას, ოღონდ კი შენისთანა ბიჭი ეტარებინა, ხოლო ერთი ჩემი ნაცნობი გუსარი ხომ უთუოდ დაიბრმავებდა თავსა. მხოლოდ ეგ თმებია ხათაბალა... უნდა მოიშორო როგორმე... სტამბოლში ცოტა არ მინახავს კარგის ოჯახის ყმაწვილები, მაგრამ ეგრე შენსავით ლამაზი კი ჯერ ჩემს თვალს არა უნახავს-რა.

— ეგ არის მხოლოდ, რომ ამ ჩემმა სილამაზემ არა დამიშავოს-რა, — სთქვა ელენემ.

თუმცა ასეთს განურკვეველს ყოფაში იყო ქალი, მაინც ესიამოვნა პან ზაგლობას ქება.

— სილამაზე თავის დღეში არას დაგიშავებთ. შორს სად მივდივართ, თვითონ მე გამოვცადე ეგ ჩემ თავზედა. როცა ოსმალეებმა გალატში ერთი თვალი ამომწვეს და უნდოდათ, მეორეც ამოეწვათ, ამ უბედურებას იქაურის ფაშის ცოლმა გადამარჩინა ჩემის სილამაზისათვის, რომლის ნაშთსაც თქვენც კარგად ჰხედავთ ახლა.

— თითქო წინადა სთქვით, რომ ვლახელებმა ამომწვეს თვალიო.

— ჰო და, ვლახელებმა, ფაშის მხლებლებმა, რომელნიც გაემპაჰმადიანებინათ.

— მაინც არც ერთი თვალი არ ამოუწვიათ თქვენთვის?

— არ ამოუწვიათ კი, მართალია, მაგრამ... უნდოდათ ამოეწვათ. როცა გახურებული შანი მომიახლოვეს, იმისმა სიცხოვლემ ბისტი გადამაკრა თვალზედა. სულ ერთია. მაშ, ახლა მაგ თქვენს თმებს რას უპირობთ?

— რას უნდა ვუპირობდე, უნდა მოვიქრა.

— უნდა მოიქრათ, მაგრამ რითი?

— თქვენის ხმლით.

— ხმლით კარგია მტრის თავის მოქრა, თმებისა კი არ ვიცი, *quo modo?*

— იცი, რა? მე აგერ აქ დავეჯდები და ამ ხეზედ გად-
მოვშლი ჩემს თმებს. თქვენ დაჰკათ ხმალი და მორჩა-გათავდა.
თავი კი არ მომკვეთოთ მხოლოდ.

— მაგის დარდი ნუ გაქვთ. რამდენჯერ მთვრალს ხმლით
თავი მომიხოცნია სანთლისთვის ისე, რომ თვით სანთელს ხმა-
ლი არ მიჰკარებია. თქვენც არას დაგიშავებთ, თუმცა მაგის-
თანა საქმე არას დროს არ მიცდია.

ელენე ჩამოჯდა ხეს ახლო, გადაჰშალა ზედ თავისი მშვე-
ნიერი დალალები და შეჰხედა პან ზაგლობას.

— აბა, მზად არის,—სთქვა მან—მოსკერით. და ქალს
მწუხარების ღიმილმა გადურბინა ტუჩებზედ. თვით პან ზაგლო-
ბასაც გულმა კენესა დაუწყო. რაინდმა დაბეჯითებით შეამოწ-
მა, ხომ მაგარია ხეო.

— ფუ, ფუ! ის მერჩინა, რომ დალაქი ვყოფილიყავ და
ყაზახთათვის მეპარსნა თავი. ასე მგონია, ჯალათი ვარ და აგერ
ჩემს საშინელს საქმეს უნდა შევეუდგე-მეთქი. არ ვიცი, გაგი-
გონიათ თუ არა, რომ ისინი თმებსა სჭრიან ჯადოქარ დედა-
კაცებს, ეშმაკი არ დაიძალოს იქ და თვისის უწმინდურის ძა-
ლით ხელი არ შეგვიშალოს ხოლმეო. ხოლო თქვენ ჯადოქა-
რიანი არა ხართ და ეს საქმე ამიტომ სრულიად არ მომწონს.
თუ ოდესმე ამისათვის პან სქშეტუსკი ყურებს არ დამაქრის,
მე პირველი დავუძახებ იმას ტუტუსა. ღმერთმანი, ისეთი ვარ,
რომ სულ ჟურჟანტელი მივლის მთელს ტანში. თვალები
მაინც დაჰხუჭეთ.

— აჰა, დამიხუჭნია!—სთქვა პასუხად ელენემ.

პან ზაგლობამ გაიქნია ხმალი, მოქნილმა ფოლადმა შუი-
ლი შეჰქმნა ჰაერში და ხშირი შავი დალალი ჩაცურდა ხეს
იქიდან.

— მზად არის!—სთქვა პან ზაგლობამ.

ელენე მარდად წამოხტა ფეხზედ. სახე აწითლებული ჰქონ-
და სირცხვილითა, რადგან მაშინდელს დროს დიდად სამარცხვი-
ნო იყო თმის შეკრეკვა გასათხოვარ ქალისათვის, და ელენემ

ასეთი მსხვერპლი გასწირა მხოლოდ იმიტომ, რომ უამისობა არას გზით არ შეიძლებოდა.

თითქმის ცრემლებიც კი მოერია ქალს თვალებში. პან ზაგლობა შეკრთა და ველარ მოახერხა, რომ ნუგეში რამ მაინც ეცა.

— ვგონებ, რაღაც საძაგელი საქმე მოვიქმედე, — სთქვა მან, — და გიმეორებთ, პან სქშეტუსკი, თუ პატიოსან კაცად მიაჩნია თავი, მოვალეა, ყურები დამაჭრას. მაგრამ უამისობაც არ იქნება, უამისოდ მაშინვე შეგამჩნევდნენ, რა სქესისაცა ხართ. ახლა ეს მაინც არის, რომ გულადად შეგვიძლიან გზას გაფუდგეთ. გზა ვიცი, მოხუცმა მეფანტურემ მასწავლა. ეხლა მინდორში სამს მუშასა ვნახავთ, მუხის ახლო ხევიანო, ხოლო ხევეაყოლება გზა დემიანოვკას მიდის და იქიდან ზოლოტონოშასაო. უსინათლომა სთქვა, რომ ამ გზაზედ ბევრნი დანიან ურმებითაო, მაშასადამე, ხანდახან ურემზედაც დაგვისმენ. დიდს გაჭირვებაში ვართ ახლა ჩვენ, კნიაჟნა, და შემდეგ ხშირად მოვიგონებთ ახლანდელს ამბავს. ახლა ჩვენს ხმლებსაც უნდა გამოვეთხოვოთ. მოხუცს მეფანტურეს და მის მატარებელს არ შეჰფერით აზნაურშვილური იარაღი ატარონ. აგერ ამ ხის ქვეშ ჩავმალავ, იქნება ღმერთმა იპრიანოს და ბოლოს ისევ ვიპოვნო როგორმე. ბევრი რამ უნახავს ამ ხმაღს, ბერი რამ გადაჰხედია... არ დაიჯერებთ, მაგრამ მე დიდი ხანია პოლკოვნიკი უნდა ვყოფილიყავ, კაცთა ბოროტებას რომ არ შეეშალა ჩემთვის ხელი და ქორი რომ არ გაეფრცელებინათ, ვითომ ძრიელ ვეტანები სასმელსა. ასეა ეს წუთი-სოფელი, ვერსად სიმართლეს ვერა ჰხედავს კაცი! აქაო და თავს არავის ვაკლავდი, როგორც ზოგიერთნი ტუტუნნი, რაკი საცა არა სჯობდა, გაცლასა ვრჩევობდი და დადინჯებულ ვაჟკაცობასთან, მეორე კუნკტატორივით, მოხერხებასაც ვიჩენდი, ვილაც ზაცვილიხოვესკი პირველი ჰბოდავდა და მხდალს მეძახოდა. კეთილი კაცია, მაგრამ ენა აქვს შხამიანი. ჯერ ამას წინადაც მლანძღავდა, რას ეძმობილები ყაზახებსაო. მაგრამ ეგრე რომ არ მოექ-

ცუულიყავი, ღღეს ვერას გზით ვერ დაიხსნიდით თავს ბოგუნის ხელიდან.

პან ზაგლობამ ჩამალა ხის ქვეშ ხმალი, მიაფარა ფოთოლი და ბალახ-ბუღახი, მერე გადაიკიდა მხარზედ გულა და ფანტური, აიღო ხელში ჯოხი, მიიქნ-მოიქნია ერთხელ-ორჯელა და სთქვა:

— რაკი უკეთესი არა გვაქვს, ამასაც არა უშავს-რა; შეიძლება კარგები უთავაზოს კაცმა ძაღლსა, ანუ თუნდა მგელსა. ცუდი ის არის მხოლოდ, რომ ფეხით უნდა ვიაროთ, მაგრამ რას იზამ! აბა გავსწიოთ!

გაუდგნენ გზას; შავ-თმიანი ბიჭი წინ წავიდა და მოხუცი პაპა მას გაჰყვა უკან. პაპა ბუზღუნებდა და სწყევლიდა თავის ბედს, ამ სიცხეში მაიძულებს ფეხით ვიაროვო, თუმცა მინდვრად გრილი ნიაფი ჰქროდა. მალე მიადწიეს ხევსა, ხოლო ხევგალმა გორაკზედ იდგა სამი უზარმაზარი მუხა; აი ამ მუხებისაკენ გაემართნენ ჩვენი მგზავრნი. აქვე მიდიოდა გზა, რომელზედაც ქაქანებად არავინ არა სჩანდა იმ დროს: არც მეურმე, არც ლომა ხარები, რომელნიც დინჯად მიაბოტებენ ხოლმე, არაფერი. მხოლოდ აქა-იქ თეთრად გაჰქონდა ქათქათი მკვდრის საქონლის ძვლებს. პან ზაგლობა და ელენე მიდიოდნენ წინ და ისვენებდნენ მხოლოდ იქ, საცა გზის ახლო-მახლო პატარ-პატარა ქალაკიან ჩრდილიანი შეხედებოდათ. შავ-თმიანი ბიჭი წამოწვებოდა მწვანეზედ და ეძლეოდა ძილს, ხოლო პაპა მღვიძარებდა. წყალში გასვლაც მოუხდებოდათ ხოლმე და ხანდახან რამდენსამე საათს ფონის ძებნას უნდებოდნენ. მაშინ პაპა ხელში აიყვანდა და ისე გაჰყავდა ხოლმე ყმაწვილი წყალში; თან ისეთს ძალას იჩენდა, რომ კაცს გაუკვირდებოდა, მოწყალებით თუ სცხოვრობს, ამდენი ძალი და ღონე რაღამ მისცაო. სამაგიეროდ ეს პაპა ძალიან მხარ-ბეჭიანი იყო. ასე იარეს საღამომდე, ვიდრე ყმაწვილი არ ჩაჯდა გზის პირსა და არა სთქვა:

— მეტი სიარული აღარ შემიძლიან, თავი აღარა მაქვს. ვეღარ ვივლი. აი აქვე დავწვები და დაე აქვე მოვკვდე.

პაპა ძალიან შესწუხდა.

— ოი, დაწყველილო უდაბნო! არც მეკომური, არც მოსახლ-კარობა საღმე, არც ცოცხალი კაცი ჭაჭანებად. მაინც აქ უნდა გავათიოთ ღამე. აგერ საღამო ჟამია, ერთს საათს უკან დაბნელდება... აბა, ყური დაუგდეთ, კნიაჟნა!

აქ პაპა გაჩუმდა და ჩამოვარდა დიდი ღუმილი, მაგრამ ვნახოთ უცბად მოისმა ხმა, რომელიც შორეულ ხევიდან მოდიოდა.

— მგლები არიან,—სთქვა პან ზაგლობამ.—წუხელის ცხენები დაგვიჭამეს და ახლა ჩვენც გვეტანებიან. მართალია, დამბაჩა მაქვს, მაგრამ ორ სროლად ძლივს შეყოფა წამალი; მგლების საუზმეზედ ყელის ჩასატკბარუნებელ ტკბილ საქმლად გადაქცევა კი ვერაფერი სასიამოვნო საქმე იქნება, სწორედ მოგახსენოთ. გესმით, პანნა, აგერ კიდევ ისმის იმათი ყმუილი!

ყმუილი უფრო და უფრო ახლოვდებოდა.

— წამოდექი, ქაჯან!—სთქვა მოხუცმა.—თუ სიარული არ შეგიძლიან, მე წაგიყვან. მეტი რა ჩარაა. თვითონვე ვხედავ, რომ ძრიელ შემყვარდით, მაგრამ ამის მიზეზი უთუოდ ის არის, რომ თავის დღეში საკუთარი შეილები არა მყოლია, ხოლო თუ მყოლია უკანონოდ, ისინი თათრები ყოფილან, მაჰმადის სჯულისანი, რადგან დიდ ხანსა ესცხოვრობდი სათათრეთში. ჩემით მოელება ბოლო ზაგლობაანთ გვარსა, „Brec“-ის გერბისას. თქვენ შემვივრომეთ სიბერის ჟამსა, ხოლო ახლა ადექით და ან წავიდეთ, მხარზე შეგისვამთ და ისე წაგიყვანთ.

— ოჰ, ისე დავიღალე, რომ ზეზედ ადგომაც კი აღარ შემიძლიან.

— ტრაბახობდი კი, ღონიერი ვარო... სსს... დაიცა! ღმერთმანი, ძაღლის ყეფა მესმის... სწორედ ასეა... ძაღლები არიან და არა მგლები. მაშ, დემიანოვკაც ახლო უნდა იყოს, ის მეფანტურე რომ მეუბნებოდა. დიდება შენდა, უფალო! სწორედ, ძაღლის ყეფაა. გესმით?

მართლაც, ტყეს იქით მალე გამოჩნდა სინათლე, რომელიც გლეხთა ქოხ-შახებიდან გამოდიოდა. საღამო ჟამის ბინდ-

ბუნდზედ კიდევე პკყვრიალობდა სამის ეკლესიის სამრეკლო. ძალის ყეფა თან და თან უფრო გარკვევით მოისმოდა.

— დიალ, ეგ დემიანოვკაა, სწორედ, სორედ, — გადასწყვიტა პან ზაგლობამ. — გლახა მათხოვარს ყოველთვის სიამოვნებით უმასპინძლდებიან; იქნება ბინაც გვიშოვონ; შესაძლოა, ღვთის კაციც შეგვხვდეს ვინმე და პატარა მანძილზედ ურმითაც წაგვიყვანოს. მოითმინეთ, პანნა, ეს ხომ თავადის სოფელია; იქ მოურავიც იქნება. დავისვენებთ კიდეც, საქმის გარემოებასაც ვიწვრილებთ. ვინ იცის, იქნება თავადი გზად არის გამოსული, იქნება შემწეობა უფრო ახლოა, ვიდრე თქვენა ჰგონებთ. მხოლოდ არ დაგავიწყდეთ, რომ მუნჯი ქალი ხართ, კინალამა ვთქვი მუნჯი ბიჭი-მეთქი. სისულელე მომივიდა, რომ გითხარით, ონოფრე დამიძახებთ ხოლმე-მეთქი, როდესაც მუნჯი უნდა იყოთ და აბა მაშ როგორ დამიძახებდით სახელს. დეე, ისევ მე ვილაპარაკებ შენ მაგივრადაცა და ჩემ-მაგივრადაც; ღვთის მადლით, ტეტიური ლაპარაკი ისევე კარგად ვიცი, როგორც ლათინური. გავსწიოთ, გავსწიოთ! აგერ განაპირა ქობმახებიც ახლოა. ოჰ, შემოქმედო! როდის მოელეება ბოლო ჩვენს წანწალს? ნეტა ლუდი მაინც გვაშოვინა სადმე! ამისათვისაც დიდს მადლობას შევსწირავთ უფალსა ღმერთსა ჩვენსა.

პან ზაგლობა გაჩუმდა პატარა ხანს და დუმილით გაიარა რამდენიმე ნაბიჯი, მაგრამ მალე ისევ თითქო რალაც მოაგონდაო:

— გახსოვდეთ, მაშ, კნიაჟნა, რაც გითხარით. თუ გკითხა ვინმე რამე, ჩემზედ ანიშნეთ და წაიზმუილეთ: ჰმ, ჰმ, ჰმ! ვხედავ, რომ ყოველსავე ადვილად მოისაზრებთ ხოლმე და აბა გამკრიახობა ახლოა საქირო, რადგან ეს არის ჩვენი სიკვდილსიცოცხლის საქმე. ერთი შევხვდეთ კი ან გეტმანის პოლკსა, ან თავადისასა, თორემ მაშინ კი ვიტყვი პირდაპირ, ვინცა ვართ, მეტადრე თუ პან სქშეტუსკის ნაცნობს აფიცერსა ვნახავდით. ეს რაღაა? მგონია ცეცხლია იქ, ძირსა? ოჰო, სამკედლოა! მერე ხალხიც ცოტა არ არის; წავიდეთ იქა.

ხევის დასაწყისშივე სამქედლო იდგა და ბურჯულ-ბურჯულ-ღობად ისერიდა ოქროს ფერ ნაპერწყლებს, ხოლო კარებიდან ზღვა სინათლე გამოდიოდა. სამქედლოს წინ ჯგუფ-ჯგუფად იდგა ხალხი. ბანი კვერის თანაბარის ცემისა უერთდებოდა ხალხის ხმაურობასა, სიმღერის ხმასა და ძაღლის ყეფასა. პან ზაგლობა გაემართა პირდაპირ ჯეჯილისაკენ, ჩამოჰკრა ფანტურსა და დაიწყო:

ა-იქითა გორაზედა
ქალნი ყანასა მკიანო,
გორის ძირას გზაზედა კი
ყაზახები მიდიანო.

ზაგლობა მიუახლოვდა ხალხის ჯგუფს, რომელიც სამქედლოს წინ იყო თავ-მოყრილი. გლებ-კაცნი იყვნენ, უმეტეს-ნაწილად კარგად შეზარხოშებულნი. ყველას ან ცელები ეჭირათ, ან შუბები.

- ეი, პაპა! პაპა!—დაიწყო ხმაურობა ბრბომა.
- დიდება ღმერთსა!—წარმოსთქვა პან ზაგლობამ.
- უკუნითი უკუნისამდე!
- დემიანოვკაა ესა, შვილებო?
- დემიანოვკაა. რა იყო?

— გზაზედ მითხრეს,—განაგრძო პაპამ,—რომ აქ ღვთის კაცნი სცხოვრობენო, პაპას გაუმახსინძლდებიან, ასმევენ, აქმევენ და ფუფუსაც აჩუქებენო. მოხუცი ვარ, შორეული და ჩემი ბიჭი კი დაიღალა, სიარული აღარ შემიძლიან. საწყალი მუნჯია და მე მოხუცი დავყავარ, იმიტომ რომ ვერასა ვხედავ, უსინათლო ვარ მე უბედური! ღმერთი გადღეგრძელებთ, ღვთის კაცნო, წმინდა ნიკოლოზ საკვირველ-მომქმედი, წმინდა ონოფრეი: ერთის თვალით კიდევ ძლიერ-ძლიერა ვხედავ, ხოლო მეორეთი—სულ ვერაფერსა; და აბ დავდივარ ფანტურით, ვამბობ სიმღერას და ვსცხოვრობთ, ვითა ფრინველნი ცისანი, კეთილის ხალხის მოწყალეობითა.

— სადაური ხარ, პაპა?

— ოჰ, შორიდანა ვარ, შორიდანა. ბინასა გთხოვთ დასასვენებლად, ღეთის გულისათვის... აგერ სამჭედლოსთან, ვხედავ, ტახტია. მოდი, ჩამოჯექ შენცა,—მიჰმართა მან ელენესა.—ლიტვიდანა ვართ, ღეთის ხალხნო. სახლიდან კი დიდი ხანია, რაც წამოვედი, ახლა კი ბროვარკის დღეობაში ვიყავით და იქიდან მოვდივართ.

— კარგი რა გაიგონეთ იქა?—ჰკითხა მოხუცსა გლეხკაცმა, რომელსაც ცელი ეჭირა ხელში.

— გაგონებით ბევრი რამ გავიგონეთ, მაგრამ კარგი რა არის—ეგ კი არ ვიცი. ხალხი ბევრი იყო. ხმელნიცკისას ამბობდნენ, რომ ატამანის შვილსა და მის რაინდებსა სძლიაო. ყური მოვკარით კიდევ, რომ სარუსეთოს ნაპირად ხალხი აჯანყებას აპირობს პანების წინააღმდეგ.

მთელი ჯგუფი გლეხ-კაცთა შემოერთება გარშემო პან ზაგლობას, რომელიც კნიაჟნას გვერდით იჯდა და ხან-და-ხან ჩამოჰკრავდა ხოლმე თითებს ფანტურის სიმებს.

— მაშ, გაიგონე, რომ ხალხი აჯანყებას აპირობს?

— მაშა, მწარეა ჩვენი ბელიო!

— მერე ამბობენ, რომ ბოლო მოეღება ჩვენს სიმწარესაო?

— კიევს, ტრაპეზში იპოვეს წერილი ქრისტესი. იქ ეწერა თურმე, რომ საშინელი ომი ატყდება და დიდი სისხლის-ღვრა იქნება მთელს უკრაინაშიო.

გარშემორტყმულნი უფრო მიეჯუჯგნენ პან ზაგლობასა.

— მაშ, შენ ამბობ, რომ წერილი იყო?

— იყო მაშა, იყო. ომისა ეწერა, სისხლის-ღვრისა... კიდევ გაიმბობღით ბევრს რასმე, მაგრამ ყელი ამომეხლანძა.

— აი ახლავ, არაყსაც მოგიტანთ... გადაჰკარი და გვიამბეთქვენ, მოხუცნი მეფანტურენი ყველგან დადიხართ და ყველადღერი იცი. შენს მოსელომდეც იყვნენ მეფანტურენი და გვითხრეს, რომ ხმელი დაჰლუპავს პანებსა, ის ამოიყრის იმათს ჯაფრსაო. აი მაგიტომ ვაწყებინებთ პირებს ცელებისათვის, ვა-

კეთებიანებთ შუბებსა, არ ვიცით მხოლოდ, დავიწყით ეხლავ საქმე, თუ ვუცადოთ ხმელის წერილსა.

ზაგლობამ გადაჰკრა არაყი, ტუჩები გააწკლაპუნა და სთქვა:

— ვინ გითხრათ მერე, რომ დროა დაიწყეთ საქმეო?

— ჩვენ თვითონ გვინდა საქმეს შევეუდგეთ ბარემა!

— შევეუდგეთ, შევეუდგეთ!— ვაისმა ხმა მრავალთა. — რახან იმიერ-ქორომელთ დაუძლევიათ პანები, მაშ უნდა დავიწყეთ!

ძარღვიანი ხელებით მალლა აღმართეს ცელები, მაგრამ მანც იცდიდნენ, ვნახოთ, რას იტყვის „პაპაო“. პაპა ჩუმად იყო კარგა ხანს და ბოლოს სთქვა:

— ვისი კაცები ხართ?

— თავად ერეომიასი ვართ.

— მერე ვის დაუწყებთ ჩეხა-ჟლეტას?

გლებებმა ერთმანეთს შეჰხედეს.

— თავადა? — ჰკითხა პაპამ.

— ვერ დაგჯაბნით.

— ჰეი, ვერ დასჯაბნით, შეილნო, ვერა! ვყოფილვარ ლუბნშიაც და მინახავს იქაურობა ჩემის თვალებითა. საშინელებაა! როცა შეუძახებს, ტყე ძირს იხრება, როცა ფეხს დასცემს — ხევი ჩნდება. იმისი მეფესაც ეშინიან, იმას გეტმანებიც ემორჩილებიან, ყველასაც ეშინიან იმისი. ჯარი კი უფრო მეტი ჰყავს, ვიდრე ხანსა და ხონთქარსა. ვერ დასჯაბნით, შეილნო, ვერა! მერე თქვენ არც ის იცით, — მე კი ვიცი, — რომ ყველა ლიახი იმას შეეწევა და ანდაზა კი ამბობს: რამდენი ლიახიც არის, იმდენი ხმალიაო!

ბრბომ წარბები შეიკრა და სდუმდა, პაპამ კვლავ ჩამოჰკრა თითები ფანტურის სიმებსა და განაგრძო მალლა თავ-ამართულმა:

— მოდის თავადი, მოდის და მოსდევს თან იმდენი დრო-შა და ალაში, რამდენიც ვარსკვლავია ცაზედა ანუ ბალახი მინდორში. მიჰზუის მის წინ ქარი და სტირის, მერე იცით, შეილებო, რასა სტირის? ჩვენს ბედსა სტირის. მიჰფრინავს თავადის წინ სიკვდილი ცელით და გააქვს წკრიალი... მერი იცით,

ვის კისერზედ არის განმახვებული ეგ ცელი? ჩვენს ვისერზედ, შვილნო.

— უფალო, შეგვიწყალო!—გაისმა ხალხში ჩუმი ხმა შეშინებულებისა.

კვლავ მღუმარება ჩამოვარდა და მხოლოდ სამკედლოდან ისმის ხმა კვერის ცემისა.

— ვინ არის აქ თავადის მოურავი?—იკითხა პაპამ.

— პან გლეშინსკია.

— სად არის მერე?

— გაიქცა.

— რად გაიქცა მერე?

— გაიგონა, რომ იმათთვის სკედავენ ცელებსა და შუბებსა... შეშინდა და გაიქცა.

— ეგ უარესი; თქვენს ამბავს თავადს ეტყვის.

— რა ამბავია, პაპავ, რომ ყვაფივით დაგვჩხავი უბედურებას?—ჩაერია ლაპარაკში ხნიერი გლეხ-კაცი.—ჩვენ კი აგრე გვგონია, რომ პანების აღსასრული მოვიდა. მოვიდა დრო და გაწყდება კიდევ მაგათი სინსილა თათრის სამზღვრისაკენცა და რუსეთისკენცა. გაწყდებიან პანებიცა, თავადნიცა და მხოლოდ ყაზახნი, თავისუფალნი ყაზახნი-ლა დარჩებიან... აღარავინ აღარას გამოგვართმევს გადასახადსა, აღარც ურიები იქნებიან... შენვე არა სთქვი, რომ აგრე სწერია ქრისტეს წერილშიო?! ხმელიც ისევე ძლიერია, როგორც თავადი.

— ღმერთმა დიდი დღე მისცეს!—ამოიოხრა პაპამ,—მწარეა ჩვენი ბედი, წინად კი სხვაფრივა ყოფილა.

— ვისია მამული?—თავადისა;—ვისია მინდორი?—თავადისა; ვისია საქონელი, ნახირი და ჯოგი?—თავადისა! წინად კი ღვთის ტყე იყო, ღვთის მინდორი; ვინც პირველი მივიდოდა, მამულს ის ჰხმარობდა, არავის თავს არ უკრავდა და არ შეჰკლიჭინებდა. ახლა კი ყოველივე პანებისა და თავადებისაა.

— სულ თქვენია, შვილებო,—სთქვა პაპამ,—მაგრამ მე თქვენ ერთს გეტყვი: თქვენ თითონ იცით, რომ ძნელია თავადის მორევა; ვისაც უნდა პანების ამოჟლეტა, ის აქ ნულარ

დარჩება, ადგეს და ხმელთან გაიქცეს, ხვალვე, იმიტომ რომ თავადმა გამოილაშქრა კიდევცა. თუ პან გდემშინსკიმ უამბო დემიანოვკას ამბავი, თავადი თქვენ აღარ დაგინდობთ, სულ ამოგწყვეტავთ ყველასა... სჯობიან, წახვიდეთ ხმელთანა. რაც უფრო მეტნი წახვალთ, მით უკეთესი იქნება ხმელისათვის. ოჰ, იმის საქმეც ძნელი საქმეა, დიდი გაკირვება ადგია! წინ გეტმანები არიან და მთლად სახასო ჯარები, უკან კი თავადია, რომელიც ყველა გეტმანზედ ძლიერია. ისწრაფეთ, შეილნო, ხმელისა და იმიერ-კორომელთა შესაწევრად... ისინი ხომ თქვენის თავისუფლებისა და თქვენის სიკეთისათვის ებრძვიან პანებს. თავადსაც მოაშორდებით და ხმელსაც შემწეობას მისცემთ.

— მე და ჩემმა ღმერთმა, მართალს ამბობს!—გაისმა ჩუმად ხმა ხალხში.

— კარგადა ლაპარაკობს!

— ბრძენი პაპაა!

— გზაში ჰნახე თავადი?

— ნახვით არ მინახავს, მაგრამ ბროვარკში გავიგონე, რომ ლუბნიდან წამოვიდაო; საცა ან ერთს ცელსა ჰნახავს, ან შუბსა, სულ ამოსწვავს იქ ყველაფერსა, ამოსწყვეტავს ყველასა... ცარიელს მიწას-ლა დასტოვებს.

— უფალო, შეგვიწყალო!

— სად ვიპოვოთ ახლა ხმელი?

— მეც იმიტომ მოვედი, შეილებო, რომ გასწავლოთ, სად უნდა მოსძებნოთ ხმელი. წახვალთ, შეილნო, ზოლოტონოშას, მერე ტრახტიმიროვს და იქ კი ხმელიც თქვენს მოლოდინში იქნება. იქ მოგროვდება ხალხი ყველა სოფლიდან, ყველა კუთხიდანა და ქვეყნიდან; თათრებიც იქ მოვლენ; ასე თუ არ მოიქცით, თავადი დედა-მიწაზედ არავის გაატარებს.

— შენა, პაპავ, წამოხვალ შენც ჩვენთანა?

— წამოსვლით კი ვერ წამოვალ, მოეხუცდი და ძალა აღარა მაქვს. შემიბით ურემი და მაშინ მეც თქვენთან ვიმგზავრებ და სანამ ზოლოტონოშას მივიდოდეთ, მე დავწინაურდები, რომ ვნახო, პანების ჯარის-კაცნი ხომ არ არიან იქა. თუ

ისინი იქ იქნებიან, ჩვენ ზოლოტონოშას გვერდი ავუხვიოთ და პირდაპირ ტრახტიმიროვისაკენ წაიდეთ. იქ კი სულ ყაზახთა ქვეყანაა... ახლა პატარა მაქამეთ რამე და მასვით, მშიერ-მწყურვალნი ვარ ამდროული კაცი, ეს ჩემი ბიჭიკ მშიერ-მწყურვალნი. ხვალ დილით გავუდგეთ გზას; გზა-გზა სიმღერას გეტყვით პან პოტოცკისასა და თავად ერიომასასა. ოჰ, ძალიან გულ-ბრაზნი და მრისხანენი არიან ისინი! დიდი სისხლის ღვრა იქნება უკრაინას, ცა სულ გაწითლებულია და მთვარეც ისეთია, თითქო სულ თოვლში სცურავსო. შეევედრეთ ღმერთს, შეიღებო, რომ მოწყალებით მოჰხედოს ამ ქვეყანას; ბევრს თქვენგანს დიდის ხნის სიცოცხლე აღარა აქვს ამ ქვეყანად. ყური მოვკარი, რომ ვითომ მკედარნი სდგებიან საფლავებიდან და ჰგმინავენ, საცოდავად ჰკენესიან და ჰგმინავენ.

პან ზაგლობას ლაპარაკმა თავ-ზარი დასცა ხალხსა; ზოგმა პირ-ჯერის წერა დაიწყეს, ზოგმა ჩურჩული მორთო ერთმანეთში.

— წამო, პაპა, ჩემთან, ვახშმად: კარგ თაფლსაც დაგაღვინებ, — სთქვა ხანში შესულმა გლეხ-კაცმა.

ზაგლობა წამოდგა და ელენესაც სახელოში წააგლო ხელი და ჯანჯლარი დაუწყა. კნიაჟნას ეძინა.

— დაიღალა საცოდავი, ველარც კი გავადვიძებ ახლა, — სთქვა პან ზაგლობამ და თან გაიფიქრა გულში: „o sancta simplicitas! ხმალი და ხანჯალია ამოწვდილი შენ გარშემო და შენ კიდევ ახერხებ დაძინებას. ანგელოზნი ცისანი ვფარველობენ და შენთან ერთად ამ ჩემს მოხუცებულს თავსაც ისინი უწვენ ღარაჯობას“.

ზაგლობამ გაადვიძა ელენე და ორივენი წავიდნენ სოფელში, რომელიც შორს არ იყო. ხანში შესული გლეხ-კაცი წინ მიდიოდა, ხოლო პან ზაგლობამ თავი მოიკატუნა, ვითომ და ლოცვებსა ვკითხულობო და ის კი არა თუ მოჰყვა გაბმულის ხმით ბუტბუტს:

— ოჰ, უფალო და მეუფეო! შეგვიწყალენ ჩვენ ცოდვინი... ჰხედავთ კნიაჟნა!.. წმინდაო, ყოვლად წმინდაო... რას

მოვახერხებდით, ეს ტრეტიური სამოსელი რომ არა გვექონოდა... ვითარცა ცათა შინა, ეგრეცა ქვეყანასა ზედა... პატარას გვაქმევენ რასმე და ხვალ დილით ზოლოტონოშას წავალთ ურმით, იმის მაგიერ, რომ ფეხით გვეჩანჩაღანა... ამინ, ამინ, ამინ... უეჭველია ბოგუნი კვალ და კვალ მოგვდეგს; იმას კაცი აგრე ადვილად ვერ მოატყუებს... ამინ, ამინ!—მაგრამ დაუგვიანდა და ველარას მოახერხებს... პროზოროვკას დნებრში გავალთ, ხოლო იქ გეტმანის ბანაკია დაცემული. ამინ... რამდენისამე დღის შემდეგ მთელი ის მხარე აჯანყდება, რაკი თავადი დნებრში გავა და გაღმა-მხარს მოედება... ამინ... კისერიმც მოუტეხიათ, რაც ეშმაკი და ქაჯია, იმ ჩამოსადრჩობთ, იმათ!... გესმით, კნიაჟნა, რანაირად ჰღმუიან გლეხნი სამქედურთან? ამინ... ოჰ, ძალიან გაჭირვება დაგვადგა, მაგრამ ყეყეჩი ვიყო და უტვინო, თუ ვერ გაგანთავისუფლეთ ამ ცეცხლისაგან, თუნდა თვით ვარშავამდეც დაგვეკირდეს ესე მალე და ლტოლვაი.

— რასა ბუტბუტებ ემანდა, პაპავ?—ჰკითხა გლეხმა.

— არაფერსა ღმერთს ვევედრები თქვენს დღეგრძელობასა, ამინ.

— აი ჩემი ქოხიცა; გთხოვთ მობრძანდეთ და ჰურ-მარილი იხმოთ.

პაპა კარგად შეექცა შემწვარ ცხვრის ხორცსა და საკმაოდ ბლომადაც გადაჰკრა სასმელი; ხოლო მეორე დღეს დილით გასწია ზოლოტონოშასაკენ ურემში გამოქიმულმა; თან ახლდნენ რამდენიმე გლეხნი, შეიარაღებულნი ცელებითა და შუბებითა.

იმათს გზას უნდა გაეელო კოვრაცსა, ჩერნობაისა და კრაპივნისაკენ. მთლად ეს ქვეყნები მღელღეარებაში იყო. ხალხი ყველგან იარაღში სხდებოდა, სამქედურნი მუშაობდნენ დილით საღამომდე და მხოლოდ საშინელი ძლიერება, საშინელი სახელი თავადის ერემიასი იმაგრებდა ხალხის აბოზოქრებულს გრძნობა-გულის-თქმასა.



ყაზახებმა ჰნახეს მეორე დღეს, რომ ბოგუნი ცოცხალ-მკვდარი-ლაა, ისე აქვს თავზედ ჩამოცმული თბილი ჯუბა, ის ჯუბა, რომლითაც პან ზაგლობამ შეუხვია ვითომ თავი. მაგრამ რადგან ატამანს საიმისო მძიმე ქრილობა არა ჰქონდა-რა, მალე მოვიდა გონს, გაიხსენა ყოველივე და საშინელმა გულის წყრომამ შეიპყრო. ისეთსა გრგვინავდა, თითქო დაქრილი ნადირიო, იგლეჯდა თმებს და ყველას ხმლით და ხანჯლით ემუქრებოდა. ბოლოს ბრძანა, მიაბით საკაცე ორ ცხენსაო, ჩაჯდა ამ საკაცეში და, როგორც დამთხვეული, გაჰფრინდა ლუბნისაკენ. ბოგუნი იცლებოდა სისხლისაგან და თან ისე მიჰქროდა მინდორ-მინდორ, თითქო წყეული სულიაო, ხოლო უკან მისდევდნენ მისნი ერთგულნი ყაზახნი, რომელთაც ეჭვი არა ჰქონდათ, რომ სიკვდილი აგვეცდებოა. აი მივიდნენ ვასილიოვკას, საცა მეციხოვნეებად ასი კაცი იდგა თავადის ჯარის-კაცებისა. გადარეულმა ატამანმა, თითქო განგებ სიკვდილი უნდაო, აღარც აცია, აღარც აცხელა და მაშინვე შეუტია ამ რაზმს, თვით პირველი გადაერია შენავთებულ ბრძოლაში და, ხან-მოკლე ომს შემდეგ, სათითაოდ ამოჰქლიტა ყველანი, ორიოდეს გარდა, რომელნიც იმიტომ დასტოვა ცოცხალნი, რომ იქნება წამებით ვათქმევიწიო ყოველიო. რაკი დარწმუნდა, რომ აქეთ არც ერთს შლიახტიჩს არ გამოუვლია ყმაწვილ ქალთან ერთადო, აღარ იცოდა, რა ექნა და, გაბრაზებული, იფხრეწდა ქრილობის შესახვევებსა. წინ წასვლა მტკნარი უგუნურება იქმნებოდა,—იქვე ახლო-მახლო თავადის პოლკები იდგნენ ბანაკად. ერთგულმა ყაზახებმა გამოიტაცეს მწუხარებით დასუსტებული ატამანი და უკანვე მოიყვანეს რაზლოვს. რაზლოვში რაც რამ შენობა იყო, იმათი ქვა-ქვაზედ აღარ დარჩა. გლეხ-კაცებმა სულ გაძარცვეს, მერე გადაჰბუგეს და შიგ ამოჰწვეს თავადი ვასილიცა; იფიქრეს, რასაც ჩვენ მოვიქმედებთ, სულ ერთია, ბოგუნს დაჰბრალო-

დებაო. დასწევს ყოველივე შენობა, რაც იყო ეზოში, გადასჩეხეს ალუბლის ბაღი, ამოსწყვიტეს მსახურ-მხლებელნი. ხალხი შეუბრალებლად იძიებდა შურს იმ შევიწროებისათვის, რომელიც ადგა კურცვეიჩებისაგან. იქვე რაზლოგს ახლოს ბოგუნს ჩაუვარდა ხელში პლესნევსკი, რომელსაც დაემუქრა, ცოცხალს დაგწვავო და ამიტომ იმანაც უამბო ყოველივე, რაც ენახა, — როგორ და სად გაიმარჯვა ხმელნიცკიმ, როგორ აიღო მან ჩიგირინი და სად შეეხვედი პან ზაგლობასაო. გახარებულმა ატამანმა პატარა თავისუფლად ამოისუნთქა. ბრძანა, ჩამოაღრჩეთ პლესნევსკიო და გაეშურა გზას სრულიად დარწმუნებული, რომ ახლაკი ზაგლობა ვეღარ წამივა ხელიდანაო. ვილაც ჩოდრებისაგან გაიგო კიდევ ზოგიერთი რამ ახალი, მაგრამ ფონს შემდეგ ყოველივე კვალი ისე დაიკარგა, რომ ვეღარა გაიგო-რა. ატამანი ვეღარ შეხვდა იმ გლახას, რომელიც პან ზაგლობამ გაძარცვა: შეშინებული მოხუცი დამფრთხალ ნადირივით ლეოლიანებში იმალებოდა.

ამ სახით გაიარა სამმა დღე და ღამემა, ხოლო რადგან ვასილიოვსკისკენ დევნამ ორი დღე მოინდომა, ამიტომ ზაგლობას დიდი დრო ჰქონდა მოგებული. საით გადავარდებოდა ახლაო? ამ გაკირების ჟამს ბოგუნს აღმოუჩინა შემწეობა ესაუღმა, ერთმა გამოცდილმა მინდვრის მგელმა, რომელიც ყმაწვილობითვე მიჩვეული იყო ყრუ უდაბნოში თათრების ძებნასა.

— ბატონო, — სთქვა იმანა, — ჩიგირინში გაქცეულან და სწორედ კარგადაც უქნიათ, იმიტომ რომ კარგა დრო მოიგეს, ხოლო როცა გაიგეს პლესნევსკისაგან ხმელისა და ყვითელ წყლების ამბავი, სჩანს, სხვა გზა ირჩიეს. შენ თვითონა ჰნახე, რომ გზა გადუხვევიათ და უგზო-უყველოდ წასულან.

— მინდვრად?

— მინდორში მალე ვიპოვიდი, ალბად დნებრს დაჰყოლიან, იქნება გეტმანის ბანაკში მივიდეთო. ისიც კი შესაძლებელია, რომ ჩერკასისკენ წავიდნენ, ან არა და — ზოლოტონოშასა და პროხოროვსკისკენ... თუ კიდევ პერეიასლავლისკენ წავიდნენ, იქაც ვიპოვით, თუმცა კი არა მგონია. საჭიროა, ერთ-ერთი

ჩერკასისაკენ წავიდეთ, ერთ-ერთი — ზოლოტონოშასაკენ, თან რაც შეიძლება, მალე; იმიტომ რომ დნებრში გავლენ თუ არა, გეტმანებს შეეყრებიან, ან არა და ხმელნიცკის თათრები შეიპყრობენ.

— მაშ, შენ ზოლოტონოშას წადი, მე კი ჩერკასს წავალ.

— კარგი.

— ფრთხილად იყავი: ლიახი დიდი ცბიერი მელაა!

— ოჰ, ფიქრი არ არის, მეც უქკუო არა ვარ.

ამ მოსაზრების თანხმად, რაზმი ორ ნაწილად გაიყო. იმდღესვე, საღამო ეამზედ ხნიერი ესაული ანტონი დემიანოვკას მივიდა.

სოფელი ცარიელი იყო; დედა-კაცები-ღა დარჩენილიყვნენ, რადგან მამა-კაცობა ყველა ხმელნიცკისთან გახვეტილიყო. შეიარაღებული რომ დაინახეს, დედა-კაცი საბძლებსა და ამბრებში დაიმაღნენ. ანტონმა დიდ ხანს ეძება, რომ ძე-ხორციელი ეპოვნა ვინმე და ბოლოს ძლივს წააწყდა ერთს დედა-ბერს, რომელსაც აღარაფრისა აღარ ეშინოდა, თათრებისაც კი.

— სად არიან გლეხ-კაცი, დედაბერო? — ჰკითხა ანტონმა.

— მე რა ვიცი, მერე! — უპასუხა დედაბერმა და გამოაჩინა თვისი გაყვითლებული კბილები.

— ჩვენ ყაზახნი ვართ, ბებერო, ნუ გეშინიან, ლიახები ხომ არა გგონივართ.

— ლიახები? ოი, იმათა და იმათ თავსა!

— თქვენ ხომ ჩვენსკენა ხართ, არა?

— თქვენსკენა? — ბებერი პატარა ხანს შესდგა. — ჯანდაბას თქვენი თავიცა!

ანტონმა აღარ იცოდა, რა ექნა, რომ უცებ დაიჭრილა ერთის ქოხის კარებმა და ყმაწვილი, ლამაზი ქალი გამოვიდა ეზოში.

— ეი, ვაჟკაცნო! გავიგე, რომ თქვენ ლიახები არა ყოფილხართ.

— არა, ლიახები არა ვართ.

— მაშ, თქვენ ხმელნიცკის კაცები ხართ?

- ხმელნიცკისანი ვართ.
- გლევ-კაცების ამბავს რასა ჰკითხავთ მაშა?
- ისე ვკითხავდით, წავიდნენ თუ არაო.
- წავიდნენ, წავიდნენ!
- მადლობა ღმერთსა!
- ერთი ეს გვითხარი, ჯეირანო, ერთს შლიახტიჩს ხომ არ გამოუვლია აქეთა, ხნიერსა, ყმაწვილის ქალითა?
- შლიახტიჩსა? ლიახსა? არ მინახავს სწორედ.
- არაფინ არა ყოფილა აქა?
- იყო პაპა. აგულიანებდა ჩვენებს, ხმელნიცკისთან წადით, ზოლოტონოშას, აქ კი თავადი ერიომა მოვაო.
- სად აქაო?
- სადა და აქა. მერე ზოლოტონოშასაც წავაო.
- მერე ის აქეზებდა გლევებსა აჯანყდითო?
- აქეზებდა.
- ერთი იყო?
- არა. იმასთან მუნჯიც იყო.
- როგორი, რა სახის კაცი იყო ის მოხუცი?
- ოჰ, მოხუცი, გადაყრუებული, სულ ფანტურს უკრავდა პანებზედა ბრაზობდა. მე თვითონ კი არ მინახავს სწორედ.
- გლევებს აქეზებდა მაშ, აჯანყდითო?—ერთხელ კიდევ ა ჰკითხა ანტონმა.
- ჰმ! მშვიდობით იყავ, ჯეირანო!
- მშვიდობის მგზავრობა მოგცეთ ღმერთმა.
- ანტონი ღრმა ფიქრმა წაიღო. ის პაპა რომ ტანისამოს-გამოცვლილი ზაგლობა ყოფილიყო, რაღა ეშმაკისა და ქაჯისათვის დაუწყებდა ხალხს წაქეზებას, აჯანყდითო? ეგეც რომ არ იყოს, სად იშოვა ტანისამოსი, რა უყო ცხენებსა? მაგრამ, პირველი მაინც ის არის, რისთვის აქეზებდა ხალხს აჯანყებად და აფრთხილებდა, თავადი აქ მოვაო? შლიახტიჩი უპირველეს ყოვლისა თავადის ბანაკში შეაფარებდა თავსა. ხოლო თუ თავადი ზოლოტონოშას მიდის, რაიცა ჰკუთას ახლოა, ვასილიოვკას ჯავრს იყრის უეჭველად. ანტონი შეაჟრჟოლა; ახალი აღა-

ყაფის კარი, რომლის ახლოც მან გაიარა, ზედ-მიწევნითა ჰგავდა საღრჩობელას.

— არა, ის პაპა მხოლოდ პაპა თუ იყო და არაფერ სხვა. ტყუილად წავალ ზოლოტონოშას; სჯობიან ისევ სხვა მხარეს წავიდე.

— კარგი, მაგრამ მერე რაღაი? ვიცადო—თავადი მოვა, წავიდე კიდევ პროხოროვკას, გავიდე ღნებრში და—ეგ ხომ ის იქნება, რომ პირდაპირ გეტმანებს ჩავუფარდები ხელში.

მინდერის ბებერმა მგელმა იგრძნო, რომ ძალიან შევიწროებულნი ვარ ამ თვალ-გადუწვდენელ ფართო მინდორშიო. მიხვდა, რომ თუმცა მე მგელი ვარ, აგერ მელა დამხვდა წინ და ეს მელა პან ზაგლობააო.

უცბად ხელი შემოიკრა უშბლში.

— ე გლახ-კაცობა რაღად წაიყვანა პაპამ ზოლოტონოშას, რომელს იქითაც პროხოროვკაა, ხოლო პროხოროვკას შემდეგ, ღნებრს გაღმა, გეტმანები არიან და მთლად ლაშქარი სახასო?

ანტონმა გადასწყვიტა, რაც იქნება-იქნება, პროხოროვკას უნდა წავიდეო.

მივალ ღნებრის ნაპირადაო,— ჰფიქრობდა გულში ანტონი:— და თუ გავიგე, რომ გაღმა გეტმანის ჯარები სდგას, აღარ გავალ წყალში, დავყვები ნაპირ-ნაპირ და ჩერკასის პირდაპირ შევუერთდები ბოგუნსა. იქნება გზა-გზა გავიგო რამე ხმელნიცისაო. პლესნეესკის ჩვენებით მან უკვე იცოდა, რომ ხმელნიცკიმ დაიპყრა ჩიგირინი, კრივანოსი გაჰზავნა გეტმანების წინააღმდეგ, ხოლო თვითონაც ტულაი ბეისთან ერთად მალე ეკვეთებოდა ამათს ჯარებსავე. ანტონი გამოცდილი ჯარის-კაცი იყო, კარგად იყოდა ადგილ-მდებარეობის ვითარება და დარწმუნებული იყო, რომ ომი უკვე გადახდილიაო. მაშასადამე, კაცმა უნდა იცოდეს, როგორ მოიქცესო. თუ ხმელნიცკი დაძლეულ იქნა, მაშინ გეტმანის ჯარები მთლად მოდებული იქნება ღნებრის სანაპიროებს, მაშინ ამაო-ლა იქნება ძებნა პან ზაგლობასი. მაგრამ, ვსთქვათ, ხმელნიცკიმ გაიმარჯვა. მართა-

ლია, ანტონს საიმისოდ არა სჯეროდა ესა. ბევრად უფრო ადვილია დაძლევა გეტმანის შვილისა, ვიდრე გეტმანისა, დაძლევა რაზმისა, ვიდრე მთელის ჯარისაო.

„ექ!—ფიქრობდა გულში ბებერი ყაზახი,—ჩვენი ატამანი უკეთესს იზამდა თვისის ტყავის გადარჩენისათვის ეზრუნა, ვიდრე ყმაწვილის ქალის მოპოვებისათვის. ჩიგირინთან შეიძლება ღნებრში გასულიყო და სეჩისკენ გაეკრა. აქ კი თავად ერემიასა და გეტმანებს შორის ვერაფერი კარგი დღე დაადგება“.

იყო ანტონი ამ საგნის განსჯაში და თან სწრაფად უახლოვდებოდა სულას. აგერ მოდილნაია და მერე ხომ დემიანოვკაც ახლოა. ორივე სოფელი ცარიელი იყო, მაგრამ ანტონმა, ბელად, მზა-მზარეული ტივი და მეტივენი იპოვა სულაში გასასვლელად. ღნებრის ამიერ-მხარე ისე იყო შებოჭილი თავადის რკინის ხელითა, რომ თვითონ ვერა ჰბედავდა აჯანყებას, ხოლო გლეხ-კაცობა მრავლად ივლტოდა ამ სოფლებიდან და აგრედვე სხვა დაბა-ადგილებიდან ხმელნიცკისთან. ყვითელ-წყლების გამარჯვების ამბავი უცბად მოეფინა მთელს მხარეს. მოუსვენარი ხალხი ერთს ალაგას ვერა ჩერდებოდა, თუმცა არავითარი მიზეზი არა ჰქონდა მღელვარება დაეწყო: თავადი საშიში იყო აჯანყებულთა და მეამბოხეთათვის, ხოლო ქეშმარიტი მეგობარი და მამა იყო მშვიდობიან მოსახლეთათვის, ხოლო მისნი მოურავნი დიდ შიშ-ქვეშ იყვნენ და არ შეეძლოთ გაეხედნათ და უსამართლობა მიეყენებინათ ვისთვისმე. გარნა ველური ხალხი, რომელიც, დიდი ხანი არ იყო, რაც ავაზაკობაში ირთმევდა სულს და ხენა-თესვას მისჩვეოდა, ვერ იშვნევდა წეს-რიგის სასტიკობას და მირბოდა იქ, საცა იმედი ჰქონდა განუსაზღვრელის თავისუფლებისა. მრავალის სოფლიდან გაიქცნენ ხმელნიცკისთან დედა-კაცნიც კი; ბევრ სოფლიდან სულ გაიხვეტა ხალხი დედიან-ბუღიანად: წავიდნენ ყველანი და თავიანთი სახლები და ქოხები სულ გადასწვეს, უფრო ველარ დაგბრუნდებით უკანვეო.

ანტონმა დაუწყო გამოკითხვა მეტივე-მეკატარღეთა, ამბავი ხომ არა არის-რა დნებრის გაღმა-მხრიდანაო. ამბავი მოდიოდა, მართალია, მაგრამ სხვა-და-სხვა ნაირი, ერთმანეთის გამაბათილებელი. ერთნი ამტკიცებდნენ, რომ ხმელნიცკის სძლიეს გეტმანებმაო, მეორენი ამბობდნენ, რომ გამარჯვება დარჩა ხმელნიცკისაო. მეკატარღენი ჰგონებდნენ, რომ ეს კაცი უთუოდ ტანისამოს-გამოცვლილი შლიახტიჩიაო და ამიტომ, ეტყობოდათ, რომ თავად ერემიას შიშით, თავისუფლად ვერას ამბობდნენ.

ანტონმა დაამშვიდა ისინი და დაუწყო გამოკითხვა დემიანოვკას გლეხ-კაცობის შესახებ.

— დიად, დიად! ჩვენ გავიყვანეთ გაღმა, — სთქვა ერთმა მეკატარღემ.

— ჰაჰა იყო იმათთანა?

— იყო.

— მუნჯიცა, ყმაწვილი?

— მუნჯიც იყო.

— მერე თვალად ან ტანად როგორი იყო ჰაჰა?

— ასე, ხანში შესული იყო, სუქანი, თვალები გადმოჰკარკლოდა და ერთზედ ბისტი ჰქონდა გადაკრული.

— სწორედ ისა ყოფილა! — იფიქრა ანტონმა და კვლავ განაგრძო: — პატარა ბიჭი?

— ოჰ, ის ბიჭი ხომ სულ ანგელოზსა ჰგავდა. იმისთანა თავისდღეში არ გვინახავს.

ამ დროს უკვე მეორე ნაპირას მიატანეს.

ანტონმა უკვე იცოდა, როგორ მოქცეულიყო ახლა.

„მივგვრით იმ ჯვირანს ატამანსა“, — ბუტბუტებდა თავისთვის ატამანი, მერე შეუძახა ყაზახებს: „ჰკათ ქუსლი ცხენებსა“!

ყაზახნი გაჰფრინდნენ ისე, თითქო ფრინველთა გუნდი დააფთხო. ვინმეო, თუმცა გზა ძნელი სავალი იყო, ხევ-ღელღეებით სავსე და ლადა-ლუდა. ერთ ხევის ძირას რაღაც ნასახი სჩანდა გზისა. ყაზახებმა სულ ჰენებით გაიარეს რამდენიმე ვე-

რსი დაუსვენებლივ; ანტონი პირველი მიაქროლებდა თავისს ქურან ცხენსა. აგერ გაპლიეს კიდევ ხევი, რომ ანტონმა უცებ დაჰკრიტა ლაგამი და შეაყენა ცხენი.

— ეს რა ამბავია?

ყაზახთა წინ გამოჩნდა შეირალებული რაზმი ცხენოსანთა. რომელიღაც პოლკი დიდის წესითა და რიგით ჩადიოდა ხევში. ანტონმა შეჰხედა და სულ შეაქრუოლა, გული რალამაც ატკინა, პირისახე მკვდარივით გაუფითრდა.

ანტონმა იცნო თავად იერემიას დრაგუნები.

დრო აღარ იყო თავის შევლისა. ოცი ნაბიჯი-ლა იყო ანტონსა და დრაგუნებს შორის; ამას გარდა, ცხენებიც ისე დაჰხოცეს ჰენებითა, რომ მდევარს ვერსად ვერ წაუვიდოდნენ. ანტონმა გაჰხედა და გასწია წინ.

— ვინა ხართ და რა ხალხი ხართ?—მრისხანედ ჰკითხა პორუჩიკმა.

— ბოგუნის კაცი ვართ!—უპასუხა ანტონმა, რაკი მიხვდა, რომ მეტი ღონე აღარ იყო, უნდა მართალი ეთქვა. მაგრამ პორუჩიკი... რა ექნა, ეს კაცი ხომ მეცნობაო; პერიასლაველში მინახავსო.—ჰან პორუჩიკი კუშელი! მადლობა ღმერთსა!

— ოჰ, შენა ხარ, ანტონ!—და პორუჩიკმა იცნო ესაული.—აქ რას აკეთებთ? სად არის თქვენი ატამანი?

— ჰანმა დიდებულმა გეტმანმა გაჰგზავნა ჩვენი ატამანი თავად-მოურავთან და სთხოვა, შეეწიეო. ატამანი წავიდა ლუბნს, ხოლო ჩვენ გვიბრძანა, იარეთ სოფელ-სოფელ და შეიპყარით ლტოლვილნიო.

ანტონი სტყუოდა უღმერთოდ. მაშინათვე მიხვდა, რომ დრაგუნთა რაზმს, რომელიც დნებრიდან მოდის, არაფერი არ ეცოდინება არც იმისი, რომ რაზლოგს თავს დავესხით, არც ვასილიოვკის ომისა და არც ბოგუნის ამბებისა საზოგადოდაო.

პორუჩიკი მაინც ჩაფიქრდა.

— კაცს კი ეგონება, რომ ვითომ გინდა აჯანყებულთ შეუერთდე,—სთქვა მან.

— ეე, პან პორუჩიკო, ჩვენ რომ ხმელნიცკისთან შეერთება გვდომოდა, გაღმა მხარეში ვიქნებოდით ახლა.

— მართალია, — უპასუხა კუშელმა, — ეგ ისეთი სიმართლეა, რომელსაც არ შეიძლება კაცმა ანგარიში არ გაუწიოს. მაგრამ თქვენი ატამანი ველარ მიუსწრებს პან მოურავს ლუბნში.

— ერიპა! მაშ სად არის თავადი?

— პრილუკს იყო. შესაძლოა გუშინ წავიდა ლუბნს.

— ხათაბალა გინდა, სწორედ ეს არის... ნება მიბოძეთ გკითხოთ, ეს ჯარი ზოლოტონაშადან მოგყავთ?

— არა. ჩვენ კალენკას ვიყავით დაბანაკებულნი, ხოლო ახლა ბრძანება მოგვივიდა, ლუბნს მოდიეთ და იქიდან ყველანი ერთად გავალთ სალაშქროდ. თქვენ საით-ღა მოდიხართ?

— პროხოროვკას; იქ გლენ-კაცობა გადის გაღმა-მხარსა.

— ბევრნი წავიდნენ კიდეცა?

— ოჰ, ბევრნი, ბევრნი?

— მაშ, წადით, გზა დამილოცნია!

— მალლობას მოგახსენებთ. ბედნიერად გამგზავროთ.

ღრაგუნებმა მისცეს გზა და განუტევეს ანტონი.

გამოსცდა თუ არა ხევს, ანტონი შესდგა და ყურს უგდებდა იმ ღრომდე, ვიდრე ღრაგუნთა ფეხის ხმა არ შესწყდა კარგა მოშორებით.

— იცით, სულელებო, — მიჰმართა მან თავის ყაზახებს, — მე რომ არა, სამს დღეს უკან ყველას მარგილებზედ ჩამოგაცვამდნენ. ახლა კი გავსწიოთ საჩქაროდ.

და ანტონმა გადუქირა მათრახი თავის ცხენს.

— გავიმარჯვეთ! — ჰფიქრობდა გულში ანტონი. — ჯერ ერთი რომ მშვიდობით გადავრჩით, მეორეცა, ზაგლობა ასცდა უთუოდ ღრაგუნებს, თორემ ამაო-ღა იქნებოდა მისი დევნა.

მართლაც, ბედმა უმტყუნა პან ზაგლობას; ის რომ პან კუშელის რაზმს შეხვედროდა, მერე სულ საჭირო აღარ აქნებოდა ეზრუნა თავის ბედისათვის.

ახლა კი, პროხოროვკას, როცა გაიგო კორსუნის გამარჯვება, თავს-ზარი დაეცა. ჯერ ისევ ზოლოტონოშამდე გზა-გზა ესმოდა ხმები, რომ დიდი ომი იყო, ხმელნიცკიმ გაიმარჯვაო, მაგრამ პან ზაგლობას ნაკლებად სჯეროდა ეს ლაპარაკი; მან კარგად იცოდა, რომ ხალხში ადვილად ვრცელდება ყოველგვარი ხმა. ხოლო პროხოროვკაში საექვო აღარა იყო-რა მისთვის. საშინელის სიმართლისათვის პირდაპირ უნდა გაემართნა თვალი. ხმელნიცკი გამარჯვებული იყო, სახასო ჯარები ამოწყვეტილი, მთლად უკრაინას ცეცხლი ჰქონდა მოდებული.

პირველ ხანს პან ზაგლობას სულ თავ-გზა დაეპნა. საშინელს ყოფაში იყო. ბედი ხელ-აღებით ჰღალატობდა, რადგან ზოლოტონოშას ვერაფრითარი მეციხოვნეთა რაზმი ვერ იპოვნა. მთელი ქალაქი საშინლად იყო ამრეზილი ლიახების წინააღმდეგ, ძველი ციხე ცარიელი იღვა. პან ზაგლობას ერთი ბეწვა ექვიც აღარა ჰქონდა, რომ ბოგუნი მეძებს და, ადრე თუ მალე, მიპოვის კიდევანო. მართალია, შლიახტიჩი ციბრუტივითა ტრიალებდა, თითქო წამოგდებული კურდღელიაო, მაგრამ მაინც კარგად იცოდა ვინ იყო მისი მეძებარი ძალლი; ის ძალლი კვალს არ დაჰკარგავს, ათასნაირადაც რომ აფურიო კვალი და ხან აქ უსხლიკუდო, ხან იქაო. ამ სახით, პან ზაგლობას უკან ბოგუნი იყო, ხოლო წინ გადაჰშლოდა ზღვა ხალხის აჯანყებისა, ჩეხა-ჟლეტა, ცეცხლის კიდება, თათართა ურდონი, გააფთრებული ბრბო.

ამისთანა ყოფაში გაქცევა საითმე ყოველად შეუძლებელი იყო, მერე ისიც გაქცევა ყმაწვილ ქალთან ერთად, ისეთ ყმაწვილ ქალთან, რომელსაც ბიჭური ტანისამოსი ეცვა და მაინც ისეთი საკვირველი ლამაზი იყო, რომ ყველა დიდის ყურადღებით აკვირდებოდა.

გარნა პან ზაგლობას მკვირცხლი გონება ჰქონდა და სწორედ ახერხებდა საქმის მოსაზრვას. რაც უნდა დიდსა და ძლიერს სულის კვეთებასა და ქარ-ტეხილში ყოფილიყო, მხოლოდ ერთს რასმე ითვალისწინებდა, ანუ უკეთ რომ ვსთქვათ, ერთს რასმე ჰგრძნობდა და ეს ერთი რამ ის იყო, ბოგუნი ასჯერ უფრო

საშიშია, ვიდრე ცეცხლი და ნეთი, წყალი და აჯანყება, ჩეხა და ელეტა... კინალამ ვიდრე თვით ხმელნიცკიო. მარტო ის ერთი ფიქრი, რომ შესაძლოა იმ საშინელს ატამანს ჩაუფარდე ხელშიო, სულ ტანს აუქინკრავდა ხოლმე პან ზაგლობას.

— იმისაგან კი კარგა მომხვედბა, — იმეორებდა წამ-და-უწუმ. — იმას კიდევ ჯანი გაეარდეს, ამ მღელვარებას როგორ-ღა გადურჩეს კაცი.

ერთად ერთი ხსნა-ლა იყო, მიეტოვებინა ელენე, დაეგლო ღვთის ანაბარად, მაგრამ პან ზაგლობას ეს არ უნდოდა.

— მე მგონიაო, — ეუბნებოდა ზაგლობა ელენეს, — სწორედ კარგ ღროს მოგინდომნიათ, რომ თქვენის გულისათვის მე გამაძრონ ტყავი.

მაგრამ ფიქრადაც არ მოსვლია მისი მიტოვება. მაშ, რა ექნა, რა შავი ქვისთვის ეხლია თავი?

— თავადის ძებნის დრო აღარ არის, — ბუბბდა თავისთვის ზაგლობა. — ჩემ წინ აგერ ზღვა გადაშლილა; მოდი და ჩაიყურე ურუმელავებ ამ ზღვაში, სხვა არა იყოს. — რა დავიმალები მაინც; შერე ექნება ღმერთმა იპრიანოს და ნაპირსაც გავიდე მშვიდობით. იფიქრა ასე და გადასწყვიტა, ავდგები და გავალ დნებრის მარჯვენა ნაპირასო.

პროხოროვკაში დნებრში გასვლა ადვილი არ იყო. პან ნიკოლოზ პოტოცკის სულ თვითონ წაელო, რაც რამ ნაგები ყოფილიყო პერიასლავიდან ჩიგირინამდე ქშეჩოვსკის ჯარისათვის. პროხოროვკაში დარჩენილიყო ერთი მიკონკილ-მოკონკილი ბორანი, მაგრამ იმასაც ათასობით ლტოლვილნი ელოდნენ. თვით სოფელში დაქერილი იყო, არამც თუ ყველა სახლები, არამედ ბელლები და ამბრებიცა, თავლა-ბოსლებიც კი. თან საშინელი სიძვირე იყო ყველაფერისა. პან ზაგლობა იძულებული იყო ნება-უნებურად მოემართნა თვისი ფანტური და მით ლუკმა-პური ეშოვა. მთელ დღე და ღამეს იცადა და გასვლა ვერ მოახერხა: ბორანი გაფუჭებული იყო და შეკეთება ეჭირებოდა. ის ღამე წყალისპირად გაატარა ელენესთან ერთად მთვრალ გლეხ-კაცების ბრბო-

ში; ღამე კი, რალაც საუბედუროდ, ძალიან ციოდა. კნიაჟნა ისე იყო მოქანცული, რომ ძლივსღა ჰფეთქავდა. ეშინოდა კიდევ, ძრიელ არ გავხდე ავადაო. პირისახე ღამწვარი ჰქონდა, თვალებს სიცოცხლიე გაჰქრობოდა; ყოველ წუთს ის აზრი ედგა თვალ-წინ, რომ აი ან ახლა მიცნობენ, ან ახლაო, რომ ბოგუნის კაცები საცაა ღამეწევიაწო. იმ ღამესვე საშინელის სცენის მოწამე შეიქნა. გლებებმა შეიპყრეს რამდენიმე ოჯახი შლიახტიჩებისა, რომელნიც ივლტოდნენ ვისნევეცკების მამულში გასახიზნადა და საშინელის ტანჯვითა და წამებით ამოჰხოცეს. ყოვლად საზარელი მძვინვარებაც კი დაიჩრდილებოდა იმ სასჯელთა წინაშე, რომელსაც იგონებდა გააფთრებული, გაღმეშილი ბრბო. თვით პროხოროვკაში სცხოვრობდა ორი ოჯახი ებრაელთა; ისინიც შეპყრობილ იქმნენ და ღნებრში ჩარჩობილ. ყოველ ამას თან მოსდევდა საშინელი ველური ხარხარი და მხიარულება. ათასში ერთხელ რომელიმე უგონო მთვრალი დაიღრიალებდა: „ხალხო, თავს უშველეთ, ერიომა მოდისო!“ და ყველანი მირბოდნენ წყლის ნაპირად, ეჯარებოდნენ და ჰყრიდნენ წყალში ერთმანერთს. საშინელი ღამე იყო ის ღამე და დიდი უბედურება კიდევ ის იყო, რომ დასასრული არ უჩანდა ამ ყოფას. ზაგლობამ იშოვა ერთი ჩარეჟა არაყის ფული, დაიწყო სმა თვითონ და ძალად ასმევდა კნიაჟნასაც. უამისოდ სულ დაჰკარგავს გრძნობას და გონზედ ველარ მოვიყვანო, ჰფიქრობდა პან ზაგლობა. ბოლოს, ღნებრის ტალღებს ცრიაგი ფერი დაედო. თენდებოდა. დგებოდა დღე, მოშავებდებული, ღრუბლიანი, ნოტიო. ზაგლობას უნდოდა, რაც შეიძლება ჩქარა გასულიყო ღნებრში. ბორანი შეაკეთეს, მაგრამ გარშემო საშინელი ზედა-ხორა იყო მკიდროობისაგან.

— ადგილი მიეცი ბერიკაცსა, ადგილი პაპასა! — ჰყვიროდა ზაგლობა და იკვალავდა გზას. — ადგილი პაპასა! ვისწრაფი, რომ ხმელნიცკისთანა და კრივანოსთან მალე მივიდე. ადგილი პაპასთვის, ღვთის ხალხნო, ღამაზნო და მშვენიერნო, აი გაგწყვიტათ ყველანი ჩემმა სალოცავებმა! თვალთ არ მიჭრის,

წყალში ჩავარდები... ნელა ეს ბიჭი არ დამიღრჩოთ წყალში დამითმეთ ადგილი, ჩემო სასურველნო შეილნო, აი მენი და მელგარი დაგეცეთ თავში და თან ჩაგიტანოთ შავს მიწაში!

ასე ჰყვიროდა, იწყევლებოდა, ევედრებოდა ხალხს და თან აპობდა ბრბოს თვისის ძლიერის მკლავებითა. ამ სახით, ჯერ ელენე აიყვანა, როგორც იყო, ბორანზედ და მერე თვითონაც აპობდა და ხელ-ახლად დაიწყო ღრიალი:

— გეყოფათ, კმარა! აბა, რას მობობლავთ? ახლა ბორანსაც ჩასძირავს, მაგოდენა ხალხი რომ ეჯარებით. კმარა! თქვენი რიგიც მოვა; არ მოვა კიდევ და—კისერიმც მოგიტეხიათ, დიდს არას დაჰკარგავს ქვეყანა.

— კმარა, კმარა!—მხარს უქერდნენ სხვებიცა, ვისაც უკვე მოესწრო ბორანზედ ასვლა—გასწი მებორნე, აუშვი ბორანი!

ბორანი უფრო კატარლასა და ტივსა ჰგვანდა. აგერ ნელ-ნელა მოჰშორდა ნაპირს; მერე წყალის ძრიელმა მდინარებამ ცოტა ირიზად წაიღო დემენტოვისაკენ.

ჩვენი მგზავრნი უკვე შუა ღნებრში იყვნენ, რომ უცბად პროხოროვკის ნაპირად ატყდა საშინელი ყვირილი.

— რა ამბავია? რა მოხდა?—კითხულობდნენ ტივზედა.

— ერიომაა!—დაიყვირა ვიღამაც.

— ერიომა, ერიომა!—ჰყვიროდნენ სხვანიცა.

მეტრევე-მეკარტალებმა ღონივრად მოუსვენეს ორთაყვირებს და ტივი გაჰქანდა ყაზახთა ლიხვიტა ნავივითა.

ამავე დროს რალაც ჯარი გამოჩნდა პროხოროვკის ნაპირზედა.

— ერიომას ჯარია!

ახლად-მოსულნი საჩქაროზედა ჰკითხავდნენ რალაცას ნაპირად დარჩენილებს და მერე დაიწყეს ყვირილი, ტივი გააჩერეთო.

ზაგლობამ გაიხედა და ცივმა ოფლმა დაასხა შუბლზედ; იცნო, რომ ნაპირად ბოგუნის ყაზახნი იყვნენ.

სწორედ აგრეც იყო: ახლად მოსულნი იყვნენ ბოგუნის ყაზახნი ესაულის ანტონითა.

მაგრამ, როგორცა ვსთქვით, პან ზაგლობა თავის დღეში დიდ ხანს არ დარჩებოდა ხოლმე უგონოდ; საჩქაროზედ თვალები მოიფშენიტა, თითქო თვალთ აკლიაო და მერე უცბად შეჰყვირა განწირულებით:

— შეილებო, ეგენი ვისნევეცკის ცაზახნი არიან! ოპ, ღეთისა და ყოვლად-წმიდა ღეთის-მშობლის გულისათვის, მალე გაიტანეთ ტივი გაღმა! შესაცოდავნი არიან, ვინც იქით ნაპირას დარჩა, მაგრამ რა ვუყოთ, უნდა დავშალოთ კატარღა, თორემ ყველას ამოგველეტენ!

— აბა, ჩქარა, დავშალოთ კატარღა, სულ დავანაფოტოთ,—გაისმა ძახილი აქეთ-იქიდან.

ისეთი ხმაურობა ატყდა ტივზედ, რომ აღარ ისმოდა, რას ჰყვიროდნენ მეორე ნაპირიდან. ტივი ჰრიალით მიადგა თხელს ნაპირს და გაირიყა. ზოგნი ჯერ არც კი გადასულიყვნენ ნაპირზედ, რომ სხვებმა დაუწყეს შლა ტივსა და ჰრა წკნელებსა. ხეები და გასაყარნი მიეცნენ წყალს. შიშმა ერთი ათად მოუმატა ხალხს ძალა; იმ უბედურ კატარღისა აღარა გადარჩა-რა თითქმის.

პან ზაგლობა კი ამასობაში გაჰკიოდა მანც:

— დაჰკათ ცული, დაღეწეთ, დაამტვრიეთ! თავს უშველეთ! ერიომა მოდის, ერიომა მოდის!

ასე ღრიალი არ უშლიდა მანც და თავის მართალისა და საღის თვალით მრავალმნიშვნელოვანებით ანიშნებდა ელენეს, რისთვის ვიქცევი ასეო.

მეორე ნაპირზედ მყოფთ დაინახეს, აღბად, რომ ტივი სულ გააქრეს, იმიტომ რომ ყვირილი მათი უფრო და უფრო ძლიერდებოდა, მაგრამ, რადგან დიდი მანძილი იყო, სიტყვები არ ისმოდა და შეუძლებელი იყო გაერკვია კაცს, რასა ჰყვიროდნენ იქიდან.

ტივი სულ მიშალ-მოშალეს და ახლა ახალმა სანახავმა გააოცა ყველანი, ვინც გადარჩა დაღუპვასა.

— წყალში სცვივიან ცხენოსნები, მოდიან ჩვენსკენ!

მართლაც, ჯერ ერთმა ცხენოსანმა, მერე რამდენმამე სხვამ შეაგდეს ცხენები წყალში და მოინდომეს ცურვით გასულიყვნენ მეორე ნაპირას. ასეთი საქციელი უგუნური მამაცობა იყო, იმიტომ რომ გაზაფხულის გამო, მოდიდებული წყალი საშინელის ონავრობით მოაქანებდა ზვირთებს. ცხენები მოიტაცა ჩქარმა მდინარეებამა და ამიტომ პირდაპირ ველარ მისცურავდნენ: წყალი ძალიან უძალიანდებოდა ცხენებს და მდინარეა ქვეით-ქვეით ეწეოდა.

— ვერ გამოსცურვენ! — ჰყვიროდნენ გლეხნი.

— დაირჩობიან!

— მადლობა ღმერთსა! ოჰ, ერთს ცხენს წყალი აყლაპა და დააყურქუმელაეა.

— ჯანდაბას მაგათი თავი!

ცხენებმა გასცურეს მესამედი ნაწილი მდინარისა, მაგრამ ქვევით-ქვევით ეწეოდა საცოდავებს. ეტყობოდათ, რომ ღონესა ჰკარგავდნენ საშინელ ზვირთებთან ბრძოლითა. მხედარნი, რომელნიც ცხენებზედ ისხდნენ, უკვე წელამდე წყალში იყვნენ. გაიარა რამდენმამე საშინელმა წუთმა. ახლა მოსჩანდნენ მხოლოდ თავნი ცხენებისა; ყაზახებს წყალი ძუძუებამდე სწვდებოდათ, სამაგიეროდ ნახევარი მდინარისა უკვე გასცურეს. ვნახოთ ერთი მათგანი წყალმა დაჰფარა, მერე მეორე, მესამე, მეოთხე.... რიცხვი წყალში შემოსულ ცხენოსანთა თან-და-თან მცირდებოდა. ორივე ნაპირას ჩამოვარდა საშინელი ყრუ ღუმილი; ყველანი გულის ფანქვალით მირბოდნენ მდინარის დაყოლება, ვნახოთ, რით გათავდება საქმეო. აგერ მესამედი-ლა დარჩენიათ წყლისა, რომ მოატანონ ნაპირს; აგერ ისმის მძიმე ფრუტუნი ცხენებისა და ხმა ცხენოსანთა, აგერ ზოგიერთებმა უკვე მოატანეს ნაპირსაცა....

უტბად ამ ღუმილში გაისმა ხმა ზაგლობასი:

— ეი, შვილებო! აბა ერთი მაგ თავადის ელჩებს კარგად გაუუმასპინძლდეთ და დაეაზილოთ აქედან თოფები!

გაისმა გრიალი თოფებისა და თოფის-წამლის ბოლმა ერთს წუთს დაჰფარა სანახაობა. წყლიდან მოისმა განწირული ყვი-

რილი... ბოლმა გადიყარა... სად-ლა არიან ცხენები, ყაზახნი, ყოველივე განჰქრა. წყალში აღარავინა სჩანდა, მხოლოდ ათასში ერთხელ გამოჩნდება ერთის წუთით ან ზურგი ცხენისა, ან წითელი ქული ყაზახისა.

ზაგლობა შესცქეროდა ელენეს და თვალით ანიშნებდა, ჰნახე, რა ამბავიაო!

VI

რუსეთის თავად-მოურავმა, იმაზედ წინაღ, ვიდრე პან სქშე-ტუსკისა ჰნახავდა, რაზლოგის ნანგრევებზედ მჯდომარესა, უკვე იცოდა კორსუნის ომის ამბავი. მანამდე პრილუკსა სცხოვრობდა და იქიდან გაჰზავნა პან ბოლუსლავ მაშკევიჩი და წერილები გაატანა გეტმანებთან, შემომითვალეთ, საით მივმართო ყოველის ჩემის ძალ-ღონითაო. პან მაშკევიჩმა დიდ ხანს დაიგვიანა და ამიტომ თავადმა პერეიასლავს გადინაცვლა. აქედან ჰგზავნიდა ყველგან შიკრიკებსა და თან აბარებდა, ლუბნში მოიყარონ თავი ყველა ჯარმა და ჯამათმაო.

მაგრამ ამ დროს მოვიდა ამბავი, რომ რამდენიმე რაზმი; რომელიც თათართა სამზღვრებისაკენ იდგა, მიიფანტ-მოიფანტა, ან არა და აჯანყებულთ მიემხროვო. თავადი სწუხდა, რომ ჩემი ლაშქარი კოტავდება, თოვლივითა დნება და ისინი, რომელიც ოდესმე ძლევა-გამარჯვებას იმოსავდნენ ჩემის მხედართმთავრობით, დღეს მტოვებენ, თავს მანებებენო.

კორსუნის გამარჯვების ამბავი მოუტანა თავადს მისმა ძველმა მეგობარმა, პან პოლიანოვსკიმ. თავადმა არ გაამჟღავნა თვისი დარდი და გულის-ტკივილი ჯარის წინაშე და მოდიოდა წინ-წინ დნებრისაკენ, მოდიოდა ალალა ბედზედ, თვით აჯანყებისა და ჭეჭა-ქუხილის შუა-გულ ადგილას, მოდიოდა იმ განზრახვით, რომ ან გადავუხდი სამაგიეროს სამარცხვინო ძლევისათვის, ან დეე დავიდუბოვო. ხოლო თუ სახასო ჯარებიც მე შემომიერთდა და მით გაძლიერდება ჩემი ექვს-ათასიანი ლა-

შქარი, ოჰ! მაშინ შეეძლებოდა თუნდ ხმელნიცკის შევება და გავიმარჯვოვო.

თავადმა პერეიასლავლში დაიბანაკა და მიანდო პან ვოლოდიევსკისა და პან კუშელს, დაჰგზავნეთ ყველგან კაცები და აშოვინეთ ნავები და კატარლა-ბორნებო. თავადის ჯარი მარცხენა ნაპირიდან გაღმა უნდა გასულიყო.

დაგზავნილებმა გაიგეს მრავლად ლტოლვილთაგან კორსუნის ომის ამბავი, ხოლო ნავი კი ვერც ერთი ვერ იშოვეს: ზოგი ბარაბაშისა და ქშეჩოვსკის ჯარს მოსდომებოდა, ზოგი კიდევ ხალხს დაეღეწა იმ განზრახვით, რომ თავადი არ გამოვიდეს გაღმა და შური არ იძიოსო. პან ვოლოდიევსკიმ მაინც მოახერხა და ათის დრაგუნით გაღმა გავიდა კატარლითა, რომელიც ხელ-და-ხელ შეაკვრევინა ტივის ხეებისაგან. იქ შეიპყრა რამდენიმე ყაზახი და წარუდგინა თავადსა. თავადმა მხოლოდ მაშინ შეიტყო, რაოდენად დიდი ომი მომხდარიყო კორსუნს ახლო და რა დიდად ემოქმედნა ამ ომს. მთლად უკრაინა აჯანყებულიყო. აჯანყება თან-და-თან უფრო ძლიერდებოდა და ისევე დიდდებოდა, როგორც ზვავი, რომელიც მთის მწვერვალიდან არის წამოსული. შლიახტა ციხე-დარბაზებში იყო გამაგრებული და იქიდან იგერებდა მტერს, მაგრამ ბევრნი მათ შორის უკვე აეღო მტერს.

ხმელნიცკის ჯარი თან-და-თან მატულობდა და ძლიერდებოდა. შეპყრობილნი ყაზახნი ამბობდნენ, რომ მისი ლაშქარი ორასი ათასამდე უნდა იყოსო, მაგრამ შესაძლო იყო, რომ ორის დღის განმავლობაში ამ რიცხვს ერთი-ორად ემატნა. ამიტომ ხან-მოკლე მყუდროების გამოყენება მოინდომა, დადგა ბანაკად კორსუნს ახლო და ახალ-ახალ ჯარის-კაცებს ჰკრეფდა. ჯარში თავის ნებით ჩაწერის მსურველთ ჰყოფდა რაზმებად, უნიშნავდა პოლკოვნიკებს ატამანთაგან და იმიერკორომეთის გამოცდილ ესაულთაგან, ჰგზავნიდა საკმაოდ რიცხვმრავალს ჯარებს ახლო-მახლო ადგილების დასაპყრობად. თავადი ერემია დარწმუნდა, რომ ტყუილი ფიქრი იქნება, აქ მოვინდომო გასვლა დნებარ გაღმაო. თვითონ მევე რომ დაეიწყო

და გავაკეთებინო ნავეები 6,000 კაცის გასასხმელად, ამას რამდენიმე კვირა მოეუნდებოდა და ან კი რას გააწყობს ეს ჩემი რიცხვ-მცირე ჯარი, როცა მტერს აღურაცხველი მხედრობა ჰყავსო? სამხედრო თათბირზედ უმეტესობა იმ აზრისა იყო, რომ ჩრდილოეთისაკენ გავილაშქროთ, ჩერნიგოვის კერძოდ, ტყე-ტყე, იქიდან ლიუბეჩს ავიდეთ და მერე ბრაგიმოვს ახლო გავიდეთ გაღმა მხარისაო. ეს გზა კარგის მანძილის გზაა და საკმაოდ საშიში საფალიცა, იმიტომ რომ ამ გზაზედ მრავლად იყო ქაობები და ლია-ფშანები; ჯერ ქვეითს ჯარსაც გაუჭირდებოდა სიარული ამ გზაზედ და აბა რაღა უნდა ექნა ცხენოსანთა და თოფითა ჯარსა, ანუ კავალერიასა და არტილერიასა და აგრედვე ნუზლ-სურსათისა და ბარგი-ბარხანის ურმებსა? მაინც თავადს მოეწონა ეს გარდაწყვეტილება და თათბირი საბჭოსი. თითქო სწყუროდა დასდგომოდა ამ ძნელს გზას: მაგ გზაზედ დამდგარი, ჩემის აზრით, უკან ვეღარ დაიხეცსო; დავადგები მაგ გზას, გავივლი მთლად ღნებრის ამიერ-მხარეს, ჩავაქრობ აჯანყების ცეცხლს, დავიფარავ შლიახტას და შიშის ზარს ვაგრძნობინებ ერს, რომელიც, რაკი ბატონი სხვაგან მიდიოდა, თვით იყო მოვალე დაეცვა და დაეფარა ისინი, ვისაც არ შეეძლო უკან გაჰყოლოდა ლაშქარს. მაგრამ კნენა გრიზელდა, პანნი ზბარასკებისა და მთლად ჯარის-კაცთა ამაღა ჯერ ისევ ლუბნში იყვნენ და ამიტომ თავადმა გადასწყვიტა, ლუბნში წავალ და უკანასკნელად გამოვეთხოვები ჩემს სახლ-კარსა და ოჯახსაო.

ჯარებმა გასწიეს წინ იმ დღესვე პან ვოლოდივესკის მხედართ-მთავრობით. ის არე-მარე ჯერ ისევ მშვიდობიანად იყო. აქა-იქ ჩნდებოდნენ ავაზაკთა ბრბონი, რომელნიც ერთნაირად სძარცვავდნენ პანების სახელებსაცა და გლეხ-კაცთა ქოხებსაც, მაგრამ ეს ავაზაკნი მალე აჰლაგმეს ცოტად თუ ბევრად სასტიკ ღონისძიებათა მიღებით. ხალხი ჯერ არსად არ აჯანყებულყო, თუმცა ფაქრი და გონება ყველასი მოუხსენრობასა და მღელვარებაში იყო და ყოველ-ღამ შეიარაღებულნი ბრბონი გადიოდნენ ღნებრ-გაღმა. შიში და რიდი ჯერ კიდევ აღ-

გილს უთმობდა სისხლის წყურვილსა, ძარცვა-რბევის სურვილსა. ერთი შავ-ბედითი ნიშანი სჩანდა მხოლოდ: ყველა მხრიდან, იმ სოფლებიდანაც კი, რომელიც შემწეობასა და კაცებს არ უგზავნიდა ხმელნიცკის, გლეხ-კაცობა იელტოდა თავადის ჯარის მიახლოებისათანავე, თითქო ეშინიანთ, რომ საშინელი თავადი ამოიკითხავს, რაც გულში ფიქრი გვაქვს დამარხული, გაიგებს ჩვენის გულის პასუხსა და დაგვსჯის ამისათვისაო. სჯიდა კიდევ ყველგან, საცა კი შექნიშნავდა თუნდ სულ მცირედს ნიშნებს უკვე ოდნავ ჩასახულის ამბოხისას და, რაკი ბუნება ისეთი ჰქონდა, რომ ორქოფობა და ყოყმანი აღარ იცოდა, შუა გზაზედ გაჩერება არ უყვარდა, ამიტომ სჯიდა საშინლად, შეუბრალებლად. შეიძლებოდა ეთქვა კაცს, რომ დნებრს იმიერ და ამიერ მძვინვარებს ორი ძალა, — ერთი საშიში შლიახტისათვის — ხმელნიცკი, ხოლო მეორე მემამოხეთათვის — თავადი იერემია. ხალხში ჩურჩულით ამბობდნენ, რომ თუ ეს ორი ძალა ერთმანეთს შეეჯახა, მზე დაბნელდება და წყალი მდინარეთა წითლად შეიღებება სისხლითაო. გარნა მათი შეჯახება მალე ვერ მოხერხდებოდა; ძღვევა-მოსილს ყვითელ-წყლებთან, გამარჯვებულს კორსუნს ახლოს, — ერთის სიტყვით იმ ხმელნიცკის, რომელმაც სძლია სახასო ჯარებს, ტყვედ შეიპყრო გეტმანები და რომელიც მოთავეობდა ახლა ათასსა და ათი ათას მხედრობას, ეშინოდა ლუბნის ბატონისა, არც აქეთ და არც იქით; ეშინოდა იმ ბატონისა, რომელიც დნებრ-გამოღმა ეძებდა ახლა ხმელნიცკის.

თავადის ჯარებმა გაიარეს სღებოროდი. თვით თავადი ფილიპოვში დარჩა დასასვენებლად. იქ მოახსენეს, რომ ხმელნიცკის გამოგზავნილი კაცები მოვიდნენ, წერილი მოგართვეს და გთხოვენ, გვინახულოსო. თავადმა დაუყოვნებლივ მოუწოდა იმ კაცებს. ისინიც მოვიდნენ. სულ ექვსნი იყვნენ. შევიდნენ იმ სახლის ეზოში, საცა ჩამოხდა თავადი, თავ-მომწონენი, თავ-გამოდებულნი. გამოგზავნილებს ჰმეთაურობდა ანტონი სუხაია-რუკა, რომელსაც თავი მოჰქონდა მით, რომ კორსუნის ომში ძღვევა-შეიმოსა და პოლკოვნიკის ჩინი მიიღო. გარნა

ყოვლად უშიშარს ყოფაში ჩავეარდები, იმიტომ რომ, თუნდა ომის ატეხაც მოვუნდომო, მოლალატე და ამბოხის მოყვარული მე გამოვალ და არა ისა.

ვურცელმა თმაშიაც კი იტაცა ხელები.

— ოჰ, *vulpes astuta!*

— თქვენ რაღას მირჩევთ, ბატონებო?—ჰკითხ თავადმა.— მითხარით ყოველივე გაბედვით, ხოლო მერე მე გეტყვით ჩემს აზრს

მოხუცმა ზაცვილიხოვესკიმ, რომელსაც დიდი ხანი იყო დაენებებინა ჩიგირინისათვის თავი და შეჰკედლებოდა თავადსა, პირველმა დაიწყო ლაპარაკი:

— თქვენო ბრწყინვალეებო, რაკი ჩვენს რჩევასა თხოულბთ, მოგახსენებთ, რომ თქვენ თქვენის ჩვეულებრივის შორს-მჭკრეტელობით, სრულიად სწორედ მიმხედარხართ, რა განზრახვაცა აქვს ხმელნიცკისა. მე ვგონებ, რომ იმის წერილს არავითარი ყურადღება არ უნდა მივაქციოთ და ჯერ უნდა ვიზრუნოთ, რომ კნენინა უშიშარს ადგილას გაეზიზნოთ, ხოლო ჩვენ უნდა გავიდეთ ღნებრში და დავიწყოთ ომი მანამდე, სანამ ხმელნიცკი დაიწყებდეს მოლაპარაკებას ზავის დადების შესახებ. რესპუბლიკა სამარცხვინოდ იქნება შებღალული, თუ სისხლით არ ჩამოირცხნავს თვისსა შეურაცხებასა. ახლა გაეჩუმდები და ყურს დაუფდებ იმას, რასაც სხვები იტყვიან. ბარგ-ბარხანის დარაჯმა, პან ალექსანდრე ზამოისკიმ, ხელი გაიკრა ხმალზედა.

— პან მედროშე! თქვენის ბაგით თვით სიბრძნე მეტყველებს. უნდა თავი მოვკვეთოთ გველვეშაპს, ვიდრე ჯერ მრავალი თავი არ გამოჰბმია და თვით ჩვენი გადაყლაპვა არ დაუპირებია.

— ამინ!—დასძინა ქსენძმა მუხოვეცკიმ.

სხვა პოლკოვნიკებმაც მიჰბადეს დარაჯის მაგალითს და ხმლებს დაუწყეს ჩხარა-ჩხური. დადგა რიგი ვურცელისა.

— თავადო!—სთქვა მან,—მე ისიც თქვენის სახელის შეურაცხყოფად მიმანდა, რომ იმ წუწკმა გაჰბედა და აგრეთის კანდიერებით მოგწერა წიგნი. ხმელნიცკი ძალად გეტმანია და პან

სქშეტუსკი კარგად მოქცეულა, რომ არ წამოუღია იმისი წერილები თქვენდა მოსართმევად.

— მეც ვგრე ვფიქრობ, — სთქვა თავადმა, — ხოლო რადგან თვითონ აქ არ არის, დაე თვისთა ელჩთა დასჯით დაისაჯოს.

თავადმა მიჰმართა თათართა სადროშოს პოლკოვნიკს:

— პან ვერშულ, უბრძანეთ თქვენს თათრებს, თავები მოჰკვეთონ ყველა ყაზახთა, ხოლო უფროსი მათ შორის მარგილზედ ჩამოაცვან, და აბა ჩქარა.

ვერშულმა დაუკრა თავისი კორფლიანი ქერა თავი და გავიდა, ხოლო ქსენძმა მუხოვეცკიმ, რომელიც ყოველთვის ცდილობდა ხოლმე მოვამბილო ძლიერი გულის თქმა თავადისაო, ვედრებით დაიკრიფა გულ-ხელი და პირდაპირ თავლებში შეჰყურებდა.

— ვიცი, წმინდაო მამაო, რაც გინდათ, — სთქვა მთავარმა, — მაგრამ ეგ შეუძლებელია. სიკვდილით დასჯა საჭიროა იმათ ასალაგმავადაც, რომელნიც მძვინვარებენ დნებრს გაღმა. მაგასვე მოითხოვს ღირსება ჩვენის სახელისაცა და სარგებლობა რესპუბლიკისაცა. საჭიროა ნიშანდობლივის მაგალითით დავამტკიცოთ, რომ არის კიდევ ვინმე, რომელიც არ უფრთხის ავაზაკთა ატამანს.

— თავადო, იმან რომ განუტევა პან სქშეტუსკი, — სთქვა გაუბედაობით ქსენძმა.

— გმადლობთ იმის მაგიერად, რომ პან სქშეტუსკის ავაზაკებთან ერთად აყენებ. — აქ თავადმა კოპები შეიკრა. — მაგრამ დავანებოთ ამას თავი. — მან კვლავ მიჰმართა პოლკოვნიკებს. — ვხედავ, ბატონებო, რომ თქვენ ყველანი ომსა რჩებთ. ჩემი ნებაც ეგვევა. წავიდეთ ჩერნიგოვს და გზა-გზა თან წავიყოლოთ თავად-აზნაურობაცა, ხოლო ბრავიმთან გაღმა გავიდეთ. ახლა კი ლუბნისაკენ გავემართოთ!

ამ დროს გაიღო კარები და გამოჩნდა პან რაზტვოროვსკი, რომელიც ორის დღის წინად იყო გაგზავნილი ახლო-მახლო არე-მარეს დასათვალისწინებლად.

— თავადო!—დაიწყო მან,—ამბოხი ძლიერდება! რაზლო-გი გადუბუგავთ, ვასილიოვკაში ყველა ჩვენი ჯარის-კაცნი სულ ერთიანად ამოუწყვეტიათ!

— როგორ, რაო, სადა?—აჩქარებით ჰკითხავდნენ აქეთიქიდან ახლად მოსულსა.

მაგრამ თავადმა ანიშნა ხელით, გაჩუმდითო და თვით დაუწყო გამოკითხვა პან რაზტვოროვსკის:

— ვინ მოიქმედა ეგე ყოველივე? მაწანწალანი იყვნენ, თუ ჯარი ყოფილა ვისიმე?

— ამბობენ, რომ ბოგუნის ბრალიაო.

— ბოგუნისაო?!

— დიალ:

— როდის მომხდარა ეგ ამბავი?

— სამის დღის წინად.

— კვალ და კვალ მივსდევდი, მაგრამ ვერავის ვერ დავეწიე: გვიან შევიტყე, სამის დღის შემდეგ, და გამისწრეს. აი გზა-გზა რა გავიგე: ჯერ უკან დაბრუნდნენ, ჩიგირინისაკენ და მერე თურმე გაიყვნენ ორად. ზოგნი ჩერკასისკენ წავიდნენ, ზოგნი კიდევ ზოლოტონოშასა და პროხოროვკას.

— მე შემხვდა ერთი რაზმი, რომლის შესახებაც მოგახსენეთ, თქვენო ბრწყინვალეებავ, —სთქვა პან კუშელმა.— მითხრეს, რომ ბოგუნმა გამოგვგზავნა, ხელი შევეუშალოთ გლეხ-კაცობას, რომელნიც დნებრ-გალმა ილტვიანო და ამიტომ გან-ეუტყვე.

— სისულელე მოგიქმედნიათ, მაგრამ არ გამტყუნებთ,— სთქვა თავადმა.— ძნელია კაცს ანგარიში არ შესცდეს აქ, როცა მოლაღატეს ფეხს ვერ აფუქცევთ.

უცბად თავადმა თმებში იტაცა ხელი.

— ღმერთო ყოვლის შემძლებელო!—შესძახა მან.—ახლა მაგონდება, რომ სქმეტუსკიმ მითხრა, ბოგუნს უნდა შეირთოს კნიაენა კურცევიჩიო! დიალ, დიალ! აი მაშ რა მიზეზით გადუწყავთ რაზლოგი... ის ქალი, ალბად, გატაცებულია. ეი, ვოლოდიევსკი, აბა დაფაცურდი! წაიყვანე ხუთასი ცხენოსანი და

ერთხელ კიდევ წადით ჩერკასისაკენ; ბიხოვეცმა ხუთასი ვლახელი წაიყვანოს და ზოლოტონოშასა და პროხოროვკას წავიდეს. ცხენებს ნუ დაჰზოგავთ; ვინც ამ ქალს იმათ ხელიდან დაიხსნის ერემეევკა იმისია. აბა, ჩქარა, ჩქარა!... ჩვენ კი რაზლოგისკენ წავიდეთ და მერე ლუბნს.

პოლკოვნიკებმა საჩქაროდ მიჰყვეს ხელი ბრძანების აღსრულებას.

შეიქნა გაცხარებული მზადება და ფაცი-ფუცი. თავადს მოართვეს მისი ბაცის ფერი ლურჯა ულაყი, რომელზედაც შეჯდებოდა ხოლმე ყოველთვის, როცა ლაშქრად წავიდოდა. ერთს საათს უკან რაზმნი გაემართნენ და გრძელის ქრელის ლენტვიით გაიჭიმნენ ფილიპოვეცკის გზაზედა.

იქვე ახლო ჯარის-კაცთა თვალებს წარმოუდგათ სისხლით შესვრილი სანახაობა. ღობის მარგილებზედ ჩამოცმული იყო ხუთი მოკვეთილი თავი ყაზახთა, რომელთაც თვალები გახელილი დარჩენოდათ და ისე დაშტერებოდნენ მიმავალ ჯარს; მათ ახლო, ამწვანებულ სერზედ საშინლად იკლაკნებოდა მარგილზედ ჩამოცმული ატამანი სუხაია-რუკა. მარგილის წვერი გულამდე შესობოდა, მაგრამ საცოდავს ატამანს ჯერ კიდევ დიდ ხანს უნდა ეტანჯნა ჯოჯოხეთის ტანჯვითა, ვიდრე სიკვდილი დაუხუჭავდა, სამუდამოდ თვალებსა. ახლა კი, არამც თუ ჯერ ისევ ცოცხალი იყო, არამედ მიმავალ რაზმებს ისეთის თვალებით აცილებდა, რომელიც ცხადად ამბობდა: „ღმერთმა გკითხოთ და გადაგახდევინოთ თქვენცა, თქვენთა შვილთა და შვილი-შვილთაცა მეთე თაობამდე ამ ჩემის სისხლისა, წყლულებისა და ტანჯვა-წამებისათვის“. და თუმცა ერთი მღაბიო ყაზახი იყო, თუმცა კვდებოდა არა ატლას-ბაფთებზედ მწოლარე, არა ოქრო-ქსოვილს ფარჩაზედ, არა ძველებურ ციხე-დარბაზის ოთახში, არამედ ცის ქვეშე, მარგილზედ,—მანც მისი წვა-დაგვა, სიკვდილი, რომელიც დანავარდობდა მის თავზედ, ისეთის დიდებითა ჰმოსაედა, ისეთის მძულვარებითა და ზიზლით ავსებდა მის თვალებსა, რომ ყველა კარგად მიხვდარიის თქმაც უნდოდა საწყალობელსა.

თავადმა ისე გაიარა, რომ იქითკენ არ შეუხედნია; ქსენ-
დმა მუხოაკეცკიმ ჯვარი გადასწერა საცოდავს. ყველამ გვერდზედ
გაუარა და მხარი აუქცია, მხოლოდ ვილაც ერთი ყმაწვილი
გუსართა სადროშოსი, ნება-რთვა აულეებლად, ავიდა იმ სერზედ,
მიადო ყურზედ დამბაჩა ტანჯულსა და ერთის სროლით ბოლო
მოულო მის წვა-დაგვასა. ყველას თრთოლა დააწყებინა, როცა
დაინახეს ასეთი კადნიერი საქციელი ჭაბუკისა, ასეთი დარღვევა
სამხედრო წეს-რიგისა, ყველამ იცოდა მერე, რა სასტიკი იყო
თავადი ამისთანებში და ეგონათ, რომ ეს არის დაილუბა საცო-
დავი კვალ-წმინდადაო. მაგრამ თავადმა ხმა არ ამოიღო, ღრმად
მღუმარე მივიდა იმ ღამის გასათავებელ ბინამდე და ძხოლოდ მა-
შინა ბრძანა, აქ დამიძახეთ წეს-რიგის დამრღვეველსაო.

კოცხალ-მკვდარი ყმაწვილი წარსდგა თავადის წინაშე.
ასე ეგონა, რომ საცაა დედამიწა გამისკდება ფეხ-ქვეშა და შიგ
ჩამიტანსო. ხოლო თავადმა ჰკითხა:

— რა გვარი ხარ?

— ჟელენსკი.

— შენ მოჰკალი დამბაჩით ყახახი?

— მე, — ძლივს წარმოსთქვა მიკნავებულის ხმით ჭაბუკმა.

— მერე რად მოიქმედე მაგისთანა საქმე?

— შემეცოდა და იმის ტანჯვის ყურება ვეღარ შევძელ.
თავადი გაჩუმდა პატარა ხანს.

— ოჰ, ბავშვო! ბევრჯელ დაინახავ ისეთს საშინელებას,
რომ ყოველივე სიბრალოლი მოისპობა შენს გულში, მაგრამ
რადგან შებრალების გამო არ დაერიდე სიკვდილს, რომელიც
მოგელოდა მაგისათვის, ამიტომ ვუბრძანებ ხაზინადარს ათი ოქ-
რო გაჩუქოს ლუბნსა, ხოლო შენ საკუთრად ჩემს მცველად ამი-
ყვანიხარ.

ყველას გაუოცდა და გაუკვირდა, რომ ასე მშვიდობით
გათავდა ეს საქმე. მაგრამ აქ აუწყეს თავადს, რომ მოვიდნენ
ახლო-მდებარე ზოლოტონოშას არე-მარეს დასათვალიერებლად
გაგზავნილიყო და ამიტომ ყველას ყურადღება სხვა ამბავმა და
გარემოებამ მიიქცია.

VII

ვანშმოზა იქნებოდა, როცა მთვარიან ღამეში თავადის ჯარი მივიდა რაზლოგს და მოულოდნელად თავს კი წაადგა პან სქშეტუსკის, რომელიც ქვაზედ იჯდა გაშეშებულივითა. ჩვენ უკვე ვიცით, რომ ამ რაინდს ტანჯვისა და მწუხარებისაგან ცნობა დაჰკარგოდა და გონს მოვიდა მხოლოდ ქსენძ მუხოვეცკის წყალობითა. აფიცრები გულ-მხურვალედ მიესალამნენ და ანუგეშებდნენ ძველს მეგობარს, მეტადრე პან ლონგინუს პოლბიპენტა, რომელიც აგერ უკვე სამი თვე იყო რაც პან სქშეტუსკის სადროშოს რაზმში მსახურობდა. პან ლონგინუსი მზად იყო დაუსრულებელად ეტირნა და ექუხნა თავის ამხანაგთან ერთად და მაშინვე აღთქმაც დასდო ჩემი ღღენი სამშაბათობით მარხვა შევინახო ხოლმე, ოღონდ კი ღმერთმა ინებოს და შეუმსუბუქოს დესპანს თვისი მწუხარებაო. პან სქშეტუსკი წაიყვანეს თავადთან, რომელიც იქვე ერთ-ერთის გლეხკაცის ქონში ჩამომხდარიყო. თავადმა ხმა არ ამოიღო თავის სასურველის კაცის დანახვაზედ და მხოლოდ მკლავები გაშალა ფართოდ მისაგებებლად. პან სქშეტუსკი ქვითინით მივარდა თავის მფარველს, თავადმა გულში ჩაიკრა და დაუწყო კოცნა თავზედა. ბევრმა შეჰნიშნა, რომ იმის სასტიკს თვალეში ცრემლმა დაიწყო ბრწყინვა.

ქეშმარიტად მიხარიან, რომ კვლავ განახე, — წარმოსთქვ ბოლოს თავადმა, — მიხარიან იმიტომ რომ მეგონა კვალ-წმინდად

დაეკარგე-მეთქი. ვაჟკაცურად ატარე შენი ტვირთი და გახსოვდეს, რომ ათასნი და ათი-ათასნი ჰგრძნობენ იმასვე, რაც შენა გტანჯავს; ათასმა და ათი-ათასმა დაჰკარგეს თვისნი ცოლნი, შეილნი, მშობელნი და მეგობარნი. და, როგორც ერთი წვეთი ჰქრება ზღვაში, დეე ისე გაჰქრეს შენი მწუხარებაცა საყოველთაო უბედურების თვალ-გადუწვდენელს ზღვაშია.

— ამინ!—დასძინა ქსენძმა მუხოვეცკიმ.

— ოჰ, თავადო, თავადო! ბევრად მერჩინა, რომ ძკვდარი მენახა ის ქალი,—ქვითინებდა რაინდი.

— იტირე, იტირე... დიდი დასაკარგი დაჰკარგე, ჩვენც შენთან ერთად ვიტირებთ, მაგრამ ეს კი უნდა უთხრა შენს თავს: დღეს ჩემს თავსა ვსტირი, გარნა ხვალინდელი დღე ჩემი არ არის-თქო. იცოდე, რომ ხვალ ომში მივდივართ.

— საცა გნებავთ, იქ წამოვალ მეც თქვენთანა, ხოლო ნუგეშს კი ვერაფრით ვერა ვსცემ ჩემს თავსა... გული მიწუხს უმიხოდ... არა, არა, ნუგეში აღარ არის ჩემთვის...

და საცოდავი რაინდი ჰკბენდა თავის ხელებს, რომ ეგებ გულში ჩავიკლა კენესაო, რომელიც მზად იყო აღმოჰხდომოდა გაწამებული მკერდიდანა.

— შენა სთქვი: იყავნ ნება შენო!—სასტიკის ხმით წარმოსთქვა ქსენძმა.

— ამინ, ამინ! ვემორჩილები მისს ნებას... ეს არის მხოლოდ, რომ ვეღარ ამიტანია სიმწვავე გულს მოდებულის ცეცხლისა... არ ვიცი, რა წყალში გადავვარდე!—სთქვა პასუხად სქმეტუსკიმ და თან ხმა უწყდებოდა წამ-და-უწყუმ.

ეტყობოდა, რა დიდს ბრძოლაში იყო მისი სული, რა გვარ მუხლთ ეკვეთებოდა თვისის ტანჯვის მძიმე ტვირთ ქვეშე. ყველას ცრემლები მოერია თვალებში, ხოლო ვინც გულ-ჩრვილი იყო, როგორც მაგალითებრ, პან ვოლოდიევსკი და პან

პოდბიპენტა, ისინი ხომ სულ მდულარებას აპნევენენ. პან ლონგინუსმა დაიკრიფა გულ-ხელი და სთქვა ნაზის, გულ-ჩამ-წედენის ხმით:

— ინუგეშე როგორმე, ძმაო... და გაუძელ როგორმე შენს კირსა.

— გამიგონეთ,—სთქვა უცებ თავადმა,—მე ნამდვილად ვიცი, რომ ბოგუნი აქედან ლუბნს წავიდა; ასე რომ არ ყოფილიყო, ჩემს ხალხს ვერ დაჰხოცავდა ვასილიოვკას ახლო. წინდაწინვე სასოება არ უნდა დავკარგოთ; უნდა ვიფიქროთ, რომ ბოგუნს არ გაუტაცნია ის ქალი, თორემ ლუბნს რილასთვის წავიდოდა?

— მართლა-და, ადვილად შესაძლებელია, სწორედ ეგრე იყო!

— სწორედ აგრე უნდა იყო!—წამოიძახეს აფიკრებმა.— ღმერთი მოწყალეა.

პან სქშეტუსკიმ თვალები ისე დააქყიტა, თითქო არ ეყურება, ამას რას ამბობენო. იმის თვალ-წინ გაიელვა სხივმა იმედისამა და ეს კაცი უცებ ფეხ-ქვეშ ჩაუფარდა თავადსა:

— ოჰ, თავადო, მთელი ჩემი სიცოცხლე, ჩემი სისხლი...

პან სქშეტუსკიმ ველარ შესძლო ლაპარაკი, ისე გაფითრდა, რომ სულ სიკვდილის ფერი დაედო. პან ლონგინუსი იძულებული იყო აეყენებინა და იქვე ტახტზედ ჩამოესვა.

მეორე დღით დაბრუნდა რაზმი, რომელიც თავადმა ჩერკასს გაჰგზავნა. რაზმმა, რასაკვირველია, ვერ შეიპყრა ბოგუნი, მაგრამ სამაგიეროდ საყურადღებო ამბავი მოიტანა. ვინც გზაში შეხვედროდათ, ეთქვათ, რომ ბოგუნი ვილასაც დაჰსდევს, ყველას ჰკითხავს, სქელ-სქელი შლიახტიჩი ხომ არ გინახავთ პატარა ყმაწვილი ბიჭითაო, ატამანი ამასთანავე სადღაც ეშურებოდა და თავ-პირის მტერევეთ დააქენებდა ცხენსაო. ბოგუნთან ქალი არავინ გვინახავს, მარტო ჯარის-კაცნი ჰყვანდა და ისინიც კოტაოდენიო. ახალი იმედი და თან ახალი მოუსვენრობა მიეცა პან სქშეტუსკის გულსა.

სრულიად არა ეყურებოდა-რა და ვერ მიმხედარიყო, როგორ უნდა ყოფილიყო საქმე; არ ესმოდა, რად მიზნობდა ბოგუნის ჯერ ლუბნის მხარესა, რად ამოსწყვიტა ვასილიოვკის მეციხეანეთა რაზმი და მერე რად გაუხვია უცბად ჩერკასისაკენა. ელენე რომ არა ჰყვანდა გატაცებული, ეს საკმაოდ ცხადი იყო, მაგრამ ამის გაგება სწყუროდა, სად იქნება ის ქალი, სად უნდა დამალულიყოვო? გაიქცა ვითომ? ხოლო თუ გაიქცა, საითა და რა მხარესა? ან რად გაიქცა არა ლუბნსა, არამედ ჩერკასსა და ზოლოტონოშას? მაგრამ, ეს ბოგუნის ჯარის-კაცნი რომ ეძებდნენ ვილასაც ჩერკასსა და პროხოროვკას ახლოს. მერე რას უნდა ჰნიშნავდეს ის გარემოება, რომ ბოგუნი და მისნი კაცნი კითხულობდნენ, შლიახტიჩი და ყმაწვილი ბიჭი ხომ არ გინახავთო? საწყალს დესპანს სულ თავ-გზა ეკარგებოდა.

— ერთი ამიხსენით, ღვთის გულისათვის, რას ჰნიშნავს ყოველივე ესე? გონება დამიბნელდეს ლამისა,—ეკითხებოდა წამ-და-უწუმ გარშემოხვეულ აფიცრებსა.

— მე მგონია, რომ ის ქალი ლუბინშია ახლა,—სთქვა პან მიგურსკიმ.

— ეგ შეუძლებელია,—უპასუხა ზაცვილიხოვსკიმ.—ელენე რომ ლუბინში იყოს, ბოგუნი ეცდებოდა საჩქაროზედ დამალულიყო ჩიგირინსა და გეტმანებისკენ აღარ წავიდოდა; იმათკენ წასვლა საშიში უნდა ყოფილიყო მისთვის, იმიტომ რომ იმ დროს ბოგუნს ჯერ არ ეცოდინებოდა, გეტმანები უკვე დამარცხებულნი არიანო. თუ თავისი რაზმი ორ ნაწილად გაჰყო და გაჰგზავნა ვისმე შესაპყრობად, თქმა არ უნდა, სწორედ ელენეს შესაპყრობად გაჰგზავნიდა.

— ამ ხნიერს შლიახტიჩსა და ყმაწვილს კაცს რაღასა კითხულობდა?

— მე მგონია, ეგ ადვილი მისახვედრია, რომ თუ ელენემ თავს უშველა, ქალურად კი აღარ იქნებოდა ჩაცმული, კაცურად ჩაიცვამდა. აი ეს კაცურად ჩაცმული უნდა იყოს სწორედ ელენე.

— ეგ მართლა ჭკუას ახლოა!—წამოიძახეს ერთად აფიცრებმა.

— კარგი, მაგრამ ის შლიახტიჩი ვილაა ახლა?

— ეგ არ ვიცი, მაგრამ მგონია, რომ მაგასაც მივიკვლევ. აქაურმა გლებ-კაცებმა ყოველივე ჰნახეს უთუოდ და უნდა იცოდნენ რამე. აბა, მოიყვანეთ აქ ამ ქოხის პატრონი.

აფიცრები გაცვინდნენ და რამდენისამე წუთის შემდეგ მოიყვანეს სახლის პატრონი.

— გამიგონე, მოხუცო, — ჰკითხა ზაცვილიხოვსკიმ, — შენ აქ იყავ, როცა ბოგუნი დაესხა თავს ბატონის სახლსა?

გლებ-კაცმა, ჩვეულებისამებრ, დაიწყო ფიცი, რომ არა ვიცი-რა, არა მინახავს-რაო, მაგრამ ზაცვილიხოვსკიმ კარგად იცოდა, როგორც უნდა მოჰქცეოდა გლებ-კაცსა.

— ჰაი, შე წუწკო! — შეუტია იმანა. — მე ვიცი, რომ შენ აქ იყავი სწორედ მაშინ, როცა აიკლეს სახლი ბატონისა. სხვასთან იტყუე ვისთანმე და ჩემთან კი ნუ სტყუი, თორემ ფონს ვერ გახვალ; აგერა, ოქრო, გარედ კი ჯარის-კაცი სდგას ხმალ-ამოწვდილი. მერე სოფელსაც ცეცხლს წავუკიდებთ და საწყალი ხალხი შენის მიზეზით დაილუპება.

ახლა კი ამოიღვა ენა გლებ-კაცმა. როცა ყაზახებმა სმა დაიწყეს ეზოში სახლის წინა, სხვებთან ერთად მეც იქ წავედი, რომ დამენახა, რა ამბავია-მეთქი. ყური მოვკართ, რომ კნენინა და თავადნი მოჰკლესო და რომ ნიკოლოზმა დასქრა ატამანიო; ატამანი ამის გამო გულ-შეწუხებული წიქს ლოგინშიო. რა მოუვიდა პანნას, ეგ კარგად ვერ გავიგეთ, მხოლოდ იმას ამბობდნენ, რომ ქალი გაიქცა იმ შლიახტიჩთან ერთად, რომელიც ბოგუნს მოჰყვაო.

— ვერ უყურებთ, როგორა ყოფილა საქმე! — ამბობდა ზაცვილიხოვსკი. — აჰა, აი დაპირებული ოქრო; ხომ ჰხედავ, უსაჩუქროდ არ დაგტოვეთ, ახლა ეს გვითხარი, შენ ის შლიახტიჩი არ დაგინახავს? აქაური იყო?

— დავინახე, პანე, მაგრამ აქაური არ იყო.

— როგორი იყო ან თვალად; ან ტანად?

— სქელ-სქელი იყო, პანე, და ჭალარა წვერი ჰქონდა. სულ იგინებოდა. ცალი თვალი ამოკიეული ჰქონდა.

— ოჰ, შესძახა პან ლონგინუსმა, — ზაგლობა ყოფილა.

— ზაგლობაო? მოითმინეთ... ზაგლობა. რატომ, შეიძლება. ჩიგირინში ძალიან დოსტი იყო ბოგუნისა, იმასთან ერთად ქეითობდა, კამათლებს ამღერებდა. შეიძლება!

— ერთი ეს მითხარ, ჩემო კარგო, ის შლიახტიჩი გაჰყვა პანას?

— სწორედ ისა. აგრე გავიგონეთ და და ნამღვილად არ ვიცი.

— კარგად კი იცნობთ შერე ბოგუნსა?

— კარგად როგორ არ ვიცნობთ, ბატონო! თვის-თვეობამდე აქ იყო ხოლმე.

— იქნება იმ შლიახტიჩმა პანა იმის ბრძანებით წაიყვანა?

— არა, ბატონო. შლიახტიჩმა შეჰკრა ბოგუნი და მისივე დაშლული ჩამოაცვა თავზე; პანაც მასუკან აღარავის უნახავს. ატამანი სულ მგელივითა ჰღმუოდა. განთიადისას უბრძანა ყაზახებს, საკაცზე დამაპართო. გამოეკიდა გაქცეულებს ლუბნისაკენ, ხოლო როცა იქით ვერავინ იპოვნა, სხვა მხარეს გაჰქანდა.

— მაღლობა ღმერთსა! — სთქვა მიგურსკიმ, — მაშ, ელენე ეხლა ლუბნში იქნება. პან სქშეტუსკი დაჩოქილი იყო და გულ-მხურვალედა ლოცულობდა.

— დახე, დახე! — ბუტბუტებდა მოხუცი მედროშე, — სწორედ არ ველოდი ასეთ ვაჟაკობასა ზაგლობასაგან; არ მეგონა, რომ გაჰბედავდა და ბოგუნს გაუმკლავდებოდა. მართალია, პან სქშეტუსკიმ ძალიან მოუგო გული იმ ლუბნურის სამ-ნახადითა, რომელიც ერთადა ვსვით ჩიგირინში, მაგრამ ამ ბოგუნის ფულითა რომ ცოტას არ სვამდა. არ ველოდი, ღვთის წინაშე, იმისაგან იმისთანა საქმეს, სწორედ არ ველოდი, იმიტომ რომ მუდამ მხდალი და ტრაბახა მეგონა.

— ასეა თუ ისე, — ჩაუერთო სიტყვა ვოლდიევსკიმ, — ისიც საკმაოა, რომ კნიაჟნა ავაზაკთა ხელიდან გაანთავისუფლა. ხო-

ლო, რადგან ცბიერება და მოხერხება არ აკლია, დარწმუნებული ვარ, მტერს ადვილად გაუსხლტება ხელიდან. პან სქშეტუსკი, გესმის? მაშ, გიხაროდეს!

— თუ გაღმა-მხარს გავიდა და შეიტყო კორსუნის ამბავი, — სთქვა ზაცვილიხოვსკიმ, — უნდა ვიფიქროთ, რომ უსათუოდ ჩიგირინისაკენ წავიდოდა. გზაში შეხვდებით... ახლა კი მოდიოთ და დავლიოთ სადღეგრძელო შორიდან მოსულის ამხანაგისა.

აფიცრები დიდის სიამოვნებით დაეთანხმნენ ზაცვილიხოვსკის. დალიეს სადღეგრძელო პან სქშეტუსკისა, კნიაჟნასი, მათის მომავლის შთამომავლობისა, პან ზაგლობასა და სხვათა. ღამე შეუძინებლად გავიდა. განთიადისას დაჰკრეს ნაღარა ჯარის თავმოსაყრელად და ლაშქარი გაემართა ლუბნისაკენ. თავადის რაზმნი სწრაფად მიდიოდნენ წინ; ურმები კი ბარგი-ბარხანით უკან დარჩა. პან სქშეტუსკის უნდოდა წინ წასულიყო თათართა სადროშო ჯარითა, მაგრამ ძალიან სუსტადა ჰგრძნობდა თავსა; ამასთანავე არც თავადი იშორებდა და დაწვრილებითა ჰკითხავდა, რა ყოფაშია საქმე სეჩისაო. რაინდმა უამბო, როგორ იმგზავრა, როგორ დაესხნენ თავს ხორტიცის ახლოს თათარ-ყაზახნი და როგორ წაიყვანეს სეჩს. სქშეტუსკიმ არა სთქვა რა მხოლოდ იმ შელაპარაკებასა და შეხირებაზედ, რომელიც იმასა და ხმელნიცკის მოუვიდათ: ვაი თუ თავადმა ტრახახობაში ჩამომართვასო. თავადს ძალიან გაუკვირდა და გაუოცდა ის ამბავი, რომ მოხუცს გროძიციკის თოფის წამალი შემოჰკლებოდა.

— ახირებული უბედურება დაჰმართნია, — სთქვა მან, — ეგ შემთხვევა რომ არა ყოფილიყო, კიდევ ძლიერ შეუშლიდა ხელს ამბოხების გაძლიერებას. პან გროძიციკი მამაცი ჯარის-კაცია, ერთგული შვილი რესპუბლიკისა. რატომ ჩემთან არ გამოგზავნა კაცები ტყვია-წამლისათვის.

— ალბად, იმასა ჰფიქრობდა, რომ დიდმა გეტმანმა თვითონვე უნდა იცოდეს, თვისის მოვალეობისამებრ, თავისი საქმეო, — უპასუხა პან სქშეტუსკიმ.

— მართალია, მართალი, — სთქვა თავადმა და პატარა ხანს გაჩუმდა.

— დიდი გეტმანი ხნიერი ზე გამოცდილი მხედართ-მთავარია, მაგრამ მეტის-მეტად ზეუვია და დიდი იმედი აქავს თავისა. ამან დაპლუპა კიდევ სწორედ. ძალიან მცირე მნიშვნელობას აძლევდა აჯანყებას და, როცა გავეშურე შემწეობის აღმოსაჩენად, არაფრად ვეპიტნავე. არ უნდოდა, რომ დიდება რომელსაც ვითომ მოიხევედა, საზიარო ყოფილიყო ვისიმე.

— მეც აგრე მგონია, — სთქვა პასუხად სქშეტუსკიმ.

— იმას ეგონა, კეტებით დავამშვიდებ იმიერ-ქორომეთსაო, გარნა ხომ ჰედავ, რაც ამბავია? ღმერთმა დასაჯა გულ-ზვავობისათვის. გულ-ზვაობა სწყინს შემოქმედსა; ეგ ზნე ჰლუპავს რესპუბლიკას და, ვგონებ, არავინ არ არის ისეთი, ეგ ზნე არა სჭირდეს.

თავადი მართალს ამბობდა, თვით იმასაცა სჭირდა ეგ ზნე. აი თუნდ მაშინ, დავა რომ ჩამოუფარდა ალექსანდრე კონეც-პოლსკისთან გადიაჩისათვის, თავადი გაუძღვა ორი ათას კაცს და შევიდა პირდაპირ ვარშავში. ეს ჯარი, თუ ვინიცობაა თავადს ძალას დაატანდნენ, ფიცი მიიღეო, უნდა შევარდნილიყო სენატორთა დარბაზში. ყოველისავე ამის მიზეზი სხვა არა იყორა, გულ-ზვავობისა და თავ-მოყვარეობის მეტი. ვანა შეიძლება, რომ არ ენდნენ ვისწვევცკის სიტყვასა და ძალა დამატანონ, გინდა თუ არა იფიცეო?!

ნაშუადღევის შემდეგ სულის მაღალ ნაპირიდან გამოჩნდა გუმბათები ლუბნის ეკლესიებისა, ბჭყვრიალა სახურავი და პატარ-პატარა გუმბათები წმ. მიხეილის ეკლესიისა. საღამომდე მოუნდა ჯარი ქალაქში შესვლასა. თვით თავადმა მიჰმართა თავის ციხე დარბაზსა, საცა უკვე ყოველივე მზად იყო ლაშქრობის განსაგრძობად; ჯარები დაბანაკდნენ ქალაქში, რაც აგრე ადვილი არ იყო. რადგან ამბოხების ხმა გავრცელდა, მთლად დნებრის გამოღმა-მხარის თავად-აზნაურობას ლუბნში მოეყარა თავი; დიდ-ძალი ხალხი მოგროვილიყო ქალაქში. ქალაქში კიდევ მოდიოდნენ თავადის კომისარები, მოურავნი, უფროსნი ამა თუ იმ

თემისა, ეკონომები, იჯარადარნი, ურიანი,—ერთის სიტყვით, ყველანი, ვისაც კი საბუთი ჰქონდა მოჰრიდებოდა ამბოხებასა. კაცს ეგონებოდა, რომ ბაზრობაა ლუბნში დანიშნულიო. მოსკოვის ვაჭარნი და აშტერონის თათარნიც კი ბლომად იყვნენ. მომწყვედელიყვენ ქალაქში და ვერა ჰბედავდნენ გზად წასვლასა. ბაზარ ადგილას ათასობით იდგნენ ურმები, რომელნიც სხვა-და-სხვა საქონლით იყო დატვირთული. უფრო საპატიო სტუმარნი ციხე-დარბაზში ჩამომხდარიყვენ, ხოლო მდაბიონი და მხლებელნი საყდრების გალავნებში მოთავსებულნიყვნენ, საცა მრავლად იყო დაცემული კარები. ყოველგან ხმაურობა იყო, მქიდროობა და სხვა-და-სხვა გვარისა და ფერის ტანსაცმელი მოსჩანდა; აქ თავადის ჯარის-კაცი სხვა-და-სხვა დროშისა და რაზმისა, იქ ჰაიდუკნი, აქეთ ურიანი შაგის პაიკებითა, სომეხნი იის-ფერი ტანისამოსითა, თათარნი ტულუფითა. ბრბო სიხარულით ეგებოდა ჯარის-კაცთა, რადგან ისინი იყვნენ ერთად-ერთნი თავდებნი საყოველთაო მშვიდობისა. ათას-გვარი ხმები ისმოდა აქეთ-იქიდან. ზოგნი ამბობდნენ, რომ თავადი ლუბნში რჩებაო, ზოგნი ამტკიცებდნენ, რომ ლიტვას მიდისო; ვილასაც ხმა დაეყარა, რომ თავადმა დაამარცხა ხმელნიცკიო. გარნა თავადი, რომელმაც უკვე ინახულა თვისი სახლობა, უკმაყოფილებით შეჰყურებდა დატვირთულ ურმებისა და ხალხის სიმრავლეს, რადგან ყოველივე ესე ჯარს გამოჰყვება უკან ბოლო-თრისავეით და გაგვიძნელებს სისწრაფით სიარულსაო. ერთად-ერთი ნუგეში მისი ის იყო, რომ ბრაგიმს იქიდან, მშვიდობიანს ქვეყანაში, ეს ხალხი შემომეფანტება და აღარ გამიძნელებს ლაშქრობასაო. თვით კნენა და სეფე-ქალნი უნდა ვისნევეცს წასულიყვენ, რათა თავადს, რომელსაც სახლობის დარდი აღარ ექნებოდა, თავისუფლად ემოქმედნა. ციხე დარბაზში ყოველივე მზად იყო; მაშინვე შეიძლებოდა, ჯარი გზას გასდგომოდა; ყოველივე ესე კნენა გრიზლედას წყალობით იყო, რადგან კნენა თავადს არ ჩამოუვარდებოდა არც მხნეობითა და არც ხასიათის სიმტკიცითა. თავადს სასიამოვნოდა ჰქონდა, რომ ასეთს

ყოფასა ჰხედავდა, თუმცა გული უკვდებოდა იმის გამო, რომ იძულებული ვარ დაეტოვო მშობლიური კერა, საცა ამდენი ბედნიერი დღე გავატარე და საცა მოვიხვექე ასეთი სახელი და დიდებაო. იმის მწუხარებას იზიარებდნენ ყველანი: ჯარისკაცა, მხლებელნიცა და მთლად მისის სასახლის მცხოვრებთა კრებულნიცა; ყველანი დარწმუნებულნი იყვნენ, რომ ვიდრე თავადი ილაშქრებს და იბრძოლებს შორეულს ქვეყნებში, მტერი ლუბნს არ დასტოვებს თავის ქერქში და მის სასურველ ზღუდეებზედ ამოიყრის თავის ჯავრსაო. მეტი ღონე კი არ იყო, ყოველივე უნდა დაეტოვებინათ, ყოველივე უნდა გაეწირნათ.

VIII

პან სქშეტუსკიმ, რასაკვირველია, ვერც კნიაჟნა პნახა ციხე-დარბაზში და ვერც ზაგლობა; ლუბნში არაფერ არა იცოდა-რა არც იმათი ასავალი და არც დასავალი. და რაინდმაც ჩაიკეტა კარი თვისის სახლისა, ცეიხპაუზში და იყო ისე თვისის გასრუებულის იმედებითა და მოუსვენრობითა. ეხვევოდა სხვადა-სხვა გულ-საკლავი ფიქრი და ისე იგერიებდა, თითქო დაქრილი ჯარის-კაცი იგერიებს ყვავ-ყორანსა, რომელიც ეტანება თბილს სისხლსა და ახალის ხორცის წიწქანასა. თავს იმითი ინუგეშებდა, რომ ზაგლობა თვისის დაუსრულებელის ხერხიანობით როგორმე მიაღწევს ჩიგირინსაო. პან სქშეტუსკის მოაგონდა მოხუცი მეფანტურე, რომელიც რაზლოგის გზაზედ შეხვდა. ეს მეფანტურე, რომელიც ვიდასაც გაეძარცვა და დედიშობილა გაეშვა თვისის წინამძღოლითურთ, სამს დღეს იჯდა ლელიანებში და ვერ ჰხედავდა გზაზედ გამოსვლას. ვინ იცის, იქნება ზაგლობამ მოიქმედა ეს საქმე და ამ სახით იშოვა ტანისამოსი თავისთვისა და ელენესათვის.

„ღიად, ღიად, სხვაფრივ არ მოხერხდებოდა ეს საქმე!“ — იმეორებდა დესპანი და ჰგრძნობდა, რომ გულს ეფონებოდა.

ნუ თუ ყოველად მოწყალე ღმერთი არ დაიფარავს ელენეს უმანკოებას? პან სქშეტუსკიმ იგრძნო საჭიროება მოსვენებისა და მამა მუხომეცკისთან წავიდა აღსარების სათქმელად. ქსენძმა წაიყვანა სააღსარებოში და დიდ ხანს ემუსაიფა. მღვდელმა უთხრა, რომ ეკვი არ უნდა გვქონდეს ღეთის მოწყალეობაზედა, რომ მოქალაქე მოვალეა ყოველივე გასწიროს სამშობლოს კეთილ-დღეობისათვისო. მამა მუხომეცკიმ ისეთი ცხოველი სურათი გაუთვალისწინა ქვეყნის დაცემისა და მწუხარებისა, რომ რაინდმა იგრძნო, როგორ იმსქველებოდა კვლავ მისი დამწვარი გული მშობლის ქვეყნის სიყვარულითა.

ქსენძმა ათქმევინა აღსარება, დაპლოცა დესპანი და უბრძანა დილაშდე პირქვე იწეკი უძრავად იატაკზედ ჯვარის სახედ განთხმულიო.

სამლოცველო ნიში ცარიელი იყო და ბნელოდა შიგ. მხოლოდ ორი სანთელი ციმციმებდა ოდნავ საკურთხეველის წინაშე და ყვითელის შუქით ანათებდა მშვიდობიანსა და სიყვარულით სავსე სახეს ჯვარცმულისას. გადიოდა დრო და ეამი, ხალო დესპანი იწვა უძრავად, თითქო მკვიდრიაო და უფრო ცხადად ჰგრძნობდა, რომ მწუხარება, განწირულობა, სიძულვილი და ვაება ნელ-ნელა სტოვებს მის გულს და იმალება საღლაც სიბნელეში. დესპანი ჰგრძნობდა, რომ უფრო უადვილდებოდა სუნთქვა და რაღაც საოცარი მშვიდობა სულისა ეფინებოდა მის არსებას; აქ, ამ ჯვარცმის წინაშე მან ჰპოვა ყოველივე, რის მოპოვებაც კი შეეძლო იმ საუკუნის კაცს, ისეთს კაცს, რომლის სარწმუნოება შეურყეველია და რომლის გულშიაც იოტის ოდენი ეკვი არ იბადება ღეთის არსებობის შესახებ:

დილით უნდა გასულიყო ლაშქარი ლუბნიდან. აფიცრები გათენებისასვე ათვლიერებდნენ თავიანთ რაზმებს, ხომ ყველაფერი რიგზეაო, მერე გადიოდნენ ქალაქ გარედ და იქ მინდვრად ეწყობოდნენ სალაშქროდ მზად-მყოფნი. თავადმა მოისმინა წირვა წმ. მიხელის საყდარში, დაბრუნდა სასახლეში და ახლა ინახულა დეპუტაცია ბერძენთა სამღვდელოებისა და ლუბ-

ნისა და ხორალის მოქალაქეთა. იერემია იჯდა სვე-კვარცხლბეკზედ, გარ-შემორტყმული რჩეულის რაინდებითა და ისმენდა ლუბნის ბურგომისტრის სიტყვასა. ეს ბურგომისტრი, გვარად გრუბი, რუსულად ლაპარაკობდა და ეთხოვებოდა თავადს დნებრის გამოღმა-მხრის ქალაქების სახელითა. თავადმა უპასუხა, რომ ვცდილობდი მამობა გამეწია და ბატონობას არა ვჩემობდიო, გაფიცებთ, იყოთ ერთგულნი რესპუბლიკისა, რომლის ძლიერ ფრთეთა ქვეშე სცხოვრობდით მშვიდობითა და კეთილდღეობითაო.

დადგა წამი ქალაქიდან გასვლისაცა. სასახლეში გაისმა ხმა ტირილისა და ქუხილისა. სეფე-ქალთ გული უწუხდებოდათ, ხოლო პანა ანა ბოჯობლატაია ძლივს მოიყვანეს გონსა. მარტო ერთი კნიაჟნა ჩაჯდა ეტლში ცრემლ-ჩამოუგდებელი და მალლა თავ-აღებული; არ უნდოდა საყოველთაოდ გაემქლავებინა თვისი მწუხარება. სასახლესთან იდგა აღურიცხველი ბრბო ხალხისა, ზარებს გამწარებითა ჰრეკავდნენ ყველა ეკლესიებში. ბოლოს თვით თავადიც შეჯდა ცხენზედა. რაზმთა დროშანი წინ დაიხარა იმის წინაშე, ზღუდეებზედ ზარბაზნებმა დაიწყეს გრიალი; ხმა ტირილისა, ჟღავი-ჟღუვისა და ყვირილ-ტკრცილისა შეერია ზარების რეკას, თოფ-ზარბაზნის სროლასა და საყვირთა ხმასა. მიმავალნი გზას გაემართნენ.

წინ მიდიოდა თათართა ორის სადროშოს ჯარი რაზტვოროვსკისა და ვერშულისა, მერე ჯარი თოფჩებისა, ანუ არტილერია პან ვურცელისა, ქვეითი ჯარი მახნიცკისა, შემდეგ კნენინა და მთლად სასახლის კრებული, ურმები ბარგი-ბარხანითა, მერე ვლახელთა სადროშო პან ბიხოვეცისა და ბოლოს თვალი ლაშქრისა მძიმედ დარაზმული ცხენოსანთა ჯარი ჯავშინოსანთა და გუსართა სადროშოსი. სულ ბოლოს დრაგუნები იყვნენ.

ჯარებს მიჰყვებოდა უკან დაუსრულებელი აქრელებული კულ-ბაწარა შლიახტის ეტლთა, რომელთაც მიჰყავდათ სახლობა იმათი, ვისაც აღარ უნდოდა დნებრ-გამოღმა მხარეს დარჩენა თავადის წასვლის შემდეგ.

საომარნი ბუკ-საყვირნი მხიარულს ხმებს უკრავდა; მაგრამ ყველას გული უნებურად უწუხდა. თვითეული შეჰყურებდა ქალაქის ზღუდეთა და გულში ჰფიქრობდა: ვინ იცის, გნახავთ-ლა კიდევ ჩვენს სიცოცხლეშიო? ოჰ, წასვლა აღვილია, ხოლო დაბრუნებაა ძნელი! თვითეულს ეს ზღუდენი აგონებდა წარსულ ბედნიერებას, თვითეულმა იცოდა, რასაც სტოვებდა აქ, ხოლო იქ... რა მოგველის იქ, რა მოგველის მომავალშიო?

ქალაქი აცილებდა წამსვლელთ თვისთა ზართა რეკითა, თითქო სთხოვს და ემუდარება, ნუ გეტოვებთ, ნუ გვიშვებთ ბედის ანაბარად, თითქო ეთხოვებოდა სამუდამოდ, საუკუნოდ: ნუ თუ საუკუნოდ?

დიად! მთლად იმ ჯარიდანა და იმ ათი-ათას ხალხიდან, რომელიც ეხლა მიდიოდა თავად ვისნევეცკისთან ერთად, აღარც თვით თავადსა და აღარც სხვას ვისმე ბედმა აღარ არგუნა ხვედრად კვლავ დაენახა თვისი მშობელი ქალაქი.

ბუკ-საყვირნი კვლავ უკრავდნენ, სიმრავლე წამსვლელთა; თუმცა ნელ-ნელა, მაგრამ მაინც წინ მიიწევდა, და მალე ქალაქის ყველა შენობას გადაეფარა ცის ლაევარდი და გააერთიან-გააერთფერა. თავადმა ჰკრა ქუსლი ცხენსა, ავიდა მაღალ სერზედ და დიდ ხანს იდგა იქ გაუნძრევლად. მთლად ეს ქალაქი, რომელიც ბრწყინავდა ცხრა თვალის მზის შუქზედ, მთლად ეს მხარე, რაც ამ მაღალ სერიდან მოსჩანდა, მისი და მისთა წინაპართა ქმნილება იყო. ვისნევეცკებმა გარდაჰქმნეს ეს ყრუ უდაბნო აღყვავებულ ქვეყანად და ყველაზედ მეტი ამ ქვეყნისათვის თვით თავადმა იერემიამ გააკეთა. ის აგებდა ტაძრებს; რომელთა გუმბათნი ისე მოსჩანდა ახლა, თითქო ცაში ჰკიდიოა, მან გაამაგრა ქალაქი, მან შეუერთა გზებით ეს მხარე უკრაინას, ისა სჩეხავდა ტყეებსა, აშრობდა ჭაობებსა, აშენებდა ციხე-დარბაზებს, სდევნიდა ავაზაკებს, იცავდა მშვიდობიანობას, რომელიც ასე საჭიროა ვაჭრისა და მხვენელ-მთესველისათვის, მისის მეოხებით დამყარდა წესიერება და სამართლიანობა. იმის წყალობა იყო, რომ ეს ქვეყანა სიცოცხლობდა, წარმატებასა

და აღყვავებას ეძლეოდა. ის იყო მისი სული და გული, ახლა კი იძულებული იყო მიეტოვებინა ესე ყოველივე.

თავადს არც დიდი სიმდიდრე ენანებოდა, არც თვალ-გაღუწვდენელი სამფლობელო, რომელიც რამდენსამე სამთავროს უდრიდა ნემენცებისას; იმას ის ენანებოდა, რომ სტოვებდა საქმეს, მისის ხელით შექმნილს, რომელსაც შეეჩვია და შეეტკბო სიყრმითვე. ერემიამ კარგად იცოდა, რომ უიმისოდ აქ ყოველივე დაიღუპებოდა, რომ მრავალთა წელთა სამძიმო ღვაწლი ტყუილ-უბრალოდ დაიკარგებოდა, თავ-დაუტყერელი გულის-თქმა და ვნებათა ღელვა აზვავდებოდა, ცეცხლი მოედებოდა ქალაქებსა და სოფლებს, თათარი ჩაიყვანდა თავის ცხენს აქაურ წმინდა წყალზედ წყლის დასალევივნებად და, თუ ღმერთმა ინება და კვლავ დამაბრუნა მე ამ ქვეყანაში, ყოველისავე ხელ-ახლად დაწყება მომიხდება, ხოლო შესაძლოა, რომ ის ძალ-ღონე აღარა მქონდეს, დროც აღარ მეყოს და აღარც ის იმედი მქონდეს ჩემის თავისა, რაც აქამდე მქონდაო. აქ განვლო ჩემის სიცოცხლის უკეთესმა დრომ, აქ დამედგა თავს გვირგვინი დიდებისა და ახლა კი იგი დიდება უნდა განიფანტოს ვითარცა კვამლიო.

და ორმა დიდმა, ტყვიასავით მძიმე ტრემლმა ნელ-ნელა ჩამოსერა მისნი ლაწვნი.

ეგ ორი ტრემლი იყო უკანასკნელი ტრემლი, რომელიც გამოიწურა იმის თვალთაგან; მას უკან მხოლოდ ელვა გამოჰქრთოდა.

თავადის ცხენმა კისერი წინ გაიწვდინა და დაიჭიხინა; იმის პასუხად მოისმა ჭიხვინი ახლო მომავალ ცხენოსანთა რაზმის ტაიქთა. ამან გამოაფხიზლა თავადი და მის გულს მიჰყინა სხივი იმედისა. ჯერ კიდევ ექესი ათასი ერთგული ამხანაგი შემრჩენიაო, ექესი ათასი ხმალია ჩემკენაო და ამ ხმალთა სიმრავლეს ელის, როგორც ერთად-ერთს ხსნას ჭირში მყოფი სამშობლოვო. დნებრ გამოლმა მხარის ტკბილი მშვიდობა განჰქრა მაგრამ იქ, საცა გრგვინავს ზარბაზნები, საცა იწვის ქალაქ-სოფლები, საცა ღამ-ღამობით თათართა ცხენების ჭიხვინს

უერთდება ტირილი ტყვეთა, კენესა მამაკაცთა, დედაკაცთა და ყმაწვილთა,—იქ ასპარეზი მოქმედებისა ვრცელია, იქ შესაძლოა მოხვეჭა სამშობლოს მამის სახელისა და დიდებისა: ვინ გაიწვდენს ხელს ამ გვირგვინისათვის, ვინ დაიფარავს შებლაღულულს, დათრგუნვილს და მტრის ფეხით გათელილს სამშობლოს, თუ არ მე, იერემია ვისნევეცკი, თუ არ ის ჯარნი, აგერ აიქ, ამ სერის ძირას რომ ასე აელფარებს თვისთა შუბთა ფოლადის წვერებსაო?

ჯარები ახლა სწორედ სერის ძირობაზედ მოდიოდნენ. ჯარებმა რომ შეჰხედეს თავადს, რომელიც მალლობზედ იდგა და ხელთ ეპყრა კვერთხი, ველარ მოითმინეს და ყველას ერთბაშად აღმოხდა გულიდან ხმა-მალალი ძახილი:

— გაუმარჯოს თავადს! გაუმარჯოს ჩვენს წინამძღოლსა და გეტმანს ერემია ვისნევეცკის!

და ასობით დროშანი კვლავ დაბლა დაიხარა მის წინაშე. თავადმა ამოიწოდა მახვილი, აღაპყრა თვალნი ცად და წარმოსთქვა ლაღადებით:

— მე, ერემია ვისნევეცკი, დიდებული მოურავი რუსეთისა, თავადი ლუბნისა, ვფიცავ შენს სახელს, ყოვლის შემძლებლო ღმერთო, რომ ვიწედი რა ამ მახვილს ამბოხისა და ძელმომრეობის წინააღმდეგ, აღარ ჩავაგო ქარქაშში იმ დრომდე, ვიდრე ძალონე და სიცოცხლე არ წამერთმევა, ვიდრე არ მოვბან ჩემს სამშობლოს სირცხვილსა, ვიდრე რესპუბლიკის ფეხ-ქვეშ არ განირთხმის მისი უკანასკნელი მტერი. ამინ!

თავადი ნელ-ნელა ჩამოვიდა სერიდან და შეუერთდა თვისს რაზმებს. იმ ღამეს მივიდნენ ბასანამდე, პანი კრინიციკის მამულეზამდე. პანიმ თვალ-ცრემლიანმა შესტირა თავადს, რომ ჩემმა გლებ-კაცებმა დაიწყეს მღელფარება და მხოლოდ შენის ჯარების მოახლოვების ხმამ გადამარჩინა აუცილებელს სიკვდილსაო.

თავადმა ბრძანა, შეიპყარით მოთავენო, ხოლო თვითონ პან პონიატოვსკი გაჰზავნა კანეეს, იქაური მიდამონი დაათვალიერეო. პონიატოვსკი მალე დაბრუნდა და თან მოიყვანა ხუთი კაცი

იმიერ-ქორომელი, რომელთაც წამების ქვეშ ყოველივე მართალი უთხრეს თავადს კორსუნის ომის შესახებ. იმათა სთქვეს, რომ ხმელნიცკი ჯერ ისევ კორსუნშია, ხოლო ტულაი-ბეი ტყვეებითა, დავლითა და ორის გეტმანით ყირიმს აპირობს წასვლასაო. ხმელნიცკი ძალიან ეხვეწებოდა ტულაი-ბეის, ნუ დამტოვებ მარტოსაო, მაგრამ თათარი თავისას არ იშლიდა და ამბობდა, რომ რაკი სახასო ჯარები იძლიენენ, ყაზახთათვის სხვების შემწეობა საჭირო აღარ არისო. იმიერ-ქორომელთა სიტყვით, ხმელნიცკის უნდა ჰყავდეს ორასი ათასი კაციო. ამათში მხოლოდ ორმოც და ათი ათასი იქნება ნამდვილი გაწვრთვნილი ჯარი, დანარჩენი კი სხვა-და-სხვა მილეთის ხალხია, აბრანძული, იარაღ-აუსხმელიო. თავადს გული მიეცა. ამასაც იმედი ჰქონდა, რომ მეც გამიბეგრდება ჯარისო. გაღმა მხარში მე უნდა შემომიერთდნენ ნაშთნი ძლეულ სახასო ჯარებისა, იქაური შლიახტა და პატარ-პატარა რაზმნი პანებისაო.

პერეიასლავლს შემდეგ ჯარები შევიდნენ უზარმაზარს ტყეში, რომელიც ატეხილი იყო ტრუბეეის ნაპირებად კოზელციდან თვით ჩერნიგოვამდე. მაისი იყო, საშინლად ცხელოდა. ტყეში სიგრილის მაგიერ ისეთი ლუღი იდგა, რომ კაცსა და საქონელს ჰაერი არა ჰყოფნიდა სულის მოსაბრუნებლად; საქონელი, რომელიც ბარგის ურმებს მისდევდა, ისიცხებოდა, ან არა-და, იგრძნობდა თუ არა, აქ წყალიაო, გაექანებოდა დასალევად და ბყო ერთი უწესოება. ცხენებსაც აწყინა სიცხემ, მეტადრე მძიმედ შეიარაღებულ ცხენოსანთა ჯარში. ღამე უამრავი კოლო-ქინქლა მოსვენებას არ აძლევდა არავისა.

ასე გაიარა ოთხმა დღემა. მეხუთე დღეს სიცხემ უფრო უმატა. როცა დასაღამოვამდა, ცხენებმა ხრიალი დაიწყეს, ხოლო საქონელი საცოდავად ზმუოდა, რაკი წინ-და-წინვე ჰგრძნობდა მოსალოდნელს განსაცდელსა.

— ჰგრძნობენ, რომ სისხლი უნდა დაიქცესო! — ამბობდნენ ბანაკში.

— ყაზახნი მოგვდევენ! ომი შეგვემთხვევა!

დედაკაცებმა ასტეხეს ტირილი და თავში-ცემა, ეტლნი ცდილობდნენ ერთმანერთისათვის გაესწროთ, უხვევდნენ გზიდან და ხეებ შორის ველარ ატანდნენ ტევრებსა.

გარნა თავადის კაცებმა მალე დაამყარეს წესიერება. თავადმა გაჭვზაენა სხვა-და-სხვა მხარეს პატარ-პატარა რაზმნი, წადით და შეიტყუეთ, ხომ არა მომხდარა-რა საიმისოვო.

პან სქუმეტუსკი, რომელმაც გამოუცხადა—მეც წავალო, დაბრუნდა პირველი განთიადისას და პირდაპირ ერემიასთან მივიდა.

— რა გაიგე?—ჰკითხა თავადმა.

— ბატონო, ტყეები იწვის.

— ცეცხლი წაუკიდებიათ?

— დიაღ; რამდენიმე კაცი შევიპყარ; გამოტყდნენ და მიამბეს, რომ ხმელნიცკიმ გამოგვატანა ყაზახი და გვიბრძანა, ცეცხლი წაუკიდეთ ტყეებს, თუ ქარმა ხელი შეგიწყოთო.

— ვერ უყურებთ? ცოცხლები უნდა დავეწვიოთ და ისე დავენოცეთ, რომ ხელიც არ შემოემართნა, უბრძოლველად!

მოიყვანეს სამი ჩოდარი, განადირებულნი, ტუტუსნი, შიშით თავზარ დაცემულნი. მაშინვე გამოტყდნენ, რომ ჩვენ მოგვანდეს ტყეებისთვის ცეცხლი გვეკიდებინაო.

იმათვე სთქვეს, რომ თავადის საწინააღმდეგოდ ჯარებიც არის გამოგზაენილიო, მაგრამ ისინი სხვა გზით წავიდნენ ჩერნიგოვისაკენ, უფრო დნებრის ნაპირ-ნაპირაო. ამ დროს მოვიდნენ სხვა გაგზაენილი კაცები და იგივე ამბავი მოიტანეს, რომ ტყეები იწვისო.

ხოლო თავადი ამან ძლიერ არ შეაწუხა.

— ეგ ბარბაროსთა წესია,—სთქვა მან,—მაგრამ ეგ ჩვენ ენებას არ მოგვცემს. ცეცხლი ვერ ვადმოსცილდება იმ ხევსა და წყლებს, რომელიც ტრუბეეს ერთვის.

მართლაც, ტრუბეეს იმდენი პატარ-პატარა მდინარენი ერთვოდა და მდინარეთა შორის იმდენი ქაობი და ქანჭრობი იყო, რომ საიმისო შიშს ადგილი არ უნდა ჰქონოდა. საშიში მაშინ თუ იქნებოდა, რომ ყოველ მდინარესა და ქაობს შემდეგ ეკი-

დებინათ ცეცხლი თვითეულის ტყისათვის, ხოლო ამას ვინ მოახერხებდა.

აქეთ-იქით გაგზავნილნი რაზმნი დარწმუნდნენ, რომ სწორედ ასეც იქცეოდნენ თურმე ტყეების ცეცხლ-წამკიდებელნი. ყოველ-დღე რამდენსამე ცეცხლის წამკიდებელს ჰპოულობდნენ.

ცეცხლი საშინელის სისწრაფითა ძლიერდებოდა და ედებოდა ტყეებს, გარნა ვრცელდებოდა უფრო დასავლეთად და აღმოსავლეთად, ვიდრე ჩრდილად კერძო. ღამ-ღამობით დიდი წითელი შუქი იღვა და ანათებდა მთელს ცას. დედაკაცნი დილით საღამომდე სულ სასულიერო საგალობლებს ამბობდნენ გალობითა. თავზარდაცემული ტყის ნადირი გამოარბოდა თავის ბუნაგიდან, ტყის დაბურულ ტევრიდან გზაზედ და უერთდებოდა ბარგის ურმების საქონელსა. ჰაერში იღვა სუნი კვამლისა და ნახშირისა; ჯარი ნელ-ნელა მიიწევდა წინ ხშირ, უკუნეთ წყვდიადშია და სიბნელეში. კაცს ველარაფრით ამოესუნთქა, ხოლო მწარე კვამლი სწვავდა თვალებს და ქარს უფრო ბლომად მოჰქონდა კვამლი. ღამე უფრო ნათელოდა, ვიდრე დღისით. გარნა ტყეს ბოლო არ უჩანდა, თითქო დაუსრულებელიაო.

აი ამ გარემოებათა შორის მოუხდა თავად ერემიას სიარული თვისის ჯარითა. ამასთანავე, მოვიდა კიდევ ამბავი, რომ მტერი ტრუბეჩის მეორე მხრიდანაც მოდისო.

ერთხელ ღამე თავადის ბანაკში მოვიდა პან სუხოლოლსკი დენსნის გაღმა მხრიდან. მოსვლის უმაღლვე ითხოვა, რომ დაუყოვნებლივ წამიყვანეთ თავადის კარავშიო. პანმა დიდ ხანს ითათბირა რალაცა თავადთან. შემდეგ თავადმა ბრძანა, რომ შეგროვდნენ ყველა ჩემი აფიცერნიო და გამოუტახადა სამწუხარო ამბავი, რომ მეფე ვლადისლავლი გარდაიცვალაო.

აფიცრებმა, თითქო ბრძანება გაიცაო, ქულები მოიხადეს მაშინვე. ყველას სახე დაეღვრიმა და დაუდინჯ-დაუმგლოვიარდა.

ქსენდმა მუხოვეციკიმ დაიწყო გალობა „dies irae“ და ამ დაბურულ ტყეში, ამ კომლსა და ნახშირის სუნში ყველა უნებურად მოიცეა რალაც გრძნობამ ობლობისამა. ყველას ცხადად წარმოუდგა თვალ-წინ, რომ უკანასკნელი იმედიც გაჰქრა, რომ ახლა მარტოდ-მარტონი-ლა დავრჩით პირის-პირ საშინელის მტრისა და თავადის მეტი აღარავინ აღარა გვეყავს ქვეყნადაო.

იმავე დღეს თავადმა უთხრა ზაცვილიხოესკის და უთხრა განგებ ხმა-მალლა, რათა ყველას გაეგონა:

— ჩვენ გვინდა ახლა მეფე-მეომარი და, თუ ღმერთმა ინება, არჩევანებში მონაწილეობა მივიღეთ, კენჭი მივცეთ მეფის ძეს კარლოსს, რომელსაც რაინდობის უნარი უფრო მეტი აქვს, ვიდრე ბატონიშვილს კაზიმირსა.

— Vivat Carolus rex!—შესძახეს აფიცრებმა.

— Aivat!—განიმეორეს გუჟარებმა, ხოლო მათ შემდეგ მთლად ჯარებმაცა.

თავადმა-დიდებულმა არ იცოდა, რომ ეს ძახილი დნებრის გამოღმა ყრუ-ტყეებში ვარშავამდე მივიღოდა და ხელიდან წაართმევდა დიდს სახასო კვერთხს.

IX

ასე იარეს ცხრა დღეს ჯარებმა. სამს დღეს მერე დენნაში გავიდნენ და მივიდნენ ჩერნიგოვსა. თავადმა პან სქუმეტუსკი წინ გაჰგზავნა, იქნება შეიტყო რაჟე კნიაჟნასა და ზაგლობას ამბავიო. მაგრამ აქაც, როგორც ლუბნში, არც ციხე დარბაზში, არც ქალაქში, იმათი ამბავი არავინ არა იცოდა-რა. კვალ-წმინდად დაიკარგნენ, თითქო ქვა ჩაეარდა წყალში და დაიმალო; რაინდმა აღარ იცოდა, რა ეფიქრა. სად უნდა წასულიყვნენ ნეტავიო? მოსკოვს ხომ არ წავიდნენ, ან ყირიმსაო? ერთი ის-ღაა საფიქრებელი, რომ დნებრში თუ გავიდნენ, მაგრამ მაშინ ხომ თვით ამბოხების შუა-გულ ადგილას მოჰყვებოდნენო. იქ ხომ ხალხის ჩეხა-ქლეტაა, ცეცხლის კიდებაა;

იქაურობა ხომ მოდებულია გალესებულ მდაბიოთა ბრბოთი, იპიერ-ქორომლებითა და თათარებითა, რომელთა ხელიდან ელენეს თვით მისი ტანისამოსიც ვერ დაიფარავსო. პან სქშეტუსკის ის საშინელი აზრიც კი მოსდროდა ფიქრად, რომ შესაძლოა ზაგლობამ განგებ წაიყვანა ელენე დნებრ-გალმა, ავიყვან და ტულაი-ბეის მივიცილიო, ბევრად მეტს მომცემს ბოგუნზედაო. ეს აზრი სულ ცოფებსა ჰგვრიდა. საბედნიეროდ, პან ლონგინუს პოდბიპენტა უკედ იცნობდა ზაგლობასა, ვიდრე სქშეტუსკი.

— ეგ აზრი თავიდან განიშორე, საყვარელო მეგობარო, — ეუბნებოდა ლონგინუსი. — პან ზაგლობა მაგას არ მოიქმედებს. კურცევიჩებსაც დიდი ქონება ჰქონდათ, ხოლო ბოგუნიც არას არ დაიშურებდა. თუ იმ ქალის დაღუპვა ნდომებოდა, თავის თავს ასეთს ხათაბალაშიაც არ გააბამდა.

— კარგი, ეს თქვათ, აგრეა, — ამბობდა დესპანი, — მაგრამ მაშ დნებრ-გალმა რაღა უნდოდა, რატომ ლუბნს არ მიჰმართა თავ-შესაფარებლად, ან კიდევ ჩერინგოვს?

— შენ არხეინად იყავ, ჩემო ძვირფასო. მე კარგად ვიცნობ მაგ ზაგლობას. ჩემთან ცოტა არ უქეიფნია და ფულიც ბევრჯელ უსესხნია ჩემგანა. ფულისათვის არასდროს არა ჰზრუნავს, თავისია თუ სხვისა. თუ თავისი აქვს, ჰხარჯავს, ვალს თავის ღღეში არ იხდის, ხოლო მაგისთანა საქციელი იკადროს, მაგას იმისაგან არ მოველი.

— თავქარიანი კაცია!

— იქნება თავქარიანიც იყოს, მაგრამ სამაგიეროდ, მოხერხებულია; ვინც უნდა იყოს, გააცურებს, წყალზედ ჩაიყვანს და წყალს არ დააღეინებს. შენ კი, როგორც ქსენძმა გიწინასწარმეტყველა, ღმერთი ისევ დაგიბრუნებს შენს საუნჯესაო, ისეც იქნება. იმედი გქონდეს ისევე, როგორც მე მაქვს იმედი.

პან ლონგინუსმა ღრმად ამოიოხრა და ერთს წუთს შემდეგ დაუმატა:

— გამოვიკითხოთ კიდევ ციხე-დარბაზშიაც: იქნება იყვნენ იქა.

მაგრამ ვაი, რომ გამოკითხვა-გამოწვლილებამაც სანუგე-
შო არა მოიტანა-რა.

ციხე-დარბაზი სავსე იყო შლიახტიჩებითა, რომელნიც აქ
შემოხიზნულიყვნენ ცოლ-შვილითა, ისე შეშინებოდათ ყაზახე-
ბისა. თავადმა ბევრი ურჩია, წამოღით ჩემთან ერთად, მე გა-
მომყევით, ყაზახნი უკან მომდევნენ ფეხ-და-ფეხაო. ისინი ვერა
ჰბედავდნენ ჯარს დასხმოდნენ თავს, ხოლო ძალიან ადვილად
შეიძლებოდა, თავადის წასვლის შემდეგ, ქალაქს და მის ციხეს
დასცემოდნენ.

შლიახტიჩები გაჯიქდნენ და მაინც თავისას არ იშლიდ-
ნენ, ისე იყვნენ დაბრმავებულნი.

— ჩვენ აქ უშიშრად ვართ ამ ტყეებით დაცულნიო,—
გაიძახდნენ თავისას.—აქ ვერავინ მოვა.

— აგერ მე ხომ გამოვლე ეგ ტყეები,—ამბობდა თავადი.

— თქვენ შეგეძლოთ და ავაზაკთა ურდონი კი მაგას ვერ
შესძლებენ. არა, ის ტყეები არ არის ეს ტყეები!

ძვირად დაუჯდათ შლიახტიჩებს ეს ახირება და გაჯიქება.
თავადის წასვლის შემდეგ, დიდ ხანს აღარ გაუვლია, რომ გაჩნ-
დნენ ყაზახნი. ციხე-დარბაზს გმირულად იცავდნენ შიგ მყოფ-
ნი სამის კვირის განმავლობაში; შემდეგ კი ციხე მალე დასცეს
და ისე ამოსწყვიტეს ყველანი, რომ ერთი აღარ გადარჩათ ცო-
ცხალი. ყაზახნი კადრულობდნენ საშინელს სიმხეცესა და ბარ-
ბაროსობას: შუა ჰხლეჩავდნენ ბავშვებს, სწვავდნენ დედა-კა-
ცებს ნელ ცეცხლზედ; არავინ იყო პატრონი, რომ გამოსარ-
ჩლებოდა საცოდავებს, სამაგიერო გადაეხადა მათთვის.

თავადი ამასობაში ლიუბეჩს მივიდა, დასტოვა იქ ჯარი
დასასვენებლად და კნენითურთ წავიდა ბრაგისს, რომელიც
გაუფალ ტყეებსა და ქაობებ-შორის მდებარეობდა. ერთის კვი-
რის შემდეგ ჯარიც გაემართა იქითკენ. მალე დადგა დრო გან-
შორებისა თავადსა და მის მეუღლეს შორის. კნენა უნდა ტუ-
როვს წასულიყო თავის მამიდასთან, ხოლო თავადს ცეცხლი
და მახვილი უნდა შეეტანა უკრაინის შუა-გულს.

უკანასკნელ გამოთხოვების სადილზედ ერთად იყვნენ თავადი და კნენა, სეფე - ქალნი და რჩეულნი რაინდნი. მაგრამ ქალებსა და კავალრებს წინანდელს მხიარულების ნიშან-წყალიც აღარ ეტყობოდათ; არა ერთი და ორი რაინდული გული იწვოდა და იღაგებოდა იმ ფიქრით, რომ ერთის წუთის შემდეგ უნდა განშორებოდა თავის საუნჯეს; არა ერთისა და ორის მიზნელი-ლი ან უუყუნა ლურჯი თვალები იმდულრებოდა იმ ფიქრით, რომ აგერ ის ომში მიდის და, ვინ იცის, დაბრუნდება-ლა თუ არა ცოცხალიო. როცა თავადმა დაათვა თვისი გამოთხოვების სიტყვა, ქალებმა ქვეთინი დაიწყეს, ხოლო რაინდებმა, როგორც უფრო გულ-მაგრებმა, უფრო ძლიერებმა სულითა, წამოიწიეს ზეზე, იტაცეს ხელი ხმალსა და დაიძახეს ერთობილის ხმით:

— გავიმარჯვებთ და ისევ უკან დავბრუნდებით!

— ღმერთმა ხელი მოგიმართოთ! — სთქვა პასუხად კნენამ.

დარბაზში ისეთი გრიალი გაისმა რაინდებისა, რომ კედლებმა ზანზარი დაიწყეს:

— გაუმარჯოს კნენას! გაუმარჯოს ჩვენს დედას!

— ურა, ურა!

კნენა უყვარდა ყველა ჯარის-კაცს, იმიტომ რომ გულ-მტკივნეულობით ეპყრობოდა რაინდობას, იმიტომ რომ დიდებულის სულის პატრონი იყო, იმიტომ რომ უხვი იყო და ჰზრუნავდა რაინდთა ცოლშვილისათვის. მაგრამ ყველაზედ მეტად კნენა უყვარდა თავად ერემიას. ეს ორნი ისეთნი არსებანი იყვნენ, რომელთაც ბუნება ერთმანეთისათვის ჰზადავს, რომელნიც ერთ ყალიბზედ იყვნენ ჩამოსხმულნი ფოლადისა და ოქროსაგან.

რაინდნი სათითაოდ მიდიოდნენ რიგ-რიგით და მუხლს იღრეკდნენ იმის სავარძლის წინაშე და იმანაც გულს არავის დააკლო, თითო ტკბილი და თბილი სიტყვა უთხრა ყველას.

სქმეტუსკის, ამას გარდა, ესეც უბრძანა:

— აქ არა ერთმა და ორმა რაინდმა მიიღო გამოთხოვების ლენტი, ან რაიმე სანუკარი, ხოლო რადგან ის აქ არ არის,

ვისგანაც თქვენთვის სასურველი იქნებოდა მიგელოთ რამე სახსოვრად, ამიტომ მიიღეთ ჩემგან.

კნენამ მოიხსნა პატარა ჯვარი ოქროსი, ძვირფასის თვალმარგალიტით მოქედილი და ჩამოჰკიდა რაინდს.

ყველანი წამოიშალნენ. ქალებმა მიჰბაძეს კნენას მაგალითს და დაუწყეს ბოძება საჩუქრებისა თავთაფიანთ კავალრებს. მხოლოდ ერთი ანნა ბოჟობოლატაია, უულამაზესი ყველა იქ მყოფ ქალთა შორის, იღვა თანჯარასთან მარტოდ-მარტო, ყველასაგან მიტოვებული: არც ერთი რაინდი არავითარს ყურადღებას არ აქცევდა. სახე აქარხლებოდა, თვალები უბრწყინავდა განრისხებისაგან; ჯერ არას დროს არ გამოეცაღნა ასეთი შეურაცხყოფა. მერე სწორედ ამ დროს, თითქო ჯიბრზედ, მივიდა იმასთან მოლალატე ვოლოდიევსკი.

— მინდოდა მეთხოვნა რამე თქვენთვის სახსოვრად, — სთქვა მან, — მაგრამ წინდაწინვე უარ-გუყავ ეს აზრი, რადგან ვიფიქრე, რომ სულ ერთია, ვერ გავატან იმ რაინდთა შორის, რომელნიც მრავალადა ჰყავს გარშემორტყმულნი-მეთქი.

ანნა სულ ცეცხლივით აენტო და დაწვნი უფრო გაუქარხალდა.

— ალბად ჩემის ხელით არ გინდოდათ მიგელოთ საჩუქარი, — ნართაულის სიტყვით უპასუხა მაშინვე ყმაწვილმა ქალმა, — და კარგადაც გიფიქრიათ სწორედ, რომ იმედი გადაგიწყვეტიათ. იქ თუ მკიდრობა არ არის, ძნელად შესაწლომი მაინცაა თქვენთვის.

ასეთი პასუხი შიგ გულში მოხვდა ვოლოდიევსკის და ქალმა ორი კურდღელი დაიჭირა ერთის ხელით. ამ პასუხით ჯერ სიტყვა იმაზედ გადუქრა, რომ დაბალის ტანისა ხარო და მერე იმაზედ, რომ კნიაჟნა ბარბარე ზბარასკის გაუმიჯნურდა. პან ვოლოდიევსკის პირველში მისი უფროსი და ანნა უყვარდა, ხოლო შემდეგ, როცა ის სხვამ დანიშნა, იწუხა, იწუხა და ახლა უმცროს დას ბარბარეს დაუწყო არშიყობა იმ იმედით, რომ ვერავინ ვერას მიმიხვდებაო. საწყალს ვოლოდიევსკის საშინლად შერცხვა და რაღაც სისულელე წამოროშა:

— დილაღ, ყველა ხომ ისეთი აყლაყუდა არ იქნება, როგორც პან პოდბიპენტაა, მაგალითად...

— სწორედ ის უფრო თქვენზედ მაღალია, მაგრამ არა მარტო ტანით, არამედ ცოტა სხვა რამითაც. გმადლობთ, რომ გამახსენეთ ის რაინდი. ეგეც კარგია თქვენგანა.

ანა გაცქრიალდა. და შივიდა ლიტველთანა.

— პან პოდბიპენტა, აქ მობრძანდით. მეცა მსურს ჩემი რაინდი მყადეს და არ ვიცი, იქნება კიდევ სადმე თქვენსაზედ უფრო მამაცი მკერდი, რომელზედაც შემეძლოს ეს ჩემი შარფი დავამაგრო.

პან პოდბიპენტამ ისე დააჰყიტა თვალები, თითქო არა სჯერა, რაც ესმის ჩემს ყურებასაო, მერე მოიდრიკა მუხლები და ისე დაიჩოქა ქალის წინაშე, რომ იატაკმა ზანზარი დაიწყო:

— ოჰ, პანა! განა უნდა მჯეროდეს...

ანამ გაღუხვია მკერდი შარფითა; პან ლონგინუსმა აღტაცებით გამოართვა პაწაწა ხელები და მხურვალედ დაუწყო კოცნა.

პან ვოლოდივესკი განზე გადგა და გულში ჩაიკლა თვისი გაბრაზება... იყო ხომ დრო, როცა მიყვარდა ეგ ქალიო.

თავადიც გამოეთხოვა კნენას და ერთს საათს შემდეგ ერემიას სახლობა გაემგზავრა ტუროვს, ხოლო ჯარმა გასწია პრიპეტისაკენ.

იმ დამეს, პრიპეტის ნაპირად, როცა დურგლები კატარლებს აკეთებდნენ, ხოლო გუსარნი თვალ-ყურს უგდებდნენ მუშაობას, პან ლონგინუსმა ცალკე გაიხმო სქშეტუსკი.

— ოჰ, რომ იცოდე, რა მწუხარება შემომაწვა გულსა!

— რა იყო განა? — შეეკითხა პორუჩიკი.

— გაიგონე, რა ამბავი მოვიდა უკრაინიდან?

— რა ამბავი?

— იმიერ-ქორომელებმა სთქვეს, რომ ტულაი-ბეი თვისის ურდოთი ყირიმს წავიდაო.

— რაო მერე? შენ რას სწუხარ მაგისათვის?

— მაშ, ვიღამ უნდა იწუხოს თუ არ მე? შენვე არ მოთხარი, რომ ყაზახთა თავნი სათვალავში არ ჩაიგდებოა? ახლა რაკი თათრები წავიდნენ, სადღა უნდა შეეხედე სამის წარმართის თავსა, სადღა უნდა ვსძებნო? ის სამი თავი კი, იცი, რა ნაირ მიჰიკრს!

სქშეტუსკიმ, თუმცა თავისი დარდი ძალიან აწუხებდა, ველარ მოითმინა და გაელიმა:

— მესმის, მესმის... დავინახე, დღეს რომ შარფი შემოგახვიეს.

პან ლონგინუსმა გულ-ხელი დაიკრათა.

— რაღა დავმალო და არცა ჰღირს. შემიყვარდა ის ქალი, ჩემო ძვირფასო, შემიყვარდა.... ღმერთო, რა უბედურებაა!

— ნუ სწუხარ, არა მჯერა, რომ ტულაი-ბეი წასულიყოს, ხოლო თუნდ აგრეც იყოს, მაინც იმდენს წარმართს იპოვი იქა, რამდენიც შენ სულსა და გულს უნდა. წარმართნი იქ იმდენნი არიან, რამდენიც აქ მუმლი და კოლო.

მართლაც, რაინდებს უამრავი კოლო და მუმლი დაჰბზუოდა თავზედ. ჯარები ისეთ ქვეყანაში იყვნენ ახლა, რომელიც სავსე იყო ჭაობებ-ჭანჭრომებითა, ტყე-ღრეებითა, მდინარე-წყლებითა და ხევებითა, ერთის სიტყვით, ყრუსა, უსიერსა და მიუვალ უდაბნოში.

გარნა საკვირველი ეს იყო, რომ ამ ჭაობებ შორის, ალაგ-ალაგ ლამაზად გამოიციქირებოდა მდიდრული სახლ-კარი პანებისა. თავადის რაინდნი, აღზრდილნი დნებრის გაღმა-მხრის მადლობ, მშრალ მინდვრებ შორის, თავიანთ თვალებს არ უჯერებდნენ. იმათ სამშობლოშიაც იყო ალაგ-ალაგ ტყეები და ჭაობები, ხოლო აქ მთლად ეს ქვეყანა ერთი განუწყვეტელი ჭაობი იყო. ღამე კარგი იყო, მოწმენდილი, მთვარეს კაშკაში გაჰქონდა და საცა კი მიიხედავდი, ერთს ფეხის დადგმა მშრალს ადგილს ვერ დაინახავდი. ასე გეგონებოდა, ტყეები პირდაპირ წყალში ატეხილაო, წყალი წყაროსავით ამოჩხუხუხებდა, საცა კი კაცი ფეხს დაადგამდა, ან ეტლი გაივილიდა. ღინჯი, აღუშფოთებელი ვურცელიც კი განწირულებაში ჩავარდა.

— უცნაური ქვეყანაა! — ამბობდა წამ-და-უწუმ ვურცელი. — ჩერნიგოვს ახლო ცეცხლი გვემუქრებოდა, აქ ლამის წყალმა დაგვარჩოს!

მართლაც, აქ დედა-მიწა იმის მაგიერ რომ თვისის დანი-შნულებისამებრ ფეხის მოსამაგრებელი ყოფილიყო, თითქო აპირობდა გასკდომას და იმათ შთანთქმას, ვინც ზედ ფეხს დააკარებდა.

ჯარები გავიდნენ პრიპეტში; შემდეგ სიარული უფრო გაძნელდა, რადგან თითქმის ყოველ დღე ახალ-ახალი მდინარე ჩნდებოდა და ახლა იმაში უნდა გასულიყვნენ. რაღა თქმა უნდა, რომ ხიდების ნასახიცი არსად იყო. ახლა წვიმიამაც მოიღვა ძირი და დაიწყო ცრა. ხალხს ილაჯი გაუწყდა და ყოვლის ღონითა ცდილობდა დაეღწია როგორმე თავი ამ წყეულის ქვეყნიდანა. თავადი სულ აშურებდა ჯარს და ჩქარა სიარულსა თხოულობდა. ბრძანებდა, რომ ეჩეხათ ტყე, ეფინათ გზა ხეებითა და ამ სახით დაულალავად მიჰყავდა თვისი ლაშქარი ამ საშინელის გზით. ჯარის-კაცნი ჰხედავდნენ, რომ თვით ისიც არა ჰზოგავდა ძალ-ღონეს, მთელის დღეობით იჯდა ცხენზედ და ჩნდებოდა ყველგან, საცა მცირეოდენი რამ გაჭირვება იყო. ამიტომ ველარაგინ ჰხედავდა ჩივილსა და დრტვინვას, თუმცა კი საშინლად მოიქანცნენ და ილაჯი გაუწყდათ. ან კი როგორ არ უნდა გასწყვეტოდათ ილაჯი, როცა დილით საღამომდე და საღამოდან დილამდე შეუწყვეტლად ასველებდა წვიმა და მუხლებამდე ლაფებში ურევდნენ ფეხებს. მოდი და ნუ დაჰკარგავ სასოებას ამისთანა ყოფაში! ცხენებს ჩლიქები წაუცვდათ და ძლივს მიათრევდნენ ფეხებსა. ქვეითა ჯარი და დრაგუნები ვოლოდიევსკისა იძულებულნი იყვნენ თვით ეთრიათ ზარბაზნები. უკეთესმა რაზმებმა, სქშეტუსკისა და ზაცვილიხოვსკისამ, ცულებს წააეღეს ხელი და ხერგითა და ფიცრითა ჰფენდნენ გზას. საშინელი ლაშქრობა იყო ის ლაშქრობა და მხოლოდ წინამძღოლის შეუდრეკელმა ხასიათმა და ჯარის-კაცთა მხნეობამ სძლია იმ ლაშქრობაში ყოველსავე დაბრკოლებას. მანამდე ჯერ არავის გაებედნა ჯარით გაველო გაზაფხულ-

ზედ ამისთანა ადგილები. საბედნიეროდ, ამ ლაშქრობის დროს არც ერთხელ თავადის ჯარს მტერი არ დასხმია თავს. იქაურ ხალხს, წყნარსა და მშვიდობიანს, ფიქრადაც არ მოსდიოდა აჯანყება-ამბოხი და შემდეგაც კი იქაურნი მკვიდრნი არ მიემხრნენ ყაზახთა. ამ ქადაც მშვიდობიანად ეგებებოდა და აცილებდა მათ ქვეყანაში მიმავალ რაინდებს და მორჩილებით ასრულებდა ყოველსავე, რასაც კი უბრძანებდნენ.

ამის შესაფერად, თავადმა უფრო სასტიკი წესი და რიგი შემოიღო ჯარში, რათა მკვიდრნი არ შეწუხებულნიყვნენ და ამიტომ იმის ჯარს უკან არ სდევდა, როგორც ჩვეულებრივ მოსდის ხოლმე სხვის ჯარებს, კენესა და წყევა-კრულვა.

ბოლოს, ოცის დღის აუტანელ გაჭირვებისა და ჰაზან-წყვეტის შემდეგ, თავადის ჯარი შევიდა აჯანყების ცეცხლით მოღებულს ქვეყანაში. „ერიომა მოდის! ერიომა მოდის!“ — გაისმოდა მგრგვინავი ბანივით ხმა მთელს უკრაინაში თვით ყრუ მინდვრებამდე, ჩივირინამდე, ეგორლიკამდე. „ერიომა მოდის!“ — გაისმოდა ყველა ქალაქსა, სოფელსა და დაბა-მოსახლობაში, ხოლო ამ ხმის გაგონებაზედ ცელები, რკინის ფოცხ-ფიწლები და ორთითები თავის-თავად უცვივოდათ ხელიდან გლენ-კაცებსა, პირისახე უფითრდებოდათ, ბრბონი აბეზართა გარბოდნენ სეჩს, თიჯკო პკლის ხრონი არიან და მონადირის საყვირის ხმა გაიგონესო; თათარი, რომელიც ძარცვა-რბევითვის შემოსულიყო ამ ქვეყანაში, ჰხდებოდა ცხენიდან და დედამიწას ადებდა ყურს, ხოლო დაუნგრეველად გადარჩენილ ციხე-დარბაზებში ჰრეკდნენ ხარებსა და ჰგალობდნენ „Te Deum“.

გარნა მრისხანე ლომი დაწვა აჯანყებულ ქვეყნის სამზღვრად და ისვენებდა.

ლომს უნდოდა ძალ-ლონე მოეკრიბნა.



ხმელნიცი პატარა ხანს იყო კორსუნსა და მერე ისევ თეთრ ეკლესიისაკენ დაიწია; აქ დაარსა მან თვისი სამეფო

ქალაქი. თათრებმა დასცეს თვისი კარვები მდინარე წყალის გაღმა ნაპირს და კალიასავით მოედნენ მთლად კიევის სამოურავოს. პან ლონგინუს პოდბიპენტა ტყუილდა სწუხდა, ვაი თუ თათრის თავები აღარ იყოს მოსაკვეთადაო. დესპანი მიხვდა, რომ იმიერ-ქორომელებმა, რომელნიც პან პონიატოვსკიმ შეიპყრო კანეეს ახლოს, ტყუილი სთქვეს ჩვენების ჩამორთმევაზედ: ტულაი ბეის ფიქრადაც არ მოსდიოდა ჩიგირინიდან ფეხი მოეცვალა; ეს კიდევ არაფერი: ყოველ-დღე ახალ-ახალი ჯარები თათართა ემატებოდა მისს ჯარს. მოვიდნენ, მაგალითად, აზოველნი და აშტარხნელნი, რომელნიც მანამდე არასდროს არ ყოფილიყვნენ პოლონიაში, მოვიდა ნოლაელთა ურდო 12 ათას კაცამდე, აკეკრმანელნი და ბუჯაკნი 20 ათასამდე; ეს ბუჯაკნი ოდესმე მოსისხლე მტერნი იყვნენ ყაზახთა და იმიერ-ქორომეთისა. ბოლოს მოვიდა თვით ხანი ასლანგირეი 12 ათასის პერეკოპელითა. ამ ახალ სტუმართაგან დიდადა ჰყენსოდა მთლად უკრაინა; დიდი ჭირი და ვაგლახი დაადგა არა პარტო შლიახტას, არამედ თვით რუსთა ტომის მკვიდრ ხალხსაცა; თათარნი ცეცხლს უკიდებდნენ იმათ სოფლებს, სძარცვადნენ ქონებას, ხოლო თვით მკვიდრნი მათის ცოლშვილითა ტყვედ მიჰყავდათ. ამ დროსა სიკვდილისა და სისხლის-ღერისასას გლეხ-კაცს ერთად-ერთი საღსარი-და ჰქონდა ხსნისა; ეს საღსარი ხმელნიცკისთან გაქცევა იყო, იმის ბანაკში მისვლა იყო. თუ მანამდე გლეხ-კაცი განწირულებასა ჰგრძნობდა და მსხვერპლი იყო, იქ მისვლის შემდეგ ჯალათად გადიქცეოდა ხოლომე და თვითონვე ამტუტებდა თავის ქვეყანას; ამ სახით, თუ სხვა სიკეთეს არასა ჰპოიებდა, თვისის არსებობისა და სიცოცხლისათვის მაინც აღარა შიშობდა. საცოდავი ქვეყანა! ამბოხის დაწყებისას ამტუტა ნიკოლოზ პოტოცკიმ, მერე თათრებმა და იმიერ-ქორომელებმა, რომლებიც ვითომ მის გასათავისუფლებლად მოვიდნენ, ხოლო ახლა ემუქრებოდა საშინელი ლანდი ერემია ვისნევეცკისა.

და აი მირბოდნენ ხმელნიცკისთან ყველანი, ვისაც კი შეეძლო გაქცევა, მირბოდა შლიახტაც კი, იმიტომ რომ სხვა

ლონე ირ იყო ხსნისა. ამ გარემოების წყალობით, ხმელნიცკის ჯარი თან და თან მატულობდა, და თუ ჯერ რესპუბლიკის შუა-გულ არ შესულიყო, თუ ასე დიდ ხანს იდგა თეთრეკლესიასთან, ამის მიზეზი მხოლოდ ის იყო, რომ უნდოდა, იქნება როგორმე წესსა და რიგში ჩაეყენო ეს ამოდენა განადირებული ბრბო ჩემთა მომხრეთა და თანამემართაო.

იმისმა მძლავრმა ხელმა სწრაფად გასწუთნა ეს ათასის მილეუის ხალხი და საომარ ლაშქრად გადაქცია. ჯარები მზად იყო, რადგან გამოცდილნი იმიერ-ქორომელნი მზა-მზარეულნი აფიცრები იყვნენ. ბრბო განაწილებულ იქნა პოლკებად, რომელთაც პოლკოვნიკებად დაენიშნათ კაშვევი ატამანები. თვითეული რაზმი ყოველ-დღე იგზავნებოდა სათარეშოდა და ციხე-დარბაზთა შესამუსრავად და თან ომში გამოსაცდელად. ახალნი ჯარის-კაცნი მალე შეეჩვივნენ თავიანთ ახალს ყოფას; წინადაც კი ენახათ თათართა თავ-დასხმა, წინადაც კი უდგნენ პირის-პირ აუცილებელს დაღუპვას, საშინელს სიკვდილს.

ორმა პოლკოვნიკმა, განჯამა და ოსტაპმა, დაიპყრეს ნესტერვარი და სულ ერთიანად ამჟლიტეს თავად-ახნაურობა და ებრაელნი. თავადს ჩეტვერტინსკის მისმავე მეწისქვილემ მოაკვეთა თავი ციხე-დარბაზის კარის ზღრუბლზედა, ხოლო კენი-ნა ტყვედ შეიპყრო ოსტაპმა. სხვა ბელადნი ყაზახთა სხვა მხარეს მიდიოდნენ და ყველგან ასევე გამარჯვებულნი იყვნენ, „ლიახთა“ გული „შიშმა შეიპყრო, მაშინ როდესაც ამ ერმა არ იცის, შიში რა არის“. ახლა კი ისეთი თავზარი დაეცათ, რომ იარაღი სცვივოდათ ხელიდან და ხელები უკანკალებდათ სისუსტითა.

პოლკოვნიკები არა ერთხელ აქეზებდნენ ხმელნიცკის: „რას უყურებ, რომ ვარშავზედ არ მიიტან იერიშს, ითვრები არაყითა და დროს აძლევ ლიახებს, რომ გონზედ მოვიდნენ და ლაშქარი შეჰკრიბონო? არა ერთხელ დაუწყებია ჟრიაბული ღამ-ღამობით ბრბოს, შემოპრტყმია გარშემო ხმელნიცკის სადგურს და მოუთხოვნია ჰეჰა-ქუხილით: „ლიახთა ამოჟლეტა გვწყურიან, წაგვიყვანეო“. ხმელნიცკიმ გააზვიადა საქმე ამბოხებისა

და დიდი, საშინელი ძალა მისცა, ხოლო ახლა თვითონვე დაინახა, ეს ძალა სადღაც განურკვეველ მომავალისაკენ მიმაქანებსო, ცდილობდა შთაეხედნა იმ უფსკრულში, რომელსაც უშველებელი პირი დაელო მის წინაშე და გული აჩქარებულის მოუსვენრობით უცემდა უნებურად.

თვისს პოლკოვნიკ-ატამანებ შორის მხოლოდ იმან იცოდა, რაოდენ საშინელი ძალა იფარვოდა რესპუბლიკაში, რომელიც დღეს დასუსტებული და დაუძღურებელი ეგონებოდა კაცს. მან აღმართა დროშა ამბოხებისა, გაიმარჯვა ყვითელ-წყლებთან, გაიმარჯვა კორსუნთან; გაჰთანტა და ამოჰყელიტა სახასო ჯარები... მაგრამ მერე?

შეჰკრებდა სათათბიროდ პოლკოვნიკებს, ბრიალით მოავლებდა თავისს დასისხლიანებულს თვალებსა, რომლის წინაშე ყველანი თრთოდნენ, და დაღვრემილი ეკითხებოდა ერთსა და იმაეს:

— ახლა რაღაი? რაღა გინდათ? ვარშავაზედ მივიტანოთ იერიში? მოვა მერე თავადი ვისნევეცკი, ამოსწყვეტავს ჩვენს ცოლშვილს და გრიგალივით აამტუტებს ქვეყანას, მერე შემოიკრებს შლიახტას და შემოგვიტევს. ჩავვარდებით ორ ცეცხლ შუა და, თუ ომში არ დავიხოცენით, მარგილებზე ჩამოგვაცვამს... თათრების მეგობრობის იმედი ტყუილია. ისინი დღეს ჩვენთან არიან, ხვალ ჩვენ წინააღმდეგ იმოქმედებენ; გაბრუნდებიან და წავლენ ყირიმს, ან ახლა პანებს მიჰყიდნიან ჩვენს თავს... რაღა იქნება შემდეგ? სთქვით!... მივეტევენეთ ვისნევეცკის? მარტო ის შეგვაყენებს კარგა ხანს, ამასობაში რესპუბლიკის ჯარი თავს მოიყრის და ერემიას მიეშველებს... ირჩიეთ, როგორც გინდათ!

და შეშფოთებული პოლკოვნიკები მღუმარებდნენ, ხოლო ხმელნიცკი განაგრძობდა:

— რას გაჩუმდით უცბად? რატომ არ ითხოვთ კვლავ ვარშავას წავიდეთო? როცა არ იცით, რა მოიქმედოთ, მე მომენდეთ, ხოლო მე, თუ ღმერთი შემეწია, გადავარჩენ ჩემს თავ-

საცა და თქვენსაცა, უზრუნველ-ვყოფ ყაზახთა მომავალსაცა და მთლად იმიერ-ქორომეთის ჯარსაცა.

ერთი რამ ღონე კიდევ იყო: მშვიდობიანი მორიგება. ხმელნიცკიმ კარგად იცოდა, რამდენს გამოსცინცლავდა ამ გზით რესპუბლიკას. დარწმუნებული იყო, რომ სეიმები უფრო ბევრის დათმობას იტვირთებდნენ, ვიდრე ხანგრძლივს ომს, რომელსაც აუარებელი ხარჯი მოუხდებოდა. მერე ვარშავაში ძლიერი დასია თვით მეფის მოთაფეობით *), რომელსაც გულით უნდა შეაკვეცოს ფრთა უკრაინის მაგნატების ძლიერებას და თავისკენ მიიმხროს ყაზახნიო. ამ გარემოებათა შორის ხმელნიცკის შეეძლო იმედი ჰქონოდა, რომ იქნება საგეტმანო კვერთხი თვით მეფემ ჩამაბაროსო.

აი მიზეზი იმისი, რომ ხმელნიცკი ისე ღიდ ხანს იყო გაჩერებული თეთრ-ეკლესიაში. ამასობაში თვისს ჯარს აძლიერებდა, თოფ-იარაღში სეამდა, ბრძანებას ბრძანებაზედ ჰგზავნიდა აქეთ-იქით, ღიდს ლაშქარს აზხადებდა, ციხე-ღმრბაზებს ალყას არტყამდა. ხმელნიცკიმ იცოდა, რომ რესპუბლიკა მხოლოდ ყოვლად ძლიერს მტერს დაუწყებს მოლაპარაკება-მორიგებასაო.

ოჰ, ეგ სურვილი რომ შემისრულდეს! მაშინ მახვილი თავის-თავად დაუვარდება ხელიდან თავად ვისნევეცკის, ხოლო თუ ასე არ მოჰხდა, იმ შემთხვევაში მე კი აღარ ვიქნები მემბოხე, წინააღმდეგი მეფისა და სეიმებისა, არამედ თავადი ვისნევეცკიო.

მაშინ ვეკვეთები ვისნევეცკის, მაგრამ უკვე მეფისა და რესპუბლიკის ბრძანებით და მაშინ დადგება უკანასკნელი ჟამი არა მარტო თავადისათვის, არამედ უკრაინის ყველა ღიდებულ მოურავ-გეტმანებისათვის.

ასე ოცნებობდა არა-მკითხე იმიერ-ქორომელი გეტმანი, ასეთს ტკბილს ზმანებაში იყო გართული. მაგრამ ამ ზმანებათა მწვერვალებზედ ხშირად მოიკრიბებოდა ხოლმე შავ-ბნელი გუნ-

*) 12 ივლისს თეთრ-ეკლესიაში ჯერ არ იცოდნენ მეფის სიკვდილის ამბავი.

დი მწუხარებისა, ეკვისა, შიშისა და ბოროტის ხმით თავს დასჩხაოდა.

ვითომ საკმაოდ ძლიერი კია ვარშავაში დასი მშვიდობიანობისა? დამიწყებენ კი ვითომ მორიგებასა? რას იტყვის სეიმი და სენატი? ვითომ ბამბას დაიკოებენ ყურებში და არაფრად ჩააგდებენ უკრაინის კენესასა და ძახილს, გვიშველეთო! ვითომ თვალებს დაიბრმავებენ და არ დაინახავენ ამ ცეცხლ-წაკიდებულ ქვეყნის ვაებას? ვითომ იმ დასს არ აჯობოს პანების დასმა, რომელსაც აქ აუარებელი ქონება აქვთ, ვითომ არ წამოვიდნენ ამ ქონების დასაცველად? დაფიჯერო რესპუბლიკა ისეთა შეშინებული, რომ თათრებთან დაამხანაგებასა და დაკავშირებასაც კი დამითმობს?

მეორეს მხრით ხმელნიცკის გულს სწვავდა ის ეკვი, მეტის-მეტად ხომ არ აღვაგზნე ცეცხლი ამბოხებისაო? ნებას-ღა მომცემს, ეს განადირებული სიმრავლე ათასის მილეთის ხალხისა, რომ მისთვის ასეთი თუ ისეთი წესი და რიგი იქმნას დადგენილი? კარგი, ვსთქვათ, მე ზავი დაედე, ყაზახნი მაინც თავისს აეკაცობასა და თარეშობას არ დაიშლიან, ან არა-და ჩემზედ ამოიყრიან ჯავრს, თუ იმედები გაუმტყუნდათ. ეს ამოდენა ბრბო ხომ აღიდებული მდინარეა, ზღვაა, გრიგალია! საშინელებაა ჩემი ყოფა! ამაზედ სუსტი რომ ყოფილიყო ეს აფეთქება, ჩემთან, როგორც უძლურთან, არაფითარს მორიგებასაც არ მოინდომებდნენ; ახლა კი, როცა აჯანყებამ მიაღწია უმწვერვალესობამდე, მოლაპარაკებაც სიკეთეს აღარას მოიტანს.

მერე რა იქნება მერე?

როცა ასეთი ფიქრი ტყვიასავით შემოაწვებოდა გეტმანის გულს, ჩაიკეტავდა კარს თავისს საღვურში და სვამდა დღე და ღამ. მაშინ პოლკოვნიკებსა და მიდამოთა შორის გავარდებოდა სმა: „გეტმანი სვამსო“ და იმის წახედვით დაიწყებდნენ სმას ყველანი, წესი და რიგი სუსტდებოდა, ტყვეებს ჰხოცავდნენ, საშინელს ჩარბუხანჯს აბამდნენ. თეთრი ეკლესია ჯოჯოხეთად გადიქცეოდა ხოლმე.

ერთხელ შევიდა მთვრალ გეტმანთან ვიგოვსკი, შლიახ-ტიჩი, კორსუნში დატყვევებული და ახლა გეტმანის მდივნად მყოფი. შევიდა და დაუწყო კადნიერად ბანჯლალი გეტმანსა, ბოლოს დასვა ნაბაღზედ და, როგორც იყო, გონებაზედ მოიყვანა.

— რა ამბავია, რა მოჰხდა?—ჰკითხა ხმელნიცკიმ.

— აბძანდით, პან გეტმანო, და მოდით გონსა,—უპასუხა ვიგოვსკიმ.—ელჩები გაეხლნენ.

ხმელნიცკი უცბად წამოხტა ფეხზედ და იმ წამსვე გამოფხიზლდა.

— ეი!—შეუძახა ყაზახს, რომელიც იქვე კარებში იჯდა,— მომიტა მანტია, ქუდი და კვერთხი!... ვინ მოვიდნენ? ვისი გამოგზავნილები არიან?

— გუშჩელი ქსენძი, პატრონიი ლასკო, ბრაცლავის პან მოურავისაგან არის გამოგზავნილი.

— პან კისელისაგან?

— დიად.

— დიდება მამასა და ძესა, დიდება სულსა წმიდასა და ყოვლად-წმიდასა!—იწერდა პირჯვარს ხმელნიცკი. და სახე გაუბრწყინდა... მოლაპარაკება უნდათ ალბად, ძლივს!

მაგრამ, ვაი, რომ იმ დღესვე სულ სხვა ამბავი მოვიდა, მოიტანეს ამბავი, რომ თავადმა დაასვენა თავისი ჯარები, რომელიც დაღალულიყო ტყეებსა და ქაობებში სიარულითა, შემოესია ახლა აჯანყებულ ქვეყანას და სულ ნაცარ-ტუტას აღენსო; რომ ერთმა რაზმმა, სქშეტუსკის მოთავეობით გაგზავნილმა, სძლია, ორი ათასი ყაზახთა ჯარი და სულ ამოსწყვიტა ერთიანადაო, რომ თვით თავადმა იერიშით აიღო პოგრებიში, თავად ზბარასკების საკუთრება და არავენ აღარ დაინდოვო. საშინელს ამბებს ამბობდნენ პოგრებიშიის ალების თაობაზედ, ხოლო ეს ადგილი ბუდე იყო თავზედ ხელ-აღებულ მძარცველთა და კაცის მკვლეელთა. თავადმა უთხრა ჯარისკაცთა: „დაჰხოცეთ ეგენი ისე, რომ ჰგრძნობდნენ, ვკვდები-

თოა,*) და მისთა ჯარის-კაცთაც, არ გაგონილა, რა საშინელი სიმხეცე გამოიჩინესო. მთელი ქალაქი ისე აიკლეს, რომ ერთი აღარ გადარჩენილა. ცოცხალი. შვიდასი ტყვე ჩამოარჩეს, ორასი მარგილებზე ჩამოაცვეს. ხმა დადიოდა, რომ ზოგს თვალები დაუხვრიტეს შამფურებით, ზოგს კიდევ ნელ ცეცხლზედ სწვადენენო, ამბოხება უცებ დასცხრა იმ ადგილის არე-მარე-ზეო. მცხოვრებნი ან ხმელნიცკისთან ივლტოდნენ, ან მუხლ-მოდრეკილნი ეგებებოდნენ ლუბნის ბატონს და ევედრებოდნენ შეწყალებას. წვრილ-წვრილი ბრბონი ყაზახთა სულ განადგურებულ იქმნენ, ხოლო ტყვეებში, როგორც ამბობდნენ ლტოლვილნი სამგოროდკისა, სპიჩინისა, პლესკოვისა და ვახნოვსკისა, ერთი ხე აღარ იყო დარჩენილი, რომ ზედ ყაზახი არა ყოფილიყო ჩამორჩობილიო.

და ყოველსავე ამას ითმენდა ხმელნიცკი, რომელიც იქვე ახლო იდგა ბანაკად თვისის რიცხვ-მრავალის მხედრობითა.

ხმელნიცკიმ რომ ეს გაიგო პირველად, საშინლად გარისხდა და დაჭრილი მხეცივით დაიწყო ღრიალი. ერთის მხრით მოლაპარაკება უნდოდათ და ზავის ჩამოგდება, მეორეს მხრით მახვილი მოციქულობდა. წავიდე და ვეკვეთო თავადს, იფიქრებენ, რომ არ მინდა მივიღო ის პირობა, რასაც პან კისელის ელჩნი მეუბნებიანო.

ერთად-ერთი იმედი თათრებზედ-ღააო. ხმელნიცკი ტულაი-ბეისთან გაიქცა.

— ტულაი-ბეი, ჩემო მეგობარო! — დაიწყო ხმელნიცკიმ ჩვეულებრივის სალამ-ქალამის შემდეგ, — ერთხელ უკვე დამიხსენი ყვითელ წყლებთანა და კორსუნში, დამიხსენი ახლაცა. ეს არის ეხლა მოვიდა ელჩი ბრაცლავის მოურავისა და მომიტანა წერილი. მწერენ, რომ თუ სისხლის-ღვრას შესწყვეტავ, შეგიწყალებენ და დაგაჯილდოვებენო, ხოლო იმიერ-ქორომელთ ძველებურ თავისუფლებას დაუბრუნებენო. უნდა ასე მოვიქცე და დავანახვო, რომ მშვიდობის წინააღმდეგი არა ვარ.

*) რულოვსკი ამტკიცებს, რომ ეს სიტყვები ნემროვში იქმნა თქმულიო.

მაგრამ ამასობაში ჩემმა მტერმა, თავადმა ვისნევეცკიმ აიკლო პოგრებიში და ცოცხალი აღარავინ დასტოვა; ჩემს ყაზახებს ჰხოცავს, თვალებსა სთხრის, მარგილზედ აცვამს. მე დრო არა მაქვს, რომ იმას გავუმკლავდე, ამიტომ მოვედი შენთან და გთხოვ ეკვეთო ჩვენს საერთო მტერს, თორემ მალე თვით ის დაესხმის თავს ჩვენს ბანაკსა და ბარგი-ბარხანის ურმებსა.

მურზა იჯდა ხალიჩების გროვაზედ, რომელიც კორსუნში წაერთმია დაძლეულთათვის, ან თავად-აზნაურთა სახლებიდან დაეტაცნა და ქანაობდა თვალებ-დახუჭული, თითქო რალასაცა ჰფიქრობსო.

— ალლაჰ! — სთქვა მან ბოლოს. — მე მაგ საქმეს ვერ ვიტვირთებ.

— რატომა?

— უიმისოდაც ბევრი ბეი და ჩაუში გავწირე შენის გულისათვის თეთრ წყლებთანა და კორსუნში, ახლა სხვები რაღად უნდა გავწირო? ერიომა დიდებული მეომარია! მეც მაშინ წამოვალ იმასთან საომრად, როცა შენც წამოხვალ, მარტოკი არას დროს. არც ისე ტუტუცი ვარ, რომ ერთს ომში დავკარგო ყოველივე, რაც მოვიპოვე დღემდე. ისა სჯობიან, რომ ჩემი ხალხი გავგზავნო დავლისა და ტყვეების საშოვრად. ისიც კმარა, რაც მე თქვენთვის, თქვენისთანა უმადურ ძალღებისათვის, მოვიქმედე. არც მე წავალ თავადთან საომრად და არც ხანს ეურჩევი. ესთქვი და გავათავე.

— ფიცი გაქვს მოცემული, შემწეობა მაძლიო.

— დიად, ფიცი მაქვს მოცემული, რომ ვიომო შენთან ერთად და არა შენ მაგიერ. გამეცალე აქედან!

— ნება რომ დაგრთე და ტყვეები მოჰკრიბე ჩემს ხალხში? ეს დაელო ხომ მოგეცა, გეტმანები?

— შენ რომ არ მოგეცა, მე თვითონ მიეცემდი ჩემს თავს.

— ყვენთან წავალ, მაშ.

— ნუ სულელობ, ემანდა, აქედან დამეკარგე-მეთქი! — და მურზას წვეტიანმა კბილებმა თეთრად გამოანათა იმის თხელ ულვაშებ ქვეშიდან.

ხმელნიცკი მიხვდა, მე აქ ვერას გავარიგებ, მეტს ხანს დარჩენა საშიშიც არისო, ადგა და გასწია ყეენთან.

მაგრამ ყეენმაც იგივე უპასუხა. თათრებს თავისებური ჭკუა არ აკლდათ და ყველგან ხეირს ეძებდნენ. იმის მაგიერ, რომ ძნელად გასაბედი ომი დაეწყოთ უძლეველ გმირთან, ისევ იმასა რჩეობდნენ, რომ სისხლ-დაუღვრელად შეეძინათ ქონება და სიმდიდრე.

გაცეცხლებული ხმელნიცკი დაბრუნდა სახლში და ის-იყო წაავლო კიდევ ზელი არაყით სავსე ბოთლს, მაგრამ ვიგოვსკიმ ძალით წაართვა.

— მაგის დაღვევა არ იქნება, ბრწყინვალეო ატამანო,— უთხრა მდივანმა.— ელჩი აქ არის, ჯერ ის უნდა გაისტუმროთ.

ხმელნიცკის სულ დორბლები სცვიოდა სიბრაზითა.

— შენცა და იმ შენს ელჩსაც ვუბრძანებ, რომ მარგილზედ ჩამოგაცვან, გესმის თუ არა?

— არაყს მაინც არ დაგანებებთ. სირცხვილი არ არის, რომ ბედმა ასე აღგამაღლათ, და თქვენ კი ისე გინდათ გასკდეთ და გატყვრეთ, თითქო უბირი ყაზახიაო? ფუ, ფუ, ბატონო გეტმანო, ეგ შეუძლებელია. ელჩის მოსვლის ხმა ყველგან გავარდა უკვე ჯარი და პოლკოვნიკები თხოულობენ, რომ სათათბიროდ შეიკრიბნენ თავნი კაცნი. თქვენ ეხლა სმას კი არ უნდა ეტანებოდეთ, საქმეს უნდა აშურებდეთ, რომ დრო ხელიდან არ წაგივიდეთ. ახლა შეგიძლიან ზაფი ჩამოაგდოთ და იმას მიაღწიოთ, რაც თქვენი სურვილია. მერე კი გვიან-ლა იქნება.... ხოლო დღეს ამაზედ არის დაშოკიდებული ჩემი სიცოცხლეცა და თქვენიცა. თქვენ ეხლა იმას უნდა ცდილობდეთ, რომ ელჩნი გაჰკზავნოთ ვარშეას და სთხოვოთ შეწყალება, პატივება...

— ჭკვიანი გოგრის პატრონი ხარ, როგორც გატყობ,— მოტება ახლა კი ხმელნიცკი.— უბრძანე დაპრეკონ ზარი და შემოჰკრბენ სათათბიროდ; პოლკოვნიკებსაც გამოუცხადე მოედანზედ, რომ მეც ეხლავე მოვალ.

ვიგოვსკი წავიდა. ერთს წუთს შემდეგ გაისმა რეკა სათათბირო ზარისა და იმიერ-ქორომეთის ჯარმა იწყა შემოკრება.

მოვიდნენ სპასპეტნი და პოლკოვნიკები: საშინელი კრივანოსი, მარჯვენა ხელი ხმელნიცკისა, ქშეჩოვსკი, ყაზახთა მახვილი, ხნიერი და გამოცდილებით დაბრძენებული ფილონ ძეძიალა, კრაპინიციკის პოლკოვნიკი, თეოდორე ლობოდა პერეიასლაველი, მძვინვარე თედორენკო კალნიციკი, ნადირი პუშკარენკო პოლტაველი, შულეიკო, გულ-სწრაფი გაღიაჩელი ჩარნოტა, ჩიგირინელი იაკუბოვიჩი, ნოსაჩი, გლადკი, ადამოვიჩი, გლუხი, პულიანი, პანჩი,—არა ყველანი, რადგან აქეთ-იქით იყვნენ წასულნი, ხოლო ზოგნი თავადმა ერემიამ გაჰზავნა საიქიოს.

თათრები არ მიიწვიეს სათაზბიროდ. „ამხანაგობა“ შეიკრიბა მოედანზედ; მოჯარებულს ბრბოს ჯოხებითა ჰრეკავდნენ, ხან რკინის კომბლებითაც და ამასობაში რამდენიმე კაციც კი შემოაკვდათ.

ბოლოს, გამოჩნდა თვით ხმელნიცკიცა, მდიდრულად ჩაცმული, კვერთხით ხელში, ქუდ-დახურული. მასთან ერთად მოდიოდა თოვლივით გათეთრებული პატრონიი ლასკო, მართლმადიდებელი მოძღვარი და ვიგოვსკი, რამელსაც ქალაღლები ეპირა ხელში.

ხმელნიცკი ხმა-ამოუღებლივ დაჯდა პოლკოვნიკებ შორის. მერე მოიხადა ქუდი ნიშნად იმისა, რომ კრება დაიწყავო, წამოდგა და ასე დაიწყო:

— ბატონო პოლკოვნიკებო და ატამანებო! თქვენ უწყით, რომ ჩვენის აუტანელის შევიწროებისა და დაჩაგვრის გამო, იძულებულნი ვიყავით იარაღისათვის მოგვეკიდნა ხელი და მისის უდიდებულესობის და ყირიმის მეფის შეწვევით დაგვებრუნებინა ჩვენის ყოვლად-მოწყალე მეფის უდასტუროდ პანების მიერ წართმეული თავისუფლება და უპირატესობანი ჩვენი. ღმერთმა მოგვხედა და შიში მისცა ჩვენს მტარვალებს, დასაჯა უსამართლობისა და გულ-ქვაობისათვის, ხოლო ჩვენ მოგვანიჭა გამარჯვება, რისთვისაც მხურვალე მადლობას აღვავლენთ მის ტახტისადმი. როცა ქედ-მადლობა ღირსეულად დასჯილია, ჩვენი ვალია ვიზრუნოთ, როგორ შესწყდეს ქრისტიანთა სისხლის ღვრა; ამას გვიბრძანებს თვით მოწყალე ღმერთი და წმინ-

და ეკლესია; გარნა ნუ განუტევებთ მახვილს ჩვენთა ხელთაგან იმ ღრომდე, ვიდრე მის უდიდებულესობისა, მეფისა ჩვენისა ნებითა არ დაგვიბრუნდება ჩვენი წინანდელი თავისუფლება და უპირატესობანი. ახლა მწერს პან მოურავი ბრაცლავისა, — და თვით მეც ასე ფეიქრობ, — რომ თქვენ კი არა, ბატონი პოტოცკები, კალინოვსკები, ვისნევეცკები და კონეცპოლსკები გარდახდნენ მეფის ბრძანებასა და არ ემორჩილებიან რესპუბლიკასაო. და რადგან ჩვენ დაესაჯეთ ისინი, ამიტომ გველის პატივება და ჯილდო სამშობლოსგან. გთხოვთ, მეგობარნო და ჩემნო კეთილის-მყოფნო, წაიკითხოთ წერილი, რომელიც მომიტანა ბრაცლავის დიდებულ მოურავისაგან მამა პატრონი ლასკომ, მართლ-მადიდებლის სარწმუნოების შლიანტიჩმა. ბრძნულად განსაჯეთ, როგორ შევწყვიტოთ ქრისტიანეთა სისხლის ღვრა და ღირს ვიქმნეთ შეწყალებისა და ჯილდოსი ჩვენის ერთგულებისა და მორჩილებისათვის წინაშე რესპუბლიკისა.

ხმელნიცკი იმას კი არა ჰკითხავდა კრებას, განვაგრძოთ ომი, თუ არაო, არამედ პირდაპირ თხოულობდა, მის გათავებას. მაშინვე გაისმა ხმა წინააღმდეგობისა, რომელიც ბოლოს საშიშ მუქარა-დრტვინვად გადაიქცა. უფრო მეტად ცხარობდა ჩარნოტა.

ხმელნიცკი სდუმდა და მხოლოდ მოწინააღმდეგეთა სახელებს იხსომებდა.

ვიგოვსკი წამოდგა და წერილის წაკითხვა დააპირა. ზორკომ მისი პირი წაიღო, რომ „ამხანაგობისათვის“ წაეკითხა. აქაც დიდი მღუმარება ჩამოვარდა.

დიდებული მოურავი ასე იწყებდა თვის წერილს:

„პან უფროსო რესპუბლიკის საიმიერ-ჰორომეთის ჯარისაო, ძველო ჩემო მეგობარო და ამხანაგო!

„თუმცა ბევრნი რესპუბლიკის მტრადა გასახავენ, მე, პირიქით, არა თუ მტკიცედა ვარ დარწმუნებული, რომ შეურყეველი ერთგულება გაქვთ სამშობლოსი, არამედ ბატონ სენატორებსაც და ჩემს ამხანაგებსაც ვარწმუნებ ამ აზრზედა. პირველად იმიტომ, რომ ღნებრის ჯარი ათანან-ბაბადან იცავს თვისთა

უფლებათა და თავისუფლებას და ამასთანავე ერთგულობს მუდამ მეფესა და რესპუბლიკას. მეორედ, ჩვენის რუსეთის ერი იმდენად თავდადებულია მართლ-მადიდებლის სარწმუნოებისათვის, რომ მზაა სიცოცხლე გასწიროს მისთვის. მესამედ, გრიგალი სხვადა სხვაა ხოლმე (როგორც ეხლა, მაგალითად, ლეთისა ნებითა მოვლენილი), სისხლი ძმათა იღვრება, გარნა სამშობლო ერთი და იგივეა ყველასათვის. ამ სამშობლოში დავიბადეთ, გვაქვს ჩვენი უფლებანი და არც არის დედა-მიწის ზურგზედ ისეთი ქვეყანა, სადაც უფრო მეტი თავისუფლება იყოს, ვიდრე ჩვენში. ამიტომა გვაქვს ჩვეულებად დაცვა ჩვენის სამშობლოსი და თუმცა ხანდახან ამ გზას გადაუხევეთ ხოლმე ასე თუ ისე, გონება მაინც ამცნევს ყველას, რომ ისევ თავის თავისუფალ სამშობლოში იცხოვროს კაცმა, ვიდრე სხვის მონობაში ჩაადლოს თავისი ქვეყანაცა და ჩაეარდეს თვითონაცა“

ლობოდამ გააწყვეტინა მდივანს კითხვა წერილისა.

— მართალს ამბობს,—სთქვა მან ხმა-მალლა.

— მართალს ამბობს,—განიმეორეს სხვა პოლკოვნიკებმაცა.

— ტყუილია, სცრუობს ეკ ძაღლი, ევა!—დაიგრიალა ჩარნოტამ.

— ხმა გაიწყვიტე! შენ თვითონ ძაღლო!

— თქვენ მოლალატენი ხართ, გასწით, დაილუპენით!

— მოვისმინოთ, მოვისმინოთ! წაიკითხეთ! ის ჩვენი კაცია! წაიკითხეთ!

არეულობა დიდი ატყდა და სახუმარო საქმე აღარ იყო, მაგრამ ვიგოვსკიმ კვლავ დაიწყო კითხვა და ყოველივე დადუმდა.

ჰან მოურავი სწერდა შემდეგ, რომ იმიერ-ჭორომეთის ჯარი უნდა მერწმუნებოდეს, უნდა მენდობოდესო; მეც მაგათისავე სარწმუნოებისა და გვარტომობის კაცი ვარ და ამიტომ მეც მოვალე ვარ კეთილის გულით ვეკიდებოდე მაგათაო. სწერდა აგრედვე, რომ მე მონაწილე არა ვყოფილვარ სრულიად იმ საუბედურო სისხლის-ღვრისა, რომელიც მოჰხდა

კუმეიკთან და სტარცთანა; ბოლოს ევედრებოდა ხმელნიცკის, შესწყვიტე ომი, განუტევე თათარნი, ანა და მიაქციე მათზედ იარაღი და იყავ მტკიცე რესპუბლიკის ერთგულებაზედაო. წერილი თავდებოდა შემდეგის სიტყვებითა:

„აღვითქვამთ, ვითარცა ძე მართლ-მადიდებლის ეკლესიისა და რუსეთის ერისა, რომ თვითვე ვეცდები ყოველსავე კეთილს თქვენთვის. კარგად იცით, რომ, ღვთის მადლით, ცოტა-რამ ჩემზედაც არის დამოკიდებული რესპუბლიკის საქმეთა მართვაში; უჩემოდ არ შეიძლება გადაწყდეს ომი თუ მშვიდობა, ხოლო მე პირველს არა მსურს შინაური შფოთი და ამბოხი“ ect.

დამსწრენი ორ დასად განიყვნენ, თუმცა საზოგადოდ წერილი მოეწონათ პოლკოვნიკებსაცა და „ამხანაგობასაც“ კი. თუმცა ასე იყო, პირველში მაინც კაცი ვერას გაიგებდა, ისეთი ზრიალი ატყდა. „ამხანაგობა“, შორიდან რომ შეეხედნა კაცს, ისე ეჩვენებოდა, თითქო ქოჩქოჩანაა, რომელშიც ღურღუმალაობდა ბრბო და გაჰქონდა ჟრიამული. საითაც გაიხედავდა ადამიანი, ყველგან დასისხლიანებულსა და დაბრაწულს თვალებს დაინახავდა; ზოგი სულ დორბლებსა ჰყრიდა პირიდან. ყველა იმათი წინამძღოლი, ვინც ომის განგრძობასა თხოულობდნენ, იყო ვრაზმ ჩარნოტა, რომელიც ისე იყო ატაცებული-აღესილი, რომ აღარა ეყურებოდა-რა. ხმელნიცკი ამას რომ ჰხედავდა, აღარა დაუკლდა-რა და კინალამ იფეთქა იმისმა გაონაერებულმა სიბრაზემ, რომლის წინაშე ყოველივე დადუმდებოდა ხოლმე, როგორც წინაშე ლომის გრგვინვისა. მაგრამ ქშეჩოვსკიმ იმას აღარ დააცადა, თვით შეხტა ტახტზედ, გაიქნია ხმალი შხივილითა და შესძახა ქუხილისა სიტყვებითა:

— თქვენ უნდა მენახიეებად იდგეთ და საქონელსა მწყემსვიდეთ და არა სათათბირო კრებაზედ ესწრებოდეთ, თქვე მზაკვარნო მონანო!

— ჩუთ! ქშეჩოვსკის უნდა ლაპარაკი! — დაიძახა პირველადვე ჩარნოტამ.

იპას ეგონა, რომ ქებული პოლკოვნიკი ომის სასარგებლოდ ილაპარაკებსო.

— ჩუთ, ჩუთ!

ქშეჩოვსკის დიდს პატივსა სცემდნენ ყაზახნი, პირველად, იმიტომ რომ დამსახურება მიუძღოდა და სამხედრო ნიჭი ჰქონდა, ხოლო მეორედ, — საკვირველი ამბავია! — იმიტომ რომ შლიახტიჩი იყო. ყველამ ხმა გაკმინდა და ელოდნენ, ვნახოთ, რას იტყვისო. თვით ხმელნიცკი მოუსვენრობაში ჩავარდა და თვალს არ აშორებდა.

მაგრამ ჩარნოტა შემცდარი იყო. ქშეჩოვსკი თვისის სწრაფის ჭკუით მალე მიხვდა, რომ ახლა შეუძლიან, ან სულ არასოდეს, მიიღოს რესპუბლიკისაგან ის უფროსობა და პატივი, რომლისათვისაც ოცნებობდა. მან მოისაზრა, რომ რაკი ყაზახნი დამშვიდდებიან, უპირველეს ყოვლისა ეცდებიან ჩემის გულის მოგებასაო. პან კრაკოვსკი ტყვედ არის წაყვანილი და ის ხელს ვერ შეუშლისო. აი რა სთქვა ქშეჩოვსკიმ:

— ჩემი საქმე ომია და ცემა ხმლისა და არა სჯა და პეტრობა, მაგრამ რაკი საქმე სათათბიროდ გახდა, ვგრძნობ, რომ შემძლიან მეცა ესთქვა ჩემი აზრა, რადგან, თუ მეტად არა, სხვაზედ ნაკლებ არ დამიმსახურებია თქვენი ნდობა. იმიტომ დავიწყეთ ომი, რომ დაგვებრუნებინა ჩვენი წინანდელი თავისუფლება და უპირატესობანი, ხოლო პან მოურავი ბრაცლავისა იწერება, სწორედ აგრეც არისო. მაშ, ან დავიბრუნებთ, ან არა. თუ არ დავიბრუნებთ, ომი უნდა იყოს, თუ დავიბრუნებთ-და — ზავი უბრალოდ რადა ვლვაროთ სისხლი? დეე, კმაყოფილება მოგვცენ, დავამშვადებთ მდაბიო ხალხს და ომიც გათავდება; ჩვენმა მამად-მიჩნეულმა ხმელნიცკიმ ყოველივე ბრძნულად მოისაზრა და გვიჩვენეს დავიჭიროთ მხარე მისის უდიდებულესობისა, რომელიც დაგვაჯილდოვებს ამისათვის, ხოლო თუ პანები წინააღმდეგობას დაიწყებენ, ნებას მოგვცემს ხმა ჩავაკენდინოთ. აი მაშინ შევეუტიოთ ჩვენცა და სულ ზურგზედ ბოლი ავადინოთ. მარტო ერთს რასმე ვერ გვიჩვენოთ, თა-

თრების განტევებას: დეე, ყრუ მინდვრებში დადგნენ, ვიღრე საქმე საბოლოოდ გათავდებოდეს.

ხმელნიცკის სულ გაუბრწყინდა სახე ამ სიტყვებზედუ, ხოლო პოლკოვნიკების დიდი უმრავლესობა ჰყვიროდა, ომი უნდა გავათავოთ, დეპუტაცია გავგზავნოთ ვარშავაში, ხოლო პანკისელსა ვთხოვოთ, თვით მოვიდეს ზავის ჩამოსაგდებად. ჩარნოტა მინც კიდევ ჰყვიროდა და წინააღმდეგობდა, მაგრამ ქშეჩოვსკიმ მრისხანებით დააბღვრა თვალები და სთქვა:

— შენ, ჩარნოტა, პოლკოვნიკო მადიაჩისავ, თხოულობ ომი, ომიო და როცა კორსუნთან გეკვეთა გვარდია დმოხუესკისა, მაშინ კი გოჭივითა ჰყიტინებდი: „არიქა, ძმანო, გვიშველეთ, დაგვიხსენით სიკვდილისაგანაო“! და გარბოდი მთელის პოლკის წინაშე.

— სტყუი! — დაიღრიალა ჩარნოტამ. — მე არც შენი მეშინიან და არც ლიახებისა.

ქშეჩოვსკიმ მოუქირა ხელი ხმლის ვადასა და გაექანა ჩარნოტასაკენ, მაგრამ წინ გადელობნენ და დაიფარეს მადიაჩელი პოლკოვნიკი. კვლავ საშინელი უწყსოება ატყდა. „მოედანზედ“ „ამხანაგობა“ ისე გვრგვინაედა, თითქო ჯოგია გარეულის ზუბრებისაო. მაშინ წამოდგა თვით ხმელნიცკი.

— ბატონო პოლკოვნიკებო! — დაიწყო მან, — თქვენ გადასწყვიტეთ გაჰგზავნოთ ელჩნი ვარშავას და დაამოწმოთ ერთგულება ჩვენი მისის უდიდებულესობის მეფისა და რესპუბლიკის წინაშე და სთხოვოთ დაჯილდოვება. გარნა ვისაც უნდა ომი, იხილავს კიდევც ომს არა მეფესა და რესპუბლიკასთან, — ჩვენ არც ვომობდით იმათ წინააღმდეგ, — არამედ ყოველად დიდს ჩვენს მტერთან; რომელმაც სისხლით შესვარა მთლად ყაზახთა მხარე, რომელმაც ჯერ ისევ სტარცს ახლოს იბანავა უბრალოდ დაღვრილ სისხლში და დღესაც არ ანებებს თავს ამისთანა საქმეს. მიეწერე წერილი და ვთხოვ, ნუ განრისხდები, დამშვიდდი-მეთქი, ხოლო მან უღვთოდ მოჰკლა ჩემი ელჩები და არაფითარი პასუხი არ მომცა ჩემის წერილისა; ამით, რა თქმა უნდა, დიდი შეურაცხყოფა მოაყენა მთლად იმიერ-ქო-

რომეთის მხედრობას. ახლა გამოვიდა დნეპრის გაღმამხრიდან, აიკლო პოგრებიში, ამოსწყვიტა უდანაშაულო ხალხი, რომლის მწარე ბედისათვის სულ გული მოვიკალ და მღუღარება ვაბნიე. შემდეგ, როგორც დღეს დილით მომიტანეს ამბავი, ესეთივე ბედი ხვდა წილად ნემიროვსაც. თათრებს ერიდებოთ იმასთან შებრძოლებისა; იქნება ამასობაში ჩვენც დაგვესხას თავს, რათა ამოველიტო ერთიანადო, წინააღმდეგ ჩვენის მოყვარულის მისის უდიდებულესობისა და მთლად რესპუბლიკის სურვილისა, იმიტომ რომ ის კაცი ჯოჯოხეთის ქედ-მალლობით არის ავად და მუდამ მზაა ვისმეს ეჩანაროს, ეღერძ-ეჯავახოს...

გარშემო. საშინელა დაყუდება და ღუმილი ჩამოვარდა; ხმელნიცკიმ ჩაახველა და განაგრძო:

— ღმერთმა მოგვივლინა ძლევაი გეტმანთა ზედა, ხოლო ის ძე ჯოჯოხეთისა, რომელიც სცოცხლობს მარტო ოდენ უსამართლობითა, უფრო ავი და შავია ყველა გეტმანსა და დიდ მოურავზედა. მე თვითონ რომ გავილაშქრო იმის წინააღმდეგ, უთუოდ ეცდება თვისის ნათესაების შემწეობით მავნოს და უბრალოებასა ჩემს ჩრდილი მიაყენოს მეფისა წინაშე. რადაც უნდა დაგვიჯდეს, საჭიროა, მეფემა და რესპუბლიკამ იცოდნენ, რომ მე არა მსურს ომი და ჩემთვისაც ვარ დამშვიდებული, ხოლო ის პირველი გვესხმის თავსა. ამიტომ მე ვერ გავილაშქრებ და უნდა დავრჩე აქ და მოველაპარაკო პან მოურავს ბრაცლავისასა, ხოლო რათა იმ ჯოჯოხეთის შვილმა არ დაგვთრგუნოს, ჩვენ უნდა შევმუსროთ მისი ძალ-ღონე, როგორც ჩვენ შევმუსრეთ ჩვენი მტერნი, პან გეტმანები. არავინ ისურვებს ვითომ თქვენ შორის, რომ იტვირთოს ეს საქმე? ხოლო მე მივწერ მეფეს, ჩემს აქ არ ყოფნაში მოჰხდა მაგისთანა ამბავი-მეთქი, რადგან იძულებულნი ვიყავით თავი დაგვეცვა იმის თავდასხმისაგანა-მეთქი.

ყველანი მღუმარებდნენ.

— ვინც გაჰბედავს და იტვირთებს ამ დიდს საგმირო საქმესა, იმას საკმაოდ ჯარს მიეცემ, ზარბაზნებსაც გავატან, რომ

ეგებ ღვთის შეწევნით სძლიოს ჩვენდა მძულვარებით აღსავსე მტერსა.

არც ერთი პოლკოვნიკი არ გამოვიდა წინ და არ იტვირთა ეს საქმე.

— სამოც ათას რჩეულს ჯარს ჩავებარებ! — ერთხელ კიდევ სთქვა ხმელნიცკიმ.

კვლავ ღუმილი იყო პასუხად.

მერე ის ჯარის-კაცნი ხომ, რომლის გატანებასაც ჰპირდებოდა ხმელნიცკი, ფრიალ მამაცნი მეომარნი იყვნენ და კონსტანტიეპოლის ზღუდეთა არა ერთხელ შესმენოდა იმათი საომარი ყიჟინი. იქნება ეშინოდათ, ვაი თუ შევრცხვით საშინელ თავად ერემიას რომ შევებრძოლოთო?

— მე ვიცი ერთი კაცი, — განაგრძო წარბ-შერკმით დაღვრემილმა ხმელნიცკიმ, — რომელიც უარს არ იტყოდა და იტვირთებდა ამ საქმეს, მაგრამ, სამწუხაროდ, ის ახლა აქ არ არის.

— ბოგუნი! — გაისმა ვილასიც ხმა ბრბოშია.

— დიად, ბოგუნი. იმან ამოსწყვიტა უკვე მთელი პოლკი ერემიასი ვასილიოვკაში, მაგრამ ისიც დასკრეს და ეხლა ჩერკასში წევს ავადმყოფი, ებრძვის სიკვდილსა. ის არ არის და ვხედავ, რომ სხვაც აღარავინ არის იმის მეტი! სად გაჰქრა ნეტავ ყაზახთა სახელ-დიდება, სად არიან პავლიუკები, ნალივაიკები, ლობოდები და ოსტრანიცები?! ამ დროს წამოდგა ერთი დაბალ-დაბალი, სქელ-სქელი კაცი გალურჯებულის სახისა, ცეცხლის ფერ უღვაშებაი, დაბრეცილ ტუჩება და მწვანე თვალებიანი, წამოდგა და მივიდა ხმელნიცკისთან.

— მე წავალ, — სთქვა მან.

ის იყო მაქსიმე კრივანოსი.

გაისმა ხმა მოწონებისა და ქებისა, ხოლო იმას შემოეყარა დონჯი და განაგრძობდა ლაპარაკს ხრინწიანის, მკვეთრ-მკვეთრის ხმით:

— არ იფიქრო, გეტმანო, რომ მეშინოდეს. პირველადვე არ წამოვდექი, იმიტომ რომ ვსთქვი გულში, ჩემზედ უკეთესნი

მოიპოვებინან-მეთქი. ხოლო რაკი არავინ არა კისრულობს, მე წავალ. თქვენ რა ხართ? თქვენ თავი ხართ და ხელები, ხოლო მე თავი არა მაქვს, მე მხოლოდ ხელნი მასხია და ხმალი მიჭირავს. ერთხელ დავბადებულვარ, ერთხელვე უნდა მოვკვდე! ომი ჩემი დედა და და არის. ვისნევეცკი სჩებავს,—მეც ჩებას დავუწყებ; ის არჩობს ხალხს,—მეც ჩამოვარჩობ. შენ მხოლოდ, გეტმანო, ყოჩაღნი ყაზახნი მომეცი; უბრალო ბრბო ვისნევეცკის თავს ვერ დაესხმის. წავალ და დავუწყებ ჩება-ელეტას, წვასა და დაგვას! სიკვდილი იმათ, იმ ნაზ-ხელების პატრონთა! მეორე ატამანიც გამოვიდა წინ.

— მეც შენთან ვიქნები, მაქსიმე.

ის იყო პულიანი.

— ჩარნოტაცა, გლადკიცა, ნოსაჩიც შენ წამოგყვებიან,— სთქვა ხმელნიცკიმ.

— წამოვალთ ჩვენცა,—დაიძახეს იმათაც პასუხად.

კრივანოსის მაგალითმა ფრთები შეასხა იმათაცა.

— ერიომას უნდა დავეცნეთ, ერიომას!—გაისმა ძახილი ხალხში.

— სჩებეთ, სჩებეთ!—ვანიმეორა „ამხანაგობამ“ და მალე თათბირიც დამთავრდა სმითა. ის რაზმნი, რომელნიც უნდა წასულიყვნენ ლაშქრად კრივანოსის მეთაურობით, სიკვდილის პირამდე სვამდნენ, სვამდნენ იმიტომ რომ სასიკვდილოდ მიდიოდნენ. ყაზახებმა კარგად იცოდნენ ესა, მაგრამ იმათმა გულმა არ იცოდა, რა არის შიში. „ერთს ღღესა ვართ დაბადებულნი, ერთს ღღესვე უნდა დავიხოცნეთ“!—იმეორებდნენ ისინიც თვისის წინამძღოლის წახედულობით და, რაკი წინადვე გამოიგლოვეს თავი, აღარც ენანებოდათ სიციცხლე. ხმელნიცკი აგულიანებდა, რაც შეეძლო; ასი-ათასმა კაცმა ერთბაშად შემოსძახა სიმღერა. უნაგირ - მოხდილი ცხენები შეშინებულნი გარბოდ-გამორბოდნენ მეიდანზედ და იყო ერთი საშინელი უწყისოება. ცხენებს დასდევდნენ დასაქერად ყვირილითა და ხარხარ-ყიჟინით; ძალზედ-ნასვამნი გუნდ-გუნდად დადიოდნენ წყალის პირად, ისროდნენ თოფებს და ეჯახებოდნენ გეტმანის სახლს,

ისე რომ მან უბრძანა იაკუბოვიჩს, გაპრეკეთ აქედანაო. ბოლოს, წამოვიდა შხაპუნა წვიმა და ყველანი გაპფანტა: ზოგი ურმებს შეეთარა, ზოგმა კიდეც კარვებს მიჰმართა.

სალამოზედ დიდი ქარი ამოვარდა. ქუხილი გრიალებდა და ხან ერთს მხარეს გაჰქონდა რუხრუხი, ხან მეორესა; ელვა ანათებდა მთლად გარემოს ხან ყვითლადა და ხან წითლადა.

ამისთანა ამინდში, ამისთანა ელვასა და ქექაში გაემართა კრივანოსი თვისის სამოცი ათასის რჩეულის ჯარითა და მღაბიო ბრბო ხალხითა.

X I

თეთრ ეკლესიიდან კრივონოსი სკვირსა და პოგრებიშის წავიდა, მახნოევასკენ, ხოლო საცა ის გაივლიდა ხოლმე, კვალიც კი ჰქრებოდა აღამიანთა არსებობისა. ვინც იმას არ წაჰყვებოდა, ის იქვე ესალმებოდა წუთი-სოფელს. კრივონოსი ყანებსაც კი ცეცხლს უქიდებდა, სწვავდა ტყესა და ბალებსა, ხოლო ამავე დროს თავადი ანაღგურებდა ყოველსავე, რაც კი გზად შეჰხვდებოდა ხოლმე. პოგრებიშის აკლების შემდეგ, ნემიროვს დაადგა საშინელი დღე. მერე თავადის ჯარებმა დაამარცხეს რამდენიმე საკმაოდ რიცხვ-მრავალი ბრბო ყაზახთა და დაბანაკდნენ რაიგოროდს ახლოს. თვე გავიდა მას უკან, რაც ვისნევეცკის ლაშქარი ცხენიდან აღარ ჩამომხდარიყო; მეტისმეტმა ჯაფამ გასტეხა მისი ღონე, სიკვდილმა შესამჩნევად შეამცირა მისი რიცხვი. მთიბავთა მკლავებს დასვენება ეჭირვებოდა და სისხლის ღვრა უნდა შეეწყვიტათ ცოტას-ხნობით მაინც. თავადიც კი ყოყმობდა და იმ ფიქრში იყო, არ ემჯობინება რომ მშვიდობიანს ქვეყანაში წავიდე, შევავსო იქ რიცხვი ჯარისა და დასვენებული ცხენებიც ვიშოვოვო: ისე დაუბდათ ცხენები, რომ ცარიელი ძვალი და ტყავი-ლა იყვნენ, წისქვილზედ

დაიფქვებოდნენ; აგერ თვე სრულდებოდა, შერია არ ენახათ თვალითა. მაგრამ არ გასულა ერთი კვირა, რომ მოუვიდა ამბავი, ახალი ჯარი მოდის შენდა შესაწევრალაო. თავადი მაშინვე გაემართა მისაგებებლად და მართლაც პან იანუშ ტიშკევიჩს კი შეეყარა, კიევის მთავარ-მოურავსა, რომელსაც მოჰყავდა ათას ხუთასი ყოჩალი ჯარის-კაცნი; იმასთან ერთად იყო პან კრიშტოფ ტიშკევიჩიცა, ახალგაზდა პან აქსაკი, ჯერ თითქმის სულ ბავშვი, თვისის რიცხვ-მცირე, მაგრამ მშვენიერ გუსართა რაზმით. მრავალი თავად-აზნაურობაც იყო, რომელიც ზოგი მარტო წამოსულიყო, ზოგს თავისი მხლებელნი წამოეყვანა, ისე რომ მაშველის ჯარის რიცხვი, მხლებელნი რომ არ ჩავადლოთ, ორი ათასამდე იყო. თავადს ძრიელ გაეხარდა და სიამოვნებით მიიწვია თავის სახლში პან მოურავი. მთავარ-მოურავს დიდად გაუკვირდა ის მძაფრი სიმკაცრე, რომელიც შეამჩნია თავადის სახლში. ლუბნში ისე სცხოვრობდა, რომ კაცს მეფე ეგონებოდა, აქ კი, ლაშქრობაში, უბრალო ჯარის-კაცში ვერ გამოაჩჩევდით, ისე აელო ხელი ყველაფერზედ, რაც კი სიამოვნებას აძლევს კაცს ცხოვრებაში. მის ოთახში სტოლისა, ხის სკამებისა და ქეჩის მეტი არა იყო-რა. ამ უბრალოებამ გააოცა მთავარ-მოურავი; მდიდრული ცხოვრება ძრიელ უყვარდა მოურავს და თავის ნოხ-ხალიჩებს არ იშორებდა. ათასში ერთხელ ენახა თავადი სეიმებზედ, ნათესავიც იყო მისი, მაგრამ დაახლოვება არა ჰქონდა და მხოლოდ, როცა მუსაიფი დაიწყო, დარწმუნდა, რომ ეს კაცი იშვიათი კაცი ყოფილაო. და აი, დიდის ხნის სენატორი, ხნიერი ჯარის-კაცი, რომელიც ამხანაგურადა სცემდა მხარზედ ხელს თავის მეგობარ სენატორს, თავადს ღომინიკ ზასლავსკის ძმასა და მეგობარს ეძახდა, რომელიც შინაურულად ექცეოდა თვით მეფეს, ახლა თითქო მოკრძალებით იყო, თუმცა ვისნევეცკიმ დიდის სიამოვნებით მიიღო და გულითა და სულით გადუხადა მადლობა მიშველებისათვის.

— პან მოურავო, — უთხრა თავადმა, — ვმადლობ ღმერთსა, რომ მობრძანდით და დასვენებული ჯარი მომაშველეთ; ჩემი ჯარის-კაცნი მეტად მოიღალნენ; დაიქანცნენ ჯაფითა.

— ვატყობ თქვენს ჯარის-კაცებს, რომ ძალიან დაღლილან. ძალიან ვწუხვარ, რადგან იმიტომ მოვედი, რომ შემწეობა გთხოვოთ.

— განა აგრე საჩქაროა?

— *Periculum in mora, periculum in mora!* რამდენიმე ათასი წუწკი და სალახანა ხალხი შეკრებილა, კრივონოსის მეთაურობით, და რაკი გაუგონიათ თქვენი, რომ კონსტანტინოვკისაკენ აპირობს წასვლასაო, თვითონაც იქითკენ წასულან, გზად გაუვლიათ ჩემ მახროვკახედ, შემოსდგომიან გარს და ისე აუკლიათ იქაურობა, რომ ვერავითარი ენა ვერ ასწერს.

— გავიგონე მაგ კრივონოსის ამბავი და ველოდი კიდევცა და რაკი თვითონ გზა ამიქცია, ვხედავ, რომ მე უნდა დაეუწყყო ძებნა ახლა. მაგ საქმის გადადება აღარ შეიძლება. რამდენი უნდა იყოს მეციხოვნეთა ჯარი მახროვკაში?

— ციხე დარბაზში ორასამდე ნემეცი იქნება. სულ ვაჟკაცი ხალხია, რამდენსამე ხანს კიდევ გაუმადგრდებიან მტერს. უბედურება ის არის მხოლოდ, რომ იმ ქალაქში დიდ-ძალი თავად-აზნაურობა ჩამოვიდა ცოლ-შვილითა და გარშემო კი თხრილისა და მესრის მეტი არა არტყია-რა.

— დიად, დიად, საქმის გადადება აღარ შეიძლება, — განიმეორა ფიქრში წასულმა თავადმა და მიჰმართა მაშინვე თავისს პაჟს.

— ეელენსკი, აბა გაიქეცი და პოლკოვნიკებს დამიძახე. კიევის მოურავი იჯდა ტახტზედ და ჰქმინავედა, რაც შეეძლო. მშიერი იყო და ეახშამს ელოდა.

კარებს უკან აჩქარებული ფეხის-ხმა მოისმა და მალე მრავლად შემოვიდნენ ოთახში თავადის აფიცრები, რომელთაც სახე დასწოდათ მზეზედ, წვევრები დაზრდოდათ, თვალები ჩასცვივნოდათ და დაღლილობა ეტყობოდათ ძლიერ. ხმა-ამოუღებელივ დაუკრეს თავი სტუმრებს, მერე თავადს და ელოდნენ, რას გვიბრძანებს ჩვენი უფროსიო.

— ბატონებო, — ჰკითხა თავადმა, — ცხენები მზად არიან?

— როგორც ყოველთვის, ისე ახლაც მზად გახლავთ.

— ძალიან კარგი. ერთს საათს უკან კრივონოსს უნდა დავესხათ თავს.

— როგორაა? — შესწუხდა კიევის მოურავი და გაკვირვებით შეჰხედა პან კრიშტოფსა.

— პან პონიატოვსკი და პან ვერშული წაველენ პირველად. ამათ მიჰყვეს ბარანოვსკი დრაგუნებით, ხოლო ერთს საათს შემდეგ ვურცელის თოფჩებიც გაემართნენ ზარბაზნებით.

პოლკოვნიკებმა თავი დაუკრეს თავადს და გავიდნენ ოთახიდან. ერთს წუთს შემდეგ განგაში დაჰკრეს და საყვირმა აცნობა ჯარებს, სალაშქროდ მოემზადენითო. მოურავი არ ელოდა, რომ ასე სასწრაფოდ მოჰხდებოდა ყოველივე; ძალიან ეწყინა კიდევ ასეთი აჩქარება, რადგან თვითონაც ძალიან დაღალული იყო. იმას ეგონა, ერთ-ორიოდე დღეს დავრჩები თავადთან სტუმრადო, ის კი არა თუ აგერ ახლავ ისევ ცხენზედ უნდა შემჯდარიყო, როცა ჯერ ვერც გამოძინება მოასწრო და ვერც რიგიანად დასვენება.

— ერთი ეს მიბრძანეთ, ბატონო, — დაიწყო მოურავმა, — მივლენ კი თქვენი ჯარის-კაცნი მახნოვკამდე? ძალიან დაქანცულნი არიან და მახნოვკამდე კი მცირე მანძილის გზა არ არის...

— მაგაზედ ნუ შესწუხდებით, ბატონო მოურავო, — გააწყვეტინა სიტყვა თავადმა. — ისე მიდიან ისინი ომში, თითქო ქორწილიაო.

— ოჰ, დილაც, ექვიც არა მაქვს, რომ ეგ აგრეა. გულადი და ვაჟკაცი ხალხია, მაგრამ დაღლილნი არიან ისინიცა.

— თქვენ თვითონა ბრძანეთ: *periculum in mora*.

— მართალია, მე მოგახსენეთ ეგა, მაგრამ მაინც შეიძლება ბოდა ამალამ აქ გაგვეთიებინა. ჩვენ ხომ ხმელნიკიდან მოვდივართ.

— პან მოურავო, ჩვენ ლუბნიდან მოვდივართ, გაღმამხრიდან.

— მთელი დღე სიარულში გავატარეთ.

— ჩვენ მთელი თვეა გზაში ვართ.

თავადი კარში გავიდა, რომ დარწმუნებულიყო, კარგად შეასრულეს თუ არა ჩემი ბრძანებაო. მოურავმა განწირულე-ბით შეჭხედა პან კრიშტოფსა და მუხლებზედ დაიკრა ხელები.

— ვერ შევძლევნი ჩემს თავს, რაც მინდოდა?! ღმერთსა ვფიცავ, მშიერს მომკლავს მე ეგ აქა. რა უნდა უყოს კაცმა ნეტავ ამ ფიცს ხალხსა! მოდიხარ რომ შემწეობა სთხოვო, გგონია, ორი-სამი დღე მაინც გავა, ვიდრე ჯარი საომრად მოემზადებაო და ის კი არა თუ დასვენებასაც ვერ ასწრობ. ჯანდაბას მაგათი თავი და ტანი! უზანგმა გადამაყვლიფა სულ ფეხი... ის წუწკი პაეი ისა.... მუცელი დამენჭრა შიმშილითა.... შეგაჩვენოთ ღმერთმა! მახნოვკა თავის რიგით იყო და ამ მუცელმა რაღა დააშავა! მეც ბებერი ჯარის-კაცი ვარ, მაგაზედ ცოტა ომი არ მინახავს, მაგრამ არც ასე იქნება... უცბად, დაუსვენებლივ! ეგენი ეშმაკები არიან, კაცნი კი არა! არა სძინავთ, არასა სკამენ, არასა სმენ, მხოლოდ იბრძვიან. ღმერთსა ვფიცავ, სწორედ არასა არა სკამენ. ნახეთ, პან კრიშტოფ, ის პოლკოვნიკები? ლანდსა და მოჩვენებას არა ჰგვანან, მართლა?

— სამაგიეროდ, რაინდობით არიან აღფრთოვანებულნი. (პან კრიშტოფს გაგიჟებით უყვარდა ომი). ღმერთო მართალო! რამოდენა უწესოებაა სხვა ჯარში, რამდენი ყვირილი, ტყუილ-უბრალო ფუსფუსი და ვაი-ვაგლახი, აქ კი... აგერ გესმით?... სუბუქ სადროშოთა ჯარები უკვე გაემართნენ...

— მესმის, მესმის, სწორედ აგრეა! კარგი ამბავია სწორედ! — გაწყრა მოურავი.

ახალგაზღა აქსაკმა სიხარულით ტაშის-კვრა დაიწყო.

— ოჰ, დიდებული სპასალარია, დიდებული მხედარია! — აღტაცებით ამბობდა პატარა მეომარი.

— ბავშვი ხარ შენა, ჯერ დედის რძეც არ შეგშრობია ტუჩებზედ! — დაუწყო ჯავრობა აქსაკს მოურავმა. — ფაბი კუნქ-ტატორიც დიდებული სპასალარი იყო! ეს კი არ იცი შენა?!

ამ დროს თავადიც შემოვიდა.

— აბა, ბატონებო, შესხედით ცხენებზედ! მივიღვართ! მოურავმა ველარ მოითმინა.

— ერთი უბრძანეთ, თქვენო ბრწყინვალეზავ, მომიტანონ რამე საკმელი. შიმშილით მოვკვდე ღამისა!— კინალამ ტირილით დაიძახა მოურავმა.

— ოჰ, პან მოურავო!— სთქვა თავადმა ღიმილითა, დაიწყო მხიარულად სიცილი და მხარზედ დაადო ხელი:— იყავით სულგრძელი და მაპატივეთ ჩემი დანაშაული, ამ წუთსვე, ამ წუთსვე მოგართმევენ! ლაშქრობაში მეომარს რაგორღაც ავიწყდება მაგისტანები.

— აბა, პან კრიშტოფ, მართალი არ გითხარი წელან, რომ ეს ხალხი არასა სკამს-მეთქი?— წასჩურჩულა მოურავმა თავისს მეზობელს.

ვახშამმა მაინც დიდ ხანს არ გასტანა და ორს საათს შემდეგ ქვეითი ჯარიც გაემართა რაიგოროდინან. ჯარები ვინიცისა და ლიტინის გზაზედ მიდიოდნენ ხმელნიკისკენ. პან ვერშული წააწყდა თათრის რაზმს, ვოლოდიევსკიმა და იმან დაამარცხეს ეს რაზმი და რამდენიმე ასი ტყვე გაანთავისუფლეს. შემდეგ კი იწყებოდა ქვეყანა, რომელსაც დასჩნეოდა კვალი კრიგონოსის ყოფნისა. სტრიეოვკა დაეწვა, მკვიდრნი სულ ამოეწყვიტა. ალბად, საწყლებმა წინააღმდეგობა დაუწყეს და განადირებულმა ჯარის უფროსმა ცეცხლსა და მახვილს მისცა. სოფლის შესავალშივე მუხის ტოტზედ სულ დედიშობილა ეკიდა თვით პან სტრიეოვსკი; ყელზედ ება საშინელი მძივი მოქრილის თავებისა. ის თავები იმისი ექვსის შეილისა და ცოლისა იყო. შიგ სოფელში კიდევ, ქუჩის ორთავ მხარეზედ ამართული იყო მწკრივად ყაზახთა „კელეპტრები“. ლატნები დაესხათ, ზედ მიეკრათ ცალის მკლავით კაცები, დაემარებიანთ ზედვე ფიჩხი და ჩალა, კუპრ-გადასხმული და ზემოდან ცეცხლი წაეკიდებინათ. ბევრს მხოლოდ ხელები ჰქონდათ დამწვარი, — დიდი წვიმა წამოსულიყო და ჩაექრო ეს საშინელი სანთლები. საშინელი სანახავი იყო ეს გვამნი, რომელთაც სახე დაპკრანქოდათ და ხელები მალლა ჰქონდათ აწეული. სვეტებს ზედ დასჩხაოდნენ გუნდნი მტაცებელ ფრინველთა, რომელნიც, როცა ჯარი მიახლოვდებოდა, აფრინდებოდნენ ხოლმე სვეტები-

დან და ახლა სხვა სვეტებზედ გადასდებოდნენ. ჯარებმა მღუმარებით გაიარეს ეს საშინელი ხეივანი და გულში სთვლიდნენ მსხვერპლთა რაოდენობასა. სულ სამასამდე კაცი იყო ასე დატანჯული. ბოლოს გათავდა სოფელიცა, მაგრამ კვალი აოხრებისა ჯერ კიდევ ცხადად სჩანდა. იელისის დამდეგი იყო. ჭირნახული შემოსული იყო, თიბვა და შკა ადრე იყო მოსალოდნელი, მაგრამ მინდორი ზოგი სულ გადამწვარი იყო და ზოგიც ფეხ-ქვეშ გათელილი. კაცს ეგონებოდა, რალაც გრიგალსა და ღეთის რისხვას გადუვლია ამ ჭირნახულზედაო. დიად, მაინც სწორედ გრიგალმა და ღეთის რისხვამ გადიარა, ისეთმა მერე, რომ იმაზედ საშინელი აღარა არის-რა ქვეყანაზედ — გადიარა შინაურის შფოთის გრიგალმა, ძმა-ძმის მკვლევლობის ქარ-ცეცხლმა. თავადის ჯარის-კაცთა ჰნახეს კვალი აოხრებისა თათართა გამძვინვარების შემდეგ, მაგრამ ამისთანა მხეცობა, ამისთანა საშინელი გულქვაობა კი არც ენახათ და არც გაეგონათ. ტყეებისთვისაც ისევე ცეცხლი წაეკიდებინათ და დაეწვათ, როგორც ჭირნახულისათვის. საცა ცეცხლს ვერ დაეწვა ხეები, იქ მის აღს გაეტრუსა და გაერუჯა მათი მწვანე შემკულობა და ტყის უზარმაზარნი მღვენი ისე იღგნენ ახლა, თითქო ჩონჩხებიანო. პან მოურაფი კიევისა უყურებდა ყოველსავე ამას და თავის თვალებს არ უჯერებდა. მედიაკოვი, ხვარი, სლობოდკა — სულ დანაცრებული იყო! ზოგიერთის სოფლიდან მამაკაცნი კრივონოსს მიმხრობოდნენ, ხოლო მათი ცოლ-შვილი თათართ ჩავარდნოდან ხელში და ისინი ბოლოს პან ვერშულმა და ვოლოდიევსკიმ დაიხსნეს იმათ ტყვეობიდან. ძირს დედა-მიწაზედ სჩანდა კვალი აოხრებისა, მაღლა ცაში გუნდი დაჰფრინავდა ყვავთა და ყორანთა, რომელნიც, ვინ იცის, საიდან მოფრენილიყვნენ და თავს დასხმოდნენ ყაზახთა მომკილსა და მოთიბულს სისხლ-შესერილს ჭირნახულს... ცხადად სჩანდა, რომ დიდი ხანი არ იყო მას უკან, რაც ყაზახთა გაეგლოთ ეს არემარე. თან და თან უფრო ხშირად ჰხედავდნენ გატეხილ ურმებს, ჯერ ისევე ახალს, თითქმის გაუცივებელ გვამებსა და მძოვრებს, დაღეწილ-დამტვრეულ ჭურჭელს, სპილენძის ქვაბებს, დასვე-

ლებულ ფქვილის ტომრებს, ჯერ ისევ ჩაუქრობელ, კვამლ-
ავარდნილ გადაბუგულ ადგილებს, აქეთ-იქით გაფანტულ თი-
ვის ძირებს. თავადი ერთს წუთს მოსვენებას არ აძლევდა თა-
ვისს ჯარს, ხოლო მოურავი თმაში ივლებდა ხელს და იმეო-
რებდა შეწუხებულის ხმით:

— ვაიმე, ჩემო მახნოვკა! ჩემო მახნოვკა! ვხედავ, რომ
ველარ მოვისწრობთ საშველად!

ხმელნიკში მოვიდა ამბავი, რომ მახნოვკას თვით კრივო-
ნოსი კი არ შემოსდგომია გარს, არამედ მისი შვილი და სწო-
რედ იმანვე მოიქმედა იმდენი საზარელი საქმე გზა-გზაო. მო-
ვიდა ის ამბავიცა, რომ მახნოვკა უკვე აიღესო. ყაზახებმა
თავად-აზნაურობა მთლად მოსწყვიტეს, ხოლო მათნი ქალნი
და ასულნი ტყვედ წაიყვანეს თავიანთ ბანაკში, საცა უფრო
მწარე ბედი მოელით, ვიდრე თვით სიკვდილიო. პატარა ცინე
კი, რომელსაც იცავდა პან ლეონის მეთაურობით მცირე რაზმი
მეციხოვანეთა, ჯერ არა ჰნებდებოდა და ეწინააღმდეგებოდა
მტერსაო. ყაზახებმა იერიში მიიტანეს ბერნარდინების მონას-
ტერზედ, საცა ამოსწყვიტეს ყველა ბერ-მონაზონნიო. პან ლე-
ონი არა ჰზოგავდა თავისს ძალ-ღონეს და ტყვია-წამალს და
დიდი ქებაა, თუ დილაზედ შეუძლო როგორმეო.

თავადმა ერემიამ დასტოვა ქვეითი ჯარი, ზარბაზნები და
უმთავრესნი რაზმნი თვისის მხედრობისა, რომელთაც უბრძანა
ბისტრინისკენ წადითო, ხოლო თვითონ წაიყვანა მოურავი,
პან კრიშტოფი, პან აქსაკი და ორი ათასი ჯარის-კაცი და
გაჰფრინდა მახნოვკის გამოსახსნელად.

მოხუცს მოურავს სულ თავ-გზა დაეკარგა.

— მახნოვკის საქმე წასულა, ველარ მიეუსწრობთ! სჯობს
ისევ სხვა დაბა-ქალაქნი გადავარჩინოთ! — იმეორებდა მოურავი
მაგრამ თავადი ყურს არ უდებდა იმის ლაპარაკს.

პან კრიშტოფი აგულიანებდა ჯარს, წავიდეთ ჩქარაო და
ისიც ისე ეშურებოდა, თითქო ქარწილში მივიღვართო.

სულ სამი-ოთხი ვერსი-და აკლდათ მახნოვკამდე მისვლა-
სა, რომ გზაზედ ჯარს ვილაც ხალხი შემოეყარა, რომელნიც

თავ-პირის მტერევეთ მოაქენებდნენ ცხენებსა. ეს ხალხი იყო პან ლეონი თვისის ამხანაგებითა. მოუარავემა რომ ციხის უფროსი დაინახა, მაშინვე მიხვდა, რაც ამბავი იყო.

— ციხე აიღეს? — შესძახა მან.

— აიღეს, — სთქვა პასუხად პან ლეონმა და მაშინვე გადმოვარდა ცხენიდან კრილოზისა, დაღლილობისა და სისხლის დენით დასუსტებული.

იმისმა ამხანაგებმა დაწვრილებით სთქვეს ყოველივე, რაც ამბავი მომხდარიყო. ნემეცები სულ ამოსწყვიტესო. სიკვდილს ამჯობინებდნენ, მტრის ხელში ჩავარდნასაო; პან ლეონმა მოახერხა და გამოარღვია ბრბო ყაზახთა. ციხის ოთახებში შეხიზნულა რამდენიმე თავად-აზნაურთა ოჯახი; საჭიროა, რაც შეიძლება მალე მიეშველოთ იმათაო.

ჯარებმა გააქენეს ცხენები. პატარა ხანს უკან გამოჩნდა ქალაქი, რომელიც მალლობ ადგილზედ მდებარეობდა, გამოჩნდა ციხეცა, ხოლო ზემოდ იდგა საშინელი კვამლი, რადგან ქალაქისათვის მტერს ცეცხლი წაეკიდებინი. მზე კარგად გადახრილი იყო და თითქმის ჩასვლას აპირობდა. ცის დასავალზედ უზარ-მაზარი წითელ-ყვითელი ღრუბლები გაწოლილიყო. ჯარებს ეგონათ, რომ ცეცხლისაგან არისო. ამ სინათლეზედ მოსჩანდა რაზმნი იმიერ-ქორომელთა და შეჯგუფულნი ბრბონი მდაბიო ხალხისა, რომელნიც გულადად მოდიოდნენ კიევის მოუარავეების ჯარების პირის-პირ. იმათ ფიქრადაც არ მოსდიოდათ, რომ თავადი ერემიაც იქვე იქნებოა. კაცი ვერ მიხვდებოდა, არაყმა დაუბნელათ გონება, თუ ციხის აღებამ გააგულადა; ეს კი იყო, რომ მხნედ ჩამოდიოდნენ მალლობიდან და მხოლოდ ძირს ჩამოსულნი მინდორზედ ეწყობოდნენ რაზმ-რაზმად. პოლონეთის ჯარებმა რომ ეს სანახავი დაინახეს, იმათს სიხარულს სამზღვარი აღარა ჰქონდა, ხოლო პან მოუარავი მეორედ დარწმუნდა, რომ სამავალითო და მოხერხებული ჯარები ჰყვანდა თავადს. მხედრობა უცებ დაეწყო რაზმ-რაზმად: ცხენოსანთა მძიმედ შეკურვილი ჯარი შუაში დადგა, სუბუქნი

რაზმნი აქეთ-იქით ფრთებად დაეწყვნენ, ისე რომ პირდაპირ შეეძლოთ შეეტიათ მტრისათვის.

— პან კრიშტოფ, რა ხალხი ყოფილა ეს ხალხი!—ამბობდა გაკვირებული მოურავი.—უცხად დაეწყვნენ საომრად. მაგათ წინამძღოლიც აღარ ექირვებათ.

მაგრამ თავადი მაინც, როგორც გამოცდილი სპასპეტი, კვერთხით ხელში, დაჰქროდა ხან აქეთა და ხან იქით, ფრთედან ფრთესაკენ, სინჯავდა, ათვლიერებდა ყოველსავე და აძლევდა ბრძანებას. ოქროს-ფერი შუქი ჩამამავალის მზისა ბჰყვრიალებდა იმის ვერცხლის ჩაჩქანზედ; თითქო მზის სხივიაო, ისე გაჰქონდა მის ჩაჩქანს ელვარება ჩრდილივით შეჯგუფულ მხედრობის რაზმთა შორის.

თავადის მხედრობა ასე გაიშალა: შუა-გული მეწინავეთა რიგზედ დაიჭირა სამმა სადროშომ: პირველს წინამძღვრობდა თვით კიევის მოურავი, მეორეს პან აქსაკი და მესამეს კრიშტოფ ტიშკევიჩი. მათ შემდეგ იყვნენ მეორე რიგზედ დრაგუნები პან ბარანოვსკისა და ბოლოს თავადის უზარმაზარნი გუსარნი პან სქშეტუსკის მეთაურობით.

მარჯვენა და მარცხენა ფრთაზედ იდგნენ ვერშული, კუშელი და პონიატოვსკი. ზარბაზნები თან არა ჰქონდათ, ეურცელი ბისტრინს დარჩა.

თავადი მიჰფრინდა მოურავთან და პატივი სცა კვერთხის დახრით მის წინაშე.

— რადგან თქვენ შეურაცხყვეს, თქვენი ვალია პირველმა დაიწყოთ ომი.

მოურავმა გაიქნია ბუზდიგანი *), ჯარის-კაცნი დაიხარნენ უნაგირზედ და გასწიეს წინ. მოურავს მაშინვე შეეტყო, რომ თუმცა მძიმე კაცი იყო, მაინც გამოცდილება და ვაჟკაცობა არ აკლდა. მაშინვე ჰენებით არ წაიყვანა თვისნი რაზმნი; რამდენადაც უახლოვდებოდა მტერს, იმდენად უფრო ააჩქარებინა ნაბიჯი ჯარებსა. მხოლოდ მარტო თვითონ მიაჰქენებდა

*) თათრული იარაღია კვერთხის მსგავსი.

ცხენს პირველ რაზმებ წინა ბუზდიგანით ხელში, მხოლოდ პაჟი ახლდა თან და კონჩარის*) ბოლო ეჭირა, თუმცა, როგორც ეტყობოდა, საიმისო მძიმე არ უნდა ყოფილიყო მოურავის მკლავისათვის. ჯერ მდაბიოთა ბრბო წამოვიდა მრავლად შეიარაღებული ცელ-ნამგლებითა, ჯერ ჩვენ გავუმაგრდებით მტრის კვეთებასა და მერე იმიერ-ქორომელთ უფრო გაუადვილდებათ იერიშის მიტანაო. როცა მტერნი დაუახლოვდნენ და დაუპირისპირდაპირდნენ ერთმანერთსა, მახნოეკელებმა იცნეს მოურავი უზარმაზარ ტანადობასა და სისქეზედ და დაიწყეს ძახილი:

— ეი, ბრწყინვალეო. მოურავო, სამკალი მზაა, რაღას უყურებ და არ უბრძანებ შენს ხელ-ქვეითებს გამოვიდნენ? თავს გიკრავთ და სალამს გაძლევთ! მაგ მუცელს კი, გვენდე, გადმოგი-თაშვავთ!

მოურავს სეტყუასავით დაუშინეს ტყვია, მაგრამ ვერ მო-არტყეს, რადგან პოლონელნი ნიავე-ქარივით მიჰქროდნენ. აგერ საზარელი წუთიც კვეთებისა... გაისმა ჟღარუნი ნამგლებისა და ზრიალი ცელების ჩაჩქნებზედ ცემისა, ხმა ყვირილისა და კენე-სა-გმინვისა...

შუბების შემწეობით გაიხსნა ფართო გზა შეჯგუფებულ-შეტბორებულ გლებ-კაცთა შორის და ამ გზას ეცნენ გრიგა-ლივით ცხენები, რომლებიც სწყვეტავდნენ და სთელავდნენ ყოველსავე მარჯვნივა და მარცხნივ. როგორც ყორულში, რო-ცა მცელაენი დამწყკრივდებიან ცელ-დაგძელებულნი, მაღალი ბალახი წვება მათ წინაშე, ისინი კი მაინც წინ მიდიან და იქნევენ ცელებსა, ისე აქ ხმალთა ძლიერის ცემით ვრცელი სვე მდაბიოთა წვრილდებოდა, დნებოდა, ჰქრებოდა და ცხენთა მკერდებით შევიწროვებულმა, რა ძალა აღარ ჰქონდა გამაგრე-ბულიყო, იწყო ტოკვა. აგერ გაისმა ყვირილი: „ხალხნო, თავს უშველეთ!“ და ამოდენა სიმრავლემ იმ წუთსვე გადაჰყარა

*) კონჩარი დაშნას მსგავსი ხმალი, რომელიც უნაგირზედ ჰკიდია ცხენს სალ-ტებით.

ცელ-ნამგლები, ჯაჭვები, ორთითები, თოფები, იხუვლა და ეცა იმიერ-ქორომელებს. მაგრამ, იმათ საუბედუროდ, იმიერ ქორომელებს შეეწინდათ, ლტოლვილებმა არ გაგვთელონო, შუბები წაუშვირეს. ხალხი მიხვდა, რომ ეს არის დავიდუპეთ, ხსნა აღარ არისო და განივლტო მარჯენივა და მარცხნივ, მაგრამ აქაც კუშელი და პონიატოვსკი დახვდნენ.

მოურავი ჰქელავდა გზა-გზა მოკლულ მტერთა გვამებსა და მიჰქროდა იმიერ-ქორომელთა შესახვედრად, ხოლო ისინი მოურავის პირისპირ მოჰქროდნენ, რადგან უნდოდათ იმის კვეთებისათვის კვეთებითვე გაეცათ პასუხი; და აი მტერნი ისე ეკვეთნენ და დაეჯახნენ ერთმანერთსა, რომ კაცს ეგონებოდა ორი აზვირთებული ტალღა აბობოქრებულის ოკეანესი შეეხეთქა ერთმანერთსაო. ახლა მიხვდა მოურავი, რომ მის წინა სდგას უკვე არა ბრბო მდაბიოთა, არამედ გამოცდილი, გულადი ჯარი იმიერ-ქორომელთა. ორი წყება ეჯახებოდა ერთმანერთს, იდრიკებოდა, იზნიქებოდა და შემუსვრით კი ვერც ერთი ვერ იმუსრებოდა. დგებოდა ხორა გვამთა; ერთის მეომრის მაგიერ ჩნდებოდა მეორე, ერთის ხმლის წინაშე ეღვარებდა მეორე. მოურავმა გამოსტაცა პაჟს კონჩარი, ომობდა პირ-გაოფლიანებული და ისე ჰქმინავდა, თითქო მკედლების საბერველიაო. მის ახლო მყოფი პანები სენიუტები, კერდეები, ბოლუსლავსკები, ელოვიცკები და პოლუბინსკები სასწაულთმოქმედებდნენ ვაჟაკობითა. ხოლო ყაზახთა მხრივ მძვინვარებდა ივანე ბურდაბუტი, პოდპოლკოვნიკი კალნიცკის პოლკისა, ერთის ახოვანის ტანისა და ძლიერის ჯანის ყაზახი, მით უფრო საშიში, რომ იმისი ცხენიც ისევე იბრძოდა, როგორც თვითონა. არა ერთი პოლონელი ნატრობდა შებრძოლებას იმ ცხრა-თავიან დევთან, რომელიც მუსრს ავლებდა მტრის ჯარსა და სიკვდილსა ჰფენდა ყველგანა. ერთ ხანად მისციინდნენ ვითომ ძმანი სენიუტები, მაგრამ ბურდაბუტის ცხენმა მოავლო პირი უნცროსს, ანდრიას, სახეში და თვალის დახამხამებაზედ სულ დააოხსა. უფროსმა სთხლიშა ამ დროს, რაც ძალი და ღონე ჰქონდა, ხმალი უშბლში ამ საშინელს პირუტყვსა, მაგ-

რამ ხმლის პირი მოხვდა აღვირის ბალთას. ბურდაბუტმა სცა ხანჯალი და იქვე გაათავა. ასე დაიხოცნენ ორთავ ძმანი, ეყარნენ ახლა მტვერში თვისის მოოქროვილ ჩაქნებითა და ითელეობდნენ ცხენთა ფეხ-ქვეშ. ბურდაბუტი, თითქო სიკვდილის ანგელოზიაო, გაემართა წინ და ერთის შემოკვერით გააპო თავადი პოლუბინსკი, ახალგაზდა, თექვსმეტის წლის ყმაწვილი. პან ურბანსკიმ მოინდომა სამაგიერო გადაეხადნა ნათესავის მოკვლისათვის და ესროლა ბურდაბუტს დამბაჩა შიგ სახეში, მაგრამ ააცდინა და ტყვიამ მხოლოდ ყური გაიტანა. საშინელი ბურდაბუტი და მისი ცხენი, ორივე შავნი, ორივე გასისხლიანებულნი, ორივე დაბრიალებულის თვალეებითა და გაბერილის ნესტოებით ისე მძვინვარებდნენ, როგორც გრიგალნი. ვერ წაუვიდა ხელიდან ბურდაბუტს პან ურბანსკიცა, რომელსაც ხმლის ერთის დარტყმით მოჰყვეთა თავი, თვრამეტი წლის პან ჟიტინსკიცა, ორივე ძმანი ნიკჩემნებიცა, ხოლო დანარჩენთ, შიშით თავ-ზარდაცემულთ, უკან-უკან დაიწყეს დახვევა, რადგან ბურდაბუტს უკან ეღვარებდა ასი სხვა ხმალი და ასი სხვა შუბი, უკვე სისხლ-შესვრილი.

ბოლოს, ნადირ-ქმნილმა ატამანმა დაინახ მოურავი და გახარებული შეხივლებით გაექანა იმისაკენ. მოურავმა ფეხი არ მოიცივალა და ერთის ნაბიჯითაც არ დაიწია უკან. დარწმუნებულმა, რომ მეც საშინელი ძალა მაქვს და მკლავი მიჭრისო, დაიღრიალა დაქრილის გარეულის ტახვიით, გაიქნია ჰაერში თვისი ბუზდიგანი, ჰკრა ქუსლი ცხენსა და მოემზადა ბურდაბუტის დასახვედრად. და აი საშინელი მახვილი მზად იყო გაეწყვიტა მოურავის სიცოცხლის ძაფი, რომ ამ დროს ელდასავით მივარდა ბურდაბუტს პაეი სილნიცკი და სწვდა ქამარში. ეჭირა ასე ქამარი იმდენს ხანს, ვიდრე ხმლით არ გააპეს. ეს ხანი საკმაო იყო, რამდენიმე კაცი მივარდნოდა მოურავს და აქეთ გამოეტაცნათ. კვლავ დაიწყა ბრძოლა განახლებულის ძალითა და შენივთდა ომი. დაღალულ-დაქანცული პოლკი მოურავისა დასჯობნა იმიერ-ქორომელთა ჯარმა, მაგრამ ამ დროს გაჩნდა პან კრიშტოფი და პან აქსაკი ახალის ჯარითა. მართალია,

ომში მაშინვე ჩაერივნენ იმიერ-ქორომელთა ახალი პოლკებიცა, მაგრამ სამაგიეროდ უკან იღვა თავადი ბარანოვსკის დრაგუნებისთა და სქშეტუსკის გუსარებითა, რომელთაც ჯერ მონაწილეობა არ მიეღოთ ომში.

დაიწყო საშინელი სისხლის-ღერა. უკვე ჩამოზინდდა და მხოლოდ ქალაქში გაჩენილი ცეცხლი ანათებდა ამ სიკვდილის ლხინს. ცეცხლის შუქზედ აღვილად შეიძლებოდა გარჩევა არა მარტო მეთომართა წყებისა, არამედ მათის სახისაც კი. ვერშული, პონიატოვსკი და კუშელი უკვე ჩაერივნენ ომში; უკვე მიეფანტ-მოეფანტათ ბრბონი მდაბიოთა და უკვე ებრძოდნენ ყაზახთა ფრთებსა; ეს ფრთენი დაეძლია მათს კვეთებას და ახლა უკან-უკან იწევდნენ, გორის კალთებისაკენ. გრძელი წყება მტრის ჯარებისა მშვილდით გადირკალა ნელ-ნელა და ბოლოებით შემოეხვია ქალაქს. პოლონელთა ფრთენი სჯობნიდნენ მტრის სანაპირო ჯარებსა, ხოლო შუა-გულს აწვებოდა ყაზახთა უმთავრესი ძალა და უკან-უკან ახვეინებდა, იქითკენ, საცა თავადი იღვა. აგერ ჩამოერია ბრძოლაში სამი ახალი პოლკი კიდევ ყაზახთა და თავადმაც უპრძანა ბარანოვსკის დრაგუნებს დაძრულიყვნენ.

ვისნევეცკის დარჩა მხოლოდ გუსარნი—ზშირი ტყე შუბთა, გაუტეხელი ჯაჭვ-გრეხილი რკინაში ჩამსხდარ მხედართა და ცბენთა. საღამო ეამის სიო ოდნავ აფრიალებდა იმათ დროშებს, გარნა ისინი იღგნენ სულ-განაბულნი და არ იწევდნენ საომრად; კარგად იცოდნენ, რომ ჩვენც არ აგვცდება სისხლში ნათელ-ღებაო. მათ შუაგულ იღვა თავადი შევერცხლილ ჯაფშნ-ჩაჩქანით, კვერთხით ხელში და თვალს არ აშორებდა საომარს ადგილს; მის გვერდით იღვა პან სქშეტუსკი, ძლიერს მარჯვენაში კონჩარი ეჭირა და გულ-დამშვიდებით ელოდა ბრძანებას.

თავადმა მარცხენა ხელი მიიფარა თვალეზზედ და სულ ომს უყურებდა. შუა-გული პოლონეთის ნახევარ მთვარისა ნელ-ნელა უახლოვდებოდა მთავარ-სარდალს; დიდის ხნით ვერ გამაგრა იგი ბარანოვსკიმ. თავადი ცხადად ჰხედავდა, რა ნაირ

უჭირდებოდათ ომი მის მხედართ. ხმლები ხან მალლა დაიწყებდნენ ბრკყვრიალს, ხან დაბლა დაეშვებოდნენ. ბრძალის შენიგებების ადგილიდან მალ-მალ გამოცვინდებოდნენ ცხენები, რომლებზედაც მხედარნი აღარ ისხდნენ და, ფაფარ-გაფრიალებულნი, მიჰქროდნენ მინდორში. ხან და ხან წითელი დროშა, რომელსაც ფრიალი გაჰქონდა ჯარის-კაცთა შორის, ძირს იხრებოდა და მერე ისეე აიმატებოდა ხოლმე. გარნა თავადი შორს იყურებოდა, გორასაკენ, იქ, საცა ორი საუკეთესო პოლკი იდგა თვით ახალგაზდა კრივონოსის მეთაურობით და ელოდა იმ წუთს, როდის გადაფერიოთ შიგ შუაგულ ომში და შევმუსროთ დადლილნი, მერყეობაში ჩავარდნილნი პოლონელნი.

აგერ ის წუთიც დადგა, აგერ წამოვიდა ის ყიჟინითა და, თითქო ზეავიაო, ისე დაეცა თავს ბარანოვსკის დრაგუნებსა, მაგრამ ამავე წუთს ელოდა თავადიცა.

— აბა, გაემართეთ! — უბრძანა მან სქშეტუსკის.

სქშეტუსკიმ შეიმაღლაურა თვისი კონჩარი და რკინაკლდესავით ზვირთი ნელ-ნელა დაიძრა.

დიდ ხანს არ მოუწდათ სიარული: მეომართა წყება თან და თან უფრო უკან-უკან მოიწვედა. დრაგუნებმა თვალის დახამხამებაში მისცეს გზა და გუსარნი მთელის თვისის სიმძიმით გრიალით შეეჯახნენ კრივანოსის ძლევამოსილ პოლკებსა.

— ერიომა! ერიომა! — გაისმა ძახილი გუსართა.

— ერიომა! — გრიალით მისცა ბანი მთლად ჯარმაცა.

თავადის საშინელმა სახელმა სულ გულის ჩქროლვა აუტება იმიერ-ქორომელთ. მხოლოდ ახლა მიხვდნენ, თერთ თავადს თურმე ევომებით და არა კიევის მოურავსაო. ამას გარდაცა, იმათ სრულიადაც არ შეეძლოთ გაჰმაგრებოდნენ გუსართა კვეთებას. გუსარნი ისე სთელავდნენ და სჭყლეტდნენ მტრის ჯარს თვისის სიმძიმით, როგორც გადმოწოლილმა კედელმა დაიტანოს და დასჭყლიტოს მის ახლო მყოფნი. იმიერ-ქორომელთათვის ერთი ხსნა-ლა იყო: განი ექნათ, გზა მიეცათ გუსართათვის და მერე აქეთ-იქიდან დაეწყოთ ცემა, მაგრამ აქ

ყარაულად იდგნენ ღრაგუნები და სუბუქნი სადროშონი ვერ-
შულისა, კუშელისა და პონიატოვსკისა.

ახლა კი საომარმა ადგილმა სრულიად იცვალა სახე: სუ-
ბუქმა პოლშელთა პოლკებმა ქუჩას დააჭაბეს ეს ადგილი, ისე
აიყუდნენ აქეთ-იქით კედლებივით. ამ ქუჩა-ქუჩა ქარტახილივით
მიჰქროდნენ გუსარნი და მიერეკებოდნენ, სკყლეტდნენ და მუსრს
აფლებდნენ ქვეითებსა და ცხენოსანთა, ხოლო მათ წინ იელ-
ტოდნენ იმიერ-ქორომელნი ღრიალითა და გმინვითა გორისა-
კენ, ქალაქისაკენ. ვერშულისა და პონიატოვსკის ფრთე-ჯარები
რომ შეერთებულიყვნენ, მთლად ყაზახობას ალყა შემოერთყ-
მოდა და სულ ამოსწყვეტავდნენ კიდესა.

ახლგაზდა კრივანოსი, თუმცა ფრიად გულადი და ვაჟ-
კაცი იყო, მიხვდა, რომ ჩემი გამოუცდელიობა ვერას გააწყობს
თავადის გამოცდილებასთანაო და ამიტომ თავ-გზა დაბნეული
გიჟივით მიჰქროდა ქალაქისაკენ, ზან კუშელმა შეჰნიშნა ესა და
დაშნა დაჰკრა, რაც ძალი და ღონე ჰქონდა, პირისახეში. და-
შნას რალაცა დაბრკოლება დახვდა და კრივანოსი მძიმედ იქნა
მხოლოდ დაჰკრილი. გარნა კუშელის სიცოცხლე კი კინაღამ
იმსხვერპლა ამ გარემოებამ. სწორედ ამ ღროს დაეცა თავს
ბურდაბუტი თვისის პოლკის ნაშთითა.

ორჯელ სცადა მან შეეყენებინა გუსარნი, მაგრამ ორ-
ჯელვე უკუ-ქცეული მტერთა ძლიერებით, იძულებული იყო
სხეასთან ერთად უკან დაეწია. ბოლოს მოიკრიფა გარშემო
თვისნი ყაზახნი, რომელნიც კი ცოცხალნი გადარჩენილიყვნენ
და გადასწყვიტა, ვეკვეთები კუშელს, გავარდვევ მისს რაზმს და
გავალ მინდვრადაო. მაგრამ ყველგან შეჯგუფულ-შეტბორე-
ბულნი იყვნენ ლტოლვილნი და გზა არსადა სჩანდა; ხსნა
შეუძლებელი-და იყო. გუსარნი იძულებულნი შეიქნენ გადა-
ესროლნათ შუბები და გამძვინვარებით ეტრიალებინათ ხმალ-
ხანჯალი. ომი ჩეხა-ელეტად გადაიქცა, გვამთა ხორა დგებოდა,
ცხენები ფეხითა სთელავდნენ სასიკვდილოდ დაჰკრილთა. ზო-
გან ისე შეჯგუფულიყვნენ მეომარნი, რომ ხმლის მოქნევის
ილაჯი აღარ იყო; ამისთანა ადგილას მტერნი პირდაპირ ჰხან-

ჯლავდნენ ერთმანერთს. აი მოისმა ხმა ხვეწნა-მუდარისა: „შეგვიწყალეთ, ღიახნო!“ ეს ხმა თან და თან ძლიერდებოდა და ამის გამო აღარ ისმოდა ცემა ხმალთა, ზრიალი რკინისა, საშინელი გმინვა მომაკვდავთა; „შეგვიწყალეთ, ღიახნო!“ მეტის განწირულებით, მეტის ხვეწნა-მუდარებით ისმოდა ხმა ლტოლვილთა ბრბოსი, მაგრამ გრძნობა შეწყალეებისა არ ეკარებოდა ძლევა-მოსილთა. მშვიდი მზე არ აშუქებდა მათს სისხლით შესვრილს გზას, არამედ შავ-უკუღმა სინათლე ცეცხლ-მოკიდებულის ქალაქისა.

მარტო ბურღაბუტი არ ითხოვდა შეწყალებასა. ადგილი არა ჰყოფნიდა საომრად და ამიტომ ხანჯლით იკვლევდა თავისთვის გზას. კაცს ეგონებოდა, მისი მარჯვენა არ ილღებდა ხანჯლის ტრიალითა და ცემითაო. „ჯადოქარია, ჯადოქარიაო!“ დაიწყეს ძახილი გუსარებმა. — „ხმალი არ ეკარება! მოჯადოებულაიაო!“ მართლაც, პირ-დორბლიანი, ისე აბრიალებდა თვალებს, თითქო ცეცხლი წაჰკიდებიაო, თითქო ჯადოქარიაო. აი დაინახა მან სქშეტუსკი და მიჰვარდა იმ წამსვე.

ყველამ სული განაბა, ბრძოლას თავი დაანება და თვალს არ აშორებდა ორ ძლევა-მოსილს რაინდსა. პან სქშეტუსკის არ შეეშინდა ძახილისა „ჯადოქარიაო“, საშინლად გამძვინვარდა მხოლოდ, დააკრაქუნა კბილები და შლევგიანივით ეცა ატამანსა. ისე შეეჯახნენ ერთმანერთს, რომ მათი კუნენები ყალბზე შედგნენ და უკანა ფეხებზედ ჩასხდნენ. გაისმა ზრიალი რკინისა და ატამანის ხმალი უცებ დაიმსხვრა პოლშურის მახვილის დარტყმითა. კაცს ეგონებოდა, რომ ეგ არის, ველარავითარი ძალა ველარ დაიხსნის ბურღაბუტს სიკვდილისაგანაო, მაგრამ ის მაინც მიჰვარდა სქშეტუსკის, სწვდა წელში და ამართა თვისი საშინელი ხანჯალი შიგ ყელში ჩასაცემად.

გარემოება შეიცვალა. ახლა სიკვდილი ზურგს უკან უდგა პან სქშეტუსკის, ახლა აღარ შეეძლო დაშნა ეხმარნა. მაგრამ მან სასწრაფოდ გაუშვა ხელიდან მახვილი და სწვდა მაჯაში ატამანსა. ერთს წუთს ორივეს ხელი ჰაერში ცახცახებდა, მაგრამ, აღბად სქშეტუსკის უფრო მეტი ღონე ჰქონდა მკლავში,

რადგან ატამანმა მალე წრუწუნი დაიწყო და ყველამ დაინახა, როგორ გაუფარდა ხელიდან დანა, თითქო მარცვალი ჩამოვარდა გამხმარ თავთავიდანაო. ახლა კი გაუშვა ხელი იმის დაქე-ჯილს მაჯას, სწვდა საყელოში, დაუხარა თავი ზედ უნაგირის ტახტაზედ, მარცხენა ხელით იძრო ბუზდიგანი და სცა ერთ-ხელ... მეორედ... ატამანმა ხრიალი დაიწყო და ჩამოიმხვლა ცხენიდან.

ბურდაბუტის ყაზახნი განწირულის ყიყინით გადაცვივ-დნენ, რომ შური ეძიათ ატამანის მოკვლისათვის, მაგრამ აქ გუსარნი დაუხვდნენ და ყველამ იქვე დასდო თავი.

მეორე მხარეზედ ომი ერთს წუთსაც არ შეწყვეტილა; იქ უფრო ხალვათობა იყო. იქ მძვინვარებდა ანნა ბოჟობოლა-ტის შარფით მკლავ-შეხვეული პან პოდბიბენტა თვისის მა-ხვილითა.

მეორე დღეს გაკვირვებით ათვალიერებდნენ ამ ადგილებს რაინდნი და, პნახეს რა მკლავნი, მოკვეთილნი მთლად მხარის ჩამოტანებითა, თავნი, გაჩეხილნი შუბლიდან ნიკაპამდე, ხორად დამღვარნი გვამნი კაცთა და ცხენთა, ერთმანერთს ეჩურჩულე-ბოდნენ: „ერთი შეჰხედეთ, რა ამბავი დაუწევია აქ პოდბიბენ-ტანსაო!“ თვით თავადიც კი გაოცებული იყო ყოველ ამის ნახვითა.

მაგრამ ნელ-ნელა ბოლო ეღებოდა ომსაცა. მძიმე რაზმი ცხენოსანთა კვლავ გაემართა წინ და გაირეკა იმიერ-ქორო-მელთა ჯარი, რომელიც ცდილობდა ეშველნა როგორმე თავისათვის, მაგრამ გარშემორტყმულ იქმნა კუშელისა და პონია-ტოვსკის ჯარებითა. ასე შემწყვდელუნი, ყოველს იმედს მო-კლებულნი იმიერ-ქორომელნი იბრძოდნენ, რაც ძალი და ღონე ჰქონდათ, ყოველადის განწირულებითა. ერთი აღარ გა-დარჩა მათ-შორის ცოცხალი, მაგრამ სამაგიეროდ თავიანთის თავ-დადებით სხვები გადაარჩინეს სიკვდილსა. როცა, ესე ორ საათს შემდეგ, ვერშული შევიდა თვისის თათრებით ქალაქში, ერთი ყაზახიც ვედარა პნახა იქა. ყველანი თავიანთ ჩვეულე-ბისამებრ სისწრაფით გასულიყვნენ წყალ-გაღმა, აეშალათ ხი-

დი და იქ დაბანაკებულიყვენ გარშემო თხრილ-შემოვლებულნი.

ის მცირეოდენი რიცხვი შლიახტიჩებისა, რომელიც ციხეში იყვნენ და იქიდან იგერებდნენ მტერს, გადაარჩნენ ამოწყვეტასა. თავადმა სამაგიეროდ ბრძანა, რომ სასტიკად დაესაჯნათ ქალაქის მკვიდრნი, რომელნიც მიემხრნენ ყაზახთა, ხოლო თვითონ მღვევრად გამოეკიდა იმიერ-ქორომელებს. მაგრამ ყოველად შეუძლებელი იყო თავს დასხმოდა მტრის ბანაკს უზარბაზნებოდა და უქვეითო ჯაროდ. ყაზახებს კარგა დიდი დრო დარჩათ და სასწრაფოდ ილტოდნენ. მერე ახლა კიევის მოურავ-ერისთავიც წინააღმდეგი შეიქნა, ნულარ გამოვეკიდებით მტერსო. თავადი საშინლად გააცეცხლდა.

— რატომ არ გინდათ ვსდევნოთ მტერი, რომელსაც ისეთის ვაჟაკობით ებრძოდით ამ რამდენისამე საათის წინად?—ჰკითხა მან წყრომითა.

— თავადო,—უბასუხა მოურავმა,—მე არ ვიცი თქვენი ძალ-ღონე, ხოლო ჩემი კი უნდა მოგახსენოთ, რომ მე ადამიანის შვილი ვარ, სისხლ-ხორც შესხმული; ამდენის შრომის და ღვაწლის შემდეგ, მოსვენება მეჭირვება მეცა და ჩემს ჯარის კაცთაც. მუდამაც მზადა ვარ ვეომო ძლიერს მტერს, გარნა ძლეულსა და გაქცეულს კი დევნას ვერ დავუწყებ.

— სულ უნდა ამოვწყვიტოთ, რომ ერთი აღარ გადაარჩეს ცოცხალი!—შეჰყვირა თავადმა.

— რა გამოვა მერე? მაგათ ამოვწყვეტავთ, მოვა მერე უფროსი კრივანოსი, ყველაფერს გადასწავს, ააოხრებს და ჩვენის სასტიკობის გამო უდანაშაულონი ჩავარდებიან პასუხის გებაში.

— ოჰ,—გაგულისებით განაგრძო თავადმა,—ვხედავ, რომ, კანკლერთანა და მის მხედართ-მთავრებთან ერთად თქვენც მშვიდობიანობის დასს ეკუთვნით, მშვიდობიანის მოლაპარაკებით გინდათ ჩააქროთ ცეცხლი ამბოხებისა. მაგრამ, ვფიცავ ღმერთსა, რომ ეგ სარგებლობას არ მოგვიტანს და მაგისთანა საქმეს არც ვიტვირთებ, ვიდრე ხმალი ხელთ მიპყრია!

— აბა სწორედ მე არ ვეკუთვნი არც ერთ დასს,— გულდამშვიდებით უპასუხა ტიშკევიჩმა,— მე ღმერთს ვეკუთვნი და ვემზადები წარვსდგე მისის მსჯავრის წინაშე. ხოლო თუ არ მინდა, რომ სულს მიმძიმებდეს სისხლი, დათხეული ძმა-ძმის მკვლელობის დროს, ნუ გაგიკვირდებათ... თუ გწყინთ, რომ თქვენ არ დაგნიშნეს მხედართ-მთავრად, მაგის შესახებ პირდაპირ გეტყვიან: კვერთხი თქვენ გეკუთვნოდათ სიმართლითა, მაგრამ, იქნება, კარგად მოიქცნენ, რომ თქვენ არ ჩავაბარეს; თქვენთვის რომ ჩაებარებინათ, არა თუ ამბოხების ცეცხლს, არამედ მთლად ამ ქვეყანას მორწყავდით სისხლის ღვრითა.

მრისხანე წარბები შეექმუნა ერემიას, თვალებმა ეღვარება და უწყო, თითქო ცეცხლი სცივიაო; ყველა იქ მყოფნი შეშინდნენ, მოუარე-ერისთავს არა დაჰმართოს-რათა, მაგრამ სწორედ ამ დროს შემოვიდა სქშეტუსკი და მოახსენა თავადს:

— თქვენო ბრწყინვალებავ, ამბავი მოვიდა უფროსის კრივანოსისა!

მთლად ყურადღება თავადისა ამ ამბავმა მიიპყრო და მისი გულის-წყრომა დასცხრა. მაშინვე შემოვიდა ოთახში ოთხი უცხო კაცი, მათ შორის ორი მღვდელი მართლ მადიდებლის სარწმუნოებისა და, დაინახეს თუ არა, დაიჩოქეს მის წინაშე და შეივედრნენ:

— დაგვიხსენი, ბატონო, დაგვიხსენი!— იმეორებდნენ ისინი და ხელებს იწვდიდნენ მისკენა.

— სადაურები ხართ?— ჰკითხა თავადმა.

— პოლონოელნი ვართ. უფროსმა კრივანოსმა ალყა შემოარტყა ქალაქსა და ციხესა; თუ თქვენი მახვილი არ გაიღვარებს მის თვალთა წინაშე, ჩვენ ყველანი დავიღუპებით.

— პოლონაიისა ცოტა-რამ გამიგონია, — აუჩქარებლივას თქვა თავადმა. — დიდ-ძალი ხალხი დაიღუპა იქა, მეტადრე რუსინები. კარგად მოქცეულხართ, რომ წინააღმდეგობა გაგიწევიათ მემამოხეთათვის, მაგრამ მე მაინც ვშიშობ, რომ არ მიღალატონ იქაურებმა, როგორც მოიქმედეს ნემიროველებმა.

დეპუტატებს ხატი და ჯვარი ძირს ჩამოჰქონდათ, რომ აზრი მოღალატობისა შორს არის ჩვენგანაო, თქვენა ხართ ერთად-ერთი მხსნელი ჩვენიო. მართლაც, იმათს ლაპარაკში იოტის ოდენა ტყუილიც არ ერია. კიდევ იმიტომ დაიფიცა კრივანოსმა, რომ გადაეუხდი სამაგიეროსაო, რუსინები არიან და შეამბოხეთა მხარე კი არ დაიჭირესო.

თავადი დაჰპირდა შემწეობასა, თუმცა ახლავე კი არ შემძლიანო: უმთავრესი ჩემი მხედრობა ბისტრინას არისო. დეპუტატია წაეიდა, ხოლო თავადმა მიჰმართა კიევის მოურავ-ერისთავსა:

— მომიტყევთ, ბატონო მოურავო! მე თვითონა ვხედავ ახლა, რომ თავი უნდა დავანებო კრივანოსის შეილსა და ვსდევნო კრივანოსი-მამა. უნცროს შეუძლიან უფრო მეტს ხანს უცადოს თავისს სარჩობელას. დარწმუნებულნი ვარ, რომ არ მიმატოვებთ მარტოკას.

— ვფიცავ ღმერთსა, რომ მე თქვენ არ დაგტოვებთ! — ღალადებით წარმოსთქვა მოურავმა.

სალამოზედ ვისნევეცკის ბანაკში მოვიდა პან სტახოვიჩი, ელჩი ბრაცლავის მოურავ-ერისთავისა. პან კისელი სწერდა თავადს წერილსა, სავსეს თავაზიანობითა, სწერდა, რომ მარი ხარ, ის მარი, რომელმაც დაიხსნა სამშობლო საუკუნო დაღუპვისგანაო, ქვეყანა ცას ეწევა სიხარულით, რაკი თქვენ გამოხვედით საბრძოლველადო; ყველანი დარწმუნებულნი ვართ, რომ სამზღვარი არ ექნება თქვენს ძლევა-მოსილებასო, მაგრამ... მაგრამ ბოლო წერილისა სრულიად არ შეესაბამებოდა თავსა. ბრაცლავის მოურავი სწერდა ბოლოს, რომ მშვიდობიანობის ჩამოსაგდებად უკვე დაწყებულია მოლაპარაკება, მეცა და სხვა ელჩნიც ვაპირობთ მალე თეთრ ეკლესიაში წასვლას და იმედი გვაქვს დავამშვიდოთ ხმელნიცკიო. დასასრულს, სთხოვდა თავადს, ნუ დაესხმები თავს ყაზახთა და, საზოგადოდ, დრომდე თავი შეიკავე და დაუტოვე ლაშქრობაო.

თავადისთვის რომ ის ეთქვათ, მთელი შენი ღნებრ-გაღმა მხარი აოხრებულ იქმნა, ყველა ქალაქიო აკლვებულ და მიწა-

სთან გასწორებულ, მაშინ არ იგრძნობდა ისეთს გულის ტკივილსა და ჩხვლეტას, როგორც ამ წერილმა აგრძნობინა. ერემიამ ხელები თვალებზედ მიიფარა და ისე გადაესვენა, თითქო შიგ გულში იქმნა დაკოდლი ისრითაო.

— სირცხვილი! სირცხვილი! ღმერთო, მალე მალისე სიკვდილი, რომ ასეთი სამარცხვინო საქვე არ იხილოს ჩემმა თვალებმა!

ყველა დადუმდა, ხოლო თავადმა კვლავ განაგრძო:

— აღარ მინდა სიცოცხლე ამ რესპუბლიკაში; სირცხვილით უნდა ვწითლდებოდეთ ახლა იმის გულისათვის, იმის მაგიერ. ბრბომ, ყურმოჭრილმა მონებმა სისხლით მოალიეღივეს სამშობლო, კავშირი შეჰკრეს ურჯულოებთან... გეტმანები დაძლეულ იქმნენ, მხედრობა ამოწყვეტილია, დაიღუპა სახელი ერისა, დიდება მისი ფეხ-ქვეშ არის გათელილი, ეკლესიები აკლებულია, ქსენძნი და შლიახტა ამოჰხოცეს, დედაკაცი გააუნამუსოვეს... და ყოველ ამ დამცირებისათვის, რომელიც მამაპაპათა ძვალთაც კი შეარყევს საფლავებში, რა პასუხი გასცა რესპუბლიკამ? მოლაღატეს, თვისსა შეურაცხყოფელს, თათართა მოკავშირეს პირველი ცხვეწება მშვიდობის ჩამოსაგდებად მოვილაპარაკოთო და ჰპირდება შენდობასა. ოჰ, ღმერთო, მალისე სიკვდილი!... თავი რაღად გვინდა ცოცხალი, რაღად უნდა იცოცხლონ იმათ, ვინცა ჰგრძნობენ მამულის შერცხვენას და სიცოცხლეს არა ჰზოგავენ მისდა სამსხვერპლოდ!

მოურავ-ერისთავი სულ სდუმდა, ხოლო პან კრიშტოფმა გაუბედავად წარმოსთქვა:

— მარტო პან კისელი ხომ არ არის რესპუბლიკა?

თავადმა მოუთმენლად გააწყვეტინა სიტყვა:

— ნურას მეუბნებით პან კისელისას; კარგად ვიცი, რომ მთელი დასი უდგა იმას ზურგთ უკან; ის კარგად მიხვდა, რაც სწაღიან პრიმასსაცა, კანცლერსაცა, თავად დომინიკსაცა, მთლად პანებსაცა, რომელნიც ამ უმეფობის დროს განაგებენ რესპუბლიკასა... ჰმ, განაგებენ!.. განაგებენ კი არა, არცხვენენ თე-

სის დასაგმობის სისუსტიტა?... ისა სჯობიან სულ გასწყდეს რაინდი ერი, ვიდრე დამცირდეს და მთელის ქვეყნის სასაცილოდ შეიქმნას.

და თავადმა კვლავ მიიფარა ხელები თვალებზედ. ასეთს განწირულებაში არას დროს არ ენახათ ჯერ თავადი მის ახლო მყოფთა.

— თავადო, — ნელის ხმითა სთქვა ზაცვილიხოვსკიმ, — დეე იმათ აგრე იყბედონ და იდესპანონ, ხოლო ჩვენ მახვილნი ვამოციქულოთ.

— მართალს ამბობ, ვფიცავ შემოქმედსა! — სთქვა ლალადებით თავადმა. — ან კი სხვა რა დაგვრჩენია ამ ყოფაში? აი ჩენა, გავიგეთ თუ არა, სამშობლო გაქირვებაშიაო, წამოვედით, გამოვიარეთ ცეცხლ-მოდებულნი ტყენი და გაუვალნი ქაობნი, არც უძილობას მივხედეთ, არც უქმელ-უსმელობასა, ჯანი გავიგდებინეთ, რომ იგი ძვირფასი მამული იწროებისაგან დაგვეხსნა. ხელები გაგვიშეშდა, დაგვიბებრდა მძიმე პუშაობით, სიყმილით მუცელი გვეწვის, წყლულთა ტკივილი გულს გვიწიწკინის... მაგრამ ჩვენ ყურადღებას არას ვაქცევთ. ყოველსავე მოვითმენთ, ოღონდ კი მტერი შევიკავოთ. მე მაბრალებენ, შურს ასდევო, ამბობენ, იმიტომ ინდურება, რომ სრულიად რესპუბლიკის მხედრობა იმას არ ჩაებარეთო. დეე, მზელმა ქვეყანამ თვით განსაჯოს, ჩემზედ უკეთესნი არიან თუ არა, ვინც ხელში ჩაიგდო ასეთი ხარისხი... მე თქვენ გიმოწმებთ, თვით ღმერთთა მოწამე, რომ მეცა და თქვენც პატივისა და დიდებისათვის არა ვღვრით ჩვენს სისხლს, ვწირავთ ჩვენს სიცოცხლეს, არამედ მამულის სიყვარულისათვის. და აი სწორედ იმ დროს, როცა ჩენი ძალ-ღონე იღვევა, როცა გული ჩენი სწყვეტავს ცემას, რა ამბავი მოგედის? აი რა ამბავი: ვარშავაში მაგნატები და პან კისელი გუშჩას წელეებზედ ფეხს იდგამენ, ყოველის ღონის-ძიებით ცდილობენ, რომ დააკმაყოფილონ როგორმე ხმელნიცკი. სირცხვილი, სირცხვილი ჩვენთვის!

— კისელი მოლაღატა! — შეჰყვირა პან ბარანოვსკიმ და ისევ ძალე გაჩუმდა, მაგრამ სტახოვიჩმა, კაცმა ფრიად გულადმა და გაბედულმა, უპასუხა საჩქაროზედ:

— მე მეგობარი ვარ ბრაცლავის მოურავ-ერისთავისა და ნებას არავის მივცემ, ჩემ წინაშე იმას მოლალატე უწოდონ. იმისი თმაც გათეთრდა მწუხარებით, ისიც ემსახურება როგორც შეუძლია, სამშობლოს, როგორც ეხერხება... იქნება ისე არა, როგორც სასურველია, გარნა გულწრფელად კი!

თავადს აღარა გაუგნია-რა. მისი გონება მთლად სამწუხარო ფიქრმა და აზრმა შთანთქა. ბარანოვსკის რაღაც უნდოდა ეთქვა, მაგრამ ამ ღროს გამოერკვა ერემია თავის ფიქრებიდან და გამწყრალის, კუშტის სახითა სთქვა:

— სხვა გზა არ არის: ან არ უნდა დავემორჩილოთ ბრძანებას, ან მამული უნდა გავიმეტოთ, გავწიროთ.

— უმორჩილებლობისაგან წარმოსდგება ყოველივე ბოროტება რესპუბლიკაში,—სთქვა კიევის მოურავმა და განგებ ისეთის კილოთი სთქვა, რომ ძალა-უნებურად ყურადღება უნდა მიექცია ყველასა.

— მაშ, ისა სჯობიან, რომ ვიტვიროთ მისი შერცხვენა! ხვალ რომ გვიბრძანოთ, ყელზედ საბელი მოიბით და ეახლეთ ხმელნიცკის და ტულაი-ბეისა, ესეც უნდა მოვიქმედოთ, აქაო-და მორჩილება საჭიროაო?

— Veto! — დაიძახა ჰან კრიშტოფმა.

— Veto! — განიმეორა ჰან კერდეიმ.

თავადი მიუბრუნდა თავისს პოლკოვნიკებს:

— თქვენა, ძველნო მეგობარნო... თქვენ რაღას იტყვით? მოხუცი ზაცვილიხოვსკი გამოერჩია და გამოდგა წინა.

— თავადო, აგერ სამოც და ათის წლის კაცი ვარ, რუსი ვარ, მართლ-მადიდებელი, ყაზახთა კომისარი ვიყავი; თვით ხმელნიცკი მამას მეძახდა. პირველში მეც ერთი გული იმას მეუბნებოდა, რომ მშვიდობიანის მოლაპარაკებით გაგვეთავებინა საქმე, გარნა თუ ახლა ორში ერთი უნდა ამოვირჩიოთ, ან საწინააღმდეგო, ან ომი, მე ცალის ფეხით უკვე სამარეში მდგომი, ვამბობ: ომი-მეთქი!

— ომი! — ერთხმად შეჰყვირეს აფიცრებმაცა.

— ომი! ომი!



— დეე ისე იყოს, როგორც თქვენ ამბობთ, — ლაღადებით წარმოსთქვა თავადმა და დაჰკრა კვერთხი პან კისელის წერილს, რომელიც იღო მის წინა.

XII

გავიდა ერთი დღე მას უკან, რაც ჯარი დაბანაკდა რილცოვსა და თავადმა მოუწოდა პან სქშეტუსკის.

— ჩვენი ჯარი მცირეა რიცხვით და მოიღალა კიდევ, — სთქვა თავადმა, — კრივანოსს სამოცი ათასი მხედრობა ჰყავს, კიევის მოურავის იმედი არა აქვს, იმიტომ რომ გულში ისიც მშვიდობის ჩამოგდების დასს ეკუთვნის, და თუმცა თავს არ მანებებს, მაინც გულით არ უნდა ლაშქრობის განგრძობა. საქირაა მაშველი ჯარი. მე შევიტყე, რომ კონსტანტინოვკას ახლოს ორი პოლკოვნიკია დაბანაკებული: ოსინსკი, რომელსაცა ჰყავს სამეფო გვარდია და კორიცი. ასიოდე კაცი გაიყოლიე, იახელ იმათ, მხართვი ჩემი წერილი და სთხოვე მომეშველონ, რაც შეიძლება მალე, რადგან ორის დღის უკან მინდა კრივანოსს შევება. შენზედ უკეთესად ვერავინ შეასრულებს ამ საქმეს, ხოლო ეს საქმე ძლიერ დიდი საქმეა.

პან სქშეტუსკიმ დაუკრა თავი და იმ საღამოსვე გაუღდა გზას დიდის სიფრთხილით. კრივანოსის სათარეშო რაზმნი, საცა არა მგონია, იქ დაიარებოდნენ, ხოლო თავადმა უბრძანა სქშეტუსკის, ვრიდე ბრძოლას, დროს ნუ დაჰკარგავ და შენი საქმე გააკეთე უპირველესადაო. მეორე დლით დესპანი უკვე ვიშოვატის სტავს იყო, საცა იპოვა ის პოლკოვნიკები თავიანთის მშვენიერის ჯარებითა. საუბედუროდ, პან ქშეტუსკის ამოად ჩაუარა ყოველმა ცდამა და ზრუნვამა: პოლკოვნიკები თავად დომინიკ ზასლავსკის მხედრობას ეკუთვნოდნენ და ნაბრძანები ჰქონდათ, არ შეუერთდეთ ვისნევეცკისაო. დიდად გულ-ნატყენი დესპანი უკანვე დაბრუნდა. ქშეტუსკიმ იცოდა, რომ ეს ახალი ამბავი ძლიერ შეაწუხებდა, დიდად გულს ატკენდა თავადსა, იცოდა, მართლა რა ნაირ იყვნენ მოღალაუ-

ლნი მისნი ჯარის კაცნი ხანგრძლივის ლაშქრობითა და მრავალ-გზის ომ-ბრძოლის გადახდითა. თითქმის შეუძლებელი იყო ამგვარ გარემოებათა შორის შეჰბრძოლებოდა იმისთანა მტერს, რომელიც ათჯერ ძლიერი იყო; ძალა-უნებურად უნდა მოეცადნა.

ჰან სქშეტუსკიმ უკვე გამოიარა ბაკლავი და შევიდა მშენეცკის ტყეში, რომელიც მეტად ხშირად იყო ატეხილი, საესე იყო ტევრებითა, საშიშის ქაობ-ხევეებითა. ბედი მისი კიდევ, რომ დიდ ნიაღვრებს შემდეგ, კარგი დარი იდგა. რაზმი მწკრივად მიდიოდა ბილიკ-ბილიკ, ტყეში; თან ახლდნენ მეტყვევნი, კაცნი ერთგულნი, თვისის საქმის კარგად მცოდნენი.

ტყეში დიდი მღუმარება იყო და არსაიდან ჩამი-ჩუმბი არ ისმოდა; ათასში ერთხელ თუ დაილაწუნებდა ფიჩხი ცხენის ფეხქვეშა; უცბად ჰან სქშეტუსკის მოესმა რალაც ხმაურობა, რომელიც არც თუ სიმღერასა ჰგავდა, არც თუ ყვირილსა.

— შესდექით!—ნელის ხმით უბრბანა ჯარის კაცთა და გააჩერა რაზმი.

— ეს რა ამბავია?

მოხუცი მეტყვევე მივიდა იმასთან ახლოსა.

ეხლა ტყეში ბევრი გიჟი დაიარება. გუშინ ერთი პოლონელის აზნაურის ქალი ვნახეთ; დახეტიალობდა ტყე-ტყე და გაიძახოდა: „შვილებო, შვილებოვო!“ აღბად ყაზახებმა დაუხოცეს. დაგვინახა თუ არა, დააჰყიტა თვალები და ისეთ ნაირად შეჰკივლა, რომ სულ ჟრუანტელმა დაგვიარა ტანში. ამბობენ, რომ სხვა ტყეებშიაც ბევრნი არიან მაგისტანებიო.

ჰან სქშეტუსკი, რომელმაც არ იცოდა, შიში რა იყო მტერთან შეხვედრის დროს, ახლა ჟრეოლამ აიტანა.

— იქნება მგლის ხროვა ღმუის? შორიდან კაცი ხომ ვერას გაარჩევს.

— სადაური მგლის ხროვა, ბატონო! მგლებს ეხლა ტყეში რა უნდათ, სულ სოფელ-სოფელ დადიან; იქ ეხლა ბლომად აქვთ ულუფა.

— საშინელი დრო დადგა, — ამოიოხრა რაინდმა, — მგლები სოფლად სცხოვრობენ და გიჟები ტყეში ღმუიან! ღმერთო, ღმერთო!

კვლავ ჩამოვარდა დუმილი და მხოლოდ ნაძვისა და ფიჭვის კენწეროებს გაჰქონდათ შრიალი. მაგრამ აგერ მოისმა კიდევ შორიდან რაღაც ხმაურობა... თან-და-თან უფრო და უფრო ცხადად გასარკვევი.

— ოჰო, — სთქვა მეტყვევებ. — როგორღაც ისე მეჩვენება, თითქო იქ დიდი ხალხი უნდა იყოს თავ-მოყრილი. თქვენ აქ მოიცადეთ, ან ნელ-ნელა იარეთ, მე და ჩემი ამხანაგი კი დავწინაურდებით და ვნახავთ, რა ამბავია.

— წადით, — სთქვა პან სქშეტუსკიმ. — ჩვენ აქ დაგიცდით. მეტყვევნი წავიდნენ. გაიარა ერთმა საათმა; პან სქშეტუსკის მოთმინება გაუწყდა და იფიქრა, დალატი კი არა ედოთ-რა გულშიო, მაგრამ სწორედ ამ დროს ხშირის ტყიდან გამოვიდა რაღაც აჩრდილი.

— ისინი არიან, ბატონო! — სთქვა მან ჩურჩულით და მივიდა სქშეტუსკისთან.

— ვინ ისინი?

— ხალხის მელეტელ-მძარცველნი.

— ბევრნი არიან?

— ორასიოდე კაცი იქნება. არ ვიცი, რა უნდა ვქნათ; ხევში არიან და ჩვენც გზა იქითა გვაქვს. ცეცხლი უნთიათ, მაგრამ არა სჩანს, იმიტომ რომ შიგ ხევში არიან ჩამალულნი. არავითარი მცველ-დარაჯნი არ უყენიათ, ასე რომ შეიძლება კაცი თავს წაადგეს.

— კარგი! — და პან სქშეტუსკიმ დაუწყა დარიგება ორს უფროსს კაცსა.

რაშიმ გაემართა წინ, მაგრამ ისეთის სიჩუმითა და სიფრთხილით, რომ გამხმარი ტოტი თუ გატყდებოდა ათასში ერთხელ და იმის ხმას თუ გაიგონებდა კაცი; უზანგი უზანგს არ მოჰხვედრია არც ერთხელ, ხმაღს არ გაუღია წკრიალი; ცხენები ლაშქრობას ჩვეულნი მგლურის ძუნძულით მიიერი-

შობდნენ და ერთხელ არ დაუფრუტუნიათ და არ დაუქიხვინიათ. თვით ხევის გადასახედთან, საიდანაც უკვე შეიძლებოდა გაგერჩიათ, სადა და სად ენთოთ ცეცხლი, ვინა და რა გვარი ხალხი იყო თავ-მოკრებილი, პან სქშეტუსკიმ სამ ნაწილად გაჰყო თვისი რაზმი. ერთი აქვე გადასახედთან უნდა დარჩენილიყო, მეორე წავიდა და დაიქირა ის მხარე, საითაც ხევიდან გასვლა შეიძლებოდა ხევში მყოფთა, ხოლო მესამე შეჯგუფდა, ხოცვით მიუახლოვდა ხევის ნაპირს და იქ ჩასაფრდა, ისე რომ ზედ დასცქეროდა ტყის მძარცველებსა.

პან სქშეტუსკი, რომელიც ამ მესამე ნაწილში იყო, იყურებოდა ხევში და ცხადად ჰხედავდა მათელს ბანაკს მძარცველებისას, რომელნიც სულ ორას-სამას ნაბიჯის მანძილზედ ძლივს იქნებოდნენ: ცეცხლი ათიოდე ადგილას ენთოთ, და ზედ ქვაბები ედგათ და საქმელებსა ჰხარშავდნენ. ბოლი ცეცხლისა და სუნი მოხარშულის ხორცისა შიგ ცხვირში სცემდა პან სქშეტუსკისა და მის ჯარის-კაცთა. ცეცხლა-პირას იდგნენ ან ისხდნენ ხევში მყოფნი, სვამდნენ არაყს და ჯიჯინობდნენ. ზოგს ხელში შუბები ეჭირა; შუბებზე დაკიდებული ჰქიანდათ მოკვეთილნი თავნი მამა-კაცთა, მცირე-წლოვანთა და დედა-კაცთა. ცეცხლის შუქი ციმციმებდა ამ თავთა მკვდარს, გადაკარკლულს თვალეში და ანათებდა განადირებულ მძარცველების კაცის-მჭამელ პირისახეთა. ერთგან უფრო დიდი ცეცხლი ენთო. მის ახლო იჯდა, პან სქშეტუსკისკენ ზურგ-შექცეული, მოხუცი მეფანტურე და ფანტურის სიმებს აცოდვილებდა; მის გარშემო ხალხი შეჯგუფულიყო კარგა ბლომად.

პან სქშეტუსკიმ ასეთს სიტყვებს მოჰკრა ყური რამდენჯერმე:

— ეე, მეფანტურე! აბა ერთი ყაზახის გოლოტას ამბავს მოჰყე!

— არა ერთი! — თხოულობდნენ სხვანი, — მარუსია ბოლუსლაგკას ამბავი დაამღერე!

— რა ჯანაბად გინდათ ეგ მარუსია!.. პოტოკელის პანის ამბავი სჯობიან, პოტოკელისა!

მეფანტურემ ღონივრად ჩამოჰკრა თითები სიმებს, ჩაახვე-
ლა და დაიწყო:

აღსდგე, ჰნახე, გაიოცე, თუ ყოველი ვის ბევრი აქვს,
შენც იმის ტოლი იქნები, ვისაც სულ არაფერი აქვს,
ყველას ბატონი და მეფე მარტო ღმერთია მოწყალე:
ყველას საქმეს სიმართლითა სწონავს, შენ მას მიავალე..

აქ მეფანტურე შესდგა პატარა ხანს და ამოიოხრა; ამო-
იოხრეს ყაზახებმაცა. მეფანტურეს გარშემო უფრო და უფრო
ბლომად მოიყარა ხალხმა თავი. თუმცა სქშეტუსკიმ იცოდა,
რომ ჩემი ჯარის-კაცნი მზად არიანო, მაინც აგვიანებდა თავ-
დასხმის ბრძანებას, ეს მყუდრო ღამე, აქა-იქ გაჩაღებული ცე-
ცხლი, ნადირისა და ველურის ხალხის სათითაო სურათი და
ნიკოლოზ პოტოკის ლექსად თქმული სიმღერა რაღაცა
დარდებს უშლიდა, რაღაც ახალს გრძნობას უღვიძებდა, ისეთს
გრძნობას, რომელიც თითონაც ვერ გაერკვია კარგადა. ჯერ
დაუშუშებელნი წყლულნი მისის გულისა კვლავ აეშალა, სულ-
მა და გულმა კენესა დაუწყა. ღრმა ფიქრმა წაიღო მისი გო-
ნება, ხოლო მეფანტურე კვლავ განაგრძობდა:

აღსდგე, ჰნახე, გაიოცე, ვინც იბრძვი და მეომარობ,
ტყვია-წამლით, მახვილითა იერიშობ, მშვილდ-ისარობ.
ბევრნი იყვნენ, რაინდობდნენ, არა ნაკლებ, შენ რომ ჰგმირობ,
მახვილითა ვინც ვინ მოსრას, მახვილმავე მოჰკლას, ჰკვირობ!?
აღსდგე, ჰნახე, გაიოცე, დამშვილდი და ნულარ ჰზვაობ,
პოტოკიდან წამოსულა, სასტიკობით ჰყორან-სვაობ.
ამდენს ხალხსა ჰქლეტავ, ჰმუსრავ, იმონებ და გულ-კაყ-ქვაობ,
ეურჩები მეფეს, საბჭოს, სურვილითა მარტოკაობ...

მოხუცი მეფანტურე კვლავ შესდგა და სწორედ ამ დროს
სქშეტუსკის ერთს ჯარის-კაცს გაუვარდა ხელიდან პატარა
ქვა და ძირს ჩაჰგორდა. მძარცველებმა მიიფარეს ხელი შუბლ-
ზედ და დაიწყეს მალლა ცქერი სიბნელეში. სქშეტუსკიმ მო-

ისაზრა, რომ ახლა კი დროაო; დაუმიზნა დამბაჩა ბრბოს და ესროლა.

— ხმალი მაგათა!— შესძახა დესპანმა და ოც და ათმა ჯარის-კაცმა გაისროლა დამბაჩები, მერე სასწრაფოდ იშიშვლეს ხმლები, დაეშენენ გვერდობზედ და თავს დაესხნენ გაოცებულ, შემკრთალ და შეშინებულ მძარცველებსა.

— ხმალი მაგათა!— გაიხმაურა პასუხად ხევის ერთმა კუთხემა.

— ხმალი მაგათა!— მისცა ბანი მეორემ.

— ერემია, ერემია!

სქშეტუსკის ჯარის-კაცი ისე მოულოდნელად დაესხნენ თავს ხევში მყოფთა და ისე სახტად დარჩნენ ამის გამო განცხრომას მიცემულნი, რომ თუმცა ყველანი შეიარაღებულნი იყვნენ, წინააღმდეგობის გაწევა ფიქრადაც აღარ მოსდიოდათ. უამისოდაც აჯანყებულთა შორის ხმა იყო გავრცელებული, რომ ერემიას ერთსა და იმავე დროს ბოროტის სულის შემწეობით შეუძლიან სხვა-და-სხვა ადგილას გაჩნდესო, ხოლო ახლა მისის სახელის გაგონებაზედ, თითქო მართლა წყეულის სახელი გაიგონესო, ძალა-უნებურად ვარდებოდათ ხელიდან იარაღი. ცელებითა და შუბებით არა გარიგდება რა ასეთს ვიწრო ხეობაში. ხევის მეორე მხარეს ზედი-ზედ მიჰყლიტლნი, მძარცველნი, თითქო ცხერის ფარააო, სულ გაოგნებულნი იყვნენ და ისე იქლიტებოდნენ, რომ ხელის-გამოღებას ვერ ახერხებდნენ. აქამდე მიყუჩებულ ტყეში გაისმა შავ-უკუღმა ყიჟინი ომისა. ყველანი ისწრაფოდნენ გადაერჩინათ როგორმე თავი სიკვდილისათვის, ეცნენ ფრილო კლდეს და მიფოფხავდნენ ზედ, მაგრამ ხელებზედ ტყავ-გადამძვრალნი ძირსვე სცივოდნენ და ზედ ეგებოდნენ ხმალსა და ხანჯალზედ. ზოგნი ხმა-ამოუღებლივ ემორჩილებოდნენ თავიანთ ხვედრს, ზოგნი შეწყალებას იხვეწებოდნენ, ზოგნი ხელებს იფარებდნენ პირისახეზედ, მოახლოვებული სიკვდილი არ დავინახოთო. და ყოველ ამ უბედურებაში ჟამითი-ჟამად გაისმოდა საშინელი ძახილი: „ერემია! ერემიაო!“

მოხუცმა მეფანტურემ ისეთი სთხლიშა შუბლში ერთს ჯარის-კაცს თავისი ფანტური, რომ ბრახვანი გახდა ძირსა; მეორეს კინალამ მკლავი მოუგრიხა, რადგან ხელში ხმალი ეჭირა და დარტყმას უპირობდა. თან ღრიალებდა, რაც ძალი და ღონე ჰქონდა:

— გაჩერდი, გაჩერდი, შლიახტიჩი ვარ! Loquor latine! მეფანტურე არა ვარ, არა! გაჩერდით-მეთქი, გეუბნებით, თქვე ავაზაკნო, საზიზღარნო, ძაღლის შვილნო!

მეფანტურეს ჯერ არ გავთავებინა თავისი თავაზიანი ლაპარაკი, რომ პან სქშეტუსკი მოვიდა იმასთან, დააკვირდა სახეზედ და შეჰყვირა:

— ზაგლობა!

ეცა მაშინვე მხეცივით, ჩასკიდა თითები მხრებში, მიიახლოვა მისი პირისახე და გახრინწიანებულის ხმითა ჰკითხა:

— კნიაჟნა რა უყავ? კნიაჟნა რა უყავ?

— ცოცხალია, კარგად არის, უშიშარ ბინაზეა!— ძლივს მოახერხა პასუხის თქმა მეფანტურემ.— ერთი გამეცალე აქედან და მიშვი ხელი-და! სული ამომართვი კია და!

და რაინდი, რომელსაც ვერა სძლია ვერც ტყვეობამ, ვერც ქრილობა-წყლოლებამ, ვერც მწუხარებამ, ვერც საშინელმა ბურღბურღამა, დაეცა ახლა, საკუთარის ბედნიერებით დაძლეული, სულ კანკალმა აიტანა, ჩაიჩოქა და ხელები მიიფარა თვალებზედ.

საცოდავნი მძარცველნი სულ ამოსწყვიტეს; გადარჩა რამდენიმე კაცი და ისინიც მერე ჯალათის ხელში უნდა ჩაცვივნულიყვნენ. ბრძოლა გათავდა, ხმაურობა მიწყდა. ჯარის-კაცი გადარს შემოერთყნენ თვისს წინამძღვარსა, ის მაინც დაჩოქილი იყო და ზეზე არა დგებოდა... დაჭრილი ხომ არ არისო? მაგრამ აი წამოდგა და ისეთი სახე ჰქონდა, რომ სულ უბრწყინავდა გამოუთქმელის სიხარულით.

— სად არის ეხლა?— ჰკითხა მან ზაგლობას.

— ბარსა.

— უშიშარია მისი ბინა?

— ისეთი მაგარი ციხეა, რომ არაფრის ფიქრი არა აქვს. ხოლო თვით კნიაენა პანი სლოგოშევსკისა და მონაზონთა მფარველობის ქვეშეა.

— გმადლობ შენ, ღმერთო! — ქეშმარიტის გრძნობითა სთქვა რაინდმა.—მომეცით თქვენი ხელი, პან ზაგლობა. გული-თა და სულით...

აქ სქშეტუსკი მიუბრუნდა უცბად თავისს ჯარის-კაცებს და ჰკითხა:

— რამდენია სულ ტყვე?

— ჩვიდმეტი.

— დღეს ღმერთმა დიდი სიხარული და ბედნიერება მომივლინა... არ მინდა ვაწყყენო ვისმე. გაათავისუფლეთ ის ტყვენი.

ჯარის-კაცი გაშეშდნენ და არა სჯეროდათ უფროსის სიტყვები. ასეთი შემთხვევა ჯერ არ მომხდარიყო ვისნევეცკის ჯარსა და მხედრობაში.

სქშეტუსკიმ ოდნავ კოპები შეიკრა.

— გაანთავისუფლეთ-მეთქი,—განიმეორა დესპანმა თვისი ბრძანება.

ჯარის-კაცი წავიდნენ, მაგრამ მალე უფროსი ესაული დაბრუნდა უკან.

— პან პარუჩიკო,—სთქვა მან,—არა სჯერათ, რომ მართალს ვეუბნევი, არ მიდიან.

— ხელები კი გაუხსენით?

— გავუხსენით.

— მაშ, ეგენი აქ იყვნენ და ჩვენ გზას გაუღდგეთ, აბა ჩქარა!

ნახევარ საათს უკან სქშეტუსკის რაზმი კვლავ მიდიოდა ბილიკ-ბილიკ ტყეში. ამოვიდა მთვარე და გააშუქა თვისის მკრთალის ნათელით ხშირი და დაბურული ტყე. პან ზაგლობა და სქშეტუსკი წინ მიდიოდნენ და მუსაიფობდნენ ერთმანეთში.

— მითხარით იმისი ყოველივე, რაც კი იცით, — ევედრებოდა რაინდი. — მაშ, თქვენ გადაარჩინეთ კნიაჟნა ბოგუნის ხელიდან?

— მე, მაშა, მე, მერე თავ-პირიც ავუხვიე, როცა გამოვემშვიდობე, ყვირილს ველარ დაიწყებს-მეთქი.

— დიდის პატიოსნებით მოქცეულხართ, ვფიცავ ღმერთსა ბარს როგორღა მოხვედით?

— ოჰ, მაგის ამბავი შორს წაგვიყვანს... მერე იყოს... მერე ძალიან დაღალულიცა ვარ და ხახა სულ ამომშრალი მაქვს... თქვენ როგორა გგონიათ, განა ადვილია, ამ ტეტებიისათვისა ამბობდეს კაცი სიმღერებსა? სასმელი არა გაქვთ-რა?

— როგორ არა! ერთი შუშა არაყი, აი!

პან ზაგლობამ მოიყუდა და დაუწყოა სმა. ვინ იცის, ახლა როდის დასცლის?

სქშეტუსკიმ ველარ მოითმინა და ჰკითხა:

— ერთი მითხარ, როგორ მოგეწონა?

— ეჰ, ვინ დაეძებს! — სთქვა პასუხად პან ზაგლობამ. — როცა სტომაქი ცარიელია, ყველაფერი მუცლის ბოძია.

— მე კნიაჟნასას გეკითხები?

— კნიაჟნასასა? ეგ მერე იყოს, მერე...

— როგორად ისაძლისებს, თუ იცი, ბარში?

— ძალიან კარგად. მისს სილამაზეს დიდად აფასებენ და ამიტომ ყველას უყვარს. პანი სლოგოშევსკისა ისე ეკიდება, როგორც ღვიძლ-შვილსა. რაინდნი ხომ ვინ იცის რამდენი ეარშიყება... მაგრამ კნიაჟნა იმდენს ყურადღებას აქცევს იმათ, რამდენსაც მე აგერ ამ ცარიელ არაყის შუშას.

— მაშ ეახსრვარ ელენეს?

— ახსოვხარ! მეც არა ერთხელ გამკვირვებია, როგორა ჰყოფნის იქაური ჰაერი, ამდენს რომ ოხრავს-მეთქი. ყველანი თანაუგრძნობენ, განსაკუთრებით მონაზონნი; კნიაჟნამ სულ დაიმორჩილა ის საცოდავნი. მეც იმან გამაბედვინა, წადი, იპოვე სქშეტუსკიო, გაიგე ცოცხალია, თუ მკვდარიო. მეც აღარას დავდიე, გავწირე თავი და წამოვედი. წინადაც ბევრს

სხვას დაავალა ეს საქმე, მაგრამ არაინ არ დათანხმდა... ბოლოს, შემეცოდა ქალი და წამოვედი თქვენის ბანაკის საპოვნელად. ეს ტანისამოსი რომ არა მცმოდა, აქამდე იქნება ძვლებიც აღარსადა ყოფილიყო. ყველას ასე ჰგონია, რომ მოხუცი მეფანტურეაო. ისიც კია, რომ სიმღერის თქმა კარგად ვიცი...

პან სქშეტუსკის სიხარულით ენა ჩაუვარდა. ათასი აზრი და მოგონება ბუზივით ირეოდა მის გონებაში. ელენე ისე წამოუღვა თვალ-წინ, თითქო აგერ ვუცქერიო, სწორედ იმ ნაირი, როგორცა ჰნახა რაზლოგში, სეჩს წასვლის წინად, ისეთივე მშვენიერი, ატლასივით გაწითლებული, მაყვალლივით შავის თვალებითა, რომელიც თითქო ტბაა გამოუთქმელის სიტკბოებისაო. აგერ თვალ-წინა ვხედავო, ვგრძნობ, რა სიცხოვლე მომდის იმის აქარხლებულ ლოყებისგანაო, მესმის იმის გულის ძგერაო. მოაგონდა ალუბლის ბალიცა, გუგულიცა, ისიც, რაცა ჰკითხა გუგულსა და ისიც, როგორც შერცხვა ელენეს... და მთლად მისი არსება ფთხრიალებდა სიხარულითა და ბედნიერებით. რაღა სათქმელი იყო ახლა ის ტანჯვამწუხარება, რაც წინად გამოიარა? ზღვა როგორ მოვა ოკეანესთან! თითქო უნდოდა დაეყვირნა რამე, კვლავ დაეჩოქნა, მადლობა გადაეხადნა ღვთისათვის და, რაც უფრო უმთავრესია, ყოველივე გაეგო, ყოველივე...

და მან კვლავ დაიწყო ჩვენების ჩამორთმევა.

— ცოცხალია, კარგად არის?

— ცოცხალია, კარგად არის! — თითქო ბანი მისცაო, სთქვა პასუხად. პან ზაგლობამ.

— მერე იმან გამოგგზავნათ?

— იმან.

— წერილი გამოგატანათ ჩემთან?

— გამომატანა.

— აბა მომეცით!

— ტანისამოსზედა მაქვს შიგნიდან დაკერებული; მაგას გარდა. ეხლა ბნელა კიდევცა, ღამეა. მოითმინეთ.

— ვერა, არ შემიძლიან... ხომ ჰხედავთ!

— ვხედავ.

ბან ზაგლობა თან-და-თან უფრო-და-უფრო მოკლე-მოკლე პასუხს იძლეოდა, ბოლოს დაიწყო ქინდრვა თავისა, ჩასთვლიმა ერთხელ, ორჯელ და დაეძინა. სქშეტუსკი მიხვდა, რომ ახლა აღარა იქნებოდა-რა და მთლად მიეცა თვისსა ოცნებას.

XIII

ძნელი მისახვედრი არ არის, როგორ მიიღო თავადმა სქშეტუსკის მოტანილი ამბავი, ოსინსკიმა და კორიციკიმ უარი სთქვეს, ვერ მოგეშველებითო. ყოველივე ისე ეწყობოდა, რომ საჭირო იყო ერემიას მტკიცე ხასიათი ჰქონოდა კაცს, რათა არ მოხრილიყო, განწირულებაში არ ჩავარდნილიყო და არ დაეყარა ფარ-ხმალი. ტყუილად დასტოვა ის იმოდენა უსამზღვრო მამული ღვთის ანაბარად, ამაოდ ედებოდა ღობე-ყორეს, თიუქო ლომია ყაფაზაში გამომწყვდეულიო, ამაოდ სცემდა თავ-ზარსა საშინელს ამბოხებას, იჩენდა საოცარს ვაჟაკობას, — ყოველივე ამაო იყო! ახლოედებოდა წუთი, როცა უნდა გამოტეხილიყო, რომ უძლური ვარო, დაეწია უკან, რომელსამე მშვიდობიანს ქვეყანაში დაბანაკებულიყო და მუნჯი მოწამე ყოფილიყო იმისი, რაც ამბები მოხდებოდა უკრაინაში. გარნა ვინ იყო, რომ აიძულებდა გულ-ხელ-დაკრფელი მჯდარიყო? არა ხმალნი ყაზახთა, არა, ვერავგობა თვისთა სისხლ-ხორცთა პოლონელთავე. განა კარგად ვერ ივარაუდა, როცა წამოვიდა ლაშქრობად გაღმა მხრიდან, რომ მხოლოდ მე შემიძლიან არწივივით დავეცე თავს ამბოხებას და პირველმა ვსცე ჩემი ძლევა-მოსილი მახვილიო, რომ მთლად რესპუბლიკა მოვა ჩემდა საშველად და მე ჩამბარებს მოელს თვისს მხედრობას, თვისსა პატივ-მიმყენებელს ხმალსაო? ხოლო ახლა რასა ვხედავთ? მეფე გარდაიცვალა, მის სიკვდილს შემდეგ ხელმწიფება სარდლობისა სხვას ებოძა და მე-

კი, ერემია, მიჩრდილული ვარო. ეს იყო პირველი თავაზა, რომელიც გაუწიეს ხმელნიცკის, ამიტომ არა შელახული თავმოყვარეობა ბობოქრობდა ახლა თავადის გულში. სხვა ფიქრი სტანჯავდა მთლად მის არსებას, ისა სტანჯავდა, სახელდობრ, ეს დათრგუნვილი რესპუბლიკა ისე დაეცა, რომ ერიდება, უფროსის თავგანწირულს ბრძოლას, შიშით უკან იხევს ერთის ყაზახის წინაშე და ნდომობს მშვიდობიანის მოლაპარაკებით აიცილოს თავიდან მისი რისხვა და მუქარაო. მას შემდეგ, რაც მახნოვკასთან გაიმარჯვა თავადმა, სულ იმის ანბავი მოსდოდა, რომ თავადი დომინიკი ზასლავსკი გემდურებაო. როცა სქშეტუსკი მოციქულად იყო წასული, მოვიდა პან კორშენკევიჩი და მოუტანა ამბავი, რომ ოფრუჩისთვის ცეცხლი წაუკიდებიათო. იქაურნი მკვიდრნი არ ემბრობოდნენ ამბოხებას, მაგრამ მივიდა ქშეჩოვსკი და ძალ-მომრეობით აიძულა, რომ იმას გაჰყოლოდნენ უკანაო. სოფლები, დაბა-ქალაქები,—ყოველივე აკლებულია და გადამწვარიო; თავად-აზნაურობა, რომელმაც კი გახიზნვა ვერ მოასწრო, სულ ამოსწყვიტაო, მათ შორის პან ელეციკა, დიდის ხნის ერთგული ყმა და მეგობარი ვისნევეცკებისა. თავადი ფიქრობდა, შეფუერთდები ოსინსკისა და კორიციკის, ვძლევ კრივანოსსა და მერე გავემართები ჩრდილოეთად, ოფრუჩისკენ; იქ ლიტვის გეტმანს მოველაპარაკები და ისე მოვახერხებ საქმეს, რომ მემამოხენი ორ ცეცხლ შუა ჩაცვინდნენო. ახლა კი ყოველივე მისი ფიქრი და დაწყობილება ირღვეოდა, რადგან ისეთი იყო ბრძანება თავადის დომინიკისა. ერემია იმდენად ძლიერი არ იყო, რომ შეჰბმოდა კრივანოსსა, ხოლო კიევის მოურავისა საიმისო დიდი იმედი არა ჰქონდა. პან ტიშკევიჩი სულითა და გულით მშვიდობიანობის დასს ეკუთვნოდა, და თუ დაემორჩილა თავადის ზნეობრივს ძალასა და მისის ხასიათის სიმტკიცეს, დაემორჩილა არა დიდის ხნით.

თავადმა ხმა-ამოუღებლივ მოისმინა სქშეტუსკის მოხსენება, დაეყრდნო სტოლს და ხელები მიიფარა პირისახეზედ. სხვა იქ მყოფნიც მღუმარებდნენ; ბოლოს სთქვა თავადმა:

— ღმერთსა ვფიცავ, შეუძლებელია ყოველ ამის მოთმენა! თითქო მარტო მე ვიყო მოვალე ვცდილობდე, თავს ქვას ვახლიდე და მერე თან დაბრკოლებასაც ვებრძოდე? თითქო არ შემეძლო სადმე შორს წავსულიყავ, სანდომიარს და იქ მეცხოვრა მშვიდობიანად საკუთარს მამულში? მაგრამ მე ეს არ მოვიქმედე, არ მოვიქმედე მხოლოდ სამშობლოს სიყვარულით, და აი ჯილდო ჩემის თავგანწირვისათვის, ყოველის ჩემის...

თავადი გულ-დამშვიდებითა ლაპარაკობდა, მაგრამ იმდენი სიმწარე ზნაღველი იყო მის სიტყვებში, რომ სიბრაღეულის გრძობამ მოიცივა ყველას გული. მოხუცი პოლკოვნიკები და ახალგაზდა გმირნი, რომელთაც თავი გამოიჩინეს ამ ბოლო ომებსა და ბრძოლაში, მწუხარებითა და თანაგრძნობით შეჰყურებდნენ, ყველანი ჰგრძნობდნენ, რა საშინელს სულიერს ბრძოლაში უნდა იყვეს ეხლა ეს რკინის კაცი, რა საშინლად უნდა იგვემებოდეს მისი გრძნობა თავ-მოწონებისაო. კაცი თავადი „წყალობითა ღმერთისათა“, — კაცი, მოურავი და ერისთავი რუსეთისა, სენატორი რესპუბლიკისა უნდა მოჰრიდებოდა ხმელნიკისა და კრივანოსსა, კაცი, თითქმის დამოუკიდებელი მონარქი, რომელმაც, სულ რამდენიმე თვე არ გასულიყო მას უკან, მიიღო უცხო სახელმწიფოთა ელჩნი, ახლა უნდა გასცლოდა დიდების ასპარეზსა, ჩაკეტილიყო რომელსამე ციხეში და ეცადნა, როდის გათავდებოდა ომი, რომელიც უიმისოდ უნდა გადახდილიყო, ან ეცადნა დამამცირებელის ზავისათვის. კაცი გაჩენილი დიდებულითა საქმეთათვის, კაცი, რომელიც ჰგრძნობდა თავის ძალღონეს, ნება-უნებურად უნდა გამომტყდარიყო და ეთქვა, რომ უძლური ვარო...

მწუხარებამ და მღელვარება-მოუსვენრობამ ძრიელ დააბერა ერემია. თავადი გახდა, თვალები ჩაუტვიინდა, ყორნის ბოლოსავით შავს თმაში ვერცხლის ძაფივით დაუწყუა ბრწყინვა ქალარამ. სამაგიეროდ მთლად მის სახეს რაღაც დიდებული ელფერი დაედო, სატრაგედო დაშვიდება დაეჭყო; თავმოწონება აიძულებდა ჯერ კიდევ ემაღნა თვისნი ტანჯვანი.

— მაშ, კარგი! დაე, აგრე იყოს!—სთქვა მან.—ჩვენ დაეუმტკიცებთ უმადურს სამშობლოს, რომ არა მარტო ომი და ბრძოლა შეგვიძლიან, არამედ სიკვდილსაც მოვახერხებთ მისთვის. ღვთის წინაშე, სახელოვანი სიკვდილი მირჩევენიან რომელსამე სხვა ომში, მაგრამ ამ აჯანყებულ ტეტიაობასთან ბრძოლაში სიკვდილისაგან კი ღმერთმა დამიხსნას!

— სიკვდილს რად ახსენებთ, თავადო,—გააწყვეტინა სიტყვა მოურავე-ერისთავმა.—თქვენის სამხედრო გენიოსობის წინაშე მუხლს ვიდრეკ, მაგრამ არ შემოძლიან ან დაეძრახო და ან ბრალი რამ დავდო არც ვიცე-კაროლსა და არც კანცლერს, როცა იმათა სურთ ბოლო მოუღონ ძმამ-ძმის მკვლელობის ომს.

თავადმა თვალის თვალში გაუბნია მოურავეს და წყნარადა სთქვა თვითეულის სიტყვის მკაფიოდ გამოთქმითა:

— იყავით მოწყალენი დაძლეულთადმი, ისინი მიხედებიან და დააფასებენ თქვენს საქციელს, ხოლო გამარჯვებულნი მარტო ზიზღით დაგიწყებენ ყურებას... რაღაი ამბობება გაძლიერდა, მშვიდობიანის ღონისძიებით კი არა, სისხლით თუ ჩააქრობთ... თუ არა-და სირცხვილი და სიკვდილი იქნება ჩვენი!

— დიად, სიკვდილი იქნება,—დაეთანხმა მოურავეი,—თუ ჩვენი თვითნებობით დავიწყეთ ბრძოლა.

— რას ჰნიშნავს თქვენი ლაპარაკი? მაშ, გეტყობათ, აღარ წამომყვებით ლაშქრობაში?

— თავადო! ღმერთია მოწამე, რომ თუ არ მოგდევთ, იმიტომ რომ ჩემი სვინილისი მიბრძანებს აგრე მოვიქცე. ცხადადა ვხედავ, რომ ჩემს ხალხს საშიშარს ყოფაში ჩავაგდება ხოლო სისხლი მათი კიდევ გამოადგება რესპუბლიკას.

თავადი გაჩუმდა პატარა ხანს და მერე მიჰმართა მან თავისს პოლკოვნიკებს:

— თქვენა, ძველნო მეგობარნო, თქვენ ხომ არ დამტოვებთ? რა თქმა უნდა, არ დამტოვებთ?

ერემიას აფიცრები, თითქო ნიშანი მისცესო, მისცვინდნენ თავის უფროსს. ზოგი მის ტანისამოსსა ჰკოცნიდა, ზოგი მუხლებზედ ეამბორებოდა.

— თქვენთანა ვართ! ყველგან წამოგყვებით! ვიდრე ერთი წვეთი სისხლი გვიდგია, ვიდრე პირში სული გაგვიწყდებოდეს!

— გაგვიძეხით წინ! უჯამაგიროდ ვიმსახურებთ!

— თქვენო ბრწყინვალეზავ! ნება მიბოძეთ მეც თქვენს ახლოს დავლიო სული!— წარმოსთქვა გულით აქარხლებულმა, თითქო გასათხოვარი ქალიაო, პან აქსაკმა.

კიევის მოურავსაც კი გული აუჩქროლდა და აუჩუყდა. თავადი ხან ერთს ეხვეოდა და ჰკოცნიდა, და ხან მეორეს, ხან მესამესა. ყველა შეიპყრო რაღაც აღფრთოვანებამ.

— ყმაწვილებო!— სთქვა ხმა-მალლა თავადმა, — აი ჩემი სურვილი: ვიდრე კრივანოსს შევეუტევდეთ, ჩვენთვის დასვენება საჭიროა. აგერ მესამე თთვეა, რაც ცხენებიდან არ ჩამოვხდარვართ. ჯარი შეგვიმცირდა, ცხენები არა გვყავს, ქვეითი ჯარი უფეხსაცმელოა. წავიდეთ ზბარაჟს, იქ დავისვენოთ, ძალღონე მოვიკრიბოთ, — იქნება იქ სხვაც ვინმე შემოგვიერთდეს, — და მერე გავწიოთ საომრად ახალის ძალღონით!.. თქვენა, ბატონო მოურავო, თქვენ საით?

— გლინიანს გიახლებით; ამბობენ, იქ ჯარები იკრიბებაო.

— მაშ, გაგაცილებთ სამშვიდობომდე, რომ გზაზედ უსიამოვნება არა შეგემთხვეთ-რა.

მოურავმა არა უპასუხა-რა. რაღაც უხერხულობასა ჰგრძნობდა. მე ვტოვებ ამ კაცსა და ეს კიდევ ჩემთვისა ჰზრუნავსო, უნდა გამაცილოს, მოულოდნელს ხიფათს გადამარჩინოსო. ვინ იცის, იქნება დაცინვაც იყო დაფარული თავადის სიტყვებში? იმისი მოურავმა ვერა გაიგო-რა.

მოურავმა თავი დაუქრა გამოთხოვების ნიშნად და გარედ გავიდა, აფიცრებიც წავიდ-წამოვიდნენ; თავადთან სქშეტუსკი დარჩა მხოლოდ.

— უბედურობაა სწორედ, რომ მაგისთანა სარდლები აირჩიეს, — სთქვა ფიქრში წასულმა თავადმა. — ოსტროროვი ივარგებდა, რომ იმის შეყენება ლათინურითა და პტყელ-პტყელის სიტყვებით შეიძლებოდეს; ჩემი სიმამრი, კონეცპოლსკი, შტოლმის მოყვარულის გვარისა, გამოუტყდელი ბავშვია, ხოლო

ზასლავსკი... ის არის მეტის-მეტი უბედურება. დიდი ხანია ვიცნობ, რა შეილიცა ბრძანდება! დანამცეცებული გული აქვს და ბურბუშელა კკუის პატრონია. იმისი საქმეა, წინ თასი ედგას და სთვლემდეს, და არა ჯარსა წინამძღვრობდეს... საქვეყნოდ არ ვამბობ ამას, რომ არ იფიქრონ, შურით მოსდისო, გარნა წინადვე ვხედავ, რა საშინელი უბედურება მოგველის. და მერე ღლეს, ღლეს იტვირთეს მაგისტანებმა ტვირთი ქვეყნის გამგეობისა! ღმერთო, ღმერთო, რა მოუვა ჩვენს საცოდავს ქვეყანას? როცა ამასა ვფიქრობ, ნება-უნებურად, სიკვდილსა ვნატრობ და, მგონია, დიდ ხანსაც აღარ მალოდინებს. სული ისწრაფის საომრად, გარნა ხორცი... თითქმის სულ გაუძღურდა.

— უნდა გაუფრთხილდეთ ჯარსა, — სთქვა სქშეტუსკიმ. — სამშობლოს ბედი თქვენზეა დამოკიდებული.

— სჩანს სამშობლო სხვაფრივ ჭეიქრობს, რახან მე დამიწუნა და ახლა ძალ-და-ძალ ხელიდან მართმევს მახვილსა.

— ღმერთი მოწყალეა, მალე ბატონიშვილი კარლოსი დაიდგამს თავზედ გვირგვინსა; იმან იცის მაშინ, ვინ დასაჯოს და ვინ აღამალოოს, გარნა მანამდე თქვენ იმდენად ძლიერი ბრძანდებით, რომ შეგიძლიათ არავის ყური არ უგდოთ.

— მაინც ეგრეა, მე ჩემს გზას არ გადაუხვევ.

თავადმა იქნება არ იცოდა, რომ, რაკი სხვა „ბატონი-შვილები“ მაგალითს მისდევდა, ამის გამო ისიც ალაღ-ბედობაზედ მოქმედობდა, და თუნდაც სკოდნოდა, მაინც თავის გზას არ გადაუხვევდა, რადგან დარწმუნებული იყო, რომ ასეთის ქცევით რესპუბლიკის სახელს ვიცაეო.

თავადმა თავი გააცანცარა ოდნავ, თითქო უნდა განდევნოს იქიდან სამძიმო ფიქრი და აზრიო, და კვლავ ჰკითხა სქშეტუსკის:

— გზაში ხომ არა შეგმთხვევია-რა?

მშენეცკის ტყეებში მძარცველთა დიდს ბრბოს წაეაწყდი და ვძლიე.

— კარგია! ტყენი შეიპყარი? ამას დიდი მნიშვნელობა აქვს ამ ქამად.

— შევიპყარი, მაგრამ...

— მაგრამ უბრძანეთ, რომ დაეხოცათ? ასეა განა?

— არა, თქვენო ბრწყინვალეებავ, გავანთავისუფლეთ.

ერემიამ გაკვირვებით შეჰხედდა სქშეტუსკის. წარბები შეეკრა.

— მაშ, ვგრე? სჩანს შენც მშვიდობიანობის დასს ეკუთვნის?

— თავადლო! მოსაკითხი მოგიყვანეთ: მძარცველთა შორის ერთი სხვანაირად ჩაცმული შლიახტიჩი იყო; ის ცოცხალი გადარჩა. სხვები გავანთავისუფლეთ, იმიტომ რომ ღმერთმა დიდი სიხარული მომივლინა. დიდის სიამოვნებით ვიტვირთებ სასჯელსა!.. ის შლიახტიჩი პან ზაგლობა გახლავთ, რომელმაც კნიაჟნას ამბავი მომიტანა.

თავადი საჩქაროზედ მივიდა სქშეტუსკისთან.

— ცოცხალია ის ქალი, კარგად არის?

— მადლობა უფალსა!

— სად არის ახლა?

— ბარში.

— ოჰ, ბარი მაგარი ციხეა. ჩემო ბავშვო! (თავადმა წაავლო ხელი თავში სქშეტუსკის და რამდენჯერმე აკოცა ზედა) ბედნიერი ვარ თქვენის სიხარულოთა, იმიტომ რომ შვილივით მიყვარხარ.

პან იანმა გულიანად აკოცა ხელზედ თავადსა და იგრძნო, რომ ეხლა უფრო ძლიერ მიყვარს ჩემი ბატონი და მფარველი, ეხლა უფრო პატივსა ვცემო. მრისხანესა და უმოწყალო ერემიას დიდი უნარი ჰქონდა რაინდთა გულის მონადირებისა.

— დიდაც, აღარ მიკვირს, რომ მძარცველნი გაგინთავისუფლებია. რა თქმა უნდა, არავითარს სასჯელს არ განგიწესებთ მაგისათვის. ყოჩალი ყოფილა სწორედ ეგ შლიახტიჩი! მაშ გაღმა მხრიდან ბარამდე მიუყვანია, ჰა? მადლობა ღმერთსა! დღევანდელი დღე სწორედ დღესასწაულია ჩემთვის! ყოჩაღ, ყოჩაღ! ერთი მომგვარე აქ ეგ ზაგლობა!

პან იანი გაეჩანა კარში, მაგრამ სწორედ იმ დროს გაიღო სასწრაფოდ კარები და ოთახში შემოვიდა პან ვერშული, რომელიც შორს იყო წასული თავის თათრებით საზვერაოდ.

— თავადო!—დაიწყო მან ხმა-მალლა ლაპარაკი და თან ძლივს სულს ითქვამდა, — კრივანოსმა დაიპყრა პოლონაია, ამოსწყვიტა ათი-ათასი კაცი... დედა-კაცნი და ყრმანი...

ოთახში თითო-თითოდ შემოლაგდნენ აფიკრები; მოვიდა მოურავ-ერისთავიცა. თავადი ფიქრმა წაიღო. არა სჯეროდა ეს საშინელი ახალი ამბავი და სულ ამას იმეორებდა:

— იქ ხომ მარტო რუსნი იყვნენ დახიზნულნი! ეგ შეუძლებელია, შეუძლებელია!

— ერთი არ გადარჩენილა ცოცხალი, ერთი არ გასულა ქალაქიდან!

— გესმით, ბატონო მოურავო? წადით და მოციქულება გასწიეთ ისეთს მტერთან, რომელიც თავისიანებსაც კი არა ჰზოგავს.

მოურავი ქარხალივით გაწითლდა, ისე მოუვიდა გული.

— ოი, ის ძალლის ნასხლეტნი! რახან აგრეა, ყველაფერს ჯანი გავარდეს. მე თქვენ აღარ დაგტოვებთ, თავადო.

— გაუმარჯოს კიევის ერისთავს!—დაიძახა ზაცვილიხოვსკიმ, ხოლო თავადმა კვლავ ჰკითხა ვერშულსა:

— საით წავიდნენ პოლონაიიდან? ვერა გაიგეთ-რა?

— ვგონებ კონსტანტინოვს წავიდნენ.

— ღმერთო ჩემო! მაშ ოსინსკისა და კორიკის ჯარები ხომ დაეღუპებოდა. უნდა წყენა დავეიფყოთ და წავიდეთ იმათ საშველად. აბა, ამხედრდით საჩქაროზედ, ამხედრდით!

თავადს პირისახე გაუბრწყინდა სიხარულით, გამხდარმა ლოცებმა წითლად დაუწყო ღვივილი: მის წინ კვლავ იშლებოდა გზა დიდებისა.

XIV

ლაშქარმა გაიარა კონსტანტინოვი და როსოლოვცას დადგა. თავადმა ივარაუდა, რომ, როცა კორიცი და ოსინსკი გაიგებენ, პოლონაია აუღიათო, როსოლოვცასკენ დაიწვევენო; ხოლო თუ მტერი გაჰბედავს და უკან გამოეკიდება, ჩემს ჯარს შემოეხლება და სრულიად დამარცხდებაო. ვისნევეცკის მოსაზრებანი თითქმის სულ გამართლდა. ჯარმა დაიჭირა მაგარი ადგილები და იდგა ჩუმაღ, საომრად მომზადებული. წვრილწვრილნი რაზმნი აქეთ-იქით გაიფანტნენ, ხოლო თავადი რამდენისამე პოლკით სოფელში დაბანაკდა და ელოდა მტერს. საღამოზედ ვერშულის თათრებმა მოიტანეს ამბავი, რომ კონსტანტინოვის მხრიდან რაღაც ქვევითი ჯარი მოდისო. თავადი გაეგება წინ თვისის ამალით. მართლაც, სოფელში შემოდინდნენ ჯარები, ჯარები პოლონეთისა, ოსინსკისა და კორიციისა. პოლკოვნიკები სახტად დარჩნენ, თავადი რომ დაინახეს, და ელოდნენ, რას იტყვისო.

— ბედი ცვალებადია, — სთქვა თავადმა. — როცა ჩვენ მოვიწვიეთ, მაშინ არ გინდოდათ მოსვლა და ახლა დაუპატიქებლივ მოხვედით თქვენ თვითონა.

— თქვენო ბრწყინვალეზავ, — გაბედვით სთქვა ოსინსკიმ, — გულითა და სულით მოვიწვედით თქვენთან, მაგრამ ბრძანება არა გვქონდა. დეე, პასუხი იმან აგოს, ვინც ისეთი ბრძანება

მოგვცა, ხოლო ჩვენ ჯარის-კაცი ვართ და არ შეგვიძლია ბრძანებას არ დავემორჩილოთ.

— ახლა უარ-ჰყო თავადმა დომინიკმა ის ბრძანება?

— არა, მაგრამ ახლა სავალდებულო აღარ არის ჩვენთვის ის ბრძანება. ახლა, როცა ჩვენის ჯარის ხსნა და სიცოცხლე თქვენზეა დამოკიდებული, ჩვენი თავი თქვენთვის შემოგვივედრებია და მზადა ვართ, სიცოცხლე ჩვენი თქვენ შემოგწიროთ.

თავადს ეტყობოდა, იამა ასეთი პასუხი. ოსინსკი ესე ორ-მოცი წლის კაცი იყო და გამოცდილის მხედარის სახელი ჰქონდა გავარდნილი. მალალ-მალალი იყო, ტანადი, თაფლის ფერი წვერ-ულვაში ჰქონდა და ჩაცმულობითა და მიხერა-მოხვრით სულ ოც და ათ წლიან ომის პოლკოვნიკსა ჰგვანდა. კორიკვი ჩამომავლობით თათარი იყო და სულ სხვა სახე და იერი ჰქონდა. ტან-დაბალი იყო, დაღვრემილი სახე ჰქონდა და სასაცილოდ ადგა ტანისამოსი, რომელიც სრულიად არ უხდებოდა იმის აზიურ სახეს.

— თქვენს ბრძანებას ველით,—მცირეოდენის სიჩუმის შემდეგ სთქვა ოსინსკიმა.

— გმადლობთ. სიამოვნებით მივიღებ თქვენს სამსახურს. ვიცი, რომ ჯარის-კაცი უნდა ემორჩილებოდეს ბრძანებასა და, თუ კაცები გამოგიგზავნეთ და დახმარება გთხოვეთ, მხოლოდ იმიტომ, რომ არ ვიცოდი, რა დარიგება გქონდათ მოცემული. ბევრს კარგსა და ავს დროსა ვნახავთ ერთად ყოფნით, მაგრამ დარწმუნებულნი ვართ, კმაყოფილნი იქნებით შაინცა. მტერი შორს არის აქედან?

— მოწინავე ჯარი ახლოა, ხოლო უმთავრესი მხედრობა ხვალ დილაზე ძლივს მოვა აქა.

— კარგი, მაშ ჯერ დრო გვაქვს. უბრძანეთ თქვენს ჯარს შეიდანზე გაიაროს; მინდა ვნახო, რა ხალხი მომიყვანეთ.

ახლად მოსული ჯარი მშვენიერი აღმოჩნდა. თავადი უყურებდა და ხარობდა გულში. ქვეითი ჯარი ძალიან ნაკლებადა ჰყვანდა და ეს ახლად მოსულნი ჯარის-კაცი სწორედ ჰოვნა იყო მისთვის. აფიცრებიც ათვალთვრებდნენ თავიანთის მხრით

ახალს ჯარს ოსინსკისა და კორიციკისას და კარგად აკვირდებოდნენ, ნაკლულევიანება ხომ არა აქვს-რაო.

— იმიერ-ქორომელთა ქვეითი ჯარიც კარგია, მაგრამ არც ეს არის იმაზედ ნაკლები,— შენიშნა პან სლეშინსკიმ.

— ღმერთმა ბრძნულად მიანიჭა ერთს ერს ერთი უპირატესობა, ხოლო მეორეს—მეორე,—ჩაერია ლაპარაკში პან ლონგინუს პოდბიპენტა, რომელიც ისე ლაპარაკობდა, თითქო გალობას ამბობსო.—ამბობენ, დედა-მიწის ზურგზე არ მოიპოვება იმისთანა ცხენოსანი ჯარი, როგორც ჩვენია, ხოლო სამაგიეროდ ვერავეთარი ქვევითი ჯარი ვერ შეედრება თურმე ნემენცების ქვეითა ჯარს.

— დიად, ღმერთი სამართლიანია,— დასძინა პან ზაგლობამ.—აი, მაგალითად, იმ დალოცვილმა დიდი შეძლებაც მოგცა, გრძელი მახვილიცა, ძლიერი მარჯვენაცა, მაგრამ სამაგიეროდ ქკუა კი არ მოგცა.

პან ლონგინუსმა თვალები ამოიკიჟა.

— შენს ყბედობას ყურსაც არ ვუვღებ!—თქვა მან გულდამშვიდებით.—შენ კი, მგონია, ღმერთმა გრძელი ენა მოგცა.

— თუ ჰუიქრობ რომ ღმერთი კარგად არ მოქცეულა, ჯოჯოხეთში წახვალ შენის უბიწოებითა: არავის ნება არა აქვს განიკითხვიდეს საქმეთა ღვთისათა.

ვინ იცის, რით გათავებოდა პან ზაგლობასა და პან ლონგინუსის შეკაპუნება, რომ მსწრაფლ-მსრბოლნი არ მოსულიყვნენ და ამბავი არ მოეტანათ, რაღაც ახალი ჯარი მოდისო, რომელიც, ცხადი იყო, ყაზახთა ჯარი არ უნდა ყოფილიყო, იმიტომ რომ სხვა მხრიდან მოდიოდა, მდინარე ზბრუჩიდან. მართლაც, ორს საათს უკან ისეთის ხმაურობითა, ჟივილ-ხივილითა და განგაშის ცემით შემოვიდა ჯარი, რომ თავადი გაჯავრდა და ბრძანა: რაკი მტერი ახლოა, ყოვლადი მღუმარება უნდა იყოსო. ახლად მოსული იყო ბატონი სახასო დარაჯი, სამუელ ლაშჩი, ცნობილი ავანტურისტი, მეტის-მეტი გაიძვერა და თავზედ ხელ-აღებულნი, გარნა მაინც დიდად გულადი მეომარი. თან მოიყვანა რვაასი კაცი იმისთანავე ჯურისა და თოხუმისა, როგორც თეიშონ იყო, ზოგი თავად-აზნაური და

ზოგი ყაზახი,—ერთის სიტყვით, ყველანი სულ სახრჩობელას კერძნი და წერანი. მაგრამ თავადმა ერემიამ იცოდა, რომ მე ამათ მოვატეხინებ თავიანთ აბეზრობას და მოვახერხებ, მგლები ცხვრებად გადავაქციოვო. ეს დღე ბედნიერი დღე იყო მისთვის. ჯერ ისევ გუშინ, როცა მოურავმა წასვლა დააპირა, იძულებული იყო ხელი აეღო ბრძოლაზედა. ხოლო ახლა კაცი კვლავ მოთავე შეიქმნა თითქმის თორმეტის ათასის ჯარისა. მართალია, კრივანოსს ხუთჯერ მეტი ჯარი ჰყვანდა, მაგრამ სამაგიეროდ რამდენი იყო იქ ისეთი, რომელმაც სამხედრო საქმისა არა იცოდა-რა. ახლა კი თავადს დასვენება ფიქრადაც აღარ მოსდიოდა. ჩაიკეტა კარები და დაიწყო ბჭობათათბირი კიევის მოურავთანა, ზაცვილიხოვსკისთანა, მახნიცკისთანა და ოსინსკისთან ომის განგრძობის შესახებ. გადაწყდა, რომ ხვალ დილაზედ ვეკვეთნეთ კრივანოსსაო, ხოლო თუ ის არ მოვიდეს თვითონ, ჩვენ ვეახლოთო.

კარგა ღამე იყო გასული, მაგრამ, რაკი ხვალ სხვა დღე იყო მოსალოდნელი, აფიცრები შემოაშხვეოდნენ დიდს ცეცხლს და მხიარულად ლაზღანდარობდნენ. თან სასმელსა სვამდნენ შექცევითა. თქემებს შემდეგ საშინელი ამინდი დაეჭირა ახლა.

— აბა, აბა, განაგრძე, განაგრძე! — აღარ უსვენებდნენ ზაგლობას ამხანაგები. — დნებრში რომ გახვედით, რას აკეთებდით, ბარს როგორ მიაღწიეთ?

პან ზაგლობამ გადაჰკრა ერთი ჩარეკა სასმელი და უღვაშები მოიწმინდა.

— ერიპა! სულ რომ მოგიყვებ და დაწვრილებით გიამბოთ, ათ ღამესაც ვერ გავათავებ და არც სასმელი იკმარებდა, იმიტომ რომ მოხუცის კაცის ყელი ძველის ურმის ღერძსა ჰგავს, — სულ საპნის სმა უნდა. ისიც გეყოფათ, რომ გითხრათ: მე და კნიაჟნა კორსუნს წავედით, თვით ხმელნიცკის ბანაკში და უვნებელად დავაღწიეთ თავი იმ ჯოჯოხეთს.

— იესო, მარიამ! — დაიწერა პირჯვარი პან ვოლოდივესკიმ, — იქნება მკითხაობლით კიდეცა?

— რაც მართალია, მართალია... ვმკითხაობდი. მკითხაობა მასწავლა აზიაში ერთმა ჯადოქარმა დედაკაცმა. შეეუყვარდი და იმიტომ მასწავლა. მაგრამ მოვიდა სეტყვა და დახვედა ქვაო. ხმელნიცისაც ბევრი ჰყვანდა მკითხავეები და ჯადოქრები; იმდენი კუდიანები შეუყვრიათ მის ახლოსა, რომ ფენს ვერ აუქცევს კაცი. დასაძინებლად დაიწყებს მზადებას, პატარა კუდიანმა უნდა გაჰხალოს წაღები; ტანისამოსზედ ცეცხლი წაეკიდება, კულებით უნდა გაუქრონ ეშმაკებმა; ხოლო როცა გადაჰკრავს თავისებურად, ყველას მიჰბეგვავს ხოლმე: რატომ კარგად არ მემსახურებიართ!

ღვთისნიერმა პან ლონგინუსმა პირჯერის წერა დაიწყო.

— ძელო ჭეშმარიტო, შენ გვიშველე!

— ის კუდიანები და ეშმაკები გამცემდნენ კიდეცა, მაგრამ იმათებურად დავიწყე ლაპარაკი და ველარა გაჰბედეს-რა. მეშინოდა, ხმელნიციმ არ მიცნოს-მეთქი. ორიოდ სხვა ნაცნობი პოლკოვნიკიც იყო, მაგრამ გადავრჩი. ცოტა შევიბღერტე, წვერი წელამდე გამეზარდა, თმები მხრებამდე, მერე ტანისამოსიც სხვა მეცვა... და ვერავინ მიცნო.

— მაშ თვითონ ხმელნიცეი ჰნახეთ და ელაპარაკუთ კიდეცა?

— ხმელნიცეი ჰნახეო? ისე ვუყურებდი, როგორც აი ახლა თქვენ გიცქერით. პოდოლიაშიაც კი გამგზავნა, შეაგულიანე, ხალხი აჯანყდესო და გზა-გზა ჩემი მანიფესტები არიგეო. პერნაჩი*) მომცა, თათრებისაგან დაგისხნისო, ისე რომ კორსუნიდან ყველგან თავისუფლად დავდიოდი. შემხვედებოდნენ თუ არა გლეხ-კაცები, ანუ ქვემოურნი, მე მაშინვე პერნაჩს მივუტანდი ხოლმე ცხვირ-წინა: აბა, უსუნეთ ერთი ამასა და დამელუპეთ აქედანა-მეთქი! სმა-ჰამას არსად არ მაკლებდნენ და ურემსაც შემბავდნენ ხოლმე სამგზავროდ... ი ურემი მიხაროდა უფრო; პატარას მაინც შეისვენებს ჩემი კნიაენა ამდენის დალლილობისა და შეწუხებისაგანა-მეთქი. და უნდა გითხრათ, ბარში

*) გეტმანის კვერთხი, კაცის დამცველ ფირმანის მაგიერია.

რომ მივედით, ისე გაკეთებული იყო უკვე, რომ იქაურებმა კინალამ თვალებით შესჭამეს. ყველას უყვართ იქა; რომ გენახათ, თქვენც შეგიყვარდებოდათ.

— დილაც შეგვიყვარდებოდა!—წამოიძახა ვოლოდიეესკიმ.

— სიტყვა მივეცი ჩემს თავს, არ გაჟერდები, სანამ უშიშარს ბინას არ ვიპოვი-მეთქი. პატარ-პატარა ციხეებსაც არ ვენდობოდი: ამბოხება ვაი თუ ამათაც მისწვდეს-მეთქი. ბარს კი ვერას დააკლებდნენ, თუნდა შეეტიათ კიდეც. ანდრია პოტოცკიმ ძრიელ გაამაგრა ეს ციხე და იმდენადვე აქვს ხმელნიცკის ფიქრი, რამდენადაც მე ამ ცარიელის ბოთლისა. ახლა როგორა გგონიათ, ცუდად ვიქცეოდი, რომ გაუფრბოდი განსაცდელსა? ჯერ მარტო ეს იფიქრეთ, რომ ბოგუნი დამდედა საშინლად და თუ ჩამიგდებდა სადმე ხელში, თავისებურად გადამახდევინებდა საბრიყვოსა. თქვენ იმას არ იცნობთ და მე კი კარგად ვიცნობ... იმასა და იმის თავსა! სანამ ვერ დაემშვიდდები, მანამ იმას არ ჩამოაღრჩობენ. ღმერთო, ერთი ასეთი ბედნიერი ბოლო მოუვლინე იმ არამზადასა, იმას, ჰო და ამინ! არა მგონია, ისე ვისმე ემტერებოდეს, როგორც მე. ბრრ! რომ მომაგონდება, სულ ტანი ამიჯინქრდება ხოლმე. ეს არის მიზეზი, რომ ასე ვეტანები სასმელსა, თორემ ბუნებით სრულებით არ მიყვარს სმა.

— აბა, მაგას რას ამბობ!—გაიკვირვა პოდბიჰენტამ.—შენ, ჩემო ძმაო, ყოველთვის რუმბივითა სვამდი.

— შენ ემანდ რუმში ნუ იცქირები, სულ ერთია, იქ შენი ჭკუისას ვერას იპოვი. მაგრამ მაგას თავი დავანებოთ. ბევრი ვაი-ვაგლახი გამოვიარე, ხმელნიცკის „პერნაჩითა“ და მანიფესტებით მოგზაურობის დროსა. ვინიცას შემხვედა ახლა აქ მყოფის აქსაკის პოლკი, მაგრამ მათხოვრის ტანისამოსი ვერ გავიხადე,—ყაზახებისა მეშინოდა. მხოლოდ მანიფესტები მოვიშორე თავიდან. ერთი ხელოსანია, სურაკი ჰქვიან სახელად, ჯაშუშია იმიერ ქორომელებისა და ხმელნიცკის უზიდავს ამბავსა. იმას გაეატანე უკან მანიფესტები და ზედ ისეთი რამ დავაწერე, რომ ხმელნიცკი, რომ წაიკითხავს, ცოცხალს გააძრობს ტყავსა.

ახლა იქვე ბარს ახლოს, ისეთი უბედურობა დამატყდა თავსა, რომ კინალამ წყალში არ ჩაეხრჩე.

— რა იყო განა, რა მოხდა?

— შევეფეთე მთვრალ ჯარის-კაცებს, ერთ ვილაც თავზედ ხელ-აღებულეებს. იმათ მოჰკრეს ყური, რომ კნიაენას პანნა დაეუძახე, ახლა აღარცა ვფრთხილობდი, — ჩვენები ახლო არიან მეთქი. გადამეკიდნენ ის ოხრები: „ეს რა უცნაური მეფანტურია და ან ეს სადაური ბიჭიაო, რომ „პანნას“ ეძახიანო. და-უწყეს ყურება კნიაენას: კალმით ნახატიაო და ის არის. თან და თან უარესად გამიჭირეს საქმე... როგორც იყო კუთხეში მივ-მალე ჩემი საწყალი ბიჭი, ავეფარე წინა და ვწვდი ხმალსა...“

— საკვირველია, — გააწყვეტინა სიტყვა ვოლოდიევიკი, — როგორ მოახერხე, რომ მათხოვარას ტანისამოსით იყავი და წელზედ კი ხმალი გერთყა?

— როგორა? — ჰკითხა ზაგლობამ იმ კილოთი, ვითომ ვერ გავიგონე შენი ნათქვამიო. — ხმალიო? მერე ვინ გითხრა რომ ხმალი მერთყა? ჯარის-კაცის ხმალსა ვწვდი, იქვე იღო სტოლზედ. დუქანში მოხდა ეს ამბავი, შჩიბინცას. ერთის თვალის დახამხამებაში ორი არამზადა მივაწვინე იქვე; იმათ დამბაჩებს გაიკრეს ხელი. ვუყვირი: გაჩერდით, თქვე ძაღლის შვილებო, მე შლიახტიჩი ვარ-მეთქი? ამ დროს რაღაც ყვირილი მოისმა ქუჩიდან: ჯარი მოდისო! მერე აღმოჩნდა, რომ პანი სლოგოშევსკაია მოდიოდა და იმას თან ცხენოსნები მოჰყვებოდნენ თან ახლდა თვისი პატარა ვაჟიშვილი და ორმოცდა ათი ცხენოსანი. იმათ ჩააჩუმეს, როგორც იყო, ის ავაზაკი. მე პანის მივმართე და ისე დაეუწყე ლაპარაკი, ისე აუჩუყე გული, რომ მაშინვე ტირილი დაიწყო. კნიაენა ეტლში ჩაისვა და ყველანი ბარს წავედით.... გგონიათ, ეს არის გათავდალო? ჯერ სად არის!...

უცბად პან სლეშინსკიმ გააწყვეტინა ლაპარაკი პან ზაგლობას:

— შეჰხედეთ, შეჰხედეთ ერთი! — დაიწყო იმან ყვირილი. — ეს რა არის, გათენებაა თუ რა არი?

— შეუძლებელია, გათენება იყოს!—უპასუხა სქშეტუსკიმ.—
ჯერ აღრეა!

— რა ექნა, ეგ ნათელი ხომ კონსტანტინოვის მხრისკენ
მოსჩანს!

— სწორედ ეგრეა. მერე თან და თან უფრო ძლიერდებ-
ა სინათლე!

— კრივანოსი თუ მოვიდა პოლონაიდან.

მოისმა ხმა განგაშისა და საყვირთა. აი მოხუცი ზაცვი-
ლიხოვსკიც გაჩნდა რაინდთა შორის.

— ყმაწვილებო!—დაიძახა იმანა,—ძალიან საყურადღებო
ამბავი მოვიდა, მტერი ახლოა, ეხლავ გზას უნდა გავეუდგეთ!
აბა, თქვენ თქვენს საქმეს მიჰხედეთ!

აფიცრები საჩქაროზედ გაექანნენ თავთავიანთ რაზმების-
კენ. მოსამსახურეებმა დააქრეს ცეცხლი და ერთს წუთს შემ-
დეგ მთელი ბანაკი სიბნელემ მოიცვა. მხოლოდ შორს, კონს-
ტანტინოვის მხრისკენ, სინათლე თან და თან უფრო ძლიერ-
დებოდა. აგერ ჩუმად ანიშნეს ჯარს, ამხედრდითო. ჩამოვარდა
ღუმილი და ამ ღუმილში ისმოდა მხოლოდ ცხენების ბაკა-ბუკი,
ქვეითის ჯარის წყობისად სიარულის ხმა და ყრუ კრიალი ვურ-
ცელის არტილერიის თვლებისა. ათასში ერთხელ თოფი-თოფ-
სა ხვდებოდა და ისმოდა ხმა ბრძანებისა. რალაც მრისხანე და
შავ-ბედითი ხასიათი მიეცა ამ ლაშქრობას, რომელიც ბნელს
ღამეში მზადდებოდა. რაზმ-რაზმად დაწყობილი ჯარი, თითქო
უზარმაზარი გველიაო, ნელ-ნელა მიდიოდა კონსტანტინოვის
გზაზედ. მაგრამ ივლისის მშვენიერი ღამე ილეოდა. როსოლოვ-
ცას მამლებმა ყივილი დაიწყეს. კონსტანტინოვამდე მცირედი
გზა-ღა იყო გასაღვლედი. აგერ განთიადმაც მოატანა და ნელ-
ნელა გაათავისუფლა შავის სუდარისაგან ტყე, მინდორი, თე-
თრის ლენტეხით გაქიმული გზა და ზედ მიმავალი მხედრობა.
ამოვარდა დილის ცივი ნიავი და ფრიალი დააწყებინა დრო-
შებსა. წინ მიდიოდნენ ვერშულის თათრები, მათ შემდეგ ყა-
ზახნი პონიატოვსკისა, მერე დრაგუნები, არტილერია ვურცე-
ლისა, ხოლო ქვევითი ჯარი და გუსარნი უკან მისდევდნენ.

პან ზაგლობა სქშეტუსკის მხარ-და-მხარ მიდიოდა, მაგრამ როგორღაც მოუსვენრად ტრიალობდა უნაგირზედ. ეტყობოდა, რომ ბრძოლის მოახლოვების უამი აწუხებდა.

— პან სქშეტუსკი... დაიწყო მან ისე ჩუმად, თითქო ეშინიან, არავინ გაიგონოსო.

— რაიო?

— ერთი ეს მიხზარი: გუსარნი წავლენ პირველად?

— ძველი გუსარი ვარო, იძახი, და ის კი არ იცი, რომ გუსარნი თავისთვისა დგანან ომის გათავებამდე, ვიდრე უკანასკნელი წუთი არ დადგება და ძალა მტრისა არ შესუსტდება.

— ეგ ვიცი, ვიცი, მაგრამ ერთხელ კიდევ მინდოდა დავრწმუნებულიყავ.

პან ზაგლობამ უფრო ხმა-დაბლა დაიწყო ლაპარაკი.

— კრივანოსი მთელის თვისის მხედრობით არის აქა?

— დიად.

— რამდენი ჰყავს ჯარი?

— სულ სამოცი ათასი კაცი, მდაბიონიც რომ ჩავაგდოთ.

— აი ჯანაბას იმისი თავი!—ველარ მოითმინა ზაგლობამა და დაიწყო ლანძღვა.

სქშეტუსკის ღიმილი მოუვიდა.

— თუ ღმერთი გწამს, არ იფიქრო, ვითომ მეშინიან,— ისევე ჩურჩულთ განაგრძო პან ზაგლობამ,—ნაფაზი მაქვს და როცა ბევრი ხალხი მოიყრის ხოლმე თავს ერთს ალაგას, სულ ვიხრჩობი. აი ხმალში გასვლა, მაგალითად, სულ სხვა არის... იქ ხერხი უნდა, ჩემო სქშეტუსკი, და დიდს ხალხში კი ხერხიც ველარასა სჭრის; დიად, იქ თავი კი არა, მარჯვენა მუშაობს. დიდს ხალხში, უნდა გითხრა, პოდბიპენტაზედაც კი ტუტუცი ვარ ხოლმე. ქამარში ორასი ოქრო მაქვს ჩაკერებული, თავადის ნაჩუქარი, მაგრამ, ღმერთს გეფიცები, სიამოვნებით დავტოვებდი სადმე ამ ოქროს, ოღონდ ჩემი თავიც დამეტოვებინა სადმე. ოჰ, არ მიყვარს ეგ დიდი ბრძოლა-ომი და ან რა მოსაგონი იყო ერთი!

— გულ-დამშვიდებული უნდა იყო, სხვა არა გინდა-რა.

— გულ-დამშვიდებული? მე იმისი მეშინიან სწორედ, რომ გულადობამ არ გამიტაცოს და ჩემი მოხერხება იმან არ დასძლიოს. მერე ცუდი ნიშანიცა ვნახე: ცეცხლთან რომ ვისხედით, ორი ვარსკვლავი მოსწყდა, ვინ იცის ერთი მათგანი ჩემიც იყო?

— ღმერთი დაგაჯილდოვებთ თქვენის კეთილის საქმეებისათვის.

— ვაი თუ წინდაწინვე საუკუნო ნეტარება დავიმკვიდრო?

— მაშ, რატომ ბანაკშივე არ დარჩით?

— მე მეგონა, აქ უფრო უშიშრად ვიქნები მეთქი.

— არც შემცდარხართ.... მაგრამ შეხედე: აი სლუჩიცა, ვიშოვატის ტბაცა.

მართლაც გამოჩნდა ვიშოვატის ტბა და იმისი წყალი შორიდანვე ბრწყინავდა. მთლად ჯარი უცბად გაჩერდა.

— აქ უნდა იყვეს ომი?— მოუსვენრობით იკითხა პან ზაგლობამ.

— არა, თავადი აქ დააწყობს ჯარს საომრად.

— არ მიყვარს არეული ხალხი და ვიწროობა, ვიმეორებ, არა-მეთქი.

— გუსარნი მარჯვნივ დასდგენ!— გაისმა ხმა მოამბესი.

ახლა კი სულ გათენდა. ცის სიწითლე სულ გაჰქრა მზეზედა! მისმა ოქროსფერმა სხივებმა გუსართა შუბებზედ დაიწყოლაპლაპი. კაცს ეგონებოდა ათასი სანთელი ანთია რაინდთ ზემოთაო. თავადმა დაათვალიერა თვისი მხედრობა და იმანაც მალევა აღარ დაიწყო, ხმა-მალლა შემოსძახა სიმღერა და გასწია წინ. სიმღერის ხმა მოედო ნამიანს მინდორს და უწია ნაძვის ჯერ ისევ მძინარე ტყის მტევრსა და იმანაც ბანი მისცა მხედრობასა.

ტბის იქითი ნაპირი, სადამდინაც კი თვალი მისწვდებოდა, სულ ყაზახებით იყო სავსე. რაზმი რაზმზედ ემატებოდათ კიდევ; მოსჩანდნენ ცხენოსანნი იმიერ-ქორომელნიცა, გრძელის შუბებით შეიარაღებულნი, ქვეითი ჯარიცა, მხარზე თოფ-გადა-

გდებული. ზღვა გლეხ-კაცობაცა ცელებითა, ორ-თითებითა და კეტებითა. იმათ იქით ბუნდად მოსჩანდა ბურუსში გახვეული ბანაკიცა. მრავალი ურემთა ჭრიალი და ცხენთა ჭიხინი თავადის ჯარის-კაცთა ყურამდე აღწევდა. ყაზახნი კი უფრო მშვიდად მოდიოდნენ, ჟივილი და ღრიანცელი არ გაჰქონდათ. ისინი გაჩერდნენ ჯებირის და გოდორ-ყურების მეორე მხარეს. ორი მტრად შეყრილი ჯარი ღუმლით გასცქეროდა ერთმანერთს.

პან ზაგლობამ, რომელიც კული-კულს მისდევდა სქშეტუსკის, უნებურად წაიბუტბუტა:

— იმ დალოცვილმა ღმერთმა რად გააჩინა ამდენი ავაზაკნი მგონია, თვით ხმელნიცკია აქ მთელის თვისის მხედრობითა... ხმასაც არ ამოგვალეზინებენ ეგენი... სულ გაგვთელავენ... უფრო და უფრო ემატებათ ჯარები. მიწამ კი უყოს პირი მაგათა, კაი ხალხი ეგენი არიან! სულ ჩვენ უნდა დაგვესხან თავსა ჰა? ეშმაკებსა და ქაჯებსაც დაუბრჩვიხართ ყველანი!

— ნუ იგინებით, პან ზაგლობა, დღეს კვირაა.

— მართალი ხარ. დღეს ხომ კვირაა. სჯობს ღვთის მოსაწონი საქმე ვიფიქროთ. Pater noster, qui es in coelis... არავითარს შეწყალების არ უნდა მოელოდეს კაცი მაგ სულელეზისაგან... Sanctificetur nomen tuum... რალაც უბედურება კი მოხდება ამ ჯებირებზედ!... Advenit regnum tuum... უჰ, სული ცელში მომებჯინა კიდევ... Fiat voluntas tua... ქირიმც გაგჩენიათ და გაუწყვეტინხართ... პან სქშეტუსკი, ერთი გაიხედეთ, აიქითა! რა არის აისა?

კარგა ბლომა ხალხი განშორდა შავად შეტბორებულ ბრბოს და გამოემართა არევ-დარევით ჯებირისკენ.

— ომის დამწყობნი არიან, — უპასუხა პან სქშეტუსკიმ. — ახლავ ჩვენებიც დაუპირდაპირდებიან.

— ომიც ეხლავე დაიწყება?

— უეჭველია.

— აი ჯანაბას იმათი თავი! (პან ზაგლობა თან და თან უფრო ცუდს გუნებაზედა დგებოდა). მაგრამ ერთი ეს მინდა

ვიცოდე ძრიელა: რა მიზეზია, აგრე გულ-გრილად უცქერი ყოველ ამას, თითქო თქვენს თვალ-წინ საინტერესო კომედია-სა თამაშობენო, თითქო საქმე თქვენს სიკვდილ-სიცოცხლეს არ შეეხებოდეს?

— შეჩვეულები ვართ ჩვენა; აკი გითხარი წინადაცა.

— წინ წახვალთ ახლა, ჰა?

— კარგის პოლკების რაინდებს არ შეშვენით, რომ მაგისთანა მტერს თავი გაუყადრონ. ესეც კია რომ ამისთანა შემთხვევაში განსაკუთრებული წესი არა არის-რა: ის წავა, ვისაც უნდა, ან ვისაც გული ერჩის!

— აიგერა ჩვენებიცა, ჩვენებიცა!—პან ზაგლობამ დაინახა, რომ ვოლოდიევსკის დრაგუნებიც ჯებირებისაკენ გაემართნენ.

იმათ მისდევდნენ მსურველნი ომისა, თითო რაზმიდან რამდენ-რამდენიმე კაცი. მათ შორის იყვნენ: ქერა ვერშული, კუშელი, პონიატოვსკი, ორივე კარვიჩები, ხოლო გუსართაგან პან პოდბიპენტა.

მანძილი ორ რაზმ შორის სწრაფადა პატარავდებოდა.

— ბევრს კარგს სანახავს დაინახავთ, — უთხრა სქშეტუსკიმ თავისს მეზობელსა. — კარგად ათვალიერეთ პოდბიპენტა და ვოლოდიევსკი. ორივენი დიდებულნი რაინდნი არიან. აიგერა, ჰხედავთ?

— ვხედავ.

— კარგად უყურეთ. ძალიან მოგეწონებათ.

XV

გარნა მოწინააღმდეგენი დაუპირდაპირდნენ ერთმანერთს, შეაყენეს ცხენები და მოჰყენენ კაპუნსა.

— მობრძანდით! კარგ მასპინძლობას გავიწივთ! ეხლავ ძაღლებს დავაძღობთ თქვენის ხორცითა!—უყვიროდნენ თავადის ჯარის კაცნი.

— თქვენსას ძაღლებიც არა სჭამენ!

— ამ ტბაში ჩაღებებით, თქვე არამზადანო, თქვენა!

— ვისაც უწერია, ის ჩაღვება. თქვენ ჯერ თევზები შეგკამენ.

— თქვენ წადით და ნიჩბით სასუქი ურიეთ, ტეტებიო. ეს უფრო შეგშენით, ვიდრე ხმლის ხმარება.

— ჩვენ ტეტები: ვართ და ჩვენი შეილებიკი შლიახტიჩები იქმნებიან: თქვენი პანები დაჰბადებენ იმათა...

რომელიღაც ყაზახი, როგორც ეტუობოდა, დნებრ გაღმამხრელი, წინ გამოვიდა და მალალის ხმით დაიძახა, რაც ძალი და ღონე ჰქონდა:

— თავადს ორი ნათესავი ქალი ჰყავს! უთხარით რომ ორივენი კრივანოსს გამოუგზავნოს...

ვოლოდიევსკის თვალთ დაუბნელდა, ისე ეწყინა ასეთი მკრეხელობა და ღვთის საგმობი ლაპარაკი. ჰკრა მაშინვე დეზი ცხენსა და მიეტევა იმიერ-ქორომელსა.

პან სქუმეტუსკიმ დაინახა ესა და დაუძახა ზაგლობას:

— ვოლოდიევსკიმ გააქენა ცხენი, ვოლოდიევსკიმ! აბა, უყურე! აიგერა, აი!

— ვხედავ, ვხედავ!— იძახდა პან ზაგლობა.— აიგერა ეცნენ ერთმანერთს!... იბრძვიან!... ერთი! ორი! აბა, ერთი კიღევ! იიფ!... გათავდა! ჯან, ვაჟკაცო, აი ის ძალლი, ისა!

მართლაც კადნიერი მოლაპარაკე დაეცა, თითქო მეხი დაატყდა თავსაო; ისე დაეცა, რომ თავი თავიანთ ჯარისაკენა ჰქონდა, რაიცა ცული ნიშანი იყო მტრისათვის.

ამ დროს გამოხტა მეორე და უნდოდა უეცრად დასცემოდა თავს ვოლოდიევსკისა, მაგრამ ვოლოდიევსკი იმ წუთსვე მოუტრიალდა... და აი სწორედ აქ გამოჩნდა, რა საოცარი მხმარებელი იყო ხმლისა ეს ახალგაზდა რაინდი. კაცს ეგონებოდა, ოდნავ გადიტრიალა მაჯაო და მისმა დაშნამ კი ჰაერში გაიპრიალა რკალივითა და ყაზახის ხმალი წკრილით გადავარდა ძირს. ვოლოდიევსკიმ სტაცა ხელი კისერში მოპირისპირეს და ცხენიანათ თავისიანებისაკენ წამოათრია.

— ძმანო, მიშველეთ, დამიხსენით!— დაიძახა ყაზახმა.

მაგრამ ყოველივე წინააღმდეგობა ამაო-ლა იყო. საცო-დავი ჰხედავდა, რომ თუ ოდნავ ხელი გაენძრია, მაშინვე გაათა-ვებდნენ და ამიტომ დაემორჩილა თავისს ბედსა.

მტერთა ბანაკთან გამოდიოდა რამდენ-რამდენიმე კაცი და სათითაოდ ებრძოდნენ ერთმანერთსა, ბუმბერაზობდნენ. გარეშე მაყურებელს ეგონებოდა, რომ რაინდნი ატარებენ დრო-სა, ვარჯიშობენო. მხოლოდ ხან და ხან სწორედ იქიდან, საცა ბრძოლა იყო, გამოხტებოდა ცარიელი ცხენი უპატრონოდ, ან არა და ათასში ერთხელ ტბის ანკარა წყალში მძიმედ ჩაფარ-დებოდა გვამი რომელისამე მეომრისა.

თან და თან ფიცხდებოდა გული ორისავე მხედრობის ჯარის-კაცთა; თითოეულს სული-მწართ უნდებოდა ომი და შებრძოლება. უცხად სქშეტუსკიმ ტაში-ტაშს შემოჰკრა:

— ვერშული მოჰკლეს... ცხენიანათ დაეცა ძირსა... დაი-ნახეთ, აიმ თეთრ ცხენზედ იჯდა?

ნამდვილად კი ვერშული მოკლული არ იყო: ცხენიანათ ძირს დასცა მხოლოდ პულიანმა, თავად ერემიასთან ნამყოფმა ყაზახმა, დღეს ყაზახთა ბანაკში მეორე კაცმა კრივანოსის ჯარ-ში. ისეთი მძლავრი კაცი იყო, რომ ძალდაუტანებლივ შეეძ-ლო ორი ნალი ერთად გადაემტვრია. ტოლი და სწორი არა ჰყვანდა ბუმბერაზობაში. როცა ვერშულს საქმე გაუთავა, პუ-ლიანმა გაიქნია თავისი საშინელი ხმალი და ორად გააპო პო-ლონელი აფიცერი კუროშლიახტიჩი. ყველამ უკან დაიწია, მხოლოდ ერთმა პან ლონგინუსმა მიჰმართა მტერს თავისი ინფლიანდურის ცხენითა.

— გაგათავებ!— დაუძახა პულიანმა, როცა დაინახა გულა-დად მისკენ მიმავალი.

— რა გაეწყობა!— უპასუხა პან პოდბიპენტამ და შეიმა-ღლა თავისი ხმალი.

მსუბუქი ხმალი ჰქონდა თანა; სახელოვანი „ზერვიკაპტუ-რი“ დიდებულ საქმეთათვის იყო დანიშნული და ამ ქამად ბანაკში დაეტოვებინა ერთგულ მსახურთანა. პალიანი გაუმა-გრდა პირველს შემოქნევას, თუმცა მაშინვე მიხვდა, რომ მისი

მოპირისპირე ჩვეულებრივი მეომარი არ იყო. კაცმა არ იცის, იმის შიშით, რომ ვაი თუ პან ლონგინუსის ცხენმა წყალში გადამაგდოსო, თუ იმიტომ, რომ თავისი ხერხი და უნარი უნდოდა გამოეჩინა, როგორღაც ისე კი ამოეკრა გვერდში ყაზახი პოდბიჟენტასა, რომ ხელი ჩასჭიდა მოწინააღმდეგესა.

ისე დაბლუჯეს ერთმანერთი, როგორც დათვებმა, რომელნიც ძუ დათვისათვის იბრძვიან, როგორც ორმა ნაძვმა, ერთს ჯირკზედ ამოსულმა.

ყველამ სული განაბა და ყურს უგდებდა იმათს შებრძოლებას. ისინი კი, კაცს ეგონებოდა, ერთს აღამიანად გადიქცნენო და დიდ ხანს იყვნენ გათანგულნი უმოძრაოდ; მხოლოდ პირი სახე დაუჯიჯოვდათ და გაბერილი ძარღვები ამტკიცებდა, რა საშინელს ყოფაში იყვნენ ორივენი.

ატამანს თან და თან უფრო გაულურჯდა სახე. გავიდა წამიცა. მაყურებელთა მოუთმენლობამ იმატა. უცბად დუმილი დაირღვა და მოისმა მკვეთრ-მკვეთრი, ხრინწიანი ყვირილი:

— გამიშვი...

— ვერა... ჩემო კარგო! — უპასუხა მეორემ.

ერთი წუთი კიდევ და უცებ რალამაც გაიტკაცუნა, მოისმა გმინვა და პულიანის პირიდან წამოვიდა თბილი, შავი სისხლი. საწყალს თავი ზედ გულზედ ჩამოეკიდა.

პან ლონგინუსმა ასწია ეს კაცი და, ვიდრე მაყურებელნი მიხედებოდნენ, რა ამბავიაო, გადისროლა ძირს და იერიშით წამოაგოგმანა ცხენი თავისიანებისაკენ.

— Vivati! — დაიწყეს ძახილი ვისნევეცკის მხრიდან.

— სიკვდილი მაგათა! — მოისმა პასუხად ყვირილი იმიერ-ქორომელებისა, რომელნიც ჯგუფად გამოექანნენ, რომ შური ეძიათ წინამძღოლის სიკვდილისათვის. გაცხარდა ომი და ყაზახნი, თუმცა ვაჟაკურად იბრძოდნენ, სულ ამოსწყდებოდნენ გამოცდილ მტერთან ბრძოლაში, რომ კრივანოსის ბანაკიდან არ შემოსმენოდათ ხმა საყვირისა უკან დასაწევად.

იმიერ ქორომელთ უკან დაიწიეს, პოლონელები ერთს წუთს გაჩერდნენ, თითქო იმისთვის, რომ ენიშნებინათ, გამარ-

ჯგუბა ჩვენ დაგვჩაო, და ისევ თავისიანებთან დაბრუნდნენ. ჯებირები დასარიელდა, იქ დარჩნენ მხოლოდ მკედართა გვამნი, საშინელი წინამორბედი ნიშანი მერმისისა. შავადა და ბნელად იცქირებოდა ორისავე ჯარისაკენ ეს გზა სიკვდილისა; მხოლოდ ნელმა ნიაგმა ააბიბინა ოდნავ სარკესავით წმინდა ზედაპირი ტბისა და გულ-საკლავად გაიზუზუნა მის ნაპირად არიგ-ჩარიგებულ ნერგებში.

რამდენიმე წუთი კიდევ გავიდა და ჯებირები გადმოლახა კრივანოსის აღურაცხველმა მხედრობამა. წინ მოდიოდა ბრბო მდაბიოთა, შემდეგ იმიერ-ქორომელთა ქვეითი ჯარი, ცხენოსანი რაზმნი, თათრები და ყაზახთა თოფჩები, — ყველანი კი სულ ურიგოდა და უწყესოდ მოიწევდნენ წინ. ერთი-ერთმანეთს აწვებოდნენ, ზედ აწყდებოდნენ, რიცხვ-მრავლობით უნდოდათ აელოთ ჯებირები და ეძლიათ მტრის ჯარისათვის. განადირებულს კრივანოსს სწამდა მხოლოდ ძლიერება მაჯისა და ხმლისა, უარ ჰყოფდა სამხედრო ხელოვნებას და ამიტომ მთელის ჯარით მიიტანა იერიში; ამასთანავე ზურგის ჯარებს უბრძანა, მისდიეთ მეწინავეთა და უკან არ მოახედოთო. ალბად ფიქრობდა, ასე მაინც დავატან ძალას და ვაომებო. აგერ დაიწყო თოფის ტყვიამაც ზუზუნნი და ცვენა წყალში. თავადის ჯარებს ერთიც არა ხედებოდა, რადგან მეორე ნაპირას იდგნენ ქადრაკის კაცთა წესისამებრ.

ერემია იდგა მალლობ ადგილას და შუბლის კოპების შეკვრაზედ ეტყობოდა, რომ არ მოსწონდა ასეთი უწყეს-ურიგობა მტრის ჯარებისა.

— როგორც ეტყობათ, ომისა სულ არა ესმით-რა: მოდიან ერთბაშად, თითქო სიპრავლით უნდა ლელო გაიტანონო, მაგრამ ჩვენამდე ვერ მოალწევენ, — უთხრა მან გვერდით მდგომს მახნიცკისა.

მართლაც ყაზახებმა ნახევარ-გზა კი გამოიარეს ჯებირებისა და გაჩერდნენ, რადგან თავადის ჯართა მღუპარებამ შეაფიქრიანა ყველანი.

მაგრამ აგერ ერემიას მხედრობამ უკან დაიწია და ტბის ნაპირად დიდი რკალივით მოედანი დასტოვა საბრძოლველად.

კორიკის ქვეითი ჯარი ჩამოეცალა ვურცელის თოფებს და გამოჩნდა მისის ზარბაზნის ტუჩები, ხოლო კუთხეში, ჯებირებსა და მდინარე სლუჟს შუა, ლელიანებში მოსჩანდნენ ოსინსკის თოფოსანი ნემენცები.

ყოველ მცოდნე კაცისათვის ცხადი იყო, ვისკენ იქნებოდა იმდღეს გამარჯვება. მხოლოდ კრივანოსისთანა დამთხვეულს შეეძლო გაეებდნა ამისთანა გარემოებაში ომის დაწყება. ამ ჯებარებზედ ვერავითარი მხედრობა ვერ გადმოვიდოდა, თუ კი ვისნევეცკი მოინდომებდა დაეშალნა.

გარნა თავადმა განზრახ გადასწყვიტა, დაე გადმოვიდეს ერთი ნაწილი მტრის ჯარისა ჯებირებს აქეთაო; მერე უფრო ადვილი იქნება მისი ამოწყვეტაო. დიდებული მხედართ-მთავარი ჰხედავდა მტრის გამოუცდელიობასა და, რასაკვირველია, ცდილობდა თავის სასარგებლოდ გამოეყენებინა ეს გამოუცდელიობა. მტერს არ ესმოდა, რომ ველარავითარს შემწეობას ვერ მისცემდა თავისს ჯარს, მეორე ნაპირას გადასულსა, რაკი ჯებირებზედ გადასავალ ვიწრო გზის მეტი ხელთ არ ექმნებოდა.

კრივანოსის უბედურება ის იყო, რომ დიდი იმედი ჰქონდა თავისის თავისა, თავ-მოყვარეობას ველარა სძლია და, ამას გარდა, უზომოდ სწყუროდა სისხლის ღვრა. ატამანმა გაიგო, რომ ხმელნიცკი მოდის ჩვენდა მოსაშველებლადაო და მიბრძანებს, სინამ მე არ მოვიდე, ნუ შეებმები ერემიასაო, მაგრამ მაინც ამის მიუხედავად, ისწრაფებოდა მტერთან შებმასა!

აქაოდა პოლონაია აიღო, აღარ უნდოდა, რომ სხვას ვისმე წილი დაედო იმ დიდებაში, რომელიც ამ გამარჯვებით მოიხვეჭა. თუნდ ნახევარ ჯარი გამიწყვიტონ, რაო მერე?—ფიქრობდა გულში:—სამაგიეროდ ამოვწყვეტავ თავადის ჯარს და ხმელნიცკის საჩუქრად მივართმევ ერემიას მოკვეთილს თავსაო.

ამასობაში ბრბოთა ზვირთმა გადმოლახა ჯებირები და გაიფანტა თავისუფალს მოედანზედ, მაგრამ იმავე წამსვე ოსინსკის

დამალულმა ქვეითმა ჯარმა დაუშინა თოფი გვერდის მხრიდან, ვურცელის ზარბაზანთა ტუჩებიდან გამოვარდა მოლურჯო ბოლი, დედა-მიწამ დგანდგარი დაიწყო და ატყდა გამართული ომი.

ხშირმა კვამლმა მოიცვა სლუჩის კიდენი, ტბა, ჯებირები და თვით მინდორი, მხოლოდ აქა-იქ გამოჩნდებოდა წითელი მუნდირები ღრავუნებისა ანუ ფრთიანი ჩაჩქნები გუსართა.

ყაზახთა ბანაკიდან სულ ახალ-ახალნი რაზმნი ემატებოდა მეომართა. ელვასავით სწრაფად იშლებოდნენ გან-და-გან და გამძვინვარებით ესხმოდნენ თავს თავადის ჯარსა. ბრძოლა გაჩაღდა და მთლად ტბის ნაპირად, იმადგილამდე, საცა სლუჩის მოსახვევი ჰქონდა, საცა ქაობიანი ველ-მინდორი მოსჩანდა.

ყაზახებს მეტი ჯანი არა ჰქონდათ, ან უნდა გაემარჯვნათ, ან ამოწყვეტილიყვნენ. წინ მტერი ედგათ, უკან წყალი იყო.

როცა გუსარნი სისწრაფით წავიდნენ წინ, პან ზაგლობაც, (თუმცა ნაფაზით იყო ავად და ძალიან ეჯავრებოდა მქიდროობა) სხეებს გაჰყვა თანა. სხვა გზა არა ჰქონდა. ასე რომ არ მოვიქცე, ვინ იცის, ვაი თუ მხდალობა დამწამონო, ეშმაკს ფეხი არ უჩანსო. მიაქენებდა ცხენს თვალე-დახუჭული და მის თავში ერთი აზრი სასწრაფოდ მოსდევდა მეორეს. „ხერხი ვერ მიშველის? ჯანაბას მისი თავი! სულელი მოგებაში რჩება, ბრძენი სიფრთხილით ფუქლება!“ მერე გული გაუბოროტდა და დაუწყა გინება ომსაც, ყაზახთაც, გუსართაც და ყოველსავე. თან იგინებოდა და თან ლოცულობდა. ქარს ზუზუნნი გაჰქონდა იმის ყურებში, სუნთქვა უჭირდებოდა... ენახოთ, უცბად გაჩერდა მისი ცხენი. გააჰყიტა თვალეები და ღმერთო! რა დაინახა?.. ამართულნი ცეღნი, ხმაღნი, კეტნი, გაჭარხლებული პირი-სახენი, გრძელნი ქიშვარდებიანი ულვაშები,—მერე ყოველივე ესე არ იცის, ვის ეკუთვნის, ყოველივე ხტუნაობს, ერთს წუთს არა ჩერდება.... ერთი კაცმა იკითხო, ე მტერი რატომ არსად მირბის, აი თუნდ ეშმაკებთან და ქაჯებთან, მერას მეჩხირება თვალეებში, პან ზაგლობასა, და მაიძულებს ვე-ომო? ჰო, მაშ თქვენ ვგრე გნებათ!—და პან ზაგლობამაც და-

ჰხუქა თვალები და დაუწყო ქნევა ხმაღს მარჯვენია და მარცხენია. მისი ხმალი ხან ამაოდ გაიშხუვლებდა ჰაერში, ხან კი რალაც მბიღს ჩაერქობოდა. ამასთანავე პან ზაგლობა ჰგონებდა, რომ ისევ ცოცხალი ვარო და ეს გარემოება უფრო უმატებდა გულადობას.

— სცემე! ჰკაფე!—ჰყვირის ზაგლობა, რაც შეუძლიან; ბოლოს, ვნახოთ, მტერმა პირი იბრუნა და მირბის.

— მირბიან?—სწრაფად გაუელვა ზაგლობას ამ ფიქრმა თავში.—დიად, სწორედ მირბიან!—მაშინ კი მისმა გულადობამ უმწვერვალესობამდე მიაღწია.—ჰაი, თქვე ავაზაკნო, თქვენა! მაშ, აგრე ებრძვით თქვენ შლიახტას?!—ზაგლობა გაექანა ლტოლვილ მტრისკენ, შევარდა იმათს გუნდში, მიაღწია თვით შუა გულამდე და დაუწყო სრვა უფრო მეტის გონება-დატანებით. ხოლო მისმა ამხანაგებმა დაინახეს ამ ღროს ახალი გუნდი ქვემოურთა და გამოეკიდნენ იმასა.

უცხად პან ზაგლობამ იგრძნო, რომ ჩემმა ცხენმა ნაბიჯს უკლოვო და ამ ღროს რალაც მძიმე დაეცა თავზე და შემოებობრბლა სახეზედ.

— ამხანაგნო! ძნანო! დამიხსენით!—დაიღრიალა მან და უწყალოდ დაუწყო ცემა ცხენს დეზებითა, მაგრამ წყეული პირუტყვი ჰგმინავდა მხოლოდ და ფეხს არ იცვლიდა ადგილიდან.

პან ზაგლობას ესმოდა ხმაურობა, ყიჟინი ცხენოსანთა, რომელნიც ქენებით მიჰქროდნენ მის ახლოს... ესმოდა რალაც გრიალი, ხმა ქარტეხილისა... მერე კი ჩამოვარდა დიდი მღუმარება, და კვლავ სხვა-და-სხვა ფიქრი, სწრაფი, როგორც თათრის ისარი, მიესია მის გონებას.

— რა ამბავია? რა მოჰხდა? იესო, მარიამ! ტყვედ შემიპყრეს თუ რა არის?

პან ზაგლობას ქირის ოფლმა დაასხა შუბლზედ. ცხადი იყო, რომ თავ-პირი შეუბუზნეს, როგორც ოდესმე ბოგუნს დაჰმართა თვითონა. ეს სიმძიმე რალაა მის მხრებზედ, უთუოდ ჰაილამაკმა ჩამქიდა თავისი ტატყებიო. მაგრამ რატომ თან არ

მივეყვართ, რატომ არ მომკლავენ, რათა ვარ ერთს ადგილას გაჩერებული?

— გამიშვი, შე წყეულ-შეჩვენებულო!— დაიყვირა მან.
დუმილია გარშემო.

— გამაშვი-მეთქი, მე შენ გეუბნები! მიწყალობებია შენ-თვის პატივება.

ხმა-კრინტი არ არის პასუხად.

პან ზაგლობამ კვლავ ჰკრა დეზი ცხენსა, მაგრამ მაინც არა გამოვიდა-რა.

მაშინ კი საწყალმა ტყვემ მოიკრიბა უკანასკნელი ძალ-ლონე, იძრო ხანჯალი და საშინლადა სცა უხილავს მტერსა.

გარნა ხანჯალს ცალიერი ჰაერი დახვდა.

ახლა პან ზაგლობამ სტაცა ხელები შემობორბლილს რიდესა, რომელიც თვალებზედ სამოჭფარებოდა და მოი-გლიჯა.

— რა ამბავია?

ჰაიდამაკების ჰაქანებაც არსად არის. გარშემო კაცი არა სჩანს. მხოლოდ შორს მოსჩანან წითელ-ტანისამოსიანი დრა-გუნები ვოლოდიევსკისა და მათზედ შორს კიდევ გუსარნი ჰელეტენ მტრის გადარჩენილს ჯარს.

მტრის მაგივრად ზაგლობას ფეხ-ქვეშ გდია იმიერ-ჰორო-მელთა დიდი დროშა. ცხადი იყო, გაქცეულს ყაზახს გადმო-ეგდო ეს დროშა ისე, რომ ტარი მხარზედ დასცემოდა პან ზა-გლობას, ხოლო თვით ბაირალი თავზედ შემოჰხვეოდა.

როცა დაინახა ყოველივე ესე, ქველობით აღსავსე რაინ-დი მიხვდა ყოველსავე და მალე მოეგო გონებაზედ.

— ეჰე!— წამოიძახა გახარებულმა, — დროშა წამირთმევია. როგორ? იქნება მე არ წამირთმევია? თუ სპმართალი არ გა-წყდება ამ ბრძოლის ველზედ, ღირსი ვარ ჯილდოსი. ჰაი, არამზადანო! ბედი თქვენი რომ ცხენი გამიჩერდა, თორემ გა-

ყურებინებლით თქვენს სეირს!... ეს რა ამბავია? ღმერთო! ეს რალაც ახალი გუნდი მოდის! ჰო, აქეთ არა, სხვა მხარეს მიდიან, ძაღლის ნაშობნი! კისერი მოსტყდეს ამ ცხენსა! სცემე! ჰკაფე!

მართლაც, ახალი გუნდი იმიერ-ქორომელთა თავ-პირის მტერებით მოჰქროდა პან ზაგლობასაკენ; უკან მოსდევდნენ ჯავშნოსანნი პონიატოვსკისა. და, ვინ იცის, იქნება სახელოვანი სიკვდილი რგებოდა წილად ზაგლობას, სქშეტუსკის გუსარნი რომ არ შესწრობოდნენ. ისინი მეორე მხრიდან მოჰქროდნენ და ალბად უნდოდათ ორ-ცეცხლ შუა ჩაეგდოთ მტერი. იმიერ-ქორომელნი ზოგნი განწირულებით სცვიოდნენ წყალში და მის ღურღუმელებში ითხრიდნენ. სამარეს, ზოგი იჩოქებდა და სწყდებოდნენ მახვილის ცემითა. დამარცხება საყოველთაო იყო, მეტადრე ჯებირებზედ. ყველა გუნდნი, რომელნიც ტბის აქეთა მხარეს გადმოვიდნენ, სულ ამოსწყდნენ, ზოგნი, უფრო ახლო მყოფნი, სწყდებოდნენ ვურცელის ზარბაზნებისა და ნემენცთა ქვეითის ჯარის თოფების წყალობით. გზა არა ჰქონდათ, რომ ან წინ წასულიყვნენ, ან უკან. კრივანოსს ახალ-ახალი გუნდნი მოჰყავდა და ამის გამო უკან დახევა მტრისა შეუძლებელი იყო. გარეშე მაყურებელს ეგონებოდა, რომ განგებ აწყვეტინებს თავისს ხალხსაო; ერთმანერთს ეჯახებოდნენ, ერთმანერთს ებრძოდნენ, სცვიოდნენ წყალში და იხრჩობოდნენ. ერთს მხარეს ნაბადივით იყვნენ მოდებულნი ბრბონი ლტოლვილთა, მეორე მხარეს სჩანდნენ გუნდნი წინ მიმავალთა, შუა გულას იღვა ხროვა გვამთა, იყო გმინვა, საშინელი ყვირილი, იღვა ზარი შიშისა, იყო მუსრვა, არეულობა... ტბა გაივსო კაცთა გვამებითა და ცხენტა მძოვრებით, წყალი შიგ აღარ ეტეოდა და ნაპირებზედ გადმოდიოდა.

ხან-და-ხან არტილერია ჩუმდებოდა. ამ დროს ჯებირებზედ ბუზივით გადმოდიოდა ბრბო იმიერ-ქორომელთა და მღაბიოთა და დგებოდა იმ წყეულ მოედანზედ, სადაც იმათ ელოდა ცხენოსანი ჯარი, ხოლო ვურცელი კვლავ ასტეხდა ზარბაზნების სროლას და სეტყევისათვის დაშენილ ტყვია-ყუმბარებით ჰკრავდა ჯებირების გზას, რომელზედაც ველარ გადმოდიოდა მტერი თავისიანების მოსაშველებლად.

დრო და ჟამი მიდიოდა. გაცეცხლებული, გაალმასებული კრივანოსი მაინც იმედს არა ჰკარგავდა და ათასობით ჰგზავნიდა ყაზახებს სასიკვდილოდ.

მეორე მხარეზედ ერემია იღვა მალლობ ადგილას თავისის ვერცხლის ჯავშან-ჩაჩქანითა და დაჰყურებდა საომარს ველს.

სახე სრულიად დამშვიდებული ჰქონდა, თვალს ავლებდა მთლად ჯებირებს, ტბას, სლუჩის ნაპირებს და აწვდენდა შორს ადგილსაცა, იმ ადგილს, საცა მოსჩანდა კრივანოსის ბანაკი, მოკუული მოლურჯო ნისლითა. თავადი თვალს არ აშორებდა იმ ურმების გროვას და ბოლოს უთხრა მოურავ-ერისთავსა:

— დღეს ბანაკს ვერ ავიღებთ.

— როგორ, თავადო? თქვენ თითონვე...

— დრო სწრაფად მირბის. გვიანლაა. აი, სალამოს ჟამია უკვე!

ბრძოლა ისე გახანგრძლივდა, რომ მზემ გაიარა თავისი გზა ცაზედ და უკვე გადახრილიყო ჩასასვლელად. მალლა-მალლა განაბული, სუბუქი ღრუბლები, რომელიც ცას გაჰკროდა, თითქო ფარაა თეთრად შეფენილის ცხვრისაო, წითლდებოდა თან-და-თან და ერთ გროვად იკრიფებოდა. ყაზახთა ჯარები ნაკლებად-ლა ელალებოდნენ ჯებირებს: ბევრმა უწესოდ დაიწყო უკან წასვლა.

ომი გათავდა და გათავდა იმიტომ, რომ გამძვინვარებულინი ყაზახნი წყევლა-კრულვით შემოერტყნენ კრივანოსსა.

— მოლაღატე! ლამის სულ ამოგვაუღე ტინო მტერსა! — ჰყვიროდნენ: — სისხლის-მსმელო ძაღლო, შეგკრავთ - შეგბოჰკავთ და მიგცემთ ერემიას, იქნება ამისთვის მაინც შეგვიწყალოს!

— ხვალ შევიპყრობ თავადს და მთლად მის ჯარს დავატყვევებ, ან არა თვითონ მეც თავს დაედებ, — უპასუხა კრივანოსმა.

ხგაღე ჯერ შორს იყო, ხოლო დღევანდელი დღე იყო დღე მტრის ამოწყვეტისა, რამდენიმე ათასი ყოვლად გულადის ქვემოურებისა, ბრბოც რომ არ ჩავადლოთ, ამოსწყდა ომში, ანუ ტბაში დაიხრჩო. ორი ათასი კაცი ტყვედ იქმნა შეპყრობილი. მოიკლა თოთხმეტი პოლკოვნიკი, ხოლო, ვინ იცის, რამდენი მოკვდა ასის-თავი, ესაული და სხვა უფროსნი მოხელენი! პირ-და-პირი თანაშემწე და მარჯვენა ხელი კრივანოსისა, პულიანიც მტრის ხელში იყო.

— ხვალ ყველას ამოგსწყვეტავთ! — იმეორებდა კრივანოსი. — არცა ვსვამ და არცა ვკვამ რასმე მანამდე.

მეორე ბანაკში ამ დროს საშინელი თავადი სინჯავდა ომში წართმეულ მტრის დროშებს. ბოლოს მოვიდა მასთან პან ზაგლობა თვისის ნადავლით და ისეთის ძლიერებით დაანარცხა ძირს დროშა, რომ ტარი შუაზედ გადაიჩეხა. თავადმა შეაყენა და ჰკითხა:

— თქვენის ხელით წაართვით ეს დროშა?

— მზად გახლავარ ვემსახურო თქვენს ბრწყინვალეობას!

— სჩანს, არა თუ ჰკუა-მოხერხებულნი ხართ ულისისავეთ, არამედ გულადიცა აქილესისავეთ.

— უბრალოა: ჯარის-კაცი გახლავართ, ბატონო, გარნა ვმსახურებ აღექსანდრე მაკედონელის უფროსობის ქვეშე.

— თქვენ გადაკვეთილი ჯამაგირი არ გეძლევათ; ვუბრძალებ ხაზინადარს, ორასი ოქრო მოგცეთ თქვენის ქველობით აღსაესე ღვაწლისათვის.

პან ზაგლობა მუხლებზედ მოეხვია თავაღსა.

— ოჰ, თავადო, თქვენი სულ-გრძელობა უფრო დიდია, ვიდრე ჩემი ვაჟაკობა, რომელსაც დიდის სიამოვნებით დავმალავდი მორცხვობის გამო.

პან სქშეტუსკის ოდნავ შესამჩნევმა ღიმილმა გადურბინა ტუჩებზედ, მაგრამ შემდეგ რაინდს კრინტიც არ დაუძრავს იმ მოუსვენრობის შესახებ, რომელსაც ჰგრძნობდა პან ზაგლობა ბრძოლის დაწყების წინად.

ღამე გატყდა. ტბის ნაპირად ათასგან ერთო ცეცხლი, გარშემო უსხდნენ დაღალულნი ჯარის-კაცნი, იყვნენ სმა-ჰამაში და ბჰობდნენ იმის გამო, რაც იმ დღეს ომში გადახდომოდათ. ყველაზედ კი მეტს პან ზაგლობა ლაპარაკობდა, ტრახახობდა, ასე და ასე მოვიქმედეო და ჰნანობდა, ცხენი რომ არ გაჩერებულყო, ამასა და ამას ვიქმოდო.

— უნდა მოგახსენოთო, — ეუბნებოდა ტიშკევიჩის აფიცრებს, რომელნიც მის გარშემო შეგროვილიყვნენ, — რომ დიდს ომში დასწრება ჩემთვის ახალი ამბავი არ არის, ბევრი დიდი ბრძოლა მინახავს მოლდავიაშიაცა, ოსმალეთშიაცა, მაგრამ სულ მუდამ თითქო როგორღაც გაცეცხლებიისა მეშინიან, ერთი გული მოუვა კაცსა, გაიწვევს წინა და, ვინ იცის, სადამდე მივა.

— აი როგორც დღეს მოგივიდა, — სთქვა ერთმა აფიცრმა.

— აი, თუნდა როგორც დღესა! პან სქშეტუსკისა ჰკითხეთ. როგორც კი თვალი მოგეკარ, ვერშული ჩამოვარდა ცხენიდანა-მეთქი, გულმა აღარ მომითმინა და გავიწიე მისაშველებლად. ძლივს დამიკავეს ამხანაგებმა.

— მართალია, მართალი! — კვერი დაუკრა სქშეტუსკიმ. — ჩვენ დავიკავეთ.

— მართალია, — გააწყვეტინა სიტყვა კორვიჩმა, — სად არის ვერშული?

— საზვერაოდ წავიდა, იმისთვის მოსვენება არ არის.

— უნდა იცოდეთ ახლა, — განაგრძო კვლავ პან ზაგლობამ, რომელსაც არ ესიაშოვნა, სიტყვა რად გამაწყვეტინესო, — ის ღროშა როგორ ჩავიგდე ხელში-და!..

— მაშ, ვერშული დაქრილი არ არის?

— ეგ ღროშა პირველი არ არის, რამდენი კიდევ სხვა მიშოვნია, მაგრამ არც ერთი კი არ გამომიტაცნია ისეთის გაქირვებით, როგორც ეგ გამოვიტაცე.

— არა, დაქრილი არ არის, მხოლოდ დაიქევა და ცოტაოდენი წყალი აყლაპა. ყირამალა ჩავარდა ტბაში.

— თქვენა და თქვენს თავსა! რა არის, ყმაწვილებო, თქვენთან ლაპარაკი არ შეიძლება სწორედ!... — მოუვიდა გული პან ზაგლობას. — ერთი გამიგონეთ და ისწავლეთ ჩემგან, როგორ უნდა იშოვოთ ღროშა-და!..

სწორედ ამ ღროს, თითქო პან ზაგლობას გასაბრაზებლად პან აქსაკი მივიდა აფიცრებთან.

— დიდი ამბებია! — დაიწყო მან თვისის წკრიალა ყმაწვილურის ხმით. — პულიანს აწამებენ ცეცხლზედ დაწვითა.

— ვერაფერი შემწვარი გაუჩნდებათ ძაღლებსა! — გააწყვეტინა სიტყვა პან ზაგლობამ.

— ყოველივე სთქვა. მოლაპარაკება მშვიდობიანობის ჩამოსაგდებლად შესწყდა. პან კისელი კინალამ გაგიჟდა. ხმელნიცკი წამოსულა მთელის თვისის მხედრობით კრივანოსის მოსაშველებლად.

— ხმელნიცკი? ხა, ხა, ხა! ვისი რა ტიკი-ტომარაა? მობრძანდეს ერთი! — იჯგიმებოდა პან ზაგლობა და მრისხანებით აეღებდა თვალს მის გარშემო მყოფს აფიცრებსა.

— მაგას გარდა კიდევ, ექვსი ათასი ყაზახი მახნოვკაშია თურმე. ისინი მოჰყავს ბოგუნსაო.

— ვისა, ვისაო?— იკითხა უცბად პან ზაგლობამ და მოულოდნელად შეეცვალა ხმა.

— ბოგუნსა.

— შეუძლებელია!

— აგრე სთქვა პულიანმა.

— ერიგიდიპაა!— ამოკენესით წამოიკნავლა პან ზაგლობამ.— მერე მალე მოვლენ აქაო?

— ასე სამის დღის შემდეგ, მაინცა და მაინც არ აჩქარდებიან, ცხენებს გაუფრთხილდებიან, არ დაგვეღალნონ ომის წინადაო.

— ეჰ, არა, დედავ და თვალო, მე უნდა ავჩქარდე!— წამოიღო ლლულა შლიახტიჩმა.— სამას სამოც და ათნო ანგელოზნო, თქვენ დამიფარეთ იმ ავაზაკის ხელიდანა! დიდის სიამოვნებით დაუბრუნებელი მტერს ისეთის გაჭირვებით ნაშოვნს დროშას, ოღონდ კი ის არამზადა კისერს მიინჩხვრევდეს სადმე გზაში. იმედი მაქვს, ჩვენ დიდხანს არ მოვუყვებით იმას აქლოდინსა. კრინვანოსს ხომ ვაყურებინეთ სერიი, ახლა დროა დავისვენოთ კიდევცა. ჭირივით მეჯავრება ეგ მატრაკვეცა ბოგუნი! არ შემიძლიან გულ-გრილად მოვისმინო მისი ქაჯური სახელი. რა ჯანაბა მოარბენინებდა აქეთა! წყალი ამოუვიდა ერთს ადგილასა? გდებულოყო თავისთვის, საცა ეგდო. მე რაღა დოზანამ მომათრია აქა, ერთი კაცმა სთქვას!

— კარგია, გაჩუმდით, — წასჩურჩულა პან სქშეტუსკიმ, — სირცხვილია მაგისთანა ლაპარაკი! ჩვენ შორის რა გაქვს, აბა, საფიქრებელი?

— რა გაქვს საფიქრებელი? თქვენ იმას არ იცნობთ და ამიტომ ამბობთ მაგას! ვინ იცის, იქნება ამ საათში ჩვენსკენ მოხობავს მუცლითა. (სთქვა ესა პან ზაგლობამ და უკან მიიხედდა შეშინებულმა). ის თქვენც გემუქრებათ.

— ერთი ღმერთმა ინებოს და შემხვედებოდეს ოლონ-
და!

— ოჰ, მე ღმერთმა დამიფაროს, მაგისტანა თხოვნით მე
იმას არ შევაწუხებ. როგორც ქრისტეანე, დიდის სიამოვნებით
მიპატივებია მისთვის ყველა შეცოდებანი, მხოლოდ იმ პირო-
ბით კი, რომ ორის დღის უკან ჩამოახრჩობდნენ. არა, კი არ
მეშინიან იმისი, მაგრამ ვერ წარმოიდგენთ, რანაირად მეჯავ-
რება! მე მიყვარს, ვიცოდე, ვისთანა მაქვს საქმე: შლიახტიჩია,
იყოს შლიახტიჩი, ტეტიაა, იყოს ტეტია, ის კი ერთი რალაც
ალქაჯია; კაცმა არ იცის, რა უნდა მოუხერხოს. ძლიერ ცუ-
დი საქმე დავმართე და რომ იცოდეთ, რანაირ დაიღრიჯა, რო-
ცა ხელ-ფეხს ვუბოჭავდი, მაშინ... მაგრამ ამის გამოთქმა სიტ-
ყვით არ შეიძლება... მე არ მიყვარს, რომ ვაწყვირო ვისმე პირ-
ველმა. თქვენ შესახებ კი უნდა ვსთქვა, რომ უმადური კაცი
ყოფილხართ, სიკეთის დაუხსომებელი, სულ გადაივიწყეთ თქვე-
ნი საბედო...

— ეგ როგორაა მერე?

— აი როგორა, — და პან ზაგლობამ ხელი წააფლო სახე-
ლოში რაინდს და მოშორებით გაიხმო, — ისე გაგიტაცათ რაინ-
დულმა მამაცობამ, რომ სულ-ომობთ და ომობთ; და ის კი იქ
ცის-ამარა დღეს სულ სტირის და სტირის, თქვენის პასუხის
ამოდ მომლოდინე; სხვა რომ ყოფილიყო თქვენს ალაგას,
აქამდე ათასჯერ გაჰგზავნიდა იმასთან რომელსამე თავისს მე-
გობარს... აი, თუნდა მე, მაგალითად.

— მაშ, ჰფიქრობთ, ბარს დაჰბრუნდეთ?

— თუნდ ეხლავე მზადა ვარ... ისე მეცოდება ის საწყა-
ლი.

პან სქშეტუსკიმ ნაღვლით აღაპყრო თვალი მოჭახჭახე
ვარსკვლავთა მიმართ.

— ნუ მეუბნებით საყვედურს. ისეთი წუთი არ გაუჩენია
ღმერთს, რომ სულ იმის ფიქრში არ ვიყვე. ოჰ, ჩემი ნება

რომ იყოს, ფრინველად გადაექცეოდი და იმასთან გაფორინდებოდი.

— რაღა გიშლით მერე?

— ბრძოლის წინად როგორ შემეძლო მერე, ეგ საქმე მეტირთნა? რაინდმა და ჯარის-კაცმა პირველ ყოვლისა სახელისათვის უნდა იზრუნოს...

— ახლა ბრძოლა გათავებულია, მაშასადამე... შეგვიძლიან თუნდ ახლავ გავწიოთ.

პან სქშეტუსკიმ ამოიოხრა.

— ხვალ კრივანოსს უნდა შევეუტიოთ.

— ეგ კი აღარ მეყურება! სწორედ ვძლიეთ ახალგაზდა კრივანოსსა, მოვიდა მოხუცი; ვძლევთ იმასაცა, მოვა ახალგაზდა. . აი ისა ახლა... (იშის სახელის თქმაც კი მეზარება)... ბოგუნი... ვძლევთ იმასაც, მოვა ხმელნიცკი. ხათაბალაა სწორედ! თუ ასე წავა საქმე, აიღეთ ბარემ და შეუერთდით პან პოდბიპენტასა; გამოხვალთ ერთად უბიწო ტუტუცი და პან იან სქშეტუსკი; ჯამში დარჩება: ორი ტუტუცი და უბიწოება! თუ ღმერთი გწამთ, მე მაინც თავი დამანებეთ და მაგისტანა სისულელეს ნუ მელაპარაკებთ. მე და ჩემმა ღმერთმა, მე პირველი შევეხვეწები კნიაჟნას, რომ ქუდი მოგხადოს, მერე ისეთია იქ პან ანდრია პოტოცკი, რომ სულ თვალებითა სკამს და ახლა, ვინ იცის, იქნება აიწყვიტოს კიდეცა და სულ აჯილდასავით მოჰყვეს ჭიხვინსა. არა, ბავშვი რომ მეუბნებოდეს მაგისტანებს, რომელსაც უნდა მოიხვეჭოს სახელი ვაჟაკობისა, კიდე პო-პო, ჯან და ბეზარ, თორემ სადაურია, რომ მაგას მეუბნებით თქვენ, რომელმაც კინალამ ყელამდე სისხლში იცურეთ, ხოლო მახნოვკასთან, როგორც ამბობენ, მოჰკალით არც თუ რაღაც კუდიანი და ჯადოქარი, არც თუ კაცის-მკამელი! აიმ ვარსკვლავების მადლმა, ან რაღაც კუდი საქმე განგიზრახავს, ან არა და ისე გამძვინვარებულხარ, რომ სისხლის ღვრას ამჯობინებ საქორწინო სარეცელსა.

— თქვენ სცდებით, — დაიწყო თავის მართლება სქშეტუსკიმა. — არც სისხლი მწყურიან, არც ღიღებას ვეტანები, არამედ

ამხანაგებს ვერ დაეანებებ თავს გაჭირვების ჟამს. რაიცა შეეხება ბრძოლას, კრივიანოსი ან დაგვესხმის თავს ან არა. თუ გაჰბედავს და დაგვესხმის, ღვთით, კარგს პასუხს მიიღებს, ხოლო ჩვენ უფრო მშვიდობიანს ქვეყანაში წავალთ, რომ პატარა ხანს დავისვენოთ. აგერ ორი თვეა, ცხენებიდან არ ჩამომხდარვართ, სულ ვიბრძვით და ვიბრძვით, ღღისითაცა და ღამითაც. თავადი დიდებული მხედართ-მთავარია. ხმელნიცკის თავს არ დაესხმის, თუ საკმაოდ ჯარი არ ეყოლება. ვიცო, ზბარაჟს წავალთ, იქ ძალ-ღონეს მოვიკრებთ, თავად აზნაურობა შემოგვიერთდება მთლად რესპუბლიკისა და მერე გავწევთ საომრად. ხვალ უკანასკნელი დღეა, ხოლო ხვალზევით უკვე გულ-დამშვიდებული წამოვალ თქვენთან ერთად ბარს. გარნა თქვენდა დასამშვიდებლად გეტყვი, რომ ბოგუნს არას გზით არ შეუძლიან ხვალ აქ მოვიდეს.

— ჰოი, ნამდვილი ქაჯია ისა, კაცი კი არა. ამას წინად გითხარი, რომ მკიდრობა, ხალხის ერთმანეთში ალუფხვა არ მიყვარს-მეთქი, მაგრამ ის კი ყოველგვარ მკიდრობასა და ჯგვლემაზედ უარესია, თუმცა, ვიმეორებ, იმდენად იმისი შიში არ მალაპარაკებს, რამდენადაც მისი სიძულვილი. მაგრამ, კარგი, ამას თავი დაეანებოთ ჯერა! მაშ, ხვალ მაგ ტეტრობას უნდა თავი გაუგალოთ და მერე გავსწიოთ იქ, ბარს! ოჰ, რა გაეხარდება მერე ჩემს კნიაყნას! მეღა ჩემმა ღმერთმა, ისე მომწყურდა იმისი ნახვა, თითქო ჩემი საკუთარი შევლიაო. ან კი რა გასაკვირველია. შვილები, კანონიერად დაბადებულები, (Legitioe natos), მე არა მყავს, ჩემი მამულები შორს არის, ოსმალეთში (ვინ იცის, ახლა, ის არამზადა მოურავები რამდენსა მპარავენ!) და ვსცხოვრობ ამ ქვეყნად ასე ობლად, ერთი ღერი კაცი... შენი მტერი, ვინ იცის, იქნება ამ სიბერის დროს ავდგე და წავეყვე მოსამსახურედ ჩემს სახელოვანს მეგობარს პან პოდბიპენტას, თავგი-ნაწლეველ მემამულეს.

— მერმისისათვის ნურასა სწუხართ. იმდენი ამაგი და სიკეთე მიგიძღვით ჩვენს წინაშე, რომ ვერას დროს ვერ გადა-

გიხდით... რა ექნა, აბა გაიხედე, რა არის აისა, წინ რომ მოს-
ჩანს? ვერშულია!

— მე გახლავარ.

— საზვერაოდან დაბრუნებულხარ?

— არა, ეს-ეს არის თავადთან ვიყავ და ეხლა იქიდან მო-
ვდივარ.

— რა აზბავი ისმის?

— ხვალ ბრძოლა მოგველის. მტერი ჯგებირებს აგანიერებს,
ხიდებს აკეთებს სტეორასა და სლუჩხედ და ეტყობა უნდა რო-
გორმე ჩვენამდე მოაღწიოს.

— თავადი რაღას ამბობს?

— თავადმა სთქვა ამაზედა, კარგია!

— მეტი არაფერი?

— არაფერი. ბრძანა, ხელს ნუ შეუშლითო და ახლა ისე-
თია იქა, რომ გააქვს ცულებს რახა-რუხი; გათენებამდე სულ
აგრე იმუშავებენ.

— ჯაშუში იპოვნეთ ვინმე?

— შვიდი შევიპყარი. ყველანი იმას ამბობენ, რომ ხმელ-
ნიცკი მოღისო, მაგრამ ჯერ ისევ შორს არისო... რა ლამეა?

— თითქო დღეაო, ისე ნათელა. როგორა ხარ, ცხენი-
დან ჩამოვარდნის შემდეგ?

— ძელები მტკივა სულა. მივდივარ ახლა, რომ მადლო-
ბა გადაუხადო თქვენს ჰერკულესს ჩემის გადარჩენისათვის, მე-
რე დავიძინებ... ნეტა ერთს ორს საათს მომატყუებინა თვალი.
საშინლად მეძინება.

— ლამე მშვიდობისა! დროა, დავიძინოთ. შუა-ლამე გადა-
ვიდა, ხვალ კი საქმეა, ხოლო ხვალ ზევით უნდა გზად წავი-
დეთ,—გაახსენა პან ზაგლობამ.

პან სქშეტუსკი იქვე ცეცხლა-პირას წამოწვა. ცეცხლები
ნელ-ნელა ჩაქრა ყველგან. ბანაკს წყვედიადი იცვამდა თან და
თან, მხოლოდ მთვარე დაჰნათებდა აქა-იქ თვისის მკრთალის
ნათელით გუნდ-გუნდად მძინარეთა. ხმაურობა ნელ-ნელა მის-
წყდა.

გარნა დიდხანს არ მოუხდათ ძილი ჯარის-კაცთა. ინათლა თუ არა, ყოველ-მხრივ მოისმა ბანაკში ხმა საყვირისა იმის ნიშნად, რომ, დროა, წამოდექითო.

ერთს საათს უკან, თავადის ბრძანებით, ეს ამოდენა ჯარი მთელის თვისის ბარგი-ბარჩანით, აიყარა და ერემიამ მოარიდა მტერს თავი. სახტად დარჩენილი რაინდობა დიდად განცვიფრდა ამის გამო.

XVI

თავადმა უკან დაიწია თავისის მხედრობითა, მაგრამ ეს უკან დაწევა უკან დაწევა იყო ლომისა, რომელსაც თავისუფალი აღგილი უნდა ახალის ნახტომისათვის.

თავადმა განგებ მოახერხა, რომ კრივანოსი ჯებირებს გამოსცილებოდა: ეგ უკეთესი იქნება, მერე უფრო შეუწყალებლად დაეპარცებო. დაიწყა თუ არა ომი, ერემიამ ჰკრა ქუსლი ცხენსა და გააქენა, ვითომ და გაქცევა მინდაო. ქვემოურებმა და მდაბიო ხალხმა ველარ მოითმინა და გაექანა, მოვეწვიით და გარს შემოვერტყმითო. თავადი მოტრიალდა ამ დროს და უცბად, ერთბაშად, მთელის თვისის ცხენოსანის ჯარით ისე ეკვეთა მტერს, რომ მტერმა წინააღმდეგობა ველარ მოახერხა. თავადის მხედრობა მისდევდა ლტოლვილს ჯარს მთელის ერთის ალაჯის მანძილზედ, იმ აღგილამდე, სადაც ჯებირები იყო, საცა ხიდი გაეკეთებინათ და უწყალოდ მუსრს ავლებდა თვით ბანაკამდე. თავი იჩინა ამ დღეს თექვსმეტი წლის პან აქსაკმა, რომელმაც პირველმა შეუტია მტერს და პირველმავე დასცა შიშის ზარი მის ჯარებს. ამისთანა ხერხის ხმარება მხოლოდ იმიტომ გაჰბედა თავადმა, რომ იმედი ჰქონდა თვისის გამოცდლის და ომებში დაბერებულის ჯარისა; უამისოდ

ვერ იტვირთებდა განგებ მოეჩვენებინა თავი, ვითომ გაერბივარო, წაეტყუებინა მტერი და მერე კვლავ უკან მოჰბრუნებოდა. სხვა გარემოებათა შორის შესაძლო იყო თავადის ჯარს უკან მობრუნება ვეღარ მოეხერხებინა და გათამამებულს მტერს დაეძლია. მეორე დღეს უფრო ძლიერ დამარცხდა კრივანოსი. წაართვეს ზარბაზნები, დააყრევიან დროშა-აღმები, სხვათა-შორის ის დროშანიცა, რომელნიც კორსუნის ომში გაიტაცეს იმიერ-ქორომელებმა. კორიციკისა და ოსინსკის ქვეითს ჯარსა და ვურცელის თოფჩებს რომ შესძლებოდათ ცხენოსან ჯარს მიჰყოლოდნენ უკან, პოლონელნი მთელს ბანაკს აიღებდნენ იერიშით, მაგრამ, ვიდრე ისინი მივიდოდნენ, ჩამოლამდა კიდეც და მტერი კარგა შორს წავიდა. მაინც ზაცვილიხოვესკიმ თითქმის ნახევარ-ბანაკი აიღო, საცა დიდძალი ნუზლ-სურსათი და იარაღი ჩაიგდო ხელში. მდაბიო ხალხმა ორჯელ შეიპყრა კრივანოსი და ემუქრებოდნენ, ეხლავ თავადს მიგცემთ ხელშიო, მაგრამ იმან აღუთქვა ხმელნიცკისთან დაგაბრუნებთ დაუყოვნებლივო და ამ გარემოებამ გადაარჩინა სიკვდილს. კრივანოსი განივლტო დანარჩენის თვისის ჯარითა და ბარგი-ბარხანითა, განივლტო დამარცხებული, განადგურებული, სრულს სასოწარკვეთილებაში ჩავარდნილი და აღარ გაჩერებულა მანამდე, ვიდრე არ უწია მახნოვკას, საცა ხმელნიცკი ისე განრისხდა პირველად, როცა გაიგო ყოველივე გარემოება, რომ ბრძანა: წაავლეთ კისერში ხელი კრივანოსს და ზედ ზარბაზნის ტუჩზედ მისკედეთო.

მხოლოდ შემდეგ გაახსენდა იმიერ-ქორომეთის გეტმანს, რომ საცოდავმა კრივანოსმა სისხლით მორწყო მთლად ვოლინი, ათასზედ მეტი თავადი და აზნაური პოლონეთისა გაისტუმრა საიქიოს, ხოლო გვამნი მათნი დასტოვა დაუმარხავად, რომ იგი არც ერთხელ არ დამარცხებულიყო მანამდე, ვიდრე თავად ერემიას არ შეეხალა. იმიერ-ქორომეთის გეტმანმა შეიბრაღა ასეთის ღვაწლისათვის და, არა თუ ბრძანა, მოაშორეეთ ზარბაზანსაო, არამედ პირვანდელი სახელი და პატივი დაუბრუნა ისევ და პოლოლიაში გაჰგზავნა სათარეშოდა და ახალის

ალათისა და ღიღების შესაძენად. ხოლო თავადმა ამ დროსვე მისცა ნება თვისს მხედრობას შესვენებისა, რომელსაც იგი მოუთმენლად მიელოდა. უკანასკნელს ომში ამ მხედრობას დიდი ზარალი მოუვიდა, მეტადრე ბანაკის იერიშით აღების დროს, როცა ყაზახნი ისეთის მოხერხებით იცავენენ თავს, რომელიც მათს გულადობა-ვაჟაკობას უღრიდა. იქ გასწყდა ხუთასამდე ჯარის-კაცი. პოლკოვნიკი მოკრსკი, მძიმედ დაჭრილი, მალე მოკვდა; დაიჭრენ, თუმცა არა მძიმედ, პან კუშელიცა, ახალგაზდა პან აქსაიკია, ხოლო პან ზაგლობა, რომელიც შეეჩვია უკვე ომს და ვაჟაკურად იბრძოდა, ორჯელ იქმნა დაჭრილი ნამგლით; ამის გამო ძალიან მძიმე ავადმყოფი შეიქმნა და უძრავად იწვა ახლა სქშეტუსკის ოთხ-თვლიან ურემში.

სქშეტუსკის თვით ბედი უშლიდა ბარს წასვლასა. თავადმა გაჰზავნა ზასლავისკენ, რამდენიმე რაზმი გაატანა თან და დაავალა, მიმოჰფანტე ბრბონი მდაბიოთა, რომელთაც მოუყრიათ იქ თავიო. რაინდი წავიდა ისე, რომ ხმა არ ამოუღია ბარზედა და მთელი ხუთი დღე სწვა და ჰბუგა იქაურობა, ვიდრე სულ არ განაზნა მდაბიონი.

ბოლოს მისნი კაცნიც მოიღალნენ განუწყვეტელის ჩეხა-ელეტით, მტრის დევნითა და უძილოდ გატარებულ ღამეებით; სქშეტუსკიმ გადასწყვიტა, დაებრუნდები ახლა კი თავადთანაო. მან უკვე იცოდა, რომ ერემია ტარნოპოლს იყო წასული.

წინა დღეს სუხორინცას დადგა, ხოროლს ახლოს, ჯარი სოფელში დაბინავდა, ხოლო თვითონ გლეხ-კაცის სახლში მოთავსდა. რაინდი საშინლად იყო მოქანცული, დაწვა იმ ღამეს და მკვდარივით დაეძინა.

გათენებისას რალაც ბოდვას მოჰყვა. უცნაური ლანდი და მოჩვენება უტრიალებდა თვალ-წინა. ჯერ ისე ეგონა, რომ ვითომ ლუბნსა ვარ, იქიდან ფეხი არსად გამიდგავსო, ეხლა ცეიხ-ჰაუზში მძინავსო და, ჩვეულებრივ, ენძიანი ფუსფუსებს ამ დილით ჩემს ოთახში, ელის ჩემს გაღვიძებას და მიმზადებს ტანისამოსსაო.

მაგრამ ბოლოს მაინც გამოფხიზლდა და მიხვდა, რომ სუხორინცასა ვარ და არა ლუბნსაო. ის იყო საკვირველი მხოლოდ, რომ თავისი ბიჭი უდგა თვალ-წინა, თითქო ცოცხალიაო. პან სქშეტუსკი ცხადდა ჰხედავდა ამ ბიჭსა: აგერ ფანჯარასთანა ჰზის და ჰქონავს ჯავშნის თასმებსაო.

პან სქშეტუსკის ჰგონია, რომ უთუოდ სიზმარში ვარ ისეგაო, ჰხუტავს თვალებს და წუთს შემდეგ ისეე ახელს.

ენძიანი მაინც ისეე ფანჯარასთან ჰზის.

— ენძიანი! — დაიძახა ბოლოს რაინდმა, — შენა ხარ მართლა, თუ შენი მოჩვენება მელანდება?

ბიჭი შეკრთა და ჯავშანი ძირს გაუვარდა.

— ღმერთო ჩემო! რასა ჰყვირით აგრე? ყრუ ხომ არა ვარ? ან რა მოჩვენებასა ბრძანებთ? ღვთით, მე კარგად გახლაღვარ.

— დაბრუნდი, მაშა?.. მოდი ერთი მოგეხეიო!

ენძიანმა დაიჩოქა და მოეხვია მუხლებზედ პან სქშეტუსკისა.

რაინდმა სიხარულით დაუწყო კოცნა და განუწყვეტლივ იმეორებდა.

— მაშ ცოცხალი ხარ, ცოცხალი!

— ოჰ, პან სქშეტუსკი! ისე მიხარიან თქვენი ნახვა, რომ ლაპარაკსაც ვეღარ ვახერხებ... მხოლოდ ისე დაიყვირეთ, რომ ჯავშანი გამივარდა ხელიდან. თასმები სულ დაგრეხილა... ეტყობა არავინ არ გემსახურებოდა... მადლობა ღმერთს, მადლობა ღმერთს, რომ კიდევ გნახეთ, ჩემო ძვირფასო!...

— როდის მოხველი?

— წუხელის.

— რატომ არ გამალვიძე მერე?

— რაზედ უნდა გამელვიძებინეთ? დღეს მოვედი დილა-ადრიან თქვენის ტანისამოსისათვის...

— საიდან მოხვედი?

— გუშჩიდან.

— იქ რას აკეთებდი? რა გადაგხდა თავს, როგორ იყავი? დაიწყე, მამბე!

— როცა, ბატონო, ყაზახნი მოვიდნენ გუშმას ბრაცლავის მოურავ-ერისთავის გასაძარცველად, მე იმათზედ აღრე მივედი იქა მამა პატრონი ლასკასთან ერთად. იმან წამიყვანა გუშმას ხმელნიცკისთან, რადგან მოურავ-ერისთავმა გაჰგზავნა ისა ხმელნიცკისთან და თან წერილები გაატანა. ავდექი მეცა და გავეყე იმასა; ახლა ყაზახებმა გადასწვეს გუშმა, მამა პატრონი აწამეს ჩვენის მომხრეობისა და სიყვარულისათვის; ესევე დაემართებოდა ბატონ მოურავ-ერისთავსაცა, ისიც რომ იქა ყოფილიყო, თუმცა მართლ-მადიდებელია და იმათი დიდი მეგობარი და მომხრეა.

— არათფერი არა მესმის-რა! პატარა გარკვევით მამბე და ნუ ჰრევ ლაპარაკსა. როგორ? ყაზახებთან იყავი, ხმელნიცკის ბანაკში სცხოვრობდი?

— ჰო, ყაზახებთანა, მაშა? ჩიგირინში შემიპყრეს და ისე მიყურებდნენ, თითქო ჩვენიო. ჩაიცვით ბარელამაც ტანთა... ღმერთო, რანაირ არეული გაქვთ ყოველივე... ოი, ღმერთმა ჰკითხოს... იმაზედ კი ნუ გამიწყრებით, გეთაყვა, რომ თქვენნი წერილი ვერ მივიტანე რაზლოგს კუდაკიდან; ვერ მივიტანე იმიტომ, რომ იმ ბოროტმა ბოგუნმა დამპკრა. ის სუქან-სუქანი შლიახტიჩი რომ არ შემსწრებოდა, დღეს ცოცხალი აღარ ვიქნებოდი.

— ვიცი, ვიცი. შენი ბრალი არ არის. ის სქელ სქელი შლიახტიჩი ეხლა უკვე ჩვენს ჯარშია. იმან მამბო ყოველივე, როგორც ყოფილა. იმანვე წაართვა ცხვირ-წინ ბოგუნს პანა და გაატაცა. ეხლა ელენე ბარს არის შეხიზნული, უშიშარ ადგილას და აღარათრის ფიქრი აღარა აქვს.

— ოჰ, მადლობა ღმერთსა! ეგ კი მეც ვიცოდი, რომ ბოგუნს არ ჩაუვარდა ხელში. მგონია, სახრჩობელას ვერ გადაურჩება ის ავაზაკი.

— მეც ეგრე მგონია. ახლა კი წავიდეთ ტარნოპოლს და მერე იქიდან ბარს გავწიოთ.

— ძალიან კარგი. ბოგუნმა კი, თუნდა კისერიც მოიტეხოს, არაფერს მიაერთმევს იმას, რაცა ჰნებაეს,—ასე სთქვა მკითხავემა, ის ქალი პოლონელს ჩაუფარდება ხელში, ხოლო ის პოლონელი, ალბად, თქვენა ხართ.

— რა იცი მერე?

— ვიცი. ყოველსავე აშას, თუ გნებაეთ, საბუთებით და-გიმტკიცებთ. ჩაიცვამდით თან ტანისამოსს თქვენცა. საუზმე საცაა მზად იქნება. ამგვარად, წამოვედით კუდაკიდან ნავით და ძალიან დიდ ხანს ვიარეთ, იმიტომ რომ პირ-შედმა მოვ-დიოდით. მერე ნავი წაგვიხდა და იმას დავეუწყეთ კეთება. მო-ვდივართ, ახლა, ბატონო სქშეტუსკი, მოვდივართ, მოვდივართ...

— მერე, რომ მოსდინხართ და მოსდინხართ!—გააწყვეტი-ნა დესპანმა მოუთმენლობით ლაპარაკი.—ნუ აჭიანურებ აგრე, თუ ღმერთი გწამს.

— და მოვედით ჩიგირინსა. იქ რაც მოჰხდა, ის ხომ თქვენც იცით.

— ვიცი.

— ჰო და, ვწვევარ ახლა თავლაში და ვარ ბნელაში. მე-რე, ბოგუნი რომ წავიდა, მოვიდა ხმელნიცკი იმიერ-ქორომე-ლებითა, მაგრამ რაკი ცოტა წინად დიდმა გეტმანმა მრავალი ხალხი დასჭრა და ამოჰელიტა ჩიგირინში, იმიერ-ქორომელებს რად თანაუგრძნობთო, ამიტომ თავიანთ მომხრედ დამსახეს და, არამც თუ უაერესი დამმართეს, არამედ წამლობაც კი დამიწყეს. თათრებსაც ნება არ მისცეს, რომ წავეყვანეთ ტყვედ, თუმ-ცა იმათ ყველაფრის ნებას აძლევენ. მოვედი გონზედა და ვფიქ-რობ: საით გადავვარდე ახლა-მეთქი? ყაზახებმა ამასობაში კორ-სუნის ომი გადიხადეს და დაამარცხეს გეტმანები. ოჰ, ბატონო, რაც მე ვნახე, თქმაც კი ძნელია იმისი!

— რა?

— არაფერს არ მიმალავდნენ, მოქმედობდნენ ყოვლად უსი-რცხვილოდა და მოურიდებლად, რადგან ასე ეგონათ, რომ ესეც ჩვენი თანამგრძნობელიაო. ვფიქრობ ახლა, გავიქცე სადმე აქე-დანა, თუ არა-მეთქი? ვხედავ, რომ ისევ დარჩენა სჯობიან,

ვიდრე უკეთესი დრო მომეცემა-მეთქი. როცა დაუწყეს ზიდვა კორსუნიდან ხალიჩებსა, ფარჩასა, საათებსა, ძვირფას განძეულსა. ჰოაოი, ბატონო, სულ ტირილი მომდიოდა. არ ვიცი, დაიჯერებთ თუ არა და, ის ავაზაკნი ექვს-ექვს ვერცხლის კოვზსა ჯერ თითო ტალერადა ჰყიდნენ და მერე თითო ჩარეკა არაყადაცა. ოქროს ღილს ხომ თუნდ ნახევარ ჩარეკადაც იყიდიდა კაცი. ვსთქვი ჩემთვისა, არა, რასა ვზივარ ასე გულ-ხელდაკრეფილი-მეთქი? მოდი და შევიძენ რასმე-მეთქი პატარასა. თუ ღმერთი შემეწია და დავბრუნდი როდისმე საყენძიანოში, ტყის-პირულასა, ავიღებ და ამ შენაძენს ჩემს დედ-მამას მივცემ-მეთქი. საწყლუმს აგერ ორმოც და ათი წელიწადია დავა აქვთ იაროვსკებთანა და ფულს კი ვერა შოვობენ სამართალში სასიარულოდა. მოვეყ და დავუწყე, ბატონო, ყიდვა და იმდენი რამ საგანძური ვიყიდე, რომ ორს ცხენს ძლივს ავკიდე ტვირთად... რაც უნდა იყოს, ცოტაოდნად მაინც გადავაყოლიე გული ამ საქმეს, თორემ უთქვენოდ ძალიან მოწყენილი ვიყავი.

— ჰა-ჰაი, ენძიანო, შენ სულ ვერე იცი საცა არა მგონია, გინდა სარგებელი ჰნახო.

— თუ ღმერთმა ასე მიშველა, რა ურიგოა? ხომ არას ვიპარავდი და, თუ საგზაოდ მაშინ ერთი ქისა ფული მიბოძეთ, აი ის ქისა! უნდა უკანვე მოგართვათ, რადგან რაზლოგში მისასვლელად მიბოძეთ, ხოლო რაზლოგამდე კი ვეღარ მივალწიე. ენძიანმა ქისა სტოლზე დასდო. პან სქშეტუსკის პირლიმილი მოუვიდა.

— თუ ბედმა აგრე გაგიღიმა, მაშ ეხლა შენ ჩემზედ მდიდარი იქმნები. ბარემ ეგ ქისაც შენი იყოს.

— მაღლობას მოგახსენებთ. ღვთით, ცოტა რამ შევიძინე! იმდენი კი შემიგრავდა, რომ დედ-მამასა და პაპა-ჩემს ნუგეში რამ ვსცე... მერე პაპა-ჩემი აგერ ოთხმოც და ათის წლისა სრულდება. იაროვსკებს კი სულს ამოვართმევთ დავი-დარაბაში, სულ დავაგლახავებთ. არც კი თქვენა ხართ ზარალში: ახლა ხომ იმ ქამარსაც აღარ მოგთხოვთ, კუდაკში რომ დამპირდით, თუმცა

ყოველივე თქვენი მონდობილობა, რაც კი შემეძლო, შევასრულე.

— ეგეც მოიგონე... ჰაი, შე საძაგელო! სწორედ ნამდვილი გაუმაძღარი მგელი ხარ—*lupus insatibiles!* არ ვიცი, სად არის ახლა ის ქამარი, მაგრამ რაკი დაგპირდი, მოგცემ კიდევცა, ის არ იქნება, სხვა იყოს... აბა, მოჰყევი კიდევ.

— მომიმართა ღმერთმა ხელი და დიდი სარგებლობა ვნახე იმ ავაზაკთა შორის. ერთი რამ მაწუხებდა: არ ვიცოდი, რა ამბავი იყო თქვენს თავს და ვაიტაცა-მეთქი თუ არა ბოგუნმა პანნა. მეუბნებოდნენ კია, ეხლა ის ჩერკასში წევს ავადმყოფი და ძლივსა სუნთქავსო: ისე დაუცხავებიათ და დაუკუწავთ თავადებსაო. გავწიე მეც ჩერკასსა; მოკვებხენებათ, ვიცი იარების მორჩენა და მალამოს მომზადება. პოლკოვნიკმა დონეცმა მთხოვა, რომ ყური შეგდო და მომეგლო იმ ავაზაკისათვის. მხოლოდ მაშინ ამოვისუნთქე თავისუფლად, როცა გავიგე, რომ ჩვენი პანნა იმ სქელ-სქელ შლიახტიჩის წაჰყოლოდა. მივედი ბოგუნთანა. ვამბობ: მიცნობს ნეტავი თუ არა-მეთქი? ის საცოდავი გავარვარებულნი იყო სიციხითა. ბოლოს მიცნო და მეუბნევა: „შენ იყავი, რაზლოგში რომ წერილები მიგქონდა?“ მე ვუთხარი: „მე ვიყავ-მეთქი“. კვლავ მეკითხება: „შენ დაგქერი ჩიგირინში?“ — „ღიღი-მეთქი, — მე“. — „ჰან სქშეტუსკის შენ ახლავხარო?“ მოვეყ მაშინვე ტყუილების დანარცხებასა: „არავისაც არ ვახლავარ-მეთქი. შავ მხლებლობაში ავიუფრო ბევრი ვნახე, ვიდრე კარგი და ახლა თავისუფალი კაცი ვარ-მეთქი, წამოვედი ყაზახებთან და აგერ ათი დღეა, რაც თქვენ კეთილშობილებას ვახლავარ-მეთქი. დაიჯერა ჩემი ლაპარაკი და ბოლოს ძლიერ შევეყვარდი. იმან მიამბო, რომ რაზლოგი გადაეწვათ, ორი თავადი მოეკლათ და ორი კი რაღაც მიზეზით ასცდნოდნენ ჩვენის თავადის ჯარებსა და ლიტველების ჯარში შესულიყვნენ. მაგრამ როცა კი ის სქელ-სქელი შლიახტიჩი გაახსენდებოდა ხოლომე, ისეთნაირად აკრაქუნებდა კბილებსა, ისეთნაირად, რომ...

— დიდ ხანს იყო ავადა?

— დიდ ხანს, დღე ხანსა! ხან შეიკრავდა პირს წყლულები, ხან ისევ დაუწყებდა ტკივილს. ბევრი ღამე გავატარე იმის სახლში, ვუჯექი გვერდზე და ვვდებულაობდი ყურსა (ისიმც გადაშენებულა, ჰო, და აგრე!) უნდა მოგახსენოთ, ალექსანდრე და ვეღვანი საზაგვიერო გადაუხადო და, თუნდა რომ მთელს ჩემს სიცოცხლეში იმის მოვლა მომინდეს, მაინც ამ ალექსანდრე არ გავტეხავ... უპატიურად მომეკიდა, ასე დამამახინჯა და მე ხომ ვიგინდრა არა ვარ... შლიახტიჩი გახლავარ... მერე, ათასჯერ მომეცა მარჯვე შემთხვევა, ჩვენს ოთახში არავინ იყო ხოლმე ჩვენს მეტი; ვამბობდი, ესცე ხანჯალი თუ არა-მეთქი? მაგრამ მერე მევე შემრცხვებოდა ხოლმე... ავადმყოფია, უიარალო-მეთქი!...

— კარგა გიქმნია, რომ *aegrotum et inertem* არ მოგიკლავს. საშინელი უნამუსობა იქმნებოდა.

— მეც ვგრე ვფიქრობდი, როგორცა ჰხედავთ. მერე ისიც მომაგონდა, როცა სახლიდან წამოვედი, პაპა-ჩემმა პირჯვარი გადამწერა და მითხრა: „გახსოვდეს რომ შლიახტიჩი ხარ, სახელი არ გაიტეხო, ერთგულად იმსახურე და ნურავის ნებას ნუ მისცემ შეურაცხ-გყონ.“ ასე დამადგა: შლიახტიჩმა რომ უნამუსო საქმე მოიქმედოს, უფალი ჩვენი იესო ატირდება ცაშიაო. გამახსენდა ყოველივე ესე და მეტი ღონე არ იყო მარჯვე დროს თავი დავანებე. ამასობაში უფრო და უფრო შეეწყვარდი. „მითხარი, რითი დაგაჯილდოვო?“ — რითიცა გნებავთ-მეთქი.“ ვერ დავმალოვ, უხვად დამაჯილდოვო სწორედ. რაც მომცა, არაფერზე უარი არა ესაჯქვი; გულში ვამბობდი, რად უნდა დავტოვო ყოველივე ესე ავაზაკის ხელში-მეთქი? იმის მიხედვით, ყველა მაჯილდოვებდა, იმიტომ რომ ყველას უყვართ იქ ის კაცი, ქვემოურებსაცა და მდაბიოთაც, თუმცა მთელს რესპუბლიკაში ისეთს შლიახტიჩს ვერ იპოვი, რომ ისე ეჯავრებოდეს მდაბიონი, როგორც იმას...

ქენძიანმა თავი გაიქნია.

— საკვირველი კაცია და უნდა გამოტეხილი ვთქვა, კეთილშობილის კაცის გული აქვს. როგორ უყვარს პანნა, როგორა-

ღმერთო, ყოვლად მოწყალეო! მორჩა თუ არა, მაშინვე დონე-
ცის ცოლი მოვიდა, უნდა უკითხოვო. უკითხა, უკითხა და
სულ ცუდად მოდიოდა საქმე. ის საზიზღარი დედაკაცი კუ-
დიანია სწორედ... ეს კია, ლამაზია. მალალ-მალალია, წამოსა-
დები, კბილები დიდები აქვს, თეთრი, თითქო ცხენიაო, ლო-
ნიერია; როცა დადის, გგონია დედა-მიწა ღვანდვარებსო. გადა-
რია კი ღმერთმა: დამიწყო მიჯნურობა. ისე არ გამივლიდა
გვერდზედ, რომ არ ეჩმიტა, ან სახელო არ დაეწია; „წავიდე-
თო“, მეუბნებოდა. სად უნდა წავეყოლოდი? წაყვებოდი და,
ვინ იცის, ისეთს ეშმაკების ხელში ჩამაგდებდა, რომ მიმახრ-
ჩობდნენ სადმე; ხომ დამელუბებოდა მერე, რაც შევიძინე! ამი-
ტომ ასე ვეტყოდი ხოლმე: „ვინცა გყვანან, ისინი არ გეყო-
ფიან-მეთქი?“ ის კი ასე დამადგებოდა ხოლმე: „შენ ჩამივარდი
გულშიო“. — „დაიკარგე-მეთქი აქედან!“ ის კი მაინც თავისას
არ იშლიდა: „გულში ჩამივარდიო და გულში ჩამივარდიო“.

— უყურე კიდევ, როგორა მკითხაობდა?

— როგორ არ ვუყურე! გარშემო ბოლი სდგას, შიშინი
ისმის რაღაცა, ჩხავილი, აჩრდილნი... შემეშინდა სწორედ. თვი-
თონ სდგას შუა ოთახში, კოპებ-შეკრული, წარბებ-შეკმუხვნი-
ლი და რაღასაც ბუტბუტებს, ან არა და, დაუწყებს ცხრილზედ
პურს ყრასა. მარცვლები ჭიასავით ფუთფუთებდა და ის კი სულ
ბუტბუტებდა და ბუტბუტებდა. ოჰ, ბატონო, ბოგუნი ისეთი
ავაზაკი რომ არ იყოს, სწორედ შესაბრალისი იქმნებოდა ყო-
ველ ამისთანა მკითხაობის შემდეგ გაყვითლდებოდა კომშივი-
თა, დაემხობოდა პირქვე და დაიწყებდა ქვითინსა; მოჰყვებო-
და ხვეწნას: „პანნავ, პანნავ, მაპატივე რომ მოვედი რაზლოგს
და შენი ბიძაშვილები ამოვწყვიტეო. სადა ხარ, ჩემო სიცო-
ცხლე, სადა? ხელის გულზედ დაგისვამდი და ისე გატარებდი,
ახლა კი ღმერთმა ნუ მაცოცხლოს უშენოდ?...“ ან კიდევ: „ხელს
არ დაგაკარებ, შენი ყმა ვიქნები, შენი ფინია ვიქნები, ოლონდ
კი შენ გიყურო, სიცოცხლე!“ ან არა და, გაახსენდებოდა პან
ზაგლობა და დაიწყებდა კბილების კრაქუნსა, ბალიშის კბენას...

და იყო ასე, ვიდრე არ დაეძინებოდა, მაგრამ ძილშიაც კი სულ
ოხრავდა და ჰგმინავდა.

— კარგი კი არა უთხრა-რა იმ მკითხავმა?

— იქნება კარგიც-რამ უთხრა შემდეგ, როცა მორჩა, მაგ-
რამ მე მაშინ იმასთან აღარ ვიყავი. ქსენძი ლასკო მოვიდა
და ბოგუნმა ისე მოახერხა, რომ იმას წავეყვევი გუშჩას. ავაზაკე-
ბი არიან, იცოდნენ, რომ მცირე განძეულობა არა მქონდა,
მერე მეც არა ვმალავდი, რომ მივედივარ და ჩემს დედ-მამას
მინდა შევეწიო-მეთქი.

— არ გაგძარცვეს მერე?

— იქნება კიდეცა გავეძარცვეთ, მაგრამ ჩემს ბედზედ
თათრები მაშინ იქ არ იყვნენ, ხოლო ყაზახებს ბოგუნისა ეში-
ნოდათ. ესეც კია, რომ ყაზახებს ეგონათ, ვითომ მე იმათი დი-
დი თანამგრძნობელი ვიყავი. თვით ხმელნიცკიმ მიბრძანა, ყუ-
რი უგდე და მიაშბე, როცა ილაპარაკებენ ბრაცლავის მოურავ-
ერისთავთან, თუ პანებმა მოიყარონ იქ თავიო. ეშმაკმა უამ-
ბოს, თუ კარგია! გავედი გუშჩას და ამ ღროს მოვიდნენ კრი-
ვანოსის მოთარეშე რაზმნიცა და მოჰკლეს მამა ლასკო; ჩემი
განძეული ნახევარი მიწაში ჩაფეული, ნახევარი გამოვიტაცე და
წამოვედი აქა, იმიტომ რომ ყური მოვკარი, პან სქშეტუსკი
ზასლავს ახლოა და ხალხის დამშვიდებასა ცდილობსო. მალ-
ლობა ღმერთსა, რომ კარგადა გნახეთ და მშვიდობითა, ახლა
კი ბოლო მოეღება ყოველსავე ავსა და ბოროტსა. არა, ხომ
ვეუბნებოდით იმ ჩამოსახრჩობებსა, რომელნიც ჩვენის თავადის
საწინააღმდეგოდ მოდიოდნენ, უკან ველარ დაბრუნდებით-მეთ-
ქი, მაგრამ ვინ გამიგონა. წავიდნენ ახლა და საცა თავისი სთქვან,
იქ ჩვენიც არ დაივიწყონ! იქნება ომიანობაც მალე გათავდეს.

— ეგ კი, ვინ იცის! ვგონებ ნამდვილი ომი ახლა დაიწ-
ყება, თვით ხმელნიცკის შევებმევიო.

— დაქორწინების შემდეგ იომებთ მერე?

— შენა გგონია, ქორწინების შემდეგ გავლაჩრდები?

— სრულიადაც არა. წავუღებ მამას, რაც შევიძინე და
მერე მინდოდა ისევ თქვენთან დავბრუნებულიყავ. იქნება ბო-

გუნთან ანგარიშის გასწორება მომიხდეს და სად შევხვდები, თუ არ მინდორ-ველად? სულ ხომ ავად არ იქნება...

— ოჰო, ძალიან გულ-ღრძო კაცი ყოფილხარ შენა!

— ჩემს წყენას მე არავის შევარჩენ. აღაქმა დავდე და თუნდ ოსმალოში წავალ იმის გულისათვის. ახლა კი ტარნო-პოლს წამოვალ თქვენთან ერთად. ბარს ტარნოპოლის გზით რად მიდიხართ თქვენა? ეგრე რა გზაა ან კია?

— ჯარი აგრე უნდა წავიდეს და ჯარის უფროსი აქ მე ვარ. აბა, ახლა ვისაუბროთ. დანაყრების შემდეგ ავდგეთ და გავეუდგეთ გზას.

— მე თუნდა ამ წუთსავე მზადა ვარ, მაგრამ ეს ცხენი მყავს დაღლილი.

— ვუბრძანებ, რომ სხვა მოგიყვანონ, უკეთესი. შეგეკ და იმითი წამოდი.

— დიდად გმადლობთ!— ენძიანმა მხიარულად გაიღიმა. ეს მესამე საჩუქარი იყო, თუ ქისასა და ქამარსაც ვიანგარი შებთ. ქამარს კულაკშივე დაჰპირდა პან სქშეტუსკი.

XVII

პან სქშეტუსკის ახალი ბრძანება მოუვიდა და ახლა ზბარაჟს გაემგზავრა თავის სადროშო ჯარით და არა ტარნოპოლს. ჯარი ნელ-ნელა მიდიოდა; მთლად ის მხარე საშინლად იყო აოხრებული, ისე რომ ნუზლ-სურსათის შოვნა ძალიან ძნელი იყო. გზაში აქა-იქ მრავლად შეხვდნენ გუნდნი ბრბოთა, უფრო დედაკაცთა და მცირე-წლოვანთა, რომელნიც ღმერთს შესთხოვდნენ, ან სიკვდილი გვაღირსე, ან თათრების ხელში ჩაგვყარე ტყვედ: ტყვეობაში პურს მაინც გვაჭმევნო. მკის დრო იყო, მაგრამ კრივანოსის ჯარებს გაენადგურებინათ ყოველივე, რის განადგურებაც კი შეიძლებოდა. მცხოვრებნი ხის ქერქით იკეცებებოდნენ.

ზბარაჟს დიდ-ძალი ხალხი შეკრებილიყო. თავადი ერემია იქ დაბანაკდა მთელის თვისის მხედრობითა და ამას გარდა არა

მცირელი თავად-აზნაურობაც მისულიყო. ყველა გრძნობდა, რომ ომიანობა უნდა დაწყებულიყო კვლავ, ყველას ომი ეკერა პირზედა, ქალაქში და მის გარშემო ფუთფუთი გაჰქონდა შეთოფიარალებულს ხალხს. ვარშავაში მშვიდობიანობის დასს, რომელსაც მხარს აძლევდა პან კისელი, ბრატლავის მოურავ-ერისთავი, ჯერ კიდევ ხელი არ აელო თავის განზრახვაზედ და უნდოდა ჩამოეგდო ლაპარაკი მტრებთან მოსარიგებლად. მიხვდრილი კი იყო ეს დასი, რომ ამოა მოლაპარაკება, თუ ძლიერი მხედრობა არ გვიმაგრებს ზურგსაო. და აი გამოცხადებული იყო, რომ ქულზედ კაცი გამოვიდეს საომრად, ჯარები შემოგროვებულ იქმნა რამდენსამე ალაგას და, თუმცა კანკლერი და დიდებულნი მოხელენი ჯერ კიდევ იმედს არა ჰკარგავდნენ, იქნებ მშვიდობიანად გავათავოთ საქმეო, მარც თავად-აზნაურობა უფრო საომარ გუნებაზედ იდგა, ძლივე-გამარჯვებანი ვისნევეცკისა ძლიერ აფიცებდა ერის გონებას. ყველას სწყუროდა შური ეძია ყვითელ წყლებისა, კორსუნისა და ათასობით ტანჯულ-წამებულთათვის, სირცხელისა და დამცირებისათვის. სახელი საშინელის თავადისა შეიმოსა ახალის დიდებითა და ამ სახელთან ერთად მიმოიფანტა ბალტიის ზღვის კიდეთაგან ყრუ მინდვრებამდე ახალი შავ-ბნელი სიტყვა: ომი, ომი და ომიო! ომის წინამორბედი ნიშანი იყო საშინელნი ცის მოვლენანიცა, მკვიდრთა შეშფოთებულნი სახენიცა, ძაღლების ყმუილიცა ღამ-ღამითა, ჰინვინი ცხენთაცა, რომელნიც წინაღვე ჰგრძნობდნენ სისხლის ღვრის მოახლოვებასა. ომი! თავად-აზნაურობა ყველა ქალაქსა, დაბასა და სოფელში იღებდა ხელში ძველს, ჟანგ-მოკიდებულს თოფ-იარაღს და ჰფერავდა, ახალგაზღობა ერემიას სიმღერას ამბობდა, ხოლო დედაკაცი ლოცულობდნენ კოსტელებში. და შემოკრებოდნენ მხედარნი პრუსიის სამზღვართაგან, დიდის პოლონეთიდან, მკვიდრ-მრავალ მაზოვიიდან, კარპატის შორეულ მთებიდან.

ღიად, ომი ყველას თვლებში უცქეროდა. მღელვარება იმიერ ქორომეთისა, აჯანყება ერისა მთელს უკრაინაში იმით

არ იყო გამოწვეული, რომ, აბა, ვძარცვოთო, პანები და მაგნატები ჩვენს სისხლსა სმენ, გვავიწროებენო. ხმელნიცკიმ კარგად ივარაუდა ესა, ხელზედ დაიხეა მაგალითნი ერის სისხლის სმისა და პან-მაგნატების ძალ-მომრეობისა (ხოლო ყოველივე ესე იშვიათი არ იყო იმ შავ-ბნელსა და სასტიკს დროსა), სოციალური ომი სარწმუნოებრივ ომად გარდააქცია, ცეცხლი შეუკეთა ერის ფანატიზმსა და უკბად გასთხარა ღრმა თხრილი გადაკიდებულთა შორის, ის თხრილი, რომლის ამოვსებაც შეუძლიან მხოლოდ სისხლსა და გვამთა გროვასა.

და, ელოდა-რა გულში, რომ ეცდებიან და მშვიდობიანობას ჩამოაგდებენო, მხოლოდ ის უნდოდა, ეგებ როგორმე, თუნდ დროებით მაინც შევირჩინო ჩემი ძლიერებაო. მერე-ლა? რა იქნებოდა მერე, ამას იმიერ-კორომეთის გეტმანი არ დასდევდა, მერმისს თვალს არ უშტერებდა და მისთვის არა ჰზრუნავდა.

მან არ იცოდა ჯერა, რომ მის-მიერ გათხრილი ხევი მეტად ღრმა იყო, რომ იმაზედ ხიდის გაღება არ შეეძლო არავითარს მშვიდობიანობისათვის დადებულ ხელ-შეკრულებას, ისეთის ხიდის გაღება, რომელსაც რამდენსამე ხანს მაინც თავი დაექირა. შორს-მჭვრეტელი პოლიტიკოსი იყო და ის კი არ იცოდა, რომ დამშვიდებით ველარ მოიმკიდა თვისთა სისხლ-შესვრილ საქმეთა ნაყოფსა.

მიხვედრა კი ამისი ძნელი არ იყო. როცა ათასობით შეთოფ-იარაღებულნი მხედრობანი დაუპირისპირდებოდნენ ერთმანეთს სამტროდა, იქ მოლაპარაკების დასაწერ ეტრატად იქმნებოდა მინდორი, ხოლო კალმად — შუბნი და ხმალნი.

ყოველი წვლილი და კნინი მომასწავებელი იყო ომისა და თვით მდაბიონიც კი ჰგრძნობდნენ, თითქო სუნი აუღლიათო, რომ სხვაფრივ არც შეიძლებოდა. თვალნი ყოველთა თავად ერემიაზედ იყო უნებლიედ მიქცეულნი, იმ ერემიაზედ, რომელმაც იმ თავითვე დაიწყო ომი და სთქვა, ან სიცოცხლე ან სიკედილიო. მის დიდებულის სახის წინაშე თითქო მცირდებოდა, იღეოდა კანკლერიცა, ბრაცლავის მოურავ-ერისთავიცა

და ყოველად ძლიერი თავადი დომინიკი, გამოცხადებული უმთავრესს სპასპეტად და ამირ-სპასალარად. მცირდებოდა და ილევდა მათი მნიშვნელობა, მათი უფლება-ხელმწიფება. ჯარმა და შლიახტა ბრძანება მიიღო, შეგროვდით ლეოვსაო, ხოლო შემდეგ გლინიანსაო. თანხმად ამ ბრძანებისა, ჯარმა დაიწყო ნელ-ნელა თავ-მოკრება იქ ახლო-მახლო სადროშო სამოურავოებიდან, გარნა ახალმა ნიშნებმა შეშფოთებისა და მოუსვენრობისამ დაუწყო მუქარა რესპუბლიკის სახელსა და ღირსებას. არა მარტო ნაკლებად გამგონი და მორჩილნი რაზმნი ქედზედ კაც-გამოსულთა, არამედ ჯამაგირით მყოფნი ჯარნიც, ერთად თავ-მოკრების შემდეგ, არ ემორჩილებოდნენ თავ-თავიანთ უფროსთა და, ბრძანების წინააღმდეგ, მიისწრაფოდნენ ზბარაეს, თავად ერემიას ჯარში ჩასადგომად. ასე მოიქცნენ ჯერ კიევისა და ბრაცლავის სამოურავონი, — იქაური შლიახტა მსახურებდა ოდესმე ერემიას ბრძანებლობასა ქვეშე, — მერე რუსისა, ლუბელისა, ამათ აპყენენ სახასო ჯარნი და, ადვილად მოსალოდნელი იყო, რომ დანარჩენებიც მათს მაგალითს მიჰბაძავდნენ. განგებ ჩრდილში მიყენებულს ერემიას ძალა გარემოებათა ჰქმნიდა სრულიად რესპუბლიკის გეტმანად და უფროსად. შლიახტა და მხედრობა, გულითა და სულით მისი ერთგული, მხოლოდ ერემიას ბრძანებას ელოდებოდა. ყოველადი ხელმწიფება, ომი, მშვიდობიანობა, მერმისი რესპუბლიკისა, — ყოველივე მის ხელთ იყო.

ღლითი-ღლე იზრდებოდა, ღლითი-ღლე ემატებოდა, ახალ-ახალი ჯარი მის მხედრობას და ბოლოს ესოდენ აღმაღლდა-რომ ჩრდილმა მისმა დაუწყო დაჩრდილვა არა მარტო კანტლერსა, არამედ სენატსაც, ვარშავასაც, სრულიად რესპუბლიკასაცა.

ვარშავაში და გეტმანთა ბანაკად, თავად დომინიკისა და ბრაცლავის მოურავის ამალაში და ყველგან, საცა კი ერემიასთვის ძვირის მდომელნი იყვნენ, დაიწყეს ლაპარაკი და მითქმამოთქმა, უზომოდ ამპარტავანია და ქედ-მაღალი გოროზიო. მოიგონეს საქმე გაღიაჩისა, როცა ამაყი თავადი შევიდა ვარშა-

ვაში ოთხი ათასის ჯარი, შემოერთყა სენატს, შეამტვრია მისი კარები და მზად იყო აეჩეხნა ყველანი და თვით მეფეც კი.

რას უნდა ველოდეთ ასეთის კაცისაგან და რა ხასიათზედ უნდა იდგეს ახლა, შემდეგ თვისის გამოლაშქრებისა იპიერ დნეპრის მხრიდან, შემდეგ ძლევა-გამარჯვებათა, რომელთაც ასეთის დიდებით შექმოსეს მისი სახელიო? სად არის სამზღვარი მისის ქედ-მალალის ზვიადობისა, რომელიც შთაჰბერა ამ კაცს ჯარის-კაცთა და შლიახტის ყურ-მოქრილმა ყმობამ, ბრმა თაყვანის ცემამაო? ვის შეუძლიან ახლა წინ აღუდგეს იმათაო? რა მოუვა რესპუბლიკას, უკეთუ ერთს კაცს ძალუქს ეურჩებოდეს სენატის სურვილს და ართმევდეს ხელმწიფება-ბატონობას თვით მთავრობისაგან დანიშნულ უფროსთაო? მართალია, რომ ვითომ ერემიას განზრახვა აქვს გვირგვინით შეამკოს ბატონიშვილი კარლოსი? შეიძლება მარის შევეთანასწოროთ იგი თავადი, გარნა ღმერთმა ჰქმნას, რომ გულზვიადობამ არ ატვირთებინოს როლი მარკოზ კორიოლანისა ანუ კატილინასიო.

ასე ლაპარაკობდნენ ვარშავაში, ხოლო ის, ახალი მარი, იჯდა ზბარაჟს თავ-პირ ჩამობნელებული, გამოცანად გადაქცეული. ახალთა ძლევა-გამარჯვებათა ვერ მოაშორეს მისს პირისახეს ღრუბელი ზრუნვისა. როცა მოვიდოდა, ესთქვათ, ზბარაჟს რომელიმე ახალი რაზმი ჯარისა, თავადი გამოეგებებოდა მისასალმებლად, ერთის თვალის გადავლებით დააფასებდა მისს მნიშვნელობას და კვლავ მიეცემოდა მოღრუბლულს ნადვლიანობას. ჯარის-კაცი ფუთფუთებდნენ მის გარეშემო, მუხლს იდრეკდნენ მის წინაშე, ჰყვიროდნენ: „გაუმარჯოს უძლეველს წინამძღვარს, დიდებულს ჰერკულესს! უკანასკნელ სისხლის წვეთამდე ვიბრძოლებთ შენთვისაო!“ ხოლო თავადი პასუხად ეუბნებოდა: „თავს გიკრავთ დაბლა! ჩვენ ყველანი მსახურნი ვართ ქრისტესიო“ და მიდიოდა თავის სახლში, ერიდებოდა ხალხში ყოფნას და განუწყვეტილვ ებრძოდა თავის ფიქრ-აზრებსა. ამასობაში სულ ახალ-ახალი ჯარი მოდიოდა და ემატებოდა მისს მხედრობას. ქუდზე-კაც-გამოსულნი მთვრალობდნენ დილიდან საღამომდე, დაფრატუნებდნენ ქუჩა-ქუჩა, აურ-

ზაურობდნენ და სტეხდნენ ჩხუბს უცხო ჯარების აფიცრებთან. ჯამაგირის ჯარის-კაცნიც იმათს მაგალითს ჰბაძავდნენ, რაკი ჰგრძნობდნენ, რომ სიმტკიცე წესისა შერყეულიაო. დღე ისე არ გავიდოდა, რომ ახალი სტუმრები არა სწვეოდნენ ქალაქს, ახალ-ახალი მეგლიში არ გამართულიყო, ქეიფი არ გაეწიათ მკვიდრ ბანოვანთა და კეკლუცთა შორის. ჯარებმა დაიჭირეს ყველა ქუჩები, ყველა განაპირა უბნები... და მერე რანაირ აჭრელდა იქაურობა, რანაირ აფერადდა გარემონი! კაცს ეგონებოდა, ნახევარ-რესპუბლიკას აქ მოუყრია თავიო. თვალი აუჭრელდებოდა კაცს ამ მოოქროვილ ჯავშან-ჩაჩქნებითა, აბრეშუმ-ხავერდის ცქერითა, რომელიც ეცვათ სხვა-და-სხვა სამოურავოთა პან-მაგნატებსა.

გარნა ამ ბჭყვრიალსა და სიმდიდრეს შორის რაოდენ საწყალისა და უბადრუკის შესახედაობისა იყვნენ ჯარის-კაცი ვისნევეცკისა, დაღალულ-დაქანცულნი, დაკონკილ ტანისამოსით მოსილნი, ჩამომდნარნი, გაყვითლებულნი! სხვა-და-სხვა რაზმის აფიცრები უფრო გლახაკებსა ჰგვანდნენ... სად დაუმხარდამხარდებიან ახლად მოსულ სტუმართა მხლებლებსაც კი!.. გარნა მაინც ყველანი ქუდს უხდიან, ყველანი თავსა ჰხრიან ამ უბადრუკობის წინაშე; უბადრუკობა იგი ესოდენ ამკობს გმირებსა! ომი, ვითა სატურნი, სჭამს თვისთა ძეთა, ხოლო ვისაც ვერ შეშქამს, ჰხრავს და სცრცენის ისე, როგორც მშიერმა ძაღლმა გამოჰხრას და გასცრცენას ძვალი. ეს ტანისამოსი გაახუნა წვიმამა და მზემა ჟამსა სამძიმო ლაშქრობისასა, ეს ჟანგი, რომელიც მოჰკიდებია იარაღის რკინასა, სისხლია საკუთარი ანუ მტრისა, ან არა და ერთიც არის და მეორეც. ვისნევეცკიანებს ყველგან პირველი ადგილი ეთმობათ; დუქნებშიაცა და სასტუმროებშიაც ისინი არიან მომთხრობელნი ამა თუ იმ ამბავთა, გარნა სხვანი იმათ უსმენენ მხოლოდ. დავაცადოთ და ხან ერთს მსმენელს აუძგერდებოდა გული, ხან მეორეს, შეუგუბდებოდა სული და, თითქო ყელში წაუჭირეს და იხრჩობაო, წამოიძახებდა მუხლებზედ ხელების დაკვრითა: „დიდება შენთვის, უფალო! რა იყავით, ეშმაკნი და ქაჯნი, თუ

ადამიანი-შვილები?“ ხოლო ვისწვევსკიანი უპასუხებდნენ: „ეგ ჩვენი ღვაწლი კი არ იყო, არამედ ჩვენის წინამძღვარისა, რომლის ტოლი და სწორი ჯერ არ დაუბადნია დედა-მიწას“. და აი ყოველ ამგვარ ქეთისა და ნადიმის დროს გაისმოდა ალფრთოვანებით: *Vivat ერემია! Vivat თავადო მოურავ-ერისთავო*, წინამძღვარო წინამძღვართა და გეტმანო გეტმანთაო!..“ შეზარხოშდებოდა თუ არა შლიახტა, მოეფინებოდა ქუჩებს, ისევროდა თოფ-დამბაჩას, ხოლო რაკი ვისწვევსკიანები ამბობდნენ, რომ ეს თავისუფლება დროებითა გვაქვს მონიჭებულიო, რომ მალე თავადი ხელს ჩაგვკიდებს და ისეთს სასტიკს წესს დაამყარებს, რომლისთანაც თქვენ ჯენ იქნება არც კი გაგიგონიათო, ყველა ესწრაფებოდა ეინი მოეკლა ქეთისა და მხიარულებისა. „*Gaudeamus*“, ვიდრე დრო გვაქვს!— გაჰყვიროდა შლიახტა.— როცა საჭირო იქნება, ვიყვნეთ მორჩილნი. მადლობა ღმერთს, ისეთიცა გვყავს, ვისიც მორჩილება სასიხარულოც კია!“ ამ დროს ცოტა მათრახები არა ჰხვდებოდა უბედურს თავადს დომინიკსა. ამბობდნენ, რომ მთელი დღე სდგას და ლოცულობსო, ხოლო ღამე ლოთობს, ომი ხომ იმდენი უნახავს, რამდენიც იმის სასახლეში გაკრულ ჰოლანდიურ ხალიჩებზეა დახატულიო. თავად დომინიკესაკენ ერთი არ იტყოდა კეთილს სიტყვასა, ყველა იმას აგინებდა, მეტადრე ისინი, ვინც დანაშაულში იყვნენ სამხედრო წეს-რიგის დარღვევისათვის.

ამისთანაობაში თავი იჩინა უფრო პან ზაგალობამ. მენჯების ტკივილმა გაუარა და ეხლა-ძალიან კარგადა ჰგრძნობდა თავსა. ამაო იქნება ვსთქვათ, ამდენ-ამდენსა სვამდა და სჭამდაო, სულ ერთია, მანც არავინ დაიჯერებს. მუდამ მთელი გუნდი ერთყა გარშემო ჯარის-კაცთა და შლიახტისა, ხოლო ზაგალობა, ვითომც აქ არაფერიო, ისევ იმათ დასცინოდა, ვინც უმასპინძლდებოდა და ჰპატიჟებდა. ყველას აბუჩად იჭერდა, ვითომ და მე ხნიერი, გამოცდილი ჯარის-კაცი ვარ და თქვენ ვინა ჰყრიხართო. ამიტომ კიმვითა და გაბლინძვით ეუბნებოდა: „თქვენა? იმდენადვე გაქვთ ნაცადი ომში თავი, რამდენადაც მოლოზანსა ჰყავს ნაცადი მამაკაცი.. ჰმ, ომი მწვადის შე-

თლა არ გახლავთ. იქ რომ წამოდგები დილითა, პილატეს ცრემლს არავინ გადაგაკვრევენებს და ჩურჩხელას არ შემოგთავაზებენ, ყელი ჩაიკოკლოზინავეო. იცოცხლე, ქონი მოგაკლდეთ, ლოყები ჩამოგახმეთ და ისე დაიწვიო, როგორც ბალახი იწვის მზეზედ. ჰეეეი! ბევრი ტანჯვა კი გამოვიარე, მაგრამ, სამაგიეროდ, მოგეცათ ღვთის-წყალობა, ერთი და ორი დროშაც არ გამოვიტაცე მტრისა, გარნა უნდა გითხრათ, არც ერთის წართმევა არ დამჯდომია ისე ძვირად, როგორც იმის გამოტაცება, რომელიც კონსტანტინოვან წავართვი ყაზახებსა. ოი, ამოსწყვიტა ღმერთმა ეს იმიერ-ქორომელნი. აი, ჰკითხეთ პან სქშეტუსკისა, აიმასა, რომელმაც ბურღაბუტს თავი გაუგალა; იმანა ჰნახა ყოფელივე თავის თვალითა, ჰნახა და უკვირდა. ან აი რა გითხრათ: ჩაჰყვირეთ ყურში რომელსამე ყაზახსა: „ზაგლობა-თქო!“ და დაინახავთ, რაც მოჰხდება. და ან კი რა უნდა გელაპარაკოთ. თქვენ აი ბუზები თუ გიხოცნიათ სატკაცუნებელის თოფებით კედლებზედა, თორემ სხვა არაფერი არა გინახავთ-რა.

— როგორ იყო ევა, როგორ? — ეკითხებოდა ახალგაზდობა.

— თქვენ უთუოდ ის გინდათ, რომ ყბედობით ისე გამიფიცხდეს ენა, როგორც ურმის ღერძი აიწვის ხოლმე?

— წასმა უნდა საპნისა! ღვინო მოიტათ! — ჰყვიროდა შლიახტა.

— ეგ კი მართალია, სწორედ.

მაშინ კი პან ზაგლობა კმაყოფილებით იღიმებოდა, მხიარული მით, რომ ვიპოვნე ჩემდა მადლობით აღვისილნი მსმენელნიო და უამბობდა ყველაფერს ათადან-ბაბადან, გალატიდან დაწყებული დროშის წართმევამდე კონსტანტინოვის ახლოს, მსმენელნი სულ-განაბულნი ისმენდნენ და მხოლოდ ათასზე ერთხელ დაუწუნებდნენ ხოლმე ზაგლობას ნალაპარაკევს: მეტადრე მაშინ, როცა სქელ-სქელი შლიახტიჩი ქება-დიდებით მოიხსენიებდა თავის ვაჟკაცობა-გულადობას და დაცინვით დაუშხარდამხარებდა ამ თვისთა საგმირო საქმეთა მსმენლების გამო-

უცდელიობას; სმით კი მაინც სვამდა ყოველ დღე და იყო ხო-
ლმე ასე გაღეჭილი.

ღიად, ზბარაეში ისეთი მხიარულება და რა ამბავია იყო, რომ მოხუცი ზაცვილიხოვესკი და სხვა დამსახურებული აფი-
ცრები ჰკვირობდნენ: ნეტავ რა მიზეზია, რომ თავადი არ მო-
სპობს ამ საყოველთაო ჰირვეულს ქეიფსაო. თავადი კი იჯდა
სულ სახლში და, საფიქრებელია, განგებ მისცა შეძლება ჯარს
ქეიფისა და მხიარულებისა მოახლოვებულ ომის წინად. მოვი-
და სქშეტუსკიცა და უცბად ჩაიხვია ისიც რაღაც ზვირთ-ტალ-
ღამა. თავის კარგ ამხანაგ-მეგობართა შორის უნდოდა ყოფნა,
მაგრამ გული უფრო ძლიერ მისწევდა ბარს, საცა ეგულებოდა
თავისი სულის-დგმა: წავალ, ვნახავ და მისის დანახვით სულ
გავიქარებ ყოველსავე ჩემს დარდსა და ნალველსაო. დრო აღარ
დაჰკარგა, ეახლა თავადს იმ აზრით, რომ მიესცემ ანგარიშს
ზასლავს ყოფნისას და ვსთხოვ დამითხოვოს რამდენისამე ხნი-
თაო.

ჰან სქშეტუსკიმ ინახულა თავადი, მაგრამ ძალიან კი გა-
ოცდა, რადგან ერემია საშინლად გამოცვლილიყო. დავიჯერო
ეს ის გმირია, რომელიც მახნოვკასა და კონსტანტინოეს მი-
ნახავსო?—ამბობდა გულში სქშეტუსკი. მის წინაშე იდგა კა-
ცი, მწუნარება-ნალვლით წელში მოხრილი, თვალეზ-ჩაცვინუ-
ლი, ტუჩებ-გაფიცებულნი; თითქო ციებ-ცხელება ჩასცი-
ვებიაო. სქშეტუსკის მოკითხვაზედ თავადმა მოკლედ და
გულ-ცივად სთქვა, კარგადა ვარო (რაინდმა, დილაც, რომ
ვერ გაჰბედა დაწვრილებით დაეწყუ გამოკითხვა, როგორა ხარ,
რა გტკივაო) და მოსთხოვა ანგარიში. როცა საქმე გაათა-
ვეს, ჰან სქშეტუსკიმ სთხოვა, ორის თვით დამითხოვეთო,
ჯვარს დავიწერ, ცოლს სოფელში დავაბინავებ და ისევ გიხლე-
ბითო.

თავადი სახტად დარჩა და ისე შეკრთა, თითქო ეძინა და
უცებ გამოაღვიძესო. მისი სახე გაშუქდა წინანდელის კეთილის
ღიმობითა, ციკინათელასავით აენტო და გულ-მხურვალედ გა-
დაეხვია სქშეტუსკის.

— უჰ, მადლობა ღმერთსა! აჰა, გათავდა თქვენი ტანჯვა-წამებასა. წადით, წადით, ღმერთმან გაკურთხოთ. მეც მინდოდა ვყოფილიყავ თქვენს ქორწილში, მაგრამ გარემოება ისეთია, რომ... არ შემიძლიან. როდის გინდა წახვიდე?

— თავადლა!... მე თუნდ ეხლაც მზად გახლავართ!..

— ხვალ დილით. მარტო, რასაკვირველია, ვერ წახვალ. სამას თათარს გაგატან თან ვერშულისას; უფრო უზრუნველად იქნებით. იმათთან ერთად უფრო ჩქარა მიხვალ, მერე გზა-გზა ათასგან შეგხვდებათ ავაზაკნი და ათასნაირნი მაწანწალანი. ამას გარდა, გაგატანთ წერილს ჰან ანდრია პოტოცკისთან. ვიდრე თათრები მოვლენ, ვიდრე მოემზადებით, გათენდება კიდეცა.

— როგორც მიბრძანებთ. გარნა გავბედავ და ერთის თხოვნითაც შეგაწუხებთ, თქვენო ბრწყინვალეზავ, ნება უბოძეთ ვოლოდიევსკისა და პოდბიჟენტას, ისინიც გამოიყვენ.

— კარგი. დილით ჩემთან შემოიარეთ. გამოგეთხოვებით და დაგლოცავთ. მინდოდა რაიმე საჩუქარი გავეგზავნა კნიაჟნასთვის. მის ძარღვებში ღირსეული სისხლი მდინარებს. იყავით ბედნიერ, ღირსნი ხართ ერთმანეთისა.

რაინდმა დაბლად დაუკრა თავი საყვარელს წინამძღვარსა მუხლი მოიდრიკა, ხოლო თავადი კვლავ იმეორებდა:

— აბა, ღმერთმან გაკურთხოთ! ღმერთმან გაკურთხოთ! ხვალ დილით მოდით.

ხოლო სქმეტუსკი აღარა დგებოდა და, ბოლოს, კარგა ხნის ყოყმანს შემდეგ, გაჰბედა და ჰკითხა:

— თქვენო ბრწყინვალეზავ!..

— რა გსურს სთქვა კიდეა?—აღერსით ჰკითხა თავადმა.

— მაპატივეთ კადნიერება, მაგრამ... მაგრამ გული მიკედება, თქვენ რომ გიყურებთ... ღვთის გულისათვის, მიბრძანეთ, რა ამბავია თქვენს თავს? მწუხარება გაწუხებთ, ავადა ბრძანდებით?

თავადმა ხელი დაადო თავზედა:

— რად გინდა, რომ იცოდე ეგა!—გულითა და სულითა სთქვა თავადმა.—მოდით ხვალ დილით.

პან სქშეტუსკი ადგა და წავიდა გულ-მტკიენეული.

— სალამოზედ ესტუმრენ: ზაცვილიხოვსკი, ვოლოდიევისკი, ზაგლობა, ხოლო მათთან პან პოდბიპენტაცა. ყველანი სტოლს მოუსხდნენ და ეენძიანმა მალე ბოთლი და ფიალები შემოიტანა.

— უფალო, ღმერთო ჩემო!—დაიძახა პან ზაგლობამ გაკვირვებითა.—ეს რა ამბავია, შენი პაეი მკვდრეთით აღსდგა, თუ როგორ არის?

ენძიანი მიუახლოვდა და მუხლებზედ მოეხვია.

— მკვდრეთით კი არ აღესდგეი, ცოცხალი გადაერჩი, რადგან თქვენ დამიხსენით სიკვდილისაგან.

— და მერე ბოგუნს დაუწყო სამსახური,—დაუმატა პან სქშეტუსკიმ.

— მაშასადამე, თავის დროზე შეიძენ ეშმაკებისა და ქაჯების მფარველობასაცა,—დიდის ამბით და გაპრტყელებით წარმოსთქვა პან ზაგლობამა.—არა მგონია, რომ ბოგუნის სამსახურში კარგადა ყოფილიყავ. აჰა, ტალერი, აიღე!

— გმადლობთ!

— ეგა?—სთქვა პან სქშეტუსკიმ.—ეგ ისე კარგად თურმე მოეწყო იქა, რომ რალა გითხრა: ჩარჩობდა, ჩალიშობდა ყაზახთა შორის, ჰყიდულობდა იმათგან ნადავლსა და ნაალაფევს და იმოღენა ქონება შეიძინა, რომ მე და შენ ვერ შევსძლებთ იმის შესყიდვასა, თუნდაც სულ გაჰყიდო შენი მამულები სალმალოში.

— ეჰე! მართლა? აიღე ეგ ჩემი ტალერიც და ასარგებლე, იქნება ყოველივე დაგკირდეს მაშინ, როცა სახრჩობელაზედ ჩამოგაკონწიალებენ! მე და ჩემმა ღმერთმა, ეს ბიჭი ძალიან მომწონს! (პან ზაგლობამ ყურში წაავლო ხელი ეენძიანსა და მოსწია) მიყვარან გაიძვერანი და მიწინასწარმეტყველებია შენთვის, რომ თავის დროზედ კაცი შეიქმნები, თუ პირუტყვად

არ ღარჩი. ჰო, რაიო, შენი ბატონი, ბოგუნი, არ მომიგონებდა ხოლმე?... ჰა?

ენძიანმა კრეკა დაიწყო; თავის ქებად მიიჩნია პან ზაგლობას სიტყვები.

— ოჰ, ღმერთო ჩემო! ისე აგონდები, რომ სულ კბილებს აკრაქუნებს.

— დამეკარგე იქითა! — დაიღრიალა პან ზაგლობამ, რომელიც უცბად გაბრაზდა ამ სიტყვებზედ. — ნუ მიჰქარავ ემანდა.

ენძიანი გავიდა ოთახიდან, პან ზაგლობა ნელ-ნელა დამშვიდდა და მოჰყვა თავისებურად ქილიკობასა და ოხუნჯობას. ლაპარაკი მივარდ-მოვარდა და მოიხსენიეს ბოლონდელი ამბები, მისწვდნენ თავადსაცა. ბოლოს სქშეტუსკიმ იკითხა, რა უცნაური ცვლილება დასტყობია თავადსა, რაზედ გამოცვლილა ასე შესამჩნევად?

— იქნება ნეკრესის ქარები აუტყდა, — სთქვა ფიქრში წასულმა პან ზაგლობამ. — აი მე აქ არა ვარ: ე ბერა-თითი, ცერი, რომ დამიწყებს ხოლმე ტენასა, ორ-სამ დღეობით სულ მოშლილი ვარ.

— მე კი უნდა გითხრათ... — გაუბედავად დაიწყო პოდბიჰენტამა, — პირად მე კი არ გამოგონია ქსენძ მუხოვეცკისაგან, მაგრამ ვილასთვისაც უთქვამს, რაც აწუხებს თავადსა. მე თითონ... რაო ახლა?.. მე თითონ არას ვამბობ: თავადი დიდებული კაცია და სახელოვანი მხედარი, ქსენძი მუხოვეცკი კი... არა, ეს კია, რომ, რა ვიცი, მე ვერ ვიკისრებ დავამტკიცო...

— ოჰ, ღმერთო! — გააწყვეტინა სიტყვა პან ზაგლობამ: — სული არ ამოგვართვა? რასა ჰროშავ მოშლილი წისქვილივითა? ჰღეჰავ და ჰღეჰავ, აქიანურებ ურიის მკვდარივითა... კაცი ვერას გაიგებს.

— მერე, რა გაიგონეთ? — შეეკითხა პან სქშეტუსკი.

— აი რა... ამბობენ, რომ ვითომ თავადმა მეტის-მეტად ბევრი სისხლი დაჰღვარაო. დიდებული კაცია, მაგრამ ზომა არ იცის, როცა გაცეცხლდებოა და ახლა ასე ეჩვენება, ვითომ

ყოველივე სისხლით არის მორწყული... დღისითაც სულ სისხლი ელანდება, ღამეც სულ სისხლი... კაცს ეგონება, სისხლიანს ნისლს-ბურუსშიაო...

— სისულელებს ნუ მოჰყოლიხართ ემანდა! — შეჰყვირა გაჯავრებით პან ზაგლობამ. — დედაკაცური ქორებია ევა. მშვიდობიანობის დროს ერისათვის უკეთესი ბატონი აღარ შეიძლებოდა, როგორც ეგ იყო, ხოლო თუ შეწყალება არ იცის მემბობხეთა, ეგ ცოდვა კი არ არის, ღვაწლია. რა ტანჯვა და წამება უნდა იყოს მეტის-მეტი იმათთვის, ვინც სისხლის მორევში ჩაახრჩო სამშობლო, თათრებში ჰყიდდა თანამოძმეთა, ვინც დაივიწყა ღმერთიცა და ნამუსიცა? ერიგინდი-ჰა, ძამია, შენ ხელი გქონია რკინისა და გული კი, ვხედევ, დედაკაცისა გაქვს! ვნახე, როგორა სტიროდი, როცა ჰულიანსა სწვამდნენ და იძახდი, უმჯობესი იყო აეღოთ და მიეკლათ ბარემაო. ჰო, როგორ არა, თავადი ქალაქუნა არ გახლავთ; იცის, როგორ უნდა დასჯაცა და დასაჩუქრებაცა.

— მაშ, როგორ გგონიათ, რა ამბავია მის თავს? — ჰკითხა ვოლოდიევესკიმ.

— ჰმ, რა ვიცი, მე იმისი ვეჭილი არა ვარ და! რაღასაც ჰფიქრობს, ვარაუდობს, თავის-თავს ეძალება, ფიქრს ებრძვის. დიადაც, რომ მთლად მისი არსება, მისი სული რყევაშია, დუღილშია... ხოლო რაც უფრო ღრმა ბუნებისაა ადამიანი, მით უფრო ძლიერია მისი ტანჯვაცა...

მოხუცი რაინდი არა სცდებოდა. სწორედ ამ დროს თავადი, ეს წინამძღვარი და ძღვევა-მოსილი მხედართ-მთავარი, გულ-შემუსვრილია გართხმული იყო ჯვარცმის წინაშე და იტანჯებოდა... იტანჯებოდა ისე, როგორც არასდროს არა ტანჯულა თავისის სიცოცხლეში.

ზბარაჟის ციხე-დარბაზის დარაჯთა გუნდმა ამცნო მიძინებულს ქვეყანას, რომ უკვე შუა-ღამეაო, ხოლო ერემია მაინც ღმერთსა და თვისსა დიდებულს სულს ეზრახებოდა. მისი გონება, სვინიდისი, სიყვარული მამულისა, გრძნობა თვისის ძალღონისა და დიდებულის მოწოდებისა საშინელის სისასტიკით

ეომებოდნენ ერთმანეთს და ამ ბრძოლისაგან გული ერემიასი იგლიჯებოდა ნაკუწ-ნაკუწ, სული ჰკენსოდა და ჰგმინავდა აუტანელის ტკივილითა, თავი ისე უვარვარებდა, თითქო ცეცხლი უკიდიოა. წინააღმდეგ პრემასის სურვილისა, წინააღმდეგ კანკლერისა, სენატისა, გეტმანებისა და თვით რესპუბლიკისა მის დროშის ქვეშე იკრიბებოდა ჯარი და მხედრობა, მთლად ქვეყანა ხელში უვარდებოდა, მის ფრთეთა ქვეშე შეერდომასა ნატრობდა, თვისსა ბელსა და უბედობას მის გენიოსობას აბარებდა და თვისთა უკეთესთა კაცთა პირით შეჰლალადებდა: „დაგვიხსენ, დაგვიხსენ!.. მარტო შენ ძალგვიძს ჩვენი ხსნაო!“ ერთი-ორი თვე კიდევ და ზბარაჟს მოიყრიდა თავს ასი-ათასი მხედარი, სრულიად მზად-მყოფი ძმათა-ძმის მკვლელ ომის ვეშაპის შესამუსრავად... სურათნი მერმისისა, ცხრა-თვალის შუქით გაბრწყინვალეებული და დიდება-ძლიერებით მოსილი, ერთმანეთს ეჯახებოდა თავადის თვალ-წინ.

შიშით ძრწოლას დაიწყებენ ისინი, ვინც ჰბედავდნენ ჩემს შეურაცხყოფას, თავს არ მიდებდნენ და უგულვებელ-ყოფით ეკიდებოდნენ ჩემს განზრახვასაო, ხოლო მე გავემართები ჩემის ნაჰედ-რკინა-მოსილ რაინდთა რაზმებით უკრაინის მინდვრებად და მოვიმკი ისეთს გამარჯვებას, მოვიჭირნახულებ ისეთს ძლევა-მოსილებას რომლისთანაც ჯერ ისტორიას არა გაუგონია-რაო. თავადი თან ჰგრძნობს, რომ ძალა და ღონე შესწევს მის ქადილსა, რომ მხრებზედ ფრთები ესხმის, თითქო ფრთებია მთავარ-ანგელოზის მიხეილისაო. აი ამ საათში მდევით უზარმაზარდება, ჰბუმბერაზდება და უფრო და უფრო მატულობს მისი სიდიადე... ისე რომ მთლად ციხე-დარბაზი, მთელი ზბარაჟი, სრულიად ქვეყანა რუსისა ვერ შეეტოლ-შეეწონება. ღმერთთა მოწამე! აღვევი ხმელნიცკის პირისაგან ქვეყნისაო! დავთრგუნავ ამბოხებას, დავუბრუნებ მშვიდობას სამშობლოსაო!

აი ჰხედავს თვალ-გადუწვდენელ მინდვრებს, ესძის გრგვინვა ზარბაზნათა... ბრძოლა! ბრძოლა!... აკლება მტერთა, არ გაგონილა, არ ქმნილა! ათასი გვამი მხედართა, ათასი დროშა-

ალამი მოეფინა სისხლით გაჟღენთილ მინდორსა, ხოლო თვითონ ასო-ასო ჰკეპავს ხმელნიცკის, საყვირნი უკრავენ ძღვევამოსილების საგალობელს, ხმა გამარჯვებისა გრიალებს ზღვიდან ზღვამდე... თავადი წამოიჭრება და იწვდის ხელთა ქრისტეს მიმართ და ჰხედავს, რომ მის თავს გარშემო რაღაც სისხლივით წითელი ბური შემოჰკრავნია: „ქრისტე, ქრისტე! შენ ჰხედავ, შენ უწყი, რომ შემძლებელ ვარ, აღვასრულო ყოველივე ესე, მარქვი რისა თანამდებ ვარ ყოფად!“

გარნა ქრისტე თავ-დახრილია და მდუმარებს, ისეთი მწუხარე, თითქო ეს არის ეხლა გაუკრავთ ჯვარზედაო.

„შენდა სადიდებელად! — შეჰლაღადებს მთავარი, — non mihi! non mihi, sed nomini Tuo de gloriam!“ სადიდებელად სარწმუნოებისა და ეკლესიისა, სრულიად საქრისტიანოსი! ოჰ, ქრისტევ, ქრისტევ!

ახალმა სანახავმა გაუელევა ერემიას თვალ-წინ.

ხმელნიცკის დაძლევიით არ დასრულდება ამ გზით სიარულიო....

შევმუსრავ ამბოხებას, გავაძლიერებ ძალასა ჩემსა მისის მხედრობის შემოერთებით, ასიათასობით შლიახტას ზედ დავუმატებ ასი-ათასობით ყაზახთა და განვავრძობ გზას. გავილაშქრებ ყირიმს, შევმუსრავ ვეშაჰს, გაცავამტვერებ მთლად მის ბუნაგს, აღმებართავ ჯვარს იქ, სადაც ზართა რეკა არ მიუწოდებს მორწმუნეთა წმიდა ლოცვადაო.

და აი გავილაშქრებ იმ ქვეყანაში, რომელსაც სთელავდნენ ოდესმე თვისთა ცხენთა ნალითა ჩემნი წინაპარნი, განვავრცელებ სამზღვრებს რესპუბლიკისას, ხოლო მასთან ერთად, ეკლესიისასაც ქვეყნიერების კიდემდე...

სად არის დასასრული ამ მისწრაფებისა? სად არის დასასრული დიდებისა, ძლიერებისა, შემძლებლობისა? არსად არ არის...

ციხე-დარბაზის ოთახში შემოაშუქა მთავარის მკრთალმა ნათელმა; საათმა დაჰკრა გვიანობისა, მამლებმა ყვილი დაიწყეს. განთიადი მოახლოვებულა. იქნება ისეთი დღე გამოვი-

დეს, რომ, როცა მზე ამოვა ცაზედა, იმ დროს ახალი მზე გა-
ბრწინდეს დედა-მიწაზედა?

დიად, ბავშვი უნდა ვიყო და არა მთავარი, არა ვაჟაკი, რომ არ შევასრულო ესა, რომ რაიმე მიზეზით არ ავეყვე ხმას ჩემის სულიერის არსებისასაო. ვგრძნობ მშვიდობას, რომელიც მომივლინა მოწყალე ქრისტემ, კურთხეულ იყოს სახელი მისიო!... და აი ფიქრი და აზრი მისი უფრო განმტკიცდა. უფრო გარკვევით შემიძლიან აწ სულისა ჩემისა თვალითა ვსჭვრეტდე სამშობლოს აწინდელს ყოფასაო. პოლიტიკა კანცლერისა და ამ ვარშავის ყველა მაგნატებისა, აგრედვე ბრატლავის მოურავისა დაღუპვაა სამშობლოსი. ჯერ უნდა გავქელოთ იმიერ-ქორომეთი, მივუგდოთ ზღვა სისხლისა, მოვტეხოთ, შევმუსროთ, ხოლო შემდეგ მივცეთ ღამორჩილებულთ ყოველივე, რათა აღარ იყოს ძალ-მომრეობა, შევიწროება; ყველგან უნდა დავამკვიდროთ მშვიდობა, მოსვენება; როცა სრული შეძლება გვექნება სიკვდილამდე მივალწევინოთ, მაშინ უნდა აღვადგინოთ,—აი მხოლოდობითი გზა, რომელზედაც შესაძლებელია იაროს დიდებულმა, ყოვლად ძლიერმა რესპუბლიკამ. იქნება წინად შესაძლო იყო სხვა გზის არჩევა, გარნა ახლა აღარ შეიძლება! რას მოვიმკით სამშვიდობო ხელ-შეკრულებათა დადებით მაშინ, როცა მოწინააღმდეგეს ასი-ათასობით შეიარაღებული მხედრობა უდგას. კარგია ჩამოგდება მშვიდობიანობისა, გარნა მტკიცე იქნება იგი მშვიდობიანობა და თავს დაიჭერს? არა, არა! ეგ უგუნური ოცნებაა, ეგ ომია, რომელიც საუკუნეთა განმავლობაში არ შესწყდება, ეგ ზღვაა ცრემლისა და სისხლისა სამერმისოდ!... ოღონდ კი ამ გზას დაადგენ, ამ დიდებულსა და კეთილშობილს გზასა და მე სხვა არა მინდა-რა, არას მოვითხოვ. დავბრუნდები ჩემს ლუბნში და დამშვიდებით დავუწყებ ლოდინს იმ დროს, ვიდრე ხმა საომარის საყვირისა არ მიმიწოდებს ახალის დეაწლისათვის, ახალის ქველობისათვისაო.

დაადგენ ოღონდ კი ამ გზას, შეიწყნარონ ჩემი ნავარაუდევო. მაგრამ ვინ, ვინ უნდა დაადგეს, ვინ უნდა შეიწყნაროს?

კანცლერმა? პრინსმა ანუ გეტმანებმა? ვინ, ვინ მიხვდება, თვინიერ ჩემდა, ამ აზრის ყოველადსა სილიადეს და ვინ შესძლებს მის განხორციელებას? ოღონდ გამოჩნდეს იმისთანა ვინმე და მე, მთავარი ერემია, მზადა ვარ, ყოველივე ვიკისრო. მაგრამ სად არის ამისთანა? ვისა აქვს ძალ-ღონე? მარტო მე ვარ და სხვა არაინ! ჩემთან მოდის შლიახტა, ჩემდა მოისწრაფიან მხედრობანი, ჩემს ხელშია მახვილი რესპუბლიკისა. ოჰ, რესპუბლიკა, მაშინაც კი როცა მეფე ჰყავს, ერის ნება-სურვილზე დადის. ეხლა ხომ, როცა უმეფობაა, რაღა თქმა უნდა ნება-სურვილი იგი უმაღლესი კანონია—suprema lex! ეგ ნენა-სურვილი თავს იჩენს არა მარტო სეიმებზედ, არა მარტო სენატისა და კანცლერთა დეპუტატების შემწეობით, არა მარტო აღწერილ კანონთა და მანიფესტების შუამავლობით, არამედ უფრო მძლავრად, უფრო დასანახად, უფრო სარწმუნოდ თვით საქმიათ. ვინ განმგეობს აქ? რაინდთა წოდება!... გარნა, აი, სწორედ თვით ეგ რაინდთა წოდება იკრიბება ეხლა აქ, ზბარაქსა, და მეუბნევა: შენა ხარ ჩვენი წინამძღვარი! სრულიად რესპუბლიკა ემორჩილება გარემოებათა ძალასა, მანიჭებს მე ხელმწიფებას და იმეორებს: შენა ხარ წინამძღვარი ჩვენი! და მე უნდა უკუვსდგე? სხვა რაღა საბუთს უნდა ველოდე კიდევ? რაღა საბუთს და საიდან? იმისგან ხომ არა, ვისაც უნდა დაჰლტუპოს რესპუბლიკა და დამამციროს მე თვითონა?

დამამციროს! რათა, რისთვის? იმისთვის ხომ არა, რომ როცა ქვეყანა შიშმა და ძრწოლამ აიტანა, როცა გეტმანები ტყვედ იქმნენ შეპყრობილნი, მხედრობა დაძლეული, პანები თავიანთ ციხე სიმაგრებში დახიზნულ-დამაღულნი, ხოლო ყაზახმა ქუსლი დააჭირა რესპუბლიკის მკერდს, მარტო მე ავგლიჯე ეგ ღვთის-მგმობელი ქუსლი და აღვადგინე მტვერში ჩაფლული, მოუძღურებული თავი დედა-ქვეყნისა, მე რომელმაც შევწირე ჩემს მამულს ყოველივე, სიცოცხლეცა და ქონებაცა, მე, რომელმაც გადავარჩინე სამშობლო შერცხვენასა, სიკვდილსა,—მე, ძლევა მოსილმა?!!

ვისაც უფრო ღვაწლ-მოსილი ჰგონია თავი თვისი, დეე იტვირთოს ეს ხელმწიფება. დეე მის ხელთ იყოს. სიამოვნებით უარ-ვყოფ ამ ტვირთს, სიამოვნებით ვეტყვი ღმერთსა და რესპუბლიკას: „აწ განმიტყევე მონა შენი მშვიდობით“... მოვიღალე და ძალა ჩემი მიიწურა.

გარნა თუ არავინ არ არის, ორჯელ, სამჯერ ბავშვი ვიქნები და არა ვაქცაცი, უკეთუ ხელს ავიღებ, უარ-ვყოფ ამ ხელმწიფებას, ამ ღიდებულს გზას, მერმისსა, რომელსაც დაჰკავშირებია ხსნა და ძალი რესპუბლიკისა.

და ან კი რად უნდა უარ-ვყო?

მთავარმა კვლავ მალლა აიღო თავი გულ-ზვიადობით, ცეცხლებრ ელვარე თვალი დააშტერა ქრისტეს ხატსა, გარნა ქრისტე თავ-დაღუნული იყო და მღუპარებდა... ისეთი მწუხარე, თითქო ეს არის ეხლა გაუკრავთ ჯვარზედაო.

რადაო?... ერემიამ ორივე ხელი საზეთქლებში იტაცა... იქნება პასუხიც არის ამისი. რას ჰნიშნავს ეს ხმა, რომელიც ამ ოქროთი-მოსილ ღიდების ლანდთა შორის, მერმისის ძლევათა გრგვინვათა შორის, ღიდებისა და ძლიერების წინაღ-გრძობათა შორის ასე უწყალოდ გაისმის ჩემს სულიერს არსებაში: „შესდეგ, საცოდავო!“? რას ჰნიშნავს ეს მოუსვენრობა, რომელიც რადაც უცნაურის შეშფოთების ჟრუანტელივით შივლის უშიშარს გულში და ნეესებივით მიჩხვლეტავს მკერდს? გარნა ოდეს ცხადად და გარკვევით ვუმტკიცებ ჩემს თავს, რომ მე უნდა ვიტვირთო უფლება-ხელმწიფება-მეთქი, რა მიზეზია, რომ სადღაც იქ, ღრმად, სინიღისის საიდუმლო სამალულებში ვიღაცა ჩურჩულებს: „შენ სცდები, შენ შეუპყრიხარ გულზვიადობას, თვალ-წინ გელანდება სამეთო მანტია!“

და აი კვლავ საშინელი ბრძოლა აღევზნო მთავრის გულში, კვლავ ექვ-ყოყმანის, შეშფოთებისა და უჯერობა-უკმარობის ქარტეხილმა შემოჰხვია თვისი მკლავნი და მოიცვა მთლად მისი არსება.

რას აკეთებს შლიახტა, რომელიც ჩემთან შემოგროვილა, იმის მაგიერ, რომ თავ-თავიანთ სარღლებთან წასულიყო მთავ-

რობისაგან უფროსებად დანიშნულებთან? ფეხ-ქვეშ სთელავს კანონსა. რას აკეთებს ჯარი? არღვევს წესსა და რიგსა. და მე, მოქალაქე, მე, ჯარის კაცი, უნდა ვმოთავეობდე უკანონობას, ვფარავდე ჩემის სახელითა და მნიშვნელობით? მე უნდა პირველმა მივცე მაგალითი ურჩობისა, თვითნებობისა, კანონის უპატივცემულობისა და ყოველივე ესე უნდა მოვიქმედო იმიტომ, რომ ორის თვით აღრე მივიღო ხელმწიფება, რომელიც სულ ერთია, მე არ ამცდება, უკეთუ მეფედ ამორჩეულ იქმნა ბატონიშვილი კარლოსი? მე უნდა მივცე ასეთი საშინელი მაგალითი შთამომავლობას? შერე, რა გამოვა ბოლოს? დღეს ამას მოიქმედებს ვისნევეცკი, ხვალ კონცეპტოლსკი, პოტოცკი, ფირლეი, ზამოისკი ანუ ლიუბომირსკი! ხოლო უკეთუ თვითოეული არ მიაქცევს ყურადღებას კანონს და თავისებურად დაიწყებს ქცევასა, როცა შვილებიც მამა-პაპების მაგალითს აპყვებიან, რა მოუვა მაშინ აქ ჩვენს უბედურს ქვეყანას? თვითნებობის ჭიამ, უწყესობამ, პირადობამ უიმისოდაც დაფქვა ფესვი რესპუბლიკისა, — შინაურ ომის ცულის ისეც გააქვს ჯახი-ჯუხი, ნაფოტი აქეთ-იქით იფანტება უწყალოდ და გამხმარნი შტონი შორდება ხეს ზედი-ზედა. რა მოუვა ქვეყანას, უკეთუ ისინი, ვინც უნდა იფარავდნენ და უფთხილდებოდნენ მამულს, როგორც თავიანთ თვალის ჩინს, თვითვე შეუკეთებენ ცეცხლს? რა მოუვა? ღმერთო, ღმერთო, ხმელნიცკიც ხომ საზოგადო სიკეთის დროშას ამოჭყარებია, მაგრამ იმის მეტსკი არას აკეთებს, რომ წინააღმდეგობას უწყევს კანონს და რესპუბლიკის დიდებასაო.

ფერხით თხემამდე შექრქოლებულმა მთავარმა ხელების მტვრევა დაიწყო. „ანუ თუ მეორე ხმელნიცკი უნდა მე გავხედე, ოჰ, იესო!“

გარნა ქრისტე თავ-ჩალუნული იყო და მღუშარებდა... ისეთი მწუხარე, თითქო ეს-ეს არის ეხლა გაუკრავთ ჯვარზედაო.

მთავარი კვლავ ნაღვლობდა და იყო გვემა-მწუხარებაში. ვსთქვათ, შევიმოსე ხელმწიფება და კანცლერმა, სენატმა და გეტმანებმა კი გამოაცხადეს, ეგ მემამოხნეა, მოლალატეაო, რა

იქნება მერე? მეორე ომი უნდა ატყდეს კიდევ შინაურობაში? მასთან განა ხმელნიცკი ისე საშიში, ისე მრისხანე მტერია რესპუბლიკისა? არა ერთხელ მაგაზედ ბევრად მძლავრი მტერი მოვლინებია მამულს; როცა გრიუნვალდს ახლოს ორასი-ათასმა გერმანელმა, ჯაქვ-რკინით შელესილმა ალყა შემოარტყა იაგელლოს მხედრობას, როცა ხოტინთან კინალამ ნახევარ-ახია გამოვიდა საბრძოლველად, შემუსვრა ჩვენი თითქმის აუცილებელი იყო, მაგრამ რა დაემართა კი ამ ყოვლად ძლიერს მტერს? რესპუბლიკას ომებისა არ ეშინიან და არც ბრძოლა დაჰლუპავს! გარნა, როცა ასეთი გამარჯვება და ძლევა შეუმოსნია, ასეთი ძლიერია მისი დაყუსრული ძალი, ასეთია დიდება მისი, რომ მუსრი გაავლო ჯვაროსანთა და ოსმალთა... რალათ შეჰშინდა ერთის ყახახის წინაშე? რალაა, მაშ, მიზეზი, რომ მის სამზღვრებს ჰგლეჯენ მეზობელნი, ერნი დასცინიან, მის ხმას არაეინ ისმენს, მისის რისხვისა არაეინ ეშინიან და ყველანი დალუპავსა და დამხოზას უწინასწარმეტყველებენ?

ჰმ! მაგის მიზეზი ქედ-მალლობაა და ცუდ-მედიდობა მაგნატებისა, ის თვალ-ვიწრო თავ-მოყვარება, ის თვითნებობა, რომელიც ასე გვჩვევია. ჩვენი მრისხანე მტერი ხმელნიცკი კი არ არის, შინაური შფოთი და უთანხმოებაა, თვითნებობაა შლიახტისა; სიმცირე და ურჩობაა მხედრობისა, სეიმების მღელვარებაა, სიზარმაცეა, პირადობა და ურჩობაა, — ურჩობაა უპირველეს ყოვლისა. ხე გულიდანა ლპება. ცოტა, ცოტა კიდევ და პირველადვე ამოვარდნილი გრიგალი გადაამტვრევს, გარნა წყეულ იყოს ის, ვინც მოზიარე იქნება ამ საქმეში, შეჩვენებულ იყოს იგი და ძენი მისნი მეთათე თაობამდე!

წადი ახლა, გმირო და მძლეველო ნემიროვისა, პოგრები-შჩისა, მახნოვკისა და კონსტანტინოვისა, წადი მთავარ-მოურავ-ერისთაეო და წაჰგლიჯე ხელიდან ხელმწიფება სარდლებსა, დასტრგუნე კანონი და მიეცე შთამომავლობას მაგალითი იმისი, თუ როგორ უნდა ჰგლიჯოს გული დედა-ქვეყნისა, სამ შობლოსი.

შიში, განწირულება, თითქმის უგუნურება დაეტყო მთავარს სახეზედ... ნადირივით შეპლრიალა, იტაცა თმებში ხელი და გულ-შემუსვრილი დაემხო ქრისტეს წინაშე.

თან სინანულში იყო მთავარი და თან გაცხელებულს თავს ახეთქებდა ფილაქნიან იატაკს, ხოლო მის მკერდთან ისმოდა ყრუ კვნესა და გმინვა:

— ღმერთო! მოწყალე მექმენ მე ცოდვილსა! ღმერთო, მოწყალე მექმენ მე ცოდვილსა!.. ღმერთო, მოწყალე მექმენ მე ცოდვილსა!...

განთიადმა წითლად შექლება აღმოსაველეთის კიდური, ხოლო შემდეგ მალე ამოვიდა მზე და შეაშუქა დარბაზში. გარედ კიკპიკებდნენ ჩიტები და მერცხლები. მთავარი ადგა და წავიდა ჟელენსკის გასაღვიძებლად, რომელიც იქვე მეორე ოთახში იწვა.

— გაიქეცი, — სთქვა მან, — და უბრძანე მოუწოდონ, ჩემთან პოლკოვნიკებს, ყველას, ვინც ან ცინე-დარბაზშია, ან ქალაქში... ყველას, ჩვენებსაცა და სხვებსაც.

ორის საათის შემდეგ დაიწყეს თავ-მოყრა დარბაზში დიდულვაშებიანმა და წვერიანმა პოლკოვნიკებმა. მთავრისეულთა შორის მოვიდნენ: ზაცვილიხოვსკი, პოლიანოვსკი, სქშეტუსკი პან ზაგლობითურთ, ვურცელი, მახნოვსკი, ვოლოდიევსკი, ვერშული, პონიატოვსკი, თითქმის ყველა აფიცრები, გარდა კუშელინსა, რომელიც საზვერაოდ იყო გაგზავნილი.

უცხოთა და შორეულებში მოვიდნენ ოსინსკი და კორიკი. ბევრმა შლიახტიჩმა, უფრო მდიდარმა, არ დაანება თავი გერმის საწოლსა, მაგრამ იმათგანაც მაინც საკმაოდ ბლომად მოვიდნენ. დარბაზს გუგუნე გაჰქონდა, თითქო ფუტკრის სკააო; თვალი ყველასი შესცქეროდა კარებს, საიდანაც უნდა გამოსულიყო თავადი ერემია.

უცბად ყოველივე დადუმდა. შემოვიდა თავადი. სახე მისი იყო დამშვიდებული, მოწმენდილი ცასავითა და მხოლოდ უძილობით დაწითლებული თვალები და იერი რაღაც ტანჯვისა ცხადად ამტკიცებდა, რა ბრძოლაც გამოეწოდა სულსა. გარნა

ამ დამშვიდების ფარდიდან მაინც ცხადად გამოსკვირდა შეუმდრკალი ძლიერება და დიდებულება.

— ბატონებო! — სთქვა მთავარმა, — წუხელ ვეზრახებოდი ღმერთსა და ჩემსა სვინილისსა იმის შესახებ, თუ რის თანამდებ ვარ ყოფად. აწ გაუწყებთ თქვენ, ხოლო თქვენ შეატყობინეთ მთელს რაინდობას, რომ სამშობლოს სიკეთისათვის და თანხმობის დასამყარებლად, რომელიც ასე საჭიროა ჟამსა იწროებისასა, ჩემი თავი გეტმანთა მორჩილებისათვის დამიქვემდებარებია.

დარბაზში დიდი ღუმილი და დაყუდება ჩამოვარდა.

—

ამავე დღეს, შუაღლე იქმნებოდა, რომ ციხე-დარბაზის ეზოში იდგა სამასი თათარი, პან სქშეტუსკისთან გასამგზავრებლად მზად-მყოფი! ხოლო თვით სასახლეში მთავარს სადილი ჰქონდა გამართული უფროს აფიცრებისათვის. ეს სადილი ამასთანავე გამოთხოვების სადილიც იყო ჩვენის რაინდისათვის. რაკი „სანეფო“ კაცი იყო, ამიტომ თავადის ახლო დასვეს, ხოლო მის გვერდით პან ზაგლობა იჯდა, მხსნელი „საპატარძლოსი“. თავადი ერემია მხიარულად იყო და ხშირად ამბობდა სადღეგრძელოს მომავალ ნეფე-დედოფლისას. სასახლის კედლებსა და ფანჯრებს ზანზარი გაჰქონდა რაინდთა მხიარულის ყრიაშული-საგან. დერეფანში და აივანზედ ქეიფობდნენ პაჭები, რომელთა შორისაც ჟენძიანს პირველი ადგილი ჰქონდა დათმობილი.

ის-იყო თავადმა ხელში ფიალა აიღო და ემზადებოდა მიემართნა შეინახეთათვის რალაც სიტყვის წარმოთქმითა, რომ ამ დროს კარების ზღურბლზედ გამოჩნდა კაცი, დაღალულ-დაქანცული, გამტვერიანებული და, დაინახა რა გაშლილი სუფრა, შეეინჯინებულნი სახენი შეზარხოშებულთა, გაჩერდა გაუბედავად კარებში.

პირველად თავადმა დაინახა ის კაცი, შეიკრა წარბები და ჰკითხა:

— ვინა ხარ მანდა? ჰო, კუშელი მოსულა საზვერაოდან! რა ისმის, რა ამბავია?

— ძალიან ცუდი, თქვენო ბრწყინვალეებავ, — რალაც უცნაურის ხმით უპასუხა ახალგაზდა აფიკერმა.

ყველანი იმ წუთსვე გაჩუმდნენ, ყველამ თვალი მიაპყრო კუშელის შეწუხებულს, მოშავბედებულს სახეს.

— არ გეთქვა მაინც ჯერ-ჯერობით და მხიარულება არ ჩაგეშხამებინა, — სთქვა მკვეთრის ხმით თავადმა, — მაგრამ რაკი დაიწყე, ბარემ ვაათავე კიდეცა.

— თქვენო ბრწყინვალეებავ, არც მე მინდა ვიყო უსიამოვნო მახარობელი, მეც ბარემ ენა მუცელში მივარდება...

— რა ამბავია, რა მოჰხდა? სთქვი!

— ბარი... მტერმა აიღო!

ნაწილი მესამე



I

ერთს მშვენიერს ღამეს ვალადინკის მარჯვენა ნაპირად მიდიოდა ერთი რაზმი ცხენოსანთა.

ცხენოსანნი ნელ-ნელა მიდიოდნენ, თითქმის ნაბიჯითა. ორი ცხენოსანი დაწინაურებულიყო სულ რამდენისამე ნაბიჯითა, რაღასაც ლაპარაკობდნენ გაცხარებითა და მხოლოდ ათასში ერთხელ შესჭყვივლებდნენ ხოლმე თავიანთ ამხანაგებს:

— ეჭვი, ჩუმად იყავით, ჩუმადა!

ამ დროს რაზმი უფრო უკლებდა ხოლმე ნაბიჯსა და ტა-ატით მიდიოდა წინ.

ბოლოს რაზმი გასცდა ჩრდილს, რომელსაც მაღალი მთა ისროდა, და გავიდა მთვარესაგან გაშუქებულს გზაზე. მხოლოდ ახლა მიხვდებოდა კაცი, რა მიზეზი იყო, რომ რაზმი ისეთის სიფრთხილით მიდიოდა: ორ ცხენს შუა საკაცე იყო გაბმული და ზედ ვილაც აღამიანი იწვა.

ვერცხლის ფერი შუქი დაჰნათოდა მის მკრთალს სახეს და დახუჭულს თვალებს.

საკაცეს ახლდა ათიოდე შეიარაღებული კაცი, რომელნიც, როგორც ეტყობოდათ, ყაზახნი უნდა ყოფილიყვნენ. იმ ორ გარდა, რომელნიც წინ მიდიოდნენ, ყველა დანარჩენნი მოუსვენრად იცქირებოდნენ აქეთ-იქით.

გარნა გარშემო ყველგან დიდი ღუმილი და დაყუდება იყო.

მყუდროობას არღვევდა მხოლოდ ცხენების ფეხის-ხმა და შეყვივლი ერთ-ერთის წინ წასულის ცხენოსანისა, რომელიც ხანდაზმით იმეორებდა:

— ნელა! ფრთხილად!

ბოლოს ამ ცხენოსანმა მიჰმართა თავის ამხანაგს:

— გორბინა, ჯერ კიდევ შორს არის?—ჰკითხა იმანა.

ამხანაგმა, რომელსაც გორბინა ერქვა და რომელიც ყაზახურად ჩაცმული დედა-კაცი იყო უზარმაზარის ტანისა, შეჰხედა ცას და უპასუხა:

— აღარ არის შორსა, შუალამისას სახლში ვიქნებით. გავივლით მტრის სამყოფელს, გავივლით თათრების ტყეს და მერე იქვე ეშმაკეული იარი იქნება. ჰაი, დედასა, ვერაფერი სავალია იქ ნაშუალამევს, ვიდრე მამალს არ უყვივლია. ჩემთვის არაფერია, მაგრამ თქვენთვის კი ძნელი იქნებოდა!

პირველმა ცხენოსანმა მხრები შეიშმუშნა.

— ვიცი,—სთქვა იმანა,—რომ ეშმაკი შენი ბიძაშვილია, მაგრამ რაო შერე, ეშმაკის წამალიც არის ქვეყანაზედ.

— ბიძაშვილია, თუ მამიდაშვილი, ეგ არ ვიცი და წამალი კი არ გახლავთ. მთელს დედამიწის ზურგზედ რომ ეძებო, უკეთეს საეანეს ვერსად იპოვი კნიაჟნასთვის. ახლოსაც ვერავინ გაეკარება შუალამის შემდეგ იმ ადგილსა... ჩემთან ერთად თუ, თორემ... იარში კი ჯერ ადამიანის შვილს ფეხი არ დაუდგავს. ვისაც უნდა მაკითხინოს, შორი-ახლოს იცდის და ფეხს ვერ გადმოსდგამს, ვიდრე მე არ გამოვალ. შენ ნუ გეშინიან, იქ ვერც ლიახები მოვლენ, ვერც თათრები, ჰაჰანებად ვერავინ გაივლის, ვერა. ეშმაკეული იარი საშინელება რამ არის, თორემ შენ თვითონა ჰნახავ.

— დეე, საშინელება რამ იყოს, მე კი გეუბნევი, რომ, როცა მინდა, მაშინ მოვალ.

— მარტო დღისით შეგიძლიან.

— როცა მინდა-მეთქი; თუ ეშმაკი დამხვდა წინა, შიგ რქებში ვტაცებ ხელსა.

— ჰეჰეი, ბოგუნო, ბოგუნო!

— ჰეჰეი, ღონცოვნა, ღონცოვნა! შენ ჩემთვის ნუ დარდობ. ეშმაკი დამაკლებს რასმე, თუ არა, ეგ შენი საქმე არ არის, მე შენ აი რას გეუბნევი. მაგ შენს ეშმაკებს როგორც გინდა ისე გაეცი პასუხი; მხოლოდ კნიაჟნა კი მოსვენებული იყოს; თუ იმას რამ დაემართა, იცოდე, ჩემის ხელიდან ვეღარც ეშმაკი დაგიხსნის და ვეღარც მავნე სულელები.

— მე ერთხელაც მახრჩობდნენ წყალში, როცა მე და ჩემი ძმა ღონის ნაპირადა ვსცხოვრობდით; მეორედ კიდევ იამპოლში ჯალათმა თმა გამკრიჭა, მაგრამ მით მაინც მე ვერა დამაკლეს-რა. აქ კი სხვა საქმეა. შენის მეგობრობისათვის ვუდარაჯებ კნიაჟნას ისე, რომ სულეებმა ბუზიც ვერ აუფრინონ, ხალხისა კი შიში არა მაქვს, კნიაჟნა აქედან ვერსად წამივა.

— აი, შე ბუკნაქოტო, შენა! თუ აგრეა, მაშ უბედურებას რაღას მიწინასწარმეტყველებდი, რას ჩამძახოდი ყურში: „ლიახნია იმის გვერდითა! ლიახნია იმის გვერდითაო?“

— მაგას მე კი არ ვამბობდი, სულელები ამბობდნენ. იქნება ახლა გარემოება შეიცვალა. ხვალ გიმკითხავენ წისკვილის ბორბალზედა. წყალში ყველაფერი კარგადა სჩანს, მხოლოდ დიდ ხანს უნდა ცქერა. შენ თვითონა ჰნახავ. ეჰ, სწორე უნდა გითხრას კაცმა, ცოფიანი ძაღლი ხარ, სულ ჰღრინავ და ხმაღზედ იკიდებ ხელსა.

ლაპარაკი შესწყდა, მხოლოდ ცხენების ფეხის ხმა ისმოდა და წყლიდან მოდიოდა რაღაც კრიკინი, თითქო კრიკინები კრიკინებენო.

ბოგუნე ყურს არ უგდებდა ამ კრიკინს, რომელიც იმ დროს მოსალოდნელი არ იყო. ყაზახმა მთვარეს შეჰხვდა და ღრმა ფიქრმა წაიღო.

— გოპზინა! — სთქვა მან ღუმელის შემდეგ.

— რა იყო?

— შენ კუდიანი ხარ, უნდა იცოდე, მართლა არის ისეთი ბალახი, რომ ვინც იმის წვეს დაჰლეც, უნდა შეუყვარდეს ვინმე? საყვარელაა, სიყვარულის წამალია, თუ პირ-ბამბა ბალახია რაღაცა?

— პირ-ბამბაა. მაგრამ შენს საქმეს ეგეც ვერ უშველის. კნიაჟნას რომ არავინ უყვარდეს, დააღვინებდი და გათავდებოდა, ხოლო თუ სხვა უყვარს, იცი რა იქნება?

— რა?

— უფრო ძრიელ შეუყვარდება ის სხვა.

— გადაგიწყდეს და გადაჰყე თანა იმ შენს პირ-ბამბა ბალახსა! მარტო ბოროტსა და ავს მიწინასწარმეტყველებ და კარგს რჩევას კი ვერას მაძლევ.

— მაშ მომისმინე: სხვა წამალიც ვიცი ბალახისა. მიწაში ამოდის. ვინც იმას დაჰლეც, ორ დღე და ღამეს ისე სძევს, როგორც კუნძი, სინათლეს ვერა ჰხედავს. მაშ, აი ამ წამალს დავაღვინებ და მერე...

ყაზახს შეაჟრჟოლა სიმწართა და თვისის მბრწყინავის თვალებით დააშტერდა კუდიან დედა-კაცს.

— რას დამხზავი ყვაფითა?

— მზად იქნება საქმე!—დაიძახა გოკპინამა და ისეთ ნაირი ხარხარი დაიწყო, თითქო ცხენი ჭიხინებდა.

მისს ბოროტს ხარხარს ბანი მისცა ხევ-ხუვმა და კლდის ნაპრალებმა.

— აღქაჯი!—წაიტუტუნა ყაზახმა.

მისმა თვალებმა ნელ-ნელა დაჰკარგა ბჰყვრიანობა. ყაზახი ფიქრმა წაიღო და ისე დაიწყო ლაპარაკი, თითქო თავისთავს ელაპარაკებოდა.

— არა, არა! როცა ბარი ავიღეთ, მე პირველი შევევარდი მონასტერში, რომ დამეცვა ლოთებისაგან და თავი გამეხეთქა იმისთვის, ვინც გაჰბედავდა კნიაჟნას ხელის-ხლებასა; იმან კი დანა დაიცა გულში და ახლა გრძობა-დაკარგული წევს საკაცებედ. ხელი რომ ეახლო, კვლავ დანას დაიცემს გულში,

ან წყალში გადავარდება! სად ვუყარაულო ისე, რომ თვალი არ მოვაშორო მე საცოდავმა!

— შენ გულში ლიახი ყოფილხარ და არა ყაზახი, როცა არ გინდა ყაზახურად ძალა დაატანო ქალსა და ისე დაიყოლო!

— ლიახი რომ ვიყო!— შეჭბლავლა ბოგუნმა.— ოჰ, ლიახი რომ ვიყო!— და უცბათ იტაცა ხელები გაცხელებულს თავში.

— ჰმ, ახლა კი მოიტეხინებს, — წამოჰროშა გორპინამა.

— ეჰ, ეგრე რომ იყოს! დეე, პირველივე ტყვია მე მომხედეს, დეე, მარგილზე ჩამოცმით დავლიო ჩემი დღენი, ჩემი ძალღური ცხოვრება... ერთად-ერთზედ შემვივარდა მთელს ქვეყნიერობაზედ გული და იმასაც არ ვუნდივარ!

— სულელიო!— გაბრაზებით წამოიყვირა გორპინამ, — ქალი შენს ხელშია ახლა!

— ჩაიკმინდე ხმა და ნუ ლაშლაშებ ე მანდა!— გაცეცხლდა ბოგუნი, — თავი რომ მოიკლას, მერე? შენც შუაზე გაგზღიჩავ, ჩემს თავსაც შუაზედ გავიპობ, ქვაზედ მივანთხევ ტვინსა, ხალხს წიწქანას დავუწყებ, როგორც ძალლი; სულს მივცემ იმას, დიდებას ყაზახისას იმას ვანაცვალე, გავიქცევოდი ეგორლიკს, იქით, მოვშორდებოდი ჩემებს, ოღონდ კი იმასთან ერთად ვყოფილიყავი, იმასთან ამომსვლოდა სული... გესმის?! იმან კი დანა დაიკა და რადა, რა მიზეზით? ჩემის მიზეზითა! დანა დაიკა! გესმის?

— არაფერიც არა მოუეა-რა. არ მოკვდება.

— ის რომ მოკვდეს, ზედ ხეზედ დაკედავდი ლურსმებითა.

— ძალა არა გაქვს იმაზედა.

— არა მაქვს, არა. ნეტავ ჩემთვის დაეცა დანა, ნეტავ იქვე გავეთავებინე, ისევ ის მერჩივნა.

— სულელი პოლონელი გომბიო! იმის ალაგას ჩემის ნებით შეგიყვარებდი. სად იპოვის შენზედ უკეთესს?

— ოღონდ ეგ მოახერხე და ერთ ქილა დუკატებს წინ დაგიყრი, მეორეს— თვალ-მარგალიტით ავივსებდი. ბარში ცოტა ნადავლი არ ვიშოვნეთ, წინადაც კიდევ.

— თავად ერემიასავით მდიდარი ხარ და იმისავით სახე-
ლოვანი. როგორც ამბობენ, თვით კრივანოსს ეშინიანო შენი.
ყაზახმა ხელი დაიქნია.

— რა გამოვიდა მერე, როცა მე გული მტკივა.

კვლავ ჩამოვარდა ღუმილი. წყლის სანაპირო უფრო და
უფრო ყრუ და უდაბური ადგილი შეიქმნა. მთვარის შუქი
უცნაურს ფერსა სდებდა ხეებსა და კლდის წვერებსა. ბოლოს
გორბინამ წარმოსთქვა:

— მტრის დაბა ახლოა. ერთად ვიმგზავროთ.

— რაღაო?

— ცუდი ადგილია აქა.

ცხენები შეაყენეს და დაუცადეს, ვიდრე მთელი რაზმი
მოვიდოდა.

ბოგუნმა წამოიწია, შედგა უზანგზედა და გადაჰხედა სა-
კაცესა.

— სძინავს? — ჰკითხა.

— სძინავს, — უპასუხა მოხუცმა ყაზახმა, — ისე ტკბილადა
სძინავს, როგორც პატარა ყმაწვილსა.

— ძილის წამალი დავაღვიეინე და იმიტომა, — სთქვა კუ-
დიანმა დედაკაცმა.

— ჩუმად, ფრთხილად, — სთქვა ბოგუნმა და თვალს არ
აშორებდა მძინარესა. — არ გააღვიძოთ, მთვარე ზედ პირზედ
დაჰყურებს... ჩემს სიცოცხლეს.

— დამშვიდებით დაჰყურებს, არ გააღვიძებს, — ჩურჩულითა
სთქვა ერთმა ყაზახმა.

რაზმმა გასწია წინ. აგერ მტრის დაბაცა. ეს დაბა ერთი
პატარა სერი იყო, ზედ მდინარის ნაპირად, დაბალი, შაქრის
თაფივით მორგვალეებული. მთვარე ზედ დაჰნათებდა და აშუ-
ქებდა ქვებს, რომელიც მოფანტული იყო მის ზედა-პირზედა.
ქვები ზოგან გაცალკეებული იყარა, ზოგან შეხროვილი იყო,
თითქო ნასახლარების, ან დაქცეულ ციხე-დარბაზის და ეკ-
ლესიის ნაშთიაო. ალაღა-ალაღ ნახევრად მიწაში ჩაფლულ
ქვებს ამოეყოთ თავი, თითქო საფლავის ქვებიაო, მაინც სა-

ზოგადოდ მთელი სერი სასაფლაოსა ჰგვანდა. შესაძლოა ოდესმე, იაგელოოს დროს, აქაც სიცოცხლე სდუღდა და გადმოდიოდა; ამ ჟამად-კი სერიცა და არე-მარეც რაშკოვამდე ერთ ყრუ უდაბნოსა ჰგვანდა, სადაც მხოლოდ ნადირი სცხოვრობდა, ხოლო ღამ-ღამობით მავნე სულები აბამდნენ თავიანთ ფერხულს.

ავიდა თუ არა რაზმი სერის შუა წელამდე, სიომ უმატა და ისეთი ქარი ამოვარდა, რომ სტეენა და ზუზუნი დაიწყო. ისეთ ნაირად წუწუნებდა და გაჰქონდა თან გრილი ქარაშოტს, რომ ყაზალებს ეგონათ, იქნება ეს გმინვა ქარისა იმ ნანგრევთა შუა-გულიდან ამოდის და იქიდანვე ისმის ეს ხარხარი, ტირილი და წივილი, თითქო პატარა ბავშვები დაუმწყედევით იქაო!? მთლად სერი გაცოცხლდა, ყვიროდა სხვადა-სხვა ხმაზედ; ქვებს იქიდან, კაცს ასე ეგონებოდა, ვიღაც კაცების ჩრდილი მოსჩანსო; საშინელნი ლანდნი ნელ-ნელა მოხობავდნენ ერთ ფილაქნიდან მეორესაკენ, შორს, წყვილიადში ცეცხლები ციმციმებდა, თითქო მგლების თვალები ანათებსო; ბოლოს, სერის მეორე მხრიდან მოისმა დაბალი ყმუილი ისეთს ხმაზედ, თითქო ყელში წაუქერიათ ვისმესთვის და იხრჩობაო. ამ ყმუილს სხვებიც აჰყვენენ და ატყდა საერთო ხმაურობა, საერთო გულ-საკლავი ღმუილი.

— მგლები არიან? — წასჩურჩულა ახალგაზდა ყაზახმა მოხუცს ესაულს.

— არა, ეგენი მავნე სულნი არიან, — უფრო ჩუმად უპასუხა ესაულმა.

ცხენებმა დაიწყეს ყურების ბარტყუნი და ფრუტუნი. წინ მიდიოდა გორპინა და რაღაც გაუგებარს სიტყვებსა ბურტყუნებდა, თითქო ეშმაკსა ლოცულობსო. მხოლოდ სერის მეორე ფერდობს რომ მიატანეს, მაშინ მობრუნდა და სთქვა:

— ახლა კი გათავდა. სამშვიდობოში მივედით. ძლივს შევიმაგრე, ძალიან დამშეულები არიან.

ყაზახებმა თავისუფლად ამოისუნთქეს. ბოგუნი და გორპინა კიდევ წინ წავიდნენ, ხოლო ამათმა ამალამ, რომელიც

აქამდე სულ განაბული იყო, ჩურჩული დაიწყო. თვითელი, იგონებდა, ასე და ასე შეეებრძოლე მავნე სულებსაო.

— გორპინა რომ არა ყოფილიყო, ჩვენ აქ ვერ შემოვიდოდითო, — სთქვა ერთმა.

— იცის-და, თავისი საქმე, კუდიანი დედაკაცია.

— ჩვენს ატამანს ხომ ქაჯისაც არ ეშინიან. ყურსაც კი არ უგდებდა არაფერს, მხოლოდ თავის კნიაყნას უცქეროდა.

— იმას რომ ის საქმე შემთხვევოდა, რაც მე შემემთხვა, ვგრე აღარ დაიწყებდა ვაეკაცობით თავ-მოწონებასა, — სთქვა მოხუცმა ესულმა.

— რა შეგემთხვა განა, ოვისივოი?

— მოვდიოდი ერთხელ ღამე სასაფლაოს ახლო რეიმენ ტარეკიდან გულიაპოლსა. ვნახოთ, უეცრად რაღაც შემოხტა ჩემს უნაგირზედ საფლავიდან. მოვიხედე — ძუძუთა ყმაწვილია, სულ გალურჯებული, ფერ-მკრთალი. ეტყობოდა, რომ თათრებს წაეყვანათ დედითურთ ტყვედ და იქვე მომკვდარიყო მოუნათლავი. თვალები ცეცხლივით უნათებს და სულ სტირის და იკლავს გულსა. უნაგირიდან ზურგზედ ამომახტა; ვგრძნობ, რომ მკბენს ყურს უკან. ღმერთო! ეს ხომ მავნე სულია-მეთქი! მაგრამ მე დიდ ხანს ვიყავ სამსახურში ვლახეთსა, იქ მავნე სულები უფრო ბევრია, ვიდრე ცოცხალი ადამიანები და ვიცი, როგორც უნდა გაუმკლავდეს კაცი ამგვარს ჭინკებს. ჩამოვხედ ცხენიდან და დავარქე მიწაში ხანჯალი. დაილუბე, გაჭერი-მეთქი! მავნე სულმა დაიწყო გმინვა, სწვდა ხანჯლის ტარსა და ჩაჰყვა წვერს მიწაში. მე ხანჯლით ჯვარი გამოვსახე დედა-მიწაზედ და გავსწიე ჩემს გზაზედა.

— მაშ ვლახეთში მაგდენი მავნე სულებია?

— ყოველი ვლახელი სიკვდილს შემდეგ მავნე სულად გადაიქცევა ხოლმე. ვლახეთის მავნე სული ყველა ქვეყნის მავნე სულზედ უარესია. ბრუკოლაკს ეძახიან იქით იმათა.

— რომელი უფრო ღონიერია, ნეტა: ქაჯი თუ მავნე სული?

— ქაჯი ღონიერია, მაგრამ მავნე სული უფრო გულადია. ქაჯი, თუ შეულოცე, სამსახურს დაგიწყებს, მავნე სული კი

არაფრისთვის არ გამოდგება, მხოლოდ სისხლის წოვა იცის. მინც კი ქაჯი უფროსობს იმათში.

— გორპინას კი ქაჯებიც ხელში ჰყავს.

— ალბად აგრეა. სანამ იცის იმათი ხერხი, მანამ კიდევ მოისამსახურებს. გორპინას რომ იმათზედ ძალა არა ჰქონდეს, ჩვენი ატამანი იმას არ ჩააბარებდა თავის დანიშნულს, იმიტომ რომ ბრუკოლაკებს ყველაზედ ძრიელ გასათხოვარ ქალების სისხლის სმა უყვართ.

— ძრიელ მეცოდება საწყალი ქალი,—სთქვა ახალგაზდა ყაზახმა.—საკაცზედ რომ ვაწვევდით, დაიკრიფა თავისი თეთრი ხელები გულზედ და დამიწყო მუდარი: მომკალი, ნუ დამღუპავთ მე უბედურსაო.

ამ დროს გორპინა მოუახლოვდა ამ ორს მოსაუბრეს.

— თქვენ ეი, ვაჟკაცო!—შეჰყვირა მან,—აის თათრების ღელეა, მაგრამ ნუ შეგეშინდებათ, აქ მხოლოდ ერთი ღამეა წელიწადში საშიში, ახლა ეშმაკეული იარი და ჩემი სახლ-კარიც ახლოა აქედან.

მართლაც, მალე ძაღლის ყეფა მოისმა. რაზმი შევიდა ღელეში, რომელიც წყალს მისდევდა და ისეთი ვიწრო იყო, რომ ოთხს ცხენოსანს ძლივს შეეძლო გავლა. მაგრამ თან-და-თან ციკაბი კლდეები ღელესი განზედ იწვევდა და ჩნდებოდა საკმაოდ ფართო ხეობა, რომელსაც პატარა შეღმართი ჰქონდა და აქეთ-იქიდან შეკრული იყო პირდაპირ ჩამოქრილის კლდეებით. ქარი აქ ვერა ჰქროდა. ალაკ-ალაგ მაღალი ხეები მოსჩანდა. ეს ხეები გრძელს ჩრდილებს ისროდა. იქ კი, სადაც მზე იყო, თეთრად გაჰქონდა ქააქათი რაღაც მრგვალ და მოგრძო საგნებს. ყაზახებმა შეჰნიშნეს, რომ ეს საგნები იყო ადამიანის თავის ქალანი და ძვლები. შიშით თმა აებურძვნათ. პატარა დავაცადოთ და შორს, ხეებს შუა გამოჩნდა ცეცხლი, ხოლო შემდეგ მოიჩინა ორმა საშინელმა, უზარ-მაზარმა ქოფაკმა, რომელნიც თვალებს ცეცხლივით აბრიალებდნენ და იღრანებოდნენ. გორპინამ შეუტია, ძაღლები გაჩუმდნენ და დაიწყეს სირბილი ცხენოსანთა გარშემო.

— ეგენი ძაღლები არ არიან, — წაიბუტბუტა მოხუცმა ოვსივოიმ ისეთის ხმით, რომ კაცს ეგონებოდა, სწორედ ღრმად დარწმუნებულია, ძაღლები არ არიანო.

აგერ ხეებს იქით გამოჩნდა ქოხი, იმას იქით თავლა, მოშორებით და ცოტა მაღლობზედ რალაც სხვა შავი შენობაცა. ქოხს გარეგნობით არა უშავდა-რა, საკმაოდ კოხტა იყო; ფანჯრებიდან სინათლე გამოდიოდა.

— აი ესეც ჩემი სახლ-კარი, — უთხრა გორპინამ ბოგუნსა, — აიქ კიდევ წისქვესლია, იქ მარტო ჩვენს პურსა ვუქვეავთ, ხოლო მე იმ წყალზედა ვმკითხაობ, რომელიც ბორბალზედ გადმოდის. შენც გიკითხავ. კნიაჟნა ოთახში იცხოვრებს და თუ გინდა კედლები მორთო, მაშინ ღროვებით სხვაგან უნდა დავაწვინოთ. აბა, გაჩერდით და ჩამოხდით ცხენებიდან.

რაში გაჩერდა. გორპინამ ხმა აიმაღლა:

— ჩერემის! ჰაი, ჩერემის!

ქოხიდან ვიღაც კაცი გამოვიდა, ხელში ერთი ბლუჯა ნაფოტები ეჭირა ანთებული და მღუმარებით დაუწყო სინჯვა ახლად მოსულებსა.

მოხუცი კაცი იყო, საზიზღარი შესახედაობისა, ტან-დაბალი, თითქმის ქონდრის კაცსა ჰგვანდა, პირ-პრტყელი და აცა-ბაცა წასულის თვალებითა.

— ვინა ხარ შენა, ე ეშმაკს რომ ჰგეეხარ? — ჰკითხა ბოგუნმა.

— ნურას ნუ ეკითხები; ენა აქეს მოქრილი, — სთქვა გორპინამ.

— მოდი მომიახლოვდი.

— გამიგონე, ბოგუნო, — განაგრძო კუდიანმა, — იქნება უკეთესი იყოს, რომ კნიაჟნა წისქვილში წავიყვანოთ ჯერა? აქ ოთახს მოვლა უნდა, ლურსმებს დარკობა მოუნდება და არ გაეღვიძოს.

ყაზახნი შეჯგუფდნენ და დიდის სიფრთხილით დაუწყეს ჩამოხსნა საკაცესა. თვით ბოგუნი დასტრიალებდა თავს ყაზახებს და შერე საკაცეც დაიჭირა სასთუმალთან, როცა კნიაჟნა

წისქვილში წაიყვანეს. ქონდრის კაცი წინ მიდიოდა და მკვრით უნათებდა გზას. კნიაჟნას, რაკი ძალის წამალი დააღვეინა გორპინამ, არ ეღვიძებოდა. ვინ იცის, იქნება სასიხარულო სიზმრები ეზმანებოდა კნიაჟნას; პირ-ღიმილი მოსდიოდა, როცა საკაცე წისქვილში მიჰქონდათ; ისე კი მიჰქონდათ, რომ კაცს ეგონებოდა ცხედარს მოასვენებენო. ბოგუნი დასცქეროდა კნიაჟნას და ჰგრძნობდა, რა ძლიერ უცემდა გული. „ჩემო სიცოცხლე, ჩემო ანგელოზო!“ — ჩურჩულობდა თავისათვის, და მრისხანეს, თუმცა კი მშვენიერს სახეს ატამანისას სიმშვიდის ელფერი ედებოდა და ზედ ენთო ცეცხლი ღიდის სიყვარულისა, რომელიც თან-და-თან უფრო-და-უფრო ეკიდებოდა მთლად მის არსებას, როგორც მგზავრისაგან დატოვებული ცეცხლი ძლიერდება და ედება უკაცურსა და ყრუ მინდვრებს.

— თუ არ გამოეღვიძა, კარგად იქნება, — სთქვა გორპინამ, რომელიც მხარ-და-მხარ მისდევდა ბოგუნს. — წყლული უმთელდება, კარგად იქნება.

— მადლობა ღმერთსა! მადლობა ღმერთსა! — უპასუხა ატამანმა.

ამ დროს ყაზახებმა ჩამოხსნეს ცხენებს საპალნეები და დაუწყეს ამოლაგება ბარში აღებულს ნაალაფევეს, — ხავერდს, ხალიჩებს, ფარჩას და სხვა ძვირფასს ქსოვილებსა. ოთახში ცეცხლი გააჩაღეს და სანათები აანთეს; შიშველ-ტიტველი კედლები მალე მოფარდა და აჭრელდა სხვა-და-სხვა ფერის ქსოვილებით. ბოგუნმა არა თუ იმიტომ იზრუნა, რომ მაგარი გალია ეშოვნა, არამედ იმისთვისაც იფიქრა, რომ კარგად მოეწყა და მოერთო, რათა ჩიტისათვის ტყვეობა სამძიმო და ძნელად ასატანი არა სჩვენებოდა. ღამე გადიოდა და ოთახში კი მაინც ჩაქუჩის კაკუნი გაისმოდა. ბოლოს, როცა კედლები სულ მოფარდა და იატაკი ფიცრებით იქმნა დაგებული, მოიყვანეს მძინარე კნიაჟნა და დააწვინეს მბილს ლოგინში. ყოველივე მიჩუმდა. მხოლოდ თავლაში გაისმოდა კიდევ ხმაურობა და ხარხარი, რომელიც უფრო ცხენის ჭიხვინსა ჰგვანდა: იქ იყო კუდიანი დედა-კაცი, ეალერსებოდა ყაზახებს და ზოგს სილებს აწნაედა, ზოგს ჰკოცნიდა.

II

მზე კარგა მალლა იყო, როდესაც მეორე დღეს კნიაენამ თვალები გაახილა.

პირველად კედელს შეჰხედა და დიდს ხანს უყურებდა, მერე ჭერს დააქერდა, იატაკსა. ჯერ კიდევ კარგად არ გამოფხიზლებულიყო და სიზმარ-ზმანებას არ დაეთმო სრულად ალაგა სიფხისლისათვის. სახეზედ ნელ-ნელა გაკვირვება და მოუხსენებლობა ეხატებოდა ელენეს. სადა ვარო? როგორ გაეჩნდი აქა და ან ვის ხელთა ვარ? სიზმარში ვხედავ ყოველსა-ღე ამას თუ ცხადადა? რას ჰნიშნავს ეს სიმდიდრე-ფუფუნება, რომელიც გარს მარტყია? რა ამბავი იყო ჩემს თავს წინადა? ამ წუთს ცხოვლად წარმოუდგა თვალ-წინ საშინელი სცენები ბარის აღებისა. მოაგონდა ყოველივე: ის საშინელი ჩეხა-ყლეცა, როცა ათასობით თავად-აზნაურნი, მოქალაქენი, მღვდელნი, მონაზონნი და ბავშვები იელიტებოდნენ ხანჯლითა ვილაც მოსულთაგან, მოაგონდა სისხლით შეთხერილნი სახენი მღაბიოთა, კისერნი და თავები, გარს შემოხვეული ჯერ ისევ ორთქლ-ავარდნილ ნაწლევებითა, მთვრალ კაცთა ყიჟინი, განკითხვის დღე დასალუჰად განწირულის ქალაქისა, ბოლოს ბოგუნის შევარდნა და მისი მოტაცება. მოიგონა ისიცა, რომ განწირულმა დანა დაიცა გულში და ცივმა ოფლმა დაასხა შუბლზედ. ალბად ხელი ამიკანკალდა და დანა კარგად ვერ დავირტყი, იმიტომ რომ ტკივილს არასა ვგრძნობ, პირიქით, ვხედავ ჯან-ლონე მომმატებია; მახსოვს ისიცა, თუმცა ბუნდად, რომ საკაცეთი მივყავდით სადღაც შორს, შორს. მაგრამ მაინც სადა ვარ ახლა? რომელსამე ციხე-დარბაზში, გადარჩენილი ვარ, მტრის ხელიდან გამოუტაცნივართ და უშიშარს აღვილასა ვარ დაბინავებული? და აი კვლავ დაუწყო ელენემ თვალიერება ოთახსა. ოთახს პატარა, ოთხ-კუთხი ფანჯრები ჰქონდა და იქიდანაც სინათლე არა შემოდრიოდა-რა, რადგან შუშის მაგიერ,

ბუშტი ჰქონდა გადაკრული თანჯრის თვლებს. მაშ, ეს ოთახი გლებ-კაცის სახლი უნდა იყოს. მაგრამ ეს შეუძლებელია. ასე რომ იყოს, საიდან გაჩნდებოდა ასეთი უზომო სიმდიდრე? ქერის მაგიერ ნაოქად ასხმული ალის-ფერი აბრეშუმის ქსოვილი აქვს ოთახს, ზედ ოქრომკედით მოქარგული ვარსკვლავები ბრწყინავს, კედლები სულ ფარჩითა და ოქსინოთია გაკრული, იატაკზედ ქრელ-ქრელი ხალიჩები ავია. ყველგან სულ ოქროა, აბრეშუმი, ხავერდი, ქერიდან დაწყებული ბალიშებამდე, რომელზედაც თავი მიდევს. ცხრა-თვალი მზე შემოდის თანჯრებიდან, აშუქებს ოთახს, მაგრამ მისი სხივები აქვე იკარგება მუქის ხავერდის ნაოქებ შუა. კნიაჟნა გაოცებული იყო, თვალები ხომ არ მატყუებსო. რა ამბავია, ჯადოსნობაა, თუ რა არის? იქნება ერემიას ჯარმა დამიხსნა, გადამარჩინა მტრის ხელიდან და თავადის ერთ-ერთს ციხე-დარბაზში დამაბინავა?

ელენემ გულ-ხელი დაიკრიფა.

— წმინდაო ქალწულო, გვედრები, რომ პირველი, ვინც გამოჩნდება ამ კარებში, იყოს მეგობარი და მთარველი ჩემი!

ამ დროს თანჯრიდან ქალს შემოესმა ხმა თანდურისა და მაშინდელის ცნობილის სიმღერისა. კნიაჟნამ წამოიწია ლოგინში და დაუწყო ყურის-გდება. თვალები თან-ლა-თან უფრო ძრიელ გაეხილა შიშისა და ძრწოლისაგან; ბოლოს განწირულებით შეჰკიელა და მკედარივით დაეშვა ბალიშებზედ.

ელენემ იცნო ხმა ბოგუნისა.

ალბად ქალის დაკიელებამ მიაღწია მომღერალის ყურამდე, იმიტომ რომ რამდენსამე წუთს შემდეგ მძიმე ფარდამ შრიალი მოიღო და თვით ატამანი გამოჩნდა კარებში.

ელენემ თვალებზე ხელები მიიფარა. მისი გაფიჯრებული ტუჩები, თითქო გააცხელა ქალიო, წამ-და-უწუშ ამას იმეორებდა:

— იესო, მარია! იესო, მარია!

ის სანახაეი კი, რომელმაც ასე შეაშფოთა ელენე, ისეთი იყო, რომ არა ერთსა და ორს ყმაწვილს ქალს აუძკვრებდა სიამოვნებით გულს: ახალგაზდა ატამანის სახესა და ტანისამოსს სულ ნათელი გადასდიოდა, ისე ბრწყინავდა და ელვა-

რებდა. მისის ჯუბის ბრილიანტის დილეები ისე ციმციმებდნენ, როგორც ვარსკვლავნი ცაზედა, ხმალი და ხანჯალი ელავდა ძვირფასის წყალ-ჯავარიანის თვალ-მარგალიტითა, ჯუბა დიბა-ატლასისა და წითელი დოშლული აორკეცებდა მის შავგვრემანის სახის სილამაზეს და აი ასე იდგა ყმაწვილი კიცი მის წინაშე, თვალ-ტანადი, შავ-თვალ-წარბა, ყოვლად მშვენიერი უკრაინის ყველა ძეთა შორის. მისი თვალეები დამშვიდებით, თითქმის მორჩილებით უმზერდა ქალს. კაცმა შეამჩნია, რომ ქალს შიშმა აღარ გადაუარა და დაუწყო ლაპარაკი ნაზის, ნა-ღელიანის ხმით:

— ნუ გეშინიან, კნიაჟნა!

— სადა ვარ? სადა ვარ? — იმეორებდა ელენე და თითებ შუა გასცქეროდა ატამანსა.

— უშიშარს ადგილას: შორს იმ ადგილიდან, საცა ომია. ნუ გეშინიან, ჩემო სიცოცხლე. მე მოგიყვანე აქ ბარიდან, რომ ბოროტს ხალხს არა ეწყინათ-რა შენთვის. იქ ყაზახნი არავის არ ინდობდნენ; მხოლოდ შენ გადარჩი ცოცხალი.

— როგორ იქცევით, რადა მღვენით?

— მე გღვენი? ღმერთო მოწყალეო! — და ატამანმა თავი გადაიქნ-გადმოიქნია, როგორც კაცმა, რომელსაც უსამართლოდ დასდეს რამ ბრალი.

— მე მეშინიან თქვენნი.

— რადა? თუ მეტყვი, ამ ზღრუბლს არ გადმოვსცილდები, მე მონა ვარ შენი. ჩემი საქმე ის არის, რომ სულ აქ ვიჯდე და შენ გიკვირო თვალ-წარბში. მე შენთვის ბოროტი არ მინდა და რისთვის გძულვარ? ბარში დანა დაიეცი გულში ჩემს დანახვაზედ, თუმცა დადი ხანია მიცნობ და მაშინაც იცოდი, რომ შენს დასახსნელად მოვედი. უცხო არა ვარ შენთვის, მე-გობარი ვარ შენი... შენ კი დანა დაიკარი, კნიაჟნა!

კნიაჟნას გაფითრებული ლოყები უცბად გაუწითლდა.

— სიკვდილი მიჩვენია შერცხვენასა, — სთქვა ელენემ, — და ვფიცავ ღმერთს, თუ ოდნავ ხელს მახლებ, მაშინვე თავს მოვიკლავ... სულს წავიწყმიდავ.

ყმაწვილს ქალს თვალები აენტო და ატაჰანმა იგრძნო, რომ ხუმრობა არ შეიძლებოდა ამ თავადიშვილის სისხლის ჩამომავალთან, რომ ელენე, თუ განწირულებაში ჩავარდებოდა, შეასრულებდა თავის ფიცს და აღარც ხელი აუკანკალდებოდა ახლა წინანდებურად.

ხმა აღარ ამოიღო, მხოლოდ ორიოდ ნაბიჯი გადასდგა ფანრისაკენ, ჩამოჯდა ტახტზედ, რომელსაც ოქრო ქსოვილი ფარჩა ჰქონდა გადაფარებული და თავი ჩაპლუნა.

დუმობა ორ-სამს წუთს გასტანა. ბოლოს ბოგუნმა დაიწყო:

— არხენად იყავ. ვიდრე ფხიზელი ვარ, ვიდრე სასმელი თავ-ბრუს არ დამახვევს, შენ ჩემთვის ისევე იქნები, რაც ხატია ეკლესიაში. ხოლო მას შემდეგ, რაც ბარში დაგინახე, სმას თავი დავანებე. ამას წინად კი სულ ვსვამდი და ვსვამდი, დარდსა და ნალეღს ვიქარებდრი. სხვა რა გზა მქონდა? ახლა კი გემოდაც აღარა ვნახავ სასმელსა.

ქნიაჟნა მდუმარებდა.

— შემოგხედავ, ჩემს ჭიას გაეახარებ შენის ნათელ-მოსილის სახის ცქერითა და წავალ ისევე.

— დამიბრუნეთ თავისუფლება.

— აქ კი განა ტყვეობაში ხარ? აქ ქალბატონი ხარ. და ან კი სად გინდა წახვიდე? კურცევიჩები დაილუპნენ, ცეცხლმა შთანთქა ქალაქები და სოფლები, თავადი ლუბნში აღარ არის, ხმელნიცკისთან მიდის სამირად, ხოლო ხმელნიცკი იმის შეხვედრას ელის, ყოველგან ომია, სისხლი კოკიპირულად იღვრება, ყველგან ყაზახები არიან, ურდოს კაცნი და პოლონეთის ჯარის-კაცნი. ვინ მოგეპყრობა პატივისცემით? ვინ შეგიბრალეებს ვინ დაგიფარავს თუ არ მე?

ქნიაჟნამ თვალები მალდა აღაპყრო. მოაგონდა, რომ ქვეყნად არის კიდევ ერთი, რომელიც მზადაა გასწიროს ჩემთვის თავიო და დიდმა ნალეღმა ატკინა გული. ვინ იცის, ცოცხალი-დაა ის რჩეული მისის სულისა! ბარში მის ყურამდე მოაღწევდა ხოლმე სახელი იმ კაცისა მრისხანე თავადის ძლევა-მოსილების ამბებთან ერთად. გარნა მას შემდეგ რამდენი დღე

და ღამე გავიდა, რამდენი ომი იქმნა გადახდილი, რამდენს საფრთხეს შევემთხვევოდა! იმისი ამბავი ახლა ბოგუნის შემწეობით თუ ზოალწევდა ქალის ყურამდე, ხოლო ელენე ვერა ჰბედავდა და არც უნდოდა იმის ამბავის გამოკითხვა.

ქალმა კვლავ ჩაჰმალა თვისი პირი-სახე ბალიშებში.

— მაშ, თქვენი ტყვე უნდა ვიყო?—ქვითინით შეეკითხა ქალი.—რა დაგიშავეთ, რაზედა მდევნით უბედურებასავით?

ყაზახმა აიღო მალა თაეი და დაიწყო ჩუმიად, ნელის ხმით:

— არ ვიცი, რა დამიშავე, თუ მე გდევნი უბედურებასავით, შენც უბედური გამხადე. მე რომ შენ არ შემყვარებოდი, ვიქნებოდი თავისუფალი, როგორც ქარი მინდორში, თავისუფალი გულითა, თავისუფალი სულითა და ისეთივე სახელ-ქებული, როგორც საგაიდელი კონაშევიჩი. შენმა სახემ, შენმა სხივ-მთენმა თვალემა გამაუბედურა; აღარც თავისუფლებასა აქვს ჩემთვის მიმზიდველობა, აღარც დიდებას ყაზახისასა! რა იყვნენ ჩემთვის ქვეყნის კეკლუცი, ვიდრე შენ ბავშვი იყავ? ერთხელ მთელი ნაღვი შევიპყარი ყმაწვილის ქალებით საესე; ხონთქართან მიჰყავდათ, მაგრამ არც ერთხელ გული არ შემვარდნია. ჩემმა ძმობილმა ყაზახებმა დაუწყეს ალერსი და ხუნტრუცი. ძერე ვუბრძანე თვითეულისათვის ყელზედ ქვა მუებათ და წყალში გადაეყარათ. არაფრისა არ მეშინოდა, არაუარისათვის არა ვზრუნავდი, დავდიოდი სალაშქროდ ურწმუნოთა წინააღმდეგ, ვიღებდი დავლა-ალაფსა და, როგორც თავადი ციხე-დარბაზში, მეც ისე ვსცხოვრობდი მინდორში. ახლა რაღა ვარ? აგერ ვზივარ აქ... ყმად, მონად გადაქცეული, გემუდარები, ერთს კეთილს სიტყვას გენუკვი და იმის ღირსიც არ გაგიხდივარ; არც როდისმე სხვა დროს გამიგონია შენგან ერთი მაგისტანა თბილი სიტყვა, მაშინაც კი, როცა შენი ბიძაშვილები და ძალუა შენი ჩემსკენ იყვნენ. ოჰ, უცხო რომ იყო ჩემთვის, უცხო რომ იყო! აღარ ამოველეთავი შენს ნათესაებს, აღარ დაეუძმობილდებოდი ტეტია ყმა-მონებსა, შენი გადამკიდე კი დაეკარგე გონება, ჭკუა. შენ შეგიძლიან, საცა გინდა, იქ წამიყვანო, ჩემს სისხლს შენ შემოგწირავ, სულს

გაეყიდი შენის გულისათვის. აი შემომხედე, ეხლა სულ შლიახტის სისხლითა ვარ შესვრილი, წინად კი მხოლოდ თათრებსა ველეტავდი და შენთვის მომქონდა ნადავლი, დეე სულ ყელამდე ოქროში იჯდეს და თვალ-მარგალიტით იყოს შემკული, როგორც ღეთის ქერუბიმი-მეთქი, რატომ მაშინ მაინც არ გიყვარდი? ოჰ, სული მეხუთება! ვაი მე უბედურს! არც შენთან სიცოცხლე, არც უშენოდ, არც შენგან შორს, არც ახლოს, არც მთაში, არც ბარად, ჩემო მტრედო, ჩემო სულის დგმავე! მაპატივე, რომ რაზლოგში ყაზახივით მოვედი შენთან ცეცხლითა და მახვილითა; მთვრალი ვიყავ მაშინ სასმელითა და თავადებზედ გულ-მოსულობითა... კაცის-მკვლელი ვარ შე უბედური! მერე, როცა შენ გაიქეცი, ისე ვლმუოდი, როგორც მგელი, წყლულნი დამიიარავდა და მტკიოდა. საქმელს ზედ არ ვეკარებოდი, სიკვდილსა ვნატრობდი.... შენკი თხოულობ, რომ განგიტევე, კვლავ დაკარგო!

ბოგუნი გაჩუმდა. ძალა აღარა ჰქონდა ლაპარაკისა. ელენეს სახე ხან ფითრდებოდა, ხან წითლდებოდა ატლასივითა. რაც უფრო მეტი სიყვარული სჩანდა ბოგუნის ლაპარაკში, მით უფრო დიდი უფსკრული ჩნდებოდა ყმაწვილის ქალის წინაშე, — უფსკრული უძირო, დახსნისათვის უიმედო.

— მთხოვე, რაც გინდა. აგერ, შეხედე, როგორი მორთულია ეს ოთახი, — ეს სულ ჩემია, სულ ბარში აღებულნი დავლას; ექვსმა ცხენმა-კიდებულმა მოიტანა შენთვის ეს ყოველივე აქა. მთხოვე, რაც გინდოდეს: ოქრო, ძვირფასი თვალ-მარგალიტი, ფარჩა, ყურ-მოჭრილი ყმანი. მე მდიდარი ვარ, ჩემი საკუთარი დოვლათიც ბევრი მაქვს, ხოლო ხმელნიცკი ჩემთვის არაფერს არ დაიშურებს, არც კრივანოსი დაიშურებს; ისე იცხოვრებ, როგორც კნენა ვისნევეცკისა; შენთვის ათსა და ოცს ციხე-დარბაზს ვიშოვი, ნახევარ უკრაინას შენ გაჩუქებ... თუმცა ყაზახი ვარ, არა შლიახტიჩი, გარნა სამაგიეროდ ატამანი ვარ; შე გამომყვება ათი-ათასი ყაზახი, უფრო მეტი, ვიდრე თავად ერემიას. მთხოვე, რაც გინდოდეს, ოღონდკი ნუ ინდომებ ჩემგან წასვლას; ჩემო საყვარელო, ჩემო სიცოცხლე!

კნიაჟნამ წამოიწია და თავი მაღლა აიღო ბალიშიდან. პირისახეზედ მკედრის ფერი ედო, ხოლო თვალებში მტკიცე გარდაწყვეტილების ალი ენთებოდა.

— თუ ჩემი პასუხი გინდათ,—სთქვა ქალმა,—იციოდეთ, რომ თუნდა მთელი საუკუნე რომ მეწეროს თქვენს ტყვედ ყოფნა, მაშინაც არ შეგიყვარებთ, არ შეგიყვარებთ, გეფიცებით ღმერთს!

ბოგუნე ერთ წუთს ტოკვასა და ბრძოლაში იყო.

— ნუ მეუბნები მაგისთანა სიტყვებსა,—სთქვა მან ხრინწიანის ხმით.

— თქვენც ნურას ნუ მეუბნევით თქვენის სიყვარულისას, ნუ მაუპატიურებთ მაგნაირის ლაპარაკით. მე თქვენთვის არა ვარ.

ატამანი ზეზედ წამოდგა.

— მაშ, ვისთვისა ხარ, კნიაჟნა კურცვეიჩ? ვის ხელთ ჩავარდებოდი ბარში, მე რომ არა ვყოფილიყავი?

— ვინც გადამარჩინა სიკვდილს მხოლოდ იმისათვის, რომ ტყვეობაში მამყოფოს, გამაწბილოს და თავზედ ლაფი დამასხას, ის ჩემი მტერია და არა მოკეთე.

— შენ გგონია, რომ ტეტები მოგკლავდნენ? არა, ოჰ, არა! გახსენებაც კი საშინელებაა იმისი, რაც დაგემართებოდა.

— მე ხანჯალი მომკლავდა... თქვენკი ხელიდან წამართვით მახვილი.

— და არც ახლა მოგცემ. შენ ჩემი უნდა იყო!

— არას დროს! სიკვდილი მირჩევნია!

— უნდა ჩემი იყო და იქნები კიდევ!

— არასოდეს!

— ეჰ, დაჭრილი რომ არ იყო, მაგ შენის სიტყვების შემდეგ, დღესვე გავგზავნიდი ყაზახებს რაშკოვსა და ბერს მოვაყვავინებდა, ხოლო ხვალვე შენი ქმარი შევიქნებოდი. დიად, დიად... ქმარი კი ცოდვია ქალს არ უყვარდეს და არ ეალერსებოდეს. ეჰ, პანნა დიდებულო, შენ ისა გწყინს, ყაზახს რად უყვარვარო. შენ კი ვილა ხარ, რომ მე ტეტიადა მსახვე? საღ

არის შენი ციხე-დარბაზები, შენი მსახურნი, ჯარები? საიდან გაჩნდა ეგ შენი რისხვა, შენი ბუტიაობა? ომში ჩამივარდი ხელთ, შენ ჩემი ტყვე ხარ. ოჰ, მე რომ ტეტია ვიყო, მათრახით გასწავლიდი ჭკუასა და უმღედლოდაც დავსტკებობდი შენის შვენიერებით... ტეტია რომ ვიყო და არა რაინდი!

— ანგელზნო ცისანო, თქვენ დამიფარეთ! — წაიჩურჩულა კნიაჟნამ.

ყაზახს კი თანდათან უფრო განრისხება ეხატებოდა. სიბრაზემ მთლად შეიპყრა კაცი.

— ვიცი, რისთვისაცა გწყინს ჩემი სიტყვები, ვიცი, რისთვისაც მირიდები სხვისთვის ინახავ შენს კდემამოსილებას, მაგრამ ამოდ, იცოდე არა გამოვარა, ვიდრე ცოცხალი ვარ! ვილაც ლატაკი შლიახტიჩი! მაწანწალა! კისერიც მოუტეხია! დაინახა თუ არა, ორჯელ არ გაყვლ-გამოყვლო ცეკვაში და სულ დაატყვევა, შენკი, ყაზახო, ითმინე, თავი ქვას ახალე! ჰო, დამაცადე, მოეძებნი მე იმას, ტყავს გავაძრობ და ამოვიყრი იმის ჯავრს მაშინ, სიცოცხლე მაქვს! იცოდე, ხმელნიცკი მიდის ლიახების საულეტად, მეც იმას გავყვები და ვიპოვი შენს საყვარელს, თუნდ დედა-მიწის ქვეშ დაიმალოს, იქაც ვიპოვი, და როცა დავბრუნდები, საჩუქრის მაგიერად, იმის თავს დაგიგორებ ფეხ-ქვეშა.

ელენეს აღარ გაუგონია უკანასკნელი სიტყვები ატამანისა. გულის-ტკენამ, განრისხებამა, მღელღეარებამა, შიშმა დაუკარგა გონება და დაუბნელა ფიქრი და კვლავ გული შეუწყუბდა.

ატამანი ერთ ხანს იღვა განრისხებული და საშინლად აღეწილი, მაგრამ მერე, დაინახა რა, რომ ელენეს თავი გადმოუვარდა ბალიშიდან, მის მკერდიდან აღმოხდა ხმა განწირულებისა:

— აქ მო, აქ მო, გორპინა, გორპინა! გორპინა!

და ეს ამოდენა კაცი დაეცა ძირსა.

კუდიანი დედა-კაცი მალე გაჩნდა ბოგუნის ყვირილზედა.

— უშველე, დაიხსენი! — ჰყვიროდა ბოგუნი. — მოვკალი ჩემი სიცოცხლე, ჩემი ნზე და მთვარი!

— ხომ არ გაგიყდი?

— მოვკალი, მოვკალი! — გმინავდა ატამანი და იმტვრევდა ხელებს.

მაგრამ გორპინა, მიუახლოვდა თუ არა კნიაჟნას, მაშინადვე მიხვდა, რომ აქ სიკვდილი კი არა, ქალს გულს შემოპყრიაო, გაუძახა ძალის-ძალაზედ ბოგუნს კარში და მიჰყო თავის წამლობას ხელი.

კნიაჟნამ მალე გაახილა თვალები.

— არაფერია, შეილო, ნუ გეშინიან, — ამწვიდებდა გორპინა. — უთუოდ ძლიერ შეშინდი; ფიქრი არ არის, მალე გაგივლის. ჯერ კიდევ დიდ ხანს იცოცხლებ და იქნები ბედნიერი.

— ეინა ხარ? — ჰკითხა კნიაჟნამ მისუსტებულის ხმით.

— მე შენი მოახლე ვარ, იმიტომ რომ იმან ასე მიბძანა.

— სადა ვარ?

— ეშმაკეულს იარში. აქ უდაბური აღგილია, იმის მეტს ვერავის დაინახავ.

— შენც აქა სცხოვრობ?

— ჩვენი სახლ-კარი აქ არის. მე დონცოვნა ვარ, ჩემი ძმა პოდპოლკოვნიკია და ბოგუნის ხელ-ქვეითია, ყაზახნი დაყავს სალაშკროდ, მე კი აქა ვარ და შენ გყარაულობ ამ ოქროს ოთახში. ქოხის მაგიერ მოქსოვილი დარბაზია. ისე ბჭყვრიადებს აქაურობა, რომ კაცს თვალები ეტკინება! სულ შენთვის მოიტანა ეს, ყოველივე.

ელენემ პირდაპირ თვალებში შეჭხედა კუდიან მოსამსახურე დედა-კაცს და ძალიან გულ-კეაილ აღამიანად ეჩვენა.

— ოჰ, კეთილად მომექცევი, განა?

ახალგაზდა კუდიანის სახეს სიხარულით ნათელი გადაეფინა.

— კეთილად მოგექცევი, მაშ! რატომაც არა. შენც კეთილად მოექცევი ატამანს. კარგი რამ არის, დახატულია, სახელოვანი მეომარი, სულ ოქროში...

კუდიანმა თავი დაიხარა და რალაცა უჩურჩულა ყურში.

— გამშორდი! — შეპყვირა კნიაჟნამ.



მეორე დღეს, დილით, დონცოვნა და ბოგუნი ისხდნენ ტირიფ ქვეშა, წისკვილის ბორბლის ახლო და უყურებდნენ აქაფებულს წყალს.

— შენ უნდა მოუარო იმ ქალსა. უყარაულო... თვალი არ მოაშორო, რომ არასგზით ამ ხეობიდან არსად არ გავიდეს,—სთქვა ბოგუნმა.

— ხეიდან წყლისაკენ ვიწრო გასავალია, აქ კი ადგილი ბევრია. უბრძანე ყორეთი ამოაესონ გასავალი და მაშინ აქ ისე ვიქნებით, ვითომც ორმოში ეყოფილევართ. მე კი გზას ვიპოვი.

— რითი სცხოვრობთ მერე აქა?

— ჩერემისი კლდის ძირებში სიმინდსა სთესავს და მახეებით ფრინველს იჭერს. ახლა რაც შენ მოიტანე, აღარა დაგვაკლდება—რა. შენ ფიქრი ნუ გაქვს; ეგ აქედან ვერსად წავა და ვერცარავენ მაგის ამბავს გაიგებს, მხოლოდ შენმა მხლებლებმა არსად არა წამოროშონ—რა.

— იმათ ვუბრძანე, რომ ფიცი მიეღოთ. ერთგული ხალხია, არას იტყვიან, თუნდა ტყავი გააძრო. მაგრამ შენვე სთქვი, რომ ხალხი მოდის ჩემთან სამკითხაოდო.

— ათასში ერთხელ მოდიან რაშკოვიდან, სხვა მხრიდანაც მოდიან, მაგრამ ისენი წყალს არ გამოსცდებიან ხოლმე, ამ ხევში შემოსულისა ეშინიანთ, აი ძვლებს ხომ ჰხედავ, აღმოჩნდნენ ისეთებიც, რომ შემოსვლა მოინდომეს და ეგ იმათი ძვლებია.

— შენ დაჰხოცე ეგენი?

— ვინც დაჰხოცა, დაჰხოცა! ვისაც უნდა ვუკითხო, ხევის პირად იცდის და მე კი ბორბალთან მივდივარ. რასაც დაეინახავ წყალში, იმას ვეუბნევი. შენთვისაც დავიწყებ წყალში ყურებას, მხოლოდ არ ვიცი, გამოჩნდება თუ არა... ყოველთვის არა სჩანს ხოლმე.

— ნეტავი ცუდი არა დაინახო-რა და!

— თუ ცუდი დაინახე რამე, ვერ წახვალ, ისედაც რომ არ წახვიდოდე, კარგს იზამდი.

— წასვლა საჭიროა. ხმელნიცკიმ ბარს გამომიგზავნა წიგნი და კრივანოსმაც მიბრძანა. ლიახები დიდის ჯარით აპირობენ ჩვენთან ომსა, საჭიროა ჩვენც მოვემზადნეთ იმათ დასახვედრად.

— როდის-ლა დაბრუნდები?

— არ ვიცი. დიდი ომი იქნება, ისეთი, რომლისთანაც ჯერ არა ყოფილა. ან ჩვენ უნდა გავწყდეთ, ან ლიახები. თუ ჩვენ დაგვძლიეს, მე იქ დავიმარხები; თუ გავიმარჯვებთ, შემოვივლი აქ ჩემს მტრედთან და კიევში წავალთ ერთადა.

— რომ მოგკლან?

— ერთხელ დავბადებულეარ, ერთხელ უნდა მოგვედე.

— მაგ ქალს რაღა ვუყო? ყელი გამოვქრა თუ?

— ხელი გიხლია მაგისტვისა და მაშინვე ვუბრძანებ, რომ მარგილზედ ჩამოგაცვან.

ატამანი მოიღრუბლა.

— თუ მოგვედე, უთხარი, რომ შემინდოს.

— ეჰ, სულელია, რომ არ უყვარხარ მაგნაირის სიყვარულის სამაგიეროდ. მე უნდა ვუყვარდეთ მაგრე, რომ ხმასაც აღარ ამოვიღებ.

გორპინამ მუჯღუგუნი წაპკრა ორჯელ ბოგუნს გვერდში და უშნოდ გაიღიმა.

— დამეკარგე იქით!— შეჰყვირა ყაზახმა.

— კარგი, კარგი! ვიცი, რომ შენ ჩემთვის არა ხარ გაჩენილი.

ბოგუნმა ცქერა დაუწყო აქაფებულის წყალს, თითქო თითონ უნდა უკითხოს თავის თავსაო.

— გორპინა!

— რა იყო?

— მე რომ წავიდე, დავენანები ნეტავი?

— რახან არ გინდა, ძალათი შეაყვარო თავი, უახახურად, იქნება სჯობდეს, რომ წახვიდე.

— ეგრე არ მინდა, არ შემძლიან, ვერ გავბედავ! ვიცი, რომ მაშინვე მოკვდება.

— მაშ, წადი. ჯერ ზედაც არ უნდა შემოგხედოს და როცა ერთს-ორს თვეს დარჩება ჩვენთან, მე და ჩერემისტან, მერე უფრო სასიამოვნო იქნები მისთვის.

— არ ვიცი, რას არ მოვიქმედებ, ოღონდ კი ეგ კარგად იყოს. მინდოდა მღვდელიც მომეყვანა რაშკოვიდან, ჯვარი გადაეწერა ბარემ, მაგრამ ვშიშობ, ვაი თუ გული გაიხეთქოს და მოკვდეს. შენ თვითონ ჰნახე ხომა?

— დანებე თავი ჯერ-ჯერობით. ან კი რად გინდა მღვდელი და ქორწინება? ვერა ხარ ნამდვილი უახახი, ვერა! მე სრულებითაც არ მეპიტნავენა აქ მღვდლისა და ან ქსენძის დანახვა. რაშკოვში დობრუჯის თათრები სდგანან, შენ ახლა იმათ გზასაც აჩვენებდი! ეგ რა ფიქრად მოსასვლელია? წადი შენთვისა და დაბრუნდი მერე ისევ.

— შენ მაშ აი წყალს დაუწყე ყურება და სთქვი, რასაც დაინახავ. მართალი სთქვი, ნუ იტყუებ, თუნდა მკვდარიც დამინახო.

დონკოვნა მოვიდა სათავესთან და აუშვა წყალის მეორე გადასაგდები; წყალი გაექანა საშინელის ძალით, ბორბალმა გაორკეცებულის სისწრაფით დაიწყო ტრიალი და მალე დამალა წყალის ქაფსა და წინწყლებში.

კუდიანი ჩააშტერდა თავის შავის თვალებით წყალის ქოჩქოჩანას, იტაცა თმებში ხელი და დაიწყო ყვირილი:

— გუქ! გუქ! გამოჩნდი! მუხის ბორბალში. ქათქათა ქაფში, ნათელ-მოსილ ნისლში გამოჩნდი, კეთილი ხარ თუ ბოროტი!

ბოგუნი მიუახლოვდა და ჩამოჯდა იმის გვერდითა. სახეზედ ეხატებოდა შიში და მოუსვენარი ცნობის-მოყვარეობა.

— ვხედავ!—დაიყვირა ბოლოს გორპინამ.

— რას ჰხედავ?

— ჩემის ძმის სიკვდილსა. დონეცს მარგილზედ აცვამენ.

— ჯანაბას შენი ძმა!

ბოგუნს სხვა რამ უნდოდა, სხვა დარდი ჰქონდა.

ერთს წამს ისმოდა საშინელი შუილი წყალისა.

— გალურჯებული სახე აქვს ჩემს ძმას, გალურჯებული... ყვავ-ყორანი სწიწკნის იმის გულ-მკერდსა!

— რასა ჰხედავ კიდევ?

— არაფერსა. ოჰ, რა გალურჯებულია! გუჯ! გუჯ! მუხის ბორბალში, ქათქათა ქათში, ნათელ-მოსილ ნისლში გამოჩნდი!.. ვხედავ.

— რასა?

— ომია! ლიახნი მირბიან და ყაზახნი მისდევენ.

— მე! მე კი არ მივსდევ?

— გხედავ შენცა. შენ ვილაც ტან-დაბალ რაინდს შეე-ბრძოლე... ოჰ! გაუფრთხილდი ტან-დაბალ რაინდსა.

— კნიაჟნა-ლა?

— ის არა სჩანს. კიდევ შენა გხედავ, შენთან არის ისა, ვინც შენ გაგცემს. შენი მუხანათი ამხანაგი.

— დინ ამხანაგი?

— ვერა ვხედავ. არ ვიცი, ახალგაზდაა, თუ მოხუცი!

— მოხუცია, უთუოდ მოხუცია!

— იქნება მოხუციც იყოს.

— მაშ, ვიცი ვინც იქნება. ერთხელ კიდეც მიმუხთლა. მოხუცი შლიახტიჩია წვერ-ქალარა და თვალ-ბრუდელი. სიკვდილი იმასა! მაგრამ ის ჩემი ამხანაგი არ არის.

— როგორღაც გიანლოვდება. აი კიდევ ვხედავ. დაიცა, გაჩერდი! კნიაჟნაც აქ არის... გვირგვინი აღგია, თეთრი ტანისა-მოსი აცვია, ზედ ქორი დასტრიალებს.

— ეგ მე ვარ.

— იქნება შენცა ხარ. ქორია... თუ მიმინო? ქორია!

— ეგ მე ვარ.

— დაიცა. აგერ აღარა სჩანს ის ქალი... მუხის ბორბალ-ში, ქათქათა ქათში... ოჰ, ბევრია ჯარი, ბევრნი არიან ყაზახნი, ოჰ, ძალიან ბევრნი, როგორც ხეები ტყეში, როგორც

მალალი ბალახი მინდორში, შენ კი ყველაზედ მალლა დგევხარ, შენ წინ სამი თული მიაქვთ.

— კნიაჟნა ჩემთან არის?

— ის არა სჩანს, შენ ურდოში ხარ.

კვლავ დუმილი. ბორბალი ისეთსა პროწიალობს, რომ წისქვილს სულ მთლად ზანზარი გააქვს.

— ოჰ, რა აუარებელი სისხლია! რამდენი სისხლია! რამოდენა ხროვა მკვდართა! ზედ მგლები ესევიან, ყვავ-ყორანნი დასტრიალებენ! ქორი ტრიალებს მალლა. მარტო მკვდარნი, მხოლოდ მკვდარნი. შორს კიდევ მკვდარნი, სულ მკვდარნი! აღარა სჩანს-რა სისხლის მეტი!

უცბად ქარი ამოვარდა და გაჰჟანტა ნისლი, რომელიც ბორბალს შემოჰხვეოდა; ამ დროსვე წისქვილს ქვეშ გამოჩნდა მახინჯი ჩერემისი, რომელსაც ზურგზედ ერთი ილღია შეშა ჰქონდა წამოკიდებული.

— ჩერემის, გაამაგრე წყალის გადასადგები!—დაუყვირა კუდიანმა და წაეიდა ხელ-პირის დასაბანად.

ბოგუნი იჯდა ფიქრში წასული, დაღონებული. მხოლოდ გორპინას მოსელომ მოიყვანა გონს.

— მეტი ველარა დაინახე-რა?—ჰკითხა ბოგუნმა.

— რაც გამოჩნდა, გამოჩნდა, მეტს ველარას დავინახე.

— ხომ არა სტყუი?

— არა, გეფიცები ძმის სიცოცხლესა. მარგილზედ აკვამენ, ხარები მოუბეს ფეხებზედ და ისე ეწევიან. მეცოდება საწყალი. ეჰ, მარტო იმას არ უწერია სიკვდილი! რამდენი იყო მკვდარი! ჩემს დღეში მაგოდენა ხროვა არ მინახავს დახოცილთა; დიდი ომი იქნება!

— ელენე დაინახე, რომ თავზედ ქორი დასტრიალებდა?

— დავინახე.

— გვირგვინი ედგა თავზედა?

— გვირგვინი ედგა და თეთრი ტანისამოსი ეცვა.

— რა იცი მერე, რომ ეგ ქორი მე ვარ. მე გითხარი ერთის ყმაწვილის ლიახისა-შლიახტიჩისა, იქნება ეგ ქორი ის არის?

გორბინამ კოპები შეიკრა და ჩაფიქრდა.

— არა, — სთქვა ქალმა პატარა ხანს შემდეგ და თავი გაიქნია, — ლიახი რომ ყოფილიყო, არწივი იქნებოდა.

— მადლობა ღმერთსა! მადლობა ღმერთსა! მაშ, წავალ მე ჩვენებთან, ვუბრძანებ ცხენები შეჰკმაზონ. ამაღამ წავალთ.

— მაშ, უთუოდ გინდა წასვლა?

— ხმელნიცკიმ მიბრძანა, კრივანოსმაც მიბრძანა. შენ სწორედა სთქვი, დიდი ომი იქნებაო. მე თვითონ წავიკითხე ბარში წერილი ხმელისა, ისიც მაგასვე მწერდა.

— მაშ წადი. ბედნიერი ხარ, გეტმანი იქნები. წყალში დავინახე, რომ შენ წინ სამი თული მიჰქონდათ.

— გეტმანი ვიქნები და კნიაჟნასაც ცოლად წავიყვან. ტეტის ქალს ხომ ვერ შევირთავ.

— ტეტის ქალს სხვანაირად დაუწყებდი ლაპარაკს, ამისთვის კი შენ ტოლი არა ხარ. იმას ლიახი უნდა.

— მეც ლიახზედ უარესი არა ვარ.

ბოგუნი გამოტრიალდა და წავიდა თავლაში, ხოლო გორბინა სადილის მზადებას შეუდგა.

სალამოზედ მზად იყვნენ სამგზავროდ, მაგრამ ატამანს წასვლის დარდი არა ჰქონდა. ბოგუნი იჯდა ხალიჩების ხროვაზედ ფანდურით ხელში და შეჰყურებდა კნიაჟნას. ელენე წამომდგარიყო ლოგინიდან, მაგრამ ერთს კუთხეში მიკუნჭულიყო და კრიალოსანს ათამაშებდა; ბოგუნს სრულიად ყურადღებას არ აქცევდა, თითქო ოთახში არც კია ისაო. ხოლო ბოგუნი სულ იმას შეჰყურებდა, ცდილობდა არც ერთი მისი მოძრაობა არ გამოჰპარებოდა, თვითეულს მის ამოახერას ყურს უგდებდა და არ იცოდა, რა ექმნა. ყოველს წუთს პირს აღებდა, უნდოდა ლაპარაკი დაეწყო, მაგრამ სიტყვები არ ამოდიოდა ყელიდან. გაფითრებული სახე ელენესი, შეკრული კოპები და მრისხანე შუბლი ართმევდა გამბედაობას ყაზახსა. ასეთი მეტყველება ჯერ არც ერთხელ არ ენახა ბოგუნს ელენეს სახეზე. და აი უნებურად მოაგონდა რაზლოგში გატარებული საღამოები... როგორც ცოცხლები, ისე წარმოუდგა თვალ-წინ,

რომ მუხის სტალის გარშემო სხედან კურცევიჩები, მოხუცი კნინა შეექცევა ზევიპრუტას, თავადნი რიგ-რიგით აგორებენ კამაჯლებს და თვითონ კი ზის და თვალს არ აშორებს კნიაჟნას, რომელიც მაშინაც ისევე მშვენიერი იყო, როგორც დღეს არის. მაგრამ მაშინ უფრო ბედნიერი იყო, მეტადრე იმ დროს, როცა უაშბობდა თავის საშინელის თარეშობის ამბავს თათრების ქვეყანაში და კნიაჟნას შავი თვალები კარგა ხნობით დააკქერდებოდა ხოლმე მის სახეს, ხოლო ნახევრად გაპობილი ბაგენი ჰმოწმობდა, რომ ქალი ყურადღებით ისმენდა მის ნაამბობს. ახლა? ახლა აღარც შემოხედვა, აღარც ერთი სიტყვა!.. მაშინ ხშირად მოხდებოდა, ავიღებდი ფანდურს, დავუკრავდი და ის ისმენდა კიდევ; მიყურებდა კიდევ და გული ჩემი დნებოდა სიამოვნებით. საოცრება არ არის? ეხლა მისი ბატონი ვარ, ის ჩემი ტყვეა, მხვეალია; ნება მაქვს, რაც მინდა, ის ვუბრძანო და მაინც წინად უფრო თითქო ნაკლები იყო ის მანძილი, რომელიც ჩვენს შორის იდო. კურცევიჩები ჩემი ძმები იყვნენ, ეს ქალი, იმათი ბიძაშვილი იყო და, მაშასადამე, ცოტაოდნად მეც ნათესავად მომხვდებოდა. ახლა კი ჩემ-წინ ზის პანა, ქედ-მაღალი, კუშტი, მღუმარე, უწყალო. ოჰ, რისხვა მიღულს გულში! მე ვაჩვენებდი, როგორც უნდა ზიზლი ყაზახისა... მაგრამ ვაი და ვაი, რომ მიყვარს მე ევა, ეგ უწყალო პანა, წვეთ-წვეთობით დაეაქცევ ჩემს სისხლს მაგისათვის. და აი რისხვა მისი ნელდება და რაღაც ხმა ჩასჩურჩულებს ყურში: შეჩერდიო! ჰგრძნობს, რომ მასთან ახლო ყოფნა აწუხებს ქალს, ცუდს გუნებაზედ აყენებს. ნეტავ გაილიმბდეს მაინცა, ერთი კეთილი სიტყვა მაინც წამოსცდებოდეს და მაშინვე მის ფეხთ-ქვეშ დავემხოები, წავიდოდი თუნდ ეშმაკებთანა და ქაჯებთან, იქ ჩავკლავდი ჩემს დარდს, ჩემს გულის-წყრომას ჩავახრჩობდი ლიახთა სისხლში. ახლა კი, როგორც მონა, ისე ვარ ამ კნიაჟნას წინაშე. წინად რომ ცნობა არა მქონოდა ამისი, ეს პოლონელი ქალი რომ პირველ შლიახტელ სახლიდანა ყოფილიყო, უფრო გაბედვით მოვექცეოდი, მაგრამ რა ვუყო, რომ ეს ქალი კნიაჟნა ელენეა, ის ელენეა, რომლის გულისათვისაც

თაყვანსა ვსცემდი კურცევიჩებს, რომლისათვისაც მზად ვიყავ უოველივე გამეწირა, რაც რამ მებადა: მით უმეტეს მრცხვენთან მისი, მით უმეტეს ვკრთი მის წინაშე.

დრო გადის, ეზოდან ყაზახთა ხმაურობა მოისმის, ისინი ეხლა უთუოდ უკვე ცხენებზედ სხედან და ელიან თავიანთ ატამანსა, მე კი გული ნაკუწ-ნაკუწ მეგლიჯება ტკივილისაგან. მთვარის სინათლე დასთამაშებს ბოგუნის სახეს, მის მდიდრულს ჯუბას და აბა თუ ერთხელ მაინც შეჭხედოს ზედა! ბოგუნმა აღარ იცის, რა მოიქმედოს. უნდა გამოეთხოვოს, გამოეთხოვოს ტკბილად, გულითა და სულით, მაგრამ ეშინიან, ვაი თუ ისეთი გამოთხოვება არ იყოს, როგორც ჩემთვის სასურველია, ვაი თუ ისე წავიდე, რომ სიმწარე გამყვეს თან, გულის წყრომამ ამიტანოს და სულის ტკივილმა, ქენჯნამ აღარ მომასვენოსო. ეჰ, ეგ რომ კნიაჟნა ელენე არ იყოს, ის კნიაჟნა, რომელმაც ხანჯლით თავი დაიჭრა, ის, რომელიც იმუქრება თავს მოვიკლავო... ის სასურველი, ძვირფასი და, რაც უფრო ქედმაღალია, გოროზი და უკარებაა, მით უფრო სასურველი, საყვარელი...

აი რომელმაც-ღა ცხენმა დაიჭახვინა ეზოში.

ატამანმა იგრძნო, რომ თითქო გამბედაობა მომემატაო.

— კნიაჟნა, — სთქვა ბოგუნმა, — დროა ჩემის წასვლისა.

კნიაჟნა სდუმდა.

— არ მეტყვი, მშვიდობის მგზავრობა მოგცეს ღმერთმაო?

— წადით, ღმერთი იყოს თქვენთანა, — სთქვა გაბტყელე-ბით კნიაჟნამ.

ყაზახს გული შეეკუმშა: ისა სთქვა, რაც მინდოდა, მაგრამ ისე არა სთქვა... გულ-ცივი თქმა იყო, კინალამ ზიზლით იყო ნათქვამი.

— ვიცი, რომ მიჯაერდები, გძულვარ, მაგრამ ერთს გეტყვი მხოლოდ, რომ ჩემს ალაგას სხვა უფრო ცუდი იქნებოდა. მე მოგიყვანე აქა, სხვა მეტი გზა არა მქონდა, მაგრამ აბა ავი რა წაგვიდე? განა ისე არ გექცეოდდი, როგორც დედოფალს? შენ თითონა სთქვი. ნუ თუ ისეთი ავაზაკი ვარ, რომ

ერთს ტკბილს სიტყვას არ მეტყვა? მერე ისიც მაშინ, როცა ჩემ ხელთა ხარ.

— ღეთის ხელთა ვარ,— ისევ ისე გაქიანურებითა სთქვა კნიაჟნამ,— ხოლო თუ თავს იკავებთ ჩემთან ყოფნის ღროს, გამადლობთ მაგისტრისაც.

— წავალ, რა ვქნა, ეგეც ნუგეშია, ასე თუ ისე. იქნება შეგეცოლო ცოტად მაინც; ან იქნება გული გეტკინოს ოდესმე ჩემთვის, როცა მე აღარ ვიქნები.

ელენე სდუმდა.

— გული მტკივა, რომ მარტოსა გტოვებ აქა,— განაგრძო ბოგუნმა.— გული მტკივა, რომ მივდივარ, მაგრამ მეტი ღონე არ არის— მოვალეობა მაწვევს. გულს მეფონებოდა, რომ გაგელიმნა, ჯვარი მოგეცა გულის წმინდით. მითხარ მაინც, რა უნდა მოვიქმედო, რომ შენი თანაგრძნობა დავიმსახურო?

— დამიბრუნეთ თავისუფლება და ღმერთი ყველაფერს გაბატონებს, მეც შეგინდობთ და თქვენის ლოცვის მეტს არას გაუაკეთებ.

— იქნება აგრეც მოჰხდეს,— სთქვა ყაზახმა,— იქნება კიდევ დაგნანდეს, რომ აგრე სასტიკად მექცეოდლი.

ბოგუნს უნდოდა, რომ სანახევროდ დაპირებულ აღთქმით ეყიდნა ერთი წუთი ტკბილად განშორებისა. გაიტანა კიდევ თავისი. ელენეს თვალებში გაიელვა იმედის სხივმა, ღრუბელი გადიყარა მისმა სახემ. გულ-ხელი დაიკრიფა და ევდრებით მიაპყრო ბოგუნს თავისი თვალები.

— თქვენ რომ...

— რრ...ავიცი,— ნელის ხმით წარმოსთქვა ყაზახმა. სირცხვილმა და სინანულმა წაუჭირა ყელში და აღრჩობდა.— ეხლა არ შემოძლიან, არ შემოძლიან, არ შემოძლიან, ყრუ მინდვრებში თათართა ურდო სდგას, რაშკოვიდანაც თათრები მოდიან, არ შემოძლიან, მეშინიან, მაგრამ, დავბრუნდები თუ არა... მე ხომ ბავშვივითა ვარ შენ წინაშე. რასაც გინდა, იმას მატვირთებინებ... რა ვიცი... არ ვიცი...

— ღმერთიმც დაგლოცავთ, წმინდა ქალწულიმც აღგაფრთოვანებთ და შთაგაგონებთ კეთილსა... წადით, ღმერთი იყოს თქვენთანა.

ქალმა გაუწოდა თავისი ხელები. ბოგუნე ერთის კამარის კვრით გაჩნდა მის წინაშე, დააკვდა მის ხელს ტუჩებითა, მაგრამ უცებ აიღო მალლა თავი, შეჰნიშნა სახეზედ საყვედური და გავარდა გარედ.

ფანჯრების იქით მალე მოისმა ყაზახთა ცხენების თქარათქური.

IV

— ქეშმარიტი სასწაული მოგვივლინა უფალმა ღმერთმა სწორედ, — ეუბნებოდა პან ზაგლობა ვოლოდიევსკისა და პოდბიპენტასა, როცა ყველანი სქშეტუსკის სახლში იყვნენ, — ქეშმარიტი სასწაული სწორედ, გეუბნებით, იმიტომ რომ ინება და შემადლებინა იმ ქოფაკის ხელიდან გამომეტაცნა ის ქალი და შემდეგაც უვნებლად გადაარჩინა იმდენის ხნის მგზავრობაში; იმედი გექონდეს, რომ ყოვლის შემძლებელი კვლავ შეგვიწყალებს. ოღონდ ცოცხალი კი იყოს ის საცოდავი. მერე სულ ის აზრი მაქვს ფიქრად, რომ ხელ-მეორედ გაიტაცა იმ ძაღლის ნაშობმა. ვარაუდი გქონდეთ, რომ პულიანის შემდეგ მისი ადგილი იმან დაიჭირა კრივანოსთან, იმ ცხვირ-მრუდესთანა (ეშმაკმა გაამრუდოს იმისი თავი და ტანი) და ბარის აღების დროსაც იქ იქნებოდა, რასაკვირველია.

— შესაძლოა, რომ ვერ იპოვნა იმოდენა უბედურთა შორის; ამბობენ, რომ ბარში ოცი ათასამდე სული იქმნა ამოწყვეტილიო, — შეჰნიშნა ვოლოდიევსკიმ.

— თქვენ იმას არ იცნობთ, თუნდა დავიფიცავ, რომ ბოგუნმა იცოდა, ელენე ბარშია დამალულიო. სხვაფრივ არც იქმნებოდა; იმან გადაარჩინა უთუოდ სიკვდილს და წაიყვანა საღმე.

— ვერაფერი ნუგეშია. პან სქშეტუსკის აღგილას რომ ვყოფილიყავ, ჩემთვის უმჯობესი იქმნებოდა მომკვდაჩიყო ბარშივე, ვიდრე იმის ხელში ჩავარდნილიყო.

— ეგეც ვერაფერი სასიამოვნოა: თუ მოჰკლეს, ალბად მოჰკლეს გაწბილებული და ნამუს-ახლილი...

— სულ ცუდად მიდის საქმე!—სთქვა ვოლოდიევსკიმ.

— ოჰ, ცუდად არის საქმე!—განიმეორა პან პოდბიჰენტამ. ზაგლობამ დაიწყო წიწკნა ულვაშებისა და წვერისა და მერე დაიწყო გრგვინვა:

— ოი, ქარმა და კიქინამ ამოიქამოს იმათი თავი, თათრებსაც დაუგრეხიათ იმათი ნაწლევებისაგან მშვილდის ლარი თავიანთ მშვილდისრებისათვის!

— მე არ ვიცნობდი იმ პანნას,—მწუხარებითა სთქვა ვოლოდიევსკიმ,—მაგრამ ისევ რომ მე დამმართნადა რამ უბედურება, ის მერჩივნა სწორედ.

— ერთხელ ვნახე ჩემს სიცოცხლეში, მაგრამ როცა მომაგონდება, სადაც არის ახლა, სიცოცხლე შემეზარება ხოლმე.—სთქვა პან ლონგინუსმა.

— ეგ თქვენა,—დაიღრიალა ზაგლობამა,—ახლა ის იფიქრეთ, მე რა მემართება, როდესაც ისე შემიყვარდა ის ქალი, როგორც მშობელს მამასა, როდესაც თათართა ტყვეობიდან დავიხსენი! იფიქრეთ, აბა, რა ცეცხლი უნდა ტრიალებდეს ჩემს გულში?

— პან სქშეტუსკის აღარა კითხულობთ, რა ჯოჯობხეთს უნდა ჰგრძნობდეს ახლა ისა?

ყველანი დადუმდნენ. პირველად ისევ ზაგლობამ დაიწყო მოუსვენრობა.

— ნუ თუ ღონისძიება არა არის-რა?

— თუ სხვა ღონე არა არის-რა, უნდა შური ვიძიოთ. სამაგიერო გადაუხადოთ,—სთქვა ვოლოდიევსკიმ.

— ოჰ, ღმერთი რომ ინებებდეს და ღიღს ომს მოგვიღენდეს!—ამოიოხრა პან ლონგინუსმა.—თათრებისას ამბობენ, რომ წყალში გამოვიდნენ და მინდვრად დაბანაკდნენო.

პან ზაგლობა თან-და-თან ცხარობდა და კრიახობდა:

— ნუ თუ უნდა უპატრონოდ დავსტოვოთ ის საცოდავი და არას ვეცადოთ იმის დასახსნელად! უკვე საკმაოდ ვეთრიე და ვიწინწალე ამ ქვეყნად, მოხუცებული ძვლები მოსვენებას ითხოვს, მაგრამ ჩემის კნიაჟნასთვის მზადა ვარ თუნდა სტამბოლს წავიდე. თუ საჭირო იქნება, ჯანაბას კიდევ გადვიცვამ ტეტისას ტანისამოსს და ავიკიდებ ზურგზედ დიდს ფანდურსა... აი, დასწყევლოს ის ეშმაკმა! ისე არ გამახსენდება, რომ გული არ ამერიოს!

— მოხერხებული კაცი ხარ, გაოსტატებული, მოიფიქრე რამე, — შეაგულიანა პან პოდბიჰენტამ.

— ხერხი ბევრი მოვიგონე კიდევ. თავად ლომინიკს რომ იმისი ნახევარი ხერხი მოეგონებინა, ხმელნიკი აქამდე სახრჩობელაზედ იქმნებოდა ჩამოკონწიალებული. სქშეტუსკისაც კი ველაპარაკე, მაგრამ ახლა ისეთს გუნებაზეა, რომ იმასთან ლაპარაკი აღარც კი შეიძლება. დარდი გულში ჩაუძვრა გველივით და ავადმყოფობაზედ უარესადა სტანჯავს. ყური უგდეთ, ემანდ ჭკუაზედ არ შეიშალოს. ხშირად მოჰხდება ხოლმე, რომ დიდის მწუხარებისაგან ძეხვს დაიწყებს დუღილსა, თითქო ღეინოაო და, ბოლოს, დაქანკდება კიდევ, დამეაედება.

— მოჰხდება ხოლმე, მაშა! — და პან ლონგინუსმა დაიწყო თავის გადაგდება აქეთ-იქითა. ვოლოდიევსკი მოუთმენლად მოტრიალდა იმ ალაგას, საცა იჯდა და ჰკითხა:

— რა და რა ხერხი მოიგონე?

— რა ხერხი? პირველ ყოვლისა, უნდა გავიგოთ, ცოცხალია თუ არა ის საცოდავი (წმინდა ანგელოზებმა დაიფარონ ყოველის ბოროტებისაგან!), ხოლო გაგება ორის გზით შეგვიძლიან: ან უნდა ერთგულნი ყაზახნი მოვიძებნოთ, რომელნიც თავს ისე მოაჩვენებენ, ვითომ ხმელნიკის გვინდა შევეუერთდეთო, გაიქცვიან მოგუნთან და იმის მხლებლებისგან გაიგებენ რამე...

— მაგისთანა მე მყავს, რუსის ღრაგუნები! — დაიძახა ვოლოდიევსკიმ.

— მოიტადეთ... ან ჯაშუში უნდა შევიპყრათ, იმისთანა, რომელიც ბარის აღებაში ვრია, იქნება იმან იცოდეს რამე. ყველანი ბოგუნსა ლოცულობენ, თითქო ღმერთიაო, ისე მოსწონთ იმ ვირებსა და სულ ქების სიმღერას ამბობენ იმის შესახებ ყველგანა (დაუსკდეთ იმათ ი ყანყრატოები) და უამბობენ ერთმანეთს, აი ბოგუნმა ეს ჰქმნა, ეს მოიქმედაო. თუ იმან მოიტაცა კნიაჲნა, ჯაშუშებს ეგ არ გამოეპარებოდათ.

— შეიძლება ყაზახებიც გაეგზავნოთ, მაგ ჯაშუშების შეპყრობისთვისაც ვიზრუნოთ ერთსა და იმავე დროსა, — შეჰნიშნა პან პოდბიჰენტამ.

— სწორედ ეგრე უნდა მოვიქცეთ. ძალიან მოსახრება მოგვივიდა ფიქრად, ჩემო მეგობარო პან ლონგინუს. თუ გავიგეთ, რომ ელენე გატაცებულია, სანახევროდ საქმე გაკეთებულია. თუ გსურთ, (გთხოვთ მხოლოდ გულახდითა სთქვეით) მართლა უშველოთ სქშეტუსკის, დაემორჩილეთ ჩემს განკარგულებასა; მე უფრო გამოცდილი კაცი ვარ. გლებ-კაცურად ჩაეცვათ და ვეცადნეთ გავიგოთ, სად დაჰძალა ბოგუნმა ქალი, ხოლო თუ ამას გავიგებთ, თავს მოვიჭრი, თუ ვერ გავანთავისუფლებთ. დიდი დაბრკოლება მე და სქშეტუსკი ვართ — ბოგუნი გვიცნობს ჩვენა და ერთი თუ გვიცნო, ისე დაგვხდის, რომ ვგონებ მერე მშობელმა დედამაც ვეღარ გვიცნოს. თქვენ ორნი კი იმას თვალითაც არ დაუნახევხართ.

— მე უნახავარ, — სთქვა პან პოდბიჰენტამ. — მაგრამ ეგ არაფერია.

— იქნება, ღმერთმა ბრძანოს და ბედმა ხელში ჩაგვიგდოს ის კაცი! — დაიძახა პან ვოლოდიევესკინ.

— ეჰ, ეგ საჭირო არ არის, — უარობდა პან ზაგლობა. — დეე ისევე ჯალათს ჩაუგდოს ხელში იმის თავი ბედმა. საქმეს სიფრთხილით უნდა დაწყება, რომ არ გაგვიცუდდეს ბოლოს იმედი. შეუძლებელია, რომ მარტო იმან იცოდეს კნიაჲნას ბინა.

— იქნება ჩვენებმა გაიგონ რამე. თუ მთავარი ნებას მომცემს, გამოვარჩევ, რომელიც უფრო ერთგულნი არიან, და თუნდა ხვალ დილითვე გავგზავნი.

— მთავარი კი ნებას მოგვცემს, მაგრამ გაიგებენ რასმე თუ არა, მაგისი ეჭვი მაქვს. ერთი მოისმინეთ: მე ერთი აზრი მომდის ფიქრად: იმის მაგივრად, რომ სხვა ვინმე გავგზავნოთ, გადავიცვათ ტეტიურად და გაეუდგეთ ეხლავე გზას, დაუყოვნებლივ.

— ოჰ, ეგ შეუძლებელია!— დაიძახა პან ვოლოდიევიჩი.

— რაღაო?

— მაშ, თქვენ სამხედრო სამსახური არა გცოდნიათ. თუ ჯარი სდგას და დროს უცდის, ეგ წმინდა საქმეა. დედა ან ძმა რომ უკედებოდეს, მაშინაც არ წავა რაინდი და არ დაეთხოვება უფროსს, იმიტომ რომ ეგ დიდი სირცხვილია. დიდის ომის გადახდის შემდეგ, როცა მტერი დაძლეულია, შეიძლება და წინად კი არ შეიძლება. გახსოვთ, სქშეტუსკის რანაირ უნდოდა წასვლა დანიშნულთან, მაგრამ ხმაც არ ამოუღია ამაზედ. სახელი უკვე გათქმული აქვს, თავადს უყვარს, ის კი სულ ჩუმად იყო, იმიტომ რომ იცის თავისი მოვალეობა. სწორედ რომ ესთქვათ, ეს საზოგადო საქმეა და ის კი კერძო საქმეა. არ ვიცი, სხვა ქვეყნებში როგორ არის, თუმცა მგონია, ყველგან ერთგვარი წესია, ჩვენს თავადს კი აგრე აქვს შემოღებული, რომ ბრძოლის წინად ვერავინ დაეთხოვება, მეტადრე აფიცერი. სქშეტუსკის რომ გული ნაკუწ-ნაკუწ ესერებოდეს, მაინც არ წავა თავადთან და არა სთხოვს, დამითხოვეო.

— დიალა, რა თქმა უნდა, რომ სქშეტუსკი რომელია სულითა,— სთქვა პან ზაგლობამ,— მაგრამ ვისმე სხვას რომ ჩეგონებინა ეგ ამბავი თავადისათვის, შეიძლება, თავისით მოეცა ნება ჩემთვისაცა და თქვენთვისაც იმ ქალის საძებრად წასვლისა.

— ეგ ფიქრადაც არ მოუწა. მთავარს მთელის რესპუბლიკის ბედი და უბედობა აწევს ტვირთად. როცა ბედი უნდა გადასწყდეს მთელის ქვეყნისა, მთავარს შეუძლიან განა კერძო საქმეებს გამოეკიდოს? ესთქვათ, თუნდა ჩვენ არა ვსაბოვეთ და თავადმა მაინც ნება მოგვცა, მერე რომელი ჩვენგანი დაანებებს დღეს ბანაკს თავსა? ჩვენს თავს კი არა, საცოდავს სამშობლოს უნდა ვემსახურებით ახლა ჩვენა.

— ვიცი მე ეგა, სამხედრო სამსახურის საქმეც ვიცი დიდი ხანია და ამიტომ გითხარით, რომ მაგ აზრმა ოდნავ გამიელვა თავში და არა ფესვი გაიდგა-მეთქი შიგა. ისიც კი სათქმელია, რომ ვიდრე მძარცველთა ბრბონი არ შეგვიმუსრნია, ბერს ვერას გავხდებით, მაშინ კი, როცა იმათ ცხარე დღე დაადგებათ, როცა დევნას დაუწყებენ და ისინიც იძულებულნი იქმნებიან იელტოდნენ, ეგებ ცოცხლები გადავრჩეთო, მაშინ ჩვენც შეგვიძლიან თამამად გავერიოთ იმათში და ადვილად გავიგოთ იმათგან, რაც გვინდა. ეგ არის, რომ ერთი ჩქარა შემოიკრიბოს დანარჩენი ჯარიცა, თორემ, მოწყენილობა დაგვბოცავს სწორედ. თავადი დომინიკი მეტად დიდ ხანს გვალოდინებს.

— სამს დღეს უკან მოელიან.

— ღმერთმა ჰქმნას, რომ მალე გაჩნდეს. პან სახელმწიფო პოლიციაში კი დღეს მოვა?

— დღეს ელიან.

ამ დროს კარები გაიღო და ოთახში სქშეტუსკი შემოვიდა. იმისი სახე, თითქო ქვააო ისე იყო, უძრავი; რაღაც სამარის სიცივე და დაშვილება მოჰბერდა იმის გაქვავებულს სახისაგან.

არ შეიძლება ისე შეგხებდნათ ამ ყმაწვილი კაცის სახისათვის, რომ არ შეგცოდებოდათ. გეგონებოდათ, რომ ამ სახეზედ თავის დღეში ღიმილს არ შეუთამაშნიაო. წვერი დაჰკვებოდდა, თითქმის მკერდზედ სცემდა და შიგა და შიგ ვერცხლის ძაფებივით თეთრად ბჰყვრივდებდა ქაღარა.

არაფის არ შესჩიოდა თავის დარდსა და მჭუხარებას, გარეგნობით სრულიად დამშვიდებული იყო და მთელის თვისის არსებით მისცემოდა თავის მოვალეობის აღსრულებას.

— თქვენის უბედურებისას ვლაპარაკობდით აქა; ეგ უბედურება მასთანავე ჩვენი უბედურებაც არის, — უთხრა პან ზაგლობამ, — მაგრამ, ღმერთია მოწამე, არაფრით არ შეგვიძლია ნუგეში გცეთ. ხოლო რადგან ოხვრივთა და ცრემლის ღვრით არა საქმეს არა ეშველები-რა, ჩვენ გადავსწყვიტეთ, სიცოცხლე გავსწიროთ, ოღონდ კი კნიაჟნა ტყვეობიდან დავიხსნათ, თუ კი ცოცხალია სადმე ისევა.

— ღმერთმა გადაგიხადოთ სამაგიერო!

— შენთან ერთად წამოვალთ, თუ გინდ თვით ხმელნიც-
კის ბანაკში,—დაუმატა ვოლოდიევსკიმ და მოუსვენრობით
დაუწყო ცქერა თავისს ამხანაგს.

— ღმერთმა გადაგიხადოთ სამაგიერო! — გაიმეორა სქშე-
ტუსკიმ.

— ჩვენ ვიცით,—განაგრძო ზაგლობამ,—რომ დაიფიცე,
ან ცოცხალი, ან მკვდარი იპოვო, საცა იქნება. ჩვენც თუნდ
ეხლავე მზადა ვართ...

სქშეტუსკი ჩამოჯდა ტახტზედ, დააშტერა თვალები ერთ
წერტილს და არაფერს არ ამბობდა პასუხად, ისე რომ პან
ზაგლობას გული მოსდიოდა, ასე რას გარინდებულაო. რა
ამბავია, თავის განზრახვაზე ხელს იღებს, თუ რა არის? თუ
ისეა, ღმერთმა ჰკითხოს მაგის პასუხი! აღარ არის, აღბათ,
ქვეყანაზედ აღარც დახსომება რისიმე, აღარც მოვალეობის
შეგნება. კარგი, დეე, ეგრე იყოს... იქნება ღმერთმა იპრიანოს
და გამოჩნდნენ ისეთებიცა, რომ უმაგისოდაც სცადონ იმ ქა-
ლის მოძებნა და დახსნა, უკანასკნელ სისხლის წვეთამდე
იბრძოლონ იმის გადასარჩენად.

ოთახში ჩამოვარდა ღუმილი, რომელსაც მხოლოდ პან
ლონგინუსის ოხვრა არღვევდა. ბოლოს, ვოლოდიევსკის მოე-
წყინა სიჩუმე, მივიდა სქშეტუსკისთან და დაჰკრა მხარზედ ხელი.

— სად იყავი?

— თავადთან.

— მერე, რა ამბავი გაიგე?

— ამაღამ მივდივარ არე-მარეს დასათვალიებრად.

— შორს მიდიხარ?

— იარბოლინიცკისაკენ, თუ გზა თავისუფალია.

ვოლოდიევსკიმა და ზაგლობამ ერთმანერთს გადაჰხედეს
და მაშინვე მიხვდნენ ყოველსავე.

— ბარისკენა? — წაიბუტბუტა ზაგლობამა.

— ჩვენც შენთან წამოვალთ.

— თავადს უნდა სთხოვო, მაშ, ნება, იქნება სხვა საქმე გაგიჩინოს რამე.

— ერთად წავიდეთ თავადთან. ცოტა რამ მინდა ვკითხო თავადსა.

— ჩვენც თქვენთან წამოვალთ! — სთქვა ზაგლობამ.

თავადის მისაღებ ოთახში მრავლად ირეოდნენ აფიცრები სხვა და-სხვა სადროშოსი; ახლად მოსული ჯარები ცდილობდნენ მალე გამოსცხადებოდნენ თავადსა და მის დროშის ქვეშ დამდგარიყვნენ. პან ვოლოდიევსკისა და პონდიპენტას საკმაოდ კარგა ხანს მოუნდათ ცდა; სამაგიეროდ, თავადმა, ჰნახეს თუ არა, მაშინვე ნება დაჰართო, თქვენც შეგიძლიათ წახვიდეთ და რუსის დრაგუნებიც გაჰყავნათ ბოგუნის ყაზახთა ბანაკში, იქნება მართლა კნიაჟნას ამბავი რამ შეიტყოთო.

— განგებ ვცდილობ სხვა-და-სხვა საქმე გავუჩინო სქშეტუსკისა, — სთქვა თავადმა, — ვხედავ, რომ დარდი ჩაეარდნია გულში და ლამის ზეზეულად დააღწოს. თქვენთვის არა უთქვამს-რა?

— თითქმის არას გვეუბნევა, — უპასუხა ვოლოდიევსკიმ. — პირველად ზეზედ წამოიჭრა და უნდოდა მაშინვე თავს დასხმოდა ყაზახებს, მაგრამ პატარა ხანს უკან გონს მოვიდა, მოაგონდა, რომ ჯარები იკრიბება მტრის დასახვედრად, რომ ჩვენ ყველანი მოვალენა ვართ სამშობლო დავიცვათ და ამიტომ ვეღარც თქვენთან იტვირთა მოსვლა დასათხოვნად. მხოლოდ ერთმა ღმერთმა უწყის, რაც მის თავს ამბავია ეხლა.

— ძალიანა ჰნაღვლობს და იტანჯება. ყური უგდეთ, ვხედავ, რომ ერთგულნი მეგობარნი ხართ იმისი.

ვოლოდიევსკიმ დაბლა დაუკრა თავი და გავიდა ოთახიდან, რადგან სწორედ ამ დროს მოვიდა თავადის სანახავად კიევის მოურავ-ერისთავი, პან დენგოფი, უფროსი სტოლნიკი და სხვანი მალალ-ხარისხოვანნი.

— აბა, რა ამბავი მოგაქვს? — ჰკითხა დანახვის უმაღლე სქშეტუსკიმ.

— მეც შენთან მოვდივარ. მხოლოდ ჯერ ჩემის პოლკის კაცები უნდა გავგზავნო სხვა-და-სხვა საქმისათვის აქეთ-იქითა.

ყველანი გაუდგნენ გზას, ესე იგი ქსშეტუსკი, ვოლოდიევსკი, პონზიპენტა, ზაგლობა და ზაცივილიხოვსკი, რომელიც თავის სადროშოსკენ მიდიოდა. დრაგუნების ბინის ახლოს ჩვენს მეგობრებს შემოჰხვდათ პან ლაშიი თავის ამხანაგებითა, რომელნიც ისევე გადაკრულნი იყვნენ, როგორც ლაშიი. პან ზაგლობამ ღრმად ამოიოხრა. ზაგლობა ჯერ ისევ კონსტანტინოვს დაუმეგობრდა სახასო დარაჯს და მაშინვე გადასწყვიტა გულში, რომ ლაშიი კარგის ხასიათის კაცი იყო. სახასო დარაჯი, ეს რისხვა და ზარი მტრისათვის, როცა თავისუფალი იყო და საქმე არა ჰქონდა-რა, სმასა და ქეიფს ეტანებოდა იმისთანათა შორის, როგორც იყო პან ზაგლობა. სასაშინელი აბეზარი რამ იყო და იმდენი რამ ხათაბალა გადაჰხდოდა, რომ სხვა ქვეყანაში თხუთმეტჯერ ჩამოახრჩობდნენ. რამდენჯერმე ჰქონდა სიკვდილით დასჯა გადაწყვეტილი, მაგრამ ლაშიი მშვიდობიანობის დროსაც ყურადღებას არ აქცევდა ამ განაჩენებსა და ომიანობის დროს ხომ აინუნშიაც არ მოსდიოდა. თავადს შეუერთდა როსოლოვცასე და მცირედი სამსახური არ გაუწია კონსტანტინოვში, მაგრამ ზბარაზში კი საქმე გააჭირვა თავის აბეზარობითა. ვინ იანგარიშებს, რამდენი სასმელი დაუღია ლაშიის პან ზაგლობამ, რამდენი სისულელე უამბო, მაგრამ ბარის აღების შემდეგ მოხუცი შლიახტიჩი ცუდს გუნებაზედ დადგა, სმისა და ქეიფის ეშხზედ აღარ იყო და თავი დაანება პან დარაჯთან სიარულსა. პან ლაშის ეგონა, უთუოდ ზაგლობა წავიდა სადმე სხვაგანაო და უცებ კი შეეხეჩა ახლა გზაში.

— ოჰ, გამარჯობა შენი! რატომ ერთხელ აღარსად შემოიარე, რასა იქ, როგორა ხარ.

— აი სულ პან სქშეტუსკისთანა ვარ, — უპასუხა ზაგლობამ.

დარაჯთა უფროსს, ცოტა არ იყოს, არ უყვარდა სქშეტუსკი, პირ-კუშტი და დაღვრემილი კაცი იყო, ბრძენს ეძახდა და ცინვითა. ლაშიმა კარგად იცოდა, რა უბედურებაც დაატყდა

თავს სქშეტუსკის, მაგრამ ჯერ-ჯერობით თავს იმაგრებდა და ამ საგნის შესახებ ერთხელაც არ გადუქრავს მისთვის სიტყვა. ახლა კი გადათხლეშილი იყო, წააელო ხელი ჯუბის ღილზედ პარუჩიკს და ჰკითხა:

— შენ კიდევ მაინც სულ შენს გულის ვარდსა სტირი? ჰა, ძლიერ ლამაზი იყო?

— თავი დამანებეთ!—უთხრა ყრუდ სქშეტუსკიმ.

— დაიცა პატარა ხანსა.

— საქმე მაქვს, მეჩქარება, სამსახურის გამო მივდივარ. გამიშვით!

— დაიცადე-მეთქი,—ახირდა ლაშჩი და დაიწყო ახირება, როგორც მთვრალს კაცსა სჩევეია.—შენ გაქვს საქმე და არა მე. მე აქ ვერაფერს გამიბედავს, თავის ნებაზე მატრიალოს.

ლაშჩმა ხმა დაუდაბლა და დაიწყო:

— მითხარი, ერთი, ძალიან ლამაზი იყო?

პარუჩიკმა კოხები შეიკრა და სახე მოეღრუბლა.

— ჩემს წყლულს ნუ აკარებ ხელსა.

— ხელს ნუ ვახლებ? ნუ გეშინიან. თუ ლამაზი იყო, მაშ კოცხალი იქნება.

სქშეტუსკის მკვდრის ფერი დაედო, მაგრამ მაინც თავი შეიმაგრა და უთხრა:

— ბატონო, დარაჯთ-უფროსო, ნუ გავიწყდებათ, ვის ელაპარაკებით.

ლაშჩი სახტად დარჩა და თვალეზი დააქციტა.

— რაო, რაო? მემუქრებით, მე მემუქრებით?

— თქვენს გზაზედ წადით, ბატონო დარაჯთ-უფროსო!— დაუყვირა სიბრაზით აკანკალებულმა ზაცვილიხოვსკიმ.

— ჰაი, თქვე წუწუკებო!—დაიწყო მიქარვა დარაჯთ-უფროსმა. — არიქათ, ყმაწვილებო, ხმალი ამათა!

ლაშჩმა იძრო ხმალი და მიჰვარდა სქშეტუსკის, მაგრამ იმავე წუთს ხმალი ხელიდან გააგდებინეს და თვითონაც ბრაგვა გასძვრა მიწაზედ.

პან სქშეტუსკიმ ხელი აღარ ახლო. იღგა გაფითრებული და აღელვებული ხალხში, რომელიც უცბად მოგროვდა ამ აურ-ზაურის დროს. ერთის მხრიდან დარაჯთ-უფროსთა ჯარის კაცნი მოცვივდნენ, მეორედან ვოლოდიევსკისა. ასტყდა ყვირილი: „დაჰკა! დაჰკა!“ აი, გაიღვა ამოწვდილმა ხმალმა, შეიქნა მიხლა-მოხლა, რომელიც შესაძლო იყო შემდეგ ბრძოლად გადაქცეულიყო. ბედი კიდევ, რომ ლაშჩის მომხრეებმა დაინახეს, ჩვენ ცოტანი ვართო, დასთმეს გულის წყრომა, წააღლეს ხელი დარაჯთ-უფროსსა და წაიყვანეს ძალ-და-ძალ.

ნაკლებ-გაწერთნილი ჯარის-კაცნი რომ ყოფილიყვნენ, იქვე წიწილასავით გაჰგლეჯდნენ ლაშჩისა, მაგრამ მოხუცი ზაცვილი-ხოვსკი მალე მოვიდა გონზედ, დაიძახა „გაჩერდითო!“ და ყველამ ხმალი ქარქაშში ჩააგო.

მინც ამ დროს პან კუშელმა გაიარა ახლოს, შეჰნიშნა ეს ჩოჩქოლი და თავის მოვალეობად დასახა, ყოველივე თავადისათვის ეუწყებინა. საჩქაროზედ შევიდა თავადთან და მოახსენა აღელვებით:

— თქვენო ბრწყინვალებაე, ჯარის-კაცნი ერთმანეთსა სჩეხავენ.

ამ დროს გაიღო კარები და ოთახში შეჰვარდა სიბრაზით გაფითრებული პან დარაჯი.

— თავადო, — ღრიალებდა ლაშჩი, — სამართალს ვითხოვ! თქვენს ბანაკში, დითქო ხმელნიცკის ბანაკიაო, არც დამსახურებას, არც ღირსებას ყურადღებას არ აქცევენ! ხმალს იწვდიან სახელმწიფოს მოხელეთა წინააღმდეგ! თუ სამართალს არ მომცემთ, სიკვდილით დასჯას არ გადაუწყვეტათ თავ-გასულს შეურაცხყოფელს, მე თვითონ ვიპოვი გზას.

თავადი ზეზედ წამოიქრა.

— რა მოჰხდა? ვინ რა გაწყენინათ?

— თქვენმა აფიცერმა, სქშეტუსკიმ.

თავადი გაჰკვირდა და მეტად ეოცა ეს ამბავი.

— სქშეტუსკიმა?

გაიღო კარები და შემოვიდა ზაცვილი-ხოვსკი.

— თავადო, მე თვითონ დავესწარი მაგ ამბავს, — სთქვა მოხუცმა.

— მე აქ რმითომ კი არ მოვსულვარ, რომ პირში წავეუდგე ვისმე, მე ვითხოვ სასჯელს, — ჰყვიროდა ლაშჩი.

თავადი მიუბრუნდა ლაშჩსა და თვალი თვალში გაუბნია.

— წყნარად, წყნარად! — დადინჯებითა და ტკეპნით წარმოსთქვა თავადმა.

აღბად ან თავადის სახე ან მისი წყნარი ხმა იყო იმდენად საშიში, რომ თავის ლირფობითა და აბეზარობით განთქმული დარაჯთ-უფროსი მაშინვე გაჩუმდა, თითქო ენა მუცელში ჩაუვარდა, ხოლო სხვა დანარჩენნი უცბად გაფითრდნენ.

— თქვენა სთქვით, რა ამბავი იყო, — უბრძანა თავადმა ზაცვილიხოვსკისა.

— ხომ მიცნობთ, თავადო, იცით, რომ სამოც და ათის წლის კაცი ვარ, და არც ერთხელ პირი არ შემიბრცხვენია ტყუილის ლაპარაკით. ახლაც, თუნდა დამაფიცოთ, ერთს სიტყვას ვერც მოვუმატებ და ვერც დაეუკლებ იმასა, რაც ვნახე და რასაც მოგახსენებთ.

თავადმა იცოდა, რომ ზაცვილიხოვსკი მართალი კაცი იყო, ამას გარდა, ლაშჩსაც კარგად იცნობდა, რა შეილიც იყო. თავადმა მოისმინა ყოველივე, ხმა არ ამოიღე, წააფლო ხელი კალამს და დაიწყო რაღაც ბარათის წერა.

— რასაც ითხოვთ, მიიღებთ, — უთხრა მან დარაჯთ-უფროსს, როცა ბარათის წერა გაათავა.

დარაჯთ-უფროსმა პირი გააღო, რაღაცა უნდა ეთქვა, მაგრამ სიტყვები არ ემორჩილებოდა როგორღაც, ბოლოს დონჯი შემოიყარა, თავი დაუკრა თავადსა და თავ-მომწონედ გავიდა ოთახიდან.

— ელეენსკი, — ბრძანა თავადმა, — წაუღე ეს ბარათი პან სქშეტუსკისა.

პან ვოლოდიევსკი, რომელიც სქშეტუსკის არა შორდებოდა, ცოტა არ იყოს, შეშინდა, თავადის პატი რომ დაინახა.

ჟელენსკიმ ხმა არ ამოიღო, გადასცა პაკეტი და წავიდა. სქშეტუსკიმ წაიკითხა ბარათი ერემიასი და თავის ამხანაგს მისცა.

— წაიკითხე, — უთხრა მეგობარმა.

პან ვოლდივესკიმ სიხარულით შეჰყვირა:

— პარუჩიკობის ფირმანი! — და გადაეხვია სქშეტუსკის.

პარუჩიკობის წოდება გუსართა სადროშოსი დიდს ადგილს ანიჭებდა კაცს სამხედრო იერარქიაში. იმ პოლკში, საცა სქშეტუსკი მსახურობდა, თვით თავადი იყო როტმისტრი, ხოლო პარუჩიკად ითვლებოდა ჩენჩელი სუფჩინსკი, კაცი მოხუცებული, რომელსაც დიდი ხანი იყო, რაც თავი დაენებებინა სამსახურისათვის. პან სქშეტუსკი ასრულებდა de facto ორსავე თანამდებობას და ეს ამბავი არავის არ ეუცხოვებოდა. ბევრგან პოლკებში ორი პირველი ჩინი მარტო სახელი იყო მის პატრონთათვის. აი, მაგალითად, სამეფო სადროშოში თვით მეფე იყო როტმისტრი, პრიმასის სადროშოში — პრიმასი იყო, პარუჩიკებად კიდევ დიდებულნი კარის-კაცნი, ხოლო მათს თანამდებობას ასრულებდნენ სამაგიერო ჯინიშანები, რომლებსაც ჩვეულების გამო პარუჩიკებსა და როტმისტრებს ეძახდნენ. აი ასეთი პარუჩიკი იყო პან იან სქშეტუსკიცა, გარნა თვით წოდებასა და წოდებასთან დაკავშირებულ თანამდებობის აღსრულებას შორის დიდი მანძილი იყო. ახლა კი ახალის ბრძანების წყალობით პან სქშეტუსკი უცბად შეიქმნა უფროსი აფიცერი რუსეთის მთავარ-მოურავისა.

მეგობრები დიდის სიხარულით ულოცავდნენ ახალის და მალალის თანამდებობის მიღებას სქშეტუსკისა, მაგრამ ის მაინც ისევ იმ გუნებაზედ იყო, როგორც წინაღ: მისი სახე ისევ გაქვავებულივით იყო. ისეთი პატივი და დიდება არა იქნებოდა-რა მთელს ქვეყნიერობაზედ, რომ მისი გული გაემხიარულებინა.

მაინც აღგა და წავიდა, რომ მადლობა გადაეხადა თავადისათვის. ვოლოდივესკიმ ოთახში ბოლთისცემა დაიწყო და ხელებს იფშნეტავდა.

— არა, არა!—იმეორებდა ყმაწვილი კაცი,—გუსართა სადროშო პარუჩიკო. ჯერ მაგალითი არა ყოფილა, აგრე ახალგაზღას ეგ წოდება დაემსახურებინა.

— ის-ღა აკლია მხოლოდ, რომ ღმერთმა დაკარგული ბედნიერებაც დაუბრუნოს!—სთქვა ზაგლობამ.

— საქმეც ეგ არის, არა! შეჰნიშნეთ, რომ წარბიც არ შეუხრია, თითქო აქ არაფერი ამბავიაო.

— მე მგონია, რომ სიხარულით იტყოდა მაგ წოდებაზედ უარს, რომ მაგისი გული სხვაფრივ გამხიარულებულიყო.

— რა გიკვირთ, ყმაწვილებო?—ამოიოხრა ზაგლობამ.—იმ ქალის გულისათვის მეც კი გავწირავდი ამ ჩემს მარჯვენას, რომლითაც მტერს დროშა გამოვეტაცე.

— მაშ, სჩანს, პან სუფჩინსკი მომკვდარა?

— აღბად.

— ჯინიშანი ვილა უნდა იყოს? მედროშე ჯერ სულ ბავშვია და მხოლოდ კონსტანტინოვის ბრძოლის შემდეგ უჭირავს ეგ ადგილი.

ეს საგანი გადაუწყვეტელი დარჩებოდა, რომ თვით პარუჩიკი სქშეტუსკის არ მოეტანა ახალი ამბავი.

— პან პოდბიჰენტა,—სთქვა მან,—თავადმა შენ დაგნიშნა ჯინიშანად.

— ოჰ, ღმერთო, ღმერთო!—ამოიკენესა პან ლონგინუსმა და ისე დაიკრიფა ხელები, თითქო ლოცვისათვის ემზადებოა.

— თუნდ ეგ დაუნიშნაეთ, თუნდ ინფლანდიის იაბო,—წაიტუტუნა ზაგლობამ.

— გზად წასვლა-ღა?—ჰკითხა პან ვოლოდიევსკიმ.

— ეხლავ უნდა წავიდეთ, ეხლავა.

— როგორა ბრძანა თავადმა, ხალხი ბევრი წაიყვანეთო?

— ყაზახთა და ვლახელთა სადროშოვო, სულ ხუთასი.

— ეჰე, ეგ კარგი, ეგ ხომ მთელი ლაშქარია. როცა აგრეა, მაშ დროა გაეწიოთ.

ორს საათს შემდეგ, მზეც ჩავიდა და ჩვენი ნაცნობი ოთხი მეგობარიც გაუდგა გზას სამხრეთად, ხოლო ამავე დროს გა-

სწია ჩრდილოეთად თავადის ბანაკიდან დარაჯთ-უფროსმა თავისის კაცებითა. რაინდნი დასცინოდნენ, მასხარად იგდებდნენ ლაშქსა და გარშემო ეხვეოდნენ პან კუშელსა, რომელიც უამბობდა, რა მიზეზით იქმნა განდევნილი ბატონი დარაჯთ-უფროსი და როგორ მოჰხდა ყოველივე ეს საქმეო.

— მე წავეულე თავადის ბრძანება, და არ დაიჯერებთ, ვერაფერი სასიამოვნო საქმეც მომანდო ჩვენმა მოურავ-ერისთავმა, მაგრამ მეტი რა ღონე იყო. ბრძანება რომ წაიკითხა, ხარივით დაიდრიალა, თითქო შამფურით დასდაღესო. მომვარდა ხმალო ამოღებული, მაგრამ მალე დაინახა ნემენცები პან კორიციკისა და ჩემი დრაგუნები. მერე მოჰყვა ყვირილსა: „კარგი, ძალიან კარგი! წავეალ! მაგდებენ განა! წავეალ თავად ღომინიკთან, ის დამაფასებს, ის უკედ მიმიღებს! დიდი ამბავია, თუ ღარიბ-ღატაკებთან ერთად არ ვიმსახურე! იმ სალახანას კი მე ვაჩვენებ თავის სეირს, დავუმტკიცებ, ვინც არის ლაშქი!“ მე მეგონა სიბრაზე დახარჩობს-მეთქი; სდგას სტოლთან და აცლის და დაჰკრავს ზედ ხანჯალსა. უნდა გითხრათ, მეფიქრება კიდევ, რომ პან სქშეტუსკის არა აუტეხოს-რა; იმისთანა კაცთან ხუმრობა არ იქნება. გოროზი და ამპარჯავანი კაცია, თავის დღეში არავისთვის წყენა არ შეუტრჩენია.

პარუჩიკი ამასობაში უახლოვდებოდა თავის რაზმით ოჟიგოვცას ბარისა და მედვედოვკის გზითა. თუმცა სექტემბრის სიცივეებმა ათასფრად შეჰღება ფოთოლი ხეებზედ, მაინც თბილი და წყნარი ღამე იყო, თითქო ივლისიაო. აედრიან ზაფხულს შემდეგ დადგა მშრალი და ტკბილი შემოდგომა. დღისით ცა მოწმენდილი იყო და ღამეები ნათელი. გზა კარგი იყო და შიში არაფრისა, — თავადის ბანაკს ჯერ არ დაჰშორებოდნენ საიმისოდ და ამიტომ რაზმი სწრაფად მიდიოდა წინ. პარუჩიკი წინ მიდიოდა და თან რამდენიმე ჯარის-კაცი ახლდა, ხოლო მას უკან მისდევდნენ ვოლოდიევსკი, ზაგლობა და პან ლონგინუსი,

— ერთი შეჰხედეთ, რა ნაირი სინათლეა აიმ სერზედა, — ჩურჩულითა სთქვა პან ზაგლობამ, — ასე ჰგონია კაცს, დღეაო.

ამბობენ, რომ ამისთანა ღამეები მხოლოდ ომის დროს იცის ხოლმეო; იმიტომაც, რომ სული, რომელიც ხორცს განშორებია, სიბნელეში ხეებს არ დაეჯახოს, როგორც ჩიტები ქერს ეხეთქებიან ხის ფარდულში, და ადვილად ჰპოულობდეს თავის გზასაო. დღეს პარასკევია, დღე მაცხოვრისა, დღეს მკვდრები არ ამოდიან თავიანთ საფლავებიდან და მავნე სულები ვერას დააკლებენ ადამიანსა. თითქო ვგრძნობ, რომ არა მამძიმებს-რა, რაღაც იმედი მელვძება გულში.

— საქმე დაწყებულია, რაკი წამოვედით, ახლა ფიქრი აღარ არის, — სთქვა ვოლოდიევსკიმ.

— იმაზედ ძნელი აღარა არის-რა, რომ უმოქმედოდ იჯდეს კაცი ერთს ალაგას. — შეჯდები თუ არა ცხენზედ, ჰგრძნობ, რომ თითქო ნელ-ნელა ყოველი დარდი და ნადველი თავს განებებსო, ბოლოს ხომ სულ გადაგეყრება გულიდან ყოველივე მწუხარება.

— ვეკვობ, რომ აგრე იყოს, — ღრმად ამოიოხრა პან ლონგინუსმა. — თუ მწუხარება დიდია და ძლიერი, აგრე ადვილად ვეღარ მოიშორებ თავიდან.

ვოლოდიევსკიმ ჰკრა ქუსლი ცხენსა და სქშეტუსკის დაეწია. დიდ ხანს იარა ასე იმასთან დამხარდამხარებით, დიდ ხანს იყო ჩუმად და ათვალიერებდა იმის უმოძრაო სახეს და ბოლოს კი უზანგო ჰკრა მის უზანგოსა.

— იან, — უთხრა მეგობარმა, — არ არის კარგი, რომ აგრე ეძლევი ფიქრსა და დარდსა.

— მე არა ვდარდობ, ვლოცულობ.

— ეგ კარგი საქმეა, მაგრამ ბერი ხომ არა ხარ, რომ მარტო ლოცვას მისდევდე.

პან სქშეტუსკიმ მოიბრუნა მისკენ თვისი დატანჯული სახე და ჰკითხა ყრუ და საშინელის განწირულებით აღსავსე ხმით:

— ერთი მითხარი, რაღა დამრჩენია განა ბერის სამოსელს გარდა ამ ქვეყნად?

— ის დაგრჩენია, რომ უნდა გადაარჩინო სიკვდილსა და დაიხსნა მტრის ხელიდან ის ქალი, — უპასუხა ვოლოდიევსკიმ.

— მაგრაც მოვიქცევი, ყველაფერს გავწირავ, უკანასკნელს სისხლის წვეთს არ დავზოგავ. მაგრამ თუნდა რომ ცოცხალიც ვიზოვო, რა ბედენაა ჩემთვის, სულ ერთი არ არის. ოჰ, შემოწყალე, ყოვლის შემძლებელო!... ყველაფრის ფიქრი შემძლიან და მაგ ფიქრს კი ვერ ავიტან... შემობრალე, ღმერთო, ლამის გონება დავკარგო. მაგის მეტი აღარა მინდა-რა, ოღონდ კი ის გადავარჩინო და გამოვიტაცო იმ ბოროტის კაცის ხელიდან. მერე ადგეს და ეძებოს თავისთვის საღმე საფანე, მეც ჩემთვის მოვძებნი ჩემს საფანეს. სჩანს ასეთია ნება უფლისა. ნუ დამიშლი, ვილოცო, ნუ ახლებ ხელს ჩემს წყლულს, ჩემს დასისხლიანებულს იარას...

ვოლოდიევისკის გული მოუკვდა; უნდოდა ეთქვა რამე კიდევ, მაგრამ ენის განძრევის ილაჯი აღარა ჰქონდა. ამხანაგები დადუმებულები მოდიოდნენ წინ მუნჯებივითა.



პან სქშეტუსკის თავისი რაზმი მხოლოდ ღამ-ღამე მიჰყავდა წინა, ხოლო დღისით ისვენებდა. მიუახლოვდებოდა თუ არა, ვსთქვამთ, რომელსამე სოფელს, მაშინვე ალყას შემოართყავდა, ნუზლ-სურსათს დაიმზადებდა ჯარის-კაცთათვის, იკითხავდა, იწვრილებდა მტრის ამბავსა და გასწევდა ახლა სხვა სოფლისაკენ. მცხოვრებელთ სრულიად უნებლად სტოვებდა. პატარას გასცდებოდა თუ არა სოფელს, მაშინვე გზას გადაუხვევდა, რომ მტერს არ გაეგო, საით წავიდაო. სქშეტუსკის ლაშქრობას აზრად ჰქონდა გაეგო, კრივანოსს და იმის ორმოც-ათასს ჯარს ისევ ალყა აქვს შემოართყმული კამენეცის ქალაქის გარშემო, თუ ალყა ახსნა და წავიდა ხმელნიცკის მისაშველებლადო, რას აკეთებენ დობრუჯელი თათრები, გამოვიდნენ დნესტრში და შეუერთდნენ კრივანოსსა, თუ ჯერ ისევ გაღმა-მხარში არიანო. ამის ცოდნა ძალიან საჭირო იყო პოლონელთა მხედრობისათვის, მაგრამ გეტმანებმა ამისათვის დროზედ არ შეიღეს თავი. თუ კრივანოსმა აკკერმანისა და დობრუჯის თათრებით ალყა ახსნა მიუდგომელს კამენეცს და ხმელნიცკისთან შეერთებას ისწრაფოდა, საჭირო იყო, რაც შეიძლება მალე, გაელაშქრა მხედრობას ხმელნიცკის წინააღ-

მდგ, რათა არ გაძლიერებულიყო, მაგრამ მხედართ-მთავარი, თავადი დომინიკ ზასლავსკი-ასტროვსკი, არა ჩქარობდა. დომინიკს ორის დღის შემდეგ ელოდნენ ერემიას ბანაკში. ალბად, გზა-გზა ნადიმობდა, თავის ჩვეულებისამებრ, დრო კი მიდიოდა, ძვირფასი დრო, და მთავარს ერემიას სასოება ეკვეთებოდა, თუ ასე ვიომეთ ჩვენა, არა თუ კრივანოსი, დნესტრ-გალმა და-ბანაკებული ურდონი მოასწრობენ ხმელნიცკის მიშველებას, არამედ თვით ხანიც კი მოასწოებს მასთან შეერთებას მთელი თვისის პერეკოპისა, ნოლაისა და აზოვის ურდოებითა.

ერემიას ბანაკში უკვე ამბობდნენ კილოკავად, რომ ხანი გამოვიდა კიდეც ღნებრ-გამოღმა და თან მოჰყავს ორასი ათასი კაციო, და მთავარი დომინიკი კი მაინც არსად იყო.

ყოველივე ისე მოეწყო, რომ შესაძლო იყო ერემიას მხედრობას ისეთს მტერთან შეჰმთხვეოდა ბრძოლა, რომელიც ხუთჯერ მაინც მტერი იქნებოდა რიცხვით. და თუ, ვინიცობაა, ამ მხედრობას დასძლევედა მტერი, მაშინ რაღა დაუშლიდა, თვით შიგ შუა-გულ რესპუბლიკას დასხმოდა თავს და კრავსა და ვარშავას ახლო ამოეყო თავი.

კრივანოსი იყო ყველაზედ საშიში. გეტმანები რომ, ესტქვათ, შუა-გულ უკრაინისაკენ წასულიყვნენ, კრივანოსი, კამენეციდან წამოსული ჩრდილოეთად, გადაუღობავდა გზას და პოლონელთა მხედრობა ორ-წყალ შუა ჩავარდებოდა. სქშეტუსკიმ გადასწყვიტა, არა თუ გავიგებ იმის ამბავსა, არამედ შევაყენებ, დავაბრკოლებ კიდეცაო. პარუჩიკი გაიმსქვალა ამ საქმის დიდ-მნიშვნელოვანებით და მზად იყო თავი გაეწირა მისთვის თვისის რაზმითურთ. ცხადია, პირდაპირ შებრძოლება კრივანოსის ორმოცი-ათას ჯართან სრული უგუნურება იქნებოდა; პან სქშეტუსკი იმდონად გამოცდილი იყო, რომ ამისთანა საქმეს არ იტვირთებდა. ესეც იცოდა, რომ ყაზახნი ერთს წუთსევე ფეხ-ქვეშ გამთელავენო, და ამიტომ სხვა ღონეს მიჰმართა. პირველ ყოვლისა გაავრცელა ხმა თვისთა ჯარისკაცთა შორის, რომ ჩვენ წინა რაზმი ვართ საშინელის თავადის ერემიას დივიზიისაო, ჯარის-კაცნიც, რასაკვირველია, ამას

ამბობდნენ ყველგან, საცა კი სოფელსა და დაბაში მივიდოდნენ. და ეს ხმა ელვასავით სწრაფად ვრცელდებოდა ზბრუჩში თვით დნესტრამდე და მიჰქროდა კიდევ უფრო შორს, კამენეციდან ემორლიკამდე. ეს ამბავი ეკერათ ენაზე ოსმალთა ფაშებსაც ხოტინში, იმიერ-ქორომელთაც იამპოლში და თათრებსაც რაშკოეში. და კვლავ გაისმა ნაცნობი ძახილი: „ერიომა მოდის!“ — ის ძახილი, რომლის გამოც შიშითა ძრწოდა გული მემბოხესი.

ექვი არავის არა ჰქონდა, რომ ეს ხმა მართალი არ იყო. რა საკვირველია განა, გეტმანები შეუტევენ ხმელნიცკის, ხოლო ერიომა კრივანოსსაო. ამას რაღა ლარი და ხაზი უნდაო. თვით კრივანოსმა დაიჯერა ეს ხმა და ყურები ჩამოჰყარა. რა ვქნა ახლაო? შეეფუტო მთავარსა? კონსტანტინოეთან უფრო მეტი ჯარი მყავდა, მდაბიონიც უფრო გულადად იყვნენ, მაგრამ ვიძლირებით, დავმარცხდით, სულ თავზედ კაკალი გვამტვრის. კრივანოსი დარწმუნებული იყო, რომ ჩემი ყაზახნი გამგელებით შეებრძვიან, რა ჯარიც უნდა იყოს რესპუბლიკისაო, ვინც უნდა ჰყავდეს იმ ჯარს მხედართ-მთავრადაო, მაგრამ დაინახვენ თუ არა ერემიას, მაშინვე აქეთ-იქით გაიფანტებიან, როგორც გედთა გუნდი არწივის დანახვაზედ, როგორც ბუმბულის გინგლი მინდორში ქარის ამოვარდნაზედაო.

მაშ კამენცთან ველოდო? ეგ კიდევ უარესიო. და კრივანოსმა გადასწყვიტა, წავალ აღმოსავლეთად, ბრაცლავისაკენ, მოვარიდებ თავს საშინელს მტერს და შევუერთდები ხმელნიცკისაო.

აშავე დროს გაისმა ახლა სხვა ხმაცა, რომ ერთომ ხმელნიცკი უკვე იძლიაო (ეს ხმა ჰან სქშეტუსკიმ გაავრცელა). საწყალს კრივანოსს სულ გონება დაებნა. მაგრამ სულ ერთია, სხვა ხსნა არ არის, თუ არ აღმოსავლეთად გაქცევაო. წავალ მინდვრად; იქნება იქ თათრებს შევხვდე და იმათ შევუერთდებო.

მაგრამ, უპირველეს ყოვლისა, უნდა ნამდვილად გავიგო საქმის ვითარებაო. კრივანოსმა დაიწყო ფიქრი, არავინ იქნება

ნეტავი ჩემს პოლკოვნიკებში ისეთი ერთგული და გულადი, რომ ის გავგზავნო ახლო მახლო მიდამოთა მოსათვალისწინებლად? ძნელი ამოსარჩევია ასეთი კაცი, მსურველი არავინა სჩანს, საჭირო კია ისეთი კაცი, რომელმაც, თუ ვინიცობაა მტერს ჩაუეარდა ხელში, არას გზით, წამების ქვეშაც კი არ გამცეს და ჩემი განზრახვა ლტოლვისა არ გაამჟღავნოსო.

ბოლოს ასეთი კაციც იპოვა.

ერთს ღამეს კრივანოსმა ბრძანა, დამიძახეთ ბოგუნსაო.

— გამიგონე, ძმაო იურკო, — უთხრა იმან, — ჩვენთან შემოსაბძოლად მოდის ერემია დიდის ლაშქრითა. ჩვენ უბედურნი ყველანი დავიღუპებით!

— მეც გავიგონე, რომ მოდისო. აკი წინადაც მოვილაპარაკეთ, მამავ და ბატონო, მაგ საგნის გამო და რაო, რად დავიღუპებით განა?

— ვერ გავუმაგრდებით. სხვას იქნება გავმკლავებოდით, მაგრამ ერემიას კი ვერა. ყაზახებს ეშინიანთ იმისი.

— მე იმისი არ მეშინიან. გაღმა-მხარში, ვასილიევსკის მთელი პოლკი ამოვწყვიტე იმისი.

— ვიცი, რომ შენ არ გეშინიან იმისი. შენი ყაზახური ვაჟკაცობა და სახელი იმის თავადურს დიდებას არ ჩამოუვარდება, მაგრამ მე არ შემიძლიან შევება, და არც ყაზახნი მოინდომებენ... მოიგონე, როგორა ყაყანობდნენ თათბირზედა, რანაირ მოიწვედნენ ჩემზედ ხმალ-ამოწვდილი და მიყვიროდნენ, რას გეიპირობ, სასიკვდილოდ სად მიგყევართო.

— მაშ წავიდეთ ხმელნიცკისთან; იქ არც სისხლის-ღვრა მოგვაკლდება და არც დავლა-ალაფი.

— ამბობენ, რომ ხმელნიცკი გეტმანებმა სძლიესო.

— მე ეგ არა მჯერა, მამავ და ბატონო; ხმელი კულიანი მელაა, თუ არ თათრებთან ერთად, ისე არ შეებრძოლებალიახებს.

— იქნება აგრეც იყოს, მაგრამ უნდა დავრწმუნდეთ, რომ ეგ ეგრა. მაშინ მოვარიდებდით თავს მაგ ტარტაროზ ერემიასა, შევეურთდებოდით ხმელნიცკის, მაგრამ ჯერ უნდა დავ-

რწმუნდეთ მაინცა! აი, რომ იყოს ვინმე, არ შეუშინდებოდეს ერემიას და წავიდოდეს ახლო-მახლო მიდამოთა მოსათვალიერებლად. იქნება ჯაშუშიც შეიპყრას საღმე. აი ამ ქუდით ერთს სულ ბაჯალლო ოქროს დაეთუელიდი.

— მე წავალ, ბატონო, არა ბაჯალლოს გულისათვის, არამედ სახელისა და ვაჟკაცობის მოსაპოვებლად!

— ჩემ შემდეგ მეორე ატამანი შენ ხარ და წასვლა კი გინდა? მალე პირველი ატამანიც იქნები და წინ წაუძღვები ყაზახთა, ამა ვაჟკაცთა რჩეულთა, იმიტომ რომ არ გეშინიან ერემიასი. წადი, გმირო, წადი და მერე მთხოვე, რაკ გინდა. ჰო, ახლა აი რას გეტყვი: შენ რომ არ წასულიყავ, მე თვითონ წავიდოდი, მაგრამ ვაი რომ ჩემი წასვლა არ შეიძლება.

— თქვენი წასვლა არ შეიძლება; თქვენ რომ წასულიყავით, ყაზახნი აყაყანდებოდნენ, აიგერა წავიდა და თავს უშველოა, და გაიფანტებოდნენ აქეთ-იქითა. მე რომ წავიდე-კი, გული მოეცემათ.

— ამაღა ბევრი გინდა?

— არა, ბევრს არავის წავიყვან; მცირე გუნდით უფრო ადვილია მალვით სიარული. ერთი ხუთასიოდე კაცი მიბოძეთ და თავს მოვიჭრი, თუ ჯაშუში არ მოგგვარეთ.

— მაშ, წადი ეხლავე. კამენცას ზარბაზნებს ისერიან სიხარულით, ღიახნი გადავრჩით და დეე ყაზახნი ამოსწყდნენო.

ბოგუნი წავიდა და მაშინვე სამგზავროდ დაიწყო მზადება. იმისმა ყაზახებმა, თვისის უცვალეებელის ჩვეულებისაჲებრ, დაიწყეს ქირვეული სმა და შიგ იხრჩობდნენ თავს არაყში. „ვცეცხლოთ და ვქყურტოთ, სანამ სიკედილი მოვა და მოუსვენარს სულს ამოგვაძრობსო“; ბოგუნიც სხვასთან ერთად სვამდა; ბოლოს სულ გადირია, ბრძანა, მოაგორეთ კუბრით სავსე ბოჩკაო და, როცა მოაგორეს მართლა, როგორც იყო ხავერდ-ატლასით მოსილი, ისე იმიან-იმიანად შიგ ჩაჰყო თავი, ამოევლო ერთჯელ, ორჯელ, სამჯერ და დაიძახა:

— შევი ვარ ახლა, როგორც ბნელი ღამე! ველარ დამინახავენ ღიახთა დასაბრმავებელი თვალები.

მოახტა ცხენსა და გააქროლა, რაც ძალი და ღონე ჰქონდა. უკან გაჰყვა მხლებელთა რაზმიცა. ხოლო პან სქშეტუსკი ამასობაში იარმოლინცამდე მოვიდა და, რადგან იქაურებმა წინააღმდეგობა გაუწიეს, უწყალოდ დასაჯა საცოდავნი, დაეშუქრა, ერემია მოვა დაუყოვნებლივითა და იმ-ღამეს იქვე დარჩა.

სალამოზედ უთხრა თავის ამხანაგებს:

— ჯერ-ჯერობით ღმერთი გვშველის. მართლა მოწინავე ჯარი ვგონივართ თავადის მხედრობისა, მაგრამ უნდა ვიზრუნოთ რამე-კი, რომ ჩვენი საიდუმლო არ გამჟღავნდეს.

— დიდ ხანს ვივლით კიდეც ასე?—ჰკითხა ზაგლობამ.

— მანამ, სანამ არ გავიგებთ, რა უღევს გულში კრივანოსსა.

— მაგრე თუ ვიარეთ, იქნება ოჩიცი მოჰხდეს და ჩვენ კი ვერა გავიგოთ-რა, ჩვენებს ველარ შევეურთდეთ.

— აღვილად შეიძლება.

— ეგ ვერაფრად მომწონს.. მართალია, კარგად მოჰხვდათ ყაზახებს კონსტანტინოვთან, მაგრამ ის არ ეყოფათ. ისეთი მაქვს ხელები, სულ მექაეება...

— შესაძლოა, აქ უფრო დიდის ომის გადახდა შეგემთხვეს, ვიდრე გგონია.

— ოჰ, საიდანაო?—ჰკითხა პან ზაგლობამ, მოუსვენრობით შეპყრობილმა.

— ყოველ-დღე მოსალოდნელია, რომ მტერს შევეფეთოთ და, თუმცა იმიტომ არ წამოვსულვართ, რომ იარაღით გზა გადვუღობოთ, მაინც, თუ თავს დაგვესხმიან, უნდა მოვიგერიოთ. მაგრამ დაეუბრუნდეთ ისევ საქმეს. საჭიროა ბლომად მოვიაროთ სოფლები, რომ ერთსა და იმავე დროს ბევრგან იყოს ლაპარაკი ჩვენ შესახებ, მემამბოხენი ვსაჯოთ შეუწყალეზლად, რაც შეიძლება მეტი შიში და ძრწოლა მივაყენოთ და ყველგან ვავრცელოთ ჩვენი ამბავი. ამიტომ, ჩემის ფიქრით, დასებად გავიყვნეთ.

— მეც მაგ აზრისა ვარ,—დაეთანხმა ვოლოდიევსკი,—შიშს დიდი თვალეხი აქვსო, ნათქვამია და ისინი, ვინც კრივანოს-

თან გაიქცევიან, დაიწყებენ ლაპარაკს, რომ ასი-ათასზედ მეტი ჯარი მოდისო.

— თქვენ აქ უფროსი ხართ, — სთქვა პოდბიპენტამ, — განაგეთ საქმე, როგორც გინდათ.

— მე ზანკოვს წავალ, ხალადკოვცისაკენ, და თუ შესაძლოა იქნება, კიდევ უფრო შორსაც, თქვენ, პან ჯინაშანო პოდბიპენტა, პირდაპირ სამხრეთად წადით, შენ, ვოლოდიევსკი, კუპინს წახვალ, ხოლო პან ზაგლობა ზბრუჩს, სატანოვისაკენ.

— მე? — ვითომ კარგად ვერ გავიგონე რა სთქვიო და ამიტომ ჰკითხა პან ზაგლობამ.

— შენა. კვეიანი და მოხერხებული კაცი ხარ; მე მეგონა, სიამოვნებით იკისრებდი ამ საქმეს; თუ არ გინდა, ვახმისტრ კოსმაჩს მივანდობ.

— ოჰ, არა, არა! — შეჰყვირა ზაგლობამ, რომელსაც უეცრად გაუელევა თავში სასიამოვნო აზრმა, რომ ცალკე რაზმის უფროსი ვიქნებიო. — თუ გკითხე რამე, მხოლოდ იმიტომ რომ თქვენი მოშორება არ მინდოდა.

— კარგად კი იცი ახლა ზნენი სამამაცონია, ესე იგი სამხედრო საქმე? — ჰკითხა ვოლოდიევსკიმ.

— კარგად კი ვიციო? შენ ჯერ დაბადებულოც არ იყავ, რომ ამაზედ რიცხვ-მრავალნი რაზმნი მიტარებია სალაშქროდ. მთელი საუკუნე ომში გავატარე და სამხედრო სამსახურში მაქვს ჰიპი მოჭრილი; დღესაც სამსახურში ვიქნებოდი, ის დაწყვეტილი დაობებული რომ არა ყოფილიყო: კუჭში ჩამრჩა ერთხელ ის ოხრად დასარჩენი და სამი წელიწადი დაჰყო შიგა. გალატს მომიხდა წასვლა წამლისათვის... მაგრამ ამ მოგზაურობის ამბავს მერე გაამბობთ როდისმე დაწვრილებით, ახლა კი დროა გზას გაუდგე.

— წადი და ყველგან ავრცელეთ ხმა, რომ ხმელნიცკი დამარცხდა-თქო, რომ თავადი ახლოა-თქო. ჩიხა-მანოებს ტყვედ ნუ შეიპყრობთ, ხოლო თუ კამენტან ნამყოფი შეგხვდეთ ეინმე, ეცადეთ იმისთანანი შეიპყროთ, რომ კრივანოსის ამბავი რამ შეგვატყობინონ.

— დეე, თუნდ კრივანოსი მობრძანდეს ჩემს საწინააღმდეგოდ, მე ვაჩვენებ იმას სერის: კაი-კაის ვუთავაზებ! ნუ გეშინიან, პან სქშეტუსკი, როგორც ჩემი ნებაა, ისე ვატლინკებ შეამბოხეთა!

— სამს დღეს უკან, ისევ იარმოლინცს მოვიყაროთ თავი, ახლა კი ყველა თავის გზას გაუდგეს. ხალხს გაუფრხილდით!

— სამს დღეს უკან იარმოლინცს უნდა ვიყვნეთ?— გაიმეორეს ზაგლობამ, ვოლოდიევსკიმა და პოლბიპენტამ.

VI

როცა პან ზაგლობა მარტოდ-მარტო დარჩა თავის რაზმითურთ, როგორღაც უხერხულად იგრძნო თავი. ერთის სიტყვით, ეშინოდა კაცსა. რას არ გაიღებდა, რომ თავის მახლობლად ან სქშეტუსკი დაენახა, ან ვოლოდიევსკი, ან თუნდა პან ლონგინუსი, რომელთა გმირობაც გულში ძალიან უკვირდა და რომელთა მახლობლადაც ისე ეგონა, თითქო ღვთის უბეში ვზივარო.

პატარა ხანს წინ მიდიოდა ჩვენი შლიახტიჩი და სულ თავ-პირი ჩამოსტიროდა, ისე იყო დაღვრემილი. თან შეკრთომით იცქირებოდა აქეთ-იქით და ითვალისწინებდა იმ საფრთხეგანსაცდელს, რომელშიაც, შესაძლოა, ჩავეარდეთ.

— მაინც სასიამოვნო იქნებოდა, რომ ერთ-ერთი მათ შორის აქა ყოფილიყო, — ბურტყუნებდა ზაგლობა, — ყველას ღმერთმა თავისი რამ მისცა და ეგ სამნი კი თითქო წურბელებად გაჩენილან, ისე მუსუსად ედებიან ადამიანის სისხლს. ომში ისე ჰგრძნობენ თავს, თითქო კაი კამპანიიში ვართ და სასმელს შევექცევითო, თითქო თევზნი ვართ და წყალში ჩაგვყარესო. ნურც ასმევე, ნურც აქმევე, ოღონდ კი აომე. მუცელი ქანქლე აქეთ, მკლავი კი მქედლის უროსავით მძიმე. ჩემის თვალით მინახავს სქშეტუსკი პირ-ოფლიანი ომში... ღმერთო, რა ნაირ იქნევს ხმალსა!... ან კი რა ლაპარაკი უნდა, მაგისი საყვარელი საქმე ეგ არის. ისა, საკუთარი გოგრა რომ არა აქვს

და სამს სხვისას ეძებს ერთადა? იმისთვის ყოველივე სულ ერთია, ერთ მანყულად არა ჰღირს-რა. იმ ქონდრის კაცს ვოლოდიევსკის ყველაზედ ნაკლებად ვიცნობ, მაგრამ მგონია, რომ ისიც დიდი კუდიანი უნდა იყოს... აიგერა თუნდა კონსტანტინოვს ახლო რა ქნა, მაგალითად. ჩემი ბედი კიდევ, რომ ის აქ ახლოა თავის რაზმით. მოდი იმას შევეუერთდე? თუ ვიცოდე ეხლა, სად მივდივარ, დეე თათარი დამიძახონ.

პან ზაგლობამ ძრიელ ობლად იგრძნო თავი და თვითონვე უკვდებოდა გული ასეთის სიმარტოვის გამო.

— მაშა, მაშა! ყველას ჰყავს ვინმე მახლობელი და მე კი ვინა მყავს? არც მეგობარო, არც მამა და არც დედა ჩემთვის-ობოლი ვარ, მორჩა და გათავდა!

ამ დროს ზაგლობასთან მოვიდა ვახმისტრი კოსმაჩი.

— ბატონო, სად მივდივართ?

— სად მივდივართ—გაიმეორა პან ზაგლობამ, — რაო?

უცბად გასწორდა უნაგირზედ და გადიგრიხა ულვაში.

— კამენცს, თუ ჩემი ნება იქნება! გესმის, ბატონო ვახმისტრო?

ვახმისტრმა თავი დაუკრა და ხმა-ამოუღებელივ გატრიალდა უკან; ვერ მოეფიქრებინა, რაზედ გაწყრა ბატონი უფროსიო; ხოლო პან ზაგლობამ აქეთ-იქით გადააბრიალა კიდევ თვალეები მრისხანებით, მერე დამშვიდდა და განაგრძო ფიქრი:

— თუ მე კამენცს წავიდე, ასი ჯოხი დამკრან ზედ ფეხის ქუსლებზედ ოსმალურის წესითა. ფუი, ფუი! ერთ-ერთი მათგანი რომ აქ იყოს, ბევრად უკეთეს გუნებაზედ ვიქნებოდი. რა უნდა მოვუხერხო ამ ჩემს კაცებს? მე და ჩემმა ღმერთმა, სულ რომ მარტო ვიყო, ის მირჩევენია, მაშინ მოხერხების უნარი მაინც ექნებოდა კაცს. ახლა კი ძრიელ ბევრნი ვართ ერთად და რისამე მოხერხება ძალიან ძნელია; თან ისე ცოტანიცა ვართ, რომ მტრის მოგერება შეუძლებელია. ძალიან სულელური აზრი მოუვიდა სქშეტუსკის, რომ რაზმი გუნდებად დაჰყო. აბა, ერთი სად უნდა წავიდე ახლა? რაც აქამდე იყო, ის ვიცი, და, აბა, ვინ გეტყვის წინ რა იქნება, ვინ მითავდებებს, რომ

რომელმამე ტარტაროზმა მახე არ დაგვიგო სადმე? კრივანოსი და ბოგუნნი! კაი წყვილი კია, იმათმა აშენებამა! გადაუწყდეთ და გადაჰყენენ თანა! ღმერთმა დამიფაროს მეტადრე ბოგუნისაგან. აი სქშეტუსკის უნდა, ნეტავი ერთი იმას შემახვედრაო, და, დეე, ღმერთმა ისევ იმისი ლოცვა შეისმინოს. მეც ის მინდა იმისთვის, რაც თავადა სურს: მაშ, რა? ტყუილად ხომ არა ვართ მეგობრები, ამინ! შიფჩანჩალდები როგორმე ზბრუჩამდე და მერე, იალან! გავწეე ისევ იარმოლინცსა; ჯაშუშებს იმდენს მივუყვან, რომ სულ „არ მინდა“ იძახონ.

კოსმაჩი კვლავ მივიდა ზაგლობასთან.

— ბატონო, აიქ გორას იქიდან, ვილაც ცხენოსანი ხალხი მოსჩანს.

— ჯანდაბას იმათი თავი!... სადა? სადა?

— აიგერა, სერს იქიდანა ნაკვალევი სჩანს იმათი.

— ჯარია?

— მგონია, ჯარია.

— აი მგლებსაც დაუქამიათ! მერე ბევრნი არიან?

— კარგად არა სჩანს, შორს არიან. აიმ კლდეებს რომ ამოვეფაროთ, უცბად დავესხმით თავსა; სხვა გზა არსაითა აქეთ. თუ ბევრნი არიან, პან ვოლოდიევსკი შორს არ არის აქედან; თოფის ხმას რომ გაიგონებს, მოსაშველებლად გამოეშურება.

პან ზაგლობას ვაჟკაცობის გამოჩენის ჟინი მოუვიდა უცბადა. ეს გარემოება იქნება სასოწარკვეთილების ნიშანიც იყო, ან იქნება ვოლოდიევსკის ახლო ყოფნის იმედმა გამოიწვია. შლიახტიჩმა შემოიქნია ამოწვდილი ხმალი, მრახხანედ მიიხედ-მოიხედა აქეთ-იქით და დაიძახა:

— ჩასაფრდით კლდეებში! უცბად დავესხათ თავს. ვაჩვენებთ სეირს მაგ წუწკებსა, მაგათა!...

თავადის გამოცდილნი ჯარის-კაცნი მაშინვე გატრიალდნენ კლდეებისაკენ, ერთის თვალის დახამხამებაში დაეწყენენ საომრად და მზად იყენენ თავ-დასხმისათვის.

გაიარა საათმა; ბოლოს მოისმა ხმაურობა მოახლოებულის ხალხისა; გარემო კლდე-ღრემ ბანი მისცა მხიარულს სი-

მღერას, რომელსაც ის ხალხი ამბობდა; ცოტა კიდევ და მო-
ისმა ხმა კიანურისა, სტვირ-სალამურისა და დაირისა. ვახმისტრი
მივიდა პან ზაგლობასთან.

— ის ჯარი არ არის, ბატონო, ყაზახნი არ არიან. ქორ-
წილია.

— ქორწილია? — ჰკითხა ზაგლობამ. — კარგ ქორწილს მიე-
ცემ მე იმათა.

გუნდის უფროსმა ჰკრა ქუსლი ცხენსა, ჯარის-კაცნი გა-
ჰყვნენ თან და დაეწყვნენ რიგზედ.

— მომყევით! — შეუძახა ზაგლობამ თავის გუნდს.

ჯარის-კაცნი გაჰყვნენ იერიშით, მერე კენებით, შემო-
ერთვნენ კლდეს და გაჩერდნენ მექორწინეთა წინაშე, რომელ-
თაც გული გაჰხეთქოდათ შიშით ამათ დანახვაზედ.

— დიციათ, შესდექით! — მოისმა აქეთ-იქიდან.

მართლა მექორწინენი იყვნენ. წინ მოდიოდნენ ცხენებით
მეფანტურე და მექიანურე, კარგად შეზარხოშებულები და
უკრავდნენ სამხიარულო საცეკვაო ხმებს. იმათ მოსდევდა პა-
ტარძალი, ლამაზი ყმაწვილი ქალი, მუქის ფერის ჯუბით მო-
სილი; ქალს თმა-ჩამოშლილი ჰქონდა და მხრებზედ ეყარა.
პატარძალს გარს ეხვივნენ მისი ტოლ-ამხანაგნი, დობილნი,
ყველანი ცხენებზედ ისხდნენ და თმები მინდვრის ყვავილებით
შეემკოათ. შორიდან წითელ-ყვითლად შემოსილ ყაზახებსა ჰგვან-
დნენ. მეორე მხარეზედ მოდიოდა ფიცხ ცხენზედ მჯდომი „მე-
ფე“. მეფე-დედოფალს მოსდევდნენ უკან ნათესავნი და სტუ-
მარნი, სულ ცხენებითა, მხოლოდ ბოჩკები, სავსე თაფლითა,
არაყითა და ლუდით მოჰქონდათ სუბუქის ოთხ-თვლიანის ურ-
მებითა, რომლებსაც ლადა-ლუდა გზაზედ საშინელი ჯაყჯახი და
ხრიგინი გაჰქონდათ.

— შესდექით, შესდექით!

მექორწინენი აირივნენ. გოგოებმა წივილ-კივილი ასტეხეს,
ყმაწვილი ბიჭები და ხნიერი სტუმრები წინ გამოვიდნენ, რომ
თავიანთი გული მიეშვირათ მოულოდნელის მტრისათვის და
ისე დაეფარათ პატარძალი და მისი საკუთარი ამალა.

ბან ზაგლობა მიუხტა და იქნედა ხმალს ზეშინებულ გლეხთა წინაშე.

— ჰაი, თქვე ავაზაკნო, ძაღლისშვილებო, მემბოხენო! ამბოხი მომინდომეთ?! კრივანოსს მიემბრენით, თქვე უწმინდურნო? საჯაშუშოდ იყავით განა?—ჯარს გზას უკრავთ?—ჰბედავთ და შლიახტას ხელი გინდათ შეუბრუნოთ? მე თქვეცნ გაყურებინებთ თქვენს სეირს, თქვე არამზადანო, თქვენა! ბოდზედ, მარგილზედ ჩამოგაცვამთ, თქვე რჯულ-დაკარგულეობა, თქვენა! რაც ღალატი გაგიწვიათ, სულ ახლა გადაგახდევინებთ!

მოხუცი, თოვლივით გათეთრებული კაცი სასწრაფოდ ჩამოხდა ცხენიდან, მივიდა შლიახტიჩთან და მორჩილებით შემოეხვია მუხლებზედ.

— შეგვიბრალე, დიდებულო რაინდო, ნუ დაჰლუპავ საწყალ ხალხს. ღმერთია მოწამე, უბრალონი ვართ, ამბოხი რა ჩვენი საქმეა, ეკკლესიიდან მოვდივართ; ჩვენს ნათესავს დიმიტრისა და მებოჩკის ქალს ქსენიას ჯვარი დავწერთ. ქორწინებიდან გიახლებით.

— ეგენი უღანაშაულონი არიან, ბატონო,—წასჩურჩულა ვახმისტრმა.

— გამეცა! არამზადანი არიან! ჯერ კრივანოსთან იყვენ და მერე იქიდან ქორწილში წავიდნენ!—დაიღრიალა ზაგლობამ.

— კისერიც მოუტეხნია იმასა! თვალითაც არ გვინახავს, ერთი საწყალი ხალხი გახლავართ. შეგვიბრალე, დიდებულო რაინდო, ნება მოგვეც ჩვენს გზაზედ წავიდეთ, არავის ვნებას არ ვაძლევთ, ჩვენთვისა ვყრივართ.

— ყველას იარმოლინცს წაგიყვანთ თოკით დაკოჭილებსა.

— საცა გვიბრძანებ, იქ გიახლებით, ბატონო! თქვენი საქმე ბრძანებაა, ჩვენი—მორჩილება! მხოლოდ შეგვიბრალეთ კი, უბრძანეთ ბატონ ჯარის-კაცებს, ნურას დაგვიშაგებენ, ჩვენ კი, თუ უკაცრავად არ ვიქნებით და მოგვიტევენთ კაღნიერებას ჩვენისთანა სულელებსა და უგუნურებს, გთხოვთ უმორჩილე-

სად ნეფე-დედოფლის სადღეგრძელო ინებოთ. მიირთვიოთ, ჩვენო მწყალობელო ბატონო, ჩვენი სადღეგრძელო როგორც გვასწავებს ღმერთი და წმინდა სახარება და გაგვახარეთ საწყალი ხალხი.

— ეს კი მაინც არ იფიქროთ, რომ თქვენ მოგთარჯოთ რამე და ლოლაობა დაგიწყოთ, — სთქვა მრისხანედ პან ზაგლობამ.

— ოჰ, ბატონო, არა, — გაიხარა მოხუცმა. — მაგას როგორ ვიფიქრებთ! ეი, მემუხიკენო, დაუკარით დიდებულის რაინდის სასიამოვნოდ, დიდებული რაინდი გულ-კეთილია, ხოლო თქვენ ყოჩაღნო ახალგაზდნო, აბა ჩქარა თაფლის ღვინო, შუშხუნა ღვინო დიდებულის რაინდისათვის; საწყალს ხალხს არ აწყევნიებს. მალე, ბიჭებო, მალე! გმადლობთ, პანე!

ახალგაზდა ბიჭები გაეჟანნენ სასმლის მოსატანად. ამასობაში დაჰკრეს ქლარუნთან დაირა-ნალარებს, ჭიანურმა დაიწყო წრიპინი, პოლონელი ჯარის-კაცნი ახლო მიიწევდნენ მექარწინეებისაკენ, იგრებდნენ ულვაშებს და ეწონებოდნენ გასათხოვარს გოგოებს. შემოსძახეს. კვლავ სიმღერები და შიში ისე გაჰქრა, როგორც შარშანდელი თოვლი.

მაგრამ პან ზაგლობა მაინც მალე არ დამშვიდდა. მაშინაც კი, როცა ჩარეჟიანის პინით თაფლის ღვინო მოართვეს, ის მაინც ბურტყუნებდა ხმა-დაბლა: „ჰმ, ავაზაკნი, ჰმ, არამზადანი!“ მაშინაც კი, როცა დაეწაფა სქელს სასმელს და ჩაასველა შიგ თავისი ულვაშები, კოპები ისევ შეკრული ჰქონდა; აიღო მალლა თავი და დიდ ხანს აწკლატუნებდა ტუჩებს, ბოლოს გაკვირვება და მასთან გულის-წყრომა გამოიხატა პან ზაგლობას სახეზედ.

— რა დრო დადგა! — წაიბუტბუტა შლიახტიჩმა. — ტეტები არიან და ამისთანა თაფლს კი სვამენ. ღმერთო, ღმერთო! შენ ჰხედავ ამას და არ გინდა კი დასაჯო!

მოიწაფა მეორედ პინა და უსუნთქებლივ დასცალა.

იმედ-მოცემულნი და გულ-გაკეთებულნი გლეხნი შემოეხვივნენ და დაუწყეს ხვეწნა, ნულარას დაგვიშავებო და მშვიდლო-

ბით განგვიტყვეთო; იმათთან ერთად მოვიდა პატარძალიცა, მოკრძალებული, ათრთოლებული, თვალ-ცრემლიანი, ატლასივით გაწითლებული და ისეთის შვენებით-მოსილი, თითქო დილის მთიებიოა. დედოფალი მიუახლოვდა გულ-ხეი-დაკრეფილი. „შეგვიწყალებო, პანე!“ და პან ზაგლობას ყვითელ წაღაზედ აკოცა. ხანში შესულ შლიახტიჩის გული სულ დადნა მაშინვე.

ჩაიყო ხელი ტყავის პრტყელ ქამარში, ამოიღო იქიდან რამდენიმე ოქრო (ეს-ღა დარჩენოდა თავადის ნაჩუქართაგან) და მისცა ქსენიას:

— აჰა!.. ღმერთმა ისე გაკურთხოს შენცა, როგორც სხვა ყოველი უმანკოება.

მღელვარებამ აღარ მისცა ნება მეტის ლაპარაკისა. ტანადმა, შავ-თვალ-წარბა ქსენიამ გაახსენა ზაგლობას კნიაჟა, რომელიც ისე უყვარდა თავისებურად. „ვინ იცის, სად არის ეხლა საწყალობელი! იფარავენ თუ არა წმინდა ანგელოზნი?“ — გაიფიქრა შლიახტიჩმა და იმდენად აუჩუყდა გული, რომ მზად იყო გადახვეოდა და დაძმობილებოდა ყველას, ვინც უნდა ყოფილიყო.

მექორწინენი ამისთანა უხვის საჩუქრის დანახვაზედ კინაღამ ქკუაზედ არ შეიშალნენ სიხარულითა. „კეთილი ბატონია! სახელოვანი ლიახია! ოქროს არიგებს საჩუქრად!“ მექიანურე ისეთი იყო, რომ გაჰქონდა და გამოჰქონდა, მესტვირე ხომ სულ იქაქებოდა, ისე ერთგულად უკრავდა სტვირსა. მოხუცი მებოჩკე, კაცო მშიშარა და მხდალი, აქამდე მოშორებით იდგა, ახლა კი ისიც წინ წამოდგა მოხუც მძახალთან, მკედლის ქვრივთან ერთად, რომელიც „ნეთის“ დედა იყო და, დაუკრა რა დაბლა თავი, დაუწყო ხვეწნა ძვირფასს სტუმარს, გვეწვიეთ სახლში და გაგვაბედნიერეთო; თუ ჩვენს ხვეწნას არ შეგვისრულებთ, ძალიან გვაწყევინებთო. იმას უკან დაუწყეს ხვეწნა თვით მეფემა და შავ-თვალ-წარბა ქსენიამ, რომელიც უცბად მიჰხვდა, რომ ჩემი თხოვნა უფრო გასკრისო. მაყრებიც არ წმუნებდნენ, ჩენი სოფელი აქვე ახლოაო, გზა არ გაგიმრუდ-

დებათ, მოხუცი მებოქვე კაი შეძლებული კაცია და კიდევ უფრო უკეთესს ქაშნიკს მოგვიხდისო.

პან ზაგლობამ გადაჰხედა თავის ჯარის-კაცთა: ყველანი ისეთი იყვნენ, რომ სულ კატებივით შესტქნაფოდნენ უფროსს, თითქო უსიტყვოდ ეხვეწებოდნენ: წაგვიყვანე ერთი, კარგად ჩაეიქორწილოსო. პან ზაგლობას შეეცოდა საწყლები და ერთ წუთს შემდეგ თვითონაც, მაყრიონიცა, გოგოებიცა და ჯარის-კაცთა გუნდნი დიდის თანხმობითა და სიამოვნებით გაემართნენ სოფლისაკენ.

სოფელი, მართლა, შორს არ იყო; მოხუცი მებოქვე კარგა შეძლებული ოჯახიშვილი აღმოჩნდა. ყველამ ძალიან გადაჰკრა, პან ზაგლობა ხომ ისე გამხიარულდა, რომ ყველგან ის იყო პირველი. მეფეს მამა არა ჰყავდა, პან ზაგლობასა სთხოვეს, მამის მაგიერი იყავიო და ხანში შესულმა შლიახტიჩმაც არ იუარა. მებოქვე სულ ახალ-ახალ ჯაშნიკებსა ჰხდიდა, ბოლოს ქიაკოკონებიც დაანთეს და შეიქნა დიდი უზომო სმა-ღრეობა.

პან ზაგლობა გაწითლდა ქარხალივით და ფეხზედ ძლივს დადგებოდა. სულ გადააეიწყდა ყოველივე; თითქო ბურანშიაო, ისე ეჩვენებოდნენ მონადიშენი, მაგრამ, თუნდ მოგეკლათ, ვერ იტყრდა, ვინ იყვნენ მისნი შეინახენი და თანამოქეიფენი. ეს კი ახსოვდა, რომ ქორწილში ვართო, მაგრამ ვისი ქორწილი იყო? ჰოო, უთუოდ სქშეტუსკისა და კნიაენას ქორწილიაო. ეს აზრი ისე მოეწონა, რომ სულ გადირია სიხარულით და გიჟივით დაიწყო ღრიალი: „გაუმარჯოს! ჩვენს მეფე-დედოფალს გაუმარჯოს! ბატონებო, ძმებო გადავეხვივნეთ ერთმანეთს!“ სვამდა და სვამდა სულ ახალ-ახალს სადღეგრძელოებს: „ეს ჩვენის მთავარისა და თავადის სადღეგრძელო იყოს! ღმერთმა ბრძანოს, რომ მალე ასცილებოდეს ჩვენს სამშობლოს დღევანდელი გაჰირვება!“ ამ დროს ცრემლები მოერია, სასმელით სავსე ბოჩკისაკენ გაემართა, მაგრამ სიარულში წაბარბაცდა და კინალამ კისერი არ მოიტეხა. ან რა საკვირველი იყო: ძირს, თითქო ნაომარი აღგილიაო, მრავლად ეყარნენ უგრძნობლად დამთვრალნი.

— ღმერთო! — ლალად-ჰყო პან ზაგლობამ ხმითა დიდითა. — განჰქრა ქველობა მთელს რესპუბლიკაში. ერთი ლაშჩი სვამს კარგად და მეორე ზაგლობა, ხოლო დანარჩენნი... ღმერთო! ღმერთო!

და შლიახტიჩმა აღმართა მწუხარე თვალნი ცად-მიმართ და მხოლოდ ეხლა შეჰნიშნა, რომ ცის მნათობნი ისე არა ელენან გზასა თვისსა ზედა, როგორც სათანადო არს მათთვის, გარნა ზოგნი თრთიან და ციმციმებენ, თიჯო ჰნებავეთ მოიშორონ თვისნი სამკაულნიო, ხოლო ზოგნი უცნაურს წრეს აელეებენო. პან ზაგლობა საგონებელში ჩაეარდა და შეეკითხა სულსა თვისსა:

— ნუ თუ მხოლოდ მე არა ვარ მთვრალ in universo?

მაგრამ უცბად დედა-მიწამ, ვარსკვლავების მზგავსად, დაიწყო თრთოლა და ნძრევა, პროწიალი ციბრუტივით და პან ზაგლობა, როგორც მოქრილი ხე, ისე გაიშხლარტა დედა-მიწაზედ.

საშინელი სიზმრები ჰნახა. ესიზმრა, რომ ვითომ ვილაც ავაზაკნი დასწოლიან გულზედ, ჰბოჰავენ და ხელ-ფეხს უკვრენ. ამავე დროს მის ყურებს ჩაესმოდა რალაც ხმაურობა, ხმა თოფის-სროლისა, რალაც სისხლის ფერი ნათელი მისდგომოდა ვითომ ზედ პირი-სახეზედ და სჭრიდა თვალებს აუტანელის სიმწეავითა. უნდოდა გაეღვიძნა, თვალები გაეხილა, მაგრამ არ შეეძლო. ჰგრძნობდა, რომ ჩემს თავს რალაც ჩვეულებრივი ამბავი არ არისო, რომ თავს ძირსა ჰქინდრავდა, რომ თითქო ფეხებითა და ხელებით მიმათრევენო. მერე ზაგლობა რალაც შიშმა შეიპყრო; ძალიან ცუდად იყო, ძალიან ცუდად, დიდს გაჭირვებაში ჰგრძნობდა თავს. ცნობაზედ მოვიდა რამდენჯერმე, მაგრამ ისეთს უღონობასა ჰგრძნობდა, როგორიც თავის დღეში არ გამოეცადნა. სცადა, პატარას მივიშმუშნ-მოვიშმუშნები, შევინძრევიო, მაგრამ ვერ მოახერხა; ახლა კი გამოეღვიძა, სრულიად გამოფხიზლდა და თვალეები გააჭყიტა.

პირველ ყოვლისა დაინახა თვალეები, რომელიც საშინელის სიხარბით დაშტერებოდა პან ზაგლობას, ხოლო ის თვა-

ლები კუნაპეტრით შაეები იყო და ისეთის ბორცოს მეტყველებისა, რომ გამოღვიძებულმა ზაგლობამ პირველში იფიქრა, თვით ჯოჯოხეთიდან მოსული ტარტაროზი დამყურებსო და ამიტომ კვლავ დაჰხუჭა თვალები, მაგრამ კვალადვე სწრაფად გააქციტა. გარნა ის წყეული თვალები ისევ დაშინებით ჩაშტერებოდა საცოდავს... სახეც თითქო ნაცნობი სახე იყო... უცბად პან ზაგლობა შეაჟრჟოლა საშინელის ამაზრზენის შეჟრჟოლებითა, შუბლზედ ცივმა ოფლმა დაასხა საწყალს, ტანში ჟრუანტელმა დაუარა.

ზაგლობას წინ ბოგუნი იყო გამოკიმული.

VII

ხელ-ფეხ შეკრული ზაგლობა ეგდო სწორედ იმ ოთახში, საცა საქორწილო ლხინი იყო გაჩაღებული, ხოლო საშინელი ატამანი იჯდა სკამზედ ცოტა მოშორებით და სტკებოდა ტყვედ-შეპყრობილის ტანჯვა მწუხარებით.

— სალამო მშვიდობისა, პან ზაგლობა! — სთქვა ატამანმა.

პან ზაგლობამ პასუხი არ მისცა, მხოლოდ ერთის თვალის დახამხამებაში ისე გამოფხიზლდა, თითქო ზედ არ დაჰკარებია სულ სასმელსაო; ჟრუანტელმა კვლავ დაუარა ტანში ფერხით-თხემამდე და ისე გააჟრჟოლა, თითქო ყინულებმა ჩააწვინესო. ამბობენ, რომ, როცა კაცი წყალში ირჩობა, სულის დაღვევის წინად ცხადად ჰხედავს მთელს თავის წარსულს, ცხადად ჰგრძნობს რაც ემართებაო. სწორედ ასე მოუვიდა პან ზაგლობასაც. თვალ-წინ წარმოუდგა ყოველივე წარსული თვისი გარემოება და მთელი მისი თავ-გარდასავალი ერთს საგანს ეხვევოდა მუმლივით გარშემო:

— მაყურებინებს ახლა ჩემს სერის!

ხოლო ატამანმა დამშვიდებით განიმეორა:

— სალამო მშვიდობისა, პან ზაგლობა!

„ბრრ! — იფიქრა პან ზაგლობამ, — ის მერჩივნა, შიგ ჯოჯოხეთში ჩავეგდეთ თავ-დაყირა!“

— ვერა მცნობთ, ბატონო შლიახტიჩო?

— თავს გიკრავთ და სალამს გაძლევთ! ხომ კარგადა ბძანდებით?

— არა მიშავს-რა. ხოლო თქვენს კარგად თუ ავად ყოფნის საქმეს მე თვითონ ვაეარეგებ.

— ღმერთმა ხომ იცის, არ ზითხოვნია მისთვის შენისთანა მკურნალი და ვეჭვობ კიდევცა, რომ შენი წამლები სასარგებლო იყოს ჩემთვის, მაგრამ რა გაეწყობა, დეე აღსრულდეს ნება უფლისა.

— შენ რომ მივლიდი მე, ახლა ჩემი რიგია. ძველი მეგობრები ვართ. ვახსოვს, როგორ შემინხვიე თავ-პირი, როგორ შემბორბლევი რაზლოგში?.. ჰა?

ბოგუნის თვალები ისე აენტოა, როგორც ნაკვერჩხალი, ხოლო ტუჩებს დაეტყო საშინელი ღიმილი დაცინვისა.

— მახსოვს, რომ შემეძლო ხანჯალი ჩამეცა გულში მაგრამ არ ჩაგეცი კი.

— შე როდის-ღა გიპირობ ხანჯლის ჩაცემას? არა! შენ ჩემი ძვირფასი, სასურველი მეგობარი ხარ; ისე გაგიფრთხილდები, როგორც ჩემის თვალის ჩინსა.

— მე სულ იმას ვამბობდი, რომ შენ ჭეშმარიტი რაინდი ხარ. (ზაგლობა თავს იკატუნებდა და ისე ლაპარაკობდა, ვითომ შენი ლაპარაკი სულ წმინდად მჯერაო, თავში კი სულ ერთი აზრი უტრიალებდა განუშორებლად: „ცხადია განსაკუთრებულის რასმეს მოიგონებს ეგ ჩემთვის, ჩვეულებრივის სიკვდილით არ მომკლავს“).

— მართალს ამბობ; შენც ჭეშმარიტი რაინდი ხარ. ვეძებდით ერთმანეთსა და აი ვიპოვეთ კიდევცა.

— სწორე ვითხრა, მე შენ არ გეძებდი, მაგრამ მაინც გამდლობ ტკბილის სიტყვისათვის.

— მალე უფრო მეტს მადლობას მეტყვი, მე კი გამდლობ იმისათვის, რომ ჩემი საცოლო ქალი გააცილე რაზლოგიდან ბარამდე, მე იქ ვიპოვე ის ქალი და ახლა ქორწილში დაგპატივებდი, მაგრამ ეხლა ქორწილის დრო არ არის—ომი

მოგველის, ხოლო შენ მოხუცი ხარ და ვაი თუ მანამდე ეელარც კი იცოცხლო.

ზაგლობამ, თუმცა საშინელს მდგომარეობაში იყო, ყურები სცქვიტა.

— ქორწილში?

— მაშ შენ რა გეგონა? ტეტია ხომ არა ვარ, რომ ძალით გავიტაცო, ან ფული ან სიმდიდრე არა მაქვს თუ, რომ კიევში წავიყვანო და იქ ჯვარი დავიწერო? ტეტიასათვის კი არ მოიყვანე ის ქალი ბარს, არამედ ატამანისა და გეტმანისათვის.

— კარგი და პატიოსანი.—სთქვა გულში ზაგლობამ და მერე ხმა-მაღლა წამოიძახა:—უბრძანე, გეთაყვა, ე ხელ-ფეხი გამიბნან.

— იწექ, იწექი; შორი გზა გვაქვს გასავლელი, ცოტა მოხუცი ხარ და მოსვენება გეჭირვება.

— სად უნდა წამიყვანო განა?

— ჩემი მეგობარი ხარ, ჰო და მერე ჩემ ძმობილ კაცთან წაგიყვან, კრივანოსთან. იქ მოვიფიქრებთ ორივენი ერთად, როგორ დაგაბინაოთ უფრო საუკეთესოდ.

— კარგია დამცირება, როგორცა ვხედავ!—წაიბუტბუტა შლიახტიჩმა და კვლავ ჟრუანტელმა დაუარა ტანში.

ბოლოს დაიწყო როგორც იყო:

— ვიცი, რომ რაღასაც ჰფიქრობ ჩემ წინააღმდეგ, მაგრამ ღმერთია მოწამე, მე დანაშაული არა ვარ შენ წინაშე. ერთად და ვსცხოვრობდით, ჩიგირინში არა ერთი და ორი ბოთლი გამოგვიკლია ერთადა, იმიტომ რომ შვილივით მიყვარდა, რაკი რაინდი-კაცის ხასიათები გქონდა. მერე რა მოჰხდა? რა დავიშავე ისეთი? რაზლოგს რომ არ წამოგყოლოდი, ეხლაც ისეთივე მეგობარი ვიქნებოდით, როგორც წინად. მერე რისთვის წამოგყე, თუ არ იმიტომ რომ გულ-წრფელად თანაგიგრძობდი? და შენ რომ იქ ისე არ გადარეულიყავ, არ ამოგეწყვიტნა ის საცოდავნი, გეფიცები წინ არ გადაგელობებოდი. მე რა დავა მაქვს, რად გავერევი სხვის საქმეში? საკუთრად მე ის

უფრო მსურდა, რომ ქალი შენა გრგებოდა, ვიდრე სხვა ვისმე. მაგრამ იმ შენის უადამიანო მხეცობის შემდეგ, იმ შენის თათრობის გამო სვინიდიძე მამხილა... იფიქრე, ის სახლი ხომ შლიახტიჩის ოჯახი იყო. შენ რომ ჩემს ალაგას ყოფილიყავ, შენც სხვაფრივ არ მოიქცეოდი. განა არ შემეძლო, თუ კი ჩემი უშიშროება მდომებოდა, გამეგზავრებინე მაშინვე საიქიოს, მაგრამ მე ეგ არ მოვიქმედე. რისთვის? იმისთვის, რომ მე შლიახტიჩი ვარ და სირცხვილი იქნებოდა ჩემთვის. გრცხვენოდეს მაშ ეხლა შენცა, იმიტომ რომ ვიცი შენ ჩემი მასხარად აგდება გინდა. კნიაჟნა ხომ შენს ხელშია. მაშ რაღა გინდა ჩემგან? ან იქნება არ გავუფრთხილდი მე იმ ქალს, როგორც ჩემს მარჯვენა თვალს, არ მოვუარე შენს ძვირფას განძს? თუ შენც გაუფრთხილდი და ცოცხალი გადაარჩინე ის ქალი, მაშ სჩანს, შენც რაინდული პატიოსნება და სვინიდიძისი გქონია... იფიქრე ერთი, როგორ-ღა გაუწვდი იმას ხელს, თუ-კი ეგ ხელი შესვრილი იქნება ჩემის უბრალო სისხლითა? როგორ-ღა ან რა აზრით ეტყვი, რომ იმ კაცს, რომელმაც უვნებლად გაგატარა თათრების ურღო და აჯანყებულ გლეხ-კაცობის ბრბოთა შორის, გაუფრინე ტანჯვა და წამება? შეირცხვინე მაშ და გამანთავისუფლე ბორკილთაგან და დამიხსენ იმ ტყვეობიდან, რომელშიაც ჩამაგლო შენმა მოლალატობამ. შენ ჯერ ყმაწვილი ხარ და არ იცი, რა შეგემთხვევა, ხოლო ჩემის სიკვდილისათვის ღმერთი დაგსჯის იმ საქმეში, რომელიც ყველაზედ ძვირფასია შენთვის.

ბოჯუნი წამოდგა სკამიდან, სიბრაზით გაფითრებულთი, მიუხალოვდა ზაგლობას და დაუწყა ხმა-დაბლა, შიშინითა:

— გარეულო უწმინდურო ღორო, ეუბრძანებ, რომ ეხლავე ცოცხალს გაგაძრონ ტყავი, ცეცხლზედ დაგწვამ ნელ-ნელა, დაგლურსმავ თავიდან ფეხებამდე, ასო-ასო დაგფლეთავ!

და გაცეცხლების კვეთებით გატაცებულმა იძრო დანა, რომელიც წელზედ ჰქონდა ჩამოკიდული, ამჰართა ათრთოლებული ხელი და რამდენსამე წუთს ისე ეჭირა... ერთი წუთიცა და... აგერ პან ზაგლობას თვალ-წინ გაუელეა უკვე აბქყვრია-

ლებულმა დანამ, მაგრამ ატამანი გონს მოვიდა მალე, ისევ ქარქაშში ჩაავო დანა და დაიძახა:

— თქვენ, ეი!

ექვს-ექვსი იმიერ-ჭორომელნი შემოცვიდნენ ოთახში.

— წაიყვანეთ ეს ძოვრი და ჩააგდეთ კარ-ჩაკეტულ ბოსელში. ყური უგდეთ, თორემ ხომ იცით...

ყაზახებმა წაავლეს ხელი პან ზაგლობას, ორ-ორმა ხელფეხში, ერთმა თავსა და თმაში, გაატარეს ეზო და დააგდეს თივა-ბზეხედ განმარტოებულს ბოსელში. კარი გამოუკეტეს და დატყვევებული უკუმეთს სიბნელეში დარჩა, მხოლოდ აქა-იქ, სახურავის ქიქიტანებიდან მოჩანდა მოშაებეღებული ცა ოდნავ მბუტავის ვარსკვლავებით. პან ზაგლობამ მალე შეაჩვია კი თვალი სიბნელეს. მიიხედ-მოიხედ ბოსელში და მიხვდა, რომ არც ღორები იყვნენ იქა და არც ყაზახნი. მაინც ყაზახების ხმაურობა ცხადად ისმოდა კედლების იქიდან. ცხადი იყო, რომ ბოსლის გარშემო ყარაულები ეყენა ყველგან, მაგრამ ზაგლობამ მაინც თავისუფლად ამოისუნთქა. პირველი საქმე ის არის, რომ ჯერ ისევ ცოცხალი ვარო. როცა ბოგუნმა აჰმართა დანა, ზაგლობა დარწმუნდა, რომ ეს არის მოვიდა ჩემი აღსასრულის დღეა და ღმერთს ავედრებდა თავის სულს, თუმცა კი ძალიან ეშინოდა. გარნა, სჩანს, რომ ბოგუნი უფრო დიდის სატანჯველით მიმზადებს სიკვდილსაო. ატამანს არამც თუ შურის გადახდა უნდოდა, არამედ უნდა გამაძლარიყო კიდევ ამ შურის-ძიებით და ეწამებინა ის, ვინც გაიტაცა მისი ხელიდან საყვარელი არსება, ვინც საშინლად დასცინა მის გმირობასა და რაინდულს დიდობას. ვერაფერი სანუგეშო მომავალი ელოდა პან ზაგლობას, მაგრამ მაინც გულს იმითი იკეთებდა, რომ ჯერ ისევ ცოცხალი ვარო, წამიყვანენ ალბად კრივანოსთან, მაშასადამე, რამდენიმე დღე მაქვს ხელთა, ამ საათში ბოსელში ფგდივარ მარტოდ-მარტო და შეიძლება მოვიფიქრო რამე, ხერხი რამ მოვიგონო ამ მარტოკაობაშიო.

ეს ფიქრი იყო მისთვის მკირეოდენი ნუგეში, ხოლო რამდენი რამ იყო მისთვის ამისთანა გარემოებაში სამწუხარო და სავალალო, ვინ იცის!

წადი, აბა, და მოიგონე რამე ამისთანა ვაგლახს ყოფაში!

— თვით სოლომონ ბრძენიც რომ შეებოჯათ ასე, როგორც მე შემბოჯეს, ისიც კი ვერას მოიგონებდა, მგონია, — ბუზღუნებდა პან ზაგლობა. — ოჰ, ღმერთო, რაზედა მტანჯავ ასე მწარედა? ყველაზედ მეტად ამ ავაზაკს ვერიდებოდი და, დახეთ ჩემს ბედს, სწორედ ამას ვერ ავარიდე თავი! ღვთისწყალობა გაქვთ, კარგად ის მოჰქნის ჩემს საცოდავს ტყავს! სხვას რომ ვისმე შევეპყარი, ვეტყოდი, ამბოხს ვემხრობი-მეთქი და მერე გავექცეოდი როგორმე. მაგრამ ჯერ სხვაც კი არ დაიჯერებდა ჩემს სიტყვას (სულელები ცოტანი-ლა არიან ეხლა), და ეს ღვთის-რისხვა კაცი რაღას დაიჯერებს. ვგრძნობ, რომ გული მიფერდება. ან კი რა ეშმაკმა მომახეტა აქა... ოჰ, ღმერთო, ვერც ხელი და ვერც ფეხი განძრევითაც კი ვერ გამინძრევია.

პან ზაგლობას აზრად მოუვიდა, რომ ეს ხელ-ფეხი მაინც რომ გავინთავისუფლოვო, იქნება მაშინ უფრო ადვილად მივაწყდე რაიმე ფიქრს თავის დახსნისასა და გადარჩენისასაო. მოდი ვცადო? ე ხმალი კი თუ როგორმე ამოვიწვდინე, დანარჩენი ადვილია... მაგრამ წადი და ამოიწვდინე, ეშმაკიც ვერ ამოაძრობს ეხლა იმას ქარქაშიდან! მე-არე გვერდზედ გადავბრუნდე? ესეც არ შეიძლება. პან ზაგლობა ღრმად ჩაფიქრდა.

ბოლოს, დაიწყო მან ხოხვა ზურგზედ, რაც შეეძლო ჩქარ-ჩქარა და ცოტ-ცოტათი წინ-წინ მიხობავდა. სულ ხვითქში გასურდა, ისე მოიღალა და უნებლიედ შეჩერდებოდა ხოლმე შესასვენებლად. მეტადრე მაშინ განაბავდა ხოლმე სულს, როცა მოეჩვენებოდა, რომ ვითომ კარებთან მოვიდა ვინმე და ყურს მიგდებსო. ბოლოს და ბოლოს, რის ვაი-ვაგლახითა და გაქირვებით მიხობდა კედელთან. კარგი, მაგრამ როგორ ამოვიღო ხმალიო? ხმალი ხელსა და ბარძაყ შუაა და ისეა მაგრად დაკოჭილი, რომ თოკი თითქმის შიგ სხეულშია ჩაჭრილიო.

პან ზაგლობამ დაიწყო კვლავ ქანაობა და ხოხვა. თვითვეულ გაქნევაზედ, ხმლის ბოლო ხვდებოდა კედელს და მოკურავდა ზემოდ, ვადისაკენ. გულმა ძგერა დაუწყო ზაგლობა-

ბას; შენიშნა, რომ ამ სახით შესაძლო იყო ხმლის განთავისუფლება. აგერ ბოლო ხმლისა თიქმის იდაყვთან მოვიდა. კედელს აღარ უნდა მიჯახება, იმიტომ, რომ ხმლის ვადა სიმძიმის გამო სულ წინ წასულიყო.

ვალაზედ ხმალს ჯვარი ჰქონდა; აი ამ ჯვარის იმედი უფრო ძლიერა ჰქონდა პან ზაგლობას. დაიწყო კიდევ ხოხვა კედლის აყოლება. ხმალი ჯერ ისევ ქარქაშში იყო წვერ-მოკიდებული, ხოლო ვადა უფრო ხშირ-ხშირად ედებოდა მიწას, ბოლოს უფრო ძლიერ მოედო, ერთიკ კიდევ გაიჭირა საქმე პან ზაგლობამ და ხმალი მიწაზე დაეარდა. შლიახტიჩმა გაინთავისუფლა ხელები და, თუმცა თითები ჯერ კიევ შებოქვილი ჰქონდა, მაინც წაავლო ხელი ხმალს და ამოაძრო ქარქაშიდან.

ერთ წუთს დასჭრა თოკები, რომლითაც ფეხები ჰქონდა შეკრული. ხელების განთავისუფლებისთვის უფრო ბევრ ხანს ეწვალა, მაგრამ მაინც მალე დადგა სასიხარულო წუთი, როდესაც ზაგლობამ დაინახა თავისი თავი არა თუ თავისუფალი, არამედ შეიარაღებულიცა, ღრმად ამოიოხრა და რამდენჯერმე დაიწერა პირჯვარი. მაგრამ ბოგუნის ხელიდან განთავისუფლებამდე ჯერ კიდევ შორს იყო.

„ახლა რაღა ეუყო?—ჰკითხავდა თავის თავს პან ზაგლობა და პასუხი ვერ მოეხერხებინა.—ბოსელს გარშემო ყაზახები არტყან; სულ ცოტა, ასამდე იქნებიან; თავიცი ვერსად წაუვათ და აბა მე ამოდენა სიმძიმის კაცს სად შემძლიან ისე გავუსხლტე ხელიდან, რომ ვერ შემამჩნიონო. მე მგონია კელკმალულასა ვთამაშობო,—სტქვა გულში ზაგლობამ,—და მთელი ჩემი ჭკუა იმისთვის თუ ვარგა, რომ წაღებს წაუსვას კაცმა, თუმცა უკეთესს წასასპელს უნგრელთან იყიდის კაცი ბაზრობაში. თუ ღმერთი არას ჩამაგონებს, ყვაფ-ყორანის საკორტნელად გავხდები, ხოლო თუ ჩამაგონებს. რასმე, აღვთქვამ, რომ ისე დავიცვა უბიწოება, როგორც პან ლონგინუსი იცვავს“.

ყაზახთა ხმა-მალლა ლაპარაკმა შესწყვიტა პან ზაგლობას ფიქრი. მივარდა კედელს და ყური მიადო ფიცრებ-შუა დარჩენილს ხანს.

— სად წავალთ აქედან?— ჰკითხავდა ერთი მეორესა.

— არ ვიცი, ალბად, კამენეცს თუ წავალთ, — უპასუხა მეორემ.

— ცხენები ფეხებს ძლივს დაათრევენ, იქამდინ ვერ მიაღწევენ.

— იმიტომა ვართ აქ გაჩერებულები; დილამდე დაისვენებენ.

ჩამოვარდა სიჩუმე, შემდეგ პირველმა ყაზახმა სთქვა, მხოლოდ ნელის ხმით კი:

— მე კი მგონია, რომ ატამანი კამენეციდან იამპოლისკენ წავა.

ზაგლობამ განაბა სული.

— გაჩუმდი ე მანდა, თუ სიკოცხლე არ მოგძულებია! — მოისმა პასუხად.

კვლავ ჩამოვარდა სიჩუმე, მხოლოდ მეორე მხრიდან მოისმა ჩურჩული.

— ყველგანა სდგანან, ჰყარაულობენ! — წაიბუტბუტა ბუზლუნით ზაგლობამ და მეორე კედლისაკენ გადვიდა.

— ფაცხა-ფუცხით მოვაქენებდით ცხენებს აქეთკენ, — ამბობდა ერთი, — არა გვიძინებია, არა გვიჭამია-რა, ცხენები მშიერები დავბოცეთ კიდევ, ოღონდ კი ერიომას არ ჩაეუყარდეთ ხელშიო.

— მაშ, მართალია, აქ არის ერიომა?

— იარმოლინციდან რომ გაიქცნენ, იმათ თურმე ჰნახეს ისე, როგორც ეხლა მე შენა გხედავ. საშინელებას ამბობენ: ისეთი უზარმაზარია თურმე, როგორც ნაძვის ხე, შუბლში ორი ანთებული მუგუზალი თურმე აქვს ჩარქობილი, იმისი ცხენი ხომ ცხენი კი არ არის თურმე, გველვეშაპია.

— ღმერთო, შემიწყალე!

— ჩვენ ეს ლიახი უნდა გავიტაცოთ ჯარის-კაცებითურთ და გავიქცეთ.

— როგორ გავიქცეთ? ცხენები ფეხზედ ძლივსა სდგებიან.

— ვერაფერი საქმე მოგვდის, ძმებო. მე რომ ატამანი ვიყო, ამ ლიახს თავს მოვსჭრიდი და მერე თუნდ ფეხით დაფბრუნდებოდი კამენცსა.

— მაინც კამენცს წაიყვანენ მაგას. იქ ათამაშებენ მაგას ჩენი ატამანები.

— უწინ თქვენ გათამაშებენ ეშმაკი და ქაჯები!—სთქვა ჩუმიად ზაგლობამ.

ბოგუჯნისაც რომ არა ჰშინებოდა, ან იქნება იმიტომაც, რომ იმისი ეშინოდა მეტად, პან ზაგლობამ დაიფიცა, ცოცხალი არ დავენებდებო. შეკრულ-შებოქილი აღარა ვარ, ხელში ხმალი მიჭირავს, შევებრძოლები და არ დავენებდები კი. მომკლამენ და მომკლან, ცოცხალი კი ხელში არ მივეცემი.

ცხენების ფრუტუნმა და ფეხების ბაკა-ბუჟმა აღარა გააგონარა პან ზაგლობას, მაგრამ თან ერთი აზრიც კი მოუყიდა ამ დროს ფიქრად.

„ამ კედელს რომ გაუვიდე როგორმე და შეუმჩნევლად შემეძლოს, მოვახტე ერთ-ერთს ცხენს!—ფიქრობდა გულში.— ახლა ლამეა; ვიდრე შემამჩნევდენ, უკვე მივეკარებოდი სადმე იმათ თვალთაგან. აქაურ ხევ-ხუეებში და ლადა-ლუდა გზებზედ დღისითაც ძნელია კაცი კაცს დაეწიოს, თორემ ლამით ხომ უფრო ძნელია და ძნელი... ოი, ნეტა კი ღმერთი მიშველიდეს როგორმე!“

მაგრამ როგორ უნდა მოვახერხო? ან კედელი უნდა გადავაქციო, მაგრამ სადა მაქვს ძალა პოდბიპენტასი, ან უნდა ქვეშ გამოვუთხარო მიწა. მაგრამ ორსავე შემთხვევაში, ხმაურობას გაიგონებენ, დამინახავენ და ქეჩოში წამავლებენ ხელს ისე, რომ იქნება უზანგში ვერც კი შევდგა ფეხიო.

ზაგლობას თავში ათასგვარი აზრი ტრიალობდა, მაგრამ ყველა ძნელი ასასრულებელი იყო.

„ეჰ, როგორც ვხედავ, მეტი ღონე არ არის, უნდა გადავდო თავი სასიკვდილოდ“,—სთქვა გულში ზაგლობამ და გასწია მესამე კედლისაკენა.

უცბად თავი დააჯიხა რალაც მაგარს საგანსა და დაუწყო ხელით სინჯვა: ეს მაგარი კიბე იყო. ბოსელი ხარების სადგომი თურმე იყო. ნახევარი ბოსლისა მალლა გაკეთებულს სხვენს ეჭირა და იქ თივა და ბურღო იყო დადგმული. პან

ზაგლობამ აღარც აცივა, აღარც აცხელა და დაუყოვნებლივ ავარდა სხვენზედ.

დაჯდა იქა, შეისვენა და დაუწყო ათრევა კიბესაცა.

„ჰო, ახლა კი ციხეში ვარ! მეორე კიბეც რომ იშოვონ, აქ მალე ველარ ამოვლენ. თუ თავი არ გაფუჩხებე პირველსავე, ვინც აქ ფეხის ამოდგმას გაჰბედავს, ნებას მივცემ ლორად გამომიყვანონ. მაგრამ, ვაი, რომ არამც თუ ლორად გამომიყვანენ, შეუძლიანთ შემწვან და შემხრაკონ კიდეცა. მაგრამ ჯანაბას იმათი თავი! დასწვენ ბოსელსა და დასწვენ; ე ცოცხალი კი არ დავნებდები და ჩემთვის სულ ერთია, უმს გამკორტნიან ყვავები თუ შემწვარსა. ოღონდ კი ავაზაკს გავუსხლტე ხელიდან და სხვისი დარდი არა მაქვს. ენახოთ ჯერ კიდეც, რა იქნება“.

პან ზაგლობას ხან სრულიად ეკვეთებოდა სასოება, ხან იმედი ეძლეოდა. ეხლაც ისე ეგონა, ვითომ თავად ერემიას ბანაკში ვზივარო, თუმცა მისი მდგომარეობა არაფრით იყო საიმისოდ განკარგებულნი. სხვენზედ იჯდა და ხელში ხმალი ეჭირა, რომელითაც დიდ ხანს შეედლო წინააღმდეგობა გაეწია, ეს იყო და ეს. გარნა სხვენზედ ჯდობა და თავისუფლად ყოფნა სულ შორი-შორი საქმე იყო, მით უმეტეს, რომ ძირს ასი და ორასი ხმალი და შუბი ელოდა და იმისი მოდარაჯე იყო.

„ენახოთ, რა იქნება“!—გაიმეორა პან ზაგლობამ და, მივიდა რა საყვავესთან, დაუწყო წალამს გამოღება, სარკმელს გადაკეაუბ prospectus-ს, რომ ღვთის ნათელი დავინახოვო.

ჯერ-ჯერობით კარგად მიდიოდა საქმე; ყაზახები ჯერ ისევ ლაყბობდნენ საბძლოურად დახურულ ბოსლის კედელს ახლოს; მერე ძლიერი ქარიც ამოვარდა და სულ არა ესმოდათ-რა, როცა ზაგლობა წალამს ჰგლეჯამდა ბოსლის სახურავსა.

მალე სარკმელიც მზად იყო; ცის აღმოსავლეთის კიდეზედ დილის მთიები გამოჩნდა. მტრედის ფრად იყო ნანათლი და პან ზაგლობამ დაინახა, რომ მთლად ეხო სავსე

იყო ცხენებით, სახლს წინ ასობით ყაზახნი წაყრილიყვნენ და ეძინათ, ქას ახლოც ეყარნენ ბლომად ჯარის-კაცნი, ხოლო ცოტა მოშორებით იდგნენ დარაჯნი, რომელთაც ამოწედილი ხმლები ექირათ ხელში.

— ისინი ჩემი ჯარის-კაცნი არიან... ყველანი დაუკოქნიათ, — სთქვა პან ზაგლობამ. — ჰმ, ძალიან კარგი, რომ მართლა ჩემები იყვნენ, თორემ თავადისანი არიან. კარგი უფროსი კი გამოვდექი, ერთის სიტყვით, მეტი აღარ შეიძლება! წავიყვანე და შიგ პირში კი ჩაეუყარე მხეცს. სირცხვილითაც თავსაც კი ველარ გამოვყოფ, თუნდა ღმერთმა თავისუფლება მომანიჭოს. მერე ვისი ბრალია ყოველივე ესა? სულ სიყვარულისა და ლოთობისა. არა, მე რა მსჯოდა მერე, რომ გლეხკაცებს ქორწილი ჰქონდათ. ახლა ის დაწყევლილი თაფლის ღვინოცა, რომელიც ფეხებს უფრო უღუნებს კაცს, ვიდრე თავსა. ყოველივე ბოროტება სიმთვრალისაგან წარმოსდგება, თორემ ეგენი რომ ფხიზლებს დაგვსხმოდნენ თავსა, მალე ვძლევდი და თვითონ მე ჩაეგდებდი ბოგუნს ამ ბოსელში.

ზაგლობას თვალი დააშტერდა ამ დროს სახლს, საცა ეძინა ატამანსა, და იმის დაკეტილს კარებს.

„ჰოი, იძინე, ბოროტო, იძინე! გესიზმროს მაინცა ერთი, რომ ეშმაკები ტყავს გაძრობენ... იქნება ასეც მოჰხდეს როდისმე. შენ გინდოდა, რომ ჩემის ტყავისაგან ჩული გაგეკეთებინა; არა, ერთი სცადე აქ ამოსვლა, ჩემთან, ჰნახავ, დავაცხავებ თუ არა შენსას ისე, რომ ძალღსაც აღარ გამოადგეს ფეხსაცმელებად? ოჰ, აქედან რომ გავიდოდე როგორმე, აქედანა?! მაგრამ როგორ?“

მართლაცა-და, მეტად ძნელი გამოსაცნობი და გაღასაწყვეტი საქმე იყო. მთელი ეზო ისე იყო ავსებული ცხენებითა და ხალხითა, რომ პან ზაგლობა ბოსლიდანაც რომ გამოსულიყო, თუნდ საყვავედანაც პირდაპირ ზედ ცხენზედ ჩამოშტარიყო, მაშინაც-კი ძნელი იქნებოდა ალაყაფის კარებამდე მიღწევა.

მაინც ისე ეგონა, რომ თითქმის სანახევროდ გავიკეთე საქმეო: თავისუფალი ვარ, შეიარაღებული და ვზივარ სახურავ ქვეშ სხვენზედ ისე, როგორც კოშკში იჯდეს კაციო.

„რა ხათაბალაა!—ფიქრობდა ზაგლობა,—განა იმიტომ გავინთავისუფლე თოკებისაგან თავი, რომ ახლა ისევ თოკებითვე ჩამომახრჩონ“?

და აი კვლავ ათასი ფიქრი მოუფრდა აზრად ბოსლიდან გასვლისა.

თან და თან თენდებოდა. სახლის გარემო ყურე-ყუნ-კულს შორდებოდა ნელ-ნელა სიბნელე. ახლა პან ზაგლობას თავისუფლად შეეძლო გაერჩია გუნდნი ხალხისა ეზოში: აგერ წითელი ტანისამოსი ჩემის ჯარის-კაცთაო, აიგერა ღურა-ტყავები, რომელიც წაუხურაეთ ყაზახებს და სძინაეთ ისეო.

ვნახოთ, ერთ-ერთი მათგანი წამოდგა და ნელის ნაბიჯით გასწია ბოსლისაკენ. ზაგლობას ეგონა ჯერ, რომ ის უთუოდ ბოგუნიაო, რადგან დარაჯნი დიდის პატივის-ცემით ეკიდებოდნენ.

— ვაიჰ! — სთქვა მან, — ერთი თოფი მქონდეს ეხლა, გაჩვენებდი, როგორ დაიწყებდი ფეხებით ფანთხალს.

ამ დროს მომავალმა თავი მალლა აიღო; ის კაცი ბოგუნი კი არ იყო, არამედ ასისთავი გოლოდა, რომელსაც ზაგლობა კარგად იცნობდა ჩიგირინში.

— ვაეკაცო, — სთქვა გოლოდამ, — არა გძინაეთ?

— არა, მამავ-ბატონო, ძილი კი საშინლად გვინდა. დროა ვგონებთ სხვანი დაგვენაცვლონ.

— ეხლავე მოვლენ სხვანი. ის ძაღლის შვილი ხომ არ გაიქცა?

— სული თუ გაიქცა იმისი, თორემ თითონ არც კი განძრეულა.

— კუდიანი მელაა! ჰნახეთ მაინც, რა ამბავშია, თორემ ისე მოახერხებს, რომ შიგ მიწაში დაიმალება.

— ეხლავე, — და რამდენიმე ყაზახი მიუახლოვდა ბოსლის კარებს.

— მართლა, ბარემ თივაც ჩამოიღეთ სხენიდან. ამოვა თუ არა მზე, წაეიდეთ.

— კარგი, ბატონო.

პან ზაგლობამ მაშინვე დაანება თავი საზვერავეს ადგილს და დადგა სახურავის სარკმელთან. აი გაიჭრიალა ხის ურდულმა, დაიწყო შრიალი თივა-ბუჩომ ყაზახთა ფეხ-ქვეშ. გულმა ძგერა დაუწყო პან ზაგლობას, ხელი მაგრად ჩაჰკიდა ხმალს და გაიმეორა თავისი ფიცი, რომ ის მირჩევიან აქ ამომწვან ამ ბოსელთან ერთად, ვიდრე ცოცხალი ჩავეღარდე მაგათ ხელშიო. იფიქრა, აი ეხლავე ფეხზედ დააყენებენ ყაზახნი თავიანთ ხალხსაო, მაგრამ შესცდა. პატარა ხანს ისმოდა იმათი ფეხის-ხმა ბოსელში, ხოლო ბოლოს სთქვა ერთმა:

— სად გადაკარგულა ის წყეული? კი აღარსადა სჩანს და! აგერ ზედ ამაზედ დავაგდეთ.

— კუდიანი თუ რა არის, დასწყევლოს წმინდა გიორგი-შა! კვესი გაჰკარი ერთი, ვასილ, თორემ აქ ისე ბნელა, როგორც ტყეში.

ჩამოვარდა მღუმარება; ვასილი, როგორც ეტყობოდა, ტალ-კვესსა და აბედს ეძებდა, ხოლო მეორე ყაზახი ნელის ხმით ექახდა პან ზაგლობას:

— პან შლიახტიჩ, სადა ბრძანდებით?

— დიად, როგორ-არა, რა სულელი მნახეს მეცა!—წაიტუტუნა ზაგლობამ.

ბოლოს, ვასილიმ იპოვა ტალ-კვესი. ბლორჯლ-ბლორჯლმა ნაპერწკლებმა გააშუქა ბნელი ბოსელი და ყაზახური ქუდ-დახურული თავები, ხოლო შემდეგ კვლავ სიბნელემ მოიცივა იქა-ურობა.

— არა სჩანს, არა!—ამბობდნენ ჩურჩულითა და მოუსვენრობით ყაზახნი.

— ბატონო გოლოდა! ბატონო გოლოდა!

— რა ამბავია?—მისცა ხმა ასის-თავმა.

— ლიახი აქ არ არის!

— როგორ თუ არ არის?

— რა ვიცი. თითქო მიწამ უყო პირიო! არსად არ არის. ოჰ, უფალო, შეგვიწყალე! ცეცხლი დავაკვესეთ და არა სჩანს!

— შეუძლებელია! ოჰ, ხო დაგვხოცა ატამანმა! გაიქცა, თუ რა ამბავია? დაგეძინათ განა?

— არა, ბატონო, არა გვძინებია. ბოსლიდან ვერსაით ვერ გავიდოდა.

— ჩუმად იყავით, ატამანმა არ გაიღვიძოს! თუ ბოსლიდან არ გამოვიდა, ალბად, მანდვე იქნება სადმე. ყველგან კი ჰნახეთ?

— ყველგანა ვნახეთ.

— სხვენზედ?

— იქ როგორ აფოფხდებოდა, როცა შეკრულ-შებოქილი იყო?

— სულელო! თუ თოკები არ შეეხსნა, ხომ ისევ აქ იქნებოდა. მოსძებნეთ სხვენზედ! ანთეთ სანთელი!

ნაპერწყობებმა კვლავ დაიწყო ცვენა ტალიდან. ბოსელში შეგროვდნენ ყველა დარაჯნი. ასტყდა საშინელი ფაცა-ფუცი: ერთი ერთს ამბობდა, მეორე—მეორეს.

— სხვენზედ ავიდეთ, სხვენზედა!

— გარედან დაათვალიერეთ!

— ატამანი არ გააღვიძოთ, თორემ ვაი თქვენ გინდათ!

— კიბე არსად არის!

— მოიტანეთ სხვა კიბე!

— არსად არ არის.

— გაიქე სახლში, იქნება იქ იყოს.

— ჰაი, შე წყეულო ლიახო, შენა!

— კუთხიდან აფოფხდით სახურავზედ, იქიდან შეიძლება ჩასვლა.

— არ შეიძლება, კუთხეს ფიცრები აქვს აკრული.

— შუბები მოიტანეთ!—დაიგრიალა გოლოდამ.

ზოგნი გაიქცნენ შუბებზედ, ზოგმა აიღო მალლა თავი და უყურებდა სხვენსა. ღია კარებიდან შემოიპარა განთიადის სინათლე და გააშუქა პატარა ამოჭრილი კარები, რომლიდინაც

შეიძლებოდა სხვენზედ ასვლა და რომელიც შავადა და მღუმარედ გამოიციკირებოდა.

ყაზახნი იციკირებოდნენ ზემოდ და უქოლიებდნენ პან ზაგლობას:

— პან შლიახტიჩ! ჩამოუშვი კიბე და ჩამოდი. ხომ ვერსად წახვალ და ტყუილად რაზედ გვაწუხებ? ჩამოდი, ჩამოდი! კვლავ მღუმარებაა.

— ჭკვიანი კაცი ხარ! ეგ რომ გიშველიდეს, იჯექ რამდენიც გინდა, მაგრამ რაკი ეგ შენ ვერას გიშველის, შენის ნებით ჩამოხვალ; შენ კეთილი კაცი ხარ!

კვლავ მღუმარებაა.

— ჩამოდი, თორემ თავზედ ტყავს გადაგაძრობთ და მერე თავ-დაყირა ჩაგფლავთ ნეხეში!

პან ზაგლობა მაინც ბაი-ბურში არ იყო და ერთნაირად გულ-გრილად ეკიდებოდა, როგორც ხვეწნა-მულარას, ისე მუქარას, იჯდა ბნელაში, როგორც მაჩვი ზის თავის სოროში და ეშხადებოდა თავ-განწირვით მტერთ მოგერებისათვის. მხოლოდ რალაც ლოცვას ამბობდა ტუჩების ცმატუნით და ხელს მაგრად უჭერდა ხმალს.

ყაზახნი დაბრუნდნენ, შეჰკრეს ერთად სამ-სამი შუბი და წვევრით მალლა დაამაგრეს სხვენზედ ასასვლელად. პან ზაგლობას გაუელვა ფიქრად აზრმა, ვტაცებ ხელს ამ შუბებს და აქ ამოვიტანო, მაგრამ თავი დაანება ამ აზრსა: სულ ერთია, მერე სხვებს მოიტანებენო.

ნელ-ნელა მთელი ბოსელი ხალხით გაივსო. ზოგს კვარი ეჭირა და ანათებდა იქაურობას, ზოგმა ლატნები და კიბეები მოათრია. კიბეები ყველა მოკლე აღმოჩნდა. ხმის უმეტესობით გადასწყვიტეს, კიბეები ერთმანეთზედ გადავაბათ თოკებითა, რადგან მართლა ძნელია შუბებზედ ასვლა სხვენზედაო. მაინც ზოგი ამობდა, შუბებზედაც ავალთო.

— მე ავალო!—დაიძახა რამდენმამე ერთად.

— კიბეს დაუცადეთ!—ბრძანა გოლოდამ.

— რა უშავს, ბატონო, რომ შუბებზედაცა ვსცადოთ ასვლა?

— ვასილი აცოცდებოდა; კატასავით ავარდებოდა ხოლომე ხეზედა.

— მაშ, აბა, სცადე.

სხვებმა მასხარაობა დაიწყეს.

— შენ ეი! ფრთხილად იყავ! ხმალი აქვს, თავს გაგიხეთქავს, თორემ აი ნახავ.

— მე თვითონ ჩავკიდებ ქოჩორში ხელსა და ძირს ჩამოვთრევ.

ვასილი მაინც არა შიშობდა.

— იმან კარგად იცის, რომ თითი თუ დამაკარა, ატამანი გაუსწორდება... და თქვენც, ძმებო.

ამით გააფრთხილეს პან ზაგლობა, რომელიც სულ-განაბული იჯდა თავის ალაგას.

ყაზახნი თან-და-თან კარგს გუნებაზედ დადგნენ; პან ზაგლობას ამბავმა გაართო და გაახალისა.

— ერთი ტუტუტი მოაკლდება ქვეყანას, დიდი ამბავია!

— იმას როდი იღარდებს, რომ სამაგიეროს გადამიხდინონო. გულადი რაინდია.

— კულიანი კაცია. ეშმაკმა იცის, იქნება იქ ჭაჯადაც გადაიქცა. იბოვი კი ვისმე იქა?

ვასილი ის იყო ეშმაკდებოდა, უნდა აცოცებულიყო, მაგრამ უცბად შესდგა.

— ლიახს კი შევებრძოლები, — სთქვა შეშინებულმა, — მაგრამ ეშმაკთან ბრძოლა კი არ შემიძლიან.

მაგრამ ამასობაში კიბეც უკვე გადააბეს და მიადგეს სხვენზედ ასასვლელს კარებს. ამაზედ ასვლაც ადვილი არ იყო: წვრილს საფეხურებს სულ ჭაჭა-ჭუჭი გაჰქონდა ყაზახთ სიმძიმის გამო. პირველად ასელა თვით გოლოლამ მოინდომა.

— ხომ ჰხედავ, პან შლიახციხო, რომ აქ ხუმრობა საქმე არ არის, — სთქვა გოლოლამ. — გინდა მანდ ჯდომა — იჯექი, მაგრამ თავის დაცვა კი არ გაჰბეღო; მაინც ხელში ჩაგიგდებთ; თუნდ რომ მთლიად ბოსლის დანგრევაც მოგვიხდეს. კარგად, კარგად იფიქრე!

აი ავიდა გოლოდა კიბეზედ და მისი თავი გაუსწორდა სხვენის კარებს; ამ დროს მოისმა უცბად ხმლის შუილი, ყაზახმა საშინლად შეჰკივლა, დატორტმანდა და ჩამოიშხვლა ძირს ორად გადაჩეხილის თავითა.

— შუბზედ ააგეთ, შუბზედა!—დაიწყეს ყვირილი ყაზახებმა.

ბოსელში საშინელი ხმაურობა და უწყესობა ატყდა, მაგრამ მაინც პან ზაგლობას ხმა გრგვინვასავით გაისმოდა:

— ჰაი თქვე ავაზაკო, კაცის-მკამელნო, თქვენა! ჰაი თქვე წუწუკებო! ყველას ასო-ასო აგკეპავთ, თქვე ტარტაროზნო! გამოსცდით, რაინდის მაჯის ძალასა, დამაცადეთ! მშვიდობიანს ხალხს თავს ესხმით ღამე, ბოსელში ამწყვდევთ აზნაურშვილსა... თქვე ძაღლის დაყრილგბო. ამოდით, ამოდით, აბა, ამოდით თქვე დათვებო!

— დაჰკათ, დაჰკათ!—ჰყვიროდნენ ყაზახნი.

— ბოსელს გადავწვავთ!

— ბოსელს მე თვითონ გადავწვავ, თქვე ლორის კულუსუნებო, მაგრამ თქვენც შიგ ამოგხრაკავთ!

— რამდენიმე ერთად ავიდეთ!—დაიძახა ხნიერმა ყაზახმა.—დაიქით კიბე, შუბები მიეცით ბერკეტებად! თავზედ ძნად შეკრული ბუჩოები დაიწყეთ და გასწით ისე... უნდა შევიპყრათ უსიკვდილოდ!

სთქვა ესა და დაიწყო აფოფხვა კიბეზედ. იმას ორი სხვა ყაზახი მიჰყვა უკან. კიბის საფეხურებმა დაიწყეს ლაწა-ლუწი, კიბე სულ მოიზნიქა, მაგრამ ოცზედ მეტი მაგარი მკლავი იმაგრებდა და ამიტომ არ იქცეოდა.

რამდენიმე წუთი კიდევ და სამი გვამი კიდევ ჩამოვარდა ძირს უსულოდ.

პან ზაგლობა, გახურებული გამარჯვებით, ისე ყროყინებდა, როგორც კამეჩი და იმისთანა სიტყვა-პასუხს ისეროდა, რომელიც ჯერ ქვეყანას არ მოესმინა; ყაზახებსაც კი გული გაუსკდებოდათ ამ სიტყვა-პასუხის მოსმენითა, მაგრამ ისინიც გაბრაზდნენ და აღარა ესმოდათ-რა. ზოგი მათგანი შუბებს სხვენს

ატაკებდნენ, ზოგნი კიბეს ებლაუჭებოდნენ და მიდიოდნენ ზედა, თუმცა იცოდნენ, რომ სიკვდილს ვერ ავცდებითო. ვნახოთ, ყივინი მისწყდა უცბად და ბოსლის კარებში თვით ბოგუნი გამოჩნდა.

ბოგუნი თავ-მიშველი იყო, პერანგისა და შარვლის ამარა. თვალები ცეცხლივით ანთებოდა, ხელთ ეჭირა ელვარე ხმალი.

— ზემოდან მოუარეთ, თქვე ძაღლებო, თქვენა! — დაუღრი-
ალა ატამანმა ყაზახებსა. — აჰყარეთ სახურავი და ცოცხალი შე-
იპყართ.

პან ზაგლობამაც მოჰკრა თვალი ბოგუნსა.

— აქ მობძანდი ერთი, ვაებატონო! — დაუძახა შლიახტი-
ჩმა. — ცხვირსა და ყურებს დაგაჰკრი... კისერს ხელს არ ვახ-
ლებ, — ეგ ჯალათის საკუთრებაა. ჰო, რაო? შეშინდი, განა?
საწყალი ბიჭი, ალუ?! ნეკზედ კი არ მიკბინო! შეჰკარით ეგ
უწმინდური, ეგა!... გესმით თუ არა, უტვირთობო?... შეწყალე-
ბა თუ გინდათ, შევბოქვით-მეთქი ეგა... რაო, ჩამოსახრჩობო,
რაო ურიების ტიკინო? მობძანდი, მობძანდი ერთი და! თავი
ამოჰყავი ერთი ამ სხვენზე. რალას იცდი? გამახარე ერთი! ისე
გაგიმასპინძლდები, რომ ტარტაროზი მამაშენი და კუდიანი
დედა-შენი სულ ერთად მოგაგონდნენ.

სახურავის ფიცრებმა ლაწა-ლუწი დაიწყა. ცხადი იყო,
რომ ყაზახნი მალლა ასულიყვენ და სახურავს აგლეჯდნენ ბო-
სელს.

ზაგლობა მიხედა ამას, მაგრამ შიშმა მიინც არ წაართვა
ძალ-ღონე. სრულიად დაითვრა ომითა და სისხლითა. „მივი-
კუნქები კუთხეში და იქვე გათავდება ჩემი სიცოცხლეცა“, —
სთქვა გულში. მაგრამ სწორედ ამ დროს გაისმა გარედ თოფის
სროლა და რამდენიმე ყაზახი ფაცხა-ფუცხით შემოცვივდნენ
ბოსელში.

— ბატონო, ბატონო! — განწირულებით ჰყვიროდნენ შე-
მოცივნულნი, — აქ წამობრძანდით! პან ზაგლობას ჯერ გაუ-
კვირდა, ეს რა ამბავიაო, რადგან ვერაფერს ვერ მიხედა. მო-

უახლოვდა სხვენიდან ჩამოსასვლელს კარებს, ჩაიხედა ძირს—
ბოსელი ცარიელია. ფიცრებსაც ზემოდ ლაწი-ლუწი აღარ გა-
ჰქონდა.

— რა ამბავია, რა ამბავია? — ხმა-მადლა ჰყვიროდა შლიახ-
ტიჩი.— ჰო, მესმის. უნდათ ბოსელს ცეცხლი წაუკიდონ და სა-
ხურავს დამბაჩებს ესერიან.

გარედ კი ხმაურობა და ყიეინი უფრო ძლიერდებოდა. იდგა გრიალი თოფისა და ყვირილისა, ჩახა-ჩუხის ხმა რკინი-
სა... „ღმერთო, ომი ხომ არ არის ესა?“ იფიქრა პან ზაგლო-
ბამა და მიჰვარდა სარკმელს, რომელიც თვითონ გააკეთა სა-
ხურავში.

ერთი კი გადიხედა და მუხლთ მოეკეცა სიხარულითა. გა-
რედ გაცხარებული ომი იყო ატეხილი, ანუ უკეთ ვსთქვათ,
პან ზაგლობამ დაინახა, რომ ბოგუნის ყაზახებს სულ ზურგზედ
ბოლი ასდიოდათ. მტერი უეცრად თავს-დასხმოდა და დაეწყო
საშინელი სროლა თოფ-დამბაჩებისა, გაოგნებულნი და და-
მფრთხალნი ყაზახნი გარბოდნენ ლობიდან ლობისკენ, სახლი-
დან ამბრებისაკენ და იელიტებოდნენ თითქმის ხელ-გამოუღებ-
ლივ. წითელ-ტალავარიანი ჯარის-კაცი სდევნიდნენ გონება-
დაბნეულ ბრბოს და არც იმის დროს აძლევდნენ, ერთად მო-
გროვილიყვენენ, არც ხმლის ამოწვდას აცლიდნენ, არც ასვე-
ნებდნენ და ცხენებზედ შესხდომასაც უშუილდნენ. იგერიებდნენ
მტერს მხოლოდ ცალკე-ცალკედ თითო-ოროლანი, სხვებს კი
დაეყარათ იარაღი და ცდილობდნენ ან ლობებე ჰქეშ გამოქრა-
ლიყვენენ, მაგრამ იჭედებოდნენ მარგილებ შუა, ან ლობებზედ
მიფოთხავდნენ და ზედ ხტებოდნენ და ჰლმუოდნენ საშინელის
დამფთხალ ნადირის ხმითა. საცოდავებს ეგონათ, რომ თვით
თავადი ერეშია დაგვეცა თავს არწივივით მოულოდნელად მთე-
ლის თვისის ძალ-ღონითაო. დრო აღარა ჰქონდათ, რომ გონს
მოსულიყვენენ, მიეხედ-მოეხედნათ. ყიეინი მტრისა, შუილი ხმლე-
ბისა, გრიალი თოფებისა ისეთი იყო, რომ დარეტიანებულნი
ყაზახნი გარბოდნენ მხოლოდ აქეთ-იქით, იქნებ თავს ვუშვე-
ლათ როგორმეო. „ხალხო, თავს უშველეთ!“ გაისმა ყოველ

მხრიდან. „დაჰკა, გააპე!“—ჰყვიროდა აგრედვე მტერიცა. და დაინახა ბოლოს პან ზაგლობამ პან ვოლოდიევსკი, რომელიც იდგა ალაყაჟის კარებთან რამდენისამე ჯარის-კაცითა, განაგებდა იქიდან ყაზახთა ამოწყვეტის საქმეს და მხოლოდ ათასშიერთხელ გააქანებდა თავის შავს მერანს შენივთებულ ბრძოლისაკენ, ხოლო საცა პან ვოლოდიევსკი გაჩნდებოდა, იქ უთუოდ კაცი უნდა დაცემულიყო ძირს, ხან და ხან სულ ხმა-ამოუდებლივ. ჰპეიი, პან ვოლოდიევსკი ფეხტ-მეისტერია ფეხტ-მეისტერთა შორის, დიდი მეხლმე მეხლმეთა შორის, ნამდვილი მეომარი ხორციტაცა და სულიტაც. ომში იმის თვალს არა გამოეპარება—რა, გაასწორებს საქმეს, საცა საჭიროა და მერე ისევ თავის ალაგას დაუბრუნდება, თითქო გამოცდილი კაპელ-მეისტერიაო, რომელიც მხოლოდ იშვიათად მოჰკიდებს ხელს. სკრიპკას, ხოლო სხვა ღროს გამოცდილს თვალს არ აშორებს თავისს ორკესტრსა.

პან ზაგლობამ დაიწყო საშინელი ბრახუნი ფეხებითა ბოსლის სახურავზედ და ცემა ტაშისა:

— დაჰკა მაგათ, დაჰკა, მოჰკალო! კიდევ, კიდევ, სულ ამოსწყვეტეთ, რომ წამლად არავინ გადარჩეს!

ასე ჰყვიროდა პან ზაგლობა, რომელსაც სულ გადაავიწყდა თავისი ყოფა, მაგრამ პატარა ხანს უკან მისმა თვალმა უფრო სასიამოვნო სანახავე იხილა: აგერ რამდენიმე ათითა და ოცის ყაზახით გარშემორტყმული ელვასავით მიჰქრის ბოგუნი, ხოლო უკან მისდევს პან ვოლოდიევსკი თავის ჯარის-კაცებითა. — „დაჰკა!—შეჰყვირა ვითომ ზაგლობამ,—ეგ ბოგუნიოა,“ მაგრამ იმისი ხმა ვიღამ გაიგონა. ამასობაში ბოგუნი გადახტა ღობეზედ და ვოლოდიევსკიც მისდევს კუდით-კუდსა. ზოგი ეხოშივე დარჩა, ზოგის ცხენი ვერ გადახტა ღობეზედ. უყურებს ზაგლობა და ჰხედავს, რომ ბოგუნიც მინდორშია და ვოლოდიევსკიცა. აგერ ბოგუნიც და ვოლოდიევსკიც თავ-თავის კაცებით გაიფანტნენ მინდვრად: თვითეული თვითეულს მისდევს. ზაგლობას სული შეუგუზბდა, ცქერად გადიქცა და თვლები კინაღამ წამოუვარდა ქუთუთოებიდან, ისე აჰყეტდა, რაც

ძალი და ღონე ჰქონდა... რასა ჰხედავს? აი ვოლოდიევსკი დაეწია ბოგუნს, როგორც გაგეშილი ძალლი გარეულს ღორს დაეწიოს, ატამანი მოტრიალდება და იწვედის ხმაღს... „იბრძვიან,— ჰყვირის ზაგლობა... ერთი წუთი კიდევ და ბოგუნი დაეცა ძირს ცხენიანად, ხალო ვოლოდიევსკიმ გადაახტუნა ზედ ცხენი და გამოეკიდა ახლა სხეებს.

გარნა ბოგუნი ისევ ცოცხალია, წამოდგება ზეზედ და მიჰქრის კლდეებისაკენ, რომელიც ბუჩქნარით არის დაფარული.

— დაიქი, დაიქი,— გრგვინავს ზაგლობა,— ევ ბოგუნია!

აგერ მიჰქრის ახალი გუნდი ყაზახთა, რომელიც აქამდე კლდეებს იყო მოფარებული, ახლა კი გამოიმინდვრა და ახალს გზას ეძებს, რომ როგორმე გაქცევა მოასწროს. ცოტა იმათზედ დაშორებით მოსჩანან პოლონეთის ჯარის-კაცნი. გუნდი ყაზახთა დაეწევა ბოგუნს, გაიტაცებს და მიჰყავს თან. ბოლოს ყოველივე ჰქრება, რადგან გზა ღრმა ღელეს ეფარება.

ეზოში სრული მდუმარებაა, რადგან პან ზაგლობას ჯარის-კაცნი, ვოლოდიევსკისაგან განთავისუფლებულნი, ეცნენ ყაზახთა ცხენებს და გამოეკიდნენ თავ-გზა დაბნეულსა და ლტოლვილს მტერს.

პან ზაგლობამ ჩამოაუშვა კიბე, გამოვიდა გარედ და მიიხედ-მოიხედა გარშემო.

— თავისუფალი ვარ...

ეზოში მრავლად ეყარა ყაზახთა და პოლონელთა გვამნი. შლიახტიჩმა ფრთხილად გაიარა ამათ შორის, ყურადღებით დააუვალიერა თვითთული და ერთგან დაიხარა, გვამს დაუწყაო ჩაქქერება.

ერთს წუთს შემდეგ აიმართა ისევ ხელში თუნუქის პატარა კასრითა.

— საესეა, — კმაყოფილებითა სთქვა ზაგლობამ.

დაეწათა სასმელს და დაუწყაო ხარბად სმა.

— ურიგო არ არის!

კვლავ მიიხედ-მოიხედა გარშემო და ხელმეორედ გაიმეორა, გარნა ახლა უფრო გულადად:

— თაეისუფალი ვარ.

პა^ა ზაგლობა შევიდა სახლში და ზღურბლზედ წააწყდა მოხუცის მებოჭკის გეამს. უკან რომ დაბრუნდა, წელი დამშვენებული ჰქონდა ბოგუნის ქამრით, რომელიც სულ ოქრომკედლით იყო მოჭარგული, ხოლო შიგ ერქო დანა და მის ტარში იჯდა დიდი ლალი.

— ღმერთი აჯილდოებს კაცს გულადობისათვის,— სთქვა პან ზაგლობამ,— აი ქამარიცა... მერე თან სავსე ფულითა. ჰაი შე ავაზაკო, ჩამოსახრჩობო! ახლა კი იმედია, რომ ჩვენის ხელიდან ვეღარ წავა. მაგრამ ეს ვოლოდიევსკი, აბა სეირი ის იყო აი; ვიცოდი, რომ ყოჩალია, მაგრამ თუ ბოგუნსაც შეებრძოლებოდა, მაგას კი სწორედ ვერ მოვიფიქრებდი. ბოგუნს ქამარზედ შეეძლო ჩამოეკიდნა და ისე ეტარებინა იმისთანა კაცი. დასწყევლოს... მაგრამ არა, ღმერთმა მისცეს ყოველივე სიკეთე! აღბად ვერ იცნო ბოგუნი, თორემ იქვე გაათავებდა. უი, რა ნაირი ჰყარს აქა თოფის წამალისაგან, კაცი ვეღარ ამოისუნთქებს! ჰმ, რა ნაირ გადაფრჩი განსაცდელსა და! ჩემს გაჩენაში მაგ ნაირი ყოფა არ გამომიცდია, მადლობა უფალსა! ვოლოდიევსკის კი განსაკუთრებული ყურადღება უნდა მიექცეს.

ბჭობდა ასე ზაგლობა და მერე ჩამოჯდა ბოსლის კარებზედა და დაიწყო ცლა.

მალე გამოჩნდნენ მინდორში ჯარის-კაცნი. რომელნიც უკან დაბრუნებულიყვნენ დეენის შექდეგ. მღვეართა შორის იყო ვოლოდიევსკიცა. ზაგლობა რომ დაინახა, ცხენი გამოაჩქარა, სასწრაფოდ გადმოიჭრა ცხენიდან და გაეშურა იმისაკენ.

— ვისა ვხედავ, ნუ თუ თქვენა ხართ!— შორიდანვე დაიყვირა ტან-მორჩილმა რაინდმა.

— მე ვარ, მე,— უპასუხა ზაგლობამ. — ღმერთმა მოგცეთ ყოველივე სიკეთე, რომ შემწეობა აღმომიჩინე.

— ღმერთს მადლობა შესწირე, რომ ღროზედ გაჩნდი,— უპასუხა ვოლოდიევსკიმ და სიხარულით ჩამოართვა ხელი პან ზაგლობას.

— საიდან შეიტყეთ, რომ ისეთს საფრთხეში ჩავარდი?

— გლებ-კაცებმა შემატყობინეს, აიმ მეორე სოფელელებმა.

— ოჰ, მე კი მეგონა, რომ სწორედ იმათ გამცეს-მეთქი.

— რა პასუხია! კეთილი ხალხნი არიან ძალიან. თითონაც ძლივს ცოცხლებს გამოუსწვრიათ, ესე იგი მეფე დედოფალს, ხოლო სხვებს, მაყარ-სტუმრებს რა დაემართათ, არ ვიცი.

— თუ მოღალატენი არ არიან, უთუოდ ყაზახებმა ამოჭხოცეს. ამ სახლის პატრონი აგერა აქვე ჰგჯია მკედარი. მაგრამ, ეჰ, ამას თავი დავანებოთ. ერთი ეს მითხარი, ბოგუნი ცოცხალია? გაიქცა?

— განა ის ბოგუნი იყო?

— მაშა, თავშიშველა, პერანგის ამარა; ცხენიან-კაციანად რომ ძირს დაეცი.

— ხელში დავეკერი. ოჰ, რა მწყინს, რომ ვერ ვიცანი. მაგრამ თქვენა, პან ზაგლობა, კარგი რა მოიქმედეთ?

— რა მოვიქმედე? — გაიმეორა პან ზაგლობამ. — მოდი აქა და ჰნახე!

წაავლო ხელი ვოლოდიევსკის და დაიყვანა ბოსელში.

— დაჰხედე.

პან ვოლოდიევსკიმ ჯერ ვერა დაინახა. რადგან თვალი გაგარეულებული ჰქონდა, ხოლო, როცა თვალი გაუშინაურდა, ბოსლის სიბნელემ აღარ დაუშალა იქაურობის დათვალიერება, დაინახა უძრავად გაშოტილნი გვამნი და გაჰკვირდა.

— ვინ დაჰხოცა ეს ხალხი?

— მე! — თქვა ზაგლობამ ისე, ვითომც-და აქ არაფერი ამბავიაო. — თქვენა მკითხევით, რა მოვიქმედე და მეც გეუბნენი: აი!

ახალგაზდა აფიცერმა თავი გაიქნ-გამოიქნა.

— როგორ, რა ნაირად?

— მე მალლა ვიყავ და თავს ვითარავდი, ხოლო ისინი ქვედან მომადგნენ იერიშითა. ზოგმა ზემოდან შემომიტია, სახურავიდან. არ ვიცი, რამდენს ხანს გასტანა ამ ამბავმა; ბრძოლის დროს მეომარს ავიწყდება ჟამთა-სელა. ბოგუნი იყო აქ მთელის თავისის ძალ-ღონითა. ახსოვნარ შენ, ვახსო-

ვეარ მეცა როდისმე მოცლილ დროს გაიბზობ, როგორ შემიპყრო ტყვედ, რა ცეცხლი გამოვიარე და როგორ ვუხიფათე მერე, ახლა კი ისე ვარ დაღალული, რომ ფეხზე ძლივს-ღა ვდგები.

— რაღა თქმა უნდა, — დაიწყო ეოლოდიეესკიმ, — რომ ძალიან გულადად მოქცეულხარ; ამას გეტყვი მხოლოდა, რომ კარგი რაინდი ხარ, გარნა ცუდი წინამძღოლი.

— პან მიხალ, — უპასუხა შლიახტიჩმა, — ეგ მერე იყოს, ეხლა დრო არ არის. ისევე არა სჯობს შემოქმედს გადევნადოთ მაღლობა, რომ ჩვენ ორთავეს ისეთი გამარჯვება მოგვანიჭა, რომლის ხსოვნა არ გაჰქრება კაცთა შორის.

პან ეოლოდიეესკიმ გაკვირვებით შეჰხედა ზაგლობას. აქამდე ისე ეგონა, რომ მარტო მე გავიმარჯვეო და ახლა კი ზაგლობაც წილს იღებს ჩემს ძლიერა-მოსილებასაშია.

ახალგაზდა აფიცერმა შეჰხედა მხოლოდ შლიახტიჩს, გააქნ-გამოაქნია თავი და სთქვა;

— დეე, თუნდ აგრე იყოს.

ერთს საათს შემდეგ ორნივე მეომარნი მიუძღოდნენ წინ თავ-თავიანთ შეერთებულს რაზმებს და მიდიოდნენ იარმოლინ-ცისაკენ.

ზაგლობას ჯარის-კაცთა შორის თითქმის არც ერთი არ იყო მოკლული. რაკი მოულოდნელად დაესხა მტერი, იმათ წინააღმდეგობა არა გაუწევიათ-რა. ხოლო ბოგუნი, რომელიც გამოგზავნილი იყო, ჯაშუშნი და მტრის ჯარის-კაცნი შეიპყარი, იქნება იმათგან შეეიტყო რამეო, ყველას იმას ეუბნებოდა, რომ ცოცხალი შეიპყართ, ნუ მოჰკლავთ ტყვეებსაო.

VIII

თუმცა ღიდი ვაჟკაცობა და გამოცდილება გამოიჩინა ბოგუნმა, მაინც ბედმა უმტყუნა და იძლია თავად ერემიას დივიზიის-მიერ. იმას ეგონა, რომ სწორედ ერემიას დივიზია დამესხა თავსაო. ახლა უფრო დარწმუნდა, რომ სწორედ მთელის თვისის მხედრობით წამოსულა თავადი ერემია კრივანოსის წინააღმდეგაო. ასე ამბობდნენ პან ზაგლობას ჯარის-კაცნი, ბოგუნის მიერ ტყვედ შეპყრობილნი, რადგან იმათაც მტკიცედა სწამდათ, რომ თავადის ჯარიც ჩვენ მოგვლევს უკანაო. საცოდავს ატამანს სხვა გზა აღარა ჰქონდა-რა იმის მეტი, რომ უკან უნდა დაბრუნებულყო საჩქაროდ და კრივანოსისთვის მიეტანებინა. მაგრამ ეს უკან დაბრუნება არც ისე ადვილი საქმე იყო. მხოლოდ მესამე დღეს შემოკრბა მის გარშემო ორასიოდე ყაზახი; დანარჩენი, რიგი ბრძოლაში ამოიხოცა, რიგი მძიმედ დაიჭრა და რიგი ტყვესა და ღრეში იმალებოდა. დამალულებმა არ იცოდნენ, რა მოეხერხებინათ, საით წასულიყვნენ. შემოკრებილნიც საიმედოანი არ იყვნენ: უეცარს თავდასხმას ისე დაეზნია მათთვის დავთრები, ისე დაეშინებინა, რომ მცირედი მიზეზი საკმაო იყო, რომ აქეთ-იქით გაფანტულიყვნენ. სულ რჩეულნი კი იყვნენ ეს ყაზახნი სეჩის ყაზახთა შორის! ბოგუნიც ძალიან ცუდს გუნებაზედ იყო: ჯერ ერთი ხელში დასჭრეს, მეორე სძლიეს და ზურგზედ ბოლი აადინეს, თან ავადაც იყო კრილობის გამო. უფრო ის უკლავდა გულსა, რომ მოსისხლე მტერი ხელიდან წაუვიდა და ყაზახთა წინაშეც, ცოტა არ იყოს, სახელიც გაუტყდა. თუ აქამდინ მისნი ერთ-

გულნი მეომარნი მზად იყვნენ დაუფიქრებლივ გაპყლოდნენ ყირიმს, ჩაპყლოდნენ თვით ჯოჯოხეთში, დასხმოდნენ თავს თუნდ თავად ერემიას, ახლა მხოლოდ იმის ფიქრში-ლა იყვნენ, ეგებ ცოცხლები გადავრჩეთ როგორმე და თავს ეუშველოთ საიდანმეო. მერე რა დააშავა განა ბოგუნმა? ყოველივე მოიქმედა, რაც შეეძლო, არა გამოჰპარვია-რა, დარაჯნი თავ-თავის ალაგას დააყენა და, თუ ღამის გასათევად დარჩა, დარჩა მხოლოდ იმიტომ რომ დაღალული ცხენები ფეხებს ველარ მიათრევდნენ. მაგრამ პან ვოლოდიევსკი, რომელსაც მთელი თვისი სიცოცხლე ომიანობასა და ბრძოლაში გაეტარებინა, მიწის მგელივით გაჩნდა, მოეპარა დარაჯებს ღამე და ბოგუნმა ძლივს უშველა თავს, ძლივს გაიქცა პერანგის ამარა. ბოგუნს რომ ეს გაახსენდებოდა, თვალთ დაუბნელდებოდა ხოლმე, მის გულსა და გონებაში ჯოჯოხეთი დატრიალდებოდა ხოლმე. მე, რომელიც შავ ზღვაზედ ოსმალთა ნავ-კატარლებს თავს ვესხმოდ; მე, რომელსაც პერეკოპამდე მივლია; მე, რომელსაც თავადის თვალ-წინ, თვით ლუბნთან ამოვსწყვიტე მთელი მისი რაზმი ვასილევკაში, უნდა ვივლტოდე პერანგის ამარა, უქულოდ... უხლმოდაც კი. ხანჯალიც კი დავკარგე იმ პატრა რაინდთან შებრძოლების დროს. როცა ღამის გასათევად იყო საღმე და მარტო დარჩებოდა, წაივლებდა ხელებს თავში და ჰყვიროდა: „სადა ხარ, ჩემო სახელო ყოჩალობისავ, სადა ხარ, ჩემო ძმობილო ხანჯალო?“ საშინელი განწირულება შეიპყრობდა ხოლმე, დაიწყებდა სმას, ატყდებოდა, უნდა თავს დავესხა თავადს, შეევებრძოლო მთელს მის მხედრობას და მოვიკლა თავი, დავიღუპო სამუდამოდ.

იმას კი უნდოდა, მაგრამ ყაზახებს კი არ უნდოდათ- „თავებს დაეიხოცავთ, მამავ და თვალო და ვერ კი წამოვალთ!“—გაჯიუტებით უარობდნენ ისინიც. ბოგუნს სულ ცო-

ფები მოუელიდა ხოლმე, ჰყრიდა ცეცხლს პირიდან, სჩებდა ხლმით ყაზახებს, უტრუსავდა პირისახეს დამბაჩის ფალიის ცხვირ-წინ აფეთქებით, მაგრამ ყოველივე ამის იყო, არ უნდოდათ, არ მისდევდნენ.

ატამანს თითქო დედა-მიწა ეცლებოდა ფეხ-ქვეშა; მაგრამ მისი უბედურება ჯერ კიდევ არ გათავებულოყო აქა. პირდაპირ სამხრეთად წასვლისა ეშინოდა, ამიტომ აღმოსავლეთად გაჰქანდა და პან პოდბიჰენტას რაზმს კი წააწყდა. გარნა წეროსავით ფხიზელმა და ფრთხილმა პან ლონგინუსმა შეუტყო, გაპარვას აპირებსო, შეუტია ატამანსა და ადვილად სძლია, რადგან ყაზახებს არ უნდოდათ ებრძოლნათ. შემდეგ საცოდავი ბოგუნი პან სქშეტუსკის შეეხეჩა. იმან კიდევ სულ ბოლო მოუღო. როგორც იყო დააღწია ამასაც თავი და, ბოლოს, რის ვაი-ვაგლახით, ტრიალ მინდვრად ხეტიალისა და პროწიალის წემდეგ თვისის ჯარის მცირე ნაშთითურთ სახელგატეხილი, უაღაფოდა და ჯაშუშთა შეუპყრობლად ძლიეს მიაღწია კრივანოსის ბანაკამდე.

გარნა დამთხვეული კრივანოსი, რომელიც ისე საშიში იყო თავის ხელქვეითებისათვის, ამ ხანად არ გაჯავრდა. საკუთარის გამოცდილებითვე იცოდა, რომ ერემიასთან ძნელად გაჰყიდდა რასმე კაცი და ამიტომ აღერსი დაუწყყო ბოგუნს და ცდილობდა ნუგეში ეცა როგორმე, ხოლო როცა ატამანი ცხელებით გახდა ავად, ბრძანა, მოუარეთ და ისე გაუფთხილდით, როგორც თვალის ჩინსაო.

ხოლო თავადის რაინდნი, რაკი შიშის ზარი დასცეს მთელს ქვეყანას, ახლა მშვიდობით დაბრუნდნენ იარმოლინცსა და იქა ჰფიქრობდნენ დასვენებას ორიოდღე დღის განმავლობაში. თვითეულმა რიგ-რიგად მისცა ანგარიში პან სქშეტუსკის, შემდეგ ყველანი შეგროვდნენ ერთად, მოუსხდნენ ღვინოს და დაიწყეს მეგობრულად მუსაიფი. მაგრამ პან ზაგლობა ხმის ამოდებას აღარ აცლიდა აღარავისა. არ უნდოდა მოესმინა ვისიმე ლაპარაკი, მე მომისმინეთ ყველამაო, ჩემი ამბავი უფრო საინტერესო მოსასმენია, ვიდრე თქვენია.

— ყმაწვილებო! — მკვერმეტყველებდა ზაგლობა, — ტყვედ შემიპყრეს, მართალია, მაგრამ ბედის ჩარხი ერთ წამსაც არა ჩერდება და სულ ტრიალებს. ბოგუნის მთელს თავის სიცოცხლეში მძლეობდა, მაგრამ ახლა ჩვენა ვძლიეთ. ომში სულ ასეა! დღეს შენ მოერევი, ხვალ შენ მოგვერევიან. ხოლო ბოგუნის იმიტომ დასაჯა ღმერთმა, რომ დაგვესხა თავსა და ბრიყულად გავვადვიდა მაშინ, როდესაც უმანკოდ გვეძინა. ხა, ხა, ხა! იმას ეგონა შემაშინებდა თავის სულელურის მუქართა, ნამდვილად კი საქმე სულ სხვანაირად წავიდა: ისე მოვეუგრიხე კისერი, რომ მაშინვე გონება დაებნა და დაროშა ის, რის თქმაც არ უნდოდა. რა ბევრი უნდა ვილაპარაკო! ტყვედ რომ არ დავრჩენოდი, მე და მიხალი ისე ვერ ავაკრფინებდით მტერს გუდა-ნაბადსა; მე და მიხალი-მეთქი, იმიტომ ვამბობ, რომ საქმე უჩვენოდ არ გარიგდებოდა; ამას მაინც ვიტყვი, თუნდა სიკვდილი მადგეს თავსა. მოისმინეთ ახლა შემდეგ რა მოხდა: მე და პან მიხალს რომ არ დაგვეწყო საქმე, პან პოდბიპენტა ფეხებს ვერ შიამტვრევდა, ბოლოს პან სქშეტუსკის არ წააწყდებოდა, ანუ უკეთ რომ ვსთქვათ, ჩვენ რომ ტყავი არ გავვეძრო, ის გავვადრობდა ტყავსა. როგორა გგონიათ ახლა, ვისი მადლობელი უნდა ვიყვნეთ, რომ ასე კარგად დატრიალდა საქმე?

— შელიასავითა ხარ სწორედა, — შეჰნიშნა პან ლონგინუსმა, — აქ კუდს მოიქნევ, იქ გზა-კვალს აურევ და ყველგან უვნებლად მოარჩები.

— სულელია ის ძალი, რომელიც კუდი-კუდს მისდევს ნადირს, ვერც რიგიანად სუნს დაიცემს და ბოლოს გზა-კვალიც სულ აერევა. რამდენი კაცი დაგაკლდა შენა?

— სულ თორმეტი კაცი მომიკლეს და რამდენიმე კაცი დაქრილია. საიმისოდ ძლიერ არ მოგვრევიან.

— შენა, პან მიხალ?

— ესე ოც და ათ კაცამდე დავკარგე.

— შენა, პან პარუჩიკო?

— მეც იმდენივე მომიკლეს, რამდენიც პან ლონგინუსსა.

— მე კი სულ ორი კაცი დამაკლდა. თქვენ თვითონა სთქვით ახლა, ვინ უფრო კარგი მხედრთ-მთავარია? ჰო და, ასე

კი გახლდათ! რისთვის წამოვედით აქა? თავადმა მოგვანდო, კრივანოსის ამბავი შეიტყუეთო და აი გეუბნევით, რომ პირველად მე გავიგე იმისი ამბავი ნამდვილად თვით ბოგუნისაგან. მე ვიცი, რომ კრივანოსი კამენცის ახლო სდგას, ალყა აქვს შემორტყმული, მაგრამ უნდა აჰყაროს ჯარი, იმიტომ რომ ეშინიან. ეს ხომ ვიცი, მაგრამ სხეც რამ ვიცი ისეთი, რომ სულ გული ხტომას დაგიწყებთ სიხარულითა. წინად არა გითხარითრა ამისი, იმიტომ რომ ავად ვიყავ და ისე გავიტანჯე, რომ აღარა მებალისებოდა—რა... ადვილი ხომ არა გვონიათ, იმდენს ხანს კაცი შეკრულ-შებოჭილი იყოს ბარბაროსთა ხელთა? ასე მეგონა, ეს არის ვკედები-მეთქი.

— ერთი სთქვი, ღვთის გულისათვის!— შეჰყვირა ვოლოდიევსკიმ.— კნიაჟნას ამბავი ხომ არა გაიგონე—რა?

— გავიგონე, მაშ, ღმერთმა დალოცოს და დიდი დღე მისცეს იმასა!— სთქვა პასუხად ზაგლობამ. პან სქშეტუსკი წამოდგა ზეზედ, აიყუდა მთელის თვისის სიმაღლითა და მერე ისევ დაეცა სკამზედა. ოთახში ისეთი სიჩუმე ჩამოვარდა, რომ კაცი გაიგონებდა, როგორა ბზუოდნენ ბუზები ფანჯრის იქითა. პან ზაგლობამ დაიწყო კვლავ:

— კნიაჟნა ცოცხალია, ეს ნამდვილად ვიცი და ახლა ბოგუნის ხელთ არის. ყმაწვილებო, ბოგუნი საშინელი კაცია, მარგამ ღმერთი არ ინებებს, რომ ის ქალი ან გაწბილებული იყოს და ან შეურაცხ-ყოფილი. ყმაწვილებო, თვითონ ბოგუნმა მითხრა ესა, გარნა ის ისეთი კაცია, რომ არ დასთმობდა და მოჰყვებოდა ტრაბახს, თუკი დასატრაბახებელი ექნებოდა რამე.

— ნუ თუ ეგ შესაძლებელია? ნუ თუ ეგ შესაძლებელია?— აჩქარებით ეკითხებოდა პან სქშეტუსკი.

— თუ ვტყუოდე, ტყვია ჩამესხას პირში, — დიდის ამბით წარმოსთქვა ზაგლობამ, — ეს საქმე წმინდა საქმეა. გამიგონეთ: ბოგუნი დამცინოდა და მასხარად მიგდებდა. როცა შებოჭილი ვეგდა იმის ფეხ-ქვეშა და თან მეუბნებოდა: „შენა გგონია, რომ ტეტისათვის მოვიყვანე ის ქალი ბარიდან? განა ტეტია

ვარ, რომ ძალა მეხმარნა იმაზედა? ეითომ ფული არ მეყოფა თუ, რომ კიევში ჯვარი დაგვწერონ, რომ ეკლესიაში სამასი სანთელი ენთოს ჩემს ჯვარის წერაზედა? ვინა გგონივარ მე, ატამანი, გეტმანი?“ — დამიწყო ფეხების ბრაგუნის და ხანჯალს იქნედა, მემუქრებოდა, — უნდოდა შევეშინებინე, მაგრამ მე ვუთხარი მაგითი ძაღლები შეაშინე-მეთქი.

სქშეტუსკი გონს მოვიდა, მისი დაღონებული სახე კელავ აენტო ციციანთელასავით, სიხარულმა და იმედმა გაუბრწყინა თვალები.

— მერე სად არის ეხლა კნიაჟნა, სადღ? — ეკითხებოდა სქშეტუსკი. — თუ ესეც გაიგე, არ ეცი, რითი გადაგიხადო მაშინ მადლობა.

— ეგ არ უთქვამს ჩემთვისა, მაგრამ ჰკვიან კაცს ერთი სიტყვის გადაკვრაც ეყოფა, რომ მიხვდეს ყველაფერსა. ეს დაიხსომეთ, ყმაწვილებო, რომ ამ ლაპარაკის დროს ბოგუნის სულ დამცინოდა. „ჯერ კრივანოსთან წაგიყვან, მერე ქორწილში დაგპატიეებო; ეგ არის მხოლოდ, რომ ქორწილი მალე არ მექნებაო; ჯერ ეხლა ომიო.“ დაიხსომეთ, რომ ჯერ მალე არ იქნება ქორწილიო, მაშასადამე, დრო გვაქვს მოვიფიქროთ რამე. ჰო, ესეც გულში გქონდეთ, რომ ჯერ კრივანოსთან წაგიყვან და მერე ქორწილშიაო: მაშ, ის ქალი კრივანოსთან არ არის. სადმე შორს უნდა იყოს, იქ, საცა ომის სუნი არ მისულა ჯერა.

— სწორედ ოქრო ხარ, ოქრო! — შეჰყვირა ვოლოდიევესკიმ.

— ჯერ მეგონა (ჰან ზაგლობამ თავ-მოწონებით გაიღიმა), რომ იქნება კიევს ვაჰგზავნა-მეთქი, მაგრამ არა; იმანა სთქვა, რომ კიევში წავალ და თან წაგიყვანო; მაშ, ის ქალი არც კიევშია. ან კი განა იმდენად სულელია, რომ ქალი კიევში გაეგზავნა? ხმელნიცკი რომ ჩერვონის რუსეთისაკენ წასულიყო, კიევი ხომ შეიძლებოდა ადვილად დარჩენოდათ ხელში ლიტველთა ჯარებს!

— მართალია, მართალია, — სთქვა აღტაცებით ჰან ლონგინუსმა. — ღმერთსა ვფიცავ, რომ არა ერთი და ორი გამოგიცვლიდა ქუთას დიდის სიამოვნებით.

— ახლა მე მკითხოს, მე გამოვეუცვლი მერე? ჭკუის მაგივრად, რომ ბოტენინა შემრჩეს ხელში მერე? ლიტველებში ადვილად შერჩება კაცს ხელში ამისთანა ნაცვალი! *)

— შენ კიდევ შენებურად მოჰყევი, — იწყინა ოდნავ პანლონგინუსმა.

— დამაცადეთ ერთი, გავათავო ჩემი სათქმელი. თუ ის ქალი არც კრივანოსთან არის, არც კიევსა, მაშ სად უნდა იყოს, გეკითხებით მე თქვენ?

— კიდევ ეგ არის საქმე!

— თუ მიხვედრილი ხარ, სთქვი ჩქარა, აღარ შემიძლიან მოთმენა! — შეჰყვირა სქშეტუსკიმ.

— იამპოლს იქით უნდა იყოს! — წარმოსთქვა ზაგლობამ და გადაავლო ყველას თავისი ერთად-ერთი თვალი ღიღის ამბითა.

— საიდან იცი?

— საიდან ვიცი? აი საიდან: ვზივარ ბოსელშია და (იმ წუწკმა უბრძანა, რომ ბოსელში დაამწყვდიეთო, ლორებსაც შეუთქვლეფიათ ის ამისათვისა) ჩემს გარშემო ყაზახნი მუსაიფობენ. მივადე ყური კედელსა და ვნახოთ ერთი ამბობს: „ახლა, ატამანი, ალბად, იამპოლს იქით წავა“, მეორე ეუბნევა: „ემანდ გაჩუმდი, სიცოცხლე ხომ არ მოგძულდება, რომ მოჰყოლიხარ და ჰროშავ“. ეს თავი მომქერით, თუ ის ქალი იამპოლს იქით არ იყოს.

— ეჭვი არ არის, რომ სწორედ აგრე უნდა იყოს! — შეჰყვირა ვოლოდიევსკიმ.

— ყრუ მინდოროში არ წაიყვანდა და, ჩემის ფიქრით, უთუოდ იამპოლსა და ეგორლიკს შუა დაჰმალა სადმე. მივლია იქითკენა. იქ, დნესტრის ნაპირად ბევრი ხევ-ხუევიბია, სამალავი მღვიმე-მადარო და ლელიანები; ცალკ-ცალკე კომლობით ისე სცხოვრობენ იქაურები, რომ ერთმანეთს ვერა ჰხედავენ, რაც უნდა ახლო მეზობლები იყვნენ. ალბად ამისთანა მეუღაბნოეთა შორის დაჰმალავდა იმ ქალსაცა. შიშიც უფრო ნაკლებია იქა.

*) ბოტენინა ლიტველების საყვარელი საქმელია.

— ძალიან კარგი, მაგრა როგორ უნდა მიიღწიოს იქამდე კაცმა, როცა გზაზედ კრივანოსი სდგას ხარხხასავით?— სთქვა პან ლონგინუსმა.— იანპოლი კი, როგორც გამიგონია, ნამდვილი ბუდეა თურმე ავაზაკებისა.

სქმეტუსკი წამოხტა ფეხზედა.

— ათი სიკვდილი რომ მელოდეს, მაინც ვეცდები იმის დანახვასა. ტანისამოსს გამოვიცვლი, წავალ და ისე დავუწყებ ძებნასა. ღმერთი მიშველის, ვიპოვი სადმე.

— მეც შენთან წამოვალ, იცოდე!— სთქვა ვოლოდიეესკიმ.

— მეცა; მათხოვრის ტანისამოსს ჩავიცვამ და ფანტურს წამოვიღებ თანა. დამიჯერეთ, მე უფრო გამოცდილი ვარ მაგისთანა საქმეში. ხოლო რაკი ფანტურმა თავი მამაბეზრა, ისევე ქარახსა-სტვირს წამოვიღებ.

— იქნება მეც გამოვადგე რისთვისმღ, ძმაო!— სთქვა მწუხარე კილოთი პან ლონგინუსმა.

— ნამდვილად გამოგვადგები, — ჩამოართვა საჩქაროდ სიტყვა ზაგლობამა. — როცა ღნესტრში გასვლა დაგვჭირდება, ზურგზედ შეგვისვამ და ისე გაგვიყვან წმინდა ქრისტეფორესავით.

— გულითა და სულით გმადლობთ, და მიმიღია კიდეც თქვენი შემწეობა. ღმერთო დიდებულო, მომეც შეძლება, რომ გარდავუხადო ამ ჩემს მეგობრებს სამაგიერო ყოველ იმისთვის, რაც ამათ ჩემთვის მოიქმედეს.

— ჩვენ ყველანი, როგორც ერთი კაცი, ისე ვართ! — შეპყვირა ზაგლობამ. — ღმერთს ერთი პირი უყვარს, და მალეც ჰნახავთ, რომ შოვიმკით კიდეც ჩვენს ნაჭირნახულევს.

— მე სხვა აღარა დამრჩენია-რა, — სთქვა პატარა სიჩუმის შემდეგ სქმეტუსკიმ, — იმის მეტი, რომ დროშა ჩავაბარო თავადს და დაუყოვნებლივ წავიდე ქალის საძებრად. წავალთ ღნესტრის დაყოლება, იამპოლისკენ, თვით ეგორლიკამდე და დავიწყებთ ყველგან ძებნასა. ხოლო თუ როგორც იმედი მაქვს, ხმელნიცკი უკვე ძღვეულია, და დაძღვეულ იქმნება, ვიდრე ჩვენ თავადის კარამდე მივალთ, მით უკეთესი; მაშინ ხომ

აღარც ის მოვალეობა დაგვიშლის რასმე, რომელიც სამშობლოს წინაშე გვაქვს ნატვირთი. მხედრობა, უექველია, უკრანას წავა, რათა ჩააქროს ნაშთი ამბოხების ცეცხლისა, მაგრამ იქ უჩვენოდაც იოლად წავლენ.

— ხმელნიცკის შემდეგ კი რიგი კრივანოსზედ მიდგება და მაშინ შეგვიძლიან მხედრობასთან ერთად იამპოლს გავემართოთ,—სთქვა ვოლოდიევსკიმ.

— არა, ჩვენ აღრე უნდა ვიყოთ იქა,—იუარა ზაგლობამ, —მაგრამ უპირველეს ყოვლისა დროშები უნდა ჩაებაროთ თავადს, რომ ხელ-ფეხი შეკრული აღარა გექონდეს, მგონია, რომ თავადი კმაყოფილი დაგვრჩება.

— მეტადრე შენ დაგრჩება კმაყოფილი.

— მეტადრე, მე, იმიტომ რომ კარგს ამბავს მივუტან. იცით, მე ჯილდოს იმედიცა მაქვს.

— მაშ გავუდგეთ გზასა, ჰა?

— დილამდე უნდა დავისვენოთ.—სთქვა ვოლოდიევსკიმ. —მაგრამ, დეე, სქშეტუსკიმ იგამრიგეოს, ეგ არის აქ უფროსი, გაფრთხილებთ კი, თუ დღესვე წავალთ, ჩემი ცხენები გზაზედ დაცვივდებიან.

— ვიცი, რომ დღეს არ შეიძლება წასვლა, ხვალისთვის კი ცხენები დაისვენებენ.

მეორე დღეს ჩვენი მეგობრები გაემართნენ გზად. თავადის დარიგებისამებრ ზბარაჟს უნდა მისულიყვნენ და იქ ეცადნათ, რასაც უბძანებდა შემდეგისათვის თავადი. ვოლოჩისკს იყო დანიშნული ბანაკად დგომა.

მაგრამ თვალი მოხუჭეს თუ არა ჩვენმა რაინდებმა, დიდი მანძილის გავლით დაქანცულებმა, ბანაკში ატყდა ხმაურობა და დარაჯებმა აცნობეს, რომ ვილაც ცხენოსანი რაზმი მოდის ჩვენსკენაო. ეს რაზმი შინაურ ჯარის-კაცებისა იყო—სახელდობრ ვერშულის თათრები იყვნენ. ზაგლობა, პან ლონგინუსი და ვოლოდიევსკი მაშინვე სქშეტუსკის ოთახში შეიკრიბნენ და პატარა დავაცალოთ შევარდა იმათთან ნიაგ-პარივით ვილაც გულ-გახეთქილი კაცი, სულ ტალახში ამოთხერილი, საშინ-

ლად დაღალულ-დაქანცული. სქშეტუსკიმ დაინახა თუ არა, გაკვირვებით შემოჰკრა ტაში ტაშსა:

— ვერშული!

— დიად... მე ვარ!—ძლივს წამოიკნაულა ახლად შემოსულმა.

— თავადის ბანაკიდან მოდიხარ?

— დიად!... ლაპარაკის თავი არა მაქვს!

— რა ამბავი იცი, ხმელნიცკი გადაშენდა, აღარ არსებობს?

— აღარ არსებობს... რესპუბლიკა!

— ღვთის გულისათვის, მაგას რას ამბობთ! დავმარცხდით?

— დავმარცხდით, შევცხებით, თავ-ლაფი დაგვესხა... უბრძოლველად!.. დაიღუპა ყოველივე!.. ოჰ!

— ვერ დაგვიჯერებია. გვიამბეთ, გვიამბეთ, ღვთის გულისათვის!.. გეტმანები?

— გაიქცნენ...

— ჩვენნი თავადი სად არის?

— მიდის... უჯაროდ... თავადის კარიდან მოვდივარ... ბრძანებაა... ეხლავე ღვოვს უნდა წახვიდეთ... უკან მოგვდევენ...

— ვინა? ვერშულიო! ვერშულიო! გონს მოდით, რაინდლო ვინა?

— ხმელნიცკი, თათრები!

— ღმერთო მაღალო!—წარმოსთქვა დაღადებით ზაგლობამ,—დედა-მიწა სკდება.

სქშეტუსკი მიხვდა, როგორც იყო საქმე.

— დავანებოთ თავი ძიობა-წვლილობასა,—სთქვა პორუჩიკმა,—ეხლავ მოვასხდეთ ცხენებსა!

— მოვასხდეთ, ცხენებსა, ცხენებსა!

ვერშულის თათრები ჯერ ისევ ცხენებზე იხსდნენ; მცხოვრებნი წამოვარდნენ და გამოცვივდნენ სახლებიდან ფარნებითა და მაშხალებითა. სამწუხარო ამბავი ელდასავით მოედო მთელს ქალაქსა. ზარებს რეკა დაუწყეს განგაშის ნიშნად. ერთი საათის წინად დამშვიდებული და ძილს მიცემული ქალაქი უეც-

რად ფეხზე დადგა. მკვიდრთ უნდოდან ჯარს გაჰყოლოდნენ უკან და საჩქაროდ ალაგებდნენ უფრო ძვირფასს ბარგი ბარხანას ურემზედ. მოვიდა დეპუტაცია ბურგომისტრის მეთაურობით და დაუწყა თხოვნა პან სქშეტუსკის, რომ ნუ წახვალ და ტარნოპოლამდე მინც გააცილე მცხოვრებნიო, გარნა სქშეტუსკიმ ყურიც არ ათხოვა, რადგან გადაწყვეტილი ბძანება მოუვიდა, წადი ლვოვს ეხლავეო.

გზა-გზა ვერშულმა პატარა შეისვენა და მოჰყვა, როგორც იყო საქმე.

— მას აქეთ, რაც რესპუბლიკა არსებობს, ჯერ ისეთი დამარცხება არ გაგონილა. სად მოვა ამისთანა დამარცხებასთან დამარცხება ცეცოარისა, ყვითელის წყლებითა, კორსუნისა!

სქშეტუსკიმ განწირულებით დაიწყა მტვრევა ხელებისა.

— დაუჯერებელი ამბავია! — სთქვა პორუჩიკმა. — თავადი სადღა იყო?

— სულ თავი დაანებეს, განგებ ხელი ააღებინეს ყველაფერზედ; საკუთარს დივიზიასაც კი ვერ განაგებდა თავის ნებაზედ.

— მაშ, ვინა მხედართ-მთაერობდა?

— არც არავინ და ყველანიც. დიდი ხანია ემსახურობ, კბილები ომიანობაში დამცვიდა, მაგრამ არც ამისთანა მხედრობა მინახავს და არც ამისთანა მხედართ-მთაერები.

ზაგლობამ, რომელიც ნაკლებად იცნობდა და საზოგადოდ არც უყვარდა ვერშული, საეჭვოდ გადააქნ-გადმოაქნია თავი.

— იქნება უეცრად ისე გაჰკვირდით და შეშინდით, რომ მცირედი შებრძოლება დიდ ბრძოლად მოგეჩვენათ, — სთქვა იმანა. — რასაც თქვენ ამბობთ, სწორედ დაუჯერებელი რამ ამბავია.

— გეთანხმებით, რომ დაუჯერებელია და სიამოვნებით გავწირავდი თავს, თუ დამიმტკიცებდა ვინმე, რომ მე ვცდები.

— მაშ როგორ მოჰხდა, რომ თქვენი პირველი განდით ვოლოჩისკსა? ვერ ვიფიქრებ, რომ თქვენ პირველი ივლტადით ბრძოლის ველიდან. მაშ სად არის სხვა ჯარი? საით წავიდა? რა დამართა? რატომ იმ ჯარმა არ გამოვასწროთ? ყუველ ამის პასუხს ამაოდ დავუწყებ ლოდინსა!

ვერშული სხვა დროს არ დასთმობდა ასეთს ლაპარაკს ახლა კი უპასუხა მხოლოდ:

— მე პირველი გაეჩნდი ვილოჩისკს, მაშინ, როცა სხვები ოჟიგოვეცისკენ მიდიან იმიტომ, რომ თავადმა განგებ გამგზავნა იქით, სადაც თქვენი ნახვა შემძლებოდა, რომ წინდაწინვე შემეტყობინებინა თქვენთვის ყოველივე. სულ არა იყოსრა, თქვენი რაზმი—ხუთასი კაცი,—ეხლა იმისთვის დიდი ამბავია: მისი დივიზიის ერთი ნაწილი ამოწყდა და ერთი ნაწილი აქეთ-იქით დაიქსაქსა.

— უცნაური ამბებია! — წაიბუტბუტა ზაგლობამ.

— საშინელებაა! გული ჰკენესის, ცრემლები თავის-თავად მოდის თვალთაგან! — დაიკენესა ვოლოდიეცკიმ. — სამშობლო დაღუპულა, შერცხვენილა! მაგისტანა ჯარი და იძლიოს! განკითხვის დღე დამდგარა სწორედ!

— სიტყვას ნუ აწყვეტინებ, — სთქვა სქშეტუსკიმ. — დააცა გვიამბოს ყოველივე.

ვერშული გაჩუმდა, თითქო ძალ-ღონეს იკრებსო. სხვილის წვიმის წვეთებს მძიმედ გაჰქონდა ტყუაბა-ტყუბი გზის პირის ტბორეებში; ცხენები ძლივს მიათრევედნენ ფეხებს ძალზედ ატალახებულ გზაზედა. შემოდგომის ბნელს ღამეში, ამ თავსხმა წვიმაში როგორღაც გულ-საკლავად ისმოდა სიტყვები ვერშულისა, როცა დაიწყო მან ლაპარაკი.

— იმის იმედი რომ არა მქონოდა, ომში დავდებ-ვეთქი თავსა, უსათუოდ კეუაზედ შევიშლებოდი. თქვენ ამბობთ, ქვეყნის დასასრული მოახლოვდაო და მეც ეგრე მგონია, რომ მალე დადგება დღე განკითხვისა, იმიტომ რომ ყოველივე შეირყა, ყოველივე კავშირი გაწყდა, ბოროტება ამარცხებს სათნოებას და ანტიქრისტე უკვე დადის ქვეყნადა. თქვენ არ გინახავთ, რაც მე ვნახე, ხოლო თუ თქვენ არ შეგიძლიანთ გულ-დამშვიდებით მოისმინოთ ჩემი ლაპარაკი, რაღა უნდა მემართებოდეს მე, არ-გაგონილის დამარცხებისა და შერცხვენის მოწამესა?! ომის დაწყებისას ღმერთი გვშველოდა. ჩვენმა თავადმა ძალა დაატანა თავსა და ჯერ ისევ ბანაკად დგომის

დროსვე შეურიგდა თავადს დომინიკს. ყველას გვიხაროდა, რომ ასე თანხმობა ჩამოვარდა და ვმადლობდით ღმერთსა. თავადმა კვლავ გაიმარჯვა კონსტანტინოვთან და კვლავ აიღო თვით ქალაქიცა. წავედით ახლა პილავეცსა, თუმცა თავადი არ გვირჩევდა. აი აქ კი დაუწყეს გზა-გზა შური და მტრობა ფარულად და თხრა ხნარცვისა თავადსა. თათბირის დროს ყურს არ უგდებდნენ, იმის ლაპარაკს შორს იქერდნენ, ხოლო უპირველეს ყოვლისა ცდილობდნენ გაეცალკეებინათ იმისი დივიზია, რომ თავადს აღარ შესძლებოდა მისი მთლიანად გამოყენება. წინააღმდეგობა რომ დაეწყო, ყოველს უბედურებას იმას დააბრალებდნენ და ამიტომ იყო ჩუმად, იტანჯებოდა და იტანდა ყოველსავე. გენერალ ფელდ-მარშალის ბრძანებით მსუბუქნი რაზმნი დარჩნენ კონსტანტინოვს ვურცელთან ერთად, არტილერიითა და მახნიცკითურთ. საბანაკო პანი ლიტვისა ოსინსკი და კორიციკის პოლკიც მოაშორეს თავადსა, ისე რომ თავადს დარჩა მხოლოდ გუსარები ზაცვილიხოვსკისა, ორი პოლკი დრაგუნთა და ნაწილი ჩემის სადროშო ჯარისა—სულ ორი ათას კაცზედ ნაკლები. ჩვენ ზიზლით გვექცევოდნენ და არც კი ჰფარავდნენ, რომ ვეჯავრებოდით. მე თვითონ გავიგონე, რომ თავად დომინიკის დამქაშები ასე ლაპარაკობდნენ: „ახლა ციტიციან, როცა გავიმარჯვებთ, რომ ყოველივე მარტო ვისნევეცკის უნარიანა?“ ხმა-მალლა ლაპარაკობდნენ, თუ თავადმა კიდევ ისახელა თავი, ისე გაძლიერდება, რომ არჩევანებზედ გაიმარჯვებს ბატონიშვილი კარლოსი, ჩვენ კი კაზიმირი გვსურსო. რომ გიამბოთ, რა ნაირ დაირღვა წესი და რიგი, რა უგუნური ნადიმი და ქეიფი იმართებოდა, რა ტრახანით წარმოსთქვამდნენ სიტყვას სიტყვაზედ ნადიმის დროს, სულ ერთია, არ დაიჯერებთ. ვის ეკადრება პიროსის ჯარები, როცა ჩვენი მხედრობა ასე ბრწყინავს ოქროთი და თვალ-მარგალიტითაო! ორასი ათასი მსახური, უამრავი ურმები მოგვდევდა უკან; ცხენები ძლივს მიდიოდნენ, ისე იყვნენ დატვირთულნი ფარჩა-აბრეშუმის ყაჯრებითა; ურმებს სულ კრიჭინი გაჰქონდა ვერცხლის ქურჭლის სიმძიმითა. კაცს ეგონებოდა, რომ შთელის

ქვეყნის დასაპყრობად ემზადებიანო. საყოველთაოდ ქუღზედ კაც-გამოსული თავად-აზნაურობა დილიდან საღამომდე სულ მათრახებს იქნედნენ მუქართა: აი, რით დავამშვიდებთ ტეტიებსაო; ხმალსაც კი არ ამოვიწვდით ქარქაშიდანაო“. ჩვენ კი ხნიერი ჯარის-კაცნი, რომელნიც ჩვეულნი ვიყავით მტრის უღეტას ხმა-ამოუღებლივ, მარტო ამ კმაყოფილებით აღსავსე ტრაბახისა და ლირფობის დანახვაზედ, წინაღვე ვგრძნობდით, რომ კეთილი არა დაგვეყრებოდა-რა. სულ პირველშივე ატყდა ჩხუბი და უსიამოვნება პან კისელის გამო; რიგი ამბობდა, რომ მოღალატეა ისაო, რიგი კიდევ იმის მხარეს იქერდა. გადაკრულებმა ხმლის ტრიალიც ასტეხეს. საბანაკო დარაჯნი არსად იყვნენ. არავინ წვისისა და რიგის დაცვას ყურს არ უგდებდა, არავის არა ეყურებოდა-რა და არც არავინ ემორჩილებოდა ვისმე; ყველა აკეთებდა იმას, რაც ჰნებავდა, მიდიოდა იქ, საცა უნდოდა. მსახურ-მხლებელნი ათას ურიგობას კადრულობდნენ... ოჰ, ღმერთო მოწყალეო! ღვინი იყო, ომი კი არა, ისეთი ღვინი, რომელშიაც დიდება რესპუბლიკისა სულ ერთიანად შესქამეს, შესვეს და შეიქნატუნეს ძვლიან-ფხიანად.

— ჩვენ კი ისევ ცოცხალნი ვართ!—სთქვა ვოლოდიევსკიმ.

— ღმერთი კიდევ ცაშია!—დასძინა სქშეტუსკიმ.

ვერშულმა განაგრძო:

— სულ დავიღუპებით, თუ ღმერთმა არ შეგვიპრალა, თუ დასჯა ჩვენი არ შესწყვიტა და არ მოგვანიჭა ჩვენ მიერ არ დამსახურებული პატივება. ხანდახან ჩემს თვალებსაც არ ვუჯერებ და ასე მგონია მაჯლაჯუნა მაწევს-მეთქი.

— მერე, მერე, გვიამბეთ, რა მოჰხდა, —აგულიანებდა ზაგლობა.— მიხვედით პილავეცსა და მერე...

— და დავდექით იქა. რა ითათბირეს იქ გეტმანებმა, არ ვიცი; ღმერთს გასცემენ იმისთვის პასუხს, რადგან უეცრად რომ შეეტიათ ხმელნიცკისათვის, გამარჯვება ჩვენ დაგვრჩებოდა, თუმცა ისე არეულ-დარეული იყო ჩვენი მხედრობა და არც მხედართ-მთავარი გვეყავდა. ყაზახთა შორის ჩხუბი და უთანხ-

მოება ატყდა, ბრბოს უნდოდა ხმელნიცკი შეეკრა და მიეცა უფროსთათვის, ხოლო თვითონ გაქცევას აპირებდა. ჩვენი თავადი ხან ერთს კარავთან გაჩნდებოდა, ხან მეორესთან, სთხოვდა, ევედრებოდა, ემუქრებოდა: „შევუტიოთ, ვიდრე ჯერ თათრები არ მოსულან, შევუტიოთო!“ იგლეჯდა თმებს, და ისინი კი ერთმანერთს შესცქეროდნენ, ვითომც აქ არაფერი ამბავიაო! იყო სმა და პურობა, იკრიბებოდა სვიმები... მოვიდა ამბავი, რომ თათრები მოდიანო. ხანს მოჰყავს ორასი ათასი ცხენოსანიო და ისინი კი სულ თათბარობდნენ. თავადმა ჩიქეტა კარი და იყო თავის კარავში, იმიტომ რომ სრულად არავითარს ყურადღებას არ აქცევდნენ. ჯარში დაიწყეს ლაპარაკი, რომ კანკლერმა უბრძანა თავადს დომინიკს, ნუ შეებრძოლები მტერსაო, მოლაპარაკება დაწყებულიო; უწესოება უფრო ძლიერდებოდა. ბოლოს მოვიდნენ თათრებიცა, მაგრამ ღმერთმა გვიშველა: პირველს დღეს თათრები შეეჯახნენ თავადს, პან ოსინსკისა და პან ლაშჩისა და იძლივნენ, ხოლო შემდეგ...

ვერშული აკანკალდა და ხმა ჩაუწყდა.

— შემდეგ-ლა? — ჰკითხა ზაგლობამ.

— საშინელი ღამე დაგვიღამდა. მახსოვს, დარაჯად ვიდექი ჩემის კაცებით მდინარეს ახლოს. უცბად მესმის, რომ ყაზახთა ბანაკში ზარბაზნებს ისვრიან და ერთა ყრიამულია, თითქო ეგებებიან ვისმეო. მომაგონდა, რომ ჯერ ყველა თათრები არ მოსულიყვნენ, მარტო ტულაი-ბეი მოვიდა და ვიფიქრე: იქნება ახლა თვით ყვენი მოვიდა და იმას ეგებებიან-მეთქი? ამ დროს ჩვენს ბანაკშიაც ხმაურობა ატყდა. მაშინადვე იქით გავექანე, ვეკითხები, რა ამბავია-მეთქი? შეუბნებიან: „გეტმანები წავიდნენო!“ თავად დომინიკთან გავექანე — არსად არის, მეორე უფროსთან — არც ის არის, სახასო მედროშესთან — ისიც წასულა! იესო ნაზარეტელი-მეთქი! ჯარის-კაცნი ფაცე-ფუცობენ მიედანზედ უთავბოლოდ, არის ერთი ყვირილი, ღრიანცელი, მაშხალების გაქან-გამოქანება აქეთ-იქით. ჰყვირიან: სად არიან გეტმანები, სად არიან გეტმანებიო? ზოგი ღრიალებს: „ღალა-

ტი! ღალატი! თავს უშველეთო!“ ყველას ისეთი შესახედაობა აქვს, თითქო გიჟები არიანო, თვალები აპრევიათ, ეროს ალას პროწილობენ, ჰკმაზავენ ცხენებს და მიჰქრიან, მიაჰენებენ და თვითონაც კი არ იციან, სად და საით წავიდნენ. ამ დროს მოდის თავადი თავის გუსარებითა; სულ ვერცხლში ზის; ექვსი მაშხალა მოაქვთ მის წინა; უზანგებზედ შემდგარა და ჰყვირის: „ნუ მირბიხართ, მე აქა ვარ, მოდით ჩემთან!“ მაგრამ ვინ უგდებს იმას ყურსა! იმისი ხმა არავის ესმის, იმას ვერავინა ჰხედავს; ღტოლვილნი ეჯახებიან მის გუსარებს, უშლიან მწკრივად სიარულს, ცხენოსანნი ყირამალა ცვივიან ცხენებიდან, თვით ცხენებიც ცვივიან ძირსა; თავადიც ძლივს გადაარჩინეს ამ არეულობაში; მერე აირია ყოველივე, ცეცხლები გაჰქრა. გაიქელა და საშინელს სიბნელეში ეს ოდენი ჯარი, თითქო ნიაღვარიანო, თითქო აღელებული წყალიანო, დაიძრა ბანაკიდან, მოედო სხვადა-სხვა მხარეს, მართალია, ივლტოდა, ილუპებოდა... ახლა აღარც ჯარია, აღარც მხედართ-მთავარნი არიან სადმე, აღარც რესპუბლიკა, დარჩა მხოლოდ ერთად-ერთი საშინელი შერცხვენა...

აქ ვერშულმა დაიკვნესა. მისი განწირულება სხვებსაც გადაედოთ. დიდ ხანს გასტანა საშინელმა მღუმარებამ. პირველად ზაგლობამ ამოიღო ხმა.

— უბრძოლველად, უომრად, ოჰ, ის წუწუკები, ოჰ, ის ძაღლის ნაშობნი! გახსოვთ, რანაირ ტრაბახობდნენ ზბარაეში, ხმელნიცკი შესაქმელად არ გვეყოფათ, სულ უმარლოდ, პილპილ მოუყრელად გადავყლაპაეთო! ოჰ, ის წუწუკები!

— მაშა! — შეჰყვირა ვერშულმა, — გაიქცნენ პირველ გამარჯვების შემდეგვე, როცა ბრბო და თათრები დავამარცხეთ, გაიქცნენ იმ ბრძოლის შემდეგ, როცა ქუდზედ მოსულნიც კი ისე იბრძოდნენ, როგორც ლომები.

— განგების ხელი სჩანს მთლად მაგ ამბავში, — სთქვა სქშეტუსკიმ, — გარნა მაგასთან ერთად სჩანს რალაც საიდუმლოცა, რომელიც უნდა გამომჟღავნდეს.

— ჯარს რომ უკან დაეწია, — შეჰნიშნა ვალოდღევსკიმ, — ეგ კიდევ არაფერი, ქვეყანაზედ ყოველივე მოხდება, თორემ

მხედართ-მთავარნი პირველნი ანებებენ თავს ბანაკსა, თითქო განგებ იქცევიან ასე, იმიტომ რომ გაუადვილონ მტერს გამარჯვება და მთლად მხედრობა თვისი გასწყვიტონო.

— მაშა, მაშა! — დაეთანხმა ვერშული. — ამბობენ, რომ განგებ მოიქცნენ აგრიო.

— განგებაო? გეფიციებით, რომ ეგ შეუძლებელია!

— ამბობენ, რომ განგებაო, ხოლო რისთვის მოიქმედეს ეგა, ვინ იცის, ვინ მიხვდება?

— სამარეშიაც ნუ ჰღირსებიათ მოსვენება, თავს-ლაფი დასხმია მთლად იმათ გვარს ამიერ და უკუნისამდე! — დაიძახა ზაგლობამ.

— ამინ! — დაუკრა კეერი სქშეტუსკიმ.

— ამინ! — გაიმეორა ეოლოდიევსკიმ.

— ამინ! — დაამთავრა წყევლა პან ლონგინუსმა.

— არის ერთი კაცი, რომელსაც შეუძლიან დაიხსნას სამშობლო, თუ იმას მისცემენ კვერთხს და რესპუბლიკის დანარჩენს ჯარს ჩააბარებენ, მხოლოდ ერთი კაცია, იმიტომ რომ სხვა არავინ უნდა არც ჯარსა და არც შლიახტას.

— თავადია! — სთქვა სქშეტუსკიმ.

— სწორედ ის არის.

— იმასთან ვიყენეთ, იმასთან დავიხოცნეთ. გაუმარჯოს ერემია ვისნევეცკის! — შეჰყვირა აღფრთოვანებით ზაგლობამა.

— გაუმარჯოს! მოისმა პასუხად არა მტკიცედ ხმა რამდენისამე და იგი ხმა ისევე ძალე ჩაწდყა, იმიტომ რომ, როცა დედამიწა თითქოს აპირობს გასკდეს, ხოლო ცა ჩამოქცევას აპირობს, თავს არ მოდის ყვირილი დალაღებითა და სიხარულითა.

აღმოსავლეთი შეჰღება წითლად განთიადმა. შორს მკრთალად გამოჩნდა ტარნოპოლის ციხე-სიმაგრე.

IX

პილავეციდან ლტოლვილ ჯარის პირველმა ნაწილმა მიაღწია ლვოვს 26 სექტემბერს დილითა. საშინელი ამბავი უც-

ბად მოედო მთელს ქალაქს და ზოგი ფიქრსა და ყოყმანში ჩა-
 აგდო, ზოგს თავ-ზარი დასცა შიშითა, ხოლო ზოგი აენთო
 და განწირულებით წყურვიელობდა შურის-ძიებას. პან სქშე-
 ტუსკი თავის რაზმით ორის დღის შემდეგ მივიდა, როცა ქა-
 ლაქი უკვე ავსებულყო ლტოლვილ ჯარის-კაცებით, თავად-
 აზნაურებითა და შექურვილ მოქალაქეთა მიერ. ფიქრობ-
 დნენ ქალაქის გამაგრებასა და მტრის დახვედრას (თათრებს
 დღეს არა, ხვალ შეეძლოთ მოსულიყვნენ), მაგრამ ვინ უნდა
 ყოფილიყო მოთავე ქალაქის დაცვის საქმეში, როგორ უნდა
 მოეკიდნათ ხელი ამისთანა მძიმე საქმისათვის? ყველგან უწყესოე-
 ბა იყო და შიშის ზარი იდგა. რიგი გარბოდა ქალაქიდან ბარ-
 გი-ბარხანითა და ხიზნითა, რიგი, ახლო-მანლო მცხოვრებნი
 ქალაქში მირბოდნენ და იქ ფიქრობდნენ თავი დაეფარათ;
 ერთნიცა და მეორენიც ავსებდნენ ქუჩებს, უშლიდნენ ერთმა-
 ნერთს და კინალამ თავ-პირს ამტვრევდნენ ერთმანერთს, ოღონდ
 კი თავისუფლად გაეკვალად გზა; საცა არა მგონია, ურმები
 იყო აჩხორილი, ტომრები და ბოხჩები იყო დაგროვილ-დახ-
 როვებული; ქუჩებში ქვეყნის ცხენები მოეგროვებინათ, სხვა-
 და-სხვა პოლკის ჯარის-კაცთ გაჰქონდათ ფუს-ფუსი; ყველას
 სახეზედ შიში ემჩნეოდა, მოუსვენარი ლოდინი და განწირუ-
 ლება აღბეჭდოდა. აცლი და ატყდებოდა ტყუილ-უბრალოდ
 ჟრიამული შიშისა და თავ-ზარ დაცემისა. დაიყვირებდა ვინმე:
 „მოდიან, მოდიანო!“ და ეს ამოდენა ბრბო დაიწყებდა ღელ-
 ვას, თითქო ზღვას ქარმა დაჰბერაო, თან შეპყრობილი გაუ-
 გებარის მოუსვენრობით გარბოდა, თვითონაც არ იცოდა, სად
 და რისთვის გარბოდა იმ დრომდე, ვიდრე არ აღმოჩნდებოდა,
 რომ მოდიოდა არა მტერი, არამედ რომელიმე ახალი რაზმი
 დამარცხებულ მხედრობისა. თან და თან სულ ბლომად და
 ბლომად იყრიდნენ თავს ამისთანა რაზმნი, მაგრამ, ღმერთო!
 რა საცოდავი სანახავი იყვნენ ეს ჯარის-კაცი, რომელნიც
 სულ რამდენიმე დღის წინად ოქრო-ვერცხლში ჩამსხდარნი,
 სირაქლემას ფრთებით შემკობილნი მიიმდეროდნენ თავ-მო-
 წონედ კისერ-მოღერებულნი ბეამბოხე ტეტიაობის შესამუსრა-

ვად! ახლა აბრანძულ-დაბრანძულნი, მშიერ-მწყურვალნი, და-
 ლალულ-დაქანცულნი, მტვრითა და ტალახით სავსენი იყვნენ;
 ისხდნენ გაძვალ-ტყავებულ ცხენებზედ, შუბლზედ შერცხვენის
 ბეჭედი ეკრათ და უფრო მთხოვრებსა ჰკვანდნენ, ვიდრე რაინ-
 დებს. სიბრალულის ღირსნი იყვნენ, მაგრამ სიბრალულს რა
 ადგილი ჰქონდა იმ ქალაქში, რომლის გალავანი შესაძლოა
 იყო ყოველ წუთს მტვრად ქცეულიყო ყოვლად-ძლიერის
 მტრის ერთის შემოტევითა. და აი თვითელი ამ შერცხვენი-
 ლის რაინდისა იმითი-ლა თუ ინუგეშებდა თავს, რომ ჰნახა
 თავის გარშემო ანგარიშ-მიუწლომელი, ასი და ათასი ამხანაგი
 ისიც ისევე შერცხვენილი თავ-ლაფ დასხმული, როგორც თვი-
 თონ იყო. პირველში ყველანი თითქო იმალებოდნენ როგორ-
 ლაც, მაგრამ თითქო იმიტომ რომ შემდეგ, პატარა გონს მო-
 სულნი, მოჰყოლოდნენ წყევლა-კრულვას და მუქარას, დაეწ-
 ყოთ თრევა ქუჩა-ქუჩა და ლოთობა დუქნებში და მით უფრო
 გაძლიერებინათ უწყესობა და მოუსვენრობა.

თვითელი ამას გაიძახოდა: „თათრები ახლო არიან!
 აიგერა მოდიან!“ რიგი გაიძახოდა, ცეცხლი მოუკიდეს სოფლე-
 საო; რიგი ფიცულობდა, ღმერთი, რჯული, იმიერ-ქორომელნი
 დაგვესხნენ თავსა და ძლივს გადფურჩითო. ბრბო შემოჰხვეოდა
 ჯარის-კაცთა და ისმენდა მათს ნაამბობს გულის-ხეთქითა. ბა-
 ნები ეკლესიებისა და ციხე-კოშკნი ავსებით იყო სავსე ცნო-
 ბის-მოყვარეთაგან; ჰრეკდნენ ზარებს განგაშის ნიშნად, ხოლო
 დედა-კაცი მცირე-წლოვანნი შეკრებილიყვნენ ეკლესიაში,
 სადაც მრავლად ანთებულს სანთლებს გაჰქონდათ ღადღადი
 და მათ შორის ბჭყვრიალებდა ოქროს ბარძიმ-ფეშხუმი წმიდა
 საიდუმლოთი.

პან სქუმეტუსკამ ძლივს გაიარა თავისი რაზმით გალიციის
 კარისაკენ მრავლად შეგროვილ ურმებისა, ცხენებისა და ამქ-
 რებ შორის, რომლებიც-თავთავიანთ ბაირალებით იდგნენ და
 გაკვირვებული შესცქეროდნენ რაზმს; მოქალაქეებს უკვირდათ,
 რომ ეს რაზმი არეულ-დარეული კი არ მოდიოდა, არამედ
 მწყრივად და მწყობისად, თითქო საომრად არის მომზადებუ-

ლიო. ვილამაც დაიძახა, ჩვენდა შემწედ მოვიდნენო და უეცარ-მა უსაფუძვლო სიხარულმა მოიკცა ეს ამოდენა ბრბო ხალ-ხისა, რომელიც იწევდა პან სქშეტუსკისკენ და ტბორდებო-და იმის უზანგოებთან. მოცვიდნენ ჯარის კაცნიცა და დაიწ-ყეს ყვირილი: „ეგენი ვისნევეცკებისანი არიანო! გაუმარჯოს თავად ერემიასაო!“ ხალხი უფრო-და-უფრო ბევრდებოდა და სქშეტუსკის რაზმი გაჭირვებით მიიწევდა ნელ-ნელა წინა.

ბოლოს სქშეტუსკის პირისპირ გამოჩნდა რაზმი დრაგუნთა, რომელთაც წინ ოფიცერი მოუძღვოდა. ჯარის-კაცი აქეთ-იქით ჰფანტავდნენ ხალხს, ოფიცერი ჰყვიროდა: „განი, განიო!“ და გაჰქონდა მათრახს უაპა-ქუპი იმათ ზურგზედ, რომელნიც მა-ლე არა სცლიდნენ გზას.

სქშეტუსკიმ იცნო კუშელი.

ახალგაზდა აფიცერი სულითა და გულით მიეგება ნაც-ნობებსა.

— ეს რა დროს შევესწარიო, რა დროსა!—სთქვა იმანა.

— სად არის თავადი?—ჰკითხა სქშეტუსკიმ.

— ჯავრით მოკვდებოდა, რომ რამდენსამე დღეს კიდევ დაგეგვიანებინათ: ისე გაფასებთ თქვენცა და თქვენს ჯარის-კაცებსაცა. ეხლა ბერნარდინებთან არის; გამოამგზავნა წესიერება იყოს ქალაქშიო, მაგრამ მე ისევ თქვენთან წამოვალ ეკ-ლესიაში. ეხლა იქ თათბირია.

— ეკლესიაში?

— დიად. თავადს ჩააბარებენ კვერთხსა; ჯარის-კაცი ამ-ბობენ, თუ სხვა გვეყულა უფროსი, ქალაქს არ დავიცავთო.

— წავიდეთ. მეც მინდა ვნახო თავადი.

წავიდნენ. გზა-გზა სქშეტუსკი ძიობდა ყოველსავე, რაც ამბავი იყო ლეოვში, გადწყვეტილია თუ არა, დავიცვათ ქა-ლაქიო.

— ახლა საკუთრად მაგისათვის არის თათბირი,—სთქვა კუშელმა.—მოქალაქენი მოწადინებულნი არიან დაიცვან ქა-ლაქი. რა დროს მოვესწარიო! მდაბიო წოდებისანი უფრო მეტს ვაგაკაობას იჩენენ, ვიდრე შლიახტა და ჯარის-კაცი.

— მხედართ-მთავარნი? რა დამართათ? ქალაქში არიან? წინააღმდეგნი იქნებიან თავადის არჩევანისა?

— საქმე ის არის, თვითონ არ იუაროს! უკეთესი დრო ჰქონდათ, რომ იმისთვის ჩაებარებინათ კვერთხი, — ახლა გვიან-ლაა. მხედართ-მთავარნი გარედ თავის გამოყოფას ვერა ჰბე-დავენ. თავადმა დომინიკმა დაისვენა კია მთავარ-ეპისკოპოსის სასახლეში და გასწია მაშინვე, კარგადაც ინება, ამიტომ რომ ვერ დაიჯერებთ, რანაირ ეჯაერება ის კაცი ჯარსა. რაცა ხა-ნია, ის აქ აღარ არის და ჯარის-კაცნი კი ჰყვირიან: „მოგვე-ცით ერთი, სულ ასო-ასო დაფულითოთო!“ სწორედ ვერც გა-დარჩებოდა ცოცხალი. პანი სახასო უფროსი პირველი მო-ვიდა აქა ლტოლვილთა შორის. ეს კიდევ არაფერი. დაუწყო ბრალდება თავადსა, მაგრამ ახლა ხმა-ჩაკმენდილია, რადგან ყველანი იმის წინააღმდეგნიც არიან. აღარავენ ერიდება და პირში აგონებენ, რაც ბრალი და დანაშაული მიუძღვის, ის კი ითმენს და ცრემლით იხრჩობა. საზოგადოდ, საშინელებაა, რომ იცოდეთ, რაც ამბავია!.. ვაი ამ დროს შემსწრეთა! გეუ-ბნებით, ღმერს მადლობა შესწირეთ, რომ თქვენ აქ არ იყა-ვით, პილავცის ბანაკში, იმიტომ რომ, თუ ვინც იქიდან გამოვიქცეთ და ჰქუაზედ არ შევიშალებთ მაინც, ეგ მხოლოდ რაღაც სასწაულით მოხდა.

— ჩვენი დივოზაა?

— სადღაა, აღარ არის, თითო-ოროლა კაცი-და კივი-ვობს. ვურცელი აღარა სჩანს, მახნიცკი არსად არის, ზაცვი-ლიხოვსკი გაჰქრა. პირველი ორი პილავცს არა ყოფილან; იმ ბელზებულმა თავადმა დომინიკმა კონსტანტინოვს დასტოვა ისინი, იქნება ამითი შევასუსტო ძლიერება თავადის ერემიასიო. წავიდნენ სადმე, მტერი შემოერტყათ გარშემო, — არავენ იცის. მოხუცი ზაცვილიხოვსკი კვალ-წმინდად გაჰქრა. ცამ უყო პი-რი, თუ დედამიწაზე, არა ვიცი-რა. ღმერთმა ქმნას, რომ მშვი-დობით გადარჩენილიყოს.

— ჯარის-კაცი ბევრნი არიან აქ შეგროვილნი?

— ბევრნი არიან, მაგრამ რაო? მარტო თავადი თუ მო-

უხერხებს რასმე, თუ კვერთხს მიიღებს; სხვას კი არას გაუგონებენ. თავადი ძალიან სწუხდა თქვენთვის და თქვენის ჯარისკაცებისათვის. ეგ ერთად-ერთი თქვენი სადროშო-ლა გადარჩა მშვიდობითა. ჩვენ ასე გვეგონა დაილუპნენ ერთიანად და გგლოვობდით.

— ეხლა ის არის ბედნიერი, ვისაც ჰგლოვობენ.

— ურდო მალე მოვა აქა?—ჰკითხა ზაგლობამ.

— ვინ იცის? შეიძლება დღეს მოვიდეს. ქალაქს არ შეუძლიან დიდ ხანს დაიცვას თავი, ვერ გამაგრდება. ხმელნიცკის ორასიათასი ჯარი მოჰყავს, თათრე ი რომ არ ვიანგარიშოთ.

— გათავდა!—სთქვა პასუხად შლიახტიჩმა.—ის გვერჩინა, რომ პირდაპირ წავსულიყავით და კისერი მოგვეჩხვრია სადმე. რისთვის გავიმარჯვებთ იმდენჯერ? რისთვისა ვძლიებთ?

— ვისა ვძლიებთ?

— კრივანოსსა, ბოგუნსა... ერთმა ტარტაროზმა იცის, ვის არა ვძლიებთ.

— ძალიან ამბავია!—აქ კუშელმა ხმა დაუდაბლა:—თქვენა პან პორუჩიკო, ვერაფრით განუგემათ ღმერთმა? ვერ იპოვეთ, რასაც ეძებდით? გაგებით მაინც ვერა გაიგეთ-რა?

— რა დროს მაგის ლაპარაკია?—კინალამ განრისხებით წარმოსთქვა სქშეტუსკომ.—რა მნიშვნელობა მაქვს ან მე, ან ჩემს გულის-ტკივილს, ჩემს მოუსვენრობას იმასთან შედარებით, რაც მომხდარა! ყოველივე ამოა და ამოაება, ხოლო ბოლოს სიკვდილი.

— მეც ეგრე ხგონია, რომ მალე მთელი ქვეყანა დაიქცევა და დაილუპება.

მოვიდნენ ბერნარდინების ეკლესიაში, რომელიც სანთლებით იყო გაჩაღებული. კარებ წინ უამრავი ხალხი იდგა, მაგრამ კარებს ჰდარაჯობდნენ შუბიანი ჯარისკაცნი, რომელნიც ეკლესიაში მხოლოდ სახელოვან რაინდებს უშვებდნენ.

სქშეტუსკომ უბრძანა თავის რაზმს გაშლილიყვენ და მეორე მწკრივად დამდგირიყვენ.

— შევიდეთ,—სთქვა კუშელმა.—ამ ეკლესიაში ნახევარი რესპუბლიკაა ახლა თავმოყრილი.

შევიდნენ ყველანი. კუშელი მართალი იყო. ვინც კი შესანიშნავი, დამსახურებული მოიპოვებოდა ქალაქში, ყველანი იქ შეკრებილიყვნენ სათათბიროდ. აქ იყვნენ მოურავ-ერისთავნიცა, კაშტელიანებიცა, პოლკოვნიკებიცა, როტმისტრებიცა, უცხოეთის ჯართა ოფიცრებიცა, სამღვდლოებაცა, თავად-აზნაურობაცა, ქალაქის მოთათბირე-მოვაზირენიცა თავიანთ მოურავ გროზვაიერთურთ. აქვე იყო თავადიცა, პანი სახასო უფროსიც, ერთ-ერთი მხედართ-მთავარი ძლეულის მხედრობისა, კიევის მოურავ-ერისთავაცა, მეუფროსე სტობანიცკიცა, ვესელიცა, არციშევსკიცა, პან საბანაკო დარაჯი ლიტველი ოსინსკი, — ყველა ესენი დიდ საკურთხევის წინ ისხდნენ, ისე რომ საზოგადოებას შეეძლო მათი დანახვა. საქმეებს არიგებდნენ საჩქაროდ, მოუსვენრობით, როგორც ყოველთვის არის ხოლმე ამისთანა შემთხვევაში. ორატორები დადგებოდნენ სკამებზედ და აფიცებდნენ დამსწრეთ, ნუ ჩავუგდებთ ქალაქს ხელში მტერს დაუცველად. თუნდ რომ დაეიღუპნეთ, ქალაქმა უნდა შეიმაგროს მტერი, ხოლო ამასობაში რესპუბლიკა ძალას მოიკრებს. რა გვაკლია ქალაქის დასაცველად? გარს გალავანი არტყია, ჯარი გვყავს, მხედართ-მთავარი გვინდა მხოლოდა. ამ სიტყვებზედ დამსწრენი მღვდლვარებდნენ და იწყებდნენ ყვირილსა. ყველა აღფრთოვანებას ეძლეოდა. „თავს დავსდებთ! თავს დავსდებთ სიხარულითა!“ — ისმოდა ყოველ კუთხიდან, მოვირეცხავთ პილავეცის შერცხვენას, გულ-მკერდით დავიფარავთ სამშობლოს!“ ამოწვდილი ხმლები ელავდა ათას ანთებულ სანთლებს შორის. ზოგნი კი ჰყვიროდნენ: „ჩუმად იყავით, რიგით იყოს!“ — „თავი დავიცვათ, თუ არა?“ — „დავიცვათ, დავიცვათ,“ — იძლეოდა პასუხს უმეტესობა, ისე, რომ ეკლესიის თალ-კამარანიც ბანს აძლევედა საერთო ხმას და იმეორებდა: — „დავიცვათო!“ — „ვინ იყოს მხედართ-მთავარი?“ — „თავადი ერემია, ის არის მხედართმთავარი! ის არის გმირი! დაე, იმან დაიცვას ქალაქი, რესპუბლიკა, დაე იმას ჩააბარონ კვერთხი! გაუმარჯოს თავადს ერემიას!“

აქ ათასის კაცთა გულ-მკერდიდან აღმოხდა ძახილი, ისეთი ძლიერი და ხმა-მაღალი, რომ კედლებმა ზანზარი დაიწყო და ფანჯრის შუშები წკრიალებდა ჩარჩოებში:

— თავადი ერემია, თავადი ერემია! გაუმარჯოს ღმერთმა, მტერი დაუმარცხოს!

ყველამ თვალი თავადს მიაპყრა, ხოლო თავადი წამოდგა დამშვიდებული, წარბ-შეკრული. კრებამ ხმა გაიკმინდა. ჩამოვარდა დიდი ღუმელი.

— ბატონებო! — სთქვა თავადმა რიჩიანის, გარკვეულის ხმით. — როცა კიმბერნი და ტევტონნი დაესხნენ თავს რესპუბლიკას, მარის მეტს არავის უნდოდა ეტვირთნა კონსულობა. გარნა მარის ნება ჰქონდა ეტვირთნა ეგ დიდი მოვალეობა, რადგან იმ დროს არ იყვნენ იქ მხედართ-მთავარნი, რომელნიც იყვნენ დანიშნულნი სენატის მიერ... და მეც ამ საშინელს ყოფაში, რომელშიაც ბედმა ჩაგვყარა, არ ვიტყვოდი უარს უფლებაზედ, და მწადიან კიდევ სიცოცხლე შევსწარო სამშობლოს, მაგრამ კვერთხის მიღება კი არ შემიძლიან, იმიტომ რომ მაგითი დავარღვევ სენატის უზენაესს ხელმწიფებას, ხოლო თავ-ქეიფა მხედართ-მთავრად ყოფნა არ მინდა. ჩვენ შორის იმყოფება ის, ვისაც ჩააბარა რესპუბლიკამ კვერთხი, ეგ გახლავთ პან სახასო უფროსი...

ეს იყო... თავადმა ვეღარ განაგრძო ლაპარაკი. პან სახასო უფროსის გახსენებაზედვე ასტყდა საშინელი ხმაურობა და ხმლების ჩხაკი-ჩხუკი; ამოდენა ბრბო შეირყა და აენთო, როგორც თოფის წამალი ნაპერწკლის მიახლოვებითა. „დაიკარგოს! დაიღუბოს! pereat! — იგრიალა ათასმა ერთად, — pereat! pereat!“ უფროსი საჩქაროდ წამოდგა; შებლზედ ცივ-ოფლდასხმული: ამასობაში ყვირილი უფრო ძლიერდებოდა, მუქარა ხალხისა უფრო სასტიკად გაისმოდა; უკვე ჰყვიროდნენ: „მოგვეცი თ ხელშიო!“ და ათიოდე გამძვინვარებულნი გადაერივნენ უმთავრეს საკურთხევლისაკენ. თავადმა დაინახა ესა, წამოდგა და გაიწოდა მარჯვენა ხელი, ხალხს ეგონა, რომ ლაპარაკი უნდაო და უცბად ხმა გაკმინდა.

გარნა თავადს უნდოდა შეეყენებინა აფეთქება ხალხის გრძობისა, არ მიეცა მისთვის ნება, სისხლი დაექცია ეკლესიაში. რაკი დარწმუნდა, რომ საშიშმა წუთმა გაიარა, კვლავ დაჯდა თავის ადგილზედ.

ორ სავარძელს იქით, კიევის მოურავ-ერისთავის გვერდით იჯდა საცოდავი სახასო უფროსი სარდალი. მთლად გათეთრებული თმით მოსილი თავი ძირს ჩაეკიდნა, ხელები უმწეოდ ჩამოშვებოდა, ხოლო მკერდიდან წამით-წამად აღმოხდებოდა ყრუ ქვითინი.

— ღმერთო! ცოდვათა ჩემთათვის მორჩილებით მიტვირთნია ჯვარი ჩემი.

ამ მოხუცის დანახვას ყოვლად გაქვევებულს გულშიაც კი უნდა აღედგა სიბრაღული, გარნა ბრბო უამისოდაც მუდამ შეუბრალებელია. მუქარა და ყვირილი კელავ ატყდა, მაგრამ ამ დროს წამოდგა კიევის მოურავ-ერისთავი და ანიშნა ხალხს, რომ მინდა ორიოდ სიტყვა ესთქვაო.

ის იყო აშხანავი თავადის ერემიასი და ყოველ მის გამარჯვებასა და ძლევა-მოსილებაში წილი ედო, იმის ლაპარაკს ხალხი სიამოვნებით ისმენდა.

მან მიჰმართა თავადს და უთხრა, გაფიცებ ყოველსავე, ნუ იტყვი უარს კვერთხის აღებაზედ და ნულარ ჰყოყმანობო. როცა რესპუბლიკა იღუპება, დაე კანონმა მიიძინოს, დაე საწმობლო დაიცვას იმ სარდალმა, რომელიც მთავრობისაგან არ არის დანიშნული, დაიცვას იმან, ვისაც შეუძლიან მისი დახსნა.

— მაშ აიღე კვერთხი შენ, უძლეველო სარდალო! აიღე, დაიხსენ არა ქალაქი, არამედ სრულიად რესპუბლიკა! იმის პირით მე, მოხუცი, გვედრები, ხოლო ჩემთან ერთად მთელი საზოგადოება, ყველა მისი წოდება, ყველა მამაკაცი, დედაკაცი და მცირე წლოვანნი... გეიხსენ ჩვენ, გვიხსენ!

ამ დროს მოხდა ისეთი ამბავი, რომელმაც გული აუჩუყა ყველას ღმობიერებით: მძიმე ძაძ-ვლასით მოსილი დედაკაცი მიუახლოვდა საკუთრთხეველს, დაჰყარა თავადის ფეხ-ქვეშ ოქროს სამკაულნი და ძვირფასი თვალ-მარგალიტი და ქვითინით დაემხო მუხლ-მოდრეკილი მის წინაშე.

— შენთან მოგვაქვს ჩვენი ქონება, შენთა ხელთა ვაკედრებთ ჩვენს სიცოცხლეს, გვიხსენ ჩვენ, გვიხსენი! ვიღუპებით!

ყველა სენატორებმა, რაინდებმა და მათ შემდეგ მთელმა ხალხმა ქვითინი დაიწყა. ყველა ერთს სიტყვას იმეორებდა:

— გვიხსენ ჩვენ!

თავადმა ხელები მიიფარა თვალებზედ, ხოლო როცა თავი მაღლა აიღო, შეამჩნიეს, რომ ისიცა სტიროდა. მაინც ჯერ ისეე ყოყმობდა. რა მოუვა რესპუბლიკის დიდებას, მე რომ კვერთხი მივიღოვო?

ბოლოს წამოაღვა თვით სახასო უფროსი სარდალიცა.

— მოხუცი ვარ, საცოდავი, ბედისაგან წელში გაღუნული,—სთქვა მან.—ნება მაქვს მოვიშორო ტვირთი, რომელიც ჩემს ძალ-ღონეს აღემატება და ვატვირთებინო უფრო ახალგაზდას. ჯვარცმულისა და მთლად ამ რაინდობის წინაშე შენ გაბარებ კვერთხს... აიღე!

მან გაუწოდა კვერთხი ვისნევეცკისა. ჩამოვარდა ისეთი მღუმარება, რომ ბუზის ფრენაც კი ისმოდა. მაგრამ აი გაისმა ღალღლებით ხმა ერემიასი:

— ცოდვათა ჩემთათვის, ვიღებ კვერთხს.

ყველა დამსწრენი თითქო უცბად დაითვრნენო. ბრბომ დამტვრია ხარბები, მიაწყდა საკურთხეველს და ტბორდებოდა ვისნევეცკის ფეხთა წინაშე, მიჰქონდა ფული და ოქრო-ვერცხლი. სამზიარულო ამბავი ელვასავით სწრაფად მოედო მთელს ქალაქს. ჯარის-კაცი კინალამ არ გაგიჟდნენ სიხარულით და ჰყვიროდნენ, გვინდა შევეუტიოთ ხმელნიცკის, თავს დავესხმით თათრებს, ხონთქარსაო. ქალაქის მკვიდრნი იმას კი აღარა ფიქრობდნენ, მივცეთ ქალაქი მტერსაო, არამედ ვიბრძოლოთ უკანასკნელ სისხლის წვეთამდეო; სომხებს თავიანთის ნებით მოჰქონდათ ფული ქალაქის გამგეობაში, ებრაელნი სამადლო-ბელს ლოცვებსა კითხულობდნენ სინაგოგებში. გალაგნის კედლებიდან ისროდნენ ზარბაზნებს, ქუჩებში გაჰქონდა გრიალი ზარბაზნებსა და ქახა-ქუხი დამბაჩებსა. ყვირილი: „გაუმარჯოს!“ მთელს ღამეს არ შეწყვეტილა. ვინც არ იცოდა საქმის ვითარება, ეგონებოდა, რომ ქალაქი გამარჯვებასა დღესასწაულობსო.

ის კი არა თუ, სამასი ათასი მხედრობა, — მხედრობა ისეთი, რომლისთანასაც ვერ გამოიყვანდა ვერც გერმანიის კეისარი, ვერც მეფე საფრანგეთისა, — მხედრობა უფრო მძინვარე, ვიდრე ურდონი თემურ-ლენგისა, უნდა ალყად შემორტყმოდა მალე და ძალიან მალე ამ ქალაქის კედლებს.

X

გავიდა ერთი კვირა და დილით, 6 ოქტომბერს გავარდა ლვოვში ხმა, რამდენადაც მოულოდნელი, იმდენადაც საშინელი, რომ თავადმა ერემიამ წაიყვანა უმეტესი ნაწილი ჯარისა, ღვთის ანაბარად დასტოვა ქალაქი და წავიდა სადღაცაო.

მთავარ-ეპისკოპოსის სასახლის წინ აუარებელმა ხალხმა მოიყარა თავი. არავის არა სჯეროდა, რომ თავადს თავი დაენებებინა ქალაქისათვის: ეგ შეუძლებელი საქმეაო, ჯარის-კაცნი ამტკიცებდნენ, რომ თავადი წავიდა ქალაქიდან, ალბად იმიტომ წავიდა, რომ დიდის მხედრობის შემწეობით დაჰხვეროს ქალაქის გარემონიო. უთუოდ ექვი აიღო, რომ ჯაშუშნი სწორეს არას ამბობენო, რადგან სულ იმას გაიძახოდნენ, ხმელნიცკი და თათრები საცაა მოადგებიან ქალაქსაო და ის კი არა თუ 26 სექტემბრიდან აგერ ათი დღე გავიდა, ხოლო თათრები კი არსადა სჩანდნენ. თავადს თავის თვალთ უნდა დარწმუნდეს, მართალია თუა არა ჯაშუშების ნალაპარაკევი და, დარწმუნდება თუ არა, მაშინვე დაბრუნდება უკანვე. ესეც რომ არ იყოს, ქალაქში რამდენიმე პოლკი დაუტოვებია და მის დასაცველად ყოველივე მზად არის.

მართლა ასეც იყო. ბრძანება ყველას მიცემული ჰქონდა, ყველას ჩაჰპარებოდა ადგილი, რომელიც უნდა დაეცვა, ზარბაზნები გამზადებული იყო ციხის კედლებზედ. საღამოზედ მოვიდა როტმისტრი ციხოსკი ორმოც და ათის დრაგუნითა. მრავალნი ცნობის მოყვარენი შემოეხვივნენ როტმისტრს ამბების გამოსაკითხველად, მაგრამ ციხოსკი გენერალ არციშევსკისთან გაეშურა; იმათ ორივემ დაიბარეს გროზავაიერი და თათბირის

შემდეგ რატუშაში წავიდნენ. იქ გროზვიერიმა გამოუცხადა გაოცებულ ხმონებს, რომ თავადი აღარ დაბრუნდება.

პირველ ხანს ყველას წილები დასწყდათ; ვილაც უგუნურმა წამოიძახა კიდეც: „მოღალატი!“ მაგრამ ამ დროს წამოდგა არტიშევსკი, მოხუცი მხედართ-მთავარი, სახელ-განთქმული ჰოლანდიის სამსახურში ყოფნის დროს, და მიჰმართა რაინდებსა და ხმონებს შემდეგის სიტყვითა:

— მე მომესმა თავგასული სიტყვა, სიტყვა მკრებელობისა და მრცხვენის იმის მაგიერ, ვინც ის სიტყვა წარმოსთქვა. თავადი წავიდა აქედან და აღარც დაბრუნდება,—ეს მართალია. განა გაქვსთ უფლება მოსთხოვოთ სპასალარს, რომელსაც კისრად უღვია დახსნა მთლად სამშობლოსი, მარტო ჩვენი ქალაქი დაიხსენიო? რა მოხდებოდა, რომ მთლად რესპუბლიკის დანაშთენს მხედრობას აქ შემოპრტყშოდა მტერი? არც სურსათი და არც თოფ-იარაღი, რაიცა საჭირო იყო იმოდენის მხედრობისათვის, აქ არ არის. მე ვამტკიცებ,—ხოლო თქვენ შეგიძლიანთ ენდოთ ჩემს გამოცდილებას, — რომ რაც უფრო მეტი ჯარი იქნებოდა აქ მომწყვდეული, მით უფრო ნაკლებ ხანს გასტანდა დაცვა ქალაქისა; შიმშილი უფრო მალე მოგვესეოდა, ვიდრე მტერი. ხმელნიცკის თავადის დარდი უფრო აქვს, ვიდრე თქვენის ქალაქისა. როცა გაიგებს, რომ თავადი ახალ ჯარებს აგროვებს და შეიძლება მოეშველოს ამ ქალაქსაო, უფრო ადვილად დაგიწყებთ მოლაპარაკებას მშვიდობის ჩამოსაგდებად. თქვენ ახლა დრტვინავთ, ხოლო მე გეუბნებით, რომ თავადი, რომელმაც დასტოვა ქალაქი და რომელიც შორიდან ემუქრება ხმელნიცკის, ამით უფრო ადვილად დაიხსნით თქვენცა და თქვენს შვილებსაც. გამაგრდით, იბრძოლეთ, შეაოკეთ, შეაფერხეთ მტერი პატარა ხანს მაინც და ქალაქსაც გადაარჩენთ და რესპუბლიკის საუკუნო მადლობასაც დაიმსახურებთ. ამისობაში თავადი ახალ ძალ-ღონეს შემოიკრებს, ჩააყენებს ჯარს ციხეებში, გააღვიძებს მთელემარე რესპუბლიკას და გამოეშურება თქვენს საშველად. მაშ გასწით და გამაგრდით გალაუნის კოშკებში და დაიხსენით თქვენი თავიცა, თქვენი შვილებიცა და მთლად რესპუბლიკაცა.

— კოშკებში წავიდეთ! კოშკებში! — გაიმეორა რამდენ-
შაბე უფრო ვაბედულმა კაცმა.

გროზვაიერმა, კაცმა მხნემა და გამბედავმა, სთქვა, რომ
ვიბრძოლებ, ვიდრე პირში სული მიდგაო.

იმედმა კვლავ გაამხნევა გული მოქალაქეთა, მით უმეტეს,
რომ ციხოცკიმაცა სთქვა:

— თავადს შემოუთვლია თქვენთვის, რომ მტერი ახლოს
არისო. პარუჩიკი სქშეტუსკი შეხვედრია სამი-ათასს კაცს თა-
თარებსა და დაუმარცხებია. ტყვენი ამბობენ, რომ ჩვენს უკან
დიდი-ძალი ჯარი მოდისო.

— კოშკებში წავიდეთ! — გასცა ბრძანება გროზვაიერმა.

— კოშკებში, კოშკებში! — გაიმეორეს აფიცრებმა და მო-
ქალაქეებმა.

გარედან საშინელი ხმაურობა მოისმა. ათასი კაცის ხმა
შეერთდა და იყო ერთი ღრიანცელი და ძახილი; ბოლოს, გაი-
ლო კარები და ქალაქის სახლში შემოცვივდნენ რამდენიმე
მოქალაქენი.

— ცა გაწითლებულია ცეცხლისაგან! ცა გაწითლებუ-
ლია! — დაიძახეს იმათ და აღარ დააცადეს გროზვაიერს, რომ
ეკითხნა, რა ამბავია, რა მოხდაო.

— გათავდა! — დაიძახა გროზვაიერმა, — კოშკებში გაემაგრ-
დეთ!!!

დარბაზი დაცარიელდა. მალე ზარბაზნების გრიღმა შეა-
ტყობინა ქალაქისა, მის გარე-უბნებისა და ახლო-მანლო სოფ-
ლების მცხოვრებთ, რომ მტერი უახლოვდება ჩვენს არე-მარე-
საო.

აღმოსავლეთად ცის-კიდური სულ გაწითლებულიყო ცე-
ცხლის ალითა, თითქო ზღვა უახლოვდება საცოდავს ქალაქსაო.

ამ დროს თავადი ეცა ზამოსტიესა, დაამარცხა თათრების
ის რაზმი, რომელიც ციხოვცკიმ ახსენა და დაუწყა გამაგრე-
ბა უიმისოდაც მაგარს ციხეს. სქშეტუსკი პან ლონგინუსითა

და თვისის სადროშოს ჯარის ერთის ნაწილიაუხრთ დარჩა ციხეში პან ვეიგერთან, ხოლო თავადი გაეშურა ვარშავას, სეიმსა ესთხოვ ახალის ჯარის მოსაკრეთად მიიღოს ღონისძიება და მონაწილეობას მივიღებ მეფის არჩევანშიო. ამ არჩევანზედ იყო დამოკიდებული ბედი ვისნევეცკისა და თვით რესპუბლიკისა, იმიტომ რომ, თუ ბატონიშვილს კარლოს აირჩევდნენ, ომის მომხრე დასი გაიმარჯვებდა, თავადს ჩაჰბარდებოდა უფროსობა მთლად რესპუბლიკის მხედრობისა და ატყდებოდა სასტიკი ბრძოლა ხმელნიცკის საწინააღმდეგოდ. ბატონიშვილი კი, თუმცა ისიც განთქმული იყო თვისის ვაჟკაცობით, მომხრე იყო კანცლერის ოსოლინსკისა და იმ აზრს ადგა, რომ ყაზახობასთან უფრო გამოდგება პოლიტიკა დათმობისაო. ორივე ძმანი ბევრ რამესა ჰპირდებოდნენ ქვეყანას და ყოველის ღონისძიებითა ცდილობდნენ ბლომად ჰყოლოდათ მომხრენი. ორივეს დასი სრულიად თანაბარი იყო მომხრეთა რიცხვითა და ძალ-ღონითა. ვინ გაიმარჯვებდა? კანცლერს ეშინოდა, ვაი თუ დღევანდელ გარემოებათა შორის თავადმა ერემიამ თავისკენ გადაჰხაროს სასწორი გამარჯვებისაო; თავადიც თავის მხრით ამგვარისვე მოსაზრებით, ეშურებოდა მხარი მიეცა თავის კანდიდატისათვის. ამიტომ მიისწრაფოდა ასე გაჩქარებით ვარშავას; მით უმეტეს, რომ დარწმუნებული იყო, ზამოსტიე დიდ ხანს შეიმაგრებს მთლად ხმელნიცკისა და თათრების მხედრობასაო. ლვოვი, უნდა ვიფიქროთ, გადარჩენილია ახლოა, რადგან ხმელნიცკი დიდ ხანს ვერ გაჩერდება ამ ციხეს ახლოს, როცა წინ უფრო მაგარი ციხე უდგას ზამოსტიესიო, ისეთი ციხე, რომელიც გზას უკრავს მტერს თვით რესპუბლიკის შუა-გულამდე მისაღწევადაო. ეს მოსაზრებანი ამაგრებდა თავადს და ახალ იმედს აღვიძებდა მის გულში, რომელიც ათასის ტანჯვითა ჰქონდა გაწამებული. დეე აირჩიონ კაზიმირი, მაინც ომი აუცილებელია და ამბოხება უნდა ჩაქრეს ორ-სამ ტოტად დაღვრილის სისხლითაო. ერემიას იმედი ჰქონდა, რომ რესპუბლიკა ერთხელ კიდევ შემოიკრება, დიდ-ძალს ჯარს, იმიტომ რომ მოლაპარაკებაც კი შეუძლებელია მშვიდობიანობის ჩა-

მოსაგდებად, თუ მხედრობა ძლიერი არ შემოიკრიბა რესპუბლიკამაო.

თავადი მიდიოდა რამდონისამე სადროშოს ჯართა და თან ახლდნენ პან ვოლოდივესკი და ზაგლობა, რომელიც ჯვარსა და სახარებას ფიცულობდა, რომ ასობით ხმას ვიშოვი ბატონიშვილის კარლოსისათვისაო, ვიცი როგორ უნდა მოექცეს კაცი შლიახტას და ისე ვათამაშებ, როგორც ჩემი ნებააო; ვოლოდივესკი წინ მიუძღოდა თავადის ამაღლას. სენნიცას, მინსკის ახლოს, თავადს ელოდა სასიხარულო, თუმცა მოულოდნელი შეხვედრა კნენა გრიზელდასი, რომელიც ბრესტ-ლიტოვსკიდან ვარშავას მიდიოდა, რადგან იქ უფრო უშიშრად იქნებოდა და ამას გარდა იმედი ჰქონდა, იქნება ჩემი ქმარი იქ მაინცა ვნახოვო. დიდი ხნის უნახავ ცოლ-ქმრის შეხვედრა მეტად გულის-მომწყველელი სანახავი იყო. კნენა თუმცა გულმაგარი აღამიანი იყო, ქვითინით გადაეხვია ქმარს და ეელარ დამშვიდდა კარგა ხანსა. რა ხშირად შიშობდა, არა აუტყდეს-რა ჩემს ქმარსაო, რა ნაკლებად ჰქონდა იმედი კვლავ მისის ნახვისა და ის კი არა თუ ღმერთმა შემებრალო და აგერ ვხვდავ ჩემს ქმარს, მეტის დიდებით მორკმულს, უფრო ძლიერს, ვიდრე ყოფილა ოდესმე, პირველ სპასპეტსა და სპასალარსა, ერთად-ერთს იმედს სრულიად რესპუბლიკისასაო. ამასა ჰფიქრობდა კნენა გულში და თვალ-ცრემლიანი სიყვარულით შეპყურებდა მის ძვირფასს, მოქანცულს სახეს, მის მაღალ შუბლს, ნაოქად შეკრულს, მის თვალებს, უძილობით დაწითლებულს ლაშქრობაში და კვლავ წამოუდუღდებოდა გული და ღაპაღუპით სცვიოდა ცრემლები. სეფე-ქალნიც თავს ვერ იკავებდნენ და სტიროდნენ ისინიცა. ბოლოს, კნენა დამშვიდდა ნელ-ნელა. ცოლ-ქმარმა დაუწყეს გამოკითხვა ერთმანეთს მეგობართა, ნათესავთა და ნაცნობთა ამბავისა. თავადმა უამბო, რომ სქშეტუსკიმ, დიდის მწუხარებით შეპყრობილმა, არ მოინდომა სატახტო ქალაქის მხიარულ ცხოვრებაში ჩაბმა და ამჯობინა ბანაკში დარჩენა თვისის გულის წყლულთა დასაამებლად. მერე პან ზაგლობა გააცნო ცოლსა: „ეს გახლავთ vir

incomparabilis, —სტჟეა თავადმა, —რომელმაც არა თუ ხელიდან წაართვა ელენე ბოგუნს, არამედ ხმელნიცის ბანაკშიაც კი მშვიდობით გაატარა, ხოლო შემდეგ ჩვენთან ერთად იბრძოდა ვაჟკაცურად კონსტანტინოვს ახლოს.“ „vir incomparabilis“ მძიმედ უკრავდა თავს კნენას და თვისსა გმირობას უფრო აღიდებდა თვისის სიმშვიდითა. ესეც კი უნდა ვსთქვათ, რომ ცალი თვალი სეფე-ქალისკენ ეჭირა. პან ზაგლობამ თუმცა დაჰკარგა იმედი ქალის გულის მონადირებისა, გარნა მანც სასიამოვნოდ ჰქონდა, რომ ლამაზი ქალები ისმენენ ჩემის ქველობის ამბავსაო. რასაკვირველია, არც უიმისობა იყო, რომ სიმწარეც არ გამოეცაღნათ ქალებსა: ვინ იცის რამდენჯერ გაიგონა კნენამ, როცა კი იკითხა ამა თუ იმ რაინდის ამბავი, პასუხი თავადისა: „მოჰკლეს, მოჰკლეს, თავი გასწირაო;“ ვინ იცის, რამდენჯერ მოისმა ამისთანა პასუხის შემდეგ ქვითინი სეფე-ქალთაგან!

ასე ერთოდა სიხარულს მწუხარება, ღიმილს ცრემლები. მაგრამ ყველაზე უფრო შეწუხებული იყო ტან-მორჩილი ვოლოდიევსკი. ამოდ იყურებოდა აქეთ-იქით, —კნიაენა ბარბარეს ვერსადა ჰხედავდა. მართალია, ლაშკრობაში, გამუდმებულ ბრძოლისა და მტრის ზვერა-დევნაში რაინდს, ცოტა არ იყოს, გულიდან გადაუფარდა კნიაენა ბარბარე, გარნა ახლა სიყვარული კვლავ გამეფდა მის გულში. საწყალმა ვოლოდიევსკიმ მწუხარედ ჩაჰლუნა თავი; უღვაშები, რომელიც მუდამ გაწკეპილი ჰქონდა, ახლა ძირს დაჰშვებოდა; სახეზედ აღარ ეტყობოდა იერი გულ-დამშვიდებისა, იდგა მღუმარედ და შაშინაც კი არ გაინძრა, როცა თავადმა ახლა იმას დაუწყოა ქება თავის მეუღლის წინაშე. ან კი რა მნიშვნელობა ჰქონდა მისთვის ყოველ-გვარ ქება-დიდებას, თუ მისი სულის-დგმა არ მოისმენდა?

იმის ბედზედ, ანნა ბოჟობოლატის ქალს შეეცოდა ყმაწვილი კაცი და, თუმცა წინად ბევრჯერ ჩხუბი მოსდიოდათ, გადასწყვიტა, ენუგეშებინა როგორმე. შეუმჩნევლად, ნელ-ნელა იწევედა და ბოლოს სულ მიუახლოვდა კია.

— დილი კარგა ყოფნისი, — მისცა ქალმა სალამი, — რამდენი ხანია ერთმანერთი აღარ გვინახავს.

— ოჰ, ანნა, ანნა, — უპასუხა დაღონებულმა პან მიხალმა, — ბევრმა კოკა წყალმა ჩაიარა მასუკან... სამწუხარო დროს მოგვიხდა ერთმანეთის ნახვა... ვინ იცის, რამდენი ნაცნობა და მეგობარი იკითხო და ველარ კი ჰნახო!

— ოჰ, ოჰ, რამდენს რაინდს ვაუწირავს თავი!

ანნამ ამოიოხრა და კვლავ განაგრძო:

— ჩვენც შევცოტავდით. პანნა სენიუტის ქალი გათხოვდა, ხოლო კნიაჟნა ბარბარე ვილნოს მოურავის მეუღლესთან დარჩა.

— და აღბად ისიც გათხოვებასა ჰფიქრობს?

— არა, მაგას ნაკლებადა ჰფიქრობს. მაგას რად მეკითხებით?

ანნამ ამოიკიჟა თავისი შავი თვალები და აღმაცერად შეჰხედა რაინდსა.

— ერთგული ვარ ვისნევეცკების მთელი გვარისა და იმიტომ, — უპასუხა პან მიხალმა.

— ოჰ, ეგ კარგი საქმეა თქვენის მხრით! — ჩამოართვა სიტყვა ანნამ. — კნიაჟნა ბარბარე დიდი მეგობარია თქვენი. არა ერთხელ უთქვამს: სად არის ნეტავი ახლა ჩემი რაინდი, რომელმაც ლუბნის ასპარეზობაზედ ჩემის სახელით ყველაზედ მეტი თავი მოჰკვეთა თათრებსა, რისთვისაც. ჯილდოც მიიღო ჩემგან? ნეტავი რას აკეთებს ახლა? ცოცხალია კიდევ თუ არა და ან ვახსოვართ კიდევ?

პან მიხელმა მალეობით შეჰხედა ანნას და პირველად შეჰნიშნა, რომ ძალიან გალამაზებულიყო.

— ნუ თუ კნიაჟნა ბარბარემ მართლა აგრე ილაპარაკა? — ჰკითხა ყნაწვილმა კაცმა.

— მერწმუნეთ. მაგას გარდა, ისიც მოიგონა, როგორ გადაახტუნეთ ერთხელ ცხენი იმის სახელობაზედ... გახსოვთ, წყალშიაც რომ ჩავარდით?

— სად არის ახლა ვილნოს მოურავის მეუღლე?

— ჩვენთან იყო ბრესტში, მაგრამ ამ ერთის კვირის წინად ბელსკს წავიდა და იქიდან ვარშავას მოვა.

პან ვოლოდიევსკიმ მეორედ შეჰხედა ანნას და ახლა კი ველარ მოითმინა.

— თქვენ ისე გალამაზებულხართ, რომ სულ თვალებსა მკრის თქვენი ეშხი,—სთქვა მიხალმა.

ყმაწვილმა ქალმა გაიღიმა.

— მაგას იმიტომ ამბობთ, რომ თავი მომაწონოთ და ტრფიალების ცეცხლი აღმიგზნოთ.

ვოლოდიევსკიმ მხრები შეიშმუშნა.

— თავის დროზედ ძალიან ვსცდილობდი მაგასა, ღმერთმა ხომ იცის, ვსცდილობდი, მაგრამ არა გამოვიდა—რა, ახლა კი მინდა, რომ პან პოდბიპენტა იყოს ჩემზე ბედნიერი.

— სად არის პან პოდბიპენტა?—ჩუმადა ჰკითხა ანნამა და თვალები დაჰხარა.

— ზამოსტიეშია, სქშეტუსკისთან; იქ დარჩა დროშის უფროსის მოადგილედ, მაგრამ რომ სკოდნოდა, ვისაცა ჰნახავდა აქა, ოჰ, ვფიცავ ღმერთსა, დაეთხოვებოდა და სულ თავ-პირის მტვრევით გამოგვეყვებოდა ჩვენა. მამაცი რაინდია და ღირსია ყოვლადის სიყვარულისა და პატივისცემისა.

— ომში?.. ომში როგორ იქცეოდა?

— თქვენ უთუოდ იმ სამის თავის ამბავზე მეკითხებით, რომელიც უნდა მოჰკვეთოს იმანა?

— მე არა მჯერა, რომ მართლა ეგ განზრახვა ჰქონდეს.

— უნდა გჯეროდეთ კი. უმაგისოდ არა იქნება—რა. გულდადებით ცდილობს, რომ მაგისთანა შემთხვევას არ ასცდეს. მახნოევას ახლო რომ ვიომეთ, წავედით და დავათვალიერეთ ის ადგილი, საცა პან პოდბიპენტა იბრძოდა, თვით თავადიც ჩვენთან ერთად წამოვიდა და აი რა უნდა გითხრათ: ბევრი რამ მინახავს ომში, მაგრამ იმისთანა სანახაობა კი ჯერ ჩემს თვალებს არ უხილნია. ბრძოლის დაწყებამდე თქვენს ოქრო-მკედის სარტყელს რომ შემოიკრავს ხოლმე, საშინელებაა. მენ-

დეთ, იპოვის სამს მოსაკვეთს თავსა, იპოვის, თქვენ არხინად ბძანდებოდეთ.

— ღმერთმა ბძანოს, რომ ყველამ იპოვნოს ის, რასაც ეძებს, — სთქვა ამოოხვრით ანნამ.

ამოიოხრა ვოლოდიევსკიმაც და, თვალები მალლა უნდა აღემართნა ცად მიმართ, რომ უცბად მისი ყურადღება სხვა მხარეს იქმნა მიქცეული. ოთახის მეორე მხრიდან გაბოროტებითა და განრისხებით უცქეროდა ვილაც უცნობი კაცი, რომელსაც უზარმაზარი ცხვირი ჰქონდა და ასეთივე უღვაშები.

კაცს შეეშინდებოდა იმ ცხვირისაცა, იმ უღვაშებისაცა და დაბრიალებულის თვალებისაცა, მაგრამ ვოლოდიევსკი მშინშარა და მხდალი კაცი არ იყო. ერთ დანახვაზედ გაჰკვირდა მხოლოდ და იკითხა:

— ვინ არის აის კაცი, იქით კუთხეში რომ სდგას? ისე მიბღვერის, თითქო უნდა შემჰამოსო და იმ უღვაშებსაც აქანავენს აქეთ-იქითა.

— აისა? — ჰკითხა ანნამ და გაიცინა. — ეგ პან ხორლამპია.

— ვინ არის ეგ წარმართი?

— სრულიადაც წარმართი არ არის. ვილნოს პან მოურავის დროშის კაცია, როტმისტრი სუბუქის ცხენოსანთა ჯარისა. გვაცილებს ვარშევამდე და იქ დაუცდის თვით მოურავსა. ნუ წაეჩხუბებით, კაცის მჰამელია.

— ვხედავ, ვხედავ. მაგრამ თუ კაცის მჰამელია, რამდენია ჩემზედ სქელი, მე რაღას მიბღვერის?

— იმას გიბღვერის, რომ... — ანნამ კვლავ სიცილი დაიწყო.

— რად მიბღვერის?..

— მე უყვარვარ და იმიტომ; თითონვე მითხრა, რომ ყველას, ვინც შენთან მოვა, სულ ნაჰქერ-ნაჰქერ ავკუწავო, და ახლა (არ გეხუმრები) მხოლოდ თავადის აქ ყოფნა აკავებს, თორემ წაგეჩხუბებოდა რაზედმე.

— ერიგიდი-ჰა! — სთქვა მხიარულად ვოლოდიევსკიმ. — მაშ, აგრეა პანნა ანნა? მაშ, ტყუილად არა ვმღეროდით ხოლმე: „ვითა ურლო თათართაო, ატყვევებ გულთ ჩვენ ქალთაო.“

გახსოვთ, პანნა? ისე ფეხს არ გადასდგამთ, რომ არავინ არ გადაჰრიოთ!

— რა ექნა, ეგ არის ჩემი უბედურება!—სთქვა ანნამ და ძირს დაჰხარა თვალები.

— რას იტყვის ახლა პან ლანგინუსი?

— ჩემი რა ბრალია, რომ პან ხარლამში მოსვენებას აღარ მაძლევს? მე ჭირივით მეჯავრება და ზედაც არ მინდა შეეხედო.

— აბა, აბა, გაფთხილდით, რომ თქვენის გულისათვის სისხლის-ღერა არ მოჰხდეს. პოდბიპენტა განხორციელებული სიმშვიდეა, მაგრამ სიყვარულის საქმეში კი ძნელია იმასთანა.

— ნეტავ ყურებსაც დაჰკრიდეს ამ ხარლამისა, ძალიან მოხარული ვიქნები.

ანნა მოტრიალდა, გაცქერიალდა მეორე მხარესა, საცა კარბონი იდგა, კნენას მკურნალი და დაუწყა რაღაც ჩურჩული ყურში.

იმის მაგიერ ვოლოდიეესკისთან მივიდა ზაგლობა და დიდ მნიშვნელოვანებით თვალი უყო ვოლოდიეესკის.

— პან მიხალ,—ჰკითხა მან,—ვინ არის ეგ ცქერიალა?

— პანნა ანნა ბოეობოლატის ქალია, კნენას საყვარელი სეფე-ქალი.

— ძალიან ლამაზია, მე და ჩემმა ღმერთმა! თვალები ცინათელას მიუგავს, ყელი ხომ...

— მაგ ქალს თავი დაანებეთ. პან პოდბიპენტას დანიშნულია.

— პან პოდბიპენტასი? ღმერთს რაზე სკოდავ? იმას ხომ უბიწოების აღთქმა აქვს დადებული? ამასაც თავი დაანებე, რა ცოლ-ქმარნი უნდა იყვნენ ან კია? ეგ ქალი ერთი ციქნაა, იმის ცალ უღვაშზედ დაეტევა.

— პაი-პა! აბა, პნახავ, თუ ხელშიაც არ დაიჭიროს მაგან თავისი ქმარი. ჰერკულესი უფრო ძლიერი იყო, მაგრამ დედაკაცმა დამონავეა.

— საქმე ის არის, რომ თვალეები არ აუბას ქმარსა. პირველი მე ვეცდები გავაცურო ჩემი მეგობარი.

— მსურველი მაგისი უთქვენოდაც ბევრი იქნება, მაგრამ არა მგონია, რომ ყველამ გაიმარჯვოს. ანნა კარგი ქალია, ძველებურის ოჯახის ასულია, ხოლო თუ ახლა თამამობს, იმიტომ რომ ყმაწვილია და ლამაზი.

— გულ-კეთილი ხარ და იმიტომ აქებ აგრე; მაგრამ აბა შეჭხედე, რა ღუბჭირი რამ არის აისა, რომელსაც ეხლა ელაპარაკება.

— იტალიელი კარბონია, მკურნალი კნენასი.

— უყურე ერთი, როგორ გაუბრწყინდა თვალეები იმ მახინჯსა, თითქო გააცხელაო. ვაიჰ, ცუდი საქმე კი მოუვა სწორედ საწყალ პან ლონგინუსსა! გამოკდილებით ვიცი მე ეგა, ყმაწვილობაშივე მიწვნევია მაგისთანა წვენი. როდისმე დაწვრილებით გიამბობ, ახლა კი დრო არ არის.

მართლაც, დრო მოვიდა წასვლისა. თავადი და კნენა თავ-გადახურულ ეტლში ჩასხდნენ, რომ ერთად ლაპარაკით გამაძღარიყვნენ ხანგრძლივის განშორების შემდეგ, სეფე-ქალნი თავ-ახდილ ეტლებში მოთავსდნენ, რაინდნი თავ-თავიანთს ცხენებს მოახტნენ,—და ყველანი გაემართნენ გზად. სენიციდან გზა მინსკზედ მიდიოდა, იქიდან პირდაპირ ვარშავას. რადგან დიდ-ძალმა ხალხმა მოიყარა თავი სამგზავროდ, იძულებულნი იყვნენ ნელნელა ეარნათ, ნაბიჯითა. ყველა ეშურებოდა არჩევანებზედ დასასწრებლად და მრავლად მიდიოდა ხალხი ვარშავას, როგორც ახლო-მანლო მიდამოდან, ისე შორეულ ლიტვიდანაც. გზაზედ მრავლად შეჭხედნენ მოგზაურ პანებს, რომელნიც მოოქროვილ ეტლებით მიდიოდნენ სატახტო ქალაქს, ხოლო ეტლებს გარს ერტყნენ უზარმაზარნი ჰაილუკნი, ოსმალურად დართულნი, აგრედვე ჯარის-კაცნი, მდიდრულად ჩაცმულნი. ყოველი მაგნატი იმასა ცდილობდა, რომ შეიძლება დიდებული გამოეჩნდე და დავაზნელო სხვისი სიმდიდრე და დიდებულ დიდ პანებთან ერთად მიდიოდნენ ერობისა და მახარების წარმომადგენელნიცა, რომელთაც გარს არავენ არ

ეხვიათ და ეტლებიც უფრო სადა ჰქონდათ. მიდიოდნენ ისეთ-ნი აზნაურშვილნიც, რომელთაც თითო ეტლის მეტი არა ჰქონდათ და შიგ ებათ ორი, ან სულ ბევრი ოთხი ცხენი. ყველანი შვიარაღებულნი იყვნენ: ერთს მხარზედ ჯაზაირი, მეორეზედ ხმალი, ხოლო თუ სამხედრო სამსახურში ნამყოფი იყო, გრძელი შუბიცა. ეტლებს უკან მორბოდნენ მწვეარ-მეძებრები, არა სანადიროდ, არამედ ბატონების გასართობად. შემდეგ მიჰრიალობდნენ ოთხ-თვალიანი ურმები ბარგი-ბარხანითა და ნამცხვარ-ნუზლ-სანოვაგითა. როცა ქარი გადაჰყრიდა გზიდან მტვერს, მთელი გზა ერთს გრძელს ზოლსა ჰგავდა, ოქრო-მკედითა და აბრეშუმის ძაფით ნაკერსა. ზოგან მუსიკის ხმაც მოისმოდა, იმიტომ რომ ზოგიერთს პანს თან წამოეთრია მთელი ორკესტრი; იყო ერთი ქრიამული, ყვირილი, ჩხუბი და გინება, როცა ერთნი ნებით არ დაუთმობდნენ ხოლმე გზას მეორეებს.

თავადის ეტლებთანაც არა ერთხელ მოვიდოდნენ ხოლმე ცხენოსანნი ჯარის-კაცი და სთხოვდნენ გზა მოგვეციოთ, ამა და ამ დიდებულმა წინ გაიაროსო, მაგრამ გაიგებდნენ თუ არა, ვისთანაც ჰქონდათ საქმე, უკანვე დაბრუნდებოდნენ ხოლმე და დიდებულნი თვითონვე აუქციევდნენ ხოლმე გზასა. საცა ჩამოხდებოდა თავადი, თავად-აზნაურობა და ჯარი ზედ ესეოდა გზას, იქნება თვალი მოეკრათ რესპუბლიკის დიდებულს წინამძღვარსაო. არც უიმისობა იყო, რომ არ აეტეხნათ ხოლმე ნიშნად მისალმებისა ძახილი: „გაუმარჯოს თავადს ერემიასაო!“ თავადი თავაზიანად უკრავდა ხოლმე თავსა და ჰმადლობდა თავის პატივის-მცემელთ, ჯერ იმიტომ რომ თავაზიანი იყო საზოგადოდ და მერე იმიტომაც, რომ მომხრენი მოეპოვებინა ბატონიშვილის კარლოსისათვის.

ბრბო ცნობის-მოყვარეობით სინჯავდა თავადის სადრო-შოს ჯარებსაცა, ამ „რუსინებსა“, როგორც ხალხი უწოდებდა თავადის ჯარის-კაცთა. ახლა ისინი ისე დაღალულნი და დაბრანძულნი აღარ იყვნენ, როგორც კონსტანტინოვის ბრძოლის შემდეგ, — ზამოსტიეში თავადმა ყველას დაუახლო ტანი-

სამოსი, — მაგრამ მაინც სატახტო ქალაქის მიდამოთა მცხოვრებლები გაკვირვებით ათვლიერებდნენ, სწორედ ქვეყნის კიდურებიდან მოსულებსა ჰკვირებდნენ. ვინ იცის, რამდენი ზღაპარი და არაკი იყო შეთხზული იმ უსამზღვრო მინდვრებისა და საიდუმლოებით სავსე ტყეების შესახებ, საცა ამისთანა რაინდობა იბადებოდა, ქედ-შალაღი, განადირებულის სახითა, რომელიც, ალბად, თავიანთ ნადირ-მეზობლებს უგავთო.

ხოლო თავადს შემდეგ უმეტეს ყურადღებას აქცევდნენ პან ზაგლობასა, რომელმაც შალე შეაჩნია ესა და ისეთის გულ-ზვიადობით აბრიალებდა აქეთ-იქით თვალებსა, რომ ხალხი ჩურჩულით ეუბნებოდა ერთმანერთსა: „ალბად ეს უნდა იყოს პირველი რაინდი იმათ შორისაო“!

ხან და ხან ზაგლობა ლაპარაკსაც დაუწყებდა ხოლმე გარეშემო შემოჯარებულთა, უფრო კი დასცინოდა; დასცინოდა მეტადრე ლიტვის სადროშოს ჯარებსა. ზოგიერთს ლიტველს გული მოუვიდოდა ხოლმე, იძრობდა ხმაღს, მაგრამ, რაკი მოიფიქრებდა, რომ თავ-გასული ლაპარაკი რუსეთის მოურავის ჯარის-კაცმა დაიწყოვო, გაათურთხებდა და გაშორდებოდა ზაგლობას.

ვარშავას ახლოს ისეთი მჭიდროობა იყო, რომ მხოლოდ ნელის ნაბიჯით შეიძლებოდა წინ სიარული. არჩევნებს, როგორც სჩანდა, დიდ-ძალი ხალხი უნდა დასწრებოდა, ვარშავაში თავს იყრიდნენ თავად-აზნაურნი თვით შორეულ რუსეთისა და ლიტვის პროვინციებიდან, უფრო კი იმიტომ, რომ აქ დახიზნულიყვნენ უშიშრად. და თუმცა არჩევანები ჯერ შორს იყო, სეიმის კრებანი მხოლოდ ახლად დაწყებულ იყო, შლიახტა მაინც ერთისა და ორის თვის წინად ესწრაფებოდა ვარშავას მისვლასა, რათა წინდაწინვე უკეთესი ბინა ეშოვნა, ძველნი ნაცნობნი ენახა, ექვიფნა პანების სასახლეში და გართობილიყო სოფლის ცხოვრების ერთ-ფერობით გულ-შეწუხებული.

თავადი მწუხარებით უყურებდა სტოლის თანჯარიდან ამოდენა რაინდობას, ჯარის-კაცთა და შლიახტას და ჰფიქრობდა, რა დიდი ჯარი შესდგება ამათგანაო. მაშ რაღაა მიზეზი, რომ

რესპუბლიკა, ასეთი ძლიერი, ხალხ-მრავალი და მამაცი რაინდებით სავსე, იმავე დროს იმდენად სუსტია, რომ ვერ გაუმკლავდება მარტო ერთს ხმელნიცკისა და განადირებულ თათართა ურდოსაო. რა მიზეზია? ხმელნიცკის ასი-ათასობით ჯარისათვის შეიძლებოდა წინ დაგვეყენებინა ასი-ათასობითვე ჯარი, ოღონდ კი ამ შლიახტის, ამ ჯარის-კაცთ, ამ სიმდიდრესა და გარდამეტებულს სიუბევს, ამ პოლკებსა და დროშებს ისევე მოენდომებინათ სამსახური საზოგადო საქმისა, როგორც ეტანებთან კერძო საქმის სამსახურსაო. „ქველობა ჰქრება რესპუბლიკაშიო, — ჰფიქრობდა თავადი, — და დადებული სხეული იწყებს ხრწნასა; ვაჟკაცობა იღუპება და ქიფსა და ნადიმს ამჯობინებს თავად-აზნაურობა სამხედრო ღვაწლსა და სამხედრო დიდებას!“ თავადი რამდენადმე მართალი კაცი იყო, გარნა რესპუბლიკის ნაკლებულებისას ისე ჰფიქრობდა როგორც ჯარისკაცი; იმას უნდოდა, რომ მთლად მკვიდრნი ჯარის-კაცებად გადაექცია და მიეტევებინა მტრისათვის. ვაჟკაცობა ჯერ არ გამქრალიყო; მან თავი იჩინა კიდევ, როცა რესპუბლიკას ცა მოელუშა და მრისხანე ღრუბლებმა მუქარა დაუწყა ქვეყანას. რესპუბლიკას სხვა რამ აკლდა... რა? — თავადმა — მეომარმა ეს არ იცოდა, ხოლო ეს იცოდა მისმა მტერმა, უფრო შორს-გამკვრეტელმა პოლიტიკოსმა, სახასო კანცლერმა.

აგერ შორს ბურუსით მოცულ ცის დასავალზედ გამოჩნდა დაკბილული წვერები ვარშავის კოშკებისა და თავადიც იძულებული იყო თავი დაენებებინა ფაქრებისათვის. მან ბრძანება მისცა ექსკორტის უფროსს; ვოლოდიევსკი მოშორდა იმ ეტლს, რომელშიაც იჯდა პანა ანა და გაექანა წესიერების დასამყარებლად ჯარში. მაგრამ ჯერ რამდენიმე ნაბიჯი არ გაეარნა, რომ დაინახა ვიღაც მოსდევს უკანა. მოიხედა და პან ხარლამპი კი იყო, როტმისტრი ვილნოს პან მოურავის სუბუქის სადროშოსი, ანნას მოტრფიალე.

ვოლოდიევსკიმ შეაყენა ცხენი. მაშინვე მიხედა, რომ აქ საქმე უჩხუბრად არ გათავდება, ხოლო პან მიხალს ძალიან უყვარდა ამისთანა ჩხუბისა და დავიდარების გადაკიდება. პან

ხარლამში დაუმხარდამხარდა და ჯერ არას ეუბნევოდა; მხოლოდ ჰქმინავდა, რაც შეეძლო, და მრისხანედ ისე მდა უღვაშებზედ ხელსა. ეტყობოდა, რომ არ იცოდა, რა ეთქვა და ან როგორ დაეწყო ლაპარაკი; მაგრამ ბოლოს კი, როგორც იყო მოახერხა:

— სალამს გაძლევ, პან დრაგუნო!

— ღმერთმა გაგიმარჯოს, პან ამალისაო!

— როგორა ჰბედავთ და ამალის კაცს მეძახით?— გამძვინვარდა პან ხარლამში,— მე როტმისტრსა?

პან ვოლოდივესკიმ დაუწყო მალლა სროლა თავის ნაჯახსა და მთელს თავის ყურადღებას იმას აქცევდა, რომ ყოველ მალლა შეგდებაზედ ნაჯახი ისევ ტარით დაეჭირა.

— თქვენს ნიშნებზედ ვერ შევამჩნიე, რა წოდებისაა ბრძანდებით, — დაუდევნელად წარმოსთქვა პან მიხალმა.

პან ხარლამში უფრო აენტო. ვოლოდივესკის გულ-დამშვიდება უფრო აბრაზებდა.

— როგორ ჰბედავთ, რომ წინ მელობებით გზაშია.

— თქვენ, როგორცა ვხედავ, ჩხუბი გინდათ და საბაბს ეძებთ?— ჰკითხა ისევ მშვილად ვოლოდივესკიმ.

— იქნება ვეძებ კიდეც და გეტყვი კიდეცა (პან ხარლამში გადიხარა ვოლოდივესკისაკენა და ჩურჩულით უთხრა ყურში), რომ ყურებს დაგაჭრი, თუ კიდევ დაგინახე როდისმე პანნა ანნას ახლოს.

პან ვოლოდივესკიმ კვლავ დაუწყო ცოდვილი თავის ნაჯახს და ისე აცოდვილებდა, თითქო დიდს საქმეს აკეთებს რასმეო.

— ეჰ, პან როტმისტრო, დამაცადე, პატარა კიდევ ვიცოცხლო ამ ქვეყნად, რა ყურადღებას მაქცევე მე, ნეტავი!— უთხრა თითქმის თხოვნით ვოლოდივესკიმ.

— ოჰ, ვერა! ვერ გამისხლტებით ხელიდან მაგისთანა ლაპარაკით!— შეჰყვირა პან ხარლამში და სწვდა სახელოში ტან-მორჩილ რაინდსა.

— მე არც გისხლტები ხელიდან, — წინანდებურისავე კილოთი განაგრძო ვოლოდივესკიმ, — მაგრამ ეხლა სამსახურს ვა-

სრულგბ და თავადის ბრძანებით მიედღვარ წესიერების ჩამოსაგღებათ ამოდენა ხალხში. ხელი გაუშვით ჩემს სახელოს, გაუშვით-მეთქი, პან როტმისტრო, თორემ სხვა ღონე აღარა მექნება-რა მე საწყალს იმის მეტი, რომ შიგ შუბლში გთხლიშო ეს ნაჯახი.

ახლა კი ვოლოდიევსკის მორჩილებით სავსე ხმას ისეთი გესლიანი კილო დაეტყო, იმისმა მწარე ხმამ ისეთი სისინი დაიწყო, რომ პან ხარლამპმა უნებურის გაკვირვებით შეჰხედა ამ პატარა რაინდსა და უშვა ხელი მის სახელოს.

— ჰმ, სულ ერთია!—სთქვა მან,—ვარშავაში გამცემთ პალახს. იქ გიპოვით და გაჩვენებთ სერის!

— მე არ დაგემალებით, მაგრამ როგორ უნდა ვიბრძოლოთ ვარშავაში? მიყავით სიკეთე და მასწავლეთ მაინცა! ჯერ აქ სულ არა ვყოფილვარ ჩემს სიცოცხლეში, უბრალო ჯარისკაცი ვარ და გამიგონია კი, რომ იქ სამარშლო სამჯავროებია, რომლებიც სიკვდილით თურმე სჯიან, ვინც გაჰხედავს და მეფის სამყოფელს ქალაქში ხმალში ვაფა ვისთანმე საბრძოლველად.

— გეტყობათ, რომ ვარშავაში არა ყოფილხართ და რომ მართლა შორს არა სქრის თქვენი გონება, როცა გეშინიანთ სამარშლო სამჯავროებისა და არ იცით, რომ უმეფობის დროს სხვა სამსჯავრო განაგებს მაგისტანა საქმეს და იმ სამსჯავროში ისე სასტიკად არ ეკიდებიან ხმალში გასულთ. ესეც რომ არ იყოს, თქვენის ყურებისათვის სიკვდილით დასჯას არ გადამიწყვეტენ, დარწმუნებული ბრძანდებოდეთ.

— გამდლობთ ჭკუის სწავლებისათვის და შემდეგაც ხშირად მოგმართავთ, რომ რჩევა-დარიგება მომცეთ ხოლმე. გატყობ, გამოცდილი და ქვიანი კაცი ბძანდები, მე კი პირველი კლასი ძლივს გავათავე სკოლაში და ვაი-ვაგლახით შევეათანხმებ ხოლმე *adjectivum cum substantivo*, თუმცა, ღმერთმა კი დამიფაროს, რომ მინდოდეს სულელი დაგედახა, ვიტყოდ: *stultus*, და არა *stulta* ანუ *stultum*.

პან ხარლამპი ჯერ სახტად დარჩა, მერე უცბად იძრო ხმალი, მაგრამ ტან მორჩილმა რაინდმაც ესევე მოიქმედა ელ-

ვის სისწრაფითა. ერთის წუთის განმავლობაში ასე უყურებდნენ ერთმანერთს, მაგრამ პან ხარლამში პირველი მიხვდა, რომ თვით თავადი მომთხოვს პასუხს, თუ თავს დავესხი აფიცრეს, რომელიც მისის ბძანებით მიღის გზალა და პირველმავე ჩაგო ხმალი ქარქაშში.

— მოიცადე და მე გიპოვნი შენა, შე ძაღლის ნაშობო! — სთქვა მან.

— მიპოვი, მიპოვი, ბოტვინია! — უპასუხა ვოლოდიევსკიმ. ორივენი განშორდნენ ერთმანეთს და აქეთ-იქით წავიდნენ. პან მიხალმა სწრაფად დააწყა წესზედ ქვეითი და ცხენოსანი ჯარი და თვითონ წაუძღვა წინა. მალე ზაგლობაც დაეწია.

— რას გელაპარაკებოდა, ან რა უნდადა შენგან, ის ზღვის ურჩხული? — ჰკითხა ზაგლობამა.

— პან ხარლამში? არაფერი, ხმალში გამომითხოვა.

— წადი და ელაპარაკე ამას! კაცო, ის ხომ თავის ცხვირით გაგხვრეტავს უშაზედ? გაფრთხილდი, პან მიხალ, როცა ბრძოლას დაიწყებთ, არ მოაქრათ კაცს უდიდესი ცხვირი მოელს რესპუბლიკაში. ბედნიერი ვილნოს მოურავი! სხვებმა უნდა საზვერაო რაზმნი გაგზავნოს, მტერი ახლო ხომ არ არისო და იმას კი ისეთი როტმისტრი ჰყავს, რომ შორიდანვე სუნს დაიცემს და ყველაფერს შეიტყობს მტრისასა. რაო, ახლა, რისთვის გამოგიწვია?

— იმისთვის, რომ პანნა ანნა ბოკობოლატის ქალის ეტლს ახლო რად მიდიოდო.

— ერიპა! უნდა გეთქვა, რომ ზამოსტიეში წადი პან ლონგინუსთანა-თქო. ის აჩვენებდა მაგას თავის სეირსა. ეგ ბოტვინია იქ არ მოხვდა ჯამში, საცა უნდა მოხვედროდა. ეტყობა ცხვირზედ უარესი ბედი არა ჰქონია.

— პან პოდბიპენტასი არა მითქვამს-რა იმისთვის, — სთქვა ვოლოდიევსკიმ, — იმიტომა რომ თავი რომ დაენებებინა ჩემთვის? მაგის ჯიბრზედ დაუწყებ. ახლა ტრფიალს ანასა, — კარგია, გავერთობი მაინცა. თორემ რა უნდა გავაკეთო, აბა, ვარშაეაში?

— ვიშოვით საქმეს, ვიშოვით, პან მიხალ,—დაამშვიდა თვალის გადაკვრით ზაგლობამ.—როცა ყმაწვილობაში სადროშოს დეპუტატი ვიყავი და აქეთ-იქით დავდიოდი სხვა-და-სხვა საქმეებისათვის, იმისთანა ცხოვრება არსად არ მინახავს, როგორც ვარშავაში მქონდა ხოლმე.

— რაო? ვითომ იქა სჯობიან, ეილრე ჩვენსა, გაღმა მხარეში?

— დიალა, მაგას რალა თქმა უნდა!

— ძალიან სასიამოვნოა, აბა ვნახოთ, მაშა!—სთქვა პან მიხალმა და მერე დაუმატა:—იმ ტუტუსს კი მაინც უღვაშები უნდა შეეკრიკო, თორემ ძალიან გრძელები აქვს.

XI

გავიდა რამდენიმე კვირა. თავად-აზნაურობა თან-და-თან უფრო მეტი იკრიბებოდა არჩევნებისათვის. ქალაქის მცხოვრებთა რიცხვმა ერთი-ორად იმატა. თავად-აზნაურობასთან ერთად მრავლად მოდიოდნენ ვაჰარნიცა ქვეყნის ყოველ კუთხიდან, დაწყებული შორეულ სპარსეთიდან ზღვას იქით მდებარე ინგლისამდე. ერის-ნება მოედანზედ სენატისათვის აგებული იყო ხის შენობა, ხოლო მის გარშემო თეთრად გადაპენტილიყო ათასობით კარები. არავინ იცოდა, ორს კანდიდატში რომელი იქმნებოდა არჩეული, ბატონიშვილი კაზიმირი, კარდინალი თუ კარლოს ფერდინანდი, ეპისკოპოსი პლოცკისა. გულხელ-დაკრეფილი არც ერთი დასი არ იყო. ათასობით პამფლეტები და დაბეჭდილი ფურცლები აუწყებდა ქვეყანას ორისავე კანდიდატის ღირსება-ნაკლულევენებას. კარლოსის მხარე ეჭირა, როგორც ვიცით, თავადს ერემიას, რომელიც ძლიერი იყო მით, რომ ძლიერ უყვარდა შლიახტას, ხოლო ბოლოსა და ბოლოს შლიახტაზედ იყო დამოკიდებული ყოველივე; მაგრამ კაზიმირსაც ნაკლებად არა ჰყავდა მომხრენი. იმისი მხარე ეჭირათ დიდებულებს, კანცლერსა, პრემიასა, მაგნატების უმრავ-

ლესობას; მაგნატებშივე ერია თავადი დომინიკ ზასლაესკი, მოურავი სანდომირისა, ყოვლად ძლიერი კაცი არა თუ მთლად რესპუბლიკაში, არამედ ევროპაშიაც, ისეთი კაცი, რომელსაც ყოველ წუთს შეეძლო თავისი აღურაცხველის სიმდიდრის წყალობით თავის კანდიდატისაკენ გადაეხარა სასწორი გამარჯვებისა.

მაინც კაზიმირის მომხრენი არა ერთხელ ჩავარდებოდნენ ხოლმე მწარე ექვსა და საგონებელში. შლიახტა უფრო-და-უფრო მოდიოდ და მოდიოდა ქალაქში, ხოლო შლიახტა მოხიბლული ვისნევეცკის სახელით, სულ მთლად ბატონიშვილის კარლოსის მხარეზედ იდგა. ბატონიშვილი კარლოსი გულ-უხვი კაცი იყო, მამულის შვილობის გრძობით გატაცებული, რომელმაც რამდენისამე ხნის წინად ისე შესწირა დიდ-ძალი ფული ახალის ჯარის მოსაგროვებლად, რომ ერთს არ შეყოყმანებულა. კაზიმირიც დიდის სიამოვნებით მიჰბაძედა იმის მაგალითს და სიძუნწე კი არ აბრკოლებდა ამ საქმეში, არამედ ნამეტანი გულ-უხეობა, რის გამოც კაზიმირს მუდამ ფული აკლდა ხოლმე. ძმები ერთმანეთს კვალში უდგნენ და აღარა სცხრებოდნენ. შიკრიკნი ყოველ-დღე დაჰფრინავდნენ ნებორენტსა და იაბლონას შორის. კაზიმირი აფიცებდა კარლოსს, უფროსობის პატივისცემითა და ძმურის სიყვარულის სახელით დამითმე მე ტახტით; ხოლო ეპისკოპოსი თავისას არ იშლიდა და სწერდა პასუხად, წესი არ არის უარ-ვყოფდე მოსალოდნელ ბედნიერებასაო, ხოლო დრო გადიოდი, თვე-ნახევრის ვადა თავდებოდა და მასთანავე ახლოვდებოდა ყაზახთა გრგვინვა და გრიგალი. მოვიდა ამბავი, რომ ხმელნიცკიმ მიანება თავი ლეოვის გარშემო დგომასა, ზამოსტიეს ახლოს დადგა და დღე და ღამ იერიში მიაქვს და ცდილობს შეჰმუსროს რესპუბლიკის ეს უკანასკნელი საეანეცაო.

ამბობდნენ აგრედვე, რომ იმ დეპუტატებს გარდა, რომელნიც ხმელნიცკიმ გაჰზანა ვარშავას და დაბარა, შეატყობინეთ, რომ მე, როგორც პოლონელი შლიახტიჩი, ვაძლევ ჩემს ხმას კაზიმირსაო, ქალაქში ცოტანი არ იყვნენ ყაზახთა უფ-

როსნი, ტანისამოსს გამოცვლილნიო. მოსულან ვითომ და იმ-
ტომ რომ ჩვენც შლიახტა ვართო და არაფრით, ლაპარაკი-
თაც კი არ განირობოდნენ დანარჩენ ამომრჩეველთაგან, რო-
მელნიც მოსულიყვნენ სხვა სარუსეთო ქვეყნებიდან. ზოგნი მო-
სულიყვნენ ცარიელის ცნობის-მოყვარეობის მიზეზით, ხოლო
ზოგნი იმ აზრით, რომ იქნება გავიგოთ, რას აპირობს რესპუ-
ბლიკაო. ნამდვილად კი, იმიერ-ქორომეთის უფროსთა შორის
ცოტა არ იყვნენ გაყაზახებულნი შლიახტიჩნი, ცოტაოდნად
ლათინურის მკოდნენიც კი, მაშინ როდესაც მეცნიერება სა-
ზოგადოდ ნაკლებად ჰყვოდა შორეულ განაპირა ქვეყნებში
და ისეთი თავადებიცა, როგორნიც იყვნენ კურცვეიჩები, ბე-
ვრში ჩამორჩებოდნენ უკან ზოგიერთს ატამანსა.

ასეთი მითქმა-მოთქმა და თან ის ხმები, რომ ხმელნიცკი
და თათარ-ყაზახთა წინა რაზმნი უკვე ახლო არიანო და თი-
თქმის ვისლასთან მოვიდნენო, ძალიან აშფოთებდა საზოგადოე-
ბას და აჩენდა სხვა-და-სხვა გვარს უწყესიებას. საკმაო იყო
უკვე აეღოთ ვისზედმე, რომ ყაზახთა მომხრეაო და ასეთს სა-
ცოდავს, ვიდრე თავის გამართლებას მოასწრებდა, სულ ერ-
თიანად დაჰფოთდნენ. ამ სახით, შესაძლო იყო სრულიად
უბრალონიც დაღუპულიყვნენ; მიუყვრძველობა არჩევანებისა
წამ და უწყუმ ირღვეოდა, მეტადრე მაშინდელ მოარულივით
მოდებულ ღოთობის გამო. და თუ უკეთესნი კაცნი, მამულის-
მოყვარეობით გამოზარნი, მის დაცემისათვის შეწუხებულნი,
განწირულებას ეძლეოდნენ გარშემო გამეფებულ უწყესოებისა
და უმზგავსოების გამო, მაშინდელნი მოლხინე-მოქეიფენი და
ჩხუბის-გადაკიდების მოყვარულნი ძალიან კარგს გუნებაზედ
ეყვნენ და არაფრისა აღარ ერიდებოდათ.

რალა თქმა უნდა, რომ ამ უკანასკნელთა დასში ღიღი ამ-
ბავი ჰქონდა პან ზაგლობას. პან ზაგლობა ძლიერი იყო მათ
შორის მით, რომ რაინდული სახელი ჰქონდა მოხვეჭილი, მო-
უკვლელი წყურვილი ჰქონდა ქეიფისა და სმისა, შეეძლო მო-
ურიდებლივ ეტყუა და ისეთის სიმტკიცით ელაპარაკნა, რო-
მელსაც ვერაფერი ვერ შეარყევდა. ათასში ერთხელ იმასაც კი

შემოაწვებოდა ხოლმე დარღები; მაშინ პან ზაგლობა ჩაიკეტებოდა ხოლმე ოთახში ან კარავში და კარში აღარ გამოდიოდა, ხოლო თუ გამოვიდოდა, ძალიან ცუდს გუნებაზედ იყო: კაცი ღვთის-წყალობას ველარ ეტყოდა. ამისთანა ყოფაში მხოლოდ პან მიხალი თუ ესიამოვნებოდა, რადგან შეეძლო იმისთვის გაეზიარებინა თვისი გრძნობა და მწუხარება პან სქშეტუსკისა და იმ „საცოდავის“ ბედის გამო. „მთავრადვეთ ის საცოდავი ქალი, — სწუხდა პან ზაგლობა, — როგორც იუდამ ისე დაეტრავეთ ბოროტის ადამიანის ხელში. ტყუილად თავის გამართლებას ნუ დაიწყებთ, ვინ იცის, რა ყოფაშია ახლა ის საცოდავი, ჰა?“

ამაოდ ამტკიცებდა პან მიხალი, პილავეცის ამბავი რომ არ მომხდარიყო, დაეუწყებდით ძებნას იმ „საცოდავს“, მაგრამ ახლა შეუძლებელი-დაა, ახლა ჩვენა და იმას შუა მხედრობაა ხმელნიცკისაო. შლიახტიჩი მინც თავისას არ იშლიდა და უფრო ცუდს გუნებაზედა ღვებოდა.

მაგრამ ასეთი ყოფა პან ზაგლობასი დიდ ხანს არ გასტანდა ხოლმე. ჩვეულებრივ მალე გადიყრიდა ხოლმე დარღს და, მაშინ თითქო სულ ერთად უნდა აინაზღაუროს, რაც დრო დაჰკარგა ტყუილ-უბრალოდაო, ქეიფობდა და სვამდა უფრო მეტს, ვიდრე წინად, დროს ატარებდა მიკიტანხანებში, საშინელს ლოთიბაშებში. პან მიხალსაც გვერდიდან არ იშორებდა და სულ მუდამ თან დაჰყავდა.

პან მიხალი ნამდვილი ჯარის-კაცი და აფიცერი იყო და სრულიად არა ჰქონდა ის ზნეობრივი დიდებულება, რომელიც მიჰფინა სქშეტუსკის მის მიერ გამოვლილმა ტანჯვა-მწუხარებამ. თვისი მოვალეობა რესპუბლიკის მიმართ და მისი შესრულება ძალიან ადვილი საქმე ეგონა. ჰხოცავდა ყველას, ვისაც უბრძანებდნენ და სხვა არაფრის დარღი არა ჰქონდა. საზოგადო საქმეებისა არა ეყურებოდა-რა. მზად იყო ეგლოვნა ყოველი დამარცხება მისიანებისა, ხოლო ფიქრადაც არ მოსდიოდა, რომ შფოთვა და მღვლეარება შლიახტისა ყოველ დამარცხებაზედ უარესი იყო. ერთის სიტყვით, ვოლოდივესკი

თავ-ქარიანი ყმაწვილი კაცი იყო და, რაკი ერთხელ მოჰხვია ხელი სატახტო ქალაქის ცხოვრების დუღილმა, სულ შიგ ჩაყურყუმელავედა და აღარა შორდებოდა პან ზაგლობას, რომელიც სწორედ ამისთანა ცხოვრებისათვის იყო გაჩენილი. ვოლოდიევსკი დახეტიალობდა იმასთან ერთად შლიახტიჩებ შორისაც, რომელთაც პან ზაგლობა უამბობდა სმაში ყოველდუცნაურს ამბებს და ამ სახით შოულობდა მომხრეებს ბატონიშვილ კარლოსისათვის. შლიახტიჩებთან ერთად სვამდა პან ზაგლობა და იმათთანვე ერთად ფხიზლდებოდა და კვლავ თვრებოდა. მთელი ქალაქი ფებ-ქვეშ ამოიდეს ზაგლობამა და ვოლოდიევსკიმ. ყველგან იყვნენ—საარჩევანო ძოედანზედაც, დუქნებშიაც, ქალაქ გარეშე მიკიტან-ხანებშიაც. აღარ დარჩათ ისეთი ყურე-კუნქული, სადაც იმათ თავი არ შეეყოთ. ნებორენტსა და იაზლონაშიაც იყვნენ; ესწრებოდნენ ყოველ-გვარ წვეულებასა და სადილებზედ; ყოველგან იყვნენ და ყველაფერში მონაწილეობას იღებდნენ. პან მიხალს სულ ხელები ექავებოდა და უნდოდა თავი გამოეჩინა რითიმე და მასთან ერთად დაემტკიცებინა, რომ უკრაინის შლიახტა ყოველ სხვა შლიახტას სჯობიან, როგორც თავადის ჯარის-კაცნი ყველა ჯარის-კაცებზედ უკეთესნი არიანო.

ასე გავიდა თითქმის ექვსი კვირა და საზოგადო საქმეც საკმაოდ გამოირკვა. ბრძოლამ კანდიდატ ძმათა შორის, მათ მომხრეთა ხრიკებმა, საარჩევანო ციებ-ცხელებამა და გულისთქმათა ალტყინებამ,—ყოველად უნაყოფოდ ჩაიარა. ყველასთვის ცხადი შეიქმნა, რომ უთუოდ იან კაზიმირი იქმნება ამორჩეულიო, რომ ბატონიშვილმა უარ-ჰყო თვისი კანდიდატურაო. საკვირველება ის იყო, რომ ხმელნიცკის მნიშვნელობამ ახლა უფრო იმატა: იმედოვნებდნენ, რომ ხმელნიცკი მორჩილებას გამოუცხადებს მისის სურვილით არჩეულს მეფესაო. ეს იმედი საკმაოდ გამართლდა კიდევც. სამაგიეროდ ვისნევეცკი, რომელსაც კატონივით სულ ისა ჰქონდა ამოჩემებული, რომ იმიერ-ქორომეთის კართაგენი უნდა გაცამტვერდესო, ასე საქმის დატრიალებამ ძალიან მეტის-მეტად დააღონა. ახლა გაი-

მარჯვენებს სამშვიდობო პოლიტიკა, ახლა დაუწყებენ ხმელნი-
 ცკის მოლაპარაკებასაო. თავადმა იცოდა, რომ ეს მოლაპარა-
 კება ამაოდ ჩაივლიდა, ან არა და—მალე თვით გარემოების
 ძალით ისევ ისე გაბათილდებოდა. ჰხედავდა, რომ მომავალში
 ისევ ომიანობა ატყდებოდა და მოუსვენრობით უტყვდა გული,
 რადგან ძნელი სათქმელი იყო, როგორ და ვის სასარგებლოდ
 გათავდებოდა ასეთი ომიანობა. ზავის ჩამოგდების შემდეგ ხმელ-
 ნიცი უფრო გაძლიერდება, რესპუბლიკა უფრო დასუსტდე-
 ბაო. და ან ვინ-ღა წაუძღვება წინ რესპუბლიკის მხედრობას
 ისეთ გაძლიერებულ და განდიდებულ მხედართ-მთავრის წინა-
 აღმდეგ, როგორიც არის ხმელნიციო? მერე კელავ დაპარ-
 ცხება, კელავ აკლება ჩვენის ჯარებისა და ესე ყოველივე ხომ
 სულ ნიათს გამოუღვეს რესპუბლიკასაო. თავადი ამო იმედით
 არ ატყუებდა თავს; კარგად იცოდა, რომ, რაკი მხურვალე
 მომხრე ვარ ბატონიშვილის კარლოსისა, კვერთხს მე არ ჩა-
 მბარებენო. კაზიმირმა, მართალია, აღუთქვა ძმას, წყალობით
 ავაესებ შენს მომხრეებსაო. კაზიმირი დიდ-სულოვანი კაცი
 იყო, მაგრამ ისიც კანკლერის პოლიტიკას ადგა. ვინმე სხვა
 ჩაიბარებს კვერთხს, და არა მეო და ვაი რესპუბლიკას, თუ ის
 ახალი სარდალი ხმელნიციიზედ უფრო გამოცდილი არ აღმო-
 ჩნდებაო. ეს ფიქრი საშინლად უგმირაედა გულს ერემიას; სამ-
 შობლოს მომავალიც მწარედ აფიქრებდა და ის აუტანელი
 გრძნობაც აწუხებდა, რომელიც გულს უკლავს კაცს მაშინ,
 როცა ჰხედავს, რომ ჩემი ღვაწლი და დამსახურება არაფრით
 არ არის დაჯილდოვებული, უმადურობას მიწევინ, უსამართლოდ
 მეპყრობიან და რომ, ვინც არა მგონია, ცხვირს მალა აიწევს
 ჩემს დანახვაწედ ქედ-მალლობითაო. თავადი ერემია ვისნევეც-
 კი არ იქმნებოდა, რომ გულ-ზვიაღიც არა ყოფილიყო. ჰგრძნო-
 ბდა, საკმაო ძალა მაქვს, კვერთხი მე მეპყრას ხელშიო, დავი-
 მსახურე ასეთი ღირსებაო და ამიტომ ერთი-ორად უფრო იტან-
 ჯებოდა.

აფიცერთა შორის ხმა იყო გავრცელებული, რომ თავა-
 დი არჩევანების გათავებას მოუცდის და მხოლოდ მაშინ წავა-

ვარშავიდანაო, მაგრამ ეს მართალი არ იყო. თავადი არამც თუ ვარშავიდან არ წაეიდა, არამედ ბატონიშვილი კაზიმირიც კი ინახულა ნებორენტში, საცა მეფემ დიდის თავაზიანობით მიიღო ერემია და შემდეგ კვლავ ქალაქს დაბრუნდა. საჭირო იყო ფული ეშოვა საღმე ჯარისათვის და თავადიც ამ ზრუნვას შეუდგა. ამასთანავე კარლოსის ხარჯით შესდგა რამდენიმე ახალი პოლკი დრაგუნთა და ქვეითის ჯარისა. ზოგნი უკვე გაემართნენ რუსეთისაკენ, ხოლო დანარჩენნი მალე აპირობდნენ წასვლასა. თავადმა გაჰგზავნა ყველგან სამხედრო საქმეში გამოცდილი თვისი აფიცრები და დაავალა ყოველივე მოამზადეთ და წესსა და რიგში მოიყვანეთო. კუშელი და ვერშული, მაგალითად, უკვე გაჰგზავნა; მოვიდა ახლა რიგი ვოლოდიევსკისაცა. ერთხელ ისიც დაიბარა თავადმა.

— თქვენ ზაბოროვს წახვალთ, — უთხრა ერემიამ. — იქ ცხენებია, ახალ პოლკისათვის არის დანიშნული. გაშინჯეთ, დაარჩიეთ კარგები, მიეცით ფული და გამოჰგზავნეთ.

პან ვოლოდიევსკი მხნედ შეუდგა საქმეს, მიიღო ფული თავადის ბარათით და იმავე დღეს პან ზაგლობასთან ერთად გაუდგა ზაბოროვის გზას. თან ახლდათ ათი ჯარის-კაცი, რომელნიც მისდევდნენ ფულის ყუთით დატვირთულ ურემს. ჩვენი მგზავრები ნელა მიდიოდნენ, რადგან გზაზედ კაცი ვერ აუქცევდა მომავალ შლიახტასა და პოლშელებს, სახლები ახლომახლო სფლებში გაქედილი იყო ვარშავიდან წამოსულ მგზავრებით. ამისთანა ვიწროობასა და არეულობაში ძნელია კაცი ასცდეს ხათაბალასა და ჩვენი ნაცნობნიც ბოლოს მაინც წააწყდნენ ხიფათსა.

მიუახლოედნენ ბაბიცას. ვოლოდიევსკიმ დაინახა ლუქანთან რამდენიმე შლიახტიჩი, რომელნიც ის იყო წასვლას ეპირებოდნენ. ერთმა მათ შორის ხმა-ამოუღებლივ ჰკრა ქუსლი ცხენსა და იერიშით გაექანა პან მიხალისაკენ.

— ჰო, თქვენა ბრძანდებით! — შესძახა ამ კაცმა. — მემალეობდით, მაგრამ ახლა კი გიპოვნეთ; ახლა ხელიდან ვეღარ წამიხვალთ. ეჭვი, ამხანაგო, ერთს წუთას მომიცადეთ! ცოტა რამ

მინდა ვუთხრა ამ ჩაგვერა აფიცერს და ჩემი სურვილია მოწმედ დამესწროთ.

პან ვოლოდიევსკიმ კმაყოფილებით გაიღიმა: იცნო, რომ ის ბატონი პან ხარლამპი იყო.

— ღმერთია მოწამე, რომ არ გემალეობდით, — სთქვა მან, — თვითონ მე გეძებდით, რადგან მინდოდა მეკითხნა, კიდევ მიჯაერდებით-მეთქი თუ არა, მაგრამ, საუბედუროდ, ვერსად ვერ შეგხვდით.

— პან მიხალ! სამსახურის გამო ვართ ჩვენ წამოსულნი! — წასჩურჩულა ზაგლობამა.

— ვიცი, — ჩურჩულითვე უბასუხა ვოლოდიევსკიმ.

— მაშ, აბა, მობრძანდით! — ცხარობდა ხარლამპი. — ყმაწვილებო, ამ ყმაწვილს დავპირდი, ყურებს დავაჭრი-მეთქი და დავაჭრი კიდევ, ვაი არა მაქვს! ორსავე, ვაი არა მაქვს! მოწმენი იყავით, ყმაწვილებო, ხოლო თქვენ... ვილაცა ბრძანდებით, არ ვიცი თქვენი სახელწოდება. აბა, გამოდით!

— ამ საათში არ შემიძლიან, — უბასუხა ვოლოდიევსკიმ, — ორს დღეს მოითმინეთ.

— როგორ თუ არ შემიძლიან? შე მხდალო შენა! კადნიერი ლაპარაკი კი იცის და ახლა, რაკი ხმალზედ მიდგა საქმე, უკან უკან იწევს.

— ეხლა არ შემიძლიან ხმალში გამოსვლა. მაგრამ გაძლევთ სიტყვას, რომ სამ-ოთხ დღეს შემდეგ, შევასრულებ თუ არა მონდობილებას, საცა დამინიშნავთ, იქ გამოვცხადდები. თუ ეს დაპირება არ გაკმაყოფილებთ, ვუბრძანებ ჩემს ჯარისკაცებს, რომ ეხლავე თოფები დაგიშინონ. ირჩიეთ, რაც გინდოდეთ, და მომშორდით თავიდან, თქვენთან სალაპარაკოთ არა მცალიან.

პან ხარლამპი დათიქრდა პატრასა.

— მაშ, კარგი. ოთხ დღეს შემდეგ იყოს. შაბათს, ლიპკოვას დუქანთან ვიქნები და ახლა კი გასწით, ღმერთმა მშვილობა მოგცეთ.

ოთხ დღეს შემდეგ ვოლოდიევსკი, ზაგლობა და კუშელი დუქანში ისხდნენ ლიპკოვას.

— რაო, მუშტარი ბევრი გყავს?— ეკითხებოდა მელუქნე ურიას პან ზაგლობა.

— სად არის. მხოლოდ ერთი პანია ეხლა აქა. აიქ ოთახში ზის. მდიდარი პანია, მხლებლები ბევრი ახლავს, ცხენები ბლომადა ჰყავს.

— საიდან მოვიდა, არ იცი?

— რა მოგახსენოთ, მგონია, შორიდან უნდა იყოს მოსული, ვისლას იქითა მხრიდან. ცხენები ძალიან დაჰლაღვიათ.

— იქნება ხარლამპია, — სთქვა ზაგლობამ და მივიდა ოთახის ჩაკეტილ კარებთან.

— შეიძლება შემოვიდეთ? — იკითხა პან ზაგლობამა.

— ვინა ხარ მანდა? — მოისმა ხმა ოთახ შიგნიდან.

— თქვენები ვართ, შინაურები. — და პან ზაგლობამ შეაღო ოდნავ კარი. — თქვენის ნება-დართკით... იქნება უდროვოდ გახელით! — დასძინა მან და მიათვალა — მოათვალა ოთახი, მაგრამ უცბად უკან დაიწია, თითქო რაღაც საშინელება დაინახაო. სახე შეშინებული ჰქონდა და მთლად განცვიფრებული იყო, პირი ნახევრად ღია დარჩენოდა, ხოლო თვალებს გაოგნებულივით ახამხამებდა და ისე შესცქეროდა კუშელსა და ვოლოდიევსკის.

— რა დაგემართათ? — შეეკითხა ვოლოდიევსკი.

— ღვთის გულისათვის, ჩუმად ილაპარაკეთ! — დაიწყო ზაგლობამა და თან სული ყელში ებჯინებოდა. — იქ ბოგუნია! ორივე აფიცერი უცბად ფეხზედ წამოხტნენ.

— ხომ არ გაგიჟდი, ჰკუაზედ მოდიო! ვინ არისო, ვის ამბობო?

— ბოგუნი! ბოგუნი!

— შეუძლებელია!

— ღმერთს გეფიცებით და ყოვლად წმინდა სახარებასა!

— მერე რაღაზედ შეგშინებიათ აკრე? — თუ მართლა ის არის იქა, მაშ ღმერთს მადლობა უნდა შევსწიროთ, რომ ხელში ჩაგვიარდათ ის აუაზაკი. მაშ დამშვიდდით. მართლა დარწმუნებული კი ხართ, რომ სწორედ ის არის?

— დარწმუნებული ვარო! დავინახე, რომ ტანისამოსს იცვლიდა.

ვოლოდიეცკის სულ თვალებმა დაუწყა ბკყერიალი.

— შენ, ეი, ურია!—ჩემად წარმოსთქვა მან,—იმ ოთახს სხვა კარები ხომ არა აქვს?

— არა, მარტო აქეთა კარები აქვს.

— კუშელ, წადი ფანჯარას უყარაულე!—გასცა ბრძანება მიხალმა.—ახლა კი, ველარ წაგვივა ხელიდან.

კუშელი ხმა ამოუღებლივ გაეარდა ოთახიდან.

— რა დაგემართათ, გონს მოდით!—ამშვიდებდა ზაგლობას პატარა რაინდი.—უბედურება იმას დასტრიალებს თავს და არა თქვენ. აბა, თქვენ რას დაგაკლებთ? არაფერს.

— არა, მხოლოდ გოაცებამ შემიგუბა სული,—მოჰყვა თავის გამართლებას პან ზაგლობა. გულში კი იფიქრა; „მართლა ცა და მე რისა მეშინიან? პან მიხალ ჩემთან არის, თუ შიშია, ისევ ბოგუნს ეშინოდეს!

და, შეიკრა რა შუბლი, ხელი გაივლო ხმლის ვადასა.

— პან მიხალ, ის აქედან არ უნდა წავიდეს.

— ის კია მერე? არა მჯერა, რომ იყოს. რა საქმე აქვს მაგას აქა?

— ხმელნიცკის გამოუგზავნია ჯაშუშადა. ნამდვილად ასეა. მოითმინეთ, პან მიხალ. შეეიპყრათ და პირობა დავუდოთ: ან კნიაჟნა მოგვეცი, ან არა-და—მართლ-მსაჯულებას მიგცემთ ხელში-თქო.

— ოლონდ კნიაჟნა კი მოგვეცეს და ჯანაბას მაგისი თავი.

— ეგ არის, ცოტანი ხომ არა ვართ: ჩვენ ორნი და კუშელი მესამე? როგორც ცოფიანი, ისე გამოიღებს თავს და დაიწყებს ბრძოლას, ამას გარდა კაცებიც ახლავს.

— ხარლამ მოვა ორის ამხანაგითა და მაშინ ექვსნი ვიქნებით! კმარა!.. უშ...

კარი გიღო და ოთახში ბოგუნი შემოვიდა.

წინად ვერ იცნო, ვერ გაარჩია ზაგლობა, ხოლო ახლა რომ შეხედა, აღმური ავარდა სახეზედ, ხელი ათრთოლებით ხმალს გაიკრა. მაგრამ ბოგუნი ისევ მალე მოვიდა გონსა.

ზაგლობა უყურებდა ბოგუნსა და ხმას არ იღებდა; ატამანიცა მღუმარებდა. ის კაცნი, რომელთაც ბედი ასე ხშირად ამყოფებდა ხოლმე ერთად, ისე იკატუნებდნენ თავს, თითქო ერთმანეთს არ ვიცნობთო.

— ურიავე! — შესძახა ბოლოს ბოგუნმა დახლიდარს, — შორს არის აქედან ზაბოროვო?

— შორს არ არის, — უპასუხა ურიამ. — ახლავე გნებავეთ წასვლა?

— ჰო, ახლავე მინდა.

და ბოგუნი გაემართა იმ კარებისაკენ, რომელიც ტალანში გადიოდა.

— მოითმინეთ! — გრგვინვასავით გაისმა ხმა ზაგლობასი.

ატამანი შესდგა უცებ გაშეშებულვივით, მობრუნდა და ისე დაუწყუო ცქერა ზაგლობასა თვისის ბუღა და საშინელის თვალებითა, თითქო უნდა გააქროს ეხლავეო.

— რა გნებავეთ ჩემგან? — მოკლელა ჰკითხა მან.

— მე მგონია, რომ ოდესმე ჩვენ ერთმანეთს ვიცნობდით. თქვენ არ იყავით, რომ ქორწილში გნახეთ სოფლადა?

— ჰოო, მახსოვს, — ზიზღით გააპტყელა სიტყვა ყაზახმა და კვლავ დაიღო ხელი ხმლის ვადაზედა.

— სხვა, როგორა ბრძანდებით? — განაგრძო გამოკითხვა ზაგლობამ. — ისე სისწრაფით წახვედით მაშინ იმ სოფლიდან, რომ ვერცკი მოვასწარი გამოგთხოვებოდით.

— ძალიან საწყინოდ დაგრჩათ მერე, რომ არ გამომეთხოვეთ?

— რასაკვირველია. ჩვენი კამპანია გადიღდა. (აქ პან ზალობამ ვოლოდიევსკიზედ მიუთითა). აი ეს რაინდი მოვიდა მაშინ ჩვენთან. ძალიან უნდოდა თქვენი გაცნობა დაახლოვებით.

— კმარა! — შესძახა პან მიხალმა და წამოდგა ზეზედ. — მოღალატევე, შემეპყრინხარ ტყვედ!

— რა უფლება გაქვთ? — ჰკითხა ატამანმა და თავმომწონედ მოიღერა კისერი.

— მემამბოხე ბრძანდებით, მტერი რესპუბლიკისა, ჯაშუში და იმ უფლებებითა...

— თქვენ ვილა ბრძანდებით?

— საკირო არ არის მოგახსენოთ, მე ვინცა ვარ, ხოლო ჩემის ხელიდან ვერსად წახვალთ.

— ვნახოთ, აბა,—სთქვა ბოგუნმა,—მეც არ ვიტყვოდი, ვინა ვარ, რომ ხმალში გამოგეთხოვეთ, როგორც რაინდს რაინდი, გარნა, რაკი შეპყრობას მექადებით, ვიტყვი ვინცა ვარ: აი წერილი იმიერ ქორომელის გეტმანისა ბატონიშვილ კაზიმირთან. ახლაც შემიპყრობთ?—ბოგუნმა ბოროტებითა და საშინელის დაცინვით შეჰხედა ვოლოდიევსკის. ის სულ დაიბნა და ზაგლობას უყურებდა, აბა შენ რას იტყვი ამაზედაო. ჩამოვარდა ჟამი სამქიმო მღუმარებისა.

— ჰო,—რახან ევრეა,—სთქვა ზაგლობამ,—ძნელია თქვენი შეპყრობა. რაკი ელჩი ბრძანებულხართ, შეპყრობა არ შეგვიძლიან, ხოლო ამ რაინდთან ხმალში გასვლას არ გირჩევთ: ერთხელაც გაექეცით და...

სისხლი თავში აუფარდა ბოგუნს და სულ მთლად გაუქარხლდა სახე; ეს არის ეხლა იცნო ვოლოდიევსკი. სირცხვილმა და შებღალულმა თავმოყვარეობამ დასწვა უშიშარი ატამანი. გაქცევის მოგონებამ სულ ცეცხლი მოუკიდა, ისე შერცხვა. ერთად-ერთი ლაქა ეს იყო იმის სახელისა და დიდებისათვის, რომელიც ყველაფერზე მეტად უყვარდა, რომელიც თვით სიცოცხლეს ერჩინა.

ხოლო უწყალო ზაგლობა წინანდელისავე გულ-დამშვიდებით განაგრძობდა.

— ქუდიც კი დაჰკარგეთ გზაში, ისე რომ ამ რაინდმა შეგიწყალათ და სიცოცხლე მოგანიკათ. ფუჰ! ბატონო ყაზახო, დიაცის სახე გქონიათ და გულიც აგრედვე დედაკაცური. ძალიან გმირობა გამოიჩინეთ მოხუცებულ კნენასთანა და პატარა ბავშვებთანა? ხოლო ეხლა, როცა ნამდვილი რაინდი სდგას თქვენს წინაშე, ოთხად იკაკვებით! თქვენი საქმეა წერილები ატაროთ აქეთ-იქით, გასათხოვარი ქალები იტაცოთ და არა ლაშქრად იაროთ. აი ახლაცა, ხმალი ახსენეთ დიდის გაბედულებითა და სულ იმიტომ კი, რომ წერილი თურმე მი-

გაქვთ. როგორღა უნდა გეომოთ, წერილს ამოჭყარებინართ და მაგითი იფარავთ თავსა, და აბა, ერთი გვიბრძანეთ პასუხი, ბატონო ყაზახო, ჰა? ხმელი ყოჩალი ყაზახია, კრივანოსიკა, გარნა ყაზახთა შორის ლაჩარნიც ცოტანი არ არიან.

ბოგუნნი სწრაფად ეცა პან ზაგლობას, ხოლო პან ზაგლობა სწრაფადვე ამოეთარა ვოლოდიევისკის ზურგთ უკანა, ისე რომ რაინდნი პირის-პირ დაუდგნენ ერთმანერთს.

— იმიტომ კი არ გავიქეცი, რომ შემეშინდა, — სთქვა ბოგუნმა, — არამედ იმიტომ, რომ ჩემი ხალხი გადამერჩინა ამოწყვეტასა.

— არ ვიცი მიზეზი თქვენის ლტოლვისა, ხოლო ვხედავდი კი, რომ იელტოდიო.

— ყოველთვის მზადა ვარ თქვენდა სამსახურად.

— ხმალში მითხოვთ? — ჰკითხა ვოლოდიევისკიმ თვალაშკივივითა.

— თქვენ მოსცხეთ ჩირქი ჩემს სახელს, თქვენ შემარცხინეთ და ამიტომ თქვენი სისხლი მწყურია.

— თანახმა ვარ.

— Volenti non fit injuria, — დასძინა ზაგლობამ. — მაგრამ წერილს ვინ-ღა მიუტანს მეფესა?

— თქვენ მაგას ნუ სწუხართ, ეგ ჩემი საქმეა.

— მაშ, იბრძოლეთ, რა მენაღვლება, რახან სხვაფრივ არ შეიძლება, — სთქვა ზაგლობამ. — თუ ბედმა თქვენ გაგიღიმათ, პან ატამანო, იცოდეთ, რომ ამ რაინდის ალაგს მე დავიჭერ მერე. ახლა კი, პან მიხალ, მოდიოთ აქ ერთს წუთას, მინდა გითხრათ რამე.

მეგობარნი გავიდნენ ოთახიდან და დაუძახეს კუშელსაც, რომელიც ფანჯარასთან დარაჯობდა.

— აი რა უნდა გითხრათ, — დაიწყო ზაგლობამ, — ჩვენი საქმე ცუდად არის. წერილი აქვს მართლა ბატონიშვილთან; რომ მოეკლათ სისხლის სამართალში მიგვეცემენ. სამართალი ჩვენ ამას არ შეგვარჩენს. მერე ან უნდა მალევე მოვყვეთ, ან თავადი თუ დავიფარავს, თორემ ვერ მოგვივა კარგი საქმე.

შაგის ხელიდან გაშვებაც კი არ არის კარგი. ერთად-ერთი ღონისძიება ეს არის, რომ ის საწყალი ქალი გავანთავისუფლოთ როგორმე. თუ ეგ ცოცხალი აღარ იქნება, იმის მოძებნაც გაადვილდება. ცხადია, თვით ღმერთსა სურს, შეეწიოს სქმეტუსკისა. იფიქრეთ, როგორ მოვიქცეთ.

— თქვენ თვითონ ვერას მოიფიქრებთ?—ჰკითხა კუშელმა.

— მე ეგ მოვიფიქრე, რომ თვითონ იმან გამოგვიწვია ხმალშია. ჩემი აზრი ის არის, რომ ხარლამზს მოეუცადოთ. მე ვტვირთულობ ყოველსავე, ის დაგვიტომობს თავის პირველობის უფლებას და, თუ საჭირო იქნება, გვიმოწმებს კიდევცა, რომ გამოგვიწვიეს და იძულებულნი ვიყავით თავი დაგვეცვა. ბოგუნისგან კი ისიც კარგად უნდა გავიგოთ, სადა ჰყავს ის ქალი დამალული. თუ მაგან ფეხები გაქიმა, სულ ერთი იქნება, შესაძლოა სთქვას, სადაცა ჰყავს, ოღონდ კი მოვახერხოთ როგორმე. არ იტყვის კიდევ და ჯანაბას მაგისი თავი. საჭიროა მხოლოდ ყოველივე გონივრულად გავმართოთ და დრო არ დაეკარგოთ. ეოჰიმე, ლამის თავი გამისკდეს!

— ვინ უნდა ებრძოლოს იმას?—ჰკითხი კუშელმა.

— ჯერ პან მიხალი, მერე მე.

— შესამე მე ვიქნები.

— ეგ არ შეიძლება,—სთქვა პან მიხალმა,—მე უნდა ვებრძოლო მარტო და ამით გათავდეს. თუ მომკლავს იმისი ბედი იქნება, ადგეს და წავიდეს თავისთვის.

— ოჰ, მე კიდევ გამოვიწვიე,—წარმოსთქვა პან ზაგლობამ,—მაგრამ თუ თქვენ სხვაფრივ გადაწყვეტავთ, ყმაწვილებო, მეტი ღონე არ არის, უნდა დაგმორჩილდეთ?

ბოგუნის იჯდა ღუქანში და სევამდა თაფლს შექცევითა. სრულიად დამშვიდებული იყო.

— მოგვითმინეთ,—მიჰმართა ბოგუნს ღუქანში შესულმა ზაგლობამ,—ერთი დიდი საქმე გვაქვს თქვენთან და გვინდა მოგელაპარაკოთ. ეს რაინდი რომ გამოიწვიეთ ხმალში, კარგი და პატიოსანი; გარნა თქვენ უნდა იცოდეთ, რომ რაკი ელჩის მოვალეობითა ხართ მოსილი, მით კანონი მფარველობას გაგი-

წევთ, იმიტომ რომ ნადირებში კი არ მოსულხართ აქა, არამედ განათლებულს ქვეყანაში ხართ. ჩვენ ისე ვერ დაგთანხმდებით ხმალში გამოსვლას, თუ მოწმეთა წინაშე არ გაიმეორებთ, რომ ნება-ყოფლობით გინდათ ჩვენთან ბრძოლა, აქ მოვა რამდენიმე შლიახტიჩი, რომელთანაც გვინდა აგრედვე ვიბრძოლოთ ხმალში გასვლითა; აი იმათ წინაშე გაიმეორეთ, რასაც გთხოვთ, ხოლო ჩვენ გაძლიევთ რაინდულს სიტყვას, რომ თუ ბედმა არ გიმტყუნათ და პან ვოლოდივესკისთან ბრძოლაში გაგემარჯვავთ, შეგიძლიანთ დაუბრკოლებლივ წახვიდეთ თქვენს გზაზედა, თუ ჩემთან ბრძოლაში გამოსვლას აღარ მოინდომებთ.

— თანახმა ვარ, — სთქვა ბოგუნმა. — ვუბრძანებ ჩემს კაცებს, რომ წერილი იმათ წაიღონ, თუ მე ამიტყდა რამე და თქვენს მოწმებთანაც გამოვაცხადებ, მე გამოვიწვიე ეს ხალხი ხმალში-მეთქი, ხოლო თუ გავიმარჯვე მაგ რაინდთან, მაშინ მზადა ვარ თქვენდა სამსახურადაც.

ბოგუნმა პირდაპირ შეხედა ზაგლობას თვალებში, ზაგლობა ცოტა არ იყოს შეკრთა და ჩაახველა.

— მეც თანახმა ვარ. ჯერ ჩემი შეგირდი გაიცანით და მერე მე. მაგრამ, ჰო, ამას თავი დაეანებოთ, სხვა უფრო საყურადღებო საგანს მივაქციოთ ყურადღება. მოვმართავთ თქვენს სვინილისს, არა როგორც ყაზახისას, არამედ როგორც რაინდისას. თქვენ გაიტაცეთ კნიაჟნა ელენე კურცევიჩი, ჩვენის ამხანაგის დანიშნული და სადღაცა გყავთ ტყვეობაში. ახლა თქვენ ხმალში გადიხართ, სახიფათო საქმეში შესდიხართ და შესაძლოა სიკვდილი არ აგცდეთ; ჰკითხეთ თქვენს თავს, რა მოელის ამ შემთხვევაში საცოდავს ყმაწვილს ქალს? დავიჯერო გაიმეტებთ გასაუბედურებლად და შესარცხვენად? ნუ თუ სიკვდილ შემდეგაც არ ჩამოეხსნებით იმ საცოდავს?

პან ზაგლობას სიტყვები ისეთის ღაღადებით იყო წარმოთქმული, რომელიც იმას არა სჩვეოდა. ბოგუნი გაფითრდა.

— რა გნებავთ ჩემგან? — იკითხა ყაზახმა.

— გვითხარით, სად არის დატოვებული, რომ ვინიცობაა სიკვდილი გიწერიათ ღღეს, შეგვეძლოს ყიპოვოთ ის ქალი და

მივეგვაროთ თავის დანიშნულს. ღმერთი შეიწყალებს ამისათვის თქვენს სულს.

ატამანმა თავი თვისი დააპყრო ხელებსა და ღრმად ჩაფიქ-
-და.

სამივე ამხანაგი ყურადღებით აღევნებდნენ თვალს იმის მოძრავს სახეს, რომელსაც ისეთი მწვავე მწუხარება დაეტყო უცბად, თითქო ეს სახე თავის დღეში არ დაუბრანქია და არ დაუსახიჩრებია არც რისხევასა და არც გაბრაზებასაო, თითქო ეს კაცი გაჩენილია მხოლოდ სიყვარულისა და მწუხარებისათვისაო. მღუმარებამ დიდ ხანს გასტანა, ბოლოს ზაგლობამ დაიწყო ათრთოლებულის ხმით:

— თუ შეურაცხვეთ, ღმერთმა დაგსაჯოთ, ხოლო ქალს იმის ღონე მანც მიეცით, რომ მონასტერში შეათაროს თავი...

ბოგუნმა შეჰხედა თვისის დაწყლიანებულის, მწუხარე თე-
-ლებითა.

— თუ შეურაცხვეა? არ ვიცი, როგორ იცით სიყვარუ-
-ლი თქვენ, პანებმა, შლიახტამ და რაინდებმა, ხოლო მე ყაზა-
-ხი ვარ, მე დავიფარე ის ქალი ბარში სიკვდილისა და შერ-
-ცხვენისაგან, ხოლო შემდეგ დავმალე უდაბნოში და იქ ისე
-ეუფრხილდებოდი, როგორც ჩემის თვალის ჩინს, თითიკ არ
-დამიკარებია, დაჩოქილი ვიყავ მის წინაშე და მუხლს ვიყრიდი,
-როგორც ხატის წინა. მიბრძანა წადიო, მეც წამოვედი და მას-
-უკან აღარ მინახავს.

— ღმერთი მაღლად ჩაგითვლით მაგას საშინელსა დღესა
-განკითხვისასა!— სთქვა ზაგლობამ და ამოისუნთქა თავისუფლად.
-მაგრამ საცა არის, შიში ხომ არა მოელის-რა? იქ კრივანოსია,
-თათრები არიან!

კრივანოსი კამენცს ახლოს არის და მე გამომგზავნა ხმელ-
-ნიცკისთან, წავიდე თუ არა კუდაკისკენაო; ახლა, აღბად, წასუ-
-ლიც არის. ხოლო საცა ისა სცხოვრობს, იქ არც ყაზახნი
-არიან, არც ლიახები და არც თათრები; არავეთარი შიში არ
-მოელის.

— მაშ, სად არის?

— გამიგონეთ, ბატონო შლიახტიჩებო! დეე თქვენს სიტყვაზედ იყოს და გეტყვით, საცა არის ის ქალი; ვუბრძანებ კიდევ, რომ ჩაგაბარონ, მაგრამ სამაგიეროდ, უნდა რაინდული სიტყვა მომცეთ, რომ ვინიცობაა მე გავიმარჯვო, თავს დაანებებთ იმ ქალს და ძებნას აღარ დაუწყებთ. თქვენ სიტყვა მომცით თქვენ მაგივრადაცა და სქშეტუსკის მაგივრადაცა და მეც გეტყვით, საცა არის.

მეგობრებმა ერთმანერთს შეჰხედეს.

— ჩვენ ყვ არ შეგვიძლიან!—სთქვა პან ზაგლობამ.

— დიალაც, არ შეგვიძლიან!— წამთიძახეს ერთად კუშელია და ვოლოდიევსკიმ.

— არა?—ჰკითხა ბოგუნმა და წარბები შეეკმუხნა, ხოლო თვალეებმა ნაპერწკლების სროლა დაუწყეს.—რატომ არ შეგიძლიანთ, პან ლიანხო?

— პან სქშეტუსკი აქ არ არის და ამას გარდა, იცოდეთ, არც ერთი ჩვენგანი ხელს არ აიღებს იმის ძებნაზედ, თუნდა ქვესენელში დაჰმალათ.

— მაშ, თქვენც ბარემ ასრე დაგეწყით ჩინჩი: შენ, ყაზახო, სული მოგვეცი, ხოლო ჩვენ ხმლით შეგამკობთ, ამისათვისაო! მაგრამ ვერა, მაგას ვერ მოესწრებით! რაო, თქვენ გგონიათ, იქნება, რომ ჩემი ყაზახური ხმალი ფოლადისა არ არის? რაო, მე რა, მძოვრი ვარ და უკვე ყვაე-ყორანი თავს დამტრიალებენ? რად გგონიათ, რომ მე უნდა გავქრე, მოვკვდე: და არა თქვენა? თქვენ ჩემი სისხლი გწყურიათ, მე თქვენი! ვნახოთ ვისი დაინთხევა.

— მაშ არ გვეტყვით?

— როგორ არა, მოგახსენებთ, სიკვდილის ღირსნი ხართ. თქვენ ყველანი!

— სიკვდილის ღირსი შენა ხარ! ახია შენზედ, ნაქერ-ნაქერ აგკუწოს კაცმა.

— აბა, სცადეთ,—სთქვა ატამანმა და წამოდგა ზეზედ. კუშელი და ვოლოდიევსკიც წამოცვინდნენ. მტრებმა ერთმანერთს თვალეები გადუბრიალეს და შეუბრძოლებლივ არ გა-

თავდებოდა საქმე, რომ ზაგლობას ფანჯარაში არ გაეხედნა და არ ეთქვა, ხარლამპი და მისნი მოწმენი მოვიდნენო.

მართლაც, პატარა ხანს უკან ოთახში შემოვიდა როტმი-სტრი და თან შემოჰყვა ორი ამხანაგი, ბატონი სელიცკები. ჩვეულებრივის სალამ-ქალამის შემდეგ ზაგლობამ გაიხმო ისინი ცალკე და მოუყვა საქმის გარემოებას.

ისეთის მჭერმეტყველობით დაუწყა ლაპარაკი, რომ მალე დააჯერა, განსაკუთრებით უფრო დაიყოლია მით, რომ უთხრა, პან ვოლოდიევისკი მხოლოდ მცირეს ხნითა გთხოვთ საქმე გადასდოთო და ყაზახთან ბრძოლის შემდეგ მზად არის ებრძოლოს ხარლამპსო. ლიტველმა დასთმო თვისი უფლება პირველობისა.

ამასობაში ბოგუნი თავისიანებთან წავიდა და დაბრუნდა ესაულ იალეშენკოთი, რომელსაც გამოუცხადა, რომ ორი შლიახტიჩი გამოვიწვიე ხმალში და მერე ისევე გაიმეორა ხარლამპისა და სელიცკების თანადასწრებით.

— ჩვენის მხრით გაძლევთ სიტყვას,—სთქვა ვოლოდიევისკიმ,—რომ თქვენ თუ გაიმარჯვებ ჩემთან ბრძოლაში, მხოლოდ თქვენს ნება-ყოფლობაზედ იქმნება დამოკიდებული, ინდომებთ თუ არა პან ზაგლობასთან ბრძოლასა. ყოველ შემთხვევაში თქვენ აღარავინ გამოვიწვევთ ხმალში, აღარავინ დაგესხმით თავს. ამ სიტყვას გაძლევთ და ესთხოვ ახლად მოსულეხსაც ასევე მოიქცნენ.

— ვფიცავთ და გაძლევთ სიტყვას,—წარმოსთქვა ლაღებით ხარლამპმა.

ბოგუნმა მისცა ილიაშენკოს წერილი, მეფესთან მოწერილი და უთხრა:

— ამ წერილს მეფეს მიართმევ და, თუ აგიტყდეს რაზე, მოახსენებ იმასაცა და ხმელნიცკისაც, რომ ეგ მოხდა ჩემის ნება-ყოფლობით და რომ ამ საქმეში არავითარი ლალატი არა ყოფილა.

ზაგლობამ, რომელსაც არა გამოჰპარვია—რა, შეამჩნია, რომ ილიაშენკოს გაკლდეებულს და მოღრუბლულს სახეს არავი-

თარი მოუსვენრობა არ შეეცყო; მაშასადამე, მტკიცედ ენდობა და იმედი აქვს თვისის ატამანისაო.

ახლა ბოგუნმა ქედ-მალლობით მიჰმართა შლიახტიჩს:

— აბა, ვნახოთ, ვის უწერია სიკვდილი და ვის სიცოცხლეო. ახლა შეგვიძლიან წავიდეთ.

— დროა, დრო!—დაეთანხმნენ იქ მყოფნი და გაივლეს ხელი ხმლებზედა.

ყველანი გამოვიდნენ დოქნიდან და გაემართნენ პატარა წყალისაკენ, რომელიც მალალ ლელიანებ-შორის მიმდინარეობდა. გაკრიაგებული შემოდგომის დღე იყო, სავსე სევდანადველის ამშლელ შვენებითა. მზე მშვიდის, ალერსიანის ნათელით აშუქებდა გაკრცვნილ ხის ტოტებს და მარჯვენა კიდის ყვითელ ქვიშრობს. მოპირისპირენი და მათნი მოწმენი სწორედ ამ ქვიშრობისკენ მიდიოდნენ.

— აიქა,—გაიწოდა თითი ზაგლობაში.

ყველანი დასთანხმდნენ ხმა-ამოულებლივ.

ზაგლობა თან და თან უფრო მოუსვენრობდა, ბოლოს მიუახლოვდა შეუძნეველად ვოლოდიევსკის.

— პან მიხალ,—წასჩურჩულა ზაგლობამ

— რა იყო?

— ღვთის გულისათვის, პან მიხალ, ეცადეთ! ახლა თქვენს ხელშია ბედი სქშეტუსკისა, თავისუფლება კნიაჟნასი, თქვენი საკუთარი სიცოცხლეცა და... ჩემიცა. იმიტომა რომა, ჯვარი კი გწერიათ, თქვენ რომ აგიტყდეთ რამე, მე რაღას გავაწყობ მაგ ავაზაკთან?

— რაღაზედ გამოიწვიეთ მაშა?

— წამომცდა სიტყვა, მე თქვენი იმედი მქონდა, პან მიხალ. მოხუცი კაცი ვარ და, მაგას გარდა, ნათაზი მაქვს, მალე ვიღლები, ხოლო ეგ მხეცი ისეთია, რომ, რაც უნდა იხტუნოს, მაგისთვის არაფერია. ხუმრობა მაგასთან ძნელია.

— ვეცდები.

— ღმერთი იყოს თქვენი შემწე, მხოლოდ გულ-დამშვიდებით იყავით.

— კარგი, კარგი.

ამ დროს მათთან მივიდა ერთ-ერთი სელიცკი.

— რა კაკა ბრძანდება ეგ თქვენი ყაზახი?— ჩურჩულითა ჰკითხა, — ისე გვედიდება, თითქო ტოლნიც არ ვიყვნეთ მაგისი, ცხვირი მალლა მიაქვს. ოჰ, ჩემა მზემა! ალბად, მაგის დედას შლიახტიჩხედ თუ დარჩენია თვალი ოდესმე.

— ეგ კი არა, — სთქვა ზაგლობამა, — უფრო დასაჯერებელია, რომ რომელსამე შლიახტიჩს შევარდნია გული მაგის დედაზედ.

— მეც ეგრე მგონია, — სთქვა ვოლოდიევსკიმ.

— შესდექით! — დაიღრიალა უცებ ბოგუნმა.

— შესდექით, შესდექით!

ყველანი შესდგნენ, ვოლოდიევსკი და ბოგუნი ერთმანერთის პირის-პირ დადგნენ, შლიახტა ნამგალივით გარს შემოერტყა იმათა.

ვოლოდიევსკი გამოცდილებას არ იყო მოკლებული ამისთანა საქმეში და უპირველეს ყოვლისა გასინჯა ფეხით ნიღაგი, საკმაოდ მაგარია თუ არა ქვიშრობი ადგილიო, მერე მემოიხნდა გარშემო, რა ადგილ-მდებარეობა აქვს აქაურობასაო. ცხადად ეტყუაბოდა, რომ ვოლოდიევსკი დიდის ყურადღებით ეკიდებოდა წინამდებარე ბრძოლასა. ესეც უნდა ყოფილიყო. უნდა შებრძოლებოდა რაინდს, რომელიც სახელ-განთქმული იყო მთელს უკრაინაში, რომლის საქებრადაც ყველგან ლექსები და შაირები იყო გამოთქმული, ვისი სახელიც ჰქუხდა მთელს რუსეთში თვით ყარიმამდე. პან მიხალმა, ერთმა უბრალო დრაგუნთა პორუჩიკმა, იცოდა, რომ ან სახელოვანი გამარჯვება მომელის, ან არა ნაკლებ სახელოვანი სიკვდილიო და ამიტომ ცდილობდა თანასწორი ყოფილიყო თვისის მოპირისპირესი. იქნება ეს იყო მიზეზი, რამ სახე მისი დაფიქრიანდა მეტად, იმდენად დაფიქრიანდა, რომ პან ზაგლობას შეეშინდა და გულში გაივლო: „სულის სიმშვიდესა ჰკარგავს! ჯერ ამას გაუთავებს საქმესა და მერე მე“!

ბოლოს, გასინჯა—რა ყოველის მხრით ნიჰლაგი და ადგილი, დაიწყო ჯუბის ლილების გახსნა.

—ცივა,—სთქვა მან,—მაგრამ სულერთია, გავთბებით. ბოგუნმაც იმის მაგალითს მიჰმართა. მოპირისპირეთ გაიხადეს ზელა-ტანის ტანისამოსი და პერანგის ამაჩანი-ლა დარჩნენ.

ყოველად ჩაგვერა და თითქმის სულ არაფერი არა სჩანდა—რა პან მიხალი ამოდენა ზორბა და ლონიერ ატამანთანა. მოწმენი მოუსვენრობით შესტკეროდნენ ყაზახის განიერს მკერდს, რკინასავით მაგარს ძარღვებს და სხვილს გამკლავებულს მაჯებს. ასე ეგონათ, რომ წიწილა გამოსულა და უნდა შეებრძოლოს ძლიერს მინდერის ქორსაო. ნესტოები ფართედ დაჰბეროდა ბოგუნს, თითქო სისხლის სუნი დაიცესო, წარბები შესქმუნბოდა. დააბღვირა გაბოროტებით სავსე თვალები მოპირის-პირეს და დაუწყა ლოდინი ბრძანებას.

პან ეოლოდივესკიმ გულ-დადებით გაუსინჯა ფხა თავის ხმალს, გადისვა ხელი ოდნავ თაფლა პატარა ულვაშებზედ და მოიმართა საბრძოლველად.

—კარგა კი მოჰხედება მაგასა,—წასჩურჩულა ხარლამპმა თავის ამხანაგს.

ბოლოს მოისმა ათრთოლებული ხმა ზაგლობასი:

—ღმერთო და ბედო! დაიწყეთ!

XII

ხმლებმა იელვეს, ფოლადი ფოლადს მოჰხედა და წკრიალი გაისმა. ადგილი ბრძოლისა უცბად შეიცვალა, რადგან ისეთის გაშმაგებით შეუტია ბოგუნმა ეოლოდივესკის, რომ პატარა აფიცერმა უკან დაიწია რამდენისამე ნაბიჯით, ხოლო მას მიჰყენენ მოწმენიცა. ისეთის სისწრაფით იქნედა ბოგუნის ხმალს, რომ მოწმენი თვალს ვერ ასწრობდნენ; პან მიხალს მხოლოდ ღმერთი-ლა თუ დაიხსნიდა აუცილებელის სიკვდილის პრკყალებისაგან. ერთს შემოქნევას მეორე მოსდევდა,

ფოლადი შუილით აპობდა ჰაერს. ატამანი უფრო და უფრო შმაგობდა, ომის ეშხით ითრობოდა და როგორც გრივალი, ისე მიაქროლებდა წინ პატარა რაინდსა. ვოლოდიევსკი სულ უკან-უკან იწევდა და მხოლოდ იგერიებდა მოტყევებულს ბოგუნსა: მისი წინ-გაწვდილი მარჯვენა ხელი გაშეშებულივით იყო დარჩენილი და მხოლოდ მაჯა-თითები ტრიალებდა და ევლებოდა რკალივით პატარა წრეს წრეზედა ჩსეთის სისწრაფით, თითქო ელფააო და მით აბათილებდა ბოგუნის ხმლის ძლიერს შემოქნევა-ცემასა. პან მიხალი თვალს არ აშორებდა ყაზახის სახეს და ამ გაცეცხლებულ ომში სრულიად გულდამშვიდებული იყო; მხოლოდ ღოყები აუწითლდა იდნავ.

პან ზაგლობამ დაჰხუჭა თვალები და ესმოდა მხოლოდ წკრიალი ხმლის ხმალზედ შემოკერისა.

„ჯერ კიდევ იგერებს!“ — გაივლო გულში ზაგლობამ.

— ჯერ კიდევ ახერხებს მოგერებას! — წაიტუტუნა ხარლამპმა.

— ერთი ნაბიჯი კიდევ და ვოლოდიევსკი ქვიშრობში ჩაიფლება, — ნელის ხმითვე დასძინა კუშელმა.

ზაგლობამ კვლავ გაახილა თვალები.

ვოლოდიევსკი, მართლაც, სულ რამდენსამე ნაბიჯზედ-ღა იყო წყლის ნაპირამდე, მაგრამ, ეტყობოდა, ჯერ კიდევ არ იყო დაქრილი, მხოლოდ სიწითლე ღოყებზედ უფრო მოჰმატებოდა, ხოლო შუბლზედ რამდენიმე წვეთს ოფლს დაესხა.

ზაგლობას გულმა იმედით დაუწყუო ცემა.

„პან მიხალმაც იცის ხომ მოხმარება ხმალისა, — იფიქრა მან. — ბოგუნიც, ალბად, დაილალა“.

ბოგუნი უფრო გაფითრდა, დასველებული შავი თმის კულულები მიჰკროდა გაოფლიანებულს შუბლზედ, მაგრამ ვოლოდიევსკის უნარი მოგერებისა უფრო აძლიერებდა იმის გაშმაგებას. ყაზახის თეთრს კბილებს სულ ელვა გაჰქონდა სიბრაზით, ხოლო გვერდი უღელავდა და ატამანი მძიმედ სუნთქავდა.

ვოლოდიევსკი თვალს არ აშორებდა და იგერიებდა ყაზახს.

უცბად, სწორედ წყლის ნაპირას, მოიკუნტა, თითქო კატაო (დამსწრეთ ასე ეგონათ, ეს არის წაქცევას აპირობსო), დაიხარა, ჩაქუქდა და თვალის დახამხამებაზე გადახტა წინ კამარა-შეკვრითა, პირდაპირ ბოგუნისაკენ.

— იერიში მიიტანა! — დაიძახა პან ზაგლობამ.

სწორედ ასეც იყო: ახლა ატამანმა დაიწყო უკან-უკან წევა, ხოლო პატარა რაინდმა, რაკი გაიგო რაც ძალ-ღონე ჰქონდა მოპირისპირეს, ისეთის ძლიერებით შეუტია ყაზახსა, რომ მოწმეთ სული გაკმინდეს და თავიანთ გულის ბაგა-ბუგი თვითვე ესმოდათ. ცხადი იყო, რომ ვოლოდიევსკი გაცხარდა, პატარა მისი თვალეები სულ ცეცხლსა ჰყრიდა; ხან ჩაქუქდებოდა, ხან კვლავ წამოხტებოდა, ყოველ წუთს იცვლიდა თავის მდგომარეობას, წრედ უვლიდა გარშემო ბოგუნს და ძალას ატანდა ეტრიალნა ერთს ალაგას.

— ოჰ, რა ფებტ-მეისტერია? — იძახოდა ზაგლობა.

— ჩაჰკვდები! — წამოიძახა უცებ ბოგუნმა.

— ჩაჰკვდები! — მისცა ბანი პასუხად ვოლოდიევსკიმ.

აქ ატამანმა ისეთის ხერხით, რომელიც მხოლოდ ხმლის მხმარებელთა ოსტატობის მკოდნეთ იციან, გადიგდო ხმალი მარჯვენა ხელიდან მარცხენაში და ისეთის საშინელებით მოუქნია, რომ პან მიხალი, თითქო მეხი დაეცაო, ისე დაეცა დედამიწაზედ.

— იესო, მარიამ! — აღმოხდა გულიდან ზაგლობას.

ხოლო პან მიხალი განგებ დაეცა, რომ ბოგუნის ხმალს მარტო ჰაერი გაერღვია. მაშინ პატარა რაინდმა იხტუნა გარეულ კატასავით და დასცა ხმალი ყაზახს შიგ გულში.

ბოგუნნი დატორტმანდა, ერთი ნაბიჯი წინ გადასდგა, შეიკრიბა უკანასკნელი ძალ-ღონე და უკანასკნელად კიდევ შემოუქნია ხმალი. პან ვოლოდიევსკიმ ადვილად აუკრა ხმალი, დასჭრა თავში და ხმალი გაუვარდა ბოგუნს დასუსტებულ ხელიდან. ყაზახი დაეცა პირქვე ქვიშაზედ, რომელიც მაშინვე წითლად შეიღება სისხლითა.

ილიაშენკო ღრიალით მივარდა ატამანის გეჰმს. მოწმენი ისე გაშრენენ, რომ რამდენსამე წუთს ხმა ვერ ამოიღეს; პან მიხალსაც კრიკა შეეკრა და მღუმარებდა. ორისავე ხელით დაეყრდნო ხმალს და ძლივს სულს ითქვამდა.

ზაგლობამ პირველმა დაარღვია ღუმელი.

— პან მიხალ, მოდი მოგეხვიო, — წარმოსთქვა მან აღელვებულის ხმითა.

მაშინ დაიწყო ყველამ ლაპარაკი, თითქო ანიშნა ვინმემო. მეტადრე დიდ ალტაცებაში იყო პან ხარლამპი.

— სწორედ არ ველოდი! — დაიძახა იმანა. — ახლა ჩემი რიგია, რომ მხდალობა არაეინ მიკიეინოს. თუმცა ვიცი, რომ თქვენ მეც დამჩეხავთ, მაგრამ მაინც მომილოცნია, მომილოცნია!

— დაანებებდეთ თავსა, ისა სჯობიან, — ჩაერია ზაგლობა, — მით უმეტეს, რომ საიმისო მიზეზი არა გაქვთ — რა ბრძოლისათვის.

— არ იქნება, არა! აქ ჩემ სახელს შეეხება საქმე, ხოლო სახელი ყველაფერზე ძვირფასია ჩემთვის, თვით სიცოცხლეზედაც კი.

— თქვენ სიცოცხლეს არაეინ არ ემუქრება, — სთქვა ვოლოდიევსკიმ, — სჯობიან დავანებოთ მაგ ლაპარაკს თავი. მართალი გითხრათ, სიზმარშიც არ მზმანებია თქვენი რაყიფი გამხდარყიყავ.

— რას ბრძანებთ?

— გაძლევთ სიტყვას.

— თუ აგრეა... და პან ხარლამპმა გაშალა მკლავები.

წელანდელნი მტერნი მეგობრულად გადაეხვიენენ ერთმანერთს.

ამასობაში ილიაშენკომ პირადმა გადააბრუნა გეჰმი ატამანისა და ქვითინით სინჯავდა, იქნება სიცოცხლის ნიშნები რამ კიდეე ვუპოვნოვო. ბოგუნი სულ შედედებულ სისხლით იყო მოსერილი, მაგრამ მაინც კიდეე სუნთქავდა ოღნავ. ფეხები ოღნავ შეუთრთოლდებოდა ხოლმე სულთ-ბრძოლის გაძო, ხო-

ლო დამანქული თითები ხელისა გამწარებით ფხაქნიდა ქვიშ-
რობიანს ნიადაგსა. ზაგლობამ შეხედა და ხელი გააქნია.

— გათაედა, — სთქვა შლიახტაჩმა, — ეთხოვება წუთი-სო-
ფელს.

— კარგი რაინდი კი იყო, — წაიტუტუნა ვოლოდიევსკიმ
და თავი ბოგუნისაკენ მიიღრიჯა.

— ჰო, მე ცოტა რამ არ ვიცი მაგის ამბავისა, — სთქვა ზა-
გლობამ.

ილიაშენკოს უნდოდა წაელო საცოდავი ატამანი, მაგრამ
იძულებული იყო თავი დაენებებინა ამ განზრახვისათვის. ულო-
ნო მოხუცისათვის ძნელი იყო ამოდენა მომზღვლეულ ბუმბე-
რაზის წამოკიდება და წაღება. დუქნამდე კარგა მანძილი იყო,
ხოლო ბოგუნს შეიძლებოდა გზაში ამოსვლოდა სული. ესა-
ულს იმის მეტი ღონე არა ჰქონდა, რომ მიემართნა შლიახტი-
სათვის და შემწეობა ეთხოვნა.

— ჰანებო, — შეევედრა ილიაშენკო აზნაურის-შვილებსა
და აღაპურო მალლა თვალები, — დაავალეთ თქვენს ღმერთსა და
ბიშველეთი ნუ ინებებთ, რომ აქ მოკედეს ძალღივითა. მე მო-
ხუცი ვარ, ვერ მოვერევი, ჩენი კაცებიც კი შორს არიან...

შლიახტიჩებმა ერთმანერთს გადახედეს. აღარავის ახსოვდა
ახლა მძულვარება თვისი ბოგუნის მიმართ.

— დიალაც არ შეიძლება აქ დაესტოვოთ ძალღივითა, —
სთქვა პირველადვე ზაგლობამ. — რალაი ვებრძოლეთ, სჩანს,
მაშ, ტეტია აღარა ყოფილა, არამედ მხედარი და მეომარი,
რომელსაც შველა უნდა. ყმაწვილებო, აბა ვინ მიშველის, რომ
ერთად წავილოთ.

— მე, — სთქვა ვოლოდიევსკიმ.

— აი ამ ჩემს ნაბადზედ დავაწვინოთ და ისე წავილოთ, —
დასძინა ხარლამჰმა.

ერთს წუთს შემდეგ ბოგუნი უკვე ნაბადზედ იყო გაშო-
ტილი. ნაბადს დაავლეს ხელი ოთხ-კუთხივ ზაგლობამ, ვოლო-
დიევსკიმ, კუშელმა და ილიაშენკომ და ამ სახით, ხარლამ-
ჰისა და სელიცკების თან გაყოლებით, გაემართნენ დუქნისაკენ.

— სიკოცხლის ძალა ქარბადა ჰქონია, — ბქობდა და მსჯელობდა გზა-და-გზა ზაგლობა, — ჯერ კიდევ ინძრევა. ღმერთო, შენი ქირიმე! წინად რომ ეთქვა ვისმე ჩემთვის, იქნება უვლილდე კიდეო ბოგუნსაო, საწყენად მივიღებდი და ვეტყოდი, ეგ სადაური ხუმრობაა-მეთქი. გული ჩვილი მაქვს, ძალიან კარგად ვიცი, მაგრამ დაჯერებით მაინც არ დავიჯერებდი ასეთს თქმას, როგორც ვხედავ, წყლულებსაც მე შევუხვეე. იმედია, ამ სოფლად ჩვენ ერთმანერთს აღარ შევხვდებით, მაშ, ესე მაინც იყოს, რომ იმ სოფლად მადლობით მომიგონოს.

— თქვენა გგონიათ, რომ არას გზით აღარ გადარჩება? — ჰკითხა ხარლამპმა.

— ესა? მაგის სიკოცხლეში ერთ ძველ ჩექმასაც აღარ გავიღებ. სჩანს, ამისი ბედის საწერელი ეს იყო; თუნდა რომ გაჰმარჯვებოდა და ეჯობნა ვოლოდიევსკისთვის, სულერთია, მე ველარ გაღმირჩებოდა. მაგრამ, მადლობა ღმერთს, რომ უჩემოდაც გათავდა საქმე; უამისოდაც თავი მომამბეზრეს საყვედურით, რომ უწყალოდ ხოცავ ყველას, ვინც ხმალში გამოდის შენთანაო. მაშ რა ვუყო, როგორ მოვიქცე, როცა შეურაცხყოფას გამიბედავს ვინმე?.. ერთი შეპხედეთ... წყეულმა პირი ჰქნა ისევ. გაიქცეით საჩქაროდ დუქანში, პან ხარლამპ და უბრძანეთ ურიას, რომ პური და აბლაბუდა დაამზადოს. ეს არას უშველის ამ საცოდავს, მაგრამ ქრისტეანე მოვალეა შეუხვიოს წყლულნი ქრისტეანეს. აბა, ჩქარა, პან ხარლამპო!

პან ხარლამპი გაიქცა საჩქაროზედა და, როცა ატამანი შეასვენეს დუქნის ოთახში, ზაგლობა მაშინვე შეუდგა თავის საქმესა. შეაყენა სისხლის დენა, შეუხვია წყლულები დაქრილსა და მერე მიუბრუნდა ილიაშენკოსა:

— შენ აქ საკირო არა ხარ, მოხუცო, — უთხრა ზაგლობამ. — გასწი საჩქაროზედ ზაბოროვსა, სთხოვე იქ, რომ წარგადგინონ მეფის წინაშე, მიართვი იმას წერილი და უამბე ყოველივე, როგორც იყო, როგორცა პნახე შენის თვალითა. არ კი იტყუო, თორემ მაშინვე გავიგებ, მეფის კარის კაცი ვარ და, ვუბრძანებ, რომ მაშინვე თავი მოგკვეთონ. ხმელნიცკისაც

ჩემ მაგიერ მოკითხვა მოახსენე: ისიც მიცნობს; მე და ის მეგობრები ვართ. შენს ატამანს ჩვენ დავმარხავთ, როგორც ეკადრება, შენ კი შენი საქმე გააკეთე. ლუქან-ლუქან ნუ დაიწყებ წოწიალსა იმიტომ რომ მოგკლავენ სადმე უმალ, ვიდრე იტყოდე, ვანცა ხარ. აბა, გასწი! ღმერთი იყოს შენი შემწე და მფარველი!

— ნება მიბოძეთ, ბატონო, დავრჩე, ვიდრე სულს განუტევებდეს.

— გასწი-მეთქი, შენ გეუბნებიან, — შეუტია მრისხანედ ზაგლობამ, — თუ არა და, ცუდად იქნება შენი საქმე! არ კი დავიწყდეს ხმელნიცკის ჩემ მაგიერ მოკითხვა მოახსენო.

ილიაშენკომ დაბლა თავი დაუკრა და წავიდა, ხოლო ზაგლობამ მიჰმართა ხარლამპსა და სთქვა:

— განგებ გავგზავნიე ეგ ყაზახი ჯერ იმიტომ რომ მაგას აქ საქმე აღარა აქვს-რა და მერე იმიტომ რომ, თუ მართლა ეგ მიაღრჩეს სადმე (რაიცა ადვილად შესაძლებელია), მაშინ ყოველივე ჩვენ დაგვბრალდება. ზასლავსკისა და კანცლერის კულები და დამქაშები პირველნი ასტეხენ ერთს დადანსა და ვაი-ვაგლახსა, რომ მთავარისა და ერისთავის კაცებმა უღმერთოდ ამოსწყვიტეს მთლად ყაზახთა საელჩოვო. ხოლო თუ კაცი ჰკუთით მოიქცევა, ყოველთვის შეიძლება უსიამოვნება თავიდან აიცილოს. ისე ნუ მოვიქცევით, რომ იმ კალამ-წრიპინაებმა ცოცხლივ გამოგვხრან, ხოლო თქვენ, ყმაწვილებო, გვიმოწმებთ, თქვენის მხრით, რასაკვირველია, როგორც იყო მთლად საქმე და როგორც გამოგვიწვია ამ კაცმა ხმალში. უნდა უბრძანო კიდევ აქაურს მავასახლისს, რომ დაასაულოვოს ეს ყაზახი. აქ არავინ იცის, ვინც არის ესა, ეგონებათ, შლიახტიჩიაო და წესიერად დაჰმარხავენ. ჩვენ კი, პან მიხალ, აბა, დროა, გზას გავუდგეთ, თავადსაც ანგარიში უნდა მივცეთ ახლა.

ბოგუნის ხრიალმა და ხრიალით სულის მობრუნებამ გააწყვეტინა ლაპარაკი პან ზაგლობას.

— გზას ეძებს ამისი სული ამოსასვლელად, — სთქვა შლიახტიჩმა. — აგერ ახლა თვალთ უბნელდება ამ საცრდავს და მისი სული ფათურით წავა იმ სოფლად. მაგრამ რაღაი ჩვენი სა-

წყალი ქალი არ გაუუბედურებია, ღმერთმა სასუფეველი დაუმკვიდროს, ამინ! წავიდეთ, პან მიხალ, სუკითა და გულით შემინდვია ამისათვის ყოველი მისი დანაშაული, თუმცა სულ ქვეშ რომ ვსთქვა, მე უფრო მეტი უსიამოვნება მივაყენე, ვიდრე იმან მომაყენა მე. მაგრამ ახლა ყოველივე გათავდა. მშვიდობით ბრძანდებოდეთ, ყმაწვილებო! ძალიან მესიამოვნა თქვენისთანა სახელოვან რაინდების გაცნობა. ნუ დაივიწყებთ მხოლოდ გვიმოწმით, თუ ვინიცობაა საქარო იყოს.

XIII

თავადმა ერემიამ საკმაოდ გულ-გრილად მიიღო ამბავი ბოგუნის დამარცხებისა, როცა გაიგო მეტადრე, რომ რაინდნი არა-ჩემის ჯარისანი მზად არიან უმოწმონ ჩემს რაინდებს, პირველად ბოგუნმა გამოითხოვა ხმალში ვოლოდივესკიო. ეს ამბავი რომ ცოტა წინაღ მომხდარიყო და არა მაშინ, როცა უკვე გამოცხადებულ იქნა იან კაზიმირი მეფედ, ბრძოლა კანდიდატებისა რომ გათავებული არა ყოფილიყო, ერემიას მოწინააღმდეგენი კანცლერისა და თავად ღომინიკის მოთავეობით, ამ გარემოებას ხელზედ დაიხვედნენ და აღარავითარი მოწმობა აღარ იქმნებოდა შეწყნარებული. მაგრამ, რაკი კარლოსმა პირველობა კაზიმირს დაუთმო და თავი დაანება ბრძოლას, ყველას სხვა საზრუნავი ჰქონდა ახლა და ბოგუნის ისტორიას სახიფათო შედეგი აღარა მოჰყვა-რა.

მარტო ერთს ხმელნიცკის შეეძლო გაეზვიადებინა ეს საქმე და ერთი ამბავი დაეწია, აი რაოდენად უსამართლოა შლიახტაო, მაგრამ თავადმა სწორედ ივარაუდა, რომ იმიერ-ქორომეთის გეტმანი თვისის ელჩის სიკვდილის ამბავს თვით მეფესაგან მიიღებს და ველარ გაუბედავს ექვს, მეფემ ტყუილი ამბავი მაცნობაო.

თავდი უფრო იმასა ჰზრუნავდა, რომ ამ ამბავმა აღიაქოთი არა მოახდინოს-რა პოლიტიკაშიო. მეორე მხრით თავადს გაახსენდა სქშეტუსკი და იმის სიხარულს სამზღვარი აღარა

ჰქონდა: ახლა კნიაჟნა ელენეს პოვნა ბევრად უფრო აღვილი იქნებაო. ახლა შეიძლება ვიპოვოთ, წავართვათ, ვისაცა ჰყავს, გამოვისყიდოთო, ხოლო თავადი არაფერს არ დაჰზოგავდა, ოღონდ კი დაებრუნებინა ბედნიერება თავისს საყვარელ რაინდისათვის.

ჰან ვოლოდივესკი შიშითა და კრძალვით სავსე მივიდა თავადთან; მხდალი კაცი არ იყო ვოლოდივესკი, მაგრამ ძალიან ეშინოდა მთავრის შეკრულ კოპებისა. ხოლო დიდი იყო განცვიფრება და სიხარული მისი, როცა თავადმა მოისმინა იმისი ნაამბობი, დაფიქრდა პატარა ხანს, ბოლოს წაიძრო თითიდან ძვირფასი ბეჭედი და უთხრა:

— თქვენი სიფრთხილე სწორედ ძალიან მომწონს; აგრე რომ არ მოვტყუულიყავით, ვინ იცის, რა ამბავი ატეხილიყო სეიმის კრებაზედ. თუ კნიაჟნა გამოჩნდა და ვიპოვნეთ სადმე, სქმეტუსკი თქვენგან იქნება გადარჩენილი სიკვდილსა. კორად მესმოდა, რომ თქვენ, ჰან ვოლოდივესკი, იმ ყბედივით, რომელიც ვერ ახერხებს ენა მოიკვნიტოს, როცა საჭიროა, ვერ მოგიხერხებიათ ხმალი ქარქაშში გქონდეთ ჩაგებული დრომდე; ამისათვის, სწორედ გითხრათ, ღირსი ხართ სასჯელისა. ხოლო რადგან ახლა თავი გამოგიდვიათ მეგობრისათვის, ჩვენთა სადროშოთა სახელისათვის და დაგიძლევიათ ისეთი სახელ-განთქმული რაინდი, სხვა აღარა დამრჩენია—რა იმის მეტი, რომ მოგცეთ ეს ბეჭედი; იქონიეთ სახსოვრად და მაგ დღის მოსაგონებლად. ვიცოდე, რომ ყოჩალი ჯარის კაცი იყავით და კარგად იცით ხმარება ხმლისა, ხოლო ახლა ვხედავ, რომ ყოველად ჩინებულმა მესმლემაც თქვენგან უნდა ისწავლოს მისი კარგი ხმარება.

— ესა, ბატონო?—ჩაერია ზაგლობა ლაპარაკში.—ესა, ბატონო, ეშმაკს გააგდებინებს რქებს მესამე შემოქნევაზედ. თუ, თქვენო ბრწყინვალედავ, ბრძანებთ ოდესმე ჩემის თავის მოკვეთას, გთხოვთ ეს დანიშნოთ ჯალათად; ნუგეშად ის მაინც შექნება მაშინ, რომ უცბად წაველ საიქიოს.

თავადმა კმაყოფილებით ვაიღიმა და ჰკითხა:

— შეგხვედრია ვინმე თქვენი ბადალი მეხმლე?

— ერთხელ სქშეტუსკიმ ოღნავ გამკაწრა ხმლითა და მეც აგრედვე ცოტათი გავკენწლე... ეს მაშინ გახლდათ, თქვენო ბრწყინვალეებავ, როცა ამისათვის ორიენი დაგვაპატიმრეთ. პან პოდბიენტასაც დავეძლიე იქნება, რადგან მეტის-მეტი ღონიერია, აგრედვე კუშელსაც, უფრო კარგი მხედველობა რომ ჰქონოდა.

— ნუ დაუჯერებთ, თავადო!—წამოიძახა ზაგლობამ.—მაგას ვერავინ აჯობებს.

— ბოგუნი დიდ ხანს გაუმაგრდა?

— იმასთან საქმის დაქერა ძნელია. მარცხენა ხელითაც იბრძვის.

— იცი, რა გითხრა, პან ვოლოდიეესკი?—სთქვა ხუმრობით თავადმა.—წადით ერთი ზამოსტიეში, გამოითხოვეთ ხმალი-ში ხმელნიცკი და ერთის შემოკვრით დაიხსენით რესპუბლიკა მოსალოდნელ უბედურებისაგან.

— თუ მიბრძანებთ, თქვენო ბრწყინვალეებავ, გიახლებით, ოღონდ გამოვიდეს კი ხმელნიცკი ჩემთან საბრძოლველად.

— ჩვენ ვხუმრობთ,—განაგრძო თავადმა,—ხოლო ქვეყანა იღუპება! მაგრამ ზამოსტიეს კი მაინც უნდა წახვიდეთ მართლა. ამბავი მომივიდა ყაზახთა ბანაკიდან, გამოცხადდება თუ არა არჩევა მეფედ ბატონიშვილის კაზიმირისა, ხმელნიცკი აშლის ალყად შემორტყმულს ჯარებს და რუსეთისაკენ დაიწევსო. ასე მოიქცევა, შესაძლოა, იმიტომ რომ ერთგულება დაუმტკიცოს მეფეს, ან იმიტომ, რომ შიში აქვს, ვაი თუ ზამოსტიეში ჩემი ძლიერება სულ გაცამტყერდესო. მაშ, თქვენ წახვალთ სქშეტუსკისთან და აუწყებთ, რაც მოჰხდა,—ადგეს და დაუწყოს ძებნა კნიაჟნას. უთხარით, რომ აირჩიოს ჩემ სადროშოებში, რამდენი კაციც უნდა მხლებლად და ისე გაუდგეს გზას. მაგას გარდა, წერილსაც მივწერ. საზოგადოდ, დიდს გასაცემს გავცემდი, ოღონდ კი ის სიამოვნება მეგრძნო, რომ იმ კაცმა თავის ბედნიერებას მიაღწია.

— თქვენო ბრწყინვალეებო, მუდამ მამობას გვიწვევით და გვიწვეთ დღესაც,—სთქვა ვოლოდიეესკიმ:— და ჩვენც სიკვდილამდე თქვენი ერთგული ყმები ვიქნებით.

— არ ვიცი, იქნება შიმშილიც გეწეროთ ჩემს სამსახურში ყოფნითა,—უპასუხა თავადმა,—უკეთეს ჩემი სამფლობელო დნებრ გალმა აკლებულ იქმნა, ხოლო ვიდრე მაქვს რამე, ყოველივე ჩემი თქვენია.

— ოჰ, ბატონო!—წამოიძახა პან მიხალმა.—ჩვენი მცირე შეძლება მუდამ თქვენი ჭირის სანაცვლო იყოს.

— ჩემიცა ბატონო!—სთქვა ზაგლობამ.

— არა, ჯერ-ჯერობით საჭირო არ არის,—აღერსიანადა სთქვა თავადმა.—მე მაინც იმედი მაქვს, რომ თუ ვინიცობაა სრულიად გავლარიბდი, რესპუბლიკას გაახსენდება ჩემი შვილები.

თავადმა რა იცოდა, რომ ეს სიტყვები მისი წინასწარმეტყველება იყო. რამდენისამე წლის შემდეგ რესპუბლიკამ იმის ერთადერთს შეიღოს ჩააბარა თვისი ძვირფასი განძი—გვირგვინი, ხოლო იმ დროს ერემიას აუარებელი ქონება და შეძლება მართლაც სულ გასამტვერებული იყო.

— გადავრჩით საფრთხესა და ეს იყო,—სთქვა ზაგლობამ, როცა ისა დე ვოლოდიეესკი გამოვიდნენ თავადის სახლიდან. ახლა უნდა მოგილოცო სწორედ. აბა მაჩვენე ერთი ეგ შენი ბეჭედი. მე და ჩემმა ღმერთმა, სულ ცოტა, ასი ბაჯალლო მაინცა ჰღირს, ძვირფასი ქვა უზის შიგა. ერთი შეემუშტრე ხვალ ვისმე სომეხსა. მაგის ფულით კარგს ქეიფს გავწევო. ჰო, ჩემმა მზემ! შენ როგორა გგონია, პან მიხალ? ხომ იცი, ჯარის კაცის წესი: დღესა ვარ, ხვალ აღარა... ხოლო აქედან ის უნდა დავასკვნათ, რომ ხვალის იმედი ტყუილადა გვაქვს. კაცის სიცოცხლე ხან-მოკლეა, პან მიხალ. ყველაზედ საყურადღებო ის არის, რომ ამიერიდან თავადი აღარ დაგივიწყებს. ერთი ათად მეტს გასცემდა, ოღონდ კი ბოგუნის თავი სქშეტუსკისათვის ჩაეგდო ხალში, თქვენ კი ყოველივე ეს მოახერხეთ. შეგიძლიან დიდის წყალობის იმედი იქონიო, დამიჯერე. ცო-

ტა სოფლები დაურიგებია თავადს თავისს რაინდებისათვის? დაურიგებია კი ირა, უჩუქებია კიდეცა. ბეჭედი! ბეჭედი კიდევ რა არის? შენც დიდი წყალობა მოგელის, ხოლო ბოლოს იქნება აილოს თავადმა და თავისს ნათესავ ქალზედ ჯვარიც გადაგწეროს.

პან მიხალი შეხტა კიდეცა სიხარულითა.

— საიდან იცი, მერე, რომ...

— რაო?

— მე ის უნდა მეთქვა, ეგ რა უცნაური აზრი მოგივიდა ფიქრადა-მეთქი. შესაძლოა განა მაგისთანა რამ ამბავი მოჰხდეს?

— რატომ, რატომ? შლიახტიჩი არა ხარ განა? განა ერთი შლიახტიჩი ტოლი და სწორი არ არის მეორესი? ცოტანი ჰყავს ყოველს მაგნატს ნათესავი ქალები, რომლებსაც თავის საუკეთესო აზნაურშვილებს ურიგებს ცოლებად? ან ასე შორს რად მივდივართ: სენჩელი სუფჩინსკი ვისნევეცკების რომელდაც შორეულს ნათესავს ქალზეა ჯვარ-დაწერილი. ყველანი ძმები ვართ, პან მიხალ, ძმები, თუმცა ერთნი მეორეს ვემსახურებით, ყველანი წარმომდგარვართ იათფეტისგან და ერთ-ერთისაგან გავირჩევით მხოლოდ შეძლებითა და ნამსახურობა-სახელით... ხოლო ყოველს ამას შეიძენს კაცი, თუ ქუჩითა და მოხერხებით მოიქცევა. დიდაც, ზოგიერთ ქვეყნებში თვით აზნაურთა შორისაც არის ხოლმე დიდი გარჩევა... მაგრამ რაო, ის რა აზნაურშვილობაა მერე? ძაღლებს შორის, კიდევ ჰო, ჰო, არის გარჩევა: ძაღლი ზოგი ქოფაკია, ზოგი მეძებარი, მწვეარი, გარნა, იცოდეთ, პან მიხალ, რომ აზნაურთა შორის შეუძლებელია ისეთი გარჩევა იყოს; აგრე რომ იყოს, ჩვენ ხომ მაშინ ძაღლის შვილები ვიქნებოდით და არა შლიახტა, ხოლო ღმერთი არ ინებებს, რომ ეგრე დაამციროს ესდენ ღირსეული წოდება!

— მართალს ამბობთ, — დაეთანხმა ვოლოდივესკი, — მაგრამ ვისნევეცკები ხომ თითქმის მეფის შთამომავლობაა.

— ახლა, განა ეითომ თქვენ კი, პან მიხალ, არ შეიძლება არჩეულ იქმნათ მეფედ? მე პირველი მოგცემდი თეთრ კენ-

ქსა პან ზიგმუნტ კორშევესკისა არ იყოს, რომელიც ამბობდა, თეთრს კენქს ჩემს თავსვე მიეცემ, თუ კამათლების მღერაში არ გავებიო. ჩვენში ხომ, მადლობა შემოქმედსა, ყოველივე in liberis suffragiis არის და მხოლოდ ჩენი სილარიბე გვაბრკოლებს და არა ჩამომავლობა.

პან მიხალმა თანაგრძნობით ამოიოხრა, ნიშნად თანხმობისა.

— რას იხამ? გაგვალარიბეს და გაგვალატაკეს სულ ერთიანად და უნდა სულ გადავშენდეთ, თუ რესპუბლიკა არ იზრუნებს ჩვენთვისა. გასაკვირველი-ლაა, განა, თუ კაცი, თვისის ბუნებით, თავ-დაქერილი და ფხიზელი მეტს სასმელს დაუწყებს სმას ამისთანა ყოფაში? წავიდეთ, პან მიხალ, თითო ჭიქა ღვინო დავლიოთ, იქნება, პატარა დარდი გადაგვეყაროს.

მივიდნენ ძველ ადგილამდე *), დასხდნენ ტავერნაში და დაიწყეს სმა. ლაპარაკი ჩამოუვარდათ, რასაკვირველია, იმდღევანდელ ამბების გამო.

— თუ ხმელნიცკი, მართლა, წავა ზამოსტიიდან და ომიანობა გათავდება, კნიაჟნა მაშინ უთუოდ ჩენია, — სთქვა ზაგლობამ.

— ჩვენ უნდა სქშეტუსკისთან გავეჩქაროთ, ახლა კი თავს ნულარ დავანებებთ, ვიდრე კნიაჟნას არ იპოვის.

— დიალაც, ეხლავ წავიდეთ. ეს არის მხოლოდ, რომ ამ ეამად შეუძლებელია ზამოსტიემდე მიაღწიოს კაცმა.

— ერთი-ორი დღე აქეთ იყოს, თუ იქით, არაფერია, ოღონდ ბოლოს გვიშველოს ლმერთმა.

ზაგლობამ უცბად გადაჰკრა თავისი ჭიქა სასმელი.

— გვიშველოს, გვიშველოს... იცი, პან მიხალ, რას გეტყვი?

— რასა?

— ბოგუნი ჩაჰბარდა პატრონს.

ვოლოდივესკიმ გაკვირვებით შეჰხედა მოსაუბრეს.

— თუ არ მე, სხვამ ვინ უნდა იცოდეს ეგა?

*) მოედანია ვარშავაში.

— ღმერთმა გაგაბედნიეროს ამ საქმისათვის! შენც იცი და მეცა; ვნახე, როგორც იბრძოდით, ეხლა რომ გიყურებ, სულ ეს უნდა ვიმეორო, იმიტომ რომ ხან და ხან ასე მგონია, ვითომ ყოვლად სასიხარულო სიზმარი მესიზმრა-მეთქი. რაოდენი მწუხარება დაჰლია, რა ნასკვი გაჰკვეთა შენმა ხმალი-მა! ოი, შენ და შენს... დაიჯერებ, თუ არა, მინდა ვსთქვა რა-ღაცა და რა ვსთქვა, მეც არ ვიცი! მოდი ერთი ჩემს ახლოს, ველარ მომიტმენია! მოდი, ერთხელ კიდევ გადაგკოცნო! ბოგუნნი აღარ არის, წავიდა, გაჰქრა, ვითარცა კვამლი! მოიკლა სიკვდილითა, ამიერ და უკუნისამდე, ამინ!

ზაგლობა გადაეხვია ვოლოდიევსკის.

— ჩვენ არ დავსწრებივართ იმის სიკვდილსა, — სთქვა ვოლოდიევსკიმ და ჩამოჯდა თავის სკამზედა, — რა სერი იქნება, რომ ისეე გაცოცხლდეს?!

— რას ამბობ, ერთი, თუ ღმერთი გწამს! — შეშფოთდა ზაგლობა. — ხვალ დილით ლიპკოვს მინდოდა წასვლა იმის დასამარხავად. დიდის ამბითაც მივაბარებ მიწას, ოღონდ კი მოკვდეს.

— რაზედ უნდა წახვიდე? თუ დაქრილია, ხომ ველარ დასკრი კიდევ სასიკვდილოდ, ხოლო ხმლით დაქრილს სულ აგრე სჩვევია: ვინც მაშინვე არ განუტევებს სულს, ის მომეტებულ შემთხვევაში რჩება, ხმალი ტყვია არ არის.

— არა, არა, ეგ შეუძლებელია! სულთ მობრძავი იყო, როცა ჩვენ იქიდან წამოვედით. ღმერთმანი, შეუძლებელია. მე თვითონ ვნახე იმისი კრილობანი... გულის ფიცარი სულ გაჩეხილი ჰქონდა. დავანებოთ იმას თავი. ჩვენ უნდა სქემეტუსკისთან გავეშუროთ, ვანუგეშოთ, შემწეობა აღმოვეჩინოთ, თორემ ჯავრით მოკვდება.

— ან ბერად შესდგება; თვითონ მითხრა.

— რა გასაკვირველია. მეც რომ იმის ალაგს ვყოფილიყავ, ბერად შევიმოსებოდი. არ შემხვედრია მაგაზედ ღირსეული რაინდი, გარნა არც მინახავს ვინმე ვგრე უბედური. ოჰ, დიდი მწუხარება მიაყენა ღმერთმა, დიდი!

— კარგია ერთი!— დაიწყო, ცოტა არ იყოს, შეზარხოშებულმა ვოლოდიევსკიმ, — ისეც ლამის ტირილი მომივიდეს.

— მე კი არ მომივა ტირილი? ისეთი რაინდი, ისეთი მეომარი... ის ქალი... შენ არ იცნობ... საწყალი ჩემი ქალი!

პან ზაგლობამ ქვითინი დაიწყო, ვოლოდიევსკიმ იმის მაგალითს მიჰბაძა. დიდ ხანს ისხდნენ ასე მეგობრები და ნელ-ნელა წრუპავდნენ სასმელს ჭიქით. ბოლოს ზაგლობამ დაჰკრა მუშტი სტოლსა.

— პან მიხალ, რასა ვტირით ნეტავი? ბოგუნი მკვდარია!

— მართალია, — სთქვა ვოლოდიევსკიმ.

— უნდა ვიმხიარულოთ. სულელები ვიქნებით, რომ ის ქალი ვერ მოეძებნათ.

— გაეწიოთ!

და პან მიხალი წამოდგა ზეზედ.

— დავლიოთ! — გაუსწორა სიტყვა პან ზაგლობამ. — ღმერთი მოწყალეა, იმათ შეილებსაც მოვნათლავთ მალე... სულ კი იმიტომ რომ ბოგუნი მოკვალით.

— კარგ ყოფაში იქნება საიქიოს! — დაათვა ვოლოდიევსკიმ და ის კი ველარ შეჰნიშნა, რომ ზაგლობა თვითონაც წილს იღებდა ბოგუნის მოკვლაში და იზიარებდა თავის ამხანაგის სახელს.

XIV

ძლივს ვარშავის საკათედრო ტაძარში გაისმა გრგვინვა: *Te Deum laudamus* — „მეფე აღვიდა ტახტზედა,“ ზარბაზნებმა გრიალი დაიწყო, ატყდა ზარების მხიარული რეკა-წკარუნნი და იმედმა ნელ-ნელა დაიჭირა ადგილი განწირულებისა: ძლივს, როგორც იყო, წარვიდა დრო უქვეობისა, დრო უთანხმოებისა და მოუსვენრობისა, დრო მით უფრო საშიში რესპუბლიკისათვის, რომ მტერმაც მაშინ გაიმარჯვა ზედიზედა. ვინც აქამდე თრთოდა და კანკალებდა, ვაი თუ რა მოგვევლინოსო, ის ახლა თავისუფლად სუნთქავდა. ბევრს ეგონა, რომ უმაგალითო შინაუ-

რი შფოთი და აღრეულობა სამუდამოდ გათავდა და ახლად ამორჩეულს მეფეს ისლა დარჩენია მხოლოდ, რომ განიკითხოს დამნაშავენიო. ამ იმედს ფრთას ასხავედა ცოტაოდნად ხმელნიცკის ქცევაცა. ის ყაზახნი, რომელნიც ზამოსტიეს იერიშით აღებას ჰფიქრობდნენ, ხმა-მალლა აცხადებდნენ ახლა, რომ იან კაზიმირის მომხრენი ვართო. ხმელნიცკისაგან წერილი მოვიდა, ყოვლად ერთგული ქვეშევრდომი ვარ მეფისა და გთხოვთ წყალობას ჩემთვისა და იმიერ ქორომეთის ჯარისათვისაო. ყველამ იცოდა, რომ მეფე თანხმა იყო კანცლერ ოსოლინსკის პოლიტიკისა და სწადდა ბევრი რამ დასათმობი დაეთმო ყაზახთათვის. როგორც პილავეცის ომის წინად ყველა მოელოდა ბრძოლას, ისე ახლა ყველას იმედი ჰქონდა მშვიდობიანობისა. ყველა იმედოვნებდა, რომ ამდენის ვაივაგლახის შემდეგ რესპუბლიკა მოისვენებს და გაიმთელებს თვისთა წყლულთა ამ ახალს მეფობაშიო.

ბოლოს გაემართა ვარშაიდან ხმელნიცკისთან სნიაროვსკი და შემდეგ მალე გავარდა სასიხარულო ხმა, რომ ყაზახნი უკან ბრუნდებიან ზამოსტიედან, უკრაინისაკენ მიდიან და იქ დაუწყებენ ლოდინს მეფის ბრძანებას და კომისიას, რომელიც განიხილავს მათს საჩივარსაო. კაცს ეგონებოდა, რომ ეს არის დადლილსა და დაქანცულს ქვეყანას საშინელ გრიგალს შემდეგ გაუთენდება დღე მშვიდობისა და სიხარულისაო.

მართალია, შავ-უკუღმა ნიშნებიც ცოტა არ იყო, მაგრამ რაკი სამხიარულო გარემოებას ბევრსა ჰხედავდნენ, არავინ ყურადღებას არ აქცევდა იმ მოშაებედებულს ნიშნებსა. მეფე წაბრძანდა ჩენსტოხოვოს და იქ მადლობა შესწირა ყოვლად წმიდა ქალწულსა არჩევისათვის, ხოლო იქიდან გაემართა კრაკოვს გვირგვინის კურთხევისათვის. იმას გაჰყვნენ ყველა დიდებულნი და უმაღლესნი მოხელენი. ვარშაეა დაცარიელდა; იქ დარჩნენ მხოლოდ ისინი, ვის მამულებიც აიკლო მტერმა და აგრედვე ისინიცა, რომელთაც არ იცოდნენ სად წასულიყვნენ. თავადი ერემია, როგორც სენატორი რესპუბლიკისა თან უნდა წაჰყოლოდა მეფეს, ხოლო ვოლოდივესკი და ზაგლობა დრაგუნთა

ერთის სადროშოთი გაეშურნენ ზამოსტიეს, სქშეტუსკი გავახაროთ ბოგუნის ამბითა და მერე ყველამ ერთად დაეიწყათ კნიანას ძებნაო.

პან ზაგლობამ, ცოტა არ იყოს, სინანულით დასტოვა ვარშავა: იქ იმოდენა თავად-აზნაურობა იყო შეკრებილი, ცხოვრება სდულდა და გადმოდოდა არჩევანების გამო, გამუდმებული ქეიფი და დროს ტარება იყო და ყოველ ამის გამო ისე სცურავდა სიამოვნებაში, როგორც კამეჩი მორევში. ნუგეშად ისღა ჰქონდა, რომ ახლა ისევ მხნე ცხოვრებას ვუბრუნდები და ამისთანა ცხოვრებაში ჩემი ნიჭი უფრო მეტს შნოს გამოიჩინს და წესიერად გადიშლებო. ესეც რომ არა ყოფილიყო, პან ზაგლობამ იფიქრა, სატახტო ქალაქში ცხოვრება, ცოტა არ იყოს, საშიშიაო. და აი როგორ გაუზიარა ეს ფიქრი ვოლოდიევსკის:

— მართალია, პან მიხალ, ვარშავაში ბევრი სასახელო საქმე მოვიქმედეთ, მაგრამ, ღმერთმა კი ნუ ჰქმნას, და კიდევ რომ დიდ ხანს დავრჩენილიყავით იქა, სულ გავნებიერდებოდით, როგორც განებიერდა ერთი ვიღაც კართაგინელი კაპუის ლაჟვარდ ცის-ქვეშ ყოფნითა. ახლა ქალები?... ოჰ, ყველაზედ საშიში ეს ქალები იყო. ვის არ მოსტეხენ ისინი კისერსა და, იცი, რა გითხრა, იმათზედ ცვალებადიც აღარა არის-რა. კაცს რომ სიბერისკენა ჰქონდეს ფეხი გაშვერილი, ისინი მაინც თავისკენ ეწევიან...

— ეჰ, ნეტა რა სისულელესა როშავ შენცა! — გააწყვეტინა სიტყვა ვოლოდიევსკიმ.

— მეც სულ მაგასა ვფიქრობ, რომ დროა დავდინჯდეთქი, მაგრამ ვგრძნობ, სისხლი ჯერ კიდევ მიდულს ძარღვებში. შენ უფრო დამჯდარის ბუნების კაცი ხარ, რა გიშავს! მაგრამ დავანებოთ ამას თავი. ახლა სულ სხვა ცხოვრებას უნდა შევუდგეთ. ცოტა არ იყოს, მომეწყინა ახლა, რაკი ომი და ბრძოლა აღარ არის. ჩვენი პოლკი ჩინებულად არის შეიარაღებული, ხოლო ზამოსტიეს გარშემო ჰინჰველასავით ირევიან სხვა-და-სხვა ბრბონი ავაზაკთა, მაშასადამე, შეიძლება კაცმა

გული გადააყოლოს. ამას გარდა, სქშეტუსკისაცა ვნახავთ, იმ ლიტველ წეროსა, იმ სვიის ასაყვანსარსა, პან ლონგინუსსაცა. რამდენი ხანია ერთმანერთი აღარ გვინახავს!

— ახლა ძალიან გინდა მისი ნახვა და, როცა ჰნახავ კი, მოსვენებას აღარ აძლევ.

— ეისი ბრაღია? ისე სიტყვას არ იტყვის, რომ ყურნი არ დავალდეს სმენლისა. გაქიანურებით ხომ ისე აქიანურებს, რომ სულს ამოართმევს ადამიანსა! ყოველივე ძალა მკლავებში მოჰგროვებია, თავში კი არათფერი უყრია. თუ ვისმე მკლავება მოჰხვია, წავიდა იმისი საქმე საუკუნოდ და ამასთან მთელს რესპუბლიკაში იმისთანა ბავშვი არ მოიძებნება, რომ იმის გასულელდება არ შეიძლოს. გაგონილა, რომ იმისთანა შეძლების კაცი ისეთი ტუტუცი იყო?!

— განა აგრე შეძლებულია?

— ისა? მე რომ პირველად გავიცანი, სარტყელი სულ ბაჯალლოთი ჰქონდა სავსე. რამდენი იყო, არ ვიცი, ბევრი კი ჰქონდა ძალიან. მერე მოჰყვა და ჩამოთვალა თავისი სოფლები: თავვი-წელა, ძაღლი-წელა, ვიღვიზკი, სისუტიანი... ვინ დაიხსომებდა ამ წარმართ სახელებსა! ნახევარ-მაზრა სულ იმისი ყოფილა. ბატენიელებში პოდბიპენტას გვარი დიდს პატივ-ღებაშია.

— არ აზვიადებ ვითომ იმის მამულების რაოდენობას?

— სრულიადაც არა. მე იმასვე ვიმეორებ, რაც იმისაგან გამიგონია, ხოლო პოდბიპენტას თავის სიცოცხლეში ტყუილი არ უთქვამს, იმიტომ რომ იმდენად ტუტუცია, ტყუილის თქმასაც ვერ მოახერხებს.

— ჰმ, მაშ ანნა დიდი ქალბატონი იქნება. მაგაზედ კი ვერას გზით ვერ დაგეთანხმები, რომ ვითომ ლონგინუსი ტუტუცი იყო: დამჯდარი კაცია, გულადი, თუ საქიროა, იმაზედ ჰქვიანურს ვერაინ რას გირჩევს, ხოლო მქვერ-მეტყველობის შნო თუ არა აქვს, რა ვუყოთ; ყველას ხომ ღმერთმა ისეთი ენა არ მისცა, როგორც შენ. მეტი ლაპარაკი რა საქიროა, რაინდია ნამდვილი და შენც, ვიცი, ძალიან გიყვარს.

— ოჰ, ცეცხლია იმასთან ერთად ყოფნა,—წაიტუტუნა ზაგლობამ.—ერთად-ერთი ჩემი ნუგეში ის არის, რომ პანნა ანნას დაეუწყებ არშიყოზას.

— არ გირჩევ. მშვიდობიანი კაცია, მაგრამ იმის მოთმინებასაც სამზღვარი აქვს.

— აქვს და ჰქონდეს. სულ ყურებს დავაჭრი, აი, როგორც პან ღუნჩევსკის დავაჭერი.

— ჩემს მოსისხლე მტერს არ ვურჩევდი, პან ლონგინუსს ჩხუბი აუტეხე-მეთქი.

— კარგი, კარგი, სულ ერთია. ერთი ჩქარა კი ვნახოთ ოლონდა-და!

პან ზაგლობას სურვილი უფრო უმაღლესად ასრულდა, ვიდრე თვითონ მოელოდა. საბურთალოზედ ვოლოდივესკიმ გადასწყვიტა ჩამომხდარიყო და ცხენები დაესვენებინა. ვინ ასწერს ორივე მეგობრის განცვიფრებას იმ დროს, როცა ესენი შევიდნენ თუ არა ბაკების ბნელ დერეფანში, თვით პან პოლბიპენტას კი წააწყდნენ.

— ღმერთო ჩემო!—გაუხარდა ზაგლობას:—რამდენი ხანია ერთმანეთი აღარ გვინახავს: ყაზახებმა არ მოგკლეს ზამოსტიეში?

— სად მიდიხართ?—ჰკითხა ვოლოდივესკიმ.

— ვარშავას, თავადთან.

— თავადი ვარშავაში არ არის; კრაკოვს წავიდა მეფესთან ერთად დავიერკვინებაზედ.

— მე კი პან ვეიგერმა გამომგზავნა, წადი ვარშავას, წერილი მიართვი თავადს და სთხოვე გვიბრძანოს, საით წავიდეთ თქვენის ჯარითაო. ღვთის მადლით, ეგ ჯარები ზამოსტიეში საქირო აღარ არის.

— საქირო აღარ არის თქვენი იქ წასვლა, ჩვენ თვითონ დაგვაბარა, როგორც უნდა მოიქცეთ.

პან ლონგინუსი დალონდა. ვარაუდობდა, მეფის კარსა ვნახავ და უფრო იმ ერთის სულიერის ყურებით დავსტკბებოო. ზაგლობამ მრავალ-მნიშვნელობით თვალი უყო ვოლოდივესკის.

— მაშ, კრაკოვს წავალ,—თქვა ცოტაოდენის დაფიქრების შემდეგ ლიტველმა.—ნაბრძანები მაქვს, წერილი წაიღეო და მეც წავიღებ... თქვენ საით-ღა აპირობთ?

— ზამოსტიეს მივდივართ, სქშეტუსკისთან.

— პორუჩიკი ზამოსტიეში აღარ არის.

— ერიჰა! მაშ სად არის?

— სადღაც ხოროშინს ახლოა, ავაზაკთა ბრბოს ებრძვის. ხმელნიცკი წავიდა, მაგრამ იმისი პოლკოვნიკები მოუსვენრობენ გზაში. ვალეცის უფროსმა გაჰგზავნა მათ წინააღმდეგ პან იაკუბ რეგოვსკი...

— სქშეტუსკიცა?

— ისიცა; მხოლოდ ცალ-ცალკე კი იბრძვიან.

ზაგლობამ მოატანა ბლომად ლუდი და მოუჯდა სტოლს ვოლოდიევსკისთანა და პან ლონგინუსთან ერთად.

— თქვენ კი, პან პოდბიჰენტა, ჯერ არ იცით, ყოვლად საყურადღებო და სასიამოვნო ამბავი,—დაიწყა ზაგლობამ,—მე და პან მიხალომა ბოგუნს ანდერძი აუუგეთ.

ლიტველს ისე გაეხარდა, რომ კინალამ ერთს არშინზედ შეხტა დაჯდომილა.

— ჩემო ძვირფასნო, ნუ თუ მართალია?

— ისევე მართალია, როგორც ის, რომ ახლა ჩვენა გვხვდავ.

— მაშ ორივემ მოჰკალით, ჰა?

— მაშ.

— ახალი ამბავიც ამასა ჰქვიან! ლმერთო, ლმერთო!—და პან ლონგინუსმა დაიწყა სინარულით ტაშის კვრა.—თქვენ ამბობთ, რომ ჩვენ ორივემაო. როგორ ორივემ?

— ჯერ მე შემოვეუარე გარშემო ისე, რომ ხმალში გამოგვიწვია, გეყურება? მერე პან მიხალი გავიდა პირველად ხმალში და ისე გაჰხადა, როგორც სააღდგომო გოჭი.

— თქვენ კი არ ებრძოლეთ?

— ჰმ, ებრძოლეთ?—იწყინა ზაგლობამ,—მოდის და ახლა ამას ელაპარაკე. მგონია, სისხლი გამოგიშვებინებია ამ ცოტა

ხანში, რომ თქვენი უნარი მოსაზრებისა აგრე უკან-უკან წასულა. როგორ, თქვენ გგონიათ, ვითომ უსულო გვამს დაუფუყებდი ბრძოლას, ან უკვე წაქცეულს და დაცემულს მოუყვებოდი თოფ-დამბაჩის დახლასა?

— თქვენ არა სთქვით ორივემაო...

პან ზაგლობამ მხრები შეიშმუნა.

— ამ კაცთან ლაპარაკი წმინდანსაც მოთმინებას დაუყარავს. პან მიხალ, ბოგუნმა განა ჩვენ ორიენი არ გამოგვიწვია ხმაღში?

— ორიენი, — კვერი დაუკრა ვოლოდიევსკიმ.

— ახლა ხომ მიხვდით.

— დაე, აგრე იყოს, — დაეთანხმა ლონგინუსიცა. — პან სქშეტუსკიც ეძებდა ბოგუნს ზამოსტიეს, მაგრამ იქ არსად იყო.

— როგორ, სქშეტუსკი ეძებდა?

— როგორც ვხედავ, ყოველივე თავიდან უნდა გიამბოთ, დალაგებით. როგორც იცით, ჩვენ ზამოსტიეში დაეჩიო, ხოლო თქვენ ვარშავას წახვედით. ყაზახების ლოდინი დიდ ხანს არ დაგვჭირვებია, მალე კალიასავით შემოესიენენ ზამოსტიეს ლეოვიდან. მაგრამ ჩვენს თავადს ისე ჰქონდა ის მხარე გამაგრებული, რომ ორ წელიწადს მდგარიყვნენ, მაინც ვერას დააკლებდნენ, ჩვენ გვეგონა, სულ არ მოიტანენ იერიშისაო და ძალიან ეწუხდით, იმიტომ რომ იმედი გვქონდა, დავამარცხებდით. ხოლო რადგან ყაზახებთან ერთად თათრებიც იყვნენ, ამიტომ მეც ძრიელა ვწუხდი. სულ იმის იმედში ვიყავი, რომ მოწყალე ღმერთი მომივლენს საიდანმე იმ სამს თავსა-მეთქი.

— ღმერთს შენ ერთი თავი სთხოვე, ერთი, მხოლოდ ქუჩით კი იყოს სავსე, — გააწყვეტინა სიტყვა ზაგლობამ,

— შენ კიდევ ისეთივე ხარ... შენსას არ იშლი... ყურსაც არ გათხოვებ... გვეგონა, იერიშს არ მოიტანენო, მაგრამ სულ სხვათრივ კი წავიდა საქმე: სულელმა ყაზახებმა მაშინვე დაიწყეს სიმაგრეთა აგება და მოგვესიენენ. შემდეგ აღმოჩნდა, რომ ხმელნიცკის არ უნდოდა ესა, გარნა ჩარნოტამ აღარ მოუსვენა, მხდალი ხარ, მოღალატეო. ხმელნიცკიც დაეთანხმა და პი-

რველადვე ჩარნოტა მოგვაგდო ზედა. რა ამბავი იყო, ჩემო ძვირფასნო, კაცი ვერ იტყვის ენითა. გარშემო აღარა სჩანდა-რა, ისე ჩამობნელდა თოფი-წამლის კვამლისაგან. პირველში გულადად შემოკვიტიეს, ამოაესეს თხრილები და ამოფოფხდნენ კედლებზედ, მაგრამ ისე გაეუხადეთ საქმე, რომ კედლებსაც მო-შორდნენ და თავიანთ სიმაგრეებსაც გაექცნენ, მაშინ გაუუ-ცვივდით და ისე ამოვევლიტეთ, როგორც ხბორები.

ვოლოდიევსკიმ ხელების ფშვნეტა დაიწყო.

— უჰ, რა მწყინს, რომ მე ვერ დავესწაჩი მაგ ბედნიერს დღეს! — აღტაცებითა სთქვა იმანა.

— მეც კი გამოვდგებოდი იქა. — გულ-დამშვიდებულის სი-მტკიცითა სთქვა ზაგლობამ.

— ყველაზედ მეტად თავი ისახელეს პან სქშეტუსკიმა და პან იაკუბ რეგოვსკიმ: ორნივე კარგნი რაინდნი არიან, თუმ-ცა ერთმანეთს კი მტრულად ეკიდებიან. უფრო პან რეგოვსკია წინააღმდეგი სქშეტუსკისა და უსათუოდ ხმალში გამოითხოვ-და, რომ პან ვეიგერს სასტიკად არ აღეკრძალნა ღუელი: ვინც ხმალში გავა, სიკვდილით იქმნება დასჯილიო, გასცა ბრძანება. პირველში ვერ მივხვდით, რა მიზეზი იყო მათის უსიამოვნები-სა, რად ჰყავდათ ერთმანეთი ათვალწუნებული და მხოლოდ ბოლოს გავიგეთ, რომ პან რეგოვსკი ნათესავი თურმეა პან ლაშჩისა, რომელიც, ხომ განსოვთ, თავადმა პოლკიდან დაი-თხოვა, სქშეტუსკის ჩხუბი რად აუტეხეო. ეს არის მიზეზი, რომ რეგოვსკი გაბუტებულია თავადის წინააღმდეგ, ვეჯავრე-ბით ჩვენც და უბღვერის მეტადრე პორუჩიკს სქშეტუსკისა; ესევე იყო მიზეზი, რომ ორნივე თითქო ერთმანეთს ეჯობრე-ბოდნენ, აბა რომელი უფრო გამარჯვებით იბრძოდლებსო და ამ სახით ორივემ დიდი სახელი და დიდება შეიმოსეს. ორნივე პირველობდნენ დამხდურთა შორისაცა და მაშინაც, როცა ცი-ხეს თავს ვანებებდით და თავს ვესხმოდით მტერს. ბოლოს ხმელნიცკის მოსწყინდა წამ და უწუმ იერიშის მოტანა და წესიერად შემოარტყა ალყა ჩვენს სიმაგრეს. თან სხვა-და-სხვა ცბიერობასაც არ ერიდებოდა, რომ როგორმე აეღო ქალაქი.

გადარეული კაცია, მაგრამ თან ისეთიც არის, რომაელები რომ იტყოდნენ obscurus. იმას ეგონა, რომ ვეიგერი ნემენციაო (ეტყობა არც კი გაუგონია, რომ ზღვის პირად არიან ერისთავ-მოურავნი ამ გვარის კაცთა შორის) და მოსწერა წერილი, უღალატე შენს მთავრობას, რისთვის მაკლავ თავსა, უცხოელი კაცი ხარო. პან ვეიგერმა მისწერა ვინც იყო და რა საქმეური გზაც აერჩია ხმელნიცკის მის შესაცდენად. უნდოდა წერილი რომელისამე შესამჩნევის კაცისათვის გაეტანებინა და არა საყვირის-დამკვრელისათვის, მაგრამ არავინ მოინდომა წასვლა იმ ბანაკში, საცა ყოველს გვარს ვიგინდარასა და ავაზაკს მოეყარა თავი. ზოგმა რა მიზეზი მოიღო, ზოგმა რა და აი აქ იწყება ფრიად საინტერესო ამბავი... ყურს უგდებთ თუ არა ჩემს ლაპარაკსა?

— როგორ არა, როგორ არა.

— წერილის წაღება გეტმანთან მე ვიტვირთე და, როცა მივედი, მთვრალი კი დამხვდა. აქედ მიმიღო ძალიან, კვერთხის დარტყმასაც კი მემუქრებოდა, როცა წერილი წაიკითხა, ხოლო მე მორჩილებით შევავედრე სული ჩემი ღმერთსა და ვფიქრობდი გულში: „ერთი ხელი მახელი და მუშტით გაგინაქყამ მაგ გაბუებულ თავსა-მეთქი“. მაშ, რა მექნა, ჩემნო ძვირფასნო, ჰა?

— მშვენიერი ფიქრი მოგსვლია აზრად!—ცოტა არ იყოს ლმობიერის გრძნობით წარმოსთქვა ზაგლობამ.

— განრისხებული მოიწვედა ჩემკენა, მაგრამ პოლკოვნიკები ნებას არ აძლევდნენ და წინ ეღობებოდნენ,—განაგრძო პან ლონგინუსმა.—მეტადრე ერთი ყმაწვილი კაცი, ისეთი გაბედული, რომ წაავლებდა ხოლმე ხელს გეტმანსა და უკან გადასჩეხავდა ხოლმე. ვუცქერი დი ვამბობ, რა ექნა, ვინ არის, რომ ასე მესარჩლება-მეთქი და თან მიკვირს იმისი გამბედაობა... აღმოჩნდა, რომ ბოგუნი კია თურმე.

— ბოგუნი?—შესძახეს ერთად ვოლოდიევსკიმა და ზაგლობამ.

— სწორედ ისა. ვიცანი, იმიტომ რომ რაზლოგში ვნახე ერთხელა; იმანაც მიცნო. გავიგონე, როცა ხმელნიცკის უთხრა: „ეგ კაცი ჩემი ნაცნობიაო“. ახლა ხმელნიცკიმ მიახალა სისწრაფით, როგორც ეს სჩვევიათ გადაკრულებს: „რახან შენი ნაცნობია, შეილო, აიღე და ორმოც და ათი ტალერი მიეცი, ხოლო მე პასუხს მიეცემ“. მომცა კიდევ პასუხი, ხოლო ფულის შესახებ მე ვუთხარი, ეგ ფული თქვენის გაიდუკებისათვის შეინახე-მეთქი, რადგან თავადის აფიცერს არ ეკადრება და არც არა უჭირს-რა, რომ ფეშქაშები მიიღოს-მეთქი. საკმაოდ თავაზით გამომაცილეს გეტმანის კარაგიდან, მაგრამ გამოვედი თუ არა, ბოგუნი დამეწია: „ჩვენ რაზლოგში გავიცანით ერთმანეთიო“. — „სწორედ აგრე ვახლავთ-მეთქი, მხოლოდ მაშინ არ მეგონა, ჩემო კარგო, რომ ამ ბანაკში გნახავდი-მეთქი“. ახლა იმანა: „ჩემი ნებით არ მომივიდა, უბედურებამ ჩამაგლო ამ ყოფაშიო“. ვუთხარი სხვათა შორის, იარმოლინცში რომ კუდით ქვა ვასროლინეთ. „არ ვიცოდი, ვინ იყავითო,— მითხრა,— მერე ხელშიც ვიყავ დაჭრილი, ჩემს კაცებს კი ეგონათ, რომ თვით ერემია დაგვესხა თავსაო“. ჩვენც არ ვიცოდით (მე ვუბნევი), თორემ სქშეტუსკის რომ სცოდნოდა, თქვენ იყავით, ერთ-ერთი თქვენგანი დღეს მზე-დაბნელებული იქმნებოდა.

— სწორედ აგრეც იქმნებოდა უსათუოდ. იმან რალა სთქვა მაგაზედა? — ჰკითხა ვოლოდიეესკიმ.

— უცბად გადაასხვადფერა ლაპარაკი. მიაშბო, რომ კრივანოსმა წერილები გამატანა ხმელნიცკისთან, რომელიც მაშინ ლვოვს ახლოს იყოვო, ცოტაოდენს დაისვენებო, ხმელნიცკი აღარ მიშეებდა უკანა, უფრო დიდის საქმისათვის გამომადგობიო. ბოლოს მეკითხება: „სად არის პან სქშეტუსკიო?“ ხოლო როცა ვუპასუხე, ზამოსტიეშია-მეთქი, დაუმატა: „იქნება შევხედეთ როდისმე ერთმანეთსაო“ — და გამომეთხოვა.

— მე მგონია, რომ მაგ ამბავს შემდეგ გაჰგზავნა ხმელნიცკიმ ვარშავას ბოგუნი და წერილები გაატანა, — სთქვა ზაგლობამ.

— სწორედ აგრეა, მაგრამ მოითმინეთ. მე დავბრუნდი უკან და ვუამბე ყოველივე ვეიგერს. შუალამე მოტანებული იყო თითქმის. მეორე დღეს კვლავ იერიში მოიტანეს, უფრო გამძვინვარებით, ვიდრე პირველად. ველარ მოვიცალე, რომ პან სქშეტუსკი მენახა და მხოლოდ მესამე დღეს ვუამბე, ბოგუნი ვნახე, ველაპარაკე-მეთქი. ამ დროს შეგვესწრო ბევრი სხვა აფიცრები და მათ შორის რეგოვსკიცა. იმან მოჰკრა ყური ჩვენს ლაპარაკს და დაიწყო დაცინვითა: „ვიცი, რომ მაგ საქმეში ქალია გარეული; თუ ისეთი რაინდი ბრძანდებით, როგორც ამბობენ თქვენსას, ბოგუნი თქვენს ხელთ არის! გამოიწვიეთ ხმალში და დარწმუნებული ბრძანდებოდეთ, რომ ის ისეთი თავზედ ხელ-ადებულია, უარს არ იტყვის, ხოლო ჩვენ ციხის კედლებიდან დავსტკბებით საინტერესო სანახაობით. მაგრამ თქვენსას, ვისნევეცკის ჯარის-კაცებისას უფრო ბევრს კარგს ლაპარაკობენ, ვიდრე ნამდვილადა ხართ“. პან სქშეტუსკიმ ისეთ ნაირად შეუბღვირა ამ დროს რეგოვსკის, რომ მაშინვე ხმა ჩაიწყვიტა იმანა. „აგრე გგონიათ? კარგი და პატიოსანი! მხოლოდ არ ვიცი, გაჰბედავთ თუ არა თქვენ, რომელიც აგრე ექვობთ ჩვენს გულადობას, რომ წახვიდეთ ყაზახთა ბანაკში და ჩემ მაგიერ გამოითხოვოთ ბოგუნი ხმალში“. რეგოვსკი ეუბნევა; „რატომ არ წავალ, მაგრამ მე თქვენი ძმა არა ვარ და ბიძაშვილი და ამიტომაც არ წავალ“. რეგოვსკი ამაზედ ყველამ მასხარად აიგდო; ეს იმან იწყინა, გულში მოჰხვდა და მეორე დღეს მართლა წავიდა ყაზახთა ბანაკში, მაგრამ ბოგუნი იქ აღარ დახვედროდა. აღბად ხმელნიცკიმ გაჰგზავნა მართლა ბოგუნი და ამ დროს თქვენ შეგხვედრიათ და მოგიკლავთ.

— სწორედ აგრე უნდა ყოფილიყო, — სთქვა ვოლოდიე-ვსკიმ.

— ერთი ეს გვითხარი, — ჰკითხა ზაგლოზამ, — სად ვიპოვნით ახლა სქშეტუსკის? უნდა ვიპოვოთ, საცა იქნება, რომ ერთად წავიდეთ კნიაჟნას საძებრად.

— ზამოსტიეში ადვილად იპოვით; ყველა იცნობს იქა. იმანა და რეგოვსკიმ სულ თავზედ კაკალი ამტვრიეს ყაზახთა

პოლკოვნიკს კალინას. შემდეგ კიდევ მარტო სქშეტუსკიმ ორჯელ ამოსწყვიტა თათართა ბრბონი.

— ხმელნიცკი რაღაიო, ჩუმაღ არის?

— ხმელნიცკი იმათ არ ესარჩლება; ის ამბობს, რომ თათრები ჩემის ბრძანების წინააღმდეგ იქცევიან და თარეშობას თავს არ ანებებენო. ასე რომ არა სთქვას, მაშინ დაუჯერებს, რომ ვითომ მორჩილია მეფისა.

— რა საძაგლობაა ეს ლუდი?—სთქვა ზაგლობამ.

— ლიუბლინს იქით გზად გაივლით ისეთს მხარეში, რომელიც სულ აკლებულია,—განაგრძო ლიტველმა.—ყაზახთა სათარეშო რაზმნი ლიუბლინზედ შორსაც წასულან, თათრები ატყვევებდნენ ხალხს და რამდენი შეიპყრეს ზამოსტიესი და ღრუბეშოვს ახლო, მხოლოდ ერთმა ღმერთმა უწყის. რამდენიმე ათასი ტყვე წაართვა სქშეტუსკიმ და ქალაქში გაჰგზავნა დასაბინავებლად. ძალიან მხნეობს იქა; თავისი თავი სულ აღარ ახსოვს.

პან ლონგინუსმა ამოიოხრა და თავი ძირს დაჰხარა.

— მე მგონია, რომ ღმერთი უსათუოდ ანუგეშებს სქშეტუსკისა და დაუბრუნებს დაკარგულს ბედნიერებას, იმიტომ რომ დიდი ღვაწლი მიუძღვის ამ რაინდს. ამ ჩვენს დროში, როცა ბიწიერება და თავ-მოყვარეობა გამეფებულა, როცა თითოეული მხოლოდ თავისათვის ჰფიქრობს, ის მზად არის ყოველივე გასწიროს სამშობლოსათვის. ჩემო სასურველნო, განა არ შეეძლო აქამდე თუნდა თხოთმეტჯერ დასთხოვებოდა თავადს, წასულიყო კნიაჟნას საქებრად, მაგრამ იმან კი არც ერთხელ არ დასტოვა სამსახური. გულში ატარებს თავის მწუხარებას და ერთს წუთს არ აძლევს თავის-თავს მოსვენებასა.

— რომაელია სულით, მაგას რაღა ლაპარაკი უნდა!—ამოიოხრა ზაგლობამ.

— იმის მაგალითს უნდა მივბაძოთ ჩვენცა სწორედ.

— მეტადრე თქვენ, პან პოლბიჟენტა. ომში თქვენ სამშობლოს დიდებას კი არ ეძებთ, არამედ რაღაც სამ ტუტუტ თავსა.

— ღმერთი ჰხედავს ჩემს გულსა!—წარმოსთქვა ღაღადებოთ ჰან ლონგინუსმა და აღმართა თვალნი ცად მიმართ.

— სქშეტუსკი ღმერმა დააჯილდოვა მით, რომ სიცოცხლე მოუსწრაფა ბოგუნსა,—სთქვა ზაგლობამ,—და კიდევ მით, რომ მკირეოდენი მშვილობა მოუყვლინა რესპუბლიკას. ეხლა იმისთვისაც დადგა ღრო, როცა შეუძლიან ცოტაოდნად თავის საკუთარ საქმისათვისაც იზრუნოს.

— თქვენც წაჰყვებით სქშეტუსკისა?—იკითხა ლიტველმა.

— განა თქვენ კი არა ჰფიქრობთ?

— დიდის სიხარულით წავეყვებოდი, მაგრამ ამ წერილებს რაღა ვუყო? ერთი ვალეცკის უფროსისაა მეფესთან მიწერილი, ხოლო მეორე — თავადთან, მესამეც თავადთან არის, სქშეტუსკი სთხოვს, ცოტახანს დამითხოვეო.

— ჩვენ დაგვაბარა, უთხარით, რომ დამითხოვნიაო.

— კარგი, მაგრამ მაინც ამ წერილებს რა მოვეუხერხო?

— უნდა წახვიდეთ კრაკოვს, სხვაფრივ შეუძლებელია. მაინც გულ-ახლით უნდა გითხრა, რომ შენი მკლავები ძალიან გამოგვადგებოდა ჩვენს საქმეში, მაგრამ სხვაფრივ კი თქვენ არაფრისთვის არ ვარგინართ. იქ რომ წავალთ, დიდი ყურ-მახვილობა უნდა გამოვიჩინოთ. უპირველეს ყოვლისა, ყაზახურად უნდა ჩავიცვათ, მოვიტეტიოთ თავი, თქვენ კი ისე ეჩხირებით კაცს თვალში თქვენის უზარ-მაზარის ტანითა, რომ ყველა იმას იკითხავს, ვინ არის ეს ამოდენა ალაწოდა, სად გაიზარდა მაგოდენა ყაზახიო? არა, არა! თქვენ კრაკოვს წადით და ჩვენ, როგორც იქნება, უთქვენოდაც გაფუძღვებით საქმეს.

— მეც ეგრე მგონია,—სთქვა ვოლოდიევიკიმ.

— მაშ, მე წავალ,—გადასწყვიტა ჰან პოდბიპენტამ.—ღმერთმა მშვიდობის მგზავრობა მოგცეთ და გაგამარჯვებინოთ. იცით კი, სადა ჰყავთ დამალული ის ქალი?

— ბოგუნმა არ გვითხრა. ვიცით მხოლოდ ის, რასაც მოვკარი ყური ჩემს ტყვეობაში და ესეც საკმარისია ჩვენთვის.

— მაშ, როგორ იპოვით?

— ჩემი გოგრა რაღას აკეთებს? ამაზედ მეტს გაჭირვებაში ვყოფილვარ. ეხლა ჩვენი საქმე ის არის, რომ ჩქარა ვიპოვოთ სქშეტუსკი.

— ზამოსტიეში იკითხეთ. პან ვეიგერმა უნდა იცოდეს: მიწერ-მოწერაში არიან ერთმანეთთან. მაშ, მშვიდობით, ღმერთსა ვსთხოვ თქვენს გამარჯვებასა!

— ღმერთმა შენც გაგიმარჯვოს, — სთქვა ზაგლობამ. — როცა თავადის სახლში იქნებით, მოიკითხეთ ჩემ მაგიერ პან ხარლამპი.

— ეგ ვილაა?

— ლიტველია; კალმით დახატულის სილამაზის კაცია. კნენას სეფე-ქალნი სულ გადარეულნი არიან იმისათვის.

პან ლონგინუსი ათრთოლდა.

— აბა, მშვიდობით! რა საძაგელი ლუდი ყოფილა ამ გასავერანებელ საბურთალოზედ, — დააბოლოვა თვისი ლაპარაკი პან ზაგლობამ და თან თვალი გადაუკრა ვოლოდიევსკის პან პოდბიპენტაზედ.

XV

პან ლონგინუსი ღრმად გულ-დაწყულულებული წავიდა კრაკოვს, ხოლო შხამიანმა ზაგლობამა და ვოლოდიევსკიმ გასწიეს ზამოსტიეს, საცა მხოლოდ ერთს დღეს შეემთხვათ დარჩენა. ციხის უფროსმა აუწყა, რომ დიდი ხანია სქშეტუსკის ამბავი აღარა გამოგია-რა და მგონია მისი ჯარი ზბარაჟისაკენ უნდა იყოს წასულიო. ეს მოსაზრება მით უფრო ქკუას ახლო იყო, რომ, თუ თავ-დასხმა იყო, ზბარაჟს, როგორც ვისნევეცკების საკუთარს მამულს, უფრო დაესხმოდნენ თავადის მძვინვარე მტერნი. პან ვოლოდიევსკისა და ზაგლობას დიდი დაძნელი გზა გადაეშალათ თვალ-წინ, მაგრამ მეტი ღონე სხვა არა იყო-რა, — სულ ერთია, აღრე იქნება თუ გვიან, ხომ უნდა წავიდეთ კნიაჟნას საძებრადო, და ჩვენი რაინდნიც გაუდგნენ გზას. ჩამოხდებოდნენ ხოლმე მაშინ, როცა საჭირო იყო და-

სვენება, ან და გათანტუა ავაზაკთა სხვა-და-სხვა ბრბოსი, რომელნიც ჯერ ისევ მრავლად დაწოწიალობდნენ იმ მხარეში.

იქაურობა სულ გაოხრებული იყო. ხან-და-ხან მთელი დღე ისე გავიდოდა, რომ ერთს ადამიანს ვერ შეჰხვდებოდნენ. ქალაქები მინგრეულ-ჰონგრეული იყო, სოფლები გადამწვარი და იავარ-ქმნილი, ხალხი ამოწყვეტილი და ან ტყვედ-წყაყვანილი; გზა-გზა ჰხედავდნენ მხოლოდ დახოცილთა გეამებს, დაქცეულს სახლებს, საყდრებს და ძაღლებს, რომელთაც გაჰქონდათ ყმუილი ნანგრევთა-შორის. ვინც გადარჩენილიყო თათართა შემოსევას, ტყეში გახიზნულიყო და იქ იმალებოდა ხშირ ტევრებში, იყინებოდა სიცივით, კვდებოდა შიმშილით და ვერ ჰხედავდა გარედ თავის გამოყოფას, რადგან არა სჯეროდა, რომ ღვთის-რისხვა გადაივლიდაო. ვოლოდიევსკი იძულებული იყო ხის ქერქი და ან გატრუსული ჩალა ექმია ცხენებისათვის. ოქტომბრის მიწურული იყო, ზამთარი ახლოვდებოდა, ზამთარი ცივი და იმდენად უფრო სასტიკი, რამდენადაც შარშანდელი იყო თბილი. დედამიწა უკვე იყინებოდა, თოვლმა გადაათეთრა მინდორ-ველი, ხოლო წყლის ნაპირებს დილ-დილაობით ჰყინავდა. მშრალობა იყო, გაცრიაგებული სხივები მზისა სითბოს ველარა ჰფენდნენ დედა-მიწას შუადღისასაცკი, ხოლო დილა-სალამოს ცის კიდურ-დასავალი წითლად იმოსებოდა, რაიცა ჰნიშნავდა, რომ მალე ცივი და სასტიკი ზამთარი გამეფდებოა.

ომიანობისა და შიმშილობის შემდეგ მოსალოდნელი იყო მოვლინება კაცობრიობის მესამე მტერისა, რომელიც არის ყინვა-ტყეხრა, მაგრამ ხალხი ამ მტერს მოუთმენლად ელოდებოდა: ყოველს მოლაპარაკებაზედ ადრე მოუტლებს ეგ ბოლოს ომიანობასაო. პან ვოლოდიევსკი დარწმუნებული იყო, რომ მალე შემეძლება წავიდე კნიაჟნას საძებრადაო. უმთავრესი დაბრკოლება, ომი, მოშორებული იყო ახლა.

— არა მწამს ხმელნიცკის გულ-წრფელობა, — იმეორებდა მალ-მალა. — ცბიერი მელაა, იცის, რომ ყაზახნი უძღლურნი არიან, თუ საფრები არ გაიკეთეს და მინდვრად ომში ვერ გაუძღლებენ ჩვენს პოლკებსა. ახლა ადგებიან და საზამთრო ბი-

ნებზედ წაველენ, ხოლო საქონელს მინდვრად ატარებენ. თათრებისთვისაც საჭიროა ტყვენი თავიანთ ქვეყანაში გაჰგზავნონ. თუ ზამთარი ცივი დაგვიდგა, გაზაფხულამდე, სანამ ეიყო არ გაჩნდება, მოსვენებულები ვიქნებით.

— შეიძლება; მაგრამ ჩვენ მაგდენი დრო არც დაგვეკირდება. ღმერთი მოწყალეა, იქნება აღებაშიაც გავაჩალოთ სქშეტუსკის ქორწილი.

— ნეტავი ეხლა არ აგვცდეს სადმე და!..

— თან სამი სადროშოს ჯარი ჰყავს. ხუმრობა ხომ არ არის, სად წავა, რომ ვერ ვიპოვოთ. ნევისი ხომ არ არის, რომ ბულულში ველარ ვიპოვოთ. შეიძლება ზბარაყს ახლო წავაწყდეთ სადმე, თუ პატარა შეაგვიანეს იქ ავაზაკებმა.

— წავაწყდებით კი სადმე, მაგრამ ამბავი რომ გაგვეგო რამე იმისი, კარგი იქნებოდა ძრიელ.

ამბავის გაგება კი აგრე აღვილი არ იყო. სოფლები ჰხელადვენენ, რომ ხან ვისი სადროშოა ჯარი გაივლიდა, ხან ვისი; ხან სადა ჰქონდათ ომი და ბრძოლა ამ დროშებს, ხან სადა, მაგრამ ვისი ჯარი იყო, რეგოვსკისა თუ სქშეტუსკისა, ამისი არა იცოდნენ-რა. ამიტომ ჩვენს მეგობრებს სულ თავზედ ბაღანი ჰქონდათ აშლილი და ვერა მოეფიქრებინათ-რა. ახლა სწორედ ამ დროსვე მოჰკრეს ყური, რომ ყაზახნი რამდენჯერმე დამარცხდნენ ლიტველ ჯარებთან ბრძოლაშიო. იმ გამარჯვებისათვის, რომელიც ხმელნიცკიმ შეიმოსა სახასო ჯარების დამარცხებით, ახლა სამაგიეროს უხდიდნენ ლიტველნი. მოიკლა პოლუმესიაცი, ხნიერი და გამოცდილი სპასალარი, აგრედვე ნადირი ნებაბა, აგრედვე ქშეჩოვსკი, რომელმაც მუამბოხეთა შორის უფროსობა და დიდება კი არ იშოვა, არამედ მარგილზედ ჩამოცმის ღირსი შეიქმნა. კაცს ეგონებოდა, რომ შურის ძიების ღმერთი ჩაერია საქმეში და იმან გადუხადა სამაგიერო იმ ნემენცების სისხლისათვის, რომელიც ქშეჩოვსკიმ დაჰღვარა დნებრის ნაპირად, ფლიკისა და ვესნერის სისხლისათვის. ქშეჩოვსკი ჩაუვარდა ხელში რაძივილის ნემენცთა რაზმს და, მძიმედ-დაჭრილი, მარგილზედ იქმნა ჩამოცმული. მთელი

დღე კიდევ იტანჯა ასე საზარლად დასჯილი, ვიდრე განუტევებდა თვისს შავ-ბნელ სულსა. ასეთი აღსასრული ხვდა წილად იმას, ვისაც შეეძლო თვისის გულადობითა და სამამაცო ზნეთა ცოდნით მეორე სტეფანე ხმელთავესკი შექმნილიყო, სიმდიდრისა და დიდება-პატივის წყურვილს რომ არ დაეყენებინა ლალატისა, ფიცის-გატეხისა და კაცის-კვლის გზაზედა.

ქშეჩოვსკისა, პოლუემესიაცსა და ნებაბთან ერთად დასდო თავი ბრძოლის ველზედ ოცი ათასმა ყაზახმა. მათ შორის მრავალი ჩაირჩო პრიპეტის ქაობებში. შიშის ზარმა გრიგალივით გადურბინა თავზედ ქირვეულს და თავ-წასულს უკრაინას. ყველას ეგონა, რომ დიდებულ გამარჯვებასა და ძლიერა-მოსილობის შემდეგ, შემდეგ ყვითელ წყლებისა, კორსუნისა, პილავეციისა დადგა დრო საშინელ დამარცხებისა, იმგვარ დამარცხებისა, რომელიც იწვნიეს ყაზახებმა სოლონიცსა და კუბეეკსა. თვით ხმელნიცკი, თუმცა დიდების მწვერვალზედ იდგა, უფრო ძლიერი იყო ამ დროს, ვიდრე ოდესმე სხვა დროს, შეშინდა, როცა გაიგო ამბავი თვისის მეგობრის ქშეჩოვსკის სიკვდილისა და კვლავ მიჰმართა მკითხავენს მომავალის ბედის გასაგებად. მკითხავი და კუდიანი დედა-ბერი სხვა-და-სხვას უწინასწარმეტყველებდნენ: ზოგი ეუბნებოდა დიდს ომებს გადიხდი, დიდს გამარჯვებას შეეყრებიო, ზოგი—დიდად დამარცხდებიო. იმისას კი ვერას მკითხაობდნენ, თვით შენ რა დაგემართებაო.

ცალკე ზამთარი, ცალკე დამარცხება ქშეჩოვსკისა ხანგრძლივის მშვიდობიანობის იმედს აძლიერდა ყველას. ქვეყანა თითქო მშვიდდებოდა, დაცარიელებული სოფლები ცოტ-ცოტაობით ივსებოდა კვლავ ხალხითა, იმედი ეფინებოდა შემკრთალთა გულს.

ამავე იმედით მოკუთლნი ჩვენი მეგობარნი ხანგრძლივისა და ძნელის მგზავრობის შემდეგ მშვიდობით მივიდნენ ზბარაჟს და მაშინვე წავიდნენ ციხის უფროსთან, რომელიც, მათდა სასიამოვნოდ, ვერშული კი აღმოჩნდა.

— სქშეტუსკი სადღაა?—ჰკითხა პირველადვე ზაგლობამ.

— ის აქ არ არის.

— თქვენ განაგებთ ამ ციხეს?

— დიად, პირველად სქშეტუსკი უფროსობდა, ხოლო, როცა წავიდა, მე ჩამაბარა ციხე თავის დაბრუნებამდე.

— მე როდის-ღა დაებრუნდებიო?

— არა უთქვამს-რა, იმიტომ რომ თითონაც არ იცოდა. გამოთხოვებისას ეს მითხრა მხოლოდ: „თუ მოვიდეს ვინმე, უთხარით, რომ მომიცადოსო“.

— დიდი ხანია, რაც აქედან წავიდა?—ჰკითხა პან მიხალმა.

— ათი დღე იქნება.

— პან მიხალ!—სთქვა ზაგლობამ,—პატარა გვაქამოს-რა-მე პან ვერშულმა. როცა მუცელი ცარიელია, რა ელაპარაკება კაცსა. ვახშმად დაესხდეთ და მაშინ მოვილაპარაკოთ.

— დიდის სიამოვნებით მოგართმევთ ყველაფერს, მით უმეტეს, რომ მეც ეს ეს არის ვახშმის ჭამას ევპირებოდი. ამას გარდა, ეხლა უფროსობა ეკუთვნის პან ვოლოდიევსკის, როგორც უფროსს აფიცერს. მაშასადამე, პან მიხალს შეუძლიან იბრძანებლოს აქ, როგორც თავისი სურვილია.

— არა, პან კრიშტოვ, უფროსობა ისევ თქვენა გქონდეთ,—სთქვა ვოლოდიევსკიმ.—თქვენ ჩემზედ უფროსი ხართ ხნით და, ეგეც რომ არ იყოს, მე ჩქარა უნდა წავიდე აქედან.

მალე სუფრაც გაშალეს. პან ზაგლობამ მოიკლა შიმშილი ცოტაოდნად ორის ჯამის გადალაგებით და ჰკითხა ვერშულსა:

— თქვენ როგორა გგონიათ, საიან წავიდოდა სქშეტუსკი? ვერშულმა დაითხოვა მსახურნი, რომელნიც თავს აღგნენ ვახშმად მსხდომთა და დაიწყო, რასაც ჰფიქრობდა და სადაც უნდა წასულიყო სქშეტუსკი იმის აზრით.

— მიხვედრილი კი ვარ, მაგრამ სქშეტუსკი საიდუმლოსავითა ჰმალავდა და ამიტომ დავითხოვე მხლებელ თავ-მდგომნი. რაკი თავისუფალი დრო ჩაიგდო ხელში და ჩვენ აქ გაზაფხულამდე უსაქმოდ ვიქნებოდით, ადგა და წავიდა, ალბად იმიტომ რომ კნიაჟნა გაანთავასუფლოს და ბოგუნს წაართვას როგორმე.

— ბოგუნი ცოცხალი აღარ არის, საიქიოს ვიახლათ, — სთქვა ზაგლობამ.

— როგორა მერე?

პან ზაგლობა მოჰყვა და მესამედ თუ მეოთხედ ჩამოარაკრაკა მისთვის სასიამოვნო ამბავი. ვერშულიც პან ლონგინუსისავით სახტად დარჩა და გონს ვერ მოსულიყო გაკვირვებისაგან.

— თუ აგრეა, სქშეტუსკის ძალიან გაუადვილდება საქმე, — სთქვა ვერშულმა.

— საქმე ის არის, იპონის თუ არა კნიაჟნას. კაცები ბლომად წაიყვანა თანა?

— ძალიან ჰკვიანურად მოქცეულა, ამიტომ რომ მაგისტანა საქმეში ეშმაკობით თუ გახდება რასმე კაცი. კამენცამდე კი შეიძლებოდა პატარა რაზმი წაეყვანა და ისე წასულიყო, ხოლო უშოცსა და მოგილოვს აღბად ყაზახება დგანან; იქ კი საზამთრო ბინებია, გარნა იამპოლში თვით ბუნაგია მათი. თუ იქ წასელა უნდა კაცსა, ან მთელი დივიზია უნდა წაიყვანოს, ან მარტო უნდა წავიდეს კაცი.

— მერე თქვენ საიდან იცით, რომ სქშეტუსკი იქით წავიდოდა? — ჰკითხა ვერშულმა.

— იამპოლს იქით არის დამალული კნიაჟნა, სქშეტუსკი-მაც იცის ესა, ხოლო იქით ისეთი ხეგ-ხუვია, კლდის ეხში და ნაპრალი, იმდენი ჭაობი და ლელიანები, რომ იქაური ადგილებიც რომ კარკად იცოდე, მაინც ძნელია იქამდე მიხწევა, ხოლო თუ არ იცი, ხომ უფრო ძნელია და ძნელი. ჩვენც რომ იმასთანა ვყოფილიყავით, იქნება საქმე უკედ წასულიყო, გარნა მარტოკა... ვეჭვობ, მოახერხოს რამე... არ ვიცი, შემთხვევა რამ თუ უჩვენებს გზა-კვალსა, იმიტო რომ იქ ისიც ხომ არ შეიძლება რომ იკითხოს და იწვლილოს რამე კაცმა.

— მაშ გინდოდათ, რომ თქვენც წაჰყოლიყავით თანა?

— გინდოდა მაშა! ახლა რაღა ვქნათ, პან მიხალ? იმის გზას გამოვუდგეთ ჩვენცა, თუ არა?

— რასაც შენ გადასწყვეტავ, მეც თანახმა ვიქნები.

— ჰმ... ათი დღეა რაც წავიდა... ვერ მივეწვევით... საქმე კიდევ ის არის, ამბავი დაუტოვებია, მომიცადონო, ვინ იცის რომელ გზას დაადგა. შეიძლება პლისკიროვისა და ბარისაკენ წავიდა, საითაც ძველი გზა მადის, შეიძლება კამენეცკოდოლსკის გზასაც გაუდგა. ძნელი გამოსაცნობია.

— ნურც ეს დაგავიწყდება, — სთქვა ვერშულმა, — რომ მე მგონია, მერე არ შემიძლიან დარწმუნებითა ვსთქვა, რომ კნიაჟნას საძებნელად წავიდა-მეთქი.

— კიდევ ეგ არის და! კიდევ ეგ არის! მერე რაღა ვქნათ, რომ, ვსთქვათ, მხოლოდ იმიტომ წავიდა, იქნება ჯაშუში საღმე შევიპყრავოდ მერე ისევ დაბრუნდეს ზბარაჟსა? მერე იცოდა ხომ, რომ ერთად უნდა წავსულიყავით და შეიძლება მოლოდინიცა აქვს ჩვენი. წადი და გადაწყვიტე.

— მე გირჩევდით, რომ ათიოდე დღე მოგეცადნათ.

— ეგ არაფერს გვიშველის, ან უნდა მოვიცადოთ, ან სულ აღარ უნდა ვუცადოთ.

— მე კი მგონია, რომ სულ არ უნდა მოვუცადოთ. რას დაეკარგავთ, რომ ხვალ დილითვე გავემგზავროთ. პან სქშეტუსკი ვერ იპოვნის კნიაჟნას, იქნება ღმერთმა ჩვენ გვიშველოს, — სთქვა პან ვოლოდივესკიმ.

— იცი რა გითხრა, პან მიხალ, აქ აგრე დაუფიქრებლად არ შეიძლება მოვიქცეთ, — სთქვა ზაგლობამ, — შენ ყმაწვილი კაცი ხარ, ჩხუბისა და დავიდარაბის ატეხა კიდევ გწყურიან, ჩვენ კი მაგით შეიძლება საშიშ მდგომარეობაში ჩავივინდეთ: თუ ცალკე ჩვენ დაუწყვეთ ძებნა, ცალკე იმანა, შეიძლება იქაურებმა ეჭვი აიღონ. ყაზახები ეშმაკები არიან და ეშინიანთ, რომ მათი იდუმალი ფიქრი და ოინი არავინ არ გააგოს. შეიძლება იმათ ფაშასთანა აქეთ დაჭერილი რამ საქმე, ხოტიმის ახლობელ ფაშასთან, ან დნესტრის გაღმა მხარ თათრებთან. თუ ეინიცობაა ომი ატყდა შემდეგში, ეშმაკმა იცის იმათი თავი! ამ შემთხვევაში უცხო კაცებს განსაკუთრებულ ყურადღებას მიაქცევენ. ძალიან ადვილია კაცმა თავის თავი გასცეს და მერე?

— მით უმეტეს, რომ შესაძლოა სქშეტუსკიც ისეთ ყოფა-ში ჩავარდეს, რომ, სხვის დაუხმარებლად, საშველი აღარა იყვეს-რა.

— ეგეც მართალია.

ზაგლობა დიდს საგონებელში ჩაეარდა. ბოლოს გამოერკვა ფიქრებსა და სთქვა:

— ყოველივე ავწონ-დავწონე და წასვლა გადავწყვიტე. ვოლოდიევსკიმ თავისუფლად ამოისუნთქა.

— როდის წავიდეთ მერე?

— სამიოდე დღე დავისვენოთ, რომ ძალ-ღონე მოვიკრიბოთ.

მეორე დღესვე ორი ჩვენი მეგობარი შეუდგნენ სამგზავრო მზადებას. ამ დროს უცბად სრულიად მოულოდნელად მოვიდა სქშეტუსკის პაეი ყმაწვილი ყაზახი, ციგა და მოუტანა ვერშულს წიგნი. ზაგლობამ და ვოლოდიევსკიმ რომ გაიგეს ეს ამბავი, მაშინვე ციხის უფროსთან გაეშურნენ. აი სქშეტუსკი რას იწერებოდა:

„მე ეხლა კამენცში ვარ და ეგორლიკს მივდივარ ვაქარ სომხებთან ერთად, ეს სომხები პან ბუკოვსკიმ გამაცნო. იმათ ფირმანი აქვთ ყაზახებისა და თათრებისა, შეგიძლიანთ აკკერმანამდე წახვიდეთო. ჩვენ წავალთ უშიცს, მოგილიოვს და იამპოლს, თან სავაქრო საქონელი გვექნება და ყველგან პატარ-პატარა ხანს დავრჩებით; იქნება ღმერთმა გვიშველოს და ვიპოვნოთ ის, რასაც ვეძებთ. ჩემს მეგობრებს, ვოლოდიევსკის და ზაგლობას უთხარი, რომ ზბარაეში მომიცადონ, თუ სხვა საქმე არა აქვთ-რა. იმ გზით, რომლითაც მე დავდივარ, ბევრს არ შეუძლიან სიარული, იმიტომ რომ მეტის-მეტე ექვიანები არიან ის ყაზახები, რომლებთაც დაუზამთრებიათ ეგორლიკში. რაც მე ერთი გავაკეთებ, ჩვენ სამნი ერთად ვერ მოვახერხებდით, ხოლო მე, თუ საჭირო იქნება, სომხად მოვაჩვენებ თავსა. მადლობა გადაუხადეთ ჩემდა შველად მზად ყოფისათვის, მაგრამ მე იმათი მოცდა აღარ შემეძლო: თვითეული დღე ლოდინისა უფრო და უფრო მეტად მტანჯავდა. არ ვიცოდი, მო-

ვიდოდენ თუ არა ზბარაქსა. საუკეთესო დრო კი ხელიდან მეცლებოდა; ეხლა ეაქარნი დადიან აქეთ-იქით თავიანთ სავაქრო საქონელთა. პან ბუკოვსკი ამბობს, რომ მე ვიცი და მაგ ვაქრებ-მაო. ხოლო მე სხვა იმედი მაქვს ღვთის მოწყალებისა. ამინ!“

პან ზაგლობამ წაიკითხა წიგნი და თავისს ამბანაგებს შეხედა. ისინი მღუმარებდნენ; ბოლოს ვერშულმა სთქვა:

— განა არ ვიცოდი, რომ იქით წავიდოდა.

— ახლა რაღა ვქნათ?—იკითხა ვოლოდიევსკიმ.

— რაღა ვქნათ?—სთქვა ზაგლობამ და მხრები შეიშმუშნა.

— ახლა რაღა საქიროა წასვლა. ვაქრებს რომ გაჰყოლია, ეგ კარგია; შეიძლებს ყველგან თვალი მიაგლ-მოაგლოს და ექვი კი არავის ააღებინოს. ეხლა ყოველი ყაზახი მდიდარია, ალა-ალა ხომ არ იყო, ნახევარ რესპუბლიკა გაძარცვეს. ცუდი საქმე კი დაგვემართებოდა, პან მიხალ, იამბოლს იქითა. სქშეტუსკი შაველაა ვლახელივით და ადვილად შეუძლიან მოისომხოს თავი. შენ კი მაშინვე ყველა გიცნობდა მაგ შენ ქერა-ქერეჭა უღვაშებზედა. ტეტიური ტანისამოსიც რომ ჩაგვეცვა, მაინც ხერხად ვერ ვიქნებოდით... ეჰ, ღმერთმა ხელი მოუმართოს! ჩვენ სრულიად საქირონი არა ვართ იქა, თუმცა ძალიან კი ვწუხვარ, რომ არ შემიძლიან, შევეწიო ჩემს საწყალ კნიაჟნას განთავისუფლებას. მაინც დიდი ამაგი კი დავდეთ სქშეტუსკის, მით რომ ბოგუნნი დავჩეხეთ. ასე რომ არ მომხდარიყო, ვეჭვობ, რომ სქშეტუსკის არა დამართნოდა-რა.

ვოლოდიევსკი ძალიან უკმაყოფილოდ დარჩა. იმედი ჰქონდა, გზაში იქნება ბევრი რამ სისხლის ასაღელუვებელი საქმე გამოვსადოვო. ახლა კი უნდა მჯდარიყო ზბარაქში და ვინ იცის, რავდენს ხანს უნდა ყოფილიყო ასე მოწყენილი და დაღონებული.

— მოდი ერთი კამენცამდე მაინც წავიდეთ, გავისეირნოთ,—უთხრა პან ზაგლობას.

— რა უნდა გავაკეთოთ მერე იქა და ან რად უნდა გავწიოთ ხარჯი?—უპასუხა ზაგლობამ.—სულ ერთია, იქაც უნდა ჩაერჩეთ სადმე და დავსოკოიანდეთ; მეტი ღონე არ არის, უნდა ვისხდეთ, ვიცადოთ და ვიცადოთ. სქშეტუსკი ჯერ კიდევ დიდ

ხანს ვერ დაბრუნდება. ხვალ ეკლესიაში წავიდეთ, ღმერთს შევებეწოთ მისთვის. ბოგუნი ჩაეჩხვით—ეს არის პირველი საქმე. უბძანეთ, პან მიხალ, ცხენებს იარაღი მოხადონ; ლოდინის მეტი არა დაგვრჩენია—რა.

მართლაც, მესამე დღიდანვე დადგა ჩვენი მეგობრებისათვის მოსაწყენი დრო ლოდინისა, რომელსაც არც ბოლო უჩნდა და არც დასასრული. ვერც ლოთობითა, ვერც კამათლის მღერი-თა ვერ გაატარებდნენ მხიარულად დროს. მერე ახლა სასტიკი ზამთარიც დადგა. თოვლი დასდო ზბარაჟის გარშემო, ნადირი და გარეული ფრინველი სოფელს მოეტანა და იქ ეძებდა საზამთრო ბინას. გავიდა დეკემბერი, იანვარი და თებერვალი, ხოლო სქუმეტუსკის შესახებ არავითარი ამბავი არა ისმოდა—რა.

პან ვოლოდიევსკი ტარნოპოლს წავიდა, იქნება შევემთხვე საფათერაკო ვაჟაკობის გამოსაჩენ საქმესაო. ზაგლობამ ჩიჩვირი ჩამოაუშვა და იყო დაღვრემილი: ეპ, დავბერდი ახლა კი, დავჩაჩანაკდიო!

XVI

რესპუბლიკის მიერ გაგზავნილმა დესპანებმა ხმელნიცკის-თან ხელშეკრულობათა დასადებად ბევრის გაჭირების შემდეგ რის ვაი-ვაგლახით მიაღწიეს ნოვოსიოლკამდე, დასდეს იქ ბინა და ელოდნენ პასუხს ძღვევა-მოსილის გეტმანისას, რომელიც იმ დროს ჩიგირინში სცხოვრობდა. დესპანები ისხდნენ შეშინებულები და სულ თავპირი ჩამოსტიროდათ; გზაში მრავალს განსაცდელს შეემთხვენენ და სიკვდილს ხშირად პირისპირ შესცქეროდნენ; გაჭირვება და დაბრკოლება კიდევ უფრო ბევრი იყო მოსალოდნელი. დღე და ღამ გარს ეხვეოდნენ ბრბონი მლაბიოთა, განადირებულნი უმწვევრვალესად მრავალ-გვარის მძინვარებისაგან, და თხოულობდნენ ელჩების სიკვდილს. დღე ისე არ გავიდოდა, რომ რომელსამე დამოუკიდებელ გუნდს არ წასწყდომოდნენ ავაზაკებისასა ან ჩოდრებისასა, ისეთს გუნდს, რომელსაც არავითარი ცოდნა არა ჰქონდა უფლებამართლიერებისა და მხოლოდ სისხლი სწყურადა და შოვნა დავლა-

აღაფისა. მართალია, დესპანებს ასიოდე შეიარაღებული ცხენოსანი ახლდათ თანა; ამას გარდა კიდევ ხმელნიცკიმ მიაშველა ყოველ შემთხვევისათვის პოლკოვნიკი ღონეცი ოთხასის ყაზახითა, მაგრამ ეს ჯარი კიდევ საკმაო არ იყო, იმიტომ რომ მდამბიოთა ბრბო თან-და-თან უფრო და უფრო მატულობდა და იმუქრებოდა. ვინც თუნდა ერთის წუთით მოსცილდებოდა ჯარს კვალ-წმინდად იკარგებოდა მაშინვე. ერთის სიტყვით, დესპანები თვისის ამალითა იმ რიცხვ-მცირე მგზავრებსა ჰგვანდნენ, რომელთაც შემოპხვევია გარშემო მთელი ბრბო მშვიერისა და გაონავრებულის მგლებისა. ასე გადიოდა დღე, კვირა, ხოლო ერთ ღამეს ნოვოსიოლკში ჩვენს პატიმრებს ისე ეგონათ, რომ ეს არის მოახლოვდა აღსასრულიო. დრაგუნთა ამალა და დონეცის ყაზახნი სალამოდანვე დაწყებული იბრძოდნენ დესპანების დასაფარავად, რომელთაც გამოიკლოვეს თავიანთი თავი და ღმერთს ავედრებდნენ თავთავიანთ სულსაცა. კარმელიტელი ლენტოვსკი რიგრიგით ათქმევინებდა აღსარებას თვითელსა, ხოლო თანჯრებიდან ქარის ზუზუნთან ერთად შემოდებოდა 'საშინელი ზრიალი, ყიყინი, ხმა თოფის სროლისა, საზარელი ხარხარი დაცინვისა, ყვირილი: „სიკვდილი მაგათიო!“ თხოულობდნენ უფრო მოურავ-ერისთავის კისელის თავს, რომელიც განსაკუთრებით უფრო ძლიერ ეჯავრებოდათ ყაზახებსა.

საშინელი გულის-გამაწვრილებელი ზამთრის ღამე იყო ის ღამე ელჩებისათვის. კისელმა თავი ხელებზე დააყრდნო და რამდენიმე საათი უმოძრაოდ იჯდა. სიკვდილისა არ ეშინოდა; გუშინიდან წამოსვლის აქეთ ისე იყო მოღალღული, გაწამებული, რომ სიამოვნებით გამოეთხოვებოდა სიცოცხლეს; იმის სულს აშფოთებდა მხოლოდ დიდი უსამძღვრო სასოწარკვეთილება. რუსინი იყო ჩამომავლობით და პირველმა იტვირთა საქმე მშვიდობის-მყოფელისა. ამ უმავალითო ომიანობის დროს ყველგან, საცა კი შეიძლებოდა, სენატში, სემის კრებაზედ მხურვალედ ჰმომხრებოდა მშვიდობიანობას, პრემიისა და კანცლერის მხარეზედ იდგა, მუდამ ეწინააღმდეგებოდა ერემიას, ყოველსავე მოქმედებდა რესპუბლიკის სიკეთისა და სარგებლობისათვის და

ღრმად, მხურვალედ სჯეროდა, რომ ხელ-შეკრულობით, მორიგებით, დათმობით ყოვლისავე გარიგება შეიძლებოდა, შეიძლებოდა მშვიდობის ჩამოგდება, კვლავ დაახლოვება, სიამ-ტკბილობა, და აი ახლა, იმ წუთს, როცა ხმელნიცკის კვერთხი მოართვა და ყაზახებისათვის დათმობის უსტარი მოიტანა, ცხადად დაინახა ამოცემა თვისის მეცადინეობისა, დაინახა უფსკრული, სწორედ მის ფეხ-ქვეშ საშინლად გარღვეული დედა-მიწა. „ნუ უკვე სხვა აღარა სწადიანთ-რა სისხლის-ღვრის მეტი, თუ უკვე ერთად-ერთს თავისუფლებას-და ეტანებიან, თავისუფლებას კაცის-კელისა და ცარცვარზევისას?“ — განწირულებით ეკითხებოდა თავის-თავს მოურავ-ერისთავი და მისი კეთილ-შობილი გული მზად იყო ღრმად ამოეოხრა.

— კისელის თავი მოგვეცი, კისელისა! სიკვდილი გეინდა მისი! — ისმოდა ღრიალი ბრბოსი.

სიხარულით გასწირავდა მხცოვანი მოურავი თავის თმაგათეთრებულს თავს, მაგრამ ჰგრძნობდა, რომ რესპუბლიკის და თვით ყაზახთა სასიკეთოდ ეს მსხვერპლი სრულიად საკმაო არ იყო. ისინი უფრო სხვა რაღაც მეტსა თხოულობდნენ.

როცა მოურავ-ერისთავი ამ ფიქრში იყო, მკრთალმა სხივმა იმედისა და სასიკეთისამ კვლავ ჩააშუქა მის ტანჯულს სულში. საცოდავი მოხუცი ჰფიქრობდა, რომ ეს ბრბო ხომ არ არის მთლად ყაზახობა, რომ აქ არ არის არც ხმელნიცკი და მისი პოლკოვნიკობაო, ხოლო მოლაპარაკება იმათთან უნდა იქმნას დაწყებულიო.

გარნა ექმნება სიმტკიცე ხელ-შეკრულობას, ვიდრე ნახევარ-მილიონამდე მდაბიო ხალხი თოფ-ქვეშა სდგას? ხომ ვერ დადნება ფაზაფხულის დადგომისათანავე იმ თოვლივით, რომელიც მინდვრებს გადაჰფარებია ახლა?

და აი მოურავს კვლავ აგონდებოდა სიტყვები ერემიასი: „უნდა შეიწყალო მხოლოდ დაძლეულნიო“ და კვლავ დედა-მიწა უშველებელ უფსკრულივით ირღვეოდა მის ფეხ-ქვეშა.

გატყდა ღამე და გაიწონა. ხნაურობა და თოფის სროლა შესწყდა, სამაგიეროდ კარში მძვინვარებდა ქარ-ბუქი და კორიანტელი; დაქანცული ბრბო წავიდ-წამოვიდა თავ-თავის ბინაზედ.

ლევოველი მოხელე ვოიცებ მასკოვესკი წამოდგა და მივი-
და თოვლით ამოღესილ ფანჯარასთან.

— ლეთის მადლით, ვგონებ ხვალამდე ცოცხალნი გადა-
ვრჩებით,—სთქვა მოხელემ.

— რომელი ჩვენი მნახველი იტყვის, რომ მშვიდობის ყო-
ფად მოსულნი ელჩნი ვართ ვითომ!—სთქვა პან ზელენსკიმ,
ბრაცლაველმა მოხელემ და მწარედ გაიღიმა.

— არა ერთხელ ეყოფილვარ ელჩად გაგზავნილი თათრე-
ბში,—დასძინა პან მედროშე ნოვოგორუდსკიმ,—ხოლო ასეთს
გარემოებაში არც ერთხელ არ მიგრძენია თავი. ჩვენის შეუ-
რაცყოფით ბევრად უფრო მეტი შეურაცყოფა დაადგა რესპუ-
ბლიკას, ვიდრე კორსუნთან და პილავეცთან ჩვენის დამარცხე-
ბით. განმეორებით მოგახსენებთ, ბატონებო: დავბრუნდეთ უკან;
მოლაპარაკების შესახებ ხმის ამოღებაც კი არ შეიძლება.

— დავბრუნდეთ,—თითქო ბანი მისცაო, გაიმეორა პან
ბეოზოვესკიმ, კიევის კაშტელიანმა.—მშვიდობა შეუძლებელია,
დეე მამო იყოს!

კისელმა აიღო თავი მალლა და დააკქერდა კაშტელიანსა.

— ყვითელი წყლები, კორსუნი, პილავეცი!—სთქვა მან
ყრუდ და გაჩუმდა. იმის მაგალითს მიჰბაძა ყველამ და გაჩუმ-
დნენ სხვებიცა, მხოლოდ პან კულჩინსკიმ, კიეველმა მოხელემ
დაიწყო ხმა-მალლა თქმა ლოცვისა; პან ქშეტოვესკიმ კი იტაცა
ხელები თმაში და იმეორებდა:

— რა დროს შევესწარით, რა დროსა! ღმერთო შეგვი-
წყალო!

უტბად კარი გაიღო და ოთახში შემოვიდა ბრიშოვესკი,
დრავუნთა კაპიტანი პოზნანელის ეპისკოპოსისა, უფროსი სა-
ელჩოს ჯარისა.

— ბატონო მოურავ-ერისთავო,—სთქვა მან,—ვილაც ყა-
ზახია და ნახვა უნდა ბატონ ელჩებისა.

— მობრძანდეს,—უპასუხა კისელმა,—ბრბო წავიდ-წამო-
ვიდა თუ არა?

— ყველანი წავიდ-წამოვიდნენ, სთქვეს, ხვალ ისევ დაე-
ბრუნდებიეთო.

— ძალიან მძვინვარებდნენ?

— მეტის-მეტად, ისე რომ დონეცის ყაზახებმა რამდენიმე კაცი მოჰკლეს. ხვალ გადაგწვავთო, დაგვემოუქრნენ.

კარი კვლავ გაიღო და მის ზღრუბელზედ გამოჩნდა ვილაც მაღალ-მაღალი შავ-წვერა კაცი.

— ვინა ხარ? — ჰკითხა კისელმა.

— იან სქშეტუსკი ვახლავართ, გუსართა პარუჩიკი რუსეთის მთავარ-მოურავისა.

კაშტელიანი ბეოზოვსკი, პან კულჩინსკი და მოხელე ქშეტოვსკი ფეხზედ წამოაცინდნენ. ყველანი შარშან მთავარის უფროსობით იბრძოდნენ მახნოვკასა და კონსტანტინოვს და ძალიან კარგად იცნობდნენ პან სქშეტუსკისა. ქშეტოვსკი ამის გარდა კარგი მეგობარიც იყო იმისი. დაინახა თუ არა ამხანაგი, მაშინვე გადაეხვია და აკოცა.

— აქ რას აკეთებ და ან როგორ მოხვედი ჩვენამდე? — უპასუხა მან.

— აი ამ მღაბიოს ტანისამოსით, როგორც ჰხედავ.

— ბატონო მოურავ-ერისთავო! — დაიძახა ბეოზოვსკიმ, — უწარჩინებულესი რაინდია რუსეთის მოურავ-ერისთავის სადროშოთა შორის, ქებული მთელს მის ჯარში.

— მოგესალმებით გულითა და სულითა, — სთქვა კისელმა და ვხედავ, რომ მართლა გულადი და გამოცდილი რაინდი უნდა იყოთ, როცა მოახერხებთ და ჩვენამდე მოაღწიეთ. რა გნებავთ და რას დაგვაყალბებთ?

— გთხოვთ ნება დამართოთ, რომ მეც თქვენთან მიახლოთ.

— პირში გინდათ ჩაუვარდეთ ლომსა, ხოლო თუ ეგ არის თქვენი განზრახვა, ჩვენ ვერ დაგიშლით.

სქშეტუსკიმ თავი დაუკრა ხმა-ამოუღებლივ.

კისელი გაკვირვებით ათვალთვრებდა რაინდს. ახალგაზდა რაინდის კუშტმა სახემ ძალიან გააკვირვა მოურავ-ერისთავი თვისის რაღაც მწუხარე დიდებულებითა.

— მითხარით ერთი, — ჰკითხა მან, — რა გაიძულვებთ იმ ჯოჯოხეთს წასვლას, საცა არავენ არ წავიდოდა ნება-ყოფლობით?

— უბედურება, ბატონო მოურავ-ერისთავო.

— მაგ სიტყვის შემდეგ უზრდელობა იქნებოდა ჩემის მხრით კვლავ შეითხა რამე თქვენთვის, — სთქვა კისელმა. — ალბად ვინმე მახლობელი დაჰკარგეთ და ახლა მოღიხართ, რომ ეგება იქ იპოვნოთ?

— დიად.

— დიდი ხანია, მას შემდეგ?

— შარშან გაზაფხულს გახლდათ.

— როგორ? და მერე ახლა ეძებთ? აგერ თითქმის წელიწადია მას უკან! აქამდე რას აკეთებდით?

— ვიბრძოდი რუსეთის მოურავის ჯარში.

— ნუ თუ მთავარმა არ ინება დაეთხოვეთ?

— მე თვითონ არ ვინდომე დაეთხოვებოდი.

კისელმა კვლავ შეჰხედა ახალგაზდა რაინდსა.

— ყველამ, ვინც კი მთავართან ერთად ვმსახურებდით, — დაიწყო კიდევ კაშტელიანმა, — ეცით, რაც უბედურება ეწია ამ რაინდს, არა ერთხელ ჩამოგვარდნია ცრემლი მაგ საწყლისათვის, ხოლო ეგ მამულის სამსახურსა რჩებოდა და თავის საკუთარს საქმეს თავს ანებებდა. იშვიათი ამბავია ამ ჩვენს დაწყველილს დროს.

— თუ ჩემი დახმარება იქნება საჭირო ხმელნიცის წინაშე, დარწმუნებული იყავით, რომ არას დაეზოგავ თქვენთვის, — სთქვა კისელმა.

სქშეტუსკიმ კვლავ თავი დაუკრა.

— წადით ახლა, დაისვენეთ, — უთხრა ალერსით მოურავ-ერისთავმა. ალბად თქვენც ისე დაღალულნი იქნებით, როგორც ჩვენ ყველანი. ჩვენც ერთი წუთი მოსვენება არა გვქონია.

— მე წავიყვან ჩემთანა; ჩემი მეგობარია, — სთქვა ქშეტოვსკიმ.

— წავიდეთ ჩვენცა. ვინ იცის, ველირსებით-ლა ხვალ-ლამ დაძინებასა?

— იქნება ველირსნეთ და დავიძინოთ საუკუნო ძილითა, — დაასკვნა მოურავ-ერისთავმა.

სტქვა ესა და გავიდა დასაძინებელ ოთახში; სხვებიც წავიდ-წამოვიდნენ თავ-თავისას. ქშეტოვსკიმ წაიყვანა სქშეტუსკი თავის ოთახში, რომელიც თითქმის იქვე გვერდზედ იყო. წინ პაეი მიუძღოდათ ფანრით ხელში.

— რა სიბნელეა, — სტქვა მოხელემ, — ხოლო ქარ-ბუქი უფრო ძლიერდება. ოჰ, პან იან, რომ იცოდე, რა ჭირი და ვაი-ვაგლახი გამოვიარეთ ჩვენ აქა! ასე მეგონა, რომ განკითხვის დღე მოახლოვდა-მეთქი. მდაბიოთა ბრბომ თითქმის დანა ყელზედ დაგვაბჯინა. ბრიშოვსკის მაჯა მოეღალა. ერთმანერთს ვესალმებოდით საუკუნოდ.

— მე იმ ბრბოში ვერიე, — სტქვა სქშეტუსკიმ. — ხვალ სალამოს ახალ-გუნდს ელიან კაცის მკვლელებისას: თქვენი შეუთვალეს, სამკალია აქაო. ხვალ უთუოდ უნდა წავიდეთ აქედან. კიევს მიდინართ ხომ?

— ხმელნიცკის პასუხზედ არის დამოკიდებული ყოველივე. ჩეტვერტინსკი წავიდა იმასთან. აი ჩემი ოთახიცა. შემოდი მეგობარო. ნაბრძანები მაქვს, რომ ვახშამი მოგვიტანონ, ერთად ვიმუსაიფოთ.

ოთახში ცეცხლი ენთო და ამხიარულებდა იქაურობას. სტოლზედ ღვინო იდგა. სქშეტუსკიმ ხარბად წააელო ხელი ღვინის ქურჭელს.

— გუშინდელს აქეთია ნაწილი არ ჩასულა ჩემს პირში, — სტქვა რაინდმა.

— საშინლად გაშხდარხარ. მწუხარებასა და ჯაფას სულ გამოუცვლიხარ. აბა, დაიწყე, მიაშბე. მაშ, შენ გინდა იქ, იმათ შორის დაუწყო ძებნა კნიაენას?

— ან ის უნდა ვიპოვო, ან სიკვდილი.

— უშალ სიკვდილს იპოვი. და ან საიდან იცი, რომ კნიაენა იქ არის?

— ყველგანა ვძებნე და არსად არის.

— სადა სძებნე?

— ამ ღნებრის აყალებაზედ, ეგორლიკამდე. ვაქარ-სომხებს გავყე, რადგან ამბობდნენ, რომ იქ უნდა იყოს დამა-

ლულიო. ახლა კიევს მივდივარ, რადგან ბოგუნს იქ უნდა წაეყვანა.

პარუჩიკმა ძლივს მოასწრო ბოგუნის სახელის წარმოთქმა, რომ ქშეტუსკიმ თმაში ხელი იტაცა:

— ღმერთო, ეს რა მომივიდა!— წამოიძახა იმანა.— რაც უფრო საჭირო იყო, ის არ გითხარი აქამდე. ყური მოგვარი, რომ ვითომ ბოგუნი მოჰკლესო.

სქშეტუსკი გაფითრდა.

— როგორაო?— ჰკითხა მან.— ვინ გითხრა?

— შლიახტიჩმა მითხრა, რომელმაც ერთხელ კიდეც დაიხსნა კნიაჟნა, აი იმან, დროშა რომ წაართვა მტერს კონსტანტინოვსა. ზამოსტიეს რომ მივდიოდი, იქ შემხვდა გზაში. ვკითხე თუ არა, რა ამბავია, რა ისმის-მეთქი, მაშინვე ეგ მომახალა. ბოგუნი მოკლულიაო. ვკითხე, ვინ მოჰკლა-მეთქი და მეო, მიპასუხა. ეს იყო სულ ჩენი ლაპარაკი.

სქშეტუსკი კვლავ დაღონდა.

— ეგ შლიახტიჩი ისე სიტყვას არ იტყვის, რომ არ იცრუოს,— სთქვა პარუჩიკმა.— კაცი ვერ ენდობა იმასა. არა! არა! ის ბოგუნს ვერ მოერეოდა.

— შენ კი ვერა ჰნახე? ისე სთქვა, ზამოსტიეს მივდივარ იმასთანაო.

— მე იმისთვის აღარ მომიცდია იქა. ის ეხლა ზბარაჟს უნდა იყოს, ხოლო მე კამენციდან ზბარაჟის გზით არ დაგბრუნებულვარ და იმიტომ ველარ შევხვდი. ერთმა ღმერთმა იცის, მართალია ისიცა, რაც ერთხელ მითხრა, ვითომ ბოგუნმა ის ქალი იამპოლუს იქით დაჰმალა და მერე უნდა კიევს წაიყვანოს და იქ დაიწეროს ჯვარიო. იქნება არც ეს არის მართალი, როგორც მართალი არ არის ხოლმე ყოველივე, რასაც ზაგლობა ამბობს.

— მაშ, კიევს რილასთვის მიდიხარ?

სქშეტუსკი სდუმდა. მხოლოდ ნაშკრის ზუზუნნი არღვევდა სიჩუმეს, რომელიც ოთახში ჩამოვარდა.

— ბოგუნი თუ მოკლული არ არის, ხომ ადვილად შეიძლება, რომ ხელში ჩაუვარდეს?

— კიდევ იმიტომ მივდივარ, რომ ის ვიპოვო საღმე, —
 ყრუდ უბასუხა სქშეტუსკიმ.

— როგორ, რას ამბობ?

— დაე, თვით ღმერთმა გადასწყვიტოს ჩენი საქმე.

— კარგი, მაგრამ ის შენთან ბრძოლას არ მოინდომებს,
 აიღებს და შეგიპყრობს, მერე ან მოკლავს, ან შათრებს მიგ-
 ყიდის.

— მარტო ხომ არ მივდივარ, ელჩებს მივდეგ.

— ღმერთმა ჰქნას, რომ ჩვენ თვითონ ცოცხლები გადავ-
 რჩეთ, ელჩები რას გვიშველიან.

— ვისაც სიცოცხლე გამწარებული აქვს, იმას სიკვდილი-
 სა არ ეშინიან.

— ღეთისა გეშინოდეს, იან! მე სიკვდილს კი არ ვამბობ,
 იმიტომ რომ სიკვდილი არავის არ ასცდება, მე იმას ვამბობ,
 რომ ყაზახებს შეუძლიან ტყვედ მიგყიდონ ოსმალებსა და იმათ
 კატარლებზედ მუშაობით ამოგართვან სული.

— მერე შენ გგონია, რომ უფრო ძნელი ასატანი იქნე-
 ბა ჩემთვის, ვიდრე ღღეფანდელი ჩემი ყოფა?

— მე ვხედავ, რომ ღეთის მოწყალებაზედ სასოება დაგი-
 კარგავს.

— არა, შენ სცდები. მე ვამბობ, რომ სიცოცხლე, ძნე-
 ლი ასატანი შეიქმნა ჩემთვის, ხოლო ღეთის ნებას დიდი ხა-
 ნია შეეუბრებდი. მე არას ვითხოვ, არა ვსტირი, არ ვიწყევ-
 ლები, თავს არ ვახლი კეჯელს, მინდა მხოლოდ ჩემი მოვა-
 ლეობა შევასრულო, ვიდრე ძალ-ღონე მაქვს კიდევ და სი-
 ცოცხლე არ მომსპობია.

— საქმე ის არის, რომ ეგ მწუხარება ისე მკლავს, რო-
 გორც შხამი, რომელიც ნელ-ნელა ჰმოქმედობს.

— ღმერთმა იმიტომ მოაგლინა მწუხარება, რომ მოიწამ-
 ლოს ადამიანი, წამალსაც მოუფლენს, როცა მისი ნება იქნება.

— მაგ საბუთის წინააღმდეგ რაღა ითქმის. გარნა ღმერ-
 თი ერთად-ერთი იმედია ჩვენთვისაცა და მთლად რესპუბლიკი-
 სათვისაც. მფუე ჩენსტოხოვოს წაბრძნდა. იქნება მოახერხოს

და მოწყალეების თვალთ მოახედოს ჩვენზედ წმიდა ქალწული; თუ არა და ყველანი დავიღუბებით.

კვლავ ჩამოვარდა ღუმილი, მხოლოდ გარედ დრაგუნთა დარაჯნი ერთმანერთს ეხმაურებოდნენ.

— დიად, დიად, — რამდენსამე წამს უკან კვლავ დაიწყო ლაპარაკი მოხელემ. — ჩვენ ყველანი უფრო მკედრებში ვართ ჩასარიცხნი, ვიდრე ცოცხლებში. მთელს რესპუბლიკაში ხალხი სიცილს გადაეჩნია, ყველას თავ-პირი ჩამოსტირის და ისე ჰგმინავს, როგორც ეს ქარი ამ ბუხარში. მეც მჯეროდა, რომ უკეთესი დრო დადგება-მეთქი, ვიდრე აქ მოვიდოდი სხვებთან ერთად, ხოლო ახლა ვხედავ, რომ ამაო იმედი გვექონდა. ყველგან ნანგრეენი, ომი, შიმშილი, სიკვდილი და მეტი სხვა აღარაფერი, აღარაფერი!

სქშეტუსკი მღუპარებდა; მოწითანო შუქი ცეცხლისა ანათებდა იმის გამზდარს, კუშტს სახეს.

ბოლოს აიღო მალა თავი და წარმოასტქვა ლაღადებით:

— ეგ ყოველივე მიწიერია, ხრწნადი, გაივლის და აღარავითარს კვალს აღარ დასტოვებს.

— შენ ისე ლაპარაკობ, თითქო ბერ-მონაზონი იყო, — სთქვა პან ქშეტოვსკიმ.

სქშეტუსკის ხმა აღარ მოუღია ამის პასუხად.

XVII

მეორე დღეს დილა-აღრან დაანებეს თავი ელჩებმაცა და პან სქშეტუსკიმაც ნოვოსიოლკის. ვერაფერი სასიამოვნო იყო მათი მგზავრობა. ყველგან, საცა კი ჩამოხდებოდნენ, ყოველ სოფელ-დაბაში სიკვდილი ელოდათ, ან კიდევ შეურაცხყოფა, რომელიც სიკვდილზედ საშიში და უარესი იყო, იმიტომ რომ ელჩების სახით შეურაცხყოფა ადგებოდა რესპუბლიკის სახელსა და დიდებას. პან კისელი სულ მოიშალა და ავად იყო, აგრედვე კაპიტანი ბრიშოვსკი, რადგან ღამე არ იყო მათთვის ძილი და დღე. მოუსვენრობამ და დაღლილობამ

გაჰხადა ორივენი ავადა. პან სქშეტუსკიმ დაიჭირა კაპიტანის ადგილი და მიუძღოდა წინ ელჩთა საცოდავს კრებულს, რომელსაც ბრბო მღაბიოთა ყველგან მუქარით ეგებებოდა და შეურაცხყოფას აყენებდა.

ბელგოროდს კრებულს ეგონა კვლავ, რომ ეს არის, ახლა კი სწორედ აღსასრულის დღე დადგა ჩვენიო. ბრბომ სცემა ავადმყოფს ბრიშოვსკისა, მოჰკლა პან გნიაზდოვსკი და მხოლოდ მიტროპოლიტის მოსვლამ მოურავ-ერისთავის სანახავად შეაყენა უკვე მოფიქრებული და განზრახული საქმე ელჩების ამოწყვეტისა. ხალხს არ უნდოდა, რომ კიევს ახლო მიჰკარებოდნენ ელჩნი. თავადი ჩეტვერტინსკი 11 თებერვალს დაბრუნდა ხმელნიცკისაგან და პასუხი კი არაფითარი არ მოიტანა. ელჩებმა აღარ იცოდნენ, რა ექმნათ, საით წასულიყვნენ. უკან დაბრუნება აღარ შეიძლებოდა, რადგან გამოვლილ გზაზედ მრავალი გუნდი იდგა მცარცველთა და კაცის-მკვლელთა. ის გუნდნი მხოლოდ იმას-ღა უცდიდნენ, რომ ჰოისპოს მოლაპარაკება და სულ ამოვსწყვიტოთ ეგ ვილაც დესპანები არიანო. საცა იყვნენ, იქაც კადნიერება მღაბიოთა თან-და-თან ძლიერდებოდა.

ყაზახნი სწვდებოდნენ ღრავუნთა ცხენების აღვირს, ეღობებოდნენ წინ, ესვრიდნენ ქვებსა და ყინულის ნამტვრევებს-მოურავ-ერისთავის მარხილს. გროზდოვოში სქშეტუსკი და დონეცი იძულებულნი იყვნენ შეჰბმოდნენ ბრბოს და რამდენიმე ასი კაცი აქეთ-იქით გაეფანტათ. მეღროშე ნოვოგორუდსკი და სნიაროვსკი კვლავ დაწინაურდნენ და წავიდნენ ხმელნიცკისთან; უნდოდათ ეთხოვათ, რომ კიევს ჩასჯლიყო და იქ შესდგომოდა დესპანებთან მოლაპარაკებას, მაგრამ მოურავ-ერისთავის ძალიან ნაკლებადა ჰქონდა ამის იმედი: იქნება ცოცხალნი ვერც კი მივიდნენ ხმელნიცკიმდინაო. ამასობაში დესპანები იძულებულნი იყვნენ გულ-ხელი დაეკრიფათ და ეცქირნათ, როგორ ჰხოცავდა ბრბო ტყვედ შეპყრობილებს, რა სქესისა და წლოვანებისაც უნდა ყოფილიყვნენ, როგორ აღრჩობდნენ საცოდავებს წყლებში, საცა კი ყინული იყო ჩამტვრეული, ან

ასხამდნენ წყალს ყინვა-ტეხვრაში, ან და აცვამდნენ მარგილე-ბზედ. ასე განვლო თვრამეტმა დღემ, ვიდრე მოვიდა პასუხი ხმელნიცკისა, რომ კიევს ვერ წავალ, ხოლო მოურავე-ერისთავსა და დესპანებს ველი პერიასლაველშიო.

საწყალმა დესპანებმა პატარა თავისუფლად ამოისუნთქეს, გავიდნენ დნებრში და ღამის გასათევად ჩამოხდნენ ვორონკოვს, საიდანაც ექვსი ალაჯი-ლა იქმნებოდა პერიასლავემდე. ხმელნიცკი წინ მიეგება ნახევარ ალაჯის მანძილზედ, მაგრამ ხმელნიცკი ახლა სულ სხვა კაცი იყო და ოდნავაც აღარა ჰგვანდა წინანდელს ხმელნიცკის, შეურაცხყოფილს, გაბიაბრუებულს, დამცირებულს, როგორც სწერდა იმაზედ მაშინ კისელი.

მოეგება რიცხვ-მრავალის ამალით, პოლკოვნიკებითა, ესაულლებითა, სამხედრო მუსიკით, გაფრიალებულის წითელის დროშითა და თავ-კარავ-ფენილი, თითქო დამოუკიდებელი მთავარიოა. დესპანთა კრებული შეჩერდა, ხოლო ხმელნიცკიმ შიამღლო ცხენი წინა მარხილს და დიდ ხანს ჩააშტერდა მოურავე-ერისთავს.

— თავს გიკრავთ, ბატონებო, და თქვენც, ბატონო მოურავე-ერისთავო,—სთქვა მან ბოლოს და ოდნავ მოიხადა ქუდი.—უკეთესი იქნებოდა თქვენთვის აღრევე დაგეწყოთ მოლაპარაკება ჩემთან, მაშინ როცა მე ჯერ ისევ მცირე ვიყავ და არ ვიცოდი ჩემი საკუთარი ძალ-ლონე, მაგრამ რაკი მეფემ გამოგვზავნათ, სიხარულით მიმიღიხართ ჩემს მიწა-წყალში.

— მოგესალმებით, ბატონო გეტმანო!—მოიკითხა სამაგიეროდ კისელმა.—მისმა უდიდებულესობამ გამოგვგზავნა, რათა დაგარწმუნოთ, რომ მეფე მწყალობელია თქვენი და აღვადგინოთ სამართლიანობაცა თქვენი.

— მეფის მოწყალებისათვის მადლობელი ვარ, ხოლო სამართლიანობა ჩემი მეფე აღვადგინე თქვენს ქედზედა აი ამითი (ხმელნიცკიმ ხელი დაიკრა ხმლის ვადაზედა) და კვლავაც ასე მოვიქცევი, თუ კმაყოფილებას არ მომცემთ და არ შემოჯერიებთ.

— ვერაფერს სალამს კი გვაძლევ, გეტმანო იმიერ-ქორომეთისაო, ჩვენ, მეფის დესპანთა.

— ამ ყინვაში ლაპარაკს არ განეაგრძობ თქვენთან, — კანდიერებით უპასუხა ხმელნიცკიმ, — სალაპარაკოთ მერეც მოვიცლით. ახლა თქვენს მარხილში მინდა ჩავჯდე; მინდა პატივი გცეთ და თქვენთან ერთად ვიმგზავრო.

ჩამოხდა ცხენიდან და მიუახლოვდა მარხილს. კისელმა მიიწია მარჯვნივ და ალაგი დაუთმო მარცხნივა.

ხმელნიცკიმ დაინახა ესა, კოპები შეიკრა და შეჭყვირა:

— მარჯვენა მხარე დამითმეთ!

— მე სენატორი ვარ რესპუბლიკისა.

— მე რა მენალღეება, რომ სენატორი ხარ. პან პოტოცკი პირველი სენატორია და სახასო გეტმანი, მაგრამ შებორკილებული მყავს ხელში სხვებთან ერთად და რომ მინდოდეს, ხვალვე მარგილზედ ჩამოვაგებ.

კისელს გაფითრებული ლოყები დაუკვერდა.

— მე შეფის მაგიერი ვარ აქ ამ ქამად, მისი მოციქული ვარ!

ხმელნიცკიმ უფრო ძლიერ შეიკრა კოპები, მაგრამ თავი შეიკავა და მარცხნივ დაჯდა ბურტყუნითა:

— მეფე დაე ვარშავას იყოს, ხოლო რუსეთში მე უნდა ვიყუ. ეტყობა, ჯერ კიდევ საკმაოდ ვერ გაწვენევენეთ წვენი!

კისელმა პასუხად აღარა უთხრა — რა, მხოლოდ თვალნი აღმართა ცად. წინაღვე ჰკრძობდა, რაც მოელოდა შემდეგ.

პერეიასლავში გაჰქონდა ამ დროს ქუხილი ოცს ზარბაზანს და იყო ერთი ზარის — რეკა ყველა ეკლესიაში. ხმელნიცკიმ იფიქრა, ამათ არ ეგონათ, რომ ვითომ ეს ამბავი ამათის განსაკუთრებულის პატივისცემით არის გამოწვეულიო, და ამიტომ უთხრა მოურავ-ერისთავს:

— არა მარტო თქვენ, ყველა სხვა ელჩ-დესპანსაც ასე მივიღებ ხოლმე.

მართალიც იყო: არა ერთი და ორი ელჩი და დესპანი მოდიოდა ხმელნიცკისთან, ვითარცა დამოუკიდებელ მთავართან. როცა ზამოსტიიდან დაბრუნდა და ჯერ ისევ არჩევნებისა და იმ დამარცხების ფიქრებში იყო, რომელიც ლიტველმა

ჯარებმა აწენვეინეს, ხმელნიცკის გულში ნახევარიც არა ყოფილა ამ ზვიადობისა, ხოლო როცა მთლად კიევი გამოეგება უკან დაბრუნებულს საეკლესიო დროშებითა და ხატებით, როცა აკადემია მიესალმა, „tamynam Moijesem, servatorem, salvatorem, liberatorem populi de servitute lechica et bone nomine Bobdan—ღვთის-მიერ ბოძებულსა“, როცა ბოლოს, უწოდეს „illustrissime princeps“-იცა, მაშინ კი, იმ დროინდელ კაცთა მოწმობით, „მისმა მხეცურმა ბუნებამ გაიღვიძა“. მაშინ კი მართლა იგრძნო თვისი ძალა, იგრძნო რომ ფეხ-ქვეშ ყამირი ნიდადაგი მაქვსო, ის ნიდადაგი, რომელიც აქამდე აკლდა.

უცხო ქვეყნებიდან ელჩების ხშირი მისვლა-მოსვლაც ნიშანი იყო იმისი, რომ იწამეს მისი ძლიერებაცა და მისი დამოუკიდებლობაცა; თათრების მტკიცე მეგობრობა, შეძენილი მით რომ ეს საერო წინამძღვარი ერისა ნებას აძლევდა, წაიღეთ ჩვენი ქვეყნიდან დიდი დაელა-ალაფიო, მოსტყვევენთ ჩვენი ქვეყნის კაცი და ქალიო, ზურგს უმაგრებდა ყაზახობას და ღონეს აძლევდა ებრძოლნა მტრის წინააღმდეგ. და აი ხმელნიცკი, რომელმაც ჯერ ისევ ზამოსტიეში შეიწყნარა მეფე, ხოლო ახლა კი დაბრმავებული გულ-ზვიადობით, დარწმუნებული, რომ მე ძალა მაქვს ხოლო რესპუბლიკა უძლურიაო, მზად იყო შებრძოლებოდა თვით მეფეს. ხმელნიცკი თავის შავზნელით მოსილს გულში ოცნებობდა ახლა არა ყაზახთა თავისუფლებისათვის, არა იმისთვის, რომ დაეუბრუნო იმიერ-ჭორომეთს თავისი ძველებური უფლება-უპირატესობაო, ოცნებობდა არა სიმართლისათვის, არამედ ცალკე სამეფოს დასამყარებლად, მთავრის გვირგვინისა და სკიპტრასათვის.

ხმელნიცკი ჰგრძნობდა, რომ ბატონი ვარ უკრაინასიო. იმიერ-ჭორომეთი იმისკენ იყო, იმიტომ რომ არავის მფლობელობაში ისე არ ჩაუხჩრჩვია თავი სისხლის-ღვრაში, იმოდენა დაველა-ალაფი არ უნახავს, როგორც ახლა; ბუნება-განადირებული ხალხი ბუზივით ეტანებოდა ხმელნიცკის, იმიტომ რომ მაშინ, როცა მაზოველი ანუ ველიკოპოლელი ყმა უდრტეინველად ჰხრიდა ქედს თავის მძიმე ტვირთ ქვეშა, რომელიც

მთელს ევროპაში დასდებოდა კისრად ქამის ჩამომავალს, უკრაინელი ამ დროს მინდვრის ჰაერთან ერთად ისუნთქავ-ითვისებდა თავისუფლების სიყვარულს, ისეთისავე გაგარეგანებულისა და შეუზღუდველის თავისუფლებისას, როგორც თვით მინდორი იყო. სად ჰქონდა გული, რომ ბატონის გუთანს მიჰყოლოდა, როცა იმის თვალს იტაცებდა ღვთისა და არა ბატონის ყრუმინდვრები, როცა ქორომებს იქიდან იწვევდა სეჩი ალერსით: „დაანებე თავი ბატონს და წამოდი, რომ აქ ლალად იცხოვროვო!“, როცა მძვინვარე თათარი ასწავლიდა სამამაცო ზნეს, აჩვენებდა მის თვალს ცეცხლ-წაკიდებულ სოფლებისა და ხალხის ჩეხა-ელეტის სურათებს, ხოლო ხელს—თოფ-იარაღის ხმარებას? ის არ ერჩინა, რომ ხმელთან ყოფილიყო და იქ ემძვინვარნა, „ეჩეხ-ეჟლიტა პანები“, ვიდრე ზვიადი ქელი ეხარნა მოურავის წინაშე?

მეორეს მხრით, ვინც არ მიდიოდა ხმელნიცკისთან, ის ტყვედ მიჰყავდათ. სტამბოლში ათ ისრად ერთს მონას იყიდდა კაცი, ხოლო ერთ შვილდში—სამს მონას იძლეოდნენ: ისე მრავლად ჰყავდათ იქ მონები.

ხალხს უკეთესის გზის არჩევა არ შეეძლო. ეს გარემოება ცხადად გამოიხატა ერთს საერო სიმღერაში; იგი სიმღერა ცოტა არ იყოს საოცარი სიმღერაა მაშინდელ დროსათვის. დიდი ხანი გავიდა მას შემდეგ და ამ სიმღერას კვლავ ამბობდნენ შემდეგნი თაობანი თავიანთ ქოხებში იმ საერო წინამძღვრის შესახებ, რომელსაც მოსე უწოდეს: „ვაი, ღმერთმა ჰქმნას, რომ იმ სათოკე ხმელს პირველივე ტყვია არ ასცდეს!“

ქალაქნი, დაბანი და სოფელნი ჰქრებოდნენ დედა-მიწის პირიდან, მცხოვრებლებით სავსე ქვეყანა უდაბურდებოდა, ხოლო წინამძღოლი ან გეტმანი არა ჰხედავდა ანუ არ უნდოდა დაენახა ესა და იზრდებოდა, ძლებოდა, სუქდებოდა მრავლად დაღვრილის სისხლითა, სისხლის მორევში ახრჩობდა თავის ერს და აი ახლა მიჰყავდა ელჩი-დესპანნი პერეიასლავოს, საცა მისის ბრძანებით ჰქუხდა ზარბაზნები და იღვა გუგუნი ზარების რეკისა, თითქო ერთი დამოუკიდებელი მთავარია, დიდი ბატონია, მეუფეაო.

ელჩ-დესპანებს ჩაეკიდნათ თავები, შედიოდნენ ამ ლომის ბუნაგში და ჰგრძნობდნენ, რომ უკანასკნელი სხივი იმედისა ჰქრებოდა მათს გულში. სქშეტუსკი გულმოდგინედ ათვალიერებდა ხმელნიკის პოლკოვნიკებს, იქნება ბოგუნი ვიცნო მათ შორისაო. რაკი ბევრი ეძება და კნიაჟნა ველარ იბოვნა, პან სქშეტუსკიმ გადასწყვიტა გულში, ვიპოვი ბოგუნსა და გამოვიწვევ საბრძოლველად, რომ ან მე ვიყო ცოცხალი და ან ისაო. საცოდავმა რაინდმა ძალიან კარგად იცოდა, რომ ასეთს უწესოებაში ბოგუნს უბრძოლველადაც შეეძლო მისი გაქრობა, შეეძლო თათრებისათვის მიეყიდნა ტყვედ, მაგრამ თან ეგონა, რომ ბოგუნი ამას არ იკადრებსო, მამაცი და გულადი ატამანია და თითქმის დარწმუნებული ვარ, უარს არ მეტყვის და გამომყვება ხმალში საბრძოლველადო. ისიც კი მოსდიოდა ფიქრად, რომ ფიცს დავადებინებ ბოგუნს, ვინიც-ობაა ის იყოს სიკვდილის წერა, გაანთავისუფლოს ელენე. საკუთრად თავის თავისათვის სქშეტუსკი ნაკლებად ჰზრუნაედა. თუნდა ბოგუნმა ასე მითხრას, „ვინიცობაა მე მოვკვდე, კნიაჟნა ნურც შენ დაგრჩება, ნურც მეო“, მაინც მზად იყო დასთანხმებოდა და ფიცი მიეცა, თავადაც, აგრე იყოსო, ოლონდ კი მტრის ხელიდან გამოეხსნა ის საცოდავი ქალი. დეე, მშვიდობა მოსძებნოს მან მონასტერში, ხოლო მე მოვძებნი მოსვენებას ჯერ ბრძოლის ველზედ და თუ იქ ვერ ვპოვე და თავი ვერ დავსდე, ჩავიცვამ მეც ბერ-მონაზონის სამოსელსაო, როგორც ჩვეულებად ჰქონდა იმ დროს ყველას, ვისაც კი სული უწუხდა და გულით იტანჯებოდა. სქშეტუსკი ჰგონებდა, რომ ეს გზაა მხოლოდ ნამდვილი და სწორე გზაო, ხოლო როცა ზამოსტიეში მოუვიდა აზრად პირის-პირ შებრძოლებოდა ბოგუნს, როცა დნესტრის სათავის ლელიანებში კნიაჟნას ძებნამ უქმად ჩაუარა, უფრო დარწმუნდა, რომ სხვა გზა არ არისო. და აი დნესტრიდან დაყოლებული, და უსვენებლივ გასწია ელჩ-დესპანებთან და ვარაუდი ჰქონდა, რომ ან ხმელნიკის ამალაში, ან კიევში ვიპოვი უთუოდ ბოგუნსაო; მით უმეტეს ვარაუდობდა ასე, რომ ზავლობამაცა სთქვა, ატამანს კიევს უნდა წავიდეს ჯვარის დასაწერადო.

გარნა სქშეტუსკი ამაოდ ეძებდა ამ ჟამად ბოგუნს ხმელნიცკის პოლკოვნიკებ შორის, იმის მაგიერ მან იპოვა მრავალნი თვისნი ძველნი ნაცნობნი: ძეძიალა, იაშევსკი, იაროში, რომელიც თავადის ასის თავი იყო ოდესმე, და სხვანი. პარუჩიკმა გადასწყვიტა გულში, ამათ გამოგვითხავ ბოგუნის ამბავსაო.

— ჩვენ ძველნი ნაცნობნი ვართ, — მიუახლოვდა სქშეტუსკი და უთხრა იაშევსკისა.

— ლუბნში გაგიცანით; თავად ერიომას რაინდი ბრძანდებით, — სთქვა პასუხად პოლკოვნიკმა. — ლუბნში ერთად გვიქეფნია. რასა იქს თქვენი მთავარი?

— კარგათ გახლავთ.

— გაზაფხულზედ ველარ იქნება კარგადა. ჯერ ხმელნიცკის არ შებრძოლებია, და უნდა შეებრძოლოს კი, და ერთი უნდა დაილუპოს ამ შებრძოლებაში.

— ვისაც ღმერთი ინებებს, ის დაილუპება.

— ოჰ, ღმერთს ჩვენი მამა-ბატონი ხმელნიცკი აუყვარს. ეგ არის, თავადი ღნებრ-ამიერ მხარეს ველარ გადმოვა, თათრების ნაპირს ველარ დაიქერს. ხმელნიცკის ბევრი ჯარი ჰყავს და თავადს კი სად რა აბადია?... ისევ იმის სადროშოშივე ჰმსახურობთ თქვენა?

— მე ეხლა ელჩ-დესპანებთან ერთადა ვარ.

— ძალიან მესიამოვნა მაინც თქვენი ნახვა.

— თუ გესიამოვნათ, მაშ ერთი სიკეთე გამიწიეთ და სამუდამოდ მადლობელი ვიქნები თქვენი.

— რა სიკეთე?

— ეს მითხარით, სად არის ეხლა ბოგუნი, ის ქებული ატამანი, რომელიც ეხლა ერთი უფროსთაგანია თქვენ შორის?

— გაჩუმიდი ე მანდა! — მრისხანედ შესძახა იაშევსკიმ. — ბედი შენი რომ ძველნი ნაცნობნი ვართ, თორემ ამ საათში დაგჩეხავდი.

სქშეტუსკიმ გაკვირვებით შეჰხედა იაშევსკის და ხელი მოუჭირა თავის ხმალს.

— ხომ არ გაგიჟებულხართ?

— არც გავეგიჟებულვარ, და არც გემუქრები, მაგრამ ასეთია ბრძანება ხმელნიცკისა, რომ ვინც უნდა თქვენგანმა, თუნდა ელჩიც იყოს და იკითხოს რამე, მაშინაღვე უნდა სიცოცხლე მოუსწრაფოთ. მე არ მოვიქმედებ ამას, სხვა მოიქმედებს და იმიტომ გაბრთხილებ, რომ მახსოვს ჩვენი ძველი ნაცნობობა.

— მერე მე ხომ აზრათ არა მაქვს—რა საიმისო, კერძოდ ჩემის საკუთარის შესახებ გეკითხები.

— სულ ერთია. ხმელმა გვითხრა ჩვენ, პოლკოვნიკებს და გვიბრძანა, რომ სხვებსაც ასევე გაუფეოროთ: „თუნდა შეშის ამბავი იკითხოს ვინმემ, მაშინვე მოჰკალითო“. თქვენებსაც ასე უამბეთ.

— გამადლობთ კვთილის რჩევისათვის,—სთქვა სქშეტუსკიმ.

— მარტო თქვენ გაფრთხილებთ ასე, თორემ სხვა ღიახი რომ ყოფილიყო, იქვე სულს გავაფრთხოებინებდი.

ორივენი გაჩუმდნენ. ლიტანიით მიმავალნი უახლოვდებოდნენ ქალაქის ზღუდეთა კარს. ქუჩების აქეთ-იქით მრავლად იდგნენ შეიარაღებულნი ყაზახნი და მდაბიონი. ხმელნიცკის იქ ყოფნის გამო ვერ ჰბედავდნენ ელჩ-დესპანთა შეურაცხყოფას, თუმცა გაბოროტებულნი კი შესცქეროდნენ კამისარებს, ჰმუჟავდნენ მუშტებსა და ხმლებზედ ივლებდნენ ხელს.

სქშეტუსკიმ დააწყა რაზმად თავისი ღრაგუნები, აიმაღლა თავი თავ-მომწონედ, გულ-ამაყობით და ნელ-ნელა მიდიოდა წინ განიერს ქუჩაზედ; არავითარს ყურადღებას არ აქცევდა, რომ მდაბიონი აქეთ-იქიდან ისეთის გაბოროტებით შესცქეროდნენ იმასაცა და მის ჯარსაც. გულში კი ჰფიქრობდა, რაოდენად გულ-დამშვიდებული, თავ-დაჭერილი და მოთმინებით აღსაესე უნდა იყოს კაცი, რომ შეასრულოს ის, რაც მე განვიზრახე და პირველისავე ნაბიჯის გადადგმაზედ არ დაიხრჩოს ამ მძულვარების ზღვაშიო.

XVIII

მეორე ღღეს დესპანები დიდ ხანსა თათბირობდნენ და არ იცოდნენ, როგორ მოქცეულიყვნენ, ეხლავ ჩავებაროთ ხმელნიცკის მეფის საჩუქარ-ფეშქაშები, თუ შემდეგ, როცა მცირეოდენი მორჩილება დაეტყობა ან შენანებაო. გადასწყდა, რომ იქნება მაგისი გული მოალობს მეფის ადამიანობამ და გულ-კეთილობამარ და ამიტომ მეორე ღღესვე დიდის ამბით მიუძღვნეს მეფის გამოტანებული საჩუქარი და ფეშქაშები. ხმელნიცკი ელოდა დესპანებს თავის სახლის-წინა, გარემოცული თვისის პოლკოვნიკებითა, ასისთავ-ჟუფროსებითა, ყაზახთა რიცხვ-მრავალის ბრბოთი და მდაბიო ხალხითა; იმისი სურვილი ის იყო, რომ მთელს ხალხს გაეგო, აი რა პატივის ცემით მეპყრობა მეფეო. გეტმანი იჯდა კვარცხლ-ბეკზედ თავზედ კამარა გადაფარებული და გარშემორტყმული სახელმწიფოთა ელჩ-დესპანებითა. შემოკრებილ ხალხში მალ-მალ ისმოდა სიხარულის შეყვილი და ძახილი; ხალხს უხაროდა, რომ უმზერდა წინამძღვარსა თვისსა, რადგან ძალას სცემდა მხოლოდ პატივსა და ძალის განხორციელებაც იგი წინამძღვარი იყო. ერის ფიქროცნებას ჰგონია, რომ მხოლოდ ასეთი უნდა იყოს ჩვენი წინამძღვარიო, მძღველი გეტმანთა, შლიახტისა და საზოგადოდ „ლიახებისა“, რომელთაც აქამდე გარს ერტყათ შარაევანდელი უძღველოობისა. ამ ერთის წლის განმავლობაში ხმელნიცკი ცოტა არ იყოს დაბერებულყო, გარნა არ მოხრილიყო კი; ახოვანს მხარ-ბეკზედ ეტყობოდა კიდევ, რომ დიდი ძალ-ლონე აქვს მის პატრონსაო, რომ ამ კაცს კვლავ შეუძლიან მტერად აქციოს სახელმწიფონი, ანუ შეჰქმნას და დაამყაროს ახალნიო; მისი ფართო სახე, დაჯიჯობებული უზომო ღოთობით, ამჟღავნებდა მისის პატრონის რკინასაებრ მტკიცე ნლომასა, უსამზღვრო ზვიადობასა და დაიმედებულ თავ-გამოდებასა; ყოველივე ესე დაჰბადა მისმა ძღვევა-შოსილებამ. რისხვა და გრვეინვა მიყურსულიყო ამ კაცის პირი-სახნის ნაკეცსა და ნაოქე-

ბში და ადვილად მისახვედრი იყო, რომ თავს იჩენდა თუ არა ეს ძალა მისი, ყოველივე ქედს მოიდრეკდა ამ რკინის კაცის წინაშე სწორედ ისე, როგორც მთელი ტყე მოიხრის ხოლმე თავს, როცა გრიგალი დაუბერავს. მისი თვალები, დაწითლებულ ზოლებით გარშემოვლებულები, უკვე ჰყრიდა ცეცხლს მოუთმენლობისასა, რად იგვიანებენ აქამდე დესპანები და მალე არ მომართმევენ მეფის გამოგზავნილ ხალათსაო; ნესტოებიდან ამ სიცივეში სტვირივით ამოჰქროდა ორთქლი ორ-ტოტადა და აი ამ ნისლ-ბურუსიან ღღეში გეტმანი იჯდა მთლად გაქარხლებული, კოპებ-შეკრული, ზვიადი ელჩთა და პოლკოვნიკებ შორის, გარემოცული ზღვასავით მღელვარე ხალხითა.

ბოლოს გამოჩნდა დესპანთა კრებულიცა. წინ მიდიოდნენ მემუსიკენი ბობლან-წინწილებითა და მებუკენი, რომელთა ბუკნიცა ისეთს ხმას გამოსცემდნენ, გაჰიანურებულსა და გლოვით სავსესა, თითქო დასაფლავებაჲ რესპუბლიკის ღირსება-ღიდებისაო. ორკესტრს უკან მიდიოდა და მიჰქონდა ხავერდის ბალიში, რომელზედაც კვერთხი იდო, კულონისკის, კიევის მოლარეს მიჰქონდა წითელი დროშა, რომელზედაც არწივი იყო მოქარგული და ზედ წარწერა ჰქონდა, ხოლო შემდეგ მიდიოდა მარტო კისელი, მალალ-მალალი, გამხდარი, თეთრის, გულზედ გადაფენილის წვერითა; მის კეთილშობილს სახეს დარჩენოდა იერი ტანჯვისა, მის გულს ჰხუთავდა უსაზღვრო სევდანაღველი. მოურავ-ერისთავს მისდევდნენ უკან დანარჩენნი ელჩიდესპანნი, ხოლო დრაგუნები და სქშეტუსკი სულ ბოლოს მისდევდნენ ამ ლიტანიით მიმავალთა.

კისელი მძიმე-მძიმედ მიდიოდა. მხოლოდ ახლა დაინახა ცხადად, რომ სამშვიდობო ხელ-შეკრულობის ნაფლეთებიდან, მეფის წყალობათა და შენდობის ზურგთ უკანიდან იქპირებოდა ნამდვილი, შიშველი, თავ-ზარ-დამცემი ჭეშმარიტება, რომელიც კანდიერად და ლირფობით ჩასცქეროდა მოურავ-ერისთავს თვალებში და ასეთის ყიჟინით აბრუებდა საცოდავს მხცოვანს: „შენდობა კი არ მოგაქვს შენ, ჰოი მოურავ-ერისთავო, არა, მოდიხარ იმიტომ რომ თვით ითხოვო იგი შენდობა, მო-

დინარ, რომ იყილა იგი ემაგ კვერთხითა და დროშითა, მოდინარ ფეხით და უნდა წარსდგე ამ მონათა წინამძღვრის კვარცხლბეკის ქვედა საფეხურის წინაშე, მოდინარ სრულიად რესპუბლიკის სახელითა, შენ, სენატორი და მოურავ-ერისთავი“. სული კისელისა ჰგმინავდა ტკივილითა; ჰგრძნობდა, რა ყოვლადის სიმწარითა და დამცირებით იყო აღსავსე მისი ყოფა, ხოლო მის ყურებში გაჰქონდა ბუჟილი ერემიას სიტყვებს: „ისა სჯობს, ცოცხალნი არ ვიყოთ, ვიდრე ეცოცხლობდეთ მონათა და წარმართთა ტყვეობაში“. რალა ვარ ახლა მე ლუბნის მთავართან შედარებითაო, იმ მთავართან, რომელიც ამბოხებას წარმოდგენილი ჰყავდა არა სხვა გვარ, არამედ ვითარცა ზევესი მრისხანედ შერკმულის წარბებითა გოგირდით გაჟღენთილ ჰაერში, ომის ცეცხლსა და თოფის წამლის ბოლში გახვეული? რალა ვარ მეო? ეს აზრი სევდასავით დააწვა მოურავს გულზედა და ღიმილი სამულდამოდ გაჰქრა მის სახეზედ; ჰგრძნობდა, რომ სიკვდილი ერჩინა, ვიდრე რამდენისამე ნაბიჯის გადადგმა წინ, მაგრამ მაინც მიდიოდა ნება-უნებურად, — მიდიოდა იმიტომ რომ ამას თხოულობდა მთლად მისი წარსული ცხოვრება, მთლად მისი მოღვაწეობა, მისი წინანდელი სურვილი და ლაპარაკი, უღმობელი ლოდიკა მისის მოქმედებისა.

ხმელნიცკი გაბუსხულივით იჯდა და წარბ-შერკმული ელოდა მოურავს.

ელჩ-დესპანთა კრებული მიუახლოვდა ბოლოს ხმელნიცკის საჯდომსა საყდარსა. კისელი წარსდგა წინ და მივიდა თვით კვარცხლბეკთან. მებუკეთა შეჰწყვიტეს კერა ბუკებისა, ჩამოვარდა დიდი ღუმელი, მხოლოდ ცივი ქარი აფრიალებდა წითელს დროშას, რომელიც პან კულჩინსკის ეჭირა.

უცბად ეს ღუმელი დაარღვია ვილაც კაცის ხმამ, რიხიანმა, ომახიანმა, რომელიც ისე გაისმა თითქო ყოვლადის განწირულებით სავსე ბრძანებააო:

— დრაგუნო, უკან წამოდი! მომყევით მე!

ის ხმა პან სქშეტუსკის ხმა იყო. ყველამ თავი იქითკენ მიიბრუნა. თვით ხმელნიცკიმ ცოტათი წამოიწია, თითქო წამოდგომა უნდაო; დესპანები გაფითორდნენ.

სქმეტუსკი ცხენზედ წამომდგარიყო და უზანგებზედ იდგა; თავი მაღლა აეღო, გაფითრებული იყო; თვალთაგან ნაპერ-წკლები სციოდა, ხელში ამოწედილი ხმალი ეჭირა; ნახევრად დრაგუნებისაკენ მიტრიალებულმა მან კვლავ შესძახა ჯარს თვისის ქუხილისა სიტყვებითა:

— მე მომყევით!

მოისმა ცხენების თქარა-თქური ამ გაყინულს დედა-მიწაზედ. კარგად გაწვრთნილმა დრაგუნებმა უცბად მოატრიალეს ცხენები, პარუჩიკი დადგა წინ, ანიშნა ხმლით, ვიაროთო და მთლად ჯარი დაიძრა მძიმედ, გასწია უკან საელჩოს სადგური-საკენ.

გაკვირვებამ და გაოცებამ შეიპყრო ყველანი, ხმელნიც-კიც კი; პარუჩიკის ხმასა და მიხერა-მოხერას რაღაც არა-ჩვეუ-ლებრივი იერი დაეტყო. არაფინ არ იცოდა რიგიანად, ასე უც-ბად ჯარის უკან გატრიალება ცერემონიალის წესისამებრ მო-ჰხდა თუ არა. მხოლოდ ერთი კისელი მიჰხვდა ყოველსავე, მი-ჰხვდა, რომ ხელ-შეკრულობანიცა და ვლჩ-დესპანთა სიცოცხ-ლეს ჯართურთ ძაფზედ-ლა ეკიდა. მოურავ-ერისთავი აღვიდა კვარცხლბეკზედ და, ვიდრე ხმელნიცკი მოიფიქრებდა რასმე და გაარკვევდა, რაც მოჰხდა, დაიწყო თქმა თვისის სიტყვისა.

კისელმა დაიწყო მით, რომ გამოაცხადა პატივება და წყა-ლობა მეფისა ხმელნიცკისა და მთლად იმიერ-ჰორომეთისათვის, მაგრამ ამ დროს მოჰხდა ერთი გარემოება, რომელმაც შიიქცია საყოველთაო ყურადღება და ყველას გადააეწყა ის, რაც ამა-ზედ წინად მოჰხდა. ძეძილამ, მოხუცმა პოლკოვნიკმა, რომელიც ხმელნიცკისთან ახლო იდგა, დაიწყო კვერთხის ქნევა და შეჰყვი-რა მოურავ-ერისთავს:

— რასა რომავ ე მანდა, კისელო? მეფე კი მეფეა, ხოლო თქვენ, მეფის კარის-კაცთა, თავადთა და მთლად შლიახტამ ბევრი რამ დააშავეთ. თვითონ შენც, კისელო, თუმცა ძვალი ხარ ჩვენთა ძვალთაგან, უარ-ჰყავ ჩვენი თავი და მიემხრე შლიახ-ტას. გვეყოფა ეგ შენი მიღებ-მოღება! ჩვენ ხმლით მოვიპო-ვეთ იმას, რაც საჭიროა ჩვენთვის.

მოურავ-ერისთავმა წყენითა და მწუხარებით შეჰხედა ხმელნიცკის.

— ასე გაწვრთნილი გყავთ, ბატონო გეტმანო, თქვენი პოლკოვნიკები?!

— ხმა ჩაიწყვიტე, ძეძიალა! — შეუტია გეტმანმა.

— გაჩუმდი, გაჩუმდი! დილითვე გამოსკდა და ღრიალებს აქა! — შეუტიეს სხვა პოლკოვნიკებმაცა. — დაიკარგე აქედანა, თორემ კინწიკვრით გაგაგდებთ.

ძეძიალა თავისას არ იშლიდა, მაგრამ სტაცეს საყელოში ხელი და ძალით გააგდეს კრებიდან.

მოურავ-ერისთავმა განაგრძო თავისი მკვერმეტყველური სიტყვა და სთქვა, რომ დიდი წყალობა მიიღო დღეს გეტმანმა მეფისაგანაო; ეგ წყალობაა ეს ნიშნები კანონიერის ხელმწიფებისა, რომელიც აქამდე თვით-ნებობითა ჰქონდა მითვისებული. მეფეს შეეძლო დასჯა მისი, ხოლო ამ წყალობით პატიებასა და შეწყნარებას ანიჭებს იმ მორჩილებისათვის, რომელიც გამოიჩინა მან ზამოსტიეში და კიდევ იმიტომ რომ წინანდელი საქციელი ხმელნიცკისა გეტმანმა მოიქმედა მეფის გამეფებამდე. დარწმუნებული ვარ, რომ ხმელნიცკი, რომელსაც ამდენი დანაშაული მიუძღვის, მადლობელი იქნება მეფისა წყალობისა და პატივებისათვის, შესწყევტავს სისხლის-ღვრას, დაამშვიდებს მდაბიო ხალხს და შეუდგება მოლაპარაკებას მეფის კომისარებთან მშვიდობის ჩამოსაგდებად.

ხმელნიცკიმ მდუმარებით მიიღო კვერთხი და დროშა, რომელიც მაშინვე გააშლევინა. მუაბიოთა ბრბომ ამის დანახვაზედ შექჰმნა სიხარულით ყვირილი და აღარავის აღარა გააგონა-რა იმისი, რაცა სთქვა შემდეგ მოურავ-ერისთავმა. გეტმანს სახეზე სიამოვნება გამოეხატა. პატარა ხანს იყო კიდევ გაჩუმებული და შემდეგ დაიწყო:

— იმ დიდის წყალობისათვის, რომელიც გამომიცხადეთ მეფის სახელით, იმისათვის, რომ მისი უდიდებულესობა მაჯილდოვებს და ჯარის უფროსობასაც მანიჭებს, წინანდელ ჩემს შეცოდებასაც მაპატივებს, უმდაბლესად გმადლობთ. მე სულ

იმას ვამბობდი, რომ მეფე ჩემსკენ არის და თქვენ გეწინააღმდეგებათ-მეთქი, უსამართლო მაგნატებო და დარბაისელო! ამაზედ უკეთესი დამტკიცება რაღა უნდა, რომ მეფე მაჯილდოვებს მე იმისთვის, რომ ყელებსა გჭრიდით თქვენ. შემდეგაც ასე მოგექცევი, თუ ვინიცობაა არას გაიგონებთ და არ დამემორჩილებით მეცა და მეფესაცა.

ეს უკანასკნელი სიტყვები ხმა-ამაღლებით წარმოსთქვა ხმელნიცკიმ; თან წარბებს იკრავდა და სახე ეღუშებოდა, თითქო მრისხანებამ შეიპყრო სრულიადაო. კომისარები სულ გაქვავდნენ, რაკი ასეთი მოულოდნელი მიმართულება მიიღო ხმელნიცკის ლაპარაკმა. კისელმა დამშვიდებით უპასუხა:

— მეფე გიბრძანებთ თქვენ, პან გეტმანო, შესწყვიტოთ სისხლის-ღვრა და შეუდგეთ ჩვენთან მოლაპარაკებას.

— სისხლს მე კი არა ვღვრი, ლიტველი ჯარები ჰღვრიდნენ.—კადნიერად გააწყვეტინა სიტყვა გეტმანმა კისელსა.—მე მაცნობეს, რომ რაძივილმა ამოსწყვიტა ხალხი ჩემს მოზირსა და ტუროვში და თუ ეს მართალია, თქვენი დატყვევებული დიდებულები ცოტა არა მყავს მე,—ვუბრძანებ, რომ ეხლავე ყველას თავები მოჰკვეთონ. ხელ-შეკრულობის დადებას მე ეხლავე არ შეეუდგები. ეხლა მე ჯარი არა მყავს, მხოლოდ ერთი მუქა პოლკოვნიკები მახლავს აქა, დანარჩენები საზამთრო ბინებზედ არიან, ხოლო უიმათოთ მე ვერ დავიწყებ მოლაპარაკებას. ესეც არ იყოს, აქ ამ ყინვაში რა დროს ლაპარაკია! რაც უნდა მოგეცათ თქვენ ჩემთვის, უკვე მომეცით; ახლა ყველამ იცის, რომ მე გეტმანი ვარ მეფის ბრძანებით, ხოლო აწ გთხოვთ ჩემთან მობრძანდეთ სადილად. მე შშიერი ვარ.

ხმელნიცკი თავის სახლში წაეიდა, ხოლო იმას გაჰყენენ ელჩ-დესპანნი და პოლკოვნიკები. ერთ დიდს შუა ოთახში სუფრა გაშლილი სტოლი იდგა, რომელიც იზნიქებოდა დავლით შეძენილ ვერცხლეულობის სიმძიმის გამო; ამ ვერცხლეულში კისელს შეეძლო ეცნო თავისი საკუთარი ჭურჭლეულიცა, რომელიც ყაზახებმა წაიღეს შარშან, როცა მისი გუშჩი აიკლეს. სუფრაზედ დახორავებული იყო უხვად ღორის

ხორცი, ძროხის ხორცის ხაშლამა და აქვე იდგა თათრული ფლავი დიდის სინ-ლანგრებითა; მთლად ოთახში იდგა სუნი არაყისა, რომელიც ვერცხლის ბაღიებში ჩაესხათ და ისე დაედგათ სტოლზედ. ხმელნიცკიმ კისელი მარჯვნივ მოისვა, ხოლო მარცხნივ დასვა კაშტელიანი ბუჯოვოსკი და, ანიშნა რა არაყი, უთხრა:

— ვარშაეაში ამბობენ, რომ ვითომ მე ლიახების სისხლსა ესვამდე, მე კი ამ არაყსა ვრჩეობ, ხოლო ლიახების სისხლი ძაღლებისათვის დამითმია.

პოლკოვნიკებმა ისეთი სიცილ-ხარხარი ასტეხეს, რომ დარბაზის კედლებმა სულ ხარხარი დაიწყა.

აი ასეთი საუზმე მოართვა გეტმანმა კომისარებს სადილ წინად, ხოლო კომისარებმა ხმა-ამოუღებლივ გადაჰყლაპეს ასეთის თავაზიანობით მორთმეული საკმელი, რადგან ეშინოდათ, როგორც ამბობს ლვოველი მემბტიანე, ვაი თუ შეკამათებით „უფრო გავამძვინვაროთ ეს მხეცია“.

მხოლოდ ჭირის ოფლმა დაასხა შუბლზედ კისელსა.

დაიწყა სადილი. პოლკოვნიკები ხელით იღებდნენ ლანგრებიდან ხორცის ნაჭრებს. კისელსა და ბუჯოვოსკის თვით გეტმანი სთავაზობდა ხორცს და სადილის დაწყებისას ყველანი მღუპარებდნენ, რადგან პურის ქამას ეშურებოდნენ. ამ დუმილში ისმოდა მხოლოდ მოსადილეთა ქლაპა-ქლოუპი და მათი ხმამალლა ბოყინი; ათასში ერთხელ თუ წამოისროლებდა ვინმე თვითეულს სიტყვას, მაგრამ ისიც უპასუხოდ რჩებოდა. ბოლოს, ხმელნიცკიმ დალია რამდენიმე ჯამი ფეტვის არაყისა და უცბად შეეკითხა კისელსა:

— თქვენს სამგზავრო ჯარს ვინა უფროსობდა?

კისელი მეტად შეაწუხა ამ შეკითხვამა.

— სქშეტუსკი, ჩინებული რაინდი, — სთქვა მან.

— ვიცნობ. მერე რატომ არ ინდომა, რომ დასწრებოდა იმ დროს, როცა გადმომეცა წყალობა მეფისა?

— ის ჩვენთან წარმომადგენლად კი არ იყო გამოგზავნილი, არამედ ჯარის უფროსად გზაში და იმიტომ.

— ვინ უბრძანა მერე ეგა?

— მე. მე მეგონა, რომ უხერხული და უთავაზო საქმე იქმნებოდა, დრაგუნები ყოფილიყვენ ჩვენ თვალ-წინ მაშინ, როდესაც ეს დიდებული საქმე შესრულდა.

— მე სხვაფრივ მეგონა, მაგ ჯარის-კაცს მტკიცე ხასიათი აქვს.

ლაპარაკში ჩაერია ამ დროს იაშვესკიცა.

— ჩვენ ეხლა დრაგუნებისა არ გვეშინიან,—სთქვა მან.— ლიახები ოდესმე ძლიერნი იყვნენ დრაგუნების წყალობით, ხოლო ახლა პილავეცთან დავრწმუნდით, რომ ლიახები ისინი აღარ არიან რომელნიც ოდესმე სძლევედნენ ოსმალთაჲ, თათართაჲ და ნემენცებსაჲ კი...

— არა ზამოისკები, ჟულკევსკები, ხოდკევიჩები, ხმელეცკები და კონეცპოლსკები,—გააწყვეტინა სიტყვა ხმელნიცკიმ,— არამედ ტრუსოვსკები, ბალნი, რკინაში ჩამსხდარნი. შიშით დაიხოცნენ, ჩვენ რომ დავგინახეს და გაიქცნენ, თუმცა თათრები სამი-ათას კაცზედ მეტნი არა ყოფილან...

ელჩ-დესპანნი ჩუმად იყვნენ. საქმელ-სასმელიც კი ყელში ეხიდებოდათ.

— უმორჩილესადა გთხოვთ, შეექცით, — შესთავაზებდა ხმელნიცკი,—თორემ ასე მეგონება, რომ ჩვენს სადა ყაზახურს საქმელებს იწუნებს თქვენი ბატონური ნებიერობა-მეთქი.

— თუ პატარა ყანყრატონი აქვთ, შეიძლება ცოტათი გადუჭრათ,—დაიღრიალა ძეძიალამ.

საკმაოდ შეზარხოშებულმა პოლკოვნიკებმა ერთი ხარხარი ასტეხეს, მაგრამ ხმელნიცკიმ თვალების ბრიალით გადააჭხედა და დუმილი ჩამოვარდა კვლავ.

კისელი ავად იყო აგერ რამდენიმე ხანი და ფერი აღარ ედო, ისე ჩამომდნარიყო, ხოლო ბეოზოვსკი ქარხალივით გაწითლებული იჯდა.

ბოლოს ვეღარ მოითმინა ბეოზოვსკიმ და გაჯაერებით წარმოსთქვა:

— სადილად მოვსულვართ აქა, თუ იმიტომ რომ მასხარად გვიღებდნენ და გვაწბილებდნენ?

— თქვენ მოხვედით, რომ ხელ-შეკრულობა დასდოთ, ხოლო ამ დროს ლიტველი ჯარები სწავენ სოფლებს და ჰყლებტენ ხალხს,—უპასუხა აჩქარებით ხმელნიცკიმა.—მოზირი და ტუროვი ამოუწყვეტიათ, და თუ ეს მართალია, ვუბრძანებ, რომ თქვენ თვალ-წინვე მოჰყვეთონ თავი თქვენს ორმოცს ტყვეს.

ბჟოზოვსკიმ, თუმცა ძნელი იყო, მაგრამ მაინც თავი შეიმავრა. დიალ! სიცოცხლე ტყვეთა გეტმანის გუნებაზედ იყო დამოკიდებული, იმის ერთს ხელის გაქნევაზედ; მეტი ღონე არ იყო, უნდა ყოველივე მოეთმინათ და კიდევაც იმას უნდა ცდილიყვნენ, რომ დაემშვიდებინათ ყაზახთა ბატონი, რათა უარესი არა წაჰკიდებოდათ—რა.

ამ აზრით დაიწყო ლაპარაკი ნელის ხმით კარმელიტელმა ლენტოვსკიმ, კაცმა მშვიდობიანმა და მოშიშარმა:

— მოწყალე ღმერთი ინებებს და გვამცნევს, რომ შესაძლოა, მოზირისა და ტუროვის შესახები ამბავი მართალი არ არის.

მაგრამ ძლივს გაათავა მან თავისი სიტყვა, რომ თედორე ვესნიაკმა, ჩერკასელმა პოლკოვნიკმა შემოიქნია კვერთხი და უნდოდა კეფაში დაერთყა კარმელიტელისათვის, მაგრამ მის ბედზედ შორს იჯდა ვესნიაკიდან. მან მხოლოდ ლანძღვა დაიწყო:

— ხმა ჩაიწყვიტე, წვერ-ცამეტავ! რა შენი საქმეა, რომ შენის როშვით გვასულელებ აქა! გავიდეთ კარში და მე გაჩვენებ, როგორ უნდა სცე პატივი იმიერ-ჰორომეთის პოლკოვნიკებს.

ამხანაგებმა დაუწყეს დამშვიდება გამძვინვარებულს პოლკოვნიკს, მაგრამ რაკი ვერ მოახერხეს, კინწის კვრით გააგდეს გარედ.

— როდის გნებავთ, პან გეტმანო, რომ შეკრბეს კომისია?—ჰკითხა კისელმა, რათა სხვა ხასიათი მიეცა ლაპარაკისათვის.

საუბედუროდ, ხმელნიცკიც უკვე კარგა გადაკრული იყო.

— ხვალ საქმეც იქნება და განკითხვაცა; ახლა მე მთვრალი ვარ!—დაიღრიალა გეტმანმა.—რას ჩამცივებინართ ამ კო-

მისიას, არც ქამას მაკლით, არც სმასა? მეყო მაგისთანაების მოსმენა! ახლა ომი უნდა იყოს (რაც ძალი და ღონე ჰქონდა, დაჰკრა ხელი ამ სიტყვებზედ სტოლსა). ოთხ კვირაზედ სულ ყირამალა გადავაბრუნებ ყოველსავე და ჩავახრჩობთ ყველას და მერე მიგყიდით ოსმალეთის მეფეს. მეფე იმის მეფეა, რომ ჰქლიტოს თავად-აზნაური, კარის-კაცნი და თავადნი. დააშავა რამ თავადმა—მოჰკვეთოს თავი, დააშავა ყაზახმა—გაგორდეს იმის თავიცა! შეეტებით მაშინებთ, მაგრამ ვერც თქვენი შეეტები შემაშინებენ. ტულაი-ბეი შორს არ არის აქედან, ჩემი ძმობილი, ჩემი სული, ერთად-ერთი ვაჟკაცი მთელს ქვეყნიერებაზედ; ის მზად არის ყოველივე შეასრულოს, რასაც კი მოინდომებ.

აქ ხმელნიცკიმ, როგორც შეეფერება მთვრალის კაცის უხასიათო შერყეობას, უცბად შესცვალა კილო მრისხანებისა და ლმობიერებით დაიწყო. ხმაც კი უკანკალებდა ტულაი-ბეის ხსენებაზედ.—თქვენ გინდათ, რომ მახვილითა ჩემითა მივიტყუთათრებისა და ოსმალეთის საელეტად, მაგრამ მაგას ვერ მოესწრებით! უმალ თქვენ შემოგიტევთ ჩემის მეგობრებითა. მე ჩემი ჯარები დავითხოვე, რომ ყაზახებმა გამოჰკვებონ თავიანთი ცხენები და მზად იყვენ გასალაშქრებლად უურმებოდა და უზარბაზნებოდ,—ყველა ამას ლიახებშიაც ვიშოვით. ვინც ყაზახთაგანი ურემს წამოიღებს, ჩამოვახრჩობ, ხოლო მე თვითონ ეტლს არ წამოვიღებ, ჩემი ბარგი იქნება მხოლოდ უნაგირი და ხურჯინი. ასე მოვალ ვისლამდე და დავიძახებ: ცყარენით თქვენთვის და იყავით ჩუმად, ლიახნო! ხოლო თუ ვისლას იქით დაიწყებთ ყვირილს, იქაც მოგაგნებთ. გვეყო თქვენი ბატონობა, ფარფაში თქვენის დრაგუნებისა, თქვე წყეულნო ქვეწარმავალნო, ტყუილის გუდანო.

წამოხტა თავის ადგილიდან, გადააფურთხა შუაგულ ოთახისა, წაივლო ხელი თმაში და ფეხის ბრაგუნით განაგრძო ყვირილი, რომ ომი უნდა იყოს, რომ ნება-რთვა და ლოცვა-კურთხევა მივიღე ამისათვისაო, რომ მე კომისიასა და კომისა-

რებთან საქმე არა მაქვს—რაო, რომ მე ვარ და დროებით მო-
რიგებასაც არა ვყაბულობო.

ბოლოს ხმელნიცკიმ შენიშნა გაოცება კომისარებისა, მო-
აგონდა, რომ თუ ესენი წავიდნენ ახლა, მაშინვე ომი დაიწყე-
ბა, ამ ზამთარსვე, როცა ყაზახებს არ შეეძლებათ საფრების
გაკეთება; ამიტომ დამშვიდდა ისევ და კვლავ ჩამოჯდა ტახტ-
ზედ. თავი ჩაქინდრა, ხელები ძირს ჩამოეშვა. გეტმანი ისევ-
ნებდა აღელვების შემდეგ. აი წაავლო მან ხელი არაყით საესე
ჯამს.

— ღმერთმა აღდეგრძელოს მისი უდიდებულესობა მეფე!—
დაიძახა ხმელნიცკიმ.

— აღდეგრძელოს!— გაიმეორეს პოლკოვნიკებმა.

— ოჰ, კისელო, შენ ნუ სწუხარ, — განაგრძო გეტმანმა, —
და გულში ნუ ჩაირჩენ, რასაც ეხლა ვლაპარაკობ. მე ეხლა
მთერალი ვარ. მე მკითხავემა მითხრა, რომ ომი უნდა იყოსო,
მაგრამ დავიციდი პირველ ჟიჟომდე, და აი დეე მაშინ შეკრბეს
კომისია. მაშინ ტყვეებსაც გაფანთავისუფლებ. მე მითხრეს, რომ
თქვენც ავადა ხართ, თქვენ ღმერთმა გადდეგრძელოთ მაშ.

— გმადლობთ, გეტმანო იმიერ-ქორომეთისაგ, — სთქვა კი-
სელმა.

— თქვენ ჩემი სტუმარი ხართ; ეს არ დამვიწყებია.

აქ ხმელნიცკი კვლავ მოლობა და გული აუჩუყდა და მიე-
ტანა მოურავ-ერისთავს საკოცნელად. იმას მიჰბაძეს სხვა პოლ-
კოვნიკებმაც, დაუწყეს მეგობრულად ხელის ჩამორთმევა კო-
მისარებს, სცემდნენ აღერსით ხელს მხრებზედ და გეტმანთან
ერთად იმეორებდნენ: „პირველ ჟიჟომდე!“ კომისარები ისე
ისხდნენ, როგორც ჩიტი წარის ეკალზედ. ესეც კია, რომ მუ-
ქარასაც ისმენდნენ მაინც ამ ყაზახურ აღერსთა შორის. რიგი
უყვიროდა მოურავ-ერისთავს: „ჩვენ ლიახების ჟლეტა გვინდა,
შენ კი ჩვენი კაცი ხარ!“ რიგი ეუბნებოდა: „როგორა ხართ,
პანებო? წინად თქვენ გვამტვრევდით თავ-პირს და ახლა შენ-
ლობასა თხოულობთ! სიკვდილი თქვენ, ნაზის ხელების პატრო-
ნებო!“ ატამანმა ვოლკმა, რომელიც მეწისქვილედ იყო ნა-

შყოფი ნესტერვარში, გამოაცხადა: „მე თავადი ჩეტვერტინსკი, ჩემი ბატონი, მოვკალი!“ — მოგვეცით ერიომა, — ღრიალებდა და თან ტორტმანებდა იაშევსკი, — და ჩვენც გაპატივებთ!“

ისეთი სიცხე იყო ოთახში, რომ სულის მობრუნება სჭირდა; სუფრაზე ეყარა ხორცის მონარჩენი, პურის ნამტვრევები, აქიქ დაღვრილი იყო არაყი, ისე რომ კაცს დანახვა შეეზარებოდა, ბოლოს შემოვიდნენ მკითხავეებიც, რომელთა მკითხაობასაც დიდ ხანს ისმენდა ჩვეულებრივ გეტმანი. კისელს სულ გული უწუხებდებოდა.

— გამდლობთ, გეტმანო, მასპინძლობისათვის, — სთქვა მან მისუსტებულის ხმით.

— მე ხვალ თქვენთან მოვალ სადილად, — უპასუხა გეტმანმა, — ახლა კი წადით თქვენთვისა. ღონეცი გაგაცილებთ ყაზახებით სახლამდე, რომ გზაში არაფერ ბრბოთაგანმა შეურაცხყოფა არა მოგაყენოთ-რა.

კომისარებმა თავი დაუკრეს და წავიდნენ. ღონეცი, მართლაც, სახლ-წინ უცდიდა დესპანებს.

საელჩო მღუმარებით განმართა ბინისაკენ. აღმოჩნდა, რომ მათთვის ბინა სხვა-და-სხვა უბანში იყო დამზადებული. ხმელნიცკის განგებ მოეხერხებინა ასე, რომ არ შესძლებოდათ დესპანებს მალ-მალ ნახვა ერთმანეთისა და მოლაპარაკება.

გატანჯული, გაწამებული კისელი მაშინვე ჩაწვა ლოგინში და მეორე დღემდე აღარ ამდგარა. მხოლოდ შუადღისას ბრძანა, სქშეტუსკის დამიძახეთო.

— ის რა მოიქმედეთ, ნეტავ, რა? — სთქვა მან. — რა მოიქმედეთ ერთი? თქვენი თავიცა და ჩვენც სასიკვდილოდ გავგწირეთ.

— ჩემი ბრალია, ბატონო მოურავ-ერისთავო! — უპასუხა რაინდმა. — მეც არ ვიცი, რა მემართებოდა, ხალხო ეს კია, რომ ასჯერ სიკვდილს ვირჩევდი, ვიდრე ყოველ იმის ნახვას, რასაც იქ ვხედავდი.!

— ხმელნიცკიმ შეურაცხყოფად მიიღო. ძლივს მოეხერხებ და დავამშვიდე ის გამძვინვარებული მხეცი. აუუხსენი, ასე და

ასე იყო-მეთქი საქმე. დღეს ჩემთან უნდა იყოს და ალბად გკითხავს, რა მოიქმედე ისაო. შენ ჩემი უთხარი, რომ ასე მიბრძანა-თქო.

— დღეიდან გთხოვთ ჯარის უფროსობა ბრიშოვსკის გადასცეთ; ის უფრო ზორბაა ჩემზედ.

— ეგ უკეთესი; შენი ხასიათი არ გამოდგება დღევანდელს ჩვენს ყოფაში. ვერას დაგაბრალებთ, მხოლოდ გაუფრთხილებლად მოიქეცი; ახალგაზდა ხარ და არ გვებრახება თავის შეკავება; მწუხარებას ვერ ითმენ.

— მწუხარებას მიჩვეული ვახლავარ, ბატონო მოურავერისთავო, მხოლოდ შერცხვენის ატანა არ შემიძლიან.

მოურავერისთავმა ოდნავ ამოიკვნესა, თითქო დაჭრილიაო და თითქო მის დაწყულულებულს იარას ხელი შეახო ვინმეო. ამოიკვნესა და ნაღვლიანად გაიღიმა.

— პირველად არ მეყურება მაგისთანა სიტყვები...— წინად მწარედ ცრემლებსა ვღვრიდი, როცა მაგისთანა სიტყვები მესმოდა, ხოლო ახლა ცრემლებიც შემაშრა.

სქშეტუსკის შეეცოლა ეს მხცოვანი, რომლის სახეც მოწამის სახესა ჰგვანდა და რომელიც თვისსა უკანასკნელს დღეებს ჰღევედა სულიერისა და ხორციელის უძლურების ორ-კეც ტვირთ ქვეშე.

— ბატონო მოურავერისთავო, ღმერთია მოწამე, რომ ჩემი ლაპარაკი შეეხებოდა მხოლოდ იმ საშინელ დრო-ჟამსა, როცა სენატორები და რესპუბლიკის დიდებულ-დარბაისელნი იძულებულნი არიან თავი მოუხარონ მემამოხეს, რომლის ერთად-ერთი ჯილდო მის ქცევისათვის მხოლოდ სახრჩობელი უნდა იყოს.

— ღმერთმა გაკურთხოს შენის სიტყვებისათვის. ვიცოდი, რომ ბოროტის განზრახვით არა გითქვამს-რა. მაგრამ რასაც შენ ამბობ, მაგასვე ამბობს თქვენი თავადიცა, იმის მიბაძვით ჯარიცა, თავად-აზნაურობა, სეიმები, ნახევარი რესპუბლიკისა და აი მთლად ეს ტვირთი ზიზღისა და მძულვარებისა მე მედება კისრად.

— ყველა ისე ემსახურება სამშობლოს, როგორც იმისი გონება სჭრის; დეე ღმერთმა განსაჯოს ადამიანი მხოლოდ მისთა განზრახვათა მიხედვით, ხოლო რაიცა შეეხება ერემიას, ის ემსახურება სამშობლოს თვისის სიცოცხლითა და მთელის თვისის ქონებითა.

— და დიდებაც აკი იმიტომ შემოჰხვევია გარშემო შარავანდედივით, — უპასუხა მოურავ-ერისთავმა. — ხოლო მე, მე რაღას ვხედავ? რაჲ, კარგად ამბობ: დეე ღმერთმა განსაჯოს ადამიანი მხოლოდ მის განზრახვათა მიხედვით და მოსვენება მაინც აღირსოს საფლავში იმას, ვინც უფრო მეტი მოითმინა, ვიდრე შეეძლო.

სქშეტუსკი მღუმარებდა. კისელმა აღაპყრო მალლა თვალნი და ისე დაიწყო ლაპარაკი პატარა ხანს უკან.

— მე რუსინი ვარ ხორციითაცა და სულითაცა. იმ ქვეყანაში განისვენებენ ძვალნი თავად სვიატოლდიჩებისა და მე მიყვარდა ის ქვეყანაცა და ის ღვთის ხალხიც, რომელიც იქა სცხოვრობს. ვაკვირდებოდი და ვხედავდი უსამართლობას ჩვენის მხრითაცა და იმათის მხრითაც; ვხედავდი იმიერ-ქორომეთის თავ-შეუკავებელ თვით-ნებობას, გარნა ამასთანავე ვხედავდი იმათ აუტანელ გულ-ზვიადობასაც, რომელთაც უნდოდათ დამონავება ამ სამამაცო ზნით გამსჭვალულის ხალხისა. როგორ უნდა მოვქცეულიყავ ამ ყოფაში მე, რუსინი და მასთან ერთგული შეილი და სენატორი რესპუბლიკისა? მე მივემხრე იმათ, რომელნიც ამბობდნენ: *pax vobiscum* — მშვიდობა თქვენდა! — ამას მიბრძანებდა ჩემი შთამომავლობა, ჩემი გული, იმიტომ რომ მშვიდობის მოსურნეთა შორის იყო განსვენებული მეფეცა და კანცლერიც, პრიმასიცა და ბევრი სხვაცა; მე ვიცოდი, რომ უთანხმოება, არეულობა დაღუბვაა. მინდოდა სიკვდილამდე, სულის ამოსვლამდე მეღვაწა თანხმობისათვის, და, როცა სისხლის ღვრა უკვე დაიწყო, ასე ვთქვამდი გულში: მე ვიქნები ანგელოზი შერიგებისა-მეთქი. და მეც მოვკიდე ხელი ამ საქმეს, ვიღვწოდი და ვხლაც ვიღვწვი, თუმცა გულს სევდა არა შორდებდა, ტანჯვა არ მიმცირდებდა, სირცხვილი თავს

მეველება და, რა უფრო საშინელებაა, ექვი არა მშორდება... ვფიცავ ღმერთს! მე ეხლა არ ვიცი, თქვენი თავადი უფრო ადრე გაჩნდა მახვილითა, თუ მე ჩემის ზეთის ხილის შტოთი, გარნი ვხედავ, რომ იღუპება ამაგი და ქირნახული, რომ ძალღონე მეღვება, რომ ამოად ვახეთქებ ჩემს ქალარა თავს კედელსა და რომ, ცალის ფეხით საფლავში ჩამდგარი, ვხედავ ჩემ წინაშე მხოლოდ ერთ წყვილიადსა და დაღუპვას, ოჰ, ღმერთო დიდებულო!.. საყოველთაო დაღუპვას.

— ღმერთი მოგვივლენს ღონეს ხსნისასა.

— ოჰ, თუ იგი მოგვივლენს ნათელს ჩემ სიკვდილის წინად, მაშინ განწირულებით აღარ მოვკვდები; მაშინ მადლობელი ვიქნები მისი ყოველის ჩემის ტანჯვისათვის, ჩემის მძიმე ჯვარისათვის, იმისათვის, რომ მდაბიოთა ბრბო თხოულობს ჩემის თავის მოკვეთას; ავრედვე იმისათვისაც, რომ სეიმებზედ მოლაღატეს მიწოდებენ, იმ სირცხვილისათვის, რომელიც მომცხეს მე, მთლად იმ მწარე ჯილდოსათვის, რომელიც მე მივიღე ორისავე ბანაკის მხრით!

მოუტრავ-ერისთავმა აღაპყრო თვისნი გამხმარნი ხელნი ცადმიმართ და ორი დიდი ცრემლი, იქნება ორი უკანასკნელი ცრემლი მის სიცოცხლეში, ჩამოგორდა მის ლოყებზედ.

სქშეტუსკიმ ამაზედ მეტი ველარ მოითმინა. დაეცა მუხლის თავებზედ მოუტრავ-ერისთავის წინაშე და წარმოსთქვა მღელვარებისაგან ათრთოლებულის ხმით:

— მე ჯარის-კაცი ვარ და სხვა გზას ვადგივარ, მაგრამ არ შემიძლიან არ შევიწყნარო თქვენი ღვაწლი და ამაგი, თქვენი დამსახურება და მწუხარება!

და ვისნევეცკის სადროშოს რაინდი დაეკონა იმ რუსინის ხელს, რომელსაც რამდენისამე თვის წინად თვითონვე, სხვებთან ერთად, მოლაღატეს უწოდებდა.

კისელმა ორივე ხელი თავზედ დაადო.

— შეილო ჩემო, — სთქვა მან ნელის ხმით, — განუგეშოს და გაკურთხოსცა ღმერთმა ისე, როგორც მე შენ გაკურთხებდა გლოცავ.

ხმელნიცკი კარგა გვიან მივიდა სადილოდ მოურავ-ერის-თავთან და თან საშინელ ცუდს გუნებაზედ იყო. მისვლის უმაღლვე გამოაცხადა, რომ რაც გუშინა ეთქვი მშვიდობიანობას ჩამოვადებ-მეთქი, კომისია შეიკრიბოს სულთ-მოფენობასა-მეთქი და ტყვეებს გაეანთაისუფლებ-მეთქი, სიმთვრალეში ეთქვი, ახლა კი ვხედავ, რომ ჩემი მოტყუება გინდათ.—კისელი, რამდენადაც შეეძლო, ამშვილებდა, საბუთებს უშლიდა წინა, მაგრამ ყოველივე ესე ამოა შეიქნა. გეტმანმა ისე დაიწყო ქცევა, რომ კამისარებს ისევე გუშინდელი ხმელნიცკი ენატრებოდათ. პან პოზოვსკის. კვერთხი დაარტყა მხოლოდ იმიტომ, რომ რატომ დროზედ არ მოხვედით.

ეკრაფერმა ღონისძიებამ ვერ გასკრა და მხოლოდ არაყისა და გუშინის მშვენიერ თათლ-ღვინის შემდეგ მოვიდა გეტმანი ქეიფზე, მაგრამ სამაგიეროდ საქმეების შესახებ არავითარის ლაპარაკის მოსმენა არ უნდოდა. „თუ სმია, ვსვათო,—საქმეები ხვალ იყოსო, არა და ავდგები და წავალ ეხლავეო. ნაშუალამეის მესამე საათი იყო დაწყებული, რომ ხმელნიცკი ახირდა, მოურავ-ერისთავის საძილე ოთახში უნდა შევიდეთ. მოურავი ყოველის ღონისძიებით ეწინააღმდეგებოდა გეტმანის ამ უტნაურს სურვილს. სქშეტუსკი ჰყავდა იქ დამალოული, რადგან ეშინოდა, უსიამოვნობა არა მოუხდეთ-რა იმასა და გეტმანსაო და იმიტომ. ხმელნიცკი თავისას არ იშლიდა და შევიდა კისელის ოთახში; იმას თან გაჰყვა კისელიცა. წარმოიდგინეთ გაკვირვება მოურავ-ერისთავისა, როცა გეტმანმა, დაინახა თუ არა რაინდი, თავი დაუკრა და დაიძახა.

— სქშეტუსკი რატომ უნ კი არა სვამ ჩვენთანა?—გეტმანმა მეგობრულად გაუწოდა პარუჩიკს ხელი.

— ავად გახლავართ,—უპასუხა მან და თავი დაუკრა.

— ჰო, კიდევ იმიტომ წამოხვედით გუშინ ისე საჩქაროდ.

— ბრძანება ჰქონდა და იმიტომ,—ჩაუროთო სიტყვა კისელმა.

— ჰო, მე თქვენ ვერ მომატყუილებთ. ვიცი, ვიცი, რომ მაგას არ უნდოდა ენახა, როგორც მეცით მე გუშინ პატივი.

დიდი ეშმაკია ეს ვაჟბატონი! მაგრამ რაც სხვას დაუსჯელად არ ჩაუვლიდა, ამისთვის ჩაივლის. მე ეს კაცი მიყვარს; ჩემი გულითადი მეგობარია.

კისელმა გაოცებით დააშტერა თვალები, ხოლო გეტმანმა მოულოდნელად ჰკითხა სქშეტუსკის:

— თქვენ იცით კი შერე, რისთვისაც მიყვარხართ?

სქშეტუსკიმ თავი გაიქნია იმის ნიშნად, რომ არ ვიცო.

— იქნება გგონიათ, რომ იმისთვის, რაც ომელნიკს მოჰხდა ჩვენ შორის? არა, იმისთვის არა. მე მაშინ მოგეცით ბეჭედი, რომელშიაც იესო ქრისტეს საფლავის მიწა იყო. მაგრამ ის ბეჭედი აღარ მიჩვენეთ, როცა ჩემს ხელში იყავით... ჰო. მაინც გაგანთავისუფლეთ მაშინ. არა, მაგისთვის არა. თქვენ სხვა სამსახური გამიწიეთ და იმ სამსახურისათვის მიმანჩინხარ ჩემს მეგობრად: იმ სამსახურისათვისა ვარ თქვენი მადლობელი.

სქშეტუსკი გაჰკვირდა ახლა და გაოცებით დაუწყა ცქერა ხმელნიკის.

— შეჰხედეთ ერთი, რანაირ უკვირს, — სთქვა გეტმანმა, — მაშ, კარგი, მე მოგაგონებთ, რაც მე მიაბმეს ჩიგირინში, როცა მივედი იქ, ბაზაფლუკიდან ტულაი-ბეისთან ერთად. ყველგანა ვკითხულობდი, სად არის და როგორ არის ჩემი მტერი ჩაპლინსკი-მეთქი და ვერსად ვერ ვიპოვე, იმისი ვერა გაეიგერა, მაგრამ მე მიაბმეს, როგორც მოჰქცეოდით თქვენ მასუკან, როცა ჩვენ პირველად შეხედით ერთმანერთს, როგორ ჩაგველოთ ხელი იმისთვის საყულოსა და შარვალში, გაგესროლათ კარებში და დაგესისხლიანებინათ ძალღივითა... ხა-ხა-ხა!

— დიად ეგ მართალია, — დაეთანხმა სქშეტუსკი.

— ძალიან კარგა მოჰქცევინხართ, შევნიერად მოჰქცევინხართ! მოიცადოს, კიდევ ვიპოვი სადმე მე იმას და ვაჩვენებ თავის სეირს. თუ არა-და ეშმაკმა და ქაჯმა წაიღოს ყველა ხელშეკრულობა და კომისიაცა... არა, ვიპოვი მე იმას, ვათამაშებ კარგად, თუმცა თქვენც კი კარგა მიგიმეფავებით.

აქ გეტმანი მიუბრუნდა კისელსა და კვლავ უამბო თავიდან ჩაპლინსკის ამბავი:

— წაავლო, გესმის, საყელოსა და შარვალში ხელი, აიტაცა მალლა ნაფოტივითა, გაამტვრია კარები და ქუჩაში გაღისროლა.

ხმელნიცკიმ ასტეხა უშველებელი ხარხარი.

— პან მოურაფ-ერისთავო, უბრძანეთ თათლ-ღვინო მოიტანონ; ამ რაინდის სადღეგრძელო უნდა დავლიო, ჩემის გულითადის მეგობარის სადღეგრძელო.

კისელმა გააღო კარები და უბრძანა მოეტანათ სამი თასი გუშჩის თათლ-ღვინისა.

ხმელნიცკიმ მიუჯახუნა თასი მოურაფ-ერისთავისა და სქშეტუსკის თასს, გადაჰკრა ღვინო და სახეზედ გულ-კეთილობის ღიმილმა დაუწყო თამაში. მიუბრუნდა პარუჩიკს და უთხრა:

— მთხოვეთ, რაც გინდათ!

გათვითრებული სახე კარხალივით გაუწითლდა სქშეტუსკის. ჩამოვარდა წუთი მღუმარებისა.

— ნუ გეშინიანთ, — სთქვა ხმელნიცკიმ. — სიტყვა კვამლი არ არის; მთხოვეთ, რაც გინდოდეთ, მხოლოდ ის კი არა მთხოვოთ, რაც ბატონმა მოურაფ-ერისთავმა მთხოვა.

ხმელნიცკიმ იცოდა, მართლაც სიტყვის აღსრულება, თუნდსიმთვრალეშიაც ჰქონოდა იგი გაცემული.

— თუ შესაძლოა თქვენი ბეგობრობა გამოვიყენო, პან გეტმანო, იმ შემთხვევაში გთხოვთ, სამართლიანობა გამიწიოთ. ერთმა თქვენმა პოლკოვნიკთაგანმა მაწყენა, შეურაცხყოფა მომაყენა...

— თავს მოგკვეთავ მე იმას! — მრისხანებით შეჰყვირა ხმელნიცკიმ.

— საქმე ეგ არ არის, უბრძანეთ მხოლოდ რომ მებრძოლოს, ხმალში გამოვიდეს.

— თავს მოგკვეთავ-მეთქი! — განიმეორა ხმელნიცკიმ. — ვინ არის ის ბედშავი?

— ბოგუნი გახლავთ.

ხმელნიცკის თვალები აუთამაშდა და მერე უზბლზედ დაიკრა ტაში.

— ბოგუნი? ბოგუნი მოჰკლეს. მეფე მწერდა, რომ ხმალში გასულა ბოგუნი და მოუკლავთ.

სქშეტუსკი გაოცდა. მაშ, ზაგლობას მართალი უთქვამს!

— რა დაგიშავათ მერე ბოგუნმა? — ჰკითხა ხმელნიცკიმ.

პორუჩიკი ახლა უფრო ძლიერ გაწითლდა. ერიდებოდა კნიაჟნას შესახებ დაეწყო ლაპარაკი შეზარხოშებულ გეტმანის თანადასწრებით, ვაი თუ გაუფრთხილებელი რამ სიტყვა წამოსცდესო.

მაგრამ კისელმა უშველა პორუჩიკს.

— დიდი საქმეა, — სთქვა მან, — კაშტელიანმა ბეოზოვსკიმ მიაშპო. ბოგუნმა გაიტაცა, პან გეტმანო, ამ რაინდის დანიშნული და სადღაც დაჰმალა, უსიერ ადგილას.

— მაშ მოსძებნეთ ის ქალი.

— ვძებნე დნესტრის მიდამოებში, იმიტომ რომ ბოგუნმა იქ დაჰმალა, მაგრამ ვერ ვიპოვე. ყური მოვკარი, რომ კიევში უნდა მოეყვანა და იქ ჯვარი დაეწერა. მიბოძეთ, პან გეტმანო, ნება წავიდე კიევს და იქ დაეუწყო ძებნა იმ ქალსა. სხვას არაფერს არა გთხოვთ მე თქვენა.

— თქვენ ჩემი მეგობარი ხართ, თქვენ მიჰბერტყეთ ჩაპლინსკი. არა თუ ნებას მოგცემთ წახვიდეთ და სძებნოთ ის ქალი ყველგან, არამედ ბრძანებასაც გაგატანთ, რომ ვისაც დამალული ჰყავდეს, მაშინვე ჩაგაბაროთ. პერნაჩსაც მოგცემ, წერილსაც გაგატან მიტროპოლიტთან, რათა შეგეძლოთ მოძებნა მონასტრებშიაც მონაზონ ქალებთანა. ჩემი სიტყვა კვამლი არ არის.

გაალო კარი, დაუძახა ვიხოვსკის და დააწერინა ბრძანებაცა და წერილიც. თუმცა მეოთხე საათი იყო ნაშუალამევისა, ჩარნოტა მაინც იძულებული შეიქნა წასულიყო და ბეჭედი მოეტანა. ძეძიალამ პერნაჩი მოიტანა, ხოლო დონეცს ებრძანა, რომ გაჰყევს სქშეტუსკის ორასის მხედრითა კიევამდე და კიევს იქითაც, ვიდრე პოლშელი გუშაგნი შეჰხვდებოდათ.

მეორე დღეს სქშეტუსკიმ დასტოვა პერეიასლაველი.

XIX

თუ პან ზაგლობა იყო მოწყენილი ზბარაჟში, იმაზედ ნაკლებ მოწყენილი არ იყო ვოლოდიევსკიცა, რომელიც მუდამ უხერხულადა ჰგრძნობდა თავს, მაშინ, როცა ომიანობისა და შიშიანობის ხმა არ ისმოდა. მართალია, ხან-და-ხან ზბარაჟიდან წავიდოდა ხოლმე მდევარი ავაზაკთა თარეშობის მოსასპობლად, მაგრამ ეს ომი კი არ იყო, არამედ რაღაც წვრილმანი რამ საქმე, რომელიც ბევრს უსიამოვნებას აყენებდა კაცს და იმედოვანი კი არა იყო—რა დიდების მოპოვებისა. ყოველივე ესე აიძულებდა პან მიხალს ასტეხოდა ხოლმე ზაგლობას, წავიდეთ სქშეტუსკის საშველად, აგერ რამდენი ხანია იმისი ამბავი ალარავიციოთ—რაა.

— ალბად, ხათაბალას რასმე გადაეკიდა იქა ის კაცი, ან არა და იქნება მოჰკლეს კიდევცა,—გაიძახოდა ვოლოდიევსკი.— ჩვენ უსათუოდ უნდა წავიდეთ, თუნდ იმიტომ მაინც, რომ იმასთან ერთად დავიხოცნოთ.

პან ზაგლობაც ძალიან აღარ ეწინააღმდეგებოდა, ატყობდა, თავსა, რომ ვბერდებიო და უკვირდა, ან კი რატომ სოკოები არ ამოვიდა ამ ჩემს ქალარა და დახანებულს თავზე—დაო, მაგრამ მაინც დღეს-ხვალაობაში იყო იმ იმედით, რომ სქშეტუსკის ამბავი შესაძლოა იგერ-აგერ ყოველ-წუთს გაჩნდეს საიდანმეო.

— ის კაცი მამაცია და მოხერხებული, —ამბობდა მუდამ ვოლოდიევსკის პასუხად.—დავიცადოთ ორიოდე დღე კიდევ, იქნება მოვიდეს წერილი და აღმოჩნდეს, რომ ჩვენი შველა საჭირო არ არის.

პან ვოლოდიევსკი ველარას ახერხებდა ამისთანა საბუთიანობის წინააღმდეგ და, აღუქურვილი მოთმინებით, იცდიდა, რაც შეეძლო, თუმცა დრო ძრიელა კიანურდებოდა მისთვის. დეკემბრის გასულს ისეთი ყინვები დაიჭირა, რომ ავაზაკებიც კი ველარასა ჰბედავდნენ. ზბარაჟის გარშემო ჩამოვარდა მშვიდო-

ბიანობა. ერთად-ერთი გართობა ის იყო, რომ ათასში ერთხელ ახალი რამ ამბავი მოვიდოდა ხოლმე ზბარაქს ვარშავიდან.

იყო ერთი გაუთავებელი ბაასი დაგვირგვინებისა, სემის კრებისა და იმის შესახებ, მისცემენ თუ არა მთავარს ვისნევეცკის კვერთხსაო, რომელიც, საცა სამართალი იყო, მართლა იმას უფრო ეკუთვნოდა, ვიდრე სხვას ვისმე. მუსაიფში ბეერს აგინებდნენ კისელსა და იმის მომხრეებს, ვოლოდიევსკი ამის გულისათვის რამდენჯერმე გავიდა ხმალში, პან ზაგლობა იმდენჯერვე დაითვრა და საშიში იყო კიდევ, რომ სულ არ გალოთებულყო, რადგან თავად-აზნაურობაში და აფიცრობაში ქეიფს არა სჯერდებოდა, მოქალაქეთა საზოგადოებასაც არ ერიდებოდა, დადიოდა იმათ წვეულებაზედ, ნათლობა-ქორწილებში და აღტაცებით აქებდა სხვა-და-სხვა ღვინის ჭაშნიკებს, ხოლო ზბარაქი განთქმული იყო თვისის საუკეთესო თაფლის ღვინოებით. ვოლოდიევსკი ყოველის ღონისძიებით არცხვენდა ამისათვის. ეუბნებოდა, რომ აზნაურშიღლისათვის საკადრისი არ არის აპყვეს იმათ, ვინც კეთილშობილობაზედ შორს არიანო, ხოლო ზაგლობა პასუხად იმას ამბობდა, რომ ამ საქმეში კანონებია დამნაშავე, რომელიც ნებას აძლევს მოქალაქეთ გამდიდრებისაო, თან ამტკიცებდა, რომ ეს სიკეთეს არას მოიტანსო, ხოლო თავისას კი მაინც არ იშლიდა. მართლაცა-და, ძნელი იყო გაემტყუნებინა კაცს ზაგლობა: ზამთარში არავითარი სხვა გასართობი არა არის-რა და, აბა, მაშ რა ექნა.

მთავრის საღროშოების ჯარებმა ნელ-ნელა იწყეს თავმოყრა ზბარაქში, რაიცა ომის მომასწავებელი ნიშანი იყო. ახლა კი, ცოტა არ იყოს, მხიარულებამ იმატა. სხვებთან ერთად მოვიდა პან პოდბიპენტაც. იმან მოიტანა ამბავი, რომ თავადს არა სწყალობენ სამეფო კარის კაცნი, იანუშ ტიშკევიჩი გარდაიცვალაო, კიევის მოურავ-ერისთავი, ხმა ისმის, რომ იმის ადგილზედ დაინიშნება უსათუოდ კისელიო და ბოლოს, პან ლაშიჩი მძიმე ავადმყოფიაო. ომის შესახებ თვით თავადისაგან გავიგონე, რომ თუ პეტის-მეტად არ გაჭირდა, ბრძოლა აღარ ატყდებოა, რადგან კომისარები იქმნენ უკვე გაგზავნი-

ლები და იმათ დავალებული აქვთ, რაც კი შეიძლება, ყოველივე დაუთმონ ყაზახთათა. პან პოდბიპენტას ნაამბობმა ვისნევეცკის რაინდები მეტად გააგულისა, ხოლო პან ზაგლობამ ურჩია კიდევ, რომ წინააღმდეგობა გამოეცხადოთ და კონფედერაციას მოუწოდოთ, იმიტომ რომ (ასე სთქვა თვითონვე), მე არა მსურს, რომ ჩემმა ამაგმა კონსტანტინოვში ფუქად ჩაიაროსო.

ასე გავიდა თებერვალი და მარტის ნახევარი, ხოლო სქშეტუსკის შესახებ კი არაფითარი ამბავი არ ისმოდა.

ვოლოდიევსკიმ ახლა უფრო აიხირა, წავიდეთ და წავიდეთ იმ კაცის საძებრადო.

— ახლა კნიაჟნას კი არა, სქშეტუსკის უნდა დაეუწყოთ ძებნა, — იმეორებდა ისა.

მაგრამ, როგორც აღმოჩნდა, პან ზაგლობა მართალი იყო, როცა ისე ზოზინობდა და დღეს ხვალაობით აბრკოლებდა წასვლის საქმეს: მარტის გასულს ზბრაჟში მოვიდა ყაზახი ზაქარი და მოუტანა წერილი კიევიდან ვოლოდიევსკის. პან მიხალმა მაშინვე მოუწოდა ზაგლობას, გახსნა წერილი და დაიწყო კითხვა:

„დნესტრის მიდამოთა შორის, თვით ეგორლიკამდე ვერეთარი კვალი ვერ მივაკვლიე. რაკი ვარაუდი მქონდა, რომ ელენე კიევი იქნება-მეთქი დამალული, პერეიასლავლში კომისარებს მივეკვდლე. იქ მოულოდნელად შევხვდი სალაპარაკოდ ხმელნიცკის და იმის. წყალობითა და დახმარებით მიევი კიევს. ვეძებ ახლა ყოველგან, რაშიაც თვით მიტროპოლიტიცა მშველის. აქ ბევრნი არიან ჩვენები მონასტრებშიაცა და მოქალაქეებთანაც, მაგრამ, რაკი მდაბიო ხალხისა ეშინიანთ, იმალებიან. ძებნა ძნელია. ღმერთმა მიშველა და იმედი მაქვს შემდეგაც არ დამტოვებს. ვსთხოვ ქსენდ მუხოვეცკის ილოცოს ჩემთვის, თქვენც ილოცეთ. სქშეტუსკი“.

— დიდება უზენაესსა! — წარმოსთქვა ვოლოდიევსკიმ.

— მანდ კიდევ რაღაც სწერია წერილს შემდეგ, — სთქვა ზაგლობამ და ჩაჰხედა წერილს.

— მართლა! — სთქვა ჩაგვერა რაინდმა და განაგრძო კითხვა:

„ამ წერილის მომტანი, მირგოროდის სადროშოს ესაულოია, ჩემთვისა ჰზრუნავდა, როცა ტყვედ ვიყავ სეჩში და ეხლაც მშველოდა კიევში და ამ წერილის წამოღებაც იკისრა, თუმცა საშიში იყო ასეთი საქმე მაგისათვის. გთხოვ, მიხალ, ყური უგდო და პატივისცემა გაუწიო“.

— აი კარგი ყაზახი, იქნება ერთად-ერთიცა სხვა ყაზახთა შორის! — სთქვა ზაგლობამ და ხელი გაუწოდა ზაქარსა.

მოხუცმა ჩამოართვა ისე, რომ არაფითარი მოწიწება არა შეეტყო-რა.

— იმედი გქონდეს საჩუქრისა, — დასძინა ეოლოდიევსკიმ.

— სქშეტუსკი კარგი რამ არის, — სთქვა ყაზახმა, — ისე მიყვარს, რომ ჩემს თავს მირჩევიან, მე აქ ფულისათვის არ წამოვსულვარ.

— ფულიც არ გაკლია, როგორც გეტყობა, ისე რომ მაგ მხრივაც არა ერთი შლიახტიჩი შემოგნატრებს, — განაგრძო ზაგლობამ. — მართო მხეცები არა ყოფილან თქვენ შორის, მართო მხეცები! მაგრამ ეს მერე იყოს! მაშ, პან სქშეტუსკი კიევშია?

— დიად.

— შიში ხომ არა აქვს-რა?... ამბობენ, მდაბიონი ამბობებს არ იშლიანო.

— სქშეტუსკი დონეცთან არის, პოლკოვნიკთან. იმას ცუდს ვერას დაჰმართებენ. მამა-ბატონმა ხმელნიცკიმ უბრძანა დონეცსა, ისე გაუფრთხილდი, როგორც შენს მარჯვენა თვალსაო.

— საკვირველება თუ გინდათ, სწორედ ეს არის! მერე საიდან მოჰხდა, რომ ხმელნიცკი აგრე ეკიდება სქშეტუსკის.

— ხმელნიცკის დიდი ხანია უყვარს.

— სქშეტუსკიმ გითხრა კია, ვისაც დაეძებს კიევში?

— როგორ არ შეტყოდა, როცა იცის, რომ მე იმისი კეთილის-მყოფელი ვარ; მე იმასთან ერთადაც ვეძებდი და ცალკეცა. უნდა ეთქვა, მაშ, რა მეძებნა.

— მაგრამ მაინც აქამდე ვერ იპოვნეთ?

— ვერ ვიპოვნეთ. ლიახები იქ ცოტანი არ არიან, მაგრამ ყველანი იმაღებიან, ერთი-ერთმანეთისა არა იციან—რა, ამიტომ პოვნაც ადვილი არ არის. თქვენ ვგონებთ გაგიგონიათ, რომ იქ მღაბიონი მებაზობენო და მე კი თვალთა ვნახე. ლიახებს კი არა, იმათაც, ვინც თქვენებს ჰმალავს, ბერებსა და მონაზვნებსაც კი ჰხოცავენ. ნიკოლა კეთილის მონასტერში მონაზვნებს ჰყავდათ თორმეტი თქვენებური ქალი, ყველანი მონაზვნებთან ერთად შიგ მონასტერში გამოარჩეს ბოლითა... ახლა აღნებარში რამდენი ჩაახრჩეს, ვინ მოსთელის!

— იქნება, ის ქალიც მოჰკლეს?

— შეიძლება ისიც მოჰკლეს.

— არა! არა!—გააწყვეტინა სიტყვა ვოლოდიევსკიმ.—თუ თვითონ ბოგუნმა მიიყვანა ის იქა, ალბად უშიშარს ადგილას დააბინავა.

— მონასტერში უფრო უშიშარი რაღა იქნება, მაგრამ იქაც კი იპოვიდნენ.

— უჰ, ამოიოხრა ზაგლობამ.—მაშ, თქვენ ისე გგონიათ, ზაქარ, რომ შეიძლება ის ქალიც მოჰკლეს, ჰა?

— რა მოგახსენოთ.

— სჩანს, სქშეტუსკის იმედი აქვს ჯერ კიდევ,—სთქვა ზაგლობამ.—ღმერთი სცდიდა აქამდე, იქნება ახლა შეიწყალოს. თქვენა, ზაქარ, დიდი ხანია, რაც კიევიდან წამოხვედი?

— ოჰ, დიდი ხანია, ბატონო! მე მაში წამოვედი, როცა კომისარები უკან დაბრუნდნენ და კიევიდან გამოიარეს. ბევრს ლიახს უნდოდა გაქცეულიყო მათთან და გაიქცნენ კიდევცა; საცოდავნი, ვის როგორც შეეძლო, ისე გარბოდა, თოვლში, ტყე-ღრეში, მირბოდნენ ბელგოროდს, ხოლო ყაზახნი მისდევდნენ უკან და ჰხოცავდნენ. ბევრნი გაიქცნენ, ბევრნი დაჰხოცეს, ხოლო ზოგნი პან კისელმა გამოისყიდა და, რაც ფული ჰქონდა, სულ იმათში მისცა.

— ოჰ, ის ძაღლის წიწილნი! მაშ, თქვენ კომისარებთან ერთად მოდიოდით?

— ლუშჩამდე სულ კომისარებთან, ხოლო იქიდან ოსტროვამდე. მერე კი მარტო მოვლილი.

— პან სქშეტუსკის დიდი ხანია იცნობთ?

— სეჩს გავიცანი, ვუვლიდი, როცა დაქრილი იყო, ხოლო შემდეგ შვილივითაც შემიყვარდა. მოხუცებული ვარ და არავინა მყავს. ჯიგარი იმაზედ დაეყარე.

ზაგლობამ დაუძახა პაჟს, რომ ღვინო და ხორცი მოეტანა. დასხდნენ ყველანი ვახშმად. ზაქარი ისე ეცა საქმელს, როგორც მგელი. გზაში დაღლილიყო და ძალიან შიოდა. ბოლოს ხარბად დაეწაფა ღვინით სავსე თასს და სულ გამოწრუპა.

— ოჰ, შშენიერი თაფლ-ღვინოა!

— იმ სისხლსა სჯობიან, რომელსა თქვენა სვამთ, — სთქვა ზაგლობამ, — მაგრამ მე მგონია, რომ თქვენ კაი კაცი ხართ და გიყვართ პან სქშეტუსკი... რიდასთვის უნდა წახვიდეთ ახლა კიდევე მემამოხებებთან? დარჩით ჩვენთანა; აქ ემჯობინება თქვენთვის.

ზაქარმა მალლა აიღო თავი.

— მე წერილი მოგეცით და ახლა წავალ უკანვე. ყაზახი ვარ, ყაზახებს უნდა ვუძმობილდებოდე და არა ლიახებს.

— ომითაც გვეომები?

— გეომებით. მე სეჩიდანა ვარ. ჩვენ მამა-ბატინი ხმელნიცკი ამოვირჩიეთ გეტმანად, ხოლო ახლა მეფემ გამოუგზავნა კვერთხი და დროშა.

— ხომ ჰხედავთ, პან მიხალ! — შეჰყვირა ზაგლობამ, — არ გითხარი, რომ წინააღმდეგობა უნდა განვაცხადოთ, პროტესტი-მეთქი?

— თქვენ რომელ სადროშოსი ხართ?

— მირგოროდისა, მაგრამ ეს სადროშო ეხლა აღარ არის.

— მაშ, რა დაემართა?

— ყვითელ წყლებზედ ამოჰხოცეს. ამ სადროშოს ჯარები პან ჩარნეცკის გუსარებმა. მე ეხლა დონეცთან ვარ, იმათთან ერთად, ვინც მაშინ ცოცხალი გადაჩა. პან ჩარნეცკი კარგი

ჯარის კაცია, ჩვენსა არის ტყვედ, იმისი პატივება ითხოვეს კომისარებმა.

— ჩვენცა გვყვანან თქვენი ტყვენი.

— აკრეც უნდა იყოს. კიევში ამბობდნენ, რომ უკრაინის ყაზახი ლიანებსა ჰყავთ ტყვედ, თუმცა ზოგნი იმასაც ამბობდნენ, რომ მოჰკლესო.

— ეგ ვინაო?

— ოჰ, განთქმული ატამანი ბოგუნი.

— ბოგუნი მოჰკლეს ხმალში გასულის დროს.

— მერე ვინ მოჰკლა?

— აი ამ რაინდმა, — სთქვა ზაგლობამ და ვოლოდივესკი ანიშნა.

ზაქარი ამ დროს მეორე თასს დასწაფებოდა ლენინისა და ეს რომ გაიგონა, თვალები სქყიტა, გაწითლდა სულა, ბოლოს ველარ მოითმინა და გულიანად გადინარხარა.

— ამ რაინდმა — ბოგუნი მოჰკლა? — ჰკითხა მან და ხითხითებდა, კუჭკუჭებდა.

— ეს რა ღვთის წყრომაა, მართლა! — გაბრაზდა ვოლოდივესკი და თან წარბები შეიკმუხნა. — ეს კაცი მართლა მეტისმეტად კადნიერობს.

— ნუ ჯავრობ, პან მიხალ, — დაუწყო დამშვიდება ზაგლობამ. — პატივცემული კაცია, ხოლო თუ არ იცის, როგორ მოიქცეს, რა ვუყოთ, ყაზახია და იმიტომ. მეორეს მხრით, ეგ უფრო დიდი სახელია შენთვის, რომ შესახედაობა აგრეთი გაქვს და ისეთი გმირობა კი. გამოიჩინე. თვითონ მე თვალი ველარ მოგაშორე იმ ბრძოლის შემდეგ, თუმცა ყოველივე თვალთვე დავინახე. როგორღაც არა მჯეროდა, ამ კურკამ, აქისთანა კნუტმა...

— ეჰ, დამანებეთ, თავი ერთი, თუ ღმერთი გწამთ! — წაიბურტყუნა გაჯავრებულმა ვოლოდივესკიმ.

— მე ხომ შენი მამა არა ვარ, მე რას მიწყობი, თუმცა გულ-ახლით გეტყვი, ძალიან სასურველია ჩემთვის, რომ შენისთანა შეილი მყავდეს. თუ გინდა, მთელს ჩემს ქონებას შენ

დაგიტოვებ ანდერძათა. თავადიც შენზედ ახოვანი არ არის, მაგრამ ალექსანდრე მაკედონელიც კი არ ეკადრება იმას პა-
ქად.

— მე თუ მაჯავრებს რამე, — სთქვა ცოტა არ იყოს დამ-
შვიდებით ვოლოდიევსკიმ, — ის მაჯავრებს, რომ სქშეტუსკის
წერილიდან საკეთილო არა სჩანს-რა. რომ დნესტრისავე მი-
დამოთა შორის არ დაღუპულა, ამისათვის ღმერთს მადლობა
უნდა შევსწიროთ, ხოლო კნიაჟნა ვერ იპოვა აქამდე და ვინ
იცის, იპოვის კი როდისმე?

— მართალია, მართალია! მაგრამ თუ ღმერთმა ჩვენის შე-
მწეობით გაანთავისუფლა ის ქალი ბოგუნის ხელიდან და უფ-
ნებლად გადაარჩინა იმდენს სხვა-და-სხვა განსაცდელს, თუ მან
მოალობო ქვის გული ხმელნიცკისა, იმედია, ყოველივე ესე იმი-
ტომ მოჰხდა, რომ ჩვენი საწყალი მეგობარი კვლავ ეღირსოს
საცოცხლესა და სიხარულს. თუ შენ, პან მიხალ, ყოველსავე
ამაში განგების ხელს არა ჰხედავ, უნდა ვიფიქროთ, რომ შენი
შორს-გამქვრეტელობა უფრო ბლაგვი ყოფილა, ვიდრე შენი
ხმალი. ეს ისევე მართალია, როგორც ის, რომ არა ყველას
აქვს მინიჭებული ხელ-აღებით ყოველივე ღირსება.

— მე ერთსა ვხედავ მხოლოდ, — შენიშნა ვოლოდიევსკიმ
და თან გრეხა დაუწყო თავის პატარა უღვაშებს, — რომ ჩვენ
იქ საქმე არა გვაქვს-რა და აქ უნდა ვისხდეთ, ვიდრე სულ არ
დავობდებით.

— ჯერ მე დავობდები, — მე შენზედ ხნიერი ვარ. სჯობს
ისევე ღმერთს დავუბადლოთ, რომ იგი ბედნიერს ბოლოს უქა-
დის ყოველს ჩვენს ტანჯვა-მწუხარებას. ცოტა არ ვიწუხებ კნია-
ჟნასთვის, აგრედვე სქშეტუსკისა და ჩემთვისაც... ის ქალი ხომ
ჩემი საყვარელი შვილია... ღვიძლი შვილიც რომ მყოლოდა,
ისე არ მეყვარებოდა. იმასაც კი ამბობენ, რომ, ისე მგავს თუ-
რმე, როგორც ვაშლის ერთი ნახევარი მეორესა ჰგავდეს, მა-
გრამ უამისოდაც ძლიერ მიყვარს და ვეღარა მნახავდით ვეღარც
მხიარულსა, ვეღარც დამშვიდებულს, იმედი რომ არა მქონდეს
კიდევ, რომ ოდესმე ვიხილავ გაბედნიერებულს. ხვალ ხოტბას

დავწერავ (შენ არ იცი, ეგონებ, რომ მე მშვენიერ ლექსებსა ვსწერ და მხოლოდ ამ უკანასკნელს დროს გავცვალე აპოლონი მარსზედა).

— ახლა მომიყევი და მარსის ამბავი დამიწყე!—გაწყრა ვოლოდიევსკი.—ღმერთმა ნუ იცის იმ კისელის თავი, ყველა კომისარისა და მათის ხელ-შეკრულობისა! გაზაფხულზედ უთუოდ დაზავდებიან; ეს ისევე მართალია, როგორც ორჯელ ორი ოთხია. პან პოდბიჟენტას უნახავს თავადი და ისიც ამას ამბობს.

— პან პოდბიჟენტას იმდენივე ესმის პოლიტიკისა, რამდენიც ღორს მაზა-მაზა საქმელებისა. რაც იქ ხანი ყოფილა, თავადის კარ-წინა, თავისი თავისუფალი დრო სულ იმ თავ-ქარიანისაჲვის უძღვნია და იმას თურმე დასდევდა ისე, როგორც მეძებარი ტყის ქაჯამსა. ძალიან მოხარული ვიქნებოდნი, რომ ის ქალი სხვას ვისმე დაეჭრა, მაგრამ უხლა დრო არ არის მაგაზედ ლაპარაკისა. არ აფხირდები, რომ კისელი მოლაღატე არ არის-მეთქი. სრულიად რესპუბლიკამ კარგად იცის ესა, ხოლო რაიცა შეეხება ხელ-შეკრულობათა, მაგისი კი რა მოგახსენო, ეგ ყინულზედ გაწერილი საქმეა.

აქ პან ზავლობამ კვლავ მიჰმართა ყახახსა.

— იქ, თქვენში რაღას ამბობენ, ზაქარ? იქნება ომი თუ არაო?

— ვიდრე ჟიჟო გაჩნდებოდეს, ზავი იქნება, ხოლო რაკი გაზაფხულდება, მერე ან ჩვენ უნდა ვიყენეთ, ან ლიხინო.

— ინუგეშეთ, მაშ, პან მიხალ; მე კი გაეიგონე, რომ ბრბო ყველგან იარაღს თურმე ისხამს, სამომრად ემზადება.

— ისეთი ომი იქნება, რომლისთანაც ჯერ არასოდეს არა ყოფილაო.—ჩვენში ლაპარაკობენ, რომ ოსმალეთის ხონთქარიც მოეა ჩვენთან მთელის თვისის ურდოებით, ხოლო ჩვენი მეგობარი ტულაი-ბეი სულ ახლოა და სახლში არც კი წასულაო.

— ინუგეშეთ, პან მიხალ,—განიმეორა ზავლობამ.—ახალ მეფეს უწინასწარმეტყველობენ, რომ მთელს თავის სიცოცხლე-

ში ისე იმეფებს, იარაღი არ დაჰყაროს ხელიდანაო. როცა ომში შეხვიდეთ, პან მიხალ, ძალიან ნუ მომშორდები... ბევრს რასმეს ისწავლი, გაიგებ, როგორც ვომობლით ჩვენ ოდესმე დალოცვილსა და კურთხეულს ძველს დროსა. ღმერთო ჩემო! რაღანი არიან ახლანდელები? განა წინადაც ამისთანა ხალხი იყო? თუნდ შენა, პან მიხალ, თუმცა ბოგუნი დაჩეხე, შენისთანები იყვნენ წინადა?

— მართალსა ბრძანებთ, — დაეთანხმა ზაქარი. — ისეთები აღარ არიან ახლა, როგორც წინად ყოფილან.

ზაქარმა შეხედა ეოლოდიევსკის და გადააქნ-გადმოაქნია თავი.

— ამ რაინდს რომ ბოგუნი მოეკლას... არა, არა! მე მაგას ვერ დავიჯერებ!...



მოხუცმა ზაქარმა დაისვენა და წავიდა ისევ უკან კიევისა, ხალხო ამ დროს მოვიდა ამბავი, რომ კომისარები დაბრუნდნენ და სთქვეს, არა თუ დიდი იმედი რამ გვაქვს, მშვიდობიანობა ჩამოვარდეს, არამედ სრულიად წარგვეკვეთა სასოება და არცა გვეგონია სასიკეთოდ დატრიალდეს საქმეო. კომისარებმა ის მოახერხეს მხოლოდ, რომ დროებით ჩამოაგდეს ზავი, სახელდობრ, სულთ-მოფენამდე; მაშინ უნდა შეიკრიბოს კომისია, რომელსაც ექმნება მინიჭებული უფლება სამშვიდობო ხელ-შეკრულებათა დასადებადაო. მაგრამ ხმელნიცკი იმდენსა თხოულობდა, ისეთს მძიმე პირობას სდებდა ზავის შეკერისასა, რომ არაეისა სჯეროდა, თუ რესპუბლიკა შეიწყნარებდა ამგვარ პირობასა. ხმელნიცკი დესპანს დესპანზედ ჰგზავნიდა ყეენთან, ისწრაფე ჩემდა მოსაშველებლად სრულიად შენის ჯარითაო, ჰგზავნიდა სტამბოლშიაც, საცა უკვე დიდი ხანი იყო, რაც სცხოვრობდა ელჩი მეფისა ბეჩინსკი; რესპუბლიკაში ყოველს წუთს ელოდნენ, რომ აი ან ახლა და ან ახლა მოუწოდებენ ქუდზე კაცს სალაშქროდაო. მოვიდა ის ამბავიცა, რომ ახალნი მხედართ-მთავარნი დაინიშნენო. ოსტროროვი, ლიანცკოარინსკი და ფირ-

ლეი; გავრცელდა აგრედვე ის ხმაცა, რომ ერემია ვისნევეცკი სრულიად უარ-ყოფილ იქმნაო, ისე რომ თავისით თუ იტვირთებს მამულის დაცვას იმ ჯარით, რაც საკუთრად თვითონა ჰყავსო. წააგებს ამით რასმე, თვითონ იცის და მოიგებს კიდევ,—ეგ მისი საქმეაო. ეს ამბავი ღრმად აღშფოთებდა არა თუ თავად იერემიას ჯარის-კაცებს, არა თუ რუსეთის შლიახტას, არამედ წინანდელ სარდლებსა და მხედართ-მთავერებსაც. სრულიად სამართლიანად ამტკიცებდნენ ისინი, რომ თუ პირველში კიდევ შესაძლო იყო გაეწირათ ვისნევეცკი მაშინ, როცა ჯერ კიდევ იმედი იყო საქმის მშვილობიანად გათავებისა, ახლა ამისთანა საქმე სწორედ დიდი და მიუტევებელი შეცდომააო. მხოლოდ იერემია ვისნევეცკის შეეძლო შეჰბოძა ხმელნიკის და შეემუხრა ყოვლად-ძლიერი მეთაური ამბოხებისა. ბოლოს ზბარაყს მოვიდა თვით თავადიცა იმ განზრახვით, რომ შეეკრებავე ჯარს, რაც შეიძლება ბლომად, დავდგები სამზღვრად და დავუწყებ ლოდინს ომსაო. ზავი, მართალია, დროებით შეკრული იყო, მაგრამ ამ დაზავებას მნიშვნელობა და ძალა არა ჰქონდა. ისიც მართალია, რომ ხმელნიკიმ რამდენსამე პოლკონიკს თავი გააგდებინა, როგორ გაჰბედეთ, წინააღმდეგ შეკრულის პირობისა, და დაესხით თავს პოლონეთის ციხე-დარბაზებსა და რაზმებსაო, მაგრამ თვითონ ისიც უძლური იყო უამრავ მდაბიოთა და რიცხვ-მრავალ ყაზახთა წინაშე, რომელთაც არც კი ჰქონდათ გაგონილი, რომ ზავია დროებით ჩამოვარდნილიო. არა ჰქონდათ გაგონილი და არც უნდოდათ გაეგონათ. ამიტომ დღე ერთი იყო და ყაზახთაგან პირობის დარღვევა ათასი. ყაზახთა ბრბონი გადადიოდნენ სამზღვრებს და არღვევდნენ ამ სახით ხმელნიკის დანაპირებსა და აღთქმას. მეორეს მხრით, სახასო და კერძო ჯარები, გატაცებულნი ავაზაკთა დევნით, ხშირად გადასცილდებოდნენ ხოლმე პრიპეტსა და გორინს კიევის სამოურავოში, ბრაცლავამდე მიდიოდნენ და იქ, ყაზახთაგან ოტებულნი, თვითონაც ეოტებოდნენ და ამგვარად იყო ერთი ომი და დიდი სისხლის-ღვრა. ეს იყო მიზეზი, რომ ხშირად ჩიოდნენ, როგორც პოლონელნი, ისე ყა-

ზახნი, პირობა იქმნა დარღვეულიო, გარნა იგი პირობა, თვით საქმეთა ვითარების ძალით, ვერ იქმნებოდა დაცული. დროებით დაზავება ის იყო მხოლოდ, რომ ერთის მხრით ხმელნიცკი და მეორეს მხრით მეფე და გეტმანები არ გადიოდნენ საბრძოლველად, ხოლო ომი ნამდვილად ატეხილი იყო და თანდათან უფრო ძლიერდებოდა და, ვიდრე უმთავრესნი ლაშქარნი შეებმობდნენ ერთმანეთს, გაზაფხულის პირველმავე თბილმა მზის სხივებმა გააშუქა წინანდელგებრ ცეცხლ-წაკიდებულნი სოფელნი, ქალაქნი, დაბანი, ციხე-დარბაზნი, გაანათა სისხლის-ღვრა და აღამიანთა ტანჯვა-მწუხარება.

ზბარაყამდე მიაღწევდნენ ხოლმე თარეშობით მეომარნი ბრბონი ბარიდან, ხმელნიკიდანა და მახნოვკიდან. თან გზა-და-გზა სცარცვავდნენ და სწეავდნენ სოფლებსა. ერეშია ჰგზავნიდა მღევარს-მღევარზედ და სულ ზურგზე ბოლს ადენდა თავისის პოლკოვნიკების შემწეობით, ხოლო თვითონ მონაწილეობას არ იღებდა ამ წვრილმან ომში და ამჯობინებდა გალაშქრებას მთელის თავისის ღვიზიით მაშინ, როცა გეტმანები გავიდოდნენ საომრად.

თავადმა გაჰგზავნა რამდენიმე რაზმი აქეთ-იქით და უბრძანა სისხლის-წილ სისხლი ჰღვარეთ, ცარცვისა და კაცთა-კვლის ნაცვლად მარგილებზედ ჩამოაცვით დამნაშავენიო. ერეშიამ ერთად გაჰგზავნა სათარეშოდ პან ლონგინუს პოდბიპენტაცა, რომელმაც სძლია ერთს ბრბოს შავ კუნძულს ახლოს. გარნა ბრძოლაში საშიში რაინდი დიდის გულ-ჩვილობით ეპყრობოდა ტყვედ-შეპყრობილებს და ამიტომ ლონგინუსს აღარა ჰგზავნიდნენ ხოლმე სათარეშოდ. ყველაზე მეტად ამისთანა საქმეში თავს იჩენდა პან ვოლოდიევსკი, რომელსაც მხოლოდ ვერსული თუ დაჰკრავდა ცოტაოდნად და გაუწევდა მოცილეობას. სხვა ვერაფერ ვერ მოახერხებდა, რომ ისე ელვასავით სწრაფად გაჩენილიყო შორეულს ადგილას, მოულოდნელად დასხმოდა თავს მტერსა, ეძლია უეცრის და სასტიკის შეტევითა, გაეფანტა აქეთ-იქით მტრის რაზმი, შემოპრტყომოდა გარშემო, ამოეწევიტა, თავზედ კაკალი ემტვრევინა. ყაზახებს ისე ეშინოდათ

იმისი, რომ სულ ელეთ-მელეთი მოსდიოდათ. თავადი ღიძის მოწყალებით ეკიდებოდა. მარტის გასულიდან აპრილის ნახევრამდე პან ვოლოდიევსკიმ სძლია შვიდს რაზმს, რომელთა შორის თვითეული სამჯერ მეტი იყო იმისაზედ, მაგრამ მაინც დალაღვა არ იცოდა, რა იყო, თითქო ძალ-ღონეს იმ სისხლში იკრებს, რომელსაც ასე უწყალოდა ჰღვრისო.

პატარა რაინდი, ანუ უკეთ რომ ვსთქვათ, პატარა ეშმაკი, ძალიან ცდილობდა, რომ შეეგულიანებინა ხოლმე და წაეცდინა პან ზაგლობაცა, შენც თან წამომყე ხოლმე მდევრადო; ძალიან უყვარდა ხანში-შესულ შლიახტიჩთან ერთად ყოფნა, მაგრამ ის თავს იკავებდა, ერიდებოდა იმასთან წაყოლას და სულ ერთსა და იმავეს ეუბნებოდა პასუხად.

— მეტად დიდი მუცელი მაქვს, პან მიხალ, და აბა სად შემიძლიან თავ-გადაგლეჯილი დავაქენებდე შენთან ერთად ცხენსა. მერე საქმე ისიც არის, რომ ყველა მარტო თავის ხელობაშია გამოსადეგი. უნდა დაესხა თავს ღღისით გუსარებთან ერთად რიცხვ-მრავალს მტერს, სძლიო მთელს ბანაკს, წაართვა დროშა და გამოსწიო. აი ეს არის ჩემი ხელობა, ამისათვის გამაჩინა მე ღმერთმა, ამ საქმის ნიჭი მომცა; ღამ-ღამე დევნა ავაზაკებისა კი შენთვის მომინდვია, მაგ საქმეში შენ სწორი არა გყავს. მე ძველებურის ყაიდის რაინდი ვარ და ვამჯობინებ პირდაპირ ნადირს დავეცე თავს, ვიდრე სუნ-ალებით ვეძებდე მეძებარი ძალღივითა. ესეც არ იყოს, ღამ-ღამობით მე ძილი მიყვარს.

პან ვოლოდიევსკი მარტო დაიარებოდა და მარტოვე იმარჯვებდა. ერთხელ, აპრილის გასულს წავიდა მდევრად და მაისის ნახევარში დაბრუნდა ისეთი დაღონებული, დაძმარებული, თითქო დამარცხებულა და დაძლუპვია სულ ჯარის-კაცნიო. ასე ეგონა ყველას, მაგრამ ეს კი მართალი არ იყო. პან ვოლოდიევსკიმ დიდი და სამძიმო გზა გადიარა, ოსტროვს გასცდა და გოლოვნიას ახლო სძლია არა მღაბიოთა ბრბოს, არამედ იმიერ-ქორომელთა მთელს რაზმს; ნახევარი ამ რაზმისა სულ ამოსწყვიტა, ხოლო ნახევარი ტყვედ შეიპყრო. საქმე ასე

იყო და მით უფრო უკვირდათ, მაშ რაღაზედ ჩამოსტირის ამ მუდამ მხიარულს კაცს ასე თავ-პირიო. ყველას უნდოდა გაეგო მიზეზი, მაგრამ პან ვოლოდიევსკიმ კრინტი არ დასძრა არავისთან, ეახლა თავადს ორის სულ უცხო რაინდითა და მას უკან ისევ იმათთან ერთად გასწია პირდაპირ პან ზაგლობასთან.

პან ზაგლობა გაკვირვებით ათვალეიერებდა ორს ტან-მალალს და ზორბა რაინდს, რომელთა ტანისამოსი ამტკიცებდა, რომ ლიტველთა ჯარისანი უნდა ყოფილიყვნენ.

— ჩაპკეტე კარები და უბრძანე, რომ არაფერ არ შემოაუშვან. უნდა მოველაპარაკოთ და დიად საყურადღებო საქმე გაუწიოთ.

ზაგლობამ გასცა ჯეროვანი განკარგულება და თან თვალს არ აშორებდა იმ ორს უცნობს კაცს, თითქო აღლო აიღო, რომ ესენი მე კარგს არას მეტყვიანო.

— ესენი, — მიუთითა იმაზედ ვოლოდიევსკიმ, — არიან თავადნი ბულივ-კურცეიჩები, იური და ანდრია.

— ელენეს ბიძაშვილები?! — შესძახა ზაგლობამ. თავადებმა თავი დაუკრეს და სთქვეს ორივემ ერთად:

— განსვენებულ ელენეს ბიძაშვილები ვართ. ზაგლობას წითური სახე უცებ გალურჯდა; უნებურად ხელები გაიქნია, თითქო გულში დასჭრესო, თვალეები დაეცეცა და იკითხა, ანუ უკეთ ვხტევათ, ამოიკვნესა:

— როგორ?

— შეუტყვიათ, — მწუხარებითა სთქვა ვოლოდიევსკიმ, — რომ კნიაჟნა ნიკოლოოზ კეთილის მონასტერში მოუკლავთ.

— ბრბოს ამოულრჩვია კომლ.ში თორმეტი ქალიშვილი და რამდენიმე მონოზონი, მათს რიცხვში ჩვენი დაცა, — დასძინა თავადმა იურიმ.

ზაგლობამ პასუხი ვეღარ მოახერხა. ახლა სახე ისე გაუწითლდა, რომ იქ მყოფნი შეფიქრიანდნენ სისხლი არ აუვარდეს თავში და წვეთი არ დაეცესო.

თავადნი და ვოლოდიევსკი კვლავ თავისას ჩიოდნენ:

— შევიკრიბებით ვითომ ჩვენა, ნათესაფნი და მეგობარნი შენნი, შევნიერო პანნავ და გვინდოდა დაგვეხსნა შენი თავი

ავაზაკთა ტყვეობიდან, — ამბობდა ამოოხვრით ახალგაზდა რანდი, — მაგრამ, სჩანს, დავიგვიანეთ და იმიტომ ველარა გიშველეთ. რა. ახლა საჭირო აღარ არის ჩვენი გულმოდგინება, საჭირო აღარ არის ჩვენი ხმლები და გულადობა, შენ ეხლა უკეთესს ქვეყანაში ხარ, ყოვლად-წმინდა ქალწულთანა.

— დაო! — შეჰყვირა უზარმაზარმა იურიმ განწირულებით, — შეგვინდე ჩვენი დანაშაული, ხოლო შენი სისხლის თვითეულის წვეთისათვის თითო ჩაფს დავანთხეინებთ შენს მტრებს.

— ღმერთო, შენ მოგვიმართე ხელი! — დაუმატა ანდრიამ.

ორივემ ხელნი აღაპყრეს ცად. ზაგლობა წამოდგა ტახტიდან, გადასდგა რამდენიმე ნაბიჯი, დატოვრტმანდა მთვრალივით და, თითქო დაეცაო, ისე დაემხელა მუხლის თავებზედ ხატის წინა.

ციხე-დარბაზში გაისმა ზარის რეკა, რომელმაც აუწყა ხალხს, რომ შუადღეაო. ზარის რეკა ისე მწუხარედ გაისმა, თითქო მიცვალებულია და გლოვისა დაჰრეკესო.

— აღარ არის, ელენე, აღარ არის! — კვლავ დაიწყა ვოლოდიეესკიმ. — ანგელოზებმა წაიყვანეს მალა ცაში, ხოლო ჩვენ დავგიტოვეს ცრემლები და ოხვრა.

მოისმა ქვითინი და ზაგლობას დიდმა ტანმა შეჰქმნა თახ-თახი, ხოლო მწუხარე რეკა ზარისა კვლავ მოისმოდა.

ბოლოს, ზაგლობა დამშვიდდა (პან მიხალს ეგონა, რომ დაიღალა ცრემლის ღვრითა და ჩეეძინა დაჩოქილსა და დედა-მიწაზედ შუბლით დაყუდებულსა), მაგრამ გაიარა კიდევ რამდენმამე წუთმა და შლიახტიჩი წამოდგა, პატარა გაიარა და მოიკეცა ქეჩაზედ; გარნა ზაგლობა ახლა სულ სხვა იყო: თვლები დასწითლებოდა, თავი ძირს ჰქონდა დახრილი, თითქო კინწი მოსწყვეტილი, ქვემო ტუჩი ჩამოშვებოდა, სახეზედ ეტყობოდა სიბერის სრული უძლოურება; კაცს ეგონებოდა, წანანდელი პან ზაგლობა, კვეიანი, მხიარული, დიდი ოხუნჯი და მოსწრებული სიტყვა-პასუხის კაცი, მოკვდა და მის მაგიერ დარჩა მოხუცი ტანჯვით ძალა-გამოლეული, ოთხად მოხრილი ხანში შესულობითაო.

კარებს უკან ხმაურობა მოისმა და, თუმცა პაჟი ეწინააღმდეგებოდა, ოთახში შემოვიდა პან პოდბიჰენტა. ლიტველმა რაინდმა დიდის მწუხარებით გაიხსენა რაზლოგი და პირველი გაცნობა ელენესი, მისი სილამაზე და ყმაწვილ-ქალობა, ბოლოს მოიგონა, რომ არის კიდევ კნიაჟნაზედ უფრო უბედური, მისი საქმრო, პან სქშეტუსკიო და დაუწყო ვოლოდიევისკის იმის ამბავის გამოკითხვა.

— სქშეტუსკი თავად კორეცკისთან დარჩა კორეცსა, საცა მოვიდა კიევიდან და ეხლა იქა წევს ავადმყოფი, — სთქვა ვოლოდიევისკიმ.

— არ უნდა წაეიდეთ განა იმასთანა? — ჰკითხა ლიტველმა.

— რა საჭიროა, — უპასუხა ვოლოდიევისკიმ. თავადის მკურნალი ამბობს, რომ ამის მორჩენა ჩემს კისერზედ იყოსო; იქვეა პან სუხოლოლსკი, სქშეტუსკის მეგობარი, იქვეა ჩვენი მოხუცი ზაცვილიხოვსკი; ორივენი უვლიან ავადმყოფს. არა აკლიარა, ღვთით, ხოლო, თუ ცხელება თავს არ ანებებს, ეგ უკეთე სია მისთვის.

— ოჰ, ღმერთო დიდებულო! — სთქვა ლაღადებით ლიტველმა. — თქვენ თვითონა ჰნახეთ სქშეტუსკი?

— ვნახე, მაგრამ რომ არ ეთქვათ, ეს არისო, ვერ ვიცნობდი, ისე გამოუცვლია და გაუქვრია კაცი მწუხარებასა და ავადმყოფობასა.

— იმან კი გიცნო?

— ალბად, მიცნო, თუმცა კი არა უთქვამს-რა, იმიტომ რომ გაიღიმა და თავი დაიქნია, მე კი ისეთმა სიბრაალულმა შემიპყრო, რომ მეტს ხანს ვეღარ შევძელ იმისი ყურება. თავად კორეცკის ზბრაჟს უნდა მოსვლა თვისის ჯარითა, ზაცვილიხოვსკიც იმასთან ერთად წამოვა, პან სუხოლოლსკიცა... ჰფიცავს, რომ არაფერს ყურადღებას არ მივაქცევ და მაინც წამოვალ, თუნდა სულ სხვა გვარი ბრძანება მომივიდეს თავად დომინიკისაგანაო. ისინი მოიყვანენ აქ სქშეტუსკის, თუ შეუძლო და გადარჩა ავადმყოფობას.

— კნიაჟნას სიკვდილის ამბავი საიდან-ღა გაიგეთ? ამ რაინდებმა ხომ არ გაამბეს?—ჰკითხა პან ლონგინუსმა და მიუთითა თავადებზედ.

— არა, მაგათ შემთხვევით გაიგეს კორცა, სადაც მივიდნენ და მაშველი ჯარი მიიყვანეს ვილნოს მოურავ-ერისთავისა. მე მითხრა ეგ ამბავი ზაცვილიხოვსკიმ, ხოლო იმას თვით სქშეტუსკისაგან გავგონა. სქშეტუსკისთვის ხმელნიცკის მიუცია ნება, ეძებე კიევშიო, ამასთანავე თვით მიტროპოლიტს უნდა აღმოეჩინა შემწეობა ამ საქმეში. სძებნეს თურმე უფრო მონასტრებში, რადგან ჩვენები სულ იქ დამალულიყვნენ და ეგონათ, რომ, აღბად, ბოგუნმა კნიაჟნაც ერთ-ერთს მონასტერში დაჰმალაო. ეძებეს, ეძებეს და იმედს არა ჰკარგავდნენ, რომ ვიპოვითო, თუმცა იცოდნენ, რომ ბრბომ ამოაღრჩო კვამლით ნიკოლოზ კეთილის მონასტერში თორმეტი პოლონელი ქალიშვილი. თვით მიტროპოლიტი არწმუნებდა თურმე, რომ ბოგუნის დანიშნულს ხელს ვერავინ ახლებდაო; მაგრამ ნამდვილად კი სულ სხვა გამოვიდა.

— ის ქალიც იქ იყო მერე!

— იქ იყო. ერთს მონასტერში სქშეტუსკის ენახა იქ დამალული პან იოხიმ ერლიჩი და რადგან ყველას თურმე ეკითხებოდა, კნიაჟნას ამბავი ხომ არა იცით-რაო, იმასაცა ჰკითხა და ერლიჩმა უამბო, რომ ნიკოლოზის მონასტერში ამოწყვეტილ ქალებ შორის იყო ელენეცაო. სქშეტუსკიმ არ დაუჯერა პირველად ერლიჩსა და გაჰქანდა ხელ-მეორედ მონასტერში. მონოზნებმა, საუბედუროდ, არ იცოდნენ სახელები დალუპულთა, მაგრამ როცა სქშეტუსკიმ აღწერა თურმე იმისი გარეგნობა და უთხრა ნიშნები ჟნიაჟნასი, ბეჯითადა სთქვეს, რომ ერთი იყო სწორედ მაგ ნიშნებისაო. სქშეტუსკი მაშინვე გამოსთხოვებოდა კიევს და ძალიან ავადაც გამხდვრიყო.

— საკვირველია, ან კი როგორ გადარჩა ცოცხალი.

— მაინც სიკვდილი არ ასდებოდა, ის მოხუცებული ყაზახი რომ არ შესწრებოდა, რომელიც სეჩში უვლიდა ტყვედ-შეპყრობილ სქშეტუსკის, ხოლო შემდეგ კიევში დაბრუნებუ-

ლა და ჰშველოდა თურმე, როცა სხვა-და-სხვა მონასტერში ეძებდა კნიაუნას. იმას წაუყვანია სწორედ კორეცს სქშეტუსკი და ჩაუბარებია პან ზაცვილიხოვსკისათვის.

— ლმერთმა მისცეს ნუგეში; მაგრამ მისთვის ეხლა აღარავითარი ნუგეში აღარ არსებობს, — ამოიოხრა პან ლონგინუსმა.

პან ვოლოდიევსკი გაჩუმდა და ოთახში ჩამოვარდა დიდი დუმილი. თავადნი ისხდნენ და ადგილიდან არ იძვროდნენ, პოდბიპენტა თვალებს მალლა აპყრობდა ცად მიმართ. ხოლო პან ზაგლობა დაშტერებოდა ერთს წერტილს და ღრმა ფიქრში იყო წასული.

— გაიღვიძე, რა დაგემართა! — უთხრა ბოლოს ვოლოდიევსკიმ და დაუწყო ნჯღრევა, — რას დაფიქრდი მერე? ახლა ველარაფერს ვერ მონფიქრებ და მთლად შენი მოხერხება და მოსწრაფებული ჭკუა-გონება ველარას გვიშველის.

— მეც ვიცი ეგა. — სთქვა პასუხად ზაგლობამ დიდის მწუხარებით და გულის ტკენით, — იმას-ლა ვფიქრობ ახლა მხოლოდ, რომ დავბერდი და აღარა დამჩინია-რა ამ ქვეყნად.

X X I

— წარმოიდგინე, — უთხრა რამდენისამე დღის შემდეგ ვოლოდიევსკიმ პან ლონგინუსსა, — ერთს საათში ისე გამოიცვალა, თითქო ოცის წლით მოემატა მოხუცებაო. ისეთი მხიალი, მუსაიფისა და ლაპარაკის მოყვარული, ისეთი მოხერხებული და მოსწრებული, რომ თვით ულისსაც კი ჩვარში გაახვევდა, ზის ახლა ცის ამარა დღეს ერთს ადგილას, სთვლემს და სულ მოხუცებასა სჩივის. ვიცოდი, რომ ის ქალი შვილივით უყვარდა, მაგრამ მაგას კი ვერ მოვიფიქრებდი, რომ აგრე ჰქონდა იმაზედ დაყრილი მთელი თავისი ჯიგარი.

— რა გასაკვირველია? — ამოიოხრა ლიტველმა. — მით უმეტეს შეიყვარა, რომ ბოგუნს წაართვა, გასტაცა და იმის გულისათვის, ვინ იცის, რამდენი განსაცდელი არ აიტანა. ვიღრე იპედი რამ იყო, შახსაც არ იტეხავდა, ხოლო ახლა, მართლა-

ცა და (მეც ვეთანხმები სწორედ), რაღა უნდა ჰქმნას ამ ქვეყნად, მარტოდ-მარტომ, ვის მიეღებეს მისი გული?

— ესცადე, აბა, ერთი სმას მოეუმატებ იმასთან ერთად-მეთქი, ვითომ იმ იმედით, რომ იქნებ ღვინომ კელავ გაახალისოს, წინანდელი ყოჩაღობა დაჯბრუნოს-მეთქი, — მაგრამ შენც არ მომიკვდე! სმით კი სემს, მაგრამ აღარასა ლაპარაკობს თავის ახალგაზდობის თავგადასავალისასა, აღარ ტრახახობს, დასუსტდება მხოლოდ, მერე ჩაჰქინდრავს თავსა და ჰძინავს. არა მგონია, რომ ჰან სქმეტუსკი მეტს განწირულებაში ყოფილიყოს.

— სულ გული მიკვდება, ისე მებრალება; რაც უნდა იყოს, მაინც დიდებული რაინდი იყო! წავიღეთ, მოდი, ჰან მიხალ. წინად ჩემი დაცინვა იცოდა ხოლმე, სიტყვას არ მათქმევინებდა. იქნება ახლაც მოუაროს იმ ძველებურმა ხალისმა. ღმერთო ჩემო, როგორ უნდა გამოიცივალოს ასე ადამიანი! ისეთი მზიარული კაცი იყო, ქილიკი.

— წავიღეთ, — სთქვა ვოლოდიევსკიმ. — გვიან არის, მაგრამ საღამოობით უფრო ცუდს გუნებაზეა ხოლმე. დღისით თვლემით გაბეზრდება ხოლმე და ღამე ძილს ვეღარ ახერხებს.

ზაგლობას ფანჯარა გაეღო და იჯდა მის ახლო იდაყუებზედ თავ-დაყრდნობილი. ციხე-დარბაზში მოძრაობა უკვე შეწყვეტილიყო, მხოლოდ დარაჯნი აძლევდნენ ერთმანერთს ხმას ხან-დახმითა და ხშირს ქალაში კიდევ ბულბულნი სტვენდნენ საამურადა. ღია ფანჯარაში შემოდრიოდა თბილი გაზაფხულის ჰაერი და მთეარის მკრთალი ნათელი აშუქებდა ჰან ზაგლობას მოწმენდილს სახესა და მის მულოტს თავს.

— საღამო კარგად ყოფნისა, ჰან ზაგლობა.

— ღმერთმა კარგად გამყოფოთ.

— რა ამბავია, ოცნებას რომ აპყოლიხარ ამ ფანჯარასთან, იმის მაგიერ, რომ ადგე და მოისვენო? — ჰკითხა ვოლოდიევსკიმ.

ზაგლობამ ამოიოხრა.

— ძილისათვის არა მცხელა, — სთქვა მან რაღაცნაირის გაპრტყელებითა და გაქიანურებულის ხმით. — ამ ერთის წლის

წინად, სწორედ წელიწადი შესრულდა მას აქეთ, მე და ის საწყალი ქალი კალამლიკს ვიყავით და ფრინველნი სწორედ ისევე გალობდნენ, როგორც ეხლა... ახლა კი სად არის ნეტავი საცოდავი?

— ღმერთმა აგრე ინება, — სთქვა ვოლოდიევსკიმ.

— მწუხარების ცრემლიც ზედ ერთის, პან მიხალ! აღარ არის ჩემთვის სიხარული.

ზაგლობა გაჩუმდა და მხოლოდ ფანჯრიდან მოისმოდა უფრო და უფრო გარკვევით სტვენა ბულბულთა.

— ოჰ, ღმერთო, ღმერთო! — ამოიოხრა ზაგლობამ, — სწორედ ისევე სტვენენ როგორც კალამლიკსა!

პან ლონგინუსს ცრემლი ჩამოუარდა თვალთაგან და მის გრძელ უღვაშზედ დაეკიდა, ხოლო პატარა რაინდმა სთქვა მცირე ხნის მღუმარების შემდეგა:

— იცი, რას გეტყვი? მწუხარება მწუხარებად იყოს.... და მოდი ისევ გადავკრათ; მწუხარებისათვის უკეთესს წამალს კაცი სხვას ვერ მოიგონებს. მოვეყვით შექცევას და თან გავიხსენოთ დრონი ნეტარნი.

— რა ურაგოა, — დაეთანხმა უვულოდ ზაგლობაცა.

ვოლოდიევსკიმ უბრძანა მსახურს მოეტანა ღვინო და სანათი და, რაკი შეამჩნია, რომ ძველთა დროთა გახსენება ხალისსა ჰმატებს ზაგლობასაო, დაუწყო გამოკითხვა.

— მაშ, წელიწადია, პა, მას აქეთ, რაც შენა და განსვენებული ბოგუნს გაექეციო?

— მაისში იყო, მაისში, — სთქვა პასუხად ზაგლობამ. — კალამლიკს გავედით და ზალატანოშას ვაპირებდით წასვლას. ვაჰ, რა ძნელი ყოფილა ქვეყნად სიცოცხლე!

— ვაჟური ტანისამოსი ეცვა?

— ყაზახური ეცვა. თმა ხმლით მოვეყვითე, რადგან მეტი ღონე არ იყო. ვიცი ის ადგილიცა, საცა ის თმა და ხმალი დაემალე, ხის ძირში.

— საკვირველი მშენიერება რამ იყო! — დასძინა ამოოხვრით პან ლონგინუსმა.

— გეუბნევით, პირველ დღიდანვე ისე შემიყვარდა, თითქო პატარაობიდანვე მე გამეზარდოს. ის კი აიღებდა და თავის პატარა ხელებს მიატყუებდა ერთმანერთზედ და სულ მადლობას მიხდიდა, მადლობას მეუბნებოდა შეველისა და ზრუნვისათვის. ის მერჩივნა, რომ მოვეკალით, ვიღრე ამ დღეს მოვსწრებოდი! ბარემ მომკვდარვიყავ და გადავყოლოდი თანა!

კვლავ ჩამოვარდა დუმილი. რაინდნი ჰყლაპავდნენ ღვინოს, რომელსაც კრემლი ერეოდა. ბოლოს ზაგლობამ დაიწყო ისევა:

— ვამბობდი, იმათთან გავატარებ მოსვენებით, რაღაც ორიოდღე დღე სიცოცხლე დამრჩენია მეთქი და დახეთ! ახლა, საიდანღას რაღას...

ხელები გაიქნია და უძლურებით ჩამოჰყარა ძირს, თითქო ოღნაგ-ლა აბია მხრებზედაო.

— საიდან-ლა რაღა სიხარულს უნდა ელოდეს კაცი, საიდან-ლა რაღა მოსვენებას იპოვი, საფლავში თუ, თორემ...

არ გაეთავებინა ზაგლობას ეს სიტყვები, რომ კარებს უკან ფეხის-ხმა მოისმა. ხმაურობაზედ ეტყობოდა, რომ ვილასაც შემოსვლა უნდოდა ოთახში, ხოლო მსახური ნებას არ აძლევდა. ვოლოდიევსკიმ სთქვა, რომ ვილაც ნაცნობის ხმასა ჰგავს თითქო ეგ ხმაო. ოთახიდანვე დაუძახა მსახურს, სთხოვე შემოვიდესო.

კარები გაიღო და გამოჩნდა ახალგაზდა, თეთრ-წითური სახე ქენძიანისა, რომელმაც გადაავლო თვალი ყველა იქ მყოფსა და თავი დაუკრა:

— სახელითა მამისათა და ძისათა!

— უკუნითი უკუნისამდე! — სთქვა ვოლოდიევსკიმ: — ეს ქენძიანია.

— მე გახლავართ, დიად, — სთქვა პაქმა, — და გაახელით დაგიმტკიცოთ ჩემი თქვენდა პატივისცემა, ჩემი ბატონი საღლაა?

— შენი ბატონი კორცს არის და უქეიფობს.

— ღმერთო ჩემო, რას ბრძანებთ? ღმერთმა კი ნუ ჰქმნას და მძიბე ავადმყოფი ხომ არ არის?

— მდებარე იყო, ხოლო ახლა უკეთესობაშია. მკურნალი ამბობს, რომ მორჩებაო.

— მე კი მოვედი, რომ პანნას ამბავს მოვუტან-მეთქი. პატარა რაინდმა მწუხარედ გააქნია თავი.

— რა გესწრაფება? პან სქუმეტუსკიმ უკვე იცის იმისი სიკვდილი და ჩვენც იმასა ვგლოვობთ ახლა მწარედა.

ენძიანმა ისეთნაირად სჭყიტა თვალები, რომ კინალამ ბუდიდან გადმოუტყვიდა.

— ღმერთო მომკალი! რა მესმის, პანნა მიიცივალა?

— კი არ მიიცივალა, მოკლულ იქმნა კიევში ბოროტთა და გულ-ღვარძლიანთაგან.

— რომელი კიევი, ბატონო, რას გადასცემთ?

— რომელი კიევი, რა პასუხია, თითქო არ იცოდე კიევი რა არის!

— მოითმინეთ, ღვთის გულისათვის! მეხუმრებით, თუ რა ამბავია? კიევს რა უნდოდა, როცა ის ქალი ხეობაშია ვალადინკს ზემოდ, რაშკოვის ახლოსა? იმ კუდიანს დედაკაცს ებრძანა სასტიკად, რომ ფეხი არსად გასდგა ბოგუნის მოსვლამდეო. ღმერთსა ფვიცავ, — გონება მებნევა და ლამის ველარა გავიგო-რა.

— ვინ კუდიანიო? რას მიედ-მოედები?

— აი გორპინა დედა-კაცი, ალაწოდა როა... მე კარგად ვიცნობ იმასა.

პან ზაგლობა უცბად წამოხტა ტახტიდან და დაიწყო ხელების ქნევა, თითქო ჩანჩქერში ჩავარდნილა და ირჩობაო.

— ღვთის-გულისათვის! — ძლივს სულის მოთქმით შეუტია მან ვოლოდიევსკის, — გაჩუმდი, ღვთის გულისათვის, დამაცადე, შე გამოვკითხო.

ვოლოდიევსკი შეჟრჟოლდა: ისე იყო გაფითრებული ზაგლობა, ისეთ კუკურ-კუკურმა ოფლმა დაასხა მელოტ თავზედა.

მოხუცი შლიახტიჩი კი მიჰვარდა ენძიანს, სტაცა ხელი მხრებში და ხაელით წარმოსთქვა:

— შენ ვინ გითხრა, რომ ის ქალი... რაშკოვს ახლოა დამალულიო?

— ვის უნდა ეთქვა? ბოგუნმა მითხრა!

— მაწანწალავ, ხომ არ გადირიე?—გაგულისდა ზაგლობა და დაუწყყო ჯანჯღარი ენძიანს, რაც ძალი და ღონე ჰქონდა.—ვინ ბოგუნია?

— ღმერთო!—შეპლრიალა ენძიანმა.—რას მანჯღრევთ აგრე უღეთოდა? სული მომაბრუნებინეთ, მაკალეთ გონს მოვიდე... სულ დავრეტიანდი. აგრე თუ მანჯღრით, სულ ამოჰქარდება ჩემი გონებიდან ყოველი მოსაზრება. ვინ ბოგუნი უნდა იყოს? არ იცნობთ განა, ვინც ბოგუნია?

— სთქვი, თორემ ეს არის დანას ჩაგცემ გულში! სადა ჰნახე ბოგუნი?

— ვლადავსა? რა გინდათ ჩემგან, რას მამვარდით?—პაეი შეშინდა და სულ დაიბნა:—რაო, რა დავაშავე, რა ბოროტება მოვიქმედე...

პან ზაგლობა ტახტზედ დაეშვა; პაერი აღარ ჰყოფნიდა, რომ ამოესუნთქა, სული უგუბდებოდა. ახლა ვოლოდიევსკი მიჰვარდა, რომ ეშველა რამე საქმისათვის:

— როდისა ჰნახე ბოგუნი?

— სამი კვირა იქნება.

— მაშ კოცხალია?

— რატომ არ უნდა იყოს კოცხალი! თვითონ მიაბმო, რა მასპინძლობაც გაგეწიათ იმისთვის, მაგრამ მაინც მორჩა, კარგად არის...

— და მერე იმან გითხრა, რომ პანა რაშკოვს ახლო არისო?

— სხვა ვინ მეტყოდა?

— გამიგონე, ენძიან, ხუმრობა კი არ არის, საქმე შენის ბატონისა და კნიაენას სიკვდილ-სიკოცხლეს შეეხება... თვი-

თონ ბოგუნმა კი გითხრა, რომ ის ქალი კიევს არა ყოფი-
ლაო?

— პან ვოლოდიეესკი, კიევში საიდან იქნებოდა, რომ ბო-
გუნმა დაჰმალა რაშკოვს ახლოს და უბრძანა გორპინას, თუ სი-
ცოცხლე არ მოგქარბებია, ხელიდან არსად წაგივიდეს ეს ქა-
ლიო. ხოლო ახლა პერნაჩი მომცა და თავისი ბეჭედი და და-
მაეალა, წადი იმ ქალთანაო. ბოგუნის იარამ კვლავ პირი ჰქმნა
და არ იცის, რამდენს ხანს მოუხდება კიდევ ლესვა ლოგინისა.
პან ზაგლობა კვლავ წამოიჭრა ტახტიდან, წაივლო ხელები
თმაში, თუმცა სულ ორიოდღე ბეწვი-ლა შერჩენოდა და დაიწყო
ღრიალი გიჟივითა:

— ცოცხალია ჩემი ქალი, ცოცხალია! კიევში ის არ მო-
უკლავთ, სხვა ყოფილა! ცოცხალია ჩემი სიხარული, ჩემი
მტრედი!

ჰყვიროდა ასე ეს მოხუცებული კაცი და თან აბრაგუნებ-
და ფეხებსა, იცინოდა, ხრინწიანივით ხავოდა; ბოლოს წაავლო
ხელი ჟენძიანს თავში, ჩაიკრა გულში ბიჭი და ისე დაუწყო
კოცნა, რომ ყმაწვილი ძლიეს-ლა ჰქნაოდა:

— ოჰ, ნუ ამომართვით სული! ღმერთმანი, ლამის დავიხრ-
ჩო... ცოცხალია, ცოცხალია... თუნდა ეხლავე შეიძლება წა-
ვიდეთ იმის სანახავად... პან ზაგლობა... კარგია... პან ზაგლო-
ბა, გამიშვიტ!

— გაუშვით, დეე გვიამბოს დალაგებით; ჩვენ ჯერ ვერა
გავიგეთ-რა რიგიანად, — ჩაერია ვოლოდიეესკი.

— აბა, მოჰყე, მოჰყე! — ჰყვიროდა ზაგლობა.

— გვიამბე თავიდან, ჩემო, — სთქვა პან ლონგინუსმა, რო-
მელსაც კრემლები სცვიოდა თვალთავან.

— ნება მომეცით, პატარა შევისვენო... ეს ფანჯარაც უნ-
და მივხუროთ, თორემ ბუღბუღნი ისე სტვენენ აი ქალაში,
რომ კაცს აღარა ეყურება-რა.

— ღვინო! — დაიძახა ვოლოდიეესკიმ.

— ჟენძინმა თავისებურის აუჩქარებლობით მიჰხურა ფანჯარა
და ითხოვა, ნება მომეცით, რომ ჩამოვჯდეო.

— დაჯექი!—პან ვოლოდიეესკიმ დაუსხა ღვინო.—დაჯექ და დალიე ჩვენთან ერთადა. ღირსი ხარ, რომ ჩვენთან იჯდე, მხოლოდ მალე გვიაშბე ყოველივე.

— კარგი ღვინოა!—სტქვა პაჟმა და გაჰხედა ქიქას სინათლეზედ.

— აი შენ და შენს თავსა? გვიაშობო თუ არა?—აშურებდა ენძიანს ზაგლობა.

— ჰმ, თქვენ მაშინვე ჯაერობას მოჰყვებით! რამდენიც გნებავთ, იმდენს გვიაშობოთ...

— დაიწყე თავიდან!

— რასაკვირველია, გეხსომებათ, ამბავი რომ მოვიდა, ბარი მტერმა აიღოვო და ჩვენ ყველას რომ გვეგონა, ახლა კი დაილუპა სამუდამოდ კნიაჟნაო? ჰო და მაშინ მე ენძიანს დავბრუნდი ჩემს დედ-მამასთანა და პაპა-ჩემთანა. პაპა-ჩემი კი ოთხმოც და ათის წლისაა... ხუმრობაა!... ოთხმოც და ათისაკი არა ოთხმოც და თერთმეტისა, ერთის წლით კიდევ მეტის ხნისაა...

— დაე, თუნდ ცხრაასის წლისა იყოს!...

— ნეტავი აგრე, რა მენაღვლება! გმადლობთ, რომ კეთილი გინდათ ჩვენთვის. ჰო და აი მაშინ დავბრუნდი სახლში, ჩემი ნაშოვარი წავუღე. გეხსომებათ, რომ შარშან ტყვედ შემიპყრეს ჩიგირინში ყაზახებმა, რომ თავისიანი ეგონეთ, რომ ავადმყოფს ბოგუნს ვუვლიდი და გავუმეგობრდი კიდეცა, ხოლო მერე ოხრად ვყიდულობდი იმ ბოროტებისაგან ცოტ-ცოტა ვერცხლეულსა და ძვირფასეულობას...

— გვახსოვს, გვახსოვს!—სტქვა ვოლოდიეესკიმ.

— აგერ მოვედი ჩემ დედ-მამასთანა, ხოლო იმათ ისე გაეხარდათ, რომ არა სჯეროდათ მართლა ვხედავთ იმასა, რაც ჩვენმა შვილმა მოგვიტანაო! პაპა-ჩემს დავუფიცე, რომ ყოველივე ეს ქონება პატროსანის გზით შევიძინე-მეთქი. უნდა მოგახსენოთ, რომ ჩვენებს დავა აქვთ ატეხილი იავორსკებთან მხსლის ხეზედა, რომელიც ზედ სამზღვარზედ სდგას, ნახევრად ჩვენს მიწაში და ნახევრად იმათსაში. როცა იავორსკები არხვენენ ხეს, ჩვენი მსხალიც ძირსა სცივია, ხოლო ზედ სამზღვარ-

ზედაც ბევრი სცეივა. ახლა ისინი ატეხილან, რაც სამზღვარზე სცეივა, ჩვენიაო, ჩვენ კი...

— ბალო, ნუ მაჯავრებ და ნუ მიმღვრე სისხლსა, — დაუყვია ზაგლობამ, — და ნურც ამბობ იმას, რაც საგანს არ შეეხება!

— პირველ ყოვლისა (უკაცრავად!), მე ტეტია არ გახლავარ, არამედ შლიახტიჩი, თუმცა ლარიბი, მაინც ტახტის აზნაურშვილი ვარ, რასაც დაამოწმებენ პან პორუჩიკი ვოლოდიევსკი და პოდბიპენტა, რომელნიც კარგად იცნობენ პან სქშეტუსკისა, ხოლო მეორედ, ის დავა აგერ ორმოც და ათი წელიწადია ატეხილია...

ზაგლობამ გაიკმინდა ხმა და სთქვა გულში, რომ მეორედ აღარას ვეტყვი საწყენსაო.

— კარგია, ჩემო, — ტკბილად უთხრა პან ლონგინუსმა, — შენ ბოგუნისა გვიამბე და არა სხვებისა.

— ბოგუნისა? ძალიან კარგი, ბოგუნისას გიამბობთ. ის ბოგუნი ფიქრობს ახლა, რომ ჩემზედ უკეთესი და ერთგული მეგობარი იმას აღარაფინა ჰყავს, თუმცა კინალამ მომკლა ჩიგირინში. მართალიც კია, მე ვუვლიდი, თვალს არ ეაშორებდი მას უკან, რაც თავადმა კურცევიჩებმა დასჩხეხეს. მაშინ ვიტყუე და ვუთხარი, რომ პან სქშეტუსკის სამსახური აღარ მინდამეთქი, ყაზახებში ყოფნა მირჩევიან, იმიტომ რომ აქ უფრო მეტს სარგებლობასა ვნახავ-მეთქი; იმანაც აიღო და დაიჯერა. და ან კი როგორ არ უნდა დაეჯერებინა, როდესაც სასიკოცხლოდ გამოვბარუნე? საშინლად შევუყვარდი და, აბა, რაღა თქმა უნდა, უხვად დამაჯილდოვა. იმან რა იცოდა, რომ დაფიცებული ვიყავი, უთუოდ უნდა გადაეუხადო იმისათვის, რაც მე იმან ჩიგირინში დამმართა-მეთქი. თუ არ მოგვალ მაშინ, მხოლოდ იმიტომ, რომ შლიახტიჩისათვის სირცხვილია ლოგინად ჩავარდნილის მტრის მოკვლა....

— ჰო, ჰო! — გააწყვეტინა სიტყვა ვოლოდიევსკიმ. — ეგ ყველაფერი ვიცით, შენ ისა სთქვი, ახლა სადღა იპოვნე?

— ეგა, ბატონო, აი როგორ გახლდათ: როცა ჩვენ იაკორსკებს საქმე გავუჭირეთ (დაგლახაკდებიან სულ, სამათხოვროდ გაუხდებათ ახლა კი საქმე, სხვაფრივ არც შეიძლება), ვსთქვი მაშინ ჩემს გულში: ახლა კი დროა მოენახო ბოგუნნი და გადაეუხადო სამაგიერო ჩემის შეურაცხყოფისათვისა-მეთქი. ყოველივე ეუამბე საიდუმლოდ ჩემს დედ-მამასა, და პაპა-ჩემსა, ხოლო პაპა-ჩემმა, როგორც ქეშმარიტმა რაინდმა, ასე მითხრა: „თუ ფიცი დაგიდვია, მაშ წადი, წაუსვლელობა სისულელე იქნება“. მეც ავდექი და წავედი. ამას გარდა იმასაც ვფიქრობდი, რაკი ბოგუნს მოენახავ, პანანას ამბავსაც გავიგებ რასმე-მეთქი, ხოლო მერე, როცა ჩავაძაღლებ იმასა და დავბრუნდები ჩემს ბატონთან კარგის ამბითა, უსაჩუქროდ არ დამტოვებს ისიცა-მეთქი.

— დილაც, არ დაგტოვებს! ჩვენც დაგასაჩუქრებთ, — სთქვა ვოლოდიევსკიმ.

— მე ცხენს გაჩუქებ, ჩემო, შეკმაზულსა, — დასძინა პანლონგინუსმა.

— დიდად გმადლობთ, უპასუხა გახარებულმა პაქმა. — სამართლიანობაც ეგ არის, რომ კარგის მახარობლობისათვის კაცი დააჯილდოვონ, ხოლო მე არას გავაბნევე, ოლონდ კი ხელში ჩამივარდეს რამე...

— ვაიპ, ეშმაკებმა წაგიღონ შენა, კარგი შენ არა ხარ, ჰო და აგრე! — წაიტუტუნა ზაგლობამ.

— მაშ, ადექი და წახვედი შინიდანა, პა?.. გაახსენა ვოლოდიევსკიმ, საიდანაც უნდა განეგრძო ლაპარაკი ქენძიანს.

— დიდად, ავდექი და წავედი, — განაგრძო ქენძიანმა: — დავფიქრობ: სად წავიდე? მოდი ზბარაჟს წავიდე-მეთქი? იმიტომ რომ იქიდან ბოგუნიც შორს არ იქნება და პან სქშეტუსკის ამბავსაც მალე გავიგებ რასმე-მეთქი. მოვდივარ, ჩემო ბატონებო, მოვდივარ ბიალასა და ვლადავისაკენ, — ისეთია ჩემი ცხენი, რომ ფეხებს ძლივს-ღა მიათრევს, — და ერთ ალაგას ჩამოვხდები ლამის გასათევად. იქ კი ბაზრობა იყო, ბაკები სულ გაქედილია თავად-აზნაურითა, მივმართე მოქალაქეთა, — იქაც თავ-

ვად-აზნაურნი არიან! ამ დროს ერთი ურია მეუბნევა, მე მაქვს ოთახი, მაგრამ ერთმა დაჭრილმა შლიახტიჩმა დაიჭირაო.—ძალიან კარგი-მეთქი, მე ავადმყოფის მოვლა კარგად ვიცი, ხოლო თქვენს დალაქს იმდენი საქმე ექმნება, რომ, მგონია, თავის მოსაფხანადაც არა სცალიან-მეთქი. ურიამ მითხრა კიდევ, რომ შლიახტიჩი თვითონ შეიხვევს ხოლმე წყლულსა და არავის ნახვას არა ნდომობსო და მერე წავიდა, რომ ეკითხნა იმისათვისაც. ალბად, უარესად შეიქნა, რომ უბრძანა თურმე, შც-მოიყვანე ვგ ვილაც არისო. შევდივართ, ვუყურებ, ენახო ერთი, ვინა წევს ამ ურიის ლოგინში-მეთქი და ვხედავ კი რომ ბოგუნი არ არის!

— ერთი უყურეთ და!— შეჰყვირა ზაგლობამ.

— მე პირჯვარი გადავიწერე: სახელითა მამისათა და ძისათა და სულისა წმინდისათა-მეთქი! შემეშინდა კიდევცა. იმან მაშინვე მიცნო. გაეხარდა ძალიან (იმას ხომ მეგობრად მივაჩნივარ) და მეუბნევა: „სწორედ თვით ღმერთი მიგზავნის შენს თავს! ახლა აღარ მოგკვდები“. მე ვეუბნევი: „აქ რას აკეთებთ“! იმან ტუჩებზედ თითი მიიღო და მხოლოდ შემდეგ მიამბო თავისი თავ-გადასავალი, ხმელნიცკიმ როგორ გამგზავნა ზამოსტიედან მეფესთან და პან პარუჩიკმა ვოლოდიეცკიმ როგორ დანჩეხა ლიბოვკაშიო.

— კეთილის სიტყვით არ მომიხსენია?—ჰკითხა ჩაგვერა რაინდმა.

— არც თუ ავად მოუხსენებხართ. „მე ჯერ მეგონაო,— მითხრა—რომ ეს კაცი ბავშვს უფრო ჰგავსო, მეგონა ლეკვია, მაგრამ დიდი გმირი კი აღმოჩნდაო და კინალამ შუაზედ არ გამწყვიტა ხმლის ერთის შემოკერიითაო“. აი მხოლოდ პან ზაგლობას რომ გაიხსენებდა, წინანდელზედ მეტად აკრაქუნებდა კბილებსა, იმიტომ რომ თქვენ შეგეგუულიანებიანთ ეს რაინდი ხმალში გასასვლელად...

— ჯანდაბას იმისი თავი! მე ახლა იმისი აღარ მეშინიან!— უბასუხა ზაგლობამ.

— დავიწყეთ კვლავ მეგობრულად ცხოვრება, — განაცხადო ენძიანმა, — უფრო მეტადაც დავმეგობრდეთ, და მოჰყვა და მიამბო ყოველივე: როგორ დაფუხედ-და ეკიდა ჩემი სიცოცხლეო, როგორ წამიყვანეს იაშპოლის, რადგან შლიახტიჩი ვევონეთო, ხოლო მე პან გულენიჩი დავირქეი, პოდოლიიდან მოსულიო, როგორ მომარჩინეს, როგორ მივლიდნენ და რა მადლობელი-ცა ვარ იმათიო.

— ვლადავში რაღას აკეთებდა?

— ეოლინს უნდოდა გადასულიყო; მაგრამ პარჩეეს მისმა წყლულმა პირი თურმე ჰქმნა (ურემი გადაუბრუნდათ და იმიტომ) და იძულებული იყო, იქ გაჩერებულიყო, თუმცა ეშინოდა, აქ არავინ მიცნოსო. თვითონ მიამბო ესე ყოველივე. „მეო, წერილები გამატანეს და ისე გამგზავნეს, ხოლო ახლა თან არავითარი მოწმობა არა მაქვს, მხოლოდ ერთი პერნაჩი მიგდია, და თუ მიცნეს, ვინცა ვარ, არა თუ თავაღ-აზნაურნი მომკლავენ, პირველივე უფროსი ციხისა ისე ჩამომარჩობს, რომ არავის ნება-რთვას არ მოსთხოვს“. მეც დავეთანხმე და ვიტვირთე მისი მოვლა. მადლობა გადამიხადა და დამპირდა, ჯეროვნად დავასაჩუქრებო. „ეხლა ფული არა მაქვსო, მაგრამ სამაგიეროდ, რაც ძვირფასეული რამ მაქვს, სულ შენ მოგცემ, ხოლო მერე ოქროთი გაგავსებ, ოღონდ ერთი სამსახური კიდევ გამიწიეო“.

— ოჰო, ახლა კი ვგონებ, კნიაჟნას ამბავი იწყება? — სთქვა ზაგლობამ.

— სწორედ აგრე გახლავთ, ბატონებო; ყოველივე დალაგებითა და რიგით უნდა მოგახსენოთ. იმან რომ სთქვა, ფული არა მაქვსო, მე სულ გავუგულგრილდი და ვამბობ გულში: „მოიცა მაშა და მე შენ გაჩვენებ შენ სეირს! კარგა მოგივლი-მეთქი!“ ის მეუბნევა: „ავადა ვარ, ძალ-ღონე სულ გამომელია, გზა კი გრძელი და საშიში მაქვს სავალი, როცა მოვრჩები, თუ ვოლინამდე მოვალწიე, ეგ აქედან შორს არ არის და მაშინ ჩვენებ შორის ვიქნები, მაგრამ შემდეგ, დნესტრისაკენ, ვერ წაყალ, ველარ შევძლებ. იქ სულ მტრის ქვე-

ყანაში უნდა ვიარო, ციხე-დარბაზებსა და ჯარებს ახლოს; შენ წადი ჩემ მაგიერ“. მე ვეკითხები: სადა-მეთქი? — „რაშკოვს ახლოსაო; ის ქალი იქა მყავს დამალული, დონეცის დასთან, გორპინასას, აი გრძნეული რომ არისო“. ვეკითხები: კნიაჟნა-მეთქი? — „ჰო, კნიაჟნაო, — ისეთს ალაგას დავმაღლე, საცა ადამიანის თვალი ვერ იხილავს. იქ კარგად არის; როგორც კნეინა ვისნევეცკისა, ისეა ბატონივით და სულ ფარჩა-ატლასის ლოგინი უშლია“.

— ერთი ჩქარა სთქვი, მამა გიცხონდება და! — შეჰყვირა ზაგლობამ.

— შორს მოუარე და შინ მშვიდობით მიდიო, — აღუშფოთველად წარმოსთქვა ენძიანმა. — ეს რომ გავიგონე, ისე გამეხარდა... მხოლოდ თავი ისე დავიჭირე, ვითომც აქ არაფერი-მეთქი და ვეუბნევი: „ნამდვილად კი იქ არის? მაშ, ალბად, დიდი ხანია, რაც იქ უნდა იყოს, თუ თქვენ თვითონ წაგიყვანიათ-მეთქი?“ დაიწყა ფიცი, რომ გორპინა ჩემი ერთგული ძაღლია, თუნდა ათს წელიწადს უყარაულებსო, რომ კნიაჟნა იქ არისო, იმიტომ იქ ვერც ლიახები მივლენ, ვერც თათრები და ვერც ყაზახებიო, ხოლო გორპინა ჩემს ბრძანებას არ გადავიდოდაო.

ენძიანის ლაპარაკის დროს ზაგლობა ისე ცახცახებდა, თითქო აციებსო, კურკა რაინდი სიხარულით თავს უქნედა, ხოლო პან პოდბიპენტა წამ და უწუმ ზე აპყრობდა თვალებსა.

— რომ ის ქალი იქ არის, ეს ნამდვილია, — განაგრძო პანმა: — ამისი უკეთესი საბუთია ის, რაც ბოგუნმა მე მომანდო: უცებ მოვედი გონსა და ვეკითხები: „მერე რისთვის უნდა წავიდე იქა-მეთქი?“ — „იმიტომ რომ მე არ შემიძლიან წასვლაო. ვალადავიდან თუ ვოლინს ცოცხალი მივედი, იქ ვუბრძანებ, რომ კიევს გადამიყვანონ, იქ უკვე სულ ჩვენები არიან, ყაზახებმა გაიმარჯვეს, ხოლო შენაო, წადი და უბრძანე გორპინას, რომ ის ქალი კიევს წამოიყვანოს, ყოვლად-წმინდა ქალწულის მონასტერშიო“.

— ჰნახე! თითქო ნიკოლოზ კეთილისაშიო!— შეჰყვირა ზაგლოზამ. — მე მაშინათვე ვსთქვი, რომ ერდღიჩი ან გიეია, ან იტყუა-მეთქი.

— ყოვლად-წმინდა ქალწულის მონასტერშიო! — განაგრძო ენძიანმა. — „მეო მოგცემ ბექედსა, პერნაჩსა და დანასაო, ხოლო გორპინამ იცის, ყოველივე ესე რასაც ჰნიშნავსო, ასე გვაქვს პირობა დადებული. მით უფრო მიხარიან შენი იქ წასვლა, რომ გორპინა გიცნობს შენა, იცის, რომ შენა ხარ ჩემი უკეთესი მეგობარი. წადი ეხლავე, ყაზახებისა ნუ გეშინიან, მხოლოდ თათრებს უფროთხილდი, ისინი პერნაჩს ზედაც არ დაჰხედავენ. ფული, ოქრო-ვერცხლი იქ არის ჩაფლული, ხევში; ამოიღე ისიცა. გზა-გზა სულ ამას იტყოდე: ბოგუნის პანნა მოდის-თქო! და იცოდე, არა გაგიქირდება რა. იმ გრძნეულმა-კუდიანმა დედაკაცმა იცის, როგორ მოიქცეს. მხოლოდ შენ წადი კი, წადი, იმიტომ რომ აბა, მე უბედური ვის გაგზავნი სხვას, ვის ვენდობი ამ უცხო ქვეყანაში; მტერით გარემოცული?“ ასე მეხვეწებოდა, ასე სტიროდა; ბოლოს, იმ ავაზაკმა იძანა, მიბრძანა, შემომფიცე, რომ წახვალო. მეც შევფიცე, მხოლოდ გულში კი ვსთქვი: წავალ, მაგრამ ჩემ ბატონთან ერთად კი მეთქი! ძალიან გაეხარდა, მაშინვე მომცა პერნაჩი, ბექედი და დანა და, რაც ძვირფასი რამ ჰქონდა; მეც ყოველივე გამოვართვი, იმიტომ რომ ვსთქვი: ის არა სჯობიან, რომ მე მქონდეს ესე ყოველივე, ვიდრე ამ ავაზაკსა-მეთქი! გამოთხოვებისას მიაშბო, რომელი ხეია ის ხევი ვალანდინკას ზემოდ, როგორ უნდა იაროეო და ისე მიაშბო, რომ თვალეზახვეული გავიგნებ გზას. თორემ აი თქვენ თვითონა ჰნახავთ, იმიტომ რომ, მგონია, ჩვენ ეხლავე წავალთ, დაუყოვნებლივ.

— ხვალ დილითვე! — სთქვა ვოლოდივესკიმ.

— დილამდე რაღას უცადოთ! უთენიავე წავიდეთ. უბრძანეთ, რომ ცხენები შეჰკაზმონ.

სიხარულმა, დიდმა სიხარულმა მოიცვა ყველა იქ მყოფნი.

დაუწყეს კიდევ ენძიანს ხან რის კითხვა და ხან რისა და ისიც ჩვეულებრივის ზოზინით აძლევდა ყველას პასუხს სათითაოდ.

— აი, დასწყევლოს ღმერთმა! — შეჰყვირა ზაგლობამ. — ეს რა მსახური ჰყოლია ჰან სქშეტუსკისა. და! ბიჭო და, ხომ სულ ოქროში ჩაგვამს ის კაცი!

— მეც ვგრე მგონია, რომ დაუჯილდოვებელს არ დამტოვებს, თუმცა გულის-წმინდით ვემსახურები ჩემს ბატონს.

— ბოგუნს რაღა დაჰმართე მერე? — ჰკითხა ვოლოდიევსკიმ.

— ოჰ, დიდს ტანჯვაში ვიყავი, მე თქვენ მოვახსენოთ, როცა ავადმყოფი იწვა, ლოგინად ჩავარდნილი და ვერ ვახერხებდი, დანა ჩამეცა იმისათვის მუცელში: იმიტომ რომ ჰან სქშეტუსკი შემჰამდა ასეთის საქციელისათვის, აღარ მატოვებდა. ასეთის უბედურის ბედისა ვარ! აბა, რაღა უნდა მწამებინა? აი, როცა მიაშობო ყოველივე, რაც შეეძლო ვამბნა, როცა მომცა ყოველივე, რის მოტემაც უნდოდა, შოვეყვე და ესაზრობ, რად უნდა იაროს-მეთქი ამისთანა ბოროტმა ადამიანმა ქვეყნადა? ამას ჰანნაც ტყვედა ჰყავს და მეც კინალამ მომკლა ჩიგირინშია-მეთქი. დეე ნულარ იქნება ცოცხალი, დეე ჯალათის კერძი შეიქმნას-მეთქი. აბა, რომ მორჩეს ახლა და დაგვედევნოს უკან ყაზახებიო, რაღა გვეშველება-მეთქი? აღარც ვაცივე, აღარც ვაცხელე, ავდექი და წავედი ჰან რეგოვკისთან, რომელიც ციხის უფროსად არის და ვოლდაეაში სდგას ჯართა. წავედი და მოვახსენე, აქა და აქ ბოგუნია-მეთქი, ყველაზედ მეტად საშიში კაცი მემამოხეთა შორისა-მეთქი. აქამდე აღბად კიდევ ჩამოაღრჩობინა რეგოვსკიმ ის ავაზაკი.

ყენძიანმა კმაყოფილებით გადიხარხარა და შეჰხვდა სხვებს, თითქო ელის, რომ ესენიც მე მომბაძავენო, გარნა ძალიან გაუკვირდა, როცა პასუხად ამის ხარხარისა დუმილი იყო მხოლოდ.

მხოლოდ პატარა ხანს უკან ზაგლობამ წაიბუტბუტა პირველმა: „ყოველივე ეგ სისულელეა!“, მაგრამ სამაგიეროდ ვოლოდიევსკი იჯდა ჩუმად, ხოლო ჰან ლონგინუსი უღვაშს იგრებდა, ენას აწკლავუნებდა და ბოლოს მოუბრუნდა ყენძიანს ამ სიტყვებით:

— შენ, ჩემო კარგო, კარგად არ მოქცეულხარ, ცუდად გინებებია.

— როგორაო? — გაუკვირდა ენძიანს. — მაშ, ის უკეთესი იქმნებოდა, რომ დანა ჩამეტა?

— ეგეც ცუდი იქმნებოდა და ისიც ცუდია, თუმცა მე არ ვიცი, რა უკეთესია, კაცის მკვლელობა, თუ იუდა-გამცემლობა.

— რას მიბრძანებთ? განა იუდამ მემამოხე გასცა ვინმე? ხოლო ის ხომ მტერია მეფისაცა და რესპუბლიკისაცა!

— მართალია, მაგრამ მაინც, ეგ კარგი საქციელი არ მოგიქმედნია. დაიცა, რა სთქვი, ის ციხის უფროსი რა გვარია?

— პან რეგოვსკი. ამბობდნენ, რომ იმისი სახელია იაკუბიო.

— ჰო, ის არის! — სთქვა ჩურჩულით ლიტველმა. — პან ლაშჩის ნათესავი და მტერი პან სქშეტუსკისა.

იმისი ნათქვამი აღარავის გაუკონია, იმიტომ რომ ზაგლობამ დაიწყო ხმა-მალლა:

— ყმაწვილებო, გვიანობისა აღარ არის! ღმერთმა ისე მოაწყო საქმე ამ ყმაწვილის კაცის წყალობით, რომ შეგვიძლიან ყოვლად კარგ გარემოებათა შორის დაეუწყოთ ძებნა კნიაჟნას. მადლობა უზენაესსა! ხვალ უნდა წავიდეთ. თავადი წავიდა აქედან, მაგრამ დაუთხოვენელადაც შეგვიძლიან გავუდგეთ გზასა, იმიტომ რომ დრო აღარა გვრჩება! წავიდეთ სამნივე, ვოლოდივესკი და ენძიანი, შენ კი, პან პოდბიჟენტა, სჯობიან აქ დარჩე, იმიტომ რომ შენი ტანი და გულ-უბრყვილობა გავცემს საღმე.

— არა, ჩემო კარგო, მეც წამოვალ.

— შენ უნდა დარჩე, თუ გინდა, რომ ის ქალი უვნებლად გადავარჩინოთ ხიფათსა. ვისაც ერთხელ უნახევხარ თავის სიცოცხლეში, იმას აღარ დაავიწყდებოდი; მართალია, ფირმანი გვაქვს, მაგრამ შენ ათი ფირმანიც რომ გქონდეს, არას დაგიჯერებენ. შენ არ ახრჩობდი პულინს კრივონოსისას და იმის ბრბოს წინაშე, ხოლო იმისთანა აყლაყულა რომ იყოს

ვინმე ჩვენში, მაშინვე იცნობდნენ. არა, შენთვის შეუძლებელია ჩვენთან წამოსვლა. იქ შენ სამს თავს ვერ იპოვი, ხოლო შენი ბევრს ვერას გვიშეელის. შესაძლოა, სულ ჩაჰფუშო შენა ჩვენი საქმე და ამიტომ ისევ აქ იჯექი.

— ესწუხებარ, მაგრამ რა გაეწყობა, — სთქვა ლიტეელმა.

— სწუხარ თუ არა, არ ვიცი და უნდა დარჩე კი. მოიცა ბუდეების ჩამოსაშლელად წავალთ მაღალ ხეებიდან და, მაშინ შენც წაგიყვანთ, ეხლა კი არ იქნება.

— შენ ისევ მოჰყე შენებურსა!

— მოდი მოგეხვიო: ისე მაქვს გული საესე სიხარულითა, რომ ასე მგონია ჩიტი ვარ-მეთქი, მაგრამ დარჩენით კი მაინც უნდა დარჩე და აი კიდევ რა გითხრა. ამ საქმეს დიდი მნიშვნელობა აქვს: საჭიროა, რომ ჩვენი საიღუმლო ჯარის კაცებმა არ გაიგონ და იმათგან კიდევ ტეტებიმა. სიტყვა, კრინტი არაგისთან არ უნდა დასძრათ.

— არც თავადს ეუთხრათ რამე?

— თავადი აქ არ ბრძანდება.

— ჰან სქშეტუსკის, თუ ვინიცობაა დაბრუნდა?

— იმას უფრო არ უნდა უთხრათ, იმიტომ რომ მაშინვე გამოექანება ჩვენკენ. მოეა დრო, მაშინ გაიხარებს კიდევცა, ხოლო ღმერთმა დაგვიფაროს, და ახალი რამ უბედურება კი რომ მოჰხდეს, შეიძლება კკუაზედ შეიშალოს. რაინდული სიტყვა უნდა მოგვცეთ, ყმაწვილებო, რომ ყოველივე საიღუმლოდ დარჩება ჩვენ შორის.

— მომიცია სიტყვა, — სთქვა პოდბიჰენტამ.

— მოგვიცია, მოგვიცია!

— ხოლო ახლა მადლობა გადავუხადოთ ღმერთსა.

და ზაგლობამ პირველმა დაიჩოქა ხატ-წინა. სხვებმაც იმის მაგალითს მიჰბადეს.

XXII

თავადი მართლა ზამოსტიეს წავიდა რამდენისამე დღის წინაღ სხვა-და-სხვა მოსაზრების მიზეზით და იმედიც არა ჰქონ-

და, რომ ისევ მალე დაბრუნებულიყო უკან. ვოლოდიევსკი, ზაგლობა და ენძიანი გზას გაუდგნენ და ერთი სიტყვა არ წამოსცდენიათ არავისთან. დარჩა ერთად-ერთი კაცი, რომელმაც იცოდა ყოველივე გარემოება საქმისა, მაგრამ ისიც ისე იყო პირ-მოკუშული, თითქო შელოცვილიაო.

ვერშული და სხვა აფიცრები, რომელთაც იცოდნენ კნიაენას სიკვდილი, რა ფიქრს მოვიდოდნენ, რომ პატარა რაინდისა და ზაგლობას წასვლას რაიმე კავშირი ექმნებოდა საცოდავ სქშეტუსკის დანიშნულის ბედთან და ჰგონებდნენ, რომ მათის წასვლის მიზეზი უფრო თვით სქშეტუსკი უნდა იყოსო, მით უფრო რომ ენძიანი, მისი პაეი, იმ რაინდებს ეახლა თანა. რაინდნი ვაემართნენ პირდაპირ ხლებანოვკას და იქ დაიწყეს მზადება შორს გზას სასიარულოდ.

უპირველეს ყოვლისა ზაგლობამ იყიდა იმ ფულით, რომელიც პან ლონგინუსს გამოართვა სესხად, ხუთი ლონიერი პოდლოლიური ცხენი, ისეთი მაგარი ცხენები, რომ შესძლებოდათ შორს მანძილზედ სიარულის ატანა. ამ ჯიშის ცხენი შეიძლებოდა მთელს დღეს ექვენებინა პატრონს და ისე ედევნა თათრებისათვის; სიფიცხით თათრების ცხენს გადააჭარბებდა, ხოლო გაჭირებას ბევრად უფრო მეტს აიტანდა, ვიდრე თათრების ცხენს შეუძლიან აიტანოს; ხუთი ამისთანა მაჭენებელი ცხენი იყიდა ზაგლობამ; ამას გარდა, თავისათვის, თავის ამხანაგებისათვისა და კნიაენასათვის იყიდა მშენიერი ყაზახური ჩასაცმელ-დასახური; ენძიანი შეუდგა ცხენების დასაპალნების საქმეს და მათთვის ფაღნების მოზადებას. როცა ყოველივე მზად იყო, ჩვენი ნაცნობნი მეგობარნი—რაინდნი გაუდგნენ შორს გზას, ხოლო წასვლამდე ახსენეს ღმერთი და თავნი თვისნი შეავედრეს წმ. ნიკოლოზს, გასათხოვარ ქალთა მფარველსა.

ასე ტანისამოს-გამოცვლილთ კაცი ადვილად დასახავდა ყაზახთა ატამანებად და, მართლაც, ხშირად შეაყენებდნენ ხოლმე ჩვენს მგზავრებს პოლონელთა რაზმნი; მაგრამ პან-ზაგლობა მალე დაუბნევდა ხოლმე იმათ გზა-კვალსა. დიდ ხანს

მოუხდათ სიარული ასეთ დამშვიდებულს მხარეში; ყველგან ბანაკად იდგნენ ჯარები მხედართ-მთავრის ლიანცკარონსკისა, რომელიც ნელ-ნელა უხსლოედებოდა ბარს, რომ თვალი არ მოეშორებინა იმ ყაზახთა ბრბოსათვის, რომელნიც იმ ადგილებში იკრიბებოდნენ აქა-იქა. ახლა ყველამ იცოდა, რომ სამშვიდობო მოლაპარაკებას არაეითარი ნაყოფი არ მოჰყვა, რომ ომი თავს დასტრიალებდა ქვეყანას და მხოლოდ უმთავრესნი ჯარნი ჯერ არ გასულიყვნენ მინდვრად სალაშქროდა. პერეიასლავს დროებით შეკრულს ზავს სულთ-მოფენობას გაუთავდა ედა; სათარეშო ომი თითქმის არსად არა სცხრებოდა, ხოლო ახლა უფრო გაძლიერდა და მტერნი მხოლოდ ნიშანს-ლა ელოდნენ. ხოლო ამასობაში გაზაფხულმა ააყვავა მინდორ-ველი. ცხენის ნალითა და ჩლიქებით დათხრილი მიწა მოიფინა ყვავილითა და ბალახით, რომელიც ამოსულიყო დახოცილ მეომართა სისხლით გაპოხიერებულ ადგილებში. საცა ომი და ბრძოლა აყო, იქ მხიარულად ჰყროპინებდნენ და ცის ლაჟვარდში დანავარდობდნენ ტოროლანი, ბორცვებზედ იფინებოდნენ გუნდნი ფრინველთა, წყალი ოქროს ფრად ბჰყვრიალებდა მცირედის სიოს მობერვით, ხოლო ღამე ბაყაყნი მხიარულად ეხმაურებოდნენ ერთმანეთს.

კაცს ეგონებოდა, ბუნებას თვითვე უნდა განკურნება წყლულთა, დაამება ტკივილისა, მიფანიერება საფლავთა ყვავილებითაო. კაშკაში გაჰქონდა ცასა და დედა-მიწას, იყო სიგრილე, მხიარულება; მთლად მინდორი ფარჩასავითა ბრწყინავდა, ანუ ისე სჭრიდა კაცს თვალსა, თითქო დიდებულის მთავრის სარტყელიო, ის სარტყელი, რომელზედაც ხელოვანს მარჯვენას მოუქარგავს საოცარი სახეებიო.

მინდორი სავსეა ფრინველებით და დაჰქრის ზედ ლალი ქარი, რომელიც აშრობს წყლებს და შავგვრემანს ფერსა სდებს აღამიანის სახეს.

მაშინ ჰხარობს ყოველი სულდგმული და გულსა კაცისა-სა ავსებს იმედი და სასიება უსამზღვრო; ასევე ჰხარობდნენ და იმედოვნებდნენ ჩვენი რაინდებიცა. პან ვოლოდიევიცკი და-

უცხოობლად ამბობდა სიმღერას-სიმღერაზედ, პან ზაგლობა იზ-
მორებოდა და მზის თბილ სხივებს უფიცებდა ზურგს, ხოლო
ერთხელ, როცა კარგად დააცხუნა მზემ, უთხრა პატარა რა-
ინდს:

— რა კარგია... სწორედ გიჯხრა, ორ-ნახალ თაფლისა
და უნგარულ ღვინის შემდეგ მოხუცის ძვლებისთვის მზეზედ
უკეთესი აღარა იქნება-რა.

— ყველასთვის კარგია. შეჭხედე, აგერა პირუტყვისა, ისიც
კი ჰხარობს.

— ჩვენი ბელი, რომ ასეთს დროს მივდივართ კნიაჟნას
წამოსაყვანად, თორემ ზამთარში, მერე თუ ყინვებიც იქმნე-
ბოდა, გაგვიძნელდებოდა მისი გამოტაცება.

— ერთი გამოვიტაცოთ კი და მერე, ეს უღვაშები აღა-
რა მსხმია, თუ მე ის წამართვას-ლა ვინმე.

— უნდა გითხრა, პან მიხალ, ერთი რამ მაშინებს მე, სა-
ხელდობრ, ისა, რომ თათრები არ დაგვესხან აქ სადმე თავსა,
თორემ ყაზახებს კი პასუხს გაეცემთ, როგორც იქნება. შეჰნი-
შნე, რომ სოფლელნი ისე გვეკიდებიან, როგორც უფროსებსა,
ხოლო იმიერ-ჭორომელნი პატივსა სცემენ ფირმანსა, ამასთან
ბოგუნის სახელიც მცირე მფარველობას არ გაგვიწევს. ბევრს
რასმე მოვახერხებდი, მაგრამ არ მინდა იმათი ქითაბი ვიწამო.
ამიტომ გავანებე თავი ყველაფერსა; მით უმეტეს, რომ კინა-
ლამ მოწამებრივის სიკვდილით არ აღვსრულდი, რადგან იმა-
თის უფროსის მღვდლისათვის ჭეშმარიტი სარწმუნოება მინ-
დოდა ჩამეგონებინა.

— თითქო ოდესმე ამბობდი, რომ ეგ ამბავი გალატში
მოჰხდაო.

— გალატში ერთი საქმე მოჰხდა და ყირიმში მეორე შე-
ემებოხვა. თუ გგონია, რომ დედა-მიწა გალატში თავდება, ძა-
ლიანი შემტდარი ხარ. ბელიალის ძენი უფრო ბევრნი არიან
ამ ქვეყნად. ვიდრე ქრისტიანენი.

აქ ეენძიანი ჩაერია ლაპარაკში.

— თათრები. კიდეც არაფერი, — სთქვა მან, — მაგრამ აი ბო-
გუნმა მითხრა, რომ ამ ხეობას ეშმაკები და ქაჯები ჰდარაჯო-
ბენო. თვით ის ბუმბერაზი დედა-კაცი, რომელიც კნიაჟნას უფ-
ლის, შესაძლოა ეშმაკებთან არის კული-კუდს გადაბმული. ვინ
იცის, იქნება იმათ წინდაწინვე შეატყობინეს კიდეც იმ დედა-
კაცს ჩვენი განზრახვა. მართალია, მე მაქვს მოჯადოებული
ტყვია და თუ არ ამ ტყვით, სხვით ის არ მოიკვლის, მაგრამ
იქ დაბუდებულია კიდეც მრავალი მავნე სული და ისინი თურ-
მე ჰყარაულობენ ხეობის კარს. ეს კი თქვენი საქმეა, რომ ავი
არა წამეკიდოს-რა, თორემ მშვიდობით მაშინ ჩემო ჯილდო-
საჩუქარო.

— ჰაი, შე ნაცარქექია, შენა! — უთხრა პან ზაგლობამ. —
ეგ არი, ჩვენ იმის მეტი. საქმე აღარა გვაქვს-რა, რომ შენის
ჯანმრთელობისათვის ვიზრუნოთ. იქნება, ეშმაკმა კისერი არ
მოგიგრისოს, და თუმცა მოგიგრისა, დიდი არაფერია; სულ
ერთია, მაინც ჯოჯოხეთში შეხვალ, ისეთი ხარბი და ანგარი ხარ.
მე კაი მოქლესილი გახლავარ, ადვილად ვერაფერ მომატყუებს,
ხოლო შენ ეს იცოდე, რომ თუ გორბინა ჯადოქარია, მე უა-
რესი ჯადოქარი და გრძნეული ვარ, იმიტომ რომ სპარსეთში
მისწავლია მოგე-მისნობა და ჯადოქართა-მეტყველება. ის დე-
დაკაცი ქაჯებს ემსახურება, ხოლო ქაჯები ჩემი ყმები არიან.
რომ მინდოდეს, თუნდა სულ წყალს ვაზიდვინებ ვირებივითა,
მაგრამ არ მინდა იმათი გადაკიდება, მე ჩემი სული მირჩევიან
ყველასა.

— სულის ცხონება დიდი საქმეა, გარნა ამ შემთხვევაში,
იმედია, გამოიჩენთ, თქვენს ძალ-ღონესა. ყოველთვის ისა სჯო-
ბიან, რაც კაცი უფრო უშიშარი და უზრუნველ-ყოფილი იქნება.

— მე კი უფრო ჩვენის საქმის სიმართლე და ღვთის შე-
წევნა მწამს, — სთქვა ვოლოდიევსკიმ. — დეე გორბინასა და ბო-
გუნს ეშმაკები სდარაჯობდნენ, — ჩვენთან არიან ანგელოზნი
ცისანი, რომელთაც ვერც ერთი რაზმი ჯოჯოხეთისა ვერას
დააკლებს. აღმითქვამს წმინდა მთავარ-ანგელოზის მიქელისა-
თვის შვიდი სანთელი თეთრის კოშტისა.

— ერთს კიდევ მე დაუშობათ, — სთქვა ენძიანმა, — რომ პან ზაგლობა ჯოჯოხეთით არ მაშინებდეს.

— მე პირველი გატუსციებ იქ თავსა, — სთქვა შლიახტიჩმა, — თუ აღმოჩნდება, რომ კარგად არ იცი აქაური ადგილები.

— როგორ თუ არ ვიცი? ვალადინკამდე კი მივიდეთ ერთი და მერე თვალ-ახვეულის გაგვიძვებით წინა. უნდა ვიაროთ ნაპირ-ნაპირ დნესტრისაკენ, ხოლო იარი მაშინ ხელ-მარჯვნივ იქნება. პირველ შეხედვაზედ ისე მეჩვენება, მითომ იქ შესვლა შეუძლებელიაო, მაგრამ კლდეში არის ნაპრალი და იმ ნაპრალში ორი ცხენი გაივლის თურმე ერთად. შევალთ თუ არა იქ, იქიდან მერე ველარაინ გამოვა უჩვენოდ: იმიდან ეგ ერთი გამოსავალია და გარშემო კი ისეთი მაღალი კლდეებია, რომ ფრინველის მეტი ვერა გადაფრინდება-რა. ის ჯადოქარი დედაკაცი ჰხოცავს ხალხს, ვინც ნებადაურთველად იქ შევა და ცოტა ხალხიც თურმე არ დაღუპულა. მაგრამ ბოგუნმა მითხრა, რომ ამას ყურადღება არ უნდა მიაქციო, არამედ მიდიოდე წინ და იძახო: ბოგუნ! ბოგუნოვო! მაშინ აღერსია თურმე მიგვიღებს. გორპინას გარდა იქა სცხოვრობს კიდევ ჩერემისი, კარგი მსროლელი თოფისა. ორივენი უნდა დავხოცოთ.

— ჩერემისი კი, ვსთქვათ, საჭიროა, მოვკლათ, ხოლო დედაკაცი საკმაო შევკრათ.

— ძალიან კი დაგნებდათ, დიად! ისეთი ღონიერია თურმე, რამ ჯაჭვის პერანგს ისე ჰხვეს, თითქო ჩითიაო და ნაღებს ამტვრევს. ამას მხოლოდ ერთი პან პოდბიპენტა თუ დასძლევს, თორემ ჩვენ ვერა. მაგრამ ეგ მე მომანდეთ. მე მაქვს ნაკურთხი ტყვია. დეე, იმ ქაჯის აღსასრული დღე დადგეს, თორემ გამოგვეკიდება უკან, ქორივითა და, არა თუ პანნას ვერ მოვიყვანთ მშვიდობით ბინამდე, არამედ ჩვენ თვითონაც დავიღუპებით.

ამისთანა ლაპარაკში მიდიოდა დრო ჩვენის მგზავრებისა, რომელნიც აჩქარებით მიდიოდნენ იარმოდინეცისაკენ, ხოლო იქიდან უნდა შეეხვიათ იამპოლის კერძოდ. ხან და ხან ღამეს

კის ქვეშ ათევენენ მინდვრად და, აბა, მაშინ მოჰყვებოდა ხოლმე პან ზაგლობა თავის თავგადასაფალს, ისეთს ამბებს, რომელიც მართლა გადაჰხლოდა და ისეთსაც, რომელიც მტკნარი ტყუილი იყო და არასოდეს არ მომხდარიყო. ეს კია, რომ უფრო ბევრსა ლაპარაკობდნენ კნიაჟნას ამბავსა, იმის განთავისუფლებისასა ტყვეობიდან იმ ჯადოქარ დედა-კაცის სამფლობელო ხეობაში.

აგერ დაიწყო ყაზახთა ქვეყანაც, სადაც ერთი ლიხიცი აღარ იყო ქაქანებად; ვინც არ გაქცეულიყო და ამ ღონისძიებით არა გადაერჩინა თავი, ყველანი ამოჰყლიტეს. გავიდა მისი და დაიწყო სიცხე-პაპანაქება იენისისა; ჩვენს მგზავრებს კი ჯერ მესამედი გზა ძლივსა ჰქონდათ გავლილი. ბედი კიდევ, რომ ყაზახებისა არავითარი შიში არ იყო. გლებკაცთა ბრბო ხომ სულ ვერას დააკლებდა ჩვენს მგზავრებს, რომელთაც ისე ეგებებოდნენ, როგორც უფროსებსა და ბატონებს. ათასში ერთხელ კი დაუწყებდნენ ხოლმე გამოკითხვას, ვინა ხართ, და მაშინ პან ზაგლობა, თუ გამომკითხველი ქვემოური იყო სეჩიდან, ბოგუნის ფირმანს აჩვენებდა ხოლმე, ხოლო უბრალო ტეტიას ფეხსა ჰკრავდა ხოლმე გულში ხმა-ამოუღებლივ და გაშხლართავდა ძირს. ამის დანახვაზედ სხვები მაშინვე ჩამოეცლებოდნენ გზიდან და ჰგონებდნენ, რომ მგზავრნი არა თუ ჩვენები არიან, არამედ უთუოდ ვინმე დამსახურებულნიც უნდა იყვნენ, თუ ჩვენს გალახვასაც კი ჰბედავენო. მიქნება კრივანოსია, ბურლაი, ან იქნება თვით ბატონი-მამა ხმელნიცკიო“.

პან ზაგლობას ძალიან სწყინდა, რომ ბოგუნს დიდი სახელი ჰქონდა გავარდნილი; ქვემოურებმა თავი მოაწყინეს ატამანის ამბის გამოკითხვითა; მერე ამ გამოკითხვას დასასრული აღარ ეძლეოდა ხოლმე: კარგად არის, ცოცხალიაო, რადვან იმის სიკვდილის ამბავს ეგორლიკამდე და ქორომებამდე მიედწია. ხოლო როცა მგზავრნი ეუბნებოდნენ, რომ ბოგუნი კარგად არის, თავისუფლად იმყოფება, ხოლო ჩვენ იმისი გამოგზავნილები ვართო, ყაზახებმა აღარ იცოდნენ, როგორ ესია-

მოვნებიანთ მათთვის, უხსნიდნენ არამც თუ თავიანთ გულს, არამედ თავიანთ ქისასაც კი, რაც უყურადღებოდ არ დასტოვა პან სქშეტუსკის პაემა და საკმაოდაც გამოიყენა ასეთი გულუხვი მასპინძლობა ყაზახთა.

იამპოლში ჩვენს მგზავრებს დაუხვდა მოხუცებული და ქებული პოლკოვნიკი ბურლაი, რომელიც აქ ელოდა თათრებს იმიერ-ქოროშელებითა და მდაბიო ხალხითურთ. ოდესმე ეს კაცი თურმე ასწავლიდა ბოგუნს „სამამაცო ზნეს“, დადიოდა მასთან ერთად შავს ზღვაზედ სალაშქროდ (ერთს ამისთანა ლაშქრობაში გასცარცვეს სინოპი), უყვარდა შვილივით, და ამიტომ ალერსით მიიღო მისი გამოგზავნილი კაცები, რომელთა ვინაობაზედ ერთი ბეწვი ექვიც არ დაჰბადებია, მით უმეტეს, რომ ჯერ ისევ შარშანა ჰყავდა ნახული ჟენძიანი ბოგუნთან. კიდევ უფრო მეტი მოიქმედა: რაკი გაიგო, რომ ბოგუნი ცოცხალია და ვოლინისაკენ აპირობს წამოსვლასაო, დიდი ნადიმი გაუმართა და სიხარულით თვითონაც ძალიან გადაჰკრა თავის სტუმრებთან ერთადა.

პან ზაგლობას ეშინოდა, ამ ჟენძიანმა, რაკი გამოითვრება, არა წამოჰროშოს-რაო, მაგრამ იმისი შიში ტყუილი გამოდგა. მოხერხებული პაეი სტყუოდა ისე, რომ არა წიჯღლდებოდა და თან ტყუილში ცოტა-ცოტა მართალსაც ურევდა; ამის გამო მთლად იმის ნალაპარაკვესაც სიმართლის ელფერი ედებოდა. ჩვენს რაინდებს მაინც ძალიან ეხამუშემოდათ ისეთი ლაპარაკი, რომელშიაც მათი სახელები იხსენიებოდა წამ და უწუმ.

— გავიგონეთო, — სთქვა ბურლაიმ, — რომ ბოგუნი დაქრილ იქმნა ხმალში გასვლის დროსაო. თქვენ ხომ არ იცით, ვინ დასკრაო?

— ვოლოდივესკიმ, თავად ერემიას აფიცერმა, — გულ-დამშვიდებით უპასუხა ჟენძიანმა.

— ვაიჰ, ჩამივარდებოდა მე ის ხელში, ვაჩვენებდი მე იმას სეირსა! კარგად გადაუვხდიდი სამაგიეროს. სულ ცოცხალს გადპრობდი ტყავსა!

პან ვოლოდიევსკიმ მიიგრის-მოიგრისა თავისი ქერეკა ულვაშები და ისეთ ნაირად შეჰხედა ბურღაის, როგორც ძაღლმა შეჰხედოს მგელს, როცა არ შეუძლიან სწედეს ყელში, ხოლო ენძიანმა, თითქო უფრო ძლიერ უნდა იმისი გაბოროტებაო, დაუმატა კიდევ:

— მეც მაგიტომ გითხარი, პან პოლკოვნიკო იმისი გვარი, მაშა?

— „ეს ბიჭი ძალიან კაცი დადგება თავის დროზედ“, — სთქვა გულში ზაგლობამ.

— მაგრამ იმდენად ის არ არის დამნაშავე; თვითონ ბოგუნმა გამოიწვია, თუმცა კი არ იცოდა, ვის ვიწვევო. იქვე იყო მეორე შლიახტიჩი, დიდი მტერი ბოგუნისა! იმ შლიახტიჩმა გასტაცა პირველად კნიაჟნა ბოგუნსა.

— ვინა?

— არის ერთი, ბებერი ლოთი, რომელიც მოჯალაბესავითა ჰყავდა ჩვენს ატამანს ჩიგირინში, ელაქტუცებოდა, ემელია-ევებოდა და თავს ისე უჩვენებდა, ვითომ ერთგული მეგობარი იყო იმისი.

— ჰოი, ის ჩამოსაღრჩობი! არც ასცდება ჩამოხრჩობა! — შეჰყვირა ბურღაიმ.

— მაშე ეს ულვაშები ნუ მსხმია, თუ მე ყურები არ დავაქერი ამ გოქსა, ამას, — წაიტუტუნა ჩუმად ზაგლობამ.

— და ისე დასჩეხა, რომ, იმის ალაგას სხვა ყოფილიყო, ყორნების საკორტნი გაჰხდებოდა, მაგრამ ჩვენს ატამანს მტკიცე სული უდგია; მალე მორჩა ისევა, თუმცა ძლივს მოიყვანეს ელადავამდე! იქაც ცუდს ყოფაში ჩაფარდებოდა, ჩვენ თუ არ შევხვედროდით. ჩვენ გავგზავნეთ იქიდან ვოლინს, ხოლო თვითონ ჩვენ აქეთ გამოგვგზავნა იმ ქალისათვის.

— რა საჭიროა, დაჰლუბავენ საწყალს ეგ შავ-თვალ-წარბანი, — დაიწყო ბუზღუნი ბურღაიმ, — წინადვე ვუწინასწარმეტყველე მე ესა. არა სჯობდა ვითომ რომ ყახახურად წასთამაშებოდა იმ გოგოს, მერე მოება კისერზედ ქვა და გადაეგლო წყალში, როგორც ვიქტეოდით ხოლმე შავს-ზღვაზედა?!

პან ვოლოდივესკიმ ძლივს-ღა შეიკავა თავი: ისე შეურაცხ-
ჰყო ამ სიტყვამ მისი გრძნობა თავაზიანობისა მშვენიერის სქე-
სის მიმართ. ზაგლობამ გაღიხარხარა და სთქვა:

— დიალატ, ეგრე ემჯობინებოდა!

— მაგრამ თქვენ კეთილნი კაცნი ხართ,—განაგრძო ბურ-
ლაიმ,—ვაჭირვებაში როცა გინიხავთ, არ მიგიტოვებიათ, ხო-
ლო შენ, პატარა ბიჭო, (ყენძიანისკენ გაღიქნია მან თავი) შენ
ყველაზედ უკეთესი ხარ; ჯერ ისევ ჩივირინში გნახე და მო-
მეწონა, რომ ისე კარგად უვლიდი ჩვენს მტრედსა. ჰო და,
მაშ, მეც თქვენი კეთილის-მყოფელი ვარ... მითხარით, რაც
გინდოდეთ, ყაზახები თუ ცხენები? ყველაფერს მოგცემთ, რ.იმ
გზაში არა გაგვიკირდეთ-რა.

— ყაზახები არ გვინდა, პან პოლკოვნიკო,—უპასუხა ზა-
გლობამ,—ჩვენ აქ შინაურები ვართ და საჩვენო მიწა-წყალში
მივდივართ, ხოლო თუ ვინიცობაა, ავად მოგვეკიდა ვინმე, ეს
სამნი უფრო ადვილად გაეუმკლავდებით, ვიდრე მაშინ, როცა
მთელი რაზმი გვეყოლება. აი ცხენები თუ გახლავთ, უკეთესე-
ბი... ეგ კარგი იქნება.

— ისეუას ცხენებს მოგცემთ, რომ ვერაფითარი მღვეარი
ვერ დაგეწიოთ.

ყენძიანიც მოჰყვა ახლა, რადგან არ უნდოდა ასეთი მო-
ხერხებული დრო დაეკარგნა:

— ფულიც ცოტა მოგვცა ატამანმა. თითონ იმასაც არა
ჰქონდა, ხოლო ბრატლავს იქით ჩანახი შერია ტალერად ჰღირს.

— მერე რაღას გაჩუმებულობო, ერთი კაცმა გკითხოხ?
წამომყევ თანა!—უბრძანა ბურლაიმ.

ყენძიანმა მეორედ აღარ ათქმევინა ეს სიტყვა და მაშინ-
ნადვე გაჰყვა უკან მოხუცს პოლკოვნიკს ტუსტუსითა. როცა
ყაზახი უკან დაბრუნდა, ყენძიანის სახეს ბრწყინვა გაჰქონდა
სიხარულით, ხოლო ლურჯის ჯუბის ჯიბე-უბენი ძალზედ გა-
ტენილი ჰქონდა რალათიცა.

— აბა, წადით და ღმერთმა მშვიდობის მგზავრობა მოგ-
ცეთ,—სთქვა მოხუცმა ყაზახმა,—ხოლო როცა იმ ქალს წამო-

იყვანთ, ჩემთან შემოიარეთ, მეც მინდა თვალი მოვკრა ბოგუნის დანიშნულს.

— ეგ არ შეიძლება, პან პოლკოვნიკო, — თამამად უპასუხა პაემი, — ის პოლონელი ქალი ძალიან მშიშარაა და ერთხელაც დაიჭრა თავი დანითა. გვეშინიან, ავი არა აიტეხოს-რა. ისევე ესა სჯობიან, რომ თვით ატამანი მოუტირდეს იმასა.

— ის კი მოუტირდება, შიში ექმნება იმისი. პოლონელი უკარებია! ვერ უყურებთ, ყაზახი არ მოსწონს! აბა, წადით და მშვიდობით იმგზავრეთ, ახლა შორს აღარა ხართ.

იამპოლიდან ვალადინკაქდე მანძილი სულ აღარა იყო-რა, მაგრამ ჩვენს რაინდებს მთელი დღე მოუწდათ სიარული, იმიტომ რომ იმ დროს ეს ქვეყანა სრულიად გაუდაბურებულიყო და მხოლოდ აქა-იქ სჩანდნენ მოსახლენი. ალიონი ამოდიოდა, როცა ნადიმი გათავდა ბურლაისას, ხოლო პან ზაგლობამ ივარაუდა, რომ საღამომდე მაინც ვერ მივალთ იარამდე და ეს ჩვენთვის ძალიან სახიერო იქნებაო. იმას უნდოდა, ელენე სწორედ ღამე გამოეტაცნა. აქამდე ბედი სწყალობდა ჩვენს მგზავრებს და ზაგლობა, გზაში რომ ბურლაისთან ნადიმს იხსენებდა, ასე მსჯელობდა:

— ერთი დააკვირდით, რა მეგობრობითა სცხოვრობენ ყაზახნი, როგორ ეშველებიან ერთმანეთსა. მზად არიან ერთმანეთის გულისათვის, თუნდა ცეცხლში გადავარდნენ, ისე კი არ იქცევიან, როგორც ჩვენი თავად-აზნაურნი.

— დიდ ხანს ვიცხოვრე მაგათში და ვნახე, — სთქვა პასუხად ჟენძიანმა, — რომ ბურლაის დიდი სახელი აქვს მათ შორის მოხვეჭილი, და თვით ხმელნიცკიც პატივისა სცემს მაგასა.

— შენ კი გეტყობა, სრულიად არაფითარი პატივისცემა არა გაქვს მაგ კაცისა, იმიტომ რომ გასცარცვე სულა და ეგ იყო. ეჰ, ჟენძიანო, ჟენძიანო! შენა რომ შენის სიკვდილით არ მოკვდები, ეგ ნამდვილია!

— ვისაც შუბლზე რა აწერია, ის იქნება. ხოლო მტრის მოტყუება ცოდო არ არის, არამედ დამსახურებაა ღვთის წინაშე.

— მე მაგისტრის კი არ გკიცხავ, — შენი ხარბობა და ანგარება დასაგმობი. საძაგელი გრძნობაა, უღირსი შლიახტიჩისათვის. მაგისტრის შიგ შუა ჯოჯოხეთში გადავიძახებენ, მენდე.

— წმინდა სანთლისათვის ფულს არ დაეზოგავ, თუ კი ვიწოდნი რასმე, რათა ღმერთსაც ცოტა რამ ერგოს. ღმერთი დამლოცავს ამისათვის, ხოლო მშობელნი კეთილად მომიხსენებენ.

— რა ვირი რამ არის, ეს ოჯახ-დასაქცევი! კაცს ეგონება, ოთხსავე ფეხზედ ნალებითაა დაქედლილიო! — შეჭყეირა ზაგლობამ. — მე მეგონა, რომ ჩემთან ერთად ჩავა სათლავში ჩემი ყოვლადი კვდარ-ძალლობა და მოხერხებულებაცა-მეთქი, მაგრამ ვხედავ, რომ ეს პატარა ქაჯი მეც გადამაჭარბებს ვირ-ეშმაკობაში. მაშ, ასეა, რომ ამ წიწილა-ბიჭის ოინბაზობის წყალობით გაევანთაეისუფლებთ ჩვენს კნიაენას ბოგუნის ტყვეობიდან ბოგუნისავე ბრძანებით და ბურღაის ცხენებით. გაგონილა ამისთანა ამბავი? რომ შეჭხედოს კი ვინმე, გაქუტულს გოქსა ჰგაეს და სამს ფარას არავინ მისცემს, მის გაყიდვაზე თუ მივარდება საქმე.

ქენძიანმა კმაყოფილებით გაიღიმა.

— მერე (უღია ეგა, პან ზაგლობა?

— მე ძალიან მომწონს შენი კვდარ-ძალლობა და ეგ სიხარბე რომ არა გპირდეს, მე აგიყვანდი ხელზედ მოსამსახურედ... მაგრამ, ეჰ, დარჩი აგრე: იმის გულისთვის, რომ ეგრე გააცურე ყინულზედ ბურღაი, მიპატივებია შენთვის ჩემი გაბიაბრუება და ლოთად ხსენება.

გავიდა ღამე. აგერ მზემაც კარგად ამოიშალაურა, ახლა ვალადინკაც ახლოა. რაინდნი სულ ახლო იყვნენ იმ აღვილზედ, საცა უნდა მისულიყჯნენ, მაგრამ მოუსვენრობა, ნებაუნებურად, შეეპარათ გულში. ვინ იცის, ცოცხალია ელენე-ლა თუ არა, და თუ ცოცხალია, ვიპოვით იარში? გორპინას შეეძლო წაეყვანა სადმე, დაემალა მიუვალ კლდე-ნაპრალეში, ან და აელო და მოეკლა. დაბრკოლება ჯერ გადალახული არ იყო, საშიშროება ყოველ წუთს იყო კიდევ მოსალოდნელი. ყველა ნიშნები კი ჰქონდათ, რომლის ძალითაც გორპინა შეიწყნარებდა იმათ და ბოგუნის გამოგზავნილ კაცებად დასახავ-

და, იმის სურვილის ამასრულებლად, მაგრამ, ვინ იცის, იქნება ეშმაკმა წინდაწინვე ჩააგონოს იმ ჯაღოქარს დედა-კაცს, ასე საქმეაო.

ყველაზედ მეტად სწუხდა ენძიანა, აგრედვე პან ზაგლობაცა, თუმცა გამოცდილი იყო სპარსულ ჯაღოქრობაში, მაგრამ რომ დაჰფიქრდებოდა, მოუსვენრობა ებადებოდა გულში. აგერ ხეობის შესახვევში დაიწყო ბრწყინვა ანკარა წყალმა და თეთრ-წითელი სახე ენძიანისა უცბად გაფითრდა.

— ვალადინკა! — წაიჩურჩულა მან.

— მივედით? — ისევე ჩუმადა სთქვა ზაგლობამაც. — რა ახლოა!...

— ღმერთო, შენ დაგვიფარე! პან ზაგლობა, დაგეწყო შენი შელოცვა, თორემ ძალიან მეშინიან.

— ფიქრი არ არის! გადავწეროთ პირ-ჯვარი ამ წყალს და შევიდეთ ხეობაში; ეს უფრო გვიშველის.

პან ვოლოდიევსკი უფრო დამშვიდებული იყო სხვებზედ; მან უკრადლებით დაათვალიერა დამბაჩები, ფალიას თოფის წამალი დააყარა და სცადა, ხმალი ხომ თავისუფლად ამოდის ქარქაშიდანაო.

— აი ამ დამბაჩაში ნაკურთხი ტყვია სძევს, — სთქვა ენძიანმა. — სახელითა მამისათა და ძისათა და წმინდისა სულისათა! გავწიოთ წინ!

— გავწიოთ, გავწიოთ!

რამდენივე ნაბიჯი გაიარეს კიდევ და პატარა წყალის ნაპირად კი დაიბადნენ და გასწიეს მის დაყოლებაზედ. პან ვოლოდიევსკიმ ერთის წუთით შეაჩერა თავისი ამხანაგები:

— ენძიანმა აილოს ფირმანი და გაუბას ლაპარაკი ჯაღოქარს დედაკაცსა. ის იცნობს მაგასა; ჩვენი კი, იქნება შეეშინდეს და გაიქცეს სადმე კნიაჟნათი.

— მე პირველი არ წავალ, რაც უნდა დამემართოს, — დაიწყო წინააღმდეგობა ენძიანმა.

— პაი, შე მხდალო! არ წახვალ და ჩვენს უკან იარე.

პან ვოლოდიევსკი გაუდგა პირველი გზას, ამას გაჰყვა ზაგლობა, ხოლო ენძიანი უკან მოექცა მარქათა ცხენებითა.

ცხენების ჩლიქებს ბაკა-ბუკი გაჰქონდა ქვის ფილაქანზედა, გარშემო ყრუ მღუმარება იყო ჩამოვარდნილი, მღუმარება უდაბნოსი, მხოლოდ კუტი კალია, დამალულა კლდის ნაპრალებში, მზუოდა დაუცხრომლად. ცხენოსანნი უკვე მიუახლოვდნენ ერთს მრგვალს ბორცვს, როცა კლდე და ფილაქანი ქვა, ერთმანერთზე ახორავებული, მოაგონებდა კაცს სახლებისა და საეკლესიო ციხეების ნანგრევებს: თითქო ვუშინ აქ ქალაქი ყოფილა, დღეს უკვე დანგრეულია. ენძიანმა ხელი წაატანა ზაგლობას და კალთა ჩამოსწია ტანისამოსისა.

— ეს ქაჯა-ეშმაკების სადგურია, — სთქვა მან. როგორც ბოგუნნი შეუბნევოდა, სწორედ ეს უნდა იყოს. აქ ღამე არავის არ შეუძლიან გაიაროს.

— თუ ფეხით არა, ცხენით მაინც ძნელი გასაველღია, — უპასუხა ზაგლობამ. — ფუ; რა დაწყველილი ქვეყანაა! ჯანაბას! სამაგიეროდ, საჭირო გზას ხომ ვადგევართ.

— ახლა კი შორს აღარ არის.

— მადლობა ღმერთსა, — სთქვა პან ზაგლობამ და ფიქრი მისი კნიაჟნასაკენ წავიდა. გული უცნაურად უცემდა, ხოლო, რომ ჰხედავდა ვალადინკის უსიერს კიდეებს, ამ უდაბნოს და ყრუ ადგილს, თითქო არ სჯეროდა, რომ კნიაჟნა ასე ახლო იყოსო, ის კნიაჟნა, რომლისათვისაც არცა თავსა ჰზოგავდა, არც სიცოცხლესა, ის კნიაჟნა, რომელიც შეუყვარდა სულითა და გულით. ხოლო როცა მოვიდა ამბავი იმის სიკვდილისა, პან ზაგლობამ იგრძნო, რომ ეს არის ჩემს სიცოცხლეს ყოველივე ინტერესი დაეკარგაო. მეორეს მხრით, კაცი მალე ეთვისება, ეჩვევა ყოველსავე, ასე გასინჯეთ, თავის უბედურებასაც კი, ხოლო პან ზაგლობა, დიდი ხანია, მიეჩვია იმ აზრს, რომ ელენე მოტაცებულია, შორს არის, ბოგუნის ხელშია და ახლა ვერა ჰხედავდა ეთქვა თავის თავისათვის: მოახლოვდა დასასრული მწუხარებისა, გათავდა ძებნა, დადგა სასურველი დრო მოსვენებისა და სიხარულისაო. ამას გარდა, ბევრი სხვა აზრიც ეჭირებოდა იმის. გონებას: რას მეტყვის, როცა დამინახავს, ალბად, სულ მღულარებას დააბნევს, იმიტომ რომ ხსნა

მოველინება ასე მოულოდნელად, ასე სასწაულებრივ? »გზანი უფლისანი აუარებელ არიან,—ჰფიქრობდა ზაგლობა.—ღმერთი გადააბამს ისე ყველა რგოლს ქმნილისასა, რომ სათნოება გაიმარჯვებს, ხოლო ბიწიერება დაისჯება. თვით ღმერთმა მისცა ხელში ენძიანი ბოგუნსა, ხოლო შემდეგ გადააქცია მეგობრებად. ღმერთმა ინება ისე, რომ ომმა გამოიხმო ატამანი უდაბნოდან, საცა მგელივით გააქანა მან თვისი ნადავლი. ღმერთმა მოუვლინა მას ბოლოს ეოლოდიევსკი, ხოლო შემდეგ კვლავ შეახვედრა ენძიანს, და ყოველივე მოეწყო ისე, რომ ახლა, როცა ელენემ გადიწყვიტა უკანასკნელი იმედი, არსაიდან აღარ ელის შემწეობასა,—შველა აგერ არის, ახლოს არის! მოედება ბოლო შენს ცრემლებს, საყვარელო ჩემო შვილო,—განაგრძობდა ფიქრს პან ზაგლობა,—და მალე მოგელის შენ სიხარული უზომო. ოჰ, რა რიგად გადაგვიხდის მადლობას, რა რიგად გადიქდობს და გადიჯვარედინებს თავის პაწაწა ხელს ხელზედ“!

როგორც ციცხალი ისე წარმოუდგა ელენე თვალ-წინ პან ზაგლობასა; შლიახტიჩის გული მოუღება და სრულიად შთაინთქა ოცნებაში.

ენახოთ, იგრძნო უცებ, რომ ენძიანსა კალთაში წაავლო ხელი და ეწევა.

— პან ზაგლობა!

— რა დაგემართა? - ჰკითხა შლიახტიჩმა უკმაყოფილოდ.

— დაინახეთ, ეს არის ეხლა მგელმა გადაგვირბინა წინა?

— რაიო მერე?

— მგელი კი იყო, ნამდვილად იცით?

აქ ეოლოდიევსკიმაც შეაყენა თავისი მერანი.

— გზა ხომ არ აგვერია?—იკითხა პატარა რაინდმა.—ღიღი ხანია დროა, მივსულიყავით დანიშნულს ადგილას?

— არა,—უპასუხა ენძიანმა.—ისე მივდივართ, როგორც ბოგუნმა ილაპარაკა. მე კიდევ აი რა მინდოდა მეთქვა თქვენთვის: განსაკუთრებული ყურადღება ჩერემისისკენა გქონდეთ. ის წყეული ძალიან თურმე მარჯვედ ისვრის თოფს.

რამდენიმე ასი ნაბიჯი ძლივზ გაიარეს ჩვენმა ცხენოსნებმა, რომ ცხენებმა ყურები სტკვიტეს და დაიწყეს ფრუტუნო. ისე

აცემინებდა ენძიანს კბილი-კბილსა, თითქო გააცივავო; ასე ეგონა, ეს-ეს არის, კლდის ჩამოწვდილ ცხვირიდან მანე გამოვარდება და დაიწყებს ყმუილსა, ან ურჩხული რამ გამოჩნდებაო, ხოლო მიზეზი კი სულ უბრალო აღმოჩნდა: ცხენებმა გვერდზე გავარეს მგლის ბუნაგს და ამან შეაშინა ასე ენძიანია. გარშემო ღუმილი იყო, მწერი და კალიაც კი აღარ ხმაურობდა; მზემ ძალიან გაღიხარა; ენძიანმა პირჯვარი გაღიწერა და გული დაიმშვიდა.

უცბად ვოლოდიევსკი კელავ შეჩერდა.

— იარსა ვხედავ, — სთქვა მან, — შესაველსაც, რომელსაც კლდე აქვს მიდგმული და კლდეში გამოქვაბულსაცა.

— სახელითა მამისათა და ძისათა და სულისა წმიდისათა! — წაიჩურჩულა ენძიანმა. — ეს არის!

— მომყევით! — დაიძახა ჰან მიხალმა და გააბრუნე ცხენი.

რამდენსამე წუთს შემდეგ გაიარეს ბნელი გვირაბი კლდეში და მათ თვალ-წინ გაღიშალა იარი, საცა მრავლად ჰქონდა გარშემო ხეები შემორიგებული და დავაკებას ისეთი სახე ედო, თითქო ნალსა ჰგავსო.

ენძიანმა შეჰყვირა რაც ძალი და ღონე ჰქონდა:

— ბო-გუნ! ბო-გუნ! ჰაი, ჯადოქარო, აქეთ! აქეთ! ბო-გუნი, ბოგუნი!

შხოლოდ ღუმილი იყო მისი პასუხი. პატი კელავ მოჰყვა ყვირილს:

— ბოგუნი! ბოგუნი!

შორიდან მოისმა ძაღლის ყეფა.

— ბოგუნი! ბოგუნი!

იარის მარცხენა მხარეს, რომელიც გახურებული იყო ჩამავალის მზის მოწითანო სხივებით, აშრიალდა ფოთოლი გარეულის ქლიაეებისა და მალე ზედ კლდის წვეროზედ გამოჩნდა ვიდაც ადამიანი, რომელმაც მიიფარა ხელი თვალეზედ და ყურადღებით დაუწყო თვალეირება ახლად მოსულებსა.

— ეგ გორპინაა! — სთქვა ენძიანმა და მიიღო ხელი პირზედა და დაიყვირა მესამედ:

— ბოგუნი! ბოგუნი!

გორპინა წამოვიდა ქვემოლ და, რაც შეეძლო, უკან აგდებდა კისერს, რომ თანაბარობა დაეცვა დაღმართზედ ჩამოსვლის დროსა. დედა-კაცი სწრაფად მოდიოდა, ხოლო იმის უკან მოგორავდა ვილაც ქონდრის კაცი გრძელის ოსმალურის თოფით ხელში.

ჯადოქარ დედაკაცის ტატყ ფეხებ-ქვეშ იმტვრეოდა ყლორტები, იარის ნაპირად სცვიოდა ხრიალით წვრილი ქვა და ღორღი, ხოლო თვითონ ის, გაშუქებული მზის წითურის სინათლით, მართლა რალაც მუმბერაზის მზგავს სათანტაზიო არსებას ჰგვანდა.

— ვინა ხართ თქვენა? — ჰკითხა მან ომახიანად, როცა ძირს წამოვიდა.

— როგორა ბრძანდები? — ჰკითხა ენძიანმა, რომელსაც, რაკი ხალხი დაინახა, ისევ დაუბრუნდა თავისებური უსიცოცხლობა და დაუდევრობა.

— შენ ბოგუნის მსახური ხარ? გიცნობ, პატარავ!... აისინი, ვინც შენთან ერთად მოვიდნენ?

— ბოგუნის მეგობრები არიან.

— ლამაზი კულიანი კი ყოფილა, აი! — ჩუმად სთქვა პან ვოლოდიევსკიმ.

— რისთვის მოხვედით აქა?

— აჰა, აი ფირმანი, დანა და ბეჭედი... იცი, რასაცა ნიშნავს ესეები?

ბუმბერაზმა დედაკაცმა აიღო ხელში ყველა ეს ნივთი და ყურადღებით დაათვალიერა.

— სწორედ ის ნივთებია! მაშ თქვენ კნიაჟნასათვის მოხვედით?

— დიად, ხომ კარგად ბრძანდება?

— კარგად. რატომ ბოგუნი არ მოვიდა თვითონ?

— დაქრილია.

— დაქრილია? წისქვილის ბორბალზე ემისნობდი და მეც აგრე ვნახე სწორედ.

— თუ ნახე, მაშ, რალას მეკითხები? სტყუი, ვგონებ.

კულიანმა გაიცინა და გამოჰყარა თეთრი კბილები, რომელიც მგლის კბილებს უფრო ჰგვანდა. მერე აიღო და ხელი ჰკრა გვერდში ხუმრობით ენძინსა.

— შერე კნიაჟნას როდის წაიყვანთ?

— ეხლავე, მხოლოდ ცხენებს დავასვენებთ პატარას.

— კარგი, წაიყვანეთ და მეც თქვენთან წამოვალ.

— შენ რაღაღაო?

— ჩემს ძმას სიკვდილი უწერიო. ლიახები მარგილზედ ჩამოაცმენ. მეც წამოვალ თქვენთან.

ყენძიანი წაიხარა წინ უნაგირის ტახტისაკენ, თითქო იმიტომ რომ უფრო მოხერხებით ველაპარაკო კუდიანს დედა-კაცსაო და იმისი ხელი შეეუმჩნეველათ მოხვდა დამბაჩის ჩახმახსა.

— ჩერემისო! ჩერემისო!— დაიძახა მან, რომ ყურადღება მიექცია ამხანაგებრსა იმ ქონდრის კაცზედა.

— რად ეძახი იმასა? იმას ენა აქვს მოქრილი.

— კი არ ვეძახი, მიკვირს იმისი შნო და სილამაზე. შენ მაგას თავს ვერ დაანებებ, ეგ შენი ქმარია.

— ეგ ჩემი ძაღლია.

— იარში თქვენ ორნი ხართ მარტო?

— ორნი ვართ, კნიაჟნა მესამეა.

— კარგი და მაშ შენ მაგას თავს არ დაანებებ?

— აკი გეუბნევი, თქვენთან წამოვალ-მეთქი.

— მე კი გეუბნევი, რომ აქ დარჩები-მეთქი.

პაჟის ხმას ისეთი რაღაც ნიშანი დაეტყო, რამაც აიძულა კუდიანი დედა-კაცი მოუსვენრობით მიბრუნებულყო მისკენ. იმის გულში იბადებოდა ეჭვი და შიში, ხომ არას მატყუებს ეს ლაწირაკიო.

— რას გადასცემ?— ჰკითხა მან.

— აი, რას გადავცემ, — უპასუხა ყენძიანმა და დაახალა დამბაჩა შიგ გულში.

გოარპინამ უკან გაღიწია; თვალები დაჭყეტილი დარჩა და საშინელი ხრიალი დაიწყო. დაიწყო ტორტმანი და ბრავგანი გახვდა ძირსა.

იმავე წუთს პან ზაგლობამ გადაჰკრა ჩერემისს ხმალი თავში ისე ღონიერად, რომ თავის ძვალმა წკრიალი დაიწყო. საზიზღარმა ქონდრის კაცმა ერთხელ არ დაიკვნესა, გოარგალივით მოიკუნტა, თითქო ჰიააო და მტვერში იწკნელებოა. თითები ხელებისა ხან გაეშლებოდა, ხან მოეკუმშებოდა, თითქო ფოცხვერის კლანჭებიოა.

ზაგლობამ გასწმინდა ჯუბის კალთით ორთქლ-აწარღნილი ხმლის პირი, ხოლო ჟენძიანი ჩამოხდა ცხენიდან, დაადო ქვა გორპინას ფართე გულზედ და რალასაც დაუწყა ძებნა უბეში.

ბურბერაზ დედა-კაცის გვამი ჯერ კიდევ ჰფეთქავდა, სულთბრძოლა საშინლად ჰმანქავდა მის სახეს. დაკრეჭილს კბილებში ჩაჩვენოდა სისხლის ქაფი, ხოლო ყანყრატოდან მოისმოდა ყრუ-ხრიალი.

ჟენძიანმა ამოიღო, ბოლოს, ნაჭერი ნაკურთხის ცარცისა, დახაზა ზედ ქვაზედ ჯვარი და სთქვა:

— ახლა აღარ ადგება.

სთქვა და მოახტა ცხენს.

— შესხედით!—დაიძახა პან ვოლოდიევსკიმ. ქარ-ბუქივით გაექანენ მდინარის დაყოლებაზედ. რომელიც შიგ შუა-გულზედ ჩაუღიოდა იარს, გაუარეს გვერდზედ რამდენსამე ჯგუფს ხეებისას და მათს თვალს წარმოუდგა პატარა სახლი. მოშორებით მოჩანდა მაღალი წისქვილი, რომლის სველი ბორბალიც ისე ბჰყვრილალებდა მზის შუქზედა, თითქო წითელი ვარსკვლავიაო, სახლთან ება ორი დიდა ქოფაკი, სულ იქაურობას იკლებდნენ, მაგრამ ჯაქვებით იყვნენ დაბმულები. ვოლოდიევსკი მივიდა პირველი და საჩქაროზედ, ხმლის ჩხარა-ჩხურით, შეჰვარდა დერეფანში.

დერეფანში ორი კარი იყო,—ერთი მარჯვნივ, რომელიც იმ ოთახსა ჰქონდა, საცა სხვა-და-სხვა ავეჯი იყო, ხოლო შუა-გულ ენთო ცეცხლი, მარცხენა კარები კი მიხურული დაჰხედა.

„ქალი აქ უნდა იყოს“,—იფიქრა პან ვოლოდიევსკიმ, ჰკრა ხელი და, თითქო სარი დაარქესო, ისე გაშეშდა ზღურბლზედა.

ოთახში ერთის ხელით საწოლის ზურგზედ დაყრდნობილი იდგა ელენე კურცევიჩი, გაფითრებული, თმა-გაშლილი, ხოლო მისი შეშინებული თვალები თითქო ამასა ჰკითხავდა პან ვოლოდიევსკის: ვინა ხარ? რა გინდაო? ელენეს წინად არას დროს არ ენახა ეს პატარა ტანის რაინდი; ხოლო პან მიხალიც, თავის მხრით, იდგა გაოცებული ქალის სილამაზითა

და იმის ოთახის მდიდრულის მოწყობილობით თავ-რეტ დას-
ხმული. ბოლოს, მოვიდა გონსა და საჩქაროზედ სთქვა:

— ნუგეშინიანთ პანაა ჩვენ სკუმეტუსკის მეგობრები ვართ!
კნიაენას მუხლთ მოეკვეთა და დაიჩოქა მის წინაშე.

— დამიხსენით! — ევედრებოდა ქალი და გადაეკლო ხე-
ლი-ხელზედ.

ხოლო სწორედ ამ წუთს შემოვარდა ოთახში ზაგლობა-
ცა, აკანკალებული, გაქარხლებული და ძლივს სუნთქავდა.

— ჩენა ვართ! თქვენს საშველად მოსულნი!

კნიაენამ იცნო ზაგლობა, გაფითრდა, ხელები ძირს ჩამო-
უვარდა, თვალეზედ გძელი წამწამები გადაეფარა. ქალს გულს
შემოეყარა და გრძნობა დაჰკარგა.



ნაწილი მეოთხე

I

ღამის მნათობმა ის-ის იყო დაიწყო თვისი სრბოლა, ხოლო ჩვენი მეგობარნი უკვე სტუდენტის არე-მარეს მიუახლოვდნენ ვალადინკას აქეთა. წინ მიდიოდა პან ფოლოდიევსკი, რომელიც ყურადღებით იხედებოდა აქეთ-იქით, მერე ზაგლობა და ელენე მიდიოდნენ ერთად. სულ ბოლოს ენძიანი იყო. ის მოსდევდა დატვირთულ ფალნიან ცხენებს და ორს საჯდომს ცხენს, რომელიც გორპინას თაელიდამ გამოიყვანა. ზაგლობა სულ ენად გაიკრიფა: განა ცოტა რამ ჰქონდა სათქმელ-საამბობელი კნიაჟნასთვის, რომელიც ტყეობაში იყო აქამდე და არა იცოდა-რა, რა მოჰხდა ქვეყანაზედ? ზაგლობა უამბობდა ელენეს, როგორ გეძებდითო, როგორ წავიდა სქშეტუსკი პერეიასლავლს, თუმცა არ იცოდა ბოგუნის ავადმყოფობის ამბავიო და ბოლოს, როგორ გამოსტყუა ენძიანმა ატამანს საიდუმლო თქვენის ყოფნისა ასეთს მიუვალს ადგილასაო. გაიგო თუ არა ეს ენძიანმა, მაშინვე ჩვენ შეგვატყობინა ზბარაჟშიო.

— ღმერთო მოწყალეო, — სთქვა ელენემ და თვისი მშვენიერი, დატეტკილი სახე მიჰმართა მთვარეს, — მაშუ პან სქშეტუსკი დნებრს გაღმა წავიდა ჩემის გულისათვის.

— პერეიასლავლს წავიდა, მაშა! უთუოდ ჩვენთან ერთად წამოვიდოდა აქა, მაგრამ დრო არა გვქონდა, რომ შეგვეტყობინებინა თქვენი ამბავი. იმან ჯერ არ იცის თქვენის გამოხსნის

ამბავი და მუდამ დღე თქვენის სულისათვისა ჰლოცულობს, მაგრამ თქვენ მაინცა და მაინც ნუ გეცოდებათ აგრე. დეე, ცოტოდენი კიდევ იწუხოს, სამაგიეროდ რა დიდი სიხარული მოელოის მერე?!

— მე კი მეგონა, რომ ყველას დავავიწყდი-მეთქი და ღმერთს მხოლოდ სიკვდილსა-და შევთხოვდი.

— დავავიწყდი? ჩვენ მხოლოდ იმას ვფიქრობდით, როგორ გავანთავისუფლოთ კნიაჟნაო. საკვირველია! თუ მე და სქშეტუსკი თავს ვიტყვით ამ საქმისათვის, აქ გასაკვირველიც არა არის-რა, მაგრამ აის რაინდიც, რომელიც ჩვენ წინ მოდის, არაფერს არა ჰზოგავდა და ჩვენთან ერთად მოზადიყო ყოველივე განსაცდელი აეტანა.

— ღმერთმა მისივეს სამაგიერო ჯილდო! ჯერ ისევ რაზლოგში მელაპარაკა ბევრს ჰან ვოლოდიევისკის ამბავს ჰან სქშეტუსკი: ჩემი უკეთესი მეგობარიაო.

— მართალი უთქვამს. დიდი სული უდგას პატარა სხეულში. ახლა, თითქო გამორეტიანებულივით არის, ალბად იმიტომ რომ თქვენი მშენიერება დაინახა, მაგრამ, მოიცადეთ, მალე შეეჩვევა მგასაც და გონს მოვა ისევ. ოჰ, რაები არ მოვიქმედეთ მე და მაგან მეფის არჩევანებზედ!

— ახლა ახალი მეფეა?

— ესეც არ გაგიგონიათ იმ წყეულ უდაბნოში? ახალია, მაშა! იან კაზიშირა იქმნა არჩეული შარშან შემოდგომასვე, მერვე თვეა მეფობს. ახლა დიდი ომი მოგველის მემამოხეთა წინააღმდეგ... ღმერთმა ინებოს, რომ საბედნიეროდ გათავდეს, იმიტომ რომ თავადი ერემია მოიშორეს თავიდან და სხვები დანიშნეს, რომელნიც ისევე გამოსადგენი არიან ამ საქმისათვის, როგორც მე ცოლის შერთვისათვის.

— ჰან სქშეტუსკიც წაეა ომში?

— არა მგონია, რომ თქვენ ის სახლში დააკავოთ. ამ შემთხვევაში ჩვენ სულ ერთმანეთსა ვგავართ. თოფის წამლის სუნნი მოგვედინება თუ არა, ველარავითარი ძალა ველარ დავიჭერს. ჰაი, იცოცხლეთ ცული დღე დავაყენეთ ჩვენ შარშან

მეამბოხეთა! მთელს ღამეს ვერ გავათავებდი, რომ ყოველივე მეამბზნა დაწვრილებით. დიაღაც, რომ წავალთ და წავალთ გულ-ხალვათად, იმიტომ რომ ვპოვეთ ძლიეს ის, ურომლისოდაც ჩვენ სიცოცხლე არ იყო.

კნიაჟნამ თვისი მშვენიერი პირი-სახე ზაგლობასკენ მიიზრუნა.

— არ ვიცი, რისთვის შეგიყვარდით, მაგრამ ვფიქრობ კი, რომ არა მგონია თქვენ უფრო ძრიელ გიყვარდეთ, ვიდრე მე მიყვარხართ.

ზაგლობამ გაიღიმა და სახეზედ კმაყოფილების სხივი მოეფინა.

— მაშ, თქვენც გიყვარვართ.

— გეფიცებით!

— ღმერთი გადაგიხდით მაგისათვის მადლობას. თქვენთან ახლა სიბერეც ადვილი ასატანი იქნება ჩემთვის. დროა დაწყნარდეს დუღილი ჩემის სისხლისა და ვკმაყოფილობდე მამაშვილურის გრძნობითა.

ნათელი, კაშკაში ღამე იყო. მთვარე სულ მალლა-მალლა აღიოდა ცაზედ, რომელიც მოჭედილი იყო მოციმციმე ვარსკვლავებითა. დაღლილმა ცხენებმა ნელ-ნელა უკლეს სიარულსა. ვოლოდივესკიმ პირველმა შეაყენა თავისი ცხენი.

— დროა დავისვენოთ, — სთქვა მან. — გათენებამდე დიდი ხანი აღარა დარჩენილა-რა.

— დროა, — განიმეორა ზაგლობამ, — თორემ ისეთი ვარ, რომ სულ თვალები მებლიტება.

ყენძიანი მაინც ვახშმის თავდარიგს შეუდგა, გააჩალა ცეცხლი და დაუწყა ამოლაგება ხურჯინებიდან სხვა-და-სხვა სანოვაგეს, რომელიც იამპოლიდანვე ჰქონდა წამოღებული: მქადი, ცივად მოხარშული ხორცი, ვლახური ღვინო. ზაგლობამ რომ ორი კარგა მოზრდილი ტიკი დაინახა, სულ გადაავიწყდა ძილი. სხვებიც შემოუსხდნენ გარს სუფრას. ბოლოს, შლიახტიჩმა ფერდი ამოიღო და მოიწმინდა ტუჩები ტანსაცმელის კალთითა.

— სიკვდილამდე არ მოვიშლი ამის თქმასა: საკვირველ არიან, ჰე უფალო, საქმენი შენნი! — წარმოსთქვა მან. — აი ახლა თქვენ, პანნა, თავისუფალნი ბრძანდებით, ჩვენ გვერდს გისხედვართ და შევექცევით ბურღის ღვინოს. ვერ ვიტყვი, რომ ვენგრული უარესი იყოს, ამას ცოტა ტიკის გემოც აქვს, მაგრამ გზაში ესეც კარგია.

— მე ერთი ვერ გამიგია, — სთქვა ელენემ, — როგორ მოჰხდა, რომ ისე ადვილად დაგთანხმდათ გორპინა ჩემს განთავისუფლებას.

პან ზაგლობამ დიდ-მნიშვნელოვანებით გადაჰხედა ვოლოდიევსკისა და ეენძიანს.

— ძალა-უნებურად დაგვთანხმდა. და ან-კი, რაზედ უნდა დაგიმალოთ: ორიენი, ისიცა და ჩერემისიც, საიქიოს გავისტუმრეთ...

— როგორ თუ გაისტუმრეთ? — ჰკითხა შეშინებულმა კნიაჟნამ.

— განა თოფის ხმა ვერ გაიგონეთ?

— გავიგონე, მაგრამ ასე მეგონა, რომ ჩერემისმა გაისროლა-მეთქი თოფი.

— ჩერემისმა კი არა, ეენძიანმა გაუგმირა გული ტყვიით იმ ჯადოქარს დედაკაცს. არ არის კარგი ასეთი საქმე, თანხმავარ, მაგრამ სხვაფრივ მოქცევაც არ შეეძლო: მიჰხვდა რასმე ის კულიანი, თუ რალაც სხვა მიზეზი ჰქონდა, აიტეხა თქვენთან უნდა წამოვიდეს მეცაო. ძნელი იყო ამაზე დაეთანხმებოდით; მაშინადვე მიჰხედებოდა, რომ კიევს არ მივდივართ. ადგა ეენძიანი და თავიდან მოიშორა, შეკი ჩერემისს აფუგე ანდერძი. სწორედ წამოსვლის წინად, იმათი გვამნი გზიდან მოშორებით გადავიტანე, რომ არ შეგშინებოდათ და ან ცუდ ნიშნად არ დაგესახათ ეს გარემოება.

კნიაჟნამ მწუხარებით გაიქნ-გამოიქნია თავი.

— ამ ბოლოს დროს იმდენი საშინელება რამ ვიხილე, რომ მოკლულთა ნახვა არ შემაშინებდა, მაგრამ მე მაინც მგო-

ნია, უკეთესი იქნებოდა, სისხლი არ შეგვმთხვევოდა. ვაი თუ ღმერთმა დაგვსაჯოს მაგ ცოდვისათვის.

— ეგ საქმე რაინდული საქმე არ იყო და იმიტომ მე არაგითარი მონაწილეობა არ მივიღე.

— დანაება როგორ იქნება, — ჩაერია ლაპარაკში ჟენძიანი, როცა სხვაფრივ არ შეიძლებოდა? კაი კაცი რომ მოგვეკლა, კიდევ ჰო-ჰო და ჩვენ ღვთის მტერი მოვკალით. მე თვითონ ვნახე, ის ჯადოქარი როგორ ელაპარაკებოდა ეშმაკებსა. მე მაგას არა ვნანობ.

— მაშ, რასა ჰნანობ, პან ჟენძიან? — ჰკითხა კნიაჟნამ.

— იქაო, ბოგუნმა სთქვა, ფულია ჩაფლულიო, მაგრამ თქვენ ისე ჩქარობდით, რომ დრო აღარ იყო, მომეძებნა, თუმცა კარგად ვიცოდი, საცა იყო... წისქვილს ახლო. სულ გული მიკვნესოდა, რომ ის იმოდენა ქრნება იქვე უნდა დამეტოვებინა, იმ ოთახში, საცა თქვენა სცხოვრობდით.

— ერთი შეჰხედეთ, რა მსახური გეყოლებათ, — მიჰმართა ზაგლობამ კნიაჟნას. — თავის ბატონს გარდა, მზად არის თუნდ ქაჯს ვაძროს ტყავი, რომ იმ ტყავით ტანისამოსი შეიკეროს თავისთვის.

ვოლოდიევსკი სულ ჩუმად იყო და ამ გარემოებას მიაქცია ახლა ზაგლობამ ყურადღება.

— ე პან მიხალი კი ისეთაა, რომ სიტყვის წარმოთქმა ეძნელება. აკი მოგახსენეთ, კნიაჟნა, რომ თქვენმა სილამაზემ სულ დაუბნია გონება და დაუღუნა ენა-მეთქი!

მოხუცი შლიახტიჩი მართალი იყო. კნიაჟნამ სულ მოაჯადოვა ვოლოდიევსკი. შეჰყურებდა ამ ქალს, შეჰყურებდა და თავის თავს ეკითხებოდა: თვალები ხომ არ მატყუებსო? ბევრი ლამაზი ქალი ენახა თავის სიცოცხლეში: მშვენიერნი იყვნენი დანი ზბარასკისანი, კალმით დახატული იყო ანნა ბოჟობოლატისა და სკოროპადსკისა, მაგრამ ვერც ერთი მათგანი ვერ შეედარებოდა ამ ყვავილს მიღვრებისასა. იმათ წინაშე პან ვოლოდიევსკი ისე ლაპარაკობდა, თითქო წვიმა-წყალი მოდისო, ხოლო ამ ჟამად, როცა შეჰყურებდა კნიაჟნას ხავერ-

დივით რბილსა და ელვარე თვალებს, მის აბრეშუმის მზგავს წამწამებსა, შვენიერს თმას, რომელიც მხრებზედ გადაჰფენოდა, წერწეტს ტანს, მარჯნის ტუჩებს, სიტყვა უწყდებოდა პირში პატარა რაინდს და, რაც უფრო ცუდია, თავისი თავი ერთ უხერხულ არსებად მიაჩნდა, ტუტუცი ეგონა, ქონდრის კაცი, სწორედ ჩაგვერა და ქონდრის კაცი. იმისი სურვილი იყო, რომ ერთი მოჰხდეს რამ არა-ჩვეულებრივი და საიდანმე წყლიდან გაჩნდეს ბუმბერაზი ვინმე... მაშინ ვაჩვენებ მე, საწყალი პან მიხალი, ყველას, რომ არც ისე პატარა ვარ, როგორცა ვჩანვარ თვალადაო. ის კი არა თუ, თითქო განგებ იმის გულ-გასახეთქად, ივლის-ივლის პან ზაგლობა, შეთამაშებს თვალს და მოჰყვება ოხუნჯობას.

— გატყდი, პან მიხალ, — უთხრა ხანში შესულმა შლიახ-ტიჩმა, როცა მეორე დღით გამოიღვიძეს, — რომ ამისთანა მშვენიერებას მთელს რესპუბლიკაში ვერ იპოვნე. თუ შენ მეორეს მაჩვენებ ამისთანას, ბებრუხუნა დედა-კაცი დამიძახე, ნებას გაძლევ. X

— ვერ აგინიბრდები. მართალია, კარგი რამ არის, მეტად კარგია. რა არიან მაგასთან შედარებით მარმარილოს კეკლუცნი ღმერთანი, რომელნიც ჩვენა ვნახეთ კაზანოესკების სასახლეში! გასაკვირველი არ არის, რომ უკეთესნი კაცნი სასიკვდილოდ იბრძვიან მაგის გულისთვის, — ღირსია კიდევა.

— ჰო, განა? საქმეც ეგ გახლავს... მეც ოდესმე ლამაზი ვიყავ, მაგრამ უნდა დავთმო ჩემი თავ-მოყვარეობა, თუმცა ბევრნი ამტკიცებენ, რომ ეგ ქალი პირ-აქარდნილი ზაგლობაა, ისე ჰგავსო.

— დაიკარგე ერთი იქითა! — გაწყრა ვოლოდიევსკი.

— ნუ ჯავრობ, პან მიხალ; უიმისოდაც ცოტა არ იყოს გუნებაზე ვერა ხარ ამ ბოლოს დროს. ისე შესციცილებ, თითქო თხა შესცანცარებს თავის წვერით კომბოსტოსაო და თან სულ კოპებს იკრავ! სხვამ რომ დაგინახოს, ეგონება, რომ ავი რამ განზრახვა უტრიალებს გულშიო, მაგრამ ეგ გემრიელი ნაჭერი თქვენთვის არ არის გაჩენილი.

— ფუი, შენს ეშმაკს! როგორ არა გრცხვენიან, რომ მოხუცებული კაცი ხარ და მაგისტანა სისულელესა ჰროშავ?

— მაშ, კოპებს რაღას იკრავ?

— შენა გგონია, რომ ყოველი განსაცდელი აცილებული გვაქვს და აღარავის შიში აღარ უნდა გვქონდეს? არა, ჩვენ ჯერ კიდევ ბევრი რამა გვაქვს საზრუნო: ის მოსარიდებელია, ეს თავიდან ასაცილებელი... წინ კიდევ დიდი გზა გვაქვს და, ღმერთმა იცის, რა შეგვემთხვეს კიდევ, იმიტომ რომ ეს ქვეყანა, საცა ჩვენ მივიღვართ, აჯანყებითაა სულ მოცული.

— როცა ბოგუნს მოვტაცე რაზლოგიდან, მაშინ უარესი იყო: თან მღვეარი მოგვდევდა და თან შიგ აჯანყებულ ქვეყანაში ჩვენ შევედით; მაგრამ მაინც მთლად უკრაინა გავატარე და მშვიდობით მოვიყვანე ბარამდე. როგორა მერე? როგორა და ისე, რომ თავი მამია კისერზე და არა კვახი! თუ გაქირდა, კამენკამდეც შორს აღარ არის.

— ნეტა რას გადასცემ შენა!

— კი არ გადავცემ, ნამდვილს ვამბობ და ურიგო არ იქნება, ამ საქმეს დაუფიქრდეთ.

— ისა სჯობიან, რომ კამენეცს გზა აფუქციოთ და პირდაპირ ბარისკენ წავიდეთ, იმიტომ რომ ყაზახნი პატრისა-სცემენ ფირმანსა; მდაბიო ხალხს, როგორც იქნება, თავს გავართმევ, ხოლო თუ ერთმა თათარმა მაინც თვალი მოგვკრა, წავიდა მაშინ ჩვენი საქმე! კარგად ვიცნობ მე იმათა, მოვახერხებ, რომ წინ წავუვიდე მთელს ბრბოსა და რაზმს თათრებისას, ფრინველებთანა და მგლებთან ერთად, ხოლო თუ პირდაპირ ზედ წავაწყდებით იმათს რაზმს, მაშინ მეც ვერარას მოვახერხებ.

— ბარისაკენა სჯობიან და ჩვენც იქით წავიდეთ; ამოსწყდეს და გადაჰყვეს თანა, რაც ქვეყანაზედ თათრობაა. შენ ჯერ არ იცი, მგონია, რომ ენძიანმა ფირმანი გამოართვა ბურღაისა, ჩვენ თავისუფლად შეგვიძლიან ყაზახების ქვეყნებისაკენ წავიდეთ. ყოველად ყრუ უღაბნო უკვე გამოვიარეთ, ახლა ძალზედ დასახლებულ ქვეყანაში უნდა შევიდეთ. ღამ-ღამობით, სოფლებში უნდა ჩამოვხდეთ ხოლმე; კნიაჟნათვის ეს უფრო

შესაძლებელი იქნება და კარგიცა. მაგრამ მე კი მგონია, პან მიხალ, რომ შენ ძრიელ აზვიადებ მოსალოდნელს გასაჭირს. ვაი დედასა! ჩვენა და მინდორში გონება დავკარგოთ, ვერა მოვისაზაროთ-რა! შევეაერთოთ ჩემი მოხერხება და შენი ხმალი—და ჰაიდა! სხვა ვზა არა დაგვრჩენია-რა. ეენძიანს ბურღაის ფირმანი აქვს და ეს დიდი საქმეა, იმიტომ რომ ბურღაი განაგებს მთლადა პოდოლიას, ხოლო ბარს გასცდები თუ არა, მერე იქლიანცკარონსკია თვისის სადროშოებით. მაშ, აბა, გავსწიოთ წინ და ნუ დავკარგავთ დროს.

ჩვენი მეგობარნი არცა ჰკარგაუდნენ დროს და მიაქენებდნენ ცხენებს მინდორ-მინდორ დასაელეთისაკენ, რამდენადაც კი შეეძლოთ. აგერ ხშირად დასახელებული ქვეყანა, საცა სალამო ჟამზედ ძნელი არ იყო ღამის გასათეფად რომელსამესოფელში დარჩენა. ბედად, ზაფხული გვალვიანი იყო, დღისით სულ სიცხე იდგა, ღამე ნამს აგდებდა; ქარმა გამოაშრო მინდორი, მღინარენი დაპატარაუნდენ, მათში გასვლა საძნელო აღარ იყო.

ამ სახით, პატარა რაზმმა მიაღწია შარორსოდამდე, საცა იდგა ბურღაის ხელ-ქვეითა ჯარი. იქვე იყო ასის-თავი კუნია, რომელიც პან ზაგლობამ იამპოლში ჰნახა ბურღაისთან ლხინის დროსა. ასის-თავს ცოტა არ იყოს გაუკვირდა, რატომ ეს ხალხი კიევს ბრაცლავისა, რაიგოროდისა და სკვირის გზით არ მრდისო, მაგრამ მოხუცებულმა შლიახტიჩმა აუხსნა, რომ იქით თათრების შიშით არ წავედითო; ისინი დნებრის მხრიდან უნდა მოსულიყვნენ და ვაი თუ გზაში შეგვეჯროდნენო. კუნიათ უამბო, რომ ბურღაიმ გამომგზავნა ამ ჯართან და მითხრა, უბრძანე ჩემ მაგიერ მოემზადდნენ სალაშქროდაო, ხოლო თვითონ მთლად იამპოლის ჯარებითა და ბუჯაკის თათრებით დღეს არა და ხვალ მოვა შარგოროდს და აქედან გასწევს წინაო.

ბურღაის შიკრიკნი მოუვიდნენ ხმელნიცკისაგან და მოუტანეს ამბავი, რომ ომი უკვე დაიწყოვო; ბრძანებაც მოუვიდა, ჯარი ვოლინისაკენ გაალაშქრეო. ბურღაის თვითონაც დიდი

ხანია უნდოდა ბარისკენ წასულიყო, მაგრამ თათრების ჯარს ელოდა, ისინიც შემომიერთლებიანო, თორემ ბარს ახლოს ბედი როგორღაც ჰქალაქობდა ყაზახებს. აი, მაგალითად, პანლიანცკარონსკიმ დაამარცხა რამდენიმე საკმაოდ დიდი რაზმი იმათი, აილო ქალაქი და ციხეში ჯარი ჩააყენა. რამდენიმე ათასი ყაზახი იქმნა მოკლული ამ ბრძოლაში და აი ამათი ჯავრის ამოყრა უნდოდა მოხუცს ბურლას, ან არა და ციხეს მაინც უკანვე დავიბრუნებო. კუნიამ დასძინა კიდევ, რომ უკანასკნელი ბრძანება ხმელნიცკისა სულ სხვაგვარია და ამიტომ ბარს აღარ შემოვერტყმით გარშემო, თუ თათრებმა არ აიხირეს მეტის-მეტადაო.

— რას იტყვი, პან მიხალ,—უთხრა მეორე დღეს პან ზაგლობამ,—ბარი ჩვენ წინ არის და მე შემედლო კნიაჟნა ხელმეორედ დამებინაფებინა იქ, მაგრამ ახლა აღარც ბარისა მწამს რაღე, აღარც სხვა ციხისა, მეტადრე მასუკან, რაც მემამოხეთ უფრო ბევრი ზარბაზნები გაუჩნდათ, ვიდრე სახასო ჯარებს. რაღაცა მაშფოთებს და მოუსვენრობაში მაგდებს, თითქო რაღაც შავი ღრუბლები იკრიბებაო.

— შავი ღრუბელი კი არა,—უპასუხა რაინდმა—მთელი გრიგალი მოგველის, ესე იგი ბურლავი თათრებითა. ბურლავი ძალიან გაჰკვირდება, როცა დაინახავს, რომ სწორედ იქით მხარეს მივდივართ, რომელიც კიევის პირდაპირ არის.

— გაჰკვირდება და გზას გვასწავლის. მაგრამ, დეე ჯერ ეშმაკმა იმას ასწავლოს, რომელი გზა უფრო მოკლედ მოსქრის ჯოჯობხეთში მისალწევად. შევეკრათ პირი, პან მიხალ: ყაზახებსა და მღაბიოთ მე მოვურიგდები, ხოლო თათრებს შენ გაუსწორდი.

— შენი საქმე უფრო ადვილი იქნება,—სთქვა ვოლოდიევსკიმ,—ყაზახებს თავისიანები ვგონივართ. რაიცა შეეხება თათრებს, ერთი ის-ღა დაგვრჩენია, რომ გავიქცეთ, რაც შეიძლება ჩქარა და ავიცილოთ თავიდან ის წყეულ-შეჩვენებულები. თუ ეს ცხენები დაგვიცვივნენ, გზაში სხვები ვიყიდოთ.

— ჰო და აი პან ლონგინუსის ქისაც აქ გამოგვადგება; თუ ის დაგვიცარიელდება კიდევ და ეენძიანს წაეართვათ ბურ-ლაის ფულები. ახლა კი გაეწიოთ.

იარეს ჩვენმა მგზავრებმა და გასცდნენ დერლასა და ლა-დავუსა. ბორკში პან ვოლოდიეესკიმ სხვა ცხენები იყიდა, წინანდლებიც ისევ დაიტოვა; ბურლაის ნაჩუქარს ცხენებს უფრთხილდებოდნენ, როცა ძრიელ გაგვიქირდება, მაშინ გამო-გვადგებაო. ყველანი ჯან-საღად იყვნენ, ელენეც კი; თუქცა გზამ ძალიან შეაწუხა, ჰგრძნობდა, რომ დღითი-დღე ძალ-ლონე ემატებოდა. სიწითლე კვლავ დაუბრუნდა მის ლოყებს, სახეზე მზე მოეკიდა, სამაგიეროდ თვალებმა ისევ წინანდებუ-რად დაუწყო ელვარება, ხოლო როცა ხან-და-ხან ქარი გაუ-შლიდა ხოლმე თმებს, ასე გეგონებოდათ, ბოშის ბანოვანი მიემგზავრებაო, კუდიანი ჯადოქარი, ბოშის დედოფალი, მიემ-გზავრება ამ თვალ-გადაუწვდენელ მინდორზედ, წინ ყვავილები ეგებებიან, ხოლო თან რაინდნი ახლავანო.

პან ვოლოდიეესკი ნელ-ნელა მიეჩვია იმის საოცარს შვე-ნებას. კვლავ დადგა მხიარულ გუნებაზედ, ლაპარაკის იშტაც მოუვიდა, და ხშირად დაუმხარდამხარდებოდა კნიაჟნას და უამბობდა ლუბნის ამბებს, უფრო კი იმას, რა მეგობრობაცა გვაქვს მე და სქშეტუსკისაო, რადგან შეამჩნია, რომ კნიაჟნას ესიამოვნება ასეთი ლაპარაკიო. ხან-და-ხან აჯავრებდა ხოლმე კიდევცა და ხუმრობით ეუბნებოდა:

— ბოგუნის მეგობარი ვარ და იმასთან მიმყევხარო.

კნიაჟნა ხელი-ხელს გადააჯვარედინებდა ხოლმე და მუღა-რების ხმით ეტყოდა:

— ოჰ, სასტიკო რაინდო, ბარემ აიღეთ და ეხლავ მიმ-კალით!

— შეუძლებელია, შეუძლებელი! სწორედ ასე უნდა მო-ვიქცე, — არ იშლიდა თავისას სასტიკი რაინდი.

— მომკალით! — მიეორებდა კნიაჟნა, ჰხუქავდა თავის საო-ცარს თვალებს და იღრეკდა ოდნავ პატარა თავს.

მაშინ პატარა რაინდს სულ აეჯინქრებოდა ტანი და იწვოდა. ლამის გადამრიოს ამ ქალმა, ისე მათრობს, რო-

გორც თავი ღვინო, — ფიქრობდა გულში, — მაგრამ მე მაინც ხელსაც არ ვახლებ, სხვისი სახელი აქვს დარქმეული,“ და კეთილი პან მიხალი ერთს შეიბერტყებოდა ხოლმე და გააქანებდა წინ ცხენსა. მაშინ კი აჯინქრული ტანი დაუმშვიდდებოდა ხოლმე და მთლად ყურადღებას რაინდისას გზა შთანთქამდა ხოლმე: ვნახო, შიში ხომ არ არის-რა, სწორედ მივდივართ თუ არა, საფრთხე არა გადაგვეკიდოს-რაო. წამოყვლყვლავდებოდა უზანგებზედ შემდგარი, წაიწვდენდა წინ კისერს, იქიჩრებოდა აქეთ-იქით, სუნს იღებდა და ყურს უგდებდა იმ თათარივით, რომელიც დაძრწის ყრუ მინდვრებში ნარ-ეკალათა შორის.

პან ზაგლობაც კარგს გუნებაზედ იყო.

— ახლა უფრო ადვილია ჩვენთვის გაქცევა, — ამტკიცებდა შლიახტიჩი, — ვიდრე მაშინ, როცა იძულებულნი ვიყავით, გამოგვეგდო ძაღლებივით ენა და ისე გვერბინა სიცხე-პაპანაქებაში. ისე გამიშრა ენა, რომ ჩემის ენით თავისუფლად შეიძლებოდა ფიცარი გამერანდნა, ახლა კი, მადლობა ღმერთსა, ღამ-ღამობით დასვენებაც შეიძლება, და ამოხლანძულის ყელის გასველებაც, ხან-და-ხან მაინც.

— აღარ გახსოვთ, რომ ამიკიდეთ და ისე გამიყვანეთ წყალში? — იგონებდა ელენე მაშინდელს თავიანთს თავგადასავალს.

ასეთს ლაპარაკში გადიოდა ღღე. ბოლოს, ბორკსაც კარგა გასცდნენ და აქ კი იწყებოდა ის ქვეყანა, რომელსაც მოჰხვედროდა საშინელი ნაწყვეტი ომიანობისა. აქ ღღემდე დაჰნავარდობდნენ შეიარაღებულნი ბრბონი, პან ლიანცკარონსკი სწვავდა და ჰელეტდა გარშემო ყოველსავე და მხოლოდ რამდენისამე ღღის წინად წასულიყო უკან, ზმარაჯისაკენ. პან ზაგლობამ შეიტყო აქაურ მკვიდრთაგან, რომ ხმელნიცკი და ყენი მთელის თვისის ჯარებით ამხედრდნენ ლიახების წინააღმდეგ, ანუ უფრო სწორედ რომ ვსთქვათ, წინააღმდეგ გეტმანებისა, რომლების ხელშიაც ჯარი მოუსვენრობს, მღელვარებს და ისე არ უნდა სამსახური, თუ არ ვისნევეცკის ხელ-

ში. საყოველთაო აზრი ის იყო, რომ ახლა უნდა დადგეს აღსასრულის დღე ან ლიახებისა და ან ყაზახებისათვის, რაკი მამა-ბატონი ხმელნიცკი და ერემია შეებმინ ერთმანერთსაო. მთლად ეს ქვეყანა აჯანყების ცეცხლით იყო მოდებული. ყველა იარაღს ავლებდა ხელს და მიილტვოდა ჩრდილოეთად და იქ უნდოდა შეერთებოდა ხმელნიცკისა. სამხრეთიდან, ქვემოურთა ქვეყნებიდან მოდიოდა ბურღაი მთელის თვისის ჯარებითა და გზა-გზა ჰკრებდა კიდევ ყველა ჯარსა და მეციხოვნეთა გუნდს, რომელიც კი აქა-იქ იყო ჩაყენებული. ასობით რაზმნი და სადროშონი მისდევდნენ ბაწარ-აღებით ერთმანერთს, ხოლო მათს სიახლოვეს მიმღელვარებდა კიდევ ზვირთი მდაბიოთა, შეიარაღებული ჯაჭვებითა, ხანჯლებითა, შუბებითა, რკინის ორთითებითა. ჩოდრები ღეთის ანაბარაზედ სტოვებდნენ თავიანთ საქონელს, მეფუტკრენი დიდს საფუტკრეს, განადირებულნი მეთევზენი თავიანთ დანესტრის სათავის ლელიანებს, მონადირენი ტყეებს. სოფლები, დაბანი, ქალაქნი ცარიელდებოდა. სამს სამოურავოში დარჩნენ მხოლოდ თავ-თავიანთ სახლებში დედა-კაცები და ბავშვები; ახალგაზდა ქალებიც კი ყაზახებს გაჰყვნენ უკან ლიახების ამოსაწყვეტად. სწორედ ამავ დროს აღმოსავლეთიდან მოდიოდა თვისის უმთავრესის ჯარებითა თვით ხმელნიცკი, მოდიოდა როგორც ვეშაპი, და გზა-გზა ანადგურებდა ძლიერის მარჯვენით ციხე-დარბაზებს, კოშკებს, ყოველსავე, რაც კი გადარჩენილიყო წინანდელს შიშიანობას და ომიანობას.

ჩვენი მგზავრები გასცდნენ ბარს, რომელმაც ბევრი რამ სამწუხარო ამბავი გაახსენა კნიაჟნას და გავიდნენ ძველს გზაზედ, რომელიც მიდის ლატჩიესა, პლოსკიროვსა ტარნოპოლამდე და იმას იქით კიდევ თვით ლვოვამდე. აქ ყოველ ნაბიჯის გადადგმაზედ შეეფეთებოდნენ ხოლმე ხან შეიარაღებულნი ლაშქარნი, ხან ყაზახთა ქვეითის ჯარისა და კავალერიის რაზმნი, ხან რიცხე-მრავალნი ბრბონი, ხან უთვალავნი ჯოგნი საქონლისა, რომელსაც მიერეკებოდნენ ყაზახთა და თათართა ჯარისათვის საკლავად. აქ შიში ძილიან დიდი იყო; საცა არა

მგონია, პასუხი უნდა მიეცათ, როცა ჰკითხავდნენ (ხოლო ჰკითხავდნენ ყველანი): ვინა ხართ, სადაურები ხართ და სად მიდიხართო? ყაზახთა რაზმებს პან ზაგლობა ბურლას ფირმანს აჩვენებდა ხოლმე და ეუბნებოდა, რომ მოგუენის დანიშნული მიგვყავსო.

მრისხანე პოლკოვნიკის ფირმანის დანახვაზედ ყაზახნი განს დაიძახდნენ ხოლმე და გზას იძლეოდნენ, ხოლო ნახვერად განადირებულ მდაბიოთა და მუდამ მთვრალ ჩოდართა მონადირება ძნელი იყო. ფირმანისა იმათ თითქმის არა გაეგებოდათ-რა. ზაგლობასა, ვოლოდიევესკისა და ენძიანს კიდევ თავისიანებად ჩასთვლიდნენ, კნიაჟნა რომ არა ჰყოლოდათ თანა, მაგრამ ელენეს ყველა ყურადღებას აქცევდა, ეგ ქალი და მერე მაგრეთი კალმით ნახატი ვინ უნდა იყოსო. ეს იყო მიზეზი, რომ ბევრგან ჩხუბი მოსდიოდათ და ათასი განსაცდელი ელოდათ.

არა ერთხელ და ორჯელ ამოიღო ზაგლობამ თავისი ფირმანი და გაუშალა ხალხს წინა, ხოლო პან ვოლოდიევესკიმ არა ერთხელა ჰკრიჭა კბილები; არა ერთი და ორი დაეცა ძირს უსულოდ. ვინ იცის რამდენჯერ გადაარჩინა სიკვდილს ჩვენი მგზავრები მხოლოდ ბურლას ცხენების სიფიცხემა და სისწრაფემ და მგზავრობაც, დაწყებული ასეთს ძნელ გარემოებათა შორის, თან და თან უფრო სამძიმო შეიქნა. ელენეს, თუმცა ბუნებით გულადი იყო, მაინც ძალ-ლონე ეკარგებოდა და თან და თან სუსტდებოდა გამუდმებულის მოუსვენრობისა და უძილობისაგან და ბოლოსა და ბოლოს მართლა ტყვესა ჰგვანდა, რომელიც ძალა-უნებურად მიჰყავთ მტერთა ბანაკში. პან ზაგლობა ყოველ წუთს ახალ-ახალ ეშმაკობას იგონებდა, პატარა რაინდი დაუყოვნებლივ ცდილობდა მის განხორციელებასა და ასრულებას და თვითეული მათგანი არასა ჰზოგავდა, რომ, რამდენადაც კი შეეძლოთ, გაემხნევებინათ, გაერთოთ.

— ნეტავ ერთი ამ ჯინჯელის სოროებს კი გავსცდეთ მშვიდობით და მივადწიოთ ზბარაჟს, ვიდრე მის არე-მარეს მო-

ედებოდნენ ხმელნიცკის ჯარები და თათრები!—იმეორებდა ვოლოდიევსკი.

გზაში გაიგო, რომ გეტმანებს თავიანთი ჯარები ზბარაჟეში შეუტროვებიათ და იქ უნდათ მოიგერონ მტერიო. თან იმედიცა აქვთ, რომ თავადი ერემიაც შემოგვიერთდება თვისის დივიზიითაო, მით უმეტეს, რომ მომეტებული ნაწილი მის ჯარისა მაინც ხომ ზბარაჟეში სდგასო. გზა-გზა მართლაც ჭიანჭველასავით ირეოდნენ პოლონელთა სამტროდ გამზადებულნი. ათიოდე აღაჯს იქით კი იწყებოდა მხარე, რომელიც ეჭირათ სახასო ჯარებს და ყაზახთა რაზმები ვერა ჰბედავდნენ იქით წასვლას; ისევ იმასა რჩეობდნენ, რომ ცოტა მოშორებით ვიყოთ, ვიდრე მოვა ბურღაი ერთის მხრით და ხმელნიცკი მეორეს მხრითაო.

— მხოლოდ ათი აღაჯი კიდევ, ათი აღაჯი!—წარმრსტქვა პან ზაგლობამ ხელების ფშენეტით.—ერთს რომელსაჲ ჩვენებურს სადროშოს კი ვუწიოთ და მერე ფიქრი აღარასია.

პან ვოლოდიევსკიმ მაინც საჭიროდ დაინახა, რომ ცხენები ეყიდნა კიდევ პლოსკიროვსა: ისინი, რომელნიც ბორკში იყიდა, ახლა სულ დაცვინდნენ და აღარ ვარგოდნენ, ხოლო ბურღაის ცხენებს უნდა გავუფრთხილდეთ, როცა უფრო ძრიელ გაგვიჭირდება, მაშინ გამოგვადგებაო. ასეთი სიფრთხილე მით უფრო საჭირო იყო, რომ ხმა ისმოდა, ეითომ ხმელნიცკი უკვე კონსტანტინოვს მოუახლოვდა, ხოლო ყენი პოლოვციდან გამოვიდაო.

— მე და კნიაჟნა აქ დავრჩებით, სჯობიან რომ ჩვენ ბაზარში არც კი გამოვჩნდეთ, ხოლო შენ წადი, გაიგე, ხომ არავისა ჰყავს ცხენები,—უთხრა პან მიხალმა პან ზაგლობას, როცა ჩამოხდნენ ერთს დაცარიელებულს ციხე-დარბაზში სამასიოდე საყენის მანძილზედ ქალაქიდან.—ახლა აგერ საღამოა, ხოლო ჩვენ ამაღამვე უნდა წავიდეთ.

— ერთს წუთში გავარიგებ ყველაფერსა, —სტქვა ზაგლობამ და წავიდა ქალაქს ცხენითა, ხოლო პან ვოლოდიევსკიმ

უბრძანა ენძიანს, ცხენებს მოსართავეები მოუშვიო და თვითონ ოთახში შეიყვანა კნიაჟნა.

— მინდა გათენებამდე გავიაროთ ეს ათი ალაჯი,—სთქვა მან,—ძილს მერეც მოვესწრებით.

ის იყო მოიტანა საღვინეთი ღვინო და ფანჯარასთან მოისმა ცხენის თქარა-თქური.

ეოლოდიევსკიმ სარკმლიდან გაღიხედა.

— პან ზაგლობა დაბრუნდა კიდევცა,—სთქვა იმანა,—აღბად ვერ იშოვა ცხენები.

იმავე წუთს გაიღო კარები ოთახისა და შემოვიდა ზაგლობა, გაფითრებული, გალურჯებული და ძლივს სულს ითქვამდა.

— შესხედით ცხენებზედ ეხლავე!—დაიყვირა შლიახტიჩმა.

პან მიხალი იმდენად გამოცდილი ჯარის-კაცი იყო, რომ დრო აღარ დაჰკარგა და ამისთანა გარემოებაში აღარაფრის გამოკითხვა აღარ დაუწყო ზაგლობას. ის საღვინეც სულ გადაავიწყდა (მაგრამ პან ზაგლობამ მაინც სტაცა ხელი და თან წამოიღო), საჩქაროდ გამოიყვანა კნიაჟნა ეზოში და შესვა ცხენზედ.

ცხენები თქარა-თქურით გაუდგნენ გზას და მხედრებიანად ისე შთაინთქნენ ლამის წყვდიადში, თითქო მოჩვენებანი იყვნენ.

დიდ ხანს მიაქენებდნენ ასე ცხენებს და მხოლოდ როცა ერთი ალაჯი მანძილი გაიარეს და უფრო ხშირბინდი დაეცა დედა-მიწას, პან ეოლოდიევსკი მიუახლოვდა ზაგლობას და ჰკითხა:

— რა იყო და რა მოჰხდა?

— მოითმინე... პან მიხალ, მოითმინე! საშინლად დავიღალე, სული ყელში მომებჯინა და ძლივს ფეხზედ-ლა ვიდექი... უჰ!

— რა იყო მერე?

— რა იყო—თვით ეშმაკი და ქაჯი, გეუბნევი-მეთქი, ქაჯი თუ ის გველი, რომელსაც მეორე თავი ეზრდება, მოჰკვეთავ თუ არა პირველსა.

— გარკვევითა სთქვი, რომ გავიგო რამე.

— ბოგუნნი ვნახე ბაზარში.

— რას ამბობ, სიცხე ხომ არა გაქვს?

— ბაზარში ვნახე, აი როგორც შენა გხედავ, იმასთან ხუთი თუ ექვსი კაცი კიდევ სხვა იყო. ვერ გამიგია, რატომ მუხლთ არ მომეკვითა მაშინვე... მაშხალები მოჰქონდათ, რომ გზა კარგად გაერჩია... მე ასე მგონია, რომ ეშმაკი გადაგვლობებია გზაში და მოსვენებას არ გეძლევს; სულ დავკარგე იმედი, რომ ბედნიერად შევასრულოთ ჩვენი საქმე. უკვდავია, თუ რა ჯანაბაა, ეგ წყეულ-შეჩვენებული, ეგ ჩამოსახჩობი! ელენეს ნურაფერს ვეტყვით... ღმერთმან ხომ იცის, სულ დაჰკემსე შენა, ჟენძიანმა გასცა ლალატით, მაგრამ მაინც სად არის: ის მაინც ცოცხალია, თავისუფალი და კიდევ გზაზედ გველობება, უნდა რამ გვიხიძანოს. უჰ! ღმერთო, ღმერთო! გეუბნევი, მკვდარი რომ მენახა სასაფლაოზედ, ის მერჩივნა იმის ნახვას. დასწყევლა, რა უბედური ბედი მაქვს, რომ უთუოდ მე პირველი უნდა შევხვდე იმ სათოკეს! ძაღლის ბედია სწორედ და ის არის! თითქო სხვა აღარაინ იყოს ჩემს მეტი ქვეყანაზედ! დეე, სხვებმა ჰნახონ, სხვები შეეყარონ მაგისთანა ავაზაკს. მაგრამ არა, შენ არ მომიკვდე, უთუოდ მე და მე!

— იმანაც დაგინახა?

— იმასაც რომ დავენახე, მაშინ შენ, პან მიხალ, ველარ მიხილაედი. ეგ-ლა მაკლდა, რალა!

— მეტად საჭიროა ვიცოდეთ, ჩვენ მოკვდევს თუ ვოლოდინკისაკენ მიდის, გორპინასთან, იმ ვარაუდით, რომ გზაში შევხვდები და გავთოკაე იმათაო.

— მე მგონია, რომ ვოლოდინსკისაკენ უნდა მიდიოდეს.

— სწორედ აგრე უნდა იყოს. ახლა ჩვენ ერთს მხარეს მივდივართ, ის მეორე მხარესა; ახლა ჩვენ შორის ერთი თუ ორი აღაჯი მანძილია, ხოლო ერთს საათს უკან ხუთი აღაჯი იქნება. ვიდრე ის ჩვენსას გაიგებდეს რასმე და გამოგვეკიდებოდეს, ჩვენ უკვე ჟოლკვს ვიქნებით, არამც თუ ზბარაყსა.

— შენ აგრე გგონია, პან მიხალ? მადლობა ღმერთსა, გულ-ზედ მომეშვა, მესალბუნა, თითქო ნელ-საცხებელი წამცხეს ზედაო. მაგრამ ერთი ეს მითხარი, როგორ უნდა მომხდარიყო, რომ ის ახლა თავისუფლად დასეირნობს, როდესაც ენძიანმა გასცა და ვალდავის ციხის უფროსს ჩაუგლო ხელში?

— გაიქცა უთუოდ.

— მაშ, თავი უნდა მოჰკვეთონ მაგისტანა ციხის უფროსს. ენძიან, ჰაი, ენძიან!

— რას მიბრძანებთ?—ჰკითხა ენძიანმა. და თავთ-სადავე აუკრიფა ცხენსა.

— ვისთან გასტყვი შენა ბოგუნნი?

— პან რეგოესკისთან.

— ვინ არის ეგ პან რეგოესკი?

— დიდი კაცია, ჯავშანოსანი პარუჩიკია მისის უღიდებულესობის მეფისა.

ვოლოდიევსკიმ თითი თითს შემოჰკრა და ტკაცანი გამოაღებინა.

— გახსოვსთ, რაც პან ლონგინუსმა გვიამბო სქშეტუსკისა და რეგოესკის მტრობისა? ეგ რეგოესკი პან ლაშჩის ნათესავია და ამის გზმო მტერი სქშეტუსკისა.

— მივხვდი, მივხვდი!—შესძახა პან ზაგლობამ.—სჩანს მაშ, განგებ გაუთავისუფლებია ბოგუნნი. მერე ამისთანა დანაშაულს ხომ სიკვდილით დასჯა მოსდევს. მე პირველი ვიქნები მოწამე.

— ერთი შემახვედრა იმასთან და სხვა არა მინდა—რა,— წაიჩურჩულა ვოლოდიევსკიმ,—სასამართლომდე აღარ მივიყვან საქმეს.

ენძიანს აღარა გაუგონია—რა. რაკი პასუხი მისცა ზაგლობას, წავიდა და კნიაჟნასთან ერთად მიდიოდა.

ახლა ჩვენს მგზავრებს ნაბიჯით-ლა მიჰყავდათ ცხენები, ნებისადა. ამოვიდა მთვარე და გააშუქა მიძინებული დედა-მიწა. ვოლოდიევსკი ღრმა თქერებმა წაილო, პან ზაგლობა ცდილობდა გონს მოსულიყო, წელანდელი შეშინება გულიდან გადაჰყარდა და ბოლოს სთქვა:

— აჩვენებდა სეირს ქენძიანსაც ბოგუნი, თუ ხელში ჩაუვარდებოდა.

— უამბეთ იმასაც ეგ ახალი ამბავი, დეე, იმანაც გაიხაროს, ხოლო მე მივალ კნიაჟნასთან და გავართობ, — სთქვა პატარა რაინდმა.

— კარგი. ჰაი, ქენძიან!

პაჟი ისევ უკან დაბრუნდა.

პან ზაგლობა დაუმხარდამხარდა ქენძიანს და უცდიდა, ვიდრე ვოლოდივესკი და კნიაჟნა კარგა დაშორდებოდნენ.

— შენ არაფერი იცი? — ჰკითხა მან პატარა ხანს უკან.

— არაფერი, რა უნდა ვიცოდე?

— პან რეგოვესკიმ გაანთავისუფლა ბოგუნი. მე ვნახე პლოსკიროვში.

— პლოსკიროვში? დღესა? — იკითხა ქენძიანმა.

— აი ამ საათში! რაო, ცხენიდან ხომ არ აპირობ გაღმოვარდნას შიშითა?

მთავარის შუქი ზედ ეცემოდა პაჟის წითურს სახეს და პან ზაგლობამ, თვისდა განსაცვიფრებლად, დაინახა, რომ წიში კი არ გამოეხატა, არამედ საშინელი მხეცური მძვინვარება, სწორედ ისეთი, როგორიც შეეცყო მაშინ, როცა ქენძიანი ჰკლავდა გორპინას.

— არ გეშინიან განა ბოგუნისა? — ჰკითხა ხნიერმა შლიახტიჩმა.

— თუ პან რეგოვესკიმ გაანთავისუფლა ბოგუნი, მაშ, მე თვითონ უნდა გადავუხადო იმას ჩემის შერცხვენის და გაბიაბრუებისათვის. მე მაგას არ ვაპატივებ, დავიფიცე და ეს პანნა რომ არ იყოს, ეხლავე უკან გამოვედევნებოდი და დავუწყებდი ძებნასა... მე ჩემსას არას არ დავკარგავ.

— შენ და შენს ეშმაკს! — სთქვა გულში ზაგლობამ, — სწორედ ვერ გავბედავდი ამ ერთი ციციქნა ბიჭის შეურაცხყოფას.

ჰკრა ქუსლი ცხენსა და დაუმხარდამხარდა კნიაჟნასა და ვოლოდივესკის. ერთს საათს უკან გავიღწენ შედველოვკაში

და შევიდნენ ტყეში, რომელიც შორიდან ისე შავად მოსჩანდა, თითქო კედლებია გზის ორივე მხარესაო.

— ახლა კი კარგად ვიცი ყველა ეს ადგილები, — სთქვა ზაგლობამ. — ტყეები მალე გათავდება, მერე პატარა მეიდანია იქნება, რომელზედაც გადაღის გზა შავის კუნძულიდან, შემდეგ ისევ ტყე შეგვხვდება მატჩინამდე. ღმერთია მოწყალე, მატჩინაში პოლონელთა სადროშო ჯარი დაგვხვდება.

— ორმა მგელმა გადირბინა გზაზედა! — წამოიძახა უცებ ელენემ.

— ეხლავ, — სთქვა პან ვოლოდიევსკი, — აგერ მესამეცა.

ასიოდე ნაბიჯის მანძილზედ მართლა რაღაცა ნაცრის ფერმა გაიციმციმა.

— მეოთხეც აგერა!

— არა, ეგ ჯეირანი იყო; დაინახეთ, პანნა, ორი, სამი!

— რა ღვთის-რისხვია! — დაიძახა პან ზაგლობამ. — ჯეირნები უკან მისდევენ მგლებსა! ეგონებ, ქვეყანა ყრამალა აპირობს გადაბრუნებასა.

— ცოტა აჩქარებით წავიდეთ, — სთქვა მოუსვენრობის ხმით პან ვოლოდიევსკი. — ეენძიან! მოდი აქა! და პანნასთან ერთად გასწი წინ!

— იმათ გააჰენეს ცხენები, ხოლო ზაგლობამ გადიხარხარა და ყურში უთხრა ვოლოდიევსკის:

— პან მიხალ, ეს რას ჰნიშნავს?

— ცუდად არის საქმე! ხომ დაინახე: ნადირი გამოვარდნილა ბუნაგიდან, თავი დაუნებებია ძილისათვის და გარბის ღამე?

— მაშა! მერე რას ჰნიშნავს ეგა?

— ეგ იმასა ჰნიშნავს, რომ დაუფრთხიათ.

— ვისა?

— ჯარსა, ყაზახებისა ანუ თათრებისა. ისინი მარჯვენა მხრიდან მოდიან, ეტყობა.

— იქნება ჩვენი ჯარები არიან?

— შეუძლებელია; ნადირი მორბის აღმოსავლეთიდან, პილავეციდან, მაშ სჩანს, თათრები ფართოდ გაშლილან და ისე მოდიან.

— მაშ, გავიქცეთ, პან მიხალ, ღეთის გულისათვის.

— სხვა მეტი რა ღონეა. ვაიჰ, კნიაჟნა არა გვეყვანდეს ერთი, მივუახლოვდებოდით თვით რაზმს, ვკრავდით ვისმეს შიგ გულში თოფსა, მაგრამ კნიაჟნასთან...

— რას ამბობ, პან მიხალ! ღეთისა მაინც გეშინოდეს! ტყეში შევეუხვიოთ, საითაც ის მგელები წავიდნენ, თუ რა მოვიქმედოთ?

— არა; აგრე რომ მოვიქცეთ, თუ არ დაგვიქვერენ, მთელს ამ ქვეყანას მაინც გაავსებენ. მერე როგორ-ღა გავიკვლიოთ გზა?

— ვაი, ამოწყდნენ და ამოიჟლიტნენ ეგენი, ჰო და ასრე! ეგ-ღა გვაკლდა, რაღა?!.. ხომ არა სცდები შენა? მგონი მგლები ჯარს მისდევენ უკან და არა მოუტრბიან.

— რომლებიც აქეთ-იქით არიან, ისინი ჯარს მოსდევენ, ხოლო. ესენი მოწინავენი არიან, დაფრთხობილნი. აიგერა ჰხედავ, მარჯვნივ, ხეებ შუა, ცეცხლის აღს, როგორ გაუშუქებია წითლად იქაურობა?

— იესო ნაზარეტელი, მეუფე იუდიანთა!

— ჩუ! კიდევ დიდს მანძილზეა ეს ტყე?

— ეხლავე გათავდება.

— მერე მინდორია?

— მინდორია. ოჰ, ღმერთო!

— ჩუმად იყავ-მეთქი და! მინდორს იქით კიდევ ტყეა?

— თვით მატჩინამდე.

— კარგი! ოღონდ მინდორში კი ნუ მოგვასწრობენ. თუ მეორე ტყემდე მშვიდობით მივალწიეთ, მერე ფიქრი აღარ არის. ახლა კი ერთად ვიაროთ. ბედი კიდევ რომ კნიაჟნა და ჟენძიანი ბურღაის ცხენებზედა სხედან.

გაჰქუსლეს ცხენები და დაეწივნენ წინ წასულეებსა.

— აის რა შუქი სჩანს მარჯვნივა? — იკითხა ელენემ.

— კნიაჟნა! — უპასუხა ვოლოდიევსკიმ, — აქ დასამალი აღარა არის-რა. იქ შეიძლება თათრები იყვნენ.

— იესო, მარია!

— ნუ სწუხართ! გაძლევ სიტყვას, რომ გავექცევით, ხოლო მატჩინაში ჩენნი ჯარები სდგანან.

— ღვთის გულისათვის, გავაქენოთ ცხენები! — სთქვა ენძიანმა.

ყველანი გაჩუმდნენ და გააქროლეს ცხენები. ხეები მისუსტდა, ტყე გათავდა, მიილია, მაგრამ მასთანავე შუქი ცეცხლისაჲ ცოტათი შესუსტდა. უცებ ელენემ მიჰმართა პატარა რაინდს.

— პან ვოლოდიევსკი, — სთქვა მან, — დაიფიცეთ, რომ ცოცხალი არ ჩავეუარდები მე იმათ ხელში!

— გეფიცებით! — უპასუხა ვოლოდიევსკიმ.

გავიდნენ მინდორზედ, ანუ უკედ ვსთქვათ, ტრიალ უდაზნოში, რომელიც მეორე ტყემდე მეოთხედ ალაჯის მანძილზედ იყო გაგძელებული. ყოველ მხრივ დაუფარავი მინდორი ისეთი იყო, რომ სულ კაშკაში გაჰქონდა მთვარის შუქზედა. ისე ნათელოდა იქ, როგორც დღისით.

— ყოველად საშიში ადგილია, — ჩასჩურჩულა ვოლოდიევსკიმ ზაგლობსა. — თუ ისინი შავს კუნძულზედ არიან, ტყეებ შუა წამოვლენ.

ზაგლობამ აღარა უპასუხა-რა, მხოლოდ ლაჯები მოუჭირა ცხენს მუცელზედ. ტყე თანდათან ახლოვდებოდა, ცხადად მოსჩანდა, რომ უცებ პატარა რაინდმა ხელი გაიწოდა აღმოსავლეთისაკენ.

— აბა, გაიხედე... ჰხედავ?

— როგორც ჯირკები და წკრიმელა, შორს, კარგა მოშორებით.

— ეგ ჯირკები მოძრაობს! აბა, გავუჩქაროთ; ახლა კი უთუოდ დაგვინახვენ!

ქარმა ზუზუნნი დაიწყო ლტოლვილთა ყურის ძირში. სასურველი ტყე უფრო და უფრო ახლოვდებოდა.

უცებ ჩაბნელებულ ბრბოდან, რომელიც მინდვრის მარჯვენა მხრიდან ახლოვდებოდა, ჯერ ხმაურობა მოისმა, ზღვის ღელვის შუილის მზგავსი, ხოლო ერთს წუთს შემდეგ გრიგალივით ხმამ შეარყია ჰაერი.

— გვხედავენ! — დაირუხრუხა ზაგლობამ. — ეგ ძაღლები, ეგ ძაღლის წიწილები, ალქაჯები!

ტყე ისე ახლო იყო, რომ ლტოლვილნი ჰგრძნობდნენ იმის სიგრილეს, ციეს შრიალს.

გარნა, მეორეს მხრით, თათართა გუნდიც სულ ახლოვდებოდა თან და თან; ჩაშავებულ მის სიმრავლეს გამოეცალა ნელ-ნელა გრძელი ზოლები, თითქო ზღვის ურჩხულის ისარსაწერტლებიაო. საშინელის სისწრაფით უახლოვდებოდა მდევარი ლტოლვილთა. ვოლოდიეესკი ჩვეულის ყურით უკვე არჩევდა ცალკ-ცალკე ხმას: „აღლაჰ, აღლაჰ!“

— ჩემმა ცხენმა წაიფორხილა! — დაიძაბა ზაგლობამ.

— არა უშავს-რა! — უპასუხა ვოლოდიეესკიმ.

მაგრამ იმის გონებაში ელვის სისწრაფით მიმოიძვროდა სხვა-და-სხვა ფიქრი და აზრი: რა მოგვივა, რომ ცხენები დაგვიცვივდეს? რა მოგვივა, რომ ერთ-ერთი მათგანი წაიქცეს და სული ამოსძვრეს? მართალია, მშვენიერი თათრულის ჯიშის ცხენები იყვნენ, დიდად ამტანი ყოველგვარის გაჭირვებისა, მაგრამ პლოსკიროვიდანვე მოდიოდნენ დაუსვენებლივ, ქალაქიდან დაწყებული პირველ ტყემდე. შეიძლებოდა მარქაფა ცხენებზედ გადამსხდარიყვნენ, მაგრამ ისინიც მოილაღნენ. „რა მოგვივა?“ — ფიქრობდა ვოლოდიეესკი და გულმა მისმა პირველად დაიწყა მთელს მის სიცოცხლეში მოუსვენრობით ცემა. გარნა ვოლოდიეესკის თავისი დარდი კი არა ჰქონდა, არამედ სწუხდა ელენესათვის, რომელიც გზაში ისე შეუყვარდა, როგორც ღვიძლი და. მერე კარგად იცოდა ისიცა, რომ თათრები, რაკი ერთხელ დაედევნებოდნენ ვისმე, მალე აღარ შესწყვეტდნენ თავიანთს დევნას.

— დეე გვდიონ, იმ ქალს მაინც ვერ დაეწევინა! — სთქვა მან გულში და გააკრაქუნა კბილები.

— ჩემმა ცხენმა წაიფორხილა!—დაიძახა მეორედ პან ზაგლობამ.

— არა უშავს-რა!—განიმეორა ვოლოდიევსკიმ.

აგერა ტყეცა. ჩვენი ცხენოსნები სიბნელემ დაჰფარა, მაგრამ სამაგიეროდ მოწინავე თათრებიც ახლო იყვნენ, სამასიოდე ნაბიჯზედა.

გარნა პატარა რაინდმა უკვე იცოდა, როგორც უნდამოქცეულიყო.

— ეენძიან!—დაუძახა მან პაყსა, —გაღუხვიე გზიდან პირველსავე ბოლიკზედა.

— კარგი!—უპასუხა პაყმა.

ვოლოდიევსკიმ მიჰმართა ზაგლობას:

— დამბაჩები დაიმზადე!

სთქვა ესა და ხელი გაავლო იმის ცხენის აღვირს.

— რას აპირობ განა?—შესძახა შლიახტიჩმა.

— არაფერს, შეაჩერე ცხენი.

მანძილი იმათა და ეენძიანს შორის, რომელიც მიჰქროდა ელენესთან ერთად, უფრო და უფრო დიდდებოდა. ბოლოს წინ წასულნი მივიდნენ იქ, საცა გზა უცბად უხვევდა ზაბარაყისაკენ, ხოლო შემდეგ მიდიოდა ტყე-ტყე ცალ-ფენა ბილიკი, ნახევრად ხის ტოტებით გადაჩარდაბებული. ეენძიანი და ელენე პირდაპირ წავიდნენ და მალე სიბნელემ შთანთქა ისინი.

ვოლოდიევსკიმ შეაჩერა თავისი და ზაგლობას ცხენი.

— ღვთის გულისათვის! რას აპირობთ?—რუხრუხებდა შლიახტიჩი.

— უნდა შევაყენოთ მღვეარი. კნიაჟნასთვის სხვა გზა არ არის ხსნისა.

— ვილუბებით!

— ვილუბებით და დავილუბნეთ! დადექი აქა, გზის პირას! აგერ აქა!

ორივენი მიიყუენენ ხეებ შუა ამ ლამის სიბნელეში და ჩაუსაფრდნენ მტერს; თათართა ცხენების გამალებული თქარათქური უფრო და უფრო ახლოვდებოდა.

— გადაწყდა ჩენი ბედი!—სთქვა ზაგლობამ და მოიწათა ღვინით საესე ქუჩკელი.

დიდ ხანსა სვა და, ბოლოს თითქო გაცოცხლდაო, დაიძახა:

— სახელითა მამისათა და ძისათა და სულისა წმინდისათა! მე მზადა ვარ სასიკვდილოდ თავი გადაედო!

— მზადა ხარ და აი ეხლავე!—სთქვა ვოლოდიევსკიმ.— სამნი მიდიან წინა; მეც ეგ მინდოდა.

მართლაც, მთვარისაგან გაშუქებულს გზაზედ გამოჩნდა სამი ცხენოსანი, რომელნიც ისხდნენ საუკეთესო თათრულ ცხენებზედ. ეს ცხენები ისეთი მარდნი და სწრაფნი იყვნენ, რომ მგლებს დაეწეოდნენ. მათ უკან, ესე ორ-სამ ნაბიჯზედ მოსჩანდნენ სხვანი, შემდეგ ხომ მთლად ბრბო მოჰქროდა ურდოელებისა. დაუმხარდამხარდა თუ რა ის სამი თაჯარი ჩასაფრებულებს, იგრილა ორმა დამბაჩამ; ვოლოდიევსკი ფოცხვერივით გადახტა ზედ შუა გზაზედ და ვიღრე პან ზაგლობა მოისაზრებდა რასმე, მესამე თაჯარი იქვე დაეცა უსულოდ.

— აბა, გავწიოთ! — დაიძახა პატარა რაინდმა.

პან ზაგლობამ აღარ გაამეორებინა ბრძანება და ორივენი გაჰქანდნენ ისეთის სისწრაფით, თითქო მგლები არიან და უკან მონადირენი მისდევენ დაგეშილის ძაღლებითაო. ამ დროს სხვა თათრები მოუახლოვნდნენ თავიანთ დახოცილს ამხანაგებს და დაუწყეს იქ ლოდინი უკან დარჩენილებს. თათრები მიჰხდნენ, რომ იმ ტყუილმა მგლებმა ძალიან კბენა თურმე იცოდნენ.

— ჰნახე! — სთქვა ვოლოდიევსკიმ, — მაშინვე ვიცოდი, რომ გაჩერდებოდნენ.

მაგრამ ლტოლველთ მხოლოდ რამდენიმე ასი ნაბიჯი მოიგეს; დევნა დიდ ხანს აღარ შეუჩერებიათ, მხოლოდ თათრები ახლა უფრო დიდ გუნდად შეერთდნენ და ისე გამოეკიდნენ გაქცეულებს. თითო-ოროლობით ველარა ჰბედავდნენ წინ წასვლას.

ვოლოდიევსკისა და ზაგლობას ცხენები ძალიან დაღალულები იყვნენ ხანგრძლივის სიარულით და ამიტომ სწრაფად

ველარ მიდიოდნენ. მეტადრე ხანში შესულის შლიახტიჩის ცხენი: იმოდენა ტვირთის სიმძიმით ერთხელ კიდევ წაიფორხილა, მერე მეორედ და პან ზაგლობას ორიოდე შერჩენილი ბუწუწი თმისა სულ ყალხზედ დაუდგა, რადგან ეგონა, რომ ეს არის გადავეარდი ცხენიდანაო.

— პან მიხალ, ძვირფასო პან მიხალ, ნუ დამტოვებ მარტოს!—ჰყვიროდა განწირულებით ზაგლობა.

— შენ ნუ გეშინიან!—უპასუხა ვოლოდიევსკიმ.

— ოოჰ, მგლებმა კი გამოგხრან, კარგი ცხენი ეს არ.....

ველარ დაათვა სიტყვა; ყურთან გაუზუზუნა პირველმა ისარმა, შემდეგ, როგორც ფუტკრის ზმუილი, ისე ატყდა ზუზუნნი ისრებისა. ერთმა ისე ახლო გაურბინა, რომ კინალამ თან გაიტანა პირი-სახე ზაგლობასი.

ვოლოდიევსკი მობრუნდა და ორჯელ ესროლა ზედიზედ დამბაჩა თათრებსა.

ზაგლობას ცხენმა ერთხელ კიდევ წაიფორხილა და ისე ძრიელ წაიფორხილა, რომ კინალამ წაიქცა.

— ღეთის გულისათვის! ცხენი ლამის წამექცეს!—გულის გამგმირავის ხმით შეჰღრიალა შლიახტიჩმა.

— გადმოვხტეთ და ვეცეთ ტყეს!—დაიჰეჭა ვოლოდიევსკიმ.

ცხენი შეაყენა, გადმოხტა და ორივენი ერთად, ისა და ზაგლობა გაჰქანდნენ სიბნელეში.

მაგრამ ეს ოინი არ გამოეპარათ თათრებსა და იმათმა პატარა ირიბმა თეალებმა მალე შეჰნიშნეს, საითაც გაუხვიეს გაქცეულებმა. ოცი, ოც და ათი კაცი ამ უდაბნოს შვილთა შეჯგუფდნენ ერთად და გამოედევნენ უკან ტყეში დამალულებსა.

ხის შტოებმა მოჰხადა ზაგლობას ქუდი, დაუკაწრა პირი სახე, დაფხრიწა მისი ჯუბა, მაგრამ შლიახტიჩი მაინც თავისას არ იშლიდა და ისე მიჰრბოდა, თითქო ოც და ათის წლის ქაბუკაო. აცლი და დაეცემოდა, მაგრამ წამოდგებოდა ისევ და მიჰქროდა უფრო სწრაფად და თან ისეცა ჰქმინავედა, თითქო

შქედლის საბერველიაო; ბოლოს თავ-გზისა ველარა გაიგო-რა ამ ქულ-გადაგლეჯით სირბილში და ჩაიმზღვლა ერთს ღრმა ხრამში. ძალ-ღონე სულ დაჰკარგა. მიჰხვდა, რომ აქედან ველარ გავალწევ თავსაო.

— სადა ხარ?—ჰკითხა ნელის ხმით ვოლოდიეცკიმ.

— აქა ვარ, ძირს,—შემოსძახა კნაეილით ქვემოდან.—ღა-ვილუბე, კვალ-წმინდად დაეილუბე, ჩემთვის ნულარას იზრუნებ! შენს თავს უშველე ისევ!

ხოლო პან მიხალი ყოყმანს არ მოჰყვა და თვითონაც გადაეშვა ორმოში და პირზედ ხელი დააფარა პან ზაგლობას.

— ჩუმაღ იყავ! იქნება აგვცდნენ და გვერღზედ გაგვია-რონ! ეგეც რომ არ იყოს, მაშინვე ხომ არ დავენებდებით უბრ-ძოლველად.

ძლივს მოასწრო ამისი თქმა, რომ თათრებიც მოსცვივნენ. ზოგმა მართლა აუქცია. მხარი ღრანტეს იმ ვარაუდით, რომ გაქცეულნი ალბად უფრო შორს წავიდოდნენო, ზოგნი დიდის ფართი-ფურთით მიდიოდნენ, ეხეტებოდნენ აქეთ-იქით და სინ-ჯავდნენ თვითეულ ხესა და ბუჩქსა.

რაინდებმა სული განაბეს და კრინტს არა სძრავდნენ. ერთი მობრძანდეს ვინმე აქა,—სთქვა გულში ზაგლობამ განწი-რულებით,—და კარგა კი გავუმასპინძლები მე იმასა!“

უცებ ყოველ მხრიდან ფრქვევა დაიწყო ნაპერწკლებმა: თათრებმა ტალ-კვესი გაჰკრეს და კვესება დაიწყეს, ალბად სა-ნათი უნდოდათ აენთოთ.

კვესის ნაპერწკლების სუსტს უუქზედ შეიძლებოდა გაერ-ჩია კაცს იმათი განადირებული პირი-სახე წინ-წამოწვდილ ლოყის ძვლებითა და დიდი პროშებით, რომლითაც უბერავ-დნენ ცეცხლ-მოკიდებულს აბედს. რამდენსამე წამს გარს უვ-ლიდნენ იმ ღრანტეს და სულ ტყის ურჩხულებსა ჰგავდნენ; თან ნელ-ნელა უახლოვდებოდნენ კიდეც რაინდების უნებურს საფარს.

ერთი წუთი კიდეც, წუთი გულის ფანცქალისა და მო-უსვენრობით სავსე, მძიმე ლოდინისა. უცებ გზიდან მოისმა

რალაც არეული ხმაურობა და დაარღვია მღუმარება ტყის ტყერისა.

თათრები გაჩერდნენ გაშეშებულებივით; ვოლოდიევსკიმ სტაცა ხელი ზაგლობას და შიგ ბეჭებში ჩასკიდა თითები.

ხმაურობამა და ღრინანტელმა იმატა, აგერ, გაიელვა წითლად ცეცხლის აღმაც, ხოლო ამას მოჰყვა მაშინვე გრილი თოფებისა, — ერთხელ, ორჯელ, სამჯერ; ისმოდა ყიჟინი ალლაჰისა, წკრიალი ხმლების ცემისა, კიხვინი და თქარა-თქური ცხენებისა... გზაზედ ომი იყო გაჩაღებული.

— ჩვენები! ჩვენები! — დაიყვირა ვოლოდიევსკიმ.

— დაჰკა, დასჩეხე! დაჰკა, გაჰკვეთე, გააპე! — გრგვინავდა ჰან ზაგლობა.

ორმოს ახლო სწრაფად გაიბრინა რამდენმამე თათარმა, რომელნიც მირბოდნენ, რაც ძალი და ღონე ჰქონდათ, თავიანთ ხალხისაკენ. ვოლოდიევსკიმ ველარ მოითმინა, ამოჰხტა ორმოდან და იმ სიბნელეში გამოეკიდა უკან.

ზაგლობა მარტო დარჩა ორმოში.

ერთხანად ისიც ეცადა იქიდან ამოსელას, მაგრამ ვერ მოახერხა. ძვალი და რბილი სულ სტკიოდა და ძლივს იდგა ფეხზედა.

— ჰაი, თქვე წყეულნო! — სთქვა მან და მიიხედ-მოიხედა აქეთ-იქით, — გარბიხართ განა? ვაი იმას, ვინც აქ დარჩა. მე იმას ვაჩვენებდი, ამ ორმოს ძირში, რაც არის პოლონეთის რაინდი! ცუდად ამოგყლეთენ, თქვე წუნკალნო, ემანდა! რა ამბავია? უფრო მოხშირდა თოფის სროლა. უჰ, რა მინდა, რომ ეგ ჩვენი მშველელი თვით თავადი ერემია იყოს... ალლაჰ, ალლაჰ! დაიცადეთ, მალე თვით თქვენს მძოვრზედვე დაიწყებენ მგლები ღმუილსა: ალლაო! მაგრამ, ეს რა ჰქმნა ჰან მიხალმა?... მარტო როგორ დამტოვა! მაგრამ რა გასაკვირველია? ყმაწვილია, ბრძოლა ენატრება. ი ღვინის ჰურჭელი მაინცა მქონდეს აქა, ვინ იცის, იქნება ისიც ცხენებმა სულ ნაქუქ-ნაქუქად აქციეს. ახლა აქ არამ მიკბინოს, რომელმამე ქვეწარმავალმა-და! ეს რაღააო?

ღრიანცელი და გრიალი თოფის-სროლისა თან-და-თან შორიდან მოისმოდა, მინდურის მხრიდან.

— ჰე! დაიწყეს დევნა! ვერ გამაგრდით განა, თქვე ძაღლის გავარდნილებო! დიდება ღმერთსა!

ხმაურობა თითქმის მიჩუმდა და მხოლოდ ოდნავ-ღა მოისმოდა შორის მანძილიდან.

— ძალიან მირბიან, ეტყობა! — ბუზღუნებდა ხანში შესრული შლიახტიჩი. — ჰმ, მე კი მგონია, რომ კარგა ხანს მომიხდება ამ ჯურღმულში ჯდომა. მგლებმა არ შექამონ-და! ღმერთო, შენ მოუვლინე ბოგუნს მარგილი, მგლები, ცოფი, ხოლო თათრებს ჩვენებიც კარგად გაურიგდებიან. პან მიხალ! პაი, პან მიხალ!

პან ზაგლობას სრულმა ღუმიღმა მისცა პასუხი, მხოლოდ ტყე შრიალედა და შორიდან მოისმოდა კიდევ სუსტი ხმაურობა ბრძოლისა.

— დავწვე აქა და დაეძინო, თუ რა ექნა? ვაი ეშმაკმა და ქაჯმა დასწყევლოს ესე ყოველივე! პაი, პან მიხალ!

დიდ ხანს იყო ზაგლობა ასეთს ყოფაში და იღეოდა ლოდინითა. განთიადი იყო უკვე მოტანებული, როცა გზიდან მოისმა თქარა-თქური და ტყეში გამოჩნდა სინააღე.

— პან მიხალ! მე აქა ვარ! — დაიყვირა შლიახტიჩმა.

— აბა, ამოფოფხდი მაშა.

— არ შემიძლიან.

პან მიხალმა, რომელსაც ერთს ხელში ანთებული შტო ეჭირა ხისა, მგორე გაუწოდა ზაგლობასა.

— ჰმ! ამოდო თათრები აღარსად არიან! სიცოცხლე გაქვს, ჩვენ იმათ ვამყოფინეთ, სულ აიქითა ტყემდინა ვსდიეთ და ზურგზედ ბოლი ავადინეთ.

— ეინ იყვნენ ჩვენები?

— კუშელი და როზტვოროვსკი ორი ათასის ცხენოსანითა, და ჩემი ღრაკუნები.

— ის წარმართნი-ღა ბევრნი იყვნენ?

— არა! სულ ორი ათასამდე იქმნებოდნენ.

— მადლობა უფალს! ერთი მომეცით რამე დავლიო; მოგვეკვდი, აღარა ვარ კაცი.

ორ საათს შემდეგ პან ზაგლობა წყურვილ-მოკლული და კარგად დანაყრებული იჯდა მოსვენებით ცხენზედ და მიდიოდა ვოლოდიევისკის დრაგუნთა შორის პან მიხალთან ერთადა.

— ნუ იწუხებ, — ამშვიდებდა ზაგლობას პატარა რაინდი, — რომ კნიაჟნასთან ერთად არ მივალთ ზბარაჟს! უფრო ცუდი იქმნებოდა, რომ იმ წარმართთ ჩაჰვარდნოდა ხელში.

— იქნება ეერძიანმა მოახერხოს და მოვიდეს ზბარაჟს?

— მაგას ვერ მოახერხებს, იმიტომ რომ გზა დაჭერილი იქნება. ჩვენ-მიერ დაძლეული რაზმი მალე კვლავ მოიყრის თავს და გამოსწევს ჩვენსკენ. ეგეც რომ არ იყოს, ბურღაი მივა და დადგება ზბარაჟს ახლო ბანაკად უფრო ადრე, ვიდრე ეენძიანი მიასწრებს იქ მისვლას. მეორე მხრით, კონსტანტინოვიდან ხმელნიცკი და ყენი მოდიან.

— ღმერთო დიდებულო, მაშინ ისა და კნიაჟნა ხომ ხათანგში მომწყვდეულებივით დარჩებიან და ორ წყალ-შუა იქმნებიან?

— ყოველივე დამოკიდებულია ეენძიანის მოხერხებაზედ. შესაძლებელია, მოასწროს და დროზედ გაიაროს მანძილი ზბარაჟსა და კონსტანტინოვის შორის და აღარ ჩაუვარდეს ხელში ან ხმელნიცკისა და ან თათრებს. იცი, თითქმის დარწმუნებულიცა ვარ, რომ სწორედ ასე მოხდება.

— დიად, კარგი იქმნება, თუ აგრე მოჰხდა.

— ეენძიანი მეგაა ნამდვილი. შენ ხომ ძრიელ მოხერხებული ხარ, ის კიდეც შენ გადაგაქარბებს. ჩვენ რამდენი ვიმტვრიეთ თავი, როგორ დავიხსნათ ელენეო, ბოლოს ჩვენ სულ ვედარა მოვახერხეთ-რა და აიგერა იმან კი რა ჰქმნა. ახლა უყურე შენ იმას, ისე დაიწყებს კლავენას, როგორც გველი და მოიგონებს კი რასმე, მით უმეტეს, რომ მისი სიცოცხლე საფრთხეშია.

ზაგლობა ცოტათი დამშვიდდა.

— პან მიხალ, — ჰკითხა მან პატარა ხანს უაკნ, — კუშელს არა ჰკითხე-რა, სქშეტუსკი როგორ არის?

— ზბარაჟშია თურმე და მადლობა ღმერთს, კარგადაც არისო. თავად კორეცკის გამოსთხოვებია და წამოსულა ზაცხელიკოვსკისთან ერთად.

— რა პასუხი უნდა გავსცეთ ახლა ჩვენ იმასა?

— საქმეც ეგ არის! რა პასუხი გავსცეთ?

— ის ხომ იმასა ჰფიქრობს, რომ ვითომ კნიაცნა კიევშია მოკლულიო?

— მაშა.

— შენ არავის უთხარი, საიდან მოვდივართ ჩვენა?

— არა; მე ასე ვითიქრე, რომ სჯობს მე და პან ზაგლობამ ერთად მოვიფიქროთ-მოთქი ყოველივე ესე.

— გვირჩევენიან, რომ სულ ხმა არ ამოვიღოთ ჩვენის თავგადასავალის გამო. ღმერთმა კი ნუ ჰქნას და თუ ის ქალი კვლავ თათრებისა და ყაზახების ხელში ჩავარდა, სქშეტუსკის კვლავ განუძლიერდება დარდი და მწუხარება.

— თავს დაედებ თუნდა სანაძლეოდ, რომ ჟენძიანი მოახერხებს და დაიხსნის იმ ქალს.

— მეც დიდის სიამოვნებით გავწირავდი თავს, ოღონდ ეგ ეგრე მომხდარიყო, მაგრამ ისეთი დრო არის ახლა, რომ უბედურება, თითქო მოარულიაო, ისე დადის ქვეყნადა. სჯობს გავჩუმდეთ. იმედი ვიქონიოთ ღვთისა.

II

პან ვოლოდიევსკისა დაზაგლობას ზაბარაჟში დაჰხვდნენ ყველა სახასო ჯარები, მზად-მყოფნი მტერთა საოტებლად. იქ იყო სახასო მხედართ-მთავარიც, რომელიც კონსტანტინოვიდან მოსულიყო, ლიანცკარონსკიც, კამენცის კაშტელიანი, მესამე სარდალიც, პან ფირლეი დომბროვიცელი, ბელსკის კაშტელიანი, პან ანდრია სერაკოვსკიცა, სახასო მწერალი, პან კონეცპოლსკიცა, მედროშე-ბაირალტარი, პან ფშიემსკიცა, თოფჩი-ბაშთა

იარანალი, ხანში შესული, გამოცდილი მეომარი. იმათა ჰყავდათ ათი-ათასი კაცი სახასო ჯარისა, იმათ გარდა, რაც სადროშონი იყვნენ წინაღვე მოსულნი ზბარაჟს თავად ერემიას ჯარებისა.

პან ფშიემსკიმ ქალაქის განაპირას, სამხრეთად, გნეზნას მდინარესა და ორ ტბას შორის ააგო მტკიცე სიმაგრე უცხოელთა წესზედა, — სიმაგრე თითქმის შეუვალი. მისი აღება შეიძლებოდა მხოლოდ წინა მხრიდან, რადგან უკანა კერძონი დაცული ჰქონდა ტბებითა, ციხე-დარბაზითა და პატარა მდინარეთი. აი ამ სიმაგრის წყალობით იმედოვნებდნენ სარდალნი პასუხის გაცემას ხმელნიცკისათვის; აქ უნდოდათ შეეყენებინათ მტერი იმ დრომდე, ვიდრე მოვიდოდა მეფე დანარჩენის ჯარებითა და ქულზედ კაცი გამოწვეულ თავად-აზნაურობითა. გარნა შესაძლო იყო ესა, თუ მიღებულ იქმნებოდა მხდელობაში ძლიერება ხმელნიცკისა? ბევრი ექვობდნენ და თავიანთ მოსაზრებას ამტკიცებდნენ საფუძვლიანის საბუთებით, უმთავრესად კი იმას იხვევდნენ ხელზედ, რომ საქმის ვითარება თვით ბანაკში ვერ გვიწყობს ხელსაო. უპირველეს ყოვლისა, სარდალთა შორის დაფარული იძულება სუფევდა. ყველანი უნებურად იყვნენ მოსულნი ზბარაჟს, უფრო თავად ერემიას ახირების გამო. პირველში კონსტანტინოვს უნდოდათ გამაგრება, მაგრამ როცა გავრცელდა ხმა, რომ თვით ერემია საქმეში მხოლოდ მაშინ ჩაერევა, როცა ზბარაჟში შეიკრიბებიან ყველანი თავის დასაცველად, ჯარის-კაცებმა მაშინვე გამოუცხადეს მეფის სარდლებს, ჩვენ ზბარაჟს გვინდა წასვლა და სხვაგან არ ვიბრძობლებთო. ვერც რჩევა-დარიგებამ, ვერც კვერთხის მნიშვნელობამ — ვერაფერმა ველარ მოატრიალა საქმე და სარდლებიც მალე მიხვდნენ, რომ თუ არ დავიშალეთ და ასე გავკერპდით, მთლად ჯარი, უკეთეს გუსართა სადროშოებიდან დაწყებული უცხოელ რაზმთა უკანასკნელ ჯარის-კაცამდე, თავს დაგვანებებენ და ვისნევეცკისთან გაიქცევიანო. ეს გარემოება ერთი მრავალთაგანი შედეგი იყო სამხედრო წეს-რიგის მისუსტებისა, ისეთი გარემოება, რომელიც დაჰბადა სარდალთა უნიკობამ,

მათ შორის ატეხილმა უთანხმოებამ, მეტის-მეტმა შიშმა ხმელნიცკის ძლიერების წინაშე და მანამდე არ გაგონილმა არა ერთმა და ორმა ღამარცხებამ, მეტადრე პილავეცისამ.

და სარდალნიც იძულებული იყვნენ წაეყვანათ ჯარი ზბარაჟს, საცა ხელმწიფება, მეფის ბრძანების წინააღმდეგ, იმათ ხელიდან უნდა გადასცემოდა ხელში ვისნევცკის თვით საქმეთა ვითარების ძალითა, იმიტომ რომ ჯარს მხოლოდ იმისი მორჩილება სურდა, მხოლოდ იმის ხელ-ქვეითად უნდოდა ბრძოლა და სიკვდილიცა. გარნა ასეთი სასურველი მხედართ-მთავარი ჯერ ზბარაჟში არ იყო და მოუსვენრობა ჯარისა თანდა-თან უფრო მატულობდა და თავს აჩენდა ის ჩქროლა გულისა ჯარში, რომელიც თვითონაც ვერ გაუგია, რისგან არის წარმომდგარი. უკვე ყველამ იცოდა, რომ ხმელნიცკი, და მასთან ერთად ყვენიც, ახლოს არის და ისეთი ლაშქარი მოჰყავთ, რომლის მზგავსი ჯერ არაკის შემოუკრებია თემურ-ლენგის შემდეგაო. ბანაკში მოდიოდა დღე-მუდამ სხვა-ღა-სხვა აზიერებული და საზარელი ხმა და გულის უტეხავდა ჯარის-კაცებს. ბევრს ეშინოდა, ღმერთი არ გაგვიწყრეს და ყველას თავზარი არ დაეცეს შიშითაო, ისე, როგორც პილავეცის ომის დროს მოჰხდა, და ეს ამოდენა ჯარი, რომელიც გზას უღობავდა ხმელნიცკის რესპუბლიკის შიგ უთაგულის მისასვლელად, არ დაგვეფანტოსო. მხედართ-მთავრებსა და სარდლებს თვით ეკარგებოდათ გონება და აღარ იცოდნენ, რა გზას დასდგომოდნენ.

იმათი წინა-უქმო ბრძანებანი ან სულ არა სრულდებოდა, ან სრულდებოდა უგულოდ, უხალისოდ. უქვეელი იყო, რომ მხოლოდ ერემიას შეეძლო აეცილებინა თავიდან ის უბედურება, რომელიც თავს დასტრიალებდა ბანაკს, ჯარს და ქვეყანას.

პან ზაგლობა და ვოლოდივესკი, რომელნიც კუშელის სადროშო ჯართან ერთად მოვიდნენ, უცებ მოჰყენენ ცხოვრების ჩანჩქარში. გამოვიდნენ თუ არა მეიდანზედ, მაშინვე გარს შემოერტყნენ ცნობის-მოყვარე ამხანაგნი. რაკი ტყვედ-შეპყრობილი თათრები დაინახეს, ყველას თითქო გული მოეცა.

„თათრები დაამარცხეს! თათართა ტყვენი მოიყვანეს! ღმერთმა გამარჯვება მოგვანიჭა!“ გაიძახოდნენ ერთნი.—„თათრები ახლო არიან და ბურლაიცი იმათთან არის!“ ჰყვიროდნენ მეორენი.—„ავისხათ თოფ-იარაღი! ავიდეთ გალავნის კედლებზედ!“ ყოველს წუთსა და საათს მატულობდა მნიშვნელობა კუშელის გამარჯვებისა. კუშელი პასუხს არ აძლევდა, თუმცა ასი და ორასი ეკითხებოდა, როგორ იყო, რა ამბავი იყოვო და პირდაპირ ბელჯის კაშტელიანის სახლში წავიდა გარდახდილის ბრძოლის ამბავის მოსახსენებლად; ვოლოდიეესკი და ზაგლობაც ყოველის ღონის-ძიებითა ცდილობდნენ თავი დაეღწიათ ამხანაგებისათვის და წასულიყვნენ სქშეტუსკის მოსაძებნად.

ბოლოს ციხე-დარბაზში იპოვეს. იმასთან იყო მოხუცი ზაცვილიხოვესკი, ორი ქსენქი ბერნარდინელი და პან ლონგინუს პოლბიპენტა. სქშეტუსკი, მეგობრები რომ დაინახა, ოდნავ გაფითრდა და თვალები ძირს დაჰხარა: მათმა დანახვამ ცხოვლად გაუთვალისწინა წარსული. მაგრამ მაინც გულ-დამშვიდებითა და, თითქმის სიხარულით, მიესალმა, დაუწყო გამოკითხვა და პირველსავე პასუხს დაჰკმაყოფილდა. კნიაჟასთან ერთად ყოველი ხალისი გაუქრა, ყოველი სასოება დაჰკარგა. მეგობრებმა, თავიანთის მხრით, ერთი სიტყვა არა სთქვეს იმის შესახებ, თუ სად ვიყავით და რად ვიყავითო, თუმცა პან ლონგინისი ჩაცვივებით შეჰყურებდა ხან ერთსა და ხან მეორეს, ოხრავდა, მოუსვენრობდა და უნდოდა იმათს სახეზედ წაეკითხა, იყო რამ იმედი, ანუ აჩრდილი მაინც იმედისა თუ არა. პან მიხალი მოეხვია სქშეტუსკის და თითქმის ხელიდან აღარ უშვებდა. მისი გული მოლობა, როცა დაინახა თავისი ძველი მეგობარი, რომელმაც იმდენი ჭირი და ვარამი გამოსცადა, იმდენი დასაკარგი დაჰკარგა, რომ სიცოცხლეც კი მოჰბეზრდა.

— აგერ ახლა ისევ ერთადა ვართ ყველანი, — სთქვა მან. ჩვენთან ერთად კარგად იქმნები ახლა. ომი, როგორცა სჩანს, ისეთი მოგველის, როგორაც არ გაგონილა ჯერა, ხოლო ომთან ერთად ხალისიც დაიბადება მეომართა გულში. ოღონდ

ღმერთმა ჯანი მოგცეს, თორემ არა ერთხელ წაიყვან კიდევ საომრად გუსარებს.

— ღმერთმა დამიბრუნა ჯანი, — უპასუხა სქშეტუსკიმ, — ხოლო თვითონ მეც იმის მეტი სხვა აღარა მინდა-რა, რომ ვე-მსახურო სამშობლოს.

მართლაც, სრულიად ჯან-საღად იყო, ახალგაზღობასა და მის ძალ-ღონეს დაეძლია ავადმყოფობა. მწუხარებამ ამოსწვა მისი სული, გარნა ხორცს ვერა დააკლო-რა. მხოლოდ საშინლად იყო გამხდარი და სახეზედ სანთლის ყვითელი ფერი დასდებოდა. ისევ წინანდელი იერი გადაჰფენოდა სიკუშტისა და სამარებრი-ვის დამშვიდებისა, შავს წვერში უფრო გაჰხშირებოდა ვერც-ხლებრ თეთრი ქაღარა, ხოლო ყველაფერში არაფრით არ გა-ნირჩეოდა არავისაგან, მარტო იმით თუ, რომ, ჯარის-კაცთა ჩვეულების წინააღმდეგ, ერიდებოდა მუსაიფს, სმა-ქეიფსა და ნადიმსა, რჩებოდა ბერებთან ყოფნასა და ლაპარაკს მონასტრის ცხოვრების შესახებ. ესეც კია, რომ ამისთანა ზნე-ხასიათი სრუ-ლიად არ უშლიდა მხნედ ეკეთებინა თავისი საქმე სამსახურში.

მუსაიფი მაშინვე ყოვლად მწვავე საგანს შეეხო, მოსა-ლოდნელს ომს. ზაცვილიხოვესკი დაწერილებითა ჰკითხავდა და ძიობდა თათრებისა ამბავსა და ბურლაისას, რომელიც მისი ძველი ნაცნობი იყო.

— დიდებული მეომარია ბურლაი, — სთქვა მან, — და სამ-წუხაროა, რომ სხვებთან ერთად ისიც ამხედრებულა სამშობ-ლო ქვეყნის წინააღმდეგ. მე და ის ერთად ვმსახურობდით, რო-ცა ხოტიმზედ იერიში მივიტანეთ; სულ ბავშვი იყო მაშინ, მაგრამ მაინც დიდს იმედს იძლეოდა.

— ის ზომ დნეპრის იმიერ მხრიდან არის და იქაურებსა ჰწინამძღვრობს, — სთქვა სქშეტუსკიმ, — და როგორ-ღა მოჰხდა, რომ ახლა კამენცის მხრიდან მოდის აქეთ?

— ალბად ხმელნიცკიმ განგებ უბრძანა იქ დაედო ბინა ზამთრობითა. ტუღაი-ბეი დნეპრს ახლო დარჩა, ხოლო ტუ-ღაი-ბეის დიდი ხანია სძულს ბურლაი. არავის არ აუდენია ზურგზედ ისეთი ბოლი თათრებისათვის, როგორც ბურლაის.

— ახლა კი იმათი მომხრე და თანაზიარია?

— დიად! — ამოიოხრა ზაცვლიხოვესკიმ, — აგრეთი დრო დადგა. ხმელნიცკი თვალს არ მოაშორებს, რომ ერთმანერთი არ დასქამონ.

— ხმელნიცკის როდის-ღა ელით? — ჰკითხა ეოლოდივესკიმ.

— დღითი-დღე ველით, მაგრამ, ვინ იცის! გეტმანები ყოველდღე უნდა ჰგზავნიდნენ საზვერავედ რაზმებს, მაგრამ ისინი ასე არ იქცევიან. ძლივს დავაჯერე, რომ კუშელი სამხრეთად გავგზავნათ, ხოლო პან პიგლოვესკები ჩოლგნის ქვისაკენ. თვითონ მეც მინდოდა წავსულიყავი, მაგრამ აქ სულ ბჭობა და თათბირია... ამბობენ, რომ გაჰგზავნიან პან სახასო მწერალსა რამდენიმე სადროშო ჯარითაო. სჯობს აჩქარდნენ, თორემ მერე გვიან-ღა იქნება. ღმერთმა ინებოს, რომ ჩვენი თავადი მალე მოვიდეს, თორემ ისეთივე უბედურება დაგვატყდება თავს, როგორც პილავეტთან დაგვატყდა.

— ვნახე მე ის ჯარის-კაცნი, როცა მეიდანზედ გამოვიარეთ, — სთქვა ზაგლობამ, — და ვგონებ, რომ მათ შორის უფრო ბევრია საძაგელი, ვიდრე ყოჩალი და გულადი მეომარი. ჩერჩეტები არიან და არც ამხანაგებად გამოგვადგებიან ჩვენ, რომელნიც სახელს უფრო ვაფასებდით, ვიდრე სიცოცხლეს.

— რას ამბობ ერთი? — ცოტა არ იყოს, იწყინა ზაცვლიხოვესკიმ. — არ უარ-ვეყოფ მე თქვენს ვაჟკაცობას, თუმცა წინაღუ კი სხვა აზრისა ვიყავო, მაგრამ უნდა ვსთქვა, რომ აქ შემოკრებულნი რაინდობაც უკეთესნი მეომარნი არიან, ისეთნი, რომლებმანაცა ჯერ რესპუბლიკას იქნება არც კი უნახავს. მოთავეა მხოლოდ საჭირო, სარდალი? პან ლიანცკარონსკი კარგი მხედარია, ცხენოსანი, გარნა სადაური სარდალია? პან ფირლევი მოხუცია და ხოლო რაიცა შეეხება სახასო მხედართ მთავარსა, იმან თავად დომონიკ ზასლავსკისთან ერთად უკვე მოიხევეჭა სახელი პილავეტთან. რა გასაკვირველია, რომ ჯარს არ უნდა იმათი მორჩილება? ჯარის-კაცი თავისით დაჰღვრის სისხლს, თუ დარწმუნებულია, რომ გაუჭირვებლად არ გამოასალმებენ წუთი-სოფელს. აი ახლა: იმის მაგიერ, რომ იფიქრონ, რომ

გორ დავიცვათ თავიო, ისინი ერთმანერთს ეკაპუნებიან იმის შესახებ, მე სად დავდგე და შენ სადაო.

— ნუზლ-სურსათი საკმაოდ კია მომზადებული? — შეწუხებული კილოთი ჰკითხა ზაგლობამ.

— ცოტაა ეგეც, ხოლო თივა და შერია ხომ უფრო ნაკლები. თუ გარ-შემოდგომამ თვეზედ მეტი ხანი გასტანა, ცხენებს ქვა და მიწა უნდა ვაქამოთ.

— ჯერ დრო კიდევ არის, — სთქვა ვოლოდიევსკიმ.

— წადი და უთხარი, აბა, იმათა. ვიმეორებ: ერთი ნეტა ღმერთი ინებებდეს და მალე მოგვივლენდეს თავადსა!

— მარტო თქვენ არა ჰნატრობთ იმის მოსვლასა, — გააწყვეტინა სიტყვა პან ლონგინუსმა.

— ვიცი. აბა გაჰხედეთ მოედანს. ყველანი გალაგნის კედლებსა და თხრილებზედ სხედან და მწუხარებით გაიციქირებიან ძველის ზბარაჟისაკენ; ზოგი სამრეკლოებზედაც კი აფოფებოლა, და თუ ვინმე დაიძახა: „მოდისო!“, ყველანი სიხარულითა კინალამ ჰქუთაზედ იშლებიან. მწყურვალე ირემს არ მოსწყურდება ისე წყალი, როგორც ჩვენ გვწყურიან იმისი მალე მოსვლა.

სურვილი და ღვთისადმი ვედრება მთლად რაინდობისა მალე უნდა აღსრულებულიყო, თუმცა მეორე დღემ უფრო ახირებული ამბავი მოიტანა. რვა იელისს, ხუთშაბათს დღეს ქალაქში საშინელი ქარი ასტყდა და ძლიერებით დაუბერა ახლად აგებულ გალაგან-თხრილებს ბანაკისასა. წვიმა კოკის-პირულად მოდიოდა და ერთი ნაწილი მიწისაგან გაკეთებული სიმაგრეებისა სულ დააქცია. გნეზნა და ორი ტბა ნაპირებს აქეთ ვადმოვიდა. საღამოზედ მეხი დაეცა ფირღვის ქვეითის ჯარის სადროშოს, მოჰკლა რამდენიმე კაცი, ხოლო თვით დროშა სულ დაჰფლითა. ეს გარემოება ავი ნიშანიაო, იფიქრეს, ცხადი რისხვაა ღვთისაო. მით უმეტეს იფიქრეს ასე, რომ პან ფირღვი კალვინის მოძღვრების აღმასრულებელი იყო. ზაგლობამ ურჩია აფიცრობას, დეპუტაცია გაეუგზავნოთ და ვსთხოვოთ, კათოლიკეთა ეკკლესიას შემოუერთდესო, „ვინაიდან კურახევა

ლეთისა ვერ დაადგრება იმ ჯარს, რომლის მხედართ-მავარი სცხოვრებს ზეცისათვის საწყინარ ცოდვათა შინაო.“ ბევრნი თანაუგრძნობდნენ შლიახტიჩის აზრს და მხოლოდ კაშტელიანის პიროვნებისა და კვერთხის პატივისცემამ შეაყენა ეს საქმე დეპუტაციის გაგზავნისა. გარნა ჯარს გული მით უფრო წაუხდა და სული მისი უფრო დაეცა. ქარი განუწყვეტლივ ჰქროდა მძვინვარებით; თხრილის გალავანი, თუმცა ქვით იყო გარშემოვლებული, ისე გაიჟლინთა და დაღბა, რომ ზარბაზნები ტალახში იფლობოდნენ. საჭირო შეიქმნა ხეები შეედოთ ქვეშ. საცა თხრილი ღრმად იყო ამოღებული, წყალი კაცის სიმაღლეზედ დაგუბდა შიგ. გრიგალი ქარისა მიაქანებდა აღმოსავლეთისაკენ ახალ-ახალ შავ-ღრუბლებს, რომლებიც ირევოდა, საშინელის გრიალით ეჯახებოდა ერთმანერთს და იყო ერთი თავს-ხმა, გრიალი ქუხილისა და ელვა-ქექა. ბანაკად მხოლოდ მსახურნი-ღა დარჩნენ; ყველა აფიცრები, უფროსნი, გეტმანები, ჰან ლიანცკარონსკის გარდა, ქალაქში წავიდნენ და იქ შეაფარეს თავი. ამ გრიგალთან ერთად რომ მოსულიყო ხმელნიცკიცა, ისე აიღებდა ბანაკს, ხმას არავინ გასცემდა.

მეორე დილას კარგი დარი გამოვიდა, თუმცა წვიმა მაინც მოდიოდა ცოტ-ცოტათი. მხოლოდ ნაშუადღევს, ესე საათის ექვსზედ, ქარმა გაჰფანტა ღრუბლები, ცამ მოიწმინდა, ხოლო ძველის ზბარაჟის მხარეს გამოჩნდა ცისარტყელა, ერთის კალთით ძველს ზბარაჟზედ დაყუდებული, ხოლო მეორეთი შავს ტყეზედ; ცისარტყელა ბჰყვრილობდა და ციმციმებდა სხვა-და-და-სხვა ცხოველი ფერადითა, თითქო მიმომსრბოლელ ღრუბლებს შესთამაშებსო.

სხივი იმედისა კელავ ჩაეფინათ გულში უსასოდ-ქმნილთა. რაინდობა დაბრუნდა ბანაკში და ბობღვით აღიოდა სისველით მოლიპულ თხრილებზედ, რათა დამტკბარიყო ცისარტყელას ცქერითა. დაიწყეს მითქმა-მოთქმა და ფიქრი, რას უნდა მოასწავებდეს ეს ცისარტყელაო, და სწორედ ამ დროს კი ჰან ვოლოდიევსკიმ, რომელიც სხვებთან ერთად იდგა ზედ თხრილის პირზედ, მიიფარა ხელი შუბლზედ, რადგან უნდოდა უკეთ

გაერჩია თვისის ფოცხოვერისებურის თვალებით, რაც მოსჩანდა შორს და დაიძახა:

— ჯარი მოდის ცისარტყელას მხრიდან! ჯარი მოდის!

ყოველივე შეიძრა, შეირყა... სიტყვებმა: „ჯარი მოდისო!“ შურდულის ქვასავით გაიზუზუნა ბანაჯის ერთის კილიდან მეორემდე. ჯარის-კაცნი ერთმანერთს მიეჯარნენ, მიეჯახნენ. ხმაურობა ხან ძლიერდებოდა, ხან შიშუმდებოდა; ყველამ თვალი მიაპყრო შორის მანძილის სივრცეს, ყველას გულმა დაიწყო ცემა და იგრძნო ჩქოლოვა მოუსვენრობისა და იმედისა.

ხოლო იქ, შეიდ-ფეროვან კამარად შეკრულ თალ-ქვეშა რაღაცა დიდდებოდა, შორეულ ნისლთა შორის ჩნდებოდა, ახლოვდებოდა, ცხადი დასანახი ჰხდებოდა... აგერ გამოჩნდა დროშები, აღამ-ბაირალები... შეუძლებელი-და იყო თქმა, რომ თვალებს ასე ეჩვენებოდა: ნამდვილად ჯარი იყო.

უცბად ერთი საერთო ძახილი, გრიგალივით ძლიერი ძახილი აღმოხდა ყველას გულიდან, ძახილი საოცარის და გაუგებარის სიხარულისა:

— ერემია! ერემია! ერემია!

ნამსახურნი ჯარის-კაცნი სულ ცას დაეწივნენ სიხარულით. რიგი გადაცინდა თხრილებიდან, გადაჰბტა თხრილზედ და მოედო ნიაღვრით წალეკილ მინდვრებს ჯარის მისაგებებლად; რიგი იცინოდა და ხარხარებდა, რიგი ტიროდა და ცად აღეპყრო ხელნი. კაცს ეგონებოდა, ალყა აუხსნიათო და ხმელნიცკი დაუძლიევიათო. თავადის ჯარი უფრო და უფრო ახლოვდებოდა; ახლა შესაძლო იყო გარჩევა დროშებისა და აღამ-ბაირალების ფერისა. წინ, როგორც წესად იყო მიღებული, მოდიოდა რამდენიმე სუბუქი რაზმი: თათრებისა და ვლახელებისა, მათ შემდეგ უცხოელთა ქვეითი ჯარი. მარნიცკის უფროსობით, შემდეგ თოფჩნი, დრაგუნები და გუსარნი. სხივები მზისა ბჰყვრიალებდა და ციმციმებდა იმათ ფოფ-იარაღზედ, მალლა აშვერილ შუბების წვერებზედა. სქშეტუსკამ, რომელიც თხრილზედ იდგა პან ლონგინუსის გვერდითა, იცნო თავის დროშა და ჩამოყვითლებული ლოყები ოდნავ დაუკვერ-

და სიწითლითა; ღრმად ამოიოხრა, თითქო მძიმე ტვირთი მოიხსნაო; როგორღაც კარგს გუნებაზედ დადგა, გულზედ მოეშვა. ახლოვდებოდა დრო აუტანელის ჯაფისა, დრო ომ-ბრძოლისა, რომელიც ყველაზედ უკეთა ჰკურნავს გულს და დროებით მაინც ავიწყებს ადამიანს სევდა-ნალევლსა. ჯარები უფრო მოახლოვდა. ათას ნაბიჯზედ მეტი მანძილი აღარ იყო დარჩენილი იმათა და ბანაკს შორის. თხრილებზედ ავიდნენ უფროსნიცა, პან ფშიემსკი, პან სახასო მედროშე-ბაირალტარი, პან უფროსი კრასნოსტავისა, პან კორფი და ბევრი სხვანიცა. ისინიც საყოველთაო მხიარულებას იზიარებდნენ, მეტადრე პან ლიანცკარონსკი; ლიანცვარონსკი უფრო რაინდი იყო, ვიდრე სარდალი, თუმცა გულითა და სულით უყვარდა ომი და ბრძოლა; აღხა გაეწოდა კვერთხი ერემიასაკენ და ხმა-მალლა იმეორებდა:

— აი ჩვენი ამირ-სპასალარი და მე პირველი ვუთმობ იმას ჩემს უფლება-ხელმწიფობას.

თავადის ჯარი შემოერია ბანაკში. სულ სამი-ათასი კაცი იყო ამ ჯარში, გარნა სამაგიეროდ ისინი იყვნენ ძლევა-შემოსილნი პოგრებიშჩებთანა, ნემიროვთან, მახნოესკთან და კონსტანტინოვთან. სუბუქს რაზმებს შემდეგ დიდის ვაი-ვაგლახით შემოვიდა ვურცელის თოფითა რაზმიცა თორმეტის ზარბაზნით. თავადი მერე მოვიდა, როცა მზე ჩავიდა. ყოველივე, რაც კი სკოცხლობდა, შემოკრა იმის მიგებებად. ჯარის-კაცებმა მაშხალები აანთეს და ერთად შეკრულ მკვრის ბლუჯებს მოუკიდეს ცეცხლი; ამ სახით მიეგებნენ თავადს, შემოეხვივნენ მის ცხენს, სწვდებოდნენ აღვირს და აჩერებდნენ, რომ უფრო დიდხანს დავსტკბეთ გმირის ცქერითაო. აღტაცება იქამდე მივიდა, რომ არამც თუ პოლონელმა ჯარის კაცებმა, არამედ უცხოელთაც კი გამოაცხადეს უსასყიდლოდ ვიშახურობთ მთელს ოთხს თვესა, ჯამაგირი არ გვინდაო. კინალამ არ გაქყლიტეს თავადი, ისე შემოეჯახნენ, ადგილიდან ვეღარ დასძრა თავისი თეთრი ცხენი, ხოლო გარშემო ისმოდა განუწყვეტელი გრიადი „გაუმარჯოსთ.“

სალამო კარგი იყო, მშვიდი. ცაზედ დაიწყეს ციმციმი ათასობით ეარსკვლავებმა. როცა თავადს მიუახლოვდა ლიანცკარონსკი, რომ იმისთვის გარდაეცა კვერთხი, ერთი ეარსკვლავი მოსწყდა ცაზედა, ელვასავით წაჴიდა და ჩავარდა კონსტანტინოვის მხარისაკენ, საიდანაც უნდა მოსულიყო ხმელნიცკი. „ეგ ხმელნიცკის ეარსკვლავიაო!“ — დაიძახეს ჯარის-კაცებმა. — სასწაული! სასწაული! თვალით დასანახავი წინად-მამუწყებელი ნიშანი!“ — „გაუმარჯოს ერემია ძლევა-მოსილს!“ — იძახდა ხალხი ათასისა და ათი-ათასის პირითა. კამენცის კაშტელიანმა ანიშნა ხალხს, რომ მინდა ესთქვა რამეო და ყოველივე დადუმდა.

— მეფემ მიბოძა კვერთხი, — სთქვა მან, — გარნა კვერთხი ესე მინდა გადავცე ხელში უფრო ღირსეულს და პირველს; მე მსურს ვემორჩილებოდე თქვენს ბრძანებას.

— ჩვენც ეგრედვე გვსურს! — განიმეორა დანარჩენმა ორმა სარდალმაცა.

სამი კვერთხი ერთად იქმნა გაწვდილი თავადისაკენ, მაგრამ მან ხელი გაიქნია, უარის ნიშნად.

— მე არ ჩამიბარებია თქვენთვის ეკ კვერთხნი და მევე ეერ გამოგართმევთ უკან.

— იყავით მაშ ჩვენ სამში მეოთხე! — სთქვა ფირლეიმ.

— გაუმარჯოს ვისნევეცკის! გაუმარჯოს გეტმანებს. — შეკჰყვირა რაინდობამ! — თავს დავსდებთ მათთვის!

ამ დროს თავადის ცხენმა ამართა თავი, შეიბერტყა ახალფერით შეღებილი ფაფარი და დიდის ხმით დაიწყო ჰინჯინი. მთლად ბანაკის ცხენებმაც მიჰბაძეს მის მაგალითს და მორთეს ჰინჯინი.

ესეც საკეთილო ნიშნად იყო მიჩნეული. თვალეგი ჯარის-კაცებისა ციცინათელასავით ანთებულიყო, გული სცემდა აჩქარებით ომის წყურვილის გამო, უფროსნიც კი გატაცებულნი იყვნენ საყოველთაო აღფრთოვნებით. სახასო უფროსი სტიროდა და ლოცვას ამბობდა, კაშტელიანი და კრასნოსტაველი გეტმანი მალი-მალ ხმალს აელეზდნენ ხელს.

არავის არა სძინებია იმ ღამეს მთელს ბანაკში; მხიარულება და ღრინაცელი გათენებამდე არ შეწყვეტილა.

განთიადისას მოვიდა საზვერაოდ წასული პან სახასო მწერალი სერაკოვსკი და მოიტანა ამბავი, რომ მტერი სულ ხუთს აღაჯზედაა ჩვენის ბანაკიდანაო; მისი რაზმი შეჭვთებოდა კარგა დღის გუნდს თათრებისას; ომში რამდენიმე აფიცერი მოეკლათ მისთვის. შეპყრობილნი ჯაშუშები ამტკიცებდნენ, რომ მალე მოვა ხმელნიცკი და ყენი მთელის თვისის მხედრობითაო. ის დღე სულ მზადებაში გავიდა მტრის დასახვედრად და მოსაგერებლად. თავადი, რომელმაც ჭოჭმანობას დაანება თავი და იტვირთა მთავარ-სარდლობა ჯარის, უნიშნავდა ყველას, ვინ სად უნდა დამდგარიყო, როგორ უნდა ებრძოლნა მტერთან და რა სახით უნდა მიშველებოდა, ვისაც გაუჭირდებოდა. მთელი ბანაკი საუცხოვო გუნებაზედ დადგა და დიდი წეს-რიგი დამყარდა; უწყსოება სულ განქრა. ვიდრე შუადღე მოატანდა, ყველას უკვე თავისი ადგილი ეჭირა. დარაჯნი, განწესებულნი ბანაკის გარშემო, ყოველ წუთს მოდიოდნენ იმის მოსახსენებლად, თუ რა ამბავი იყო გარშემო. ახლო-მახლო სოფლებში გაგზავნილი იყო ხალხი, რომ წამოეღოთ ყოველივე ნუზლსურსათი, რაც კი აღმოჩნდებოდა. ჯარის-კაცნი გალაგნის თხრილებზედ მხიარულად მუსაიფობდნენ და ამბობდნენ სიმღერას, ხოლო ღამეს ათვედნენ ცეცხლა-პირას ხმლით ხელში, თითქო იერიშზედ მისვლის ბრძანებას ელიანო.

მართლაც, განთიადისას, ვისნევეცის მხარეს რაღაც გამოჩნდა შავადა. ქალაქში ზარების რეკა ასტყდა განგაშივითა, ხოლო ბანაკში საყვირთა გაქიანურებულმა ხმამ აუწყა ყველას, რომ მტერი ახლოაო. ქვეითი ჯარები ავიდა თხრილებზედ, ცხენოსანთა ჯარი მზად იდგა და პირველისავე ბრძანებაზედ შეეძლო სცემოდა მტერს, ზარბაზნის პატრუქებს ცეცხლი მოუკიდეს.

სწორედ ამ დროს გამოჩნდა თავადიც, რომელიც თავის თეთრს ცხენზედ იჯდა. ვერცხლით დაბალთულ. იარაღში იყო ჩამჯდარი, ხოლო მუზარადი არ ეხურა. სახეზედ ოღნავაც არ

ეტუობოდა მოუსვენრობა; პირიქით, იმედინად და მხიარულად იყურებოდა.

— აგერ ჩენი სტუმარნიცა, კმაწვილებო! აგერ ჩენი სტუმარნიცა! — იმეორებდა თავადი და უვლიდა ცხენით შიგნიდან გალაენის გარშემო.

ჩამოვარდა მდუმარება; ისმოდა მხოლოდ ფრიალი ღროშებისა, რომელსაც ქარი ხის ტარზედ ახვევდა. მტერი ისე ახლო მოვიდა, რომ ადვილად შეიძლება მისი გარჩევა.

ეს მტერი პირველი ზვრთი იყო მისის მოზღვავებულის ლაშქრისა, და არა თვით ხმელნიცკი და ყვენი. მოწინავე რაზმი იყო ოც და ათი ათასის ურდოელისა, რომელიც შეიარაღებული იყო მშვილდ-ისრებითა, თოფებითა და ხმლებითა. იმათ დაეტოვებინათ ათას-ხუთასი კაცი, რომელნიც გაგზავნილი იყო ნუზლ-სურსათისათვის და მოდიოდნენ ვისნევეციდან ერთ ხშირ და შეჯგუფულ გუნდად, მერე გაიშალნენ ახალ მთვარის სახედ და პირდაპირის მხრიდან მოუარეს ქალაქს, ძველ ზბარაჟის მოსაველზედა.

თავადმა, დარწმუნდა რა, რომ ეს ლაშქარი მოწინავე რაზმი მხოლოდაა, უბრძანა ცხენოსანთა ჯარს, გაღით გალაენს გარედაო. გაისმა ხმა ბრძანებისა და ცხენოსანთა ჯარმა დაიწყო სიარული რაზმ-რაზმად. ისე მიდიოდა ბაწარ-აღებით, თითქო ფუტკარია და სკიდან გამოდისო.

მინდორი გაივსო ხალხითა და ცხენებითა. შორიდან შეიძლება გარჩევა როტმისტრებისა, რომელთაც ხმლები ეჭირათ ხელში, ათვალ-იერებდნენ სადროშოებს და აწყობდნენ ჯარს საომრად; ცხენები მხიარულად ფრუტუნებდნენ. ბოლოს, დიდს ერთიანს ჯგუფს განშორდა ორი სადროშო თავადის თათართა ჯარისა და ნელის ნაბიჯით გასწია წინ. პირველი მიდიოდა ქერა ვერშული და ძლივს იმაგრებდა ცხენს, რომელიც გაათურებული მიიწევდა წინ.

მოწმენდილს ლაჟვარდს ცაზედ ერთი ნაქერი ღრუბელი არსადა სჩანდა. დღე იყო მეტად მზიანი, მხიარული.

ამავე დროს ძველ ზბარაეის მხარეზედ გამოჩნდა თავადის ჯარის საბარგო ურმები, რომელიც უკან ჩამოჰრჩენოდა ლაშქარს და ახლა გულში ფახათი ჰქონდა, ურდოელები არ შემოგვერტყნენ უცბად გარშემოეო. ასეც მოჰხდა: ახალ-მთვარის სახედ დაწყობილი მტერი სასწრაფოდ გაემართა იქითკენ. ძახილი: „აღლაჰ!“ ესმოდა ქვეითს ჯარს, რომელიც თხრილებზედ იდგა; ვერშულის სადროშონიც გაექანენ ურმების მისაშველებლად.

მაგრამ ახალმა მთვარემ უფრო მალე მიადწია ურმებამდე და გარს შემოადგა; თითქო შავი არშიაო, ისე შემოერტყა გარეშემო; ამასთანავე, რამდენიმე ათასი თათარი ერთის ღრიან-ცელით გაექანა ვერშულისაკენ, იმასაც შემოვერტყათ ალყასავითაო. აი აქ შეიძლებოდა მხოლოდ ნახვა იმისი, თუ რაოდენად გამოცდილი იყო ვერშული და რა მარჯვენი იყვნენ მისნი მეომარნი. შეჰნიშნა თუ არა უფროსმა, რომ მარჯენია და მარცხნივ მტერი უნდა შემომივიდესო, გაჰყო თავისი ჯარი სამს ნაწილად. მტერი იძულებული შეიქნა ეტრიალნა იმის მიხედვით, როგორც ვერშული მოძრაობდა და ველარ ახერხებდა უცბად დასხმოდა მტერს. ბოლოს, მტერნი შეეგჯახნენ ერთმანერთს გულ და გულ, გარნა ვერშულმა შეუტია მტრის ჯარს იმ ალაგას, საცა იგი უფრო სუსტი იყო, გარღვია შუაზედ თათართა წრე და ერთს შემდეგ უკან მოექცა, მაგრამ ამას არ მიჰხედა და გააქროლა ჯარი ურმებისაკენ.

ხნიერნი სტრატეგოსნი უცქეროდნენ ამ ამბავს გალაგნის თხრილებიდან და იძახდნენ:

— მხოლოდ თავადის აფიცრებს შეუძლიანთ ასე ომი!

ამასობაში ვერშულმა შეუტია სოლის სახედ დარაზმულის ჯარით თათრებს, რომელნიც ბეჭედივით შემოჰრტყმოდნენ ურმებს, განეწონა შიგ სწორედ ისე, როგორც ისარი განეწონება ხოლმე ჯარის კაცის სხეულს და ერთის თვალის დახამხამებაში შიგ მათ შუაგულს კი გაჩნდა. ახლა კი ატყდა საშინელი ბრძოლა. საოცარი სანახავი იყო! ურმების გროვა, თითქო მოარული ციხეაო, ისროდა გრძლად ხშირ-ხშირ კვამლსა,

აფრქვევდა ცეცხლსა, ხოლო გარშემო ფუსფუსებდა ჯინქველის გორა, მოსჩანდა ცხენები უპატრონებოდ, ხოლო შუაგულ იდგა ხმა ყიჟინისა, ლაწა-ლუწი, გრიალი თოფებისა. როგორც გარეული ღორი, გარშემოდგომილი, იგერებს თეთრის ეშვებით და არ უფარდება პირში ზედ-მისეულს ძაღლებს, ისე ბარგის ჯარი, ამ თათართა ჯარში შთანქმული, იგერებდა მტერს განწირულებით და მოშველების იმედით; იგერებდა უფრო მეტის ძლიერებით, ვიდრე რაზმი ვერშულისა.

აგერ გამოიფინენ კუშელისა და ევლოდიეესკის დრაგუნებიცა თავიანთის წითელის ბალთებით და ისე ააჭრელეს იქაურობა, თითქო მინდორი შეიმოსა წითელის ყვავილებით, რომელსაც ქარი მიაჭროლებსო. აგერ ისინიც მიუახლოვდნენ თათართა ჯგუფს და შთაინთქნენ სულ შიგა... აგერ აღარა სჩანსრა და მხოლოდ შენივთებული, ხელ-ჩართული ბრძოლა ძლიერდება უფრო და უფრო. ჯარის-კაცნი ჰკვირობდნენ, რატომ არ უნდა თავადს ერთბაშად დიდი ჯარი გაჰზავნოს მისაშველებლად, მაგრამ ერემიას თავისი მოსაზრება ჰქონდა ამის საბუთად. უნდოდა ყველასთვის დაენახვებინა, რა ჯარიცა მყავს, ვის იმედით მოვედი აქაო, უნდოდა იმათის მაგალითით გამოეწრთო და გაეფოლადებინა გული ჯარის-კაცთა და მით მოემზადებინა უფრო დიდის განსაცდელისათვის.

თათართა მხრით თოფის სროლამ იკლო, მაშ, სჩანს, დრო არა აქვთ, თოფები გასტენონ, ან იქნება თოფის ლულები მეტი-მეტად გაცხელდა, სამაგიეროდ ყიჟინასა და ღრიანცელს მოუმატა მტერმა. თავადმა ანიშნა და საში სადროშო, — ერთი საკუთრად მისი, სქშეტუსკის უფროსობით, მეორე კრასნოსტაველის მოურავის წინამძღოლობით, მესამე — მეფისა, — გაემართა ბარგის ჯარისაკენ. ახალმა ჯარმა შეუტია თათრებს, გაარღვია მათი აღყა, მერე გადარეკა მინდვრად, პირი უყო ტყისაკენ, სძლია ერთხელ კიდევ და ბარგის ჯარი სიხარულითა და ზარბაზნის სროლით ჩაიკეტა თხრილებ-შორის.

თათრები მაინც, რაკი იცოდნენ, რომ ჩვენს უკან ხმელნიცკი და ყენი მოდისო, არ ჩამოეცალნენ იქაურობას, პირ-იქით,

ისევ მალე გამოჩნდნენ, შემოერთყნენ მთელს ბანაკს, დაიჭირეს გზები და ახლო-მახლო პატარა სოფლები. საცა სოფელში მივიდნენ, ყველგან სულ ხშირი კვამლი და ბოლი აღიოდა ცაში. თათართა მრავალი ცხენოსანი მიუახლოვდა თვით თხრილებს, ხოლო მათ მისაგებებელად ციხიდან მრავლადვე გამოდიოდნენ თავადისა და მეფის ჯარები.

ვერშულს აღარ შეეძლო მონაწილეობა მიეღო ბუმბერაზობაში; თავში დაიჭრა ბარგის ურმების დაცვის დროსა და ახლა თავის კარავში იწვა ავადმყოფი; სამაგიეროდ, პან ვოლოდიევსკი, თუმცა სულ სისხლით იყო მოთხვრილი, ჯერ კიდევ არა სცხრებოდა და პირველი გაეიდა გალაფანს გარედა. ბუმბერაზობამ საღამომდე გასტანა. თხრილებიდან ისე უცქეროდნენ ამ ბუმბერაზობას რაინდნი, თითქო სერიოაო. პან ვოლოდიევსკი თავის მუნდირით ხან სად გაჩნდებოდა მინდორში და ხან სადა. სქშეტუსკიმ მიაქცია ყურადღება პან ლიანცკარონსკისა ვოლოდიევსკიზედ, ხოლო ზაგლობა, თუმცა პან მიხალი იმისას ვერას გაიგონებდა, აქეზებდა ყვირილით და მხოლოდ ათასში ერთხელ მიჰმართავდა ხოლმე მის მახლობლად მდგომარე ჯარის-კაცთა:

— ერთი შეჰხედეთ, ყმაწვილებო! ეგ მე განლაფართ, რომ ვასწავლე მაგრე ხმლის ხმარება. იჰ, რა ნაირ მოუქნია! ემაგრე ძალიან კარგად მოგივიდა! ღმერთი, ხატი, მალე მეც დამეღარება!

მაგრამ აგერ შუეც ჩავიდა და ბუმბერაზობაც თავდებოდა. მინდვრად დარჩა მხოლოდ კაცთა გვამნი და დახოცილი ცხენები. ქალაქში საღამოს ლოცვის ზარი დაჰრეკეს.

დაღამდა, მაგრამ სიბნელეს ჰფანტავდა გარშემო გაჩენილის ცეცხლის შუქი. იწვოდა ზალოსტიცი, ლუბლიანკი, კრეტოვიცი, ვასილოვკა—სულ მთლად გარემოს ცეცხლი შოსდებოდა. ღამის სიბნელეში კვამლი წითლად მოსჩანდა, ვარსკვლავნი წითლად აშუქებდნენ არე-მარეს. ფრინველთ გუნდი წამოშლილიყვნენ ტყეებში, ღელიანებში და უივილ-ხივილით დაფთხრიალებდნენ ჰაერში, ცეცხლის შუქით განათებულნი, ისე დაფთხრიალებ-

დნენ და დაბროწიალობდნენ, თითქო ცეცხლის ნაკვერჩხლები ჰფრინავენო. ბანაკის საქონელი, გაოცებული ამისთანა უცნაურის სანახაობით, საცოდავად ჰბლაოდა.

— შეუძლებელიაო, — ეუბნებოდნენ ერთმანერთს ხნიერნი ჯარის-კაცი, — რომ მარტო თათრების ჯარს წაეკიდებინოს ცეცხლი ამდენის სოფლებისათვისა; ალბად ხმელნიცკი ახლოა და აქეთ მოდის თვისის ყაზახებითა და მთლად ურდოელებითა.

გეტმანის მოსვლას იმ ღამეს მოელოდნენ. ჯარის-კაცი, სულ ყველანი, ცხენებზედ ისხდნენ, ხალხი სახლების ბანებზედა და კოშკებში ასულიყო. ყველას გული მოუსვენრად უტეშდა. დედაკაცი ქვითინებდნენ საყდრებში, ხელებ-გაწვედილნი საკურთხეველისკენ. მოუსვენრობა და ლოდინი თავს დასტრიალებდა მთელს ქალაქს, ციხე-სიმაგრესა და ბანაკს.

გარნა დიდ ხანს აღარ მოუწდათ ლოდინი. ჯერ არ დაღამებულებოდა, რომ ცის დასაველზედ გამოჩნდა პირველი რაზმი თათრებისა და ყაზახებისა, იმას მოჰყვა მეორე, მესამე, მეათე, მეასე, მეათასე. კაცს ეგონებოდა, რომ რაც ქვეყანაზედ ტყეა, მოუგლეჯია რასმე და აქეთ გამოუქანებია ამ უამრავის ჯარის სახითაო. ადამიანის თვალი ამაოდ ეცდებოდა ამ უთვალავის ლაშქრის ბოლოს დანახვას. შორს, თვალით ვაღუწვდენელ მინდვრის ბოლოს შავად ჰღელავდა ზღვა ხალხისა და ცხენებისა, რომელთაც ჰფარავდა კვამლი და შუქი ცეცხლ-წაქიდებულ ტყე-სოფლებისა. ისე მოდიოდა ეს ზღვა, თითქო ღრუბლებია, ანუ კალიაო, რომელიც მოდის და თან არე-მარეს მოაბნელებს. ბოლოს, ესე ციხიდან ორის ვერსის მანძილზედ, ლაშქარი გაჩერდა და დაიწყო ცეცხლების დანთება.

— ჰხედავთ ცეცხლებსა? — ეჩუჩრჩულებოდნენ ერთმანერთს ჯარის-კაცი. — უფრო მეტს მანძილზედ არიან მოფენილნი, ვიდრე ცხენი გაქენდება ერთს მუქარაზედ.

— იესო, მარიამ! — უთხრა ზაგლობამ სქშეტუსკის. — ხომ იცი, რომ ლომი ვარ გულში, რომ შიში არ ვიცი, რა არის, მაგრამ მაინც ვიტყვი, ბევრად ემჯობინებოდა, ხვალ დილა მდგე სულ ჯახრუჯანაბას გადაკარგულიყვნენ ეგ სათოკენი და ჩამო-

სახრჩობნი. მეტად ძაღლთ უმრავლესნი არიან, მე და ჩემმა ღმერთმა. სწორედ გითხრა, იოსაფატის ლეღეშიაც არ იქმნება აგრეთი მკიდროობა. ერთი კაცმა ჰკითხოს, რა უნდათ მაგ ავ კაცებსა? რატომ ყოველი სულელი თავის სახლში არ უნდა იჯდეს და არ ემსახურებოდეს თავის ბატონს გულ-დამშვიდებითა. რა ჩვენი ბრალია, რომ უფალმა ღმერთმა ჩვენ ბატონებად გაგვაჩინა, ისინი კი ტეტიებად და უბრძანა, ჩვენ გვემორჩილებოდნენ? ფუჰ, მათ ეშმაკსა! ისეთი ვარ, რომ სულ ყელში სისხლი მომდის. მშვიდობიანი კაცი ვარ, მზადა ვარ ყოველივე დავთმო ხათრითა, მაგრამ ახლა მოთმინებიდან ნურც მე გამომიყვანენ. მეტის-მეტად დიდი თავისუფლება მისცეს, ბევრი საქმელი დაუთმეს და ისინი გამრავლდნენ, როგორც თავენი კალოზედა; ახლა კატებზედაც იწევენ. მოიცადეთ, მოიცადეთ! აქ გახლავთ კატა, რომელსაც თავად ერემიას ეძახიან! მეორეც გახლავთ, რომელსაც ზაგლობა ჰქვია! შენ როგორა გგონია, განა ეგენი ხელ-შეკრულობას პატივსა-სცემენ? მაგათ რომ მორჩილება გამოეცხადებინათ, ხომ შეიძლებოდა შეგვეწყალებინა და სიცოცხლე გვეჩუქებინა, ჰა? ერთი რამ არ მასვენებს: საკმაოდა გვაქვს თუ არა სურსათი? ერთი უყურე-და! კიდევ ცეცხლი გამოჩნდა, იმის იქით კიდევ ცეცხლი... სულ ცეცხლი! აი, ცეცხლი ჩაუვადეთ იმათ მუცელში?

— რა დროს ხელ-შეკრულობაზედ ლაპარაკია, — უთხრა სქშეტუსკიმ, — როცა ისინი იმასა ჰფიქრობენ, რომ ხელში გვყანან და ხვალ სულ დავიპყრობთ იმათ ბანაკსაო?

— შერე ხომ ვერ დავიპყრობენ? ვერა, განა?

— სულ ღვთის ნებაა. ყოველ შემთხვევაში, რაკი თავადი აქ არის, იათად არ დაუჯდებათ ჩვენი დაპყრობა.

— უჰ, რა ნაირ მანუგეშეთ. მე ის დარდი კი არა მაქვს, იათად დაუჯდებათ თუ ძვირად; მე ის მინდა, რომ სულაც არ დავიპყრან.

— ჯარის-კაცისათვის დიდი საქმეა, როცა გრძნობს, რომ მუქთად არ გავსწირავ თავსაო.

— მართალია, მართალია... ოი, გასქდეს დედამიწა და თან ჩაიტანოს ისინი და ეგ შენი ნუგეშიცა!

ესენი რომ ასეთს მუხაიფში იყვნენ, მოვიდნენ ამათთან პან პოდბიპენტა და ვოლოდიევსკი.

— ამბობენ, რომ ურდოელები და ყაზახები ნახევარ მილიონამდე იქმნებიანო,—სთქვა ლიტველმა.

— გაგიხმა ენა, ჰო და აგრე!— შეჰყვიოა ზაგლობამ.— კაი ახალი ამბავი კი მოიტანე-და!

— როცა იერიშზედ მიდიან, მაშინ უფრო ადვილი დასაძლევენი არიან, ვიდრე როცა მინდვრად იბრძვიან,—სთქვა წყნარად პან ლონგინუსმა.

— რაღაი ჩვენი თავადი და ხმელნიცკი ერთმანერთს შეეჯახნენ, —სთქვა პან მიხალმა,—მშვიდობიანს ხელ-შეკრულობაზედ სიტყვა აღარ უნდა იქმნას ჩამოვარდნილი. ან ჰო და ან სულ არა! ხვალ გათენდება განკითხვის დღე.

სთქვა ესა და მხიარულად დაიწყო ხელების ფშენეტა.

პატარა რაინდი მართალს ამბობდა. ამ ხანგრძლივის ომის განმავლობაში ორი ლომი ჯერ ერთმანერთის პირის-პირ არ დამდგარიყო. ერთი ზურგზედ ბოლს ადენდა გეტმანებსა და სარდლებსა, მეორე — ყაზახთა ატამანებსა, ერასაც და მეორესაც ძლევა-მოსილება სდევდა თანა, ერთიცა და მეორეც რისხვა იყო მტრისათვის, ხოლო ახლა უნდა გადაწყვეტილიყო, პირის-პირ შეყრის დროს, ვისკენ უნდა გადაეძლია სასწორს გამარჯვებისასა. ვისნევეცკი თხრილებიდან გასცქეროდა თათართა და ყაზახთა სიმრავლეს და ამოდ ცდილობდა თვალი გადაეგლო მათთვის ერთბაშად, ხმელნიცკი შეჰყურებდა ციხე-დარბაზს და ბანაკს და ჰფიქრობდა გულში: „იქ არის საშინელი მტერი ჩემი; თუ იმას მოვუგრიხე კისერი, ვინ-ღა წინააღმდეგება მე?“

ადვილი მისახვედრი იყო, რომ ბრძოლა ამ ორ კაცს შუა ხანგრძლივი და გამძვინვარებული უნდა ყოფილიყო, ხოლო რა შედეგი მოჰყვებოდა ამ ბრძოლას, ეს ექვ გარეშე იყო. თავადი ლუბნისა და ვისნევეცისა ჰწინამძღვრობდა თხუთ-

მეტ-ათას კაცს, რომელთა შორის მსახურნიც იყვნენ, ხოლო საერო წინამძღვარს თან მოჰყვა ხალხი მთლად აზოვის ზღვისა და დონის მინდვრებისა დუნაის შესართავამდე. იმასთან ერთად მოვიდა ყვენი ყირიმისა, ბელგოროდისა, ნოლაისა და დობრუჯის ურდოებითურთ, მოვიდნენ ქვემოურნი და აურიცხველნი ბრბონი მდაბიოთა, მოვიდნენ ქალაქებიდან, დაბა-სოფლებიდან, მოსკდნენ ყველა ისინი, ვისაც ოდესმე ემსახურნა საბატონო და სახასო ჯარებში; მოვიდნენ ჩერკასელები, ვლახელები, სილისტრიელნი და რუმელიელნი ოსმალონი. მოვიდნენ, ასე ვასინჯეთ, რაზმნი სერბთა და ბოლგართაც კი. კაცს ეგონებოდა, რომ ახალი გადასახლება დაწყებულა ხალხისა და ერისაო, რომელსაც დაუნებებია თავი მინდვრებისათვის, აყრილა და ბაწარ-აღებით მიისწრაფის დასაველეთად, რათა ახალი ქვეყნები შეიძინოს და იქ დაამკვიდროს ახალი სახელმწიფოვო.

ასეთი იყო ურთიერთობა მებრძოლთა შორის.. ერთი მუჟა ათასის წინააღმდეგ, კუნძული ზღვასთან შედარებით! რაღა გასაკვირველია, რომ არა ერთისა და ორის გული სცემდა ამ დროს მოუსვენრად და რომ არა მარტო ეს ქალაქი, არამედ მთლად რესპუბლიკა ისე შესცქეროდა გამარტოვებულ ბანაკს, განადირებულ მეომართა გუნდებით გარემოცულს, როგორც სამარეს რაინდებისასა და მათის დიდებულის სარდლისასა.

ასევე ჰგონებდა ხმელნიცკიცა, იმიტომ რომ, გაჩაღდა თუ არა ცეცხლი მის ბანაკში, ციხის წინაშე გამოჩნდა ყაზახი-პარლამენტორი თეთრის დროშითა.

დარაჯთა გუნდი გამოვიდა ციხიდან და მაშინვე შეიპყრო ახლად-მოსული.

— გეტმანის კაცი ვარ, თავად ერიომასთან მოსული, — სთქვა მან.

თავადი ჯერ კიდევ არ ჩამომხდარიყო ცხენიდან და დამშვიდებულის სახით იღვა მინდვრად. ცეცხლების შუქი გადაჰფენოდა მის თვალებს და ვარდის ფერსა სდებდა მის ჩამომდნარს

ლოყებს. ყაზახი, ცოტა არ იყოს, შეჰკრთა, თუმცა იმისთანა იყო, რომელსაც მინდვრის ბებერს მგელს ეძახიან.

— ვინა ხარ შენა? — ჰკითხა თავადმა-ერისთავმა და დაა-
ცქერდა თვისის დამშვიდებულის თვალებითა.

— ასისთავი გახლავარ, სოკოლი... გეტმანისაგან კაცი.

— ამბავი-ხაბარი?

ასისთავი მოჰყვა და დაუწყო თავის დაკვრა.

— შემიწყნარე, ბატონო! რაც მიბრძანეს, ის უნდა მოგა-
ხსენოთ; მე ბრალი არა მაქვს!

— სთქვი გაბედვითა.

— გეტმანმა მიბრძანა მოგახსენოთ, რომ სტუმრად გეახე-
ლი და ხვალ გეწვევი ციხე-დარბაზშიო.

— ასე მოახსენე, რომ ხვალ კი არა დღესა მაქვს ლხინი
ციხე-დარბაზში-თქო! — უპასუხა თავადმა.

ერთს საათს უკან დაუწყეს საშედღუხოდ ცლა ზარბაზნე-
ბსა, სიხარულის ჟრიაშული გაისმა ციხე-დარბაზში, რომელიც
ჩირალივით იყო განათებული.

ყვენმა რომ სანადიმო ჟრიაშულს მოჰკრა ყური, გამოვი-
და კარავიდან გარედა და თან გამოიყოლა ძმა თვისი ნურე-
დინი, სულტანი გალგი, ტულაიბეი და მრავალი მურზები, ხო-
ლო შემდეგ კაცი გაუგზავნა ხმელნიცკის.

გეტმანი ცოტა გადაკრულში იყო, მაშინვე ეახლა, რამ-
დენჯერმე დაუკრა თავი და მიიღო ხელი შუბლზედ, წვერზე
და გულზედ და თან ელოდა, აბა, რას მიბრძანებენო.

ყვენმა დიდ ხანს უყურა ციხე-დარბაზს, რომელიც შორი-
დან გაჩირალებულ ფარანსა ჰგავდა, მერე გაისვა თხელს წვერ-
ზედ ხელი, ანიშნა გაშუქებულ ფანჯარაზედა და ჰკითხა:

— გეტმანო იმიერ-ქორომეთისავე, ის რა ამბავია?

— ყოვლად უძლიერესო მეფეო! — უპასუხა ხმელნიცკიმ, —
თავადი ერემია ლხინობს იქა.

ყენი ჩაფიქრდა.

— ლხინობს?

— ეგ ის ამბავი გახლავთ, რომ ხვალ სასიკვდილოდ განწირულნი დღეს ღვინობენ,— უპასუხა ხმელნიცკიმ.

თხრილებიდან მოისმა კვლავ გრიალი თოფ-ზარბაზნებისა, აყვირდნენ საყვირნი და ხმამ განურკვეველის ღრიანცელისამ მიადწია ყენის კურთხეულ ყურებამდე.

— ერთია ღმერთი,— წაიბუტბუტა მან,— ლომის გული უდევს მკერდში იმ გაიურსა.

და, დადუმდა რა მცირეს ხანსა, დასძინა:

— ჩემთვის სამჯობინარო იქმნებოდა, რომ იმასთან ერთად ვიყო და არა შენთან.

ხმელნიცკი თრთოლამ აიტანა. ძვირად უჯდებოდა მისთვის ასე საჭირო მეგობრობა თათრებისა და მაინც დღემდე ჯერ კიდევ დარწმუნებული არ იყო, რამდენად სანდოა ჩემი მომხრე-მოკავშირეო. ერთი მიმოხვრა ყენისა— და შესაძლო იყო, რომ მთლად ის ურდონი მისტევებოდნენ ყაზახობას, რომელიც მაშინ კი აუცილებლივ დაიღუპებოდა. ამასთანავე, ხმელნიცკიმ იცოდა ისიცა, რომ ყენი თუ ჰშველოდა, ჰშველოდა მხოლოდ იმიტომ, რომ დავლას ავიღებ, ალაფსაო, ძვირფასს გილდოს მივიღებ, ტყვეებს შევიძენო და, რაკი თავისი თავი ნამდვილ მონარქად ჰყავდა დასახული, გულში კიდევ ჰრცხვენოდა, მემამბოხეთ როგორ ევნმარები მეფის საწინააღმდეგოდ, ვილაც „ხმელის“ მომხრე როგორ უნდა ვიყო ვისნევეცკის სამტროდაო.

ყაზახთა გეტმანი ხშირად გამოთვრებოდა ხოლმე, არა მარტო იმიტომ რომ ჩვეული იყო, არამედ სასოწარკვეთილების გამოცა.

— დიდებულო ხელმწიფევე, — სთქვა მან, — ერემია შენი მტერია, ეგ იყო, რომ წაართვა თათრებს იმიერ-საღნებროი, ეგ იყო, რომ მოკლული მირზები, როგორც მგლები, ისე ჩამოჰკიდა ხეებზედ სხეების შესაშინებლად, ეგ იყო, რომ ყირიმზედ უნდოდა გამოეღლაშქრნა ცეცხლითა და მახვილითა...

— თქვენ კი ზარალს არას აძლევთ თათრების სოფლებსა?

— მე შენი მონა გახლავარ.

ტულაიბების სულ კანკალი დაუწყო გალურჯებულმა ტუჩებმა. ყაზახთა შორის იყო ერთი მისი საშინელი მტერი, რომელმაც ოდესმე სულ ამოსწყვიტა მთელი მისი რაზმი და თვითონ ისიც კინალამ შეიპყრო. იმისი სახელი მუდამ ენაზედ ადგა ტულაიბების და უღმობელის ძალით აქეზებდა შურისძიებად. ბოლოს მაინც ეელარ მოითმინა და წამოიძახა:

— ბურლაი! ბურლაი!

— ტულაიბეი!—სასწრაფოდ ჩამოართვა სიტყვა ხმელნიცკიმ,—შენა და ბურლაიმ, ყენის ბრძნულ განკარგულებით ტყვია-ჩაყრილი არაყი დაჰლიეთ.

კვლავ გაისმა გრიალი თოფებისა ზბარაეში და შესწყვიტა ყენისა და ხმელნიცკის ლაპარაკი.

ყენმა გაიწოდა წინ ხელები იმ სახით, თითქო უნდა ერთბაშად შემოჰხვიოს ზბარაესა, ციხესა და მთლად ბანაკსაო.

— ხვალ ჩემი იქნება?—ჰკითხა ხმელნიცკის.

— ხვალ ისინი ამოიქვლიტებიან.

და ხმელნიცკი კვლავ მოჰყვა და დაუწყო თავის დაკვრა, რაკი იფიქრა, რომ ჩვენი ლაპარაკი აწ გათავდაო. ყენი შეეხვია თავის ქურქში, რადგან საკმაოდ გრილოდა იმ ღამეს და გასწია თავის კარავისაკენ, ხოლო გზა-გზა სულ ამას იმეორებდა:

— ერთია ღმერთი!...

ხმელნიცკიც თავისიანებისაკენ წაეიდა და თან ბუტბუტებდა:

— შენ მოგცემ ციხე-დარბაზსაც, ქალაქსაცა, დავლა-ალაფსაც; ტყვეებსაც, მხოლოდ ერთიმა ჩემი იქნება და არა შენი, თუნდა სიცოცხლედაც დამიჯდეს მე ამ სურვილის შესრულებაო.

ცეცხლები ნელ-ნელა ჩაქრა, ნელ-ნელა შესწყდა ხმაურობა ათასობითა და ასიათასობით მოგროვილის ხალხისა და მხოლოდ აქა-იქ გავარდებოდა თოფი და გაისმოდა ყვირილი თათრისა, რომელიც მიერეკებოდა ცხენებს ღამე-სამოვრად;

ბოლოს ესეც მისწყდა და ღრმა ძილმა მოიცვა აღურაცხველ-
ნი რაზმნი თათრებისა და ყაზახებისა.

მხოლოდ ციხე-დარბაზი ხმაურობდა, გრიალებდა, თითქო
ქორწილია იქაო.

პოლონელთა ბანაკში ელოდნენ, რომ იერიშს ხეალ მოი-
იტანს ჩვენზედ მტერიო. მართლაც, აღმონზედვე, წამოვიდა
თხრილებისაკენ ბრბო მდაბიოთა, ყაზახთა და თათართა, წა-
მოვიდა შაეი ღრუბელივით, რომელიც სერობაზედ გაეკვრის
ხოლმე. პოლონელები, რომელნიც ჯერ გუშინ ცდილობდნენ
აენუსხათ, რამდენგანა აქვს მტერს ცეცხლი დანთებულიო,
ახლა სულ გაშეშდნენ ეს ზღვა ხალხი რომ დაინახეს. ჯერ
ისინი იერიშით არ მოდიოდნენ, ჯერ მხოლოდ ათვალეირებ-
დნენ მინდორს, სიმაგრეებს და მთლად ბანაკს პოლონელები-
სას. და სწორედ ისე, როგორც აგორებულნი, (თად-გადაქცე-
ული, ზვირთი ზღვისა, ქარისაგან აბობოქრებული მიეტევება,
ეცემა კიდეს შუილითა და მერე ისევ უკან დაიწევს, ყაზახნიც
ხან იქ მიუახლოვდებოდნენ ბანაკს, ხან იქა, დაიწევდნენ უკან
და მერე კვალად მიეტევებოდნენ, თითქო სცდიან, აბა, რა
ძალით გაგვიმაგრდებიანო, თითქო უნდათ დარწმუნდნენ, შევ-
მუსრავთ თუ არა მარტო ჩვენის ერთის გამოჩენით მტრის
ვაჟაკობასა და გულადობის უნარსა უწინარეს იმისა, ვიდრე
თვით კედლებს შევეუმტვრევთ და გაცავეუმტვერებთო.

ზარბაზნებს ქუხილი გაჰქონდა, ყუმბარანი სეტყვასავით
სცვიოდა პოლონელთა ბანაკში, ხოლო იქიდანაც ასეთსავე პასუხს
იძლეოდნენ. თხრილებზედ გამოჩნდა ლიტანიით მიმავალი ხალ-
ხი წმ. საიდუმლოს წინ-წამძღვარებითა. სამღვდლოვებას უნ-
ლოდა აღმერთოვანებინა შემუსვრილი სული ჯარისა. ქსენძ
მუხზოვეცკის ეკირა ხელში ოქროს ქურჭელი, რომელიც ისე
მალლა აეწია, რომ იმის თავის სისწორივ მოდიოდა, ხოლო
ხან და ხან კიდევ უფრო მალლა ასწევდა ხოლმე; მოდიოდა
ამფიონ ქვეშ და თვალები დახუჭული ჰქონდა, ხოლო სახე
დამშვიდებული, მზგავსი განდევილისა და ღვაწლ-მოსილის მეუ-
დაბნოესი. მუხზოვეცკის მოსდევდა ორი სხვა ქსენძი, ხოლო

• სვეტნი ამფიონისა ექირა ოთხს შლიახტიჩს, რომელთა შორის იყო ზაგლობაცა. ამფიონს წინ მშვენიერი პატარა ქალი ჰყენდა გზა-გზა ყვავილებსა. ლიტანია მიიწევდა წინ თხრილების მხარდამხარ, თან მისდევდნენ მხედართ-მთავარნი და მეომართა გულში კვლავ იღვიძებდა სული ვაჟკაცობისა. ქარი ჰყენდა გარშემო საცეცხლოურში ცეცხლ-წაკიდებულ სურნელებათა სუნს, ყველანი მოწიწებით იდრეკდნენ თავთა თვისთა.

ბოხი ხმა ზარბაზნებისა ბანს ეუბნებოდა სამღვდელი საგლობლების ჰანგებსა, ხან-დახმით მტრისგან გამოსროლილი ყუმბარა გრგვინით გადიქროლებდა ზედ ამფიონსა და ქსენძების თავზედა, ან დაეცემოდა ძირსა, თხრილში და ზედ წაეყრებოდა მიწა, ამ დროს პან ზაგლობა დაიწკნელებოდა და ამფიონის სვეტს მიეკვროდა ხოლმე. მეტადრე მაშინ შეიპყრობდა ხოლმე შიში, როცა მოლიტანიენი ერთს ადგილს შეჩერდებოდნენ. მაშინ გარშემო დუმილი ჩამოვარდებოდა და კაცს ცხადად ესმოდა ზუზუნი ყუმბარებისა, რომელიც ისე მოჰქროდა, თითქო უზარმაზარი ფრინველიაო; ზაგლობას სულ თავში უვარდებოდა სისხლი და ქარხალივით წითლდებოდა, ხოლო ქსენძი ასკულსკი, ოდესმე მეომრად ნამყოფი და ჯარისკაცის გულის პატრონი ველარ ითმენს, იცქირება მინდერისკენ და ბუზღუნებს: „თქვენ უნდა საჩეჩელს უსხდეთ და არა ზარბაზნებს ისროდეთო!“ ყაზახთა მეთოფჩენი მართლა არ ეარგოდნენ და მღვდელი ისკულსკიც იმას ამბობდა, არ შემოძლიან გულ-დამშვიდებით ეუყურო მაგნიარ უხერხულობასა და ტყვია-წამლის ამო ხარჯვასაო. მოლიტანიეთა მიაღწიეს თხრიების მეორე მხარეს, საცა მტერი ველარ უწევდა ყუმბარებსა. თათრებმა და ყაზახებმა, რაკი სცადეს აქა-იქ, იქნება შიშის ზარი დავსკეთ თავს პოლონელთა ბანაკსაო, მერე დაბრუნდნენ ისევ თავიანთ ბინაზედ და ჩასაფრდნენ იქა; ცხენოსნებსაც კი აღარ ჰგზავნიდნენ მინდერად საბუმბერაზოდ. ლიტანიამ სრულიად გაამხნევა ალყა-შემორტყმულნი.

ახლა კი ცხადი შეიქმნა, რომ ხმელნიცკი სთვლიდა თავის ბარგის ჯარსა და ბარხანას. იმდენად დარწმუნებული იყო,

ჩემს პირველს იერიშს დიდი ქარი ექმნებაო, რომ თითქმის არაფერს არა ცდილობდა თვისის ბანაკის გასამაგრებლად, ან თხრილების ამოღებითა და ან სხვაგვარის მუშაობითა. ბარგი-ბარხანა მეორე დღეს მოუყიდა და ურმები დაბინავდა ისე, რომ ერთმა მეორეს მიჰყუდა ზურგი და ასე დაეწყო რამდენსამე მწკრივად, თითქმის ერთის ალაჯის მანძილზედ სიგანით, ვერწიაკიდან დაწყებული დემბინამდე; ბარგს მოჰყვა ახალი ლაშქარიცა—მშვენიერი ქვეითი ჯარი იმიერ-ჭორომეთისა, თითქმის ოსმალთა იანიჩარების ტოლი და ბადალი.

ღირს-სახსოვარი დღე, სამშაბათი 13 ივნისისა ისე გავიდა, რომ დიდი ფაცა-ფუცი და გაცხარებული მზადება იყო ორსავე ბანაკში; ახლა უკვე ექვი აღარა იყო, რომ იერიში დაიწყებოდა: საყვირთა, ებანთა და ბობლანთა ხმა დილიდანვე არ შეწყვეტილა ყაზახთა ბინაზედ, ხოლო თათართა შორის გაჰქონდა გუგუნნი დიდს სამღეთო დაირას... უკრავდნენ წამ-და უწუმ განგაშსა. დასალამოჟამდა; სალამო იყო მშვიდობიანი, ტკბილი; მხოლოდ ტბებსა და გნეზნა მდინარეს მხარეს მსუბუქი ნისლი გამოჩნდა. ბოლოს პირველი ვარსკვლავიც გამოჩნდა ცაზედ და დაიწყო ციმციმი.

სწორედ ამ დროს ყაზახთა სამოცმა ზარბაზანმა ერთხმად ასტება რუხრუხი, აღურაცხელნი რაზმნი ყიჟინთა მიეტივნენ თხრილებს და იერიშიც დაიწყო.

ჯარები თხრილებზედ იდგნენ და ასე ეგონათ, რომ დედა-მიწა დგანდგარებს ჩვენ ფეხ-ქვეშაო. თვით ხნიერნი ჯარისკაცი ამბობდნენ, რომ ჩვენს სიცოცხლეში ამისთანა არა გვინახავს-რაო.

— იესო, მარიამ-ღვთისმშობელო! ეს რა ამბავია?—ჰკითხა ზაგლობამ სქშეტუსკისა, რომელიც ორ თხრილს შუა იდგა თავისის გუსარებითა.—ეგენი ადამიანი შვილები არ არიან სწორედ!

— თითქო არ იცოდე შენცა: მტერი წინ მოერეკება ხარებსა, რომ იმათზედ მოვაცდინოთ ჩვენი პირველი სროლა და ამაოდ დავხარჯოთ ტყვია-წამალი.

ხანში შესული შლიახტიჩი, კარხალივით გაწითლდა, თვალები დააქუცია და კინალამ ბუდიდან გადმოუცვინდა, ხოლო ბაგეთაგან აღმოხდა ერთი სიტყვა, რომელიც განხორციელება იყო გამძვინვარებისა, შიშისა და ყოველისავე, რაც იმ წუთს აღელვებდა ზაგლობას გულსა:

— საზიზლარნი!

გაცოფებული ხარები, რომელთაც მოერეკებოდნენ განადირებულნი, ნახევრად შიშველ-ტიტველნი ჩოდარნი და თან ანთებულს მაშხალებსა სცემდნენ, შიშით დამფთხალნი, გარბოდნენ წინ საშინელის ბლავილითა და ხან ერთად მოგროვდებდნენ, ხან გაიფანტებოდნენ და ასე უახლოვდებოდნენ თხრილებსა. გარნა ვურცელმა დაუშინა ზარბაზნები, კვამლმა დააბნელა ცა, შეშინებული საქონელი სულ ცალ-ცალკე გაიშალა, თითქოს მეხი დაეცაო. ნახევარი ამოდენა საქონლისა დაიხოცა, მაგრამ მტერმა გადმოიარა მათს მძოვრზედ და წამოვიდა წინა.

წინ მორბოდნენ ტყვენი, რომელთაც ქვიშის ტომრები ეკიდათ და უნდა თხრილი ამოეცოთ, მორბოდნენ გამწარებულნი, რადგან უკან მოსდევდნენ შუბებით ყაზახნი, ჰგვემდნენ და ესროდნენ თოფებს. ის ტყვენი იყვნენ ზბარაჯის მიღამოთა გლეხ-კაცნი, რომელთაც ციხეში შესვლა ვერ შეეწროთ, ახალგაზდანიკა, მოხუცნიცა, დედაკაცნიცა. ეს ტყვედ-შეპყრობილი ხალხი მორბოდა ყვირილითა, ტირილითა, წიოკობით და ხელებ-აპყრობილი ცად მიმართ, ღმერთს შესთხოვდა შეწყალებასა. ამ ტირილითა და ღრიალით თმები ყალხს დაუდგებოდა აღამიანს, მაგრამ შებრალება გაჰქრა იმ დროს დედამიწის ზურგზედა: ერთის მხრით ყაზახნი ჰგვემდნენ შეუბრალებლად, მეორეთი — ვურცელის ყუმბარები ჰხოცავდა საცოდავთ, ნამტერევეები ზარბაზნის ტყვიისა ნაქერ-ნაქერ ჰფლეთდა იმათს. ტანს, მუსრს ავლებდა მათს ბრბოს, მაგრამ ისინი მაინც მორბოდნენ, სისხლში ფეხი უსურდებოდათ, იქცეოდნენ, მერე ისევ დგებოდნენ და კვლად მორბოდნენ, იმიტომ რომ ყაზახთა

ტალღა მოერეკებოდა, ხოლო ყაზახთა ტალღას უკან მოსდევდა ზვირთი ოსმალთა, თათართა.

თხრილი ერთს წუთას გაივსო ადამიანთა გვამებითა, სისხლითა, ქვიშით სავესე ტომრებითა, ბოლოს სულ ამოივსო და ყაზახნი ყიჟინით გაჰქანდნენ გალაგნის კედლებისაკენ. რაზმი რაზმს მისდევდა; თოფების ფალიის აწვაზედ გამოჩნდებოდნენ ხოლმე უფროსნი, რომელნიც ხმალ-ამოღებულნი მოერეკებოდნენ გალაგნისაკენ ახალ-ახალ ჯარს. ყოვლად-რჩეული მხედრობა ეკვეთა ახლა ერემიას ჯარს. სეჩის რაზმებს შემდეგ მოდიოდნენ საშინელი პერეიასლაველები ლობოდას უფროსობით, იმათ მოსდევდა ვორონჩენკო და მოჰყავდა ჩერკასის რაზმი, მერე მოდიოდა კულაკი ნარევისა, ნეჩაი ბრაცლავისა, სტიოპკა უმანელი, მაროზოვეცკი კორსუნელი, მოდიოდნენ კალნიცკის მხედარნიცა და ძლიერნი რაზმი თეთრ-ეკკლეისიელთა, რიცხვით თხუთმეტი ათასი კაცი, რომლის გარშემოც მაშხალები და სანათები იყო ანთებული, მოდიოდა, როგორც ცეცხლმფრქვეველი ქაჯი და თვისი. ფართე გულ-მკერდით წინ უდგა ცხელ ტყვიის სეტყვას; მოდიოდა ლომის პირი-სახითა, არწივის თვალებითა, ამ აღრეულობაში, ამ ბოლსა და კვამლში, ამ ჩეხა-ჟლეტასა და ვაივაგლახ შორის ყოველისფერის მხედველი, ყოველისფერის ხელ-მძღვანელი.

მათ შემდეგ მოდიოდნენ განადირ-კაცებული დონელი ყაზახები; მერე ჩერკასელები თავიანთის ხანჯლებითა; იქვე ტულაი-ბეის მოჰყავდა რჩეულნი მხედარნი ნოღაელთა, ხოლო სულაბაზის—აკკერმანელი თათრები, კურდლუქს—შაველა აშტარხნელნი, შეიარაღებულნი უზარმაზარის მშვილდ-ისრებითა; ისეთის შეჯგუფებითა და შედედებით მოდიოდნენ, რომ ცხელი სუნთქვა უკან მომავალთა ზურგსა სწვავდა წინ მომავალთა.

ვინ იცის, რამდენი კაცი მოიკლა და გაიჟლიტა, ვიდრე ამ ჯარმა მიაღწია თხრილამდე, რომელიც ტყვეთა გვამებით იქმნა ამოვსებული! ვინ გვიამბობს ამას, ვინ გამოსთქვამს ამას და დამღერებს ღეჰსად? გარნა მაინც მიაღწიეს თხრილს, გადავიდნენ კედლებისაკენ და ჰლამოდნენ ზედ აფოფებებს. კაცს

ეგონებოდა, რომ ეს ღამე მეორედ მოსვლის ღამეაო. ზარბაზნები ველარ ჰხოცავდა ახლო მოსულებს და გადუღებელ წვიმასავით აფრქვევდა ცეცხლს მოშორებით მომავალ ჯარებს. ყუმბარანი კამარასა ჰკრავდნენ ცაში ცეცხლის რკალივით, მიჰფრინავდნენ ჯოჯოხეთის რუხრუხითა და იმათის წყალობით ღამე დღეს ემზავსებოდა. ნემეცებისა და პოლონელების ქვეითი ჯარები თავადის დრაგუნებთან ერდად შეტბორებულები ცეცხლსა და ტყვიას აწვიმებდნენ მტრის თავზედა.

ყაზახთა პირველ წყებას უკან დაწევა უნდოდა, მაგრამ ზურგის ჯარმა არ მისცა ამის ნება. ველარ ახერხებდნენ ისინი უკან დაწევას და იქვე იულიტებოდნენ. ზედ-ამოსულთ ფეხები სისხლის მორევეში ეფლობოდათ. თხრილის ბეჭობი მოილიპა, ჩამოიფხვრა, მაგრამ ყაზახნი მაინც ცდილობდნენ აფოფხებას, სცვიოდნენ ძირს და კვალად მიფოფხავდნენ, კვამლში გახვეულნი, თოფის წამლისაგან გახუხულნი, განგმირულნი, დაჩეხილნი, თავ-მოწონებულნი თავიანთის წყლულებითა და სიკვდილით. ალაგ-ალაგ საქმე ხმალ-ხანჯალსა და შუბზედ მიდგა. ზოგნი იქვე ერთს ალაგას გაშეშებულიყვენ გაათორებულის სახითა, კბილებ-დაღრეჭილები, სისხლ-შესვრილის სახითა.... ცოცხალნი იბრძოდნენ მოკლულთა და მომაკვდაეთა აღბორგებულ ზეინზედ შემდგარნი. ბრძანება-განკარგულებისა აღარავის აღარა ესმოდა-რა; იდგა მხოლოდ ერთი საერთი ყვარილი და ღრიანცელი და ყურთა-სმენა აღარ იყო; ამის გამო აღარა ისმოდა-რა აღარც თოფის-სროლისა, აღარც დაჭრილთა ხრილისა და კვნესა-გმინვისა, აღარც ყუმბარათა შიშინისა.

და აი ასეთმა დევ-გმირულმა უწყალო ბრძოლამ გასტანა რამდენიმე საათსა. ერთის თხრილის მაგიერ მეორეც აღიმართა და აბრკოლებდა ზედმოსულთა.

სეჩის ჯარი თითქმით სულ გასწყდა. პერეიასლავის რაზმი ძირს მოიფინა თხრილს ახლოსა; კარილისა, ბრაცლავისა და უმანის ჯარი ძალიან შეთხელდა, გარნა ყაზახნი წინ მოიწევდნენ, რადგან საშველი აღარ მისცა ზურგთ-უკან მყოფმა გეტმანის გვარდიამ, რუმელიის ოსმალთა ჯარმა და ურუმბეის

თათართა რაზმმა. მაინც და მაინცა, იერიშით ზედმოსეულთა შორის არევ-დარევა ატყდა, მაშინ როდესაც პოლონელთა ქვეითს ჯარსა, ნემცებსა და დრაგუნებს აქამდე ოდნავაც არ დაეწიათ უკანა. გაფითრებულნი სისხლით-მოთხვრილნი, ბრძოლის ჟინით შეპყრობილნი და დამთვრალნი მიიწევდნენ მტრის პირის-პირ შესახვედრად ისე, როგორც გახელებულნი მგლები მიიწევენ ცხვრის ფარეხისაკენ. სწორედ ამ დროს ხელ-მეორედ ეკვეთა ხმელნიცკი მტერს იმ ჯარით, რაც გადაარჩა ამ საშინელს ბრძოლას და აგრედვე სულ დასვენებულ, ჯერ ხელ-გამოუღებელ თეთრ-ეკვალესიელებითა, თათრებითა, ოსმალოებითა და ჩერკასელებითა.

ზარბაზნები გაჩუმდნენ, ყუმბარანი აღარ ანათებდნენ სიბნელეს, მხოლოდ ხმალ-ხანჯალი და შუბი-ლა მუშაობდა მთლად კედლებ გარეშემო. ბოლოს თოფის სროლაც შესწყდა. სიბნელემ მოიცვა მებრძოლნი.

ვერავის თვალი ვერა ჰხედავდა, რა ამბავი იყო იქ, მხოლოდ რაღაცა მიმოიძვროდა სიბნელეში ისე, როგორც უზარმაზარი სხეული ურჩხულისა სულთ-ბრძოლის კვანჯა-გრეხაში. ყვირილსა და ღრიანცელშიაც ვერას გაარჩევდა კაცი და ვერ იტყოდა, რა ხმა ისმოდა იმ ვაი-ვაგლახში — ხმა გამარჯვებისა თუ განწირულებისა. ხან და ხან ეს ყვირილი და ღრიანცელიც მიწყდებოდა ხოლმე და მაშინ ისმოდა მხოლოდ რაღაც მღვეური კვნესა, ისმოდა ყოველგანა და ყოველ მხრიდან, დედა-მიწიდანაცა და ზეცადანაც, ჰაერშიაცა და უფრო კიდევ მალლაცა, თითქო სულნიც კი კვნესით მიჰფრინავენ ამ ბრძოლის ველიდანაო.

მაგრამ ასეთი ამბავი მცირე ხანს გასტანდა ხოლმე: შემდეგ ყიჟინი და ღრიანცელი უფრო მეტის ძლიერებით ატყდებოდა ხოლმე, ყიჟინი უფრო მეტად ყელ-ამოხლანძულთა, უფრო მეტად არა-ადამიანური.

უცებ გაისმა თოფის სროლა. მახნიცკი მოდიოდა თავის დანარჩენის ქვეითის ჯარით დაღლილ ჯარების მისაშველებ-

ლად. იმიერ-ქორომელთა ბოლო წყებათა შორის საყვირთა დაჰკრეს ხმა უკან დაწევისა.

შესდგა ბრძოლა, ყაზახთა რაზმნი მოჰშორდნენ თხრილებსა და გალაენის კედლებს და შესდგნენ თავიანთ საკუთარ ჯარის-კაცთა გვაშებით მოსაფრებულნი; მაგრამ აღარ გაუვლია ნახევარ საათს, რომ ხმელნიცკი წამოხტა და კვლავ გაუძღვა ყაზახებს იერიშის მისატანად.

ხოლო ამ დროს თხრილებზედ გამოჩნდა ცხენით თვით თავადი ერემია. მისი ცნობა ადგილი იყო დროშასა და საგეტმანო თულზედა, რომელიც ფრიალებდა მის გარშემო, ხოლო მის წინაშე ეკირათ რამდენიმე მაშხალა და მათის სისხლის-ფერის სინათლით ჰთანტავდნენ გარემო წყელიადს. რამდენჯერმე ესროლეს თავადს ზარბაზანი, მაგრამ გამოუტყდელი თოფები შორს ისროდნენ ზარბაზნის ტყვიას, ხოლო თავადი იღვა გულ-დამშვიდებული და გასცქეროდა შავის ღრუბლების მოახლოვებას.

ყაზახთ ნაბიჯს უკლეს, თითქო გაბოცებულნი არიან ამ სანახაობითაო.

— ერიომა! ერიომა! — ჩურჩულით გაისმა რაზმ-რაზმად დაწყობილს ჯარში.

თხრილზედ მდგომი, მაშხალების სისხლის-ფერ სინათლით გარემოცული თავადი რაღაც ზღაპრულ დევ-გმირად ეჩვენებოდათ. მოღალატულ-მოქანცული ტანი ნება-უნებურად აეჯინკრათ, ხელი თითქო თავისით პირ-ჯერის გამოსახვას ლამობდა ხოლო ის კვლავ იღვა ერთსა და იმავე ადგილას.

აგერ შეიქნია ოქროს კვერთხი, საშინელმა გუნდმა ყუმბარებისამ შიშინი დაიწყო ცაში და ჩაჰქანდა ზედ-მოსულთარაზპ, მში; ჯარი მტრისა შეიკუმშა და დაიხლაკნა, თითქო სასიკვდილოდ დაკოდილი გველიაო; ხმა შეკრთომისა და თავ-ზარდაცემისა განისმა ერთის კიდიდან მეორემდე.

— აბა, ვირბინოთ, ვირბინოთ! — დაიძახეს ყაზახთა პოლკოვნიკებმა

შავ-ბნელი ტალღა აზღვავეებით მიაწყდა თხრილებს, საცა თავს დაიფარავდა ზარბაზნის ყუმბარათაგან, მაგრამ ჯერ ნახევარი გზა არ გაველოთ, რომ თავადი მიბრუნდა დასავლეთისაკენ და კვლავ შეიქნია ოქროს კვერთხი.

კვერთხის შემოქნევაზედ იმ ადგილიდან, საცა ზბა იყო, გამოჩნდა ცხენოსანთა ჯარი და ერთის თვალის დახამხამებაზედ მოეფინა თხრილის ნაპირებს; არამც თუ მარტო ხმელნიცკი, არამედ სულ უკანასკნელი ყაზახიც კი მიჰხვდა მაშინვე, რომ თავადს დიდი იმედი აქვს თავის თავისა აღზად, როცა ასე გაბედვით მოგვისია მთელი თვისი ცხენოსანი ჯარი გვერდის მხრივით.

ყაზახთა შორის დაჰკრეს საყვირი ნიშნად უკან დაწევისა. „ცხენოსნებისაკენ პირიო! ცხენოსნებისაკენ პირიო!“ — გაისმა შეშფოთებული ხმა ყაზახთა სარდლებისა. ამავე დროს ხმელნიცკი ცდილობდა შეეცვალა შუბლი თვისის ჯარისა და ცხენოსანთა ჯარით დაეცვა თავისიანები ცხენოსანთაგან. მაგრამ გვიან-ლა იყო. ვიდრე ის თავის ჯარის ხელ-ახლად დაწყობას მოასწრობდა, თავადის სადროშონი უკვე მოჰფრინდნენ, თითქოს ფრთები გამოსხმიათო, და თან დასცეს ყიჟინა: „დაჰკათ, გააჰეთ!“ მათს დროშებს გაჰქონდა ფრიალი, იარაღი წკრიალებდა ჩახა-ჩუხისაგან. გუსარებმა მიჰმართეს შუბები კედელივით აყუდებულს მტერს და ისეთნაირად ეკვეთნენ, თითქო გრიგალითაო. ყოველივე, რაც კი გზაზედ დაჰხვდათ, დაემხო და დაითრგუნა მათ წინაშე. აღარავითარს ძალას, აღარავითარს განკარგულგბას, აღარავითარს სარდალსა და სპასალარს აღარ შეეძლო გაემდგრებინა ქვეითი ჯარები, რომელთაც ასეთის ჭეჭა-ქუხილით დაესხნენ თავს გუსარნი პირველშივე. საშინელმა შიშის ზარმა აიტანა რჩეული საგეტმანო გვარდია. თეთრ-ეკკლესიილებმა გადაჰყარეს თაფები, ხმლები და შუბები, ცელები და კომბლები, თავს ხელებით იფარავდნენ და გარბოდნენ დამფრთხალნი ნადირთა მზგავსის ღრიალით თათართა რაზმებისაკენ, რომელნიც მათ უკან იდგნენ მოშორებით. ხოლო თათარებმა წვიმა-წყალივით დააყარეს ისრები, ლტოლვილთ მარც-

ხნივ შეუხვიეს და გარბოდნენ ბანაკის გასწვრივ, მაგრამ ამ დროს ციხე-კოშკებიდან დაახალეს თოფები ქვეითმა ჯარებმა, ხოლო ვურცელმა ასტეხა ქუხილი ზარბაზნებისა. გაქცეულთა გვამებით მოიფინა არე-მარე საომარის ადგილისა.

გარნა სწორედ ამ დროს ნადირ-ქმნილი ტულაი-ბეი, რომელსაც მხარს უჭერდა სუბალაზი და ურუმ-ფაშა, ეცა გამძვინვარებით თავადის გუსარებსა. იმის იმედი არა ჰქონდა, რომ ვძლევ ამათაო, მხოლოდ ის უნდოდა, რომ რამდენისამე წუთით შეეყენო ამათი ძლევა-მოსილება და მიეცე დრო სილისტრიელებსა და რუმელიის იანიჩართა დაეწყვენ რაზმ-რაზმად და შეშინებულს თეთრ-ეკკლესიელებს—გონს მოვიდნენო. ტულაი-ბეი გადავარდა შენივთებულ ბრძოლაში და ისე იბრძოდა, როგორც უბრალო ჯარის-კაცი და არა როგორც სარდალი, იბრძოდა და ჰხოცავდა სხვებთან ერთად მტერს. ნოღაელების კაუჭა ხმლებს გაჰქონდა წკრიალი რაინდთა ჯავშნებზედ, ხოლო ყიჟინი მათი ისეთი იყო, რომ სხვა აღარაფრის ხმა აღარ ისმოდა. მაგრამ იმათაც დიდ ხანს ვერ შესძლეს. რკინა-ჯაქვში ჩამსხდარმა მხედრებმა ისეთის საშინელის ღონით შეუტიეს, რომ მალე შედრკა მათი რაზმი და დაიწია უკან იანიჩარებისაკენ, თუმცა დიდის გამძვინვარებით კი იბრძოდნენ, ისე რომ გუსართა წინსვლა შეაყენეს კიდევ. ტულაი-ბეი ყველგან ჩნდებოდა საოცარის სისწრაფით, ხოლო ნოღაელნი ისე მისდევდნენ თავიანთ სარდალს უკან, როგორც მგლის ლეკვნი მისდევენ ძუმგელს.

გაისმა ძახილი „აღლაჰ!“ და ეს იმისი ნიშანი იყო, რომ იანიჩარები უკვე მოსულიყვნენ ბრძოლის ველზედა. ამ დროს დაესხა თავს განადირ-კაცებელს ტულაი-ბეის სქშეტუსკი და დაჰკრა მახვილი შიგ შუბლში. ხოლო აღბად რაინდი ჯერ კიდევ სრულს თავის ჯან-ღონეზედ ვერ მოსულიყო მძიმე ავადმყოფობის შემდეგ, ან იქნება დამასკის მუზარადმა შეასუსტა ძალა ნაკრავის მახვილისა, — მახვილი ასხლტა მუზარადზედ, დაეცა პტყლად და შუაზედ გადაიჩხა. თუმცა ეს ასე მოჰხდა, მაინც ტულაი-ბეის თვალთ დაუბნელდა, შეირკა უნაგირზედ

და ცხენიდან გადმოვარდნილი ნოღაელებმა დაიჭირეს ხელი-
თა. აბჯარის კაცებმა გაიტაცეს თავიანთი სარდალი და ისეთის
სისწრაფით დაიწიეს უკან, თითქო ღრუბელს შეუღტია ქარმა და
გადაისროლა ცის კიდისაკენაო. ახლა თავადის ცხენოსანი ჯა-
რი იღგა პირის-პირ იანიჩარებისა და გაოსმალებულ სერბიე-
ლებისა, რომელნიც იანიჩარებთან ერთად ძლიერ ოთხკუთხე-
დად იყვნენ შეკრულნი და ნელ-ნელა იწვედნენ უკან თავიანთ
ბანაკისაკენ, მტრისკენ პირი მიქცეულნი და შეიარაღებულნი
თოფებით, შუბებითა და თავ-კომბალებითა

იმათ აღსაგველად მიჰქროდნენ ქარისა და ქარაშოტივით
ჯავშანოსანი ღრავუნთა სადროშონი, ხოლო წინ მიჰქუხდა, მი-
გრიალებდა გუსართა სადროშო სქშეტუსკისა. თვით სქშეტუს-
კი პირველ წყებაში იყო და თავ-დავიწყებული მიაქენებდა ცხენს;
შის გვერდით მიჰფრინავდა თვისის ინფლანდურის მერანით ჰან
ლონგინუსი და ხელში ეჭირა თავისი საშინელი ზერვიკაპტური.

ოთხ-კუთხედის ერთის კიდიდან მეორემდე გაიელვა ცე-
ცხლის ზოლმა, ტყვიამ ზუზუნნი დაიწყო მხედართა ყურთანა,
იქ გახმა ხმა გმინვისა, იქ ცხენი გაერთხა მიწაზედ, ზოლი
მხედართა იკაკება რკალივით, მაგრამ ისინი მაინც წინ მიის-
წრაფიან. აგერ უკვე ახლოს არიან, აგერ იანიჩართ ყურამდე
მიადწია დაღლილ ცხენების მძიმე ფშვინვამ... ოთხ-კუთხედი
უფრო მჭიდროდ შეიკრა და დააყარა მტერს ისარი წვიმა-წყა-
ლივით. რამდენი ისარიც იქმნება გამოსროლილი იმ ოთხ-კუ-
თხედიდან, იმდენს მსხვერპლს წარიტაცებს სიკვდილი რაინდთა
შორის!

ამ დროს რომელიღაც დევ-გმირი გუსარი ეცა ოთხ-კუ-
თხედის კედელს... ერთს წუთსა სჩანს, როგორ პრიალებს ჰა-
ერში ნალები ისეთისავე მღვეის ცხენის მალლა აწვდილ ტო-
ტებისა, მერე რაინდი და ცხენი შეეცინდნენ შიგ შუა გულს
და დაიწყო გარშემო სვრება და ჩება-ჟლეტა.

როგორც არწივი, დაეცემა რა თეთრის გედების გუნდს
და შეჰკუმშავს და შეაქუჩებს შეშინებულ ფრინველთ ერთად,
რომ უფრო ადვილად დაჰწლიჩოს და დაჰფრიწოს თავისის

კლანჭებითა და ნისკარტით თავისი მსხვერპლნი, ისე პან ლონგინუსს ჰოდობიენტა, გაჩნდა მტრის შუაგულ და დაუწყო სრვა თავისის ზერვიკაპტურითა. და ვერას დროს გრიგალი ვერ იხამს იმდენს ნაენევს ხშირად აყრილს ნორჩს წვრიმალა ტყეში, რამდენიც პან ლონგინუსმა მოახდანა იანიჩართა შორის. საშინელება რამ იყო; მისი ახოვანება და ზავთი არა-კაცურის სიდიდისა იყო, ცხენი რალაც გველ-ვეშაპად გადიქა და ცეცხლს აფრქვევდა ნესტოებიდან, ხოლო ზერვიკაპტური თითქო სამ ხმლად გადაქცეულიყო რაინდის ხელში. კიზლირ-ბაკი, ზორბა ალა, ეცა რაინდს, მაგრამ შუაზედ იქმნა გაჩეხილი და გაღმოვარდა ცხენიდან. ამაოდ ცდილობენ თათართა ბუმბერაზნი გზა გადაუღობონ პან ლონგინუსსა! მდევი რაინდი ჰქელავს გარშემო ყოველსავე, შეიქრება იქ, საცა უფრო ხშირად არიან შეგროვებულნი მტრის რაზმნი, იქნევს უზარმაზარს ხმალს და წვება ძირს ხალხი, თითქო მცელავემა ცელი მოიქნია და ყანა წააწვინაო, ისმის მხოლოდ კენესა, ზრიალი ხმლის ცემისა და საშინელი ფრუტუნი ჯოჯოხეთის ცხენისა.

ამ დროს ჯაქვ-ჯაფშებში ჩამჯდარი მხედრობა ცხენოსანთა, სქშეტუსკის მეთაურობით, ეცა ოთხ-კუთხედის კარს, რომელიც გაარღვია ლიტველმა რაინდმა; ოთხ-კუთხედის კედლებმა ლაწა-ლუწი დაიწყეს, თითქო სახლი ინგრევა და გაირღვა მისი კედელიო და სიმრავლე იანიჩართა ივლტოდა აქეთ-იქით, სქშეტუსკის ცხენოსანთაგან სასტიკად ოტებული.

მოვიდა დრო, როცა ნოღაელები, როგორც მშვიერი მგლეები, კვლავ უნდა შესულიყვნენ ომში, ხოლო მეორეს მხრით, ხმელნიცკი, რომელსაც შეეგროვებინა თეარ-ეკკლესიელთა დანარჩენი ჯარი, ისწრაფოდა იანიჩართა საშველად, მაგრამ ახლა ყოველივე ერთმანეთში აირ-დაირია. ყაზახნი, თათარნი, იანიჩარნი ივლტოდნენ საშინელის უწყესობითა თავიანთ ბანაკისაკენ და ისე იყვნენ შიშითა და ძრწოლით თავ-ზარ-დაცემულნი, რომ აღარავითარს წინააღმდეგობას აღარ უწყევდნენ მდევარსა. ცხენოსანთა მდევარი მაინც არ ეხსნებოდა და გამწარებული მისდევდა უკან. ვინც გადარჩა წელან ცოცხალი ომში,

ახლა ველარ ასცდა სიკვდილს. მღევარი წინ მოექცა პირველად ლტოლვილთა ცკი. მხედართა მაჯა დნებოდა ხმლის ქნევითა და მტრის ხოცვითა. თათრებმა გადაჰყარეს თოფ-იარაღი, დრო-შები, ქუდები და ასე გასინჯეთ, რაც მძიმე ტანისამოსი ეცვათ, იმასაც კი იხდიდნენ და ისროდნენ შორს. იანიჩართა თეთრი დოღბანდები, თითქო თოვლის ნაფერთალიაო, ისე მოეფინა ველ-მინდორსა. მთლად მილიცია ხმელნიცკისა, ქვეითი, ცხენოსანი ჯარი, თოფები, მაშველნი რაზმნი თათართა და ოსმალთა აირია ერთმანერთში დომხალივით და აღარ ახსოვდა, სად იყო, აღარა ჰგრძნობდა არასა, ისე იყო დაბრმავებული და ატანილი შიშითა და ძრწოლვითა. გუსართა რაზმმა სძლია მტრის ქვეითს ჯარს და თათრებსა და მით შეასრულა თავისი მოვალეობა, ეხლა დრაგუნები და სუბუქი ცხენოსანთა ჯარი ეჯიბრებოდა ერთმანერთს. კუშელი და ვოლოდიევსკი სასწაულთ-ჰმოქმედობდნენ მამაცობითა და ვაჟკაცობითა. სისხლი მორვევით დადგა მინდვრად და ცხენები შიგ სტოპავდნენ.

ლტოლვილთ თავისუფლად ამოისუნთქეს მხოლოდ თავიანთს ბანაკში, როცა საყვირთა ხმამ უკან მიუწოდა თავადის ცხენოსანთა ჯარს.

რაინდნი მოდიოდნენ უკან მხიარულის ყიჟინით, სიმღერის თქმითა; თან გზა-გზა სთვლიდნენ მტრის დახოცილთა გვამებსა. გარნა ვის შეეძლო ერთის თვალის მოვლებით გაერკვია, რაოდენ დიდი იყო დაძლევა მტრისა, ვის შეეძლო აღერიცხნა დახოცილთა რაოდენობა, როდესაც თვით თხრილებს ახლოს გვამების ხორა იდგა კაცის სიმაღლეზედა? ჯარის კაცთ კინალამ სული უგუბდებოდათ, ისეთი სუნი მოდიოდა საოპარ ველიდან. მათ ბედზე ტბიდან დაუბერა ძლიერმა ქარმა და გაასუფთაეა ჰაერი.

ასე გათავდა პირველი შეხვედრა საშინელი „ერიომასი“ და ხმელნიცკისა.

ხოლო იერიში ჯერ კიდევ გათავებული არ იყო. იმ დროს, როცა ვისნვევცკი იგერებდა მტერს მარჯვენა მხარეზედ, მარცხნივ ბურღაიმ კინალამ თხრილები არ აიღო. ბურ-

ლაი გაუძღვა წინ იმიერ-დნებრის მხრის მხედართა, ჩუმაღ შე-
მოაურა ქალაქსა და ციხე-კოშკსა, მოვიდა აღმოსავლეთის ტბამ-
დე და შეუტია ფირღის. უნგართა ქვეითმა ჯარმა ვერ შეუძ-
ლო ამ შეტაკებას (ტბასთან თხრილების ამოღება ჯერ გათა-
ვებული არ იყო) და მედროშე ბაირალტარმა პირველმა დაი-
წია უკან, ხოლო მას მიჰყვა მთლად ჯარიცა. ბურლავი შექრა
შიგ შუა გულს და იმიერ-დნებრელებმა მოარიადეს იქაურობა
ნიღვარივით. ყიჟინი ძღვევა-მოსილებისა ბანაკის მეორე კი-
დემდე მივიდა. ყაზახებმა დაუწყეს დევნა ლტოლვილ უნგარ-
თა, სძლიეს ცხენოსანთა მცირე რაზმს და უკვე მიუახლოვ-
დნენ ბელზსკის კაშტელიანის ჯარს, როცა პან ფშიემსკი ნე-
მენცთა რამდენისამე როტით გაეშურა მის საშველად. წაავლო
ხელი დროშას და ეცა მტერს: ნემენცები შეებნენ ყაზახებს.
გაცხარდა საშინელი ხელ-ჩართული ომი, რომელშიაც მძვინ-
ვარება და დიდი უმრავლესობა ბურლავის ჯარისა შეეჯიბრა
ოც და ათის წლის ლომთა გულადობასა. ამაოდ გადავარდებოდა
ხოლომე ბურლავი შიგ შეგჯუფებულს მტრის გუნდში, თითქო
დაჭრილი გარეული ღორიაო. ვერც სიკვდილის მოურიდებ-
ლობამ და ძულებამ ყაზახთა მხრით, ვერც მათმა შეუმდრკა-
ლობამ ვერ შეარყიეს ნემენცები, რომელთაც ნახევარი საათის
ბრძოლის შემდეგ მტერი თხრილებს იქით გადაჰყარეს. პან
ფშიემსკიმ, სულ სისხლით შესვრილმა, პირველად აღმართა
თვისი დროშა ჯერ ისევ სავესებით ამოულღებელს თხრილებზედ.

ბურლავი განწირულებაში ჩავარდა ახლა. იძულებული
იყო იმავე გზით დაეწია უკან, რა გზითაც მოვიდა აქ, ხოლო
ერემიას, რაკი თავისი გაიტანა მარჯვენა მხარეზე, ადვილად
შეეძლო გზა გადაელობნა მისთვის.

მართალია, ბურლავის მოეშველა მროზოვეცკი კორსოუნე-
ლის ცხენოსანის ყაზახებითა, მაგრამ ამავე დროს გამოჩნდნენ
გუსარნი პან კონიკპოლსკისა და სქშეტუსკი, რომელიც უკან
დაბრუნებულ რაკი იანიჩარები გადაერეკა თავიანთ ბანა-
კისაკენ.

ერთის შეტევით სძლიეს იმათ ბურღაის და ახლა კი დაიწყო საშინელი სრვა და ჩეხა-ყლელთა. ყაზახებს გზა შეკრული ჰქონდათ თავიანთ ბანაკისაკენ, დარჩენილათ მხოლოდ ერთი გზა—გზა სიკედლისა. და აი ზოგნი არ ითხოვდნენ შეწყალებას, შეგროვილიყვნენ ჯგუფ-ჯგუფად და განწირულებით იბრძოდნენ, ხოლო ზოგნი ამაოდ იწვდიდნენ ხელს გუსარების მიმართ და სთხოვდნენ შეწყალებასა.

მოჰფრინდა მათ საშველად სუბალაზი, რომელმაც იმ დღეს დიდი გმირობა და ვაჟკაცობა გამოიჩინა, მაგრამ ქებულმა მარკოზ სომესკიმ, კრასნოსტაველმა მოურავ-ერისთავმა შეუტია და ისე გააშეშა ერთს ალაგას, როგორც ლომმა კამეჩი. ბურღაიმ დაინახა, რომ შველის იმედი არსაიდან არ არისო, მაგრამ მოხუცი პოლკოვნიკი თავის სახელს უფრო აფასებდა, ვიდრე სიცოცხლეს და ამიტომ ხსნას არ ეძებდა. სხვები კი იმალებოდნენ სიბნელეში, ძვრებოდნენ ხვრელებსა და მღვიმეებში, ცხენების მუცლებს ეფარებოდნენ ქვეშ, ბურღაი კი თვით ეძებდა მტერს. მან დასჩეხა პან დომბკი, თავი გაუხეთქა პან რუსეცკის, მოჰკლა პატარა ლომი აქსაკი, რომელმაც სახელი მოიხვეჭა კონსტანტინოვის ომში, და პან სავიცკი, შემდეგ კინალამ ერთის დაკვრით დასცა ძირს ორი გუსარი, ბოლოს თვალის მოჰკრა ერთს ზორბა შლიახტიჩს, რომელიც საშინელის გრგვინებითა და ქექა-ქუხილით მოაქენებდა ცხენს საომარ ველზედა და ეცა იმას.

პან ზაგლობამ,—ეს შლიახტიჩი ზაგლობა იყო—უარესად დაიქექა შიშითა და უკან გააბრუნა ცხენი. ორიოდე ბუწი თმისა, რომელიც შერჩენილდა ზაგლობას თავზედ, ყალხს დაუდგა, მაგრამ მაინც გული გაიმავრა და გონება არ დაჰკარგა. პირიქით, სხვა-და-სხვა ფიქრმა და აზრმა ელვასავით სწრაფად გაურბინა თავში; რაც შეეძლო ღრიალებდა: „ყმაწვილებო, თუ ღმერთი გწამთ!..“ და თავგადაგლეჯილი მიჰქროლებდა იქითკენ, საითაც უფრო დიდი ჯგუფი დაინახა გუსართა. ბურღაი, თავისის მხრით მიჰქროლებდა ცხენს და ცდილობდა მის დაწევასა. პან ზაგლობამ დაჰხუჭა თვალები და ღმერთს ავედრებდა

თვის სულსა. ზაგლობას ესმოდა უკვე ფრუტუნის და სუნთქვა მტრის ცხენისა, ჰხედავდა, რომ არავინ არ მოდის მის საშველად და რომ ვერავის მარჯვენა, ჩემის საკუთარის გარდა, ვერ დამიხსნის ბურღაის პრკყალებისაგანაო.

გარნა სულ უკანასკნელს წუთს შიში მისი შესცვალა გაცოფებამ; ზაგლობამ ისე საშინლად დაიღრიალა, რომ არც ერთს ჯიხვს არ დაუღრიალნია ჯერ ისე და, მოაბრუნა რამაშინვე ცხენი, შეუტია თავის მოწინააღმდეგეს.

— ზაგლობასთანა გაქვს საქმე! — შესძახა მან და ეცა ხმაღამოდებული.

ბურღაიმ შეჰხედა და გაოცდა.

მისმა სახელის გაგონებამ კი არ გააოცა ასე ბურღაი, — თავის სიცოცხლეშიაც არ გაეგონა იმას ეს სახელი, — მან იცნო ეს კაცი, რომელსაც ისეთის ამბით გაუშინებდა ამას წინად იამპოლში, როგორც ბოგუნის მეგობარს.

ამ გაოცების უბედურმა წუთმა კი დაჰლუბა მამაცი წინამძღვარი იმიერ-ქორომელთა; როგორც კი გონს მოვიდა ბურღაი, ზაგლობამ შემოუქნია ხმალი და ერთის დარტყმით გაღმოაგლა ცხენიდან.

ეს ამბავი მოჰხდა მთელის მხედრობის თვალ-წინა. გუსართა სიხარულის ყიჟინას ბანი მისცა იმიერ-ქორომელთა ძრწოლის ხმამა. საწყლებმა, რაკი დაინახეს, რომ მოკლულ იქმნა მოხუცი შავის-ზღვის პირის ლომი, სულ დაჰკარგეს მხნეობა და ისე იხოცებოდნენ, ისე, რომ ხელს აღარ იქნეოდნენ საწინააღმდეგოდ. ვინც ვერ გადაარჩინა სიკვდილს სუბალაზიმ, ისინი სულ ერთიანად გაწყდნენ; იმიტომ რომ იმ სვე-უბედურს ღამეს ტყვედ სულ არავინ არ მიჰყვანდათ.

სუბალაზიმ ბანაკისაკენ დაიწია, მაგრამ კრასნოსტაველი მოურავ-ერისთავი მაინც არ ეხსნებოდა და მისდევდა უკან სუბუქის ცხენოსანთა ჯარითა. იერიშით მომსვლელნი ყველგან უკუ-ქცეულ იქმნენ, ხოლო თვით ყაზახთა ბანაკს ახლოს მძევინვარებდა მღევრად გაგზავნილი ცხენოსანთა რაზმი.

მთლად პოლონელთა ბანაკში სიხარულისა და ძლევა-მო-
სილების ქრიაშული იღვა. ჯარის-კაცნი, სისხლით დათხვრილ-
ნი, გამტვერიანებულნი, გაშავებულნი და გარუჯულნი თოფის
წამლითა ჯერ კიდევ ვერ დამშვიდებულნიყვნენ, პირი-სახე აღე-
წილი ჰქონდათ, თვალები ანთებულნი და ისე იდგნენ თოფებ-
ზედ დაყუდებულნი, მზად-მყოფნი კვლავ შესულიყვნენ ომში,
თუ კი საჭიროება იქმნებოდა. მაგრამ ცხენოსანი ჯარი უკვე
მოდოდა, უკან დაბრუნებული სისხლის-ღვრის სამკლიდანა;
საომარ მინდორზე გავიდა თვით თავადი, ხოლო მასთან ერ-
თად გავიდნენ სარდალნიცა: პან მარკოზ სობესკი, პან ფშიემ-
სკი და სხვ. ერემიამ გულ-დადინჯებით ჩაუარა თხრილებს.

— გაუმარჯოს ერემიას! — ისმოდა ქახილი ჯარისა, — გაუ-
მარჯოს ჩვენს ბატონსა და მამას!

— გმადლობთ! გმადლობთ! — იმეორებდა თავადი რიხიან-
ნის, ომახიანის ხმით.

ხოლო თავადის ამაღლას უკან შეიარაღებულ ჯარის-კაცებს
მოჰყავდათ ბანაკში დიდის სიხარულითა და ქრიაშულით ხელში
აყვანილი პან ზაგლობა, როგორც დღევანდელის დღის უდიდე-
ბულესი ღვაწლ-შემოსილი გმირი. ათს ხელ-ღონიერს კაცს მაგ-
რად ეჭირათ ზორბა გმირი ხელში, ხოლო თვით გმირი გა-
ქარხლებული, გულ-აჩუყებული და გულ-მოაღობილი, იქნე-
და ხელებს, რომ ძირს არ გადავარდეთ და ჰყვიროდა, რაც
შეეძლო.

— ჰე! ვაჩვენე სეირი!.. ისე ვუჩვენე თავი განგებ, ვითომ
მინდა გაგექცე-მეთქი და ახლოს კი მოვიტყუილე. ყმაწვილე-
ბო, რას იზამ, მაშ მგალითი არ უნდა უჩვენო უნცროსებსა
და გამოუცდელებსა თუ?! ღვთის გულისათვის, ფრთხილად იყა-
ვით, თორემ ბრეგას მომადნთ დედა-მიწაზედ და დამამტვრევთ
ამ სისქე კაცსა. მაგრა დამიჭირეთ. ღვთის წყალობა გაქვთ,
სიმძიმე კი საკმაო მაქვს! ჰმ, იცოცხლეთ, კაი მძიმე საქმე კი
დამატყდა თავს! ჰაი ის წყეულ-შეჩვენებულები! ვინც არა მგო-
ნია, ბატონო, სულ უკანასკნელი ტეტიაც კი იმასა ჰფიქრობს,
რომ შლიახტიჩს გაუთანაბრდეს! ჰო-და, ვერ მოჰხვდათ! ფრთხი-

ლად იყავით! გამიშვით, ერთი მამა გიცხონდებათ, კისერი არ მომატეხინოთ აქა!

ამავე დროს გეტმანი იმიერ-ქორაშეთისა, უკვე თავის ბანაკში დაბრუნებული, ჰგრგვინავედა და ჰბლუოდა დაჭრილის ნადირივითა, იგლეჯდა ტანისამოსს, იხოკდა და იკაწრავდა პირი-სახეს. გეტმანები და პოლკოვნიკები ვინც კი გადაჩენილიყვნენ ომსა და სვრემას, თავ-ჩალუნულები შემოპრტყმოდნენ გარშემო ღუმლით და ხმა-კრინტი ვერ ამოელოთ ნუკეშინის-ცემად. ხმელნიცკი გაშმაგებული იყო. პირიდან დორბლებსა ჰყრიდა, აბრაგუნებდა ფეხებს და იგლეჯდა თმასა.

— სად არის ჩემი ჯარი? სად არიან ყახახნი?—იმეორებდა წამ-და-უწყუმ ხმა-ჩახლეწილი.—რას იტყვის ყვენი, რას იტყვის ტულაი-ბეი! მიმეცით ერემიას; დეე, მარგილზედ ჩამოაცვას ჩემი თავი!

თავი კაცები მღუმარებდნენ.

— რად მიწინასწარმეტყველებდნენ მკითხავნი და კუდიანი დედა-კაცნი გამარჯვებას, რად?—ჰქუხდა კვლავ გეტმანი,—დასჭერით ყელები ჯადოქრებსა! რად მეუბნევოდნენ, რომ ერიომას ტყვედ შეიპყრობო?

ჩვეულებრივ, როდესაც ქუხილი ლომისა არყვედა ჰაერს, პოლოკოვნიკები სღუმდნენ, ხოლო ახლა ლომი დაძლეული იყო, გასრესილი, ბედს თითქო ემტყუნა მისთვის და დამარცხებას თითქო გული მიეცა თავის კაცებისათვის.

— ერემიას ვერას დააკლებ!—მტკიცედ წარმოსთქვა წარბ-შექმუხენილმა სტიოპკამ.

— შენს თავსაც დაჰლუპავ და ჩვენცა!—დასძინა მროზოვეცკიმ.

გეტმანი ვეფხვივით მიუხტა თავის პოლკოვნიკებს.

— მაშ ყვითელ წყლებთან ვინ იყო, კორსუნთან ვინ იბრძოდა, პილავეცთან ვინ იყო?

— შენა!—სთქვა უკმეხად ვორონჩენკომ,—მაგრამ იქ ვის-ნევეცკი არა ყოფილა.

ხმელნიცკიმ თმაში იტაცა ხელი.

— მე შევფიცე ყვენს, ამაღამ ციხე-დარბაზში გავათევთ-მეთქი ლამეს!— ჰგმინავდა გამწარებული ხმელნიცკი, მაგრამ კულაკმა სიტყვა გააწყვეტინა:

— რაც ყვენს შეპტიცე, იმისი პასუხიც შენ გაეცი! შენი კისერი და იმისი ხმალი, მაგრამ გაფრთხილდი, რომ თავი არ მოგაგდებინოს!.. ე ჩვენ კი ჩამოგვეხსენ, იერიშით ნუმიგყევართ, ნუ გვასალმებ სიცოცხლეს ტყუილა-უბრალოდ! ღია-ხებს შემოარტყი გარს თხრილები, ზარბაზნებს სანგრები შემოავლე და ზედ დაამაგრე ისე, თორემ ვაგლახად არის შენი საქმე.

— თორემ ვაგლახად არის შენი საქმე!— გაიმეორა კიდევ რამდენმამე.

— ვაგლახად თქვენი საქმეა!— უპასუხა ხმელნიცკიმ.

ასე ესიტყვა პასუხებოდნენ ისინი ერთმანერთს. ბოლოს ხმელნიცკი შეტორტმანდა და დაეცა ცხენის ტყავების ხროვაზედ, რომელსაც ხალიჩები ჰქონდა გადაფარებული კარავის ერთს კუთხეში. პოლკოვნიკები იდგნენ იმის ახლოს თავჩალუნულნი და დიდ ხანს გასტანა ღუმიღმა. ბოლოს გეტმანმა წამოიწია და ხრინწიანის ხმით დაიძახა:

— მოიტა არაყი!

— შენ არაყს ვერ დაღევ!— შეუტია ვიხოვსკიმ.— საცაა ყვენის კაცი მოგივა.

ყენი იჯდა თავისთვის საომარ ველიდან ერთის ალაჯის მანძილზედ და არა იცოდა—რა, რა ამბავი იყო იქა. ის ღამე მშვიდობიანი და თბილი იყო. ყენი ფარდულ ქვეშ ბრძანდებოდა, მოლოებსა და აღებს შორის, ელოდა ომის ამბავს და ამ მოლოდინში შესცქეროდა ვარსკვლავებით მოქაჩქახე ცას.

უცებ ხვითქში გაკურებული ცხენით მოიქრა გულ-ამოვარდნილი სისხლით მოთხვრილი სუბალაზი; ჩამოხდა მაშინვე ცხენიდან, მიუახლოვდა ყვენს და დაუწყა მძიმედ დაკვრა თავისა; თან ელოდა, როდის მიბრძანებს, რომ ომის ამბავი მოვახსენოვო.

— მოგვიყე!— სთქვა ყვენმა.

სიტყვები ცეცხლივითა სწავდა პირს სუბალაზს, მაგრამ მით ვერ ჰბედავდა, რომ არ მოჰყროდა ყვენის ღირსება-ხარისხის ჩამოკენქვას.

— ყოვლად-ძლიერო ყვენო ყოველთა ურდოთა, ძის-ძევ მაჰმადისა, თვითმპყრობელო მეფეო, ხელმწიფეო ბრძენო, პატრონო ბედნიერო, მეუფეო ხისაე, რომელიც თაე-გადაკარავებულია მზის აღმოსავლით დასავლამდე...

ყვენმა ხელის გაქნევით შეაწყვეტინა ლაპარაკი. სუბალაზს სახეზე ჰხედავდა სისხლს, თვალებზედ ამჩნევდა განწირულებასა და გულის-ტკივილს და ჰბრძანა:

— საჩქაროდა სთქვი, სუბალაზი: აღებულია თუ არა ბანაკი ურწმუნოთა?

— ღმერთმან არ ინება.

— ლიახნი?

— გამარჯვებულნი ირიან.

— ხმელნიცკი?

— ძლეულია.

— ტულაი-ბეი?

— დაჭრილია.

— ღმერთი ერთია! — ბრძანა ყვენმა. — რამდენი მორწმუნე წავიდა სამოთხეში?

სუბალაზიმ აღაპყრა თვალნი მალლა და გასისხლიანებულის თვალთ ანიშნა ვარსკვლავებით მოქედლილ ცაზედა.

— რამდენიც აის მნათობია ალლაჰის ფერხთა ქვეშე, — ლაღადებითა სთქვა მან.

ახლა ყვენს სახე გაულურჯდა: რისხვამ შეიპყრო მისი გული.

— სად არის ის ქოფაკი, — იკითხა ყვენმა, — რომელმაც აღმითქვა იქ ციხე ქალაქში გავათენებთ ლამესაო? სად არის ის შხამიანი გველი, რომელსაც ღმერთი ჩემის ფეხით დასთრგუნავს? დადგეს აქა და მომცეს ანგარიში თავის ტყუილ დაპირებისათვის.

რამდენიმე მირზა მაშინვე გაექანა ხმელნიცკის მოსაყვანად, ყვენი ცოტა-ცოტათი დამშვიდდა.

— სუბალაზი, შენ სახეზე სისხლი გაცხია!

— ეგ სისხლი ურწმუნოთა სისხლი გახლავს, — უპასუხა მეომარმა.

— სთქვი, როგორ დაიქცა ეგ სისხლი და დაატკბე ყურთა-სმენა ჩემი მორწმუნეთა მამაცობის ამბითა.

სუბალაზიმ დაწვრილებით უამბო ომის ამბავი და ქებით მოიხსენია ვაჟკაცობა ტუღაი-ბეისა, გალგისა და ნურედდინისა; არ დაჰმალა მხნეობა ხმელნიცკისაცა და შეაქო ისიც პირველ ვაჟკაცების თანასწორად; ხოლო დამარცხების მიზეზი კი ღვთის ნება იყო და მძვინვარება ურწმუნოთაო.

ერთმა გარემოებამ გააკვირვა ყენნი: იმ გარემოებამ, რომ ომის დაწყებისას თათრებს არ გვესროდნენ თოფსაო და თავადის ცხენოსანმა ჯარმა მხოლოდ მაშინ შემოგვიტია, როცა გზა გაღვეულობეთ მტერსაო.

— ალლაჰი! იმათ ჩემთან შემბა არა სდომებიათ, — სთქვა ყენმა, — მაგრამ ახლა გვიან-ლაა.

ყენი მართალი იყო. თავადმა ერემიამ ომის დაწყების დროს აღუკრძალა ჯარს, თათრებს თოფს ნუ ესვრიდო. თავადს უნდოდა დაეჯერებინა თვისნი ჯარის-კაცნი, რომ მოლაპარაკება მაქვს ყენთან და მისნი ურდონი მხოლოდ ჩვენდა შესაშინებლად უქერენ მხარს ყაზახსაო. მერე კი ძალა უნებურად საჭირო შეიქნა თათრების წინააღმდეგაც გამოეღო პოლონელთა ჯარს ხელი.

ყენი თავს იქნევდა და ვარაუდობდა, უკეთესი არ იქნება ვითომ, რომ იარაღი ჩემი ხმელნიცკის წინააღმდეგ მივმართოვო. მაგრამ სწორედ ამ დროს თვით გეტმანი წასდგა მის წინაშე. ხმელნიცკი უკვე დამშეიდებული იყო და მოვიდა მასთან სილღლით საესე; თან გაბედვით თვალი თვალში გაუყარა ყენსა.

— მობრძანდი აქა, მოლალატეე, — უბრძანა ყენმა.

— გეახლებათ გეტმანი ყაზახთა და არა მოლალატეე, არამედ ერთგული მოკავშირე, რომელსაც მაშინ კი არ აღუთქვი შემწეობა, როცა ბედი წყალობით მოექცევა, — უპასუხა ხმელნიცკიმ.

— წადი, ათეე ღამე ციხეში, წადი, წაავლე თმებში ხელი ღლიახებს და ისე გაღმობათრიე თხრილებს აქეთ, როგორც აღმითქეი!

— დიდებულო ყვენო ყირიმის ურღოთა! — ძლიერის ხმით დაიწყო ხმელნიცკიმ, — შენა ხარ ყოვლად მძლავრი და ხონტ-ქარის გარდა სხვა არაეინ არის შენზედ უმძლასრესი დედა-მიწის ზურგზედ; შენა ხარ ბრძენი და ძლიერი, მაგრამ შეგ-ძლიან განა მიუწვდინო ისარი ვარსკვლავებს ან გაზომო სიღრმე ზღვისა?

ყვენმა გაკვირვებით შეჰხედა ხმელნიცკის.

— არ შეგიძლიან, — განაგრძო მან და თან-ღა-თან უფრო უმატა ხმას. — აგრედვე მეც არ შემიძლიან გაზომო ძალა ერიომას ქედ-მალლობისა და მედიღურობისა! შემეძლო განა მეფეიქრნა, რომ იმას არ შეეშინდებოდა შენი, ყვენო, რომ არ დაგ-მორჩილდებოდა, არ დაგიკრავდა თავს, გაჰბედავდა და ღეთის-მგმობელსა ხელსა თვისსა აღიმაღლებდა თვით შენდა სააწინააღმდეგოდ, დააქცევდა სისხლსა შენთა მხედართა და ისე დაიწყებდა შენს მასხარად აგდებას, ძლიერო მბრძანებელო, თითქო ერთი უკანასკნელი მირზა ყოფილიყო? მე რომ გამებედნა და ეგ მეფეიქრა, შეურაცხყოფას მოგაყენებდი ხომ მაგითი შენ, ესე იგი იმას, ვინც ესოდენ მიყვარს და ვისაც ასე დიდად პატივსა-ვსცემ.

— აღლაპ! — ბრძანა ყვენმა და უფრო-ღა-უფრო გაჰკვირდა.

— მე მხოლოდ ერთს რასმე მოგახსენებ, — განაგრძო ხმელნიცკიმ უფრო თამამადა და გაბედვით, — შენ დიდებული ხარ და ძლიერი. აღმოსავლით დასავლამდე ყველა ერნი და მეფენი შენ გიკვრენ თავსა, ლომს გიწოდებენ; მხოლოდ ერთი ერიომა არ იღრეკს მუხლს შენს წინაშე; თუ შენ არ აქციე ის მტერად, არ მოუღრიკე ქედი და იმის ზურგზე არ დადგი ხოლმე ფეხი ცხენზედ შეჯღომის დროს, რაღაა მაშინ შენი დიდება, შენი ძლიერება? ყველა ამას იტყვის, ერთმა პოლონელმა თავადმა შეარცხვინა ყირიმის მეფე სამაგიეროს გაღუხდელადა, რომ ის უფრო ღონიერია, ძლიერი იმაზეო.

ჩამოვარდა ყოველი დუმილი. მირზანი, ალები და მოაღლები თვალს არ აშორებდნენ ყვენს, სულ-განაბულნი შესცქეროდნენ პირისახეზედ, ხოლო ყვენმა დახუჭა თვალები და ჰფიქრობდა.

ხმელნიცკი დაეყრნო კვერთხსა და გათამამებული ელოდა ყვენის პასუხს.

— შენა სთქვი, — წამოილაპარაკა ბოლოს ყვენმა. — მე დავთრგუნავ ერიომას, დავამუხლისთავებ და ისე შევეჯდები ხოლმე ცხენზედ! მაშინ აღარ იტყვიან აღმოსავლით დასავლამდე ერთმა ურწმუნო ძალღმა შეურაცხპყო ყვენიო.

— ღმერთი დიდია! — ერთხმად დაიძახეს მირზებმა.

ხმელნიცკის თვალები სიხარულითა ბრწყინავდა: ერთის ონით განსაცდელიც აიშორა თავიდან და საექვეო მოკავშირე ერთგულ მეგობრად გადაიქცია.

ლომს ეხერხებოდა ყოველს წუთს მელოდ გადაქცეულიყო.

ორივე ბანაკი ხშირ-ბინდამდე ისე ბზუოდა, როგორც ბზუის ფუტკარი, გაზაფხულის მზით დამთბარი რომ იყრის ხოლმე, ხოლო იქ საცა ომი იყო გადახდილი, ეძინათ განუღვიძებლის ძილით რაინდთა, განგმირულთ ისრითა, განპობილთ შუბითა, დაჩეხილთ მახვილითა. ამოვიდა მთვარე და გააშუქა ეს ველი სიკვდილისა: იქ შედედებულ სისხლის მორევეში ჩანათა და შიგ ამოსურათდა, აქ სიბნელე განჰფანტა და ახალი ხროვა გამოაჩინა დახოცილთა; ახლა იმათ აშორდა წყნარად და შეაშუქა სხვა ხროვას, შეჰხედა მკედართა გახელილს თვალებში, მოჰფინა იქ ნათელი გალურჯებულ სახეს, თოფიარალის ნატეხს და სხივი მისი უფრო გაფერმკრთალდა, თითქო შეეშინდა ნახულისაო. საომარ ველზედ დარბიან მარტოდ-მარტოდაცა და პატარ-პატარა ჯგუფ-ჯგუფებადაც რაღაც შეუკულმა აჩრდილნი: მსახურნი თუ მოსდებიან ამ ველს მკედართა გასაძარცვავად: ასე გაჩნდებიან ხოლმე ტურებიცა ლომებს შემდეგ, მაგრამ იმათაც კი რაღაც არა-ჩვეულებრივი შიში სცემს თავ-ზარსა და აიძულებს, რომ სწრაფად მოჰშორდნენ იქაუ-

რობას. რაღაც საშინელი, რაღაც იღუმალა რამ ძალა სუფევდა ამ მკედრებით მოფენილ ველზედ, ამ წელიან ჯერ ისევ ცოცხალ კაცთა მოსვენებასა და ხელ-გაუნძრევლობას შორის, იმ წყნარს თანხმობაში, რომლითაც განისვენებდნენ ერთ-ურთის ახლოს პოლონელნი, ოსმალნი, თათარნი და ყაზახნი. ხან-და-ხმით ლელიანებში ქარი გაიზუზუნებს, ხოლო დარაჯებმა ჰგონიათ, რომ ეგ უთუოდ სულნი ადამიანთა დასტრიალებენ თავს თავიანთ ხორცსაო. ამბობდნენ, რომ ვითომ როცა ღამე გატყდა და შუალამე შეიქნა, მთლად მინდვრიდან, თხრილებსა და ყაზახთა ბანაკს შორის, რაღაც ფრთხილი ატყდა, თითქო გუნდგუნდი ფრინველთა შრიალით წამოფრინდა იქიდანაო. ვითომ გაეგონათ კიდეც რაღაც ხმები ჰაერში, რაღაც კენესა-გმინვა, ისეთი წუხილი და ვაება, რომ თმა თურმე ყალხზედ დაუდგებოდა ადამიანს. ისინი, ვინც საომარ ველზედ დასდო თავი, ვისნი ყურნიც დახშული არ იყო არა ამ ქვეყნიურთა ხმათა გაგონებად, ისმენდნენ თურმე, რომ პოლონელთა სულნი ამოჰხდომის დროს მიჰფრინავენ მალლა და ამას ევედრებოდნენ ღმერთსა: „შენ წინაშე, უფალო, აგვიხდია ჩენი შეცოდებანი“, ხოლო ყაზახთა სულნი ჰგმინავენ: „ქრისტე, ქრისტე, შეგვიწყალებ!“ რადგან ძმათა-ძმის მკვლელ ომში იყვნენ დახიცილნი და ამიტომ მათთა სულთა არ შეეძლოთ აღსვლა საუკუნო დიდების ტახტამდე; იმათ ჰხვდათ წილად ეფრინათ დედა-მიწის სივრცეში, ქართან ერთად ებროწიანათ ლელესა ზედა ცრემლთა დენისასა და ეტირნათ, ეგმინათ ღამ-ღამე, ვიდრე არ გამოსთხოვდნენ ქრისტეს ცოდვათა შიტევებასა და შეწყნარებასა...

გარნა გულნი კაცთანი გაქვედა უფრო უარესად და არც ერთმა ანგელოზმა შერიგებისამ აღარ გადიფრინა ადგილსა ზედა ადამიანთა მუსერისასა.



მეორე დილას, ჯერ მზეს წვერი არ ამოეყო, რომ პოლონელთა ბანაკში ერთი ახალი თხრილი კიდევ გაჩნდა. ძველი თხრილები ძრიელ განიერად იყო შემორტყმული და თავადმა პან ფშიემსკითურთ გადასწყვიტა ჯარი უფრო ვიწროდ შემოფარგლულ ადგილზედ მოეთავსებინა. გუსარნი მთელს ღამეს ჩაუფერხებლიე მუშაობდნენ დანარჩენ ჯარის-კაცებთან და მოსამსახურეებთან ერთად. ყველა გულის-ძილს მიეცა, დარაჯთა გარდა; მტერსაც ეძინა და გუშინდელ დამარცხების შემდეგ დასვენება ერჩია, რადგან ისიც მთელს ღამეს მუშაობაში იყო. ვარაუდობდნენ, რომ დღეს იერიშით მისვლა აღარ იქმნებოა.

სქშეტუსკი, პან ლონგინუსი და ზაგლობა ისხდნენ ერთად კარავში და ლუდს შეექცეოდნენ, თან მუსაიფობდნენ წარსულის ღამის ღვაწლზედა იმ თავ-მოწონებითა და კმაყოფილებით, როგორც სჩვევიათ მეომართ სულ ახალ გამარჯვების შესახებ.

— ჩემი წესია დავიძინო, როცა ქათმები დაიბუღებენ და ავდგე, როცა მამლები ყვირის დაიწყებენ, — სთქვა პან ზაგლობამ, — მაგრამ ომში ამ წესის ასრულება ძნელია! გძინავს მაშინ, როცა დრო გაქვს და სდგები მაშინ, როცა გაღვიძებენ, მე ის მპბრაზებს მხოლოდ, რომ ამისთანა სულელობისათვის იძულებულია კაცი შესცვალოს თვისი წესი და შეიშალოს ნიერი ცხოვრებისა. მაგრამ რა ვქმნათ, ისეთი დროა ახლა! სა-მაგიეროდ, მოგეცა ღვთის-წყალობა, ვაყოფინეთ კი ჩვენ იმათ გუშინა! ერთი-ორჯელ კიდევ უნდა გავუმასპინძლდეთ იმათ

ასევე და, იმედია, ველარ გაპბელავენ ჩვენს უღრო-უღროვოდ გაღვიძებასა.

— არ იცი, რამდენმა გასწირა თავი ჩვენის მხრითა?—
ჰკითხა პოდბიპენტამ.

— ეჰ, ცოტამ, სულ ასეა: ალყის შემომორტყმელთანნი უფრო ბევრი იხოცება, ვიდრე ალყა-შემომორტყმულთაგანი. შენ ეს საქმე კარგად არ გესმის, ხოლო ჩვენ, ბებრები და ომში ბევრ-ნაირად ნაცადნი, არა ვსაჭიროობთ გვაგმების თელასა; ჩვენ ისეც კარგადა ვხედავთ, როგორც არის საქმე, თვით ომისა და ბრძოლის მსვლელობის მიხედვითა.

— მეც ვისწაველი საომარ ზნეს თქვენთან ახლოს ყოფნითა,—სთქვა პან ლონგინუსმა მორჩილებითა.

— უეჭველია ისწაველი, თუ კი ნიქმა არ გიხიბანა; ცოტა არ იყოს, ნაკლებადა მაქვს იმედი შენის გულის-ყურისა.

— დანებე თავი მაგასა,—სთქვა სქშეტუსკიმ,—ყოველ შემთხვევაში, ეგ ხომ პირველი ნახვა არ არის ომისა პან პოდბიპენტასათვის; ღმერთმა ჰქნას, უკეთესმა რაინდებმა იბრძოლონ ისე, როგორც ეგ იბრძოლა გუშინა.

— ის გავაკეთე, რაც შევიძელ, არა იმდენი კი, რამდენის გაკეთებაც მინდოდა.

— პირიქით, პირიქით! გუშინ ურიგოდ არ გაისარჯე,—
შეჰნიშნა ზაგლობამ მამა-შვილურის კილოთი,—ხოლო თუ სხვებმა გაჯობეს (ამ სიტყვაზედ ზაგლობამ უღელაშები გაღვიძებდა თავმომწონედ), ეგ შენი ბრალი არ არის.

ლიტველი ყურს უგდებდა იმათ ლაპარაკს თავ-დახრილი და ამოიოხრა, რადგან მოაგონდა თავისი წინაპარი სტოვეიკო და სამი მოკვეთილი თავი.

კარვის კალთები აჰკეცა ვილამაც და შიგ შემოვიდა პან მიხალი, ისეთი მხიარული, თითქო მოწმენდილი დილააო.

— იჰ, აჰა, აგერ ახლა ყველანი ერთადა ვართ,—დაიძახა პან ზაგლობამ,—აბა, დაუსხით ამასაც ლუდი!

პატარა რაინდმა ხელი ჩამოართვა სამსავე ამხანაგს.

— რომ იცოდეთ, რამდენი ზარბაზნის ტყვია ჰყრია მეი-დანზედ!—სთქვა ვოლოდიევსკიმ,—ვერ წარმოიდგენთ სწორედ. კაცი ვერ გაივლის ისე, რომ ფეხი არ წამოჰკრას.

— მეცა ვნახე,—უბასუხა პან ზაგლობამ.—დილას რომ ავდექი, ბანაკში გავიარე. მთლად ლვოვის სამოურავოს ქათმე-ბი ორს წელიწადს ვერ დასდებენ იმდენს კვერცხს. ეჰ, მართლა კვერცხები რომ იყოს ის ტყვიები, ისეთს ერბო-კვერცხს მოე-წვავდი, რომ თქვენს მოწონებულსა. უნდა კი გითხრათ, რომ ერთ ტაფა-მწვარ ერბო-კვერცხში, რა ვიცი, რას არ მივცემდი. მეომარის კაცის ხასიათი მაქვს მეც თქვენსავითა. დიდის სიამოვნებით გაიხლებით ყველაფერს, ოღონდ კი უხვად იყოს. ამიტომ ომშიაც ისე არ ვირჯები, როგორც ეხლანდელი ახალ-გაზღები.

— მართლაცა-და, კარგა კი მოსცხე გუშინ იმ ბურღაი-სა,—სთქვა პატარა რაინდმა,—სწორედ არ ველოდი შენგან მაგისთანა სიფიცხესა. ბურღაი ისეთი რაინდი იყო, რომ ბა-დალი არა ჰყავდა მთელს კურაინასა და სათათრეთში.

— მაშ, როგორია?—სთქვა თავმოწონებით ზაგლობამ.—პირველი მაგალითი არ არის ეგა, ჩემო პან მიხალ, არა. დიად, შეიძლება ვსთქვათ, რომ ასეთი ზორბა ყვეარი ჩასპანდის მე-გობრებისა, როგორც ჩვენა ვართ, მთელს რესპუბლიკაში არ მოიძებნება. მე და ჩემმა ღმერთმა, თქვენთან ერთად და ჩვენის თავადის მეთაურობით, მზადა ვარ თუნდა სტამბოლს დავეცე თავსა. ეს გაიხსენეთ მხოლოდ, რომ პან სქშეტუსკიმ მოჰკლა ბარდაბუტი ამას წინად, ხოლო გუშინ—ტულაი-ბეი.

— ტულაი-ბეი არ მომიკლავს,—სთქვა პორუჩიკმა.—მე თვითონ ვიგრძნე, რომ ჩემი ხმალი ასხლეტით მოჰხვდა მხო-ლოდ, მერე ხომ მოგვაშორეს ერთმანერთს.

— ეგ სულ ერთია, სიტყვას ნუ მაწყვეტინებ, პან იან. პან მიხალმა გაჰგმირა ვარშავაში ბოგუნი, როგორც გიამბეთ...

— ნეტა ეგ არ მოგეგონებინათ!—სთქვა ლიტველმა.

— რაც ითქვა, ველარ გაღითქმება, — უპასუხა ზაგლობამ, — განვაგრძოთ შემდგომად: მაშ ასე, პან პოდბიპენტამ თავეთ-ნაწლეველმა ჩაახრჩო ის პულიანი, ხოლო მე — ბურლაი. ვერ დაგიმაღავთ, რომ ერთს ბურლაიში არ გავცვლიდი ყველა იმ ოთხსა; ისე რომ ბოლოს მაინც ყველაზედ სამძიმო საქმე მხვდა წილად. ქაჯი იყო ის კაცი, უაზახი კი არა, მართალი არ არის? მე რომ კანონიერი შეიღები მყოლოდა, კარგს სახელს დაუტოვებდი ჩემს შემდეგ. საინტერესოა ვიცოდეთ, რას იტყვის ამაზედ მეფე, ან სემი, როგორ და რით დაგვაჯილდოვებენ ჩვენ, — ჩვენ, რომელნიც გოგირდითა და გვარჯილით უფრო ვიკვებებით, ვიდრე რომელისამე სხვა საქმელითა.

— იყო ერთი რაინდი, უფრო სახელ-განთქმული, — სთქვა პან ლონგინუსმა, — მაგრამ იმის სახელი აღარაფინ იცის, აღარაფის არ ახსოვს.

— კარგია ვიცოდეთ, ვინ ყოფილა ეგ რაინდი? შეიძლება ძველად ყოფილიყო? — ჰკითხა წყენით ზაგლობამ.

— არა, ჩემო კარგო, ძველად კი არა-და! ეს ის რაინდი იყო, რომელმაც მეფე გუსტავ-ადოლფი ტშკციანს ახლო ძირს დასცა ცხენიანად და ტყვედ შეიპყრო, — უპასუხა ლიტველმა.

— მე კი ასე გამიგონია, რომ ეგ ამბავი პუცკს ახლო მოჰხდაო, — ჩაუბრუნა სიტყვა პან მიხალმა.

— მეფე მაინც გასუხლტა ხელიდან იმ რაინდს და გაიქცა, — სთქვა სქშეტუსკიმ.

— ჰო! ვიცი, მეც ცოტა რამ ვიცი მაგ ამბისა, — დაიწყო ზაგლობამ თვალ-ამოკივით. — მე მაშინ პან კონეცპოლსკის რაზმში ვმსახურობდი, ის იყო ჩვენი სარდალი... ვიცი, ვიცი! მორცხეობა ნებას არ აძლევს იმ რაინდს, გამოაცხადოს მისი სახელი და ამიტომ არც არაფინ იცის რა ამბავი გადაჰხდა თავს მაშინა. თუმცა, დამიჯერეთ, გუსტავ-ადოლფი დიდი მეომარი იყო, თითქმის პან კონეცპოლსკის ბადალი, მაგრამ ბურლაის-

თან ბუმბერაზობა კიდევ უფრო დიდი და ძნელი საქმე იყო. დამიჯერეთ, გეუბნევით-მეთქი!

— ნუ თუ შენ დაეცი ძირს გუსტავ-ადლოფი? — ჰკითხა ვოლოდიევსკიმ.

— განა მე ვითხარი ეგა, პან მიხალ? დეე, წინანდელს ამბავს ჰუარადეს წყედიადი უცოდნელობისა, მე ახლაც ცოტარამ მიმიძღვის ისეთი, რითაც შემიძლიან თავი მოვიწონო! ყველა კარგი, მაგრამ ეს ლუტი კი ძალიან საძაგელი რამ სასმელია; ისევ არაყი მერჩინა ამას, თუმცა ეს რომ გვაქვს, ამისთვისაც მადლობას უნდა ვწირავდეთ ღმერთსა. აიგერა ქსენძი ჟაბკოვსკი ამბობს, რომ სურსათი ცოტა-ლა დაგვრჩაო, ძალიან სწუხს, მუცელი ისეთი აქვს, როგორც კაი დიდი კალო. კარგი ბერია, მე და ჩემმა ღმერთმა, ძალიან შემიყვარდა. ჯარის-კაცობისა უფრო ბევრი სცხია, ვიდრე ბერობისა. ვისაც სცემს მახვილსა, გათავებულია, ანდერძს აუგებს მაშინვე და „განუსვენე“ უნდა სთქვა.

— მართლა, ვერ გაიმბეთ, რა ჰქმნა იმ დღეს ქსენძმა იასკოლსკიმ? — დაიძახა პატარა რაინდმა. — აფოფხდა, ბატონო, მალლა კოშკში და დაუწყო იქიდან ცქერა ომსა (უნდა ვითხრათ, ძალიან თოფის მსროლელი კია). მერე ეუბნება თურმე ჟაბკოვსკისა: „ყაზახებს არ ვესვრი თოფსო, რაც უნდა იყოს, ქრისტიანენი არიანო, თუმცა ისეთს საქმესა ტვირთულობენ, რომელიც ღვთის წინააღმდეგია, მაგრამ თათრებს რომ არ ვესროლო, მაგას კი ვერ მოვითმენო. მართლა დაუწყო თურმე იქიდან სროლა თოფისა და რატომ ოცდა ათი კაცი არ გააგორა იმ ღამეს.

— მთლად სამღვდლოება უნდა მაგისთანა იყოს, რომ კარგი მაშინ იქმნებოდა! — ამოიოხრა ზაგლობამ, — ჩვენმა მუხოვეცკიმ მხოლოდ ხელების აპყრობა იცის მალლა და სულ იმასა სჩივის და წუწუნებს, ამოდენა ქრისტიანეთა სისხლი იღვრებაო.

— იმას თავი დაანებეთ, — მართალის გულითა სთქვა სქმეტუსკიმ. — ქსენძი მუხოვეცკი წმინდა კაცია; უკეთესი დამტ-

კიცება ამისი ის არის, რომ ის ორი ქსენძი მოწიწებით თავს იდრეკენ მის წინაშე, თუმცა მუხოვეცკი იმათზედ მაღლა არა სდგას სამსახურითა.

— სრულიადაც არა მაქვს ეჭვი, რომ ის წმინდა კაცია, — სთქვა ზაგლობამ, — პირიქით, მე მგონია, რომ თვით ყეენსაც მოაქცევდა ქრისტეს სჯულზედა. მაგრამ, არა, ერთი ესა სთქვით, რა ქეიფზედ იქნება ახლა ყეენი! ზის მგონი კარავში და სკდება გულზედ ჯავრითა. თუ მორიგებაზედ დაუწყებენ მოლაპარაკებას, მეც ვაგყვები კომისარებსა. ძველი ნაცნობნი ვართ და ოდესმე ძალიანაც ვუყვარდი. იქნება, ახლაც გავახსენდე.

— მოლაპარაკებისათვის, ალბად, იანიცკის აირჩევენ, — სთქვა სქშეტუსკიმ, — ისე ლაპარაკობს თათრულსა, როგორც პოლონურს.

— მეც კარგად ვიცი თათრული, მირზანი ხომ სულ ჩვენი მეგობრები მრიან. ასეთები იყენენ ყირიმში, რომ აღარ იცოდნენ რა ექნათ, სულ ის უნდოდათ, თავიანთი ქალები მოეცათ ჩვენთვის ცოლებად, იქნება კაი ჩამომავლობა ჩამოვიდესო; მე მაშინ ყმაწვილი ვიყავ და, რადგან ჩემს უბიწოებასთან არა მქონდა შეკრული თავგანაწლეველ პან პოდბიპანტასავით *pacta conventa*, ამიტომ ბევრი მკვდარ-ძაღლობა ჩავიდინე იქა.

— ყურის-დაგდებაც არ მინდა შენი ლაპარაკისა! — სთქვა პან ლონგინუსმა და თავი ძირს დახარა.

— შენ რა მარტისავით სულ ერთსა და იმავეს გაიძახი? სჩანს, მალე ვერ ასწავლის კაცი თქვენისთან ბოტვინის მქაშელებს ადამიანურს ლაპარაკს.

კარავ გარედან რაღაც ლაპარაკი მოისმა და რაინდნი გავიდნენ, რომ გაეგოთ, რა ამბავიაო. თხრილებზედ გუნდ-გუნდად იდგნენ მეომარნი და ათვლიერებდნენ ახლო-მახლო არე-მარეს, რომელიც საკმაოდ გამოცვლილიყო გუშინდელ ღამეს აქეთ. ყაზახნიც თურმე უქმად არ მომცდარიყვნენ; სანგრები გაეკეთებინათ, თხრილებზედ ზარბაზნები დაემარებინათ, ისეთი გრძლები და შორს მანძილზედ ტყვიის გამტყორ-

ცნელი, რომლებსთანაც პოლონელთ არა ჰქონდათ იმ უმად ბანაკში. ახლა კიდევ იღებდნენ თხრილებს მიხვევ-მოხვევით; შორიდან რომ შეეხებინა კაცს ამ თხრილებისთვის, ეგონებოდა თხუნელების სოროებიანო. მთლად ეს ოდნავ დაქანებული მინდორი თხრილებით იყო სავსე, ახლად ნათხარი მიწა შავად მოსჩანდა მწვანედ აბიბინებულ მინდორზედ. ყველგან ხალხს ისე გაჰქონდა ფუსფუსი, თითქო ჯიანქველააო. პირველ თხრილებზედ აქა-იქ მოსჩანდა წითელი ქუდები იმიერ-ქორომელთა.

თავადი იღვა თხრილზედ კრასნოსტაველ მოურავ-ერისთავთანა და პან ფშიემსკისთან ერთად. ცოტა იმათზედ ქვემოდ იღვა ბელსკის კაშტელიანი და ყურადღებით სინჯავდა ყაზახთა ნამუშავარს და ასე უხსნიდა სახასო სარდალს:

— მტერს, როგორც ეტყობა, უნდა წესიერის ალყის შემორტყმა დაიწყოს. მე ვხედავ, რომ ჩვენთვის საჭირო იქნება ბანაკს თავი დავანებოთ და ციხე-დარბაზში ჩავიკეტეთ.

თავადმა მოჰკრა ამ სიტყვებს ყური და დაიხარა კაშტელიანისაკენ:

— ღმერთმა ნუ ჰქმნას! ეგ იმას ემგვანება, რომ ძალათი გავაბათ ჩვენი თავი მახეში. აქ უნდა ვიყვნეთ ცოცხალნი თუ მკვდარნი!

— ჩემი აზრიც ეგ გახლავთ, — ჩაურთო სიტყვა ზაგლობამ, — თუნდა ყოველ-დღე თითო ბურღის მოკვლაც დამქირდეს. მთლად ჯარისა და მხედრობის სახელით წინააღმდეგობის ვუცხადებ კაშტელიანის წინადადებას.

— ეგ თქვენ არ შეგეხებათ! — სთქვა თავადმა.

— ჩემად იყავ! — წაუჩუჩრჩულა ვოლოდიევსკიმ და ჩოხის კალთას დასწია შლიახტიჩსა.

— ისე გაეწყვეტავთ, როგორც თხუნელებსა, — განაგრძო ზაგლობამ. — ხოლო საკუთრად მე, თქვენო ბრწყინვალეებავ, გთხოვთ ნება-რთვას, პირველივე გამგზავნოთ, როცა ჯარი გავიდეს აქედან მტერთან საბრძოლველად. კარგად მიცნობენ, ვინცა ვარ და ახლა უფრო გამიცნობენ.

— როცა ჯარი გავიდეს... სთქვა წყნარად თავადმა და კოპები შეიკრა.—მოითმინეთ, სალამო ეამიდანვე ღამე ბნელია ხოლმე ახლა...

თავადი მიუბრუნდა მოუზრავ-ერისთავს, პან ფშიემსკისა და გეტმანებს და მიიწვია სათათბიროდ.

— ღმერთო ჩემო, რას კადნიერობ აგრე?!—შესძახა ვოლოდიევსკიმ, როცა უფროსნი ძირს ჩავიდნენ თხრილებიდან.— ეგ რასა ჰგავს? არ იცი წესი და რიგი რა არის ომიანობის დროსა? სჩანს, არა გცოდნია, როცა უფროსების ლაპარაკში ერევი. თავადი მომთმინო და თავდაბალი კაცი, გარნა ომიანობის დროს იმასთან ხუმრობა არავის გამოადგება.

— არა უშავს-რა, პან მიხალი პან კონეცკოლსკი—მამადილი კაცი იყო, მაგრამ ისიც კი ჩემს რჩევას დაემყარებოდა ხოლმე; მგლის-კერძი ვიყო, თუ ჩემის რჩევის წყალობით ორჯელ არ დაეძლია გუსტავ-ადოლფისათვის. მე მეხერხება დიდებულებთან ლაპარაკი! აი ახლაც ვერ შეჰბინუნეთ განა, როგორ მოეწონა თავადს ჩემი თათბირი? თუ ღმერთმა ჰქმნა და გავიშარჯვეთ, ვის მიაწერენ მერე იმ გამარჯვებას? ხომ არა გგონიათ, რომ თქვენ მოგაწერონ?

ამ დროს მოლაპარაკე აფიცრებთან მივიდა ზაცვილი-ხოვსკი.

— რაო, თხრილებს იღებენ სულა, ჰა?—სთქვა მან და ხელი გაიშვირა მინდურისაკენ.

— დიად, იღებენ, სთხრიან იქაურობას,—უბასუხა ვოლოდიევსკიმ,—ჩვენს ჯარის-კაცებსაც უნდა ეთხარათ დღესაც ჰები პან ფირლეს ბანაკისაკენ, რადგან აღმოსავლეთის ტბის წყალი აღარ დაიღვევა. პარასკევი დადგება და თევზის ჰამაზედ ხელი უნდა ავიღოთ—კაცის ხორც-ნაჭკები არიან და იმიტომ.

— მართალია,—დაეთანხმა ზაცვილიხოვსკი,—კარგა ხნის კაცი ვარ, სულ ჯარსა და მხედრობაში გამიტარებია ჩემი სიცოცხლე და ამოდენა დახოცილნი არსად მინახავს, ხოტიმს თუ მარტო, როცა ჩვენს ბანაკზე იანიჩარებმა მოიტანეს იერიში.

— ახლა კიდევ უფრო ბევრსა ჰნახვთ, მენდეთ მაგაზედ.

— მგონია, დღეს საღამოს მოიტანენ კიდევ ისინი იერიშს.

— მე კი ვფიქრობ, რომ დილაზე ხმას არ გაგეცემენ.

ძლივს მოასწრო ზაგლობამ ამ სიტყვების თქმა, რომ მტრის თხრილებზედ გამოჩნდა თეთრი კვამლი და ყუმბარამ ზუზუნით გადაიგრიალა პოლონელთა ბანაკზედ.

აღმოჩნდა, რომ ზაცვილიხოვესკი მართალი იყო. ხმელნი-ცკიმ დაიწყო გარს-შემოდგომა წესისამებრ, დაიჭირა მთლად გზები და შეჰკრა ცალ-ფეხი ბილიკები, იღებდა თხრილებს, აკეთებდა სანგრებს და ამავე დროს იერიშსაც არ იფიწყებდა. მან გადასწყვიტა, არ მოვასვენებ ალყა-შემორტყმულთაო, მოვლლი, გავამწარებ და არ მოვასვენებ, ეიდრე იარაღი თავისთავად არ გაუვარდებათ გაშეშებულ ხელიდანაო. და აი საღამო ჟამზედ მან კვლავ შეუტია ვოლოდივესკის რაზმებსა, თუმცა ვერა დააკლო-რა, რადგან ყაზახნი უხალისოდ მოდიოდნენ საბრძოლველად. მეორე დღეს თოფისა და ზარბაზნის სროლა ერთს წუთს არ შეწყვეტილა. ყაზახთა სახელდახელოდ აგებულნი სიმაგრენი უფრო ახლოს გაჩნდა და როგორც წვიმა-წყალი ისე მოდიოდა იქიდან ტყვია-ყუმბარა პოლონელთა ბანაკში. ალყა-შემორტყმულნი ხანდაზმით გამოდიოდნენ საფრებიდან და მაშინ კი საქმე ხმაღსა, ჯაჭვებსა და ცეცხლებზედ მიდგებოდა ხოლმე. გარნა პოლონელი, როგორც კი იტყუდნენ ყაზახთა ერთს რიგობას თხრილებიდან, ამათ მაგიერ მაშინვე სხვები ჩნდებოდნენ. მთელს დღეს მოსვენება არა ჰქონდათ ჯარისკაცებს, ხოლო როცა სასურველი საღამო-ჟამი დადგა, დაიწყო ახალი დიდი იერიში. სანგარ-საფრებიდან გამოსვლა ახლა ფიქრადაც აღარ იყო მოსასვლელი.

16 ივლისის ღამეს ორი მამაცი პოლკოვნიკი, მალასკი და ნებაბა დაესხნენ თავს საკუთრად თავადის ბანაკს და საშინლადც იძლივნენ. სამი ათასმა რჩეულმა იმიერ კორომელმა გასწირა თავი და ყველანი ამოკლდნენ იქმნენ, ხოლო დანარჩენნი, რომელთაც მიეტია კრასნოსტაველი მოურაე-ერისთავი ივლტოდნენ უწყეს-ურიგოდ თავიანთ ბანაკად და გზა-გზა სტო-

ვებდნენ იარაღსა და თოფის-წამალს. ასეთივე დღე დაადგა ფედორენკოსაც, რომელიმაც; აქაო და ბურუსიანი ბნელი ღამეაო, შემოუარა მორე მხრიდან ქალაქსა და კინალამ არ აიღო განთიადისას. პან კორფმა ნემენცებით შეუტყო ფედორენკოს ეშმაკობა და უკუ-აქცია, ხოლო კრასნოსტაველმა მოურავე-ერისთავმა და სახასო სარდალმა კონცეპოლსკიმ თითქმის სულ ამოსწყვიტეს მისნი ყაზახნი.

გარნა ყოველივე ესე არა-რა იყო იმ საშინელ გრიგალთან შედარებით, რომელიც დაატყდა თავს პოლონელთა ბანაკს 19 ივლისსა. ღამე ყაზახებმა დიდი თხრილქ ამართეს ეისნევეცკის პირდაპირ და დაუშინეს დიდი ზარბაზნები თავიანთ მტერს, ხოლო როცა შეღამდა და ვარსკვლავებმა ის იყო დაიწყეს ციმციმი ცაზედა, ათი-ათასობით ხალხმა მიიტანა იერიში. ამასთანავე ერთად ცოტა მოშორებით გამოჩნდა რამდენიმე საშინელი მანქანა, რომელიც კოშკებსა ჰგვანდა და ნელ-ნელა მოგორავდა ამაღლებულ თხრილებიდან. აქეთ-იქით გვერდებზედ ფრთებივითა ჰქონდათ. გაკეთებული ხიდები, რომელიც უნდა გადადებულიყო თხრილებზედ, ხოლო მანქანების თავები ჰბოლავდა და გრგვინავდა, რადგან იქ იყო მომართული სუბუქი ზარბაზნები, თოფები და ჯეზაირები. ეს მანქანები ისე მობობლავდა აღელებულ ზღვა ხალხში, თითქო ბუმბერაზი სარდლებიაო, ხან ისვრიდა, ნალვერდალსავეთ, ცხელ ტყვიას ხან ამ სროლით ავარდნილ ბოლში იმალავდა თავს.

თავადის თოფნი ისვრიდნენ ტყვიას-ტყვიაზედა, ყუმბარას ყუმბარაზედ ამ საშინელის მანქანების შესამუსრავედ, მაგრამ მიზანში ვერ ახვედრებდნენ.

ხოლო შედედებული სიმრავლე ყაზახთა თან-და-თან უფრო და უფრო უახლოვდებოდა პოლონელთა ბანაკს, თითქო შავ-ბნელი ზვირთია და ის მოგორავს ზღვაშიო.

— უჰ!—წამოიძახა ზაგლობამ, რომელიც სქშეტუსკისთან ერთად იდგა ცხენოსანთა ჯარის-წინა,—ძალიან მცხელა. ასე ჩემს დღეში არ დამცხობია. სულის შემხუთველი ღამეა სწორედ! ახლა ეს რალაც მანქანებიც გაჩნდა საილდანც ჯანდაბი-

დანა და დოზანიდანაცა! ნეტავ ერთი ღმერთი ინებებდეს და დედა-მიწა გაუსკდებოდეთ ქვეშა, იმიტომ რომა ეგ საზიზღრები ისედაც თვალში ეკალივითა მყვანან... კისრის ტეხა მაგათი! არც ქამას აცდიან კაცსა, არც სმასა... ძალღებსაც კი ჩვენზედ უკეთესი ცხოვრება აქვთ, მე და ჩემმა ღმერთმა! უჰ, დავიღრჩე სიციხითა.

მართლაც, სულის-შემხუთველი ჰაერი გაჟენთილი იყო იმ გვამთა სუნით, რომელიც მრავლად ეყარა მინდორზე და იხრწნებოდა. ცაზედ ჩამოკიდებულიყო ბოლივით ღრუბლები; ზბარაყის თავს ქექა-ქუხილი აპირობდა დაგრიალებას. სიბნელეში გაისმა ხმა ნალარისა.

— ემ საათში თავს დაგვესხმიან! — სთქვა სქუმეტუსკიმ. — გაიგონეთ ხმა?

— გავიგონე, ამოწყდენ ეგენი, ჰო და ასრე! ხათაბალაა ჩვენს თავს და ეგ არის!

— დაჰკა, სჩებე! — დაიგრიალა ბრბომ და შემოუტია თხრილებსა.

ბრძოლა ასტყდა ყველგან საფრებში. ყაზახნი ერთსა და იმავე დროს დაეცნენ თავს ვისნევიცკის, ლიანცკარონსკის, ფირლეს და ოსტროროგსა, იქნება ერთმანერთს ველარ მიეშველნენ ხოლმეო; გამომთვრალიყვნენ არაყით და ამიტომ უფრო მეტის მძვინვარებით ეტევიოდნენ მტერს, ვიდრე წინანდელ იერიშების დროს, მაგრამ სამაგიეროდ უფრო მეტი წინააღმდეგობაცა ჰხედებოდათ. მედიდური სული წინამძღვარისა აცხოველებდა ჯარის-კაცთა; მრისხანე სახასო ქვეითი ჯარი მაზურებისა ისეთის ძალით ეკვეთა ყაზახებს, რომ უცბად ერთ ჯგუფად მოუყარა მათ თავი. მაზურებმა ამოსწყვიტეს რამდენიმე ასი კაცი ყაზახთა ქვეითი ჯარისა, მაგრამ ბოლოს იმოდენა სიმრავლე მოაწყდათ მტრისა, რომ სულ ერთიანად შიგშთაინთქნენ. ბრძოლა თან და თან გამძვინვარებული შეიქმნა. თოფის ლულები ისე დაცხელდა, რომ ხელიებსა სწვავდა ჯარის-კაცებს, სარდალთ ყელი ამოეხლანძათ ბრძანების გაცემითა და ყვირილით ხმა წაუყვიდათ. კრასნოსტაველი მოურავ-

ერისთავი და სქშეტუსკი გავიდნენ მინდვრად ცხენოსანის ჯარითა და შემოურბინეს ცალ მხრივ ყაზახთა, სძლიეს რამდენსამე რაზმს და აუარებელი სისხლიც დაჰღვარეს მტრისა.

საათი საათს მისდევდა, მაგრამ იერიში არა თავდებოდა; საცა დაიცილებოდა ადგილი მტრის ჯარში, ხმელნიცკი მაშინვე შეავსებდა ახალ-ახალი რაზმებითა. თათრები მხნედა შევლოდნენ და წვიმასავით აწვიმებდნენ ისრებს პოლონელთა ჯარს. ზოგნი მათგანი ბრბოს უღვნენ უკან და წინ მიერეკებოდნენ შოლტებითა, იბრძოლეთ, უკან არ დაიხიოთო. გამძინვარება გამძინვარებას ებრძოდა, მკერდი მკერდს ეხეთქებოდა, კაცი სასიკვდილოდ ჰხვევდა კაცს ხელეხსა.

ასევე შემოადგებოდა ხოლმე გარს გამძინვარებული ტალღა კიდე-კლდოვანს კუნძულსა.

უცბად დედამიწამ ღვანდგარი დაიწყო მეომართა ფეხქვეშ და მთლად ცა მოიცვა უცნაურის ფერის ცეცხლმა, თითქო თვით ღმერთს არ შეუძლიან ამხედ მეტს ხანს ცქერა ადამიანის მძინვარებისაო. საშინელმა ჟრიამულმა დაჰფარა ხალხის ჟრიამული და ზარბაზნების ქუხილი. ციურმა ზარბაზნებმა დაიწყო თვის ხათქა-ხუთქი. ქუხილი ატყდებოდა აღმოსავლეთად და რუხრუხით გადავიდოდა დასავლეთად; კაცს ეგონებოდა, ცა ღრუბლებითურთ გასკდა, ჩამოიგრა და უნდა ზედ თავზედ დაასკდეს მებრძოლთაო. ხან-და-ხან ისე გაიეღვებდა, რომ თვალთ დაუბნელებდა ადამიანს, ხოლო მას შემდეგ ისე ჩამობნელდებოდა, რომ თითს ველარ მიიტანდა კაცი თვალთანა. წუთიცა და კვლავ ცა გაიეღვებდა და, თითქო სისხლის ზოლი გაავლესო, ისე წითელის გველივით დაიწყებდა ხლაკენას ელვა მოშავებულს ცაზედა. დაუბერა საშინელმა ქარა-შოტმა და ათასსა და ათი-ათასს მოჰგლიჯა თავიდგან ქუდე-ბი, დაფხრიწა დროშა-აღმები და ერთის თვალის დახამხამებაში მიმოაბნია მინდვრად. ელვას ბოლო არ ეღებოდა, მერე აირია ერთმანეთში ქექა-ქუხილი, გრიალი ქარისა, ელვა და წყვდია-დი... ცაც ისევე განრისხდა, როგორც ადამიანი.

საშინელმა გრივალმა ვაღუარა თავს ქალაქს, ციხე-დარბაზს, თხრილებსა და ბანაკს. ბრძოლა გათავდა. ბოლოს მოხსნა ცამ პირი და კოკიპირულად კი არა, მდინარესავეთ დასხა ზემოდან, წამოვიდა თქემი და ისეთი ღვარნაში, რომ დახოცილთა გვამებმა ცურვა დაიწყო თხრილებში. ყაზახთა რაზმებმა თავი მიანებეს იერიშსა და მოძურწეს თავიანთ ბინისაკენ; მირბოდნენ ალალ-ბედზედ, ეჯახებოდნენ ერთმანერთს და, რაკი ეგონათ, ეს სწორედ მტერს შევეჯახებითო, თვითეული ცალკ-ცალკე გარბოდა, ეგებ თავს ვუშველო როგორმეო; იმათ უკან მისდევდნენ თოფნი და წელამდე ტალახში ურევდნენ, ღერძ-კილანი მათნი ხომ მორგვებამდე ჰხელავდნენ ატალახებულ შავს მიწას. წყალმა მიანგრ-მოანგრია ყაზახთა მიწის თხრილსიმაგრენი, დაარუა ნათხარი ადგილები და შუილითა და ღრი-ალით მისცა თავი მინდორს, თითქო ამასაც დევნა სწადიან ლტოლვილთაო.

წვიმამ უფრო და უფრო დაუშვა. პოლონელთა ბანაკში ქვეითა ჯარმა მიატოვა თხრილ-გალავანი და კარვებში შეათარა თავი, მხოლოდ ცხენოსანს ჯარს კრასნოსტაველ მოურავისასა და სქშეტუსკის არ ებრძანა ბანაკად გამობრუნება. ბოლოს ქარმა მოიტეხინა, შუალამისას წვიმამ სრულიად გადაიღო. ვარსკვლავებმა ციმციმი დაიწყეს ანაქრებულ ღრუბელთა შორის. გავიდა ერთი საათი კიდევ და ნიაღვრის წყალმა ცოტაოდნად იკლო. მაშინ სქშეტუსკის სადროშოს წინ მოულოდნელად გაჩნდა თვით თავადი.

— ყმაწვილებო, — იკითხა თავადმა, — სასწრაფო-საპირის-წამლენი ხომ არ დაგისველდათ?

— არა, თქვენო ბრწინვალეზავ, მშრალეები გვაქვს! — უპასუხა სქშეტუსკიმ.

— ეგ კარგია! ჩამოხდით ცხენებიდან, მიეპარეთ ამ მანქანებს, შეუწყეთ თოფის წამალი და მიეცით ცეცხლი. ჩუმად კი იარეთ. ზან მოურავ-ერისთავიც კრასნოსტავისა თან წამოგყვებათ.

— ბატონი ბრძანდებით! — უპასუხა სქშეტუსკიმ.

ამ დროს თავადმა შეასწრო თვალი გალუმბულოს ზეგლობას.

— აბა, თქვენ თხოულობდით, ნება მომეცი გავიდე საფარიდან პირველიო, ახლა შეგიძლიანთ წახვიდეთ, — უბრძანა მან.

— „ჭირი და ჭამური თუ გინდა ეს არის! — გაივლო გულში პან ზაგლობამ. — ეს-ლა მაკლდა სწორედ!“

ნახევარ საათის შემდეგ ორი რაზმი რაინდთა ხუთას-ხუთასის კაცითა თითო, წელამდე წყალში იდგა და იღუმალ მისწრაფოდა ყაზახთა „მოსეირნე ციხე-ქალაქებისაკენ“, რომელნიც იქვე თხრილებს ახლოს იდგნენ, ერთს რაზმს მიუძღოდა „ლომი ლომთა შორის“, პან მოურავ-ერისთავი კრანსოსტავისა, მარეკ სობესკი, რომელმაც დასვენება არ იცოდა, რა იყო, ხოლო — მეორეს სქშეტუსკი. მოსამსახურენი მისდევდნენ უკან რაინდებს და მიჰქონდათ თან კუპრით სავსე ჭურჭლები, მშრალი პატრუკები და ნაჭრები და თოფის-წამალი; ყველანი მიდიოდნენ ჩუმად, თითქო მგლები არიან და ცხვრის ფარეხებისაკენ მიიპარებიანო.

პატარა რაინდიც თვისის ნება-ყოფლობით გაჰყვა სქშეტუსკის. პან მიხალს ყველაზედ მეტად უყვარდა საშიში და საფათერაკო საქმე და ამიტომ ახლა სიხარულით მიაშლაპუნებდა წელამდე წყალში, გვერდზე პან პოდბიენტა უდგა ამოწვდილის ზერეაკატურით ხელში და უკმაყოფილო, გაჯავრებული პან ზაგლობა.

— აბა, თქვენ თხოულობდით, ნება მომეცი გავიდე საფარიდან პირველიო, ახლა შეგიძლიანთ წახვიდეთ! — აჯავრებდა ზაგლობა თავადსა. — ძალიან კარგია! ძალღს რომ უთხრა წადი ქორწილშიო, ისიც კი არ წავიდოდა ამისთანა წყალში. თუ მე მერჩიოს, ამისთანა დროს გავიდეთ-მეთქი საფრებიდან, ღმერთმა წყალის მეტი ნუ რა მასვას რა ჩემ სიცოცხლეში. ღმერთმა ხომ იცის, ისეთი არა ვარ და არც ნავია ჩემი მუცელი. ჩემს სიცოცხლხში სულ მეჯავრება წყალი, თუნდა წმინდაც იყოს და არა თუ ისეთი, რომელშიაც ტეტების გვამნი დატურავენ...

— ჩუ! — გააწყვეტინა სიტყვა პან მიხალმა.

— შენ თითონ ჩუ, შენ ჭიკჭინაზე დიდი არა ხარ და ცურაობაც იცი, შენ რა გიშავს. ამასაც კი ვიტყვი, რომ თავადის მხრით ვერაფერი სულ-გრძელობაა, ბურღის ვძლიე და მაინც მოსვენებას არ მაძლევს. ზაგლობამ საკმარისი საქმე გააკეთა, ხოლო ზაგლობას მოსვენება უნდა მიეცეს... დაიცადეთ და ნახავთ თქვენ საქმესა, როცა ის არ იქნება ქვეყნად! მართლა, თუ ორმოში ჩავიჩეხო სადმე, ყურებში წამაკლვით ხელი და ისე ამომიტაცეთ, თორემ მაშინადვე წყალს მაყლაპვებს და გავიფუღები.

— ჩუმად იყავ, პან ზაგლობა! — უთხრა სქშეტუსკიმ. — ყაზახები აიქა სხედან, გაიგონებენ რასმე.

— სადა? რას ამბობ?

— აიგერ აიქა, აიმ მიწურებში.

— ეგ-ლა გეაკლდა.

— აი ამოწყდენ ისინი და ამოიგაენონ!

პან მიხალმა ხელი მიაფარა პან ზაგლობას პირზედა. ყაზახთა მიწურები ახლო იყო, სულ ორმოც და ათის ნაბიჯის მანძილზედ. რაინდნი ჩუმად მიიპარებოდნენ, მაგრამ წყალში სიარულისაგან ხმაურობა მაინც იყო; იმათ ბედზედ კვლავ წამოვიდა წვიმა და მათი ფეხის ხმა გააყრუა. მანქანებს ყარაულები არ უდგნენ. ან კი ვინ იფიქრებდა, რომ იერიშისა და ისეთის ქარის შემდეგ საფრებს თავს დაანებებდა ვინმე?

პან მიხალი პან ღონგინუსითურთ გაეშურა წინ და პირველი მიუახლოვდა მიწურს. პატარა რაინდმა მიიღო ხელები ტურჩებზედ და დაიწყო ყვირილი:

— ჰეი, ხალხო!

— რა ამბავია! — მისცა ხმა რამდენმამე ყაზახმა, რომელნიც ცხადია დარწმუნებული იყვნენ, რომ ჩვენიანი ვინმე გამოგვეხმაურაო.

— დიდება ღმერთსა! — უპასუხა ვოლოდიევსკიმ, — გამიღეთ კარი!

— შენ თითონ ვერ გააღებ კარსა?

— გავაღებ, კარგი, — სთქვა ვოლოდიევსკიმ, მოუცაცუნა ხელი კარსა, შეაღო და შიგ შუა სახლში გადავარდა.

პან ლონგინუსი და რამდენიმე კიდევ სხვა მიჰყვა მას უკანა.

მიწურში გულ-გასაგმირი ღრიალი შეიქმნა, რაინდებმაც დასცეს თვისი ყიჟინა და ეცნენ სხვა მიწურებს. წყვდიადში გაისმა ხმა კენესისა, წკრიალი რკინისა, აირ-დაირია ხალხი, ვაფარდა რამდენჯერმე თოფიცა, მაგრამ ყოველმთავე ამან ფრიად მცირედს ხანს გასტანა.

მოულოდნელის თავ-დასხმით გაოგნებულნი ყაზახნი თავისს დაცვასაც ველარ ახერხებდნენ და ისე იყვნენ ამოწყვეტილნი, რომ იარაღსაც ვერ მოჰკიდეს ხელი.

— „მოსეირნე ციხე-ქალაქებს მიჰმართეთ!“ — ბრძანა კრასნოსტაველმა მოურავ-ერისთავმა.

რაინდობა ეცა ციხე-ქალაქებს.

— შუა გულში მიეცით ცეცხლი, ზემოდან სველია! — დაიძახა სქშეტუსკიმ.

ასეთის ბრძანების ასრულება არ იყო ადვილი. ციხე-ქალაქნი აგებულნი იყვნენ ფიქვის ძელებისაგან, არც კარები ჰქონდათ და არც სხვა რამ შესავალი. ყაზახნი კიბეებს მიიდგამდნენ და ისე ავიდოდნენ ხოლმე, ხოლო ზარბაზნები თოკე-ვით აჰქონდათ.

რაინდნი ამაოდ უვლიდნენ ამ კოშკებს, ციხე-ქალაქებს და გაჯავრებით სცემდნენ ხმალსა.

იმათ ბელზე მოსამსახურეებს ცულები ჰქონდათ; ეს ცულები სწორედ ახლა გამოადგათ.

მოურავ-ერისთავმა უბრძანა, გასტენეთ ზარბაზნებო, მოუკიდეთ ცეცხლი კუბრით საესე ჭურჭლებსაო, ანთეთ მაშხალები და მიეცით მაგ ძელებსაო.

ვიდრე ცეცხლი გაძლიერდებოდა, პან ლონგინუსი დაიკუზა და ასწია ერთ უშეელებელ ქვას, რომელიც ყაზახებს შიგ მიწიდან ამოეთხარათ.

ოთხი ყოვლად ღონიერი კაცი ვერ დასძრავდა ადვილიდან იმ ქვას, ხოლო ლიტველს ღონივრად ეჭირა თავის ძლიერის

მკლავებითა, მხოლოდ შეეტყო რომ სისხლი მოაწვა პირისახე-ზედ. რაინდებს ენა ჩაუფარდათ ისე გააოცა ისინი ამ ამბავმა.

აგერ მოუახლოვდა იგა ჯერ ისევ ცეცხლ-მოუკიდებელს ციხე-კოშკს, აიღო მაღლა ქვა, გაღიხარა უკან და მიაგდო ზედ შუა ალაგას. ქვამ ზუზუნნი დაიწყო, ციხე-კოშკი შეირყა და ბრახუნით დაეცა ძირსა.

ნამტერევეებს მოსამსახურებმა გადაასხეს ნავთი და მისცეს ცეცხლი.

პატარა ხანს უკან, რამდენსამე ალაგას გაჩნდა უშველე-ბელი ცეცხლი და გაანათა მთლად არე-მარე. წვიმა მაინც მო-ლიოდა, მაგრამ ცეცხლს ვერა დააკლო-რა.

ყაზახთა ბანაკიდან მოცვინდნენ საშველად სტეპკა, კულა-კი და მროზოვეცი რამდენისამე ათასის კაცითა. სკადეს ვითომ გაექროთ ცეცხლი, მაგრამ ამაოდ. სვეტი ცეცხლისა და სის-ხლივით წითელი კვამლისა სულ მაღლა-მაღლა მიდიოდა ცაში, ხოლო ძირს წითლად ჰკრთოდა ტბებისა და წვიმის წყალში.

რაინდნი სასტიკის წესის დაცვით მოდიოდნენ უკან ბანა-კისაკენ, სადაც ხალხი სიხარულით ელოდა.

უცბად სქშეტუსკიმ შეჰყვირა გრგვინვითა:

— გაჩერდით!

პან ლონგინუსი და პატარა რაინდი არა სჩანდნენ უკან დაბრუნებულთა შორის.

ალბად ეშხში შევიდნენ და შეგვიანდნენ უკანასკნელის ციხე-კოშკის გადასაწვენად, ან იქნება იპოვეს სადმე დამა-ლულნი ყაზახნი და იმიტომ სრულიად ვერ შენიშნეს, როგორ დაბრუნდნენ უკან იმათი ამხანაგები.

— გასწით წინ!—გასცა ბრძანება სქშეტუსკიმ.

კრანოსტაველი მოურავ-ერისთავი რაზმის მეორე მხარე-ზედ იღვა. ვერ მიხვედრილიყო რა ამბავიაო და გაიქცა, რომ გამოეკითხნა სქშეტუსკისათვის ყოველივე გარემოება, მაგრამ სწორედ ამ დროს დაკარგულნი რაინდნი, თითქო დედა-მიწი-დან ამოძვრნენო, გაჩნდნენ შუა მანძილზედ ყაზახთა კოშკებსა და ამხანაგთა შორის.

პან ლონგინუსს ექირა ხელში პრიალა ზერვიკაპტური და მოაბიჯებდა მდევითა, ხოლო მის გვერდით მგელივით მოძუნძულებდა პან მიხალი. კეთა ორივეს უკანა ჰქონდათ მიქცეული მდევრად გამოკიდებულ ყაზახებისაკენ. მდევარნი ცეცხლის შუქზე ისე მოსჩანდნენ, თითქო ღლეაო. კაცს ეგონებოდა უშველებელი ცხენ-ირემი გამოჰქცევია მონადირეებს თავის ნუქრითაო და ყოველ წუთს მზად არის მიბრუნდეს უკან და შეუტოოს ზედ მოსეულთა.

— არიქა დაიღუპებიან! ღვთის გულისათვის მალე! — დაიყვირა გულის გამგმირის ხმით პან ზაგლობამ. — ისარს ესერიან, ან თოფს მოარტყავენ, ჩქარა ღვთის გულისათვის!

თუმცა განსაცდელი იყო ცხადად მოსალოდნელი, ზაგლობა მაინც მიჰქროდა ამოწვდილის ხმლით ხელში სქმეტუსკის გვერდით. მირბოდა, მაგრამ მალ-მალ ძირს ეცემოდა, კვლავ დგებოდა ფეხზე, ჰყვიროდა და იღვედა უკანასკნელ ძალ-ლონეს.

გარნა ყაზახნი თოფებს არ ისვრიდნენ, ფალიები დასველებოდათ, ხოლო მშვილდის ლარნი მოსდუნებოდათ, თუმცა ყოველ წუთს უფრო და უფრო უახლოვდებოდნენ რაინდებს. რამდენიმე კაცი დაწინაურდა, აგერ უნდა ეტაცნათ კიდევ ხელი მათთვის, მაგრამ ამ დროს რაინდნი მიუბრუნდნენ და დიდის ყიჟინით აღმართეს მალლა ხმლები. ყაზახნი იქვე გაჩერდნენ.

პან ლონგინუსი თვისის უზარ-მაზარის ხმლით რალაც საშინელი სანახავი ეგონათ.

და როგორც ორი რუხი მგელი, სანადიროდ ძაღლებით გარ-შემოდგომილი, მიუბრუნდება ხოლმე თავის მტრებს და კბილების ღრქვნით ემუქრება, ხოლო ქოფაკნი ყმუიან და ვერ კი გაუბედნიათ დაესხნენ თავს, ისე ეს რაინდნი მიუბრუნდებოდნენ ხოლმე თავიანთ მდევარს და ერთ ადგილს გააშეშებდნენ ხოლმე. მხოლოდ ერთი ყაზახი, სხვაზე უფრო გულადი, გადავირდა წინ ცელით ხელში, მაგრამ პან მიხალი ფოცხვერივით ეცა და იქვე სული გააყრევინა, დანარჩენები

ელოდნენ თავიანთ ამხანაგებს, რომელნიც ერთად შეჯგუფულნი მოსდევდნენ რაინდებს.

გარნა რაინდნიც შორს აღარ იყვნენ, ხოლო პან ზაგლობა მიჰქროდა ყველაზე წინ, იქნევდა ხმალს და ჰყვიროდა საშინელის ხმით:

— დაჰკა! ჭააჰე!

ავერ პოლონელთა თხრილებზე რაღამაც გააშუქა, ყუმბარამ რუხ-რუხით გადახაზა ცეცხლის რკალი ცაზედა და ჩავარდა ყაზახთა ბრბოს შუა-გულ, მას მოჰყვა მეორე, მესამე, მეათე. კაცს ეგონებოდა ხელახლად იწყობა ომიო.

ყაზახებს ზბარაყის გარ-შემოდგომამდე არ ენახათ სასკდომი ყუმბარები და ამიტომ ძალიან ეშინოდათ მათი, ეგ „ერიომას“ ჯაღოქრობა იქნებოა; ბრბო შეჩერდა ერთ წუთს, მერე ორ ნაწილად გაიყო, ხოლო ამასთანავე ერთად დაიწყო სკდომა ყუმბარებმაც და ყველგან გარშემო გაავრცელა შიში და ძრწოლა, სიკვდილი და განადგურება.

— თავს უშველეთ! თავს უშველეთ!— გაისმა ხმა შეშინებულებისა.

ყაზახნი გაიფანტნენ, ხოლო პან ლონგინუსი და პატარა რაინდი შეუერთდნენ ამხანაგებს. ზაგლობა ხან ერთს ეხვეოდა კისერზე, ხან მეორეს, ჰკოცნიდა კისერზე, ლოყებზე, სიხარული ახრჩობდა, მაგრამ, რომ არა სთქვან ზაგლობა ჩელი გულისააო, უწყალოს პირით ილანძღებოდა:

— ჰაი, თქვე ავაზაკნო! თქვენ გგონიათ, რომ მართლა აგრე ძლიერ მიყვარხართ? ან ვშიშობ, რომ ტყავი არ გაეძროთ ყაზახებს თქვენთვის? როგორარა! თუნდა ასო-ასო აეჩენნეთ ყაზახებს, ჩემთვის სულ ერთია! აგრე იციოთ სამსახური, რომ უკან რჩებით? ძალიან კარგი! პირველი მე ვეტყვი თავადს, რომ დაგსაჯოთ. ახლა კი წავიდეთ და დავიძინოთ. მადლობა ღმერთს, რომ ასე მოხდა. ბედი ჰქონიათ მაგ ტეტებებს, რომ ყუმბარებისა შეეშინდათ, თორემ სულ ასო-ასო ავკეპავდი. მე იმათი ცემა მირჩევნია, ვიდრე ისა, რომ ჩემის ნაცნობების გაქირვებას ვუცქეროდე. მადლობა ღმერთს, რომ ასე მოხდა! მე-

გონა ხვალ განუსვენეს თქმა მოგვინდება-ვეთქი. ვნანობ, რომ ერთხელ კიდე ვერ ვასწავლეთ ჩვენ იმათ ქკუა.

IV

პოლონელებს, მეტი ღონე არ იყო, უფრო ვიწროდ უნდა შემოერთყათ თხრილები და შეემცირებინათ ბანაკი, რათა უფრო ადვილი ყოფილიყო მისი დასვა შეთხელებულ ჯარისა და მხედრობისათვის. იერიშის შეძლეგ მთელი ღამე ჯაფასა და შრომაში გაატარეს. გარნა არც ყაზახნი ისხდნენ გულ-ხელ-დაკრეფილნი. მიიპარნენ ღამით ახლოს და პოლონელთა ბანაკს უფრო მაღალი თხრილი შემოართყეს; განთიადისას დაიწყო სროლა და ოთხი დღე და ღამე არ შეწყვეტილა. მობირდაპირეთ თანაბარი ზარალი მოუფიდათ იმიტომ, რომ სროლაში მონაწილეობას იღებდნენ საუკეთესო მეოთხურნი.

ყამითი-ყამად სიძრავლე ყაზახთა და ბრბოსი ეცემოდა ხოლმე თხრილებს იერიშით, მაგრამ თხრილებამდე ვერ მიაწევდა ხოლმე, ხოლო სროლა უფრო და უფრო ძლიერდებოდა. გარს შემოდგმულთ დიდი ჯარი ჰყავდათ, სცვლიდნენ რაზმებს, ერთნი რომ ისვენებდნენ, მეორენი მიდიოდნენ საბრძალველად. პოლონელთა ბანაკში კი არც ცვლა იყო და არც მოსვენება. სროლითაც ერთსა და იმავე ჯარის-კაცებს უნდა ესროლნათ, ზედ მოსულნიც მოეგერებინათ, მოკლულნიც დაესაფლავებინათ, თხრილებიც შეემალლებინათ. დაქანცულ-დაწყვეტილ ჯარის-კაცებს მუშაობის დროსა სთვლემდათ და ძილი მოსდიოდათ მაშინ, როცა ტყვია წვიმა-წყალივით მოდიოდა. ოთხის დღის განმავლობაში ტანისამოსი არავის გაუხდა, რომელიც სველდებოდა წვიმაში და შრებოდა მზეზე. ოთხის დღის განმავლობაში არავის უქამია თბილი საკმელი. ჯარის-კაცი სვამდნენ არაყს და რომ უფრო მაგარი ყოფილიყო, შიგთოფის წამალს ურევდნენ. ლოდნიდნენ გამხმარ პურს, იმტერევდნენ კბილებს მზეზე გამოსულის მაგარის ხორცის გლეჯითა და ყოველივე ესე მაშინ, როცა გარშემო კვამლი იდგა,

თოფი გრიალებდა, ტყვია ზუზუნებდა და ზარბაზნებს გაჰქონდათ რუხრუხი.

წუთიც კი არსად იყო მოსასვენებლად... მეომარი იხვევდა გასისხლიანებულს თავს ქუჩკიანის ხელსახოცით და განაგრძობდა ბრძოლას. უცნაური ხალხი იყო სწორედ: დაგლეჯილ-დაფხრეწილი ტანისამოსი ეცვათ, წვრილ-თვალა ჯაჭვის პერანგნი დაჰქანგებოდათ, თვალები დასწითლებოდათ უძილობით, გარნა მაინც მუდამ თვალ-გაფაციკებულნი იყვნენ, მუდამ მხნენი, დღე იყო თუ ღამე, წვიმა მოდიოდა თუ დარი იდგა, მუდამ მზად მყოფნი ბრძოლად.

ჯარის-კაცმა შეიყვარა თავისი მთავარ-სარდალი, განსაცდელი, იერიში, წყლულნი, სიკვდილი. რაღაც ნაირმა დევურმა აღფრთოვანებამ შეიპყრო ყველანი, გაამაგრა გულნი, განამტკიცა გონებანი. შიში და ძრწოლა ნეტარებად გადიქვა. ერთი სადროშო მეორეს ეჯიბრებოდა, აბა ვინ უფრო მეტს აიტანს, ვინ უფრო მეტს მხნეობასა და ვაჟკაცობას გამოიჩენსო. ბოლოსა და ბოლოს გაძნელდა შემაგრება მათი თხრილებზე: ისეთ ნაირად მიიწეოდნენ მტერთან შესაბამელად, თითქოს მშიერნი მგელნი ეტანებიან ცხვრის ფარეხსაო. ყველგან რაღაც დანთხვეული მხიარულება სუფევდა. ხმა რომ ამოეღო ვისმე დაენებდეთ მტერსაო, ბრბო ასო-ასო დაჰფლეთდა. ან გამარჯვება, ან სიკვდილიო!

ყოველი ბრძანება მთავარ-სარდლისა ელვის სისწრაფით სრულდებოდა. ერთხელ როცა თავადმა სალამო ეამზე შემოუარა თხრილებს, ყურადღება მიაქცია, რომ ლეშჩინსკების სადროშო კანტი-კუნტად ისროდა თოფს. მივიდა ახლოს ჯარისკაცებთან და ჰკითხა:

— რატო თოფს არ ისვრით?

— თოფის წამალი გამოგველია, ციხეში გავგზავნეთ კაცი ტყვია-წამლის მოსატანად.

— აიქ უფრო ახლოა! — უთხრა თავადმა და ანიშნა მტრის სანგრებზედა.

სთქვა თუ არა ესა, მთლად სადროშო გაიქცა სირბილით მტრისაკენ და როგორც გრივალი, ისე დაეცა სანგრებს. ყაზახნი თოფის კონდახებით ამოხოცეს. ოთხი ზარბაზნის ფალია გადასჭედეს და ნახევარ საათის შემდეგ ძვირფასად ნაყიდის ძლევა-მოსილებით დაბრუნდნენ უკან საკმაოდ ნაშოვნის ტყვია-წამლითა.

დღე მისდევდა დღეს. ყაზახთა სანგრები უფრო და უფრო უახლოვდებოდნენ პოლონელთა ბანაკს. ყაზახნი ისე ახლოდან ესროდნენ თოფს, რომ ყოველ დღე თვითეულს პოლკს ათ-ათი კაცი აკლდებოდა, იერიში რომ არ ვიანგარიშოთ; ქსენზნი მომაკვდავებთან ველარ მიდიოდნენ წმინდა საიდუმლოთი. გარს შემოდგომილნი თავს იცავდნენ ურმებითა, კარვებითა და ხარის ტყავებით წინ აფარებულნი; მოკლულთ ღამ-ღამობით ასაფლავებდნენ, ვინც საღ განუტევებდა სულს, ხოლო ცოცხალნი მით უფრო მეტის მძეინვარებით იბრძოდნენ თავიანთ აწხანაგების საფლავებზედ. ხმელნიცკი თავისს ხალხის სისხლს არა ჰზოგავდა, მაგრამ მაინც ყოველი ახალი იერიში, ახალს უნუგეშობასა და უიმედობაში აგდებდა. ეს შეუპოვარი წინააღმდეგობა მტრისა მეტის-მეტად აკვირვებდა; იმედი ჰქონდა, რომ დრო შეასუსტებს, დასცემს სულით ალყა-შემორტყმულთაო, ხოლო დრო მიდიოდა და ისინი კი უფრო ნაკლებ ერიდებოდნენ სიკვდილს.

სარდალნი აძლევდნენ მაგალითს თავიანთ ჯარის-კაცებს. თავადი იერემია ცარიელ დედამიწაზე წვებოდა დასაძინებლად. მისი სასმელი იგივე ხრაკიანი არაყი იყო და საქმელი—მზეში გამოსული ცხენის ხორცი. იტანდა ყოველგვარ გაჭირვებას, ჯათასა და ჰაერის ცელილებას, თუმცა ბატონ-კაცობას და ნებიერ ცხოვრებას იყო მიჩვეული. სახასო მედროშე სარდალი კონეცპოლსკი და მოურავ-ერისთავი კრასნოსტაველი თვით უძლოდნენ რაზმებსა საფრებიდან გახტომის დროს, ხოლო როცა იერიშით მიდიოდნენ, იბრძოდნენ უჩაჩქნებოდ.

ის სარდალნიც კა, რომელთაც როგორც ასტროლოგს აკლდათ სამხედრო გამოცდილება და რომელთაც ჯარის-კაცი ნდო-

ბით არ უცქეროდნენ, ისინიც კი ერემიას ხელმძღვანელობის ქვეშე თითქო სულ სხვა კაცებად გადიქცნენ. მოხუცი ფირლეი და აგრედვე ლეანცკარონსკი თხრილებთან იწვნენ და იქ ეძინათ, პან ფშიემსკი დღისით ზარბაზნებს ჰმართავდა, ხოლო ღამეებში სთხრიდა თხუნელასავით მიწას, აკეთებდა მის ქვეშ ნალბებს, ყაზახთა ნალბების ასაფეთქებლად და გაჰყავდა გვირაბნი და იღუმალნი გზანი, რომელთა წყალობითაც პოლონელთა ჯარის-კაცი სიკვდილის ანგელოზებივით გაჩნდებოდნენ ხოლმე მიძინებულ ყაზახთა შორის.

ბოლოს ხმელნიცკიმ გადასწყვიტა დაფუწყებ მოლაპარაკებასაო. ოც და ოთხს ივლისს საღამოზე ყაზახთ დაიწყეს ყვირილი თხრილებიდან, ნულარ ისვრით თოფებსაო. წინ გამოგზავნილმა იმიერ-ქორომელმა შეატყობინა მტერს, რომ გეტმანს უნდა ინახულოს ზაცვილიხოვსკიო. მცირე ხნის თათბირის შემდეგ სარდალნი დასთანხმდნენ მოლაპარაკება დაეწყათ და მოხუცი კაცი წავიდა ცხენით ხმელნიცკისთან.

რაინდი ჰხედავდნენ შორიდან, რომ ყაზახნი ზაცვილიხოვსკის დანახვაზე მალლა ისროდნენ ქუდებსა: თვისის მცირე ხნის კომისარობის დროს მან მოახერხა და დაიმსახურა პატივისცემა მთელის განადირებულის იმიერ-ქორომეთისა; თვით ხმელნიცკიც პატივსა-სცემდა. თოფის სროლაც შესწყდა. ყაზახნი მიუახლოვდნენ თხრილებს; რაინდიც ძირს ჩამოვიდნენ. მოპირდაპირენი გაფრთხილებულნი იყვნენ, მაგრამ ამ ერთმანეთის ნახვას მტრობისა და გადაკიდებისა არა ეტყობოდა-რა. შლიახტა ყოველთვის უპირატესობას აძლევდა ყაზახობას ტეტობის წინაშე, ხოლო ახლა, რაკი იხილეს მათი ვაჟკაცობა და შეუბოგრობა ბრძოლაში, ისე ემუსაიფებოდნენ, როგორც სწორი სწორსა, როგორც რაინდი რაინდსა; ყაზახნი გაკვირვებით უცქეროდნენ ამ ახლოსა, მაგრამ შეუვალს ლომთა ბუნაგს, რომელიც ისე იტანდა იმოდენა ხალხისა და თათართა მხედრობის ტევასა და გარ-შემოდგომასა. უფრო ახლოს მივიდნენ და დაიწყეს წუხილი, რომ ამდენი სისხლი იღვრება ქრის-

ტიანეთაო. მერე მოჰყვნენ და დაუწყეს ერთმანეთს თავაზი თუ-
თუნისა და არაყისა.

— ეჰ, ბატონო რაინდნო!—უთხრა მოხუცმა იმიერ-ქო-
რომელმა, —ყოველთვის რომ აგრეთები ყოფილიყავით, აღარც
ყვითელი წყლების ამბავი იქნებოდა, აღარც კორსუნისა და
აღარც პილავეცისა. თითქო ტარტაროზები ხართო, აღამიანი-
შვილები კი არა. თქვენისთანები ჩვენ თვალითაც არ გვანახავს
აქამდისინ.

— მობრძანდით ხვალა და ხვალ-ზეითა და მუდამ მაგის-
თანები დაგხედებით.

— ჰო-და მოვალთ, ხოლო ჯერ-ჯერობით მადლობა
ღმერთსა ამ შესვენებისათვის. რამდენი ქრისტიანის სისხლი და-
იქცა! თქვენ უიმისოდაც შიმშილი დაგძალავთ.

— მეფე უმალ მოვა შიმშილზედ; ჯერ-ჯერობით ჩვენ ყვე-
ლაფერი საკმაოდა გვაქვს.

— დაგვაკლდება კიდევ და თქვენს ბანაკში მოვძებნით,—
სთქვა ზაგლობამ და დონჯი შემოიყარა.

— ღმერთმა ჰქნას, რომ ბიძია ზაცვილიხოვესკიმ კარგად
გაათავოს საქმე ჩვენ გეტმანთან; ხოლო თუ ვერ გაათავებს და
ვერ მოურიგდება, სალამოზედ ისევ იერიშით მოვალთ.

— ის გერჩინათ, რომ ჩვენ თავადთან ერთად შეგეტიათ
აგარიანთათვის, ვიდრე ამბოხება დაგეწყეთ რესპუბლიკის წი-
ნაალმდეგ.

— თქვენს თავადთან...

— ჰმ, კარგი იქნებოდა.

— მერე რადა წინააღმდეგობთ? მეფე მოვა, გეშინოდეთ
მეფისა. თავადი ერიომაც მამა იყო თქვენთვისა...

— ისეთივე მამა, როგორც სიკვდილია დედა. ჟამს არ
ამოუყლებია მაგდენი ვაჟკაცი ხალხი.

— უარესსაც გიზამთ; ჯერ კიდევ არ იცნობთ იმას.

— არც გვინდა იმისი ცნობა. მოხუცებულები ამბობენ
ჩვენში: ყაზახმა თუ ის დაინახა, მაშინადვე მოკვდებაო.

— ხმელნიკისაც ისე მოუვა.

— ღმერთმა იცის რა მოუვა. ერთია მართალი მხოლოდ. ვერ იცოცხლებენ ეგენი ამ ქვეყნად ერთადა. ჩვენი მამა-ბატონი კი ამბობს: იმათ რომ ერიომა მამცენ ხელში, სხვას ყველას თავისუფლებას მიეცემდი და მეფესაც მთელის ყაზახობითურთ თავს დაუუკრავდიო.

პოლონელთ ჯარის-კაცთ ამაზედ გული მოუვიდათ და ხმაღს დაუწყეს გაღება ხელისა.

ასე მუსაიფობდნენ მოპირისპირენი, ხან ამხანაგურად და ხან მტრულადა; მძულვარება ძალა-უნებურად იჩენდა თავსა. შუადღის უკან დაბრუნდა ბანაკში პან ზაცვილიხოვსკი. სამშვიდობო მოლაპარაკება არა ყოფილიყო—რა და ზავიც არ იქმნა ჩამოგდებული. ხმელნიცკი საშინელს პირობასა სდებდა, თავადი და მედროშე კონეცპოლსკი მომეცითო. ბოლოსა და ბოლოს ჩამოსთვალა რა და რა გაჭირვება უნახავს იმიერქორომეთის მხედრობასაო და დაუწყა თხოვნა პან ზაცვილიხოვსკის ჩემთან დარჩი სამუდამოდაო. მოხუცი რაინდი ცეცხლივით აენტო, წამოიჭრა ზეზე და გამოსწია უკან. საღამოზედ დაიწყო იერიში, მხნედ უკუქცეული. მთელი ბანაკი ცეცხლში იყო მთელს ორს საათს.

ყაზახნი არა თუ უკუ აქციეს, არამედ პოლონელთა ქვეითა ჯარმა აიღო პირველი სანგრები, მიფუტკნ-მოფუტკნა მტრის ნამუშავეარი და კვლავ დასწვა თოთხმეტი „მოსეირნე ციხე-ქალაქი“. ხმელნიცკიმ შეჭთვია იმ ღამეს ყეენსა, რომ ალყას არ აეხსნი, ვიდრე იმ ციხე-გალავანში თუნდ ერთი კაცი კიდევ იქნება ცოცხალიო.

მეორე დილას კვლავ ახალი სროლა თოფისა, ახალი თავ-დასხმა, ბრძოლა მთელს დღეს, ბრძოლა დაუნდობელი, უწყალო. გუშინდელმა კეთილმა გრძნობმ და წუხილმა ამოტენა ქრისტიანეთა სისხლი იღვრებაო, ადგილი დაუთმო უმეტესს მძვინვარებას. დილიდანვე სკრიდა წვიმას. ამ დღეს ჯარისკაცებს მხოლოდ ნახევარ ულუფა მისცეს; პან ზაგლობა დიდხანს ბუზღუნებდა ამისგამო, ხოლო ცარიელი მუცელი უფრო აძლიერებდა რაინდთა გულადობას. ყველამ ფიცი დასდო დავი-

ხოცნეთ ომში და მტრის ჯავრს კი ნუ შეეკვამთ. საღამოზე ყაზახებმა კიდევ მიიტანეს რამდენიმე იერიში, ოსმალურად ჩაეცვათ ტანთა და ისრე იბრძოდნენ, მერე დადგა ღამე საშინელებისა, მოუსვენრობისა. თოფის სროლა ერთს წუთს არ შეწყვეტილა. იბრძოდნენ გუნდ-გუნდადაც და თითო-თითოდაც. გამოვიდა საფალავენოდ პან ლონგინუსიც, მაგრამ იმასთან ბრძოლა არაეინ მოინდომა, ბხოლოდ შორიდან ესროდნენ თოფსა და ისარს, სამაგიეროდ ვოლოდიევსკიმ ახალი ფოთოლი ჩააწნა თავისს დაფნის გვირგვინს მით, რომ ფალავენობაში მოჰკლა სახელოვანი ღუდარი. გამოვიდა ბოლოს თვით პან ზაგლობაცა, გარნა მხოლოდ სიტყვიერის კამათობისათვის. „ბურღაის შემდეგ აღარა ღირს ხელი გავისვარო სხვა-და-სხვა ვიგინდარაზეო,“ — ამტკიცებდა შლიახტიჩი, სამაგიეროდ შაირობაშია და სიტყვიერ შეჯავრებაში ვერაეინ ჰპოვა ყაზახთა შორის თავის ტოლი და ბადალი, და ისე გაუხადა საქმე, რომ სულ კბილებში ოფლი აღინა. საფარში ჩამჯდარი უყვიროდა რაც ძალი და ღონე ჰქონდა:

— ისხედით აქ, ზბარაეის გარშემო, ავაზაკნო, და იქ კი ლიტველთა ჯარი მოდის დნებრზე წყალ-წყალა. მერმის გაზაფხულზე თვითეულ თქვენ სახლში თითო პატარ-პატარა ლიტველი დაგხედებათ, თუ კი დაუნგრეველი დაგრჩათ თქვენს სახლები!

ლიტველთა ჯარი რაძივილის უმფროსობით მართლაც მოდიოდა დნებრის ჩამოყალება და სწვადა და ინადგურებდა გზა-გზა ყოველსავე, რაც კი შეხვდებოდა. ყაზახებმა კარგად იცოდნენ ესა და ამიტომ სეტყვასავით დაუშინეს პან ზაგლობას ტყვია, მაგრამ ხანში შესული შლიახტიჩი თავსა მალავდა საფარში და განაგრძობდა ყვირილსა:

— ვერ მომარტყით განა, თქვე ძაღლის დაყრილებო? მე კი მოვარტყი ბურღაის. აქ გახლავარ, მე, აქა! გამოდით საფალავენოდ ჩემთან! მიცნობთ, ვინცა ვარ, ჰო მიცნობთ, ვინცა ვარ! მესროლეთ, აბა მესროლეთ, ვიდრე დრო გაქეთ, თორემ ბოლოს ხომ მაინც არ აგცდებათ ყირიმში თათრის შვილების

ლალაობა, ან კიდევ ღნებრის ნაპირების გამაგრება გოდორ-
ყურეებითა. მობრძანდით, მობრძანდით, მომიცია გროში იმის-
თვის, ვინც თქვენის ხმელნიცკის თავს მომიტანს! ჭირი სალამს
გაძლევთ! წადით, წადით, დაუბრუნდით თქვენს გუთნებსა და
ხარებსა, წუწკის შვილებო! თქვენ უნდა აღუბალსა და მარილზე
დადიოდეთ ჭირითა, რა თქვენი საქმეა ჩვენთან ბრძოლა!

თავის მხრივ ყაზახნიც დასცინოდნენ და მასხარად იგდებ-
დნენ პანებს: სამ-სამს იძლევიან მაგათ თითო გამხმარ პურშიო;
ეკითხებოდნენ, რატომ მახტასა და ღალასა არა თხოულობთ
თქვენის ყმებისაგანაო. მაგრამ კამათობაში მაინც ზაგლობა
სჯობნიდა. გააბავდნენ ასეთს კამათსა, რომელსაც მოსდევდა
საშინელი ხარხარი და სიცილი, ხან და ხან მთელი ღამე შაი-
რობდნენ და შეესიტყვებოდნენ ერთმანეთს, თუმცა ამავე დროს
თოფის სროლა იყო განუწყვეტელი და ხან ხელ-ჩართული
ბრძოლაცა.

პან იანიცკი წავიდა თათრებთან მოსალაპარაკებლად;
ყვენმა გამოაუცხადა, რომ სულ გავჟღეჭ პოლონელთაო. მოთ-
მინებიდან გამოსულმა ელჩმა უპასუხა ამაზე: „დიდი ხანია მაგრე
ცემუქრებიან, მაგრამ სიტყვით არა კეთდება-რა! ვინც მოვა
ჩვენი თავის ხელში ჩასაგდებად, თავისას აქ დასტოვებსო!“
ყვენმა მოსთხოვა თავადი ერემია გამოვიდეს მინდვრად და ჩემ
ვეზირს მოელაპარაკოსო, მაგრამ ბოლოს აღმოჩნდა, რომ მხო-
ლოდ მახის დაგება ნდომოდა თავადისათვის და ამიტომ მოლა-
პარაკება შეწყვეტილ იქმნა. ხოლო ბრძოლა ერთ წუთს არ
შეწყვეტილა, საღამოობით იერიში, დღისით სროლა ზარბაზ-
ნებისა, გამობტომა ციხე-გალაფნიდან, გამძვინვარებული შეტევა
ცხენოსანის ჯარის მიერ და ყველგან სისხლი...

პოლონელთ ძალას აძლევდა რალაც უცნაური წყურვი-
ლი ბრძოლისა, სისხლისა და განსაცდელისა. მიდიოდნენ ბრძო-
ლად სიმღერების თქმითა, თითქოს ქორწილში მიუხარიანთო.
ყველანი ისე შეეჩვიენენ თოფის სროლასა და ჟრიაშულსა, რომ
დასასვენებლად გაგზავნილი რაზმი გულის ძილში იყვნენ იმ
დროს, როცა გარეშემო ტყვია ზუზუნებდა და იქაურობას

თოფის სროლის ცეცხლი აშუქებდა. სურსათი დღითი-დღე იღვოდა, სარდალთ წინაღვე არ ეზრუნათ ამისათვის თავადის მოსვლამდე ზბარაჟში. ჩამოვარდა საშინელი სიძვირე, მაგრამ ვისაც შეძლება ჰქონდა, რომ ან ჰური ეყიდნა, ან არაყი, ის სიამოვნებით უზიარებდა თავის ქონებას უქონელთა. არაფერ არა ზრუნავდა ხვალისთვის, — სულ ერთია, რაც მოგვივა, მოგვივაო: ან შემწეობა მოგვესწრება მეფისაგან, ან სიკვდილი და ჩვენი ჯანია. ჯარის - კაცნი ყველაფრისთვის მზად იყვნენ, უფრო კი ბრძოლისათვის. არ გაგონილა ისტორიაში ასეთი მაგალითი: ათნი და ოცნი ეწინააღმდეგებოდნენ ასსა და ათ-ასსა ისეთის შეუპოვრობით, ისეთის მხნეობით, რომ თვითეულს იერიშს ახალი დამარცხება მოსდევდა ალყის შემომრტყმელთა. ამას გარდა დღე არ გასულა ისე, რომ ალყა შემორტყმულნი არ გახტომოდნენ მტერს და არ დასხმოდნენ თავს იმათ საკუთარ სანგრებში. საღამოობით, როცა ხმელნიცკი იფიქრებდა, რომ დაღლილობა ახლა კი გასტებდა თვით ძლიერთაცაო და ჩუმად ემზადებოდა თავ-დასასხმელად, უცებ მოესმოდა მხიარული სიმღერის ხმა. მაშინ კი გაოცებული იცემდა ხელებს მუხლებზედ და ამბობდა, ახლა კი მჯერა რომ ერემია ჯადოქარი ყოფილა, უფრო ძლიერი, ვიდრე ჩვენ ყველანიო.

უფრო მეტად გამძვინვარებული ამის გამო კვლავ მიდიოდა საომრად და ღერიდა ზღვას სისხლისას. ახლა თითქო მიხვდა, ჩემი ვარსკვლავი ჰქრება და საშინელის თავადის ვარსკვლავი კი უფრო სხივ-ცისკროვანდებაო.

ყაზახთა ბანაკში ერიომაზე გამოთქმულ სიმღერებს ამბობდნენ, ან ჩურჩულთ უამბობდნენ ერთმანეთს ისეთ ამბებს იმის შესახებ, რომ კაცს თმა ყალბზე დაუდგებოდა. ამბობდნენ, რომ ღამ-ღამობით გაჩნდება ხოლმე თხრილებზე და იზრდება ყველას თვალ-წინ, რომ ზბარაჟის ციხე-კოშკზე მაღალი სიანს, რომ მისი თვალეები ამ დროს ისე აშუქებენ, თითქო მთვარეაო, ხოლო მახვილი ისრე უელვარებს ხელში, როგორც შავბედითი ვარსკვლავი, რომელსაც გამოაჩენს ხოლმე ღმერთი ჟამითი-ჟამად ხალხის დასალუბაჟადაო. ამბობდნენ აგრედვე, რომ

როცა კი დაიძახებს, რაინდნი, დახოცილნი ომში, კვლავ სდგებიან იარაღის ქღერითა და თავთავიანთ ადგილს იჭერენ ცოცხლებთან ერთად. ერემიას სახელი ყველას პირზე აკერია: იმის საქებარ ლექსებს ამბობდნენ მეფანდურენი, იმის ამბავს ლაპარაკობდნენ მოხუცი იმიერ ქორამელნი, უვიცი და გაუგებარი ბრბო, თათარნი და ოსმალნი. ხოლო ყოველ ამ მითქმა-მოთქმაში, ამ მძულვარებაში, ამ აუხსნელ შიშსა და ძრწოლაში იმალებოდა რალაც გადარეული სიყვარული, რომლითაც ველურ მინდვრის ხალხს შეეყვარებინა თვისი უღმობელი ამომწყვეტელი. დიად, ხმელნიცკის დიდება ჰქრებოდა ერემიას დიდებასთან შედარებით, არამც თუ ყენისა და თათართა თვალში, არამედ საკუთარ მის ერის თვალშიაც; ატამანი ჰხედავდა, რომ უნდა აეღო ზბარაყი, ან არა და იმისი აღმატება და აღფრთოვნება ისე გაჰქრებოდა, როგორც წყვილიანი განთიადის წინადა, უნდა გაექელნა ფეხ. ქვეშ ეს ლომი, ან არა და უნდა დაღუპულიყო.

ხოლო ლომი არა თუ თავს იცავდა, არამედ თვით გამოდიოდა თავის ბუნაგიდან უფრო და უფრო საშინელი სახითა. ვეღარა მიუდგა—რა იმასა, ვეღარამ გასტეხა: ვერც ცბიერებამ, ვერც მტრის დიდმა სიმრავლემ. ყაზახობამაცა და ბრბომაც დრტვინვა დაიწყო. იმათაც გაუჭირდათ გამუდმებული ყოფნა ბოლსა და ცეცხლში, სეტყვის ქვეშ, წვიმასა და სიცხეში, პირისპირ სიკვდილისა. ჯაფას კი არ უფრთხოდნენ გულადნი ვაჟკაცი, დაღალუასა, იერიშსა, ცეცხლსა, სისხლსა და სიკვდილსა, არა ისინი უფრთხოდნენ ერიომასა.



მრავალმა რაინდმა შეიმოხა უკვდავი დიდება ღირს-სახსოვარ ზბარაყის ბანაკში, მაგრამ მგოსანის ჩანგმა უპირველეს ყოვლისა უნდა შეაქოს პან ლონგინუს პოდბიპენტა იმ დიდის დევაწლ-მოსილვებისათვის, რომელსაც მხოლოდ მისი სიწყნარე და გულ-კეთილობა თუ შეედრებოდა. იმ დამეს საშინელი ცუ-

დი ამინდი იყო, ბნელოდა და ციოდა; ჯარის-კაცნი, დალილნი დარაჯობით, სთვლემდნენ ხმლებზედ დაყრდნობილნი. ათის დღის თოფის სროლისა, და იერიშის შენდეკ პირველად ჩამოვარდა ღუმილი და მშვიდობა. ყაზახთა ახლო-მახლო საფრებიდან, რომლებიც სულ ოც და ათს ნაბიჯზედ ძლივს იქმნებოდა, არ ისმოდა არც ხმაურობა და არც წყევლა-გინება. კაცს ეგონებოდა, რომ ყაზახნი, რომელთაც უნდოდათ მტერი მოეღალათ, უმაღ თვით დაილაღნენო. მხოლოდ აქა-იქ ოდნავ ბეუტაედა სანათი მიწურებში; საიდანღაც მოისმოდა წყნარი, ტკბილი ხმა ყაზახის ფანტურისა; შორს, შორს, თათართა ბანაკში ცხენები ჭიხინებდნენ, ხოლო თხრილებიდან ქამითი-ქამად მოისმოდა დარაჯთა ერთმანერთის გამობხაურობა.

თავადის სახასო სადროშონი იმ ღამეს მორიგ სამსახურში იყვნენ და ბანაკს სდარაჯობდნენ. პან სქშეტუსკი, პან პოდბიპენტა, პატარა რაინდი და ზაგლობა დასხდნენ თხრილებზედ, ეჩურჩულებოდნენ ერთმანერთს და თან ყურს უგდებდნენ წვიმის მჟილს, ნიაღვრის ხმას.

— მე ეს მყუდროება და ღუმილი ძრიელ მაკვირებებს, — სთქვა სქშეტუსკიმ. — ყურთა სმენა ისე მიეჩვია თოფის სროლასა და ყრიაბულს, რომ სიჩუმე მაშიენებს. მოულოდნელი არა იფარებოდეს-რა ამ სიჩუმეში.

— მას აქეთ, რაც ნახევარ-ულუფაზედ ჩამოგვახდინეს, ჩემთვის სულ ერთია! — დაიწყო ბუზლუნით პან ზაგლობამ. — ჩემის გულადობისათვის სამი რამ არის საჭირო: კარგი ქამა, კარგი სმა და კარგი ძილი. რაც უნდა კარგი თასმა იყოს, თუ ქონი არ წაუსვი, გახმება და დასკდება. აქ კი, თითქო აღამიანი კანათი იყოს, ზიხარ და სველდები წვიმაში. წვიმა გვასველებს და ყაზახნი ცეცხლს გვიკიდებენ. მიკვირს, რატომ ტყავი არ აგძვრება. კარგს ყოფაში კი ვართ სწორედ: ერთი ბეწვა პური ფლორინი ჰღირს, ხოლო ჩარეკა არაყი ხუთი ფლორინია. ამ მყრალ წყალს ხომ ძაღლიც არ დაჰლივს; ქის წყალსაც კი მძოვრის სუნი უდის, მე კი ისე მწყურიან, როგორც აი ამ ჩემს ჩექმებს, რომლებსაც თევზივით პირი დაუღია.

— შენი ჩექმები წყალს მაინცა სვამს და არავის არას უჩივის, — სთქვა პან ვოლოდიევსკიმ.

— შენ რომ გაჩუმდებოდე, ის გირჩევნიან, პან მიხალ! შენა წიწილაზედ მეტი არა ხარ და რა გიშავს, ერთი მარცვალი რომ შექამო ფეტვისა და ერთი სათითე წყალი დაპლიო, გეყოფა. ხოლო მე, მაღლობა უფალსა, შენსავით დღე-ნაკლები და დანაკული არა ვარ რძე-ნაწყენივით, არც ნეხვში უპოვნივარ ქექვით ქათამსა, არამედ დედაკაცის ნაშობი ვარ, ამიტომ სმაქამა მინდა, ხოლო სამხრობიდან ნაწილი არ ჩასულა ჩემს პირში და აბა, რა გასაკვირველია, რომ შენს ხუმრობაში, ვერავითარს გონება-მახვილობას ვერა ვხედავდე.

პან ზაგლობამ გაჯაერებით დაიწყო ქშინვა, ხოლო პან მიხალი ხელებს აფათურებდა და რაღასაც ეძებდა სარტყელში.

— დღეს დილით ერთს ყაზახს არაყით სავსე ბოთლი წავართვი, — სთქვა მან, — ხოლო რაკი მე ქათამს ნეხვიდან ამოუქექვივარ, მგონია, რომ არაყი ჩემისთანა უარარაო არსებისა გემრიელი არ გეჩვენება შენა. აჰა, იან, შენ დალიე! — მიაწოდა მან ბოთლი სქშეტუსკის.

— მომეცი მართლა, თორემ ცივა! — სთქვა სქშეტუსკიმ.

— დალიე და პან ლონგინუსს გადაეცი.

— კუქეკა ხარ, პან მიხალ, — მოტკბა ზაგლობა, — მაგრამ მაინც კაი კაცი ხარ და ის უეჭველი ღირსებაცა გაქვს, რომ შენ თვითონ იკლებ, თუ რამ გაქვს და სხვას აძლევ. და ან კი რა ქათმები უნდა იყვნენ ის ქათმები, რომ შენისთანა რაინდებს ნეხვში ჰპოულობდნენ? არა, მაგისთანა ქათმები არსად იქნება და არც შენზედ ვამბობდი მე.

— მაშ, ჩამოართვი არაყი პან ლონგინუსსა; არ მინდა გაწყენინო, — უთხრა პან მიხალმა.

— ყელი არ გამოძკრა, კაცო? მეც დამიტოვე პატარა! — შეპყვირა შეშინებულმა პან ზაგლობამ და მიჰვარდა ლიტველსა, რომელიც არაყსა სვამდა. — აგრე მალლა რომ არ გადილო კისერი, არ იქნება? კისერი მოგტყდეს, ანგრე?! წელები კი გრძე-

ლი გაქვს, ვინ იცის, როდის ამოივსებ? ისე ისხავ მაგ მუცელში, თითქო ცარიელი კოლოტიაო!

— ოდნავ მოვსვი, კაცო, — უპასუხა პან ლონგინუსმა და მიაწოდა არაყი.

პან ზაგლობამ მოიწათა და ძირი დააძახა, გადაათურთხა და დაიწყო:

— ერთად-ერთ ნუგეშად ის-ღა დაგვრჩენია, რომ გათავდება თუ არა ჩვენი ვაი-ვაგლახი და გადავრჩებით, ღვთიო, ამ უბედურებას, მაშინ შევივსებთ, რაც ახლა დაგვაკლდა. რა ღმერთი გაუწყობდათ, რომ ვერ გაგვაძღონ. აიგერა, მაგალითად, ჟაკოვესკი მღვდელი: კარგი მადიანი პური ქაბა იცის, მაგრამ ისეთია ახლა, რომ მუშტის ტოლა.

— სსუ! — გააწყვეტინა სიტყვა სქშეტუსკიმ, — ვილაც მოდის.

რაინდნი ჩაჩუმდნენ. იმათ ახლო ვილაც კაცი გაჩერდა და შეეკითხა ჩურჩულით:

— არა გძინავთ?

— არა, არა გძინავს, თავადო, — უპასუხა პან სქშეტუსკიმ და თან წელში გასწორდა.

— ყურ-მანგილად იყავით. ძალიან საეჭვოა ეს მყუდროება და სიჩუმე.

თავადი წავიდა და ათვალიერებდა დარაჯებს, ძილი ხომ არსად მოერიათ დაღლილ-დაქანცულ ჯარის-კაცებსაო. პან ლონგინუსმა გულ-ხელი დაიკრიფა.

— რა მხედართ-მთავარია, ღმერთო! რა უებარი მეომარია!

— ჩვენზედ ნაკლები მოსვენება მაგასა აქვს, — სთქვა სქშეტუსკიმ. — მთლად შემოაუვლის თხრილებს ამალამ, თითქმის მეორე ტბამდე მივა.

— ღმერთმა მეტი დღე მისცეს!

— ამინ!

ჩამოვარდა მღუმარება. ყველანი სიბნელეში იტკირებოდნენ, მაგრამ ყოველივე წყნარად იყო. ოდნავ მბჟუტავი სინათლე ყაზახთა სანგრებში ჩაჰქრა.

— ისე შეიძლება იმათი ამოწყვეტა, როგორც მძინარე ციყვებისა!—სთქვა ვოლოდიევსკიმ.

— ვინ იცის!—უპასუხა სქშეტუსკიმ.

— ისე მერევა ძილი, — წაიბუზღუნა ზაგლობამ, — რომ თვალები თავის-თავად მეხუჭება, დაძინება კი არ შეიძლება. კარგია იცოდეს კაცმა, ნეტავ როდის იქნება შესაძლო, ძილს მისცეს კაცმა თავი? ისერიან თოფს, თუ არ ისერიან, შენ მაინც უნდა იდგე თოფ-ქვეშა და აკანტურებდე თავს დაღლილობისაგან. სწორედ ძალღუერი სამსახურია! მე თვითონაც არ ვიცი რა მემართება, არაყმა ამიყოლია, თუ იმისაგან მომდის, რომ ისე დაუმსახურებლივ შეგვახურეს დილას მე და ჟამბოვსკი მღვდელი.

— როგორ იყო ეგ ამბავი? — ჰკითხა პან ლონგინუსმა. — დაიწყე კი და არ გაათავე.

— ახლა დავათავებ, იქნება ღმერთმა ჰქმნას და ძილი გავითრთხო, დილას მე და ჟამბოვსკი მღვდელი დარბაზში წავედით, ვსთქვით, იქნება სასუსნავი რამ ვიპოვოთ იქაო. ვიარეთ, ვიარეთ, სუყველგან შევიხედეთ, მაგრამ სად რა არის! დავბრუნდით უკან აბრეხილები, ქეჩო-აშვერილები. ეზოში შეგვხვდა კალვინის მოძღვრების მიმდევარი მღვდელი, რომელიც კაპიტანს შემბერგს ადგა თავს სიკვდილის წინაღ... კაპიტანს-შემბერგს ხომ იცნობთ? გუშინ მოჰკლეს პან ფირლეის სად-რო.შოში. მიუბრუნდი და ვეუბნევი: დიდ ხანს უნდა იწანწალო ახლა, შე ურჯულო, ყველაგან და აჯავრო ღმერთი-მეთქი? ემანდ რისხვა არა დაგვატეხო-რა ღვთისა-მეთქი! იმას ალბად ბელსკის მოურავ-ერისთავის იმედი აქვს, და ამიტომ მიპასუხა: „ჩვენი სჯული ისევე კარგია, როგორც თქვენი, იქნება უკეთესიც იყოს.“ ამის თქმა და ჩვენი გაშეშება ერთი იყო, ისე თავზარი დაგვეცა. მე გაფრუდი. ვფიქრობ ჩემს გუნებაში, აგერ ეს ჟამბოვსკი მღვდელი აქ არის, მოჰყვეს და ეკამათოს-მეთქი. ჩემი ჟამბოვსკი მღვდელი კი სიცილით აღარ არის და ისეთი საბუთი სტკიცა, რომ პასუხი ველარა მოახერხა-რა, რომ აიქ ეცა კედელსა. ამ დროს მოგვისწრო თავადმა მღვდელ მუხოვე-

ცკითურა და დაგვიწყეს ჯავრობა. რა დროს უწყესობისა და ჩხუბის ატეხაა, განა მაგისთანა კამათი შეიძლება ამისთანა დროსა და ყოფაშიო?!. მოგვყევს პირი და ისე შეგვაძეკეს, რომ კარგადა... ერთის სიტყვით, მაგ ფირლეს მღვდლები უარესს საქმეს დაგვმართებენ, რა საჭიროა....

— კაპიტანმა შემბერგმა რაღა ჰქმნა? მოინანია ცოდვები?—ჰკითხა პან მიხალმა.

— ისე დაურჩება იმას თავი! მოკვდა ურჯულოებაში; როგორც სიცოცხლეში იყო წარმართი, ისევე წარმართი წავიდა საიქიოს!

— რა ხალხია! არ უნდათ, რომ სულის ცხონებისათვის დასთმონ თავიანთი ჯიუტობა!—ამოიოხრა პან ლონგინუსმა.

— ღმერთი გვეფარავს მტერთაგანა და ყაზახთა ჯადოსაგან, — განაგრძო ზაგლობამ, — ეგენი კი ღმერთს არისხებენ. გაიგეთ, რომ ჯერ ისევ გუშინ ყაზახებმა...

უცბად ვოლოდივესკიმ მოუჭირა ხელი მაჯაზედ და წაიჩურჩულა:

— ჩუ!

გადახტა გალავნის პირად, თხრილის ნაპირისაკენ და დაიწყო ყურყური.

— არა მესმის-რა!—სთქვა ზაგლობამ.

— ჩუ!... წვიმა შუის და ის გვიშლის!—უპასუხა სქშეტუსკიმ.

პან მიხალი მოჰყვა ხელების ქნევას, ვითომ ნუ მიშლით ყურის გდებასაო, იღვა რამდენსამე წამს მღუმარებითა და ბოლოს მოუახლოვდა ამხანაგებს:

— მოდიან!—წასჩურჩულა მან.

— აცნობე თავადსა! ოსტროროგის ბინისაკენ წავიდა, — ჩურჩულითა სთქვა სქშეტუსკიმ, — ჩვენ კი წავალთ და ეხლავ ჯარის-კაცებს შევატყობინებთ.

გაექანენ აქეთ-იქით და დაბალის ხმით უთხრეს ღარაჯად მდგომ ჯარის-კაცებს:

— მოდიან! მოდიანო!

ამ სიტყვებმა ელვის სისწრაფით შემოიარა მთლად ბანაკი: საათის მეოთხედის შემდეგ მოვიდა თავადიც, ახლა უკვე ცხენითა და დაარია აფიცრები. რადგან მტერს უნდოდა თავს დასხმოდა პოლონელთ იმ ღროს, როცა ბანაკში ყველას ეძინებო, თავადმა გადასწყვიტა, დეე მოვიდნენ და აგრე ეგონოთ, ვითომ ჩვენ გულის-ძილში ვართო.

ჯარის-კაცნი უნდა ჩუმადა ყოფილიყვნენ, მოეშვათ ალყა-შემორტყმულნი თვით თხრილებამდე და შეეტიათ მათთვის მოულოდნელად მხოლოდ მაშინ, როცა ზარბაზანი გავარდებოდა ამის ნიშნად

ჯარის-კაცნი მზად იყვნენ, მხოლოდ თოფები ძირს დაუშვეს. ყრუ მდუმარება ჩამოვარდა კვალად.

სქშეტუსკი, პან ლონგინუსი და პან ვოლოდიევსკი მწკრივად იდგნენ ერთადა, პან ზაგლობაც იმათთან დარჩა; გამოცდილებით იცოდა, რომ უმეტესი ნაწილი ტყვიისა შეიდნის შუაგულზედ ეცემოდა, ხოლო გალაფანზედ, ამ სამის ხმლის პატრონის მფარველობის ქვეშე, უფრო უშიშრად ვიქნებო.

უკან ამოეთარა მხოლოდ ამ სამს რაინდს, რადგან ამ გზით მე ამცდება პირველი შემოტევა მტრისაო. ცოტა გვერდით იდგა პან პოლბიჰენტა ზერვიკაპტურით ხელში, ხოლო ვოლოდიევსკი ეჩურჩულებოდა ყურში სქშეტუსკის.

— ნამდვილად მოდიან! ნამდვილად!

— მწყობრად ფეხ-აყოლებით.

— ეგენი არც ტეტიები არიან და არც თათრები.

— იმიერ-ჭორომეთის ქვეითი ჯარია.

— ან იანიჩარები თუ არიან; მშვენივრად იციან წყობისად სიარული. ცხენებზედ რომ ვისხდეთ, უფრო კი ბევრს წაგებალთავდით თავსა.

— ძალიან ბნელა და ცხენოსანი ჯარი არ ივარგებდა.

— გესმის ახლა ფეხის-ხმა?

— ჩუ, ჩუ!

კაცს ეგონებოდა, ბანაკი ღრმა ძილშიაო. არსად არაერთარი მოძრაობა არ იყო, არც სანათი რამ ენთო, ყველგან

დიდი ღუმილი და დაყუდება მეფობდა და ამ ღუმილს არღვევდა მხოლოდ წვიმის წვეთების ცვენა. ამ ხმას ნელ-ნელა სხვა ხმაც მიემატა, — უფრო წყობილი, მშვიდი, მაგრამ ყურისთვის უფრო გასაგონი, რომელიც თან-და-თან უფრო ახლოვდებოდა; ბოლოს, თხრილიდან რამდენსამე ნაბიჯზედ გაჩერდა რაღაც შედედებული სიმრავლე ხალხისა, რომელიც იმდენად სჩანდა, რამდენადაც კი თვალს შეეძლო გაერჩია ამ სიბნელეში; გამოჩნდა ეს ბრბო და გაშეშდა ერთს ალაგას.

ჯარის-კაცებმა ხმა გაჰკმინდეს, მხოლოდ პატარა რაინდმა უჩქმიტა სქშეტუსკის, რომ იქნება ამ ღონისძიებით მაინც შეგატყობინო, რა სიამოვნებასა ვგრძნობო.

ზედ-მოსულნი მოუახლოვდნენ თხრილს და ჩაუშეეს შიგ კიბეები, ბოლოს ჩავიდნენ თვითონ ძირს და მიაყუდეს გალაფნის კედლებს, რომ ზედ ასულიყვნენ.

თუმცა ძალიან ფთხილობდნენ, მაგრამ კიბეებმა აქა-იქ ჭაჭი-ჭუჭი დაიწყო.

„გვაჩვენებენ ჩვენს სეირს!“ — ჰფიქრობდა გულში ზაგლობა.

ვოლოდიევსკიმ თავი დაანება სქშეტუსკის ჩქმეტას, ხოლო პან ლონგინუსმა გასთანგა ხელში ზერეიკატურის ვადა და დააშტერა თვალები: ყველაზედ ახლო ის იყო გალაფანზედა და ვარაუდობდა, რომ პირველმა მე უნდა მივცე პასუხი ზედ-მოსეულსაო.

ამ დროს კიბის ზემო საფეხურს წაავლო ხელი სამმა ღონიერმა კაცმა და გალაფანზედ ნელ-ნელა ამოჰყო თავი სამმა მუზარდმა... თან და თან უფრო და უფრო გამოჩნდა ეს სამი მუზარადი...

„ესენი ოსმალონი თუ არიან!“ — იფიქრა პან ლონგინუსმა.

წუთი კიდევ და გაისმა საშინელი გრიალი რამდენისამე ათასის თოფის სროლისა; ისე განათლდა გარშემო, თითქო დღეაო. ვიდრე ეს სინათლე გაჰქრებოდა, პან ლონგინუსმა შემოიქნია თავისი ხმალი და ისეთის ძალითა სცა გალაფანზედ ამობობლილებს, რომ ხმალმა წკრიალი დაიწყო.

სამი გვამი ჩავარდა თხრილში, სამი მუზრად-დახურული თავი გაჰგორდა ძირს და ფეხებ-ქვეშ გაუგორდა რაინდსა.

რა დარდი-ლა ჰქონდა პან ლონგინუსს იმის, რომ ქვეყნად ჯოჯოხეთი დატრიალდა, მის თვალ-წინ ახლა ცა გაიხსნა, მხრებზედ ფრთები შეესხა, მის გულში გალობდნენ გუნდნი ანგელოზთანი. ისე იბრძოდა ახლა, თითქო ტკბილს სიზმარშიაო, ცემა მისი ხმლისა სამადლობელი ლოცვა იყო მისთვის.

და აი ყველა, უკვე დიდის ხნის განსვენებულნი პოდბიპენტები, წინაპარის სტოვეიკოდან დაწყებული, იშვებდა და იხარებდა ცაში, რაკი სტკებობდა ზერვიკაპტურის უკანასკნელის შტოს ხილვითა, სახელდობრ ლონგინუს პოდბიპენტას ცქერითა.

ეს იერიში, რომელშიაც საკმაოდ მრავლად იღებდნენ მონაწილეობას ოსმალნი და ყეენის გვარდია, საშინლად იქმნა უკუ-ქცეულ და ცოტა თავში-საცემი არ აუტყდა ხმელნიცკის. მან დაათათბირა ყეენი, რომ პოლონელნი ნაკლები მძვინვარებით დაუწყებენ ბრძოლას ოსმალთაო და თუ შენ ჯარს მომაშველებ, ავიღებ ბანაკსაო. ახლა საჭირო იყო დამშვიდება ყეენისა და გაბრაზებულ მირზებისა, აესება მათი საჩუქრებითა. ადგა და ყეენს მიართვა ათი-ათასი ტალერი, ტულაი-ბეის, ყორზ-ალას, სუზადახის, ნურედინსა და ლალდას — ორ-ორი ათასი. პოლონელთა ბანაკში კი ამ დროს ყველას ეძინა; ცხადი იყო, რომ იერიშს განმეორებით აღარ მოიტანდა მტერი. ყველა გულის-ძილში იყო, იმ სადროშოთა გარდა, რომელნიც დარაჯად იდგნენ და გარდა პან ლონგინუს პოდბიპენტასი, რომელიც მთელს ღამეს ჯვარედინად ხელებ-გაშლილი იწვა და მადლობას სწირავდა ღმერთსა იმიტომ, რომ ინება და აასრულებინა აღთქმა და სახელიცა მისი შეჰმოსა დიდის მორქმითა. მეორე დილას მთავარ-ერისთავმა მიუწოდა და ქებით შეამკო, ხოლო ჯარის-კაცნი მიდიოდნენ იმასთან მთელის დღის განმავლობაში, ულოცავდნენ გამარჯვებას და ათვლიერებდნენ იმ სამს თავს, რომელიც მის კარავში ეწყო. ბევრს ძრიელ უკვირდა ეს ამბავი და ჰხარობდა, ბევრს კი ჰშურდა.

ყველანი ხელს ართმევდნენ პან ლონგინუსსა, ხოლო იგი იდგა თვალეზ-დახრილი, გაწითლებული, დარცხვენილი პატარ-ძალიებითა და ისე ლაპარაკობდა, თითქო დანაშაული რამ მიუძღვის და თავსა მართლულობს.ა:

— კარგად იდგნენ სამივენი, ისე რომ ერთის შემოკვრით აღვილი იყო სამივეს თავის გაგდება...

ზოგი ხმალოს სინჯავდა, მაგრამ ვერაინ კი შესძლო მისი თავისუფლად მიქნევ-მოქნევა, თვით ჟაბკოვსკი მღვდელმაცკია, თუმცა ეს მღვდელი ისეთი ხელ-ღონიერი იყო, რომ აღვილად ამტვრევდა ცხენის ნალებსა.

კარაგ-წინ თან და თან მრავლად მოგრობდა ხალხი. პან ზაგლობა, სქშეტუსკი და ვოლოდივესკი ეგებემოდნენ ახლად მოსულებს და უმასპინძლობდნენ მით, რომ უამბომდნენ, რაც იმ ღამეს მოჰხდა; სხვა ღონე არა იყო-რა და სხვით არაფრით არ შეეძლოთ გამასპინძლება, რადგან გამხმარი პურიც კი აღარ მოიძებნებოდა ბანაკში, ხოლო ხორცის ხსენება ხომ სულ არ იყო, გარდა მზეზედ გამოსულის ცხენის ხორცისა. ბოლოს, როცა ყველამ წასვლა დაიწყეს თავ-თავისას, მოვიდა პან მარეკ სობესკი თვისის პორუჩიკით სტემპოვსკითა. პან ლონგინუსი საჩქაროზედ მოეგება წინა.

— დიდს ამბავში ხართ, პა?!—მიესალმა უფროსი,—დღესასწაულობთ?

— ნამდვილი დღესასწაული გახლავთ,—კვერი დაუკრა ზაგლობამ,—ჩვენმა მეგობარმა შეასრულა თავისი აღთქმა.

— მადლობა უფალსა. მაშ, მალე თქვენს ქორწილშიც ვიქეიფებთ. არის კი ვინმე ისეთი, რომელიც უკვე ამორჩეული გყავთ?

პან პოდბიპენტა სულ დაიბნა და გაწითლდა ქარხალივითა, ხოლო უფროსმა კვლავ განაგრძო:

— შეპკრთით, აირიეთ, მაშ, სჩანს, გყავთ ვინმე ამორჩეული. წმინდა მოვალეობაა თქვენთვის იზრუნოთ, რომ მაგისტანა თქვენმა გვარმა იმრავლოს. ღმერთმა ბრძანოს, რომ ბევრნი იბადებოდნენ თქვენისთანა რაინდნი, ყმაწვილებო.

პან მარეკ სობესკიმ ღიღის თანაგრძნობით დაუწყა ხელის ჩამორთმევა. პან ლონგინუსს, სქშეტუსკის, ზაგლობასა და პატარა რაინდს. ამ გარემოებამ ალტაცებაში მოიყვანა ყველანი. დიდაც პან უფროსი კრასნოსტავისა ნამდვილი და ყოველად სრული ნიშნით იყო ვაჟკაცობისა, პატიოსნებისა და ყოველგვარის რაინდულის ქველობისა; ნამდვილი განხორციელება იყო მარეხისა, ამ ომიანობის ღმერთისა; უფალსაც უხვად დაეჯილდოვებინა თვისის ნიჭითა და მადლითა, სიძლიერით, გვარიშილობით, ხოლო მისს სამხედრო ნიჭსა და სამამაცო ზნეს თვით თავადი ერემია დიდად აფასებდა. ვინ იცის, რა სხივცისკროვნებით დაიწყებდა კაშკაშს ეს ვარსკვლავი რესპუბლიკის ცაზედა, რომ, ნებითა. ღვთისათა, მთლად ეს შუქი მისი უნცროსს სობესკის, იანს, არ შემოაჰხვეოდა შემდეგ გარშემო, ხოლო მარეკი უდროვოდ არ დაღუპულიყო დროსა მამულის უბედურებისა და იწროებისასა.

— ბევრი რამ გამიგონია თქვენზედ თვით მოურავ-ერისთავისაგან, — განაგრძო უფროსმა, — ყველაზედ წინ თქვენ გაყენებთ, თქვენ გაძლევთ უპირატესობას. მეც, რასაკვირველია, არ მიკვირს, რომ თქვენ იმისს სამსახურში ხართ, მაშინ როდესაც მეფის სადროშოებში რომ შესულიყავით, უფრო მალე იშოვნით სიმდიდრესაცა, სახელსაცა და დიდებასაცა.

— მაინც ჩვენ ყველანი სამეფო გუსართა სადროშოში ვართ ჩაწერილნი, — უპასუხა სქშეტუსკიმ, — პან ზაგლობას გარდა, რომელიც თვისის ნება-ყოფლობით შემოვიდა სამსახურში. ხოლო თუ ჩვენ თავადის უფროსობის ქვეშა ვმსახურობთ, ეგ ჯერ იმიტომ, რომ უსამზღვროდ ერთგულნი ვართ მისი, ხოლო მერე კიდევ იმიტომ, რომ გვინდა, რაც შეიძლება ხშირად ვიყვნეთ ხოლმე ომიანობის ცეცხლში.

— თუ აგრეა, მაშ, თქვენ მართალნი ყოფილხართ. სხვა გარემოებაში კი პან პოდბიპენტა თავისს სამს თავს ვერსად შეჰხვედებოდა, — ბრძანა უფროსმა. — რაიცა შეეხება ომს, მაგ სიკეთით ახლაც ყელამდე სავსე ვართ.

— ეგ ბევრად უფრო მეტი გვაქვს, ვიდრე სხვა რამე, — დასძინა ზაგლობამ. — ჩვენთან ბევრნი მოდიოდნენ და გვილოცავდნენ გამარჯვებას, მაგრამ ვისმე რომ საუზმეზედ დავეპატიუნეთ და თითო ცვარა არაყი დაეღვინებინათ, უფრო გვასიამოვნებდნენ და ჩვენს მადლსაც მოისხავდნენ.

პან ზაგლობა ყურ-გამახვებული დააცქერდა უფროსს და პირდაპირ თვალი თვალში გაუბნია. უფროსმა გაიღიმა.

— გუშინდელს აქეთ მეც არა მიქამია-რა, — სთქვა მან, — მაგრამ ერთი ცვარი არაყი კი მეშოვება, მგონია. მზადა ვარ გიმასპინძლოთ.

ხოლო პან სქშეტუსკიმ, პან ლონგინუსმა და პატარა რაინდმა ცივი უარი უთხრეს და თან ზაგლობაზედ მოსდიოდათ გული; ზაგლობა თავისი მხრით იქნედა მელიასავით კულს და თავს მართლულობდა ამხანაგების წინაშე, რამდენადაც შეეძლო.

— მე ხომ ძალათი არ ავკვიატებივარ, — მართლულობდა შლიახტიჩი თავსა. — ჩემი წესია — უფრო ჩემი წავიდეს, ვიდრე მე სხვისას ხელი ვახლო, მაგრამ უარის თქმა მაშინ, როცა გეპატიყება ასეთი ყოვლად პატივსაცემი კაცი, ჩემის აზრით, სხვა რომ არა იყოს-რა, დიდი უზრდველობაა.

— მაშ, აბა, წავიდეთ, — სთქვა უფროსმა, — ჩემთვისაც სასიამოვნოა, კარგს კამპანიაში დრო გავატარო, მერე ახლა თავისუფალნი ვართ. სადილად არა გთხოვთ, ეხლა ცხენის ხორცსაც ვერ იშოვის კაცი, არაყი კი მაქვს... ორიოდე ბოთლი, ხომ მარტო ჩემთვის ვერ შევინახავ.

კვლავ უარობა და ჯიუტობა უხერხულობა იქმნებოდა. რაინდნი წავიდნენ, ხოლო პან სტემპოვსკი დაწინაურდა და როგორღაც მოახერხა და იშოვა რამდენიმე ნაჭერი გამოუმხარი პურისა და პატარა ხორცი ცხენისა საუზმედ. პან ზაგლობა მაშინვე გამხიარულდა.

— თუ ღმერთმა იპრიანა და მეფემ დაგვიხსნა მტერთა გარშემოდგომისაგან, — სთქვა მან, — მალე ვიპოვით ბარგის ჯარის ურმეზსა. იმათ მუღამ ბევრი რამ გემრიელი სურსათი დააქვთ

თანა და თვითეული მათ შორის თავისს მუკლისათვის უფრო ჰზრუნავს, ვიდრე რესპუბლიკისათვის. მე იმათთან დროს გატარება და ქეიფი მირჩევიან, ვიდრე აქ ბრძოლა, თუმცა, შესაძლოა, ისინი მეფის თვალ-წინ უფრო უკეთ მოიქცნენ.

უფროსს უცბად შეეცვალა გუნება და დადინჯებულმა სთქვა:

— ჩვენ ფიცი დავსდეთ, გავწყდეთ ყველანი ერთიანად და ასეც მოვიქცევით. მზად უნდა ვიყვნეთ ყოველისთვისთვის, რაც უნდა მოგველოდეს, რაც უარესია. სურსათი თითქმის სულ აღარ არის, ხოლო ამაზედ ცუდი ისაა, რომ თოფის წამალიც გველევა. სხვას არ ვეტყობი ამასა, ხოლო თქვენ კი გეტყვით. დიდ ხანს არ შეგვრჩება გულში ვაჟაკობა და ხელში ხმალი... ის-ღა დაგვრჩენია, რომ სიკვდილისათვის მოვემზადნეთ, სხვა აღარაფერი. ღმერთო, მოგვივლინე მალე მეფე, — ეს არის ერთად-ერთი ჩვენი იმედი. მეფე გულადი ხელმწიფეა! ცხადია, არას არ დაჰზოგავდა, არც შრომის, არც ჯანსა, არც სიცოცხლეს, ოღონდ კი გავენათვისუფლებინეთ, მაგრამ ჯარი მცირე ჰყავს, მეტი ღონე არ არის, უნდა იცადოს, ხოლო მოგეხსენებათ, რა ტატიოთა და ზოზინით იკრიბება ქუდზე კაცის ჯარი. ეგეც რომ არ იყოს, საიდან ეცოდინება მეფეს, რა გაჭირებაშია ცა ვართ?

— ჩვენ უკვე თავი გაწირული გვაქვს, — სთქვა სქშეტუსკიმ.

— რომ შეგვეტყობინებინა როგორმე? — ჰკითხა ზაგლობამ.

— რომ გამოჩენილიყო ვინმე ისეთი, რომელსაც შესძლებოდა იმასთან წასვლა, ის უკვდავს სახელს მოიხვეჭდა, მთელს ჩვენს მხედრობას დაიხსნიდა და სამშობლოსაც განსაცდელს ააცილებდა თავიდან. დეე, თუნდ მთლად მხედრობა მეფისა ნუ მოსულიყო, მარტო სახელს მეფისას შეუძლიან ჩააქროს ცეცხლი ამბოხებისა. მაგრამ ვინ წავა? ვინ წავა, თუ ხმელნიცკიმ ისე დაიჭირა გზები და ბილიკები, რომ თავი ვერ გაძვრება ვერსად ბანაკიდან? სიკვდილი არ ასცილდება ამისთანა გაბედულს კაცს!

— მოხერხება მაშ რაღასთვის გვინდა?—სთქვა ზაგლობამ.—მე ერთი აზრი მომდის ფიქრად.

— რა აზრი, რა? — შეეკითხა საჩქაროზედ გახარებული უფროსი.

— ყოველ დღე ტყვეებს ვიჭერთ. არ შეიძლება, ერთ-ერთი მოვისყიდოთ? ისე აჩვენოს თავი, ვითომ გაგვექცა, მერე აღგეს და წავიდეს მეფესთან.

— მე ვეტყვი მაგას თავადსა,—სთქვა უფროსმა.

პან ლონგინუსი დიდად დაფიქრდა, შუბლი ნაოქებად შეეკრა, ბოლოს, დიდის ხნის დუძილის შემდეგ აიღო მალლა თავი და გაუბედავად წარმოსთქვა:

— მე მიტვართნია გავიარო ყაზახთა ბანაკზედა.

რაინდნი გაკვირვებით წამოიჭრნენ ზეზედ, პან ზაგლობამ პირი დააღო, ეოლოდიევსკის უღვაშებმა თამაშობა დაიწყეს, სქშეტუსკი დაფიქრდა, ხოლო უფროსმა ხმა-მალლა დაიძახა:

— შენ გინდა იტვირთო ეგ საქმე?

— კარგად კი მოისაზრე, რასაც ამბობ?—ჰკითხა სქშეტუსკიმ.

— დიდი ხანია, რაც მოვისაზრე კიდეცა და კარგადაც ვივარაუდე,—სთქვა ლიტველმა.—რაინდთა შორის დიდი ხანია ამბობენ, რომ საჭიროა მეფეს შევატყობინოთ ჩვენი ამბავიო. ხოლო მე გულში არას ვამბობდი. თუ ღმერთმა ინება და ჩემი აღთქმა შევასრულე, მე წავალ-მეთქი. მე ერთი პატარა კაცი ვარ, რა მნიშვნელობა აქვს ჩემს სიცოცხლეს? რა დიდი ამბავი იქნება, თუ გზაში მომკლავენ-მეთქი?

— მერე გაიგონე, რაც უფროსმა ბრძანა ეს არის ეხლა?—დაიძახა ზაგლობამ,—ეგ ხომ პირდაპირ თავის გაწირვა იქნებოდა?

— რა არის მერე, ჩემო კარგო? თუ ღმერთს უნდა, უვნებლად გამატარებს მაგ საშიშს გზას, თუ არა და—ცაში და-მაჯილდოვებს.

— რას ამბობ, მაშინვე შევიპყრობენ, საშინელს წამებაში ჩავაგდებენ და მერე უცნაურის რამ სიკვდილით მოგაკვდი-

ნებენ. კაცო, შენს ჭკუაზედა ხარ?—არ იშლიდა თავისას პან ზაგლობა.

— მე მაინც წაეალ, ჩემო კარგო,—გულ-დამშვიდებითა სთქვა კვლავ ლიტველმა.

— ფრინველი ვერ შესძლებს ბანაკს გადასცდეს, იმასაც კი ისარსა სტყორცნიან და ძირს ჩამოაგდებენ. გარშემო სულ თხრილი შემოგვარტყეს, თითქო დათვები არიან და ორმოში უნდათ მოაქციონო.

— მე მაინც წაეალ!—გაიმეორა ლიტველმა.—მე მოვალე ვარ ღვთისა წინაშე, რომ შემასრულებინა ჩემი აღთქმა.

— აბა, ერთი უყურეთ ამასა? ერთი შეჭხედეთ-და!—განწირულებით იძახოდა ზაგლობა.—ბარემ უბრძანეთ, რომ მოგკვეთონ თავი, ჩასდონ ზარბაზანში და ესროლონ ყაზახებს, მხოლოდ ამ სახით შეიძლებ ყაზახების ბანაკზე გაიარო.

— ეგ შე დამაცადეთ, ჩემო კარგებო! და ლიტველმა დაიკრიფა გულზედ ხელები.

— ოჰ, არა! შენ მარტო ვერ წახვალ, მეც შენთან წამოვალ,—სთქვა სქშეტუსკიმ.

— მეცა!—დასძინა ვოლოდიევსკიმ და დაიკრა ხელი ხმაღელა.

— აი ეშმაკებმა წაგილოთ თქვენა!—სთქვა ზაგლობამ და იტაცა ხელი თავში.—ვაი თქვენა და თქვენს „მეცა, მეცა“-სა, თქვენს სისხლის მსმელობას. არ გეყოთ ეს ამოდენა გვაგები, ამოდენა სიკვდილი, ტყვია-ყუმბარა? არ გეყოთ, გეტყობათ... კისერი გინდათ მოიჩეხოთ? დაილუპენით, კარგია, ე მე კი თავი დამანებეთ...

ზაგლობამ გიჟივით დაიწყო წყვეტება აქეთ-იქით ოთახში.

— სწორედ ღმერთი მიხდის სამაგიეროს და საკანონოს მახდევინებს, რომ დინჯი ხალხის მაგიერ ამისთანა ქარაფშუტანი დავიმეგობრე. ახია ჩემზედა!... ან კი რა დაგიშავეთ იმისთანა, რომ აგრე მდევნით?

— ღმერთმა დაგვიფაროს!—უპასუხა სქშეტუსკიმ.—საი-დანაო?

— პან პოდბიპენტას თუ მოსდის ფიქრად მაგისტანა აზრები, ეგ საკვირველი არ არის! საზოგადოდ, დიდის ქკუით არ დაუჯილდოვებია ეგ ბუნებას, ხოლო მას შემდეგ, რაც მაგან სამს სულელს თავი მოჰკვეთა, მეოთხე სულელი ეგ შეიქმნა...

— მოსმენაც არ მინდა შენის ლაპარაკისა!— გააწყვეტინა სიტყვა ლიტველმა.

— არც ამისაგან მიკვირს, — განაგრძობდა ზაგლობა და ეოლოდიევსკისაკენ იშვერდა თითსა. — მაგას შეუძლიან ყაზახის წალის ყელში დაიმალოს, ბირკასავით აეკრას იმისს 'მარვალს და აღვილად გადაარჩეს განსაცდელს. ეგ ორივენი სულიწმინდას არ გაუნათლებია, ხოლო თუ შენ, იმის მაგიერ, რომ უარი ათქმევინო სისულელეზედ, კიდევაც აქვებ შენის მაგალითით, მით რომ გინდა შენც წაჰყვე და ოთხივეს აუცილებელს სიკვდილსა და წამებას გვიმზადებ, ეს კი აღარ ვიცი, რა არის! ფუ, ეშმაქსა! არ ველოდი ამას იმ აფიქრისაგან, რომელსაც თვით თავადი ღინჯსა და დარბაისელს კაცს ეძახის.

— როგორ ოთხივეს? — გაიკვირეა ეოლოდიევსკიმ. — მაშ შენც მიდიხარ?

— მაშა, მოვდივარ, მაშა! — ჰყვიროდა ზაგლობა და იცემდა გულში ხელსა, — მეცა მაშ! თუ ერთ-ერთი თქვენგანი დაიძვრის, ან ყველანი ერთად წახვალთ, მეც წამოვალ. დეე, სისხლი ჩემი თქვენს თავს იყოს. ქკუას ვისწავლი შემდეგისათვის: მეცოდინება, ვის ავყვე და ვის არა.

— აიჰ, თქვენ და თქვენს თავსა! — სთქვა სქშეტუსკიმ.

რაინდები გადაეხვივნენ და დაუწყეს კოცნა ზაგლობას, ხოლო ის კი მართლა ჯავრობდა, ჰქმინავდა, რაც შეეძლო და იდაყვებით იგერებდა.

— დამეკარგენით-და! არ მინდა მე ეგ თქვენი იუდასებური ამბორი!

უცბად თოფის სროლა ატყდა თხრილებზედ.

— აჰა, ესეც თქვენ, ესეც თქვენ, წაბრძანდითა! — უთხრა ჯიბრით ხანში შესულმა შლიახტიჩმა.

— ეგ ჩვეულებრივი თოფის სროლაა, — შეჰნიშნა სქშეტუსკიმ.

— ჩვეულებრივი თოფის სროლაა! — გააჯავრა რაინდმა. — ძალიანაა! ეგ ცოტაა ამათთვის. ნახევარი ჯარი მაგ ჩვეულებრივმა სროლამ დაჰლია და ეგენი კი ყურსაც არ აბარტყუნებენ.

— გამხნეველი შენცა, რა დაგემართა, — უთხრა პან პოდ-ბიჰენტამ.

— ჩემად იყო, ის გირჩევიან შენა... ბოტვინიავ უბიწო! — გააფთრდა ზაგლობა. — სულ შენ მოიგონე ყველაფერი, შენა ხარ ფესვი ბოროტებისა.

— ჰო და მე წავალ მარტო, — უპასუხა პან ლონგინუსმა.

— წავალ, წავალ! — აუხირებია გიჟივითა. — ვიცი, რისთვისაც წახვალ! ტყუილად გმირად ნუ გამოგყავს თავი, ყველანი კარგად გიცნობენ. გინდა გადაასალო შენი უბიწოება და იმითომ მიგაქვს გალავან გარედა. შენა გგონია, რომ შენ უკეთესი ხარ რაინდთა შორის? არა, უარესი ხარ; ერთის სიტყვით, შენა როსკიპი დედაკაცი ხარ, რომელიც თავისს პატრონებასა ჰყიდის! ფუ, რა სიტუტუცეა, მე და ჩემმა ღმერთმა! მეფესთან კი არ გინდა წასვლა, შენ ის გინდა, რომ აჯილღასავით მინდორში იჭიხვინო. ესეც თქვენი რაინდი, ერთი დაძიხედეთ, უცოდველობას ჰყიდის! ცეცხლია, რალა, ცეცხლია, ქრისტესა ვფიცავ!

— მოსმენაც კი არ მინდა შენის უშვერის ლაპარაკისა! — შეჰყვირა პან ლონგინუსმა და ყურებში თითები დაიცო.

— დანებეთ თავი ჩხუბსა! — სთქვა სქშეტუსკიმ წარბ-შერქმითა. — სჯობს საქმისათვის ვიფიქროთ რამე.

— მოითმინეთ! — დაიწყო კრასნოსნოსტავის უფროსმა, რომელიც აქამდე გაკვირვებული ისმენდა პან ზაგლობას ლაპარაკსა, — ეგ ხომ სახუმარო საქმე არ არის და უთავადოდ ვერცა-რაფერს ვერ გადავწყვეტავთ აქა. ჯერ-ჯერობით საკამათო და საჩხუბარიც არა არის-რა. თქვენ სამსახურის ხალხი ხართ და მთავრობას უნდა ემორჩილებოდეთ, თავადი ეხლა თავისს ბიზანხედ იქნება. წავიდეთ, ვნახოთ, ის რას იტყვის?

— იმასვე იტყვის, რასაც მე ვამბობდი! — სთქვა ზაგლობამ და თვალები გაუბრწყინდა სიხარულით, რადგან მცირეოდენი იმედი მიეცა თავადისა. — წავიდეთ ჩქარა!

ისინი გავიდნენ მეიდანზედ, საცა ყაზახთა სანგრებიდან ზუზუნით მოდიოდა ცხელი ტყვია. ჯარები გალავანს ახლოს იდგნენ; იქაურობა ბაზრობის ფარდულებს მოაგონებდა კაცს: სულ ზედ ეფინა ათასნაირი ჭრელ-ჭრელი ძველი ტანისამოსი, ზედი-ზედ ეწყო აყირავებული ურმები, კარვის ნაგლეჯები და ყოველივე, რაც კი საფრობას გაუწევდა ჯარს და დაიცვავედა ტყვია-ყუმბარებისაგან, რადგან თოფის სროლა მთელის კვირაობით იყო ხოლმე და არც დღისითა და არც ღამით არა სწყდებოდა. ეხლაც ამ აფრიალებულ ძველ-ძვეულებზედ გაწოლილიყო გრძელი, კისფერი ზოლი კეამლისა, ხოლო წინ იდგნენ რაზმ-რაზმად ჯარის-კაცნი და პასუხს აძლევდნენ ყაზახებს სამაგიერო თოფის სროლითა. მეიდანი ნამდვილი სურათი იყო აკლებისა და აოხრებისა: ყუმბარებისაგან დათხრილი, ცხენების ნალებით გატყეპნილი, ნიშან-წყალი აღარ ეტყობოდა რაიმე მცენარეობისა. აქა-იქ ამალღებულყოფი ახლად ამოთხრილი მიწა ჭებს ახლოს, აქა-იქ ეყარა ურმების ნამტვრევები; ზარბაზნისა და ბოჭკების ნატეხები, ანუ დახრული, შებზედ გათეთრებული ძვლები. მკვდარი ცხენი არსადა სჩანდა: რამდენიც მოკვდებოდა, მაშინვე გააქანებდნენ ჯარის-კაცთა საქმლის მოსამზადებლად; სამაგიეროდ, ყველგან ეყარა ყუმბარები, რომელსაც განუწყვეტლივ ისვრიდნენ ყაზახნი. საშინელის ომის ნიშნები და შიმშილის უნარი ყველგან თვალში ეჩხირებოდა ადამიანს. ჩვენნი რაინდები, საცა არა მგონია, შეეხჩებოდნენ ხოლმე ჯარის-კაცთა გუნდებს, რომელთაც ან დაჭრილი და მოკლული მიჰყავდათ, ან ეჩქარებოდათ, რომ მიჰმეველებოდნენ გალავანთან თავიანთ დაღლილ ამხანაგებს; სახე გაჰმავებოდა ყველას, ყველანი გამხდარნი იყვნენ, თმა გაზრდოდათ, თვალები დასწითლებოდათ, ტანისამოსი გაჰხუნებოდათ, ქუდებისა და მუზრადების მაგიერ, რალაც ჭუჭყიანის ფალასებითა ჰქონდათ თავი შეკრული. და, უნებურად, ებადებოდა კაცს ასეთი ფიქრი: რა

მოუვა ამ ერთ მუქა ძლევა-მოხილს ხალხს ერთი ან ორი კვირა რომ კიდევ გავიდესო?

— აბა, მიხედ-მოიხედეთ, ყმაწვილებო, — სთქვა უფროსმა, — რა ამბავია გარშემო?! დროა, დრო, რომ შევატყობინოთ როგორღე მეფეს ჩვენი ამბავი.

— შიმშილი, თითქო ძაღლია, კბილების ღრქენით მოდის, — უპასუხა პატარა რაინდმა.

— რა იქნება მერე, როცა სულ დავკამთ ცხენებს? — იკითხა სქშეტუსკიმ.

უკვე მიუახლოვდნენ თავადის კარვებსა, რომლების ახლოც იდგა. რამდენიმე ცხენოსანი, მზად მყოფი, იმ წამსვე ცხენს მოვლვბოდა ზედა და წაელა ყველგან ბრძანება თავადისა. იმათი ცხენები, ცხენისავე ლორით ნაკვებნი, დამფრთხალნი გამუდმებულის თოფის სროლითა, ჰგლეჯდნენ იქაურობას, ჰხრავდნენ ლაგმებსა, სცემდნენ ტოტებსა და ყალბზედ დგებოდნენ. სულ ასე გამგელებულები იყვნენ მთლად ცხენოსანთა ჯარის ცხენები და, როცა ეს ჯარი მტერს გამოეკიდებოდა, კაცს ეგონებოდა, ჯარი კი არ მიდის, გუნდი მიჰქრის განკუნჯთა ან ჯოგი ხარ-ცხენათაო.

— თავადი კარაეშია? — ჰკითხა უფროსმა ერთ-ერთს ცხენოსანს.

— ჰან ფშიემსკი ბრძანდება იმასთან.

უფროსი პირველი შევიდა, კაც-შეუგზავნელად, რაინდნი კარაე წინ გაჩერდნენ, მაგრამ ტილოს ფარდა მალე აიხადა და ჰან ფშიემსკიმ გამოჰყო თავი:

— თავადს ეხლავე უნდა თქვენნი ნახვა, — უთხრა მან რაინდებსა.

ჰან ზაგლობა საკმაოდ გულადად და იმედიანად შევიდა კარაეში, იმელი ჰქონდა, რომ თავადი არ გასწირავს ოთხს თავისს საუკეთესო რაინდსა, მაგრამ, ვაი, რომ, შევიდნენ თუ არა, სალამის მოხსენება ვერ მოასწრეს, და თავადმა დაიწყო:

— ბატონმა მარეკ სობესკიმ მიაშბო, რომ გინდათ გახვიდეთ ციხე-გალავნიდან: სიამოვნებით შემიწყნარებია ეგ თქვენნი

განზრახვა. არ არის ქვეყანაზედ ისეთი მსხვერპლი, რომლის შეწირვაც არ შეიძლებოდეს მამულისათვის.

— გიხანელით იმიტომ, რომ თქვენი ნებართვა ვითხოვოთ,—მოახსენა სქშეტუსკიმ.

— გინდათ ოთხივენი გახვიდეთ?

— თქვენო ბრწყინვალეებავ!—უპასუხა ზაგლობამ,—მაგათ უნდათ, მე არა; ღმერთია მოწამე, იმიტომ არ გიხანელით, რომ ჩემი თავი ვაქო, ან ჩემი ღვაწლი და დამსახურება გაეიხსენო, გარნა თუ ვიტყვი იმათ შესახებ, მხოლოდ იმიტომ რომ სიმბდალზე არაფერს დამწამოს. პან სქშეტუსკი, ვოლოდიევსკი და პან პოდბიპენტა სანაქებო რაინდნი არიან, მაგრამ ბურლაიც, ჩემის ხელით მოკვდენილი, (სხვებზედ სიტყვას არ განვაგრძობ) ჰნიშნავდა რასმე, ბურდაბუტსა და ბოგუნს არ დაუფარდებოდა, არც იმ სამის იანიჩარის თავზედ ნაკლები იყო; ამიტომ მგონია, რომ მეც სხვა რაინდებზედ უარესი არა ვარ. ხოლო ვაჟკაცობა სხვაა და უგუნურება კიდევ სხვაა. ფრთები ჩვენ არ გვასხია, რომ გადაფრინდეთ, მიწის ქვეშ სოროს ვერ გავთხრით და ისე ვერ გავძვრებით,—ეს უეჭველია.

— მაშ თქვენ არ მიხვალთ?—ჰკითხა თავადმა.

— მე მოგახსენეთ, რომ არ მინდა წასვლა-მეთქი, ხოლო ის არ მომიხსენებია, რომ არ წავალ-მეთქი. რალად ღმერთმა ერთხელვე დამსაჯა და მაგათს კამპანიაში გამიჩია, სიკვდილამდე მაგათ ველარ გავშორდები. თუ გავვიჭირდა, ზაგლობას ხმალი გამოდგება რისთვისმე კიდევ... ხოლო რისთვის გამოდგება ჩვენი სიკვდილი, ეგ კი აღარ ვიცი და ვგონებ კიდევცა, რომ თქვენ არ მოინდომებთ ამასა, თქვენო ბრწყინვალეებავ, და არც ნებართვას გეიბოძებ ასეთის უგუნურის საქმის მოსაქმედად.

— კარგი ამხანაგობა გცოდნიათ,—უპასუხა თავადმა,—და თქვენის მხრით ძალიან კარგია, რომ მეგობრებს არა სტოვებთ, ხოლო ჩემ შესახებ კი შემცდარი ხართ: მე შემიწყნარებია თქვენი მსხვერპლი.

— ჩაძალღდი ჩემო თავო!—წაიბუზღუნა ზაგლობამ და ჩამოჰყარა მკლავები.

ამ დროს კარავში შემოვიდა პან ფირლელი, 'კაშტელიანი ბელზისკისა.

— თავადო,—სთქვა მან,—ჩემმა კაცებმა შეიპყრეს ყაზახი, რომელიც ამბობს, რომ ამაღამ იერიშს აპირობენო.

— ვიცი,—უპასუხა თავადმა.—ყოველივე მზად არის, დააჩქარონ მხოლოდ ახალის თხრილების ამოღება.

— თხრილები თითქმის სულ ამოღებულა.

— ძალიან კარგი,—სთქვა თავადმა და მიჰმართა ოთხს რაინდსა.—იერიშს შემდეგ, თუ ღამე ბნელი იქმნება, სწორედ კარგი დროა გასვლისათვის.

— რაო?—იკითხა კაშტელიანიმა.—ვითომ გინდათ გაუხტეთ მტერსა?

— გახტომა თავის რიგად იქმნება, მე თვითონ წავეუძღვები წინ ჯარსა, ხოლო ახლა ჩვენ სხვისა ელაპარაკობთ. აი ამ რაინდებს უნდა გავიდნენ აქედან, გაიარონ ბანაკი მტრისა და შეატყობინონ მეფეს, რა ყოფაშია ცა ვართ.

კაშტელიანი გაოცდა, თვალეები ძალზედ გაახილა და დაიწყო რიგრიგით სინჯვა რაინდებისა.

თავადს პირ-ღიმილი მოუვიდა. უყვარდა ხოლმე, რომ მისნი ჯარის-კაცნი მოსწონებოდათ და მათის ცქერით გაძღომა ენატრათ.

— ღმერთო ჩემო!—სთქვა აღტაცებით კაშტელიანიმა,—მაგისტანა აღამიანის შეილებიც არიან ქვეყნად! არა, ვერც მე გირჩევთ, ხელი აიღეთ მაგ საფათერაკო, თუმცა კი სახელოვან საქმეზედა-მეთქი.

პან ზაგლობა გაწითლდა ბოღმითა, მაგრამ გაჩუმდა და ქშენას მოუმატა დათვივითა. თავადი პატარა ხანს დაფიქრდა.

— მე მაინც არ მინდა, ამაოდ ჩაგყაროთ განსაცდელში და არ დაეთანხმდები, რომ ოთხივენი ერთად გახვიდეთ,—სთქვა მან.—პირველად ერთი წავიდეს; თუ ის მოჰკლეს, გავიგებთ... ოჰ, ისინი მაშინვე თავს მოიწონებენ მაგითი და ტრამახს დაი-

წყებენ, როგორც ტრაბახობდნენ მით, რომ ერთი ჩემი მსახურთაგანი მოჰკლეს იქვე ლეოვს ახლოსა. თუ პირველი მოჰკლეს, მეორე წავიდეს, მერე, თუ საჭირო იყოს, მესამე და მეოთხე. შესაძლოა, რომ პირველმაც მშვიდობით გაიაროს ეგ ფათერაკიანი გზა, მაშინ დანარჩენების წასვლა საჭირო აღარ იქნება.

— თქვენო ბრწყინვალეებაჲ...— გააწყვეტინა სიტყვა სქშეტუსკიმ.

— ასეთია ჩემი სურვილი და ბრძანება,— სთქვა ერემიამ და განგებ მეტი ყურადღება მიაქცია სწორედ უკანასკნელს სიტყვას.— რომ მოგარიგოთ, გამომიცხადებია თქვენთვის, წავიდეს ჯერ ის, ვისაც პირველად მოუვიდა ეგ აზრი ფიქრად.

— მაშ, მე უნდა წავიდე პირველად!— შესძახა სიხარულით პან ლონგინუსმა.

— ამაღამ, იერიშს შემდეგ, თუ ღამე საკმაოდ ბნელი იქნება,— დაუმატა თავადმა.— წერილებს არ გადატანთ მეფესთან; რასაცა ჰხედავთ, იმას უამბობთ, მხოლოდ ჩემს ბეჭედს წაიღებთ.

პოლბიჰენტამ გამოართვა ბეჭედი და თავი დაუკრა თავადსა; მან გაიწოდა ხელები, მოაფლო თავზედ, შეჰხედა პირდაპირ თვალებში, მერე აკოცა რამდენჯერმე თმაზედ და უთხრა აღელვებულის ხმით:

— ეხლა შენ, როგორც ძმა, ისე ელხობი ჩემს გულსა... ღმერთი და ყოვლად-წმინდა ქალწული იყოს შენი შემწე და მფარველი, მებრძოლო ღეთისა. ამინ!

— ამინ!— გაიმეორა ყველაშმა.

თავადს თვალები მოუწყულიანდა, ხოლო პან პოლბიჰენტა სულ ცახცახებდა აღფრთოვანებისაგან. რალაც აღის სიმხურვალე უვლიდა ტანში და დიდად ხარობდა ეს წმინდა მორჩილი, მდეფური სული, რაკი ახლოვდებოდა ეამი სიცოცხლის გაწირვისა.

— ისტორია მოიგონებს თქვენს სახელს!— წარმოსთქვა ღალადებით კაშტელიანმა.

რაინდნი გავიდნენ კარავიდან.

— ფუ, რაღაცამ წამიჭირა ყელში და ლამის დაძალრჩოს, ხოლო პირი მწარე მაქვს, თითქო აბზინდა დამელიოს, — სთქვა ზაგლობამ. — ისინი კი სულ თოფს ისვრიან და ისვრიან, გასწყდეს მაგათი სახელი და სახსენებელი! ეჰ, გამწარდა სიცოცხლე წუთი-სოფლისა. პან ლონგინუს... ახლა შენ საქმე აღარა გაქვს-რა... წმინდა ანგელოზნი იყვნენ შენი მფარველნი... ჭირი და ჟამი მაინც შესქამდეს ამ ტეტობასა.

— უნდა გამოგეთხოვოთ ახლა.

— როგორ? სად მიხვალ მერე? — ჰკითხა ზაგლობამ.

— მღვდელ მუხოვეცკისთანა. უნდა აღსარება ვუთხრა, ჩემო კარგო, ცოდვილი სული განვიწმინდო.

პან ლონგინუსი აჩქარებით გაეშურა ციხე-დარბაზისაკენ, დანარჩენნი რაინდნი თხრილებთან დაბრუნდნენ. სქშეტუსკი და ეოლოდიევსკი მღუმარებდნენ, სამაგიეროდ პან ზაგლობა არ იშლიდა ლაპარაკსა.

— რაღაცამ წამიჭირა ყელში. არ მეგონა, რომ ასე დამნანდებოდა, მაგრამ ძალიან კარგი კაცია, იმაზედ უკეთესი ქვეყანაზედ სხვა არ იქნება; ამაზედ ლანძღვას ნურაინ და მიწყებს, თორემ ვცემ. ოჰ, ღმერთო! ღმერთო! მეგონა, რომ კაშტელიანი წინააღმდეგი იქმნება-მეთქი და იმან უფრო კვერი დაუკრა. რა ეშმაკმა მოახეტა მერე ის იუდის-კერძი! ისტორია მოგიგონებსო! თვითონ ის მოიგონოს და მისი სახელი ჩაიწეროს, თუ კარგია, მაგრამ არა პან ლონგინუსის ტყავზედა. ვითომ რატომ თვითონ არ მიდის! გეუბნევით, რომ თან და თან უფრო მწარდება სიცოცხლე აბ წუთი-სოფელში და ჟამ-კოვსკი მღვდელი მართალია, როცა ამბობს, მოახლოვდა ჟამი ქვეყნის დასასრულისაო. პატარა ხანს შევისვენოთ თხრილებზედა და მერე წავიდეთ ციხე-დარბაზში, — გამოვეთხოვოთ მეგობრებსა.

ხოლო პან პოდბიპენტამ აღსარებისა და ზიარების შემდეგ დრო სულ ლოცვაში გაატარა და მხოლოდ იერიშის დროს მოვიდა გალავანთან საღამოზედა. ყაზახთა თავ-დასხმა საშინე-

ლება რამ იყო, მით უმეტეს, რომ ამ დროს ალყა-შემორტყმულთ გადაჰქონდათ ზარბაზნები და ურმები ახლად ამოღებულ თხრილებზედა. ერთ ხანად, კაცს ეგონებოდა, რომ პოლონელთა სუსტი ძალ-ღონე შედრკება ორასი ათასის მტრის შემოტევითაო. პოლონელთა სადროშონი ისე აირივნენ მტერში, რომ თავისიანი თავისიანს ვეღარ არჩევდა. ხმელნიცკიმ ყოველივე ღონე იხმარა: ყეენმაცა და საკუთრად მისმა პოლოკონიკებმაც გამოუტხადეს, რომ ეს უკანასკნელად მიგვაქვს იერიშიო; ამის შემდეგ ალყა-შემორტყმულთ შიმშილით გავეუქირვოთ საქმეო. გარნა იერიში სამის საათის ბრძოლის შემდეგ უკუ-ქცეულ იქმნა და ისეთის ძალით, რომ ყაზახებს მოუყვდათ, როგორც ხმა გამოვიდა, ორმოცი ათასი კაცი. თავადს დაუყარეს ფეხ-წინ მრავალი დროშა-ალამი, ხოლო შემდეგ, იმ უკანასკნელის ბრძოლის უკან დადგა უფრო სამძიმო დრო განუწყვეტელის თოფის-სროლისა, იწროებისა და შიმშილისა.

დაუღალავმა ერემიამ, გათავდა თუ არა იერიში, დაქანცულ-დაწყვეტილი ჯარი მაშინვე გაიყვანა გალავან-გარედ და მიუხტა მტერს, რომელიც ამ ჟამდაც დამარცხებულ იქმნა. ბოლოს, ორივე ბანაკი მიჩუმდა და ღრმა ძილში ჩავარდა.

ღამე თბილი იყო, თუმცა ცა მოღრუბლულიყო. ოთხი კაცი, რომელნიც შავად მოჩანდნენ, ჩუმად და ფრთხილად, მიდიოდნენ თხრილების აღმოსავლეთად. ისინი იყვნენ პანლონგინუსი, ზაგლობა, სქშეტუსკი და ვოლოდიევსკი.

— დამზახები კარგად ჩასვით ჩალოთაბუდეში, რომ ფალიის წამალი არ დასველდეს. ორი სადროშო ჯარი მთელს ღამეს დარაჯად იღებდა. თუ ნიშანს რასმე მოგვეცემ, მაშინვე გამოვეშურებით საშველად.

— ბნელა ისე, რომ თვალთან თითს ვერ მიიტანს კაცი!
— წაიჩურჩულა ზაგლობამ.

— ეგ უკეთესი! — უპასუხა პანლონგინუსმა.

— ჩუ! — გააწყვეტინა სიტყვა ვოლოდიევსკიმ, — რალაც ხმაურობა მესმის.

— ვილაც მომაკვდავი ხრიალებს, ეგ არაფერია!..

— ტყემდე თუ მიაღწიე, მერე ფიქრი აღარ არის...

— ოჰ, ღმერთო! ღმერთო!—ამოიოხრა ზაგლობამ და ისე დაიწყო კანკალი, თითქო აცივ-აცხელებსო.

— სამს საათს უკან ინათლებს.

— დროა!—სთქვა პან ლონგინუსმა.

— დროა, დრო!—გაიმეორა სქშეტუსკიმ ყრულ. —გასწი, ღმერთმა მშვიდობით გატაროს!

— მშვიდობით, მშვიდობით!

— კარგად იყავით, ძმებო და შემინდეთ, თუ რამ დავა-შავე თქვენთანაო.

— დააშავე? ოჰ, ღმერთო!—ამოიკენესა ზაგლობამ და გადაეხვია ლონგინუსსა.

მერე რიგი სქშეტუსკისა და ვოლოდიევსკიზედ მიდგა. თავ-შეკავებული ქვითინი ამღელვარებდა რაინდთა გულს, მხოლოდ ერთი პან ლონგინუსი იყო დამშვიდებული.

— კარგად იყავით!—განიმეორა მან ხელ-ახლად.

და, მიუახლოვდა თხრილის ქედს, ჩაფოფხდა ძირს, მერე გამოჩნდა მეორე მხარეს, ერთხელ კიდევ ანიშნა ხელით, მშვიდობითო და შთაინთქა სიბნელეში.

ორ-გზას შუა ატეხილი იყო მუხნარი, რომელშიაც გადა-ჯვარედინებით გაშლილიყო საძოვრები. ეს მუხნარი უერთდებოდა ძველს, დაბურულს ტყეს და აი სწორედ ამ ტყეში უნდოდა შეესწრო პან პოდბიპენტას.

მეტის-მეტად საშიში იყო ეს გზა: ვიდრე მუხნარის ქალა-კამდე მივიდოდა კაცი, უნდა გაეგლო მთლად ყაზახთა ბანაკი, მაგრამ პან ლონგინუსმა განგებ აირჩია ეს გზა, იმიტომ რომ ბანაკს ახლოს ათასი ვიგინდარა დაძრწოდა და დარაჯნი ნაკლებად აქცევდნენ ყურადღებას ამ გზით მოსიარულეთა. სხვა გზები, ღელე-ხრამები, ღელიანები და ცალფეხა ბილიკნი სულ დარაჯებით იყო დაჭერილი; დარაჯთა დასათვალიერებლად მულამ ცხენებით დადიოდნენ ესაულები, ასისთავნი, პოლკოვნიკები და, ასე გასინჯეთ, თვით ხმელნიცკი. მინდვრის გზაზედ, ან გნენის დაყოლება ფიქრიც არ შეიძლებოდა, იმიტომ

რომ იქ თათარნი მწყემსნი აძოვებდნენ ცხენებსა და გათენებამდე ფხიზლობდნენ.

ლამე ისეთი ბნელი იყო, რომ ათს ნაბიჯზედ არ შეიძლებოდა გარჩევა არათუ კაცისა, არამედ ხისაც კია. ეს გარემოება ძალიან სასარგებლო იყო პან ლონგინუსისათვის, თუმცა მეორეს მხრით, დიდის სიფრთხილით კი უნდა ეარნა, რომ არსად ჩაჩეხილიყო ან თხრილსა და ან ორმოში, რომელიც ამოთხრილი იყო მთლად საომარ მინდორზე ყაზახთა თუ პოლონელთა მიერ.

აგერ მიაღწია მან პოლონელთა ძველს თხრილებს, გადავიდა მეორე მხარესა და გასწია პირდაპირ ყაზახთა სანგრებისა და საფრებისაკენ. სანგრები ცარიელი იყო; ერემიას მიხტომას გაერეკნა იქიდან ყაზახნი; ზოგი მათგანი დაეხოცათ, ზოგი გაქცეულიყო და ბანაკში შეეთარებინა თავი. გვამი დახოცილთა შრავლად ეყარა თხრილების აქეთ-იქითა. პან ლონგინუსი წამ და უწუშ მწაბყდებოდა ხოლმე მკედრის გვამსა გადაბიჯებდა ზედა და მიდიოდა წინ. ათასში ერთხელ, სუსტი კენესა მოესმოდა და ეს იმისი ნიშანი იყო, რომ ჯერ კიდევ სული არ დაელია რომელსამე მომაკვდავს.

თხრილებს იქით დიდი მინდორი იყო მეორე თხრილამდე, რომელიც ჯერ ისევ წინად იყო ამოღებული პოლონელთა სარდლების მიერ. ეს ადგილიც მკედრებით იყო სავსე. აქ უფრო მითხრილ-მოთხრილი იყო ადგილი, თითქმის ყოველ ნაბიჯზედ ამართული იყო მიწური სახლები, რომელიც ბნელაში თივის ძირებსა ჰგვანდა. მაგრამ ეს მიწურებიც ცარიელები იყო. ყველგან დიდი ღუმილი იყო, არსად არც სინათლე სჩანდა არც კაცი, მკედრებს გარდა სრულიად არაფერი.

პან ლონგინუსმა სთქვა ლოცვა მოკლულთა სულთათვის და გასწია წინ.

პოლონელთა ბინის ხმაურობა მეორე თხრილებამდე კიდევ მოესმოდა, მაგრამ ახლა ნელნელა მისწყდა, შთაინთქა შორს და ბოლოს სრულიად მისწყდა.

პან ლონგინუსი შესდგა და ერთხელ კიდევ მიიხედა უკან.

თითქმის ველარა გაარჩია-რა, ბანაკში სანათი არსად ენთო, მხოლოდ ციხე-დარბაზის ერთი ფანჯარა იყო ოდნავ გაშუქებული და ისიც ისე მოსჩანდა, თითქო ვარსკვლავი ბეუტავსო, ღრუბლებში მიმალულიო, ან ციციანათელა ბალახშიაო.

„ჩემო გულითადნო მეგობარნო, ვინ იცის, გნახავთ-ლა კიდევ ოდესმე?“ — იფიქრა გულში პან ლონგინუსმა.

და აი მის გულს დარდი შემოაწვა, თითქო მძიმე ქვააო. იქ, საცა ციმციმებს აის სუსტი სინათლე, იქ ჩვენები არიან, იქ სძგერს გული მეგობართა და ამხანაგთა, იქ არის ერემია, სქშეტუსკი, ვოლოდიევსკი, ზაგლობა, მღვდელი მუხოვეცკი, იქ მე ვუყვარვართ და მზად არიან დამიფარონ; აქ კი ღამეა, ბნელა, მკვდრებს ედება ფეხი, სულნი მიცვალებულთანი გუნდ-გუნდობით დაჰფრინავენ; შორს კი ბანაკია სისხლის-მსმელ, შეუბრალებელ მტრებისა.

გულს შემოწოლილი ქვა სევდისა თან-და-თან უფრო მძიმდებოდა, ისე რომ მისი ზიდვა გასაჭირი იყო ამ მღვეი-კაცის მხარ-ბეჭისათვისაც კი. სული მისი ირყეოდა.

ესტუმრა ახლა გაფითრებული მოუსვენრობაცა და დაუწყო ჩურჩული ყურში: „ვერ გაივლი ამ გზას, ეგ უგუნური ფიქრია! დაბრუნდი, ჯერ კიდევ დროა! დასცალე დამბაჩა და მთელი სადროშო გამოეკანება შენდა საშველად. ამ ბანაკზედ ამ ველურთა და ნადირთა ბრძოს ბუნაგზედ ვერავინ ვერ გაივლის.“

და ის ბანაკი, დამშეული, ყოველ დღე ყუმბარებისა და თოფის-ტყვიის წვიმის ქვეშ მყოფი, სავსე სიკვდილითა და გაჟენთილი მკვდართა სუნითა უშიშარი ნავთსაყუდარი ეგონა ახლა პან ლონგინუსსა.

იქ ამხანაგები არ გაამტყუნებდნენ და არ ეტყოდნენ, რად დაბრუნდიო. ვეტყვი, რომ კაცის ძალას აღემატება ეგ საქმემეთქი და აღარც თვითონ ისინი წავლენ, აღარც სხვას ვისმე გაჰგზავნიან; აღგებიან და დაუწყებენ ცდას ღვთისა და მეფის შველასა.

სქშეტუსკი რომ მაინც წავიდეს და დაიღუპოს?

„სახელითა მამისათა და ძისათა და სულისა წმინდისათა! ეგ სატანას მაცდურებაა,—გაივლო გულში პან ლონგინუსმა. —სიკვდილისათვის მზადა ვარ, ხოლო იმაზედ უარესი სხეა არა მოჰელის—რა. ეგ სატანა აშინებს სუსტს სულს სიბნელით, მკვდრებითა... იმისთვის ხომ ყოველი ხერხი ხელ-საყრელია.“

ნუ თუ ჩემს სახელს ჩირქი უნდა მოვცხო, დაემარხო ჩემი ღიღება? არ გადაეარჩინო მხედრობა განსაცდელს, უარ-ყყო გვირგვინი ზეცისა? არასოდეს!

და იმანაც წინ გადასდგა ფეხი და გასწია.

ავერ მოისმა შორიდან ხმაურობა, გარნა არა პოლონელთა ბანაკიდან, არამედ მოწინააღმდეგეთა ბინიდანა,—ხმაურობა განურკვეველი, თუმცა კი რაღაც დაყურსული, მრისხანე; სავსე მუქართა, თითქო დათვის ბურღლუნია ხშირს ტყეშიო. ხოლო მოუსვენრობა გაჰქრა პან ლონგინუსის გულში, თითქო მიანება თავიო და ზის მაგიერ გულს ჩაეფინა სასიხარულო მოგონება მახლობელთა და ნაცნობთა; ბოლოს, თითქო იმ მუქარის პასუხად, რომელიც მტერთა ბინიდან მოესმა, მან ერთხელ კიდევ განიმეორა:

„მე კი მაინც წავალ“.

აჰა, ავერ ის მინდორიცა, რომელზედაც პირველი იერიში ყაზახთა და იანიჩართა უკუ-ბქცია პოლონელთა ცხენოსანმა ჯარმა. აქ კი გზა უფრო სწორეა, აღარ არის ნათხარები, ორმოები და მკვდრებიც სულ აღარა სჩანს, იმიტომ რომ ყაზახებმა დაჰმარხეს წინად დახოცილნი. აქ კოტა უფრო ადვილი გასარჩევი იყო გარემონი; სხვა-და-სხვა საგნები აღარ ეფარებოდა კაცს თვალ-წინა და არ უშლიდა არე-მარეს დანახვას. ზედა პირი დედა-მიწისა კოტა დაქანებული იყო სამხრეთად, მაგრამ პან ლონგინუსი პირდაპირ არ წავიდა და კოტა გვერდზედ შეუქცია, რადგან უნდოდა შეუმჩნევლად გაეგლო როგორმე დასავლეთ ტბასა და მტრის ბანაკს შორის. ახლა კი აჩქარებით მიდიოდა, არა ჩერდებოდა მალი-მალ, და ეგონა კიდევ, რომ, აჰა, უკვე მივალწიე ბანაკსაო, მაგრამ სწორედ ამ დროს მისი ყურადღება ახალმა ხმაურობამ მიიქცია.

ლიტველი შესდგა და კარგა ხნის ლოდინს შემდეგ მოჰკრა ყური ცხენების თქარა-თქურსა და ფრუტუნსა.

„ყაზახთა დარაჯნი არიან“.

მოესმა ლაპარაკიცა. გახტა განზედ, მოსძებნა ხელით პირველივე უსწორ-მასწორო ადგილი, დაეცა ძირს და გაიჭიმა ზედა, თან ერთს ხელში დამბაჩა ეჭირა, ხოლო მეორეში მახვილი.

— იმათ უჭირთ, მაგრამ არც ჩენა ვართ ლხინსა და შვებაში, — სთქვა ერთმა ისეთის ხმით, თითქო ნამძინარეცა, ან სთვლემსო. — რამდენი ვაჟკაცი დაიღუპა!

— ღმერთო! — უბასუხა მეორემ. — ამბობენ, მეფე ახლოს არისო, ვინ იცის, რა მოგვივა ჩვენ უბედურებს?

— ყენი გაუწყრა ჩენს მამა-ბატონსა, ხოლო თათრები იმუქრებიან, თქვენ წაგასხავთ ტყვედ, თუ სხვა ვერავინ ვიშოვეთო.

— საძოვრებზედაც ჩვენებს თურმე ეჩხუბებიან. მამა-ბატონმა გვიბრძანა, იქ ნუ ივლითო; ვინც იქ წაეა, გათავდა, დაიღუპება თურმე.

— ამბობენ, ვითომ ვაქართა შორის ბევრია ტანისამოს-გამოცვლილი ლიხიო. ეჰ, სჯობდა, რომ სულ არ ატეხილიყო ეს ომი!

— ახლა უფრო გაქირვებაში ჩავცვივდით, ვიდრე წინად ვიყავით.

— მეფე ახლოს თურმეა მთლად ზოლონეთის მხედრობითა, აი ეს არის სავაგლახო.

— ეჰ, სერში ეხლა ჩემთვის მეძინებოდა და აქ უნდა დამძროდე ღამ-ღამობითა, თითქო მგელი ხარო.

— აქ მგლებიც უნდა იყოს, მგონია... აგერა ცხენებმა ფრუტუნი დაიწყეს.

დარაჯნი ასცდნენ ლონგინუსს და პატარა ხანს უკან იმათი ხმა სულ მისწყდა. ლიტველი წამოდგა რა განაგრძო სიარული.

კამ კრა დაიწყო და უფრო ჩამოზნელდა.

პან ლონგინუსის მარცხნივ პატარა შუქი გამოჩნდა, ჯერ ერთი, მერე მეორე, მესამე, მეათე. ახლა კი დარწმუნდა, რომ სულ ბანაკს ახლო ვარო.

შუქი მცირე იყო, ძლივს ბეჭუტავდა. ყაზახებს ალბად ყველას ეძინათ და მხოლოდ შიგა-და-შიგ თუ სევამდნენ თითო-ოროლანი, ან საკმელსა ჰხარშავდნენ მეორე დღისათვის. „მადლობა ღმერთსა, რომ იერიშისა და ჩვენის მიხტომის შემდეგ მომიხდა წამოსვლა,—იფიქრა პან ლონგინუსმა.—საშინლად უნდა იყვნენ ახლა ესენი მოქანცულნი“.

ამ უკანასკნელის სიტყვების გავლება იყო გულში და ის იყო მოისმა კიდევ თქარა-თქური. ახლა სხვა დარაჯთა გუნდი მოდიოდა.

გარნა აქ ზედა-პირი დედა-მიწისა უფრო უსწორ-მასწორო იყო, დამალვა უფრო ადვილად შეიძლებოდა. დარაჯებმა ისე ახლოს გაუარეს პან ლონგინუსს, რომ კინალამ ზედ არ წააწყდნენ. ბედზედ, ცხენები დაჩეულები იყვნენ მკვდართა შორის გავლასა და არ დაუფთხნენ. პან ლონგინუსმა განაგრძო კვლავ გზა.

ათასის ნაბიჯის სიშორეზედ კვლავ შეეხეჩა ორს გუნდს დარაჯებისას. ცხადი იყო, რომ მთლად იმ წრეს, რომელიც ყაზახთა ბინას ეჭირა, ისე უფროთხილდებოდნენ, როგორც თვალის ჩინს.

მაგრამ მისი სიხარული ხანგრძლივი არ იყო. გაიარა თუ არა რამდენიმე ასი ნაბიჯი, დაინახა, რომ მისს ახლო, სულ ახლო ეილაც კაცი მოდის შავადა. პან ლონგინუსი, თუმცა გულადი იყო, კანკალმა აიტანა. უკან დახვევა გვიან-ლა იყო. ცხადი იყო, რომ შავად მომავალმა შეამჩნია ლონგინუსი და წამოვიდა წინა.

დადგა წუთი მერყეობისა, ხან-მოკლე, ვითა დახამხამებდა თვალისა. ბოლოს გაისმა ჩუმი გამოხმაურება:

— ვასილ, შენა ხარ?

— მე ვარ,—ჩუმადვე სთქვა პან ლონგინუსმა.

— არაყი იშოვე?

— ვიშოვე.

— მოიტა.

პან ლონგინუსი მიუახლოვდა.

— რამ აგულარწა აგრე, კაცო? — ჰკითხა იმავე შავად მოჩვენებულმა კაცმა შეშინებითა.

რალამაც გაიპრიალა სიბნელეში. იმავე წუთს გაისმა მოკლე, პირშივე ჩაწყვეტილი ხმა დარაჯისა: „ღმერ...!“ მერე მოისმა ტკაცა-ტკუცი ძვლების ტეხისა, ნელი კვნესა და შავად მომავალი მოსხებილივით დაეცა ძირსა.

პან ლონგინუსმა გასწია წინა.

მაგრამ ახლა იმავე გზით აღარ მიდიოდა, რადგან ცხადი იყო, რომ ამ გზაზედ დარაჯნი იდგებოდნენ ყველგანა; გაუხვია ყაზახთა ბინისაკენ, რადგან იმედოვნებდა, რომ იქნება თვით ურმებ შორის უფრო შეუმჩნეველად გავიპაროვო. თუ მეორე რიგი დარაჯთა არ სდგას კიდევა, წინ შემხვდებიან მხოლოდ ისინი, ვინც ბანაკიდან წამოვლენ დარაჯთა გამოსაცვლელადაო. ცხენოსანი დარაჯნი აქ ვერ იმოქმედებენო.

ერთს წუთს შემდეგვე აღმოჩნდა, რომ მეორე რიგი დარაჯთა არ იყო დაყენებული. სამაგიეროდ ბანაკი სულ ახლო იყო, მშვილდ-ისრის ორ სროლაზედა და კიდევაც უფრო ახლო სჩანდა, თუმცა პან ლონგინუსი ძრიელ ცდილობდა გაეწონა მანძილი და ბანაკსა და ურმებს შორის ისე ეარნა.

აღმოჩნდა, რომ ბანაკში ჯერ ყველას არ ეძინა. მიმქრალ ცეცხლებს გარს უსხდა რამდენ-რამდენიმე კაცი. ერთგან ცეცხლი ისევ დიდი ენთო, ისეთი დიდი, რომ მისი შუქი პან ლონგინუსსაც ადგებოდა; რაინდი იძულებული იყო ამის გამო ცოტა უკან დაეწია და ამ გაშუქებულს მიდამოს გაჭმო-რებოდა. შორიდან შეამჩნია დაკლული ხარები, რომელიც ხარიხად გადებულ ხეებზედ ეკიდა. ყაზახნი ატყავებდნენ ამ ხარებს, დანარჩენები ყურადღებით შესცქეროდნენ. ეს ადგილი ყაზახთა ბინის ის ნაწილი იყო, რომელიც ჩოდრებს ეჭირათ. დანარჩენი წყებანი ბარგის ურმებისა სიბნელეში იყო დანთქმული.

გარნა ის მხარი ბანაკისა, რომელიც გაშუქებული იყო აქა-იქ ოდნავ მგზნებარე ცეცხლებით, თითქო კვლავ მოუახლოვდა პან ლონგინუსსა. პირველში კი მარჯენივ იყო ის მხარი. ახლა უცბად შეჰნიშნა, რომ მის წინაც ბანაკის მხარია.

რაინდი შესდგა და დაიწყო ვარაუდი, ეს რა ამბავია და ან რა ყოფაში ვარო. მიხვდა, რომ შიგ მტრის შუაგულ იყო მომწყვდეული. ბანაკი, თათართა ბარგი-ბარხანა და ურდო ბრბოსი რგოლივით ჰქონდა შემორტყმული მთელს ზბარაესა. ამ რგოლის შუაგულს იდგნენ დარაჯნი და დადიოდნენ ცხენებით გუნდნი მზვერავთა, რომ იქიდან ვერავინ ვერ გასულიყო.

პან ლონგინუსის მდგომარეობა საშინელება იყო. ახლა ორში ერთი უნდა აერჩია: ან ურმებ შუა გაპარულიყო, ან სხვა გზას დასდგომოდა და გაეგლო ყაზახთა და თათრების ბარგი-ბარხანის შუა. უამისოდ უნდა ეტრიალნა გათენებამდე ამ წრეში, თუ ზბარაეს არ მოინდომებდა დაბრუნებას, მაგრამ ამ შემთხვევაშიაც შესაძლო იყო დარაჯთ ჩაჰვარდნოდა ხელში. მან მოისაზრა, რომ ნიადავი აქ უსწორ-მასწორა და შეუძლებელია ურემი ურემზედ ახლო იყოს მიდგმულიო. უთუოდ მათ შორის ხანი იქნება დატოვებული, ზოგან დიდი გზაცა, რომ ჯარს, ცხენოსნებს გავლა-გამოვლა შეეძლოსო. პან ლონგინუსმა გადასწყვიტა, მოენახე ამისთანა გასაველსაო და ამ აზრით უფრო ახლო მივიდა ურმებთანა. ცეცხლის შუქი საშიში იყო მისთვის, შეეძლოთ დაენახათ, მაგრამ მეორეს მხრით მისი მადლობელიც იყო: უიმისოდ ვერც ურმებს გაარჩევდა და ვერც გასაველს გზას დაინახავდა მათ შორის.

პატარა ხანს ათვალეირა იქაურობა და მალე იპოვა გზა, რომელიც შავად მოსჩანდა ურმებ შუა. იქ ცეცხლი არსად ენთო, ყაზახებიც არ უნდა იყვნენო. მაგ გზაზედ მხოლოდ ცხენოსანი ჯარი დადიოდა. პან ლონგინუსი გაწვა დედა-მიწაზედ და დაიწყო ხოხვა. იმდენი იხოხა ასე მუტლითა, რომ იმ ორობესავით შავად შებურვილს გზაში შეხობდა, თითქო გველი შეძვრა თავის სოროშიო.

გაიარა საათის გეოთხედმა, ნახევარ საათმა და შინც მიხობხვდა სულ ასე და თან თავის ხელსა და ხორცს ავედრებდა ძალთა ციურთა. იქნება მთელის ზბარაჟის ბედი იმაზედ იყო ახლა დამოკიდებული, მშვიდობით გაივლიდა ამ საფათერაკო გზასა თუ არა და პან ლონგინუსი ლოცულობდა არა მარტო თავისათვის, არამედ იმათთვისაც, ვინც მისთვისა ლოცულობდნენ ახლა.

აქეთ-იქით ყოველივე დამშვიდებული იყო. ერთ კაცს არ გაუქაქანია, ცხენს არ დაუფრუტუნებია, ძალს არ დაუყუფენია. და აჰა პან ლონგინუსი გასცილდა ხობხვით საშიშს ადგილსა. მის თვალწინ შავად მოსჩანდა ბუჩქების იქით მუხის ქალაკი, და მერე ტყე გაბზმით ტოპოროვამდე, ტყის იქით მეფე იყო, ზენა და დიდება, ღვაწლი და დამსახურება ღვთისა და ხალხის წინაშე. რა არის სამი თავი თათართა, რომელიც მე მოვკვეთე ერთადო ამ დიდ ღვაწლთან შედარებით? მის შესასრულებლად სხვა რამ არის საჭირო რკინის მარჯვენის გარდა.

პან ლონგინუსს თითონაც კარგად ესმოდა რა გარჩევა იყო, გარნა მის წმინდა გულს ეუცხოვებოდა ყოველგვარი ზვიანობა.

წამოღვა ზეზე და გასწია წინა, იქით მხარეს დარაჯნი ნაკლებად იყვნენ. ადვილი იყო ასცდენოდა მათ კაცი. წვიმამ უფრო ძლიერ დაუშვა, გაჰქონდა შუილი ხეებ შორის და ამიტომ მის ფეხის ხმა სრულიად არ ისმოდა. პან ლონგინუსმა ფეხი ააჩქარა. ურმები უფრო შორს დარჩა, და მუხის ქალაკი მასთან ერთად უფრო დაახლოვდა.

აი ქალაკიც. ისე ბნელოდა იქ, თითქო ქვესკნელიაო, მაგრამ ეს უკეთესი იყო. ამოვარდა ნიაფი, მუხის ფოთოლთ შრიალი დაიწყეს, თითქოს ლოცვას ამბობდნენ ჩურჩულითაო: „ღმერთო დიდებულო, ღმერთო ყოვლად-მოწყალეო, დაიცვი მონა შენი, ერთგული ძე მიწისა, რომელზედაც ჩვენ აღმოვცუნდით სადიდებლად შენდა!“

უკვე კარგა დიდს მანძილზე დაშორდა პან ლონგინუსი პოლონელთ თხრილ-გალაფნებსა. შუბლზე რაინდს ხვითქი გა-

დასდოდა, ჰაერი შეგუბდა, თითქო ქექა-ქუხილს აპირობსო. ის კი სულ მიდის, მიდის წინ და ყურადღებას არ აქცევს ქექა-ქუხილსა, იმიტომ რომ მისს გულში ანგელოზნი გალობენ. ქალაკი თხელდება. აღბად ეს პირველი ველიაო. მუხის ფოთოლთ უფრო მეტად გაიშრიალეს, თითქო უნდათ სთქვან: „მოიცადე აქა, ჩვენს ფრთებს ქვეშე უფრო უშიშრად იქნებიო, მაგრამ რაინდს არა სცალიან, აღარ იცლის და გადის ველზედა. მისს შუაგულს სდგას ერთი მუხა, მაგრამ ყველა სხვაზე უფრო მაღალი. პან ლონგინუსი მიდის პირ-და-პირ ამ მუხასთან. უცბად, როცა რამდენიმე ნაბიჯი-ლა აკლდა მუხამდე მისვლასა, მისს კარავივით გაშლილ ტოტებ ქვემოდან შავად გამოჩნდა ათიოდე კაცი, რომელნიც მგლებივით მიუხტნენ რაინდსა.

— ვინა ხარ შენა?—ეკითხებიან ისინი.

იმათი ენა არ ეყურება რაინდს. თავზე რაღაც წოწოლა ქულები ჰხურავთ,—თათრები თუ არიან, მწყემსნი და აქ შეუფარებიან თავი წვიმაში. ამ დროს ცეცხლივით წითელმა ელვამ გაანათა ველი, მუხა, განადირებული თათართა სახენი და თვით რაინდი. საშინელმა შეღრიანებამ შეარყია ჰაერი, ბრძოლა გაჩაღდა თვალის დახამხამებაშივე.

თათრები ეცნენ პან ლონგინუსს, როგორც მგლები ირემსა, სტაცეს რკინასავით მაგარო ხელები, მაგრამ მან მიიწ-მოიწია და თავს-დამსხმელნი ძირს გაშლართა. მერე ჰაერში გაისმა ზუზუნნი საშინელის ზერვიკაპტურისა, კვნესა, ღრიალი, მოწოდება შეელისა, ჭიხვინი შეშინებულის ცხენებისა. მიჩუმებულმა ველმა დაიწყო გრიალი ყოველ იმ შემადრწუნებელს ხმაზედა, რომლის გამოცემაც კი შეუძლიან აღამიანის ყანყარატოს.

თათრები რამდენჯერმე მისცვიდნენ რაინდს გუნდ-გუნდად, მაგრამ ის უკვე მიეზღინა ზურგით ხეს და იქნევდა გამალებული უშველებელს მახვილსა. მის ფეხ-ქვეშ დაეცა რამდენიმე შუაზედ გაპოზილი კაცი; დანარჩენმა თათრებმა უკან დაიწიეს და შიშითა თრთოდნენ.

— მღევი! მღევი!—გაისმა მათი მქისე ღრიალი.

მაგრამ იმათ ღრიალს ტყემ ბანი მისცა. არ გაეიდა ნახე-
ვარ-საათი და მთლად ველი გაივსო ცხენიანისა და ქვეითის
ხალხითა. მოცვინდნენ ყაზახნი და თათარნი კეტებითა, ცელე-
ბითა, მშვილდებითა, ანთებულის მკერებითა. შედგა ერთი კით-
ხეა-გამოძიება: რა ამბავია, რა მოჰხდა?—მდევია!—ამბობდნენ
პასუხად მწყემსნი.—მდევია!—იმეორებდა ბრბო.—ლიახია! მდე-
ვია! დაჰკა! ცოცხალი შეიპყარ! ცოცხალი!

პან ლონგინუსმა ორჯელ გაისროლა დამბაჩა, მაგრამ დამბა-
ჩის ხმას ველარ გაიგონებდნენ პოლონელთა ბანაკში.

ბრბო რკალივით შემოერთყა და მოიწვედა მისკენ, ხოლო
რაინდი იღვა ისეე მიჩრდილოლი ღ ელოდა მათ მახვილით ხელში.

ბრბო სულ მიუახლოვდა. ბოლოს გაისმა ხმა ბრძანებისა:
— სტაცეთ ხელი!

ყველანი, ვინც კი ახლოს იყვნენ, ეცნენ რაინდსა. ყვი-
რილი და ხმაურობა შესწყდა. ისინი, ვინც წინ მისვლას ვერ
ახერხებდა, უნათებდნენ მკვარს თავ-დამსხმელთ.

მუხის ქვეშ ერთი ვაი-ვაგლახი იყო და იქიდან მხოლოდ
კენესა და გმინვა მოისმოდა. ბოლოს შიშისა და ძრწოლის
ხმა აღმოხდათ გულიდან თავ-დამსხმელთა. ბრბო ერთს წუთს
გაიფანტა აქეთ-იქითა.

ხის ქვეშ დარჩა პან ლონგინუსი, ხოლო მის ფეხთა წინა-
შე ეყარა მთელი გროვა ხალხისა, რომელსაც სულთ-ებრძოდა
და გაჰქონდა თახთახი და კანკალი სიკვდილის წინადა.

— თოკები! თოკები!—დაიგრილა ვიღამაცა.

რამდენიმე კაცი გაიქცა თოკებზედა და ერთს წუთს შემდეგ
გაჩნდა თოკებიცა. რამდენიმე ზორბა ყაზახი ეცა თოკებს დაი-
თითოეს მისი წვერები და უნდოდანთ ხეხედ მიეკრათ პან ლონგი-
ნუსი. მაგრამ რაინდმა შემოიქნია მახვილი და ყაზახნი დაეცნენ
ძირს აქეთ-იქითა. ასეთივე ბედი ეწიათ შემდეგ თათრებსაცა.

რაკი დაინახეს, რომ ბევრი ხალხი ვერას მოახერხებსო,
რამდენიმე ნოლა თათარი წავიდა მისკენ თავ-გამოდებით, უთუ-
ოდ ცოცხალი უნდა შევიპყრათ ეგ ვიღაც ბუმბერაზიო, მაგრამ
რაინდმა უკუ-აქცია ისინი. მუხა ორ-ღერძიანი იყო და ზურგის

მხრით კარგად იფარავდა რაინდს, ხოლო წინ, ვინც კი იმდენად ახლო მოვიდოდა, რომ ხმალი მისწვდებოდა, იქვე ძირს ეცემოდა თავ-გაჩეხილი, ან შუა გასხეპილი. ძალ-ღონე პან პოლბიენტასი თითქო უფრო მატულობდა თან-და-თან.

ბრბო გაბრაზდა, მიჰყარ-მოჰყარა აქეთ-იქით ყაზახნი და დაიწყო ძახილი:

— ლუკ! ლუკ!

პან პოლბიენტამ დაინახა, რომ მიჰმართეს მშვილდები და დაუწყეს ისრებს ამოღება კაპარქიდან. ახლა კი მიჰხვდა, რომ ჟამი სიკვდილისა მოახლოვდაო და დაიწყო თქმა საანდერძო ლოცვებისა.

ყოველივე მიწყნარდა. ბრბომ სული განაბა, აბა ენახოთ, რა მოჰხდებოა.

პირველმა ისარმა მაშინ გაიზუზნა, როცა პან ლონგინუსმა წარმოსთქვა: „დედაო მხსნელისა“, და გაჰფხაჰნა საფეთქელი.

მეორე ისარმა გაიზუზუნა, როცა პან ლონგინუსმა სთქვა: „ყოვლად-წმინდაო ქალწულო“, და ჩაერქო მხარშია.

სიტყვები ლოცვისა შეერია ისართა ზუზუნსა.

და როცა პან ლონგინუსმა სთქვა: „ვარსკვლავო განთიადისაო“, ისრები უკვე ჩარქობილი ჰქონდა მხრებში, ფერდში, ბარძაყებში... საფეთქელიდან თქრიალით ჩამოსდიოდა სისხლი და უვსებდა თვალებს. თითქო წყვდიადი ჩამოეშვაო მისს წინ, ისე ჰხედავდა ახლა ველს, თათრებს, ხოლო ზუზუნი ისრებისა აღარ ეყურებოდა. ჰგრძნობდა, რომ ვსუსტდებო, მუხლი მეკვთებო, თავი დაუმიძმა და მკერდზედ დაჰხროდა... ბოლოს დაეშვა ძირს და დაიჩოქა.

მერე წყნარის კენესითა და ჩურჩულითა სთქვა: „დედოფალო ანგელოზთაო!“ და ეს იყო მისი უკანასკნელი სიტყვები ამ ქვეყნად.

და ანგელოზთა ცისათა წაიღეს მისი სული და, ვითა მარგალიტი ობოლი, დასდევს ქვეყნის დედოფლისა, მღვთის მშობლისა ჩვენისა ფერხთა წინაშე.

VI

პან ვოლოდიევსკი და ზაგლობა მეორე დღეს დილით იდგნენ თხრილებზედ და ყურადღებით გაიციირებოდნენ ყაზახთა

ბანაკისაკენ, საიდანაც ნელ-ნელა უახლოვდებოდნენ მდაბიოთა ბრბონი. სქშეტუსკი თავადთან იყო წასული სათათბიროდ, ხოლო ეს ორნი, რაკი საქმე არა ჰქონდათ-რა, მუსაიფობდნენ გუშინდელ ამბების გამო და თან თვალ-ყურს ადევნებდნენ მტრის ბანაკს.

— სასიკეთოს არას მოასწავებს ეს ჩვენთვისა, — სთქვა ზაგლობამ და ანიშნა ამხანაგს აუარებელი ბრბო, რომელიც ღრუბელივით მოაბნელებდა არე-მარეს. ალბად ისევ იერიშის მოსატანად მოდიან, ჩვენ კი ისე მოვიქნაცენით, რომ იწრაღის დაქერის თავი აღარა გვაქვს ხელში.

— რა იერიშის მოტანა შეიძლება ამ შუადღისას? — უბასუბა პატარა რაინდმა. — გუშინდელს ჩვენს თხრილებს თუ დაიქერენ, მერე ახალს დაუწყებენ მოახლოვებას და ასტეხენ თოფის სრილას.

— ზარბაზნებითაც კი შეიძლებოდა მაგათი დაფთხოვა. ვოლოდიევსკიმ ხმა დაიდაბლა.

— თოფის-წამალი ცოტა გვაქვს. თუ ასე გასტანა, ექვს დღესაც აღარ გვეყოფა. მაგრამ ამ ხანში მეფეც მოგვისწრებს.

— ეჰ, რაც მოგვივა, მოგვივა. ნეტა კი ის ჩვენი საწყალი პან ლონგინუსი გადარჩეს მშვიდობით. წუხელი თვალი არ მომიხუჭნია, სულ ის მაგონდებოდა; წამთვლემავდა თუ არა, მაშინვე იმასა ვნახავდი სიზმარში და ისე მეცოდებოდა, ისე მეცოდებოდა, რომა... ყოვლად კარგი რამ არის, მთელი რესპუბლიკა რომ შემოიარო, იმისთანა კაცს ვერ იპოვი, თუნდა ფარანი დაიქირო ხელში და ისე ეძებო სამი წელიწადი და ექვსი თვე.

— მაშ რაღაზედ იგდებდი მასხარად დღე-მუდამა?

— იმიტომ, რომ ენა ცუდი მაქვს გულზედა. ეჰ, მაგას ნულარ მისაყვედურებ, გეთაყვა, უიმისოდაც ძრიელ ვლანძღავ ჩემს თავსა და, ღმერთმა დაიფაროს, იმას რომ აუტყდეს რამე, სიკვდილამდე ვეღარ მოვისვენებ.

— ნურც აგრე იწუხებ. არასოდეს შენზედ იმას გული არ მოსვლია. მე თვითონ ხშირად გამიგონია, რომ ასე უთქვამს შენი: „ენა აქვს ცუდი, თორემ ოქროს გულისააო“.

— ღმერთმა დიდი ღლე მისცეს ჩემს სულ-გრძელს მეგობარს! მართალია, აღამიანურს ლაპარაკს ვერ ახერხებდა ხოლო-

მე, მაგრამ სამაგიეროდ მრავალი ღირსება ჰქონდა. შენ როგორა გგონია, პან მიხალ, ხომ მშვიდობით გაივლიდა, გადარჩებოდა სიკვდილსა?

— ლამე ბნელი იყო და ყაზახნიც ძალიან იქმნებოდნენ დაღალულნი დამარცხების შემდეგა. ასე გასინჯე, ჩვენც არა გვდგომია წუხელის ყარაულები და, აბა, ისინი უფრო სად შეიძლებდნენ დარაჯების დაყენებასა!

— ღმერთმა ჰქნას, რომ აგრე იყოს! პან ლონგინუსს და ვაზარე, კარგად მიიკითხ-მოიკითხე ჩვენის საწყალის კნიაჟნას ამბავი, იქნება გაიგო რამე, ხომ არავის უნახავს-მეთქი. მე მგონია, რომ ჟენძიანი მეფის ჯარებს წააწყდებოდა სადმე. პან ლონგინუსი, ეჭვი არ უნდა, არსად არ დაისვენებს და მეფეს მოიყვანს აქა. თუ მართლა ასე მოხდა, მალე გავიგებთ რასმე კნიაჟნას ამბავისასა.

— მე სწორედ მჯერა იმ ბიჭის მოხერხება და მგონია კიდევცა, რომ გადაარჩენდა როგორმე კნიაჟნას. უნდა მართალი გითხრა, ჩემი და რომ იყოს, იმაზედ მეტად აღარ მეყვარებოდა, როგორც ახლა მიყვარს.

— შენ დათ მიგაჩნია და მე კი ჩემი ღვიძლი შვილი მგონია. ღმერთი-რჯული, ამდენის სევდა-ნადველით სულ გამითვთრდება წვერი, ხოლო გული გამისკდება იმის დარღითა. ძლივს შეგიყვარდება ვინმე, მიიხედ-მოიხედავ და აღარსად არის; უნდა დაჯდე და გიკვდებოდეს გული, კანკალებდე, ვაი თუ რა დაემართა და როგორ არის იმისი საქმე; უნდა იჯდე და სწუხდე იმისთვის, მერე ისიც ცარიელის მუცლითა და დაფხრეწილის ჩაჩითა, რომელშიაც, თითქო ჭერი გახვრეტილა სადმეო, უნდა დაგდიოდეს მელოტს თავზედ წვიმა და ავდარი. ძაღლებს უკეთესი ცხოვრება აქვთ ეხლა რესპუბლიკაში, ვიდრე შლიახტას, ხოლო ჩვენ ოთხს ხომ ყველა ზედ მეტი შეწუხება გვადგია. როგორ გგონია, დრო არ არის ვითომ გავემგზავროთ საიქიოსა, პა?

— რამდენჯერმე ესთქვი გულში, მოდი ვუამბოთ სქშეტუსკის ყოველივე-მეთქი, მაგრამ ერთი რამ შემიშლიდა ხოლმე ხელსა: თვითონ არას ამბობს, ხმას არ იღებს იმ ქალზედა-მეთქი და თუ შემთხვევით გაიგონა რამე, მაშინათვე შემფოთდება ხოლმე, თითქო შიგ გულში უჩხვლიტეს მახათითაო.

— უამბე, უამბე, გაუხსენი პირი მის გულის იარებსა, რომ-
ლებიც მოურჩა ომის ცეცხლშია და ის ქალი კი, ვინ იცის,
იქნება ახლა ხელთ უგდია რომელსამე თათარსა, წაუვლია ნა-
წნავეებში ხელი და პერეკოპს იქით მიაპანწიალებს. სულ თვალთ
მიბნელებს, როცა ამისთანა სურათს წარმოვიდგენ ხოლმე
თვალ-წინა. მედა ჩემმა ღმერთმა, სიკვდილი სჯობიან ამისთანა
სიცოცხლესა: მხოლოდ უწესოება სუფევს ქვეყნად და სხვა
არაფერი. ნეტავი პან ლონგინუსი მაინც გადარჩებოდეს მშვი-
დობითა.

— ის უფრო სასიამოვნოა ღვთისათვის, იმიტომ რომ გულ-
კეთილი კაცია. მაგრამ, ერთი შეჭხედე, რას სჩადიან აის ავა-
ზაქანი.

— მზე ისე ბრწყინავს, რომ თვალები მიბჭყვრიანებს და
ვერასა ვხედავ.

— გუშინდელს ჩვენს თხრილებს უპირობენ გადასწორებას.

— აკი გითხარი, იერიშს მოიტანენ — მეთქი. აბა, წავიდეთ
ახლა კი საკმაო ხანს ვიდევით აქა.

— იერიშისათვის კი არ უნდათ გადათხარონ, უნდათ გზა
ჰქონდეთ, რომ თავისუფლად დაიწიონ უკან. ალბად მაგ გზა-
ზედ მოაგორებენ მანქანებსაცა. შეჭხედე, რა ნაირ ლაპლაპებს
მზეზე იმათი ნიჩბები! ორმოც ნაბიჯზედ თითქმის სულ გადა-
ასწორეს თხრილები.

— ახლა ვხედავ.

პან ზაგლობამ ხელით დაიჩრდილა შუბლ ქვეშა და დაი-
წყო ცქერა. სწორედ ამ დროს, გადასწორებულ ადგილზედ
გადმოვარდა აღიდებულ მდინარესავით ბრბო და გაავსო სივრცე
ორ თხრილშიაც. ზოგმა მაშინვე თოფის სროლა დაიწყო, ხო-
ლო ზოგი შეუღდა სიმაგრეების კეთებასა და მიწის გალავნის
აყვანას მთლად პოლონელთა ბანაკის გარშემო.

— ეჭე! — დაიძახა ვოლოდიევსკამ, — აგერა მანქანებიცა.

— ჰო და, მაშ იერიშსაც მოიტანენ. წავიდეთ აქედანა.

— არა, ეს სხვებია, — სთქვა პატარა რაინდმა.

მართლაც ახალი მანქანები ისე არ იყო აგებული, როგორც
ჩვეულებრივი „მოსიერნე ციხე-ქალაქნი“; ოთხივ კუთხივ დაფან-

ჯრული კედლები ჰქონდა და ზედ ტანისამოსი და ტყავები ეფარა; შიგ იხსდნენ მოისრენი და მეთოფურნი, რომელთაც უშიშრად შეეძლოთ სროლა და ზარალი მტრისა.

— წავიდეთ, ცოფიანს ძაღლებსაც დაუქამიათ ეგენი, — განიმეორა ზაგლობამ.

— მოიცადე, — უპასუხა ვოლოდიევსკიმ.

და დაუწყო თვლა მანქანებს იმის-და მიხედვით, რამდენიც გამოჩნდებოდა.

— ერთი, ორი, სამი... ეტყობა, საკმაოდ ბევრი უნდა ჰქონდეთ... ოთხი, ხუთი, ექვსი.... სულ მაღლა-მაღლა ამოდიან.... შვიდი, რვა... რაც ამ ჩვენს მეიდანზე ძაღლებია, სულ დაჰხოცავენ, ისეთი მსროლელნი იქმნებიან იმ მანქანებზედა... ცხრა, ათი... ისე მოჩანს თითოეული, თითქო ხელის გულზეა გაშლილიო... თერთმეტი...

პან მიხალმა უცებ შესწყვიტა თვლა.

— ეს რა არის? — იკითხა მან უცნაურის ხმით.

— სადა?

— აიქ, სულ მაღალზედა... კაცი ჰკილია!

— ჰო, მართალია, — სთქვა ზაგლობამ.

უცბად ვოლოდიევსკი გაფითრდა ზარდაშოსავით და შეწყვირა მწუხარებითა:

— ღმერთო, ყოვლად შემძლებელო, პოდბიპენტა!

თხრილებზედ გაისმა ყრუ ლაპარაკი, თითქო ქარმა დაუბერა ხის ფოთლებს და შრიალი დააწყებინაო. ზაგლობამ ჩაჰლუნა თავი, თვალებზედ ხელები მიიფარა და ჩურჩულებდა გაქვავებულის ტუჩებითა:

— იესო, მარიამ! იესო, მარიამ!

ხმაურობა და ლაპარაკი უფრო-და-უფრო ძლიერდებოდა და ბოლოს მრისხანე მუქარად გადაიქცა, თითქო ზღვა აზვირთებულა და ჰბობოქრობსო. მთლად ჯარმა, რომელიც კი თხრილებზედ იდგა, დაინახა, რომ იმ სამარცხენო თოკზედ ეკიდა ამხანაგი მათი, რაინდი მწიკვლ-მოუცხებელი, გაიგო ყველამ, რომ ის იყო პან ლონგინუს პოდბიპენტა და საშინელმა სიბრაზემ ყალბზედ შეუყენა თმა ჯარის-კაცებს.

ზაგლობამ მოიშორა ბოლოს ხელები თვალთაგან. საშინელი შესახედავი იყო: ტუჩებზე დორბლი ჩამოსდიოდა, პირისახე მთლად გაჰლურჯებოდა, თვალები ისე უბრიალებდა, თითქო ეს-ეს არის ძირს გადმოსცივიაო.

— სისხლი! სისხლი! — დაიღრიალა ისეთის ხმითა, რომ ყველა მის ახლო მყოფნი შეხტნენ შიშითა.

შლიახტიჩი გადახტა ძირს. მას მიჰყვნენ ყველანი, ეინც კი თხრილებზედ იდგნენ. ვერაფითარი ძალი, თვით თავადის ბრძანებაც კი, ველარ შეიმაგრებდა ამ გაცოფებას. ძირს, თხრილში, ზოგმა ერთმანეთს უზურგულეს და ისე ავიდნენ მალლა, ზოგი ხელითა და კბილებით ექიდებოდა ჩამოთლილს მიწას და ისე უნდოდა მალლა ახტომა; ხოლო ეინც ავიდა მალლა, ის გარბოდა და უკან აღარ იხედებოდა, რომ შეეტყო, მოდიან სხვებიცა თუ არაო. მანქანები კვამლსა და ბოლში გაეხვია, ისეთი სროლა და თოფის გრიალი ასტეხეს იმათზე მსხდომთა, მაგრამ მით ვერაფინ შეაშინეს. ზაგლობა პირველი მიჰფრინავდა ხმალ-ამოწვდილი, საშინელი, საზარელი, გაძძანვარებული, თითქო ხარი დამფრთხალაო. ყაზახნი მაგრად დაჰხდნენ თავ-დამსხმელთა და შეეხეთქნენ ასე მოპირისპირენი, თითქო ორი ქვის კედელი ერთმანეთს დაეტაკაო. გარნა გამომძლარი ძაღლები დიდ ხანს ვერ გაჰმაგრდებიან დამშეულ და გაცოფებულ მგლებსა. ყაზახნი შედრკნენ, ხმლის ცემას ველარ შეუძღეს და იბრუნეს ზურგი. პან ზაგლობა ისე მძინვარებდა, როგორც ძუ-ლომი, რომელსაც ლეკვი მოსტაცეს; გადავარდებოდა შიგ მტრის შუა-გულ, იქნევდა ხმალს და ჰმუსრავდა გარშემო ხალხს გაათურებული. იქვე მის ახლო ცეცხლივით მოსდებოდა მტერს ვოლოდიევსკი.

მანქანებზედ მყოფნი სულ ამოსწყდნენ, დანარჩენი ყაზახნი გაიქცნენ. ჯარის-კაცებმა ფრთხილად ჩამოხსნეს პან პოდბიპენტმა და ჩამოიტანეს ძირს.

ზაგლობა დაემხო მისს გვამზედა.

ვოლოდიევსკის გული უკვდებოდა, თავისს მკვდარს ამხანაგს რომ ჰხედავდა. ადვილი მისახვედრი იყო, რა სიკვდილიცა ჰრგებოდა ხვედრად პან ლონგინუსსა: ტანი სულ დაწყლოლებული ჰქონდა ისრებითა. მხოლოდ პირისახე გადარჩენოდა

ხელ-შეუხებელი და მარტო ერთი წყლული ჰქონდა საფეთქელ-ზედა. რამდენიმე წვეთი სისხლისა შეჭნობოდა ლოყაზე, თვალები დახუჭული ჰქონდა, გაყვითლებულ სახეზედ ღიმილი გადაჰფენოდა და მოლურჯო სიყვითლე რომ არ დასტყობოდა, სიკვდილს რომ მწარედ არ გაეცივებინა და გაეყინა მისნი ნაკვანი, კაცს ეგონებოდა, რომ პან ლონგინუსს დამშვიდებითა სძინავსო. ამხანაგებმა აიღეს ფრთხილად მისი გვაში, შეიღეს მხრებზე და წაასვენეს ციხე-დარბაზის საყდარში.

სალამოზედ მოამზადეს კუბო, ხოლო როცა დაღამდა, თვით ანდერძიც აუგეს.

შემოკრბა მთლად სამღვდელოება ბარაკისა, გარდა ქსენდზუხაბკრესკისა, რომელიც სასიკვდილოდ იქნნა დაჭრილი უკანასკნელი იერიშის დროს. მობრძანდა მთავარიცა, რომელსაც თავის თანამდებობის ასრულება მიენდო კრასნოსტავის უფროსისათვის, მოვიდნენ სარდალიცა, პან სახასო მედროშეცა, პან ფშიეჟსკიცა, სქშეტუსკიც, ზაგლობაც და ყველა აფიცერი იმ სადროშოსი, რომელშიაც მსახურებდა განსვენებული. კუბო დაასვენეს ახლად გაჭრილის საფლავის მახლობლად და დაიწყო ცერემონია.

წყნარი ღამე იყო. ცა ვარსკვლავებით გადაქედილიყო. მაშხალები დაუბრკოლებლად ანათებდნენ იქაურობას; სინათლე მათი მიჰფენოდა კუბოს ყვითელ ფიცრებს, მთავარს და რაინდთა დაღვრემილ სახეს.

საცეცხლოურების კვამლი თავისუფლად მიდიოდა ცისაკენ და აერცვლებდა გარშემო საკმლის კეთილ-სუნენლებასა; დუმილს არღვევდა მხოლოდ თავ-დაქერილი ქვითინი პან ზაგლობასი, ღრმა ამოოხვრა რაინდების ზორბა გულთა და შორიდან მომავალი ხმა თოფის სროლის გრიალისა თხრილებზე.

ქსენდზუ მუხოვეცკიმ ალაპყრო ხელი, რაინდებმა განაბეს სული, ხოლო მღვდელმა პატარა ხნის სიჩუმის შემდეგ მიჰმართა თვალნი ვარსკვლავებით მოქედილ ცას და დაიწყო:

„რა კაკუნი ისმის ღამე იქ ზეციურის კარისა?—იკითხა ქრისტეს კანდელაკმა, რომელიც ტკბილ ძილში იყო და ამ კაკუნზე გამოელვინა.—გააღე, წმინდაო პეტრე, გააღე, მე ვარ პოდბიჰენტა“.

„გარნა რა საქმე, რა ღვაწლი გაბედვინებს შენ, პოდბი-
პენტა, წმინდა მეკარეს შეწუხებასა? რა უფლებით გინდა შე-
ხვიდე იქ, საცა ვერ შევა თავის ნებით, ვერც დიდებული, ვერც
სენატორი, ვერც პატრონი დიდ-დიდის სამეფოსი, საცა შე-
დიან არა ფართო და სწორე გატკეპნილი გზით, არამედ ხე-
ლობისა და სათნოების, ვიწრო და ეკლიანის ბილიკითა? "

„ოჰ, გააღე წმინდაო პეტრე, გააღე ჩქარა! ისეთის ცი-
ცაბო და მიხვეულ-მოხვეულის ბილიკით მოდიოდა ჩვენი ძვირ-
ფასი მეგობარი და ბოლოს მოვიდა შენთან მოღალეული, ვითა
მტრედი ხანგრძლივის ფრენის შემდეგ, მოვიდა შიშველი, ვითა
ლაზარე, მოვიდა ვით წმინდა სებასტიანე, განგმირული წარ-
მართთა ისრებითა, ღარიბი ვითა იობ, წმინდა ბატკანი, უცო-
ღველი და უმწიკვლო, მსხვერპლითა სისხლისათა, რომელიც
სიხარულით იქმნა დანთხეულ სამშობლოსათვის.

„შეუშვი, წმინდაო პეტრე... თუ მაგას არ შეუშვებ, მაშ
ვიღას-ღა შეუშვებ ამ დროს ცოდვისა და ბოროტ-მოქმედე-
ბისასა? "

„შეუშვი, წმინდაო კანდელაკო, შეუშვი ეგ ბატკანი; შე-
უშვი და სძოვოს ბალახი სამოთხის საბალახოზედა, ვინაიდან
მშიერი მოვიდი სბარაჟიდან. "

ასე დაიწყო თავისი სიტყვა ქსენდზმა მუხოვეციკიმ და ისე-
თის მკვერ-მეტყველებით დაჰხატა სურათი პან ლონგინუსისა,
რომ ყველამ იგრძნო არარაობა თავისი წინაშე იმ საწყლად
მორთულის კუბოსი. რაინდებმა თან-და-თან უფრო ცხადად
წარმოიდგინეს, რა დიდი დასაკარგი დაკარგა სბარაჟმა. ხოლო
ქსენდზი თან-და-თან უფრო მეტს აღფრთოვანებას იჩენდა და
როცა ამან დაიწყო აღწერა იმისი, თუ როგორ გავიდა ციხიდან
პოდბიპენტა და როგორ იმარტვილა მოწამემან ამან, მღვდელს
სულ გადაავიწყდა სხვათა ნათქვამი სიტყვების გახსენება და რი-
ტორობა, დაიწყო თითონაც ტირილი ზაგლობასავეთ და გულ-
ამოსკენილი ტიროდა: „მშვიდობით ძმაო, მშვიდობით მეგო-
ბარო! არა მიწიერ მეფესთან, არამედ ზეციერთან მიდიხარ შენ
და იქ მისს ტახტის ფერხთა წინაშე მიიტან ამბავს ჩვენის გმინ-
ვა-მწუხარებისას, ჩვენის სიმშლიისას, ჩვენის სასოწარკვეთილე-

ბისას, იქნება იქ გამოსთხოვო ვედრებით შემწეობა ჩვენდა, გარნა ვაი რომ შენ თითონ ველარ დაგვიბრუნდები... და აჰა ჩვენც ესტირით, ვგლოვობთ ცრემლით შენს კუბოს, იმიტომ რომ გულით გვიყვარდი შენ, ჩვენო საყვარელო ძმაო!"

მღვდელთან ერთად სტიროდნენ ყველანი მთავარიცა, სარდალნიცა, ჯარიცა, ხოლო ყველაზედ უმეტესად სტიროდნენ მეგობარნი განსვენებულისა. ხოლო როცა მღვდელმა პირველად უგალობა „განუსვენე უფალო სულსა მონისა შენისასა“, გაისმა საყოველთაო ქეითინი, თუმცა ყველა იქ დამსწრენი ყოველ დღე, ყოველ საათს სიკვდილსა ჰხედავდნენ თვალ-და-თვალ, სიკვდილს უდგნენ პირისპირ.

როცა კუბოს, დაუპირეს ჩაშვება საფლავში პან ზაგლობა ისე დაეკრა კუბოს თითქოს მის მამას ან ძმას ასაფლავებნო.

სქმეტუსკიმა და ვოლოდიევსკიმ ძლივს ძლიობით მოაშორეს იგი კუბოს. თავადი მივიდა საფლავთან და აიღო ერთი მუჭა მიწისა; მღვდელმა დაიწყო: „სულსა განსვენებულისა“... კუბო ჩაუშვეს საფლავში და თითო მუჭობით მოყრილმა მიწამ ყრულ დაიწყო ხმაურობა კუბოს სახურავზე. აყრიდნენ მიწას მუჭითა, მუზარადითა და პან ლონგინუსს პოდბიპენტას საფლავზედ მალე დადგა გორა მიწისა, რომელსაც დაადგა მკრთალი, მწუხარე ნათელი მთეარისა.

სამი მეგობარი მოდიოდა უკან ქალაქიდან მეიდნისაკენ, საიდანაც მოისმოდა გრიალი თოფის სროლისა. მოდიოდნენ მღუმარებით, არც ერთს არ უნდოდა დაეწყო ლაპარაკი პირველად, ხოლო სხვა ტაგუფნი რაინდთა მოლაპარაკობდნენ და მიცვალებულის შესახებ ჰქონდათ ბაასი; ყველანი ერთ ხმად აქებდნენ და აღიდებდნენ განსვენებულს.

— ისეთის ამბით დაასაფლავეს,—სთქვა რომელღაც აფიცერმა, როცა სქმეტუსკის გაუარა გვერდზე,—რომ პან სერაკოვსკიც არ დაუსაფლავებიათ ეგრეთის ღიდებით.

— ემართლებოდნენ კიდევ,—უპასუხა მეორე აფიცერმა.—სხვა ვინ გაბედავდა შეფესთან წასვლას.

— მე კი გავიგონე,—დასძინა მესამემ,—რომ ვისნევეცკიანთა შორის რამდენიმე სხვაც ყოფილა მსურველი წასვლისა,

მაგრამ ასეთის საშინელის მაგალითის შემდეგ, უნდა ვიფიქროთ, ყველას ხალისი დაეკარგება.

— მართალი არის მე და ჩემმა ღმერთმა. გველი რა არა, გველიც კი ვერ გაძვრება იმათ შორის.

აფიქრებმა გაიარეს. კვლავ ჩამოვარდა მღუმარება. უცებ ვოლოდიევსკიმა სთქვა:

— გაიგონე, იან?

— გავიგონე, — უპასუხა სქშეტუსკიმ. — ახლა ჩემი რიგია.

— იან! — უთხრა ვოლოდიევსკიმ დინჯადა, — დიდი ხანი მიცნობ, იცი ისიცა, რომ განსაცდელის წინაშეც არ დავიწვევ ხოლმე უკან, ხოლო აქ განსაცდელი კი არა, პირდაპირ თავის მოკვლაა.

— მერე შენ ამბობ მაგას, მიხალ?

— მე ვამბობ, იმიტომ რომ შენი მეგობარი ვარ.

— მეც შენი მეგობარი ვარ. მაშ მომეც რაინდული სიტყვა, რომ შენ აღარ წამოხვალ, თუ მე მოვკვდები.

— ოოჰ, ეგ არ შეიძლება! — სთქვა ღალადებით ვოლოდიევსკიმ.

— ჰოო ჰხედავ! მაშ რა ნება გაქვს მომთხოვო ის, რასაც შენ არ იტვირთებდი? დეე ასრულდეს ნება ღვთისა!

— მაშ ნება მომეცი შენთან ერთად წამოვიდე.

— თავადი გვიშლის, ხოლო შენ ჯარის-კაცი ხარ და უნდა ეძორჩილებოდე უფროსს.

პან მიხალი გაჩუმდა, მხოლოდ უღვაშებს დაუწყო ცმაცუნნი, მაინც პირველმა წამოილაპარაკა:

— მეტად ნათელი ღამეა, ამადამ ნუ წახვალ.

— ძალიან კარგი იქნებოდა, რომ ბნელი ღამე ყოფილიყო, მაგრამ დაყოვნება აღარ შეიძლება. ასეთი ამინდი, როგორც ვხედავ ხანგრძლივ გასტანს. თოფის წამალი კი გველევა, აგრედვე სურსათიცა. ჯარის-კაცებმა სულ გადათხარეს მოედანი, ხის ფესვებსა სთხრიან იქ საჭმელად, სხვა-და-სხვა ავადმყოფობა განშირდა. დღესვე წავალ, ეხლავე, თავადს უკვე გამოვეთხოვე.

— შენ სულ დავიკარგავს სასოება.

სქშეტუსკიმ მწუხარედ გაიღიმა.

— კარგია ერთი! მართალია ბედნიერებაში არა ვცურავ, მაგრამ ნებაყოფლობით მაინც არ დავუწყებ ძებნას სიკვდილ-

სა; ჯერ ერთი რომ ეგ ცოდვაა, მეორეცა აქ საქმე ის კი არ არის, რომ დავიღუბნეთ, არამედ გადაერჩეთ, მივალწიოთ მეფემდინ და დავიხსნათ ჯარი.

ვოლოდივესკიმ საშინელი სურვილი იგრძნო იმისი, რომ ეამბნა სქშეტუსკისათვის ყოველივე ამბავი კნიაჟნასი; ზედ ენის წვერზე ადგა ყოველივე სათქმელი, მაგრამ ერთმა მოსაზრებამ შეუშალა ხელი: „ეს ახალი ამბავი თავბრუს დაახვევს და შესაძლოა ამის გამო უფრო მალე შეიპყრან მტრებმაო და ამის მაგიერ პატარა რაინდმა ჰკითხა:

— რომელს მხარეს აპირობ წასვლას?

— თავადს ვუთხარი, რომ ტბა-ტბა წავალ-მეთქი, მერე წყალ-წყალ, ვიდრე კარგა შორს არ გავცილდები ყაზახთა ბანაკს. თავადმა მითხრა, რომ უკეთესი გზა არ შეიძლებაო.

— ეჰ, რალა გაეწყობა, რადგან კაცს სიკვდილი უწერია, სჯობს მოჰკვდეს დიდების მოედანზედა, ვიდრე სარეცელზე. ღმერთი იყოფს შენი მფარველი, იან! თუ ამ ქვეყნად ველარ შევხვდებით ერთმანეთს, საიქიოს ხომ შევხვდებით, ხოლო მე არ დაგივიწყებ არასოდეს.

— არც მე დაგივიწყებ. ღმერთმა მოგაგოს სამაგიერო ჯილდო. გამიგონე, მიხალ, თუ მოვკვდე, ზაცვილიხოვესკი წავიდეს ხმელნიცკისთან და წამოიღოს ჩემი გვამი; არ მინდა, რომ ჩემს გეამს ძაღლები ათრევდნენ იმათ ბანაკშია.

— დარწმუნებული იყავ.

ერთს საათს შემდეგ სქშეტუსკი შევიდა დასავლეთის ტბაში და ჩაიმალა შიგ. ღამე მეტის-მეტად მოწმენდილი იყო; ტბის შუაგული ისე ბრჭყვიალებდა, თითქოს ვერცხლის ფერი იყო, მაგრამ სქშეტუსკი მაშინვე დაიმალა შიგ, იმიტომ რომ ნაპირებზე ხშირად იყო ატეხილი ლელი და სხვა მცენარეობა წყალისა. აუარებელი ვიწრო და ფართო ფოთლები და ლიბი შტოები ედებოდა კაცს ფეხებშია, ექანებოდა ტანზედა და ძლიერ აძნელებდა წინ სიარულსა, მაგრამ სამაგიეროდ ჰმაღავდა კიდევ რაინდს დარაჯთაგან. ტბაში გაცურვა შუა-გულ ადგილას შეუძლებელი იყო: ყოველსავე დაჩრდილუოს საგანს ადა-

მიანი მაშინათვე შეამჩნევდა. სქშეტუსკიმ გადასწყვიტა უაროს ტბას ნაპირ-ნაპირ იმ ქაობამდე, რომელიც ტბის მეორე ნაპირას იყო და რომელზედაც მიდიოდა პატარა მდინარე წყალი ტბაში ჩამავალი. ექვი არ იყო, რომ იქ იდგებოდა ყაზახთა ანუ თათართა დარაჯი, სამაგიეროდ მთელი ტყე იყო ამოსული ლელიანისა. რაკი კაცი იმ ქაობამდე მიაღწევდა, მერე სულ ლელებ შორის შეიძლებოდა სიარული, თუნდა დღისითაც. მაგრამ ეს გზა საშინელება რამ იყო. დამდორებულ წყალ ქვეშ იწვა ღრმად ქვიშა და ლამი. რამდენ ნაბიჯსაც გადასდგამდა სქშეტუსკი, წყლის ზედა-პირზე მრავალი ბუშტი ამოდიოდა და მათი ბუყბუყი შორს მიდიოდა ლამის მღუპარებაში. ამის გარდა, თუმცა ძალიან ფრთხილად იყო, წყლის ზედა-პირზე ჩნდებოდა ტალღები, რომელიც ტბის შუა-გულამდე მიდიოდა და ბრჭყვიალებდა მთვარეზედა. წვიმა რომ ყოფილიყო, სქშეტუსკი აიღებდა და გაცურდებოდა ტბაში და იქნება ნახევარ საათს არ გვევლო, რომ მიაღწევდა იმ ქაობსა, მაგრამ ცაზედ ღრუბლის ნაჭერიც არსადა სჩანდა. ნათელი უხვად ეფინებოდა ტბის სივრცეს და აბრჭყვიალებდა ყოველსავე გარშემო. ქარი ჩავარდა, მაგრამ ბედზედ თოფის სროლის ხმა არ შეწყვეტილა და ამიტომ რაინდის სიარულისაგან წარმომდგარი ფაჩი-ფუჩი არ ისმოდა. რაკი ეს შენიშნა სქშეტუსკიმ, მაშინ უმატებდა ხოლმე სიარულს, როცა თოფის ხმა ძლიერდებოდა, გარნა ეს მშვიდი ღამე თან-და-თან ნამდვილ ჯოჯოხეთად გადაიქცა, ლელიანებიდან ამოვარდნენ გუნდ-გუნდ კოლოები, შეჯგუფდნენ რაინდის თავზედ, ასხდებოდნენ სახეზე, თვალებზე გაჰქონდათ ზუზუნნი მისს გარშემო. სქშეტუსკიმ რომ ეს გზა ამოირჩია წინ-და-წინვე იცოდა, რაც მოელოდა, მაგრამ იმედი არა ჰქონდა, რომ ასეთი საშინელი სავალი იქნებოდა. ყოველი სიღრმე წყალისა, თუმცა კარგადაც იცოდა მისი გარემოება, ღამე საშინელ საიდუმლოდ ეჩვენება კაცს და უნებლიედ ჰკითხულობს: ნეტა რა უნდა იმალებოდეს იქ ძირზედა? ხოლო სბარაყის ტბა მეტის-მეტე საშინელება რამ იყო. იმისი წყალი სქელი სჩანდა ჩვეულებრივზე და გახრწნილის გვამის

სუნი ასდიოდა. შიგ ლპებოდა ასობით ყაზახთა და თათართა გვამი. თუმცა წყალი ცივი იყო, სქშეტუსკის სულ აცხელებდა. რა მომივა რომ საიდანმე გაჩნდეს სველი, ღიპი ხელები და მწვდეს უცებო, ან ცხერის ფერმა თვალებმა გამოანათოს ამ მცენარეობის ფოთლებ შორისაო? გრძელი ღეროები მცენარეთა ედებოდა ფეხებში, იმას კი ეგონა, რომ ეს დამრჩეალის გვამია, მექიდება და აღარ მიშვებს წინაო. „იესო, მარიამ! იესო, მარიამ! ხან-და-ხან მალლა ამართავდა ხოლმე თვალებს ცისაკენ და რა დაინახავდა მთვარეს, ვარსკვლავებსა და დამშვიდებულ ცას, თითონაც მშვიდდებოდა ცოტაოდენს; ხან-და-ხან მისი თვალი ტბის ნაპირს მოეფლებოდა ხოლმე... რა კარგია იქ, რა განსხვავებაა იმასა და ამ დამპალ, წყეულ ქაობს შორისაო! და ამ დროს ისეთი სევდა შეიპყრობდა ხოლმე, რომ საშინელი სურვილი დაეებადებოდა, ავდგები და გავალ ეხლავე ნაპირზედაო.

ხოლო ის მაინც მიდიოდა ნაპირნაპირ. პოლონელთა ბანაკი შორს დარჩა უკან. აგერ იქ ნაპირიდან რამდენსამე ნაბიჯის მანძილზედ მოსჩანს ცხენოსანი თათარი, ხოლო სქშეტუსკის შიშის მაგიერ გულს ეფონება; რაკი ცოცხალი და ნამდვილი მტერი დაინახა მის თვალთაგან გაჰქრა უამრავი გუნდი ბევრად უფრო საშინელ მოჩვენებათა. ეგ მოჩვენებანი გაჰქრნენ სადღაც შორს და რაინდს კვლავ დაუბრუნდა მშვიდობა სულისა. ეხლა იმისთვის საინტერესო ის იყო: სძინავს თათარს, თუ არაო? წავიდე წინ, თუ ვიცადო აქაო?

წავიდა წინ და ახლა უფრო დიდის სიფრთხილით წავიდა. მის ბედზედ დაიძრა სიო და დააწყებინა შრიალი ლელიანებსა. ახლა კი გაბედვით შეეძლო სიარული სქშეტუსკის, ლელ-ლერწამის ხმაურობით გართულსა; ყოველივე ახმაურდა გარემო, წყალმაც კი ნაპირს დაუწყო ლამუნი და წყვეტება; ახლა კი რაინდის განძრევ-გამონერევა არაეის ყურადღებას არ მიიქცევდა.

გარნა ქარმა გააღვიძა არა მარტო სანაპიროს ლელიან-ჩალიანები. აგერ სქშეტუსკის პირდაპირ მოსცურავს რაღაც შავიდა, რომელიც ოდნავ ირხევა ტალღებზედ და რაინდმა

ძლივს შეიმაგრა თავი: ცოტას გაწყდა ყვირილი არ შეჰქმნა შიშითა. შეშინებამ და შეზიზღებამ თმა ყალბხედ დაუყენა, სულის შემხუთველმა სუნმა კინალამ დაადრჩო, ისე წაუჭირა ყელში.

ხოლო პირველმა აზრმა, რომ ეს დამრჩევალი კაცი განგებ თუ მელოპება გზაზედაო, გაიარა, დარჩა მხოლოდ გრძნობა ზიზღისა და რაინდი კვლავ გაუდგა გზას. ხმაურობა ლელიან-ჩალიანისა თან-და-თან ძლიერდებოდა. იმათ მიმომქანავ ღეროთა შორის სქშეტუსკიმ დაინახა მეორე და მესამე გუნდი თათართა დარაჯისა. „აღბად ნახევარ ტბისთვის შემომივლია უკვე გარშემოვო“ —საქვე მან გულში და წამოიწია, რომ მიეხედ-მოეხედნა და გაეგო, სადა ვარო; ამ დროს კი უცებ რაღაცა მოედო ფეხებში. დაიხედა წინ და აღამიანის პირისახე კი დაინახა.

„ეს უკვე მეორეაო“, — იფიქრა, მაგრამ ახლა აღარ შეშინდა, მხოლოდ სიარულს მოუმატა, თავბრუ არ დამესხასო. ლელიან-ჩალიანი თან-და-თან უფრო ხშირი იყო. გავიდა ნახევარი საათი, საათი და რაინდი კვლავ მიიწევს წინ, ხოლო გრძნობს, რომ ახლა კი ეიღლებიო. ზოგან წყალი მუხლებამდე ძლივსა სწვდებოდა, მაგრამ ზოგან წელამდე იყო. საშინლად უძნელდებოდა ხან ერთის შლამში ჩაფლულის ფეხის ამოძრობა და წინ გადადგმა, ხან მეორესი; შუბლზედ ხვითქი გადასდიოდა, რაღაც უცნაური სიცივე უვლიდა მთლად ტანში.

„ეს რა ამბაეია? — ჰფიქრობდა შეშინებული. — ციება კი არ იყოს და ღმერთი არ გამიწყურეს? ეს ჭაობიც აღარსადა სჩანს... ვაი თუ ველარც კი ეიპოვო ამ ლელ-ლერწამსა და ჩალებშია?“

საშინელემა იქმნებოდა მართლა. შეეძლო მთელს ღამეს ასე ებროწიალნა ტბის გარშემო და ბოლოს იქვე მისულიყო, საიდანაც წავიდა, ან არა და ყაზახთ ჩავარდნოდა ხელში.

„სული გზა ამოვირჩიე, — გაივლო მან გულში, სასოება-წარკვეთილმა, — ტბაზედ გავლა არ შეიძლება. სჯობს უკან დავბრუნდე, დავისვენო და ხვალ წავიდე პან ლონგინუსისავით თვით მტერთა ბანაკზედ.“

ის მაინც წინ მიდიოდა. რასაკვირველია, რაკი ასე ნელ-ნელა მიდიოდა, უოველ ნაბიჯზედ ჩერდებოდა, ქაობამდე მალე ვერ მიაღწევდა. დასვენების ფიქრმა სრულიად შეიპყრო ბოლოსა და ბოლოსა. ნეტავ ერთი დამაწვინა სადმე... თუნდ აქვე, ამ ტალახში, ამ წუმპე-ქანქრობში, ოლონდ კი დავისვენებდე პატარასაო! ახლა უფრო მალ-მალ გააძაგდაგებდა ხოლმე, მუხლთ ეკვეთებოდა. თათრების დარაჯთა დანახვა აფხიზლებდა პატარას, მაგრამ მაინც ჰგრძნობდა, რომ თავი უხურდა, რომ ციება ეპარებოდა და ხელში უპირებდა ჩაგდებას.

გავიდა ნახევარ-საათი კიდევ და ქაობი კი მაინც არსადა სჩანდა.

მის მაგიერ დამრჩეალთა გვამნი უფრო ხშირ-ხშირად ეყრებოდა წინა. ღამემ, შიშმა, დამხრჩეალთა გვამებმა, ლეღიანების ხმაურობამა და შრიალმა, დაღლილობამ სულ აურ-დაურია, დაუბნია გონება. ახლა სხვა-და-სხვა ლანდი და მოჩვენება წარმოუდგა თვალ-წინა. აგერ ელენე, კულაკშია ვითომა, თვითონ კი ეენძიანთან ერთად მიჰქრის ვითომ დნებრზე წყალ-წყალა..... ქსენძ მუხოვეცკი..... ხოლო პან გრობიცი თავის მამის ადგილს დაიჭერსო... მისი დანიშნული მთელს დღეს მდინარეს უცქერის, ვინ იცის, იქნება აგერ ახლავე ტაში-ტაშს შემოჰქრას და დაიძახოს... „მოღის! მოღისო!“

— ბატონო! — ეუბნევა ეენძიანი და ხელს ახებს მის სახელოს, — პანა სდგას აიქა.

სქმეტუსკი ფხიზლდება. თურმე ლელები მოედო ფეხებში და გზა გადულობა. ლანდი და მოჩვენება ჰქრება. ახლა კი აღარა ჰგრძნობს დაღლილობას. ციება ჰმატებს ძალას. ეს რა არის, ქაობი ხომ არ არის?

მაგრამ გარშემო კვლავ ისევ ჩალიან-ლეღიანებია, მდინარის შესართავი თავისუფალი უნდა იყოს, უმცენარეო... არა, ეს ქაობი არ არის.

რაინდი მიდის კვლავ, ხოლო ფიქრი მისი უღმობლის ჯიუტობით უბრუნდება მისთვის სასურველს ლანდ-მოჩვენებას. ამოდ სცდილობს სქმეტუსკი ლოცვების კითხვასა, ამოდ სცდი

ლობს, აზრის სიფხიზლე არ დაჰკარგოს, კვლავ ელანდება დნეპრი, ლიხვიტა ნავები, კუდაკი, იმიერ-ქორომეთი, მხოლოდ ახლა მოჩვენება ისე აღარა ჰგავს მართალსა, როგორც წინად. ახლა ბევრი ირევინ მის თვალ-წინ: ელენეს ახლოსა ჰხედავს თავადაც, ხმელნიცკისაც, ბარგ-სურსათის ატამანსაც, პან ლონგინუსაც, ზაგლობასაც, ბოგუნსაც, ვოლოდიევისკისაც, — ყველას მშვენიერი ტანისამოსი ჩაუცვანს და მის ქორწილში მოსულან... მაგრამ თვით ქორწილი სადღაა? რომელღაც უცნობს ქალაქში, არც თუ ლუბნია, არც რაზლოგი, არც იმიერ-ქორომეთი, არც კუდაკი... წყალი რაღაცნაირია, დამრჩვალთა გვაში დაცურაობენ შიგა....

სქშეტუსკი ფხიზლდება, იღვიძებს აგერ ეს მესამედა, უკედა ვსთქვით რაღაც შრიალი აღვიძებს; რაინდი შეჩერდება და დაუწყებს ყურის-გდებას. შრიალი ახლოვდება, ისმის კრიალი მოსასმელის ნიჩბებისა, შუილი წყლისა, — ნავი თურმე მოდის.

აგერ მოსჩანს კიდევ ნავი ლელიანებში. შიგ ორი ყაზახი ზის, ერთი ნიჩაბს უსვამს, მეორეს გძელი ლატანი უჭირავს ხელში და გზას უკვალავს ნავს ლელ-ჩაღის აქეთ-იქით გაწევითა.

სქშეტუსკი წყალში ჩაიმაღა ნიკაპამდე. წყალ-ზემოდ მართო თავი-ლა დარჩა.

„ეს თუ ჩვეულებრივი დარაჯია, იქნება აქ დარჩეს? — იფიქრა რაინდმა.

მაგრამ, არა. მაშინ ნავები უფრო ბევრი იქმნებოდა, ხალხიც მეტი ისხდებოდა ნავებში.

დარაჯთა ნავემა გვერდზედ გაუარა სქშეტუსკის. მათი ლაპარაკი არ ისმოდა, რადგან ჩალიანი შრიალეებდა. მხოლოდ ორიოდ სიტყვას მოჰკრა მან ყური.

— ჯანაბას მათი თავი და ტანი, წადი და ახლა აყროლებულს წყალსაც უყარაუღე!

და ნავი ამოეფარა ლელიანებსა, მხოლოდ წინ მჯდომი ყაზახი სცემდა ლელიანებში ლატანსა, თითქო თევზის დაფრთხობა უნდაო.

სქმეტუსკიმ განაგრძო თავისი გზა.

აგერ თათართა დარაჯნიც ზედ ნაპირზედა. მთვარის ნათელი ზედ დაჰშუქებოდა ნოღაელის პირი-სახეს, გარნა სქმეტუსკის მტრებისა უფრო ნაკლებ ეშინოდა, ვიდრე ცნობის მიხდისა. ძალა დაატანა თავს, რომ ცხადად სცოდნოდა სადაც იყო და სადაც მიდიოდა. მაგრამ ამ ძალის დატანებამ უფრო და უფრო მეტად მოჰლალა მისი გონება; უცბად იგრძნო, რომ თვალები უპყვერიალებს და კარგად ვეღარასა ჰხედავს; ხან-და-ხან ასე ჰგონია, რომ ტბა ზბარაჟის მოედანიაო, ხოლო კორომ-კორომად ამოსული ლელიანები კარავებიაო. მოინდომა დაეძახნა ვოლოდიევსკისათვის, დაეყვირნა, ჩემთან წამოდო, მაგრამ ისევ გონს მოვიდა. არ დაიყვირო! არ დაიყვირო! — იმეორებდა რაინდი გულში, — ეგ ყვირილი დაგლუბავსო!

გარნა ასეთი ბრძოლა თან და თან უფრო და უფრო ძნელდებოდა. რაინდი წამოვიდა ზბარაჟიდან მშიერი, საშინლად დაღალული უძილობითა, რომლის მიზეზითაც პოლონეთის ჯარის-კაცნი უკვე იხოცებოდნენ ბანაკში. ღამე მგზავრობამ, ყინულივით ცივმა წყალმა, მისმა აყროლებულმა სუნმა და ლიბქაობებში მიწყვეტ-მოწყვეტებამ სრულიად დაასუსტა საწყალი კაცი. ამას ზედ დაერთო კიდევ უცნაური შიში და ტკივილი დაკბენისა კოლოებისაგან, რომელთაც სულ დაუსისხლიანეს პირი-სახე. ახლა ჰგრძნობდა, რომ თუ ჩქარა არ მივალწიე მდინარეს, ან ნაპირას გავალ... სულ ერთია, რაც უნდა მომივიდეს, იღონდ კი მალე მოვრჩე ამ ტანჯვასაო!... ან არა და დავეცემი ამ ლელიანებში და დავიღრჩობ თავსაო.

სქმეტუსკის ეგონა, რომ ჭაობი და მდინარის შესართავი მოუღლებს ბოლოს ჩემს მწუხარებასო, თუმცა სწორედ რომ სთქვას კაცმა, იქიდან იწყებოდა მისი ტანჯვა და განსაცდელი. ჯერ კიდევ უმაგრდებოდა ციებას და მოდიოდა წინ ისე, რომ ახლა სულ ნაკლებად-და ფრთხილობდა. ხშირად მოესმოდა ხმაურობა ხალხისა, ასე ეგონა, რომ მთელი ტბა სულ ჩემს შესახებ ბაასობსო. მივალწიე ნეტავ ჭაობამდე თუ არაო? კოლოები ახლა უფრო შესაწუხებლად ბზუოდნენ. წყალი თან-

და-თან ღრმა შეიქნა, წელამდე ამოსწვდა ჯერა და მერე ძუძუ-
ებამდეც შემოადგა. თუ ცურვა არ ამცდა, ფეხები ბალახებსა
და ხავსში გამებმება და დავიხრჩობიო. და კვლავ საშინელმა
უძლეველმა სურვილმა შეიპყრო, დავუძახებ ვოლოდიეესკისაო;
ხელები პირთან მიიტანა და დააპირა დაყვირება:

— მიხალ! მიხალ!

მის ბედზედ ეცა ამ ღროს რომელიღაც სველი ლელი
სახეზედ და რაინდი გონზედ მოიყვანა. მის გარშემო ჩხრიალი
გაჰქონდა წმინდა წყალს. ეს კი მდინარე წყალი იყო ხოლო
აქეთ-იქით ქაობი იდგა.

რაინდი მივიდა ახლო ნაპირამდე. მიიხედ-მოიხედა და
მიხედა მალე, რომ სწორედ გზაზედა ვყოფილვარო: ტბა უკან
იყო დარჩენილი, ხოლო თვითონ წყალ-წყალ მიდიოდა და ეს
წყალი სხვა არა იყო-რა, თუარ მდინარე.

თვით წყალიც აქ უფრო ცივი იყო. მალე სქმეტუსკიმ
იგრძნო საშინელი დაღლილობა. ფეხები უკანკალებდა, თვალთ
უბნელდებოდა, თითქო რაღაც შავი ღრუბელი ეფარება წინაო.
„აღარ შემიძლიან, — გაივლო. მან გულში, — აღარ შემიძლიან
მეტი სიარული. მივალ ნაპირამდე და დავისვენებ.“

ფეხი წამოჰკრა რაღასაც, ხელი მოუსვა და იგრძნო, რომ
მშრალი მიწა იყო მის წინა. ეს იყო პატარა კუნძული ლე-
ლიანებ შორის.

სქმეტუსკი დაჯდა და დაიწყო მოწმენდა დასისხლიანე-
ბულისწახისა.

აგერ გამოჩნდა რაღაც კვამლი. სქმეტუსკიმ მიიხედა
ნაპირისაკენ. ასიოდ ნაბიჯის მანძილზედ ნაპირიდან ცეცხლი
ანთია და ამ ცეცხლს გარს უზის რამდენიმე კაცი. რაინდი
იჯდა სწორედ იმ ცეცხლის პირდაპირ და, როცა ქარი მისწევ-
მოსწევდა ლელებსა, შეეძლო ცხადად გაერჩია ყოველივე. ისინი
იყვნენ მწყემსნი — თათარნი; უხსდნენ ცეცხლს, თბებოდნენ და
რაღასაც სკამდნენ.

საშინელმა სიმშვილმა არია სქმეტუსკი. გუშინ დილით
შესკამა ერთი ნაქერი ცხენის ხორცი, ისეთი პატარა, რომ

ორის თვის მგლის ლეკვიც კი ვერ გაძლებოდა იმითი, მას უკან ნაწილი აღარ ჩასულიყო მის პირში...

დაუწყო გლეჯა მცენარის წყლიან ფოთლებს და სწუწ-ნიდა გამგელებული. წყურვილიც ისევე აწუხებდა როგორც შიმშილი.

ცეცხლი თან-და-თან ჩაჰკრა. იმათ შორის, რომელნიც ცეცხლს უსხდნენ და სქშეტუსკის შორის რაღაც ნისლი და ბური ჩნდებოდა, თითქო ის ხალხი სადღაც შორს მიდისო.

„ოჰ! თავი მიკვდება ძილისთვის! აქვე დავიძინებ, ამ კუნძულზედა“ — იფიქრა რაინდმა.

ენახათ იმ ცეცხლთან ერთი ამბავი ასტყდა. მწყემსნი წამოიწალნენ; სქშეტუსკის ყურებამდე მიაღწია ყვირილმა: „ცხენ-ირემი! ცხენ-ირემიო!“ ყველა გაექანა სათითაოდ აქეთ-იქითა. წუთი კიდევა და რაინდს მოესმა სტვენა და ყრუ თქარა-თქური ცხენებისა ნამიან ბალახზედა.

სქშეტუსკი ვერ მიხვდა, რისთვის გაჰქროლეს მწყემსებმა. შხოლოდ ახლა შეჰნიშნა, რომ ლელების ფოთლები გათეთრდა, წყალმაც სხვა ფერი დაიკა, არა ისეთი, როგორიც მთვარის შუქზედა ჰქონდა, ჰაერში ავიდა სუბუქი ნისლი.

მიიხედ-მოიხედა გარშემო, — უკვე განთიადი იყო.

მთელი ღამე მოახმარა იმას, რომ შემოეველო ტბისათვის და მიეღწია მდინარის შესართავსა და ქაობამდე, მაშასადამე, ჯერ ძალიან მცირე მანძილი ჰქონდა გავლილი. ახლა დღისით უნდა გაველო ბანაკზედა.

თან და თან უფრო ინათლა. აღმოსავლეთით გამოჩნდა ვარდის ფერი ზოლი.

სქშეტუსკი კვლავ ჩავიდა ქაობში და, მივიდა თუ არა ნაპირას, ფრთხილად ამოჰყო თავი ლელიანებიდან.

დიდის სიფრთხილით მიხიხდა გამქრალ ცეცხლთან. იქნება დარჩათ რამე იქაო? დარჩენიათ, აგერა გამოხრული ცხვის ძეალი, ძარღვები და კაკნატოები და რამდენიმე შემწვარი თალგამი, რომელიც ლველფში ჩარჩენოდათ მწყემსებსა. რაინდი ხარბად ეცა საკმელს, თითქო მშიერი ნადირიაო.

რამდენისამე წუთის შემდეგ სქშეტუსკი უკვე თავი სწინანდელს ბინაზედ იყო და დაწვა იქ დასაძინებლად. თან წამოიღო გამოუხრავი ძვალი და დაუწყო ახლა ხერა. დადიხანი იყო, რაც ამისთანა გემრიელი საჭმელი აღარ ენახა ზბარაჟში.

ახლა კი უფრო მხნედ იგრძნო თავი, ძალ-ღონე დაუბრუნა ცოტაოდნად საჭმელმაცა და განთიადმაც. თან და თან უფრო განათდა არე-მარე; დილის ნიაფი, მართალია, ცივადა ჰხედებოდა რაინდის სველს ტანს, მაგრამ ნუგეშად ისა ჰქონდა, რომ მალე მზე ამოვა და გამათბობსო. მიიხედ-მოიხედა და დაინახა რომ მისი კუნძული რგვალი იყო და სრულიად დაფარული გარშემო ატეხილის ლელიან-ჩალიანითა. კაცი იქ თვალს ვერ მოჰკრავდა.

„აქ მე ვერ მიპოვნიან,—სთქვა მან გულში,—თუ თევზს არ დაუწყეს ქერა ამ ლელიანებში, მაგრამ თევზი სულ გამწყდარიყო სიმყარლისაგან. აქ შეიძლება გამოვიძინო და მოვიფიქრო, როგორ მოვიქცე შემდეგში“. ვითომ ისევ წყალ-წყალ ვიარო, თუ არაო? გადასწყვიტა, წავალ, თუ ქარი იქნება, თუ არა და ჩემის სიარულით ატეხილი შრიალი გამცემს, მით უმეტეს, რომ თვით ბანაკს ახლო მომიხდება გავლაო.

„გმადლობ შენ, ღმერთო, რომ დამიცევ და დამიფარე აქამდე!“ — წაიჩურჩულა მან და აღაპყრო თვალები ცად.

მისი ფიქრი პოლონელთა ბანაკისაკენ წავიდა. ციხე-დარბაზი ისე სჩანდა აქედან, თითქო ხელის-გულზეა გაშლილიო. ვინ იცის, იქნება იქიდან იცქირება ვინმე ამ ტბასა და ლელიანებისაკენ. ხოლო ვოლოდიევსკი და ზაგლობა, ნამდვილად მთელს დღეს ყარაულად იდგებიან თხრილებზედ, ვაი თუ გაგვიწყრეს კიდევ ღმერთი და იმის გვამი დავინახოთ რომელსამე „მოსიერნე ციხე-ქალაქზედაო“.

„ვერა, ვერ დაინახავენ,—გაივლო გულში სქშეტუსკიმ და გვერდი აევსო განსაცდელისაგან გადარჩენის ტკბილის გრძობითა.—ვერ დამინახავენ, ვერა!—განიმეორა მან რამდენჯერმე.—ცოტა გზა გამოვიარე, მაგრამ ამასაც გამოვლო უნდოდა. ღმერთი შემეწევა შემდეგაც“.

ფიქრ-ოცნებამ შორს, შორს განიტაცა რაინდი... აგერ, უკვე ბანაკს კარგა გამცლარია ვითომ, უკვე ტყეშია, მეფის ჯართა შორის... ქულზედ კაცია გამოსული საომრად, გუსარნი, ქვეითი ჯარი, უცხოელთა რაზმნი უდგანან თვალ-წინა... დედა-მიწას დგანდგარი გააქვს ხალხისა და ცხენ-ზარბაზანთა სიმძიმის გამო, ხოლო იმათ იქით თვით მეფეა.

შემდეგ ჰხედავს ღღემღე უნახავს ბრძოლას, თათართა შემუსერილს ბანაკს, თავადს მთელის თვისის ცხენოსანთა ჯართა, რომელიც მოჰქრის და ჰქელავს ფეხ-ქვეშ მტრის დაჭრილთა და დახოცილთა გვამებს, ესმის მხიარული ყიჟინი ლაშქარისა.

დაწითლებული, დასივებული თვალები თავის-თავად ეხუტებოდა მზის აუტანელის ბჰყვრილის გამო, თავი ექინდრებოდა მრავალგეარ აზრთა მოჯარების მიზეზით. სქშეტუსკი შეიპყრო ტკბილმა მოუძღურებამ; რაინდმა გაქიმა ფეხები და ძილს მისცა თავი.

ლეღიანი მაინც სულ შრიალებდა. მზე მაღლა ავიდა და გაათბო მძინარე რაინდი, გააშრო მისი ტანისამოსი, ხოლო ის ისევე გულის ძილში იყო, არ ინძრევოდა. ვისმე რომ დაენახა ასე პირქვე დამხოზილი, თავ-პირ დასისხლიანებული, ეგონებოდა, რომ კაცის გვაშია, წყალს გამოუგდია აქაო. გადიოდა დრო ხოლო იმას კი მაინც სულ ეძინა. მზემ გადიხარა და აგერ ჩასვლასაც ეპირებოდა, ხოლო იმას კი მაინც ისევე ეძინა. მხოლოდ ცხენების ჭიხვინმა და მწყემსების ყვირილმა გააღვიძა ჩვენი რაინდი.

სქშეტუსკიმ თვალები მოიფშენიტა, მიიხედ-მოიხედა გარშემო და გაიხსენა, სადაც იყო. ცაზედ, რომელიც წითლად შეფერილიყო მზის ჩასვლის ნათლითა, ვარსკვლავები აპირებდნენ ამოციმციმებას. რაინდმა მთელი ღღე ძილში გაატარა.

არავითარს შემსუბუქებას არა ჰგრძნობდა; პირიქით, მთლად ძვლები სტკიოდა ერთიანად, თითოეული საღსარი აუტანელს ტკივილს შეეპყრო. მაგრამ რაინდმა იფიქრა, რომ ხელჰეორედ

დალაღვა ძალ-ლონეს დამიბრუნებსო, ჩავიდა წყალში და გასწია კვლავ თავის გზაზედა.

ახლა სულ წმანდა წყალში იდგა და მიდიოდა ამ წყალ-წყალ, ლელიანების მახლობლად, რომ იქნება მწყემსებმა არ დამინახონო. ნათელი გაჰქრა, ბინდმა მოიცვა არე-მარე, მთვარე ჯერ არ ამოსულიყო ტყიდანა. წყალი ისე ღრმა იყო, რომ ადგილ-ადგილას სქშეტუსკი, ფეხს ვერ უწევდა ძირს და მეტი ღონე არ იყო, უნდა ცურვით ეარნა, რაც ადვილი არ იყო, რადგან პირშელმა წყალში ცურვა მეტად ძნელია. მაგრამ სამაგიეროდ, რაც უნდა შორს.მხედველი თვალი თათრისა დაშტერებოდა იმ არე-მარეს, ვერ დაინახავდა რაინდის თავს, რომელიც წინ-წინ მიიწევდა კედელივით აწვდილ ლელიანების ნაპირად. ბოლოს, ხან ცურვით, ხან თავ-თხელში სიარულით მან მიადწია იმ ადგილამდე, საიდანაც მის თვალს წარმოუდგა ათასგან დანთებული ცეცხლი მდინარის ორთავ ნაპირას.

„ბანაკია!—სთქვა გულში რაინდმა.—ღმერთო, ახლა მომხედე!“

წაიწია წინ კისერი და დაუწყო ყურის-გდება.

მოესმა ხმაურობა სხვა-და-სხვა ლაპარაკისა. დიად, სწორედ ბანაკი იყო. ხელ-მარჯვენე ყაზახთა ურდო იდგა ათასობით დამწყარივებულის ურმებითა და კარვებითა, ხელ-მარცხნივ თათართა ჰქონდათ დაცემული ბინა, ორგანვე დიდი ხმაურობა იყო ატეხილი, ისმოდა ქრიამული, ზმუილი საქონლისა და აქლემისა. მდინარე უშაზედ ჰყოფდა მათს სამყოფელს და ხელს უშლიდა ჩსუბსა და შებრძოლებას მათ შორის: თათრებს არ შეეძლოთ დამშვიდებით მდგარიყვნენ ყაზახთა მახლობლად. ერთი მხრით ურმები, მეორე მხრით—ჩალიანი ფარდულ-ქოხები გაბმული იყო თვით მდინარის ნაპირამდე, ხოლო თვით წყალთან, ექვი არ იყო, იდგებოდა დარაჯთა გუნდი.

ლელიანი თან-და-თან თხლად იყო ამოსული; ცხადია, ბანაკის პირდაპირ ნაპირი ქვიანი უნდა ყოფილიყო. სქშეტუსკიმ წაიწია რამდენისამე ნაბიჯით წინა და შესდგა. რაღაც საშინელი ძალა და მუქარა მოჰქროდა ამ კიანქვლის სორაე-

ბიეით ხალხ-მრავალ ბანაკიდან. ისე მოეჩვენა, თითქო ყოვლადი ყურადღება, ყოვლადი მხეცობა ათასობით აქ შეტბორებულ ადამიანთა ჩემდა საწინააღმდეგოდ არის მომართულიო და, რაკი მათ სიახლოვედ იყო, ჰგრძნობდა თვის ყოვლადს უძალობას, ყოვლადს არარაობას. რაინდი მარტოდ-მარტო იყო.

„ვერავენ გაივლის აქ!“ — სთქვა მან გულში, მაგრამ მანც წინ წავიდა, რადგან რალაც თავდაუქერელი, უცნაური ცნობის მოყვარეობა ატანდა ძალას. უნდოდა ახლო მისულიყო და კარგად გაესინჯა ის საშინელი ძალა...

უცბად შესდგა. ტყე ლელიან-ჩალიანისა შესწყდა, თითქო განგებ მოუცვლიათო; იქით წმინდა წყალი იყო და იმაში წითლად ჰკრთოდა ალი მრავლად დანთებული ცეცხლებისა.

ორი დიდი ცეცხლი ერთო ზედ მდინარის ნაპირად. ერთს ცეცხლთან ცხენით თათარი იდგა, მეორესთან — ყახახი, რომელსაც გრძელი შუბი ეჭირა ხელში. ორივენი ერთმანერთს უცქეროდნენ და თან თვალი წყლისაკენა ჰქონდათ. შორს მოსჩანდნენ სწორედ ამ გვარივე დარაჯნი.

ცეცხლების ალი, თითქო წითელი ხიდი გადაუდვიათ მდინარეზედაო, ისე მოსჩანდა. წყლის ნაპირად კაცი შეჭნიშნავდა ნწკრივად ჩარიგებულს პატარა ნაევბს.

„შეუძლებელია!“ — წაიჩურჩულა სქშეტუსკიმ...

და სასოწარკვეთილესამ შეიპყრო რაინდი. ვერც წინ წახვალ, ვერც უკანა! აგერ დღე და ღამე გავიდა, რაც ამ ქაობებსა და კანკრობში დატოპავდა, ისუნთქავდა დამპალს ჰაერს გახრწნილის მძოვრისას, ლბებოდა წყალში და ყოველივე ეს იმიტომ იტვირთა, რომ მისულიყო ურდომდე, რომელზედაც უნდა გაეარნა და მაშინ დაენახა, რომ ეგ შეუძლებელი საქმეაო!

მაგრამ უკან დაბრუნებაც შეუძლებელი იყო; რაინდმა იცოდა, რომ ძალ-ღონეს მოიკრებდა კიდევ წინ წასასვლელად, ხოლო უკან დასაბრუნებლად კი ვერა. მის სასოწარკვეთილებაში დაფარული იყო ყრუ გაშმაგება; პირველში უნდოდა ნაპირას გასულიყო, დაეხრჩო თავის ხელით პირველივე, ვინც შეხვდებოდა, მერე სცემოდა ყველას და თვითონაც თავი დაედო.

ქარმა კვლავ დააწყებინა შრიალი ჩალიანებსა და თან მოჰქონდა სუსტად ხმა ზბარაყის ზარების რეკისა. სქშეტუსკიმ ლოცვა დაიწყო; იცემდა გულში ხელს და ცას შევედროდა შეველასა ისეთის ძალით და განწირულის რწმენითა, როგორითაც შეუძლიან ვედრება დასაღუპად განმზადებულსა; ისა ლოცულობდა, ხოლო ურდო-ბანაკი შავბედითის ძლიერებით ხმაურობდა და გუგუნებდა, თითქო ეს არის პასუხი მისის ლოცვა-ვედრებისაო. ჩრდილით მოშავონი და ცეცხლის ალით წითლად გამუქებულნი აქეთ-იქით მდი-მოდრიოდნენ, თითქო ტარტაროზნი დაფუსფუსებენ ჯოჯოხეთშიო; დარაჯნი ისევ ისე უძრავად იდგნენ, მდინარე წყალი ისევ წითლად გაშუქებული მიიკლაკნებოდა ზოლივით.

„დალამდება და ცეცხლებს გააქრობენ,“ — სთქვა გულში სქშეტუსკიმ.

გავიდა საათი, მეორე. ხმაურობა მისწყდა, ცეცხლებს მართლა ალი მოაკლდა და ქრობა დაიწყო; მხოლოდ ორგან არა ნელდებოდა სადარაჯოდ დანთებული ცეცხლი. იმათ ისევ ისე ბეჯითად უკეთებდნენ და, ეტყობოდა, არ ანელებდნენ.

დარაჯნი მალ-მალ იცვლებოდნენ, ეტყობოდა, გათენებამდე გასტანდა ასე ცვლა დარაჯთა.

სქშეტუსკიმ იფიქრა, რომ დღისით უფრო ადვილად გაეუსხლტები მაგათ ხელიდანაო, მაგრამ ეს ფიქრი ისევ მსწრაფლად უარჰყო. დღისით წყალს ეზიდებიან მდინარიდან, საქონელს წყალს ასმევენ, სანაპირონი წყალისა ისე არ დარჩება, რომ ერთი და ორი კაცი არ იყოს მის მახლობლადაო.

უცბად მან დააშტერა თვალი ნავებსა. მდინარის ორთავ ნაპირებზედ ნავები მწკრივად იდგნენ მრავლად, თათართა მხრისკენ ხომ თვით ლელიანებამდე იყო ჩამწკრივებული ნავები.

სქშეტუსკი ჩავიდა წყალში, ყელამდე ჩაჯდა შივა და ფრთხილად გასწია ნავებისაკენ; თან თვალს არ აშორებდა თათრების დარაჯსა.

ნახევარს საათს უკან უკვე მიუახლოვდა პირველს ნავს. მისი ფიქრი სულ ადვილად მისახვედრი იყო. ნავებს ცხვირები

მალლა ჰქონდა აშვერილი და კამარასავით იყო ზემოდან შეკრული ზედ წყალზედა, ისე რომ მათ ქვეშ ადვილად გაივლიდა მაღვით თავი კაცისა. თუ ყველა ნავი ახლო-ახლოა ერთმანეთზედა, თათრების დარაჯი ვერაფერს ვერ შეჰნიშნავსო, ყაზახი უფრო საშიშია, მაგრამ ისიც ვერაფერს ვერ დანახავს, იმიტომ რომ ნავის ქვეშ ძალიან ბნელოა. ასე იყო თუ ისე, მაინც სხვა გზა არსადა სჩანდა.

სქმეტუსკი ყოყმანს აღარ მოჰყვა და მალე გაჩნდა ნაგების ცხვირებ ქვეშა.

რანდი სულ დამუხლისთავებული მიფაფხავდა, იმიტომ რომ იქ წყალი მეტის-მეტად თხელი იყო. თათარი ისე ახლო იყო, რომ სქმეტუსკის ესმოდა ფრუტუნი იმის ცხენისა, რანდი შეჩერდა ერთს წუთას და ყური დაუგდო. მის ბედზედ ნავები ძალიან ხერხიანად იყო ამწყრივებული. ახლა მთლად ყურადღება თვისი მიაქცია ყაზახს, ხოლო ყაზახი თათარს არ აშორებდა თვალს. პარუჩიკი გასცდა ათიოდე ნავს და ამ დროს უცბად მოესმა ფეხის ხმა და ლაპარაკი ხალხისა. გაჰნაბა სული და დაუწყა ყურისგდება. როცა ყირიმში დადიოდა, ისწავლა თათრული და ახლა სულ ჟრუანტელმა დაუარა ტანში, რაკი გაიგონა ბრძანება:

— ჩასხედით და გასწით!

სულ ცხელება დააწყებინა სქმეტუსკის, თუმცა წყალში იყო ჩამალული. თუ წამსვლელნი იმ ნავში ჩასხდნენ, რომლის ქვეშაცა ვარ დამალული, ეს არის დავილუპეო; თუ ჩასხდნენ ერთერთს იმ ნავში, რომელიც წინ არის, მაინც დავილუპები, იმიტომ რომ იქ ცარიელი გაშუქებული ადგილი დარჩება და, როცა იმ ადგილს გაივლი, უეჭველად შემამჩნევენო.

ყოველი წუთი ლოდინისა ცეცხლი იყო ახლა მისთვის. აგერ დაიწყა კრაქუნის ფიცრებმა და თათრები ჩასხდნენ ნავში; მეოთხე თუ მეხუთე იყო ბოლოდან ის ნავი, რომელშიაც ისინი ჩასხდნენ; წასწიეს წინ ნავსა და წავიდნენ ტბისაკენ. ხოლო ამ გარემოებამ მიიქცია ყურადღება ყაზახთა დარაჯებისა.

სქშეტუსკი უძრავად იჯდა წყალში მთელი ნახევარ საათი. ბოლოს დარაჯნი გამოიცვალნენ და იმანაც გასწია წინა.

ასე იარა იქამდე, ვიდრე ნაევების მწკრივი გათავდებოდა. უკანასკნელ ნავს იქით კვლავ ლელიანები იწყებოდა. საშინლად გატანჯულმა, დაღლილმა რაინდმა დაიჩოქა და მხურვალედ ჰმადლობდა ღმერთსა.

შემდეგ უფრო გაბედვით დაიწყო სიარული. რამდენსაც დაჰბერავდა ქარი და ააშრიალებდა ლელიან-ჩალიანებსა, იმდენს ის უფრო უმატებდა სიარულს. აქა-იქ სადარაჯოდ დანთებული ცეცხლი შორსა რჩებოდა უკან, ოდნავ-ღა ციმციმებდა, ჰქრებოდა. ლელიანები თან-და-თან უფრო ხშირი იყო, ნიადაგი ქაობიანი. აქ დარაჯნი ახლო-ახლო აღარ იდგნენ, ხმაურობა და გუგუნნი ურდოსი ნაკლებად-ღა ისმოდა თან-და-თან. რალაც უცნაური ძალა ამაგრებდა რაინდის ხელ-ფეხსა. დიდის ღონით სწევდა აქეთ-იქით ჩალა-ლელსა, იფლობოდა ღია-ქაობებში, ვარდებოდა ყელამდე ლაფში, იხრჩობოდა მორევებში, აუტუტრდებოდა და კვლავ ფეხზე დგებოდა თავ-თხელებში. ჯერ კიდევ ვერა ჰბედავდა ნაპირზედ გასვლასა, მაგრამ ჰგრძნობდა კი, განსაცდელი ავიცდინე თავიდანაო. მოიხედა უკანა და დაინახა, რომ ურდოს ცეცხლები ძლივს-ღა მოსჩანდა; რამდენიმე ნაბიჯი კიდევ გაიარა და სულ მიეფარა თვალთავან მათი შუქი. მთვარე ამოვიდა, გარშემო ჩამოვარდა ღუმილი. აგერ მოისმა ხმაურობა, უფრო ძლიერი და დიდებული, ვიდრე ხმაურობა და შრიალი ლელიან-ჩალიანისა. სქშეტუსკიმ კინალამ დაიყვირა სიხარულით: წყალის ორთავე ნაპირებიდან შავად მოსჩანდა ტყე.

გაეშურა ნაპირისაკენ და ამოვიდა ლელიანებიდან. ნაძვის ტყე იქვე ნაპირიდანვე იწყებოდა: სუნი ფისისა ეცა ცხვირში. აქა-იქ შავად დაბურულს ტყეში ბჰყვრიალებდა, თითქო ვერცხლიაო, ფოთლები პუქპუქასი.

რაინდმა ხელ-მეორედ დაიჩოქა და მხურვალედ აკოცა დედა-მიწას.

ახლა კი ნამდვილად გადაჩენილი იყო. შემდეგ შეერია დაბურულს ტევრში და ეკითხებოდა თავისს თავსა: სად წავიდე, საით წამიყვანს ეს ტყე, სად არის მეფე და მისი ჯარიო?

გზა ჯერ არ იყო გავლილი სავსებითა, ჯერ კიდევ ბევრგვარი განსაცდელი იყო მოსალოდნელი და თავიდან ასაცილებელი, მაგრამ როცა გაიხსენა, რომ თავი დაახწია ამოდენა უზარმაზარ მტრის ურდოსა, გადურჩა იმისთანა ჭაობებსა და უბედურებასა, იფიქრა, რომ ყოველივე განსაცდელი ავიცილდე, რომ ეს ტყე პირდაპირი გზაა, ეგ მიმიყვანს მეფის ტახტამდეო.

და მიდიოდა ეს კაცი მშვიერი, გაყინული, სიცივით აკანკალებული, სველი, საკუთარი სისხლი თავს გადასდიოდა, ტალახი და ხავსით იყო მოთხვრილი და გული კი სიხარულით უცემდა, გული კი იმედითა ჰქონდა სავსე, რომ მალე ისეთი კი აღარა, არამედ ძლიერი, მძლავრი დავებრუნდები კვლავ ზბარაქშიო.

„ახლა გელირსებათ შემწეობა, ახლა აღარ დაგხოცავთ სიმშლით, — სთქვა მან გულში თავის ზბარაქელის მეომრებისა, — მე მოკიყვანთ მეფესა!“

და რაინდულმა გულმა სიხარულით დაიწყა ცემა, რაკი იმ აზრმა გაუეღვა ფიქრად, რომ ახლა კი მალე დავიხსნი თავადს, ჯარს, ვოლოდივესკის, ზაგლობას და ყველა იმ გმირთა, რომელნიც კარ-ჩაკეტილნი და ალყა-შემორტყმულნი არიან ზბარაქის ციხე-სიმაგრეშიო.

ტეფრი ტყისა ჰშლიდა თავის უზარმაზარ ტოტებსა და ჰფარავდა გმირს თავის ფრთეთა ქვეშე.

VII

ტოპოროვის სასახლის სასტუმრო ოთახში სამი კაცი იჯდა. რამდენიმე წმინდა სანთელი ერთო სტოლზედა და ზედ ეყარა რუკანი; მათ მახლობლად იდო მალაღი შლიაპა შავის ფრთითა, დაშნა სადავის ვადითა, რომელზედაც იდო დათან-

ჯრული ხელსახოცი და ერთი წყვილი ხარ-ირმის ტყავის ხელთათმანი. სტოლს უჯდა. ესე ორმოცის წლის კაცი, ტანდაბალი, გამხდარი, მაგრამ მკვრივის და მარღვინის აგებულებისა. პირი-სახე გაფითრებული ჰქონდა და მოღალეული, თავზედ ეღო შავი შვეტური პარკი გრძელის კულულის დაღალეობითა, რომელიც მხრებამდე სწვდებოდა მის პატრონს. თხელი შავი უღვაშები, ზემოდ-აგრეხილი, ამკობდა მის ზედა ტუჩს, მაშინ როდესაც ქვემო ტუჩი, წვერთან ერთად, წინ იყო ძრიელ წამოწვდილი და მთელს მის სახეს სდებდა ნიშნობლივს იერს ლომის გულადობისას, გულ-ზვაობისასა და კერპობისას. ვერ იტყოდით რომ ლამაზი სახისააო, გარნა არც ის ითქმოდა, რომ შეუშინეველი, უბრალო სახის კაციაო. დატკობის სურვილის ნიშანი ეღო სახეზედ, გარნა ის ნიშანი უცნაურად შეერთებოდა ამ სახის სასტიკსა და ყინულივით ცივს ჩრდილსა. შავი თვალები დაღლილებივით იხედებოდა, მაგრამ ადვილი მისახვედრი იყო, რომ ჟამსა გატაცებისასა ანუ განრისხებისასა, სულ ცეცხლს დააფრქვევდა და ამ ცეცხლს ყველა ვერ გაუშტერებდა თავის თვალებსა. ამასთანავე, ეტყობოდა, რომ მოკლებული არ იყო გულ-კეთილობისა და სიმშვიდის მცირეოდენს იერსაცა. შავი ტანისამოსი, ატლასის განწყობილის ახალუხივით და დაფანჯრული სახელო თეთრის პუქპუქასი, შნოსა და ლაზათს ჰმატებდა ამ კაცის წამოსადეგობას. საზოგადოდ, თუმცა მწუხარე მეტყველება ჰქონდა მის სახეს, მაინც რაღაც დიდებულება ეტყობოდა ზედა. მართლაც, იგი იყო თვით მეფე იან კაზიმირ ვაზა, მემკვიდრე ვლადისლავის სამეფო ტახტისა.

ცოტა იმაზედ მოშორებით, მიჩრდილოლს ადგილს, იჯდა იერონიმე რამევესკი, უფროსი კაცი ლომეინისა, მეტად ტანდაბალი, სქელი, წითური, მოხერხებულის კარის-კაცის სახისა, ხოლო მის პირ-და-პირ, სტოლს ახლო იჯდა მესამე კაცი, იდაყვით სტოლს დაჰბჯენოდა, შინჯავდა რუკას და ჟამითი-ჟამად მეფეს შეჰხედავდა ხოლმე.

მისი სახე იყო ყინულივით ცივი სახე სახელმწიფო კაცისა, მწუხარებითა და ფიქრით დაღარული-დანაოკებული. სისასტიკე

და უღმობელობა სახისა. არას უშლიდა მის სილამაზეს. ცისფერს მის თვალებს ჯერ არ დაჰკარგოდა კიდევ თვისი ელვარება, მდიდრული პოლონური ტანისამოსი და შევეტურად მოკლედ-მოკრეჭილი წვერი სდებდა მის სახეს, თითქო მარმარილოსაგან მოკვეთილს, უფრო მეტს დიდებულებას. ის იყო იური ოსლოინსკი, საზასო კანცლერი, საიმპერიო მთავარი, ორატორი და დიპლომატი, რომელი აკვირებდა ევროპის არა თუ იმ სამეფო კარს, სახელოვანი მოპირისპირე ერემია ვისნევეცკისა.

არა-ჩვეულებრივმა და შესანიშნავმა მისმა ნიქმა მიიქცია ყურადღება წინად წინად მყოფთა მეფეთა, ღირსი გაჰხადა უმაღლეს თანამდებობისა სახელმწიფოში, რომელიც ასე მიღწევილ იყო, აწ დამხოზამდე.

ხოლო კანცლერი მართლა თითქო განგებ იყო გაჩენილი სახელმწიფოს განსაგებელად. ამ შრომის-მოყვარესა, გამოცდილს, ქკვიანს, შორს-გამჰკრეტელს მთავარს შეეძლო ყოველი სახელმწიფო, ვარდა რესპუბლიკისა, მიეყვანა შშვიდს ნაეთსაყუდელსა, ყოველ სხვა სახელმწიფოსთვის ეზრუნა ვარგანი ძლიერება და ხანგრძლივი ჟამი შინაურის მშვიდობისა, თეით მჰყრობელი მინისტრი რომ ყოფილიყო ისეთის მონარქისა, როგორც იყო, მაგალითად, მეფე ფრანგებისა და ესპანელებისა.

აღზრდილი იყო სამზღვარ-გარედ, ჰხელმძღვანელობდა საზოგადო მოსაზრებითა, მაგრამ, თუმცა დაბადებითვე თანდაყოლილი ჰქონდა დიდი ქკუა-გონება და წინ-მსვლელობა, თუმცა ხან-გრძლივი გამოცდილება ჰქონდა, მაინც ვერას გზით ვერ შესძლო შესთვისებოდა რესპუბლიკის მთავრობის სისუსტეულბონობას, ვერ ისწავლა შეეწონა მისთვის თვისი ხასიათი და ამიტომ ამ კლდეზედ იმსხვრეოდა ყოველი მისი ფიქრი, განზრახვა, და მომავალში სჰკრეტდა მხოლოდ რღვევასა და თავის სამშობლოს სვე-უბედურებას.

იყო გენიოსი თეორეტიკოსი და ვერ მოახერხა გენიოსივე პრაქტიკი ყოფილიყო და ამიტომ ჩავარდა მოჯადოვებულს ყოფაში, საიდანაც მოსავალს კარგს ვერსად ჰხედავდა.

რაკი ერთს აზრს რასმე გამოისახავდა, ისეთს აზრს, რომელსაც შეეძლო სიკეთე მიენიჭებინა ქვეყნისათვის მომავალში, სცდილობდა ყოვლის ღონით მის განხორციელებას ფანატიკოსის ჯიუტობით, ყურადღებას აღარ აქცევდა იმას, რომ მაშინდელ ყოფაში ასეთს მეცადინეობას სრულიად სხვა მწარე ნაყოფი მოჰყვებოდა.

მთავრობისა და სახელმწიფოს გაძლიერება უნდოდა და ამიტომ მან მიუშვა, მოაღუნა ის სადავე, რომელითაც ალაგმული იყო ყაზახობა და ის კი ველარ განსჭვრიტა, რომ გრივალი არა მარტო შლიახტას, თავად-აზნაურობას დააფორიაქებდა მისის ძალ-მომრეობითა და თვით-ნებობითა, არამც თუ შეჰკმუსრავედა მათს ლატიგუნდიებსა და დიდს მემამულეობას და მიწაწყალის დასაკუთრებას დიდ სამზღვართა-შორის, არამედ მუქარას დაუწყებდა თვით სახელმწიფოს ინტერესებსაცა.

მინდორ-ველიდან წამოჰყო თავი ხმელნიცკიმ და ბუმბერაზად გადიქცა. რესპუბლიკა საშინლად იქმნა დამარცხებული ყვითელ წყლებთან, კორსუნს, პოლაევცსა. პირველშივე ხმელნიცკი შეუერთდა მტერს, თათრებსა. გრივლი გრგვინვისა ზედიზედ მოჰყვა ერთმანერთსა; შემდეგ კიდევ მოსალოდნელი იყო მხოლოდ ომი და კვალად ომი. ეს გაზრდილი, საშიში ძალა უპირველეს ყოვლისა უნდა დათრგუნვილიყო, რომ შემდეგში მისი სასარგებლოდ გამოყენება შესძლებოდა ქვეყანას, ხოლო კანცლერი შთანთქმული თვისთა მოსაზრებათა სიღრმეში სულ აყოვდებოდა და ერწმუნებოდა ხმელნიცკისაც კი.

საქმეთა მიმდინარეობის აუცილებლობამა და ლოგიკამ დაარღვია მისი თეორიები; დღითი-დღე უფრო და უფრო ცხადად ჩნდებოდა, რომ კანცლერის მეცადინეობას სულ საწინააღმდეგო შედეგი მოსდევდა. ბოლოს, დაჰკრა ჟამმა და ზბარაქსაც გარს შემოადგა მტერი. ახლა აღარავითარს ეჭვს ადგილი აღარა ჰქონდა მის გულში. კანცლერი წელში იხრებოდა სინდისის ქენჯნისა, მწუხარებისა და საყოველთაო ზიღზის ტვირთ ქვეშე.

და ისიც იქცეოდა ისე, როგორც იქცევიან ის კაცი, რომელთაც შეურყვევლად სწამთ თვისი ძალა და ჭკუა: ეძებდა დამნაშავეთა.

დამნაშავე იყო მთლად რესპუბლიკა, მისი მთავრობა, წარსული რესპუბლიკისა, მისი სახელმწიფო წეს-წყობილება, გარნა თუ ვინმე იმის შიშითა, რომ კლდე მთის პირად გადმოწვდილი უფსკრულში არ შთაინთქასო, მონინდომებს მისს მალლა მწვერვალზედ ატანას, ხოლო არ კი შეუწონებს ამ დიდს საქმეს თავისს ძალ-ღონეს, ის მხოლოდ ააჩქარებს იმ კლდის გადმონგრევასა. კანცლერმა უარესი მოიქმედა: მან მოუწოდა საშველად საშინელს ყაზახთა ზვირთს, იმას კი ყურადღება არ მიაქცია, რომ ამ ზვირთს შეეძლო მხოლოდ გამოქმა საძირკვლისა, რომელზედაც კლდე იყო დამყარებული.

ხოლო როცა ის ბრალეულს ეძებდა, თვით მას მიჰპართა ყველამ თვალნი და ის დასახა მიზეზად ომისა, დაშარცხებისა, სეე-უბედურებისა.

გარნა მეფე მაინც იმას ერთგულობდა, იმას ერწმუნებოდა და ერწმუნებოდა მით უფრო, რომ საყოველთაო მათქმამოთქმა, თუმცა იგი მეფე იყო, იმასაც ამტყუნებდა კანცლერთან ერთად:

ახლა ისხდნენ ისინი ტაბოროკში შეწუხებულნი, დაღვრემილნი და არ იცოდნენ რა ექმნათ, რა მოეკმედნათ. მეფესა ჰყავდა სულ მხოლოდ ოც და ხუთი ათასი ჯარი. ქულზე კაცის გამოწვევა დაგვიანდა და იმ ხანად მოგროვდა მხოლოდ ნაწილი ამ გამოწვევულის ლაშქრისა. ვინ იყო მიზეზი ამ დაყოვნებისა, თვით კანცლერის ახირებულმა და ჯიუტმა პოლიტიკამ ხომ არ დაჰბადა იგი, ეს ისეთი საიდუმლოა, რომელიც დღესაც არ არის გამოცნობილი; საკმაოა, ისიც რომ იმ წუთს ისინი ცხადად ჰგრძნობდნენ თავიანთ უძლურებას ხმელნიცკის ძლიერების წინაშე.

ეს კიდევ ცოტაა, ხმელნიცკისა რიგიანად არა იცოდნენ-რა. მეფის ბანაკში ჯერ კიდევ არ იცოდნენ, ეშველება თვით ყენი ხმელნიცკისა, თუ იმასთან მართა ტულაი-ბეია რამდენი-

სამე ათასის ურდოელითაო. ამ საგნის ცოდნაზე კი იყო სიკვდილ-სიცოცხლე დამოკიდებული. თვით ხმელნიცკისთან, თუ საჭიროება მოიახზოვდა, მეფეს შეეძლო კიდევ ბელი ეცაღნა და შეჭბრძოლებოდა გაორგულებულს გეტმანს, თუმცა იგი ათჯერ ძლიერი იყო. სახელი მეფისა ჯერ კიდევ ძლიერი იყო ყაზახთა შორის, იქნება უფრო ძლიერი, ვიდრე ბრბონი საყოველთაოდ ქუღზე გამოწვეულის აბეზარისა და სამხედრო საქმეში გაუწურთენელის შლიახტისა, ხოლო თუ ხმელნიცკისთან თვით ყენიცი იყო, მაშინ კი გამკლავება მასთან სულ უგუნურება იქნებოდა.

მართალია, ქორები მოჰქონდათ, მაგრამ ის ქორები ჰკუას ახლო არ იყო და ვერაინ დაიჯერებდა. ფრთხილი ხმელნიცკი ერთს რაზმს არ უშვებდა თავის ბანაკიდან არც ყაზახებისასა და არც თათრებისას, რომ მეფემ მთხრობელი არ შეიპყრას და ჩემი ამბავი არ გაიგოსო. გეტმანს თავისი ფიქრი ჰქონდა: უნდოდა ჯერ გაენადგურებინა უკვე ძალ-ლონე მიღებული ზბარაყი და მერე მოულოდნელად გამოსცხადებოდა მეფეს, შემორტყმოდა გარშემო თავის ჯარით და შეპყრობილი ხელმწიფე მიეცა ხელში ყენისათვის.

მაშასადამე, უმიზეზოდ არ გადაჰკროდა ღრუბელი ჰმუნვისა მეფის შუბლს, რადგან პატრონ-მპყრობელისათვის იმაზედ მეტი ჰმუნეა იქნება, რომ ჰგრძნობდეს თავისს უძლურებას. იან კაზიმირი უსასოდ მიეყუდა სავარძლის ზურგს, მკლავი ულონოდ დაუშვა სტოლზედა და სთქვა მიუთათა რა რუკებზედა.

— ესეები ყოველივე არაფრისათვის არ არის საჭირო, არაფრისთვის! მთხრობელი მიპოვნეთ სადმე.

— მეც მაგაზე მეტი არა მინდა-რა, — უპასუხა ოსსოლინსკიმ.

— მზვერაენი დაბრუნდნენ?

— დაბრუნდნენ, მაგრამ ვერაინ ვერ მოიყვანეს.

— არც ერთი ტყვე?

— მხოლოდ ახლო-მახლო სოფლების გლეხნი შეეპყროთ, მაგრამ იმათ არაფერი არ იცოდნენ.

— პან პელკა-ლა, დაბრუნდა? სანაქებო მხედარია.

— თქვენო უდიდებულესობაე!—წამოილაპარაკა უფროსმა ლომეირმა,—პან პელკა არ დაბრუნებულა და არც დაბრუნდება: იგი მოკლული იქმნა.

ჩამოვარდა წუთი მღუმარებისა. მეფემ გაუშტერა მწუხარე თვალნი სანთელის აღს და დაუწყა თითქოს ცემა სტოლს.

— მაშ, რა ვქნათ?—იკითხა მან ბოლოს.

— უნდა ვიცადოთ!—სთქვა კანცლერმა დიდის ამბითა.

იან კაზიმირის შუბლი დანაოჭდა.

— ვიცადოთ?—განიმეორა მეფემა,—იქ კი ვისნევეცკი და გეტმანები დაილუბებინ.

— გამაგრდებიან კიდევ პატარა ხანსა,—სთქვა დაუდევრობით რამევესკიმ.

— გაჩუმებულიყავით, პან მოურავო, სჯობდა, თუ კი მაგაზედ უკეთესს ვერას იტყოდით.

— შე ჩემი ფიქრი მაქვს, თქვენო უდიდებულესობაე.

— რა ფიქრი?

— გავკზავნოთ ვინმე ზბარაჟს, ვითომ იმ აზრით, რომ მოლაპარაკება გვწადიან ხმელნიცკისთან. ელჩი დაინახავს, იქ არის თუ არა ყენი, დაბრუნდება და ყოველსაეე გვიამბობს.

— ეგ შეუძლებელია,—სთქვა მეფემ უგულოდ.—ახლა, როცა ხმელნიცკი მემბოხედ გამოვაცხადეთ, ფასი დაენიშნეთ იმისთვის, ვინც მის თავს მოგვართმევს, და კვერთხი იმიერ-ქორომეთის გამგეობისა ვუბოძეთ ზაბუსკის, ჩვენს დიდებულებას არ შეჭფერის მოლაპარაკება დაეუწყოთ ხმელნიცკისა.

— მაშ, ყენს გავუგზავნოთ კაცი,—უპასუხა მოურავემა.

მეფემ მძლავრად გაუშტერა თვალი კანცლერსა, რომელმაც შეჰხედა თვისის ცის-ფერის თვალებითა და, შემდეგ მცირე ხნის მოფიქრებისა, სთქვა:

— ეგ რჩევა კარგია, მაგრამ ხმელნიცკი, ეჭვი არ არის, შეიპყრობს ელჩს და ჩვენც მაინც, სულ ერთია, ვერას შევიტყობთ.

იან კაზიმირმა ხელი დაიქნია, უიმედობის ნიშნადა.

— როგორცა სჩანს, — სთქვა მან აუჩქარებლივ, — ყოველი თქვენი მოსაზრება აუსრულებელია. ამიტომ მე ჩემს მოსაზრებას წარმოგიდგენთ. ვუბრძანებ დაჰკრან საყვირნი და მთელის ჩემის მხედრობით გავსწეე ზბარაჟს. დეე აღსრულდეს ნება ღვთისა! ჩვენ თვითონ ვნახავთ ყენი იქ არის, თუ არა.

კანცლერმა იცოდა, მეფის გამბედაობა, იცოდა რომ ველარასტრით ველარ შეიკაებდა მის გულის-თქმასა და არც ექვობდა, რომ შეასრულებს კიდევ მეფე თავის განზრახვასაო. მეორეს მხრით, წინადაც ნაცადი ჰქონდა, რომ რაკი მეფე განიძრახავდა რასმე, ველარაეითარი რჩევა ველარ დააყენებდა უკანა. ამიტომ წინააღმდეგობაც აღარ გაუწია, კიდევაც მოუწონა ფიქრი და მხოლოდ ეს მოახსენა, რა საჭიროა უსათუოდ ამ საათშივე არ გავემართოთო. შეიძლება ხვალ იყოს, ან ზეგაო, ხოლო მანამდე იქნება კარგი რამ ამბავიც გავიგოთო; ამბავი მეფის წასვლისა დღითი-დღე გავრცელდება იმ მდებობათა შორის, რომელთაც არ მოსწონთ ზბარაჟის გარშემოდგომა. ამბოხება შესაძლოა განჰქრეს მეფის დიდებულების ბრწყინვალეებისაგან ისევე, როგორც თოვლი ჰქრება მზის სხივებისაგან, გარნა ყოველ ამისთვის დრო არის საჭიროვო.

მეფევეა ხსნა სრულიად რესპუბლიკისა და იმის შიშით, რომ იგია პასუხის-მგებელი წინაშე ღვთისა და მომავალის შთამომავლობისა, მან არ უნდა გასწიროს ადვილად თავი, მით უმეტეს, რომ, ვინიცობაა, ვერ გავიმარჯვებთ, ზბარაჟის ჯარი აუცილებლად ამოსწყდებოა.

— მოიქეცით, როგორც გინდათ, მხოლოდ მთხრობელი უნდა მიპოვნოთ უსათუოდ ხვალა.

კვლავ ჩამოვარდა წუთი დუმილისა. ფანჯარაში შემოანათა უშველებელმა ოქროს-ფერმა მთვარემ, მაგრამ ოთახში სიბნელემ იმატა, სანთლები ცხვირ-მოსახოცები შეიქნა.

— რამდენი საათია? — იკითხა მეფემ.

— შუა-ღამეა მოტანებული, — უპასუხა რამევესკიმ.

— მე ამაღამ არ დავიძინებ, შემოვივლი ბანაკს თქვენთან ერთად. სად არიან უბალდი და არციშევსკი?

— ბანაკში გახლავან. წავალ და ვუბრძანებ, რომ ცხენები მოგართვან,—სთქვა მოურავ-ერისთავმან.

მივიდა კიდევ კარებთან და უცებ ტალანში რალაც ხმაურობა ატყდა, გაცხარებული ლაპარაკი. ეტყობოდა, ვილაც მოდიოდა აჩქარებით. ბოლოს კარები გაიღო ყურთამდე და ოთახში შემოვარდა შეშფოთებული ტიზენგაუზენი, აზნაური მეფისა.

— თქვენო უდიდებულესობავ!—წარმოსთქვა მან,—აფიცერი გიახლათ ზბარაგიდან!

მეფე წამოვარდა ზეზედ, კანცლერიც წამოხტა და ორივემ ერთად დაიძახეს:

— ეგ შეუძლებელია!

— მართალი გახლავთ! ტალანშია.

— შემოიყვანეთ ახლავე!—დაიძახა მეფემ მოუთმენლობით,—შემოიყვანეთ, თუ ღმერთი გწამთ!

ტიზენგაუზენი გაბრუნდა და პატარა ხანს უკან კარებში შემოვიდა ვილაც უცნობი მალალ-მალალი კაცი.

— ახლო მოდი!—უთხრა მეფემ,—ახლო! მოხარულნი ვართ, რომ გხედავთ!

აფიცერი მიუახლოვდა სტოლს და როცა მეფემ, კანცლერმა და ლომეის მოურავმა კარგა გაარჩიეს, ისე გაცდნენ, რომ უკან დაიწიეს პატარაზედა. მათ წინაშე იდგა ვილაც საშინელი კაცი, უფრო ლანდი და მოჩვენება, ვიდრე ადამიანი. რალაც ბრანძები ძლივს ჰვარავდა მისს გამხდარს ტანს, გალურჯებული პირისახე ტალახითა და სისხლითა ჰქონდა მოთხვრილი, თვალები ცეცხლივით უნათებდა, შავის აწეწილის თმით მოსილი თავი ძირს ჰქონდა ჩამოკიდული, თითქო ვეღარ იმაგრებოდა, ხოლო ფეხები ისე უკანკალებდა, რომ იძულებული იყო სტოლს დაყრდნობოდა.

მეფე და ორი დიდებული კარის-კაცი თვალვინაობით დაწყვეტილები შესცქეროდნენ. კარები კვლავ გაიღო და შემოვიდნენ: გენერლები უბალდი და არციშევსკი, კანცლერის თანაშემწე ლიტველი საპეგა, მოურავი რეჩისა და სხვანი. ყველანი მეფეს

უკან გაჩერდნენ და გაკვირვებით ათვალისწინებდნენ ახლად მოსულსა.

— ვინა ხარ შენა?—ჰკითხა მეფემა.

საცოდავმა პირი გაალო, უნდოდა ეთქვა რაღაცა, მაგრამ ყელი შეეკრა, წვერმა ცმაცუნი დაუწყუო და მხოლოდ ამის თქმა მოახერხა ნელის ხმით:

— ზბა...რაყიდან გახლავარ!

— მოუტანეთ ღვინო!—დაიძახა ვილამაცა.

მოუტანეს ღვინით სავსე თასი. ძლივს დალია მოსულმა ეს ღვინო. ამ დროს კანცლერმა მოიხსნა მანტია და მოახურა საცოდავს ბეჭებზედ.

— ახლა შეგიძლიან ლაპარაკი?—ჰკითხა პატარა ხანს უკან მეფემა.

— შემიძლიან,—უფრო მტკიცედ უპასუხა რაინდმა.

— ვინა ხარ?

— იან სქშეტუსკი... პარუჩიკი გუსართა.

— ვის სადროშოსი?

— რუსეთის მოურავ-ერისთავისა.

— რა ამბავია თქვენში? რა ამბავია?—მოუთმენლად ეკითხებოდა მეფე.

— გაკირვება... სიყმილი... მარტო ოდენ სიკვდილი...

მეფემ თვალებზედ ხელები მიიფარა.

— იესო ნაზარეტელი! იესო ნაზარეტელი!—ნელის ხმით წარმოსთქვა მან.

— დიდ ხანს გამაგრდებიან კიდევ?

— თოფის წამალი აღარ არის. მტერმა დაიპყრო თხრილები...

— მტერი ბევრია?

— ხმელნიცკია... ყენი მთლად თავისის ურდოებითა.

— ყენიცა?

— დიაღ.

ჩამოვარდა დიდი მღუმარება. დიდებულმა კარის-კაცებმა ერთმანეთს გადაჰხედეს გაკვირვებითა.

— როგორ გაუძელით მერე აქამდე? — უბრძანა მეფემ მცირეოდენის ექვიანობის კილოთი.

ამ სიტყვებზედ სქშეტუსკიმ თავი მალლა აიღო, თითქო ახალი ძალ-ღონე ჩაუდგა ძარღვებშიო, სახეზედ გულ-ზეაობა დაეტყო, ხმა გაუმაგრდა:

— ოცჯერ უკუ-ქცევა იერიშისა, თექვსმეტჯერ ბრძოლა და გამარჯვება მინდორში, სამოც და თხუთმეტჯერ ციხიდან გავეუხტიო...

და კვლავ დუმილი ჩამოვარდა.

უცებ მეფე გასწორდა წელში, შეიქნია თავი და შეისწორა დალაღნი პარიკისა, თითქო ლომმა ფაფარი შეიბერტყაო და გაფითრებული მისი ლოყები გაწითლდა, ხოლო თვალებმა ბრწყინვა დაუწყეს.

— ღმერთსა ვფიცავ! — შესძახა მან, — კმარა ეგ რჩევა-დარიგებანი, ეგ დათათბირება ჩემი და დაყოვნება საქმისა. სდგას იქ ყენი თუ არა, შემოკრბა ქუდზე კაცის ჯარი თუ არა, ღმერთსა ვფიცავ, კმარა ეგ ყოველივე ჩემთვისა. დღესევე, დღესევე მივიღივართ ყველანი ზბარაჟსა, გათავებული საქმეა!

— ზბარაჟსა! ზბარაჟსა! — განიმეორეს სხვებმაც მეფესთან ერთად.

სქშეტუსკის სახე გაუბრწყინდა სიხარულითა.

— ოჰ, მოწყალეო მეფეო და ხელმწიფეო! — სთქვა მან, — შენთვის უნდა იცოცხლოს კაცმა და შენთვისვე მოჰკედეს!..

კეთილი გული მეფისა დაშბილდა, როგორც წმინდა სანთელი და, თუმცა ისეთის გარეგნის სანახაობისა იყო რაინდი, გადაეხვია და სთქვა:

— მაგ ბრანძებით უფრო სასურველი ხარ შენ ჩემთვის, ვიდრე ფარჩა-ატლასით მორთული. ვფიცავ ყოველად-წმიდა ქალწულსა, რომ ბევრად მაგისთანაზედ ნაკლების ღვაწლისათვის აჯილდოვებენ კაცს მოურავ-ერისთავობის თანამდებობითა... არც შენ დარჩები დაუჯილდოვებელი... ნურას მეწინააღმდეგები! მე მოვალე ვარ შენი!

დიდებულებმა ერთხმად მოუწონეს მეფეს ნაბრძანები.

— მერე როგორ გამოიარე ყაზახთა და თათართა ბანაკ-ზედა?

— ქაობებში ვიმალებოდი, ლელიან-ჩალოხანებში, ტყე-ტყე მოვდიოდი... გზა-დაკარგულობით... უგზო-უყველოდ... უქმელ-უსმელი.

— მოუტანეთ საქმელი! — ბრძანა მეფემა.

— საქმელი! — განიმეორეს სხვებმაცა.

— ჩააცვით ტანთა!

— ხეალ ცხენი და ტანისაჟოსი მიაართვან, — განაგრძია მეფემ. — არავითარ გაქირვებას აღარა ჰნახავ ამას იქით.

მეფის მიბაძვით ყველანი ქება-დიდებათ ამკობდნენ რაინდსა. ზოგი რასა ჰკითხავდა და ზოგი რასა. რაინდი ძლივ-ძლივობისას, დიდის გაქირვებით ახერხებდა პასუხის მიცემას, თან და თან უფრო და უფრო ემატებოდა სისუსტე, ცნობა თითქმის მიეხადა. მოიტანეს სასმელ-საქმელი. მოვიდა მღვდელი ცეციშოვსკიცა, მეფის კარის მქადაგებელი.

დიდებულთ გზა დაუთმეს მაშინვე. იგი მღვდელი იყო კაცი მსწავლული, ფრიად მიღებულნი; მეფე დიდად აფასებდა იმის რჩევასა, უფრო მეტად, ვიდრე კანცლერისასა, ხოლო ამბიონიდან ქსენძი ცეციშოვსკი ხან და ხან ისეთს საგნებს შეეხებოდა ხოლმე, რომელსაც არავის შეეძლო შეჰხებოდა სეიმზედაც კი. მღვდელს მაშინვე უამბეს, რომ ზბარაჟიდან მოვიდა აფიცერი, რომ იქ მთავარი, თუმცა სიმშილი აწუხებს მის ჯარს და არც საკმაოდა აქვს სამხედრო იარაღი და თოფის-წამალი, ჯერ კიდევ თავპირს ამტვრევს ყენსა და ხმელნიცკის, რომელსაც იმდენი ხალხი არ დაეხოცა მთლად წარსულის ხნის განმავლობაში, რამდენიც ამოუწყდა ზბარაჟის გარ-შემოდგომითაო, რომ, დასასრულ, მეფეს უნდა წავიდეს იმის მისაშველებლად და ასე ბრძანებს, რომ იმას მაინც ვუშველი, თუნდა სულით-ხორცამდე დავიღუპებოდე მთლად ჩემის ჯარითაო.

ქსენძი ისმენდა მღუმარებით და თან თვალს არ აშორებდა რაინდის გამხდარს საქსა. ხოლო გმირი სჭამდა ხარბად საქმელსა და ყურადღებას არ აქცევდა მეფესა, რომელიც ხან-და-

ზმით მიუჯახუნებდა ხოლმე მის ქიქას თავის პატარა ვერცხლის სტაქანსა.

— რა გვარის კაცია ეს აფიცერი?— იკითხა მღვდელმა.

— სქშეტუსკი.

— იანი?

— დიალ, — იანი.

— პარუჩიკი მთავარისა, რუსეთის მოურავ-ერისთავისა?

— დიალ.

ქსენძმა აიღო მალლა თავი და დაიწყო ლოცვა.

— ვმადლობდეთ უფალსა! აუარებელნი არიან გზანი, რომლითაც მიჰყავს ღმერთს კაცი ბედნიერებადა და მოსვენებად. მე ეიცნობ მაგ რაინდსა.

სქშეტუსკიმ მოჰკრა ყური ამ სიტყვებსა და უნებურად დააქცერდა მოლაპარაკეთ, მაგრამ ვერც სახე და ვერც ხმა მღვდლისა ვერ იცნო.

— მაშ მთელს ჯარში მარტო თქვენ იკისრეთ მტრის ბანაკზედ მალვით გამოპარვა?— ჰკითხა მღვდელმა.

— ჩემზედ წინად ჩემი ამგანაგი წამოვიდა, მაგრამ ის მოჰკლეს, — უპასუხა სქშეტუსკიმ.

— მით უფრო დიდია თქვენი ღვაწლი, რომ გაჰბედეთ და მის შემდეგ წამოხვედით. თქვენს გარეგნობას რომ ვუყურებ, ეხედავ, რომ თქვენი გზა მეტად ძნელი გამოსაღლეელი უნდა ყოფილიყო. ღმერთი უყურებდა თქვენს მსხვერპლს, თქვენს ქველობას, თქვენს ახალგაზღვობას და მშვიდობით გამოგატარათ თქვენი გზა.

და ქსენძმა მიჰმართა იან კაზიმირს:

— თქვენო უდიდებულესობავ, — მოახსენა მან, — მტკიცედ გადასწყვიტეთ მიეშველოთ რუსეთის მთავარს და მოურავ-ერისთავსა?

— თქვენს ლოცვასა და ვედრებას, მამაო წმიდაო, — უპასუხა მეფემ, — ვაბარებ სამშობლოს, ჯარებსა და თვით თავსა ჩემსა, იმიტომ რომ ვიცი, რამდენად საშიშოა ეს ჩემი განზრახვა, მაგრამ არ შემძლიან მოვითმინო, რომ მოურავ-ერისთავი და

მთავარი ისეთს განსაცდელში ჩაეარდეს ზბარაჟსა და ისეთის რაინდობით ებრძოდეს განსაცდელსა, როგორც აი ეს აფიცერი ებრძოდა.

მღვდელმა აღაპყრა ხელნი. დარბაზში მღუმარება ჩამოვარდა.

— *Benedico vos, in nomine Patris et Filii et Spiritus sancti* (დამილოცნიხართ სახელითა მამისათა და ძისათა და სულისა წმინდისათა).

— ამინ! — ბრძანა მეფემა.

— ამინ! — განიმეორეს ყველა იქ მყოფთა.

იან კაზიმირს დალილ-დაქანცულს სახეზედ დაეტყო დამშვიდება და მხოლოდ მისმა თვალებმა დაიწყო არა-ჩვეულებრივი ბრწყინვა. აიღო სტოლიდან დაშნა და ანიშნა ტიზენ-გაუზენს, შემომარტყო.

— როდისა ჰფიქრობთ, თქვენო უღიდებულესობავ, გამგზავრებასა? — ჰკიცხა კანცლერმა.

— ღმერთმა ეს მშვენიერი ღამე დაგვიღამა, — ბრძანა მეფემა — პან ბარგის დარაჯო, უბრძანეთ დაჰკრან საყვირნი და შესხდნენ ცხენებზედ მხედარნი.

დარაჯი მაშინვე წავიდა ბრძანების ასასრულებლად. კანცლერმა მოკრძალებით ამცნო მეფეს, რომ ჯერ ყველანი მზად არ არიან და ეტლნი მხოლოდ ხვალ დილით შეიძლება გაუდგნენ გზასაო, ხოლო იან კაზიმირმა მოუთმენლობით გააწყვეტინა სიტყვა:

— ვისთვისაც ეტლნი უფრო ძვირფასია, ვიდრე ხსნა და დიდება სამშობლოსი, იმას შეუძლიან დარჩეს.

დარბაზი ნელ-ნელა დაცარიელდა. თითოეული ეშურებოდა მიეხედნა თავის სადროშოსთვის, რომ საომარ ფეხზედ დაეყენებინა, გასალაშქრებლად მოემზადებინა. ოთახში დარჩნენ მხოლოდ მეფე, კანცლერი, ქსენდი და პან სქშეტუსკი ტიზენგაუზენითურთ.

— ბატონო, — სთქვა მღვდელმა, — ყოველივე გავიგეთ ამ რაინდისაგან, ყოველივე ის, რაც ჩვენთვის საინტერესო იყო.

ახლა უნდა მოვასვენოთ ეს კაცი, იმიტომ რომ დაღალულია და ფეხზედ ძლივსლა სდგას. ნება მიბოძეთ, თქვენო უდიდებულესობაე, მე წავიყვანო ჩემთანა.

— ოჰ, დიდაც! ტიზენგაუზენმა წაიყვანოს და ერთმა კიდეც სხვამ, თორემ მარტო ვერ ივლის. წადი, წადი, ჩემო კარგო მეგობარო, შენზედ მეტად არავის არ დაუმსახურებია დასვენება, გახსოვდეს ისიცა, რომ შენი მოვალე ვარ. უმალ ჩემს თავს დავიფიცებ და შენ კი არასდროს!

ტიზენგაუზენი ამოუდგა მკერდში სქმეტუსკის და გაიყვანა ოთახიდან. ტალანში შეხვდათ უფროსი რეჩისა და მეორე მხრიდან ის ამოუდგა აფიცერს მხარშია; წინ მიდიოდნენ მღვდელი და პატარა ბიჭი ფარნითა, რომელიც საჭირო კი არ აღმოჩნდა: დიდი ოქროსფერი მთვარე წყნარად მიცურავდა ცაზედა. იქიდან, საცა ბანაკი იყო, მოდიოდა ხმა ხალხისა, ჭრიალი ურმებისა და ცემა ბუკთა და ნალართა. შორს, საყდართან, რომელიც მთვარის ნათელით იყო მთლად გაშუქებული, მოსჩანდნენ რაზმ-რაზმად დაწყებულნი ქვეითნი და ცხენოსანნი ჯარის-კაცნი. ურმების ჭრიალს უერთდებოდა ჩხრი-ალი ჯაქვებისა და ყრუ ხათქა-ხუთქი ზარბაზნებისა.

— ლაშქარი დაიძრა უკვე! — სთქვა ქსენძმა.

— ზბარაჟს წასასვლელად... მისაშველებლად, — წაიჩურჩულა სქმეტუსკიმ.

და, ვინ იცის, რა მიზეზით, სიხარულითა თუ დაღლილობით, იქნება ერთის მიზეზითაცა და მეორითაცა, ისე დასუსტდა, რომ ტიზენგაუზენი და უფროსი რეჩისა ძლივს იმაგრებდნენ.

საყდართან იდგნენ სადროშონი საპეგასი და ქვეითი ჯარი არტიშევსკისა. ჯარის კაცნი შეჯგუფებულიყვნენ აქა-იქა და გადაელობნენ გზაზედ.

— გზა გვიყავით, გზა! — ჰყვიროდა მღვდელი.

— ვინ მოდის?

— აფიცერი ზბარაჟისა!

ჯარის-კაცნი უცლიდნენ მაშინვე გზასა და გაოცებულნი შესტკეპროდნენ გმირს.

დიდის გაკირვებით მიიყვანა მღვდელმა სქშეტუსკი სახლამდე. იქ დააბანინეს ხელ-პირი, გააცალეს ხაფისი, შლამი და ტალახი და ქსენძმა დააწვინა აფიცური ლოგინში, ხოლო თვითონ ჯარებთან წავიდა.

სქშეტუსკის ცნობა ჯერ კიდევ ჰქონდა, ხოლო ციება ნებას არ აძლევდა, რომ მალე ჩასძინებოდა. ახლა აღარ ესმოდა სად იყო და ან რა ამბავი იყო მის გარშემო. ეყურებოდა მხოლოდ ლაპარაკი, თქარა-თქური ცხენებისა, ყვირილი ჯარისკაცთა, ხმა საყვირთა და ყოველივე ესე ერთად შეერთდა მისს ყურებში და ერთ განურკვეველ ჟღავი-ჟღუვად გადაიქცა. „ჯარი მოდის“, — იფიქრა მან გულში. ხმაურობა ნელ-ნელა შესუსტდა, მიწყდა; ტოპოროვში ღუმილი ჩამოვარდა.

სქშეტუსკის ეგონა, რომ ჩემის ლოგინითურთ სადღაც უფსკრულში მივქრიო.

VIII

სქშეტუსკის რამდენიმე დღე ეძინა, მაგრამ გაღვიძების შემდეგაც დიდ ხანს არ ანებებდა თავს ჩაცივებული ავი ციება. კიდევ დიდ ხანსა ჰბოლავდა, ახსენებდა ზბარაყსა, მთავარსა, კრასნოსტაველ უფროსსა, ემუსაიფებოდა პან მიხალსა და ზაგლობასა, უყვიროდა პან ლონგინუს პოლბიპენტას: „მანდეთ ნუ შიდიხარო!“ მხოლოდ კნიაჟნა არ გაახსენდა არც ერთხელა. ხან-და-ხან ისე ეჩვენებოდა ხოლმე, რომ ვითომ ჟენძიანს დაუხრია თავი მისს ლოგინზე და ჩასცქერის თვისის თეთრ-წითურის სახითა, სწორედ ისე, როგორც მაშინ, როცა თავადმა კონსტანტინოვის ბრძოლის შემდეგ გაჰგზავნა ზასლაველსა და დაავალა გაწყვეტა მძარცველების ბრბოთა, ხოლო ჟენძიანი მოულოდნელად გაჩნდა მისს ბინაზედ განთიადისას. და ეს სახე ერთს აღიიქოთს ასტეხდა ხოლმე მისს გულში; ასე ეგონა, რომ სრბოლა ჟამისა შემდგარა და მას უკან დროს აღარა შეუცვლია-რაო. აგერ ვითომ ისევე ხომორშია, ხოლო როცა გაღვიძებ, ტარნოპოლს წავალ და სადროშოებს შევკრებავ სა-

ომარ ფეხზე დასაყენებლადაო. ვითომ კრივანოსი, დამარცხებული კონსტანტინოვსა, გაიქცა ხმელნიკისთან. ენძიანი მოვიდა გუშჩიდან და უზის თავითა. სქშეტუსკის უნდა ლაპარაკი დაუწყოს, უნდა უბრძანოს პაესა, შეჰკაზმე ცხენებიო, მაგრამ არ შეუძლიან. და ფიქრად მოსდის, რომ ვითომ ხომორში აღარა ვარო, რომ მას უკან დიდი დრო გავიდაო... ბარი აღებულ იქმნაო, და საცოდავი მისი გონება მოიცვა წყვილიდმა. უკვე ველარასა ჰხედავს, აღარაფერი იცის, მაგრამ ნელ-ნელა ამ წყვილიდსა და არეულობაში ცხადად მოსჩანს მისს წინაშე ზბარაჟი, ალყა. მაშ ხომორს აღარა ვარ? მაშ ეს როგორ არის, რომ ენძიანი მაინც თავით მიზის სულა, ჩამცქერია ლოგინში თავ-დახრილი? ფანჯრების დარაბათა ხანებიდან შემოდის სხივი ნათლისა და აშუქებს ყმაწვილის პირისახეს, რომელსაც დიდი მზრუნველობა და გულმტკივნეულობა დასჩნევია.

— ენძიანო!—ჰყვირის პან სქშეტუსკი.

— ოჰ, პანე, ძლივს არ მიცანიო!—უპასუხა სიხარულით პაჟმა და დაიჩოქა მისს ფერხთა წინაშე.—მე მეგონა, ეს არის, გონს ველარ მოვა-მეთქი.

ყმაწვილი ქვითინებდა და ეხვეოდა ფეხებზე რაინდსა.

— სადა ვარ ნეტავი?—ჰკითხა პან სქშეტუსკი.

— ტოპოროვსა... მეფესთან მოხვედით ზბარაჟიდან... მადლობა ღმერთსა, დიდება უფალსა!

— მეფე სადღაა?

— წავიდა ჯარით თავადის მისაშველებლად.

აქ ენძიანი ადგა და ფანჯარა გააღო.

ოთახში დილის ნიავი შემოვარდა და მასთან ერთად სქშეტუსკის დაუბრუნდა ცნობა.

ენძიანი საწოლის ბოლოზე ჩამოჯდა.

— მაშ მე ზბარაჟიდან წამოვსულვარ?—ჰკითხა რაინდმა.

— დიად... არავის არ შეეძლო მოექმედნა ის, რაც თქვენ მოიქმედეთ, და თქვენის წყალობით მოჰხდა, რომ მეფე წავიდა მისაშველებლად.

— პან პოდბიპენტამ სცადა ჩემზე წინად ზბარაჟიდან გამოსვლა, მაგრამ მტერმა მოჰკლა...

— რას ბრძანებთ? პან პოდბიპენტა მოჰკლეს? ისეთი გულუხვი და კარგი პანი?.. უჰ, რა მეწყინა... როგორ მოერივნენ იმისთანა ხელ-ღონიერსა?

— ისრებით დახვრიტეს.

— პან ვოლოდიევესკი და პან ზაგლობა?

— კარგად იყვნენ, როცა მე წამოვედი.

— ოჰ, მადლობა ღმერთსა. ისინი ძალიან მეგობრები არიან თქვენნი... ეს არის მხოლოდა, რომ ქსენძმა აღმიკრძალა ლაპარაკი... კარგია ახლა და, პან პოდბიპენტას ქონებას რა მოუვა? მერე ცოტა ხომ არა ჰქონდა შეძლება... ნუ თუ მეგობრებს არა უანდერძა-რა? ნათესავები, ვგონებ, არა ჰყავდა.

სქშეტუსკიმ არა უპასუხა-რა ამაზედა. ენძიანი მიხვდა, რომ ეს ლაპარაკი არ ესიამოვნა ჩემს ბატონსაო და სხვა საგანზე დაიწყო მუსაჟი.

— კარგია, რომ პან ზაგლობა და პან ვოლოდიევესკი კარგად არიან, მე კი მეგონა, რომ თათრები მოერივნენ-მეთქი... ოჰ, რამდენი გაჰირვება გამოვსცადეთ ჩვენ ერთადა!.. ის მაწუხებს მხოლოდა, რომ ქსენძმა აღმიკრძალა ლაპარაკი... მე მეგონა, რომ ჩემს დღეში ველარ ვიხილავ იმათა-მეთქი, იმიტომ რომ თათრებმა ისე შეგვიმწყვდიეს, აღარ ვიცოდით, რა გვექნა.

— შენ პან ვოლოდიევესკისთანა და ზაგლობასთან იყავი? იმათ ჩემთვის არა უთქვამთ-რა!

— შეიძლება იმათ ისე ჰგონიათ, რომ მომკლეს კიდევ თათრებმა.

— მერე სად შევიმწყვდიეს თათრებმა?

— პლოსკაროვს იქითა, ზბარაჟის გზაზედა. ჩვენ ხომ შორს ვიყავით წასულნი, იამპოლს გავცდით... მაგრამ, ეჰ, ქსენძ ცეციშოვსკიმ აღმიკრძალა ლაპარაკი.

— ღმერთსა ვსთხოვ, გადაგიხადოთ სამაგიერო თქვენის გულ-კეთილობისათვის, — სთქვა სქშეტუსკიმ. — მივხვდი, რისთვის-

საც იქნებოდით წასულნი. მეც ვიყავ იქ თქვენზედ წინად... მხოლოდ ამოდ...

— ეჰ, პანე, ქსენდს რომ არ აეკრძალნა... იმან მითხრა: მე უნდა მეფეს წავყვე ზბარაჟსა და შენ ყური უგდე შენს ბატონს, მოუარე, მაგრამ არაფერი არ უთხრა, თორემ მოკვდებოა.

სქშეტუსკის ისე ჰქონდა დაკარგული ყოველივე იმედი, რომ ენძიანის სიტყვებმაკი არ შეაშფოთა იოტის ოდნავაც.

— შენ საიდან მიეტმასნე ქსენდ ცეციშოვესკისა და ჯარსა? — ჰკითხა პარუჩიკმა.

— მე სანდომირელის კაშტელიანის მეუღლემ, პანი ვიტოვესკისამ გამომგზავნა ზამოსტიიდან, შეატყობინე პან კაშტელიანს, რომ ტოპოროვს მოვალ და იქა ენახავთ ერთმანერთსაო... გულადი დედაკაცია და უსათუოდ უნდა ქმართან იყოს და პან კაშტელიანს არ მოჰშორდეს. მეც ავდექი და მოვედი ტოპოროვს თქვენზედ ერთის დღის წინათა. პანი ვიტოვესკისა საცაა მოვა კიდევ აქა...

— არ მესმის, ზამოსტიეში როგორ გაჩნდი, როცა პან ვოლოდივესკისთანა და პან ზაგლობასთან ერთად იყავი იამპოლსკიქითა? რატომ ზბარაჟს არ მოხვედი იმათთან ერთადა?

— ახლა როგორ გახლდათ: როცა თათრები დაგვესხნენ თავსა, აღარავითარი ღონისძიება აღარა დაგვრჩა-რა; ისინი ორნი შეებრძოლნენ თათრების მთელს გუნდს, ხოლო მე გავიქეცი და მხოლოდ ზამოსტიეში მოვედი გონსა.

— ისინი კარგად გადარჩენილან,—სთქვა სქშეტუსკიმ,— ხოლო მე მეგონა, რომ შენ უფრო რიგიანი ყმაწვილი კაცი იყავი. რა პატიოსნებაა განა, რომ თავი დაგინებებია მაშინ, როცა აგრეთს გაჭირვებაში ჩავარდნილან?

— ეჰ, პანე, ჩვენ რომ მარტონი ვყოფილიყავით, სამნი, რასაკვირველია, თავს არ დავანებებდი... ისეთი ვიყავ, რომ სულ გული მიკვდებოდა... მაგრამ ოთხნი ვიყავით... ისინიც აღდგნენ და ეცნენ თათრებს, ხოლო მე თვითონვე მიბრძანეს... დაიხსენიო... დარწმუნებული რომ ვიყო, სიხარული არ მოგკლავდათ...

იამბოლოს იქიდან ხომ ჩვენ ვიპოვეთ... ეჰ, ამ ქსენძის აღკრძალვას რა ვუთხრა!

სქშეტუსკიმ ისეთის კაცის თვალით შეჰხედა, რომელიც თრთქო ეს არის ახლა იღვიძებს ღრმა ძილში იყო და ახლა ფხიზლდებაო; რაინდი საშინლად გაფითრდა და დაიყვირა მწუხარე ხმითა:

— ვინ იყო შენთანა?

— პანე! ოჰ, პანე!—ვედრებით წარმოსთქვა პაემა, რაინდის ცვლილებით გაოცებულმა.

— ვინ იყო შენთანა?—განიმეორა კვლავ სქშეტუსკიმ და, სტაცა რა ხელი ჟენძიანს მხრებში, დაუწყაო ნჯღრევა და ფენტხვა თავისის რკინასავით მაგარის მკლავებითა.

— ეჰ, მეტი ღონე აღარ არის, დეე ქსენძმა იწყინოს... პანნა იყო ჩვენთანა, ახლა კი კნიაჟნა პანი ვიტოვსკისთან არის.

სქშეტუსკი გაშრა, გაშეშდა, დახუჭა თვალები და მოსხლეტით დაეცა ბალიშებზედა.

— მიშველეთ!—დაიწყა ყვირილი ჟენძიანმა.—მიშველეთ, ეს რა მოვიქმედე! არ მერჩინა დავდუმებულოყავ და ხმა არ ამომელო! ოჰ, ღვთის გულისათვის, ბატონო, ჩემო კარგო ბატონო, ხმა ამოიღე, სთქვი რამე... ღვთის გულისათვის!... ქსენძმა მართალი სთქვა... პანე, პანე, პანე!...

— არა მიშავს-რა!—წამოილოლულა სქშეტუსკიმ.—სად არის ახლა?

— მადლობა ღმერთსა, რომ მობრუნდით!.. სჯობიან არაფერი არა ვსთქვა-რა... ისა სანდომირელ კაშტელიანის მეუღლესთან არის... აგერ საცაა აქ მოვლენ კიდევცა... მადლობა ღმერთსა! რა არის, ახლა მაინც ნუ მოჰკვდებით... აგერ საცაა მოვლენ... ჩვენ ზამოსტიეს გავიქვეცით ერთადა... და იქ ქსენძმა კაშტელიანის მეუღლეს ჩააბარა პანნა... ასე სჯობიანო, თორემ ჯარში, ვინ იცის, რა არ მოჰხდესო. ბოგუნმა თურმე ხელი არ ახლო, მაგრამ მაინც სიფრთხილეს თავი არა სტკიოდა.. ოჰ, რამდენი ვაი-ვაგლახი გამოვიარე იმის გულისათვის! მე სულ იმას ვეუბნებოდი ჯარის-კაცებს, რომ თავად ერემიას

ნათესავი ქალია-მეთქი... ჰო და, ისინიც პატივის-ცემით ეკიდებოდნენ. გზაში ცოტა არ დამეხარჯა ამის გამო...

სქშეტუსკი უძრავად იწვა და თვალები ქერში ჰქონდა გაშტერებული. სახე ისეთი ჰქონდა, თითქო გამწყრალა და გაბუტულიაო. ცხადი იყო, რომ სქშეტუსკი იმ ქამად ლოცულობდა გულში.

ბოლოს გაათავა ლოცვა, ჩამოჯდა საწოლის ნაპირად და სთქვა:

— მომაწოდე ტანისამოსი და უბრძანე, რომ ცხენები შეპკაზმონ!

— სად გინდა მერე წახვიდეთ?

— მომაწოდე ტანისამოსი-მეთქი, მე შენ გეუბნები!

— ყოველივე ბევრი გვაქვს ახლა; მევემ წასვლის წინად ბევრი რამ გვიძღვნა, სხვა-და-სხვა პანებმაც აგრედვე. სამი კარგი ცხენია ახლა თავლაში... ნეტავ ერთი მომცა საკუთრად შეიმისთანა... მაგრამ თქვენთვის სჯობდა კი, რომ ჯერ ისევ წოლილიყათით და მოგესვენათ, თორემ ღონე სულ არა გაქვთ.

— არა მიშავს-რა. ცხენზედ შეჯდომა შემძლიან. შენ დააჩქარე ერთი, თუ ღმერთი გწამს!

— თქვენი ნება იყოს, მაგრამ ქსენძ ცეციშოვსკისგან კი თქვენ უნდა დამიხსნათ... აი თქვენი ტანისამოსიცა... ამაზედ უკეთესს ვერ იშოვის კაცი სომხის ვაჭრებში. ჩაიცვით ხოლო მანამ ვუბრძანებ, რომ საუზმე დაგიმზადონ.

სქშეტუსკიმ დაიწყო საჩქაროდ ჩაცმა, ხოლო ქენძიანი მოჰყვა და უაშბობდა ყოველსა თავიდან, როგორა ენახე ბოგუნნი კლადაესაო, როგორ გამოვკითხე და შევიტყე, საცა ჰყვანდა კნიაჟნა დამალულიო, როგორ წავედით მერე მე, პან მიხალი და პან ზაგლობა ვალადინკასაო, როგორ მოვკალით ჯადოქარი დედაკაცი და ჩერემისი და წამოვიყვანეთ კნიაჟნაო.

— ესე ვოველივე კიდევ არაფერი, ცუდი ის იყო, როცა თათრების ურდოს წავაწყდით ტყეში პლოსკიხოვს იქითა. პან მიხალი და ზაგლობა გაჩერდნენ, რომ მიექციათ თათრების ყურადღება და შეეყენებინათ მღევარი, ხოლო მე მოვცხრილე

გვერდ-გვერდ, კონსტანტინოვისაკენ, ზბარაჟი მივატოვე და სულ ავუქციე იმას გზა, იმიტომ რომ თათრები, ჩემის ვარაუდით, რაკი პან მიხალსა და პან ზაგლობას მოჰკლავდნენ, ჩვენ დაგვედევნებოდნენ და სწორედ ზბარაჟის გზით გამოგვეკიდებოდნენ. არ ვიცი, როგორ გადაარჩინა ღმერთმა ის ხალხი... მე კი მეგონა, რომ სულ ხმლით ასჩეხავენ-მეთქი. იმ დროს ჩვენ მივაქენებდით ცხენს და ერთს მხარეზედ ხმელნიცკი იყო, რომელიც კონსტანტინოვიდან მოდიოდა და მეორეზედ—ზბარაჟი, საითაც თათრებმა გაჰქუსლეს.

— თათრები იქით ველარ წავიდნენ; პან კუშელი დახვდა და დაამარცხა. მაგრამ სთქვი მალე ყოველივე.

— ოჰ, ვგრე რომ მცოდნოდა! მაგრამ მაგარიც ის არის, რომ მე ეგ არ ვიციოდი და მივქროლავდიო, მე და პანნა თათრებსა და ყაზახებს შორის, თითქო ხევობაში ხარ და აქეთ-იქით მთები გარტყიაო. ჩვენს ბედზედ იქაურობა უდაბნოდ იყო გადაქცეული; ერთი ადამიანი არ შეგვგვებდრია არც სოფლებშია და არც დაბა-ქალაქებში: რაკი გაეგოთ თათრების მოახლოვება, ყველანი გაქცეულიყვნენ. შიშით აღარ ვიყავ, არავინ არ შემოგვერტყას გარშემო-მეთქი... მაგრამ მაინც არ ავცდა.

სქშეტუსკიმ შესწყვიტა ტანისამოსის ჩაცმა და გაჩერდა.

— როგორა?

— აი როგორა. შევეფეთეთ დონეცის-ყაზახთა რაზმს. დონეცი ხომ იმ ჯადოქარის გორბინას და არის. ჩემს ბედზედ, დონეცი კარგად მიცნობდა; ბოგუნთან მინახავს რამდენჯერმე. ვუთხარი, მოკითხვა შემოგითვალა შენმა დამა-მეთქი, ვაჩვენე ბოგუნის ფირმანი და ვუამბე ყოველივე: როგორ გამგზავნა ბოგუნმა პანნას წამოსაყვანად და როგორ მიცდის ახლა კლადავს იქითა-მეთქი. ამან იცოდა, რომ მისი და ჰყარაულობდა კნიაენასა და ამიტომ დაიჯერა ყოველივე ჩემი ნათქვამი. მე მეგონა, თავისუფლად გამისტუმრებს-მეთქი და ფულსაც მომცემს საგზაოდა-მეთქი, ის კი არა თუ მეუბნევა: „იქ ქულზედ კაცს იწვევენ სალაშქროდ, ვინ იცის, იქნება ლიხებსაც ჩაუვარდე ხელშიო; დარჩი ჩემთან და ხმელნიცკისთან წავიდეთო“;

ჩვენს ბანაკში ურჩევნიან მაგ ყმაწვილ ქალსაო; თვით ხმელნიცკი გაუფრთხილდება და მოუვლის ბოგუნის ხათრითაო." მითხრა ეს თუ არა, ენა მუცელში ჩამივარდა, ისე გავშრი: აბა რალა უნდა მეპასუხნა. მე ვუთხარი, რომ ბოგუნი მელის მეთქი და ჩემი სიცოცხლე იმაზეა დამოკიდებული-მეთქი ის კი თავისას გაიძახის: „ბოგუნს ჩვენ შევატყობინებთ ყველაფერსა, შენ კი ნუ წახვალ, იქ ლიხები არიან.“ ჩვენ შევეუხირდით და მერე დამიღრიალა: „საკვირველია, შენ ყაზახებთან მგზავრობისა გეშინიან! მოღალატე ხომ არა ხარ?“ ახლა კი მივხვდი, რომ გაქცევის მეთი, სხვა ღონე აღარა დამრჩენოდა-რა. აგერ კიდევ მოვემზადე გასაქცევად და ამ დროს პან პელკა კი მოვიდა.

— პან პელკა?—ჰკითხა სქშეტუსკიმ ძლიერ სულის მოთქმითა.

— დიად. შესანიშნავი მეომარი იყო, ეხლახანს მოკლეს... ღმერთმა სასუფეველი დაუშკვიდროს! არა მგონია, რომ იმაზედ უკეთესად შესძლებოდა ვისმე მიჰპარვოდა მტერს; მხოლოდ პან ვოლოდიევესკი თუ აჯობებდა ამისთანა საქმეში. თორემ სხვა არავინა. ჰო და მოვიდა პან პელკა, დაამარცხა რაზმი ღონეცისა, ხოლო თვით პოლკოვნიკი ტყვედ შეიპყრო. ორის კვირის წინად ის პოლკოვნიკი მარგილზედ ჩამოაცვეს. ახიციყო იმაზედა მაგრამ პან პელკამაც ნაკლებად არ შეგვაწუხა, მეტის-მეტად დედათ-მოყვარული იყო ის დალოცვილი შვილი... ღმერთმა განუსვენოს! მე კიდავაც შემეშინდა და ვამბობ გულში, მტრებს გადურჩა პანნა და ღმერთი არ გაგვიწყრეს, თავისიანებმა არა ავნონ-რა მეთქი... მაშინ მე ვუთხარი, ეს ქალი ჩვენის თავადის ქალია-მეთქი. პან პელკა დიდად პატივსა სცემდა თავადსა და მაშინვე მოიშალა თავისი საქციელი და გაგვისტუმრა მეფესთან ზამოსტივს. იქ ქსენძმა ცეციშოვსკიმ (კაცმა, წმინდა ცხოვრების მიმდევარმა) მიგვიღო თავისს მფარველობისა ქვეშე და ჩააბარა პანნა კაშტელიანის მეუღლეს პანი ვიტოვსკისას.

სქშეტუსკიმ ღრმად ამოიოხრა და მერე გადაეხვია ევნძიანს.

— შენ იქნები ამას იქით ჩემი მეგობარი, ჩემი ძმა და არა მსახური, — უთხრა მან, — ხოლო ახლა კი წავიდეთ. როდის უნდა მოსულიყო აქ კაშტელიანის მეუღლე? ..

— ერთი კვირის უკან ჩემს შემდეგ; ახლა ათი დღე გავიდა, ხოლო თქვენ ცნობა-დაკარგული ლოგინში იწეკით მთელი რვა დღე.

— წავიდეთ! წავიდეთ! — განიმეორა სქშეტუსკიმ, — ასე მგონია დამარჩობს-მეთქი სიხარული.

მაგრამ ვერ მოასწრო ამ სიტყვების გათავება, რომ ეზოდან მოისმა თქარა-თქური ცხენოსანთა და ფანჯრიდან გამოჩნდნენ მხედარნი. ყველაზედ წინად სქშეტუსკიმ დაინახა მოხუცი ქსენძი ცეციშოვსკი, ხოლო მის გვერდით საშინლად გამხდარნი ზაგლობა და ვოლოდიევსკი, კუშელი და სხვა ნაცნობები. ერთს წუთს შემდეგ ჯგუფი რაინდთა ქსენძის წინამძღოლობით შემოვიდა ოთახში.

— ზავი ჩამოვარდა, ზბარაჟს ალყა ახსნეს! — გამოაცხადა ქსენძმა.

სქშეტუსკი ხან ერთს მეგობარს ეხვეოდა და ჰკოცნიდა, ხან მეორეს.

— ჩვენ გვითხრეს შენი, რომ ცოცხალიაო, — რუხრუხებდა ზაგლობა, — მაგრამ ჩვენთვის უფრო სასიხარულო ის არის, რომ კარგადაცა ხარ! განგებ წამოვედით აქ შენს სანახავად... იან! შენ არ იცი, რა დიდებით შეიმოსა შენი სახელი, რა ჯილდო გელის შენა!

— მეფემ დააჯილდოვა, გარნა მეფე მეფეთა უფრო მეტად დაასაჩუქრებს, — სთქვა ქსენძმა.

— ვიცი უკვე, — უბასუხა სქშეტუსკიმ. — ღმერთმა გადაგიხადოთ სამაგიერო! ჟენძიანმა მიაშბო ყოველივე.

— და მერე სიხარულმა არ გაგათავა? მით უკეთესი! გაუმარჯოს სქშეტუსკის, გაუმარჯოს კნიაჟნას! — დაიღრიალა ზაგლობამ. — ჰო, აბა! ჩვენ ხმა ვერ ამოვიღეთ შენთან კნიაჟნაზედ, იმიტომ რომ არ, ვიცოდით, ცოცხალი იყო თუ არა. მაგრამ ამ ბიჭმა კი ძალიან ყოჩაღად გადაარჩინა. .. ოჰ, ეშმაკის

ფეხის მომქამია სწორედ, ეს ტარტაროზი! თავადი გელით ორივეს. თვით ეგორლიკს წავედით მაგ ქალის გულისათვის. მე მოვკალი ის მაიმახი, რომელიც ჰყარაულობდა კნიჟანას. ახლაკი შვილი-შვილები მეყოლებიან, ყმაწვილებო! მერე ბევრიცა და! ეენძიან, გვიამზე ერთი, ძალიან გაგიჟირდა? წარმოიდგინე, ჩვენ ორმა, მე და პან მიხალმა მთელი ურდო შევიმაგრეთ და შევაყენეთ. მე პირველი ვეცი ურდოსა! ისინი ხან ასე ეცადნენ ჩვენს დახოცვასა, ხან ისე, მაგრამ ვერა მოახერხეს-რა. პან მიხალიც ძალიან გულადად იბრძოდა... სად არის ჩემი სასურველი ქალი? მომიყვანეთ, ჩემი ასული!

— ოჰ, ღმერთმა გაგაბედნიეროს, ჩემო მეგობარო იან! — იმეორებდა პატარა რაინდი და ხელახლად ეხვეოდა სქშეტუსკის.

— ღმერთმა მოგაგოთ ყოველ იმის სამაგიერო, რაც თქვენ ჩემის გულისთვის მოიქმედეთ. სიტყვები ვერ მიპოვნია, რომ მადლობა მაინც გითხრათ შესაფერი. სიცოცხლეც რომ გავწირო, სისხლიც რომ დავაქციო თქვენთვის, მაინც ვერ გადავიხდი თქვენს ამავსა! — უპასუხა სქშეტუსკიმ.

— კარგია, კარგია, საქმე ეგ არ არის. ზავი შეკრულია, ვერაფერის პირობით არის შეკრული, მაგრამ იმისთვისაც ღმერთს მადლობას უნდა ვსწირავდეო, რადგან დაეაღწიეთ თავი იმ მოშხამულს ზბარაქსა. მაშ, ასე, ახლა ზავია ჩამოვარდნილი. ჩვენი ღვაწლია და ჩემი, იმიტომ რომ ბურღაი რომ ცოცხალი გადარჩენილიყო, ხელ-შეკრულობანი ვერას გვიშველიდა. ახლა ქორწილში წავიდეთ. აბა, იან, ყოჩაღად იყავ ახლა! შენ ფიქრადაც არ მოგივა, რა საქორწინო საჩუქარი მოგიშადათ თავაღმა! მერე გეტყვი როდისმე. ახლა, სად არის ჩემი ქალი, ერთი მითხარით და! მომიყვანეთ-მეთქი, ჩემი ქალი. ახლა კი ბოგუნი ველარ მოგვტაცებს. სად არის ჩემი ქალი-მეთქი?

— აგერ ვემზადებოდი, ცხენზედ უნდა შევმჯდარიყავ და გზაში მივგებებოდი პან კაშტელიანის მეუღლეს, — სთქვა სქშეტუსკიმ. — წავიდეთ, წავიდეთ მაინცა, თორემ გავგიჟდები.

— წავიდეთ, ყმაწვილებო! ჩვენც ამასთან წავიდეთ, დროს ნულარ დავკარგავთ!

— პან კაშტელიანის მეუღლე შორს აღარ უნდა იყოს აქედან, — სთქვა ქსენძმა.

სქშეტუსკი უკვე კარში იყო და ისე მოახტა ცხენსა, თითქო დიდი ხანია დაუტოვებია ლოგინიო. ეენძიანი გვერდიდან არ შორდებოდა: ქსენძს ერიდებოდა, ხელში არ ჩამიგდოს და არ შემახუროსო. პან მიხალი და ზაგლობაც იმას მიუახლოვდნენ.

— აბა, გაეწიოთ ქენებიო! — ჰყვიროდა ზაგლობა და აფიცებდა ცხენს.

და ყველანი მიაქროლებდნენ ცხენებს. უცებ, საცა შესახვევი იყო გზისა, გამოჩნდა რამდენიმე ურემი და სტოლი, რომელსაც გარს ჰაილუკები ერტყნენ; რამდენიმე ცხენოსანი, როცა დაინახეს შეიარაღებული ხალხი, დაწინაურდნენ და შეეკითხნენ, ვინა ხართო.

— თქვენიანები ვართ, მეფის ჯარისანი! — შეჰყვირა პან ზაგლობამ. — თქვენ ვილა ხართ?

— პან სანდომარის კაშტელიანის მეუღლე მოგვყავს და იმას ვახლავართ.

საშინელმა მღელვარებამ შეიპყრო სქშეტუსკი. გონებადაუტანებლივ გადმოხდა ცხენიდან, მივიდა ტორტმანით გზის პირას და გაჩერდა. პან მიხალიც ჩამოხდა და ხელი მიაშველა დასუსტებულს რაინდსა.

ეტლნი დაუმხარდახარდნენ რაინდებსა. პანი ეიტოვსკისთან ერთად მოდიოდნენ სხვა ქალებიცა, რომელნიც გაკვირვებით შესცქეროდნენ რაინდებს, რადგან არ ესმოდათ, ეს რა ამბავიო.

ბოლოს გამოჩნდა ბეერად უფრო მდიდრული ეტლი, ვიდრე სხვა დანარჩენები. ეტლს ფანჯარა ახდილი ჰქონდა და შიგ გამოჩნდა დინჯი სახე ხანში შესული დედაკაცისა, ხოლო მის გვერდით იჯდა მშვენიერის სახის კნიაჟნა კურცევიჩი.

— ჩემო ქალო! — შეჰყვირა ზაგლობამ და მივარდა ეტლს, — ჩემო შვილო! სქშეტუსკი ჩვენთან ირის! . შვილო!

კუშელმა და ვოლოდიევსკიმ მიიყვანეს ეტლთან სრულიად ღონე-მიხდილი სქშეტუსკი. ძალა რომ აღარა ჰქონდა, დაიჩოქა ეტლის საფეხურზედა, მაგრამ კნიაენამ ხელი მიაშველა და დაუჭირა მოდუნებული თავი რაინდსა.

ზაგლობამ შეჰნიშნა, რომ კაშტელიანის მეუღლე შეფიქრებულად და ამიტომ სასწრაფოდ მოახსენა:

— ეს სქშეტუსკი გახლავთ, ზბარაეის გმირა. ამან გამოიჩინა შეუმჩნეველად მტრის ბანაკზედა, ამან დაიხსნა ჯარი, თავადი, მთლად რესბუპლიკა! ღმერთმა დალოცოს ესენი და აცოცხლოს მრავალ-ყამიერ!

— გაუმარჯოთ, გაუმარჯოთ!—დაიგრილა შლიახტამ.

— გაუმარჯოთ!—განიმეორეს თავადის დრაგუნებმა.

— გაესწიოთ ტარნოპოლს! თავადთან! ქორწილში, ქორწილში!—ჰგრგვინავდა ზაგლობა. აბა, ჩემო შვილო, მოვლო ბოლო ახლა კი ყოველს თქვენს უბედობას... ხოლო ბოგუნს არ ასცდება ჯალათი და ცული ჯალათისა!

სქშეტუსკი ჩასვეს ეტლში, მოუსვეს გვერდით კნიაენა და ყველამ განაგრძო გზა. დღე იყო მშვენიერი, ქალაქი და მინდვრები სულ ბრწყინავდა მზის სხივებ ქვეშა. საცა არა მგონია, ჰაერში ციპციმებდა აბლაბუდას წვნიკი ძაფები და უქაღდა ქვეყანას კარგს შემოდგომასა. ყოველივე ხარობდა და დამშვიდებული იყო გარშემო.

— პან მიხალ!—სთქვა ზაგლობამ და უზანგით შეეხა ვოლოდიევსკის უზანგსა,—რაღაცამ წამიჭირა ხელი და თითქო მახრჩობსო, სწორედ ისე, როცა პან პოდბიპენტა,—ღმერთო, განუსვენე იმ სოფელსა!—ზბარაეიდან გავიდა; ხოლო როცა გამახსენდება, რომ ეს ორნი ბოლოსა და ბოლოს მაინც კვლავ შეეყარნენ ერთმანერთსა-შეთქი, გულს მეფონება და ისე კარგადა ვგრძნობ, თავსა, თითქო ეს-ეს არის ერთი ჩარეჟა კარგი ძველი თავლის ღვინო დავლიე-შეთქი. თუ არც შენ გიწერია დაქორწინება და ჯაქვნი გიმენეისა, სიბერეში ერთად დავუწყოთ ლოლიავება ამათ შვილებსა. ყველას თავისი დანიშნულება აქვს, თავისი გზა, პან მიხალ, ხოლო ჩვენ ორნი, ვკონებ

უფრო ომისათვისა ვართ ვაჩენილნი, ვიდრე საოჯახო ცხოვრებისათვის.

პატარა რაინდმა არა უპასუხა-რა, მხოლოდ პატარა ულვაშები გააცმა ცუნ-გამოაცმა ცუნა.

გზა ტოპოროვზედ მიდიოდა, მერე იქიდან ტარნოპოლს, საცა ყველანი უნდა შემოკრებილიყვნენ თავადის გარშემო და მერე იქიდან სადროშოს ჯარებთან ერთად ყველანი ლვოვს უნდა წასულიყვნენ ქორწილში. გზაში ზაგლობამ უამბო კაშტელიანის მეუღლეს, რაც მოჰხდა ბოლოს დროს, რა საშინლად შეებრძოლა მეფე ყვენსა და მერე შემდეგ ამ ომისა, როგორ იქმნა შეკრული ზავი, რომელიც ცოტას მაინც უბრუნებს რესპუბლიკას მშვიდობასაო. ზავის პირობით ხმელნიცკი უნდა დარჩენილიყო გეტმანად კვლავაცა და ნება მიეცა მდაბიოთა უამრავის რიცხვიდან აერჩია ორმოცი ათასი სიის ყაზახი და ამის სამაგიეროდ ფიცი მიეღო მეფისა და მთავრობის ერთგულებაზედა.

— უეჭველია, რომ, — დასძინა ზაგლობამ, — ხმელნიცკისთან კიდევ ომი მოგვიხდება, ხოლო თუ კვერთხი არ ასცდა ჩვენს თავადსა, მაშინ კი ყოველივე სხვაფრივ წავა...

— რატომ იმას არ ეუბნები სქშეტუსკის, რაც ყველაზედ საუურადლებოა, — უთხრა ზაგლობას ვოლოდივესკიმ, რომელიც მიუახლოვდა ეტლს ცხენითა.

— მართლა, რამდენი ხანია, მაგის თქმა მინდოდა. იცი, სქშეტუსკი, რა მოჰხდა მას შემდეგ, შენ რომ ზბარაჟიდან წამოხვედი? ბოგუნი ტყვედა ჰყავს თავადსა.

სქშეტუსკი და კნიაჟნა ისე გაოცდნენ პირველში, რომ ხმა ვერ ამოიღეს. ბოლოს სქშეტუსკი მოვიდა ისევ გონსა.

— როგორ? რა გზით მოჰხდა ეგა?

— ღვთის განგება იყო, — უპასუხა ზაგლობამ, — ღვთის განგება, სხვაფრივ არ შეიძლება, რომ ეგ საქმე მომხდარიყო! ზავი უკვე ჩამოვარდნილი იყო და ჩვენც უკვე გამოვლიოდით წყეულ ზბარაჟიდან, ხოლო თავადი წავიდა ცხენოსანის ჯარით მარცხენა ფრთედისაკენ, თვალ-ყური უნდა დაეკირა, ურდო

თათართა თავს არ დაგვესხასო... ისინი ხომ ხშირად არავითარს ზავს ყურადღებას არ აქცევენ... უცბად მთელი რაზმი, ესე სამასამდე ცხენოსანი დაეცა თავს თავადის ჯარს...

— მხოლოდ ბოგუნს შეეძლო გაებედნა მაგისტანა საქმე, — სთქვა სქშეტუსკიმ.

— სწორედ ის იყო. მაგრამ რა ყაზახთა საქმეა თავს დაესხან ზბარაჟის ჯარის-კაცთა. პან მიხალი უცბად შემოერტყა გარს და სულ ამოსწყვიტა ერთიანად, ხოლო ბოგუნი ორჯელ დასჭრა და ბოლოს ტყვედაც იქმნა შეპყრობილი. ბედი არა აქვს იმ უბედურს პან მიხალთან, თვათონაც დარწმუნდა, რომ ეს ასეა; მაგრამ ის ბედს არ დასდევდა, მხოლოდ სიკვდილი სწყუროდა.

— მე ისე მეჩვენა, — დაუმატა პან ვოლოდიევსიმ, — რომ ბოგუნი ვოლოდინკიდან მოისწრაფოდა ზბარაჟსა, ხოლო რაკი დაუგვიანდა და შეიტყო, რომ უკვე ზავია ჩამოვარდნილიო, სულ დაჰკარგა გონება და ყურადღებას აღარას აქცევდა.

— მებრძოლი მახვილითა მახვილითავე წარწყმდეს, ასეთია ცვალებადობა ბედისა და რას იზამთ. ჯერ ისეც გადარეული ყაზახია და მით უმეტეს მაშინ იქნებოდა გადარეული, როცა განწირულებამ შეიპყრო. იმის წყალობით ასტყდა ასეთი აურ-ზაური ჩვენსა და ბრბოთა შორის. ჩვენ გვეგონა, რომ კვლავ ომი აგვიტყდებოა; თავადმა პირველმა შეპყვირა, რომ ზავი დარღვეულ იქმნაო. ხმელნიცკის უნდოდა ბოგუნი დაეხსნა, მაგრამ ყენი პირველი გაურისხდა: „იმან გააწბილა ჩემი ფიცი და ჩემი სიტყვაო“. ყენი დაემუქრა ხმელნიცკის, თვითონ შენ დაგიწყებ ომსაო, ხოლო თავადს დესპანი გაუგზავნა და შეუთვალა, ბოგუნი ავაზაკია და გთხოვ, მაგ საქმეს თავს ნუ გამოაბამ და ბოგუნს ისე მოექეცი, როგორც ავაზაკსაო. ყენის უპირველეს ყოვლისა ის უნდოდა, რომ თათრებს გულ-დამშვიდებით წაესხათ თავიანთი ტყვენი, რომელნიც საკმაოდ შეეპყროთ.

— მერე რა უყო თავადმა ბოგუნსა? — გულის ჩქროლვითა ჰკითხა სქშეტუსკიმ.

— ჯერ მარგილი დაამზადებინა მისთვის, მაგრამ მერე ისევ თავი დაანება და სთქვა: „სქმეტუსკის ვაჩუქებ, დეე, როგორც უნდა, ისე დასაჯოსო. ახლა ის ყაზახი სარდაფში ჰგდია ტარნოპოლს; დალაქს აქვს მინდობილი, კრილობანი შეუხვიოს ხოლმე. ღმერთო ჩემო, რამდენი ხანია, რაც იმას სული უნდა ამოსვლოდა! მაგრამ რომ არ იქნა. ზოგიერთისთვის ძაღლებს არ გაუძვრიათ ისე ტყავი, როგორც ჩვენ იმას ტყავი დაეუცხავეთ. მარტო პან მიხალმა სამჯერ უკბინა. მაგრამ ის კაცი უბრალო კაცი არ არის, თუმცა კი, სწორედ რომ ვსთქვათ, უბედურია. მაგრამ, ეჰ, ჯანდაბამდე გზა ჰქონდეს! შე იმისი ჯგერი არა მქირს და არც გაბოროტებული ვარ იმაზედა, თუმცა მდევნიდა საშინლად, ამოდ კი მდევნიდა, იმიტომ რომ შე იმასთან ერთად ვსვამდი, პურ-მარილსა ვკვამდი და ისე ვექცეოდი, როგორც ტოლსა და სწორსა, ვიდრე თქვენ არ დაგიწყოთ, კნიაჟნა, წინააღმდეგობა. მე შემეძლო იქვე რაზლოვში გამეთავებინა ისა... მაგრამ, სჩანს, ქვეყნად მადლიერობა არა სუფევს და ცოტანი არიან, მგონი, ისეთნი, რომელნიც კეთილისათვის კეთილს მიაგებენ ხოლმე კაცსა... ეჰ, ღმერთმა განიკითხოს ისა!..

პან ზაგლობამ ხელი გაიქნია იმის ნიშნად, რომ შე იმას აღარ დავეძებო.

— შენ რაღას უპირობ, იმასა? ჯარის-კაცნი ამბობენ, რომ ფორეიტორად დაჰნიშნაესო, რადგან წამოსადეგი კაციასო, მაგრამ შე არ მინდა დავიჯერო ეგა.

— დილაღ, არ უნდა დაიჯერო, — უბასუხა სქმეტუსკიმ. — სანაქებო მეომარია ის კაცი, ხოლო თუ უბედურია, მით უფრო არ გავაწბილებ უმეტესადა და ტეტითურს საქმეს არ მივანდობ.

— ღმერთმა აპატივოს ყოველივე, — სთქვა კნიაჟნამ.

— ამინ! — დაუმატა ზაგლობამ. — ისე სწყურიან სიკვდილი, როგორც ცხონება... და მაინც სიკვდილს იპოვიდა, რომ ზბარაჟს მოსვლა არ დაჰვეიანებოდა.

კარგა შორს გამოჩნდა გრაბოვო, საცა დაეცათ ბინა ღამის გასათევად ჯარებსა. იქაურობა სავსე იყო ზბარაჟიდან მო-

მედიკოსის ჯარებითა. იქვე იყო პან კაშტელიანი სანდომარისა, ვიტოვსკი, რომელიც წამოსულიყო ცოლის დასახვედრად, პან სტაროსტა კრასნოსტაველიცა, პან ფშიემსკიცა და მრავალი თავად-აზნაურობა ქუდზედ კაცის ჯარისა. სასახლე გრაბოვოში გადაეწვიათ, აგრედვე სხვა შენობანიცა, მაგრამ მშვენიერი ამინდი ნებას იძლეოდა ბინა დაეცათ მინდვრად, მუხის ტყეში, ცის ქვეშე. სურსათი და საკმელ-სასმელი ბევრი იყო და მსახურთ მაშინვე მიჰყვეს ხელი ვახშმის მომზადებას. კაშტელიანმა ბრძანა დაეცათ რამდენიმე კარავი ქალებისა და მოხდულის თავად-აზნაურობისათვის. რაინდობა შეჯგუფებულიყო კარავებ წინა იმ იმედით, რომ იქნება თვალი მოეკრათ კნიაჟნასა და სქშეტუსკისაო. რიგი მუსაიფობდა წარსულის ომის შესახებ, რიგი, ვინც მხოლოდ ზბოროვსა ყოფილიყო, ჰკითხავდნენ თავადის ჯარისკაცებს, გვიამბეთ დაწერილებით, რა ყოფაში იყავით, როცა მტერი გარს იყო შემოდგომილიო. ყველგან მხიარულება იყო და ერთი ჟივილ-ხიილი, მით უფრო რომ ამინდი იყო მშვენიერი.

თავად-აზნაურობაში ყველაზედ მეტად ორატორობდა პან ზაგლობა და მეათასედ უამბობდა ყველას, როგორ მოეკალი ბურღაიო; ასევე იქცეოდა ჟენძიანი, რომელსაც გარს შემოჰხვევოდნენ გვარიშვილობით უფრო მცირენი და ნაკლებნი. მაგრამ ამან მაინც არ დაუშალა ცბიერს პაჟს მოხერხებული ღროვპონა და გაეხმო ცალკე სქშეტუსკი.

— პანე! — უთხრა იმან და დაიჩოქა მის წინაშე, — მინდა გთხოვოთ, რომ ერთი წყალობა მიყოთ.

— ჩემთვის ძალიან საძნელო იქნება, რომ უარი გითხრა, რაც უნდა მთხოვო. შენის მოწყალებით მოხერხდა, რომ ყოველივე ესე ასე კეთილად გათავდა. სთქვი, რა გინდა მთხოვო?

წითური სახე ჟენძიანისა დაიჩრდილა, თვალები ანთო ბოროტებითა და მძულვარებით.

— მხოლოდ ამასა გთხოვ, არა მინდა-რა: მომეცით ბოგუნი.

— ბოგუნი! — გაუკვირდა პან სქშეტუსკის. — მერე რა გინდა აუტენო?

— ეგ მე ვიცი... რომ მე ჩემი არა დავკარგო-რა და ერთი ორად დავიბრუნო ის, რაც მე იმან ჩიგორინს ტანჯვა მომაყენა. ვიცი, რომ სიკვდილით დასჯი, მაშ, მომეცით მე, რომ ჯერ მე გავუსწორდე და გადავუხადო სამაგიერო.

სქშეტუსკის წარბები შეეკუმბნა.

— ეგ შეუძლებელია! — გადაწყვეტითა სთქვა სქშეტუსკიმ.

— ღმერთო! სიკვდილი მერჩივნა მაგის გაგონებასა! — მწუხარებით დაიძახა ენდრიანმა. — თითქო იმიტომ გადავრჩი სივდილსა, რომ ვატარო ტვირთი სირცხვილისა და შეურაცხყოფისა!

— მთხოვე, რაც გინდა, მხოლოდ მაგას კი ნუ მთხოვ. მოიფიქრე კარგად, შეეკითხე რჩევას შენს წინაპრებსა, რა უფრო დიდი ცოდვაა: ასრულება, მაგ აღთქმისა, თუ აუსრულებლობა? ნუ მოაწერ შენს ხელს ღვთის მიერ განწესებულსა და დამსჯელს განაჩენს, რათა შენც არ გეწვიოს იგივე სასჯელი. გრცხვენოდეს, ენდრიან! ის კაცი ისედაც სიკვდილს შესთხოვეს ღმერთსა... დაქრილი, ტყვე-ქმნილი. რაღად გინდა ახლა შენი თავი გადიქციო? ჯალათად? გინდა შეურაცხ ჰყო ტყვე, მოჰკლა დაქრილი? თათარი ხარ, თუ რა არის. ვიდრე ცოცხალი ვარ, მაგაზედ ვერ დაგთანხმდები, სჯობს აღარა მიტხრა-რა.

პან იანს ხმაზედ ეტყობოდა, რა სიმტკიცითა და გადაწყვეტილებითაც ამბობდა ამ სიტყვებსა. ამიტომ პაჟმა მაშინვე გადიწყვიტა ყოველივე იმედი და მხოლოდ კვლავ განაგრძობდა წუწუნსა.

— როცა კარგად არის, ორი ჩემისთანაც არ ეყოფა იმასა, ხოლო როცა ავად არის, არ ვარგა, რომ შური ვიძიო და სამაგიერო გადავუხადო... როდის-ღა დავუბრუნო ის, რაც მე იმისი მმართველს!

— მიანდე ღმერთს სამაგიეროს გადახდა, — უთხრა სქშეტუსკიმ.

უნდა იქნებოდა და ალბათ პირი და რაღაცა უნდა ეთქვა, მაგრამ პან იანი გაბრუნდა და გასწია კარგებისაკენ, საცა შეგროვილიყო მთლად საზოგადოება. შუაგულ ადგილას იჯდა პანი ეიტოვისკისა, მისს გვერდით კნიაჟნა, რაინდნი გარშემო ჩამომწკრივებულნიყვნენ. ცოტა მოშორებით ზაგლობა იდგა და უამბობდა მახლობელთ ზბარაჟის ალყად შემორტყმის ამბავს. მსმენელნი დიდის ხალისით ისმენდნენ შლიახტიჩის ნაამბობს. სქშეტუსკი დაჯდა კნიაჟნას გვერდითა და დაეკონა მას ხელზედა. მზე დასავალს იყო; საღამოჟამდებოდა, პან იანიც სმენად გადაიქცა, თითქო ახალს რასმე მოუთხრობდნენ. პან ზაგლობა წამ-და-უწუმ იწმენდა ოფლს მელოტს თავზედა და ხმა მისი თან-და-თან უფრო მეტის ძლიერებითა ჰქუხდა. ზოგი არა-დიდის ხნის მოგონებაჲა და ზოგი ფიქრ-ოცნებაჲა აღადგინა რაინდობის თვალთა წინაშე სისხლით მორიალებული სცენები: ჰხედავდნენ თვალ-წინ თხრილებსაც, რომლებსაც გარს შემოჰრტყმოდა ზღვა შტრისა, საშინელ იერიშებსაც, ესმოდათ ჩოჩქოლი და ყიჟინიცა, ღრიალიცა, ზარბაზნებისა და თოფების კახა-ჭუხიცა და ხათქა-ხუთქიც, ჰხედავდნენ თავადაც ვერცხლის ჩაჩქნითა თვით თხრილებზედა, იმ წითლად შეღებილ ლამეებს, როცა სიკვდილი, ვითა წყეული და შავ-უკუღმა ფრთოსანი დასტრიალებდა თავს თხრილებსა... პან პოდბიჰენტას გასვლას, მერე სქშეტუსკისას... და ყველანი ისმენდნენ სულ-განაბულნი, ხმა-გაკმენდილნი, ხოლო ჟამითი-ჟამად აღაპყრობდნენ თვალებს ცათა მიმართ, ან არა-და გაიკრავდნენ ხელებს ხმაღზედა, ხოლო პან ზაგლობამ ასე გაათავა:

— ახლა იქ ერთი დიდი სამარეა, ერთი დიდი მატურით ვით ამართული სერია; თუ იმ სერ ქვეშ არა სძევს დიდება რესპუბლიკისა და სიკეთე რაინდობისა, თავადიცა, მეც და ჩვენც ყველანი, რომელთაც თვით ყაზახნი ზბარაჟის ლომებს გვეძახიან, ეგ მხოლოდ მარტოდ-მარტო ამის მოწყალებითა!

და პან ზაგლობამ სქშეტუსკისაკენ გაიწოდა თითი.

— მართალია! — დაიძიხეს ერთ-ხმად მარეკ სობესკიმა და პან ფშიემსკიმ.

— დიდება მაგასა! სახელი და ქება!—გაისმა ასობით ძლიერი ხმა რაინდობისა.—გაუმარჯოს სქშეტუსკის! გაუმარჯოს კნიაჟნას! გაუმარჯოს გმირს!

ყველა იქ დამსწრენი შეიბყრო აღფრთოვანებამ. ზოგნი ღვინისათვის გაიქცნენ, ზოგმა ქულებს დაუწყეს სროლა მალა. ჯარის-კაცი ხმლებზედ იკიდებდნენ ხელს და იდგა ერთი ჟრიაბული.

სქშეტუსკი, ვითა ქეშმარიტი ქრისტეანე რაინდი, იდგა მორჩილებით თავ-დახრილი, ხოლო კნიაჟნა წამოდგა, გადიყარა უკან თმა და წელში გასწორდა. სახე გაუწითლდა, თვალები ცეცხლივით ანთო... ეს რაინდი ხომ იმისი ქმარი იყო, ხოლო დიდება ქმარისა ეფინებოდა ცოლსა, ვითა სხივი მზისა დედა-მიწას

—

ღამე გატყდა, როცა ყველანი წაყვიდ-წამოვიდნენ ორის გზითა. პან ვიტოვსკი, პან ფშიემსკი და სტაროსტა კრასნოსტავისა წაყვიდნენ თავ-თავიანთ რაზმებითა ტაშოროვოსაკენ, ხოლო სქშეტუსკი კნიაჟნითა და ვოლოდიევსკის სადროშოს ჯარითა—ტარნოპოლს. ღამეც ისეთივე კარგი იყო, როგორც დღე. მილიონობით ვარსკვლავთ გადაეჭედათ ცა. ამოვიდა მთვარეცა და გააშუქა მინდორი, მერე გამოჩნდა თეთრი ღრუბლები და მოეფინა ცას. ცა მაშინ ჰგავდა უზარ-მაზარს ტბას, მთვარის ნათელით გაშუქებულსა...

ამისთანავე ღამე იყო, როცა სქშეტუსკი გამოდიოდა ოდესმე ზბარაჟიდან.

ქ ბ ი ლ ო გ ი

გარნა ისტორიული ტრაგედია არ დამთავრდა არც ზბარაჟსა და არც ზბოროვს. პირველი მოქმედებაც კი არ დამთავრდა იქ. ორის წლის შემდეგ, მთლად ყაზახობა კვლავ შეებრძოლა რესპუბლიკას. წამოვიდა ხმელნიცკი, უფრო ძლიერი, ვიდ-

რე ოდესმე იყო, ხოლო მასთან ერთად მოდიოდა ყვენი ყველა ურდოებისა და იგივე სარდალნიც წამოჰყენენ თანა, ვინც იყენენ ზბარაყში: ნაღირი ტუღაი-ბეიცა, ურუმ-თაშაბა, არტიმ-გირეიცა, ნურედინიცა, გალგაცა, ამურატიცა, სუბალაზიცა. წინ მიუძლოდათ წითელი სვეტები ცეცხლ-მოკიდებულ დაბასოფლებიდან აქარდნილი და კენესა ხალხისა; ათასობით მეომარნი მოედვნენ მინდვრებს, გაავსეს ტყე-ღრე, სამხედრო ყიყინი გაისმოდა ნახევარ-მილიონზედ მეტი ხალხის პირიდანა და ქვეყანას ეგონა, რომ ეს არის დადგა დღე რესპუბლიკის აღსასრულისაო.

გარნა რესპუბლიკაც მოეგო გონსა და მიატოვა თვისი გარინდება, გაჩეშება; უარ-ჰყო წინანდელი პოლიტიკა კანცლერისა, სამშვიდობოდ დადებული ხელ-შეკრულობანი, ყოველივე ცხადი შეიქმნა, რომ მხოლოდ ერთს ხმალს შეეძლო ეზრუნა ქვეყნისათვის მშვიდობა, და როცა მეფე ამხედრდა მტრის წინააღმდეგ, მეფეს წაჰყვა სალაშქროდ ასი ათასი ჯარი და თავადაზნაურობა, მრავალნი მსახურნი და ხელზედ-მოსამსახურე პირის-ფარეშნი რომ არ ვიანგარიშოთ.

არ აკლდნენ ისინიც, რომელნიც ამ მოთხრობაში მონაწილეობდნენ. აქ იყო მთავარი ერემია ვისნევეცკი მთელი თვისის დივიზიით, რომელშიაც წინანდელეებრ მსახურებდნენ სქშეტუსკი და ვოლოდიევსკი ნება-ყოფლობით ჯარში ჩაწერილ ზაგლობითურთ; იყვნენ ორივე გეტმანები, პოტოცკი და კალინოვსკი, რომელნიც იმ დროს გამოსყიდულ იქმნენ თათართა ტყვეობიდან. იყო პოლკოვნიკი სტეფანე ჩარნეცკიცა, რომელმაც შემდეგში სძლია შეედების მეფეს კარლოს გუსტავსა, პან ფშიემსკიცა, მთავარი უფროსი თოფჩთა ჯარისა, გენერალი უბალდიცა, პან არციშევსკიცა, პან უფროსი კრანსოსტავისა და ძმა მისი უფროსი იავოროვიც, შემდეგში მეფე იან III, ლიუდვიგ ეეიხერიცა, მოურავი პომორისა, მედროშე კონეცპოლსკიცა, მთავარი დომინიკე ზასლავსკიცა, ეპისკოპებიცა, სახასო დიდებულნიცა, სენატორებიცა, —სრულიად რესპუბლიკა თვისის ბატონ-პატრონით, მეფითა.

ბოლოს ეს რიცხვ-მრავალნი მხედრობანი ეკვეთნენ ერთ-მანეთს ბერესტეჟკის მინდვრებზე და აი სწორედ იქ გაიმართა ერთი უდიდესი ომი მთლად მსოფლიოს ისტორიის ომთა შორის.

გასტანა ამ ომმა სამს დღესა. პირველ ორ დღეს იზარჯებდა ხან ერთი მოპირის-პირე, ხან მეორე, მესამე დღეს უკანასკნელს ომზე მიდგა საქმე და ამ ომს უნდა გადაეწყვიტნა ბედი მებრძოლთა. ეს ომი დაიწყო თავადმა იერემიამ.

ყველანი ჰხედავდნენ, რომ თავადი ჰმოთავობდა მარცხენა ფრთედსა, იყო უჩაჩქონდ, თავ-შიშველი და, როგორც გრიგალი, ისე ეკვეთებოდა ხოლმე აუარებელს ჯარებს, რომელ-შიც ერივნენ ყველა სახასო ყაზახნი, ყველა თათარნი ყირიმისა, ნოლაისა, პიკერმანისა, ოსმალნი სილისტრიისა და რუმელიისა, იანიჩარნი, სერბნი, ვლახელნი და სხვა განადირებულ-გაველურებულნი მხედარნი, შემოკრებილნი ურალიდან და კასპიის ზღვიდან დაწყებული დუნაიამდე.

და ვითა ხელი ჰქრება აბობოქრებულ ზღვის ზვირთებში, ისე გაჰქრნენ და ჩაიმაღნენ თავადის რაზმნი ამ მტერთა ზღვაშია. მხოლოდ მტვერი აეარდა მანდორს და გადაეფარა მებრძოლთა.

ამ საშინელს უმაგალითო ომს უმზერდა მთლად ჯარი და მეფე, ხოლო კანცლერის თანაშემწემ ლიეშჩინსკიმ აღმართა ძელი ქეშმარიტი და ჯვარი გადასწერა სიცოცხლის გამწირველთა.

ხოლო ამ დროს ჯარი მეფისა მეორე მხრიდან უპირებდა შემოვლას მთლად ყაზახთა ბანაკსა, ორასი ათას კაცსა, უშველებელის თოფითა ჯართა, რომელიც ზღაპრულის გველივით ნელ-ნელა მოფორთხავდა ტყიდანა.

ხოლო ვიდრე ის უზარ-მაზარი ჯარი-ჯარამათი გამოვიდოდა მტერის ბურუსიდან, რომელშიაც ჩაიმაღნენ რაზმნი ვისნეცკისა, გამოჩნდნენ ჯერ თითო-ოროლა მხედარნი, მერე ათ-ათნი, ას-ასნი, ათას-ათასნი... და ესე ყოველივე მიჰქრო-

და სერისაკენ, საცა იღვა ყენი, გარშემორტყმული თვისის რჩეულის გვარდიითა.

გაველურებულნი ბრბონი ივლტოდნენ შიშით თავ-ზარდაცემულნი უწეს-ურიგოთა, ხოლო პოლონელთა რაზმნი მისდედნენ უკან ყიჟინითა და ცემითა.

ათასობით თათარნი და ყაზახნი უსულოდ ეყარნენ ბრძოლის ველზედა, ხოლო მათ შორის ეგდო ორად გაპობილი მახვილითა საშინელი მტერი ლიახებისა, ერთგული მოკავშირე ყაზახთა, გულადი და შეუპოვარი ტულაი-ბეი.

საშინელი თავადი გამარჯვებული იყო.

მეფემ შეპნიშნა მხედართ-მთავრის თვალითა, რომ თავადი გამარჯვებულიაო და ბრძანა შემუსრეა ურდოსი უწინარეს იმისა, ვიირე ლტოლვილთ ყაზახნი შეუერთდებოდნენ ყენს.

თათრებს ეკვეთა მთლად ჯარი, ტუჩნი მთლად ზარბაზანთა მიმართულ იქმნა მათყენა და გაავრცელა სიკვდილი, დაჰბადა მათ შორის არეულობა. ძმა ყენისა, ამურატი, ძირს დაეცა, ტყვიით სასიკვდილოდ დაჭრილი გულში. ურდოს აღმოხდა გულიდან საშინელი ხმა. თავ-ზარდაცემულმა და ბრძოლის დაწყების უმაღვე დაჭრილმა ყენმა გადაჰხედა ველსა ბრძოლისასა. შორიდან, კვამლსა და ცეცხლ შორის, მოდიოდა პან ფშიემსკი და თვით მეფე რეიტურებითურთ, ხოლო აქეთ-იქით გვერდზედ დედა-მიწა დგანდგარებდა საომრად გამოქანებულის ცხენოსანთა ჯარის სიმძიმითა.

მაშინ შედრკა და აკანკალდა ისლამ-გირეი, ველარ გამავრდა ბრძოლის ველზედა და ივლტოდა, ხოლო მას მიჰყვნენ უწესოდ ყველა ურდონი, ვლახელნიც, ცხენოსანი ქორომელნიცა, სილიტრიელნი ოსმალნიცა; ივლტოდნენ ყველა ესენიცა ისეთის სისწრაფით, როგორც ღრუბელნი, რომელთაც ქარი მიაქანებს.

ლტოლვილთ დაეწია სასოწარკვეთილებაში ჩავარდნილი ხმელნიცკი, უნდა შეჰხვეწნოდა ყენს, რომ დაბრუნებულიყო საომრად, მაგრამ ყენმა დაინახა თუ არა, განრისხდა, დაწყო

ღრიალი და უბრძანა თათრებს შეეპყრათ და მიეკრათ ცხენზედ. ასე შეკრული ხმელნიცკიც თან თან გაიტაცა ყვენმა.

ახლა დარჩა მხოლოდ ერთი ბანაკი ყაზახთა.

ბანაკის უფროსმა, კრაპივენის პოლკოვნიკმა ძეძალამ, არ იცოდა, რა დაემართა ხმელნიცკის, მაგრამ რაკი დაინახა დამარცხება და უსირცხვილო ლტოლვა ყველა ურდოებისა, დაიწია უკან თვისის ჯარითა და გამაგრდა პლემოვის ქაობებში.

ცაც განრისხდა და დაიწყო რუხრუხი; წამოვიდა ღვარნაში. „ღმერთმა განბანა დედა-მიწა სამართლიანის ბრძოლის შემდეგ“.

რამდენსამე დღეს გადუღებლივ მოდიოდა წვიმა კოკის-პირულად; რამდენსამე დღეს შეისვენეს მეფის ჯარებმაცა, დაღლილ-დაქანცულებმა წინა ომებითა, ხოლო ყაზახთა ჯარები გარშემო თხრილებს იღებდნენ და მაგრდებოდნენ შიგა.

გამოიღარა თუ არა და დაღვა კარგი ამინდები, დაიწყო მეფის ჯარმა ალყის შემორტყმა ყაზახთა. ამისთანა ალყის შემორტყმა იშვიათად ახსოვს ისტორიას.

ასი ათასი ჯარი მეფისა გარს შემოერტყა ძეძალას ორასი-ათას მხედრობას.

მეფეს ცოტა ჰქონდა ზარბაზნები, აკლდა სურსათი, იარაღი ხოლო ძეძალას დიდ-ძალი თოფის-წამალი ჰქონდა ნაზრუნი, აგრედევ ნუზლ-სურსათი და ამას გარდა კიდევ სამოც-დაათი დიდი და პატარა ზარბაზანი ჰქონდა ხელში. გარნა სამეფო გარს წინამძღოლობდა თვით მეფე, ხოლო ყაზახთ იქ არა ჰყავდათ ხმელნიცკი.

მეფის ჯარნი აღფრთოვანებულნი იყვნენ ძლევა-მოსილებით, ყაზახნი კი ექვობდნენ და თავიანთ ძალ-ღონისა ეფიქრებოდათ.

გავიდა რამდენიმე დღე; იმედი ხმელნიცკისა და ხანის დაბრუნებისა განჰქრა.

მაშინ დაიწყო მოლაპარაკება ზავის ჩამოსაგდებად.

ძეძალა უფრო მშვიდობის ჩამოგდების მომხრე იყო და უნდოდა მსხვერპლად გაეწირა თავი, ოღონდ კი დაეხსნა ჯარი და ხალხი.

ხოლო ყაზახთა ბანაკში გაჩნდა უთანხმოება. ზოგს უნდოდა, მშვიდობა ჩამოეარდნილიყო, ზოგი რჩეობდა მტრის მოგერებას, თუნდა სულ ამოწყვეტაც გვეწეროსო, ყველანი კი სათითაოდ იმის ფიქრში იყვნენ, რა ღონე ვიღონოთ, რომ აქედან გავიდეთ და საფრხეს გადავრჩეთო. ხოლო თვით გულადს ყაზახს ეს შეუძლებელ საქმედ მიაჩნდა. ბანაკი გარეშემორტყმული იყო მდინარის ტოტებითა და უზარმაზრის ქაობებითა. მოგერება მტრისა ადვილად შეიძლებოდა ამისთანა ბანაკში, თუნდა მთელის წლობით ყოფილიყო გარ-შემოდგომილი მტერი, ხოლო გასაქცევად ერთად-ერთი გზა იყო—გარღვევა მეთვის ჯარებისა.

ამ გზით თავის დაღწევას არავენა ჰფიქრობდა ყაზახთა ბანაკში.

მოლაპარაკება, რომელსაც ომი და ბრძოლა შესწყვეტდა ხოლმე, უგულოდ მიდიოდა წინა; ჩხუბი და უთანხმოება ყაზახთა შორის უფრო გახშირდა. ერთი ამისთანა ჩხუბის შემდეგ ძეძალა უარ-ყოფილ იქმნა და მის მაგიერ ყაზახთ ახალი მხედართ-მთავარი აირჩიეს.

ახლის სარდლის სახელმა ახალი სიმამაცე ჩაჰბერა ყაზახთა, სამეფო ბანაკშიაც ძალუმაღ განიხაურა და რამდენისამე რაინდის ხსოვნაში გააღვიძა წაშლილი და დავიწყებული მოგონებანი უკვე განვლილის მწუხარებისა და უბედურებისა.

ახალს სარდალს ბოგუნი ერქვა.

ბოგუნს ჯერ წინადაც დიდი ადგილი ექირა ყაზახთა შორის ბრძოლასა და თათბირობის დროს. საყოველთაო აზრი იყო, რომ ამან უნდა დაიჭიროს შემდეგ ადგილი ხმელნიცკისაო.

ბოგუნი პირველი მოვიდა ყაზახთა სხვა პოლკოვნიკებ შორის ბერესტეჩეკს თათრებითურთ ორმოცდა ათი ათასის კაცის მოთავედა. მონაწილეობა მიიღო ცხენოსან ჯართა სამი დღის ომში და, დამარცხებულმა ყვენთან ერთად თავადის ერემიას მიერ, მოახერხა როგორღაც გადაერჩინა უმეტესი ნაწილი თვისის მხედრობისა და თავი ამოჰყარ პლეშოვის ბანაკში. ახლა,

ძეძულას შემდეგ, შეურიგებელთა და ომის მოსურნეთა დასმა იმას მიანდო უმათავრესი წინამძღოლობა ჯარისა იმ იმედით, რომ მარტო ეგ შესძლებს მთლად ბანაკის დაცვას და ჯარის გადარჩენასაო.

მართლაც, ახალგაზდა სარდალს გაგონებაც-კი არ უნდოდა იმისი, რომ ზავი ჩამოვარდესო; იმას ბრძოლა და სისხლისღვრა სწყუროდა, თუნდა თვითონაც ამ სისხლის მორევში დახრჩობა ჰქონოდა უბღოზე დაწერილი.

მაგრამ მალე დარწმუნდა, რომ ამ ჩემის ჯარებით ვერ გადავლახავ მეფის ჯარს, ვერ გადავივლი მათს გვამებზედა და სხვა ღონისძიებას მოჰკიდა ხელი.

ისტორიამ დაიცვა ხსოვნა ამ ბუმბერაზის კაცის უმაგალითო მეცადინეობისა ჯარისა და მღაბიო ხალხის გადასარჩენად.

ბოგუნმა გადასწყვიტა გაეარნა პლეშოვის უძირო ქაობნი, ანუ უკედ ესთქვათ, მოიფიქრა ამ ქაობებზედ ისეთის ხიდის გაღება, რომელზედაც შესძლებოდათ გავლა ყველა ალყა-შემორტყმულთა.

და აი დაუწყეს ჩება უზარ-მაზარს ტყეს და ყრა ხეებს ქაობში, შიგვე ჰყრიდნენ ურმებს, კარვებს, ტყავებს და რაც-კი რამ ხაფანგარა ჰქონდათ და ხიდიც დღითი-დღე მიტულობდა სიგრძესა.

კაცს ეგონებოდა, რომ წინამძღოლისათვის შეუძლებელი აღარა არსებობს-რა დედა-მიწის ზურგზედაო.

მეფე აგვიანებდა იერიშის მიტანას, რადგან არ უნდოდა სისხლის-ღვრა, მაგრამ, რაკი დაინახა ის უზარ-მაზარი ნამუშავარი და დაუცხრომელი მუშაობა ყაზახთა, დარწმუნდა, რომ სხვა გზა აღარ არისო და უბრძანა ჯარს, მოემზადეთ, საქმე უნდა ამა-და-ამ დღეს გათავდესო.

ის დღე იყო ორშაბათი დღე, შვიდი ივნისი 1651 წლისა. დილა იმ დღეს კარგი იყო, გაფითრებული მზე თითქო რაღასაც შეუშინებიაო, წითლად ამოვიდა და სისხლის ფერი ნათელი მოჰფინა წყალსა და ტყეებს.

პოლონელთა ბანაკიდან ცხენებს მოერეკებოდნენ საძოვ-
რად. ყაზახთა მანაკში ხმაურობა და ქრიამული იდგა ხალხისა.
ყველგან ცეცხლი ენთო, სადილი მზადდებოდა საუზმედა. ყვე-
ლანი ჰხედავდნენ, რომ ბოგუნი დადიოდა ცხენით, აფალიე-
რებდა ბანაკს, ჰხედავდნენ მის ამალას, რომელსაც მისდევდა
უკან ცხენოსანი ჯარი; ამ ჯარით უნდოდა ბოგუნს შეემუსრა
მოურავი ბრაცლავისა, რომელიც ყაზახთა ბანაკს უკან იდგა
და ყუმბარებით აქცევდა და ჰფუტქნიდა ყაზახთა ნამუშავეარს.

მლაბიონი გულ-დამშვიდებით შეჰყურებდნენ ამ ბანაკის
მოხილვას, გულში კიდევაც იმედი ებადებოდათ. ათასობით
თვალი აცილებდნენ ახალგაზდა მხედარს, ათასობით პირნი
მისძახოდნენ უკან:

— დაგლოცოს და გაკურთხოს ღმერთმა, ჩვენო მწყაზარო
მიმინო! -

მხედართ-მთავარი, ამალა და ცხენოსანი ჯარი თან-და-თან
განშორდნენ ბანაკს, მივიდნენ ტყის პირამდე, ერთხელ კიდევ
გამოჩნდნენ დილის მზის სხივებ შორის და შესდგნენ ხილ-
ბოგირზედა.

და აი ამ დროს მთლად ბანაკს მოედო რაღაც საშინელი
არც თუ ყვირილი და არც ღმუილი:

— ხალხო, თავს უშველეთ!

— უფროსი მორბის!—დაიღრიალა რამდენმამე ხმამ.

— უფროსი მორბის!—განიმეორა ასმა და ათასმა ერთად.

ბრბომ გაიხმაურა ნამდვის ტყის ტევრივითა, როცა ამ
ტყეს დაჰბერავს გრივალი და საშინელი არა-აღამიანური ყვი-
რილი აღმოხდა გულიდან ორასი ათასს კაცს; „თავს უშველეთ!
თავს უშველეთ! ლიხანი მოდიან! უფროსი მორბისო!“ ჩამო-
ვარდა საშინელი უწყსოება. ერთს წუთში ფეხ-ქვეშ იქმნა
გათელილი ცეცხლები, ურმები და კარვები მიმსხვრეული—
მოფუტქნული, მერე წაქცეული. საშინელმა შიშის ზარმა მოიცვა
ყველანი. მკვდართა გორები დადგა და გზა გადილობა, ხოლო
ბრბო ზედ ამ მკვდართა მობობლაედა და იყო ერთი ყვირილი,
კვნესა და გმინვა. ცოცხალნი ხილი-ბოგირისკენ მიისწრაფო-

დნენ. ვინც გადაცვივდა ხილიდან ცივს ქაობში, რომელიც ხაეს მოკიდებული იყო, იხეწებოდნენ შეგვიწყალეთო და იხრჩობოდნენ უმწეოდ. ბოგირ-ჯებირზედ გაცხარდა ბრძოლა ადგილებსათვის. პლეშოვის ქაობნი გაივსო მკვდართა გვამებითა. ისტორიული ნემეზიდა ჯავრსა ჰყრილობდა და შურსა ძიობდა საშინელის ულმობელობით პილავეცისათვის ბერესტეჩკის შემწეობითა.

ყვირილი და ღრიალი თავ-ზარ-დაცემულთა შეესმა ახალგაზდა სარდალსა. მაშინადვე მიხვდა, როგორც იყო საქვე. მაგრამ ამაოდ მოტრიალდა მაშინვე ბანაკად, ამაოდ გამოეკანა მოზღვავებულ ბრბოსაკენ მალლა ხელ-აპყრობილი. მისი ხმა ათას სხვა ხმაში იკარგებოდა, საშინელმა მდინარებამ ლტოლვილთა ისიც გაიტაცა ცხენიანად, ამალიანათა და ცხენოსან ჯარიანად და მიჰყავდა დასაღუჰად.

სახასო ჯარნი გაოცებულნი შესცქეროდნენ ამ მოძრაობას და ვაი-ვაგლახსა და არ იცოდნენ, რა ეფიქრათ. მაგრამ იმათი გაოცება მალე განჰქრა და ყველა სადროშოს ჯარნი გაემართნენ მტრის წინაღმდეგ ისე, რომ უფროსთა ბრძანებას აღარც კი დაუწყეს ლოდინი.

და დადგა დღე რისხვისა, სამაგიეროს გადახდისა და განკითხვისა. ვინც ვერ წაახრჩეს, ვინც არ დაიხრჩო, ის მახვილს ქვეშა ჰლევდა სულსა. მდინარენი წითლად შეიღებნენ სისხლითა. უგუნური ბრბო უფრო მეტი განწირულებით ეტანებოდა, სჯგვლემდა ერთმანერთს და სცვიოდა წყალში... სიკვდილმა ბინა დასდო იმ საშინელ ტყეებში და მით უფრო მეტს საშინელებით მეფობდა, რაც უფრო განწირულებით იბრძოდნენ ზოგიერთნი რაზმნი ყაზახთა. ბრაცლოველმა მოურავემა შეჰქრა გზა, საითკენაც შეიძლებოდა კიდევ გაქცევა. ამაოდ იკავებდა მეფე ჯარის-კაცთა. შეწყალება განჰქრა და ჩეხა-ქლეტა, რომლის საშინელება ისეთი იყო, რომ მოხუც და ომში დაბერებულებსაც კი თმა ყალბზედ დაუდგათ, დიდხანს არ შეწყვეტილა.

ბოლოს, როცა დადამდა და სიბნელემ მოიცვა არე-მარე, თვით გამარჯვებულნი გაოცდნენ, ეს რა საშინელი საქმე მოგვიქმედნიაო, აღარა ჰგალობდნენ Te Deum-სა და არა ცრემლნი სიხარულისა, არამედ ცრემლნი სიბრალულისა სცივოდა მეფეს თვალთაგან.

ასე ჩაიარა იმ დრამის პირველმა მოქმედებამ, რომლის ავტორიც იყო ხმელნიცკი.

ხოლო ბოგუნი არ მოკვდა სხვებთან ერთად იმ საშინელს დღეს. ზოგნი ამბობდნენ, რომ, რაკი შეატყო, ეს არის დაემარცხდითო, გაიქცა და თავს უშველაო, ხოლო ზოგნი ამტკიცებდნენ, რომ ბოგუნი გადაარჩინა სიკვდილს ერთმა მისმა ნაცნობმა რაინდმაო. მართალი ვერავინ გაიგო მართალია; მხოლოდ ის, რომ მისი სახელი გამოჩნდა კიდევ რამდენჯერმე ყაზახთა შემდეგს ომებში, თავადის ვიშნევეცკის სიკვდილს შემდეგ, რომელიც გასტეხა და მოჰხედა სამხედრო ჯაფამა და ღვაწლმა და როცა ლუბნის სახელმწიფო ჩამოეცალა რესპუბლიკას, ბოგუნმა დაიპყრო უმეტესი ნაწილი ამ სახელმწიფოსი.

ამბობდნენ, რომ ბოლოს თვით ხმელნიცკისაც აღარ ემორჩილებოდაო. თვით ხმელნიცკი, დამარცხებული, სხვის შემწეობას ეძებდა, ხოლო გულ-ზეავი ბოგუნი უარყოფდა ყოველგვარ მზრუნველობას და სახელით იცავდა თავის ყაზახურს თავისუფლებასაო.

ამბობდნენ აგრედვე, რომ ღიმილი არასოდეს არ ასთამაშებია ტუჩებზედ იმ საკვირველს კაცსაო. სცხოვრობდა თურმე ბოგუნი არა ლუბნაში, არამედ ერთს პატარა სოფელში, რომელიც განადგურებულ-გადამწვარი იყო და რომელიც მან აღადგინა ნანგრევთ შორისაო. ამ სოფელს რაზლოგს ეძახდაო და იქვე დაჰლია მან სულიო.

ძმა-ძმის მკვლელობის ომმა და შინაურმა შფოთმა იმაზედ მეტს ხანს გასტანა და ბოგუნს შემდეგაც დიდ ხანს არ შეწყვეტილა. მერე გაჩნდა ჭირი და ქვეყანას შემოესიენენ შვეტები. თათრები ხომ თითქმის ფეხ-მოუტყველად ისხდნენ უკრაინაში

და აუარებელს ხალხს მიერეკებოდნენ ტყვედ სათათრეთში. —
დაცარიელდა რესპუბლიკა, დაცარიელდა უკრაინა. მგლები ღმუ-
ვოდნენ ქალაქების ნანგრევთა შორის და ოდესმე აღყვავებული
ქვეყანა უდაბნოდ გადაიქცა. მძულვარებამ დაისადგურა კაცთა
გულში და მოსწამლა ძმათა სისხლი.

